




四庫全書存目叢書編纂委員會編

齊魯書社

# 四庫全書存目叢書

集部  
第二六七冊





責任編輯：孫言誠 賀 偉

ISBN 7-5333-0615-5



EB54/05

# 四庫全書存目叢書·集部二六七

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 51.5 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

# 集部第二六七冊目次

## 集部·別集類

集虛堂小草一卷餘草一卷

〔清〕郭雍撰  
福建省圖書館藏清康熙刻乾隆四年續刻本

瓦缶集十二卷

〔清〕李宗渭撰  
南京圖書館藏清乾隆十六年刻本

空明子詩集十卷文集二卷雜錄一卷詩集又八卷文集又六卷詩餘二卷

〔清〕張榮撰  
華東師範大學圖書館藏清康熙刻空明子全集本

挹青軒稿三卷

〔清〕華浣芳撰  
華東師範大學圖書館藏清康熙刻空明子全集附刻本

玉几山房吟卷三卷

〔清〕陳撰撰  
南京圖書館藏清康熙刻本

雲溪文集五卷

〔清〕儲掌文撰  
清華大學圖書館藏清乾隆三十六年在陸草堂刻本

據梧詩集十五卷都門贈行詩一卷萬里小遊僊集一卷

〔清〕管樞撰  
吉林大學圖書館藏清康熙刻本

一七五

四一

四四一

四五九

四八三

六六八

集虛堂小草一卷餘草一卷

〔清〕郭雍撰

福建省圖書館藏清康熙刻乾隆四年續刻  
本

附《四庫全書總目·約園詩鈔

二卷》提要

集虛堂詩序  
詩之為義主於溫厚和平用意深遠  
人能知之然稱此以求即古今人恒不  
相及者非其世使然其性情學識有  
不可同日語者矣是故深於詩者不敢  
易言詩若乃未窺一斑便云已足別立門  
戶剽竊聲響言之累累其於詩之本  
義何取乎吾友郭子書禪於學無所  
不究其以詩不啻披筋抉髓三十年  
來治其性情養其才識每一苦吟已  
与古人後先呼吸今彙所為詩而語我  
曰吾前後所作約略可存者律詩若干  
首絕句若干古風歌行僅留一二而  
樂府絕句可存當更俟十餘年後別有  
所覩乃敢議及嗟乎若郭子者可謂深  
於詩也已吾知其有不言之則必形於





妃


曉晴望秋野	上巳集王臥三前輩水亭得無字	寄吊故相國黃石齋先生及石秋子	效唐士人從軍	效唐塞下作	拂蛛網	宿掃星亭聞雨	古井	題行乞圖	送人之吳川回呈何玉峯明府	懶性	送黃莘田之長洲省舅	送楊一明憲	題謝壘山先生貢卜處	衛青	霍去病	二	李陸	袁李楚玉	秋夜聞蟋蟀	此恨	送李潛芳前輩	不寐	秋夜有懷	燕早至	望福廬	題春樓鳴燕圖	放雞山寺	蟬	落花	古木	萍	秋草
-------	---------------	----------------	--------	-------	-----	--------	----	------	--------------	----	-----------	-------	-----------	----	-----	---	----	------	-------	----	--------	----	------	-----	-----	--------	------	---	----	----	---	----

曉閉燕至	病菊	檢書得枯蝶	破帽五破之一	看劍	把酒對雨後木芙蓉	題老子出關圖	活經蜂	咏老將贈林莘夫	月下贈知者	有送	沒冢即席限七言古	哭新安汪夫子于道山書院	春情集唐	王友竹移居	中秋送人遊青芝	三	庚子夏五月十有六日淫雨水入學堂	十八日大水紀災也	題陳柯亭高梧琴鶴圖	元日樓頭	茶蘼	少婦春閨曉	雨後憶縣亭故里	書懷答張雪樵太史	初春榕庵庵識集感念舊遊	雅集荔水庄夜雨	謁古靈先生祠	哀貧者	喜雨	辛丑夏五月登警	六月登冠平二首	送克舉別廣文之龍溪
------	----	-------	--------	----	----------	--------	-----	---------	-------	----	----------	-------------	------	-------	---------	---	-----------------	----------	-----------	------	----	-------	---------	----------	-------------	---------	--------	-----	----	---------	---------	-----------

初春惜餘軒雅集  
青歸柳葉新

蕪園先生書法規摹鍾王此集為其手  
書筆甚適勁可寶福是藝文志以約園  
詩飲反其虛堂餘多未反此集豈未  
之見耶已卯冬日購于后街聚友堂  
李年得書十二珍本此其一也白陽識

沈初年見此集甚喜余全蒙存  
有一本因以贈之庚辰冬月識



集虛堂小草

縣亭郭雍自訂并書

循新圖

小園不挿籬疎莖六盈枝秋氣豈未至清香猶  
自持浮榮喪我貴韞秀無先時傳語朝華質中  
心慎所之

偕四弟歸縣亭道中作

家山還剩舊漁磯仲氏相從片櫂歸一望海天

雲漢已百年壑墓思依依殘村日落寒蟬急荒  
壠人行野雉飛山前昔曾更冠盜幾株官榷得  
成園情趣遠矣

縣亭夜別四弟

偶值征徭緩寒更得掩扉風高村確疾火簇夜  
漁歸骨肉相看少祠壑幾歲違明朝江畔淚先  
紅短鑑揮

讀江上吟



何年不春風何處無春草春草非去年春風吹  
又悲如江上吟點心傷曲拙

讀史雜咏四首

腐儒扶兩認金匱秦帝焚阮計豈難何事六經  
焚不得得熱原是可笑書

倭幸一經還史筆漢文終愧古王風露臺且惜  
中人產作底銅山賜鄧通

二

能禮士長孺終不識公孫

我愛沈冥阮嗣宗伴狂羞與濁流同途窮以解  
車哭不信終南有徑通

病少間四弟自絲亭來視歸回寄諸兄弟

弱弟今方見經時淚掩頻魂來應獨汝影中更

誰人多負看花眼虛留倚杖身悲酸還慰藉親

驛又禁春

汝歸整舊第吾驢近飄蕭哀矣何難老還芳不

易接桑苗披廣陌魚蛤集春潮行坐家山思蒼  
茫骨如遙

夏讌集山房

灌木團青蓋圓荷瀉綠尊陶然皆已醉醒後不  
聞喧蟬歇山逾靜鴉歸木乍昏依遲出蘿徑纖  
月半紫門

過石林有感

三年不厭食無魚瀟洒名園賦子虛一自衣塵

三

梁京洛空林長借白雲居

送李二之西安遂赴蜀幕

春色大江頭離人上酒樓遠乘芳草去幾日濁  
河流天入函關迴雲深棧道浮遙知趨府後松  
桂露華秋

雨後對月懷故人

獨坐攬江月雨餘林館清平池虛送影涼葉澹  
無聲寂莫起愁思關河多友生無日照携手空

復露華明

咏貧女 喻介士也

弱柳低煙倚素幃。十年幽處澹春暉。生憎善舞  
偷長袖。不厭清門授繡衣。芳澤繁懷憐雜佩。餘  
明在壁理寒機。東鄰草色知何限。日日牆頭見  
蝶飛。

送王九思前輩

紅亭日落動勞歌。歸去其如白髮何。獨有柴門

四

向江水。一簾烟雨臥寒蓑。

九日于山有感

聊復登高去。仙臺一放歌。夕煙天外澹。疏雨鳥  
邊多。秋色老如此。流年傷若何。蓬山不可接。江  
月落松蘿。

送林莘夫

桑葉陰。梅子稀。孤山歸去鶴先飛。柴門臨陌  
新秧長。竹筏浮溪素鯉肥。兄弟農黠應自好。閑

聞風俗豈全非。因君却起家園思。海上春苔滿  
釣磯。

荊軻所待客

田光一劍。腹中荆卿死無時。意氣輕人命。虎狼安  
避之。匕首已試血。留待生猜疑。平生共歌哭。狗  
屠與漸離。此客信為誰。亡名不可知。鄙哉秦武  
子。震懼如嬰兒。祖龍斷袖起。劍術使人嗤。暴秦  
天所授。客也亦奚為。掩卷再三歎。孤燈風雨悲。

五

燕丹縱弗惜。何以謝於期。

坐月懷李二

何事一輪月。年年明。秋清輝從永。夕寮落別  
深愁。露析寒偏急。風螢點更深。天涯同倚檻。思  
斷隴山樓。

何氏園林三首

飛將老投戈。芳園推綺羅。歲疑銀鎖合。臺過雪  
兒歌。客散高門暮。花愁野鳥過。蕭條空大樹。煙

雨夢藤蘿

光祿舊吟臺

石上有光祿吟臺四篆字宋程公師孟書烟消鳥跡開

浩歌思天末急雨自東來

是日風雨至楊柳千絲斷

葡萄半架摧風流捲塵蹟

勿抱昔人哀

嘆息曾經地依稀薜荔門

荒榛埋虎豹殘樹走雞豚

倚檻層雲幻吟詩野日昏

孤情誰可問空倒綠荷尊

六

焉

羅浮形蛇漆園魂醞釀天葩采藻紛

錦水眉峰開遠黛湘江佩影曳朝雲

香銷忽悵春風曉羽化誰知靜夜分

莫笑鯢鵬情過切浮生無着處如君

閉門

不來心上事草綠閉門餘夢掃無塵地

忽明未了盡新蔬迎雨健弱翅御風徐

非誦子虛

元日避俗荷亭因過開化寺

暫得此身閒湖春理釣竿

艸迴平野色水剩半篙寒

古木空蕭寺清鐘對懶殘

勞塵那可道深覺買山難

遙和諸子宿北阡草廬

不緣茲地幽春夜肯為停

七

細草香迎露高林遠帶星

鳥鳴千嶂白簾定一鐙青

更愛松風吼餘猿鶴聽

熟食日示宗父宗武

擬杜熟食吾長客他年汝到家

殘陽過老眼氣耳腐

悲筋綠迴青門柳紅迷杜曲花

蒼茫遠寄淚境樹北邙鴉

何一會者竟死矣哭之

嘆息微軀在頻年哭友生

煙雲祗一瞬天地信何情

窮入身前骨父空死後名

殘琴彈不得鳴



咽夜泉聲

病中寄張一

宵雨連高枕。春風獨閉門。故人誰饋藥。目斷幾黃昏。

一榻

一榻林園曉。閒庭春氣深。幾看青草變長。此白雲心靜。鳥窺琴思和。風散酒襟芳華猶未歇。嘉樹已成陰。

送舅氏之乍浦

蕭々風葉聲。惻々渭陽情。求食海天遠。孤舟霜露清。崎嶇看世路。辛苦是平生。去矣復何道。江頭潮正平。

讀秋夜吟

蟋蟀吟不斷。空庭秋寂寥。天隅有孤客。鄉淚盡寒宵。煙草西江路。風花南浦橋。誰憐不得見。日暮鬢蕭蕭。

寄吊 故相國黃石齋先生及石秋子 石

秋子姓洪名思相國弟子也

丹霞奇勝地。名輩總風流。辛苦黃丞相。平生漢武侯。馳驅終宇宙。魂魄薄林丘。千古岳岳淚蕭蕭。老石秋。

效唐士人從軍

北闕書空上。歸來日又昏。平生何所恨。貧賤未酬恩。感激辭金馬。馳驅指玉門。三年持節還。應

識舊王孫

效唐塞下作

遙語春閨婦。迎秋罷剪刀。賢王移大漠。遊騎逼臨洮。草死燕支冷。天懸太白高。得歸須馬革。那復問征袍。

拂蛛經

萬縷縱橫簷外成。粘蜂礙蝶小蟲情。腹中不惜車輪轉。觸處真同荊棘生。自是塵機多罣絆。若

為天地得遊行。一竿嫋嫋柔絲斷。遠色高窓覺

倍明。

宿摘星亭聞雨

春山一醉夜淡醒。江雨風吹落野亭。不識意前  
遠。峰色朝來添得幾分青。

古井

碧井山庭古。秋欄木下多。蟬空朝不食。蟲思夜  
如何。靜影涵星月。低煙掩薜蘿。美人新用汲。百

丈起微波。

題行乞圖

草衣箬笠壓寒肩。數尺枯藤挂曉烟。自是前林  
麋鹿侶。憑誰乞得買山錢。

送人之吳川因呈何玉峯明府

吳川賢尹蜀文翁。政簡心閒今古同。臥閣花深  
搜本草。彈琴月上想冥鴻。鯢鱗出沒寒溪雨。孔  
雀踟躕野樹風。正是尉佗椎結地。瘴烟無恙海

門空。

懶性

幽齋堪偃仰。懶性近風騷。竹正迎窓淨。蕉能拔  
地高。春詞思楊柳。餘興問葡萄。好是潛夫事。翻  
疑著論勞。

送黃莘田之長洲省舅許真意先生

君乘芳草去。幾日到長洲。野岸鳴寒雨。高灘急  
水流。雅懷真似舅。春興好登樓。花柳遙相待。風

士

烟滿席丘

送楊一明憲

五載長相憶。初逢又送行。一官聊氣象。孤節各  
平生。海氣衫裳潤。梅風硯几清。相看俱白首。莫  
惜嶺鴻輕。

題謝疊山先生賣卜處

一紙孤縑却聘書。腥膻不染蕨薇餘。更無人灑  
靈均淚。較向先生問卜居。

○明妃

望月何須淚似泉○唐人有月一回悲語長門猶自鎖  
嬋娟○白頭得共單于老○漢月爭如塞月圓

○晚思

晚樹靜含烟○吟餘思邈然○凝塵○貧士榻○飛雪○孝  
廉船○有道寧長棄○非才且少金○所嗟無逸婦○頻  
負故山田

曉晴望秋野

十一

野色橫秋迥○墟烟向曉銷○高懷看宇宙○爽氣肅  
雲霄○鷺點平曠白○村迷亂木遙○何當問叢桂○真  
欲老漁樵

上已集王臥三前輩水亭得無

碧池春靜泛菰蒲○堞影峰陰乍有無○一徑晴花  
明上巳○數竿脩竹傍潛夫○家憐倚扇迎蝴蝶○莫  
惜臨風唱鷓鴣○爭那酒懷寥落甚○隔籬空對水  
雲孤○余時以病心酒

衛青

募卒三河盡○從軍五道悲○草沉天馬骨○車罷漢  
臣脂○責薄摧飛將○通侯到小兒○君王方好戰○正  
是奉恩時

霍去病

嫖姚矜意氣○年少遂成功○拔幟天驕幕○飛書漢  
主宮○羆駝躡積雪○驚折裂悲風○主將方談笑○貂  
裘踞胸中

十三

李陵

厥祖銜長恨○嗟君更數奇○武皇知失援○絕塞竟  
興尸○萬矢龍庭盡○千秋蠶室悲○空餘推結淚○一  
對漢雲垂

懷李楚玉

蜀門客倦返沙棠○江漢風高典鵲翔○雲滯巫山  
襄宋玉○浪驚赤壁想周郎○征塵幾歲侵蓬鬢○落  
月千迴照屋梁○惆悵西湖釣竿處○草青沙白暖



流長。

秋夜聞蟋蟀

木落鴈橫天。幽窓人未眠。素琴方獨撫。促織故  
遙傳。露重哀音切。風高急響懸。勿言驚懶婦。愁  
絕歲華遷。

此恨

香徑遙尋薜荔門。暖鶯啼處是名園。翠檐曉霧  
濛濛濕碧砌。春苔淺。痕。錦水有鴛芳艸沒。石

十四

城無槩盡樓昏。從來此恨當清夜。月暗香銷幾  
斷魂。

送季潛芳先輩

郢客迴孤棹。秋亭悵別筵。江涵殘雨氣。風起夕  
陽天。白髮寒蟬外。青袍旅鴈邊。莫言不稱意。夢  
澤有徵田。

不寐

秋來一倍易魂驚。回首蒼茫百感生。愛是山窓

濃雨後。西風通夜打簾聲。

秋夜有懷

庭葉落又落。秋風深更深。新月照簾帷。天末生  
涼陰。彷徨對孤影。往事空盈襟。湘江有美人。遙  
遙同此心。

燕早至

東風吹海燕。清曉到柴扉。已識新泥好。來窺故  
壘歸。春穀生。畫棟高。日照烏。和。且。莫。穿。花。去。林

十五

園開尚稀。

望福廬

何處古招提。前峰隔帝溪。孤雲依洞宿。頑石抱  
烟迷。蒲出寒塘短。茅隈野店低。聞鐘空佇立。歸  
路鷓鴣啼。

題春樓鳴燕圖

霞影拂紅簷。散流花底去。美人樓外春。掩睇情  
誰語。

放雞山寺

貧家字雄雞終歲飽蟲蟻窮冬忽已屆感之將  
之死生滅論靡常惻愴見心理慨然乞其生鳴  
翔縱所底願言托禪寂簷廊杳且以卯胎共大  
道佛日無波此慎哉勿強梁惱氣不可恃霜風  
吹曙鐘汝亦鼓翅起山窻鐘明滅屋入我耳

蟬

不解寒蟬恨秋林千萬聲轉添晴晝靜始覺獨

十六

居情抱葉危多咽因風遠自平勿為甘立槁飛  
露曉桐清

落花

底事春歸去相將花盡飛殘林能幾點芳艸竟  
斜暉掩徑苔空濕登樓客已稀傷心非一事風  
雨重沾衣

右二首擬李義山

古木得灰

何事偏難老全生豈不才孤根分地軸疎蔭滿

蕭索月黑熊羆臥天高風雨來精多自強健不  
用子山哀

萍

無着真憐汝林池是處家殘行迎雨破平綠綴  
風斜息嘆春塘靜魚吹霽波餘何堪同斷梗流  
恨滿天涯

秋草

秋汀望不極衰艸遠煙平幾處天涯淚同含歲

十七

晚情夕陽疎木葉飛燒照江城勿悵芳菲歇春  
風旋欲生

晚閨燕至

殘夢尚依春聲透綺幃幾群逢雁去何處掠  
花歸簾細幽香入簷虛過雨稀窸窣愁見汝莫  
拂冷釵飛

病菊

荒徑露縱橫寒花委落英低垂疑有恨淡寂怡

無生雨壓疎籬夜蟲吟困葉散幽窓欹枕客悵  
絕一含情

檢書得枯蝶

物化傷心地。芸窓靜晚暉。花愁三徑病。魂逐五  
車歸。影滅殘微粉。香銷冷故衣。得遊文冢去。芳  
草幾年違。

破帽五破之一  
同張後查戲咏

布帽三年破。何如管幼安。床頭莫相棄。春髮尚  
大

留寒月倚柴門。杖風吹柳岸。鞦韆斜長不厭真。  
比竹皮冠。

看劍得虞

雄劍精芒動。高堂拂拭初。誰言三尺水。不敵一  
車書。冷入魚腸去。光騰虎氣餘。壯心期死國。慎  
莫與專諸。

把酒對雨後木芙蓉得齊

落盡高林雨。庭階草已萋。秋花殘淚在。凝恨碧

窓西。簾內天高捲。頭應老去低。溪懸對紅粉。徒  
有醉如泥。

題老子騎牛圖得麻

千古猶龍氏。溪藏若井蛙。青牛出函谷。紫氣入  
流沙。養拙知周德。無為小漢家。著書聊復爾。關  
尹莫相誇。

活網蜂

飽掠花房捲翅歸。喧忙不省觸懸機。門非生地  
九

誰教入力盡。中央未破圍。好被迷香遊蝶笑。爭  
堪設險小蟲肥。塵絲脫落江天潤。莫近幽簷放  
意飛。

咏老将贈林莘夫

尚有征袍在。當年冠羽林。頻陽家食久。青海戰  
氣深。敢起窮猿恨。徒存老馬心。平生恥天幸。矍  
鑠意難禁。

月下贈知者

幽思結橫波柔情問女蘿自應謀解佩爭忍擬  
投梭海燕窺香壘山鶯並暖柯他年賦溝水如  
此月明何

有送

下蔡舊知名臨邛空復情感深多病後秋老送  
君行露冷幽蘭泣天長斷雁清紅穎亦易悴珍  
重聽猿聲

汲冢即席限七言古

干

結繩已邈文字多龜龍蟲鳥光山河夏鼎湯銘  
大軒豁岫嶠石鼓堪摩杪虐灰始燼祖龍死萬  
古斯文終不毀申伏老生心力勤肯教澆偽清  
真是漢室求書世已分太康忽啓魏王墳煙蘿  
雨蝕非今色蚪走蛇蟠皆古文聲牙欲使殷盤  
仆光氣真教鬼神護鏤天斲地隱精芒幾易滄  
桑今始吐海志山經世所驚齊諧早以荒唐鳴  
得非假托愚黔首留此千秋萬歲名

哭新安汪夫子於道山書院

夫子今云沒風雨不可尋隕星滄海杳遺像白  
雲深大雅傷邦國斯文感古今豈徒知己淚沾  
洒道山岑

春情集唐

早是傷春夢雨天一輪清鏡泣流年梁間燕子  
聞長嘆樓上花枝笑獨眠無質易迷三里霧幽  
心遙瀉十絲絃自慙不及鴛鴦侶願作鴛鴦不

廿

羨仙

王友竹移居

一室古城隅幽編稱卜居疎藤緣粉堞高柳覆  
清渠白髮看花枝青髭映雪書門前恐荒蕪小  
草曰教鋤

中秋送人遊青芝菴見龍先生讀書處

海上青芝太乙居玉樓十二迥涵虛弄珠神女  
明霞外擊鼓馮夷駛駿浪餘陰洞千年懸蝙蝠高

天八月浴蟾蜍江都化去松雲在一曲凌風吊  
古壚

庚子夏五月十有六日淫雨水入草堂

五月河深上淪漣到草堂誰令陰氣決真見早  
禾傷榻几紙從濕松篁忽已荒愁雲尚濃結佇  
立意何長

十八日大水紀災也

吁嗟中夏水城邑亦為魚已分樂曲盡何論并

廿二

竈塘傲余仁主慮入告大臣書滿耳郊原哭哀  
鴻遠不如

題陳柯亭高梧琴鶴圖

亭之何所似百尺入雲姿古調孤絃在無糧瘦  
鶴知紫桑真不忝湖海竟誰追故老彫零盡披  
圖憶舊時

元日樓頭

又見春光到眼新小樓閒此朗吟身數經霜雪

知非病未典琴書尚不貧窓影遠含芳草思簾  
香輕度落梅塵牋門早分無車馬贏得年之折  
角巾

茶蘼

二月茶蘼滿架香巢蜂乳燕紛飛翔嬌鬢十五  
弄纖手臨風裊窈窕紅粧開簾恣引濃香入恐  
教驟雨懸珠泣季女樓高煙月清數竿脩竹凝  
空碧

廿三

少婦春閨曉

蜂雄缺蝶雌芳曉抱花思寶帛傳香燼金蟲罨  
露絲雨滋湘草晚雲入楚山疑覆玉垂多少幽  
窓殘夢時

雨後憶絲亭故里

曲曲河干畫不喧風林蕭瑟帶羅門十年饅粥  
無菜婦一雨庭階有竹孫秋夢不生青瑣闥釣  
竿遙寄白雲村便當歸去親魚麥臥對沙鷗聽

野猿

書懷答張雪樵太史

野性徒篇翰微軀擬釣舟遙憐藜閣暖不似草  
門秋倚石寒花靜栖煙獨鳥幽未應踏霜雪遠  
逐曲江遊

初春榕庵讌集感念舊遊

不到榕庵三十載荔垣苔磴尚依稀孤根老樹  
長排石離垢高亭獨振衣滿眼雲烟棋散後晴  
茜

宵燈火醉扶歸寂憐入夏能涼冷一榻還思對  
翠微

雅集荔水庄夜雨得寒

高窓開荔水客至弄漁竿細雨論詩後行杯遠  
漏殘簾平荷氣入螢小草根寒明發仍泥濘愁  
君首猶盤

謁古靈先生祠

自我西郊去高祠獨古靈庭階開霽日霄漢接

文星藤影春蛇亂松風老鶴聽幽棲真此地何  
必子雲亭

哀貧者

春城陰雨十日泥殘梅飄蕩風淒淒路傍蒙袂  
者誰子逡巡感蹈容顏低相見相憐試相問短  
吁無力聲酸嘶須臾道在郊西住蕭條草屋臨  
寒溪溪寒水涸青草死數主荒鄰無犬雞山畔  
瘠田昔吾有力耕猶活母與妻一年稿旱二年  
廿五

潦官逋逼迫私錢携私錢子母互權併遂使窮  
民無片畦埃塵生金朝復暮敢望裹腸充藿藜  
上官高論養與教慨然三古相追躋從來良法  
貴潤澤何如速惠無留稽吾儕軀命繫晨夕失  
時不極空噬臍哀哉求死不能得寒更獨伴窮  
猿啼吾聞斯語痛鵲骨自傷貧薄難持齋一簞  
相餉泣分手倉皇歸去迷東西彼蒼生物今無  
意群命終誰與齊所望大臣許稷契勿令赤

子瞻雲霓我欲此辭達帝座使知下土多窮黎  
嗚呼安得使知下土多窮黎

喜雨

好雨知郊滿芳林得氣多江山初有色童叟遂  
能歌潤物今如此為霖古若何驚飛爭灌木魚  
樂戲平波佳氣歸禾黍高眠穩薜蘿明朝賽田  
祖分肉飲時和

辛丑夏五月臺灣警

廿六

瀕海連傳燧元戎始枕戈樓船謀自老雲鳥法  
如何飛輓風塵疾炎荒瘴癘和鯨鼉均雨露何  
事樂揚波

六月臺寇平

王者原無戰蠻荒忽弄兵可聞班氏論敢把尉  
佗情上將方馳傳遊魂早繫纓空令新鬼哭悲  
咽涕潮報

不用勞神榮寧同伐鬼方單旗飛鹿耳千艦過

羊腸炎瘴皆吾土崑岡戒古王羣公被  
明詔誰是漢賢良

送克翠村廣父之龍溪

十年勞獻賦三絕且微官驛霽風梅細齋春雨  
韭寒烟霞明海色猿鳥識儒冠竹葉浮香外高  
吟想倚欄

初春惜餘軒雅集得八庚

客至曉江清辛夷花正明虛簷傳竹影靜榻落

廿七

松散爛醉宜今日高眠惜此生誰能便歸去烟  
月不勝情

青歸柳葉新

東風先着柳裊綠溪灣惹恨仍幽草含顰愛  
遠山章臺分黛至灞岸弄烟還幾日成金縷飄  
垂香露間

受業官

綸紹寧

校

集虛堂續刻詩目

春日湖上有感

秋夜裏李菴客  
過雲峯訪棋上人

病  
立秋後一日送客

坐兩懷李菴客  
送友人之蜀

登城西樓懷李二  
答菴客楚中見寄

兩中夢醒懷劉泰符  
春晚寄何一

見鷓鴣啼難  
聞夜

步苔  
別槐竹

示鄭子三懷  
向葉淇石索酒

有見而作  
七夕前一日

病中作

夜雪裏何一  
淮陰侯後

題蟹圖  
和李義山先生無題五首

遠情

有恨  
吊路旁古松  
止瀟



曉晴有傷春物回寄會者

偶成  
開化寺訪葉洪右不遇留宿僧房次韵

題一經山房  
暑中全友人過禪居飲茗

次高述知覽鏡見白髮韻  
送表弟歡并序

無題  
春暮曉望寄張二興五

歲晚書裏各李二兼寄吳夢白  
送李二

春齋晚坐寄諸子  
寄興盆松示何一

送楊明憲廣文之官  
咏寶刀

贈王臥三  
何一會者評今早生白髮

子規  
猿鵲

元日同諸子小飲荷亭用沈公壁上韵  
七夕寄李二楚玉

夢張一作  
讀李白望鸚鵡洲裏禰衡詩

夢晚  
卿卿

贈老僧  
送人之海上

憲外芙蓉  
詠月池上客多苦蛙聲余解之回以成篇

贈林勉菴  
賦病驢嘶贈相者



拱中鶴  
題負新圖

破衫

破席  
和友人村居病起

送陳日夫慶遠省親

春思有寄集唐  
何雪芳廣文招集寓齋適王潭陽送酒餞

送雪芳廣文  
送張興五之臺

題雁  
送林二之粵東及江右

擊壺贈顧三郎  
謝許青晚蔡負併寄懷

上謝老夫子十五韵  
兩先世兄來自京師余偕同門諸

於西湖之開化寺溪閣展待之  
集王六有嵩山草堂看迎春花

五日同諸伯叔飲回示八弟  
許青晚寓齋雅集

集唐寄友人  
燭房火有序

文集荷亭  
冬日書所見朋友

送林于雙世丈  
夏六月五日坐雨荷亭

送許青晚赴都  
正月晦前一日口號

涼雨竹窓夜話  
為前峯看浴日

嘉平之月瑞峯周子捧雁之西江二三  
學臨岐賦詩余恐其以溫柔鄉老也故

歲晚為贈  
再過師源表第園坐雨論文目成長句

治池  
冬笋以下庚子後作

橄欖  
驛坂道上

兩中淇右以佳酒相遺有分嘗細君語  
愧其意率爾奉酬

遊西樺長慶寺訪瘞賣上人  
贈姪孫傳龍開士

送菊  
眼暗

見庭中落梅憶故山  
和林石鐘同年歲晏言別無訂諸同學新

春枉過  
和友人村居寄遠

和雪邨山村山居晚起  
和雪邨山村山居晚起

秋寒和林石鐘  
訪春和鄭子三懷

占桂道中作  
過雲峯有感

別同學諸子  
舟中坐雨

兩復  
三老

峯樓子  
過仙霞嶺

江郎廟口號

約園詩特夫子全詩之半耳而其半亦已經手訂藁俱存也癸卯後欲為續刻者屢矣越十餘年至今乃與四書文並梓而即以所請楊一丈序文弁焉夫夫子之於詩皆深自愛惜即偶爾吟咏亦斟酌再三九以精神所注不忍遺也嗚呼又誰忍遺乎我乾隆已未秋受業諸子全識

集虛堂餘草

縣亭書禪郭雍

種竹

數行新拂檻幾日即侵雲造與原隨物移情此君清音風外度細籜雨中分莫遣甘蕉近當年有彈文

◎春日湖上有感

宿雨新晴湖水平湖畔柳陰亂啼鶯醉裏不知春  
寄莫朝來乍見天晶熒幾多白日銷殘去何處  
黃金指顧成漫聽傷人說年少春風隄上獨闌情

秋夜懷李齒容

秋風吹我衣端居愁苑結中庭起徘徊蘿月終如雪  
羣動隨杳冥萬籟靜幽咽在家感如此羈心知欲絕  
千里有故人前歲茲時別瀟湘客已久今復棲甌越  
孤琴寄幽賞新詩徒自悅天外

斷鴻悲夢迢懷明發何不歸南山相依采薇蕨

過雲峰訪棋上人

一杖盤芳磴千峰擁化城到來忘路遠坐處覺  
塵清不辨海天色唯聞松竹聲君能空有相吾  
欲問無生

病

倚杖羣芳暮開簾晚景餘竹垂風半落花鞦雨  
仍疎誰授五禽戲空攤百草書家貧比司馬多

二

病復何如

立秋後一日送客

老客三年感髣髴西風昨夜落江離於今得買  
扁舟去還及南湖紫鱗時

坐雨懷李菡客

寒空當望迥殘雨入林昏千里思游子三年去  
故園雄文驚鄴下明月醉平原獨有幽居士秋  
風薜荔門

送友人之蜀

斜日危檣影分襟南浦情故人多遠別今子愛  
長征雪重江城暗雲低嶺樹平驅車過棧道芳  
草向人生

登城西樓懷李二

愁心對秋色獨立古城隈落日樹頭去寒風湖  
上暮素書經歲隔叢菊為誰開徙倚江天暮黃  
雲白雁哀

三

菡菡客楚中見寄

生事仍寥落同心久索居幾看南浦雁今得楚  
江魚旅夢秋應數庾門跡豈疎故山松桂老歸  
思竟何如

菡菡客有進憐松  
桂故園秋之句

雨中夢醒懷劉泰符

寂寂高齋相對誰春殘愁夢到天涯生憎檐底  
千聲雨更攪心頭萬里思三歲錦書還未減五  
湖蓬艇渺何之楊花坐見飛將去人世飄零那

可期

春晚寄何一

朝來百遍步芳塲忽忽春殘滿眼悲風送餘紅  
爭燕子雨翻高柳濕鶯兒長貧敢惜傭書老病  
懶寧嫌獻賦遲鵲鳩一聲驚覽鏡半生蕭瑟幾  
人知

見鷓鴣哺雛

鷓鴣啼此蜂飛來將飼雛顧影驚有人唧唧枝

四

頭呼體物得其情隱立窺所如躑躅下復上迴  
視停斯須歛翩歛入巢猶懷掩取虞小雛張味  
迎屈足勤煦哺此蟲號巧婦乃復同慈烏梁燕  
飛營營養子翼尾枯子成各引去然老燕孤  
微禽昧反本阿母終勞劬對此懷感傷人理寧  
不殊

悶夜

斜月到深帷風憲欲掩時床寒知醉好思結得

眠遲困蛭吟幽砌驚鳥惜舊枝美人天外去歲  
晚更何之

步苔

徑寒當落日苔碧暝垂蘿濕引殘花住痕經宿  
雨多小山低冷翠修竹靜娑娑獨悵春華去荒  
蕪奈汝何

別槐竹

白屋疎槐空復清冷風斜日不勝情明年生意

五

知何似目斷春深上古城

擊雨搖風百度聞短琴殘卷一朝分平生不解  
虛垂淚此日沾衣為此君

示鄭子三懷

大化何冥茫平陂相倚伏貧病未及死安知不  
為福昔哉老氏言虛心實其腹賈生強達命悲  
來乃賦鵬

向葉淇右索酒

古槐搖落竹無煙  
爐冷瓢空思悄然  
白水真人來不易  
青州從事向誰邊  
徵君故舊尋常醉  
吏部隣家潦倒眠  
今日風流何所似  
不堪吟望暮雲天

有見而作

門迎極浦斷人過  
宿雨凝寒到曉和  
布穀江頭青隴遍  
提壺村曲綠帘多  
布穀提壺皆鳥名  
落花泥濕烏衣墨  
密葉香藏巧婦窠  
鷦鷯巧婦對鳥名  
對此春襟六

忽無限梧桐千尺在陽阿

七夕前一日

盈盈一水望中遙  
烏鵲初填未就橋  
到得相逢情已盡  
無窮離緒在今宵

病中作

床寒擁敝裘  
賸要骨如石  
大化遣我病  
窮秋困塵席  
精銷失所主  
歡忘屢平易  
家人縱調扶  
壘塊猶強釋  
弱女未解事  
覓果絲跳躑  
呼童飽與

飯不食乃向壁嬌  
愚可笑憐寧知阿婆泣樹末

風悲號月微雨遮  
黑鵲鵲城上啼哀蛩猶唧唧

淒涼難具陳欹枕  
飽所歷自非曠士懷何以遣

晨夕久雖清淨起  
手脚皆皴栗短髯拳不舒索

索綠蟻虱平生值  
艱難舉足常蹇澀榮氣久已

微況復逢茲厄前  
歲亦浚冬貧病相促逼至今

有餘痛憶之神悚  
惕觀空識虛盈讀卦明損益

造物信無心修短  
非我力我力在葆真保此宜

七

霜質

病閒

司馬真能病梁鴻  
自肯貧艱難堅度日  
衰悴耐看春苦竹  
禁風勁疎梅點雨新  
經時還倚杖回首  
倍傷神

夜雪懷何一

酒醒驚飛霰重衾  
夢裏寒何人夜中飯  
冒暗去長安古詩云月墜烏啼  
殺沙溪馬足難逢憐

傅粉客衣帶幾分寬

淮陰侯客

淮陰族時有客歲其孤逃南粵討作受之為立後去韓之半姓常氏

養士不食報三千若無人辛苦竊孤去窮荒容  
側身姓字寄混茫百代莫能稱吁嗟趙有嬰沾  
沾猶喜名

題蟹圖

被爾介而負以為固擎爾螯而奮以為武胡不  
忘於江湖而所穴之唯土嗚呼好勝者必遇敵

八

勿謂橫行而莫余敢侮

和李義山先生無題五首

百花吹困倚春風  
檐柳西飄又向東  
只恐女蘿桑欲墜  
何妨百舌巧難通  
登樓幾處粘天碧  
對酒孤宵撲眼紅  
總是芳心惆悵地  
莫教秋老泣霜蓬

洛水湘雲杳杳蹤  
五更霜滿送寒鐘  
木枝感悅心誰見  
石闕銜悲淚早濃  
夜鐫香收金屈戌  
秋

江紅冷玉芙蓉苦將消息憑鵲鳥知隔珠簾有  
幾重

驚花旦旦送春來  
小雨飄香逐曉雷  
已拂盤龍從髮變  
莫聽鴉鵲遣腸迴  
羊車空載窮秋恨  
狗監偏知作賦才  
見說菴蔬心不死  
忍令容易付寒灰

無情歲月繫終難  
蓮葉繞披蕙葉殘  
入月金塘何路上  
橫天銀漢幾時乾  
倚將團扇因風落  
下

九

却香惟想露寒誰  
道蓬山環弱水得曾幽夢百  
回首

繡戶紗窓揜數重  
齊紈新裂費裁縫  
可憐刀尺年年事  
中有幽情脉脉通  
氣盡鮫人欺雪艷  
光不隣女歎燈紅  
夜來神手誰相識  
獨向班姬泣曉風

遙情效李義山體

何用陳王白玉篇  
江郎都麗沈郎妍  
乍翻長袖

風吹雨更弄新聲雪滿天珠佩寒寥湘水外酒  
旗斷絕蜀雲邊遙情即是傷情地寫盡相思濯  
錦箋

有恨

月榭煙樓四望開柳花飄蕩逐紅埃石家東灣  
金盤滑韓氏丸飛寶馬迴豔曲唱殘江令醉高  
筵喧動鄭莊來誰知一餉秋燈夢滿眼芳華作  
冷灰

十

吊路傍古松

路旁有古松黛色遙參空江鶴宿寒月洞熊號  
暮風恨看小草碧愁對飛花紅不得逃虛去葛  
洪丹井東

止酒

伯倫抗奇尚託飲游沉冥後人徒荒酒敢以此  
自名端居感元化百物忌中盈況乃爛腸藥寶  
之詎得生固不虛來吾後其敬哉

曉晴有傷春物因寄會者

遙山一桁青濃雨曉來晴香濕蜂聲重紅翻燕  
語爭星星春髻動黯黯舊愁生獨客能無感長  
江晝夜聲

偶成

滿面落花風輕香到綺櫳興隨春色盡人坐雨  
殺中有累皆遺俗無文可送窮不妨長守寂寞  
逐遠天蓬

十一

開化寺訪葉淇右不過留宿僧房次韻

金碧湖心寺澹煙朝夕橫我來芳樹暖鐘動晚  
波平不見鷗邊侶空題竹上名寂寥聽偈後孤  
月向人生

題一經山房

鳳池仙客意何如獨買青山賦子虛多少詞人  
生遠思青雲還倚白雲居  
朝暾半樹露猶溥回首蒼茫憶舊山今日繁華

勝金谷鳳樓高出碧雲間

露檻風楹獨倚勞四圍煙草色如袍詩情久寄

憑高目窮莫江天一羽毛

愛才山鬼暗催詩自是文通夢筆時却憶陶家

詞不盡咏懷述酒是吾師

謝公屐齒久成塵潦倒猶存折角巾莫怪雲煙

飛滿壁紅霞十載已為隣

暑中全友人過禪居飲茗

十三

竹枕香浮小峴春清風不厭趙州貧爭知樵櫟

衝塵客同是臨邛久渴人

次高述知覽鏡見白髮韵

昨夜騷人感髻絲曉風啼鵲不勝悲黑頭汪令

成名早焦尾中郎識曲遲春恨淺深幽夢寫林

花開落野鶯知袞顏倘得紅砂駐莫惜頻頻把

鏡窺

送表弟歡并序

歡年少具雋才春遊江南余恐其誇竊宛  
然都麗而不知孤旅飄零之悲固有落句

春入江南白雪銷莫將兩槩問嬌嬈畫樓風雨  
驚垂手水國煙花騎細腰酒盡十千誰是客月  
過廿四更尋橋安知一夕秋聲裏桃葉楊枝總  
寂寥

無題

日極煙樓空曉陰湘簾影斷辟塵簪烏龍穩睡  
風廊靜紫蝶潛遊柳路深豈有同袍歌宛轉可

十三

堪雙珮信銷沉蓬山何處飛青鳥海涸天荒自  
古今

春暮曉望寄張二興五

三月忽將闌鶯花幾處殘曙林初著暖夜閣漸  
辭寒共對風光鬢偏憐酒思寬憑高指飛鳥吟  
悵隔江關

歲晚書懷答李二魚寄吳夢白

山郭凝寒暮倚樓聽風見月動千憂松雲失路



慙江鶴桂玉驚心笑海鷗有道高名他日事無  
功沉醉幾年休茂陵詞客來相訊為語常披五  
月裘

送李二

桃花爛熳梨花香黃鸝紫蝶交紛忙東風吹面  
不知醒李生忽爾歌河梁李生得名三十載短  
琴長劍橫湖海表綵任俠老猶豪阮籍踈狂貪  
不改東西南北盡寰區蒲海溟池天一隅史遷

十四

尚未窮吳越漫說名山長著書春堂夜半飛香  
雨帝鄉萬里明朝去長楊有賦老相如前席他  
年逢漢主帝鄉自昔有金臺甲第如雲迤邐開  
可憐郭隗還貪病寸心空寄誰能裁李生有弟  
初從政一行去作臨印令偕若同上木蘭舟崎  
嶇路盡城如錦蜀山鼓鐵卓王孫萬指家人無  
與倫區區錢虜尚千古臥龍躍馬皆何存臨風  
懷古歌還泣數寸黃鬚森短戟興酣立就詩百

篇楊雄已死誰相識浮雲城上自紛紛萬態無  
如酒半醺見說邯鄲方撲鼻當壚可復遇文君

書齋晚坐寄諸子

幽園從懶臥花竹幾重關歲月高吟盡煙雲獨  
對閒蟬聲風載樹鳥影日沉山衰病忘奇字能  
來取醉還

寄興孟松示何一

落落短松樹何來階砌春參雲知幾日繞指漫

十五

隨人縱得寒花共終憐小草親不材空此恨回  
首歎龍鱗

送楊明憲廣文之官

頻年虛獻賦五斗代持竿路逐荔枝遠盤餘首  
管寒煙雲收野帙猿鳥喜儒冠獨有玄難讀何  
人是姓桓

咏寶刀

寶刀久塵蝕截玉良非難拂拭鬼方哭精芒星

正寒雄心快所托  
瀝酒驚傳觀不負  
呂虔贈勿  
憑金錯看

贈王臥三前輩

老客僂煙波歸來興若何  
幽園平種竹清沼緩  
浮鷺世態看棋罷生涯把酒多  
青山對黃髮行  
樂莫蹉跎

何一會者訝余早生白髮

愁髻從他長素絲故人驚見轉相疑  
何郎傳粉

十六

今何似坐對秋風憶舊時

子規

月黑風低露滿林子規啼絕萬山淡  
三年化碧  
知何恨獨夜寒床展轉心

鷓鴣

春山荒寂鷓鴣啼落日蒼茫野樹低  
何處路歧  
行不得黃陵青草亂雲西

猿

淒淒清嘯白雲鄉  
聞道能迴客子腸  
楚雨巴雲  
都若夢三聲何必為沾裳

元日同諸子小飲荷亭用沈公壁上韵

好是高欄綠水隈  
東風吹面酒懷開  
今朝已是  
遲遲日欲醉還傾滿滿杯  
歸鳥聲投煙樹去遊  
魚影逐浪花來細看風景疑濛濛  
為語林鐘莫  
早催

七夕寄李二楚玉

十七

羅敷十五拜成羞

李有愛姬

桂醕心香月一鉤  
河漢

盈盈長載恨  
欄杆曲曲遍生愁  
草蟲細響來清  
夜  
池菖殘水落早秋  
此夕臨印應不寐  
那能飛  
夢故山樓

夢張一作

鶯殘花逝痛君頻  
月黑烏啼入夢真  
百歲無多  
空此恨九原何處起斯人  
悼亡獨洒安仁淚  
憤俗長懷季次負  
誰使奇窮真到骨  
幾回慟哭問

明神

讀李白望鸚鵡州懷禰衡詩

禰生性凌競惻然為不恭白眼睨天地自謂人  
中龍管邴不足數但善修與融標榜恣浮蕩孰  
與言謙沖魏武懷忿忤矜名乃強容假刃於江  
夏所以稱梟雄嗚呼小有才遠足殺其躬持此  
岳明戒庶堪回薄風如何寡識者激憤歸蒼穹  
李白吐高詞能開萬古胃天刑信可懷慎莫矜

十八

雕蟲

夢曉

夢裏喚卿卿幽意注小明燈花臨窗誓梁燕怯  
柔情暖觸流蘓滑低迎錦瑟輕最憐伊似月三  
五正盈盈

卿卿

卿卿何事好樓居露檻風簾引恨餘只有錦鴛  
孤占水誰令青雀遠銜書半天高柳鶯鶯路十

里香塵小小車不見遠山倍惆悵鏡中憔悴是  
相如

贈老僧

一衲老江天觀心四十年共傳梅子熟未到庖  
溪前鵲影栖方丈牛車駕大千即今通漏盡花  
雨落無邊

送人之海上

荒僻海邊州驅車擁敝裘濃嵐深曉凍薄酒緩

十九

春愁龍掛峰頭雨鶯喧柳外樓高吟何不可皂  
帽向閒鷗

憲外芙蓉

初日下簾鉤高窓照霽秋芙蓉方綽約枕簟忽  
風流露濕凝殘醉煙開欲語愁相憐莫采采含  
睇獨悠悠

翫月池上客多苦蛙聲余解之因以成篇  
雨霽月初呈正當三五盈一輪挂天地奇輝不

可名曜眼靜相對廓如大冢新有客乘夜涼招  
余叩柴荆小樓掩修竹池荷絲披榮頗覺耳目  
異似非俗所營幽偏意自遠況當茲月明因之  
吐清言不知四座傾坐久境逾寂栖鳥亦不驚  
悠然感謝賦寫微窮至精羣蛙晚清光相將草  
際鳴斷續鼓中夜攪我吟懷清蒼蠅及蟋蟀此  
物皆天成塵腸發濁響千載疑同聲小蟲其何  
知諒亦暢微情雖云不入耳伊胡懷未平歌呼

二十

盡餘輝無令客獨醒數爵同昏然物情安得嬰

贈林勉菴

躍馬橫戈舊冠軍一竿歸去老江濱竹枝聲破  
蘭橈動桃葉歌成翠扇分烟島鶴棲階下樹海  
門龍挂檻前雲紅蝦蟇葡萄綠數椀歌斜最  
羨君

賦病驪嘶贈相者

龍媒飛足早如神壯歲空餘困病身伏櫪幾回

傷牝牡相皮何怪失麒麟朝霞乍映桃花影夜  
月猶銜首霜春何事仰天嘶欲斷風塵今有九  
方歡

樊中鶴

茫茫天地痛無家歛翅塵樊瘴霧遮孤島長松  
何不去冷簷微繳莫頻加練衣終感窮秋盡丹  
頂銷殘晚景斜丁令化歸今古事好將清淚送  
年華

二十一

題負薪圖

煙草風花滿眼非誰人肯着薜蘿衣會稽太守  
歌謳日一擔春山雲外歸

破衫

我有青衫舊年年見酒痕春來愁却破何處傷  
微溫捫虱延殘夜披襟向曉暎同袍自寥落幽  
意可堪論

破篋

宿昔凌波步纖羅不動塵淒涼莫回首殘落祇  
傷神短褐風霜夜芒鞋草樹春棄捐那足道解  
結有誰人

破席

弱葦栖塵久春寒曉更深離披濃雨後展轉亂  
愁心月落偏當榻燈昏尚照琴誰能空擁被側  
耳遠鐘沉

和友人村居病起

二十二

病起愛徐步倚杖沿庭軒目力不任遠依稀見  
前村雨歇野花寂日殘低樹昏涼風從西來颯  
颯吹牀門俛仰俱蕭瑟徘徊搖心竟慨此百年  
中大藥將安存形神互我役何以堅關元修短  
自有屬浮沉非所論但願汎杯酒陶然歌弗諼

送陳日夫慶遠省觀

嶺徼文身地征車犯雪過袖中丹橘嫩海外白  
雲多犀象馴交趾旌旗畏伏波高堂間侍膳春

興復如何

春思有寄集唐

夢啼嗚咽覺無語落花寂寂黃昏雨獨聽子規  
千萬聲啼得血流無用處

九日何雪芳廣父招集寓齋適王潭陽送  
酒饌回戲呈

先生注易過朝昏抱甕時時理灌園三徑寒花  
來野客一籬疎雨臥雲根幾省白雁驚秋盡忽

二十三

藉青氈覺坐溫不是江州能送酒可憐首蕭媚  
盤飧

送雪芳何廣父往遊武夷

江頭攜手戀清芬木落風高不可聞蓬艇去搖  
溪葦月草堂閒掩海門雲詩成雪夜應相憶興  
滿春山只整分夢入幔亭驚幾度先聲為語武  
夷君余與先生有武夷之約

送張興五之臺灣

張生張生吾酒後春風爛醉橋頭壚倚天拔地  
賦三都啾啾唧唧良非夫少年意氣空荆吳侯  
門不肯一吹竽雲夢洞庭真奧區湘妃鼓瑟聲  
靈趨歸來廿載逕荒蕪朱顏凋落還髭鬚數門  
雪滿妻清癯敝裘堅臥紳于于丈夫壯志無時  
無海天萬頃今乘桴置室鮫宮片月孤蜃樓吐  
艷懸驪珠張生張生吾酒徒長鯨吸浪南溟枯  
仰天一嘯驚蓬壺

二十四

曉夢

月墜曉窓孤山山喚鷓鴣美人去蘭浦愁緒對  
冰壺香染湘娥袖啼殘海客珠夢迴迷處所凝  
睇獨踟躕

題雁

作飛鳴宿食圖

極浦抵瀟湘微茫野雁鄉影迴江雨重聲斷嶺  
雲長幽夢依葭葦高秋足稻梁家山莫回首沙  
寒月蒼蒼

送林二之粵東及江右

高堂强健髣髯毛蒼行子遊遨嶺海長治水濃花  
還未老羊城嘉樹盡生香明珠不洒鮫人淚寶  
劍爭歸漢客裝愛欲浮槎過震澤登樓應指白  
雲鄉

擊瑤壺贈顧三郎

海月孤明啼夜烏薔薇泣露細凝珠三郎酒狂  
劍搥柱厲我長歌擊瑤壺瑤壺晶瑩疑斷雪海

二十五

外鬼工歎殊絕可憐如意節悲歌琅玕迸碎蓋  
田裂少年意氣盛如雲黃鵠高騫不可羣落筆  
曹驚鸚鵡賦談兵肯數鶴鷺軍煙花回首驚風  
雨把酒留春那得住枝頭百舌弄柔聲膠膠結  
結如人語幾度燈前看莫邪激昂未已重咨嗟  
誰人解把攤頭釣有客曾乘海上槎乘槎把釣  
俱茫渺紙帳沉眠昏復曉引領南山煙霧清暮  
天木落如飛鳥不得紅砂奈老何三郎莫忘擊

壺歌丈夫努力須勤動忍付流年與逝波

謝許青畹葵扇併寄懷

長夏溪林鳥語工  
迢遞生松柏風簾捲夕涼煙近遠簾  
蒲葵扇四壁遙  
生松  
柏風簾捲夕涼煙近遠簾  
岳宵靜月玲瓏心知許掾忘機事茗椀爐香誰  
與同

上謝老夫子十五韻

早歲澄清志東山  
肅傲餘蒼生聲引領白屋待

二十六

吹噓獻賦千官靜  
書思五漏徐入看溫樹秘歸  
徹御蓮舒軼轍真相許機雲故不如鴻詞流數  
禁古  
詞突黃初河嶽通精氣冰霜畏簡書明珠  
滄海盡隱豹  
邃巖虛小子慚殊賞窮秋感索居  
席門空偃仰蓬髻恐蕭疎豈欲懷倉鼠徒知辨  
魯魚三年原憲肘萬里李膺車帝座星辰迴江  
天日月除無曰傳縮地何計挹仙裾

◎兩先世兄來自京師余偕同門諸子邀飲

於西湖之開化寺溪閣展待泛舟而已

太傅門庭桂樹清一枝香動鳳皇城縱橫筆陣  
魚腸利縹緲詩情鶴背輕青翰忽從銀漢落綠  
樽緩對玉山傾湖煙隄柳紅亭畔他日應傳楚  
客名

集王六有嵩山草堂看迎春花

其下即王竹邨  
藤花書屋

迎春花放初遲日

即辛夷亦  
名玉蘭

斜景臨風對雪安

珠樹海中誰得似玉樓天畔正相思幾年詩在

二十七

青藤壁

余有過藤花  
書屋詩四首

百度蒐銷黃絹詞

竹邨  
有古風

見今日東風更無賴當筵回首落杯遲

五日全伯叔飲回示八弟

折艾逢新霽傾荷共野樽  
山歌誰刈麥社鼓是  
前村勿厭生涯苦須令古道敦  
公飛將萬里疾  
莫向誰論

許青畹寓齋雅集

齋即龍首巷  
後院得七虞

溪院老潛夫陽春到酒徒茗風披薤葉竹日隔

蝦鬚莫漫看曇鉢誰能唱鷓鴣應令許玄度空  
倒玉冰壺

集唐寄友人

生事蕭條空掩門滿庭芳草易黃昏眼看春色  
如流水無限詩情要細論  
樹頭樹底覓殘紅昨夜星辰昨夜風回首佳期  
恨多少此心期與故人同

蠅房火有序

二十八

蠅海物之最佳者有房甚猶而堅然烙  
以火其房自破而味尤甘美其天全也  
今春北周子山房始嘗茲潤回賦長篇  
知味者其屬和焉

海物紛紜不可數太真之乳名鮮新芭珠裏雪  
勁如鐵江瑤石柱非其倫山堂美酒敵霜氣銅  
爐獸炭娛羣賓火攻到處無堅壘瓊漿細細流  
天真珊瑚網裂圓璣瀉淺紺微縑妙入神引泉

漱齒始細嚼芬芳不散疑經旬腐儒粗糲固其  
所盤飧蔬筍終具陳枯腸搜索無滯物如何異  
味能沾唇海濱荔子稱殊絕年年驛騎馳紅塵  
此君香味故儔匹亦擬將來充八珍

◎文集荷亭

雅集風流舊湖山復此亭軒楹開氣象雲物幻  
情形吟駭波臣聽風傳楚畹馨高胃生泰華入  
眼家滄溟落落成三絕陶陶醉五經何當問霄

二十九

漢若虛動文星

冬日書所見問友人

門掩深冬擁鵲靜看風物似春芳階前密篠  
迷人碧墻下閒花照眼黃終歲著書文有冢十  
千沽酒醉為鄉問君行樂真能爾可要金門待  
武皇

送林子霞世丈

林叟識養拙移家烟海涯歲晚策杖去嶺上梅



花期臥得雪中句閒來林下棋真覺獨為樂春風幸見思

夏六月五日坐雨荷亭

湖上濛濛雨孤亭氣已秋風荷清素簾烟樹暗紅樓獨鳥窺簷下羣魚推釣遊自知機慮盡不用泛虛舟

送許青畹赴都

輕鷗細浪送蘭橈綠酒紅亭對柳條日下關山三十

方浩浩江頭風雨莫瀟瀟塵飛古道青袍舊草履平原白馬驕此去羣公爭側席長卿詞賦動雲霄

正月晦前一日口號

俗傳此日為送窮日

春光九十皆佳日何事今朝獨送窮傳語奴星休結柳生涯只合任東風

涼雨竹窓夜話

窓掩修篁雨涼移夜榻風高談清漏迥玄解幾

人同暗葉鳴殘溜陰廊咽細蟲琴書懽未畢微白動林東

劣窮峯看浴日

日觀峯何處峻嶒泰岱天我今登劣窮萬里接雲烟碧海光難定紅輪湧不偏霞蒸沉兔兔珠躍起龍眠帝座通呼吸神山勢轉旋扶桑誰總轡今古此長懸

嘉平之月瑞峰周子捧雁之西江二三同

三十一

學臨岐賦詩余恐其以溫柔鄉老也敢以落句為贈

若為衝雪走千津夢斷雲英掌上身彭蠡鴈迴金屋曉香爐烟滿鏡臺春最憐翠羽巢珠樹不負羊車看壁人計日高堂雙侍膳萱花含笑黛眉新

歲晚戲山堂小集

即席得着

愛汝書堂結短茅小山幽曲擬林郊數叢苦竹

方吹籜萬點寒花未放梢  
醉客已忘林下夢驚  
鳥不空月中巢出門無那空搔首咫尺勞塵百  
感文

再過師源表弟園坐雨論文因成長句

懶放誰堪折角巾  
林園屐齒染香頻  
敢云我解論文細  
始信君傳愛客真  
雨歇夕陽幽草寂  
虹懸高樹遠峰新  
籬籬脫落汪天迥  
不負樽前石  
凍春

三十二

治池

治子當年泮劍處  
老蛟白日吟風雨  
只今光影杳重淵  
夜夜猶疑走青霧  
赤堇流精白帝驚  
匣中三尺為誰鳴  
壯夫心眼小荆聶  
笑彼鉛刀空復情

冬笋

此君蛻腹時  
秀茁春雨夜  
何期冰雪深  
森森迸巖罅  
醞釀閱歲華  
芬芳鬱蘭麝  
俗客多老饕  
絲

紛索鴉炙數斗即熱中  
寒漿饜甘蔗誰解斲龍  
孫細擬蕉心卸清腴  
含土膏佳名安可借悠哉  
薇蕨心對此思春稼

橄欖

果中有青子厥味微險頗孤嚴發奇氣無乃非  
冲和昔云遜崖蜜斯言疑少苛鄙哉世味甜清  
苦獨汝多艱難足淡咀塵垢休摩挹試擬於陵  
子風品當如何  
以上二首俱即席分韻

三十三

驛坂道上

野店門前黃葉飛  
斜風落日雨霏微  
村醪數盞無人問  
獨剔寒鐙脫旅衣

雨中淇右以佳酒相遺有分嘗細君語淡  
媿其意率爾奉酬

江城天欲漏淹臥思如迷  
淙巷何人到春壺帶  
雪携香魚花氣遠舞忘角巾  
低頭白紅燈裏歎  
斜愧老妻

遊西禪長慶寺訪癡賣上人

芳郊十里古禪棲  
萬荔森森吐火齊  
竹杖飛塵慙舂若  
香臺孤月老闍黎  
觀空頓覺癡堪賣  
問法方知路不迷  
一飯伊蒲容斗酒  
醉吟歸去暮雲低

贈從孫傳猷開士

孫子吾宗秀悠然  
出世心細泉依磬  
寂孤月照松溪  
但了真空諦寧貪  
布地金老夫應問  
偈擬

三十四

坐荔支陰

送菊

竹樹晚冷冷山籬  
帶杳冥更憐寒菊  
去不為老夫停草  
冷蟲吟壁霜飛月  
在庭回茲驚歲序  
詎獨感飄零

刈稻

拂曙平疇露半晞  
火雲未起野風微  
千夫揮霍腰鎌疾  
萬穗濃黃傍隴歸

處處山歌刈稻歸  
殘禾棲畝鴈鳧肥  
童牛逐乳眠斜隴  
稚子成羣候短扉

木槿垣環白板扉  
露囷十室九成圍  
海隅膏雨真天施  
聞說中原半阻飢

眼暗

十年牙齒落千點  
雪花新眼復今朝  
暗愁歸獨老身秋  
風吹眇眇墜葉故  
頻頻更識看花候  
遙迷馬足塵

三十五

見庭中落松憶故山

曉起春檐兩梅花  
落可憐誰堪香點  
點還覺冷娟娟拾  
翠慙衰白攀枝感  
變遷故林知未歇  
煙蘿釣魚船

和林石鐘同年歲晏言別兼訂諸同學新

春枉過

曹乘春艇問汪魚  
十日酣吟水竹居  
歲晚含情看髣髴  
故人歸夢狎琴書  
風欄花艸閒栖鳥  
烟

浦絲長遠赴魚城郭勞塵來不易多慙芳櫓待相如

和友人村居寄遠

無為臧見聞息意自銷氣鶴唳江頭雨僧行嶺上雲釣竿晴裊裊籬葉晚紛紛獨悵無松子誰堪遠寄君

和許雪邨山居曉起

所居最高頂聲象共誰收廓落松窓曙淒清露

三十六

氣流孤懷偏易感疏髻獨宜秋不得從君住空嗟桂樹幽

和雪村山居夜坐疊前韻

山中無曉暮風色總堪收况此寒蟬動初驚大火流前林孤月思遠寺一鐘秋吟句應侵骨江楓未擬幽

秋懷和林石鐘

秋風吹我愁心去越水吳山天一涯烟柳飄搖

元亮井露華滄海薄季鷹家文章欲洒三年血星漢空瞻八月槎豈若故林營小隱寒衣初授話桑麻

初春和鄭子三懷

春髻無端五十年一樽相對轉茫然青雲詎有凌風翼碧海誰供釣雨船好折繁花開老眼莫留塵思染清絃江頭細柳纖纖綠擬向芳隄試短鞭

三十七

占桂道中作

迢遞空山道晨征露濕衣野塘葭笋發殘隴草花稀自古難行路何年定息機却憐持弱羽翻逐鳳城飛

過雲峰有感

行行翫流水忽已到雲林煮茗覺真味聽松生遠心未能看世妄漫擬入山深歸去空惆悵長懷鐘磬音

別同學諸子

偶爾騎驢問帝居竹竿遂負碧江魚非關海墅  
清無業可嘆家人笑著書宮柳漸凋濃露後禁  
鐘微度曉霜餘此時同學還相憶詎識吾非獻  
子虛

舟中坐雨

龍孔牛頭灘之最險者

柔纜牽濃雨飛篷送急鷗同人還共笑孤臥若  
為愁龍孔欽天湧上頭倒峽流所嗟乘艇客何

三十一

事不能休

雨後

心後溪行好煙光似曲塘遠端鳴野碓寺暝  
修簷戲蝶穿舟度遊魚泛藻將停橈倚明月相  
與咏滄浪

三老

三老鬚眉野從來號家能片鷗過駭浪驚狹落  
寒藤烏宿風林月蟲飛草岸燈新醅無限好細

酌意難勝

牽纜子

高灘舟子牽纜更憐君猿掛懸蘿斷蛇行蔓  
草絳生涯（此）世態總無聞數枕方舒膝蠻  
歌不可分

過仙霞嶺

一縷驚秦棧羣山控越州不令高鳥過虛有嘯  
猿愁寒林空碧丹林照霽秋斜陽多感慨立

三十

馬重回

江潮廟口驛

俗以拾遺為嫌霞帽其冠

美先生作十姨江郎三少儼鬚眉支離今古  
同如此絕倒滄家野廟碑

受業林飛馭晨敬書

約園詩鈔二卷

福建巡撫  
採進本

國朝郭雍撰雍字仲穆一字書禪福清人約園其號也康熙癸巳舉人是集各體詩共二百餘首雍自謂前後所作多屬近體於古體歌行間存一二樂府則有待而未及今觀其詩惟五言律詩頗有局度餘皆平平詩不沿溯於古而先求之偶儷之格終不能探其本也

# 瓦缶集十二卷

〔清〕李宗渭撰

南京圖書館藏清乾隆十六年刻本

附《四庫全書總目·瓦缶集十

二卷》提要

劉靜修云名家子弟處天下之至易而亦處天下之至不易苟能自立則皆得因緣憑藉以立事功不然卽爲清議所不容甚至貶削近世士大夫子弟其能以詩書文采世其家學者亦不乏人而家庭之際尙聲華樂馳騁習見習聞恬不爲怪世亦不知所以非笑之古今人不相及往往如是余平居課兒輩常舉似以爲訓戒一日李子嶧山持其小阮秦川所爲詩來示余且問序秦川水部公之長君也水部故當世豪傑士筮仕有聲薦紳間重然諾喜事功而秦川獨下帷讀書悄然如閨閣中人計隨其父十餘年自構李走南北宦燕秦往還萬里凡所遇紛華靡曼歌筵舞席若罔聞晨夕手一編刺刺不休素甘恬澹喜寂莫孝友循循至性惇篤秦川固所稱蘭苗其芽者今觀其爲詩取材多而用力厚探幽返樸擬之陶匏瓦缶得淳古澹泊之音無叫號卑鄙之調秦川誠大過人然自此湛深經術益究極天人性命之旨以深造乎古之人將必大有用于世豈屑屑以詞章之學用擊缶作雷鳴比響于黃鐘大呂哉于其請爲卽書此以告之丁亥嘉平長沙陳鵬年

瓦缶集序

同里李上舍秦川出其吟藁問序于小長蘆釣魚師魚師曰子之以瓦缶名集也何所取諸答曰淮南子有言窮鄙之社叩盆拊缶相和而歌自以爲樂蒙取以喻其弁陋云爾魚師曰謙矣夫子之自喻也八音之用唯土獨寡伊耆氏之鼓堯民之壤樂方失傳周官之所展墳焉而已大者謂之阼外無闢焉若夫缶見于易見于詩見于爾雅王肅云是下民質素之器許慎詮之則云瓦器所以盛酒漿秦人鼓之以節歌蓋匪樂之器而有樂之用焉然坎其擊缶宛丘之道載之陳風匪僅秦人鼓之風又云植其鵲翽則不獨以之節歌而兼可會舞者

瓦缶集序

已逸詩不云乎君子有酒鄙人鼓缶雖不見好亦不見醜上舍之詩題者不佻高者不抗古詩多于近體五言適于七言是誠能道古者其風肆好非大雅之材與嘗謂詩人之病在亟于見好亟于見好或反形其醜焉今上舍以漢魏六代三唐爲師不墮宋人流汎優游涵泳造乎古人之域譬之于缶髣髴薛巖之畢除音聲乃出中乎律呂試奏之鸞翻之側與雅樂奚殊哉康熙丁亥竹垞老人朱彝尊

詩之興也至于今而千萬變其最近古者惟樂府乎自歌詩之法不傳樂府之作猶存依稀和聲之遺意意其尙可協諸律呂播諸管弦奏之堂上堂下也然漢魏間人一詩必有一意其題與義雖各有緣起而亦不沾沾舊說但借以發其心之所感而已五言古自四言而申之不盡諧聲律不設題與義隨所自得但取言志而其心之感于物則同也迨後世率多倣效前之所爲蹈常襲故不能自異則連篇累牘人之視之直以爲陳腐爛飯者有之况千餘年之久層累而遞遷兩漢不同于魏晉魏晉不同于六朝六朝不同于三唐宋元明亦各自

瓦缶集序

有爲宋元明者余以是于樂府長短之詞及五言擬古平生不一二作非惟蹈襲故常者心所深病亦自諒其才力之不逮時代之間隔惟自安其愚不諱其短而已今于嘉興李子秦川有深異焉余與秦川今年閏秋始相識于都下出其所爲瓦缶集者以相示余爲詫嘆者久之向者予數過秦川之里與其從兄武曾徵君竹垞朱檢討相徘徊于潛采堂秋錦山房上下其議論追數海內知交傑然者不數輩以爲人物渺然豈意二十餘年之間于其宗支里閭中乃有奇雋如秦川者乎秦川生其鄉亢其宗雖緒說相承根源有自而其詩骨力之



古風格之高才思之雄邁乃其得諸天者固優徵君檢討兩先生不能授之以筆也集中非不規模古人然不以形似而以神合不爲詞障而以心通出入變化魁壘頓挫無不與古人爲徒而未見有一篇襲其陳言者秦川豈固于風氣者耶蓋隨世遞遷者羣材也一代之興必有豪傑之士出其挽回之力追配古人千千載之上者則亦不過三四人而已此非世數之所得而限也如明初之青田青邱成弘之長沙皆肆意有所作而高下節族疾徐俯仰自中尺度豐而不溢一言約而不失一詞雖其于依永和聲不知能盡合與否要自有天地間

充告集序

二

不可磨滅之元氣在焉秦川其學古而與之契者乎其才力足以相驅駕者乎此余之所以異秦川而自笑其愚不能掩其短者也若如明之中葉于鱗元美王南北文壇一時爭相附之是古非今高自標置乃其所作具在往往如脫槩形模具而神明亡矣能免世之以陳羹爛飯吐之乎秦川之爲此不爲彼斷斷矣故吾深望之將以興

昭代之運會與劉高李諸公並秦川勉乎哉

康熙戊戌冬仲嘉定樸村老人張雲章叙時年七十有

一

李孝廉宗渭之大父贈公夢園先生詩集予從竹垞朱先生後參訂授梓孝廉亦與校讐或擬補稟本脫落句字以質朱先生先生輒稱善目孝廉爲後來之秀云孝廉未弱冠從予遊好爲詩尤好爲古體詩言志咏史等作日可數篇予語以少作多讀乃爲詩要道于是乎蠅頭字鈔漢魏詩一冊三唐傑作二冊風憲燈案間時而高唱時而恬吟念釋在茲以求得其精氣神妙之所在積之既久所爲詩不必拘拘規撫而自與古合居然登作者之堂矣于經義不肯加之攻苦而爲之亦得佳勝常邀外兄秦襄六從兄筠孫二徐佐仲周尹二陳介平

充告集序

于憂爲賢關七子文會諸君各見所長而每讓其有卓犖不羣之概蓋其于經義純得之天分而資學兼優者則詩也癸巳恩科以經元舉于北闕由此而上提南宮入翰苑操券可致將出其績學鴻詞以鼓吹休明潤澤廊廟匪異人任而乃丁內外艱以後加以城郭多述敝裘羸馬輾轉奔走于日下關中者將十年卒無所遇以歸歸則已病矣予自金陵發歸舟夜夢孝廉來別辭色慘沮覺而疑之及歸知得夢之夜即孝廉易簀時也痛哉孝廉高才不得志人咸扼腕豈所謂詩人必窮窮而後工造物者故爲屈抑之使極其困頓以發其悲惋

之音以傳于後耶而獨不料其竟以是終也孝廉臨歿無他語惟自珍其詩集必索序于予是屬夫孝廉之詩早爲大雅所推竹垞朱先生滄洲陳先生樸村張先生爲之序咨嗟歎賞各極其致是亦足以傳矣而諄諄之屬在余殆以曩者風窗燈案高唱恬吟唯予習知其苦心于此道不可以無一言也與抑有說焉言者心之聲孝廉胸中天真爛熳不着一點齷齪故其見于詩文超詣最上一格又不係于天資學力者源清則流不濁亦惟予知之真也已孝廉于唐人詩酷愛太白其所爲古體詩亦往往似之顧太白嗜酒而孝廉生平不沾涓滴

瓦缶集序

二

詩人多倚于酒以助其豪若孝廉則直能豪于詩正不使酒有權也邇家友生金介復書

先外舅秦川先生瓦缶集三卷永懷集一卷前竹垞朱先生滄洲陳先生序刊行世嗣後篇什較富未及開雕易簪時惓惓以生平精力每聚於詩既得陸堂陸太史點定梓行之任請以屬諸壻踰年公壻徐君照仲爲儀徵令携舊存稿將錄版於金陵未幾遷江右守歿於官不果梓王君松叔余友壻也亟商所以成公之志又以馳驅南北而未逮已已秋余假歸道過臨清與松叔酒間談及松叔欣然屬余董其事今年夏養疴杜門乃取陸堂先生所定前後集重加裒次得古今體凡十二卷付剞劂氏庶幾無負公之遺言竊念公於古文時藝各體卓然成家而性則嗜詩其於詩尤酷嗜古體蓋能擷宇宙菁英窮物情變態而抒寫其性靈流連其光景合古人所長而未始規摹形似其足行遠而傳世也無疑又念公以名孝廉例得銓次郡守顧不獲稍展經濟猷爲致使遊踪半天下而僅以詩人老也此則可爲撫卷太息者矣昔李漢編定昌黎全集四十卷首列詩十卷俾後學之士取爲師法今余僅備編公之詩遠媿古人而藉是以並傳不朽豈非厚幸歟乾隆辛未中秋後二日子婿高衡百頓首識并書

瓦缶集序

一

元佑集總目

卷一 樂府詩八十五首

望遠曲

對酒

雞鳴

升天行

子夜歌二首

陌上桑

西洲詞

門有車馬客行

苦寒行

君子有所思行

出自薊北門行

擣衣篇

塘上行

桃葉歌

美女篇

采蓮曲

元佑集總目

有所思行

從軍三首

遊仙篇

孤兒行

泰山行

遊仙

江上曲

東門行

妾薄命

從軍行

吳趨曲二首

江南曲

塞下曲

望行人

折楊柳

黃雀行

雞鳴

白鼻騮

白鳩拂舞詞

白紵詞

燒香曲

吳宮怨

登山操

平陵東

長相思二首

遠遊篇

河中之水歌

行路難二首

秋風辭

箴篴引

短歌行二首

夜夜曲

雙燕引

烏棲曲

東門行

梳頭歌

公無渡河

放歌

白頭吟

楊白花

元佑集總目

君馬黃

高樓曲

悲歌

轆轤曲

仙人篇

悲歌行

有所思

采菱曲二首

子夜歌四首

楊柳枝詞四首

少年行

塞上曲四首

卷二 古體詩一百三首

擬古詩十七首

古意二首

秦關道中

望太華

山莊宴

擬李供奉白飲酒

擬杜工部甫出塞	擬王右丞維飯僧
擬孟先生浩然採樵	垂虹橋
將之吳門寄妻上故人	寄北遊故人
登高懷謝城兄	山茶
春日偶題	雜詩
訪文上人	春夜
題暮林歸鳥圖	簡友
送徐周尹之山東	春日效青蓮
題用平載酒圖	古風十五首
閒居客至	初秋早起
瓦缶集總目	三
和竹垞先生鴨餛飩詩	舟行
歲暮舟中作	舊研
柴門	秋夜
紹興	遊曹山
重遊曹山	登卧龍山
遶門山	晚過柯橋
刈稻	尋春
晚過臨平山	近遊
薄田	
擬雜體詩三十首	井序

古離別	李都尉從軍	班婕妤好咏扇
魏文帝遊宴	陳思王贈友	劉琨學感遇
王侍中懷德	嵇中散言志	阮步兵咏懷
張司空離席	潘黃門述哀	陸平原傷別
左記室咏史	張弘農遊仙	劉太尉雜詩
盧郎中感交	殷東陽遊山	謝侯射遊覽
許徵君自序	殷東陽遊山	顏特進侍宴
陶徵君田居	謝康樂遊山	袁太尉從別
謝法曹贈別	王徵君養疾	休上人怨別
謝光祿郊遊	鮑參軍戎行	
卷三 古體詩一百十四首		
雜詩七首	滄溟先生墓	
奉寄金心齋夫子	懷朱珣叔	
述懷三首	題證因圖	
題朱惺園舍人詩卷	擬古	
瓦缶集總目	四	
贈徐雪蕉農部二首	古意	
山行四首	小園四首	
擬古三首	出門	
七里瀨	重登滕王閣	
黃沙河示舍弟斯拔	初至桂林	
水月洞	獨秀山	
遊棲霞寺	桂林官舍小樓落成	
七星巖	哭徐左仲	
自靈川至興安	全州別周野夫	
舟行雜詩十六首	浯溪	

衡陽道中	湘潭懷陳滄洲先生
岳州道中	月夜汎江
行至武昌	北風
山行	信陽曉發
遂平除夕	衡輝道中有感
養病偶作二首	月夜與錢元朗論詩
答元朗疊前韻	秋懷七首
過樵沙道院	感歎
僕夫	送程御來歸安慶
漫作	懷朱孫翁
五	
瓦缶集總目	
中秋	十六夜月
十七夜月	仄徑
庭卉	懷友詩
鴻鵠	入都
題崙潤兄垂穎圖	感秋夜
寄高叔叙四首	遙送繆庚先南歸
雜詩十二首	
卷四 古體詩七十九首	
感懷十五首	譬如
鄭家口送別	

懷吾師王永齋先生二首	
雜感二首	種樹行
錄別七首	日晚
重過故城	搖落四首
哭文石濤夫子	贈佟蔗村
欲雨	阻雨
蓼花	秋山
南望	宵行
古意	吾行
雜詩四首	途中卽事
六	
瓦缶集總目	
中秋有懷	哭梁僕
闕思	過趙州橋
柏鄉道中	內邱曉發
邯鄲客思	豫讓祠
高村	懷南岫
送姚次求入粵	懷楊牧山
獨咏	吹笛
懷故鄉兄弟十一首	懷佟蔗村
定州別王子謝	題王孝廉厝山遺照
讀晦庵題跋	

卷五 古體詩七十九首

西征雜感三十首

答筠孫兄

懷潘次燕第

蠡縣元旦

初發蠡縣贈別浦元量明府令弟諤庭

定州

途中遇雪

伏城驛

乞食

殘鏗五首

真定府

井陘懷古

核桃園

固關

平定州

壽陽縣

饑鳥行

瓦缶集總目

七

行子行

平遙道中雪

張蘭堡

靈石縣

韓信嶺

霍州

洪洞縣

尤杜村

客思三首

渡河

入關

華陰廟

華州

臨潼縣

潞橋

西安府

咸陽縣

永壽縣

邠州

長武縣

涇州

王村

高家堡

會寧縣

西鞏驛

清水驛

蘭州

卷六 古體詩一百二十七首

夜闌曲

效古

贈北山道者

襍詩三首

咏史十四首 并序

仙山

山中

昔遊

寒夜吟

明月下戍樓

瓦缶集總目

八

雜詩三十六首

擬陳思王贈白馬王彪詩七首寄垂穎兄

獨步城隅屬有所思

道士

今日

斫樹行

擬古詩

擬蕪子卿武詩

擬李少卿陵詩

擬班孟堅固咏史

擬高義方彪清誠

擬蔡伯喈邕琴鳥

擬趙元叔壹疾邪

擬鄭文勝炎見志

擬孔文舉融雜詩

擬秦士會嘉贈婦

擬魏文帝雜詩

擬陳思王情詩

擬徐偉長幹室思	擬應休璉環百一
擬阮嗣宗籍招隱	擬陸士衡機園葵
擬曹顏遠懋感舊	擬陶元亮淵明乞食
擬謝康樂靈運讀書	擬鮑明遠照秋夜
擬謝元暉眺春思	擬王元長融寒晚
擬何仲言遜春雪	擬沈休文約離夜
擬江文通淹清思	擬徐孝穆陵山齋
擬庾子山信汎江	擬祖孝徵珽望海
擬顏介之推古意	擬王子淵褒山家
擬楊處道素出塞	
无缶集總目	
擬步出城東門寄朱稼翁	九
甘草店	青嵐峪
苦雨	訪榮公
老圃行	寄觀淳
山水	城隅獨歸
題王千謝所贈銅鑑	鷓鴣行
答南池大兄六首	咏李陵五首
擬古	道人
卷七 古體詩九十七首	
擬閨怨	懷人

天星石	懷友
懷朱珣叔	望南山
寄山中友人	懷陳介平徐不夜
朝雨初霽率爾成咏	早起簡錢蛟求
雨雪	莊浪衛
新站	西大通
老鴉城	碾鉢所
平戎驛	西寧衛
春感二首	山家偶題
同陳觀淳沈亦田周揆一游龍隱寺	
无缶集總目	
自平涼東歸	酒家行
荷鋤	野步六首
雨後	得筠孫兄札
清齋	早起
贈友	五日
秦中雜詩十二首	學佛
偶吟	連陰
題庭下花	出城
渡渭水	苦熱
雨後	紀夢

六月晦	窮極	雨後望南山	出城	臨潼道中	渭南道中	旅夜	郡朝	贈杜太史紫綸	棄婦篇寄武陵公	晚晴	秋霽	秋感八首	寄學易師	寄朱珣叔	夜聞鶴唳	渡漳沱河	夜抵樂城	行過趙州	自趙州至栢鄉	元佑集總目	臨洛關	南宮感舊	村行雜咏三首	車陷	平原君故里	越一日車再陷	清秋	容城懷郁明府遂倫	楊風港	卷八 古體詩四十七首	牧牛詞	七里灘	玉山雨泊	鐵柱歌	贈徐左仲	送張眉淵先生之河南兼懷胡餘野
-----	----	-------	----	------	------	----	----	--------	---------	----	----	------	------	------	------	------	------	------	--------	-------	-----	------	--------	----	-------	--------	----	----------	-----	------------	-----	-----	------	-----	------	----------------

芷間歌爲朱珣叔賦	汎月歌	憶昔遊	送客	海上夜泊	淮陰侯	送乾一和尚遊義眉	題庭梅	效張文昌	良夜謠	山中謠	送張廣文之婺源	留別徐左仲	送宋蘭揮太史歸觀商邱	玉河橋聽鶯歌	臨江道中懷王師中依潛	并序	元佑集總目	湘陰懷古	觴洲曲	武勝關	淇水曲	寄鶴亭太史	夜聞大風歌	聽琴僧蓮舟上人彈欵乃曲	南北行	懷孔南吉	賈帽行	蠡縣除夕	阻雪	隴上歌	懷東野第	泥屍行	有序	對酒當歌	懷仙歌	聞砧	古鏡
----------	-----	-----	----	------	-----	----------	-----	------	-----	-----	---------	-------	------------	--------	------------	----	-------	------	-----	-----	-----	-------	-------	-------------	-----	------	-----	------	----	-----	------	-----	----	------	-----	----	----



秋風歌寄衛潤兄

庭樹行

河水決四首

卷九 古體詩五十首

贈謝道士

白日行

送江禹門

古栢行

寄垂頽兄

月重輪

襟言

出關

空山行

入關

河上浮橋

白塔山

月下聞笛

酌酒

瓦缶集總目

古

浮橋詞二首

排天行

故園

吹角

哈蜜瓜

贈興

崆峒老人曲

早鴉

趙松雪畫竹

松雪畫馬

咏古詩一十八首 并序

風后 范蠡 蕭何 司馬相如 編衡  
公孫賈 陳思王 劉聰 荀勗 元虞智  
李士謙 李靖 馬周 裴延齡  
劉黃 張聖民 黃中 霍承固

修蛇行

廻舟操

送澈上人

何純伯敬哉兄弟招同張庭堅汪開之遊牛頭寺

率賦兼呈憲副張公

九日懷筠孫兄斯援坤四兩弟

鉅鹿懷古

河上歌

卷十 今體詩一百四十六首

送瞿丈修齡歸常熟

晚過慈恩寺

渡錢塘

江行口號二首

江上懷翁蘿軒先生

滄臺子墓

玉山道中

虞山道中

春日野步

湖邊訪客

瓦缶集總目

古

不寐

舟次口號

吳門寄遠

王珣故宅

送客

春深

雨歇

小園

送繆邦直之京師

入山

觀水

送衛潤兄之西安兼訊筠孫兄

過周氏別業

過友人新居

卧病二首

舟行口號

歸舟

溪上

盡廢	自西興驛至蕭山
鑑湖	送徐周尹之萊州
答舍弟斯拔三首	寄竹垞先生二首
送梅耦長明府二首	寄王山戒先生二首
聽雨	寄張木威
靈隱山徑	衡山縣
岳州道中	月下聞笛
秋意次謝城兄韻	哭子雋
寄呈六叔父二首	曉發
郭有道墓	河東道中雪
瓦缶集總目	
韋曲	杜工部祠堂
樊川	涇州道中
隴西春暮	過倒廻溝
安定道中	德州道中
四女祠	東光道中
蘆花	古廟
靜海道中	天津衛
遙望	重過靈雨寺
滿城道中	隔院
有感而作	聞雁

聞砧	送范士行歸吳門二首
知有	雪
客窓望山上	登山寺
杜曲工部祠懷竟陵公	郭外
客舍聞砧	山莊
次韻答朱珣叔二首	得筠孫兄札
聽雨	敗葉
蘭州曉發	涇州道中
春雨	送朱又雲南歸
送春	懷錢轅求
瓦缶集總目	
得彭承祚明府札	西安城外懷竟陵公
咸陽渡	醴泉道中
乾州道中	穆陵關
永壽道中	邠州追憶先師文公
邠州早發	隱者
長武道中	長武縣
立馬	瓦雲關逢錢大
涇州道中	涇州
涇州曉發	白水驛
途中送春	客感

眉現村	山家
平京道中	夜雨
南北	日莫
萬里	七夕
入秋	黃菊
鍼綫	十月一日雪限寒字
送錢夔求還京師兼寄令弟明大元朗	
送筠孫兄南歸	次韻答斯拔弟
沙河城外	隆平縣
北顏莊九日有懷	冀州逢至能兄
瓦缶集總目	
片月	伏城驛野望
重過定州茶亭	丁字沽
新蟬	憶事
人日逢朱稼翁	長安街賜銓詞限韻
紀信廟	
卷十一 今體詩三十六首	
登滕王閣	畫閣
奉贈竹垞先生二首	哭亡姪不隨
宋太宰漫堂先生壽詩	重過西湖
次韻答元朗見懷之作	

和郭于宮直廬灌園二首	
次韻寄答郭宗子	聞笛和徐周尹
道學詩三首	蘭州如墓
蘭州城外河上浮橋	月洞看月
風急	九日
寄王儼六太史	寄葛敬夫
潦秀才池上看竹	送楊補離
送沈亦田	漫興
懷徐蓮西先生	次韻答朱木叔
新晴限韻	
瓦缶集總目	
六叔父見示二律依韻敬和	
次韻答徐周尹二首	次韻答坤四第
聖女廟	月蝕後見月
趙北口	
卷十二 今體詩一百六十二首	
百花橋	丹井
橫泉	錄別
題蘿屏	送客南遊
曬承陡	馬頭山
畫眉塘	社公壩

偶題	登黃鶴樓
德州遲寄潤兄不至	野菊
有感	言愁
漫咏	紗窗
懷人	稱鉤驛
聽雨	乞墨
長歌	山中絕句
贈酒客二首	
題張因齋四時讀書圖四首	
何處	訪友
元佑集總目	九
題杏花春雨江南圖	山下
登高	途中作
雜言三首	遊城南寺回二首
河南道中	東湖楊柳枝詞
和竹垞先生東湖曲四首	
簡友	哭兒景
題蔡村歸夢圖	偶題
九日簡登高諸友	春日
過亡友周永日故居	病中聽雨
春情	

題高念祖表兄竹林書屋圖	送別
弄潮詞五首	擬古宮詞五首
章邱道中	湖上漫咏
贈別	臨湘道中
臨平晚泊二首	西平道中
小河溪漫咏二首	贈別
偶題	
題羅巾	
過亡友郭羅洛履安書齋	題庭中竹
夏夜絕句二首	舟行雜詩八首
元佑集總目	途中口號二首
天津客舍哭亡兒阿正	送行過德州
錄別	聽雨
寄松叔二首	九日寄第
陘陽驛題壁	寄繆夷先
邢臺道中	盧生廟二首
題黃石僑所藏蔣開學畫二首	
中秋夜泊柳葉廟	雪中口號三首
定州懷王于謝	潯沱河
寄宋珣叔二首	望太華三首

發西安

金盤坡

邠州懷先師文公

河水

秦箏曲

送客

題畫三首

寄葛敬夫

孤樹

青嵐山寄朱稼翁

登臺

感春

題畫

寄楊分玉

小遊仙四首

咏史

題畫四首

新竹二首

題友人小照

題畫鍾馗

瓦缶集總目

三

渡河懷朱稼翁

題趙松雪天冠山詩後

城東

杜陵

送佟大剛娶婦還京師

哭陳子野

題徐周尹小照二首

柳邨二首

蓮子頃

白溝河

贈楚漁翁

中秋後一夕題

男復校字

瓦缶集卷一

嘉興 李宗渭 秦川

樂府詩

望遠曲

烏鳴于天魚潛于渚念子于邁不知其處冬日淒淒陰  
陰其雨子無裳衣曷以行旅魚則有翼鳥則有羽念子  
于邁使我心苦

對酒

據地作歌憂思苦多少壯不立老將奈何南山之麓中  
田有屋厥草油油亂我心曲載管及篴言采其桑歲云

瓦缶集卷一

一

莫矣葉芸以黃蜉蝣之羽衣裳楚楚我行見之淚下如  
雨爾酒既清爾殽既馨丈人安坐鼓瑟吹笙吹笙鼓缶  
酌以大斗少年起舞舞錫茲眉壽青青斧柯言陟斯阿道  
之云遠曷思其他

雞鳴有序

雞鳴思賢友也疾疢弘多無幾相見故有憂生之嘆  
雞鳴于埒命我衣裳曰歸田園白露已霜曰既寒止念  
我友朋將予就之道阻且長子寧不至匪馬不長翩翩  
飛鳥雨雪濛濛常恐疾作不知西東豈無仙草可以長  
生遠莫之致使我飄零

升天行

八荒甚寥廓茫茫紫雲間彩虬安足跨兩腋風翩翩下有紫泥海上有青冥天仙人王子喬初登緱氏山兩兩白玉童天仙俱千年側見扶桑木花開照四邊玉龍蟠其根鵲鷄鳴其顛何年天台客采藥竟不還祇應松與柏保此風霜顏

子夜歌二首

佳人怨遙夜秋色動高樓素手理瑤瑟西風吹暮愁玉關人未老何事覓封侯

北風吹朔雪寒氣入空帟繡帳猶言冷天涯那不歸征

瓦缶集卷一

衣妾欲寄君定在金微

陌上桑

東風忽已過荏苒桑葉柔盈盈采桑女提筐南陌頭采桑妾欲來采桑妾欲去豈無陌上花賸此桑田樹妾從西北去君從東南來相逢不相顧况乃重徘徊松柏在高山蓮花在深水託根故不同誰能移易此

西洲詞

二月梅花風吹動西洲曲桂楫蕩蘭舟美人手如玉郎家在何處只在西洲住妾住在橫塘門前紫荆樹種樹舊成行花開滿院香郎來花下坐繫馬綠垂楊垂楊復

垂柳攀條刺傷手何人柳內樓皎皎當窗牖開窗望西洲上樓復下樓郎來不肯住流水綠悠悠悠悠重悠悠昨夜水風秋驚鷺江上宿飛去却迴頭迴頭向華屋十二闌干曲雞鳴海日紅雁叫秋雲綠綠雲在青天飛落鏡臺前思郎郎不見日日西洲邊

門有車馬客行

門有車馬客相顧在他鄉開我青瑣門坐我白玉牀邂逅當別離共言保安康樹中酒常滿賓主各一觴丈人且安坐安坐莫傍徨心知爲故舊薄俗義所傷片賤在朝暮君子貞其常信苟不由中安能不相忘

瓦缶集卷一

苦寒行

冬至行時令霜雪何其繁山川穆然靜高下皆平原行人歸鄉井飛鳥不敢喧悲哉遐方士寄食于荒村經旬不飽面目午方朝餐藜藿以充虛感此進食恩葛衣納敗袴何由抵春暄出門望親友或告之語言寒氛窅願頗欲語聲屢吞主人揮之去此客不足論遂巡歛手退還顧望高門芳華有枝葉一朝辭本根徒然死溝壑不如一裸昆饑寒豈不痛高志恐不存苦寒行莫唱客子傷心魂

君子有所思行

君子有所思乃在湘水南瞻望弗能及驅馬高山岑燕  
燕何方來翩翩深樹林瑤草不堪啄冰雪日以深昔往  
楊柳枝依依在漢陰今來芙蓉花悠悠下江潯草木感  
時節愁歎以沉吟孤懷子何往單情吾不任何以贈遠  
行葦蕤爛錦衾鳩鳥不可託遠道實傷心

出自蘇北門行

出自蘇北門廐馬意徘徊朔風吹枯草日莫恒苦饑還  
望故鄉井霜雪滿路岐豈不念親舊客子寒無衣解鞍  
縱馬去渚田苜蓿肥及爾饑寒死不如徒步歸馬猶戀  
主人臨風一長嘶驅之不能去淚下不可揮

五言集卷一

四

擣衣篇

金風蕩西陸日入室南端鳴蛩在宇下時菊露已漙感  
此時物變因知關塞寒盈盈閨中女窈窕發長歎舉頭  
天宇濶俯首倚闌干上我三重階思君九曲阪發篋理  
裳衣婉孌餘香散餘香猶在衣行人不知返昔時五色  
絲愁顏暗塵滿澣衣色屢更洗紅腸已斷僂僂出中閨  
追迨步前堂交體雜環佩羅衣何飄揚約袖金條脫腰  
繫紫羅裳纖纖出素手歷歷響鳴璫擣衣何委宛靜聽  
協官商亭亭天上月照我欄下石攬之不成輝卻掃無  
遺迹姁娥步雲中茫茫天下白風吹大河濱葉落長安

陌對此傷我心悵然愁遠客貞木持作杵堅石持作砧  
物理一時合珍重十年心夜長意轉劇力微響易沉行  
人駐驄馬躑躑以沉吟諒非絲與竹憂思不可任昔與  
君別時不謂行當久音書能誤人日日長千守送君南  
陌頭灑淚當慙膺去年赴河隴今年出胖牂淺水生波  
瀾崇山鬱嵯峨軍行出其間乘馬屢蹉跎誰謂方隅大  
曾足限山河萬里豈云遠悠悠隔山坡嗟君身上衣是  
妾手中綫妾心水不波君身雲屢變欲寄北風書空愁  
南飛雁明月照兩人含情獨不見程期未分明何以命  
郵傳婉轉衣上摺傾倒房中箱開我葦蕤鎖置我迷迭

五言集卷一

五

香乘捐篋箇中空復想輝光戎車有時至遠夢無時忘  
公子歸來日猶餘舊衣裳

塘上行

悠悠塘上行蓮葉何翩翩邂逅輕風力飄香發君前託  
君池沼中爲君還華妍常恐荷不實花落亦徒然謝家  
奉帚沐願得君子憐靜言御琴瑟朝夕不怠愆音聲一  
相別惆悵朱絲絃徘徊池上月對影何時圓小草植城  
頭殂謝不待年飄飄營巢燕滔滔出谷泉如何一心人  
各自相周旋

桃葉歌

桃葉何翩翩不見江南船江南船兩漿迎汝石城邊石  
城風浪急蓮子波心泣船頭采芙蓉搖動裙衫濕羅衫  
郎手栽風湧湘裙開空着郎衣裳望郎郎不來天邊日  
欲落難雞鳴關關安得酒家僮不唱估客樂

### 美女篇

江南二三月美女顏如花雙扉畫常閉窈窕保春葩一  
采陌上桑行道入咨嗟軒車何方來雲中帝子家柔情  
惜顏色衆女妬蝶蛾謠詠不時至青裙歸芳羅泊留長  
江水東流有迴波兩心不相知道路終非退采芳江水  
上菡萏化爲荷疾風從北來花葉相欹斜倘終扶植恩

### 爲君作妍華

毛氏集卷一

六

### 采蓮曲

江南生藕苗江北種蓮子花謝霜雪多同生不同死昨  
日溪水上溪水向前洲中梁建雙牖各自東西流妾有  
紅羅裳爲君舞春色秋風日日吹朱華變成白荷葉持  
作鏡荷莖持作梁并來一日中飛去雙鴛鴦莫翦青菱  
枝中有白菰米梗稻不成珠誰能遺弃此

### 有所思行

高風送輕燕雲影何蕭蕭入山翠如滴惜此往路遙秋  
葵植園中潛滋非一朝今來坐睚髮草露全未消那不

結高根松柏鬱岩岩擷芳香滿身欲以贈久要沉吟向  
三載白髮空蕭條

### 從軍三首

將軍誓報國奮勇出沙場北風吹馬尾落日長河黃  
弓未及控一劍誅天狼盡消天山雪將來洗痍瘡投艱  
不足顧猶能見損傷憑陵不在險回首雲蒼蒼

高名策奇勲殊恩出上宰何人殿國師振旅不相待甲  
裳血模糊獨立春風壘執戟而凱旋逍遙駕青海

昔者乘軒子帶劍出雙闕夜深登高樓哀訴明月同  
爲報國人一朝馬足蹶猶能負空囊不愆四五伐金創

毛氏集卷一

七

苦不深安用刀刺骨尙念骨肉恩還汝父母髮攬臂堪  
一呼臣力猶未竭

### 遊仙篇

海宇苦凡近何不凌雲翔玉女啟皓齒邀吾謁紫皇天  
門何蕩蕩天路悠且長但恐夾白虎齒牙見損傷同來  
四五人鶴立東西廂側見鵬鷄遊遊戲若木旁銜花啄  
其蕊落葉何飄揚兩兩白玉童淨掃屋上霜仙者無靈  
氣鬼陟太微堂西風吹崆峒上山騎雌鳳昔年廣成子  
偷得長生方一去三千年不見金天王休言天長久其  
此須臾光何以駐日馭羲和湑且荒申命有祖法神禹



方括囊星辰互凶吉各自吐光芒與汝一丸藥若上膏  
下育天公開口笑粲然發金章然後按六轡執敢干天  
常月夫人再拜稽首歸朝陽南斗吹笙竿北斗挹酒漿  
再來三千年東歸植扶桑

### 孤兒行

颺颺林木秋孤兒在後頭問兒何所求兒亦無所求三  
日卧荆棘身上無完膚父死母已嫁兄凶身羈孤同巷  
四五人上山采白榆榆樹忽已盡各自轉溝渠死者爲  
殤鬼生者爲餓夫心知不長久且復忍斯須白馬小郎  
君翩翩來彼都囊中有餘粒寧可相活不行人無酒漿

### 瓦缶集卷一

### 八

贈之以乾餼三咽不能下俯首就泥塗今日日已斜明  
日日不晡一日二日閒感君此區區生死從君去猶勝  
死路隅郎君聞此言下馬轉躊躇官府開倉廩但禁民  
轉流乞養不越境令甲懸通衢吾自不棄鄉里正不相  
於上馬重回顧不復返鄉閭孤兒聞此言淚下如懸珠  
父母不我生甘死之黃墟兒啼聲漸低馬行路漸紆須  
更雨不見林木仍颺颺

### 泰山行

巍巍泰山高汎汎洪河水相會在中原東西各萬里出  
門休歎嗟大道直如矢不登崑崙墟何由知地紀道逢

西王母顏色如桃李長生尚不希歸來躡草履

### 遊仙

乘風上蓬萊長揖見仙人仙人笑吾頑小犬已怒喚回  
頭岱輿沒海水湧無垠靈妃顧而笑相望隔一塵道逢  
河伯使附書故鄉親留住五甲子不放桃花春側見鯨  
鯨翔遊過龍門津廣筵御賓客蒞臨橫海麟書券賣桑  
田不值錢一緡手持綠玉杖追上羲和輪多謝門樞子  
無爲重苦辛吾將與汝骨啣去天池濱

### 江上曲

江上一扁舟美人江上頭輕帆送春水碧簫聲未已簫

### 瓦缶集卷一

### 九

聲天上哀客思方悠哉飛盡紫鴛鴦美人殊不來清清  
露珠下四面芙蓉開

### 東門行

步出城東門遙望東南山上有歸飛雲下有枯樹根左  
手繁弱弓右手肅慎矢能射天上狼不射澤中豕褐父  
睨旨酒落日望行人行人登高山月出邊城明前行四  
五人荷部見天子經過馬上郎淚落不可止絕塞動陽  
春雪消溪水來風吹度人影溪上春雲開黃蘗染素絲  
色變中心苦倒插楊柳枝頭上生泥土吾欲竟此曲此  
曲無人聽歸來幕廬下肅肅孤鴻征

妾薄命

貧女嫁不售城南行采桑悠悠避微徑緩緩執懿簪  
香空山裏蕭蕭多白楊細草何時生不足揚芬芳吁嗟  
虛度閒何由見春陽東風吹綠蘿衆女歸葑房借問此  
何人青樓大道傍君子慕高義玉帛不時將昔者青雲  
客貽我雙明璫雜佩猶在手往路忽已霜濺濺溝水流  
中有孤鴛鴦日莫哀音多流水不可方君行去已遠妾  
心空自傷

吳趨曲二首

十五吳中女門前弄春色嫁與長干人去去秦淮北

瓦缶集卷一

十

儂攀梅花枝郎種梅花樹同在梅花中來往不相遇

江南曲

蘭桂雙搖櫓芙蓉獨上樓鴛鴦繡孤幕定定不迴頭

塞下曲

落日明荒堞秋風咽暮笳將軍誓報國戰士莫思家  
解甲衣衾冷鳴鞭道路賒深閨漫搖落蕙草一年花

望行人

楊柳天邊路芙蓉水上樓當時滿筵月爲客幾年秋  
衆鳥下寒綠一蟬生暮愁明河在霄漢閒殺木蘭舟

折楊柳

折取垂楊樹將來插小庭待他三二月仍發舊時青

黃雀行

長路何蕭條北風江水寒黃金交朋友壯士憐不惟南  
山石裂松柏摧蓬蒿枝下黃雀悲原頭野火燎平陸飛  
入君家堂下宿

雞鳴

東方日出月轉轂家雞冠下鳴喔喔一鳴爐火紅再鳴  
梗稻熟行人先飯出門去雄鳴逐雌飛上樹

白鼻騮

郎騎白鼻騮妾著紅錦韉何許最惆悵春風吹綠波橫

瓦缶集卷一

十一

塘楊柳輕烟拖落花紛紛漸覺多看朱成碧將奈何

白鳩拂舞詞

白鳩鳴向東方東方青帝居青陽時和布德生輝光白  
鳩飛七子翔均平無偏頗天下方樂康天子有道坐明  
堂黃鸝肅肅飛建章白鳩拂羽鳴宮商采鸞之車神鳧  
之馬鳳凰鳴矣翩然而來下乃遣白鳥爲天帝使者巡  
行于原野丹鳥爲司至元鳥爲司分以日月定四時象  
星辰陰陽不差忒榮光休氣上結五色雲三萬六千日  
日日皆陽春一千八百國國遊麒麟東西朔南君長  
以時稽首稱老夫臣細鳥貢卑勒珍禽來昆明陛下千

萬壽安坐揚鴻名

白紵詞

酒十千月三五吳中女兒歌白紵玉簫金管揚清音  
前一曲千黃金夜深垂手不肯舞花面了頭擊鼗鼓

燒香山

青樓閒夜月照空湘簾不卷春重重美人一笑花始紅  
爐中水沉君自熱那得不羨雙烟濃

吳宮怨

輕陰隨花盡冥冥四十五日春風生館娃宮中好風日  
西施舞罷羅衣輕羅衣輕小垂手金樽滿酌蒲桃酒願

无竹集卷一

三

君千年萬年壽

登山操

維日之夕兮陟彼高岡騁懷于遊目兮見林樹之蒼蒼  
浮雲自南兮不見故鄉還顧下山兮涕淚沾裳

平陵東

東方明天下平陽春布德百寶生抱珠懷玉仙藥成身  
乘飛龍遊太清遊太清何時回西飲瑤池復東歸復東  
歸跨白鹿人生壽命一何促

長相思二首

吳中細布持作巾長可盈腰短拂塵雖無綺綺錦文采

黃昏獨坐妾手紉織成燕足同心縷遠寄龍沙得意人  
中有漬是妾淚君有心一沉吟思君憶君不見蒼碧空  
萬里秋雲陰

長相思思以清微雲宛轉千山明黃鸝啼破春有聲雕  
闌一倚憶君情憶君情願君壽一雙鴛鴦俱白頭人生  
那得長依倚

遠游篇

遠游游何處鬱鬱三神洲東父跨白鹿逍遙青錦裘天  
風弱水不可涉邀我並駕登高邱餐霞仙人好顏色羲  
和叱馭逝不留青龍尾嫋嫋紫鳳鳴啾啾親見西王母

无竹集卷一

三

白髮已盈頭延年服食且復休風塵一去三千秋茫茫  
四海一何促知君骨格非凡儔青溪道士靜者流何爲  
縱橫歷九州天上人間兩相誤神仙富貴安足求一朝  
饑寒刺人骨何不及壯封公侯吾馬虺隤吾車殆荆揚  
堯豫青徐幽雪花如席積千尺使吾不得馳赤虬玉女  
開窓粲玉齒酌酒勸君君莫愁吾方聘轡事遠遊歸來  
與子樓瑤樓

河中之水歌

河中水清且寒北方佳人紅玉顏立而望之步珊珊松  
栢上青天天下有香草芝惠蘭不采而佩倚增歎上小船

腰環環不如下山車班黃鶴一去何時還徘徊中道  
淚闌干吾將與子還故山

行路難二首

紆千山頭馬蹄速古原芳草萋萋綠壯士長歌行路難  
佳人夜唱歸風曲曲裏纏綿似有情西風一片莫愁生  
閨中只寄相思字戶外不聞歎息聲月照長空滿江水  
水深流急芙蓉死鴛鴦露宿不敢飛行路之難有如此  
愛君惜君才氣雄出門何處識西東當年送別高隄上  
一騎騎嘶楊柳風

朝日出隴千照見天下寒嵯峨山頭雪未殘有客長歌

瓦缶集卷一

古

度曾樹聲聲斷續青林端北風吹來行路難

秋風辭

山川厲兮木葉稀時菊吐兮綻金暉佳人莫兮啟雙扉  
思公子兮何時歸望南山兮山有薇采盈筐兮行步違  
風飄飄兮吹素衣雪東馳兮雁南飛淚縷縷兮不可揮

筵篴引

長安動秋風客心悲夜月變徵理筵篴哀絃一時絕出  
門風露動高天何人不歎輕離別春花有時好行人有  
時還不信九折阪遺汝雙指環跌宕雲中鴻樓息梁間  
燕茱萸枝頭紅滿庭花花葉葉長相見

短歌行二首

高山岑嘉樹林上有好鳥珠翠金自名鴛鴦行且吟孤  
客聞之動哀音何不遠去玉堂陰鷹鷂飛來非所任此  
山之樹恐不深

長江如髮細草如烟吾思仙人以日以年細草如烟長  
江如髮吾思仙人以年以日樛榦之枝可以爲薪朋友  
相遠不如他人行潦之水兮可以療吾饑十畝之間兮  
不能容汝歸

夜夜曲

銅鑪灰燼香沉沉美人牀頭抱瑤琴推窗月落烟樹深

瓦缶集卷一

圭

拂弦欲彈衣袖簿金縷箱中不堪着自從折柳送君行  
日日秋風捲簾幙

雙燕引

君不見雙飛燕飛來飛去吳王殿吳宮火起梁棟燒國  
中麋鹿皆遁逃海濱有家歸不得安能容爾棲蓬蒿

烏棲曲

綠楊隄烏欲棲棲復飛夜深啼長安貴人駿馬嘶出門  
行子風淒淒相逢相看不相識鐘鼓樓頭月向西

東門行

出東門風淒淒脚下沾塗泥頭上烏鴉啼吾欲謁貴人

貴人門不可開白虎夾樞逞其威南山之草何離離側  
見爾羊上山坡羝羊前頭鳴羔羊後頭隨獸尙有知爾  
何獨勿思人不如獸何以生爲

梳頭歌

芙蓉葉落秋江冷羅帳初開海棠醒水窗女兒正梳頭  
隔簾飛過鴛鴦影玉梳未梳思悄然一行紅淚珍珠圓

公無渡河

公無渡河公何不渡河我見河有水不見水有波河水  
一朝盡河沙積成山行人道上走終日車班班車班班  
入近關城中昨夜輿尸還

放歌

瓦缶集卷一

七

吾將隱居南山南荒荆叢棘百不堪吾將隱居北山北  
陸險川危安可得虎豹磨牙將噬人下及蟲蟻皆覓食  
愧此六尺軀安能恣爾飽啖無所餘嗟乎哉歸去來沿  
溪十里梅花開隣家有酒初撥醅黃河一瀉空中杯到  
門不十步門多蛛網田蒿萊歸耕旣不可遠遊愁殺我  
道逢韓伯休惕然爲我愁飲我以靈藥駕我以赤虬攜  
手笑傲淩滄洲吾將與子逍遙遊安能局促爲世囚

白頭吟

淒淒復淒淒門前山鷓啼春殘朱不實飛上高枝棲誰

家高樓卷簾幙西風十日朱顏薄美人檢點嫁時衣零  
落花枝不堪着極目天涯芳草稀新人長送故人歸落  
花雖落尙堪埽不惜贈君金縷衣

楊白花

城門啼早鴉撥亂檐前花鴉啼向何處飛上垂楊樹長  
條踈地不結根宛轉隨風渡江去

君馬黃

君馬黃臣馬白君馬歸天閑臣馬踐下國白馬之白非  
正色乃是金天沴氣之所積化而爲馬性殘刻白龍能  
上天爾實無其力白鳳能和鳴爾實無其德國人偶不

瓦缶集卷一

七

知被以黃金勒徒然儲其腹游行擇所食當時一出田  
野間秋無禾稻春無麥乃復尙有人以其善騰擲竊號  
爲將軍幽州來作賊害及劉王孫天子不敢責世間有  
壯士力能制熊羆刀鋌斷其頭破其額血流滾滾以手  
拭能使皮毛變成赤然後此馬不敢逆

高樓曲

高樓月落千年樹美人沉醉春宵去瓊杯散亂金珀光  
入門左顧雙鸞鴛何爲不樂思故鄉

悲歌

將適萬里兮懷所知駸駸道路兮青春悲邠俗桃杏兮

花菲菲木縣蓐麥兮參差開不采而佩兮非其材故人  
高駕兮策駑駘身列戎行兮絡以羈如彼孤舟兮緇纒  
維逝將去汝兮何所之男兒出身兮華髮死爲國殤  
兮安足辭豈不懷歸兮念庭幃昊天不弔兮梁木萎身  
雖猶在兮心肝摧何爲不能兮遠相隨維子之故兮吾  
心遠邊風蕭颯兮動九垓蕭飴互動兮清且哀忽遠忽  
近兮東復西將予就之兮棄若遺孟冬十月兮雪霏霏  
千里一色兮同雲垂匪吾所獨兮無裳衣征馬蕭蕭兮  
心已歸人何不然兮遠淒其況吾孤子兮身孤棲朝飲  
曾水兮夕烟炊一出入兮無所依塞草已盡兮烏雀

瓦缶集卷一

六

稀寒威刺骨兮利如鉅身如龜坼兮無完肌嗟爾朋友  
兮將告誰哀哀父母兮不在斯中夜吞聲兮淚暗揮恐  
驚九原兮生慘悽身可許人兮豈不時唯此區區兮俾  
余疵維彼君子兮驅羣才何不念吾兮步遲遲白日昭  
昭兮遑照微皇天何時兮罷遠威不然捐命兮在邊隅  
庶幾魂魄兮共徘徊昨聞將軍兮擢月氏荏都之人兮  
樂慕懷何爲不見兮旌旄麾使吾終日兮神不怡黃河  
之水兮自天來東流滾滾兮不復迴中有神魚兮揚素  
鬣吾欲飛從兮背上騎河伯不仁兮辭不能遙傳抑淚  
兮寄所思中流多阻兮江與淮吾有所思兮湘水隈欲

往從之兮風浪危側身南望兮涕泗淚顧瞻而北兮山  
崔嵬豈無四牡兮車駢駢不我肯顧兮歲再移若復有  
人兮慰渴饑何以謝之兮瑛瓊瑰又何以謝兮冥報貽  
遠託高鳥兮致言詞形影分飛兮天一涯罔罔余懷兮  
多所疑恍焉惚焉兮身世非之死之生兮互盈虧亮不  
久留兮枯桑枝何能鬱結兮如蟠螭蜘蛛忽而兮生網  
絲臂此而目兮將安施塊然孰獨兮百不爲何以盡此  
兮日月馳心如鷗鵠兮向南飛安得鸞斯兮共提提鳴  
呼哀哉兮邊城兒

輓轎曲

瓦缶集卷一

九

明河北斗挂闌干輓轎金井秋水寒擣衣老去茱萸女  
手拂銀瓶淚如雨

仙人篇

玉真仙人醉慵忪醒來招友東蒙峰手挾白鹿攜蒼龍  
攜龍遠贈太乙子曰吾亦從此逝矣直上蓬萊釣海水  
海水碧迢迢扁舟去路遙迴風吹桃樹瑤蘿共招要雌  
凰飛去三千歲還與仙人吹紫簫

悲歌行

伴狂玩世人不識禮法士陌路相逢無一言疾風吹過  
咸陽市鐵門關前駿馬嘶黃河遠出崑崙西朔方健兒

渴欲死河水一斛三斗泥店家有美酒手中無偏提將  
軍瞋怒美人笑西海西邊無鼓驛一箭不折降王死收  
拾屠沽塞蘆子明堂禮樂大將旗絕倒擲榆路旁鬼燕  
南壯士無等倫擊筑彈絲易水濱酒酣耳熱夜變色漁  
陽慘澹愁殺人客既不善飲酒亦不再巡仙人調玉瑟  
去矣千年春天上飛魂尋不得城中長揖空相親中山  
兔毫殺已盡回來燒却頭上巾徂徠山中李太白偶到  
人間賒月色搔首青天太華峰攜來世上無人識腰間  
寶劍土花碧化作長虹氣千尺井里蕭條無主人直上  
終南望終北

有所思

无缶集卷一

三

何處仙城惜夢遊琴心三疊月當樓折來楊柳終青眼  
飛去鷺鷥定白頭帳底曉珠長似夜洞中春樹不知秋  
人生只合相思老未便明河號莫愁

采菱曲

八月南湖湖水流白蘋花下早經秋行人休唱江南曲

少女能歌水調謳

采菱采菱菱角長荷花欲落雞頭香隔葉牽絲刺儂手  
迎風打槳濕儂裳

子夜歌三首

深庭小樹號相思會見春來發一枝莫妬同心是梔子  
東風開落不多時

十二珠簾卷玉鉤妾家西北有高楼使君五馬城南駐  
莫要提筐上陌頭

柳枝無力闌纖腰未嫁吳孌分外嬌獨上妝樓畫眉黛  
任他明月自吹簫

楊柳枝詞四首

蒲桃煎濃琥珀卮勸君滿酌君莫辭驕嘶白馬不肯去  
最好門前楊柳枝

白錦隄頭水拍天送郎歸去鐵連錢何人解唱楊枝曲

无缶集卷一

主

零落春風二十年

溪邊柳色似黃金葛葉纏綿力不任折得柳枝堪繫馬  
采得葛絲堪繫心

黃河東去水潏潏一笛西風人未還誰識楊枝無限恨  
高高秋月滿關山

少年行

遲日歌師拍板催卷簾妓女掃花開千金買笑春遊徧  
一騎追風夜獵回

塞上曲四首

雪淨沙明日月光蒲梢元屬大宛王憑誰拾取班超筆

重寫天山字幾行

無定河流似索居防秋消息近何如沙州只在金城外

幾度佳人錯寄書

獵火分明照蒲山按班沉醉夜深還琵琶馬上檀槽爇

不放軍裝武妓閒

隴頭風定悄無聲鹿角霜嚴夜不驚一曲康王新樂府

蕭蕭落葉滿長城

從軍行

金微山不斷音信易銷沉漢節玉關老高臺春色深壯

懷天曠蕩歸思日登臨楊柳當年綠空悲少婦心

瓦缶集卷一

圭

瓦缶集卷一終

瓦缶集卷二

古體詩

嘉興 李宗渭 秦川

擬古詩十七首

戚戚復戚戚百年長若斯愛恩口以迺何言歡樂時  
杲春載陽寂寂涼風吹陰陽迭相代寸心安可懷與子  
本兩人生質易乖離窮鳥亦有羽枯樹亦有枝願子長  
努力白首以爲期

飛鴻在霄漢不知叢樹林游魚戲江海不知池沼深丈  
夫志四方不知少婦心束髮事君子良時撫瑟琴歲華

瓦缶集卷二

一以駛憂戚良難任

在陸爲楊花在水爲浮蘋飄泊有時至聚散未有因邇  
近承高會思欲展殷勤心知在萬里何必骨肉親中厨  
豈鮮薄脯熊炙猩脣賓瑟揚東謳銀箏調西秦四坐莫  
不歎各言多苦辛快意貴目前獨坐歌陽春

上有青綺樓下有白玉堂重櫺紫絲障金狔沈水香美  
人青春意對鏡照容光冷冷朱絲瑟彈作陌上桑此曲  
無人會知希世所傷白馬誰家子挾彈獨徬徨與君兩  
隔絕安知彼中腸相思不相識抱瑟歸蘭房

懿筐陌上頭攀條折其柎盈盈閨中女織織作微步高



鳥薄天飛南陵日已暮悵然憶遠人棄置在中路

海水揚天風旭日始平林其此百年內往古成來今悠  
悠人間世誰知我苦心鹿鳴思嘉賓鳴鶴懷好音水流  
無定所素心聊相尋滋我九畹蘭坐見寒霜侵不如遠  
服賈陸肉多黃金

女子貞不字求賢意良難曉日上高樓照見芙蓉顏知  
君悅我意玉帛相周旋令德爲夫婦大義不可干亮無  
心同異朝夕恒乾乾獨居非吾願非禮夙所閑青春去  
何速乘馬不復前嗟彼牀上琴朱絲不能彈  
中庭摘萱花花葉何杳裏傾我合歡杯況此忘憂草目

瓦缶集卷二

送萬里雲持情謝高鳥嘗恐雨雪飄零落不相保

皎皎天上星歷歷雲中樹飛飛鳥鵲羽非時莫能度灼  
灼天孫錦不如機上素終日札七襄都爲秋風誤銀河  
迢相望牽牛淚如雨

驅車道路長遊子悲遠役四野風蕭蕭高樹百餘尺秋  
風發微涼寒蟬鳴我側回首指故鄉道里忽復易不見  
舊遊處但見羈鹿跡誰能舍光輝日入猶未息

海水廣且深洪濤日所浴賓饒宅朔方微霜下庭綠晝  
短夜冥冥人命一何速孤客離別心良馬暮年足賞愛  
不須與一去不可復置酒高堂上泠泠絲與竹何知佳

人意展袖揚妙曲兩兩紫鴛鴦就君池上宿君既不彈  
射何爲傷局促城翼生憂思飛去上林木

出郭門十里蕭蕭吹白沙常時經行處松柏成交柯良  
田築爲墓起土象山阿自古皆有死邱墳日以多泉下  
長眠人千載不還家仁壽不相保人生如逝波去者苦  
已遠安知來者何

人生一世間戚戚少騷虞終無百年慮保此一日軀展  
情無大艱所爭在斯須貴賤不相待何不止且隅爲謔  
在一身焉能及其餘

青春望行人秋風颯以吹之子適萬里歲暮不得歸霜

瓦缶集卷二

露日已繁月八空霜閣幽憂卧無寐空想餘光輝古歡  
亮如昨詩非不下遺誰言爲夫婦反得長相思恩情中  
央絕猶復接言辭晨風有高羽念子無所依蕭蕭仰天  
歎流水無前期題書傳鳥翼感我涕沾衣

明月照秋雲庭樹何歷歷起視夜何其銀漢滄且碧明  
明織女星牽牛在其側人生如參辰一往不相得我獨  
歸故鄉子行爲遠客身遠都相忘朝夕似疇昔君子意  
在敦常恐有變易

五色駕鸞錦襲此英瓊瑤美人雲端贈繫之朱絲條此  
物豈不貴寧邇心自遙心知不敢道叢桂日以凋聚散

如浮萍悠悠任風飄

庭前看月光上堂復下堂憂愁無處所佇立以徬徨客  
行有何樂楚楚新衣裳井里日睽隔親戚在他鄉道長  
日已晚行人有時返

古意二首

種桃在西園今年始作花陽春二三月遊子將還家采  
芳江水濱江水濕衣帶欲折芙蓉花將來鍼縷佩我有  
鴛鴦錦繡作連理枝感君纏綿意雜佩以贈之被以五  
銖衣贈以八月裘不願富與貴願君長壽考

幽輝挂中天白日已西沒遊子有遠行涼秋八九月江

瓦缶集卷二

四

邊采杜若歲晚猶芬芳采之不盈匊弃置在路旁我有  
紅錦段裁爲合歡被雜佩以贈之誰識纏綿意着以八  
蠟繭緣以五色絲不願金與玉願君長相思

秦關道中

秦川一千里客行殊未休踟躕臨中野河水悵悠悠水  
深沒馬足欲濟無方舟南山木葉下蕭條天地秋顧無  
杜康酒何以寫我憂

望太華

吁嗟太華山青天無定影四面浮雲馳仰望不見頂白  
帝司金方氣與元化并赤日麗中天肅然霜雪冷何當

乘長風直上凌絕嶺

山莊宴

青門一爲客再看咸陽花携觴客何好復此奏清觴雖  
然山莊飲何異度龍沙秦姬年十五勸客酌流霞持杯  
漫取醉不知西日斜悵望秦川路悠悠隔天涯

擬李供奉白飲酒

昨日好風日今日已不如及此一壺酒安能愁屏居春  
風能醉人一笑山花舒我飲日西斜我醉月華滿悠然  
此獨酌一雁青天遠

擬杜工部甫出塞

瓦缶集卷二

五

結束出門去嗚咽辭所親悲酸話未竟吾車已聯轡軍  
中興苦樂赤脚行采薪生爲百夫長死與萬鬼隣

擬王右丞維飯僧

中年頗好道遂與宦情別靜愛山中僧共此松下月圓  
蔬刷藥苗野飯采松屑終南有茅屋邈爾與世絕平旦  
衆鳥鳴日落樵歌歇入世何用深溪雲共明滅

擬孟先生浩然採樵

採樵入深山山深行自緩始見山花開流出淵泉遠啼  
鳥石林靜清磬道人飯偶然值山客相和樵歌返

垂虹橋

長橋如垂虹下有東流水流水何時還行人去不已鐵  
笛一聲風扇舟明月中

將之吳門寄婁上故人

故人婁江上冬雪已霏微木落江水寒飄飄何處飛我  
汎石湖櫂愁君霜滿衣江南好留客爲待春風歸

寄北遊故人

垂楊意蕭索故鄉生早寒故人東海曲迢望南雲端遠  
道歷霜雪滄江渺波瀾心期泰岱遊復茲棲霞山孤鴻  
杳何處一片秋雲閒何時日觀峰與子共躋攀

登高懷謝城兄

瓦缶集卷二

六

陟彼高山上眷然懷吾兄惜別此何時西風吹菊英折  
取已盈把無由寄遠行日暮下山去蕭蕭鴻雁聲

山茶

山茶壓梅萼衝寒先作花晨霜既凌厲暮雪亦滄加綠  
葉凍不脫朱粧弄奇葩如何歲寒姿爲人呈妍華寂寞  
憑誰賞春風吹天涯

春日偶題

春風已滄蕩過雨山容佳花間一鳥下值此清尊閒攀  
花寄遠道美人天一涯幽蘭上長坂芳草生閒階獨坐  
對永日悠然平生懷

雜詩

天天山桃花依依楊柳烟醉與野老別落日茅櫓前原  
野春融融花草迷行處十里酒旗風不覺迷前路

訪文上人

何處訪詩人獨有禪樓客野外菜甲黃窓前杏花白語  
罷暮州生惻悵水雲別

春夜

春月如佳人娟娟采雲上獨立萬古情蛾眉自相向何  
處玉簫聲吹我夢魂蕩相思人未眠永夜樓頭望

題暮林歸鳥圖

瓦缶集卷二

七

孤雲渺無際一片江南山何許動愁思蕭蕭林樹間朝  
看飛鳥去暮看飛鳥還

簡友

亭亭天上月嫋嫋林間風寒氣生牖北流光燭牆東感  
時生煩憂何以開心宵念我素心人嘆息將毋同

送徐周尹之山東

銜杯大道間遊子有所之去去不得意將適東海湄白  
髮高堂別朱顏少婦悲豈不念鄉國貧賤輕別離孤鴻  
號四野千里方徘徊男兒無黃金一室如天涯俯瞰深  
川流仰視浮雲馳歎愛一朝早愁思方自茲游魚戀深

淵飛鳥思故枝萬物各有託遊子何獨遘朝發瓜洲渡  
暮宿橫山隈却望長江水前路猶相依清商發中夜音  
響何悲悵念我道云遠復此徒御饑載饑不足惜遠道  
安可遲陽春二三月好風從東來佳人弄白日當窓理  
朱絲舍我陌上桑彈彼遊子詞一彈日黯黯再鼓風淒  
淒淒淒復淒淒淒下不能揮贈君芍藥花底以喻中懷

春日效青蓮

幽期阻名山獨坐愁陽春忽然碧草色羅羅江水濱景  
物已如此提壺休厭煩入春多佳日江邊來酒人瑤華  
未衰歇瑞月光如銀飲罷分手去落花盈葛巾

充街集卷二

八

題用平載酒圖

仲容青雲器辭延之五寄託在高深玩世漫取醉悠悠  
非我心白雲遙相待滄波杳難尋日暮權船去蕭蕭秋  
樹林

古風十五首

學書竟無成形容已枯槁立身無良圖弄之何不早道  
逢一老農告我稼穡好荷鋤來東臬立苗去纖草狂飈  
一夕生趣使禾顛倒學耕無要術餒矣何由他不如歸  
求師六藝復搜討

天涯衰草合客思方悠哉駕言陟高阜四面秋風來南

山水葉下北郭黃花開何以爲我憂蒲桃新撥醅亮無  
同心友置此芙蓉杯

山人非有求山中讀周易白髮垂兩肩天然好顏色獨  
坐千餘歲不語亦不食遺我一卷書赤文古圖籍嗟我  
塵世人尋章意莫識逝將歸舊山長跪復請益蒼蒼雲  
霧深不見行人跡

小鳥有翠羽翩翩林木叢因蒙主人愛羅致在樊籠翽  
翽上林樹棲息玉堂中纖文見欣賞哀此冲天鴻  
江漢有游女京洛多少年相逢綠楊樹高掛紫絲繩柔  
姿妾自愛令儀君詎然本擬結同心如何反作打桃傍

充街集卷二

九

生李樹本自不相連

不寐夜太息吾懷夫如何男兒非無事意思常苦多行  
舟阻大陸改軌成洪波歛手觀大化歲月忽已過南山  
有脩竹不廢我嘯歌

天澤潤百物蓬蒿如人長幽蘭產其下華寸揚芬芳佳  
人摘其英佩之紅羅裳過時而不采委弃將毋傷  
黃雀舞檐隙于世本無患蚩蚩者誰子飛土復見彈豈  
無高飛羽翩翩雲海寬寄謝里中兒空逐枋榆間  
孟冬歲凛凜天寒始北風念此孤舟客前路安可窮居  
人感蟋蟀行子懷飛蓬自非日與月安能各西東

秋山日以淨草木生動姿擣壺陟高岡及此秋風時山  
中有叢菊霜前發金枝酌酒汎其英悠然懷所思

代馬嘶北風由來千里道八月塞垣秋天霜殺邊草黃  
雲生戰場落日沒歸鳥遠道安可知沙磧行人少聰途  
登高岡肅肅雁飛早惆悵深閨婦紅顏鏡中老

平生有知己投老在巖石微言託烟霞不信利名客一  
往二十年素心共晨夕純詣亮無違前知來似昔枯松  
挺勁姿脩竹有古色貞幹保歲寒繁霜何足惜

旻天垂白露庭樹尚青青搖落今如此當春何不榮  
娈娈根菊始吐霜中英靡靡意下蘭冰雪竟何成

瓦缶集卷二

十

明明匣中鏡國變似秋月美人玉臺上皓腕理華髮素  
心千載期豈謂一朝別并置三十年容光有圓缺昔爲  
百鍊銅化作太古鐵蘊真含光輝終懼不識察

驅車奪門道悠悠思故人不可見嘆息梁園春信  
陵昔好士門前羅衆賓黃金一以盡白首無相親人生  
不富貴動輒多荆榛何爲七尺軀終老車馬塵

閒居客至

荷鋤力不勝把卷眼欲閉習懶成自然非唯病魔累生  
無他嗜好差喜客能至勝友如相過清談有能事性本  
不善飲樂且與人醉閒尊面南山一酌有餘味客興方

頽然吾亦倦欲睡平生得意交此之謂適志吟詩客正  
來一咲山花開

初秋早起

曉色動修樹碧草含蒼烟幽階好女兒一咲方嫣然生  
意四時足澹蕩秋風前

和竹垞先生鴨餛飩詩

鴨鴨逐隊飛一母子生百達乃墮魚牀近或雜雞柵澤  
農費旁搜舴舨罷撐刺盛以青竹籃簋屋牛糞積十手  
運甕飢更背置蓆席辨之臬日中容色利用赤要知  
道屢遷務使滿不溢經旬陰陽判生者各附翼其餘窒而

瓦缶集卷二

十一

鰕敗品人并擲允宜王述投不中苟變食邦人雅好事  
勛厨共剖折瓦盆泄井華去垢瀝盤榻不川鹽鼓調祇  
將桂椒炙匹雛下體無寸穀中央厄退房石榴朱小片  
茨菇白名之鴨餛飩取象義可釋物情多所怪尤慮嘲  
北客僕本菰蘆人鄉味期自適百錢恣一飽兼連酒徒  
喫風土或未諳圖經補徐碩

元徐碩撰  
嘉禾志

舟行

舟行戒前途去路不覺遠雲連山色多水折鏡光轉犬  
吠知人家雞鳴覺日晚孤僧陌上歸漁子水中飯鼓櫂  
入深村蕭蕭扶花滿

歲暮舟中作

水落天宇空蕭蕭歲寒竹我行當歲窮川路浩相屬蟋蟀歌宴樂我獨何不穀感彼道路長惜此歲時促不應衣食謀何爲自結束山中有故人欲去猶踟躕念無愚公山可以名我谷

補研

吾家老蒼頭貽吾石一片其質黝而粗其理硬而漫其直可三錢其物出稗販品下用復踈頗爲世所賤吾時方九齡初有事豪翰禿管縛茅薪壞墨維上炭由拳桑皮紙與此石相殿隨手寫之無任意改隸篆破書盡無

瓦缶集卷二

三

餘短牆題已遍家貧乏師資往學村南畔朝出納懷袖暮歸褰書卷去家五百步來往携之便自此四五年曾無一日間雖非殷侯贈日用亦不倦自我走燕關馳驅失初願北方風氣剛搖鞭復調箭十指禿如掄邊政問筆視他日返故山風物嗟已換三徑菊荒蕪千卷書歷亂况此一卷石安識其流轉念之不能忘心慮輒煩眩此物何足貴但感昔所眷異時珣珥琪有力斯能建唯此吾舊物一往不可見平生君子交白首不相違譬如耐久朋歡愛一朝斷還問贈研人奄忽逐飛電感物增懷人情深重繼絕

柴門

柴門對江開相看無日夕夜靜水不流月明沙渚白烟際沒漁舟樹杪帶行客一雙白鷺羽點破青天碧

秋夜

寂寂永夜中四壁秋蟲聲雪際露微月始向西牆明天空雁鴻沒露滴梧桐清相憶定何處相思空復情

紹興

渡江越名都凌虛如畫裏篷艇穿戶入檐花拂面起官衙啓朝嵐人家在秋水郭外飄炊烟日中動山市綠竹護樵籬鷓鴣兒啖蘋子橋低礙通舟岸近易登止未識剡

瓦缶集卷二

三

溪曲茲焉底清美

遊曹山

雨水隔不斷石隙船纔通一從漁父艇愛此幽人宮魚喧石潭靜鳥亂青山空何年運鬼斧此地開神功百尺峭四壁衆壑分三峰坐聞落清磬卧看舒采虹撥棹鏡光轉登崖雲景重細流礙石礙斜樹飄天風尋源路蟠曲不雨山冥濛人家越溪上雞犬秦山中坐惜秋草綠不見桃花紅寄言山中客遲我巢雲松

重遊曹山

塵外謝日月山中無古今荒途屢登陟始知巖壑深前

期不可象後遊迷追尋晉然古洞中時有清緩吟修樹  
不擇種幽篁漫成林迴颺激細泉冷然風中琴落日石  
巖上返照藤蘿陰樵友來相命前峰指登臨高秋石骨  
露叢草幽泉沈潛深窈窕谷升高緬江潯新歡若在目  
舊賞猶縈心岩薨撫雲石山上一峯壁立名雲石知非他山岑長  
生在人世徒聞鸞鶴音

登卧龍山

登高悄無人秋色何佳哉蒼然古松下不見黃花開山  
光媚遠客空青照人來孤情與遠色今日相徘徊

遶門山

越人采石于此山爲之館

无咎集卷二

古

遶門一片石崩奔自何年遙聞斧鑿聲日夕猶不閉深  
水復淺水上山翻下山經月一再往忽已變巖巒山如  
靜者壽有用斯凋殘嘆息世間人何能保朱顏

晚過柯橋

向晚亂漁浦漁舟下林間我亦泛舟去將歸江上山碧  
天滄無際一雁秋風還孤影向何處翩翩傷客顏

刈稻

築場上下畦刈稻東西陌一朝慰饑寒辛苦在疇昔短  
鎌老農庠竹檐中男穫盡此十畝田柴門日已夕雖有  
手足勞而無憔悴色今人誠不知古人重力穡

尋春

尋春未云晚桃花紅漸稀唯有石潭柳相見猶依依撥  
水綠蘋轉擺棹春波微遵此溪上行時見山禽飛寄言  
滄浪叟及爾秋風歸

晚過臨平山

朝從西湖來衣上柳花碧舉棹百里中兩頭見山色山  
光近復遠不覺日將夕水際上漁人烟中語山客明發  
下灘行遙遙徑微白

近遊

青春去已多垂柳尚濃郁良辰爲近遊聊復騁余目山

无咎集卷二

五

低陟不難水淺稍可浴油油桑柘肥鼎鼎櫻桃熟游魚  
浮清湍鳴禽在嘉木親友偕吾行各已暮春服何必賦  
新詩清言頗不俗行坐定無時去住適所欲曾無止境  
投不得微行曲屐齒惜芳草帽檐壓深綠命侶非前期  
樵歌忽相續山門三四人歸或過五六山居諒非遙落  
日已幽谷

薄田

薄田在東臯荒穢頗不治今日好風日且復驅耕犁歲  
苦惡草生根莠令我饑去之植良苗既耘亦已耜豈不  
念憔悴多恐失良時

擬雜體詩 并序

歲月已徂不廢歡歌楚謠漢風古人渺矣顧其體製  
可得而言江文通雜體詩緣情寄意殆可謂曲盡其  
妙體中佳時時復爲之數彼新聲失其故步舉似吾  
友毋乃爲撫掌之資乎

古離別

迢迢玉門關鬱鬱金微山孤雲去大漠千里不知還  
皎皎素月光照我帟屏間攬衣步庭下零露已漙漙  
寒蛩入戶下陽鳥悲天寒嗟彼遠遊子還家誠獨難  
時節忽已晚如何道途遠悠悠歷山川昔別今不返

李都尉從軍

去

別家向絕域樽酒辭故人嘆息撫長劍秋風吹暮雲  
今日一杯酒明朝萬里身徘徊四野中欲去猶逡巡  
本爲忠義士將以答君親心事會有託功名不可論

班婕妤咏扇

皎皎合歡扇乃是齊紈作動搖明月輝流光忽遲暮  
君心自有異雖新已成故新人執上花故人執上素  
素色寧羞花卉置在中路弃置且勿悲素心終自持

魏文帝遊宴

逍遙命儔侶窈窕陟芳洲芙蓉冷曲渚綠竹生清幽  
人

生苦鹿鹿酌酒以忘憂張鎰華池宴秉燭清夜遊空中  
獨鶴唳足下清川流榆星樹頭燦桂月波間浮天章一  
何爛坐客發長謳樂飲不知倦客倡主亦酬暫時莫分  
手使我心悠悠

陳思王贈友

交遊道日廣貧賤不可忘嗟哉處華屋寧知隔殊方  
東風植蘭蕙幽谷傳芬芳嘉名得所薦置之曲室傍  
秋氣忽微隕瑤草元以黃昔我二三子携手歸帝鄉  
浮雲一朝散霖雨安所望平生感久要去日苦已長  
毋寧保初心千古猶飛揚

劉文學感遇

去

嘉樹何扶疎託根在山徑謬蒙匠石顧遂與棟梁並  
丹雘旣勤施敢不厲孤勁恭承休明詔倏起拜朝命  
從游歷豐沛侍宴入宮禁假以筆墨綠而忝簿書任日  
昃不遑息宜爲銜恩甚

王侍中懷德

漢室昔凋喪羣雄方戰爭君子旣塗炭小人亦縱橫  
驅車遺故里遠徙長安城豺狼皆冠冕宮殿多棘荆  
中平復逃竄飄然南中行市中非吾土依依懷舊京  
幸逢昌明運重得覩太平賢主謬賜識欽吾文字名  
顯惟知己



思豈伊簪笏榮灼灼上林樹乃是江南生苟不勤灌溉  
朱實將何成

嵇中散言志

達人貴無爲夙昔紫霞想散髮巖岫間欣然獨長往嗟  
我同心人亦越在林莽振素蘆山高濯纓漢川廣鴻飛  
在冥冥萬里志飄蕩不敢差池羽乃復見羅網失意志  
未申得時道尤枉守眞愜所慮虛中定無象塗龜庶曳  
尾犧牛遂用享長嘯蘇門山差不背嘯巖

阮步兵咏懷

青鳥遊四海黃雀棲一枝廣狹有定分羽翼豈不宜扶

瓦缶集卷二

六

嵇亮非至枋榆亦奚爲鴻鵠慕遠志直上青雲飛威鳳  
刷其羽終向丹山歸

張司空離情

夫何一佳人輕衣步逍遙手折萱草枝欲贈隔重霄春  
風忽相過落花盈翠翹感彼白日暮惜此朱顏凋青雀  
東南來遣我紅錦繡佳期采雲沒相思空復勞

潘黃門述哀

惻惻慕故侶依依戀空閨非無丈夫志言念子令儀重  
泉一朝隔千載無還期思子如昨日淚下如綆縻仰天  
一長嘆低頭復深思感彼哀鳴雁孤雄憶其雌婉孌還

入房見子舊羅幃周邐不忍視便可卷藏之侍史已在  
側欲語不能詞朝命忽相迫驅車將載馳却望遠山畔  
宿草何離離望墳復何益况此千里辭魂魄有所戀將  
子相追隨

陸平原羈宦

結念在東吳微身入西洛拂衣記他年還我舊雲壑虛  
名偶見錄宰庭忝入幕捫笏趨東朝舍毫佐藩岳再入  
承華門晉接平津開耳筆多俊髦詞林共酬酢優游年  
歲徂惆恍手足絕雖蒙彤庭賞每苦群居索朝遊洛陽  
川遙望城北郭雲物何蒼然風景差不惡眷然懷故鄉

瓦缶集卷二

九

華亭一鳴鶴

左記室咏史

伍員必覆楚張良能報韓立身自不苟豈復顧禍患分  
義不可失功名何獨難超然綽連子談笑弭兵端子雲  
不曉事美新非所安老去空投閣文章何足觀

張黃門苦雨

苦雨變節序黑雲壓層城陽和蔽中天陰壑聞水行南  
嶽宿霧積北渚淒風生埵邊集鳴鶴室中多嘆聲幽州  
有思婦能笑步前楹落葉無人掃青苔上階平際此窮  
陰日淒然傷別情

劉太尉傷亂

洛下昔多事戰爭方未休枕戈待平旦願與子同仇長  
風吹敗葉渡遠荆門舟陵樹何蕭蕭日落寒江流寵命  
及微薄夙志將何酬願慙胥復楚思奮勃安劉功名豈  
不立華髮已飈飈朝登大庭庫鬱鬱望神州平楚一以  
遠蕭條天地秋伊昔我生初王國尙優游吁嗟我生後  
乃罹此百憂

盧郎中感交

芝草亦有水醴泉亦有源桓桓司空公世德作屏藩公  
忠翊運會至道彌乾坤伊余維小子結託仰高門芬芳

毛告集卷二

三

紹懿戚委婉重新婚掄才踐有位攬秀承華軒榮華一  
朝盡落葉辭本根南冠滯楚客西河留季孫結束去幽  
并依依懷舊恩聊傳一書札千里猶晤言願因北風發  
吹我夢中魂但懷夙昔志何慮終分奔

郭弘農游仙

務成在陶唐廣成師軒轅長生有大道萬乘何足言秦  
帝遣徐市起土營驪山漢皇寵五利茂陵家頽然一朝  
赤松子飄飄凌紫烟緱山王子晉遨遊上青天

張廷尉雜述

天道運其廣人事不可常屈伸有至理何壽亦何殤當

愈望山色悠然念羲皇群生何熙熙大地共飛揚遠人  
領其故坦然示周行欲取必固與欲歛必固張機知非  
自然謬謂弱勝強去以六月息猶將慮風長冷然御風  
善有待終茫茫元妙貴自我何乃費周章天地大何有  
可以臨八荒

許徵君自序

冥棲非尙志樂此稽山岑結構無遠宇虛室有餘深芳  
草鬱南澗落花飛北林山靈非相期不覺自幽尋悠然  
平生意於此發長吟誰言一朝近陋室橫古今白雲封  
戶牖清風吹素襟垂釣清溪上清溪清我心仰觀飛鳥

毛告集卷二

三

翔俯視遊魚沈

殷東陽興賜

酌酒臨高臺聊欲肆其志萬物何釐然憑闌一以視雲  
霞恣卷舒天地見真摯波光近可娛樹色遠自媚春秋  
多佳日值此風景麗袖手遊無遊寬然有餘思人生天  
地間動靜非一致悠悠天下人我亦從此逝

謝僕射遊覽

蟋蟀已在堂惜此年歲莫美人與我期山川隔長路西  
池好風日聊復騁余步良辰故不同賞心或相遇依依  
逝川流肅肅征鴻羽衰草接天涯敗葉舞殘樹往矣楊

柳枝青青漢陽渡來思風氣殊蕭條滿霜露蹉跎越城隅欲去尙延佇嗟我同懷人迢迢不知處

陶徵君田居

結屋依南山種田在南陌學稼雖不如荷鋤意良適東風搖百草村中杏花白田父來相命方將耘麻麥欣然與之俱土甘好稼穡力倦歸去來日光在檐隙家人相勞問柴門雞犬寂濁酒聊自斟庶以永今夕

謝臨川遊山

凌虛駕長川實踐躡山嶠元覽意良多非徒恣遊眺招隱屬靈境委蛇出長道携屐臨平坡扶筇歷奔峭迢遞

元告集卷二

三

入青春微茫辨殘燒晨光肆明暉惠色開朗照天宇緬多佳山客近亦妙在原既踐景陟嶽復舒嘯有來心共期不覺日西耀目看倦鳥歸耳聽哀猿叫良遊費日月幽賞窮所到路斷或待樵臨流忽逢釣窟穴多高人拂衣可同調

顏特進侍宴

殷墟際百六漢靈紹三五文命敷夏家武功篤周祐明明禮正交肅肅樂復舉黃壤體中宅紫微凝泰宇考卜邑作豐測景室營楚椒官起中天桂殿朝率土飛雲宿杏梁重霄見蘭柱連甍生微風開窓列遠樹天眷彌殷

勤皇情滌容與歌詩貶彤弓烝穀問折俎瓊筵列元冠廣坐間朱組顧非三多祝漫列九官序庶幾頌斯千聊以傳樂府

謝法曹贈別

高天多飛鴻我行嗟已暮滄江杳無期素心永如慕婉孌修前辭躑躅昧先路脫驂君悵望弭棹我延佇昆友當誰語親愛從我遊舉杯白日暮把袂寒川流由來怨芳草何況非清秋君子有三樂吾生乃百憂戚戚感留言遙遙遲明發自茲千里遠豈伊一朝別昨去新亭渚遙望浦陽汭朝阻山間風暮見溪上月山風肆零落溪

元告集卷二

三

月生清寒瞻途新永思念離補增怨平洲留宿莽深澤多芳蘭佳人一何曠遊子緬良難歸與其無涯往哉未能已笑言彼有終辛苦此云始愁人覺道遠踟躇客感時駛江上梅花開可以贈知己

王徵君養疾

鳴琴楚山碧養疴兼避喧庭草忽已綠湘江流到門閉戶日易落月華滿西軒良宵靜以永行藥步荒園已看高天迫復此明星繁懷情觀萬物藏壑無一言幽意但如此人間那復論

袁太尉從駕

哲后肅元祀盛德在新年明禋格文祖配帝燕皇天枌  
榆思舊社乘輿駕新田麾旌懸日月伐鼓震山川揚鞭  
珊瑚落舉棹珠輝圓杭碣寔西顧招搖將北旋季月天  
氣薄清霜正肅然山頭宿薄霧樹杪縈蒼煙觀稼履阡  
陌問俗歷都鄙頌詩繼周制廣歌續虞絃受籙將千載  
刻玉豈無前著以堯舜典付之史策傳

謝光祿郊遊

幽賞出山郭臨風襟每披青春已零落綠樹猶參差芳  
蘭上長坂圓荷冒華池尋山謁窈窕涉水清漣漪魚行  
碧潭遠鳥度殘陽遲不覺暮雲合忽爾微風吹遶廓本

瓦缶集卷二

五

自在風塵忽若遺洋洋泌水上可以樂忘饑

鮑參軍戎行

年少羽林郎白馬紫絲韁殺人都帶裏醉卧酒壚傍由  
來矜意氣常欲報君王應詔出關塞長驅之朔方將軍  
賜顏色激賞有輝光彎弓抱明月揮劍回星鉞生飲月  
氏血直斬樓蘭王勒功天山上歸來宴華堂常嗤魯儒  
拙每笑齊生狂苟能利國家生死安足量

休上人怨別

登高望秋色平野何蒼然湘水月華滿相思應未開琴  
心妾自斷刀頭君不還內舍少容色懷人多苦顏佳期

大堤上悵望衡陽山落葉不堪打空房何獨關寸心將  
素景渺渺滄波間

瓦缶集卷二

五

瓦缶集卷二

瓦缶集卷三

嘉興 李宗渭 秦川

古體詩

雜詩七首

永夜生悲風霜月入吾帷憂來不可去中心如調饑良  
人豈無儲守節情不移願馳萬里道側足安所施上農  
待良田霖雨非不時豐年有餓人徒以耒耜爲  
歲月忽已渺緬懷山中人題書秋風裏林阜已青春朱  
明變素節霜雪滿江津耶復遊市廛驚馬步遠巡藥中  
無黃金無論骨肉親黃河天上來山高下燕秦千里不

瓦缶集卷三

到海遂與涇渭隣吾有盈樽酒能使雙眉申當筵不能  
飲沈吟及茲辰志士營千秋小人謀一身窮賤在今日  
安得不苦辛

汎泉出深山寒冽未曾改嚴客習草間野性故常在漫  
刺謁朱門貴人不相待徘徊虛室中端居在塵海吾有  
所思人遙遙向千載

枯楊以爲棟東楚以爲梁丹漆刻其桷黃金澤其堂三  
人醉初醒賓客猶傳觴秦姬弄箏篴吳女吹笙簧蹴踘  
方未已彈棋聲相將華筵坐相待白日爲之長復有還  
方士門側獨彷徨逍遙堂中人爲樂殊未央

江南有故人遺我一紙書爲言不得意何不返故居開  
緘三歎息此言諒非迂翻翻雲中雁哀鳴向庭除適從  
何方來毋乃吳山隅去去從吾好掉首歸敝廬  
黃菊霜中花不能逞桃李素絲寒女織不能敵羅綺碧  
玉小家女不能事君子君心天上雲妾心井中水君心  
與妾心兩兩不相比

絕世一佳人柔情惜窈窕鉛華靜不御顏色常美好慘  
手弄素琴新聲徹雲表朱絲曲未終秋霜落庭草古有  
所思人同心在遠道今者獨徘徊愁歎聞中老

滄溟先生墓

瓦缶集卷三

長沙風雅宗慶陽文字祖萬葉振柯條濟南對雄武訪  
古歷下亭驅車越平楚不見高吟人荒墳一抔土欲薦  
溪中毛惜無篴及篴嗟哉白雪樓巋然竟千古

奉寄金心齋夫子

孤鐙照書帷展轉懷吾師吾懷亦已永非徒在今茲春  
花旣澹蕩秋雨亦凄其草堂納晨光山窓飄夕颺在昔  
長相近盤桓已多時如何一日間爲此十載思賓鴻鳴  
林端孤獸走山陂瞻途長太息淚下沾裳衣貧賤長相  
聚安用富貴爲况吾躡草屨徒步長安街題書轉恐懼  
憐吾爲吾哀江鄉去年旱今年復水災藥中無黃金何

以慰載饑愛婿吾少第跌宕能新詩庶以破岑寂朝莫  
相追隨嗟哉驛旅人終歲不得歸江南無長風悵望何  
能來平生矜志尙安在生別離逢世無善術動輒與時  
違新愁重相感舊恨終自滋飛鳥戀舊巢游魚思故池  
相思豈無會終負夙所期客從故鄉來書札遠相貽深  
心念遊子顛顛多言詞吟詩未終篇閣筆神不怡師手札云  
方賦詩寄懷以得來札憫即此相問訊至情不吾欺重  
恨不終篇而罷即以相寄吟復細把中心愴以悲連朝風雨聲來詩有不堪風雨又連朝之句  
颯颯前吹珍重此片言書紳長爲候辟如鮫人淚顆粒  
爲珠幾何必徑寸白然後生光輝他日重相見樽酒慰

无缶集卷三

三

離懷出此未完璧補以瑛瓊瑰長吟附鳥翼頭緒如亂  
絲天長道路遠寸心祇自知

懷朱珣叔

挂帆信天風駐足歷氷雪洲邊杜若萎石上瑤華歇行  
吟隔南雲悲歌愴燕月懷友子煩傷登高吾鬱結驚波  
東海流陽轡西枝沒冉冉此青春星星生華髮

述懷三首

學道乏金骨塵土日以滋一往三十年空老青山芝顚  
望道路長征馬行且馳春秋忽代序吾生何已時  
平生山中意凶年罷躬耕其曠謝知已安用傳吾情經

術不濟世貧賤無高名纏牽故萬一日余不長行  
昔登太白山未閉麋鹿性巖穴無隱才蒼蒼下微徑辟  
世苦不深勞生道彌競緬懷薛蘿人蕭然自孤咏

題證因圖

東髮觀群書考索在六經塵劫迷所尙誰能測沈冥終  
始微妙理微言良可貞證因非有因衆壑歸滄溟

題朱惺園舍人詩卷

水濱有遺磬古音獨迥然凡材叩不應逸響今千年舍  
人清時彥高步東南天一卷大雅吟寫出秋水篇平生  
學漢魏好古嗟無傳展對如舊學雜之曹劉編古人去

无缶集卷三

四

已遠孤意誰與宣梧桐一葉下跌宕涼風前重吟復細  
把林杪生蒼烟

擬古

夫何一佳人錦文佩瑤瑰借問女安居高城淥水隈青  
春行何速躑躅以徘徊倬彼海上駒飼以槽下粟顧視  
世間人碧花噴流玉千里若着眼徘徊以躑躅鳳凰在  
高岡一鳴天下平鳥飛欲從之毛羽何時成鸚鵡非言  
語驚雉無文明青松挺勁枝乃在泰山側上可摩青雲  
根株壓兩石感君灌溉恩爲君好顏色

贈徐雪蕉農部二首

左司滄蕩入意思結雲海耽詩理性情學道駐光采塵  
鞅不足羈高致復誰待入山陬巢許成功笑元凱俯仰  
安足論悠悠向千載

十五事遠遊再爲長安客驚馬不復前霜露凄以白東  
華富冠蓋喧闐靡日夕空嗟巷無人歸與謝行役傳聞  
碧澗桃令人好顏色流水滿人間孤舟去無迹

古意

梧桐何鬱鬱鳳鳴何喈喈丹山千餘仞有鳥不敢飛策  
馬渡河水河深不可杭作書報河伯龍馭列成行北風  
鳴蕭蕭敗葉墮江水嗟我所思人山川隔千里團圓青

五言集卷三

五

桂樹樹下多神仙中有綠髮翁粲然向我言青霄留我  
幄白雲非吾家天衢自可上安用翻日車

山行四首

吾行湖上山步步幽趣悔不携士龍來賦清秋句古  
道寂無人寒鴉來復去

深藏既無踪屢涉亦良苦愛此水石閒心靜似太古十

里松濤聲飛空作霖雨

城郭亦非遙山林興未已高樹出寒雲人家隔秋水何

處聞雞聲遙遙幾煙起

林際露微徑長揖逢老樵一語未及竟揮手越溪橋徙

倚未能去隱隱登山謠

小園四首

閒居無異營樹藝天性然草堂始偃息荷鋤開荒田草  
長可芟芟疏池出清泉泉流日涓涓園蔬日芊芊烹蔬  
酌泉水差勝饑饉年

小梅三十本移自野人家新栽曲池上春來能作花携  
壺就斟酌一鳥鳴槎枒蕭然發高咏因之寄天涯

鬱彼隴上行清風飄吾衣上農力畊作苗興稗草稀新  
苗交微雨平綠遠依依相逢田父言日莫且念歸

土墻一畝宮清溪三面曲風定悄無人橫塘靜寒綠老

五言集卷三

六

樹臨溪流綠枝跨茅屋時有釣魚船帶月簾下宿

擬古三首

明月出松間亭亭落孤照下有獨行人悲風發長嘯本  
爲吳越民行行卽長道不見故鄉人中心獨慘慘傳舍

日見親風光日見新平時骨月恩化爲行路人長江多

北風泰山生荆棘風塵非素心貧賤長苦辛

冀北有良馬追風安可得瘦骨立如山秋霜少顏色長

鳴向路人日入不遑食文繡來何遲悠悠適大國感君

翦拂恩淚下沾胸臆

東園天桃樹花謝子離離七月子堪采八月露華滋陌

上涼風發馨香遺所思秋水河梁遠蒼蒼難與期

出門

冬季十二月雞鳴天未光少婦理行囊遊子辭故鄉出門十步遠北風淒淒以涼撫墳別慈母泣涕以傍俚春秋霜露降不得親蒸嘗顧瞻還入門徘徊草間房萬里在須臾風波非所詳明明窓下燭照見瓦上霜天寒道途遠且復著衣裳努力愛身軀勿忘勿毀傷去去勿復道離別自此長

七里瀨

清溪洗道心蒼山媚幽情粼粼水紋動汎汎魚舟輕水

七

七

宿淹晨莫山樓迷晦明寒暄無人迹但聞落葉聲千林相對靜一鳥枝上鳴鳥鳴何嚶嚶慨我思友生友生不可見古人有遺榮揮手萬乘主掉臂九重城高風一日渺流水千年清豈徒釣臺上終以謝浮名

重登滕王閣

後來不可期去思渺何處今日天氣佳賞心忽然遇撫景寧白今茲遊亮非故寒潮帶夕陽亂煙橫古渡飛飛帆影馳湛湛江流去美人期不來深林日將暮

黃沙河示舍弟斯援

楚山青未了粵山復纏綿吾行豈永久一櫂水洄沿篷

窓如蓮戶鈎身曲尺眠舉手挹星辰側足響流泉山花

夾岸過水鳥飛不還回溪不覺眠林壑生微煙飄風與

之俱吾舟亦復前就此嘉樹林可以息長年令弟實疎

放酌酒醉青天舉杯月在手欲飲心茫然客醉枕其股

同身拍我肩空吟千春樂不見三山仙人生天地間即

事庶不瀆前途既渺爾後遊亦舍旃山靈照不語吾輩

誰能傳

初至桂林

風帆山水遊未嘗涉遠道欲窮天下奇乘風踰粵嶺嶺外實炎方桂林特神奧一湖湘水流遂放府江櫂身入

八

八

清光中迢迢弄晴濕萬朵青芙蓉亭亭落落照峯巒忽虛空洲渚近窈窕似聞水琤琮不覺川照輝撫景亦多娛尋源願探造裏糧待歲月漂幽恣周到得道采靈藥輕身歷奔峭此中想至險即事失殊妙前路其如何茲焉發長嘯

水月洞

投石山洞中水聲何泠然掉臂入明鏡人影空中縣朝曦射古壁苔蝕石上鏤摩挲再三讀古文猶可傳偶坐已永日再來不知年豁然洞天外萬頃玻璃田貞觀窮邱壑撥雲登山巔清景臨足下隨風上青天同頃望四



海胸襟蕩無邊

獨秀山

孤山擬百仞獨秀倚天空  
巖巖欽嶮面皆玲瓏窈  
窕後採迹仰觀仙靈宮  
明德顯有象丹臺蹊絕踪  
春月多佳日陽和扇微風  
獨往無嘯匹長譚開塵胸  
依依陰雨淨暖陽葩紅  
潛流出窈窕時鳥鳴從容  
離索理有感杳冥識所從  
緬懷五君咏高情孰與同

遊棲霞寺

出郭謝塵想清明非市朝  
飛飛雨中益汎汎水上橋  
遠巖迭曾翠近渚迷迴潮  
幽賞隨所得清聲忽見招  
目送

元岳集卷三

九

天中宇手揮塵外颺瞻佛物非體見真神亦超俯仰見  
天地踐履皆崇高及時有閒暇兼得窮山椒咫尺間陟  
降雲霞變昏昭山澤一回互平夸出沈寥平田開宿莽  
高亭跨清標春泉流屋下時鳥鳴柔條溪毛動浮藻山  
花散天桃天澤布在遠陽和德匪遙同志愜萬物怡情  
適今朝微微山出雲晚晚日欲消人事命吾去徒爲平  
生勞

桂林官舍小樓落成

趨庭至官舍晨起理朝蔬  
疏泉出瓦礫並得治精廬  
植基傍嘉樹下階引清渠  
伐木近山下誅茅野田墟  
一月

工始畢可以讀吾書開庭藝時菊小沼種文魚細草安  
用芟落葉不掃除吾友能時來並坐講樵漁時復登曾  
樓一使心神舒紙窗拓三面盡納青芙蓉秋色日夕佳  
蕭蕭林木疎山月來照人清光萬里虛有酒共斟酌無  
酒且躊躇焉知後來者誰與保厥初吾將謀今日庶以  
道自如

七星巖

拂塵訪深巖樵隱俱可託  
山色澹于人悠然念棲泊  
入谷景已迴升林路猶昨  
輕雲宿崢嶸流泉出嶮嶮  
迢然古洞中清音半天落  
欲尋草茸茸但覺煙蘿綠  
道人草

元岳集卷三

一

庵中宋顏瘦如鶴問之笑不言長嘯入雲壑吾聞青精  
草可以煉丹藥不過三山人空懷九天樂微風飄素襟  
暝色歛林薄遲遲欲歸心蠟屐當再著

哭徐左仲

滔滔易水流一去不復還嗟哉東海生竟天其年哀  
鴻微雲表悲悽響林間吾淚曷以盡身命與之捐蹙蹙  
行四方知己無一焉風塵各携手唯鄉得此賢昔別潞  
河上一葉江南船相思不相見歲月忽已遷空懷惆悵  
畧不見于話言來思不可知去矣何飄然吾行桂江上  
踟躕以周旋念吾平生親奄復歸重泉何以致吾情滾

滾湘灘川何以寫吾哀照照蒼梧烟

自靈川至興安

遠山澹欲無長松送清音微雨下長坂側足徑路深荒  
草上荒坡孤石蹲湖陰微微斥埃州噉噉緩緩吟客  
裏布巾出沒深樹林遠人拙言辭前路不可尋駕言陟  
高阜可以忘登臨孤懷夫如何萬里飛雲沈

全州別周野夫

並遊湘山寺各上灘江船欲去且復留執手筵窓前  
別日方午忽已月在天蠟炬再三銷酒杯亦還延是時  
冬方仲寒風厲以堅起視夜何其月落星繁語既不

无竹集卷三



可了情亦不復牽骨月若行路一朝輕棄捐明日即長  
路和思下漢川

舟行雜詩十六首

吾聞湘灘水夙昔寄相思吾有淚盈匊臨流遣何誰  
蘭芷生春憂香風日以滋青青松與柏及此雪霜時  
神龍噓雲氣頃刻隔陰陽不爲天下雨空掩白日光澄  
江有潛虜身備五色章升之入閭闔沈之在池溟江湖  
非尺水鰕鰕徒游翔  
故人不可見江水日東流酌酒吾何思萋萋杜若洲湘  
潭白日莫到處黃雲愁桂枝今安在歎息此淹留

叢桂三百株新栽繞茅屋自從去故鄉灌漑苦不足不  
知枝相糾今生幾重綠寄語里中兒慎勿毀薪木

山上一孤松亭亭出雪漢雨露滋其根風雪護其幹仙  
人乘紫鸞光輝一何榮欲采茯苓根將來作香飯  
成連刺船去海上有遺音冥悟徹無象朱絃不可尋  
有囊下材斲作太古琴一彈不成響置之高山岑

溪流宛轉間扁舟不可住沙際出山邨天邊轉江樹何  
人弄笛音噉噉千林莫漁父莫相招片帆從此去  
漢上有遊女由來不可求欲尋青鳥使申禮託綢繆喬  
木有餘蔭長江無定流思君君不見明月滿汀洲

无竹集卷三



中流望天際衡岳何蒼蒼周闊八百里秀出南斗旁仙  
靈之所宅雲氣日飛揚一爲天下雨頃刻霖八荒  
采蘋復采蘋江水何悠悠采之復棄之蘋葉東西流蘋  
流亦何止吾行亦何休汎汎無終極日莫生煩憂  
北風天上哀遊子傷心神天乎何罪尤獨爲失情人五  
年重泉閉音容不可親祭祀營道路靈樞寄湖濱念此  
中夜泣有懷何時申

吾家阮嗣宗窮愁日著書嗜酒有所託非耽麴蘖餘一  
朝歸大壑流年不可居吾歸人不見臨風一歎歎  
少年負盛氣遊俠燕與秦風塵苦心志龍性亦已馴改

服敦詩書饑寒迫我身卓彼孔氏言處約非不仁一瓢  
顏子若何人與結隣

輕雲閣微雨遠山隱迢青孤舟破清景溪山聊復停衣  
上歛暝色水中弄華星目送鷗鳥去飛飛沒前汀  
悠悠思吾友遙望吳山陽欲寄尺素書山川阻且長當  
時相期許携手歸帝鄉風波一失所貧賤各自傷洲渚  
有鴻雁促促謀稻粱何爲養雙羽不及雲中翔  
明月照沙灘積雪明兩岸水落天始寒雞鳴夜將半征  
夫懷苦心少婦含新怨江水去悠悠同爲一長歎

涪溪

元佑集卷三

三

行舟信江水忽此涪溪遊古人不可作崖石千年留流  
泉出石隙飛閣跨山陬雲飛春陵道鳥鳴瀟湘樓楚南  
佳山水心賞惟一邱吾志誰與共遐哉元道州

衡陽道中

背郭明夕陽蒼山若可覩路近瀟湘川四面生芳杜纖  
鱗前後迎閒鷗左右拒碎錦漾波心霞光逐柔艣

湘潭懷陳滄洲先生

吾行湘潭縣空作湘潭吟湘潭水千尺日暮愁人心白  
蘋已堪結芳洲無處尋美人殊未來悠悠下江潭

岳州道中

挂帆白鶴山南風送行客雪盡山空明江頭樹歷歷漁  
家收網絲居人伐蘆荻秋明月上澄江風吹道人笛

月下汎江

長途戒宵征乘興弄佳月清流汎不居素華若可掇激  
水明珠浮衆橈素紈裂平波無遠近扁舟忽超越望江  
江不流攬景景滋悅徐徐人影隨汎汎群鷗別烟際亂  
迢青沙頭明積雪靜知天體圓動忽蟾光闕飄蕩定無  
端來往會有歇躊躇欲去心輾轉不能發

行至武昌

雲外青山橫明河天上落依稀江影空舟行入寥廓在

元佑集卷三

古

遠迷歸心周覽契前約千里若在眼一帆聊可託歷歷  
江樹齊寒雲藐城郭鄂渚舊名都東南會疆索川途接  
揚粵車馬集宛洛十年商女愁千櫓買客樂月明鸚鵡  
洲清霜棲以薄何年芳草春渺渺晴川閣携酒上曾城  
遙天一黃鶴

北風

北風吹寒林日隱曾雲間陰氣滿四野行人下高山泥  
塗凍成塊乘馬不復前但見烏鴉集啄食野草根薄暮  
徒侶少牛羊歸遠邨踟躕將安往遙望山下烟蕭條野  
田際不知饑與寒揮鞭適萬里忼慨復何言

山行

看山山成形尋山山勢生窈窕入窵谷迢迢散幽情巖  
巒合廻複向背殊晦明宿霧嵐氣陰朝日崖光晴足下  
杪松影頭上飛泉輕千林度岡去一鳥溪橋鳴茅屋有  
時結漁路無人行側徑藉欹樹去途擁荒荆前徒發高  
唱後騎始尋聲忽然碧草色斜出坡前平綠茵已堪坐  
芳醕若可傾美人或在遠素琴響餘清

信陽曉發

朝發白雪驛靈阜雲濛濛殘星挂三五一雁橫虛空陂  
澤無芳草林阜待春風積雪滿天地吾思袁邵公

元告集卷三

五

遂平除夕

今歲忽已盡吾生逝安徂夕陽照古縣轅馬嘶生芻家  
人遠天外豈不念征夫白髮老歲親酌酒飲屠蘇臨觴  
忽不御嗟吾子長途慈母今安在祭祀委荒蕪歲星閱  
五周感彼時節殊除夕薦殺核酒醴及筍蒲自從出門  
來此禮久已無回望江上邨中林咽慈鳥重泉一朝閉  
血淚何時枯北風行蕭蕭吹我淚如珠揮鞭臨四野林  
木何其孤楊柳漸欲黃吾行久矣夫長與行路人駭馳  
復載驅骨肉豈無情臨風一長吁

衛輝道中有感

河南多官柳河北多白楊日莫生北風蕭蕭斷人腸人  
生無百年奄忽歸北邙戚之傷吾懷翹首思故鄉南來  
音信斷北去道路長踰踰衢路問怨彼河無梁高歌望  
吾友流水何湯湯身無雙飛羽四海空翱翔

養病偶作二首

疎簾隔微雨衣裳忽淒冷朱明未移時綠樹一何靜庭  
草對人閒蟬鳴與時永未厭深山深徘徊在人境

端居苦愁思遂與疾病親煩惋以時至山來非一晨鳴  
蟬在樹間一柯養微身高韵咽秋露焉得不苦辛娟娟  
素月輝照我牀上茵蕭蕭仰天歎微意未及申三五迭

運化誰能測其真

元告集卷三

五

月夜與錢元朗論詩

遙天玉宇潔灑灑金波流華星出樹間滅燭清夜遊初  
蛩鳴階下幽蘭被崇邱清蓮方零落墻蘿忽自繆牀頭  
足官酒不足典鸛裘何年芳草綠王孫于此留平生少  
年日高志橫九州忽忽不適意霜雪欲上頭塵外得吾  
子覽可與鳴鶴拍肩然相喻共上凌風舟有同恣元賞  
入世徒昏眸向秀既攀嵇劉現不夢周洽洽朱絲瑟相  
對空生愁刪述各有當何以慰千秋紛紛齊梁間體製  
恐未道河沈無一清衢路摧雙輶大道青雲間笑樂

忘憂翺翔九天上酌酒十二樓

答元期疊前韵

蓬萊不可到弱水三千沉仙人騎白鹿歷歷逍遙遊  
擲杖笑夸父挹袖邀浮邱桃花一萬樹枝葉何繆繆  
青玉案披余紫綺裘靈藥駐顏景一笑千年留濛濛  
青氣間安能辨神州中有靜嘯客高據最上頭遺我赤字  
書與義誰與傳安得並鼓瑟高浪駕不舟仙人顧我笑  
雲中迴綠眸劉徹漫辭漢穆滿空傾周盤開混沌竅一  
夜東皇愁呼龍出烟霄瑤草忽已秋日月兩彈丸弭節  
爲告適俯視五嶽圖圓轉如駭軻人生天地間知命故  
不憂何必求富貴殘陽下朱樓

元告集卷三

七

秋懷七首

秋士多哀思西風忽悽緊白露皓已盈餘芳猶未盡浮  
榮不足貴甘與腐草殞登高望故鄉山色無遠近荒途  
豈無人雲興迹亦泯依依楊柳枝翩翩下修畛欲尋山  
澤遊罷此塵外珍

烏鳥遶樹枝暉暉戀朝陽孤雲出遠岫遊子遊何方涓  
涓幽澗泉涓涓江漢長自從出崑谷俱不在故鄉策馬  
西風裡落葉紛前岡思吾白髮親佇立以傍徨  
白頭雙翠羽江上俱遨遊邂逅乘風起各自東西流

雌依南土雄飛入遐陬中夜不遑息哀鳴求其儔念子  
來何所蕭蕭颺秋

薄聲涼颺發飄搖客子襟援琴方一鼓華月渺已沈珍  
木植前庭上有寒蟬吟我有相思調因之託遺音振翅  
忽飛去蒼蒼烟樹林

登高望外野烟月相蒼茫林木滂無色但聞宿鳥翔鴻  
雁失其群孤飛獨傍徨欲展青天羽洲渚失稻粱聲繳  
旣安施何不棲朔方徒然銜一蒂終夕思故鄉

燕關八九月風高天雨霜孤鴻號中野吾友天一一方微  
官不逮養痛淚摧肝腸至性豈獨薄念子情內傷蕙圃

元告集卷三

六

久衰歇瑤草何時芳翰墨以自娛生死愛景光  
蕭蕭籬下菊芬芳待日生徒貞晚凋福常與秋草并棲  
棲營巢燕翩翩海上征微羽各有托安得寄遐情日莫  
高樓下唯聞長歎聲

過樵沙道院

鳥啼隔院靜葉落空庭閒道人種畦菜時時出人問沙  
然寒潭水一片江南山把杯對古木終日蒼龍顏苔莎  
無行迹清香出重關老圃荷鋤去遊人猶未還

感歎

方同逝水歎旋飭歸山謠沈慮恨千古拂衣非一朝瞻

來日方永怯往辰已蕭寧辭故山近終知天路通靡靡  
芳草路依依楊柳條卽目成在賞息心詎見招旣慚柳  
下季復愧王子喬

僕夫

僕夫晨候門吾車已載脂執鞭請所指惘惘不能辭大  
道平如砥吾獨當路岐將欲東南驅翻從西北馳敗葉  
脫高樹寒蟬鳴莫枝故人舍我去相失兩不知我方駕  
驚馬安能乘風追荒徑無遠近孤雲相參差西風天末  
來徘徊立多時

送程御來歸安慶

无佑集卷三

九

得意復失意往事不可論去鄉還歸鄉深心託芳蓀君  
家皖江上江水流到門時有釣魚舟繫纜垂楊根黃栗  
雞一隻青旗酒一樽友朋捺土風相對如春溫其樂實  
千古仙人不足存豈有京洛塵勞爾夢中魂何當貽書  
札招我江上村

漫作

吾有紅錦段欲贈巖中客好語以要之掉頭噬肯適結  
言亮古懼何爲不悅慚恐辜朋友心以爲他日謫鳴蟬  
在樹間鷓鴣集梁石豈無鳳凰羽高飛入華宅驚馬與  
神駿相去在咫尺寄謝負薪翁遺金何足惜

懷朱稼翁

秋夜何其靜始見月華白寒蛩聲已多積雪滿素壁清  
吟幾何時久已罷瑤席不寐起攬衣悵然思遺客吾友  
豈不知夢思安可得似聞竹葉聲蕭蕭落庭北

中秋

此日秋忽中怒焉傷我心吾母稱壽日當時絲竹音形  
影忽不見月明空至今自從七年來樽酒罷酌斟吾行  
越遐遠病婦在桂林嚴父嬰時艱餽舍荒江濤艱難營  
祭祀豈不念釜鬯憶與君別年不謂行久沈寒蟬變節  
序兩見難牆陰中天一鳴雁過庭長哀吟題書欲寄將

无佑集卷三

三

側聞湘水深遙傳兩行淚相對粵山岑

十六夜月

清光尙猶昨復此階前流寒色豈相迫離思益以道殘  
杯猶在厨佳景不可留俯仰今昔間如與故人遊哀樂  
苦未至誰能測其由一自人心殊長天去悠悠

十七夜月

傷心復暫停圓光忽已闕攬景不成規盈池皓猶潔常  
恐去日多江頭木微脫豈不念佳辰無此好明月以此  
懷感傷局戶入復出南浦送君行心如遠離別

仄徑

流潦沒通途征車越平岡迂迴非人謀偏仄山路旁裂  
缺似有徑摧折不及防遙望草樹叢平地如故鄉僕夫  
告况瘁輾馬爲之傷五雪縹緲間咫尺非周行

庭卉

灼灼庭中卉移自野人家託根幸得所秋深猶作花勁  
姿挺寸土遠香布天涯天澤非不厚感此灌溉加  
吾去花始開吾來樹成實可憐經歲中何曾對終日多  
恐蒲柳姿無復耐霜雪唯有延齡菊共此歲寒節

懷友詩  
并序

畿南官舍友朋數其晨夕吾徂京師每歎離索秋風

瓦缶集卷三

三

在原愴然念之

蒼山翠欲流秋意不可止酌酒吾何思唯有寒鄉士落  
葉滿空庭涓涓隔秋水解一結念者爲誰先生有述作儒  
雅真吾師風義亦可託自我不見來中心彌不樂終二解  
先武庚去年同落魄今年各愁眉相去三百里夙夜夢見  
之誰養八月蠶結此九秋思武三解唐祖及爾同庚生居  
同遊同地同學爲章句風格差不異明月照何人感我  
衣沾涕城四解郭維嗟彼兄與弟千里如同堂千載如一  
日卽事多感傷豈不念疇昔剪鋌寒夜長宗五解家兄涓

鴻鵠

鴻鵠志霄漢不能謀稻粱將飛戢其羽俯首入雕梁側  
見隴山鳥棲飛珠樹旁欲從借飲啄淚下不可量

入都

驅車越林藪久疎山水綠責言畏朋友俯首入市廛長  
安繁華地貴賤或摩肩而我容止息深愧當時賢旅食  
誠足賤歸耕無薄田四隣納禾稼袖手觀豐年大道聘  
駟馬淺渚無行船進趨從所向茫昧理未宣

題崑潤兄垂穎圖

吾兄棄南畝而好事遠遊出疆不載耜足迹遍六州空  
中一鳴雁寧無稻粱謀皇皇求四海結念在西疇圖此

瓦缶集卷三

三

江鄉意離離禾黍秋自我見此圖歲星踰十周比來容  
上谷相對生離憂家無負郭田有年失豐收佳兒能讀  
書行學慚束脩何年策蹇驢同歸舊林邱父子與兄弟  
荷鋤田陌頭垂穎滿疇隴拍手笑不休酌此黃花酒一  
消萬古愁

感秋夜

雲移月不停蟲響夜尤沈婉婉出谷風飄飄客子襟露  
墮怯初夜烟去浮遠林懷人理猶淺遺世道未深一身  
豈多事萬物各有心搔首復何念引領望至今

寄高叔叙四首

君家竹林鄉門前一片綠入春播穀生秋來秔稻足九月渾水清十月邨酒熟酌言懷故人林風動窻竹

吾尋佳山水十載無安居思與素心人握手講詩書所願豈不奢遂荒東臯鉏今朝忽無事頗憶舊室廬春事亦已畢時雨長青蔬友朋不遠遊扁舟信所如此意既不遂搔首空躊躇

陳子將西行赴靜寧任將回頭念鄉里歷落數親人結想高夫子聞言感懷抱相對各翹企離思此已盈孤情彼方起幾日駕征車悠悠東去水

驛卒江南來手中有尺素封題未開緘心知念親故摩

瓦缶集卷三

三

望眼倍明迴環讀恐誤了了文字間茫然墮烟霧此是方寸心對子不能訴積思桑柘間遙望山川路吾將營一邱將子可同住

遙送繆庚先南歸

馬嘶薊北風夢遶江南路何日定登程心飛瀛海樹咫尺不可前黃雲日已暮握手尙須臾况乃遙相慕明朝出國門知君在何處

雜詩十二首

吾行湖水上菱芡何紛然寒裝摘其榮零落秋風前餘香散衣袂湔濯忽經年欲展清商曲軫絕朱絲絃不如

雙鯉魚浮沫游湖邊

長安有大道江水直通津匹馬嘶北風萬里隨埃塵啾啾野田雀飛飛集杞櫟倉卒保旦莫能不分日親

天霜殺百草零落後堂釐哀鞠我心一往形不存當其失意時嘿嘿聲屢吞每不自愛惜恐傷重泉魂淺矣談何易欲報罔極恩芳華有枝葉何以踰本原家庭昔懽愛中道喪哲昆天倫何其薄行復念煩冤有子皆下殤何以慰抱孫飄飄天地間親故不可論萬里望嚴君心飛桂山根

平生受恩地沅水日悠悠一麾出禁鑾五年遶海頭道

瓦缶集卷三

三

里日已遠歲華忽復遒小人無遠識結念生離愁思欲展殷勤効力于方州秋風老行客長河無扁舟杯酒酌友朋孰知吾心憂

吟詩理性情何乃自辛苦勞者歌其事激聲變微羽寸心非泉源有懷不能吐近來棄群書逍遙到皇古老樹一花開春風上微雨

秋氣雖已肅日色猶未寒常恐霜雪至客子衣裳單昔往春花滿今來木葉殘時節有代謝人情亦殊觀朝出不見人莫歸聊自安豈敢厭藜藿幸免謀朝餐卽此謂無事結念何時寬



今日尙見君明日恐不復藥餌以相累還家檢箱篋  
上無完衣甌中無儲粟何以答友朋發聲淚相續可憐  
橫海鱗不得勺水浴鰕鮒來相命銜尾戲溝瀆溝瀆非  
不佳嗟此尺蠖伏

遙望河上山水深不可涉欲借漁父舟中流恐無梅田  
中有微徑狂夫足方躡不知草間泥衣上露珠衰去路  
俱可避高志忽不愜何處聞樵聲空林滿黃葉

閒居閉門久四壁秋蟲聲疎簾靜不卷明月皓已盈徘徊  
軒窗下豈不念友生心神一朝隔渺若萬里程江湖  
有匹鳥能作關關聲在梁戩左羽舉俗愛其名不爲鴻

瓦缶集卷三

五

鵲羽空懷池沼清多君纏綿意舊翅發長鳴

掩卧不成寐閉門有餘清萬物一不接百感靜以生既  
無他憂患身體亦康寧何者橫相觸展轉生吾情似聞  
木葉下寒蛩不時鳴復見秋月光依依上窻明

迢迢香夢宇結構高山岑丈夫志四方結交何用深仗  
劍走千里豈不在一心喚咻兒女仁動履非素襟歸來  
蓬蒿下囊中無一金稱名沒猶已何況無賞音豈知千  
載下作者有如林

庭中楊柳枝秋深猶未落搖曳西風中生意安可託孤  
鳥何方來四海求其莫欲展青天羽低枝非所薄萬物

具有依卽事成哀樂常恐日月除清霜下林壑阡陌互  
縱橫往來相與索何不發長鳴高飛入京洛

瓦缶集卷三

五

瓦缶集卷三終

瓦缶集卷四

嘉興 李宗渭 秦川

古體詩

感懷

平生慕墳典不讀非聖書中道遭坎壈遂荒田園居身  
名俱零落故人日以踈中庭無行迹荒草不復鋤烏雀  
時時來聒耳常宴如

愚夫仰天嘆欲訴何中憂問天天何言安能釋汝愁短  
鞭策蹇衛駕言陟施邱施邱多蔓草中有來與牟其實  
可以飽何不載滿簪涉江采芳蓀將以寄好仇諒無一

瓦缶集卷四

心人臨風還復休

茅檐負日暄相逢一耆老下車相問訊招携藉芳草濁  
酒牀頭釀瓦盆恣傾倒風月無多談但言稼穡實野人  
意何真思吾舊朋好明朝杖策尋不見來時道

嗟吾同袍友高駕出廣路長晚前致辭掉頭不我顧人  
生貴相知豈不以舊故奈何一日間奄忽成朝莫將予  
非可因昔者毋乃誤

十年思故人古懽尚如昨深恩未能報忽已歸大壑風  
塵慘容顏日夜就衰薄他時褰衣裳九京不可作沅江  
水悠悠吟望淚珠落

高樓空月明瑤琴理清曲三弄不成聲思君淚盈躬自  
從賦征行十年開華屋芳華何時無天涯草共綠

驅車上高原悠然念鄉井此時叢桂花開遍家山嶺無  
人共尊酒酌此秋光冷孤雲何處飛天涯日已曛流水  
不歸山落花在人境

相去無多時瑤草已衰謝忼慨朝出門歸來日西下老  
農不知時弄此田中稼秋風吹場圃而來植桑柘安得  
酒如海一杯手中瀉盡洗時俗腸空鄉日閒暇

獨登古城上今朝風景異雲雨忽然興不識山川意可  
惜蕙蘭花春榮秋已弄人生天地間愚賤皆有計託命

瓦缶集卷四

於錢刀衰哉此身世

登高臨四野遙望衡山陽浮雲去何所江水流湯湯日  
莫風正急羨人天一方方舟安可達離思故難忘相彼  
隨陽雁高飛日南鄉送子以賤軀相共雲中翔翩翩去  
已遠天邊路悠長

天空多碧雲日莫思千里佳人懷苦心清歌未能已舊  
栽芙蓉花重來隔深水欲泛木蘭舟江上秋風起惆悵  
不終朝榮華安足恃

天氣日就寒鵲鳴入階墮清露結爲霜秋草萎以白歲  
月不我與冉冉日將夕故人有尺書名義以相責豈不

畏友朋驛客無顏色高城五雪中流水去何極青山橫  
古今車馬無行迹

吾思王子喬逍遙躡雲霧金石無神方仙真安足慕荷  
戈天山上積雪滿行路間行出磧道不見漢都護東皋  
有薄田荒草不可去老農荷鋤還狐狸上高樹茫茫四  
海寬遲遲日欲莫

采賤五色雲題詩附烏羽爲報吾故人異鄉久延佇與  
子爲兄弟寧不念我苦烏去復飛還翩翩集庭宇似言  
道路長兼復畏豺虎日夕秋風生蕭蕭淚如雨

長江萬里流滔滔水相續人生當盛年豈知有倚伏十

瓦缶集卷四

三

月稍登場青瑤酒新漉何不邀良朋共醉樽中綠高樓  
多夕陽佳人美如玉當窻理素琴清歌亂心曲紫燕海  
上來營巢在高屋朱門扃不開檐前夜深哭南山高且  
深森森多喬木下有蝙蝠飛上有烏鳶宿何不上青天  
雲中縱還矚

譬如

譬如鸞鵲羽流落江海濱渚田亦已遠饑寒不敢叩威  
風來相命雲中道難臻茫茫四海寬欲歸且逡巡日莫  
古城下秋風愁殺人道路聽人語知非故鄉親孤情且  
莫起淚落長河津

鄭家口送別

無端鄭家口今日爲離亭千里豈在遠握手以屏營長  
河送扁舟寂寂無人聲溯洄子南邁沿流吾北行來時  
送行處一一歷歸程不敢唾來水恐有珠淚傾古之傷  
心人淚滴秋草生風吹入懷抱悽然傷此情

懷吾師王永齋先生二首

身事不足惜師恩豈能忘一日未云久卽事多茫茫瘦  
馬向天鳴憂來不可常千里自茲遠寧復知久長坐見  
西山雲隱此明月光

昔離已不忍今別當奈何踈楊動天風逝矣河水波歎

瓦缶集卷四

四

蹄走高原鳥飛畏雲羅豈不在世間榮悴各已多平生  
感恩日白首恐蹉跎

雜感二首

江湖春三月楊花飛作萍離根豈能好隨風日飄零不  
及秋江蓼猶能綴朱英泥土本根在明年還復生  
春田不播穀秋至恒苦饑起視南陌頭荒穢已多時天  
霜殺嘉種涸露多荆茨以之望有秋或不其餒而而謂  
田父賢請復從此辭

種樹行

門前種兩樹分幹同根株高枝冒風霜低枝日華腴風

霜易憔悴一榮復一枯花謝子已落見者委泥塗春風  
有時來子落復生柑分離豈不痛願與舊根俱

錄別七首

河流入大荒秋水日夜濶方舟汎中流懷舊不能發明  
明素月光仰見木葉脫亮無故鄉人誰能耐饑渴憶與  
君別年寒暑互裘葛天涯搖落心微風吹木末  
送吾一心人曰過陽河陽溯洄欲從之念我無衣裳歲  
月相與俱中更不得將歸鴉夜將宿鴉鳥旦始鳴彼物  
尙有時我獨何不臧舟棹方在路佇立以傍徨

陟岡稅我馬山下多薜蘿蕭蕭夕陽路子行非故都骨

五  
瓦缶集卷四

月一朝散道路爲室廬豈無他人言不足爲懽娛吾有  
九華扇日久顏色淪物微不足贈懷之終歲餘團圓在  
手中留光燭微軀

蓮花檀深池八月子已老楚筵青羅裳猶能作妍好天  
空采雲微佳人在還道采采以貽之苦心實懷抱

落葉自南來迴旋不能已迅颺忽從之失落在深水順  
流隨舟行一去三百里左右以取之粲粲光如洗安知  
子所貽弃之從風起

計程數歸期記日知別年長河流日夜瀟灑送遠天恨  
不移叢蘭樹之曲檻前秋風吹紫花芬芳盈几筵長命

保身軀歲晚當言旋

飛鴻雲中過迴風送哀吟類此行適子臨風歌苦心鴻  
飛向南去莫棲叢樹林叢樹多棘荆恐子力不任同類  
多相感贈子以好音

日晚

今日忽已晚吾生行未歸浮雲將安託風至故無依孤  
雁何方來當從故鄉飛青天無留影中心與我違回頭  
發哀吟似言儔侶稀江湖如可託何不早見幾感子殷  
勤意清淚沾裳衣

重過故城

瓦缶集卷四

來亦一故城去亦一故城秋草忽榮悴傷心于此并落  
日照荒堞烏鴉來上鳴

搖落四首

搖落芙蓉花萋萋岸頭草忽聞蟲語聲始覺雁飛早鳥  
去行人還秋風吹古道

上水船何遲下水船何速同在一水間相知不相逐極  
目送歸帆遙山一片綠

明河在天上流水去悠悠汀花與浦柳總是別離愁日  
莫戍樓上蘆簫吹不休

前後水續流波心共排宕燕雁飛一天相逢各惆悵去

去一孤舟明月河梁上

哭文石濤夫子

學者生多蒙孰不願聖師一朝泰山頽何止吾徒悲平生流水意忽已去書帷驚馬風塵外重來不可追日月何其疾去乎若雲馳終當同邱山難爲後死辭斯人在世間去來會有時豈必薏蘭草霜露所榮萎薄俗何不幸式瞻更何誰道爲當世痛還復顧恩私不得待治任雙淚日以滋

贈佟燕邨

吾愛燕邨子學道謝華紛安養麋鹿性長與鳳爲羣

老缶集卷四

七

貴分所有榮恬性斯分清溪水一曲閉門咏晴雲麗爾復天錫詩人作細君深閨弄柔翰眞意發高文豈茲時世美千載挹清芬

欲雨

浮雲互天闕遮益陽氣微空空無定止四面蜉蝣飛行人畏失道遙遙不敢歸露處林莽間樹葉覆我衣中日無人聲草蟲語亦稀

阻雨

涼雨隨天風飄飄滿湖白何處最傷心一葉孤舟客前邨颺青帘沽酒安可得愁思入篷窗相對衰草色秋意

殊蕭疎人心異曉昔四圍蘋藻空一天水雲碧明朝倚挂帆不見行人迹

蓼花

蓼花江上紅蘆花江上白秋至俱紛紛春風不相識盛衰各有時何能論朝夕大澤生龍蛇培塿無松柏一朝鳥飛去青山還寂寂

秋山

雲淨秋山高草木有佳色遠近皆隨人攀躋未可得涓涓泉始流霜霽日將夕佳人不在此寒香徒自摘

南望

老缶集卷四

八

貧乏生計拙淪落天性虧欲寄桂林書清淚如懸絲風前萬里道膝下三年離奔走風塵內思以糜救饑遺婦還家鄉中道喪其兒親友走相告不暇悲以思復恐傷親心中宵一漣洩出門迷西東漫往無前期顛倒我衣裳秋深猶緒緒季父錫手命其言仁且慈爲伐園中竹將以補穿籬斯音實金玉再拜不敢辭雲中一鳥下江上秋風吹何句以相赴中道故遲遲翹思湘水深道路不可知性命託朋友饕餮告何誰日嗟望予子躑躅已多時人生不富貴至樂在庭帷奈何舍之去終日在路岐爲吾告僕夫吾將從爾馳

宵行

蒼茫向前去不辨何方名忽然北斗柄已向天邊橫不知青霄上孤月何時明衆星猶繁榮何曾燭宵征異風升地上莫使浮雲生

古意

東廂何所有軋軋流黃機三日織不成門外風花飛出吾研光綾裁成錦文襪陌上步香塵雲中墮明月紫綃誰家女白馬誰家郎相逢洛陽陌酒上高堂堂前合歡花紛紛落階下但得一日心不惜千金價

吾行

瓦缶集卷四

九

吾行不見人一路秋猿啼單衣下至野四顧風淒淒乘舟陟高岡徒步阻深溪青天如可上持帷繫丹梯誰謂河水濁河水清無泥誰謂土阜小上與青山齊男兒無黃金不如驅耕犁

雜作四首

流水無停機飄飄雁南飛八月秋光盛天落羣星稀微微草樹風蕭蕭客子衣不惜道途遠但恐朋友遊欲折瓊樹枝可以寄彤帟遺吾故鄉心邱山同所歸一身非吾有稽首歸空王回頭望天下培塿何茫茫平生學孔孟其流及詞章世人乃不知驅之入遐荒持此

一瓢笠乞食于四方雖然魯國儒何異楚澤狂經綸在剎那天地久且長

八月秋風寒代馬思邊草空老碧玉蹄芻蕘未嘗飽千秋壯士心白日傷懷抱日莫上高山悲嘶千里道

朱華在深池天風忽吹之風吹入雲表墮落長安道長安行路人車馳馬行早踐之入泥塗紅顏不自保吾有紅羅裳開君金縷箱都梁與迷迭三載散芬芳芬芳在深屋落葉滿林麓不如歸鄉問歲晚驅黃犢

途中卽事

鳥鳴深樹林人上清波船五里青草風十里蘆花烟綸

瓦缶集卷四

十

竿一漁父相逢楊柳邊子非江上人何爲此泖泖家鄉在何處一去迷歸年大道咫尺間車馬何紛紛烟波非爾家風濤盡舍旃語罷明月生悠悠下前川

中秋有懷

月是昔年明圓恨光如舊清露滴西風人與秋俱瘦靜夜一扁舟遙望吳山岫懷人芳草前寄書黃花後何處倚闌干淚濕紅羅袖

哭梁僕

哀矣吾僕夫徒步自桂林脚下垢不襪衣上塵滿襟懷中何所揣一紙書萬金再拜前致詞欲語淚如霖苦言

入吾耳聽之如瑟琴保州官舍內竈下容呻吟淹留及  
二載邑邑以至今中間一往返陞險川途深三廻二萬  
里勞苦心情惜庶幾適我願報汝以好音奈何一朝死  
不得返江潯饑寒亦時有愁思故難任吾貧不汝郵使  
汝罹灾祲汝死吾不知醫藥不汝臨舟中但聞信一棺  
暴城陰吾知汝竟鳬南飛桂山岑吾亦旦莫死重泉來  
相尋

閨思

寒花插高髻幽香妾自知青樓坐迢夜明月來何遲五  
陵多景色搖鞭輕薄兒相逢紅塵內調笑綠楊枝淒淒  
寒窗下嫋嫋涼風吹草綠無人迹朝朝簾幕垂

過趙州橋

行過趙州橋下有東流水上有垂楊枝秋風吹不已楊  
枝生有日流水還無期思爲赤鯉魚直上東溟飛

柏鄉道中

前途杳難問驅車非我心執鞭策轅馬已過荒城陰歲  
儉晨炊歇邨遠孤烟沈飛鳥兼落葉積水明疎林撫景  
旣已過感物豈能任已愁饑寒日不知霜雪侵豈徒草  
廬士久廢邱中琴

內邱曉發

輝輝晨月光照我衣裳單行人對往路出門發長歎道  
近不可知咫尺非所安何况車遙遙行路中多難西風  
吹木葉清霜知天寒爲客常多畏深心動遐觀惠爾不  
我弃高飛振羽翰

邯鄲客思

長歌懷故人日莫邯鄲道沽酒舊旗亭萋萋滿芳草泥  
水日千里立馬蕭蕭鳴黃鶴高飛去人生離別情

豫讓祠

士爲知己死此語始自君義輕范中行血染趙將軍吾  
來拜祠下淚灑高秋雲轅馬嘶北風蕭蕭不可聞

瓦缶集卷四

高邨

渡洹水而南循鄴向東去四十里高邨吾來日已莫下  
車入邨中欲求信宿寓茅檐八九家槐柳百餘樹野人  
見客來閉門不肯顧獨立風蕭蕭馬嘶邨外路扶杖一  
老農相逢畱客住低頭入草廩側足礙行步不知有稻  
米豈敢問饜飫行潦水一盂蕎麥飯一箸當其饑渴時  
啖之如甘露歎哉行路人豈不念親故明朝一揮手登車  
尙猶豫

懷南岫

印須已無人遙遙天上客瑤臺露華冷對此明月夕欲  
汎杜若洲芬芳共采摘飛鳥入青山空林斷烟碧

送姚次求入粵

天南獨秀峰亭出高潔手栽萬古松喬枝挂明月此  
去安可通江湖恐永雪及爾春風來瑞草未衰歇

懷楊牧山

時窮戀親故俗薄思英賢嗟哉牧山子遠隔八五天結  
客長安道盛氣三十年豈無高軒過于子如雲烟吾時  
方顛沛拔劍以周旋其事雖不立意思千載前揮手出  
國門回首何茫然吾有青霜刃寄君采雲邊臨風忽惆

尾告集卷四

吉

悵弄之沈九淵

獨咏

風華何渺然獨立東西瀼伊人水一方風吹荻花響夜  
靜鳥不飛長天月初上

吹笛

橫吹動關山秋風度廣陌迢夜一佳人推窗月華白欲  
將綠綺琴相和紫雲笛玉軫未安絃悵然思遠客

懷故鄉兄弟十一首

至剛化爲柔唯兄獨如故直道將替時世人恐未喻躬  
明東阜田手插西阡樹痛飲讀離騷日將莫兄

青雲惜高天白髮無知已風月夜歸來空庭咏秋水恍  
慨懷古人高情對餘子門外芙蓉花惆悵未能已謝城

兄爲趙凡夫嫂是陸卿子自補短籬門不入長安市種

竹已成林疏泉初得水可惜濟時材日月費田里兄

吾弟嶺西來骨肉結深願痛哭走路岐苦言向親串時

乘冀北風帆挂江南岸倚門白髮親不爲思鄉縣弟

傲骨不入時嗜古已成癖出游蕩心何還家載圖書弟

釣豈無心持杯空太息寰宇有遺書生四叔父元野先

地長思安可得斯拔弟

悲歌入國都深恩到巖谷題名在高隄還家對茅屋荷

尾告集卷四

吉

松風堅貞細草媚幽獨紙窗火青燐父書夜深讀弟

弱弟最年少下筆如老成侍膳奉老母讀書隨諸兄經

綸出大本名理乃至精還期十年後並坐談深更弟

聞君猶善病當不廢嘯歌腰圓瘦幾許餐飯今若何日

園將荒穢歲月恐蹉跎吾姑歷苦節報施理則那弟

與君少年日跌宕家山林文史足娛樂洞壑亦追尋弟

月去無幾霜雪忽已侵雲山千里目江湖十載心弟

秦生一男子意氣殊翩翩獨登泰山頂禹跡何茫然弟

琴橫石磴妖姬歸洞天掉頭金門外屈膝鏡臺前弟

弱齡不好弄既長亦不改孝友無間言潔白不受采終



日閉雙扉孤情向千載何時汎扁舟芳洲摘蘭茝

秦成六弟

懷佟慈邨

微雪下庭綠憂來不可掃念吾山中友宿昔傷懷抱高  
咏白雪篇手種水仙草此意寄人間昔榮今已老可惜  
尺素書絲絲在遠道

定州別王于謝

既從客中來還從客中別握手中山道疎林挂斜日驚  
馬嘶酸風杳杳平岡沒獨立望行人淒然此中絕

題王孝廉曆山遺照

一日千古心愛此梧下石素琴靜不御泉聲入秋夕明

瓦缶集卷四

五

月何時來復照山中客太息感斯人空山日蕭瑟

讀晦庵題跋

野鳥噪檐端道人睡欲起不知朝光遲猶能滿窓紙照  
沐既已施展卷亦可矣文公後之聖遺文照千禩此卷  
題跋書蒙雜具深旨時于文字間一往得妙理常存敬  
畏心游戲非所鄙靜居豈有求惕然感心髓滔滔歲月  
深一去不可止歎息未終卷洗滌方自此

瓦缶集卷四終

瓦缶集卷五

古體詩

嘉興 李宗渭 秦川

西征雜感三十首

朝光高樹顛山川去茫茫櫪馬徘徊鳴遊子懷故鄉故  
鄉安可懷命駕之朔方送我挾蔗子贈以都梁香藏之  
篋篋中歲久有芬芳

故人來相命便欲趁邊陲瞻途忽不樂南望悵悠悠荒  
江日杳綠何以寫我憂豈無燕山鴈銜書日南洲鳩鳥  
不相能戢羽末自由身心一不接迹去魂亦留天地至

瓦缶集卷五

一

廣大我獨爲拘囚

素雪飛林端清光圓四野層冰凍高山行人在其下短  
鞭空在手蹄策惜吾馬蹄齧據地嘶草根未可舍辛苦  
自世間嗜好日以寡豈知五湖寬中有垂綸者  
傳聞道路言山中足豺虎樵隱俱不知獨爲行人苦吾  
將持寸刃殺之于平楚恐驚蘆中人舉步尚延佇坦道  
在人間危言安足取

貴人昔相賞杳杳隔門樞振羽以隨之雲路多艱仞何  
爲不垂手引我于天衢終令太行道舉肆推行車青鳥  
天上來口銜五色書徘徊瓦僞侶跌宕青門居袖中懷

短策庶以佐雄圖接席片言合贈君以頭顱有懷不敢  
盡長揖歸田廬

京華晏安日禮數絕羣公仍來布衣士決策遠從戎燕

支屬漢家婦女如花紅爲君揮塵尾談笑塞垣空

關中吾舊遊渭水尙清澈一去不知年佳人罷瑤瑟當

時澗底松直上摩天關寄語華山僧淨掃松下雪吾將

訪故人于此醉明月

探丸報私仇吾意殊不然深恩重山岳豈敢身命捐鉤

爪攫善類性出于鸚鵡至哉造化仁雨露涵其天飄然

舍之去何處無流泉翔翔千餘仞高鳴岐山顛

元祐集卷五

吾有尺素書遠寄市朝客君子惡下流惡言日以積是

非令親疎何況去無迹結念在平時形軀何足惜理感

非象求恐君未曾識富貴非聖賢貧賤爲蕢賊君如聽

吾言携手慰朝夕

里有賢主人塵外聊可託風霜能殺人幸不填溝壑一

言杯酒間慷慨酌宿諾相聚唯萍蓬乃爲恩博多恐

故鄉人聞之彌不樂行行感子情反顧以黃鶴

北風利如刀剝膚面墮坼及此雪霜行人車何所迫奈

何父母身死喪亦不惜陟岵父曰嗟何爲事遠役慎旃

且暮心努力報明德慈母下九泉十載無消息豈知赭

顏兒雙髻已斑白黑雲透精光時時見顏色多恐青林  
深窺來不可識人生貴有子下者養以力飄飄在世間  
生存復何益痛哭去長途血淚空沾臆生猶戀父恩死  
當侍母側

海上有仙人招吾入蓬島弱水路三千孤舟安可保當

時鍊金骨容顏忽已槁桃花片片流不記來時道他日

復翻飛高山未應倒芝田倘可耕相期種瑤草

登山一何高涉水一何深懷意殊未適感歎空至今神

劍躍秋水竇氣千年沈龍蛇久已蛻化爲烈士心

男兒一墮地孰不思高勳吾非介冑士慨然念從軍悠

元祐集卷五

悠武關道坐見黃雲氣積雪亂層巒馬嘶聲相聞寶刀

忽悲此夜飛戎馬群一戰收漠北天山寫雄文豈爲鄉

里榮持此酌聖君

迴颿激飛蓬到處失其常男兒生有時終不在故鄉仗

劍出門去効力于邊疆功名亦有限親戚安可忘如何

逢故友言語亦不詳吾方爲飛鳥安能謀稻粱

結髮登戰場志欲無戎州風雲何變遷鷹隼搏高秋嗟

彼西風路衰此明月樓昔者鳴夸子功成五湖舟闔閭

猶未減草澤何可游

翻覆爲雲雨古人有明示豈知松筠交中已生荆棘吾

生亦何辜壬夫害其類君子貴擇交慎哉匪人比  
驅車邯鄲道經過古滏臺憶昔平原君門下羅英才不  
斬美人首明朝客不來古人重意氣安能久遲回雄圖  
恨已矣天風爲之哀

吾兄自南來憶弟止行役豈知一水間萬里無消息徒  
傳空中書慰此長相憶鳥鳥知有時空山日將夕搔首  
望青雲天星何歷歷奈何朱鏡啓庭無野人迹迥途不  
能騁年時苦相迫蟲齧枯樹根同生復何益

關山水雪多吾豈好遠遊時命有不齊迫之入遐陬往  
者有兄弟去矣如雲浮天地非不廣重來未有由鳥獸

瓦缶集卷五

四

與同群念子悵悠悠寒裳去之夫斯人不可求

美人別秋水贈我皂羅襪結心繫肘後一載傳芬芳羅  
囊今縷縷行人未還鄉拉雜欲棄之惜此絲緒長

長安有故人中道忽見棄委蛇自人間何不當君意彌  
縫在齒頰出言非所計當時握手歡且且申盟誓譬如

天上雨到地成離異君子敦久要讒言何爲至結交無  
黃金慎勿友與事

秦箏十三絃一一寫相思青春今何有華髮不堪垂空  
庭種若榴別思滿芳枝揮手遠相贈故人天一涯

知君遠相念贈此明月珠光耀無瑕疵以保千金軀男

兒有歸日莫言死路隔仰瞻日與月輪昇不相踰扁舟  
如可託待子子江湖

駕言山西道遙望太行山危石摧其根虎豹在其間松  
栢伐已盡但見草與菅敲冰泉水冷飛雪傷客顏同行  
兩三人各自顧禍患保命于一日髣髴爲之斑而吾寧  
此行爲其無後艱吾本渤海人馳騁所不閑今當挾弓  
矢盡命于邊關險阻方自此何時勒功還

百卉在世間冬春有榮萎如何墻頭草不待秋風吹天  
膏實徧物寧爲纖柯滋及時猶剪弄誰能發華枝南山  
有秀苗北山有荆茨託根俱得所各自媚幽姿遷地思

瓦缶集卷五

五

中阿春陽亦已遲何不爲松柏獨立霜雪時

昔從太白山拜受煉藥說不能辭世人西飛下層嶺蒼  
蒼古壇上高邱挂日月舊時採松花留作太古雪山人  
欲獻嘲何曾樹功烈丹砂不可尋吾亦在巖穴

明明天上月清輝能照人翩翩樹上葉不能庇吾身骨  
月日以踈道路日以親道路日以遠執手未有因步登

嵩高山遙望長河津河水東到海遊子西入秦

女蘿施高楊飄颻不自持春風吹汝來葉葉綠華滋幽  
蘭生其下不能附高枝嚴霜一朝至楊樹何離披嗟爾  
輕微質嫋嫋欲何爲

今日一花開明日一花謝春風能咲人何乃愁日夜雖  
無東臯田江南有夢合朝來策吾馬登高不能下飛鳥  
影翩翩海水去如瀉

若筠孫兄

朝登謝陽離夕棲止陰壑野外人事絕巖中天氣薄遠  
風客衣輕殘雪深樹落眼看雲飛飛心隨烟漠漠哲兄  
念此離手書慰寂寞甘苦何但言曲折俱可憐千里自  
故鄉一行出近郭豈不有後期毋寧負前諾道在一心  
通吾已三嘆作

懷潘次樵第

元佑集卷五

六

布衣不可託貧賤無高名千秋高士心誰能測澄清小  
人無遠度眷言西南行西南行伊何託故以還征吾第  
日踈放獨立青山橫飛雪入脩薄高鳥不敢鳴孤舟去  
萬里沿渺春風生何爲不携手滄浪濯我纓汀洲芷堪  
把芬芳贈生平

蘇縣元旦

康熙又壬寅正月丁亥朔吾行將入秦吾車尚在涿主  
人情爲言賀友手復握欲去且重留爲日恐已數轅駒  
逝駿駉塒鷄鳴喔喔侵晨祝太平爲客慰畧違朋遊幾  
何時人道一朝駁此行風飄揚兼阻山攀學主情何殷

殷吾意苦釣五雲望網緼千古恨綿邈如彼秋已深  
弃此扇不提由來謝豪彥豈得無語詠鳥飛網斯開鹿  
走箭屢飽寧知鳳隨鸞畏彼豹食駭宴安何可懷蹉跎  
不自覺卜言去何從瞻前道有俾猶然屈歲時毋乃愧  
名貌節序花再新心事機千剝思吾白髮親傳道丹顏  
渥自失粵山青終苦桂水濁立志在四方努力猶一角  
逍遙御風車迢遞上雲幄容吾揮塵尾爲君爲鵬鵬丹  
銘勒天上黃冠歸華岳共濟友不來謂朱有酒誰共款  
明朝平原道遲爾一騰蹕

初發蘇縣贈別浦元量明府令弟諤庭

元佑集卷五

七

瘼狗不可逐俗人難與言却來蘇吾國一室聊自存賢  
令吾邦彥留客具盤飧晚歲事尤簡訟庭清且閒蕭然  
兩藤榻相對如枯禪介弟辭章句窈窕究真源出吾行  
旅作點筆相譏彈古人一字師誦之以終身忽焉月再  
易遂忘身屢奔時來命吾去不得輒懷安馳驅舊曾慣  
饑寒不足歎道路豈云遠霜雪亦已繁竹籊疲馬馱襖  
被窮子肩履穿補以韋帶編貫以紉敝衣綻露肘破書  
半不全尚有剩筆硯到處題山川復卷諸碑版當時費  
摩鵠畫卷友所贈銅鑑吾舊熏總置布囊中擁腫以麟  
困大道平如砥人馬俱蹢躅入春已十日麥隴清無塵

行吟雜歌嘯哭殺行路人所恨無一事白地不可論以此懷感激播鞭西入秦絢惟渭水上脩竹千萬竿君遊題名處刻竹猶斑斑軍書忽旁午恐復多凋殘烽火達隴右兵戎出玉關將軍有成命壯士思喪元區區戀恩愛母乃兒女仁家鄉在何處骨肉如浮雲朋友日蕭索童僕瘦嶙峋豈知風塵外有此烟霞親會當別此日送吾子重門亦有同時客各來慰苦辛三宿桑樹下依依亦有因况此萬里別豈忘一日恩臨途何不樂屢屢忽踴循高情故有託亮非惜險艱揮手自茲去恥爲離別顏丈夫心相許不挂齒煩聞功名我何有雲氣擁山

五言集卷五

八

平生一長劍倚之崆峒天死當爲鬼雄生當復來還

定州

郵籤非所紀窮日追荒陬百里數十里阡陌杳難求途轍交縱橫委曲不相謀穿林樹如蔽復見平田疇人家入寒雲人行屋上頭白日隱復見同雲展還收天道何其變人事良悠悠夕陽忽在山城郭遠烟浮飄風自何來飛雪洒林邱寒光一片凝茫茫不可投但聞泉水聲知自城東流行人望烟火馬嘶猶未休

途中遇雪

出門風蕭蕭飛雪入吾耳茫茫所懷思淚下不能止故

人在何處錦帽貂裘綸蒲桃汎金卮圓幕平常居昨日亦不止今日亦不止呵氣捋髭鬚手中有流水天地混一色萬物皆在空官人曰佳哉行子歎其窮躑躅雪往前行一步一回首慎勿愛他人不如吾父母

伏城驛

飯罷雪欲止舉鞭更飄零浮花挾積素竭力蕩沈冥山川與林木都非舊時形遙遙上天去銀河一綫青偶來駐古驛不識日欲暝仰觀天沍昏俯察地虛靈升高望來路歷歷四長亭不知我馬瘡枯草齧空庭

乞食

五言集卷五

九

貧賤依親戚恒恐失故常多欲每不充乞食于四方始涉春方至天道尚嚴霜寒威猶可忍饑來迫中腸雪消決廣渠欲濟濕吾裳掉頭欲去之回來未有鄉牽牛爾何辜不以服兩箱虛名亦自好客行多感傷

殘鐘五首

殘鐘照孤夢明滅不可常故人方携手忽覺在他鄉宛然何處所猶不知其方檻下馬悲鳴彷彿雁南翔思欲隨君去驚此析聲長  
聲長不可斷猶吾故鄉情天地何寥廓人惟戀此生骨月思豈絕弃之以遐征人皆趨孝友吾亦樂斯名豈惟

兒女仁威吾淚縱橫嗟彼太行道明日爲獨行

獨行將何之前路不可懷振衣登高岡天命方悠哉

彼淵底松何不爲蒿菜疾風掩巨石磨滅成塵埃吾聞

鬼谷子清溪門不開牀頭一卷書豈不爲英材

英材世所希有亦不足算天下有心人千里同長歎

游以從之日暮長河畔君如不吾遺高飛入雲漢

雲漢在天上仰哉垂大文昭回歷浩劫持以壽吾君紅

塵動地來白日爲之暈壯士仰天歎拔劍次浮雲日月

有長度往來道斯分常恐歲時晚山川雪雰雰惟有

隆鼓天下莫不聞

五言集卷五

真定州

三過恒山郡爲日不十旬伏城四十里復此高城關天

地實勞我山川皆嘆人自非念饑寒誰能不愁辛草樹

雜廣隰竹橋縛迴津遠林有餘白近水知先春欲與世

上客拂此空中塵前途有清流與君共垂綸

井陘懷古

功名一朝盡舉世笑其愚豈知覆軍將猶能建良圖吾

行井陘道懷古一長吁

核桃園

下坡樹在頭上坡雲在面水通田如梯天接石爲縣人

行路不定馬去山已轉忽然逕無從更出水一片雙鳥  
浴清波孤舟橫古岸確轉激輪飛女浚歸村慢跨橋聞  
雞聲尋崖得平甸處處有人家歷歷入雲漢日暮核桃  
園百里客行倦

固關

披雲上層巒雲中馬蹄響無風戍旗閒關外桑麻長守  
險穴中鼠不知天下廣封疆限部分車馬自來往嗟吾  
攬轡人于此發慨慷

平定州

度關八十里行始見陶穴斯人樂安居畏此地動裂帛

五言集卷五

七

空土隨入路往石立折盤逕爲通途何年斧斤歇不及

人心危先愁馬足缺雖無崇山險碎石頗硃兀四圍如

列困疊嶂屢復出豈知亂山叢中有十萬室戎索此首

疆風俗猶昔日局促何可傷爲君歌蟋蟀

壽陽縣

昨日山多石今日山多泥泥崩石骨露百里無安蹊山  
田如亂雲風吹忽高低錯繆衆峯交平視無端倪一夫  
隴上畊衆夫隴下犁隔林遙遙綠麥氣浮遠畦殘雪消  
未盡隨路爲迴溪吾欲溯春流明朝壽陽西

儼烏行

饑鳥樹上啼啄雪地下白游子朝出門雙淚摧胸臆問  
汝何所思思在離江側父寒誰與衣父饑誰與食奈何  
育汝思不得汝力饑寒尚可忍虎狼威不測豈知灌  
木叢中有狐狸迹何當獵人徒一掃山林僻誰能揮黃  
金買斷東西陌號泣向路人談笑生荆棘豈無同心人  
萬里遙相憶雲雨變無常山川况相隔吾思信陵君門  
下多食客古人重排難恐君非所惜當時青雲交握手  
慰朝夕便欲附長風因天生羽翼貴人難得意復恐非  
疇昔擬足道途開行行復止息吾行歲方終忽已變春  
曆芳草何時生千里同一碧行當踐履之以得心中惻

苑集卷五

南山上木松栢實可摘東海水有波珊瑚網可得春  
風爲何來壯士生顏色平生一片心仗劍以報德

行子行

鵜結者行子侵星叩華軒便可決謝之慎勿多話言行  
子千行淚舉步出重門回頭看背隸欲語聲復吞松枝  
樹有根江水流有源吾獨爲飛蓬飄搖隨風翻飄搖者  
誰是吹吾上崑崙黃河下萬里重來謝青恩

平遙道中雪

平遙平如掌村落遠相連此地最宜雪萬頃玻璃田立  
馬高原上萬樹皆在前往哉七十里杳杳迷山川大地

鏡中盡行人天外還水凌唯朱宮謂稼翁長嘯獨道然

張蘭堡

午後雪初霽素景耀青春吟鞭四十里馬足無纖塵春  
風上城堡夕陽有歸人柴門相對出各自具手賓鮮菜  
有市賈餅餌縱橫陳雖然闕闕間頗覺風俗淳吾徒在  
天地不足謀一身此鄉愧遊子百年聚天倫平生懷感  
激豈無兄弟仁風塵一以遠遙遙西入秦秦中無吾家  
傳舍無我隣深夜一孤燈能不念恩親

靈石縣

介休至靈石八十里而遙欲尋花柳邨處處紅雨飄馬

苑集卷五

蹄循山麓汾水來迢迢行人相後先俱望河陽橋微風  
蕩輕雲隔岸樹蕭蕭清川送不已蒼山更招邀潺湲水  
聲中落日滿山椒迴波如有情相與對清潯

韓信嶺

去縣二十里流水聲漸息平林翳高岑往升不可極身  
入雲霧中茫茫天下自上嶺山叢叢下嶺山歷歷豈知  
一九泥中有萬古石如何漢淮陰于此留遺迹吾行兩  
過此後來人不識

霍州

上馬看霍山蒼蒼落吾手月出御微風酌汝一杯酒沈

吟驢背上萬樹城門柳山靈笑勞人此賞安能久寄書  
華山君青天一搔首

洪洞縣

兩縣相對出洪洞連趙城邨邨樹交柯卅里綠雲平時  
雨無偏施田疇相互畔平原不可斷芳草自然生雞犬  
日閒散時聞深巷鳴日暮人已歸柴門有餘清萬株柿  
棗外一片春波明作詩紀土風不覺馬不行

尤杜邨

西南一邨邨樹影扶疎人情安其處各自保室廬和  
風吹麥苗綠繞田園居陌上無閒人喧鳥過清渠曉發

元吉集卷五

古

聞喜南頗厭涉沮洳邨籤兩程限窮日驅疲驢懷此風  
土佳一路心神舒日晚入人家瓦盆薦青蔬旋來摘後  
圃土膏香未除野老雖貧乏種植尙有餘何由弛負擔  
茲焉共耒鋤盤頭倘可託吾亦念鄉閭

客思三首

柳枝漸欲舒吾行猶未息何處月明中江南望江北當  
時錦繡文磨盡鴛鴦織次第動春風花開滿阡陌  
君去草未凋君來花未落蛺蝶在東園低飛入簾幙何  
不及少年入山採靈藥石髓如瓊漿歸時對君酌  
山上石千年人去心猶在燕羽輕風中浩蕩度雲海朝

華上綺疏明鏡無光采年年堦下草恐君不相待

渡河

雲氣來蒲州隔岡送河聲走馬七十里先見潼關城地  
勢一山轉水德千年清掉臂跳上船歌歎片帆輕中流  
一俯仰上下黃雲平逝者如斯夫終古東南行

入關

天風忽然至吹我入秦關終南與太乙青黛雙眉彎峰  
頭挂明月一笑留名山不知洞中人出世何時還懷古  
發長歎雄圖想像間但聞渭入河千里聲潺潺

華陰廟

元吉集卷五

圭

入關三十里列樹儼成行秦地立春早青草日以長千  
茲有水竹何不如故鄉夙昔廢詩書盧園亦久荒寄託  
萬里外邱壑安能藏微生感令德天道不可常誰與命  
世者上下同翱翔布衣拜祠下一問金天王

華州

萬綠藏華州城門對山開千家在空碧青螺逐人來水  
石出屋裏來往興悠哉如何崑洞中不見桃花栽游女  
如春雲攜手出城隈芳草似羅帶陌上無塵埃吾來金  
天廟一夢仙靈回飄飄七十里欲問芙蓉杯山翠落如  
雨春袍暫徘徊



臨潼縣

吾行新豐市忽此溫泉山東西兩繡嶺青青雙髻鬢一  
冠復一埃漸聞水琤潺藹時叢檜栢歷歷層崖間山中  
白玉童重來母已斑相看樹如此歎息凋朱顏

灞橋

灞水流湯湯柳色三十里何處最傷心河梁一翹企當  
日送行人去去何能已

西安府

渡灞二十里鬱鬱古長安雍州橫地軸河水揚波瀾襟  
帶出神岳昂然司冠冠白帝醉復醒游戲紫雲端至今

瓦缶集卷五

夫

渭水上雲彩蛟龍蟠王氣結幽紉此地爲屏翰萬里撤  
荆棘驛驛進盤桓沙苑長嫩草棄駝亦飽餐惟恐秦嶺  
雪城中增莫寒北風何相欺射我雙眸酸吾思陽和德  
幹運無時完賜谷光未見萬物聲已譴深情寄蒼昊跌  
宕出巖巖只惜九折坂不得泥一九唯有五章羽飛食  
青琅玕

咸陽縣

渭城柳色青青二十里馬踏古原草日日歌聲起城  
頭漢殿雪橋下秦宮水山南山北間攬轡悲游子

永壽縣

百里古函風中途得縣治人家嵌山中城郭在雲際谷  
底楊柳春雪下流泉逝晚晚春向關肅肅寒猶至陽和  
散何方客行各異地幸不念衣裳何止日憔悴千里樞  
馬心十年寶劍氣炯介懷故人濁酒不堪醉

邠州

邠州花遶城流水去灣環行人綠雲中郡樓對青山載  
酒苦不足扁舟往復還牛鳴深樹叢一鳥清波間青春  
爾何爲不放風塵閑寧知芳草地終日車班班緬懷山  
中叟獨往閑柴關因之訪巖窵服食保朱顏空山不見  
人落花滿林間

瓦缶集卷五

七

長武縣

中日罷麥飯前路杳孤征馬後桃李花馬前塵土生客  
心感遷移愁嘆何時平爲方子男國遐望長武城分建  
自先代草創功未成何人爲保障百年就圯傾垣墉傾  
土花壤道多棘荆此邦實要衝豈不戒戎兵封疆在咫  
尺毋爲廢經營

涇州

午餘倦長途草色殊未歇驛程趁微風頗思憩林樾山  
光悅人多遠近賞倉卒飛雲度遙岑立馬俯城關百泉  
不可尋涇流如一髮遙揖回中山凌空猶恍恍仙人如

待招于此弄明月振履以隨之杳杳日西沒長歌歸去  
來處處鳴鸚鵡

王邨

行吟襍農歌清賞方未已一鞭兩黃犢終畊三十里青  
山抱孤邨天然出桃李隔花起幾烟下馬隨流水流水  
在人間空悲遠游子

高家堡

晨裝辭所親惆悵烏能已問途不可知忽忽五十里西  
崦有人家過客行復止相共隴山青遙望晴雲起豈知  
山下泉猶作東流水

會寧縣

元祐集卷五

太

百里枝楊道隴水曲折流隨山作盤渦盡日百道溝馬  
嘶不肯渡樹木風颭颭惜彼斷腸聲阻此萬里游騰步  
凌蒼莽安能阻修青天如可上吾亦釋拘囚天天山  
桃花開徧青山頭下馬乞壺漿秦姬咲相留舉頭盼花  
間鳥鳴變林邱鳥飛客復停嗟爾去悠悠

西華驛

度隴山紆迴驛路出西華下臨邱壑平立馬羣山捧平  
時卻絕踪何處金蓮湧自惟達觀難捫心靡不動于此  
有仙人白雲封中崧青山有舊家非關鍊鉛汞遐哉從

汝游身入華陽洞多恐避世翁歸來髮種種銀臺如夢  
中人世一何惜長歌下層巒前山立如拱雲飛入深林  
歷歷春原擁

清水驛

雨過清無塵碧草何油油牧羊爾來思澌澌青山頭同  
羣無不可振衣越林邱終日萬山中不知深且幽午前  
山崩庵午後山標流一心任夸險陟降俱自由落日滿  
古驛役車行且休濁醪能醉人何爲不淹留丁男喜客  
至竝坐發清謳十里一酒旗已過十二樓囊中如有錢  
明朝上蘭州

蘭州

元祐集卷五

九

獻歲發饒輔春盡抵皋蘭道途豈云險淺水無波瀾吾  
行亦永久何止衣裳單天命良不信豈敢慮艱難清晨  
出古驛終日石盤盤百雉在雲中千里走岡巒金城阨  
其要黃河揚急湍周流十二衛士卒尙桓桓間置一不  
慎結爲兵亦端皇靈表漢域王會列周官烽火爾何能  
照徹天山丹落日風蕭蕭壯士發長歎杖策謁軍門毛  
褐被不完游戲看吳鉤霜威不可干肆目崇墉下雲物  
何漫漫但聞河水聲流出邊雲寒

元祐集卷五終

瓦缶集卷六

嘉興 李崇渭 秦川

古體詩

夜關曲

但聞風雨聲不見林花飛  
空留薜蘿月欲照芙蓉衣  
山鬼夜深帶美人歸不歸

效古

陰陽相代升去矣非變易  
人生共推遷于何勞形迹  
閑窓納遠風舉頭見山色  
尙有好鳥鳴秋草萎以白  
故人殊未來頽然此日夕

瓦缶集卷六

贈北山道者

道人不出山但飲山中水  
池上長藥苗門前落松子  
吾來鹿羣中影入碧雲裏  
惆悵莫烟生清禽啼不已

雜詩三首

長江明月光清波萬里流  
偃偃行邁子渺渺客行舟  
不懷故鄉前路不自由  
朱鷺雲中鳥獨立蘆花洲  
天池非不寬飲啄各有求  
飛來不可見飛去但懷愁  
孤楊折其條明年發枯株  
不及流浪子進止在路脣  
身墮荆棘中哀哀父母軀  
常恐時節至舍命沈黃壚  
寄書與六親且復忍須臾  
一身何足道零落同百草

漢南有遊女長裾何飄揚  
俯仰步自娛逍遙歸曲房  
但飛江上雨留此風中香  
結想自何年亭亭素月光  
申禮以要之不得同翱翔  
行人擗芙蓉花開在路旁  
奔扞何足惜慎勿加損傷

咏史十四首 有序

每觀古今才士咏史之作  
寓辭往昔寫其懷抱僕羈  
人也何足有言胸之所憶  
聊復書之或紀其事或論  
其人要于吾身渺不相涉爾

逍遙覽千古終日心不平  
卷書擲牀頭淒然念此生  
古來富貴者多負賢達名  
斯人去已久不足論枯榮  
感歎

瓦缶集卷六

未能已蟋蟀階前鳴

軋里鼓刀人書法同齊豹  
百金安足多一朝毀其貌  
仲子爾何人能得死士報  
夜深燈火微但聞劍長嘯  
由來兩至人鐘鼎與泉石  
今古一扁舟繫在西山側  
忽與飄風會遙過去無極  
中有白髮翁一竿千里碧  
欲采青琅玕將來鳳皇食

獨登嵯峨山上有仙人宅  
洞戶丹竈空磴道青苔蝕  
古皇拜下風于此留遺迹  
寂寂下山行空林聞鐵笛  
嗟哉廣武山亭亭出霄漢  
上有摩天松下有長流淵  
結爲五色雲千年未曾散  
茫茫古今人誰能不長嘆

淒淒萬里風渺渺千尋雪鬱彼南山雲掩此北崑月陽  
光輝中天于何有盈絀地勢尚有憑安能巨斧劈千古  
一綈袍相逢寒微骨豈知土室中經旬不得出

薤露歌北邙送者數千人哭聲上雲表行道爲悲辛日  
莫分散去都非骨肉親歸來謁丞相堂前羅衆賓適從  
何方來各自展殷勤一瓢顏子巷寂寂無四鄰

白頭守郎署顏驥與馮唐三世時不遇何不歸故鄉但  
恐草木腐掩此千秋光不然行萬里捐命于敵場奇計  
賞勿及擔劍天山旁

仲升會投筆介子亦奔軀由來英雄士不爲小人儒毛  
三

瓦缶集卷六

雖記姓名功恥出田租白頭費搜討于世亦殊途慨然  
念天下歲月忽已徂嗟彼六藝文章句非吾徒

顧瞻陟北邙千古一梁鴻一身不自贍願作他舍傭鄰  
父伊何人識之衆人中入吳寄廡下乃有學伯通揚子

好玄言寄託在虛空十萬錢附名亦是眞英雄

山上亦有苔水中亦有蓮春風生木末花葉何翩翩風  
波豈不惡一葉釣魚船道途豈不險九節追風鞭高高  
上九天深深下九泉古來佗僚者後世稱聖賢

可憐杜季雅跡絕人羣卿人爾何知輕之不足云一  
朝遇漢主高名振雄文歸來平陵道從者有如雲書生

安足多持此謝明君

昔有王子晉吹笙綠氏山舉手謝時人一去不復還天  
命苟如此豈不慙人間至今伊洛水無復聲潺湲  
讀破萬卷書不能免饑寒散盡千黃金流落在風塵入  
門妻子笑出門朋友腹挾策干諸侯遊說非其人洛陽  
田員郭吾不如蘇秦朝來忽不樂思欲往泰山足下萬  
重雲頭上青冥天

仙山

仙山何迢迢迢迢碧雲裏繚以閨風城遠以清冷水靈  
龍激洪波仰流三千里雙目日月精餘光爛如綺掉尾

瓦缶集卷六

四

卷蓬萊青靑雨蓮蕊中爲不斷溝湜湜流其津仙人吹  
玉笙逍遙弄海市素女翔崑崙阿絜若啓玉齒咳唾飛九  
天清風灑蘭芷卽卽雌鳳鳴聲徹幽谷底如霜金剪刀  
借取割龍耳有聲不得聞惆悵遠遊子

山中

已從山中來還念山中客落葉聲已多況此風雨夕明  
朝命鄰叟采藥清溪側何處石門深孤舟去無迹

昔遊

昔余遊大都未嘗廢嘯歌出入皆朋友時俗相與和逍  
遙臨廣衢仄徑豈足過歲月未云久哀樂忽蹉跎霏霏

寒夜吟

明月下戍樓

雜詩三十六首

鹿田集卷六

五、

頤色赴絕壑迢遞起憂端隴水流不盡激之河水湍風  
沙浩無邊策馬上層巒行人多饑渴忽已忘朝餐天命  
傷客心當非畏苦難同行兩三人各言道路寒他人各  
有情焉得不爲懽悲夫壯士節珠淚無復彈秋深草木  
萎春至復丸丸誰無寸草心何堪此凋殘

伍伯來相命邀吾遊岱宗但以舊恩故未能躡蹻踪春  
秋露如珠行處花茸茸故人久已去何爲不相從回頭  
匣中劍未忍淬其鋒待吾贈俠士來登日觀峯

京州天氣寒唯有垂楊樹託根淺土中清泉聊復注誰  
能脩寸蔭葉葉天涯布至今風蕭蕭落木紛無數佳人

行人去蕭蕭馬隨秋風至木落塞垣空明月紛在地  
依辰感素懷同此霜露墜祇疑車馬馳不在人間世  
誰能日莫嘆徒爲流水逝

盛衰彼有期來往互失得蘇秦去咸陽乃心在六國草  
柴寧謝春秋來不可識嗟爾蓬戶人聊用自怡懼惟恐  
多私情撫劍長太息公等徒碌碌終愧平原客

邊城百尺樓上有相思客哀響徹青雲散入楚兒笛此聲是何聲天風吹不得但傷遊子心流落龜茲國何人

鹿田集卷六



采變風奏之君王側

功名既不易衣食獨難君子疾沒世一日懷百年奈何遠遊子仗劍不知還青青江上山山下多良田立苗去其莠畜之以清泉萬寶耀秋日馨香盈几筵豈無香茅宇堂上何人餐念此不能去終日心煩冤

灼灼名都女容華非少年空將舊脂粉流淚鏡臺前

不念故侶渺渺隔重泉一身不自保何曾悲弃捐  
山下何所有蕭蕭楓樹林高枝落已盡小鳥尙哀音何  
方輕褰子立馬一沈吟旣不懷嘉實何爲遠重尋持此  
歸飛去雲羅復見侵華筵不用享仍作盤中禽殺身非

所惜貴以明吾心毛羽日零落棲飛何用深

朝雲出山疾莫雲歸山遲豈不因風力來往非其時既  
不填溝壑猶欲報恩私已矣將何嘆淚落無人知

花謝同時開哀樂雜今曩名山無陂澤幽襟愜長往春  
言迷有知未到窮所想豈茲時莫懼猶然青春賞登樓  
寄孤情清川平如掌假吾三尺楫爲君棹蒼茫忽焉草  
叢生油油桑麻長溟濛細雨中萬物各有黨不同逝者  
嘆零落在草莽歸與其無情乾坤一俯仰

無復動懷思愈前明月色清光如故人能照倦遊客欲  
尋蕭蕭風慰此千里夕何處是青山衰草連天白

元岳集卷六

七

達觀每在昔屬志今未能匣中劍頭折見之淚滿胸蕭  
艾當秋歛零落分所應得失互相倚盈虛理斯微誰能  
委天運物老不足憑撫枕罷瑤瑟感嘆中夜興華木一  
千尺幽月忽已升玲瓏入綺窓貫珠光如繩故人殊不  
來鳥去寒波澄

長林罷逍遙風塵非所安丈人策竹杖携手暫盤桓  
是田野間雞黍足爲懽匹馬如可已歸耕河水干寧恡  
千金贈報子以一餐徒然念虛舍舉世無恩怨身慙汝  
所有何不慰饑寒疾風不千里登高發長嘆吳鉤如可  
飛含笑整纓冠

非徒謝人事窮巷愁屏居故人久不至况乃秋雨餘孤  
情懷遠風酒盞亦已踈高卧足至理還卷牀頭書但聞  
槐上露滴歷青芙蕖

夕陽照疎雨庭木有餘清卷簾此何時佳人隔曾城佳  
期安可忘往者故難并徘徊荷池上高柳一蟬鳴孤高  
爾何能託之以遐征輕身自然去傷吾愛思情  
徒廢山澤遊城市故不閑緣溪桃杏花年年出塵寰陰  
雲度曾城安知不歸山孤鴻號中庭翩翩傷心顏鴻飛  
向天末影落江海間客從故鄉來將適鐵門關鴻飛既  
冥冥客去何時還

元岳集卷六

八

天道有何常生死非小故鬼伯一何愚區區戀邱墓晨  
遊上泰山歷落中原樹但恨蓬蒿生叢叢滿中路  
體中時不佳牀頭看周易湛深非素希游玩意良適靜  
覺陰陽和往來無時息夕陽下前軒舉頭見山色吾友  
殊不來對此風月夕沽酒出深林明朝野人迹  
北風吹冥冥海水千丈立沙上草青青中夜魚龍泣海  
上一仙人相逢下車揖此間不足言駕彼青桂楫幾中  
徑寸書古香錦重襲待過三千年了了世人習  
方春草茸生呼兒耕東菑稻稂害于田揮鋤而去之鄉  
村四五月陌上黍離離烈日草就萎雨過草復滋根荄

伏土中蔓延不可治

何以致吾情蕭蕭數竿竹清風吹酒樽杯中流碧玉華  
月出雲間映水搖空綠緬懷高吟人抱膝在空谷欲汎  
釣魚船蒼茫水一曲

晨起檢身事脚痛方未已丈人方怒喚謂不善于禮種  
桃在蒔田秋結黃金子盛以赤玉盤捧進令公喜待過  
春三月葉落隨流水

貞松抱寒質託根在崑阿風雲卷其上鳥雀喧奈何朝  
遊上蘭坂芳草忽已多青帘飄春雨孤櫂屢經過一酌  
小天地悠悠滄海波

瓦缶集卷六

九

昔也遠服賈開道與脫輓今也田甫田農夫果其腹非  
余善自謀唯爾民無祿顛倒吾裳衣蹢躅吾疆域虎乃  
豹之兄鸞乃鳳之族齊上高山頭下入大海浴歸來里  
舍間春風生百穀飲啄自有時爲善日不足

咸陽西風起渭水入清秋釣竿今何在千古一扁舟摘  
取太華月斜挂竹杖頭手中一寸光脚下萬里流客從  
何方來脫贈鸛鷀裘千金不足惜弃在酒家樓醉後聊  
相戲歸君大小球還共登樓坐傾壺消百憂

白髮一老翁行吟在荒野日景沒西山歸來茅屋下濁  
酒聊自斟臨風意瀟灑問之笑不言窓中飛野馬投老

尙無成自是悠悠者

風清天無雲高樹何脩脩美人殊不來月華滿西樓江  
湖修且阻溯洄不可求日月逝不處清霜忽已遒漁父  
水一方鼓枻發長謳懷中尺素書寄之湘水流掉頭不  
肯顧日暮白蘋洲

新林變節岸黃鳥以時鳴飛來珍木末下土聞春聲辛  
夸花始發極柳葉初榮芬芳一朝盡無爲懼遠征嗟爾  
鷓鴣羽一枝聊白營迴翔北海上淹留忽無成

淬劍大江心光采如霜雪久置土牀頭化作太古鐵至  
剛不中用手寸寸折埋之沙泥中下泉流碧血其上

瓦缶集卷六

十

生孤松亭亭摩天關中夜生悲風聞之五情熱

昔者魯連子談笑卻秦軍終當蹈東海不能解世紛龍  
戰方在野元黃誰能分貞一諒所守登高日已曛物故  
不可度安足辭垢氛潛虬媚幽谷噓氣條成雲殷雷南  
山下充耳若不聞

城南韋杜曲十里荷花香花傭不曉事采摘滿筠簍竹  
檐入城市來充君子堂玉瓶注清水置之几案旁青青  
青蒹葭薄莫復萎黃主人不見賞徒爲費損傷白鷺高  
飛去淒清風露涼

虎步罔憚惡草木有餘勇怪石蹲伏莽卓爾亦不動陰

卓迷往復誰能離荒茸一鞭如可撈三百任曲蹄道人  
朝餐罷清磬出崑洞撫劍震雷音毋乃重關茸

涼秋八月鴻雁向南飛蕭蕭蕭蕭風調饑心事遙顧  
念同懷子羈旅不得歸將復遊天末沙頭渚非故鄉  
相望久車徒良已稀結言在廣途何以慰重關諒無干  
里酒過與故人揮徘徊庭戶間北牖莫垂幃魂夢以要  
之含笑復含睟既不懷嘉會風塵安足希顧瞻長安道  
垂樹尚依依攀條折其華感君涕沾衣

吾友秋風客青山結草廬門前草不芟流泉已成渠意  
中五絃琴空裏游川魚後鶴遙相識此是野人居陋室

瓦缶集卷六

上

何所有一卷孔氏書日入無炊烟饑餓亦晏如

萬蒲生汙澗底發奇韞遺落空泥滓秋深白露零寒  
裳望勿及客思亂寒青孤根何足采感此香滿汀

擬陳思王贈白馬王彪詩七首寄垂穎兄

振策指伊州飄然思故鄉登高以望之隴阪一何長背  
河面江海豈曰川無梁託身一失所行止隨風揚何止  
岐路間可以見損傷

林木爲室廬蒼蒼去已多春秋非無日霜雪將如何驚  
馬向吾鳴宛轉在山阿獨行無健者日莫起高歌  
高歌非吾事愁來不可祛亮無素心人何處感索居與

君爲兄弟形神日以踈踈濶何足言道在與時俱專心  
念舊故去去非長途進止皆脩阻聊用駐須臾

須臾時已過歡愛從此畢豈無天下春秋風日蕭瑟隴  
首望行人青山如一髮休言越與秦猶能共明月翩翩  
南飛雁嘶蘆力已竭與子非一身沈嘆永終日  
白日滿天際風吹河水翻生理不相問殊非骨月恩曰  
予久行役壯心無復存何爲不遠去得失不可論馬尾  
拖夕陽行人上高原音書寄道路迢迢血淚痕同心金  
石堅聊用告哲昆

瓦缶集卷六

上

世如有因何不爲越秦恐其共傷心相望在風塵君也  
丈夫志不作兒女仁持情謝久遠無復通殷勤  
殷勤非一朝猶使吾心切携手豈無淚終知返路遙人  
言一杯酒愁來不可澆杜康非吾友何以憫劬勞兄弟  
無相遠歲月忽已悄飛劍剖白石此愁何時消

獨步城隅屬有所思

城隅安可遊迢迢蕩繁圃非予每蹉跎此景聊可撫飛  
鳥恒依人游魚尚堪數喬木留餘清遠風引蘭杜可惜  
東郭樵十年刈平楚經過舊亭館淚濕階前土烈士多  
悲心小人畏愁苦竭來數春秋聚散如風雨曾是咏山



阿美人竟千古

道士

南山有道士輟策講達生達生非所事聊以撫吾情人  
皆曰脩服乘馬不得征逍遙弄白日竹風蕩其清黃精  
煖未熟一鳥階前鳴不知幾何時飛去深林青子何任  
自然仍復多所營人與鳥俱去空山流水聲

今日

今日忽欲過明日不可期牀頭有斗酒斟酌就君來不  
才勉取醉既醉多言詞相逢不爲樂懷抱何時開呼童  
約鄰叟有客欸柴扉井里十餘家不知是何誰忼慨念

无缶集卷六

古

朋友並坐彈朱絲一彈日杲杲再彈風淒淒三彈壺已  
傾醉倒不言歸

斫樹行

莫斫林樹梢上有鷺鳥巢鷺鳥雖墮地死林樹帶葉燒前  
山有喬木朝飛莫還宿明年毛羽成還來啄人屋斫樹  
不削根汲泉不竭源樵夫與竈妾相逢無一言山上亦  
有水山下亦有水兩水相續流長出青蓮子蓮花不染  
塵瓊樹朝朝新將來相比並甘藕長千人促促復促促  
蟲來入人腹慎勿傷吾心亦勿傷吾足

擬古詩

蘭生當庭戶香風入門來因君生顏色賤妾何能裁愛  
憎自有時問君君不知秋風殫零落春月復芳菲將蘭  
種在如山頭霜雪早草色不長青人心不長好安得風  
吹山平坡樹萱草萱草能忘憂昔新今白頭

擬蘇子卿武詩

自古皆有死百年在須臾何以善吾生保此千金軀忠  
義吾所安離別子煩紆一觴聊獨進徘徊在路隅仰觀  
天邊雁俯察逝川魚形影忽不見於人何所須桂生在  
崑下遠可憫勞劬白髮猶相見何論歲月除折取遙相  
贈欲發轉踟躕

无缶集卷六

古

擬李少卿陵詩

落葉滿天地登高送將歸客言未能竟清風飄吾衣何  
以叙永好杯斝不可揮別馬蕭蕭鳴瞻視路何其無爲  
在岐路贈子長相思

擬班孟堅固咏史

趙孟將渡河津吏醉不醒維以飲食故殺之有何名女  
娟在中閨聞之惻然驚持楫願身代父生妾亦生中流  
發棹歌辭釋瀆乃清微言感至聽聘入邯鄲城始焉免  
父難既乃得身榮至今河激歌千古傳其聲

擬高義方彪清誠

大道公而正小人乃背之以其豺虎豹結交狼獾獾其  
有特立者去之唯恐遲聖人治天下必先其疵殺而  
逐其類王路庶清矣

擬蔡伯喈鸞鳥

倚倚青桐樹華實揚其姿雌雄鸞鳥毛羽何差池幸  
蒙君子愛因得戲軒墀雖無鳳皇德而有鳳皇棲梁木  
無火焚百年長若斯

擬趙元叔壹疾邪

春田有根莠小人不治吾有一簞錢蹴踘而與之跟  
踰下庭階握手多言辭坐之高堂上此爲千載師

瓦缶集卷六

五

擬酈文勝炎見志

松柏生高山朝夕起清風山深無人顧天矯如蟠龍爲  
其他霜雪移置曲房中非無灌漑恩終有憔悴容割削  
引繩墨匠氏爾何從不惜支體裂爲君宗廟功長短一  
不齊迺斤賴國工遺材尙爲累况乃雜蒿蓬

擬孔文舉融雜詩

巖巖泰山高託足于梁父山間膚寸雲崇朝天下雨苟  
不中道馳驅車將誰與六相佐軒皇今但聞其語

擬秦士會嘉贈婦

晨發車蕭蕭車行多芳草初程去子遠何况千里道人

生有何常權愛苦不早終日媚閨房歲月易衰老盛年  
舍我去當復非嬌小將車迎子還詩篇何窮窈窕復傷  
吾心夜淚至于曉何以明吾情長川漫浩浩何以相貽  
贈瓊瑰未爲寶唯有平生親寄子以永好

擬魏文帝雜詩

浮雲太虛中無風自飄颻吹噓爾何能阻之青天上萬  
里在須臾安能久流宕要自無本根家鄉非可望欲歸  
且因循客子今畏人

擬陳思王情詩

微微天外風吹吾庭中花落已飄揚行人不還家岐  
路通大道顛倒更相加出門一步遠何異天之涯行人  
畏陰雨處子愁日斜去矣吾何歎當時空自嗟

瓦缶集卷六

末

擬徐偃長幹室思

新歡不足貴舊愛乃其常當時離別言日久恐見傷慎  
旃君子心弃置妾所當嗟彼出林鳥各自東西翔天恨  
與弧矢安得不相望

擬應休璉璩百一

貧賤卽下流何人不可居西遊說諸侯感激三上書朔  
風日夜至吹動榆關榆落葉滿天地何人不掃除中夜  
撫枕嘆嗷焉告吾徒功名苟不立長劍縱所如

擬阮嗣宗籍招隱

孤舟去不還  
流泉出深林  
但聞水淙淙  
不聞歌惜惜  
芳草上長坂  
飛雲度遙岑  
游魚馳弱湍  
翔鳥自悲吟  
終日山水間  
冷然風中琴  
何以命吾友  
明朝不可尋  
聊贈一枝桂  
踟躕至于今  
日莫前陌上  
清風吹素襟

擬陸士衡機園葵

葵生在東園  
一枝何翩反  
馬足踐泥塗  
容華不自存  
傾陽空有託  
不能護本根  
何由一舉手  
移植在高原  
倘蒙清流注  
猶能媚華軒  
小草無遠蔭  
叢生花葉繁  
土膏有餘味  
充作盤中飧  
不惜微軀折  
感此雨露恩

瓦缶集卷六

七

擬曹顏遠憶感舊

時窮莫呼友  
道狹莫騎驢  
道狹砂磧多  
顛越在須臾  
攬者忘其轡  
秣者忘其芻  
長嘶秋風中  
頓擗野脚踟  
豈無項領成  
逍遙去通途  
不然赤雙脚  
直上崑崙墟  
他時就平地  
還來駕中車

擬陶元亮淵明乞食

生理不可論  
乞食乃其常  
苟爲戀喬木  
未暇至四方  
主人不解意  
婉言出門牆  
豈曰子無恩  
感激古已荒  
風塵歷交遊  
行行至潯陽  
平生扁舟意  
江水流湯湯

擬謝康樂靈運讀書

醇論無一人  
逍遙到千古  
不知世事非  
况乃余心苦  
詩書吾朋友  
筆墨代農圃  
春至山鳥鳴  
秋來籬菊吐  
雖無塵尾揮  
聊可如意舞  
琴絃既無聞  
酒壺何足取  
不藉羲皇人  
安辨禽獸語  
風來啓雙扉  
山光滿庭戶

擬鮑明遠照秋夜

虛室無鳴琴  
空山得圓月  
藉彼雲間明  
照此松下雪  
京塵因時至  
穠芳以晚歇  
寧茲芳草心  
將毋桂枝折  
烈士多哀思  
秋來更愁絕  
登山蕪已叢  
涉水蘭不擷  
嘆息未能忘  
山川如一髮  
空有千載懷  
不見古人烈  
徘徊欲去心  
惆悵安可決  
手中鐵如意  
惆悵至明發

瓦缶集卷六

八

擬謝元暉眺春思

花開陌上春  
風吹玉隄暖  
魚戲碧波動  
鳥去烟光散  
園林日未斜  
高臺目已斷  
行人獵馬歸  
織婦機絲嬾  
欲將錦瑟絃  
寄之昭華瑄  
澗水日潺潺  
聲長水流短

擬王元長融寒晚

愁人畏元冬  
羈客感日暮  
如何頽陽徂  
復此雪霜沍  
潭魚寒不游  
邊馬嘶歸路  
空室少人聲  
但見雀爭樹  
瞻途亮有窮  
念離情無素  
欲折霜中花  
題作天涯句  
海內如有人  
扁舟倘能顧

擬何仲言遜春雪

幽谷欲回春斷岸猶飛雪諒不保歲寒寧知非素節飄  
柳柳未舒沾梅梅已結獨有釣魚人往來天下潔

擬沈休文約離夜

灞橋傷心地秦箏哀急彈離筵月正明孤客腸已斷彼  
有綠綺琴此無青玉案明日望行人風吹楊柳岸

擬江文通淹清思

漁父清冷川樵子藤蘿谷清絕兩閒人携手入王屋空  
山一鳴琴冷冷太古曲深林人不知延賞心靡足欲去  
烟蒼蒼迴頭山水綠

擬徐孝穆陵山齋

瓦缶集卷六

左

朱門臨大道白板在山阿猶能謝名姓豈惜屢經過居  
人發高唱行者起長歌雨滴苔上靜風來松下多饑鼠  
竄古瓦渴後引烟蘿但知山采苦不見水生波借問閉  
關者饑渴將如何

擬庾子山信汎江

織素鮫人宅芳蘭帝子洲從天一舸下隨人千里流片  
帆似明月百丈牽清秋揮手采水碧微風生枕樓鷗鷺  
集中渚魚龍避上游汎汎漁人去烟波送遠愁

擬祖孝徵斑望海

瀛海環神州飄泊如埃壒不登妙高峯安知天地外鷗

鳥養以閒潛虬逞其怪浩蕩御風行江河一裳帶

擬顏介之推古意

少年入咸陽挾策干侯王投書石闕下拔劍酒壚旁百  
金買駿馬萬錢酹博場便欲通任俠豈知垂空囊出關  
咏明月渡河跨浮梁結交燕趙士作使邯鄲倡出身司  
農寺掉臂天子堂一言忤權貴長揖歸耕桑長禾未終  
畝烽火起河湟泣涕良家子統袴羽林郎長歌出關塞  
誓願死封疆公等自碌碌日日城南坊

擬王子淵褒山家

瓦缶集卷六

辛

舟居水不足山中道非賒天然出花竹地上多桑麻好  
鳥時一至流水去無涯結構少鄰曲往來屯雲霞繫樹  
艇可權沿溪魚可叉清溪三四曲白屋八九家自非踐  
期約相與論茶瓜前林孤烟起談笑日未斜

擬楊處道素山寒

河聲塞外微蒼鷹地下飛十年壯士死絕漠孤軍歸天  
子按劍怒書生前席非三河募年少六郡佐軍威勒馬  
浮雲駐彎弓明月輝山頭草木盡天上烏鴉希明星寒  
玉帳清霜卧鐵衣慷慨懷前古談笑解重圍將軍不言  
勇戍卒鎮長饑薄莫烽烟起迢迢看落暉

擬步出城東門寄朱稼翁

步出城東門尋君車馬迹飛雪滿天涯隴山千里白  
有尺素書寄與雙鴛鴦鴛鴦生羽翼高飛還帝鄉

甘草店

征客日莫望逆旅如故鄉遙聞雞犬聲不見十畝桑  
問行路人何如魚稻莊尙有村中烟微微出壞牆歲晚  
不稅駕揮手烟蒼蒼

青嵐峪

四度青嵐山不知山下村但流出谷水飲此谷中人下  
馬叩柴門老農出門看君從何方來泥土未曾乾山家  
愛留客亦不厭世塵如能甘麥飯此地無酒樽須待三

瓦缶集卷六

三

四月滿樹桃花春君是天邊鶴吾是檻中後主客無一  
言四山多白雲

苦雨

浮雲翳陽景萬象慘不舒大風折林木衆鳥無安居野  
人不出門泥塗挂柴車但恐風雨交敗吾溪上廬憶昔  
烟景和故人亦已踈濁酒久相招不來定何如

訪蔡公

欲訪山中入蹢躅松下徑荒草日已深蕭然發孤咏隔  
水喚漁人有路通幽篁過此一溪深當復聞清磬

老圃行

步出青綺門逍遙聘余目老圃方灌園清泉山林麓種  
蔬不問名但取生意足爲其能滋培庶類繁且育二月  
葉青青三月花郁郁雨露之所施何曾辨歷淑芳卉爾  
何能惡草森如撲落實取其材他時不盈斛猶能炫青  
春青黃與碧綠吾聞之先民樹人如樹木譬彼田有秋  
農夫擇嘉穀可惜造化功不用長鑱鋤爲沽濁酒來與  
君歌一曲無謂秦無人脩脩千畝竹寧弃爲閒田揮鉏  
逝勿告

寄觀淳

瓦缶集卷六

三

西遊于諸侯被褐苦不全出疆得吾子玉帛以周旋衣  
以錦繡段綈以雲霞羈揮鞭上皇蘭道路何翩翩當時  
拙言詞已復多所宣緼袍何足恥聖人有遺編遂用感  
意氣嗟吾何能賢人生在世間富貴多迫適當其困窮  
時足躡不復前前途阻滿水不用鴛鴦船囊中數卷書  
乃不值一錢行自咲其愚枉用多驅牽忽從金城下重  
過隴水邊相逢舊面目一笑來翩躚平生不善飲有酒  
如沅泉程期安可遲迨吾出春田行過六盤山山情何  
纏綿人心匪如石謬謂此石堅惻惻與子別念子病未  
痊當爲憂民隱不然寒暑愆昔先正有言死生命在天  
豈知延年術能者操其權清心與寡欲著之養生篇近

來天風動鵬鵠皆騰鶩此邦真父母三載官不遷雅樂  
待合奏墳笈差隨肩朝來陟高丘鬱鬱望秦川已看溪  
上柳復此池中蓮爲時已久矣安得不凄然由來輕離  
別真意誰爲傳攜手大馮君代州馮司馬慶曾延益各自相因緣  
貽詩慰索居兼以祝長年

山水

山如蟬髮青水似蛾眉灣萬里驅復走俱入胃懷間野  
草日以長荷鋤何日還

城隅獨歸

城隅楊柳風遮斷文茵殺餘取玉壺春歸來衣上綠佳

人不在茲爲盡歸風曲唯有紫琅玕年年在空谷

題王千謝所贈銅鑑

奔馳路尙賒愷惻動吾友是時寒威逼何以慰樽酒持  
贈銅鑑器相送大道口此中涼可溫寶之千年壽携來  
布囊中天涯共奔走朱火雖可然弃置亦已久揭來借  
一椽此物尙吾有猶能金石堅欣然復携手故人無恙  
乎灑涕遙稽首坐對南山高崔嵬長不朽

鷓鴣行

鷓鴣風退飛吹落丹山側自失池沼恩遂蒙鳳皇德飼  
以黃花香琅玕不能食鳳飛九千仞回顧愁顏色欲斷

薊門歸翹翹尙無力託之嘉樹林養汝冲霄翮春來百  
鳥鳴靜觀皆自得遠情良有因今者無消息征鴻去飄  
飄寄言淚沾臆

答南池大兄六首

寥寥天宇風微微屋上霜邊馬思代北遊子懷故鄉出  
門皆伴侶何爲心內傷寒裳未能去豈曰河無梁  
河梁生秋草故人去已多高飛尙有待失路將如何白  
鷗既浩蕩青陽亦蹉跎空山有吾友願言屢經過  
經過既無從踟躕未能已向來垂天雲存之長川汜清  
晨古關上平楚寒烟起客思何悠哉凭高望千里

題王千謝集卷六

千里一飛雁過庭長哀吟江湖未能去失路叢樹林以  
彼差池羽傳此瑤華音昔遊良已矣祇用增苦心  
苦心匪斯今懽情有如昔平生走風塵友朋皆膠漆昨  
日行出門于役不入室走上高山岑悠然奏瑤瑟  
瑤瑟久不御冷落太古情遙遙向千載寄之孤月明螢  
光窓前度蟋蟀階下鳴光城鳴亦歇雖然懷吾兄

咏李陵五首

常時不自保况與家國辭豈不念親故回首浮雲馳何  
以明吾心皇天不可知仰觀飛鳥翔萬里俄相隨景光  
如可待皎日以爲期

當時五千人掉臂陰山陰五將不復從代馬遂見侵殺  
身非所悵沒世猶難任功名良已矣欲去故沈吟但令  
千載下貴以明吾心

嗟乎蘇子卿爾獨歸故鄉臨河一相送曠野天茫茫何  
以敘離思盡此酒一觴觴酒忽已盡各言多悲傷相去  
日以遠如何不相忘

當爲有心人非徒愛身軀嘗恐霜雪侵且復忍須臾嗟  
彼烏獸羣按劍爲非夫天地一朝變生死互相踰君子  
不見信委之于泥塗

捐軀矢報國難忘國士恩結髮愛交好分義何由敦朝  
來木葉下蕭條臨塞門人生一世間來往安足論所悲

路迢遙恍慨復何言

擬古

枯桑無歸鳥夢中思遠道上有無定雲下有傷心草客  
從故鄉來遺吾金屈卮滿酌金屈卮飲罷長相思相思  
如明月何時有圓缺還君金屈卮惆悵不能發吾有綠  
綺琴彈作隴頭吟出門看海水海水萬里深

道人

道人山中來衣上生烟霧但知空裏雲不識城中路此  
有一壺漿相逢不肯住落葉亂紛紛獨來還獨去

瓦缶集卷六終

瓦缶集卷六

美

瓦缶集卷七

嘉興 李宗渭 秦川

古體詩

擬閨怨

松柏有本質想君不念初勤思諒不達復寄閨中書江  
南與江北相隔萬里餘中有芳草坡蝴蝶隨行車蝴蝶  
愛春陽飛飛交綺疏飛來長相見飛去定何如

懷人

庭戶閉愁思懷人到天涯竭來玉女觀落盡青蓮花秦  
箏悵欲絕舊酒不可除道人歸去後空餘山日斜

瓦缶集卷七

天星石

天星墮爲石赫然成文章不能挾風雨弃置在路旁豈  
人所踐夜吐五色光甘泉山其下靈草生其陽青精  
實可食天風飄遺香涼秋八九月白露結爲霜草枯子  
零落與君飼牛羊

懷友

君去幾何時黃鳥啼未歇借問江南船今年向揚粵北  
渚興已闌南風靜不發此有蘆花灘浩歌蕩佳月

懷朱珣叔

萬轉路不定豈徒山水然嗟哉芷閭子別來今幾年

坐想所歷落花盈樽前起來步山月渺渺秋林烟

望南山

蕭然庭宇空登臺坐消憂雨餘南山出草木含清秋嵐  
光遙相接能使俗人遊苟不縱余目雲烟忽已適久廢  
邱壑素志良未酌何緣飛瀑水潛作階下流四顧亮無  
人空中一鳥浮無爲謝雲表使吾心悠悠

寄山中友人

前期雖及秋殘暑猶在樹裏糧念徂征未闕蒼苔步將  
由清溪曲一棹移家具借問屋後田何時築場圃粳稻

瓦缶集卷七

二

收幾何槽牀在何處只此一往來時光忽已莫儻然携  
草履丹楓滿行路聊辭世上名永此山中趣

懷陳介平徐不夜

閉關戒聞見網懷陳與徐同爲悲歌客各讀平生書相  
逢市上飲還剪園中蔬時時向天末因風一歎歎

朝雨初霽率爾成咏

重雲閣微雨朝日隱重檐秋花靜不落去燕遠相兼孤  
客感蕭辰清風卷疎簾里舍已寂寞池塘復幽潛不有  
同懷子樽酒何足厭

早起簡錢夔求



愛此天宇清  
蟲吟猶未歇  
竹籬吐秋花  
簾鉤懸殘月  
佳人期不來  
清樽誰與伐  
昨夜風雨聲  
因之夢吳越

雨雪

雨雪出門多濕  
吾征衣裳回視  
送人行住以傍  
徨孤鴻號中野  
招吾還故鄉因  
君爲羽翼往矣  
同翔翔浮雲隔  
流水去路一何  
長迢迢千里蕎  
忽在天一方朔  
風因時至吹落  
屋上霜江國此  
何時草木芸以  
黃各自從所好  
引領心內傷

莊浪衛

植杖問遊子  
三日來渡河  
前途多冰雪  
貪進理則那人

瓦缶集卷七

三

生有忠信世上無  
風波一鞭舍之去  
忽已失烟蘿漢啓  
允吾治西出平無  
頗河湟右飛渡靈  
宥左折過襟帶若  
無事士卒嘯且歌  
歲莫墮向戶村村  
樹婆娑樣樣雖可  
念生意其如何想  
當春風時交枝野  
烟和陽德如可待  
吾亦屢蹉跎榮悴  
從所好欣戚意每  
多

新站

兩山夾中夏  
行人有戒心  
谷中馬蹄響  
路出通川陰  
草燐徑互見  
窺伺不可尋  
將履幽人道  
格力非所任  
登高一長嘯  
聲折枯樹林  
四十里路間  
不聞山客吟

西大通

荒磧八十里  
行來西大通  
休言絕塞上  
揖讓與古同人  
沾天山雪馬嘶  
青海風可惜橫  
戈道今作魚山  
宮

老鴉城

南涉大通水  
五十里水溝  
四十老鴉城  
城地居民稠  
烏鴉從北來  
飛上城南樓  
啄碎樓上瓦  
打殺屋下牛  
烏尾何短短  
鴉尾何修修  
尾加西湟水  
味向東勝州  
一鳴開天關  
再鳴鬼生愁  
一鳴復一止  
相距三百秋  
鸞弓拾彈丸  
打起烏鴉休  
野田有草實  
何不率爾儻  
草間一嬰兒  
徒手扼其喉  
城中無主人  
欲去還復留  
決背入崑崙  
日月跳兩頭  
挂弓西門上  
壯士歸田疇  
風吹續竹斷  
還來

瓦缶集卷七

四

城上遊

碾鉢所

近塞多紆徐  
叢木亦蒙茸  
山水複間行人  
迷舊踪千村聚  
烟靄一鳥弄  
琤琮引水剝山  
木激流轉野春  
高隴斜有徑  
遙瞻遠相從  
歲晚各銷歇  
春至還春客  
可惜雷水解  
負此山澤農  
雞鳴喚過客  
馬倦嘶臨衝  
計程將五十  
涉澗猶幾重

平戎驛

前途駐兵旅  
此地生炊烟  
古驛有人家  
主人揖客前  
手捺黃瓷碗  
酌彼石澗泉  
雖無青精飯  
可以延長年  
須臾

緩鋒鏑飲水亦果然村醪如可沽與君三百錢暫醉且  
莫笑日午猶高眠

西寧衛

師行三十里兼程赴西湟中途何所有駉駝趕牛羊前  
途何所見烽火連星茫書生本無事來逐馬上郎全國  
爲令名豈在多殺傷獨登戍樓上縱目臨四方青海揚  
其波河水去湯湯假吾三尺劍還君千里疆一朝決浮  
雲挂在天山旁主人重一言酌酒灑龍荒軍行談笑間  
揖讓歸高堂

春感二首

五告集卷七

五

風吹露珠動泣泣蓬枝上沾濡未云多寸草階前長年  
年白日心孤芳聊自賞時與汎輕舟寄之江漢廣誰爲  
蕙蘭花零落在草莽

青青古原上草木動微吟榮觀非昔日喬柯不可尋可  
憐孤生竹遠託玉山岑不藉霜風力非無鸞鳳音淑氣  
連芳甸參差珠樹林朱華變成綠終負歲時心

山家偶題

斜陽上蒼苔山鳥盡日啼東風吹綠蘿飄亂烟光低山  
中一夜雨百泉注迴溪溪水流到門中有幽人栖漁艇  
去已遠四顧青山齊清流魚可數綸竿不復携但鳴綠

綺琴曲罷風淒淒

同陳觀淳沈亦田周揆一游龍隱寺

蕭然入古剎兩泉水清冷石殿掩半月噴玉聲玎玲動  
靜皆自得妙湛千年淳忽然碧草色飄飄水上萍只疑  
烟霏霏古琴寫湘靈如何山下泉復作風中聽逝者如  
斯夫何其不暫停山童燒松葉留客講茶經土苔落無  
色天然發奇響食夫意不足欲挈黃充曉同遊二三子  
登閣敞疎櫺奇峯入孤抱浩蕩弄迢青崕峒對面掛石  
林送遠矧逶迤接平岡石沙亂寒星沙際一橋橫水鳥  
瘦伶仃欲倩雲林子寫作八尺屏但無白髮翁扶杖青

五告集卷七

六

莎汀空翠忽飛來巖此松下亭軒轅去已久吁嗟爾  
形孤遊良已矣白日忽欲填念吾百年內涕淚幾飄零  
後遊如可期舫船載醪醑醉倒古牆下深夜月滿庭清  
吟動山鬼宿鳥飛不寧試酌冷泉水沁入詩脾醒此樂  
不可得馬嘶山寺隔回看舊來徑深樹雲冥冥

白平京東歸

朝發鵝陂集雲物殊蒼然隨風渡河去不知何山川歌  
殘送遠音飄蕩楊柳烟酌酒問主人一鳥鳴花前青帘  
挂深綠酒徒今不還駉駝何來遠過東封肝麥秀已  
有岐舍去山下田躬耕尚不可何况荷戈鋌鴈鴻張已

矣啼徹東南天向來千里道風吹草芊芊

酒家行

門內鑿金枝門前芳草路秦姬年十五手種相思樹吹盡柳花香行人不肯住

荷鋤

甫田草驕驕荷鋤時可矣夕陽歎柴門樵杖東臯子落花遇微風流出前溪水一櫂釣魚船烟波渺千里

野步六首

窮居絕人事遊賞亦已踈今日風日佳復此形神舒好鳥鳴前林逍遙步里間回頭水淙淙清流忽成渠竹樹

龜告集卷七

七

縱橫間田疇新雨餘野菜不知名採摘各成蔬可惜風塵外千載無人居耦耕須吾友伐茅于時廬他日桑麻盡還來弔坵墟

何以紀吾行前林麋鹿跡陌上動微風落花盈一尺賞心若在遠歸來恐不識流水遙孤村扁舟在其側欲借春風棹直汎幽人宅鷗鳥去無從漁磯日將夕

山僧遠相招携壺入古寺升階白雲多花雨紛在地來往歲月深從前非吾事綠竹尚可尋歌咏皆閒意主人

熙不語石上頽然醉明月能照人吾亦從此逝時雨從東來細草坡下綠華滋幸依人采采不盈掬微

芳情無言流水一何速安用致吾情遠道不可逐恨然增懷思弄之在空谷江漢有良材豫章千尋木布葉千餘里孤根出林麓下爲枝虬繆上有衆鳥宿清風轉蕭瑟元賞世所獨樹下一鳴琴泠泠山水曲

空山不見人伐木丁丁響佇立以望之零露沾草莽溪流去復廻扁舟安可上亮無仙人草弄此九節杖雲影忽婆娑褰衣獨長往

去留兩不勝青陽時已莫茫茫欲何之不記來時路鳥鳴聲正悲一橋橫古渡清磬出林端草深不可步道人閉門久松子落成樹

龜告集卷七

八

雨後

踈簾卷清畫竹籬澹碧滋幽人試新茗清徹青花瓷飲罷東軒下鳥鳴此何時相隨采雲去蕭然天一涯

得筠孫兄札

摩挲兩眼昏開君萬里札起居定無時但言久離別

清齋

朝景清娛人山水澹以佳花香沾在衣竹露滴空階遠巖映宿雨晴雲隱青崖未能命修軫足增余懷余懷安可忘欣戚與時乖朱絃久已靜石磴空安排曾是山阿客結此松下齋釣竿寄隣叟酒瓶挈村娃開門待時

久沉水渺無涯

早起

朝遊修竹間清景澹相於林梢響檐隙草色隨衣稊苔  
辭剝已久委簾何不除尙想溪上釣欲寄天邊書雖無  
牀頭酒猶剪園中蔬開軒望吾友掃徑納巾車伊人宜  
邱壑何處可樵漁常恐西日下不及東隅初彼路豈云  
遠余襟良已虛高臺多遠思獨上轉躊躇

贈友

罄折故未開挂笏懷幽虛愛與農父言終返瓜田居種  
瓜田稜上延蔓上吾廬穀樹生其間風吹亦扶疎伸脚

龜告集卷七

九

恒檐下曝吾架上書倚檻不覺瞑散亂無復餘相逢禮  
法士責言整裙裾禮法繩我苦持此將焉如田園半蕪  
沒閒殺春風鉏飽食望時輩不足供朝號南山堪疏鑿  
涇渭流交渠獨綸去相隨任公子釣魚

五日

江南舟楫會天中節序長啼鶯遶花去乳燕落泥香開  
壩濯時雨擷葉引新簾刈麥農夫咲闌草小兒忙蛾子  
綠輕箔佳人出洞房聯蟬百壽索投贈五絲囊誰家懸  
艾虎靈符招豆娘出門客子醉入門思故鄉

秦中雜詩十二首

周覽九州炯竹目三秦墟涇渭既交流華首亦殊途樓  
止定無象杖策將焉如蒼蒼太白山登高一長吁古今  
俯仰間人物周秦餘吾生已陳迹託之尺素書

岩岩商洛山中有黃與綺振衣以從之相去千萬里世  
無張子房誰能招隱士磻戶紫芝生高歌竟不起

仲升在洛陽潦倒一書傭傭固大節投筆遠從戎西  
戎五十國候騎往來通姓名垂漢史不愧萬里封

鬱鬱古咸陽上有周公墓停驂古原上風吹白楊柳親  
賢世所希白屋下吐哺驅車在人間高山動遐慕

將校列執珪吾聞郭令公英雄昔養馬吾愛渾河中  
勢在王室內與偏裨同遙遙向千載誰能繼英風

白起小豎子賜劔于杜郵長平四十萬氣懾東諸侯雲  
陰結爲雨飛下海西頭至今嗚咽水斷絕不復流

西京竇氏奴金鞍白鼻駒手揮京兆尹官籍執金吾調  
笑花間葉樹酌路旁墟一朝歸闕下光彩滿皇都

呼吸通帝座萬仞華山嶺携來驚人句搔首問青天竹  
溪今何在復整銀臺鞭空懷謝安石流落咏三川

昔余遊河西經過鳳林關河水流已盡終日車班班鰕  
鮒告魴鱖流沫不知還草枯露石骨只有臯蘭山

條侯介胄士列營昆明池但聞軍中令天子不得馳中

途得劇孟吳楚何能爲將軍名父子棘門良可嗤  
使還請田宅王翦將秦軍入關遣子弟蕭何成漢種  
瓜懷故土辟穀謝明君人與骨俱朽千載挹清芬  
安東與安西相去萬餘里日月跳兩頭沐浴一杯水薄  
莫黃雲生涼風從地起高臺莽蒼間惆悵遠遊子

學佛

吾本學佛人于心了無悟擲還方竹杖形體故常住飲  
食順四時徒以饑渴故天地敝有形辟穀毋乃誤出門  
訪故人千里門前路一咲大江深方舟安可渡

偶吟

五岳集卷七

七

手揮五絃琴竹窻送朝暉一鳥花間鳴一鳥花間飛絃  
絕鳥亦去落花盈吾衣

連陰

連陰忘節序客窓草青青何以遣愁思濁酒可延齡客  
既不善飲酒亦罄甕瓶終朝菲檐下兀然成獨醒

題庭下花

此花何窈窕潛姿媚幽人小庭閉深雨葉葉清無塵好  
風吹入門花葉自相因華色歛自惜遺香飄及辰一溪  
流水外曠絕無四隣孤舟何方來欲訪桃花津采采以  
相遺恐非舊隱淪春秋開且落感嘆空沾巾

出城

望塵非候吏行腳非遊僧循此車下轍動爲人所憎出  
城聊復爾舉足猶不勝偃蹇詫非禮矯健畏自矜屈曲  
敢愛惜委蛇故頻仍朝涉幽谷底莫出高山層忽然蛋  
負屨有若羶集蠅何方白髮叟太息元雲興此中山水  
窟兼多沮溺朋種稻無秋稅鳴機績夜鋸如有三間屋  
何畏百丈冰燕徑久已閉輪戶暫欲增荆棘必斬伐狐  
兔方憑陵同羣相嗥叫永日猶戰兢興闌濁酒罷風碎  
青松棚

渡渭水

五岳集卷七

七

渭川一月雨白浪高拍天伏劍渡中流一葉凌風船拔  
劍船頭坐高咏濟江篇雲際出喬樹孤帆徒渺然

苦熱

大火凝不流山頭橫赤霞返景入江水潛虬走魚蝦林  
葉伏不動汗出雨如麻狐兔藏草中千里無飛鴉衰衰  
黃塵內不見四海涯京兆非不時好雨與俱賒但飛膚  
寸雲此願良非奢

雨後

片雲窺檐下雨飛灑林丘旣雨晴亦佳庭樹風修修山  
人白羽扇襟袖如新秋下階理蕪穢時菊苗已抽復有

草間蟲嘒嘒復休涼煥待變易天運良已周清齋靜  
以永鳥去無所儔爭掃松下石坐待月滿鉤南山老道  
士能來共飲不手携華頂杖徒倚南陌頭

紀夢

或夢化爲鳥已復夢爲魚海水流不盡天邊樹踈疎小  
人藏草間果寔爲儲胥三月不出門野火焚吾廬吾廬  
旣已焚升高緬邱墟雲氣成五采神龍復吹噓以彼風  
爲馬及爾水中居勿謂他人言子之狂也且彼昏終不  
知悔不愜厥初

六月晦

瓦缶集卷七

古

今日月之晦茲年條已分送往當時語千秋不可聞下  
士痛時駛升高望南雲臺下水活活荷菱猶續紛采之  
可用饗曷由念居欣弃之在路旁感歎徒清芬

窮極

易繫窮訓極孟義極訓窮朱子監兩義乃俱丁吾躬將  
毋失羣鳥終爲可憐蟲顧瞻宇宙開賊賊靡所從此有  
賢主人邀吾歸茅蓬朝濁酒一醺莫脫粟一春子焉承  
朝夕忽已綿春冬主人告貧乏出門謀釜鍾候之垂囊  
入相對兩衰翁蕭蕭井甕間柴門日已中吟詩倚增歎  
遊目送飛鴻

雨後望南山

雨中山色浮雨後山色爭狂客躡雲空兩兩高秋競落  
葉何其多萬物委諸命領此蕭森意招隱謝微逕野老  
倘見尋柴門日以靜大藥資草木久已山雪盛餐菊之  
落英可以祛百病惜無三百錢負此壺蘆柄采采盈懷  
袖携歸相貽贈此意無人知蕭然自孤咏

出城

樂土非故鄉出城漫何之行人避道路泥途不敢辭灑  
水浩浩間蒼茫問路岐白鷗不曉事沙洲見人稀樂了  
之無家殆及秋風歸但聞風蕭蕭華首輕雲飛老樹寔  
可食僕夫已告饑攀條折相贈落葉紛離披

瓦缶集卷七

古

臨潼道中

夕陽下高山長松落清影何年車馬徒竄入無人境流  
泉决幽澗洗出萬古令飛鳥閒不去落葉聲逾靜樵人  
不歸山來往尋幽迥空持一斧柯手中弄光景似聞清  
磬聲空中發深省但恐浮雲橫何由凌絕頂

渭南道中

渭上野菊開遠郭寒香流誰傳滄浪曲千古一扁舟衰  
笠猶長物何況垂綸鉤烟波忽已遠河水但悠悠終南  
山翠來綠雲滿芳洲深潭鯉魚肥或出侶鰕鱗潛藏避

風雨恐有蛟龍游策馬高邱上蕭條天地秋風塵久矣  
夫其惟委道周杜康今何有不足解吾憂西瞻崕峒雲  
東接太華秋

旅夜

孤燈昏短牆點鼠下老屋何由月照人相隨到空谷賈  
客感宵征長歌亂心曲譬如過庭雁翩翩遊勿告登樓  
以望之憑高聊躑躅天外清霜飛消此庭下綠

郡朝

清晨郡朝散朝光照山色車徒去已久惆悵獨歸客欲  
尋白髮翁樽酒慰日夕落葉長安街步步行人跡

龍岳集卷七

五

贈杜太史紫綸

掉頭金馬門江鄉釣魚舟緬懷種瓜人來作青門遊平  
生一竹杖躡屨登高邱手攜太華月袖底風脩脩洞壑  
久已靜猿猴恣冥搜此中諒無人落盡寒泉沉吾家謫  
仙人醉倒在酒樓不識高將軍浩歌去皇州大雅久矣  
哉淪落杜陵叟場來城南寺荒涼不可求積雪滿太白  
蹶屣不自由繁霜殺百草一望多平洲當時青布帘典  
盡千金裘叫出千載魂同銷萬古愁若待花滿眼車馬  
忽已稠忽然道旁鬼拍手笑不休人生一世閒飄飄水  
上鷗何不策高鰲而乃自拘囚南山有兩鳥鳴止三千

秋待過三千秋飛上青山頭

棄婦篇寄武陵公

自妾初來時君家婦難爲丈夫遠行役姑老諸兒癡中  
田草青青何以慰調餓妾本貧家女拚擋分所宜朝餉  
南陌頭夜織窓前機常恐運不周朝夕生瑕疵龜勉供  
時命庶以奉恩私三歲爲君婦辛苦靡不治親友相嘉  
歎隣里共嗟咨婦德務在敬出入慎容儀幽蘭當佩服  
惡草所芟夷妾意豈不謹君情亮已移謂不安于室去  
之河水涸河水何湯湯蒲生何離離采蘋殖作饌春風  
手中吹吁嗟寸草心過此青春期請吟棄婦篇行道爲

龍岳集卷七

六

傷悲

晚晴

高城采霞起庭樹轉深碧方池皓以清圓荷翠猶滴山  
接歸雲馳鳥散孤烟直靜寄無端倪遙情起日夕

秋霽

今日天氣清疎林霜餘暉虛檐引微風聊欲曝吾衣體  
中時不佳力田願多遑精茲風日美濁酒不可揮洋洋  
泌水上古人樂忘饑折簡招朋友多恐歲月非蟋蟀方  
在宇燕子猶飛飛澄景此何時遊子猶未歸搔首天地  
間短髮徒自晞

秋感八首

蕭辰感遙情  
泥水流何方  
木落秋山孤  
登高莽茫茫  
游魚逝北去  
征雁翻南翔  
將騁萬里道  
毋寧畏朝霜  
人情各有依  
顧子不得將  
無爲臨風嘆  
振衣下重岡

萍草無根株  
橫流不可託  
婉孌依洲渚  
因風吐芳萼  
楊花本無心  
于何等榮落  
佳賞徒有時  
忽焉飛霜薄  
道人懷素情  
山中久寂寞  
高視出雲烟  
青天一寥廓

故人來相命  
荷鋪入荒谷  
落葉滿山蹊  
黃精安可劚  
欲訪青雲人  
山翁方抱犢  
結言何用深  
食君中田粟  
瀏瀏出谷泉  
流轉空山曲  
大海空波瀾  
長歌以當哭

堯告集卷七

七

長歌上岑邱  
景物何遐哉  
萬里天一碧  
西風吹蒿萊  
日落邯鄲道  
不見古叢臺  
安知探雀卵  
騎射非羈才  
清漳水何許  
東流不復迴  
空令朱絲瑟  
歷歷生悲哀  
夕陽上疎林  
飛鳥方未已  
目極大梁雲  
長河幾千里  
秋駕木蘭舟  
去去烟水渼  
岸草蕭蕭風  
怆慨不可止  
手中九節杖  
持贈遠遊子  
茫茫天地間  
流浪自此始  
枯木不受風  
亭亭雲中直  
其下草樹繁  
蟋蟀鳴石磧  
荷菱何離披  
蓼花裊佳色  
來往亮無人  
零落溪上石  
山農荷鋤歸  
濁酒聊自適  
明月過前溪  
柴門掩日夕  
昔者東臯子  
著書日飲酒  
沈湎非生平  
埋照意何有  
吾

有錦字書寄與同袍友  
懽俗了不閑三年懸肘後  
逍遙千載心其人骨已朽  
空餘冰雪文付之金石壽

今日心神閒從容檢人事  
倒瀉東海波殊不當吾意  
日月如彈丸寒暑倏辰至  
唯有山阿人四時成獨醉  
巖下樹蒼蒼松花落滿地  
萬疊秋雲深流水人間世

寄學易師

久客苦多悵緬懷粉榆社  
不見授易人悔吝何由寢  
鷓鴣向南飛題書松樹下  
北山秋色深對景不能寫  
十年長劍心日月去瀟灑  
獨無盈觴酒能使顏色赭  
江南好園田時菊已堪把  
弟子今白頭蕭條大荒野

堯告集卷七

六

寄朱珣叔

山中懷故人秋烟紛漠漠  
芳洲今何在蘭草日零落  
何以爲吾愁因風寄巖壑  
千里碧雲深遙天一黃鶴

夜聞鶴唳

不寐夜將深明河在天際  
疎簾卷虛靜幽泉去迢遞  
彈琴不成聲空庭聞鶴唳

渡滹沱河

落葉滿城下滹沱河上風  
恒山橫代北嶽色青濛濛  
萍草不堪摘漁舟亦已空  
安知一掬水不到滄海東  
寒裳吾何往利涉道彌窮  
折取徑寸芻思作濟川功  
潛虬逝



不處五采化爲虹朝隱橫山上莫歸大澤中

夜抵鹽城

車行泥滿箱觸樹蓋已折昏夜抵縣門古道雨聲絕高歌對古人憂來不可掇此夜風吹雲相於弄明月

行過趙州

燕南秋雨飛趙州綠雲裏到城日色光秋花爛如綺行過浚河橋楊柳青未已折柳向西風遙寄東流水流水去潺潺孤帆何處是

自趙州至柏鄉

趙州至柏鄉周道平如砥馬嘶秋風中人行清空裏孤

毛缶集卷七

九

村流水轉落日孤烟起老樹何蒼然幽禽啼不已十里平原昏攬轡悲遊子

邢臺道中

原上野菊花西風吹不休遙山落寒靄九月邢臺秋高城遶河漢天末起朱樓交疏納遠望寶瑟多煩憂翩翩遊俠子寧可其醉不故人不可見夕陽復西流

臨洛關

河北形勝地晉陽盟會區無風戍旗閒日照高城隅洛流遶東郭西風秣馬駒沙場草蕭蕭秋色寒平蕪守德不在險關門臨九衢時時紺雲興蒼龍與之俱化作天

下雨襟帶爲江湖挾彈邯鄲道走馬上燕都鳴箏小家女擊筑亡大夫古之傷心人血淚久已枯彼都人士女顏如明月珠采采木棉花纈之紅羅襦欲啟葳蕤平常限門樞高樓大道間賞愛在須臾何以相贈贈青絲繫玉壺務閒但相過不醉非吾徒

南宮感舊

琴臺久寂寞東海有遺聲道茲河水曲感嘆故人情過橋馬足斷弔古高臺傾風中數番笛城外青山橫十年夢中境交情一死生非無千里月風露以淒清桂枝江南落何以贈生平

毛缶集卷七

三

村行雜詠三首

荒村一老翁未死色已槁猶持三尺犁叱牛綠陽道少壯未可知饑寒屬垂老淚滴深泥中明年生苦草路有饑婦人顛仆無生意天屬綴人心抱子不肯棄誰能携之歸不爲溝壑計明日復驅車蕭蕭艾地犂牛非駿足還駕短轅車鬻草老無齒何由至天涯烏將八九子曰余未有家飛上高枝樹日莫啼啞啞

車陷

彼車出于途吾車陷于淖清晨駕轅駒並出平林道吾而至人言存險由心造空靈無一物于何見朕兆美人

垂衣裳獨立雲中咲川流逝不處明月來相照

平原君故里

仗劍越古都附歌日西下忼慨懷前古憑高策吾馬欲  
繡平原君誰是有心者

越一日車再陷

康莊人共馳僕夫忘戒心覆轍豈云遠青驪逝駸駸一  
朝躋于堙方知泥水深大地皆平坦屯泰憑所尋前途  
安可極直道故難任天命苟如此悠悠曠余襟

清秋

平原悲遠心清秋多佳句雲影入斜陽青山抱紅樹馬

无缶集卷七



驕嘶不行鳥歸飛何懼欲尋忘言人共愜此中趣

容城懷郁明府遂倫

驅車北郭門二月垂楊道佳人去已久城上生春草扁  
舟安可尋河水漫浩浩東流日夜聲因之寄懷抱

楊風港

蘋藻結青春迢遙蕩川路十里綠楊風扁舟不可渡沙  
際沒漁人空中轉雲樹月下棹歌聲相逐不知處

无缶集卷七終

无缶集卷八

嘉興 李宗渭 秦川

古體詩

牧牛詞

牧牛兒遠牧城南陂草枯牛不食羸瘦何苦饑南山老  
虎當官道夜出掠人白晝歸又向平原逐麋鹿牛行那  
敢田中宿

七里灘

南船下來北船去同向灘頭一日住水勢疑從天上生  
繫纜直上青天行空山無人樹無影日光照山山色冷

无缶集卷八



玉山雨泊

玉山头頭雲正飛玉山城下夜何其愁雲變作半山雨  
風吹不度西江西舟中行客起太息三月辭家歸未得  
何年芳草憶歸人已去青陽應可惜荒城鼓角無人聲  
天明未明春水生

鐵柱歌

西江茫茫浸天碧戟尾老蛟汎潮汐磨牙鼓鬣夜出競  
人肉目光閃爍射日淪精魄天地生物何不及除坐使  
沙頭鬼蜮交行迹神仙之說無何有驅之不去櫻其逆  
手探天外挾長劍超海足蹈泰山石一擊再擊風雲昏

逆流三千浪花赤俯首泥潭終不得死然後鐵柱直立  
江天隙五丁戰罷上天去江上之人乃得安其宅君不  
見深山大澤生龍蛇窟中白骨如亂麻仙人赤鯉不敢  
過呼吸風雨蒸雲霞安得以鐵作柱鎖四海殺之無餘  
骨飼螻蛄肉魚蝦大江東流無時竭鐵柱千年長安元

贈徐左仲

客有東海生被服芙蓉裳朝遊上蘭坂暮棲歸葑房行  
吟不是楚江客遊目將往觀四荒吾與此生久相得三  
年臭味傳芬芳靈修自許衆不與共笑此生何太狂衆  
女揚蛾入丹闕羅衣舞破紅袖長寂寞夢羅山下佳西

元告集卷八

施不爲時世妝人生少年不得意蕭然林壑生微霜功  
名富貴且休矣來與酒徒傾百觴

送張眉淵先生之河南兼懷胡餘野

一夜驪歌長水渡蕭蕭落葉秋江暮朝來送別走江頭  
渺渺蒼波但烟霧忽然高咏出烏蓬欲別行人尙延佇  
揮手臨風一問之獨携詩卷向何處梁園三月楊柳春  
可惜漫天作飛絮如今鴻雁正南飛夫子如何涉荒路  
公子招賢汴水濱昔年鄉國話情親遙知翦燭西窗夜  
定憶江頭送別人

芷閭歌爲朱珣叔賦

幽人兮芷閭春風生兮感平居采采兮何所渺渺兮愁  
余彼樹蕙之百畝兮固泉芳之所在詎辟芷之離披兮  
乃不采而爲佩坐君之閭兮從風發兮馨香摘嫩苗兮  
煮茗愛羅生兮滿堂請膝上兮鳴琴容晝撫兮夕張書  
君之閭兮芷閭爲竹垞先生八分書額筆非秋而垂露遊者顧而樂  
之兮恒娒拖而不去編六枳之疎客兮臨三逕而盤桓  
可以吟嘯可以宴安老親視膳稚子承歡又烏知王公  
之有軒冕兮與清淮濁河之揚瀾糾秋蘭兮山之幽采  
杜若兮河之洲彼閭有芷兮豈不爾求

汎月歌

元告集卷八

駕我青桂楫汎彼河中流蒲桃之酒置千斛主人興發  
清夜遊月出皎兮山之幽忽然明鏡天東頭水溶溶兮  
但暑風淅淅兮鳴秋登月波以騁望白露下兮中洲平  
湖碧兮千頃無浴鳥兮沈浮誰家鐵笛百尺樓吹出千  
古萬古之深愁我所思兮在丹丘懷佳人兮生煩憂鵲  
鵲杳兮憫獨引擊空明兮迴舟

憶昔遊

憶昔曾經華陰道別來一十有二年玉女峯頭暗相笑  
風塵一去何時還青柯坪上老松樹此枝高出蒼龍烟  
白帝西方運元氣金精下化千葉荷花鮮其徑可十丈

丹竊長於船人得服食者其壽計以千我生好奇曾到此濟勝無力心乃堅千崑崙轉路中阻以足躡礙手攀緣恰似長江限鐵鎖倒挂萬丈風中牽不借夸父杖定拍洪厓肩三峯不斷亦不聯仰看日月空中懸雲溶溶兮在下風發發兮飄然客有登高望遠而歎息但見茫茫青氣迷齊燕雲壑不與人世遠往往幽洞留神仙騎茅狗呼子先通帝座李青蓮笑殺韓文公痛哭青山顛今我去矣古人遠冷落太極總仙之洞天竭來奔走歷四海躬耕坐惜無芝田南方炎熱土就濕人命不可以久延蝮蛇蹲我後雄虺踞我前雲中一鳥飛高竊朝發

瓦缶集卷八

四

吳山暮秦川側身西望淚漣漣南海有道士自名爲葛元身騎南海鯨招我遊丹淵掉臂舍之去不酌羅浮九百八十瀑布泉歸去來華池邊石淺淺水涓涓明星下視雲氣縣仙之人兮乘雲輶銀鹿齧花雲錦繡玉龍噴沫珊瑚鞭雲臺壁立五千仞天梯石磴相連聯我今歌行誰爲傳元鶴逝矣何踟躕相逢華山君白馬來飄飄作書爲報希夸峽下高枕客遲我明年石上掃花眠

送客

春風爾何來綠遍南園草離別由來不可期青青直上天涯道天涯迢迢入帝京片帆去去浮雲輕傾尊且復

與君別別後相思春草生

海上夜泊

朝發蘆花灘海山面面青螺盤暮泊蒼海上萬頃烟波恣飄蕩客行一葉孤舟橫扣舷發聲歌不成星光萬點霜花明浩然長嘯蛟龍驚千樹萬樹松風聲茫茫四顧叫欲絕我欲乘風凌紫京山頭雲樹忽已暝指顧新月東南生琉璃碾破光精瑩臨流濯足滄浪清雲帆萬里儻可挂直上三山頂上行

淮陰侯

飯信誰淮陰母殺信誰漢宮后飯惜英雄殺忌才千古

瓦缶集卷八

五

具眼此兩婦有賢不用斯匹身重瞳區區真婦人

送乾一和尚遊峩眉

吾師名山遊興與名山遠昨夢清溪弄月明離愁別思南雲滿揭來京口渡遂汎荆門船江風吹人不肯住送君直上峩眉顛手持綠玉杖足躡青山雲卻招松下鶴前揖雲中君三峯之山雲樹蒼中有古佛之道場龐眉老僧說法不可量師乎師乎一笑留徜徉我歌此曲心共長

題庭梅

主人卧病忽逾月不知戶外梅花發朝來強起凭闌干

可惜紛紛飛似雪去年此樹不作花庭前但見枯槎枒  
今年花開病未起眼中辜負春風華一年強健花偏死  
一朝榮落寧相族歎息人生不遇時古來萬事皆如此

效張文昌

金餅落井無消息夜夜中庭看月色  
轆轤金井微有霜素綆如水牽不得  
綠雲轉肩無好儀女僕驚看非舊時  
洛陽園中花滿地人來人去成枯枝  
月明牆頭照牆底暗裏何曾有光采  
吾今與子未分明那能不老空閨裏

良夜謠

徘徊玉綫裙宛轉金泥傾何處最愁人  
溶溶月中影風

苑缶集卷八

六

定香銷良夜深銀瓶拂水秋波冷

山中謠

山中兮獨棲卉木兮萋萋青春深兮  
鷓鴣飛望美人兮歸不歸

送張廣文之婺源

凍雲欲下中庭霰獨坐高齋送歸雁  
有客吟詩別故人言尋山水江南縣  
月明搖艇入新安應道澄江淨如練

留別徐左仲

吳山高巍巍吳溪水漣漪南船三板  
櫂謳發相對春風愁別離我尋烏集  
摩燕關君向鸞湖弄明月天涯芳草

綠迢迢枝上黃鸝啼又歇桃花李花總不言  
小草瑣瑣安足論江南江北三千里何處  
絳樓無酒尊人生坐惜無一事富貴何曾  
稱得意君既不能如袁家郎五章高咏牛  
渚濱我又不能如屈靈均憔悴行擗湘水  
蘋且將舒州杓子與君飲對舞如花雙玉  
人酒亦不盡醉歌亦不盡情川途茫茫日  
杲杲舉頭不見長安城坐中有客長歎息  
杖劍起舞霜花生閨闔門開雷電驚碎句  
只作蒼蠅聲酣復歌醒將別一夕相思白  
髮生長空渺渺孤帆沒

送宋蘭揮太史歸觀商邱

苑缶集卷八

七

清門才子誰最雄喧喧惟道太史公一朝  
陳情謝丹闕銀鞍白馬金門東京華高館  
夜留客燭花微紅瓦霜白舉酒屬客向客  
言請以新詩壯行色玉鞭遙指山之阿  
點筆欲作梁園歌不能高吟淥水揚洪波  
且將美酒滿酌金巨羅歸與太史樂事多  
酒酣奈此離別何忽憶吾鄉竹垞斐挑燈  
開論文章手羣賢雪苑久凋亡惟有商邱  
在朝右商邱尚書兩足尊風流弘長多緒  
論昨來獻賦北闕下恰值祖帳東都門不  
得見心瞻依二離皎皎揚清輝龍翔鳳翥  
天上飛高門不限一布衣往來踪跡無時  
稀君家阿咸好標格論文獨許心莫逆吾  
鄉驛也

腹便便風期相遇長安陌長安紫陌五雲間青雲之交  
重可攀吾夢南湖猶未還君今成名返故山十六年前  
都下客保州司馬曾相識哲兄維德先生送君此去令人愁牢  
落襟期感今昔嗟君此去何時來年年溪上荷花開居  
閒奉杖引雛鳳尙書醉咏薰風迴徘徊花下人惆悵樽  
前別離堂無聲管絃絕長笛一聲千里月

玉河橋聽鶯歌

流水如碧玉楊柳黃金絲鳴禽在嘉木正好春遊時玉  
河橋邊千萬樹百轉流鶯在高處間關并作弄春聲恰  
似瑤天吹玉笙上林苑中花始榮美人含笑彈鳴箏一

堯告集卷八

九

絃一聲最有情花枝飄拂春風輕春風吹散碧雲外何  
處春來無鳥鳴

臨江道中懷王師中依潛并序

余與二子別于燕市十年矣今春晤師中于滕王閣  
下執手慰勞首問依潛遼巡而別舟過臨江蒲帆不  
前感相逢之不易思舊遊之已荒忼慨余懷短章迺  
贈其其抑掄焉

閣下題詩感疇昔把酒相逢紫髯客無端風雨動慳入  
欲別茫茫雪花白挂帆遠過臨江城江雲飄颻江水清  
三十六澗水迴互使我不得西南行天長地濶無消息

幾處交遊尋不得結客初來燕市中懷人直過瀟湘北  
吾所思兮武公山桃花萬樹深林間汝家盧溪草堂在  
兩人相對孤雲還孤雲去悠悠澗水流潺潺鳥啼花落  
春盡開側身南望阻天關天關迢迢不可度邛須吾友  
在何處

湘陰懷古

載酒下長沙雲霞衣上生楚南山水看不盡訪古直過  
湘陰城一卷離騷醉中讀千里澄江流碧玉此地流傳  
蘭蕙多至今芳草萋萋綠芳草迢迢春復秋纏綿古道  
不勝愁采雲縹緲通天漢欲問靈妃無寢俗今人古人

堯告集卷八

九

兩寂寞起看紅日青天落一聲長嘯舞馮夷滾滾江流  
安可託明日挂帆青草湖芳洲杜若今有無雲中帝子  
無消息花落湘江聞鷓鴣

萍洲曲

萍洲人家多捕魚魚不直錢酒可沽門前流水綠堪染  
大姑搖船載小姑郎在江頭汎舴艋妾在江心何處等  
一曲清歌良夜深滿船明月蘆花影

武勝關

武勝關山盤盤北來奔走千峯巒江黃南赴會羣山巘  
岈四塞絕溪徑劃然中開一綫天王公設險守其國雄

關屹然鎖荆蠻石傾欹而側落樹糾結以攀援壯士策  
馬走翻翻長歌抗慨霄漢邊控鞍調轡一不慎化為膿  
血無時還山下北沅水終日聲潺湲中有一拳石激爲  
迴溜湍一鞭臨水不敢渡青天仰首空長歎道傍來往  
亦不閒惟有到此愁容顏山中緩鶴忽相笑何人溪上  
垂魚竿長安大道坦如砥春風日日車班班吾生不得  
駕馴馬何爲窮途歷險艱武勝關山盤盤看君愁苦何  
時安

淇水曲

春風吹碧玉淥水生微波動搖芳塘上楊柳輕烟拖淇

鬼告集卷八

十

泉女兒紅錦韉蒲桃滿酌金巨羅十千買醉朱顏酡勸  
君酒對君歌黃金易盡白日莫君今不樂當奈何

寄鶴亭太史

玉河橋頭花草春遙憶風流第一人玉河橋頭風日秋  
黃雲一片隔秦州風高青海千年雪日莫黃河萬里流  
書生從軍古來少一筆千軍能壓倒身騎駿馬射封狐  
歸來醉寫平蠻稿吾皇神武西出師塞外遙瞻龍虎  
旗指撝廟畧籌多勝邊塵計日清且存固知袖有繞朝  
策臨敵制勝在頃刻功成不受萬戶侯但乞閒身作詞  
客太華峯前月色明此時沅湘漢家營星河不動鐵衣

冷夜半伊州聞笛聲

夜聞大風歌

浮雲卷盡天宇孤狂風吹月東南隅鳳凰城頭秋一片  
清光撩亂時有無吟詩孤客酒盡枯蒼茫獨立聲相呼  
折竹裂柏且任汝慎勿壞我香茅廬西隣老樹枝幹粗  
力能排空戰天衢片片鱗甲落須臾封姨夜拔虬龍鬚  
忽然空中舞敗葉散落天地無畦區欺我竹窻紙力薄  
涼颼直逼人肌膚明朝得錢僱卒徒牖戶亦用黃土塗  
夜深擁衾發高咏嗟汝無力奈野夫

聽琴僧蓮舟上人彈欸乃曲

鬼告集卷八

十一

廣陵名僧彈素琴彈作雲山韶濩音空山無人木葉下  
扁舟一去滄江深細泉出邃谷曲折烟樹林鷗波去萬  
里滅沒誰能尋帆迴樞轉路不定鼓聲入峽猶沈沈洞  
庭春漲碧雲合時時水底蒼龍吟滿堂坐客聽者誰美  
蓉陂頭釣魚師綸竿一枝猶在手意中流水清漣漪一  
聲柔櫓遠天外回頭欲叫船頭兒此時玉河橋楊柳風  
絲絲唱罷采蓮歌月明歸去遲天清地曠不知遠浦柳  
汀花傷別離樽前歷歷江南曲窻外蕭蕭數竿竹拂絃  
移軫悄無聲一片江鄉山水綠

懷孔南吉

芒屨送君適南蠻將遊羅浮步珊珊吾欲從之阻天關  
回頭一片波潏潏故鄉亦不惡一溪水灣灣出門亦不  
遠十畝桑閒閒天台雁蕩若一眼扁舟所至不我慳手  
携筇竹杖盡日窮躋攀仙人相存采靈藥青童駕車雙  
髻髮拍手笑下士清景猶疲頑貽我白鳳髓報以紅玉  
環今我不樂涸塵寰風霜憔悴多苦顏思君之往如仙  
班朱明有深洞鳳子隨風還江頭茅屋三兩間茸茸青  
草不復刪何不歸我父史山

南北行

駿馬長嘶驕欲行河邊楊柳春始生十三女兒最有情

元告集卷八

主

者邊秦酒蒲桃清那邊蜀錦蕤明郎君欲住不肯住

萬里西風髮數莖

買朝行

清晨出門頭上寒苦憶烏羊渾脫帽東華門裏臺家璫  
價高路遠安可到畿南小縣少人家綸巾繡冠多不要  
居常耐冷行可憐以手支頤頭每掉今日日中趁墟集  
百貨畢至街市鬧恐有異物來遠方搜索空囊爭如掃  
且試王濛入市求不嫌沈慶蒼頭詣歸來側著漉酒巾  
昂首青天但舒嘯竹皮簫笠輕不堪青鼠踟躕非所好  
國中朱纓去已遠遼東卓帽嗟同調吁嗟不幸爲我頭

生來本自薄福料不見鵝衣方露肘脚下生胝共慰勞  
寓形已同子羽黃絕纓何止淳于笑從此千山萬水開  
吾戴吾頭歷奔峭只愁雪花欲紛紛復恐風葉亦漂漂  
今朝黃綿襖子出童男小女呼且叫吾與斯人共暄暖  
且可賸錢付一酺豈無關下鵝鷄冠抹粉塗脂餽形貌  
安得頭如北海民飛來飛去長安道

蠶縣除夕

日之夕矣歲云徂客心搖落鳴城烏仰首看天天字孤  
梁園雲氣來蒼梧蠶吾官舍一事無相於罷酒吹笙竽  
獸炭歷落金錯爐羊燈爛熳瓊瑤滿堂賓客皆吾徒

元告集卷八

主

酒乾只問長髮奴坐中何有山澤癯忽聞不樂聲嗟吁  
側身南望淚沾襦明年且計游江湖肥肉大酒非良圖  
崑崙深藏月如珠揮手還汝金僕姑大星欲落手可扶  
西來不見飛龍趨雞聲喔喔鳴街衢且復爲吾留須臾  
不留使我心煩紆

阻雪

媯皇圖弄愚下人黃土滿地飛作塵忽然排空變素色  
何由囊籥今鍛銀張翁脫身上天去徘徊玉殿嗟其貧  
青龍擁爐白虎扇素女嘻笑姮娥噴一脚踢翻雲母屏  
雌霓戰敗飛冰鱗爐火道士不足用開口終慮敗厥真



元君拍手救不得萬隴千畦淨如拭在於天上吾不知  
寒到人間萬類感行人勒馬發長想欲上青天生羽翼  
叫關借我義和鞭鞭出雲頭紅日色消汝窮陰六出花  
還我春風兩岐麥可憐如粉復如綿寒不可衣饑不食  
洪鈞一氣落吾手鬼眼當天不相識琅玕葉落聲撼城  
烏雀凍死丹山側西北浮雲一何長且復昂首佇太陽  
天雞一聲來扶桑

隴上歌

隴西天水吾舊鄉飛來鸚鵡毛羽長千巖萬轉去不去  
隴山之樹何蒼蒼隴山山頭白雲起吾馬隨雲度深水

元告集卷八

古

春服襲襲不可尋邊烽千里復萬里悲歌玉關從此始

懷東野第

吾騎驚馬向京國墮落深壑不自知出門徒步三百里  
來尋吾弟話別離無端歸心動吳越愛而不見空傷悲  
吳中之山越中水清流決決石齒齒青簾白舫遊何方  
思君清淚從此始從此始何時乾故鄉八月生早寒溽  
溽白露青琅玕籬落微風開紫蘭

流屍行有序

靜海之南流屍在河漂流危波激浪之間予哀其死  
而無歸也故作是詩

流屍行哀痛并何爲隨水流縱橫問爾流屍何姓名爾  
有父母妻子或有弟兄望爾歸來日夕不寧吾亦不知  
東西南北何方由由誰何爲來此捐其生或爲宦遊子  
或爲出塞兵何不喪元向邊城吾今舍爾去亦不阻吾  
行行人或過此但聞天青月黑鬼哭啾啾聲流屍行哀  
痛并

對酒當歌

登泰山小天下跨鹿雲中笑問君一生川上悠悠者天  
風吹失釣魚舟走向邊庭學騎馬騎馬向金隄花間散  
碧蹄珊瑚鞭打折不惜繡障泥青帘飄動門前柳呼兒

元告集卷八

五

牽馬換美酒一曲狂歌天下無樽前笑破妖姬口聽君  
歌爲君壽可惜金錢不在手買斷春江萬里流水蘭爲  
楫沙棠舟旁人欲去且須去直上青天下九州

懷仙歌

高天兮無垠吾思竈姑射之神人不語兮不食顏色兮  
天真空山無塵碧波鄰鄰風吹釣船流過溪濱山中以  
葉落爲秋乾開爲春但見檐前松落一朝成樹而龍鱗  
吾將化爲黃鶴兮舞蹁躑于秋旻衝烟兮飛來與君兮  
相親安能當此五月兮悵披裘而負薪

聞砧

北方佳人手如雪夜拆征衣擣明月玉關萬里動秋風  
砧杵年年怨離別休屠跨馬渡湟川持戟男兒奮勇先  
塞上征夫傳寒華閨中少婦獨裝縣蕭蕭寺驛樓客  
獨坐空房淚沾臆一聲長笛寫相思落葉紛紛滿塵席  
木葉山頭鴻雁稀竹枝湖上鷓鴣飛夜深月落聲逾急  
轉憶清歌白紵衣

古鏡

青銅古鏡秋蟾白百尺原頭新掘得摩挲終日看始明  
背上龍文人不識當時鑄就日月精能使魑魅無遁形  
自從埋沒不世出江中夜夜蛟龍驚古錦包藏置深室

无告集卷八

主

牀頭向曉空明月清光不用照蛾眉那如棄作泥中鐵

秋風歌寄喬潤兄

西風時起兮天氣涼落葉飄飄兮集東墻庭草忽焉兮  
芸以黃白露漙漙兮降為霜秋水渙渙兮流夕陽所謂  
伊人兮天一方欲往從之兮褰衣裳山川悠遠兮無津  
梁願為黃鵠兮歸故鄉九阡七陌兮將翔翔朝遊曠野  
兮夕傍徨我馬虺隤兮陟高岡思君哲昆兮不能忘

庭樹行

庭中有松樹偃蓋如蟠螭霜雪從誇後凋節夜深老鶴  
巢虬枝一朝鶴去巢空在古木蒼蒼顏色改海上飛還

毛羽摧尋常鳥雀時時來

河水決四首

河水決兮流向東中流蜿蜒游兩龍吾欲殺之無長弓  
東方之山如岱宗何不截流當其衝為我謂河水兮與  
天通何為壞我一畝宮

河水決兮向西流中流激湍兩龍游吾欲殺之無長矛  
西方之山如崑崙何不載流當其奔為我謂河水兮何  
不仁何為壞我千家邨

河水決兮向南行蛇蟠蛟舞相枝撐吾欲殺之且復停  
南山之山高且平用汝作隄何不寧為我謂河水兮毋

无告集卷八

主

太急北人噫笑爾人泣

河水決兮流向北中有蛟龍長百尺疾風捲波浪花逆  
岱輿員嶠淪北極一釣連鼈安可得吁嗟乎河之水兮  
深不測山川從此無顏色

无告集卷八終

瓦缶集卷九

嘉興 李宗渭 秦川

古體詩

贈謝道士

道人家在芙蓉峰草屋不用泥土封手栽黃精藥苗盛  
十年不出花茸茸白雲窻中玉女笑夜夢不吉騎蒼龍  
天門跌宕九扇開岡風吹汝歸去來元關虎豹闕牙齒  
日月銷燦金銀臺人言上天樂豈知下地苦長江有時  
一綫汎江上人家閉門戶兄爲狼父爲虎紛紛管鮑何  
須數忽聞東海上吾師方子春刺船而去之官然喪其

瓦缶集卷九

身鳥飛無聲水葉下重來不見如花人來何從去何處  
日日青山頭哀哀淚如雨不如化作蝴蝶飛花花葉葉  
從君去

白日行

白日報仇今不然短衣射虎非英賢何不跳上長江船  
今年不去明年去坐待雪花飛滿天

送江禹門

南風驅北雲飛上天山樹搖鞭壯士淚如雨下馬城邊  
送君去

古柏行

齋前半死半生柏蛇子蛇孫一千尺應是寒潭赤霧生

化成老樹青銅色阿香推車尋霹靂風火相催燒不得  
殘枝剩幹勢未已欲上雲霄生羽翼昨夜風雨入城中  
象罔上天下天索暗泣狂呼似有聲神來鬼往仍無迹  
猶能排空奮力爭滿身鱗甲秋霜白錦亭東來水流碧  
滋養一身如鐵直此地多風不暫安何年帶土移來植  
苔蘚爛爛剝已盡砂石蟠屈紛猶拆零落曾無鳥雀栖  
孤高幸免兒童劇風流只有杜陵人高咏原頭舊曾識  
鸞鳳飄泊幾何時蟻穴蠹鑽應久阨物望自歸天下伯  
嗜古平生又奇癖絕塞花開萬里春空庭樹病千迴拭

瓦缶集卷九

只恐婆娑生意盡釐致虛煩百夫力不憚良工苦用心  
築室猶能木從革忽然香風飄四國元氣淋漓雲滿山  
下爲霖雨成川澤自非摧折似蘆荻亦不茫刺生荆棘  
肉飛骨立本生成那不相逢倍相惜徘徊宛轉立多時  
習習天風起日夕

寄垂頴兄

石隙凍絮鳴不飛客窗客去燈火微一年旅思忽欲盡  
萬里故人相見稀沽酒城中滿風雪喚取童僕中心違  
由來窮子窮益甚生死之外唯長饑手種大芋在荒土  
滿爐糟粕安可希心之所展夜轉寂忽有一鼠囓吾衣

感物便作孤思起無人可懷手再揮此時江南老兄醉  
初醒應念予學何不歸

月重輪

登高山望行人今何有月重輪月亦不重輪鳥亦不復  
飛蟲來嚙石兩分離中有一士聲曰唏孟冬十月寒無  
衣終日饑無食歸告父母心中惻

襍言

歌惜惜山以南山以北立而望之車生角

出關

已歷夏秋迄冬春山南山北俱無人西流之水向東去

兔笛集卷九

三

笛裏關山妙入神一馬鳴嘶出大漠旄頭月下紛紛落  
但感秦王意氣壯知漢將功名舊義和睡時遺火鞭  
鞭起蛟龍井底照高山大陵作平地一去遨遊竟不還

空山行

空山鳥鼠鳴啾啾追風之足隨鼃牛將過葱河水倒流  
決而去之泥滿溝蜺蛇東來復西遊公使速殺慎勿留  
手持鐵網不敢投恐有魚鱉鰕鮒忽然走上青林邱  
仰天痛哭聲不休紫宮之帝雲錦裘兩旁玉女明雙眸  
何爲息交而絕遊知君骨格非凡儔遂有一客登高樓  
眼如胡孫鬚如虬手中鐵笛橫清秋吹出關山風月愁

何緣報得氏王仇日已夕矣予心憂

入關

東來駝駝背如山天馬跂足往復還碧毛氍毹兀不動  
白頭老鳥枯草間前頭桃花開咲顏後頭流水聲潺湲  
流水倒上阿干谷中有鯉魚黃赤斑送君直過藍田關  
藍田關一千里健少知生不知死囊中無有一個錢到  
處村莊買羊豕

河上浮橋

青龍一綫波心卧鰕子魚兒那敢過絕流浮沫聚成邱  
尚有傳侯舊時唾作書河伯不敢噴橋成日日當天坐

兔笛集卷九

四

橫組一頭縮兩頭造舟十個復五個浪激風搖足力軟  
有似糠粃受箕簸冬毀春成有時已承以甬囊一氣呵  
中流失御傷必多豈若橫梁平不何想見揮鞭指逆湍  
壯夫一唱千人和銀河一道地天通金城五郡風月破  
但識曾無竹葉舟豈知直達蓮花座可惜將軍萬里城  
總管何由到遷娑鐵柱空鐫歲月深四百年來眼中挫  
人事天時其變遷忽從商賈笑緡錢相逢津吏休搖手  
匹馬西來欲到天

白塔山

白塔山無峯無嶺堪躋攀亦無林木清心顏圖經不載

名勝刪鳥飛不啄草與營歸然獨立河水灣中有梵刹  
色爛熳百尺浮圖白雲間老僧于此深閉關爲其近市  
雜闌闢販夫賈豎相往還吾亦隨衆腰環環豁目一望  
形神閒黃河入塞復出塞一折而東從此大石當其關  
乃不敗北風飄飄吹衿帶游泳天地知無外

月下聞笛

橫笛過曾城城頭月華月北風吹近遶盡是思歸客綠  
烟微茫起素波交河夢斷不曾過明朝走馬蕭關道落  
葉紛紛何處多

酌酒

瓦缶集卷九

五

上蔡公子黃犬歎秦川公子黃鳥詩人生死所得不得  
安能自悲爲人悲黑風吹墮羅剎國接迹罔兩魅與魑  
手提壺漿喚人飲擲還打破鬼面癆由來鬼諦道食酒  
拍手而笑言其私鷄窠小兒拖白髮龍伯國人騎赤螭  
此邦無日無燭龍陰冥終古飄涼颼血流成河肉爲林  
銅頭鐵額生怖心相逢意氣不相下吾亦新從洛陽社  
洛陽女兒對門居清酒壚頭膾鯉魚十斛青螺畫眉黛  
百丈游絲遠綺疏招要樓上不肯坐歷歷天星多白榆  
以此感嘆復愁苦頭觸崑崙撒黃土東岸之偶桃梗人  
赤縣令君京兆府吾欲上言因玉女身入明堂掬大鼓

上方無復殺雞刀宦籍空餘照鬼簿秦王去時馬不前  
遺下海上鞭石鞭驚起鵝鵝飛上天欲渴銀灣一杯水  
淨洗齊州九點烟聽馬咆哮據地嘶歸來不見禾麻田  
神姬死時鬼夜哭淚珠歷落成碧玉千年入地不肯變  
至今芳草淒淒綠綠草露華滋乘閒上赤墀中書堂前  
丞相怒請君酌酒歌此詞此詞未終日已暮青紅碧綠  
紛無數風雨蕭蕭雞未鳴倒執手版從君去

浮橋祠二首

休言鐵索牢從他木罌渡狂風吹浪若雪山行人那得  
住

瓦缶集卷九

六

策馬上河梁梁斷河水深健兒背上涼州日欲渡不渡  
愁人心

排天行

吾欲排天騎白龍神官告吾以不可冰山嵯峨百丈寒  
青霓直上頭生火既不能彎弓九淵射黃能又不能仰  
天長嘆伏長劍九遠咫尺生草萊進退于吾何有哉秋  
風有客歸去來歸去來還故土海水凌空飛作雨山慘  
野佛長比人翻使半衰化爲虎青黃組織頭草旁有  
一八少復老牽羊喫盡成官道官道平羊再鳴今年死  
明年生明年才生今不死戰戰爾羊喫不止

故園

故園離離不足歸樂遊原上無是非秋風吹人五千里  
夢中涕淚沾人衣曠野之中北雲去疎林以外西日微  
高樓擲手望不盡黃河波濤天下希

吹角

沙州城頭夜吹角洮西行人淚珠落一身鼓聲父母死  
夢裏還家萬餘里成敗由人不自知猶言不得顧恩私  
黃河九曲登高處青海無邊落葉時帳下美人歌出塞  
營門壯士髮如絲腰間寶劍蛟龍吼醉取青天一杯酒  
右校朝朝出控弦左軍夜夜嚴刁斗休言讀書功不成

屯什集卷九

七

班勇傳家投筆生休言談笑事不舉安石何曾在師旅  
伯也執戈鎮盤羞邛支毋寡非家仇燕然勒罷五湖去  
還汝關南萬戶侯

哈密瓜

判藥染絲更相加三股交結黃帕遮健兒雙手左右拏  
萬里一月百馬死行臺御史哈密瓜行過關下無人識  
相公不在朝南街黃門貴八橫索錢不聞言語聞笑譁  
當殿開來驗封識猶帶伊吾廬外沙合羅園官一缺土  
何由此物歸天家君不見君謨士人龍圖茶洛陽相君  
姚黃花

贈興

一匹好東絹贈與西家女裁爲六幅褰拖過瀟湘雨朝  
朝折玉綫夜夜銷金縷有時上高山化作蝴蝶千花開  
崆峒老人曲

乘風忽登舉欲上崑崙探河源清流百道注絕域不到  
中國水不渾以此坐愁復行嘆崆峒山下還閉門崆峒  
老人年八十倚杖衡門看落日自釀醪醴飲世人采得  
仙芽轉成筆此筆由來天下奇拔天掃地人不知蒙公  
退步李相拙寫出神馬岫嶺碑一波一撇垂天獵燒盡  
山松未曾黑龍蟠爲斗蛟爲科須臾四海無濤波赤手

屯什集卷九

八

上天挽天河倒拔牛角血滂沱織女罷織投龍梭九閭  
何處屬牙齒歸來人間嘯且歌

早鴉

昨夜燈盡開玉花月照歸夢還舊家夢長路遙往復返  
披衣出門啼早鴉鴉啼且行隨所致凶吉何能預人事  
不似深林叫杜鵑遠近聲聲益愁思舉頭不覺雲在山  
更無人處鴉飛還

趙松雪畫竹

北方佳人矜絕世南朝王孫有能事風枝露葉在胸中  
行到村南偶相值王孫作畫盆有眞畫竹不畫形畫神

詩人作詩寫其下自愛此詩非此盡書心詩恨滿江山  
今人古人俱不還憑將水國春風筆寫入蒼梧落照間

松雪畫馬

趙家自失黃河北天馬何曾到中國三日錢塘潮不來  
滿城都是驕驄迹魚藻池頭卸錦鞍魏公愛馬向北看  
歸來寫出追風足榻上精神入馬腹五雲散作花滿身  
可惜三鬣不生角南人只識汎舟圖此馬此畫天下無

咏古詩一十八首

夫袁宏咏史之作聊寄風情江淹擬古之篇無乖商  
權要皆據其胷臆毋容溯厥淵流僕愧斯人義非借

瓦缶集卷九

九

喻烟雲滿紙撫南董之陳言歌咏出之寫東陽之韻  
語望古選集多有負于前賢據事直書要無乖于信  
史或者嗤其點鬼毋乃比之匪人也乎

風后

天下吹大風宮中無塵垢黃帝三百年人間無此壽六  
相之名千古傳汗青誰能繼其後

范蠡

昔者范少伯成功去五湖一舸載國艷千金致名都市  
衣之極今則無賢哉東門二大夫

蕭何

入關收圖書作相汗田宅身啟鄼侯封子弟通朝籍獵  
人功狗且勿計咸陽俸錢獨贏二

司馬相如

枳棘鳳皇來不得食去不得翔從婦索飲犢鼻無衣裳  
鳳兮鳳兮歸故鄉

彌衡

大兒孔文舉小兒楊德祖餘子碌碌安足數數語損其  
生哀哉彌正平

公孫瓚

令支小吏騎白馬橫絕幽州霸天下識文已屬當塗高

瓦缶集卷九

十

八公子系何爲者

陳思王

生作高臺篇死主遮須國東望魚山一慨然千秋嵩華  
無顏色

劉聰

不周山劉元海遮須夸復誰待皮囊一遺汝君發而視  
之玉有文

荀晞

大苟小苟青州兗州洛陽貴人皆汝仇往來只募千里  
牛

元慶智

一錢太守安可得十錢主簿滿郡國古今相去不盈尺  
河間姪女好顏色直須下馬來作賊

李士謙

變化由心造杜鵑爲鷓鴣百鳥飛從之哀鳴口流血仙  
禽飛去不復還盡道鷺鷥白如雪天柱山頭秋復春千  
村萬落尙有人

李靖

太原公子善將將三原布衣善將兵一箭正墮高昌城  
漢武開邊非衛青後來繼之衛與英王韶熙河績勿成

馬周

士

馬周

行來入新豐四面山水綠獨酌何悠然西風吹喬木忽  
憶西遊感激人盡傾香醪濯吾足

裴延齡

天子不用本分錢度支絨口何能賢陽城陸贄去不還  
牧羊小兒習樓船輪財助邊歲萬千赤標紫標守莫堅  
不取封侯死道邊

劉蕡

文章劉去華下第名益高誰言李文饒不及令狐綯何  
不尋君鬱輪袍善才指下聲嘈嘈

張舜民

浮休居士詩入神臨風慨黃河濱五百年來無此人  
受降城柳盡爲薪

黃中

虞相未提時上下交相疑朝士遺家屬黃中獨安之繼  
乃羣情服始爲羣情喧欲右者右左者左逝將去汝無  
不可

翟永固

尊祖以配天禮制三代上生時猶拜之死後同體遂用  
饗大定詔下自選題翟公典試枉拜杖

脩蛇行

士

脩蛇行

脩蛇十丈攬樹梢巨口噴火焚鳥巢老鵝帶子下平陸  
草根地白兔夜哭老農扶杖出深村一片茫茫東海綠  
還家呼兒束健馬盡卷蘆茄和番曲曲相續斷黃竹官  
人歸來賣生贖

迴舟撥

湖清流兮揮菱荷懷佳人兮水微波不迴棹兮將奈何  
日將夕兮哀情多

送澈上人

名僧東來自越中白髮垂耳雙頰紅手中錫飛一萬里



舉足不踐生草蟲吾昔見之香水海初地二地不相待  
蓋頭一把茅夜半雷火燒佛子與蠟虱中國去子逃邇  
來四十五六年不與俗子通因緣恒何沙復沙已盡海  
水枯竭無桑田蠟盡永嘉展焚却山陰船白鷗浩蕩滄  
波烟日月逝矣不復還歸來大笑具主客忽然欲別東  
南天送君之去心悠然大地山河在眼前道人問道知  
何苦萬樹清風月滿川

何純伯敬哉兄弟招同張庭堅汪開之遊牛頭寺

率賦兼呈憲副張公

十旬罷笑不出遊無邊清景後鶴愁修齋道人去已久

元佑集卷九

五

孤雲一片寒溪頭大何寧靜小何快愛客典盡白綺裘  
恰似岑參兄弟好招要遠來漢陂遊漢陂水淺不受權  
相於攜手登牛頭盤回細路上復上振衣大門消吾憂  
天清地曠一萬里中有落葉鳴颼颼張生點首哦五字  
鶴聲一一凌高秋坐中汪郎寂年少酒杯瀟灑名風流  
眼中之人吾老矣徒步而來何所求憶昨官衙宴重九  
主人酌客客長謳偷閒更有此五友脚踏亂石摧林邱  
狂奴故態公肯恕此日見憶宜登樓不知押罷五雲字  
放眼曾到南山不仙客各挾二茅狗折干葉蓮爲酒籌  
手捫青天一搔首恐驚天人還復休

九日懷筠孫兄斯拔坤四兩弟

秋霖行潦壞行路歷落征車何處去去留無計摠關心  
蕭蕭白楊白日莫兩弟先發兄後時昨日今日增相思  
自來長遠罷梳櫛鏡中不覺生新絲絲長髮短心如結  
鄉思離情兩愁絕夢裏青山一片橫高歌落盡天邊月  
獨客天涯重苦辛每逢佳節一沾巾白花原上登高處  
漫揮茱萸唯一人

鉅鹿懷古

赤雲黑雲天不允海波蕩日朝飛揚十壁不動壯士死  
漠漠平沙古戰場我行到此空回首鉅鹿城邊數行柳

元佑集卷九

古

妖姬滿酌金巨羅有酒不樂當奈何湛盧飛去無消息  
萬里西風白髮多

河上歌

碧雲天外無消息河上年年芳草色綠楊影裏一扁舟  
江外無家歸不得漁翁釣竿何處裏一棹蒼茫烟水碧  
欲往從之道路長題書山南寄山北青山隱隱樹重重  
十里五里花蒙茸山禽啼入紫烟靜茅屋幾間何處峯

元佑集卷九終

瓦缶集卷十

嘉興 李宗渭 秦川

今體詩

送瞿丈修齡歸常熟

竹枝鳴鵲鳩客思滿江湖去踴南山路還歸東海隅青

陽遍芳草白髮老平蕪一卷春秋傳空令吾道孤瞿所著

春秋管見

晚過慈恩寺

薄暮慈恩寺言尋塔火還踈鐘度河闕明月滿秦山石

碣多新雉雁塔多近時山僧識舊顏千年文獻地流落

瓦缶集卷十

在人間

渡錢塘

動地涵吳越浮天變古今平沙江岸濶落日海門深利

涉將何濟乘風負此心坐令東去水浩蕩沒遺尋

江行口號二首

本是遨遊客平生不讀書稍能記名姓惜已變居諸黑

髮頭顱在青陽志願虛靜觀江上叟豈是學樵漁

有客登高樓蒼茫萬里愁關山雲外盡江海日中流平

野分章郡空天入楚州明朝好風日還作岳陽遊

江上懷翁蘿軒先生

西陵橋畔柳一折已魂銷芳草何年綠仙舟去路遙別

來春渺渺江上雨蕭蕭若問梁園客相如最寂寥

滄臺子墓

隱德高難見斯文力所堪得人傳魯國遺學在江潭冠

劍人何處風流吾道南東湖有遺墓懷古一登探

玉山道中

雨歇嶺雲明篴輿遶曲城水瀕南楚盡山到浙江平芳

樹從人起嘉禾夾馬行翻嫌八十里不作兩三程

虞山道中

每愛虞山道春波一葉舟偶來天上坐曾向夢中遊蒲

瓦缶集卷十

蓀珠簾卷斜陽蔥草愁梅花江上笛何處最高樓

春日野步

近市八九里深村三兩家瓦檐插楊柳野女折桃花客

散午風寂鳥啼春日斜祇應荷鋤鍾到處問桑麻

湖邊訪客

出門無一里歷歷太湖山淺水不堪涉酒人殊未還

鷗白波上一簫夕陽閒遙想洞庭龍蕭蕭獨閉關

不寐

不寐悲身世憑闌念輩流山窗鐙火暗池館草蟲幽靜

夜空明月閒身共素秋明朝有佳興誰與竹林遊

舟次口號

富貴不可即狂歌吳越間  
扁舟何處好一片洞庭山  
便欲遠行役何如深閉關  
舟頭堪結屋待我歲時閒

吳門寄遠

郭外逢郵使題詩寄遠行  
帆飛石湖岸人在洛陽城  
暇日傳書札臨風念友生  
余懷那可道鴻雁一聲聲

王珣故宅

白足虛堂在青山別墅荒  
空留一片石夜夜月如霜  
汲水山僧古看花靚女妝  
司徒有祠廟千古對真娘

送客

苑集卷十

河橋相送罷江水綠茫茫  
孤棹春風外情人古道傍  
大堤風日暖芳草別離長  
爲報隨陽雁年年飛故鄉

春深

雙燕舞簾鉤春深杜若洲  
柳邊芳草路花外夕陽樓  
宮子春前別美人江上愁  
遲遲莫相憶溝水向東流

雨歇

微雨歇西郭亂雲生北山  
江天白鳥下明滅滄波間  
香草夜欲合美人春不還  
何爲抱綠綺長歎凋朱顏

小園

寂寞在人外優游聊自怡  
地偏芳草遺心曠落花遲  
沾

酒連村市澆花濬石池  
此中有佳趣只少草堂資

送繆邦直之京師

我汎空江曲君遊京兆天  
客愁芳草外豪興酒杯前  
節物連春色關河接暮烟  
故園楊柳在猶可繫歸船

入山

到處路全別此行山可尋  
一春花晚晚三月客登臨  
盡日雲霞變微風洞壑深  
山僧暗相笑遲爾到于今

觀水

惆悵橋邊水依依別故山  
祇應歸海上何意落人間  
土潤流成澤泥淤路更灣  
於斯悲逝者無事莫潺湲

苑集卷十

送崑潤兄之西安兼訊筠孫兄

前有一尊酒念君無與歡  
在家兄弟好爲客別離難  
去自隨流火歸應及早寒  
青門有游子爲我問平安

過周氏別業

南莊二十里樹樹綠楊隄  
村路不知遠山禽相向啼  
入門花共笑相對葉頻題  
新月堪乘興還携過竹西

過友人新居

結茅溪水上恰似釣魚舟  
一面紙窗拓蘋花香滿樓  
雲拖殘雨過水帶夕陽流  
留客無他事乘閒弄白鷗

臥病二首

幽居寡人事頗與病相宜高卧夢方覺小窗風正遲春  
山日當戶遠水欲平陂邊勝天涯外年年感別離  
結屋亦非遠無人來叩門閒庭對春色永日屬清尊山  
嶺鳥歌舞天眞花友昆何當許元度相與靜中論

舟行口號

搖落重陽後佳遊事也同四村紅罷亞一棹碧空濛秋  
汎宜乘月輕帆恰受風長年開口笑背指菊花蓂

歸舟

平原千里色浩蕩一歸舟山雨青屏合溪雲碧樹閒  
身同逆旅長嘯獨悲秋惆悵秋風客年年江上遊

溪上

五

五

十里日中市數椽江上居人家養修竹稚子釣鱸魚飼  
鴨能歸舍生兒不讀書相逢城市客應問此焉如

晝寢

病餘何所事坐卧一匡牀庭樹鳥聲碎主人春夢長不  
材嗟糞土高枕傲羲皇不覺茅檐晚醒來蘭草香

自西興驛至蕭山

十里西興渡清波兩岸平林中下漁艇樹杪見山城買  
犢歸村遠籠鷺出水輕應留待霜落楓葉四山明

鑑湖

鑑湖三百里圍繞越王城到處荇蒲淺中流鳧雁鳴采  
雲天上落秋水月中明欲權酒船去都無道士迎

送徐周尹之萊州

玉河橋畔柳猶自拂征鞍樽酒他鄉別秋風客路難天  
涯空仗劍海上漫垂竿惆悵各分手蕭蕭易水寒

答舍弟斯拔三首

鄉國易爲別空嗟鴻雁羣江湖終負我風雨獨思君朔  
客有寒色南天多暗雲無由其樽酒庭樹葉紛紛

玉振吾師範永清爾婦翁謂心齋懷人秋月白相對燭  
花紅蟬響關前樹猿啼江上風何人解哀怨盡付一杯

五

六

中

杖策旣不遇驅車歸去休雪花千丈落芳草一年愁池  
館春前夢家山別後遊何當携小謝放棹白蘋洲

寄竹垞先生二首

白日依書幌清江理釣綸有文堪百世無術救長貧太  
守羣兒笑將軍醉尉嗔始憐蜀中賈猶識草元人

落魄長安道因知結念深一春頻悵望幾日罷登臨  
下惟工瑟咸陽欲碎琴平生劉越石辛苦泣盧諶

送梅耦長明府二首

太史論文日都官結契深後遊知姓字前路遶飛沈詩

句留潭柘會記春游潭柘寺下方點筆到風期其竹林  
西州門尚在華屋不堪吟

遠近皆無意吟詩出帝鄉一官猶長物兩鬢忽飛霜小  
棹渡江水中途訪石梁浙東山水窟應理道人裝

寄王山戒先生二首

心事雙蓬髻歸裝一葉舟江山儼如畫慨獨生愁白  
簡書猶在蒼生望未休桂枝臨畔好慎莫重淹留  
一讀陽城疏從知君實名譽糧如可及杖策豈辭行  
冷芙蓉清江寒薜荔城無由拜牀下談笑極生平

聽雨

告集卷十

七

西風逗涼雨動作故園聲愁絕三更夢秋來一夜情靜  
中烟樹遠落處渚蓮輕尚有相思客休吹過鳳城

寄張木威

愁絕張公子羈遲千里間風吹井陘口秋老華陽山  
狗定相識酒人今不還平生懷古意轉使鬢毛斑

靈隱山徑

荒徑半蕪沒筇輿行復通鳥隨秋色遠僧歸夕陽空小  
隱知何日高眠對好風興闌人已去澗水自西東

衡山縣

曉日衡山縣蒼茫一望中山川廢子國蘋蓼楚王宮百

里封疆改千村稼穡同祝融君可見作禮向虛空

岳州道中

挂席巴陵郡中流采白蘋沅湘流不盡遺恨屈靈均野  
曠天垂岸江寒月近人高歌待漁父輪爾獨垂綸

月下聞笛

何人橫鐵笛都作別離聲一夜思歸客西風白髮生梅  
花吹更落楊柳碧無情相望不相見高樓空月明

秋意次謝城兄韻

高樹蟬聲迫澄潭雁影空相携訪南菊無那對西風紅  
藕稱仙客青蘭是怨叢芬芳都可佩所恨不時同

告集卷十

八

哭子雋

愛子喪官舍嗟哉吾不聞人生倏何極天道杳難分寄  
食身如鶴思鄉夢裏雲傳家書一卷今日與同焚

寄呈六叔父二首

庾信何多病張衡賦四愁漁人還汎汎湘水日悠悠孝  
友知無忝荒蕪望有秋只憐橐駝足早晚下衡州  
尙憶追隨日巡檐爛熳風高談春酒綠深夜蠟燈紅賓  
客懷王粲登臨屬謝公他時尋故事盡付別愁中

曉發

只聽荒雞舞寧憐獨漉歌疎星天外落春草意中多日

月躔相遠山川去奈何周行尙迷復仄徑莫經過

郭有道墓

三尺孤墳在風流折角巾中郎無愧色元禮亦殊倫  
鉤黨非吾事名言共爾論今看漢槐樹風雨石壇春

河東道中雪

路入河東郡飛花昨夜生地浮千樹去天盡一橋橫  
素景偏隨馬寒光不近城終須輪皓日萬里共清明

韋曲

見說花無賴年年發舊枝登高流水盡沽酒夕陽遲  
感慨應如昨蒼茫其賦詩城南車馬散宜有獨來時

五岳集卷十

九

杜工部祠堂

夙昔就佳句飄零過享堂平原芳草遍叢木古祠荒  
何處悲身世斯人共慨恍杜陵花刺眼今日一沾裳

樊川

司勳去已久零落野人家一夜杜陵雨滿村山杏花  
影絲天共老歸思客長嗟踞草行吟徧樊川春日斜

涇州道中

疊嶂層層入羣山各自尊川原迷去路桃李忽成村  
綠畛餘殘燒春流改舊痕寧知車馬地猶有室家存

隴西春暮

客路曾無定臯蘭訪故人孤亭懸落日匹馬度殘春  
流水肝腸絕時光感激頻從來青髯影豈不惜風塵

過倒迴溝

地勢分崩後人行出險心當時猶踟躕盡日費追尋  
九折無多路雙崖夾細岑平生叩竹杖何處不沉吟

安定道中

三月定西道無邊楊柳生春風千萬里吹徹玉關情  
隴外流泉咽山頭牧馬鳴君王猶望歲愼莫惜深耕

德州道中

帆席中流挂蒼茫過德州人家隨水析城郭入雲浮  
此

五岳集卷十

十

地曾高咏他時感別愁瀾心將落葉無處不悲秋

四女祠

僻壤無靈覲幾祠貌少娥風迴青嶂遠香動白蘋多  
猗祭懸珠網鴉鳴伺玉禾荒唐神女賦雲雨夢中過

東光道中

百里東光縣中流發棹歌樓臺臨水少稻黍入村多  
岸仄橫叢荻洲灣轉沔波那畿其千里曾是隔山河

蘆花

一片秋江上蕭蕭白露叢影隨流水遠飛入月明空  
天意冥濛盡詩人牢落同豈應無色相不及蓼花紅

古廟

古廟河干立何年屋桷新高槐秋落子灌木夜歸人俎  
豆猶沿俗威儀似有神自從官禮失題額信鄉民

靜海道中

赤縣當河濟皇華驛路通水連趙北際地屬右扶風烟  
火千村聚謳歌一世同康莊無不達未使嘆途窮

天津衛

三輔關門壯千櫓靜不波迴風雲海遠到岸荻花多城  
市惟鹽筴居人半綺羅水窓明燭待商女夜深歌

適望

元告集卷十

七

遙望西沽水風波不可行故人消息遠秋草別離情大  
道通斜徑高車出禁城筵簞猶有問多恐惑平生

重過靈雨寺

城市行來近溪橋客到稀銜枝雙鳥落蹋葉一僧歸梵  
課留香篆鐘聲送夕暉重來流水在無復釣魚磯

滿城道中

前騎入烟叢蕭蕭古道中微雲閣踈雨落日滿高楓俗  
儉村帘少天寒野色空此鄉差近日猶有未歸鴻

隔院

隔院砧聲歇空庭客思多淚痕無日夕舊札渺山河夜

雨愁中聽家山夢裏過遙憐洞庭水白地是風波

有感而作

欲向嵩邱去其如桂水何客愁鄉夢少秋思夜猿多  
髮悲身世空山老轉蕭蕭江如可到浩蕩白鷗波

聞雁

漳南秋已暮猶有雁歸聲到處落黃葉高樓望月明新  
愁橫碧落殘夢入江城莫放菱花匣明朝白髮生

聞砧

西風不可聽况復動砧聲自是蕭關意吹來夜月情鴻  
孤飛夢去盡暗語愁生昨日河湟信秋高遣戍兵

元告集卷十

主

送范士行歸吳門二首

萬里金城外黃河出塞流與君攜手去踰邇隴山秋生  
命同磨蝎余與士行同庚家山接斗牛石湖如可汎他日有扁

舟

邂逅論交日相逢是別離青雲歸客夢紅葉送行詩去  
住無長策悲涼共此時清笳今夜動愁殺李騫期

知有

知有心中事難辭面上慙蹙驢仍古道寶劍與何人白  
髮無多日青山逼莫春蕭蕭轅下馬無事莫嘶頻

雪

尚有遊山勢寧知入土功飄搖無處所潔白在天中影  
入金微盡寒歸玉樹空欲將粳稻種袖手待春風

客窓望山上

列岫窻中見支筇力未能茅庵高似鶴石骨瘦如僧飯  
罷愁將莫人來寂上層雲漿如可飲多恐結成冰

登山寺

郭外青山寺登臨一獻歌俯觀春渚動回首夕陽多壁  
上阿羅漢雪中空塔波不知因浩劫此地復如何

杜曲工部祠懷竟陵公

明珠五十六顆賴玉泉宮秦州玉泉宮工部祠公題七言律詩刻于石此地

瓦缶集卷十

主

亦祠宇寥寥古樹風山光兼暮色客思滿春空杖履忽  
已遙驅車還向東

郭外

蹇衛十餘里布帘三兩家行人川上雨寒食杜陵花春  
去猶回顧烟生不肯斜由來感搖落無復在天涯

客舍聞砧

誰家征婦怨小院試秋砧費盡深闌力能傷孤客心月  
斜聲暫歇風靜歎逾沈聽罷高樓外蕭蕭烟樹林

山莊

君問山莊事關門爲爾歌野田秋草盡高樹雀聲多水

亂穿籬落牆空長薛蘿可憐雲裏月不及雨滂沱

次韵答朱珣叔二首

關門吹木葉天下入秋期征客正搖落故人猶賦詩布

帆幸無恙蹇衛去何遲蕙草忽已盡西風空自悲

握管猶無力彎弓定不堪野人寧得意事業但懷慚白

日春風暖開園菜味甘鼓琴如可得應勿笑桓譚

得筠孫兄札

此別忘前日遙情慰索居數行關樹老千里夕陽疎露

下悲先壘鴻飛過做廬烏衣羣從在近得幾人書

聽雨

瓦缶集卷十

古

雨滴空階上鏗然擊筑聲隔窗風欲墮爲客恨無情不  
盡青山憶能令白髮生故園如有夢幾度枕函驚

敗葉

敗葉飛天外秋聲老域中故鄉千里月客夢五更風搖  
落年時夢蕭條關塞空明朝扶杖去唯有白頭翁

蘭州曉發

殘月落河水微霜悲曉行瞻途生馬迹回夢逐雞聲何  
處孤舟在空囊一劍輕深恩如可報無復算王程

涇州道中

行盡朝那境山明水亦明沙平千樹出雪盡一橋橫問



路將何適尋花未可行只愁流湜湜無復渭源清

春雨

簾幙寒猶近池塘淡欲無東風吹上樹南陌潤如酥欲  
汎遊仙棹兼尋舊酒徒微波渭川上烟色滿平蕪

送朱又雲南歸

夜雨懷鄉夢春風送客情柳絲連灞岸野色入江城樽  
酒何年共相思到處生重來芳草地無復馬嘶聲

送春

老女風情減高樓別思多夜來聞雨甚春去奈愁何長  
笛遺清韵扁舟送綠波故園芳草在無事莫蹉跎

瓦缶集卷十

圭

懷錢瓊求

最憐征戍客三月下河湟匹馬春多雨前鋒劍有霜歌  
殘應涕淚夢醒是他鄉當日扁舟意鬢髩各已蒼

得彭承祚明府札

寂寞東陵下何人慰索居侵晨梳短髮有客款吾廬江  
外無窮路雲中尺素書隔河相望久問訊意何如

西安城外懷竟陵公

關門授經罷轅馬驟駸駸一鶴隨行李三峯羈素襟獨  
來芳草遍何處酒杯深清渭朝宗去悠悠東注心

咸陽渡

流水過橋去青山入縣多隔城分翠靄浮棹出烟波叢  
樹深如此孤英落奈何憑將千丈線隨處一漁蓑

醴泉道中

塞客乘秋地唐家避暑宮千畦涵曉日一騎動春風不  
嫁青鬟女吟詩白髮翁薜蘿堪結束携手綠雲中

乾州道中

城壘秋苔後猶餘牧馬場關門回首望秦樹晚蒼蒼戰  
士田疇外飛鳥道路旁憑誰扶短策訪古共沾裳

穆陵關

白髮悲行役青雲出近山馬嘶芳草渡春盡穆陵關吾  
豈勞驅策人宜惜險艱祇應鷹犬客來往不曾閒

永壽道中

百里商風近紆徐第一程雲光迴澗合樹影隔岡生石  
骨開田畛山花入縣城所嗟深綠外無復鷓鴣聲

邠州追憶先師文公

白門懷謝傳楊柳鬱金枝石上留遺跡人間足夢思梁  
山青不了泝水去何期父老閒相語知余往日悲

邠州早發

出城來十里流水尚縱橫清露去人遠丹霞夾馬行揮  
鞭迷道路爲客感生平落盡棠梨樹空憐蕙草生

隱者

一自采靈藥至今猶閉關  
樹根船不繫籬外大長閒  
簾卷千重雨雲歸一片山  
溪邊花落去流水到人間

長武道中

石逕半蕪沒悠悠行邁長  
山村四月雨一路草花香  
野鳥語深樹酒人歌夕陽  
高原堪騁望流水最蒼茫

長武縣

小縣前朝析荒城往日頽  
居民綠壁上聽事趁虛開  
邊戍烽烟迴軍書驛騎催  
東西分陝地全陝東西兩布政司于此分轄眺獨登臺

无咎集卷十

七

立馬

立馬一沈吟岩巖嵐氣陰  
艱難三尺羽忼慨十年心  
白日嗟何晚滄江不可尋  
平生懷古意雙淚欲沾襟

无雲關逢錢大

仗劍辭渥水携壺上无雲  
路岐真有淚關外忽逢君  
消息中間斷歌謠遠近聞  
如逢京洛客休道不能軍

涇州道中

周道平如砥猶能費苦吟  
青山容託足野草易傷心  
人去碧雲合鳥啼春日沈  
獨行涇水上感嘆一何深

涇州

城郭寒雲裹川原靜綠遮  
山根落微雨樹杪有人家  
留客夜樓月出門春草花  
秦風嗟舊俗何事不桑麻

涇州曉發

涇水夜寒歇客行愁振衣  
西雲留月住南雁帶星飛  
道路自此遠古亭何處歸  
疲驢猶可載只是曙光微

白水驛

古驛望前路不知荒徑迷  
芳林堪繫馬流水忽成溪  
朝日炊烟薄微風麥浪低  
村東新雨足何以濯村西

途中送春

馬蘭花發後春事已蕭條  
橫笛高樓上懷人淚水遙  
錦

无咎集卷十

六

鶉來向晚瓊樹不宜朝  
偷寫相思字因風寄洛橋

客感

此客綠何事勞勞往復還  
劍心悲大漠春色老蕭關  
暫馬非吾事浮鷗任汝閒  
一杯桑落酒明月滿秦山

眉現村

沙迴村勢合萬樹綠楊浮  
獨鳥語將暮落花香滿溝  
相逢上曲宜待月如鉤  
芳草休衰歇重來是舊遊

山家

山家新雨後屋下水琤琮  
櫨果落四五野鳬飛一雙  
過溪分綠竹有客話滄江  
待許扁舟訪先余度石杠

平涼道中

塞上從征久秦川問俗仍鐸時秋稅賦歸戶夜春增野  
水開平綠遙青入替勝欲將詩筆寫唯有漫郎能

夜雨

雨聲襍歸夢天外共飄零千里不知遠一燈相對清愁  
如出塞曲宜作故園聽小艇罷垂釣蕭蕭江上亭

南北

南北皆岐路疲驢摠不前春秋懷丙舍流落失丁年心  
事悲何極頭顱白可憐蓮花峰萬仞何處問青天

日莫

張衡賦湘水千載有遺音秋雨黃陵廟蕭蕭叢竹林楚  
魂招不得蜀魄怨何深芳杜飄零後空洲日莫心

萬里

萬里鳥飛去客心悲遠天寄愁千載外感興一杯前古  
樹留殘月長河惜暮年祗應山下石相對各悠然

七夕

西風動機杼消息到銀灣惆悵當時路相思一水間白  
頭懷楚客清露滿秦山明日渭橋畔微波東去閒

入秋

入秋來幾日庭樹已飄零落葉不堪掃南山相對青客

愁日復夕村酒醉還醒草色萋以白天涯長短亭

黃菊

黃菊墜培久清秋結託深荒涼三畝宅去住一年心面  
瘦思餐玉囊空任攬金露蟬吾過矣費盡白頭吟

絨綫

絨綫消閨月絨題及塞寒有情還自惜無處把人看制  
度傳新樣容輝憶古懽形相當日似多恐着來寬

十月一日雪限寒字

遂有爲冬意蕭疎林樹端悲秋猶昨日把酒怯新寒九  
藥真多事燠糖又一杵只宜尋太白携屐上曾巒

送錢醵求還京師兼寄令弟明大元朗

手摘太華月作歌還帝鄉河橋相送罷流水一何長短  
策向誰是旅人空自傷五雲兄弟在應憶滿頭霜

送筠孫兄南歸

貧賤此何日別離非少年扁舟江上雨孤夢秋花烟宿  
莽悲人事荒楸落蔓田平生蕭瑟意無淚灑樽前

次韻答斯拔弟

夙昔稱狂客蹉跎咲敗軍末途逢令弟長嘯出曾雲杖  
策杜如晦興宗陳長文飛揚千古事今日愧諸君

沙河城外

晴天一鳥下遠樹浮沙汀但愁雲漠漠飛出山冥冥歸  
人烟中水窮馬柳邊亭馬嘶人已去空餘秋草青

隆平縣

斗大隆平縣居人半水中緣隄楊柳樹留客荻花叢乞  
命須王儉衰時罷孔融冀方宜黍稷莫與此鄉同

北顏莊九日有懷

馬上風吹帽方知秋氣深孤村連水樹九日罷登臨遲  
暮京華客淒涼歲月心片帆如可挂斜日下江潯

冀州逢至能兄

湖海十年別相逢非故園白頭兄與弟清夜酒盈樽明

瓦缶集卷十

三

月夢中路此時江上村不知叢桂樹可有小山存

片月

片月出元都清光天下無十年關塞客秋思落江湖華  
髮霜飛鏡冰心玉在壺高樓建碧海少婦漫長吁

伏城驛野望

古驛登樓望天涯向暮辰落霞如過鳥秋水渡歸人禹  
跡河通海堯封路入秦低徊今古事幾淚欲沾巾

重過定州茶亭

落日懷前路西風戀此亭重來秋瑟瑟歸去髮星星淺  
水經沙咽微霜落樹青劉郎千日酒宜醉不宜醒

丁字沽

丁字沽前水廻流似有情送郎楊柳岸斜日野雞鳴艇  
子依然在風波不可行自從汀上別芳草逐年生

新蟬

綠樹千尋外新秋第一聲憑高休悵望入夜轉淒清片  
月留孤影微風送遠情蕭疎聽未了客思滿秦城

憶事

塞上三城戍關中八水分政歸新令尹詔起故將軍甲  
仗明朱火旌旗卷白雲投鞭臨水次擊柝渡河汾馬首  
瞻何急烏啼定未聞當時獵虎士深入鸛鷺羣餘勇誇

瓦缶集卷十

三

高固多方謝伍員欲將天下計上報聖明君下馬觀齊  
轍升車望楚氛非關肉食鄙終愧泊絲琴涉豕蹄何白  
群羊首獨墳天心非厭弃人事寔紛紜未有撓秦策空  
勞詛楚文一軍化後鶴萬里集蠅蚊十月連兵革三年  
罷籽紆如何遘水哭翻策未央勲莫話封侯貴徒令淚  
涕紛回看征戰地日日雪雰雰

人日逢朱稼翁

七日春猶淺雙輪客未旋停雲方得句問路忽投鞭足  
以當人日何堪厄閨年三生如夢裏一笑轉悽然京國  
分離後天涯涕淚先知君同鄙薄于世亦迫邇鏡裏容

顏改開中歲月遷相逢交口問長共此心連涼雨飄愁  
外斯人在眼前空囊隣父訝瘦馬僕夫憐細菜空盤得  
微吟隔壁傳調餓宜晚食絮語罷宵眠爾我重無賴東  
西任所便祇將墮得得不及燕翩翩携手燈猶暗暗途  
月漸圓心驚花灑淚體怯柳飛綿去國詩千軸傾家酒  
百泉此生唯落拓到處得尤愆卓立應無地狂歌欲問  
天茅龍如可變飛上華山巔

長安街踞鐙詞限韻

夜鶻千門迥春風九陌遇上台雲五色中道月重霄青  
瑣花光合紅紗燭影搖瓊枝初放蕊玉樹忽同條錦地

瓦缶集卷十

書

舒文席霞舟動采橈不同葉幔影疑是赤城標銅錯蘭  
舉地爐烟桐子燒輕花雜蓮藕香氣握申椒芬炷擎猶  
動金華漿不凋蛻脂寧辟曉魚鑰鎮通宵素女鳴珠珮  
仙人弄玉簫瑞烟翡翠合繁管鳳皇調月裏聞三拍雲  
中動九韶黃門鼓吹曲樂府太平謠雜戲場鋪毯新聲  
幄卷綉頭銜鞦韆掌面具鬼神跳遂有携春侶相將挈  
酒瓢同車金作隊並馬玉聯鑣始向東城散還過北里  
招尋歡香有迹買醉釐生潮媚婦彈朱瑟佳人試翠翹  
翩躚過鶴市合沓走虹橋擲果行人駐聞香通曉飄內  
家新結束戚里關妖嬌三珥璫全墜分叢髻就撥纖韉

綠綠鹿綉領摺銀貂蘭帕文犀飾荷囊采綫挑持衣綃  
綺曳袍袖鬱金描紵素工初罷羅襪習未消揮鞭小垂  
手陡勒忽迴腰碧樹人名玉青楊客姓蕭相逢問何夕  
一笑承今朝夾道留香篆高樓結綺寮宮牆通御氣闔  
閭蕤庭煥日下明光滿天街景物饒監門勞衛尉禁騎  
肅雲驍擊柝巡行路司城壓叫囂風華轉明艷清景踞  
瓊瑤酒酌南山壽星歸北斗杓土階箕乍滿何以答神  
堯

紀信廟

奮臂爭秦鹿焚躬誑楚猴同名猶處項異姓早安劉組

瓦缶集卷十

書

釜仍無恙昭軒乃見讐孟陽終不類丑父免何由死是  
人臣分生非策士儔旌勞宜按籍他日失封邱特廟斜  
陽外空階老樹秋舊山秦地遠明月漢時留名著風烟  
頌功輪十八侯丹青誰氏筆毋乃作神羞

瓦缶集卷十終

瓦缶集卷十一

今體詩

嘉興 李宗渭 秦川

登滕王閣

高閣橫江悲遠遊百年身世此淹留平沙古路王孫草  
細雨春帆買客舟抱病杜陵長作客多情王粲又登樓  
平生不下窮途淚回首雲山落日愁

畫閣

翡翠簾東畫閣西五更殘夢亂鶯啼暖歸春帳紅爐晚  
寒近高樓繡幙低神女有山雲渺渺王孫無路草萋萋

瓦缶集卷十一

長洲苑外行人少腸斷東風撲馬啼

奉贈竹垞先生二首

少陵詩句昌黎筆千載以還無此文曠世才情思往日  
代典風雅足凌雲嵩衡獨峙山羣拱江漢朝宗派幾分  
咫尺龍門今作者多慚徒此揖清芬

白茅結屋綠清江嘯傲日日倚南窗看山手携紫藤杖  
留客酒注青華缸藏書何啻二千兩薄田無有三十幾  
勸爾倘許涉滄海細流餘響猶琤琮

哭亡姪不隨

豈有文章委逝川經秋幾淚不勝懸平生落拓同余懶

羣從凋零憶汝賢廉吏清貧應有後斯人力學竟無年  
定知死去孤魂在猶戀高堂雪滿顛

宋太宰漫堂先生壽詩

藤杖荷衣采藥行當時霖雨徧蒼生聲華海國稱尤遠  
詩筆田園格更清野老相逢猶問姓 聖書存慰不呼  
名東山賓客何人在取次春風酌兕觥

重過西湖

何處遠行今始還六橋景物尚依然一生春事消塵夢  
九月初風滿釣船草色橫烟波浩渺柳絲如畫月嬋娟  
湖山冷笑重來客京雉鶯花又十年

瓦缶集卷十一

次韻答元明見懷之作

北地天高露氣清石闌干外月初明醉聞歷歷飛鴻語  
夢憶蕭蕭落葉聲將去國門何處好漫無歸計客身輕  
新詩只解添愁思一夕相思白髮生

和郭于宮直廬灌園二首

激水跳珠吟隰紛承明廬外長春雲可憐池沼涓涓盡  
獨把蕭蘭細細分向日祗今惟小草收根終古怨芳芹  
石田歸去蒼苔冷絕倒清時鄭廣文

三殿晴雲護客衣嬾朝忽動灑陰機十年左掖梨花晚  
一夜西風豆葉稀生意并隨人事減滄池空逐清田肥

菜根留得真滋味不遣繁香入紫微

次韵寄答郭宗子

幾年踪跡託蹄輪邱壑風流憶謝鯤到處雲山供別淚  
故鄉阡陌共柴門都無生計憐吾友并有新詩役夢魂  
他日旗亭好風景綠楊繫馬酒杯溫

聞笛和徐周尹

千林月落散林邱長笛西風古渡頭一曲悲歌連紫塞  
十年客思動清秋天高征雁飛何急夜靜長河咽不流  
猶有南冠歸未得此聲休過白蘋洲

道學詩三首

東告集卷十一

王

來時冉冉去匆匆消瘦胭脂一捻紅行逕祇迷三里霧  
疎簾終訝五更風思量往事經秋盡憔悴新年入鏡中  
青瑣窗前留絮語不應重勒玉花驄

秦箏歷歷十三絃雁足重行紀盛年陌上閒情宜醉後  
春來詩思在花前香羅幅幅何由薄輕藕絲絲可待牽  
休道明珠並堪繫一生相憶木蘭船

叩叩曾期約指金繡衾歸卧費沉吟菴菴未拔心先死  
盧橘移來病轉深雙燕齊飛猶不定伯勞何事苦相尋  
楚天細雨驚殘夢消盡從前學道心

蘭相如墓

絕世奇功在誑秦掉頭一笑不須論將軍盛氣歸同傳  
司馬多才拜後塵何處悲風堪弔古天涯孤客獨傷神  
當時與璧俱還趙遺墓如何渭水濱

蘭州城外河上浮橋

殺轉雷聲控上游何人投策斷橫流蛟龍自避千尋鏡  
天地纔通一葉舟遠戍孤烟城闕晚隔岡長笛塞垣秋  
他時風起休相撼恐有浮槎犯斗牛

月洞看月

銀漏一道鑲嬋娟相對猶疑隔綺烟堂北樓東尋丈遠  
人間天上兩重圓可能並坐搖團扇便與分曹撥絃絃  
從此遍栽青桂樹不知風露到誰邊

東告集卷十一

四

風急

風急天高木葉稀故鄉何處稻梁肥水流楓驛人初去  
雨打蘆洲雁未歸只有離愁能緩帶每逢佳景欲沾衣  
此生豈得長無限一葉漁舟下釣磯

九日

久客渾忘節序移紅萸黃菊野人知雨聲又過登高日  
風味全如落第時歲去相逢無故物地偏何處賦新詩  
江南兄弟都歸去牢落唯應悵所思

寄王箴六太史

狂風吹落萬重雲，鶴唳清宵不可聞。  
千里烟寒知有夢，九秋霜冷獨思君。  
開殘籬下黃花淚，飛盡江頭白鷺羣。  
京國人來猶問訊，欲將書劍學從軍。

寄葛敬夫

日暮途窮意悵然，長歌飛上華峰蓮。  
此行殊愧陳希逸，他日終携葛稚川。  
故友金多無道骨，家鄉人滿願豐年。  
冥鴻莫便飄翩去，待爾銜將五色牋。

漆秀才池上看竹

漆家池上竹平安，和露和烟一萬竿。  
每到便須筇杖立，何人肯放酒杯乾。  
石邊吟罷詩應瘦，月下歸來影尚寒。

五告集卷十一

五

安得湖州文與可，就君貌取榻前看。

送楊補離

青門楊柳亂如絲，折贈今來第一枝。  
天下何由怨離別，人生難得是相思。  
臨風並有千秋意，到日應題萬里詩。  
嶽色故情都不惡，連朝休恨東裝遲。

送沈亦用

青綺門前景物佳，灞陵亭外是天涯。  
不知何處可爲別，但覺此行無好懷。  
短策空携愁似海，長途悄得酒如淮。  
黃河一曲一千里，安得北風吹汝偕。

漫興

荷鋪先生善閉關，秋風吹破雨潏潏。  
落新婦草不堪采，好女兒花空自閒。  
遊鯉多年清澗水，歸鴉幾點夕陽山。  
毛公老去侯生死，酒肆何人數往還。

懷徐蓮西先生

十年息交而絕游，猶能扶杖吟高秋。  
遙憐蓬鬢白如雪，亂插菊花黃滿頭。  
早晚寄書太極洞，誰何並釣平沙洲。  
溯洄從之道修阻，斜日欲下城西樓。

次韻答朱木叔

客憲賸得髮星星，生意渾如草化螢。  
忽枉新詩變常格，早傳清氣入疎櫺。  
行來折盡天邊柳，歸去應無水上亭。

五告集卷十一

六

吾友相逢轉惆悵，卷簾一笑莫山青。

新晴限韻

簾幕風微透篆烟，鵲聲喚起日高眠。  
輕雲隔樹飛無影，列岫當窻翠欲前。  
此日宜呼沈醉客，多時閒却釣魚船。  
新晴饒有登臨興，何處秋光不可憐。

六叔父見示二律依韻敬和

三年長劍罷從軍，重見郇公五朵雲。  
猶子深情兼愛客，清時多暇更論文。  
紅泉當檻移秋色，老樹浮空帶夕曛。  
太傅東山時在念，風流應遣故鄉聞。

出塞長歌心事遠，河流活活可言歸。  
曾何行路山川盡。



便遣還家草木非到處堪邀天上月此身那想夢中耕  
重吟細把新詩在清夜挑燈淚滿衣

次韻答徐周尹二首

葭洲主人靜者流何爲挾策而遠遊削草但勅管城子  
種瓜欲訪東陵侯獨行一笠一瓢在不去山花山鳥愁  
鐵笛風前數番弄江南月明空滿樓  
沙蟲援鶴盡能軍靜夜爐烟細細分學道由來虛過日  
出門祇覺淨無雲眼前光景花應落身後才名草共焚  
吾與義皇都袖手六經無義亦無文

次韻答坤四弟

瓦缶集卷十一

七

十年兄弟別離情身事艱難共此行八月雲濤通碧漢  
一天風雨過咸京獨愁江外兼葭老携手尊前感慨生  
何處酒人歌復泣離離秋草滿高城

聖女廟

洞門歸去玉清遙太白光寒寶篆消入峽行雲元是夢  
何山明月好吹簫青溪小妹猶通問南嶽夫人久獻嘲  
叢桂幽篁各無恙不應天路久招要

月蝕後見月

碧海青天此夜新孤高何惜不沉淪故人難後重相見  
寶劍磨來倍有神曾是空輪留缺陷更無京雨洗風塵

只應獨下滄珠淚擊鼓兒童漫苦辛

趙北口

明湖曉趁片帆風天宇寥寥入望中趙北有橋通驛路  
燕南無地着漁翁謀生一飯甑成拙放意千秋不礙空  
鷗鷺與人共蕭瑟蘆灘歸去夕陽紅

瓦缶集卷十一

八

瓦缶集卷十一終

元佑集卷十二

嘉興 李宗渭 秦川

今體詩

百花橋

朝上百花橋  
綠上百花橋  
百花橋下水  
日落風蕭蕭

井井

仙人鍊丹井  
丹成井水清  
仙人乘鶴去  
井上春鳩鳴

橫泉

石上流清泉  
不溢亦不竭  
夜靜汲泉人  
紛紛蹋明月

錄別

元佑集卷十二

昔去風何急  
今來雪更深  
平江迎送地  
悽斷故人心

題蘿屏

嫋嫋女蘿枝  
枝枝自相屬  
春風生機端  
照人衣上綠

送客南遊

巖瘴交州郡  
由來不可行  
祇應臨海月  
流照伏波營

曬禾陡

初入曬禾陡  
清泉石上流  
山家在波底  
樹杪出行舟

馬頭山

朝看陡河清  
暮看陡河白  
宛轉馬頭山  
青青送行客

譙眉塘

溪水漲新綠  
汀花發舊隄  
山窗綰梳罷  
春日畫眉啼

社公壩

溪流三尺深  
轉楫望前浦  
欲采白蘋花  
紛紛社公雨

偶題

曲渚秋蓮盡  
橫塘露氣濃  
吾家小池上  
開遍木芙蓉

登黃鶴樓

待訪仙人酒  
來登黃鶴樓  
空江千里曲  
芳樹滿汀洲

德州遲崑潤兄不至

水驛停橈望  
空波兩岸秋  
思君不見明  
月下扁舟

野菊

元佑集卷十二

野菊亦佳色  
八月寒潭秋  
開向碧流水  
西風吹不休

有感

前山水雪多  
復此悲風響  
古道有行人  
褰衣獨長往

言愁

流水天邊去  
孤鴻塞外過  
蘼花千里色  
不及客愁多

漫咏

吾有太古笛  
對君吹紫雲  
欲將商羽換  
庭樹葉紛紛

紗窻

紗窻口又西  
拋散相思子  
門掩一庭閒  
春禽啼復止

懷人

東風自何來吹我芳樹枝春去隴西道懷君君不知

稱鉤驛

驛路何紆折行人去復留可憐直如矢不及曲如鉤

聽雨

故鄉兄弟在無復歡離羣滿院梨花雨蕭蕭客裏聞

乞墨

製墨傳方法還應問老超黃山松萬樹雷火不付燒

長歌

長歌懷故人獨立茅檐下何處拋青春歸來風雪夜

山中絕句

元吉集卷十二

高人愛清景坐石濯吾足落葉亂紛紛流出空山曲

贈酒客二首

與君三百錢買斷春玻璃醉卧酒壚下醒來黃鳥啼

一杯復一杯相對無厭時酒盡鳥飛去空餘花滿枝

題張用齋四時讀書圖四首

庭戶青春深落花滿階除鳴鳥去已久幽人還讀書

獨坐修簾裏客思何悠哉高吟方未已池上芙蓉開

采菊向隣家歸來無一事復展牀頭書聊以適吾志

墳典能娛人虛齋復清絕坐愛山月生照此庭下雪

何處

何處明窗下鳴機一晌停暫來高閣望春日柳條青

訪友

屋角數竿修竹墻頭一縷炊烟借問主人何處草堂日

午高眠

題杏花春雨江南圖

流水至深至淺扁舟獨往獨來莫春欲雨不雨杏花將

開未開

山下

山下平坡獨樹水邊矮屋三間古道依依日暮前溪釣

艇應還

元吉集卷十二

登高

千載而下何人十年以前行路頻來往于余懷悵登高

而日莫

途中作

遠山朝見莫見歸鳥來飛去飛古道一行衰柳行人獨

背斜暉

雜言三首

南岸種菱花落北岸種芡花開只隔一溪淺水老死不

相往來

西舍匆匆夜春東隣咳咳多稼場圃寬然有餘鳥雀翔

而不下

獨行何事而可長嘯出門且還相去城垣十步不知風雪滿山

遊城南寺回二首

歸鳥廻翔不定遊人前後散行出門三里五里送客風聲水聲

還與山靈相訂酌泉許再經過他日飄然一笠挂瓢直上層阿

河南道中

豁眼平生一望空洛陽城外武牢東萬家烟火長亭曉

盡在重陽細雨中

東湖楊柳枝詞

東湖在南昌府

楊柳青青湖上洲絲長難繫別離舟東風三月花如雪縮住行人已白頭

和竹垞先生東湖曲四首

東湖在平湖縣

東湖春水漾晴沙水調歌頭弄琵琶唱過赤開橋外去廻風送入小窻紗

杏花籬落總消魂不愛山村愛水村一夜扁舟何處去

儂家只在小南門

芳草裊腰幅幅齊東湖名勝舊長堤六橋花柳休相笑

誤道佳人只姓西

初日欲出春霧深何人湖上動商音分明小閣窻前過十里烟波無處尋

簡友

陶家籬外逕無多松菊荒蕪長薛蘿祗隔村南與村北不妨風雨亦來過

哭兒景

青松徑尺勢凌空容易摧殘任朔風何似付他窮骨相一生長對草堂中

題菴邨歸夢圖

客舍秋高聞雁稀故山何處白雲飛西風黃葉江南路

六

枕上時時一夢歸

偶題

天上迢迢白玉京步虛聲裏董雙成三千年後桃花謝何必開時便有情

九日簡登高諸友

小橫山頭葉正飛黃花初放秋英稀錦帆載酒醉年少石上題詩雲滿衣

春日

楊柳灣頭曉曉音青帘無恙且招尋行人醉矣不歸去

一樹桃花春水深

過亡友周永日故居

昔年閭酒水南莊周五新詩獨擅場今日花溪草堂在  
故人和淚立斜陽

病中聽雨

矮屋疎簾撲面風支牀每與藥爐同不須更作蕭蕭雨  
一半春光在病中

春情

塘外輕雷響鉦車無緣歸去列仙家春江水滑天絲軟  
一笑風前掃落花

瓦缶集卷十二

七

題高念祖表兄竹林書屋

竹林主人遺世情蕭然環堵似淵明楚詞寫罷一杯酒  
我與此君相對清

弄潮詞五首

江頭激灩忽成堆白浪如山卷雪來射弩塘邊弄潮去

富春山下蕩舟迴

青油車子去如雲爭看江湖闊縠紋猶隔長堤三十丈

噴珠濕濺絳羅裙

滄洲弱水片帆通飛觀層樓一晌空海客競誇瀛丈遠

杭州只說越江中

何人江上泛輕槎欸乃聲聲在荻花隔岸小兒高拍手

一時都唱浪淘沙

閒身空逐里中兒雜遝楊枝又竹枝不是東坡老居士  
那能重譜弄潮詞

送別

滿天風雨借離羣春晚江皋此送君把手無言一尊酒  
楊花落盡雪紛紛

章邱道中

綠樹陰中酒旆斜行人繫馬向誰家微風細雨章邱路  
開遍平原躑躅花

瓦缶集卷十二

八

擬古宮詞五首

錦文韓子婕妤官學得琵琶膝上彈一曲未終新解譜  
忝差烟樹月光寒

瑤華仙謁背山開何處離宮接露臺玉笛聲沈三十里

夜深無復小車來

雲廊水殿淨無塵風露清時漏轉頻明月滿簾宮樹靜

不應傳喚隔花人

關門八月動秋風合獵新隨女侍中一笑山花留步輦

君王親勒五雲驄

金符使者馬蹄遙詔取才人舊賜貂合殿離宮秋一色

夜深吹徹紫鸞簫

贈別

枇杷花下薛濤邨萬里分携子夜論抱病傷春兼中酒  
無人知是客消魂

湖上漫咏

長堤秋盡草蕭蕭白地花香滿六橋吾是道人春夢醒  
風前開殺玉聰驕

臨平晚泊二首

橫塘山色霽蒼蒼孤客停舟在石梁閒把漁竿弄秋水  
夜深風露濕衣裳

瓦缶集卷十二

九

金粟山人白錦袍前身酒後喚詩豪新安江水何如此  
鐵笛一聲山月高

臨湘道中

一幅蒲帆滿夕陽半天雲影過臨湘楚江女兒對明鏡  
十日春風蘭草香

小河溪漫咏二首

蘼蕪山下葉初齊六曲闌邊玉樹低取次春風五湖去  
一枝花影小河溪

殘鐙重別試啼妝鏡裏迴頭淚滿行不向樽前奏花落  
恐君青鬢忽成霜

西平道中

橫塘水暖碧紋生一夜春風動客情晴色浮烟三十里  
漫天楊柳過西平

偶題

景陽樓下瑞分叢艷絕名花出後宮今日道旁開似雪  
一生心事謝春風

贈別

宛轉歌喉一晌停紫瓊璫上酒初醒即君匹馬向何處  
驛路春風楊柳青

題羅巾

瓦缶集卷十二

十

樽前唱徹雪兒歌照筆題詩寫素羅出入祇從懷袖裏  
不知何處淚痕多

過亡友郭羅洛履安書齋

廼賢詩格最風流日下重來感昔遊一樣秋風留客地  
竹籬開遍紫牽牛

夏夜絕句二首

菡萏香含露氣清漏聲迢遞隔重城夢迴酒醒砌蟲語  
何處高樓無月明

烏鵲羣飛烟樹林明河不動夜沈沈何人橫笛關山月  
一片深闌少婦心

題庭中竹

孤生不結秦山根  
檐下終疎雨露恩  
惟有中庭好明月  
獨留清影到黃昏

舟行雜詩八首

橫塘一曲水迢迢  
路入烟波轉寂寥  
已遣衰荷收人意  
不應重聽雨蕭蕭  
紅塵不隔樹葱青  
障面經過一草亭  
不分蘋鄉漁釣地  
吹來猶覺水風腥  
拂拂天風送采旗  
朦朧銜尾下清虛  
截流尚有閒田地  
一葉何妨縱所如

左帝集卷十二

十一

九十九淀水跳珠  
三十六曲漫成湖  
而今魚鳥添飛躍  
此是天家恩澤殊

北望遙連太液池  
恩波微動蟄龍知  
何人水竇添新柵  
從此分流到處遲

東南一片水雲昏  
百尺原頭望故村  
日薄吳泉君不見  
餘霞猶得照天門

朱蓼灘頭野草坡  
啾啾烏雀夜經過  
孤飛一隻千年鶴  
翻道江湖白鳥多

無定河流入大荒  
遠天踈樹揔微茫  
漁歌唱罷扁舟遠  
唯有西風斷客腸

途中口號二首

青山到處鬱嵯峨  
愁絕臨風喚奈何  
一別滄江消息遠  
秋來祇覺雁聲多

郎跨青驄萬里行  
妾乘素舸一毛輕  
相逢欲語風吹斷  
何限人間離別情

天津客舍哭亡兒阿正

人夏經秋淚未乾  
津門客舍晚風寒  
彭殤一例尋常事  
道路何人與蓋棺

送行過德州

東國錢程水驛初  
送行欲去轉躊躇  
此時恰似秋隄柳

左帝集卷十二

十二

一路西風葉葉疎

錄別

引水牽絲翠帶長  
藕花零落荇花香  
豈知一夜高樓雨  
明日相看是兩鄉

聽雨

衰草連天路不明  
野風吹過一舟輕  
征夫枕上無歸夢  
卧聽枯荷夜雨聲

寄松叔二首

杖劍行吟太苦辛  
江湖消息不堪論  
旗亭粉壁渾無恙  
最憶雙鬟勸酒人

故城南去柳如絲此地扁舟暫別離豈識秋來蕭寺雨  
青衫漂泊已多時

九日寄弟

人生何處不窮途風雨連牀憶得無一自飄流兄弟隔  
忽驚今日挿茱萸

涇陽驛題壁

扁舟不繫與心同逢着滔滔水向東一笠一瓢俱可託  
涇陽城外檜杉風

寄繆庚先

碧水溪流萬樹春牽衣稚子解留賓三千年後桃花謝

韋岳集卷十二

只有漁郎是故人

邢臺道中

邢侯臺下去匆匆寶劍秋橫萬里風獨上戍樓吹鐵笛  
一行疎柳夕陽中

盧生廟二首

裊裊炊烟野店風雲隨鶴去太匆匆蓬萊水淺須臾事  
只恐盧生憶夢中

一枕遊仙夢不成可憐雞犬盡飛鳴青驢日暮嘶衰草  
重向邯鄲道上行

題黃石僑所藏蔣閣學畫二首

西谷先生忠孝家承明下直拓窗紗高人自具神仙骨  
淡墨能開富貴花

黃筌名筆近誰如何事收藏潑墨餘恰似鬚蘇與顛米  
相逢更換酒間書

中秋夜泊柳葉廟

保州城郭采雲邊城裏歌鐘到客船柳葉廟前深樹月  
中秋曾照一人眠

雪中口號三首

藍關雪花六出浮飛來只在田陌頭草根小鳥昨夜去  
愁殺欄竿烏犍牛

韋岳集卷十二

村南幼婦刈長楚村北小男無短襦惟有東家狂老子  
閉門不出呼朱朱

白花原頭深打壘上田下田一尺強氓蚩莫謂豐年瑞  
終覺暄和讓太陽

定州懷王子謝

定州城外昔分携一騎重來望轉迷茅店雞聲鄉夢遠  
明朝更在定州西

漳沱河

一戰昆陽入舊都漢官全勝執金吾漳沱河上層冰合  
始信人間赤伏符



寄朱珣叔二首

春來詞客太昏騰，醉裏題詩歷坐朋。可惜西川杜工部，

不知花落最高層。

客來猶昨日，花落最高層。叔海棠花下宴集句也。

曾與名花有後期，重來恐復髮如絲。年年三月應惆悵，

更把朱生五字詩。

望太華三首

攜手東南大雅才。

謂稼翁。

此行直看華山來，浮雲莫遣漫

天勢不放青蓮一朵開。

三峯五峯都在空，回頭豁達大河通。山腰枉費千尋鍊，

豈得吹人無好風。

老缶集卷十二

五

平原里外近黃昏，有客驅車夜叩門。玉女笑人塵滿髻，

雲中借取洗頭盆。

發西安

十里平林烟草齊，半山斜日錦雞啼。梅花江外無消息，

渭水東流客向西。

金盤坡

西來曲磴似螺蟠，楊柳風微送薄寒。策馬金盤坡外路，

一峯晴雪四圍看。

邠州懷先師文公

青山如畫柳如絲，造化文翁有舊碑。淪落天涯門弟子，

邠州城外立多時

河水

河水悠悠遶大荒，入關迢遞出關長。可憐不及征夫淚，

漫道秋來憶故鄉。

秦箏曲

香爐爐灰裏，箏烟晚粧欲卸。未成眠，不知花外人惆悵，

撥盡秦箏十四絃。

送客

黃雲城郭古涼州，班馬聲中送客愁。萬里西風相望遠，

明朝獨上最高樓。

老缶集卷十二

未

題畫三首

兩船相並波鄰鄰，一翁上岸前山春。落花落在布帘下，

沽酒歸來醉殺人。

漁郎家住桃花村，春水發時流到門。波底青山浮不住，

孤舟繫在綠楊根。

鳳林關外雪花殘，呵凍題詩下筆難。閒殺白鷗霜滿髻，

江村只在畫圖看。

寄葛敬夫

八水爭流遶帝京，夢中消息未分明。北園葵長萋萋日，

最憶多才陸士衡。

孤樹

孤樹移根到處栽一年辛苦掃蒼苔無端啼鳥高枝上  
仍看繁花別院開

青嵐山寄朱稼翁

春來聯騎上蘭州沽酒殊非汗漫遊尚有青嵐山色在  
行人一去一勾留

登臺

雲中倚棹雪中鞍親送仙翁上翠巒城裏曾臺三十級  
南山只隔女牆看

感春

龍岳集卷十二

七

燕翦驚梭太恹恹一年春事費商量女蘿傾倒懸松上  
不放風前艾納香

題畫

蜻蛉蟋蟀競春秋黃鳥花間語未休唯有鸚鵡拳一足  
滿天風雨白蘋洲

寄楊分玉

杜公祠下藕花香點筆題詩寄草堂忽憶故人天際去  
他時秋雨更淒涼

小遊仙四首

紫府仙人雙髻髮青龍輪却賭棋還雲中閒卷春風袖

笑看郭西樵上山

可是仙家是道家不隨鸚鵡去天涯神方偷得無人寫  
落盡溪頭巨勝花

黃竹歌殘尚有情寄書乞與藥長生天風吹汝不歸去  
十二瑤臺空月明

坐殺重樓自在身何曾海上肯揚塵岱輿員嶠都淪沒  
不問當時把釣人

咏史

星斗參差五夜風歸來貂錦盡三公豈知奏罷釣天樂  
只有君王在夢中

龍岳集卷十二

六

題畫四首

金縷拋殘各愴神賦才詩筆總沈淪天風冉冉吹微步  
只有紅絲綰髻人

一抹遙峯寫翠鬟何曾海上有蓬山瑤田本是仙人種  
摘着青芝莫放閒

螺髻仙人赤雙腳蹒跚偏名山采靈藥洞府歸來不染塵  
門前流盡千年瀑

石徑幽花不肯開采香何事獨徘徊儂家只在水東畔  
手執懿筐歸去來

新竹二首

雨過階前草色肥  
徑泥初迸綠龍飛  
先生一枕軒窗下  
卷起疎簾綠滿衣

渭水春風自在生  
湘江明月最無情  
千尋十丈尋常事  
留得蕭蕭暮雨聲

題友人小照

最憶平常水竹居  
家山風物近何如  
一邱一壑垂垂老  
誰識風流謝幼輿

題壽鍾爐

怒張鬚髯氣似雲  
兒童入手亂紛紛  
符師新買雞毛筆  
費盡丹砂只爲君

龍岳集卷十二

无

渡河懷朱稼翁

一劍雌雄尚未分  
昔年悲咤足凌雲  
無邊落木長城下  
兩渡黃河不共君

題趙松雪天冠山詩後

樂遊原上近黃昏  
天半青螺影尙存  
解向名山題斷句  
風流只有趙王孫

城東

跳上荷花葑草田  
回頭作客已三年  
清流瀟灑城東路  
只少吳江赤馬船

杜陵

杜陵寒食草如烟  
行客傷心欲暮天  
馬上琵琶渾不似  
春風零落十三絃

送佟大剛娶婦還京師

玉笙聲裏却辭秦  
一路雲山著意新  
頻語驪駒莫高唱  
客窗辛苦畫眉人

哭陳于野

落拓江湖二十年  
每逢陰雨一凄然  
平生只有陳無已  
今日題詩哭此賢

題徐周尹小照二首

紫葡萄釀倒春鐔  
灑筆旗亭分外酣  
老去風情零落盡  
龍岳集卷十二

无

蘆花楓樹滿江南

池上芙蓉老結鄰  
苦磯一片淨無塵  
都從泥土重相見  
不及蕭蕭畫裏人

柳村二首

大姑門前楊柳春  
小姑窗下柳花新  
年年只在柳村住  
描得蛾眉勝別人

秋光老去柳千條  
瘦盡羊家舞伎腰  
檀板金樽渾忘却

江南春水綠平橋

蓮子頃

水村四面碧田田  
魚戲中央絕可憐  
付與江南女兒曲

月明齊出采蓮船

白溝河

歷歷高山與大川重來草木更蕭然  
渾河流水無清照不見行人雪滿顛

贈楚漁翁

蒲葦溟溟埽暮烟湖頭湖底蔚藍天  
漁翁一棹滄浪曲深夜歸來月滿船

中秋後一夕題

撥盡爐灰夜向闌碧雲天遠夢初殘  
霓裳法曲無消息獨立西風玉珮寒

元缶集卷十二

三

元缶集卷十二終

元缶集十二卷

浙江巡撫  
採進本

國朝李宗渭撰宗渭字秦川嘉興人康熙癸巳舉人  
初於康熙丁亥自編其詩爲元缶集三卷後又有  
永懷集一卷附刻以行宗渭歿後其婿高衡乃哀  
其遺詩編爲樂府一卷古體九卷近體二卷仍以  
元缶爲名從其初稱也其詩古體多於近體五言  
多於七言大旨以漢魏六朝唐人爲法而不肯爲  
宋元之格故字句率有古意昔人論林鴻之詩如  
唐摹晉帖者其庶幾乎

空明子詩集十卷文集二卷  
雜錄一卷詩集又八卷文  
集又六卷詩餘二卷

〔清〕張榮撰

華東師範大學圖書館藏清康熙刻空

明子全集本

附《四庫全書總目·空明子詩  
集十卷又八卷文集六卷又二  
卷雜錄一卷詩餘一卷》提要

參訂諸子自康熙甲寅年起至康熙庚子年止中間請益者甚多不及備載

同學先後進姓氏

王光承 號右松江

潘衫黼 奉江上海

陸慶臻 集生青浦

田茂遇 署潤青浦

計南陽 子山婁縣

吳騏 日千華亭

沈白 天庸上洋

沈楫 弘濟婁村

朱昂 品方松江

符兆昌 匡世浙江

吳光睿 念虛茸城

趙炎 雙白福建

貢琛 雲蒼毘陵

吳三省 旦清谷水

董德其 號吧嘉定

陳嘉璧 石城華亭

施麟瑞 晉谷練川

俞楷 補亭泰州

金維寧 德藩婁村

錢守中 遠亭吳江

錢栢齡 介維古浦

儲大文 六雅宜興

王鑄 虛亭上海

沈世求 方陶松陵

鈕滄 星濤崇明

華希閔 豫原無錫

曹鑑臨 照如華亭

吳本周 岐源高淳

倪典學 茂苑山陽

焦表嘉 廣期婁縣

洪力行 秋田新安

陳于堂 通仙維揚

楊嵩年 蘭陵安慶

趙和 柳介華亭

唐時琳 宸枚上洋

潘謙光 蓉城蘇州

顧之珩 湘九古婁

顧成天 良哉上海

楊孝元 介公晉陵

朱奕恂 公季長洲

陳言章	含美谷陽	江日安	又安旌德
邵曾訓	東吳梁溪	唐德威	佑一崑山
楊大綸	右玉錫山	李如泌	節場五茸
懷鼎吉	鏡清長谷	鍾吳來	豫凡谷水
朱吳驥	北才申浦	凌顧榮	采南金山
李肇夏	西開虬江	王澄	印川筠溪
岑巖	青岩南陽	朱稔	秉士桐溪
陳禎	麟書曲港	季駿	克紹南村
儲思淳	定伯荆溪	吳文煒	赤霞嶺州
鈕僅	少叔崇川	章德驥	良遠婁村
門人姓氏			
黃熊徵	如九瀛州	宋斗山	又韓古瀛
劉萃乾	君一長沙	楊遠	乾初堡壘
李杜詩	號聯崇明	吳鈞	克先龍沙
吳洽	兩洲東洲	沈三鶴	漂山崇川
陸璋	柳岸華亭	朱文霽	兩蒼新安
宋渭	翊周東海	沈佶	既閑洪勳
邵之鵬	上九無錫	宋渤	王谷姑蘇
顧瑞麟	以德練川	唐奕琦	蘊奇崑山
倪藩	丈九仙景	宋智	覺亭瀛海
沈偉	景韓吳縣	楊潮觀	志萬梁溪
同宗先後進			

若義	帶三婁村	淵懿	硯銘青浦
錫懌	弘軒上洋	彥之	洸侯雲間
守	子毅華亭	永澄	梅岩谷水
錢	蓮園泡漬	豫章	寄亭青浦
永申	月峯上海	永銓	賓門申江
雲章	樓村嘉定	御衣	鐵岡壽春
鍾岳	翰申宜興	榮源	子素松江
京鑑	建安茸城	昂	長史金山
異姓至戚姓氏		宋延樸	文樞華亭
吳文炎	勤庵大興	陸龍文	雲章上海
周彛	策銘婁村	三	
蔡錫蕃	號明松江	趙翰	雲垂金山
戴宣	著江新安	茶	補三
本宗同祖父兄弟子姪		梁	退谷
蔡	蘇山	果	奕山
維煦	和叔	勳	書竹
蔡崇	南映	應龍	魯平
煜	吳雲	師實	介山
照	得天	煜	伊章
兆熊	延年六齡校字	夢徵	謝東
		光培	雲耕

續刊參訂姓氏

王原	西亭青浦	劉昆潛	宜興江西
郭嗣齡	引年揚州	孫鉉	思九青溪
周大璋	華峰桐城	馮祚泰	粹中涇州
胡淙	無波紹興	唐聲傳	廷一申江
陸柱	石公華亭	潘淑旂	觀章浥城
李九章	芳谷金山	朱霞	初晴妻村
朱之樸	東郊海上	徐翊欽	一華亭
馮敦忠	晚吾西村	周鼎	軒三妻縣
姚弘啓	藥巖華亭	王世樞	斗初練川
童元焯	瑩川上海	朱柱	國士古妻
陳璜	潛人金山	蔣培穀	詒久松江
王延年	介巷錢塘	姚廷謙	平山華亭
蔡隱修	景正谷水	趙宏烈	潤川葦城
印光任	龍昌吳淞	陸大經	用正崇川
周孫錦	念哉嘉定	滕鑑周	思兼桂溪

空明子全集參訂姓氏

空明子全集總目 通共一千一百冊頁

第一冊 共八十一頁	參訂姓氏四頁	總目四頁
張序二頁	錢序二頁	
焦題詞一頁	自序二頁	
詩目錄十八頁	樂府十五頁	
五言古詩十六頁	七言古詩十七頁	
第二冊 共六十二頁		
五言絕句九頁	七言絕句十八頁	
五言律詩十四頁	七言律詩二十一頁	
第三冊 共六十七頁		
七言律詩二十頁	七言律詩二十頁	
七言律詩二十六頁	李跋一頁	
第四冊 共七十四頁		
李序一頁	符序二頁	
文目錄一頁	文集上卷二十五頁	
文集下卷二十一頁	雜錄目錄一頁	
雜錄十頁	朱後序二頁	
鍾後序一頁		
第五冊 共六十五頁		
李序二頁	吳序一頁	
俞題詞一頁	懷題詞一頁	

詩目錄九頁	四言古詩五頁
五言古詩十頁	七言古詩十一頁
五言絕句八頁	七言絕句九頁
五言律詩八頁	
第六冊 共七十一頁	
七言律詩十八頁	七言律詩十八頁
文目錄三頁	文一卷十七頁
文二卷十五頁	
第七冊 共七十一頁	
文三卷十八頁	文四卷十八頁
文五卷十六頁	文六卷十七頁
王跋一頁	張後序一頁
第八冊 共七十三頁	
李詩餘題詞一頁	詩餘目錄二頁
詩餘上卷十五頁	詩餘下卷十九頁
朱後序一頁	李後序一頁
附華氏挹青軒稿	
挹青軒序二頁	目錄三頁
詩十頁	詩餘十四頁
自怡錄四頁	空明子後序一頁
第九冊 共六十二頁	
張題詞一頁	陳題詞一頁

張序二頁	顧題詞三頁
陸題辭一頁	詩目錄十二頁
五言古詩十頁	七言古詩十三頁
五言絕句九頁	七言絕句十頁
第十冊 共六十四頁	
五言律詩九頁	七言律詩十八頁
七言律詩十八頁	七言律詩十九頁
第十一冊 共七十八頁	
文目錄一頁	文上卷二十五頁
文下卷二十五頁	雜錄目錄二頁
雜錄二十三頁	焦顧題詞二頁
第十二冊 共八十頁	
李序二頁	凌序二頁
茸城賦註二十九頁	張後序一頁
附崇川節孝錄	
自序一頁	吳序二頁
貞女傳三頁	節婦上卷七頁
節婦下卷十三頁	已故節婦一卷二頁
外縣節婦一卷二頁	獨行錄一卷三頁
沈後序二頁	楊手奏二頁
崇川歸里贈言七頁	輿情公祝一頁
顧題辭一頁	



第十三冊 共六十四頁

王沈徐三序六頁 詩目錄十二頁

四言古詩五頁 五言古詩八頁

七言古詩十五頁 五言絕句七頁

七言絕句十一頁

第十四冊 共六十三頁

五言律詩七頁 七言律詩二十頁

七言律詩二十頁 諸子贈言十六頁

第十五冊 共七十三頁

文目錄一頁 文上卷二十二頁

文下卷二十二頁 燕居筆記二十八頁

室明子全集總目

第十六冊 共七十五頁

偶吟雜稿詩四頁 雜錄目錄二頁

雜錄四十一頁 清河私志十五頁

附補刊亡兒允諧年譜

年譜三頁 哀挽諸君姓氏一頁

朱傳二頁 顧誅二頁

挽章跋語五頁

空明子詩集序

空明子居雲間與予同姓年少於予呼余爲兄先是數年之其家見之知其志甚高趣甚遠其學進而不已又知其能詩而未之見也今年三月余復過之聽其言塵壘乎仁義之途將居之由之以懲世趨而返之正其於處家經國之宜講之既熟行且守其道而不變也余爲歛衽者久之蓋余之所能言者止此而空明子皆先我而昭昭矣如是雖其文詞之未盡工余方欽挹之不暇而況其爲詩古今之體累千萬言屢出而屢驚余乎夫其得之天者有超軼之姿取之學者無運用之迹時而青蓮則跌宕橫逸時而昌谷則奇恣詭詭屈時而樂天則

空明子詩集序

從容諷道曲暢敷陳時而義山致堯則又柔情綽約藻彩綺麗要皆一發於情之不容已才之所必達未嘗規規於形模如脫槩而出之所以卒成其爲空明子之詩也其曰空明子者蓋以爲不空則不明不明則不能自鑒以鑒物不能自鑒則已之善惡混不能鑒物則人之善惡尤混昏昏擾擾何以爲作詩之端原又何以別其體裁辨其聲律畢照其妍媸巧拙也哉空明子之心猶鏡之不受塵也水之不受撓也處貴盛之族非唯不溺於利慾晚而律身益嚴待人益恕以禮防範其宗人歸然爲鄉邦之矜式焉蓋其同祖兄弟十一人兄弟之子若干人自少宰公顯貴以來迄今次第登朝及接踵科

第者復六七人空明子皆贈以言而望之以賢人君子德成而名立者懇懇而切至自教其子則年十五六有聖童之目而天一旦奪之其哭之以詩雖不免感激怨懟卒能抑情而制之以禮嗟乎嗟乎如空明子者詩不患其無傳子不患其無繼是年十月某得一子第不知天將老其才以有用耶抑竟委而置之不問耶此余之不能無感者故因論其詩而并及之空明子名榮字景桓爲之序者嘉定宗人樸村子雲章康熙五十三年季夏日也

# 卷一

## 空明先生詩集序

甚矣哉余於空明子之爲詩而益歎詩本性情爲道所寓非徒藝文之末已也世之爲詩者孰不思追踪古人極意摹倣於是殫精苦吟辨其家數究其指歸務擬議以成變化謂必如是以爲詩庶幾其有得空明子讀破萬卷胸羅三才夫豈不能出此顧其爲詩則若無意於爲之者然無意於爲之而往往有專務爲之者所不能道抑獨何歟空明子若曰吾詩也乎哉吾志也吾以言吾志而猶及步趨成蹊乎哉彼漢魏六朝四唐兩宋之人亦不過自言其志耳豈亦有所則倣乎哉其平昔持論若是是以天機流露日異月新與會所觸聲律隨之於遊覽則有詩於讌集則有詩於酬贈則有詩於感今懷古則有詩於柔情燕婉則有詩於悲悼哀傷則有詩其間如漢魏之樸雅六朝之明秀唐韓杜之深厚韋柳之清蒼西崑諸公之豔冶以及宋歐梅之高潔蘇長公之奔逸而自然蓋無乎不有而要不得以一家名之此空明子之爲詩適自其空明中得來非下根人可思議其以空明自號而即以空明名其集有以也嘗謂人惟愚不能空空則未有不明者此儒者之虛靈異於禪宗之寂滅老氏所云虛其心實其腹亦正此意以此言詩道乎藝乎當必有辨之者矣時當盛夏炎燭困人空明子謬謂余知詩而以其集惠讀讀之而涼生肘後亦頗

覺心地湛然咄哉空明不且引人入勝哉余雖不知詩而有以知空明子之爲詩不可僅以詩求之也因述鄙見如此而贅數言以歸之試問空明子其亦以余爲知言也夫澹清錢柏齡識

空明集題辭

詞賦居然二陸流山川清淑繼前修琳琅觸手欣開卷  
玄晏高文在上頭

誠知滄海難爲水底事今朝嚇殺儂一寸蹄涔渾醮磨  
不堪隨例與朝宗

愛從碧海掣鯨魚大手驚才實起予天物由來不可暴  
細微抉摘義何如

一生襟抱含風月縱有微辭莫謾詆羅襪錦鞵情種在  
是身擦得陶泥犁

滿架牙籤問欲磨五車讀盡鬼猶憎道人虛室能生白  
一點空明是上寮

集中有書稱竟一條今用其語意

絕憐錦瑟欄年華陽焱生涯劇可嗟句法心王期三復  
夢中江管是空花

空明先生以大集惠教賦六截句報之錄呈卽政南浦  
晚生焦袁素拜艸

空明子自序

古人云太上立德其次立功立言又次之雖然立言烏足道哉憶予童時攻苦十年得咯血疾幾至不起後病痊補弟子員隨例入場辛酉科文已入彀爲有力者擠排遂置落卷然自安義命初無怨尤又數年影響寂然自愧學力未充求之已者益切既而接見大人先生望之儼然其胸中必有迥異乎尋常者予默然侍坐不敢措一辭因聽其言其言如是閱其文其文如是觀其行其行又如是不覺爽然自失曰宜乎我輩之終貧且賤也嗣後雖奔走名場者又二十年然此時已絕進取之志矣顧我有言終不以告人我有文終不以示人我有

空明子集自序

一

行終不求知于人謝絕交游杜門守拙無如所遇益困所遭益苦差喜任道頗力百折不回除讀十三經廿一史外凡秦漢以下諸子文集遍覓披覽以消磨歲月暇則握管著述共得古文雜作六百餘首詩三萬餘首詩餘一千五百餘首歌謠三百餘首四書經文三千餘首甲午年偶爲檢出託故人子朱式士爲我俱付祖龍僅存三十分之一適漢瞻兄號模村到舍極爲激賞力贊授梓逡巡未果乙未春漢瞻被召史館特來促之者至再不得已付之梨棗撫心自問無論文辭之未能工即工矣又何益之有况年近六旬江花日落所愧者德有未立行有未修此則予之所爲兢兢勉勉者也康熙五

十五年丙申首春上元日空明子自題於拳石山房

空明子集自序

二

空明子詩集目錄

卷一樂府

出門行

結交行

俠客行

夫遠征

田家詞

憶遠曲

君馬黃

織婦詞

對酒

禍福相倚曲

長歌行

臨高臺

行路難

木蘭歌

烏夜啼

江南曲

三月歌

折楊柳

空明子詩集目錄

落花落

悲哉行

短歌行

少年行

古別離

門有車馬客

放歌行

烏棲曲

長相思

相逢行

妾薄命

有所思

今別離

娼婦行

息交行

村社堂辭

游仙曲

兩曜歌

苦寒行

羅漢松歌

登樓歌

將進酒

懷俞廣文先生

卷二五言古詩

擬古

花生日篇

寶林菴風雨

寒食歌

登斗母閣望潘氏樂壽堂湖山有作

元夕

郊行

咏諸葛武侯

春閨夜月

隱居

和陶飲酒二首

雜感

秋成風雨歎

雜詩

小齋卽席得秀字

謝亦山齋卽席得樹字

贈慕庭大兄

贈芳園二兄

贈蓋修三先兄

空明子詩集目錄

贈雅臨四兄

贈端辰五先兄

自贈

贈齊軾七弟

贈茹英八弟

贈退谷九弟

贈和叔十弟

贈奕山十一弟

示壩兒

毒熱

訪友

哭壩兒

決絕詞

喪子篇

節哀

憶亡兒

接茹英八弟家報

獨坐

答八弟書兼道鄙意

閉戶

對月

集姚欽六家山堂丙舍

舟中念兆熊

玩月

自嘲

虎丘作

醉後吟

吳閭懷古

狂吟

過余山

遊周氏園亭

濟川

和俞楠亭謝條友餉紫薑黃雀原韻

芙蓉閣小飲對花述懷

吳淞江舟次

冬蘭行

卷三七言古詩

附五言排律八首

七言排律一首

贈上洋曹先生

春江引祝潘春江壽

小赤壁歌

送書行

空明子詩集目錄

三

醉贈酒顛

月牙池種菜老僧歌

贈練川甘生

醉歌行

春日訪愚山上人

九峰煙雨

留侯歌

雲墳歌

德安變

答梅亭牡丹篇

清明日經徐御史墓

答果山大師

悼子

懊惱篇

亡兒見道頗早得夫子朝聞夕死之義爰作是詩

招魂二首

題振秀堂壁

出世想

次朱秉士西賓留別韻

題沈瑤田梅花小照

十月十八日見龍挂

山塘夜泊

棲隱

守寂

庭前木芙蓉

人爲貴

放言

和俞楠亭復雪原韻

柳塘秋月

招隱

樂道

泛舟卽事

蟋蟀

五色鳳儂花

南映姪新居後復建倉房落成志喜

秋日小金山對月

九日偕同社諸子泛泖因登橫雲山暨小赤壁

卷四五言絕句

附六言絕句五首

空明子詩集目錄

四

游仙詩二首

夢中作八首

謁先祖贈少宰鄉賢從周公祠

看南柯劇有感

坐隱

晚遊僧院

客館

秋閨

侍家藏東臯公作

九日十首

謁先伯父筠齋公祠

拜先叔父有芑公墓

送曼園大兄還朝

春日寶林菴作八首

丙子南映姪南閩報捷

綠字十首

壬午和叔奕山同榜

塞上曲

江邊獨立

丙戌南映補戶部員外

寒字十首

丁亥八弟補刑部主政一過吳江二首

戊子巳丑得天姪聯捷 庚寅南映姪之任桂林

夏日雜咏四首 贈普姪孫

癸巳開科吳霽姪報捷 送姪壻吳麟章還朝

接表姪周策銘手札 癸巳會試奕山弟中式

渡吳松江二首 送魯亭姪入都應試

歸舟二首 贈介山姪

甲午鶴來姪北閭報捷 十月十三日作

得子日作 入祠拜先伯母先母作

贈伊章姪 三巧三首

贈孟昭姪 立志

空明子詩集目錄

結廬 望江

贈陳映谿甥

對荷花 看浮萍有感

醉遊 月上

把盞

卷五七言絕句

月下論文 春日

池上有悟 封門晚泊

鄧尉梅 先福望月

靈巖偶得一截句 放鶴亭

千尺雪 法螺庵

天平山 秋日拈上平十五韻

冬日拈下平十五韻 宮詞

江邊有感 小山看桂二首

歲朝偶題 憂旱詞五首

枯坐二首 小齋即席得芝字二首

依成齋即席得玉字 馬上口占

雜感十首 杏花下四首

舟行四首 春服

否花 柳枝詞二首

渡江 土孩

舟次雨中望佘山 一春

空明子詩集目錄

把釣 郊外

玉蘭花 牡丹無花志感

無題二首 桃花

小齋 江頭

四十 餘生

西湖別 逢柳怨壬午年作

花下口占 對酒有感

愁 可憐

有感 九弟將築別業五首

咏茉莉花二首 朝杏二首

予既喪子後忽來不入耳之言因作一絕應之

互人國以白玉為城鬼不敢入有感而作

黃父以鬼為飯 宗定伯賣鬼

人鬼相觸 黎丘鬼

不及四首 海棠

牡丹 虎丘八月十三夜步月

憶四郎 登玉峰

和陸星聚豆腐詩 尋春

半塘舟中戲贈包孝廉 姑蘇城中

虎丘後山作 人間樂

見黑鬚重出作 纔見

七夕詞 七拙詩七首

和俞楠亭署中苦雨坐蕉園韻二首 七

和俞楠亭八月風潮庭前芭蕉楚楚可憐五首

自悔 嘲蠹魚

卷六五言律詩 訪古木堂禪師不值

日出 八月朔泛舟八曲

月下再過月牙池 戲用溪西雞齊啼五韻

重陽後泛舟峰泖間 馮御史墓

挽家帶三先生 春分

偶步 謁邑廟

花朝 過春申江

過積善寺

重過春申江 訪杲如師

晚眺 簡盛晉人

寧國寺 道士

過韋馱菴 過清河菴

夜泊周浦塘 和朱品方拈花菴卽事

詠虞美人花二首 初登海塘晚眺三首

碧湘施校書 吾廬四首

舟中 石埭道中

當暑 步四兄避暑原韻三首

湖上作 春日

唯亭 次楊下人潛籟軒韻

登太湖莫釐峰作 姚欽六齋宴集得山字

登佘山 題春風玉樹閣

春日 詠陳朝雙檜

春色 美人汲井

當暑小飲三首 舟中

江南好 綠牡丹

卽事 庭桂

松風 自傷

獨坐桂樹下 當暑二首

燈下 讀史有感

螢火 山徑荷花



小赤壁

橫雲閒眺

返棹訪王道人

次姚渭公韻五首

春郊同岑青岳散步

渡浦

江上梅花

過青浦

大水數二首

送表姪陸雲章遊楚

聽琴

和岑青岳一雨作

放榜後爲陸輝崖賦

題家廣陵小照

真如大寺

浮雲

舟過崑山

鍾賈山雜感

早發吳門

玉峰

把釣

詩窮

室明子詩集目錄

九

和俞楠亭暑中舟行樸樹灣過王氏山莊韻

和詠楠亭韻

和俞楠亭看菊

兆熊期歲偶筆

消暑

刺艇

參道

自得

卷七言律詩

春興六首

西湖次陳含美韻八首

白燕

先祖崇祀鄉賢

詠大將戲限同音五字

贈懷鏡亭

雨中蘭藥並放

丹鳳樓遠眺

月下望海

黃蛺蝶

贈性肩錢鍊師

贈高純一道士

贈錢樂山道人

微香閣

端陽後舟發秀州塘

舟次北新關戲題

登湖心亭

謁岳武穆祠

段家橋步至十錦塘

武林歸棹

煙雨樓

偶成

次朱萼江見寄原韻

將有白門之行漫賦

瓶荷限韻二首

同陳石城高文越小飲

梅花

索頭桃花

訪王珍石

懷沈弘濟

貧女吟爲吳日千賦

懷田孝廉

室明子詩集目錄

十

贈宗兄洮侯

花生日夢俞日如作

花朝憶董瞻北

同沈騶士會飲賦贈

喜接柳介含美敘話

敝裘

舊履

漫興同陳麟書賦二首

梅花

卽席次畫菜原韻十首

九弟留飲賦得紫牡丹次悔亭韻

立夏前舟過九峰道中

渡金鷄湖

吳淞江晚泊有感

寒山弔趙凡夫

華山亭子

登蓮花峰

天平山謁范丞相祠

望靈巖

月下泊半塘

坐千人石

遇黠

弔徐立齋先生

訪練川沈天庸於九蓮精舍忽動尋梅之興

訪陳含美吟室

訪蔣漢襄

郊行

閒感

月牙池

繡毬花

蜀葵

次世修舊咏原韻四首

漫成

晦夜訪計子山讀書處

憶練川符匡世

寄上洋盛晉人

贈沈遠照

贈趙二火

贈蔣旦宅

贈吳念廬

贈程鍊師

雨中宴集

空明子詩集目錄

士

九日宴集二首

丁丑歲暮雜感七首

齋前新植花木十首

嘉平望夜

示壩子用香山西湖韻

抱燕兒用香山味道韻

哀吟

贈友

憶金星槎

卷八七言律詩

花前卽席限韻

過三天竺

遊東塢朱買臣墓

春郊偶步有感

見白鴨

登元妙觀彌羅閣

支硎山

望震澤

趙屯橋

晉惠橋漫興

燕

午日

姚渭公見訪擬卽往答索閱詩稿

喜與翁馭臣坐話

賦送慕庭大兄北上

賦送芳園二兄

結廬

夜坐

放言十首

愁坐

小除夕三首

寄盛晉人

希聖

除夕

元旦

許九尊舅痘瘍

人日

柳湖春濤

咏雪美女

山茶

唐春江見招不赴賦謝

空明子詩集目錄

士

自詠二首

幽居

教兒

上元日喜晴

招陳吟室小飲

閒吟

春日閒吟

課兒有感二首

郊望

呈端臣姻家兼寄含美

戲爲墨字體

閨怨五首

雨中承許端臣訂賞海棠有感而作

咏海棠花

赴端臣宴後復惠海棠

自歎

初秋夜坐四首

自傷

小女病殤四首

喜接諸同人小飲二首

上元夜登樓

步訪岑特詔復領小酌兼聽竹鷄歸而漫賦

戲為青岩家鳳池作 江上作

九峰積雪 梅

哭許端臣姻家 隣家劣犬

再哭端臣 玉蝶梅

見金犢 閒步

紅梅 綠萼梅

用穎川事贈舍美 對客書懷

散步 獨坐

竹鷄 杏花

擬村居二首 九峰積雪

公子家 無題八首

春色 愁落梅

草蘭 過古墓

坐愁 送朱奇輝入京

訪陳舍美不遇 見落梅

雨後晨起見梅花無恙 憶橫雲梅花

卷九七言律詩

貴公子二首 隋堤

偶題 梅殘

半生 即景十首

懷賓門宗兄 吟室賞綠萼梅三首

乍晴 申浦阻風

浦南獨步 雨窗寄鏡潭

書懷 見桃花二首

泛艇 新燕

贈趙柳介 招二火柳介鏡潭二首

贈問俗亭上人 綠牡丹

卽景 牡丹乍試一花四首

歲暮有感四首 十一日喜晴

立春前一日 春愁

索居 春宵花下口占

長歌當哭 花生日

夏日偶書 獨坐賦貧士吟

對雨 期客至

卧餘 夜坐苦雨

荷花 贈樸村大兄

題舍美令祖先生吟室 憶得

無題六首 卽事

漫興 和朱秉士客樓寓目作

雨窗同趙柳介夜話 當暑

對梅花 海棠

春遊有感 春分日

渡浦 同友人郊行

尋春

海棠花

上巳日誕辰諸同人挾女郎偕至漫賦

海棠

宿醒

偶題

山行座有雲仙校書

謝依成齋中賞牡丹

苦雨

東同人

敝履

女紅

問字

禮佛

酣睡

曉窗

妝成

折花

中酒

夢中神女

畫上美人

空明子詩集目錄

五

舟行雜感二首

經故居作

扶七弟樞至余山四首

將葬內弟吳赤霞作

寄盛悔亭

白杜鵑花

泛艇

湖上

春陰

對花

杏花

寒食日吳淞江晚泊

贈唐餘年

卷十七言律詩

和柳介人日穀日二首

馭臣以蘭花見贈賦謝

耕虎歎

步冬日牡丹原韻三首

先壘新建丙舍併植松柏修石梁事竣瞻拜有作

贈岑青岩

贈懷世修二首

次韻旁皋韻

悼亡兒壘四首

內子吳孺人五十誕辰

招魂

顧旁皋贈詩期亡兒復來因祖其意以爲之二首

達生

夜坐四首

次隱能上人韻

次陳含美韻

和芳池自策兩禪師仲冬遊橫雲山聯句原韻

和岑青岩韻

浮生

送青岩遊包山

讀旁皋嶺南梅花集句

聽梵

元旦

立春日

同人見訪留飲紅毛酒

空明子詩集目錄

六

飲紅毛酒後一日作

自怡

夜起獨坐

江上

閒吟

咏紅毛酒

舟行三首

愁坐

歸家見海棠盛開

爲仁

郊行

對酒

醉眠

閏上巳五十初度二首

同內子小飲

諭徐妾

和叔奕山兩弟共成瞻族之舉喜而賦此

札寄都門弟姪屬以瞻族事有作

過西園訪和叔弟

客以文正見許愧謝

登細林山

卽事

客有以持籌握算文章伯說鬼談天道義人見贈者因成一噓書此奉酬

青溪道中

曉行

過玉峰

吳門卽事

中秋前二夜同諸子登虎丘作

舟中題白鷗

贈陳含美

隱公以菱見餉賦謝

中秋夜登城樓

九日同諸子飲菱村齋

接茹英南映瞻族報章

丁亥戊子連喪二子書此自慰兼以自嘲四首

葬貞孝王節婦

憶亡友百繡六

空明子詩集目錄

七

和桃源山莊詩二首

贈侯來英二首

閔王玠右贈先君壽言

和友人一片秋

挽趙柳介

挽朱秉士

渡鴛湖登煙雨樓

無題十首

萬妾有弄璋之兆志喜

贈內兼述懷

淚

笑

趙雪舫大甥念我年老無聊屢承見顧笑譚彌日

相契最深漫賦

無題

女史阿文經年澗別相對愴然感而賦此

靜女吟為陸星聚賦

贈李次鄰

和樸村渡柳見懷作

香櫟四首

生子偶筆二首

答吳滄雪朱會萬賀章

懷惠白上人

賦謝南映姪彌月稱慶

小齋喜共書竹與能渭占淑洙四姪及雲耕姪孫

閒敘有作

贈道士

訪於子來姻家不值

和俞楠亭癸巳閏五韻

和俞楠亭之任雲間時值午節因官舍秋隘家眷

不能久留韻

佛手柑

抱兒時忽見腮下新長黑鬚志喜

諭安萬氏

戲贈人參二首

酬鍾諒凡賀章

和蔣漢襄自壽詩

謝奕山弟賜兆熊冠履

樂道

空明子詩集目錄

八

新排十卷詩成寄陳含美李次鄰懷鏡亭

去歲甲午予年五十有六始得一男今乙未冬忽

聞瓜期漸近自笑頭白齒豁豈堪復作問世之

想但期抱子花間以咏歌太平足矣漫賦

劍津本係從子今繼歸高陽幼妹為嗣於我又有

甥舅之分矣作此勉之

答和李次鄰贈言原韻四首

答和鍾諒凡贈言原韻二首

朱耕方枉顧不值

自題四首

空明子詩集卷之一

練川兄樸村先生選

華亭張 榮景桓著

出門行

男兒豈合一無成擔簦躡屨酬平生禹跡茫茫未易徧  
搔首問天天不鷹丈夫出門無所戀出門未肯淚如霰  
縱有好花付東風怨粉愁紅顏色變人生自有真樂處  
豈羨雙棲梁上燕北走漁陽南走越非是飄零類花片  
開襟清風拂我懷賦成不勞狗監薦江海纔能當墨池  
五岳只堪磨作硯奇文何必六書外但恨古人不我見  
嗚呼出門酌酒向空奠出門不與羣雄戰願逢世外學  
道人時對青山好顏面

空明子詩集卷之一

結交行

聖人有大道貴在立志貞潔身處塵世詎敢誇獨醒  
道屈節苟富貴寧甘白首一無成人生亦易老結交不  
貴早門外狂風生青黃倏枯草但當對酒終日歌我輩  
真狂未易多清談不惜竟日坐仰視泰岱高我我世間  
麒麟豈數見千里負重輸橐駝

俠客行

古來大俠重名節縱有陰謀秘不泄此身親在未許人  
豈是保身學明哲固却千金非市名親死此情那忍絕  
出門仗劍報知己刺殺上卿如撲蟻賊人不惜還自屠  
灑盡平生一腔血丈夫詎肯藏頭尾累及旁人豈豪傑

仰天大呼屋瓦裂日色蒼黃水鳴咽賢哉姊氏真偉人  
向使貪生誰與雪山川萬古有推移高義邈邈終不滅  
丈夫作事懼不成事成又貴隱姓名切勿臨事徒草草  
身後又致瓜蔓生七首誤摘燕丹死令人千載羞荆卿

夫遠征

執手未忍別東髮從遠征一自結褵來寒暑疊變更匪  
不懷所私睠焉欲涕零丈夫同鹿豕何以酬平生絲絲  
白髮堂上親呱呱黃口懷內嬰俯仰之間如永訣淚染  
征衣變成血人生會合能幾時月不長圓長就缺煩言  
只恐傷姑心幾度欲言未敢說馬鳴蕭蕭風淅淅不是  
生離是死別我父從遠征經今廿餘載我兄從遠征而

空明子詩集卷之一

二

今復誰在同是遠征人能不貽後悔僕御爲我催親串  
不我罪但惜夫遠征三口將毋餒游絲網落花門外春  
如海衰草斷遙山黃沙迷古壘翡翠滅輝光鴛鴦戢文  
彩孤燈守房闌花枝羞蓓蕾膏沐豈爲容殘妝若有待  
龜勉念同心夢短魂驚駭遠征不必萬里外出門便覺  
顏色改

田家詞

天時不可必農事真勞瘁前歲少有秋相率望明歲舊  
歲又無成朝夕暗隨淚念彼東作興大有或可異于耜  
及舉趾豈敢論難易桔槔聲斷續刈穫無終息炎風熱  
蒸骨毒霧酸侵鼻夏日聚蚊雷冬天典絮被終歲拮据

且卒瘁不得婦子謀一醉前年賣女輸官租今歲無兒  
賣老特寒風蕭蕭入我屋飢欲生塵心轉悸繩牀半破  
兒夜啼輾轉通宵不能寐無田可耕且奈何身死又恐  
妻孥累豈無一日食萬錢問天茫茫竟何意積欠舊逋  
無可償朴責但憑執法吏入城造次問行人明日傳聞  
恩詔至

憶遠曲

東風脉脉來何遠門外落花春晚晚朝來女伴約踏青  
陌上花開歸緩緩良人結髮上河梁陡覺深閨別恨長  
古道馬蹄薄暮倦白沙浩浩悲風涼一從別後音問疎  
屋梁落月黯自傷女牆深夜聞烏啼銀缸無燭照空牀  
錦被徒堆金翡翠羅帷不捲繡鴛鴦挑燈無語且開卷  
對卷茫茫含淚眼淚流洗面隔遠人九轉迴腸何計遣  
凝眸旦晚望歸來灼灼花枝未敢剪

君馬黃

君馬黃我徒步相逢未敢輕迴顧腰裏如龍誇絕羣一  
鞭搖動珊瑚樹柳葉裝成七寶鞍踏徧杏園噴紅霧追  
風逐電不驚香幾度探花芳草渡驕嘶射獵若騰空紫  
燕桃花俱退步長驅金埒試新秋曾走章臺憐薄暮一  
朝上阪值霜濃與君蹉跌同朝露自憐徒步仍泰然黃  
平黃乎豈足數

織婦詞

空明子詩集卷之一

三

空明子詩集卷之一

四

織婦織綃何日已獨向窓前私自語夏日織綃汗浹膚  
冬日織綃僵十指良人遠出不即歸織出鴛鴦淚如雨  
舅姑堂上飢肥甘小姑房中厭羅綺梭梭織出許多愁  
絲絲愁緒縈心裏一人織綃供幾人一人性命能餘幾  
縱有寶釵不上髻一天風月涼於水人生年少有幾時  
嬌紅嫩綠當窓倚驚雷怒雨無停晷哭殺荒園桃共李  
韶顏皓齒度虛日自憐命薄差堪擬東家女兒看小姑  
花枝滿頭雙鳳履一段嬌癡看織綃笑看機頭顏色美  
小姑不解意模糊嫌道朝來織不多那知連年因水旱  
石壕長吏急追呼千絲萬縷忙忙織就織罷賣綃償官租  
形容枯槁弗復道誰能知我心如茶良人良人可奈何  
又說明年嫁小姑

對酒

日月能有幾天地亦劫灰對酒不肯飲徒爲達者哀富  
貴非所慕浮名何有哉我性本耿介羞與噲等儕惟有  
數君子惠然獨肯來矢口勿談朝與市陶然一醉樂千  
杯知已久弗作形迹醅酹何必待花開蓬徑草深門不  
掩分題刻燭據仙才上之堪與杜康李白結勝友豈藉  
玉堂金馬相追陪且痛飲莫疑猜一息不存卽夜臺請  
看南山北山堆白骨土花零落飛塵埃

禍福相倚曲

古來將相鮮令終飛鳥盡後藏良弓吁嗟白起數十戰

拓疆開宇誇英雄一朝不覺君心變賜死杜郵飲此劍  
對劍拜恩問使者丈夫性命何其賤使言將軍弗復論  
君王此舉實少恩仰天拊膺請追憶長平坑過無限人  
長歌行

九疑五嶽點青螺三江四海瀉白波曷不飲此白波饌  
此青螺但恨來日苦無多天地亦有缺陷處雙丸跳躍  
如擲梭青春倏忽衰蒲柳白駒駸駸隙中過嗚呼哀哉  
可奈何急急進此金叵羅小草豈乏向榮處笑彼附喬  
之女蘿一石一斗醉顏酡奈何無奈且長歌

臨高臺

臨高臺高臺盤盤何崔嵬五步一曲折十步一紆迴登

空明子詩集卷之一

五

高發長嘯淚落不勝哀豈無甲第入雲中豈無車馬轟  
如雷豈無貂蟬屬後塵豈無金紫相追陪一朝時移兼  
勢改九棘三槐歛精彩建牙忽屬上將軍演武堂前大  
於海金鞍寶馬得得來知是侯門舊僚窠沿溪綠岸插  
桃柳吹徧東風經幾載非必子孫果不賢此中自有真  
主宰已矣乎君不見紛紛城南遊冶子昨旦失足墮泥  
塗又不見北邙山上松梢月至今夜夜聞啼鳥我生茫  
茫大塊間曷不終日長醉伴樵蘇開襟脫幘坐臺上風  
嘯鸞吟屬酒徒

行路難

君不見六朝佳麗多宮闕變作寒煙漫殘月又不見五

陵衣馬結交新只今陌上剩飛塵人生出處會有因切  
弗虛此七尺身落花滿地鋪錦茵酒何妨取葛巾度  
此三萬六千春方與造化同無垠豈必矯情甘長貧庶  
幾樂志全我真非不欲南渡錢塘歷廣閩但恐含沙水  
弩多射人非不欲北走齊趙遊燕秦但恐山深虎豹藏  
荆榛請看名利塲中年少子蟬蛻之羽差自喜却似東  
風催桃李幾人能障東流水

木蘭歌

木蘭花倚牆東屈曲天矯如游龍直訝玉山當窻見何  
來瓊樹發春風庭內芝蘭堪作伴吁嗟往事俱成空我  
年四十頭半白對此花前心轉迫一年爛熳有幾時願

空明子詩集卷之二

六

托東皇好顏色枝幹疑同鐵石堅無瑕宛似連城璧豔  
桃嬌杏羞欲死奇葩肯被春寒勒把酒對花問花神莫  
是玉郎今暫請回首茫茫天地愁如晤當年舊相識我  
生也有涯而死也無涯此花開落尤堪嗟種花之人今  
在否當日安知此花之屬君家好為折取兩三枝贈我  
齋中伴月華斜風細雨應愁絕借取誰家繡幕遮

烏夜啼

烏夜啼烏夜啼啼入深閨最戚淒空房無人夜燈暗翳  
帷半捲殘月低繡衾如冰寒不寐一尊誰共冷玻璃烏  
啼啼烏莫啼縱使無心念遠人啼時易令魂魄迷

江南曲



江南女兒年十五生長深閨織組無端愛彼陌上花  
細數花枝半經雨自憐花貌勝花枝不知春色富窓午  
雨分團月盛香塵一抹遠山闌眉嫵桃花紅暈柳垂腰  
春風未許芳心鎖昨朝買得入侯門主人酷愛柘枝舞  
幾曲笙歌繞盡梁鶯黃巧轉羞鸚鵡滿堂粉黛無顏色  
婉轉掌上飄金縷鳳釵寶髻光照耀倦倚圍屏嬌欲暈  
特寵專房第一人舊日翔風誰敢伍淒涼別院靜於秋  
無限紛紛隨珠顆主恩自重妾身輕回首江南棄如土

三月歌

春風最好三月半桃花水漲白似練盡船簫鼓蔽江來  
五兩風輕落花片中有一人顏如玉妝成七寶黃金釧

李商隱詩集卷之十

七

濃豔不數崔氏鶯輕盈宛似趙家燕凝眸惆悵對落花  
化作香塵看不見可憐春光有幾許獨凭闌干淚盈面

折楊柳

折楊柳莫漫輕輕葦素手纖腰耐得好風吹長眉妬殺  
紅顏醜可憐青眼望天涯幾度少年成皓首一從張緒  
別靈和不復陶潛把杯酒折楊柳莫折青青三月後千  
絲萬縷繁人心剪水弄煙鎖谷口樓上凝眸易感春翠  
愧無人長獨守對此蕭蕭暮雨寒淚珠偷隨沾羅袖別  
離此際正關心執手河梁昏白晝折楊柳且折一枝君  
記否夜來莫望關山月羌笛一聲驚遠岫

落花落

窗外落花落花真寂寞一從社燕來幾度遮繡幕怨  
雨入波流迴颺上高閣惆悵粉痕銷更嫌柳線弱堤畔  
綠陰濃小山謝蘭藥不恨日月忙但恨東風惡青草憶  
王孫紅袖捲珠箔蜂蝶遠相過回首宛如昨滿眼落續  
紛春情何太薄鶯語似招魂游絲若聯絡誰能對此苦  
低回不如尊酒恣歡樂

悲哉行

嗚呼悲哉復悲哉天地否極終泰來人身原屬小天地  
頭白齒缺能弗哀玉門關銅雀臺千古英雄盡劫灰滔  
滔東去水未知何日同蛟宮無波雲影淡但聞鯨吼聲  
如雷春秋遞換年少老日月倏去同塵埃豈無雕龍手

李商隱詩集卷之十

八

倚馬才曳裾王公過九垓可憐徒讓侏儒飽首觸天門  
門不開屈平沉湘賈傅斥造物仇人何取裁伴食終須  
作相公此意令我生疑猜茶七椀酒千杯盧仝李白堪  
追陪騏驎不逢伯樂賞鹽車困老甘屯災悲哉悲哉弗  
復道至今浩歎同鶻駘

短歌行

自古皆有死誰能負青春駕言事遠遊荷插隨我輪尚  
論古來醉鄉人惟有劉伶全其真我生也晚不免和其  
光而同其塵上下幾千載奔走數萬里類然若失而數  
其流風餘韻為絕倫君不見陌上花堤邊柳與爾朱顏  
那可久不如一杯長在手毋使桃梗笑土偶遐觀造化

皆芻狗多少少年成白首回看一瞬柳生肘世間萬物亦烏有

### 少年行

少年弗復誇意氣請看夾岸桃和李吹盡狂風一百六影入澄江搖碧水游蜂浪蝶戲相逐花亦翩翩差自喜獨矜麗質闕三春羞殺紅顏併皓齒含煙伴月醉良宵照日弄晴誰得比無端雷雨徹夜來花片飄零嗟已矣可憐好夢未多時回首東風心欲死

### 古別離

古來命將慎選擇秦邦善用王翦言翦也料敵在必勝號令一出誰敢喧空國發卒六十萬旌旆無光日色淡

空明子詩集卷之一

九

征夫帶甲計日還洞房長夜銀缸燦誰肯飲愁眉相憐三歲兒傾此一尊酒欣欣話別離

### 門有車馬客

侯家甲第世無匹驚鵲爲瓦高千尺鎖鑰金蟾花覆門槐柳和人峙綺陌錦車寶馬聲如雷將軍堂上少揖客曳裾終日巧趨跼惟恐龍門被點額招搖豈惜作鷹犬少分光彩沾餘澤誰知冰山那可久君心有時易免冠解組身待罪獄吏一朝嚴督責巍巍綽楔好張羅但聞行路增歎惜請看昨日車馬客引身遠害如避射雕梁畫棟無顏色猶是侯家舊門宅

### 放歌行

天地一何隘人生天地中那得逃出兩儀外令我一旦豁心胸神奇臭腐曷足道蜂蟻聚散有窮兩九跳擲無停晷白衣蒼狗倏不同中間阨塞數拳石幾條衣帶長流東一品貴十萬鍾不癡不聾不作家翁安能混混沌沌轉輪大千之世界竟與造化同鴻蒙

### 烏棲曲

空庭樹矮烏欲棲風號月黑聞烏啼洞房寂寂烏聲咽獨守孤燈坐不滅支頤惆悵憶遠人人遠天涯音信絕信絕轉堪悲挑燈淚如絲花箋裁錦字憑雁贈君詩贈君詩君欲哭音慘悽難卒讀且讀且哭不成眠一聲鵲斷烏棲曲

空明子詩集卷之一

十

### 長相思

驅車上河梁觸物牽愁緒楊柳綠依依山川實修阻車彼薦與蘿寄托爰得所悵望念空閨空閨愁獨處魚雁香難憑曷以度寒暑翡翠踏晴枝驚鵲浴暖渚遲徊不覺涕洟瀾矯首天涯誰與語

### 相逢行

燕去雁來賓相逢話離別爾我雖同類性情各自別中斷惜離羣高飛本孤潔秋風愁落木蘆花白似雪對此冰霜夜引吭聲悽絕嬌婦泣孤燈遠戍笳鳴咽非敢誇耿介歲寒知勁節如君亦何求慣與花期結園林佳樹肥下上同百舌穿簾剪晴波每爲衆所悅越蝶更追蜂

母乃中太熱雖抱逢人技處堂恐机隍從此又睽違我亦守我拙明年中道倘相逢縱使相逢莫浪說

### 妾薄命

妾薄命鎖高樓折花枝插滿頭惱春色下簾鈎傍妝臺淚凝眸默不語轉離憂鶯燕懶蜂蝶羞旦晚問土一丘多少恨付東流

### 有所思

有所思思五柳閉門一著真高手白雲出岫本無心手板向人羞五斗琴書自有會心處社結廬山要可久東籬采菊愛晚節此意只堪長進酒長進酒為君歌人生真樂豈在多華亭鶴上蔡犬殷鑒昭昭去不遠急流勇

空明子詩集卷之一

士

退更何人共歎落花春事晚

### 今別離

爰彼桃李花又向春風開良人遠于役飛蓬積浮埃殘月照孤帷清夢生餘哀尺鯉杳難問雁書幾度猜年光疾若駛朱顏凋鏡臺凋鏡臺顏色改不測春愁大於海三尺孤墳封白骨待得郎歸誰復在

### 娼婦行

可憐生本良家子何為脂粉堆羅綺倚門賣笑惑陽城漫向東風鬪桃李翠眉低蹙壓春愁金鳳高挑踏香芷舞腰妬殺柳三眠歌聲遏雲誰復比夜夜尋郎去不歸紅粉朝朝醉綠蠅有時被冷獨焚香暮雨蕭蕭愁欲死

失身落節未知羞猶話當年顏色美自從一入娼婦門不與尋常講廉恥

### 息交行

已焉哉莫往來請決斷弗疑猜形既同槁木心亦似死灰精力日減漸衰憊鬚髮如雪白皚皚閉門真足樂貧賤不用哀試看三千大千之世界轉眼高車寶馬同塵埃何如手一卷得酒便擎杯春遇寒梅放秋逢叢桂開高坐握衆香奚羨黃金臺浣花聖謫仙才終日相對足徘徊倦則臥北窓暇則提嬰孩可以養福基可以遠禍胎靈臺方寸不受蔽在我自有十洲三島真蓬萊已焉哉莫往來今決斷弗更猜

空明子詩集卷之一

士

### 村社堂辭

靈旗颺兮神赫赫廟門敬側兮蟠古柏柏森森兮風懷悽香煙斷續今日欲夕我進廟門一瞻視四邊鬼卒驚魂魄神巫告子應下拜此禮不行神見責我聞此言髮指冠解衣磅礴還脫幘翻身大笑出門去舉首向天手加額何來鬼物托叢祠屠毒生民恣狼藉屠毒生民可奈何廟翼翼兮山我哉

### 游仙曲

朝行蓬萊巔暮上崑崙宿為我訪婉婉於蟠桃幾度熟眼見東海三揚塵瞬息流光若雷速遨遊十洲歷遍瓊樓欲得醉中趣還向壺仙求請邀緱山之鶴挽函谷之牛

鞭初平之羊網海上之鷗曼倩滑稽今下顧安期赤烏  
今來游蕭史乘龍於空際弄玉跨鳳於樓頭天雞司晨  
若木銜燭瓊漿灌頂玉醴濯足回首幾千年圓碁繞一  
局琅琅孫登琴山青水自綠我欲從之駕黃鵠更待倩  
雙成吹笛子登彈激飛瓊鼓簧法嬰歌曲曷以贈之合  
浦珠藍田玉嗟乎嗟乎無是非無榮辱光景偏長日月  
不促忘人我絕嗜欲身心清靜無拘束又奚羨如來之  
金粟

兩曜歌

日月不停轡急景高魏魏朝飛暮走那得駐可憐金烏  
玉兔將安歸我想太陽太陰自能朗照天地無餘憾豈  
肯藉此小禽小獸揚光輝狂叫問天天不應但見茫茫  
六合如布圍為我奪后羿弓射彼金烏之瘦借周生梯  
捉此玉兔之肥然後走者不走飛者不飛庶幾兩曜獨  
運於高高之上使我蟣蝨之民常在此光天化日之下  
而無所違

苦寒行

日正黃天無語西風颯颯便如許亂鳴千點落寒者故  
鬼耿耿呼朋侶濃雲不流似羈旅晚春隔村無停杵圓  
穹圍地如篋管江楓飄丹紫愁緒我欲訴天恐見阻捉  
住烏兔不得去火輪冰輪膠一處使之寒不寒暑不暑  
稠劑太和爰得所下民無衣免淒楚共仰天公特賜予

羅漢松歌

羅漢松羅漢松愛爾丰標色最濃歷過韶華六百載挺  
然老幹如虬龍僻居海角憤寂寞猶喜未受樵斧攻蟠  
根直出三里外拂梢欲掃雲數重懷哉懷爾之枝  
葉凌嚴冬羅漢松羅漢松爾之直節天下聞爾之冰心  
世所寡既能堅此歲寒盟一任霜欺并雨打但不知當  
年處處好潛踪何苦寄人簷廡下

登樓歌懷俞廣文先生

松在李國寺門首

登東樓兮望君君不見今雨紛紛捧鴻篇而卒讀豈一  
石之平分碎金積玉今錯雜出雕龍繡虎今駭見聞瞻  
夜光於元圃洵一代之斯文宜騰驤皇路今冀北空羣

李國寺詩集之一

古

振翻高岡兮九苞蔽雲何為乎鵬翅之久縛桐材之被  
焚數蘭蕙之欽芳兮守松竹兮夕昕嗟冷署之寂寞兮  
空對蕉綠而芸芬開先儒之絕學兮展五典兮三墳微  
祿不足以養大賢兮來多士之紛紜聞異學之爭鳴兮  
孰者為稽兮孰者為蕭秉大道以示後覺兮成人鵠鶴  
今小子欣欣具此邦之典型兮自能禮耨而詩耘寄素  
心於片紙兮表仰止之殷殷

將進酒

將進酒為君歌且痛飲莫辭多火龍銜燭宇宙朗海鯨  
噴沫星月雙兩手扳翻太行高一足踞斷長江波杜康  
腸欲腐李白顏猶酡令人千載下慨歎無奈何無奈何

今可奈何手提青蛇弄婆娑神光上指牛斗暗豈羨返  
舍魯陽戈青田核金巨羅傾此淋漓之鸚鵡杓倒彼燦  
爛之鸚鵡螺但求千日醉聊與養天和不愁詩作祟不  
懼酒爲魔與酣高枕夢南柯夢回憬醒還吟哦安分知  
命聊避俗守我本來安樂窩

空明子詩集卷之二

練川兄樸村先生選

華亭張榮景恒著

擬古

薰風自南來吹我北堂夕伴我好花枝坐我一片石羨  
彼鸚鵡飛垂天振雙翮瞬息九萬里天池任所適嗟我  
遭逢苦衡泌誓宿昔寂寂草閣深江聲到枕席掩戶遠  
市塵達島實咫尺雖無絲竹好頗有山水癖七椀與悠  
然涼風生雨腋不辭賞花尊屢躡尋山展醉餘聊短吟  
相須在麗澤才劣謝四愁館虛待三益

花生日篇

春暖花生日爲花前致語我生良不辰空谷獨寤處所  
好與人殊落落少儔侶惟爾在三春與我托心膂灌溉  
順其性培植得其所蜂蝶偶相窺隨風任容與我與花  
神約月明同快飲酒醉不辭頻詩成期和汝奉花爲良  
朋惜花如好女窻前風雨聲莫來惹愁緒

寶林菴風雨

我來寶林菴風雨連朝夕愁見雨苗苗怕聞風浙浙掩  
窻一靜聽來往何其急若銜枚疾走如大兵遇敵日且  
避雲縣鳥亦畏林濕惟有池中魚泳游而自得此間多  
靜趣吾亦悟空色北望九峰巔遙遙煙霧織天地寧有  
常造化實無跡洞然返太虛佛燈夜寂寂

寒食歌

古塚何量量遊人何碌碌墓門紙錢飄飛鳥噪林木古  
來將相墳滄桑多反覆傍晚風怒號時聽野鬼哭遙望  
夕陽西酒帘雲外矗

登斗母閣望潘氏樂壽堂湖山有感

晚登斗母閣北望樂壽堂堂化爲烏有梧桐亦隕黃道  
士爲予言此是尚書宅尚書有三昆長在此休息經今  
百餘年衣冠成迹故當日堂在時飛鳥多翱翔每逢花  
月夕遊女踏芬芳堂前有曲池山下有迴廊石橋通仄  
徑古柏森千章主人翺然來珠翠紛成行於今主人去  
長留明月光明月還如舊楊柳和秋瘦湖石成傾頽故  
址亦他售花開那復春水折空餘絢咄哉樂壽堂子孫  
不克守我來夕陽裏徘徊漫尋覓閒花發野塘楓葉酣  
朝霜沙鷗獨立煙景成荒涼雁陣來哀鳴憑弔徒悲  
傷凭欄想全盛耿耿何能忘

元夕

天地一何幻變化無盡期蟾光入庭戶造此冰雪姿寒  
梅發牆角中宵影參差澹然疎遠情相看樂在茲堂前  
落華宴暗香笛中吹散懷理琴曲薄醉殊相宜

郊行

北風日怒號江流正有聲悠悠南山路淡然無餘情登  
臨發長嘯日落疎林平

咏諸葛武侯

空明子詩集卷之二

二

空明子詩集卷之二

三

天下成瓜分賢豪隱耒耜炎祚如灰飛先生謝不仕桓  
靈誠庸愚曹氏亦奸宄殺氣蟠地天王室漸崩圯大江  
限南北征戰靡遠邇劉備起草莽行兵號知己孤立勢  
難成飄泊失厓涖身居荆楚間心在中原裏君讎不共  
戴倡義於焉始所需王佐才中夜傍徨起伊人終不遠  
三顧先生里長跪謁草廬一見投魚水坦懷示無他漢  
室將委靡曹操假仁義孫權據江沱先生臥不出大業  
將何恃先生奮然興戮力共生死天子久蒙塵發憤爲  
已恥鼎立早見及稱兵寧得已一戰驚敵國再戰振軍  
士天下無寧時四郊方多壘可憐白帝城彌留侍玉几  
披誠輔幼君功業垂青史南人不復叛畏懷入骨髓挺  
身當矢石糧運捷於駛將帥俱爭先不呼庚與癸奈彼  
蒼蒼者其意有所指寸進不可得悒悒以沒齒我悲先  
生志心欲綿漢祀此非人所能天運固如此天運固如  
此漢祚可知矣

春閨夜月

日落西山表東方月皎皎月上綠陰深鶴唳空庭悄白  
雲穿屋角明星挂樹杪春閨夜熟香香煙時縹緲一曲  
寄焦桐登樓恣遠眺對景良自惜雲破蟬娟小寒光入  
疎林花枝多嫋嫋清照偏澄湖波心還淼淼素娥沉方  
塘驚見魚蝦擾長歎寂無言沉沉天未曉

隱居

隱居北山下得意吟小詩山高出雲表瀑布當戶垂南窓聊寄傲讀古不勝悲竹木森千尺幽禽借一枝曲池深且窈魚樂長在茲世路實艱難我生欲何之

和陶飲酒二首

既知行路難先生將何之門外多荆棘荆棘無盡時所以樂道人耕讀恒在茲窮達有定數此心未可疑清歌激陋巷杯酒聊相持

寂居甘澹漠草堂面北山提壺聊寄興人事未可言心似有所托悠悠二十年君子貴立身名節後世傳

雜感

江岸時正潤江草日漸黃與君一斟酌天地變容光淪

空明子詩集卷之二

四

落有定數富貴非敢望蒼言思往昔貧乃士之常孔孟卓千古盛德垂文章儀秦豈不顯身死名弗彰莫隨人世轉我道有行藏

秋成風雨歎

日月忽云邁草木亦漸凋如何連夜雨一望海天遙湖水勢滔天海水不上潮待食愁懸釜村里多蕭條嗟嗟此農人旱魃已見遭赤地逾千里麥稻皆枯焦近水竭人功存此數莖苗方期登塲圃聊可免腹枵胡天降閔凶風雨苦漂搖門前看鸛浴竈下驚魚跳籬菊入波寒徒聞竹蕭蕭行將絕乃粒曷以度晨宵

雜詩

森森松柏姿歲寒不改素灼灼桃花榮枯在旦暮士生宇宙間富貴非所慕寂寞秋江濱旁有壯士墓當日身在時餘子曷足顧英氣射斗牛儕輩勿敢忤而今世已遠事業如晞露盛名豈久居通塞有參互不見長安道愁殺斜陽渡知止歎何人槐安笑蟻附詩酒逃世塵遮莫神仙妬

小齋卽席得秀字

歲月莽推移古道自宇宙交好托酒杯氣味同蘭臭七賢與六逸天地鍾神秀安在古今人不堪並馳驟嘯傲挾羽衣娉婷倚羅袖蝸角空虛爭鼠穴成浪闕所患無令名文章足上壽

空明子詩集卷之二

五

謝亦山齋卽席得樹字

勝會苦無多冉冉悲日暮逝者如川流令名同朝露所以達觀人於此得靜悟載斟復載酌咀嚼天地趣交結少雜賓微風動嘉樹抱璞聊自全吾心相與素

贈慕庭大兄

位高多貢諛我心獨否否聖明深眷顧令德期不朽廟堂獻嘉謨守身絕塵垢毋曰天聽高畏此道路口繩武望後昆垂訓在忠厚

贈芳園二兄

挂冠歸故里甘載甘株守孺子非能貧長歎起隴畝慷慨謁承明大展經綸手莫笑東家施捧心徒自醜尚友

古之人百年要可久

贈蓋修三先兄

十五走四方文章結勝友長揖謁王侯終日資談藪惜  
哉年不永白衣變蒼狗芝蘭發庭堦古道信有後九泉  
如可作酌以三大斗

贈雅臨四兄

海天一何廓日月殊未久嗟哉鼓盆人空房夜獨守鶯  
花亂其前風月撓其後此心對神明粹然無瑕垢遙聲  
引松籟爲爾祝眉壽

贈端辰五先兄

聯牀夜讀書涼風納虛牖何似桃李花負此三春柳厲

李明子詩集卷之二

六

志追古人閉門絕俗偶養氣若木雞下筆驚蚪蚪舉首  
問老蒼玉樓召果否

自贈

一烝涵天地天地亦何有土木寄形骸無乃類芻狗胃  
中絕蒂芥雲夢吞八九遙遙望長安勢熱恐炙手我本  
謫仙人人復知我否

贈齊軾七弟

舉酒屬卧龍禁爾談天口不見古之人三緘示戒否訂  
交托死生我實愛我友野性類浮雲佳句酬自酒造化  
本無讎疇能執其咎

贈茹英八弟

王貢共彈冠蕭朱早結綬春華非不好秋實天益厚爾  
素愛直道與爾酌卮酒培我忠恕心交盡端方友從此  
展嘉謨一試補天手

贈退谷九弟

作聖固不難善言貴虛受大禹乃至聖聞之拜恐後爾  
我本庸流何能出其右翹首企昔賢結交定杵臼曷以  
樹令名不在膽如斗

贈和叔十弟

爾質本高明藏書探二酉機巧奪造化功不在師友對  
卷欣有得直欲天心剖龍伏九江清夜靜蒲牢吼勉爾  
早樹立行將看大受

李明子詩集卷之二

七

贈奕山十一弟

年雖未成童賦質何其厚閉戶謝交游卓然能自守子  
史悉旁搜墳典益深究頗有長者風不屑羣兒偶培此  
希聖心先賢可尚友

示堽兒

而翁半甲子殊多雜症侵業儒歎無成勉事苦吟苦  
吟亦不惡聊以拓胃襟鶯花偶托興丘壑堪追尋汝尚  
在懷抱何時觀古今歧予曷所望對卷惜分陰富貴弗  
移志聖賢當自箴守此忠恕旨培養天地心嗟我老且  
憊愛抱無絃琴閉戶謝人事終日坐愁霖愁霖正未已  
徒悲歲月深待爾稍樹立相從支道林



毒熱

毒熱殊悶人曷以遣懷抱隔江有芙蓉采采意自好嗟此別恨長垂楊拂古道曠達非莊生曷克齊壽夭來日悲無多立言苦不早轉眼暑氣清秋風衰碧草南面擁百城茫茫事幽討西方懷美人愁焉心如擣

訪友

日落暮山紫行行何所止矮屋連疎籬此是高人里高人不復見寂寂空桃李

壘兒行年十六孝弟慈祥讀書樂善且以聖賢之道自任何意一旦天亡不覺惜之至而哭之慟也爰述始末大槩如此

空明子詩集卷之二

一自先君歿單絲抽獨繭讀書苦無成身名俱不顯才既未如人命亦頗劣謫行年三十四始獲生豚犬往再五六載延師日相聞不待教而知慧實羣兒鮮六經及四子三墳并五典初不問寒暑朝夕勤書卷過庭遵父訓侍坐承師勉立志頗卓然臨文絕數行有時似山林有時倏冠冕下筆多英氣或冀青錢選聖道得仔肩衰宗賴以轉老夫差自喜聊用作消遣胡天降閔凶蘭玉遭摧剪有志卒不據抱才終不展嗟予病餘身時運何太蹇已悼佳兒亡還愁性命淺跼蹙反壽終回仁乃不免天道苟如此何以勸爲善

決絕詞

汝既不我戀我亦與汝絕被賺十六年一旦成長別教

汝讀詩書敝我喉與舌望汝希聖賢不遵寒與熱蒙養期端方語言不敢褻出入必與借思誼何其切年來汝稍長我行凜芳潔見汝漸成人未肯讓豪傑退守益自修內外如一轍問心頗自安信道堅似鐵相接無雜實匪交不敢結春秋有大義我亦庶幾竊杜門安我愚儀型在先誓心既湛然清有得自怡悅惡惡如疾讎每受狂犬齧豈期遭大創平坂值蹉跌攫我掌上珠斫我心頭血行年日就衰何由至大耋汝弟方三齡朝夕待提挈我性又鯁直安能受屈折壯志苦未舒憤悶終難雪抱病人不知水衰火自烈從此學長生愛恨須斬截人世有死生天道有完缺哭子亦無聊念子多言說恨汝不汝思悲哉此意決

空明子詩集卷之二

九

喪子篇

喪子真喪子哭子未敢哭身既抱羸疾形骸若槁木哀慟總徒然祇令年命蹙清夜苦自思曷以慰笑獨念子六齡時殷勤就外塾沉靜本天生不肯羣兒逐我特擇良師朱趙皆名宿涵養及數年義精而仁熱問汝何所能經史便便腹問汝更何長待人克敦睦志道不憚勞持已益卑牧我病代祭祀莊敬且嚴肅愛既及同人患亦速僮僕今春遭辛螫朝夕憂沉陸勉課誦勤火烈消肌肉自悔持直道舉起在宗族乘危思下石讒人尤

反覆我身日就強此輩漸消縮譬如太陽出鬼魅自潛伏我方百端解子病已不祿惜哉且痛哉卒年纔十六節哀

父母生我時教誨真勤懇望我早樹立一生得安穩豈料學無成負罪志氣損欲報終未能老天毒何狠餘生不足惜還思圖報本今秋墮兒亡性滅失寒煖因思親與子哀苦不甚遠何爲哭子淚朝夕若泉混顛倒一至斯未嘗不私付此係血食關痛腸出誠惻不知不節哀明喪悔亦晚昔聞大賢訓我亦將自反

憶亡兒

老人哭子詩一字一點血念子心欲碎憶子腸斷絕行

生明子詩集卷之二

十

不逮王祥胡際此酷孽文不及顧況乃受此屈折古今同一悲宣聖亦遭跌渺渺余小子愛子情固結輟轉未能忘那肯遽云別非熊倘再生恩誼更親切

接茹英八弟家報

客散心緒煩夜坐不得寐開緘讀弟書驚然動長喟念我兒子佳使我隨血淚弟云在官難伴食生慚愧又云讀書好教子循禮義豈知老兄苦今秋遭變異自問實無欺立心從不貳何至喪長子令人心膽悸撫此三歲兒形神俱憔悴稍喜知慧深出言亦通利再待十五年庶幾成令器

獨坐

獨坐愁夜長日亦未爲短堪笑功名人寸陰惜陶侃清狂得自由羨彼嵇中散更有東方生出言殊放誕我性本迂拙作事亦疎懶殷殷念二子安得尊常滿舉酒酌遙空一爲接情款

答八弟書兼道鄙意

誰可話同心潛潛欲出涕千里共相思睠焉念阿弟大厦走一木崩頽事非細醉極乏醒方病拙鮮良劑熱心遭按劍中山成反噬嗟哉行路難應早思變計汝兒十七齡我子方三歲但當師古賢慎弗慕權勢出處雖異途性老等薑桂立德與立言相期垂後世寄書憑雁足門外風正厲

生明子詩集卷之二

十

開戶

開戶下重簾豁然登高閣借問欲誰何門外北風惡蘇軾一炷香飲我一瓢藥人生天地間涉世宜斟酌大善當急爲小惡慎勿作失身入匪類正人遠見却品既居下流名亦安所托縱有好車馬顧盼生愧怍譬如三春花重語言盡糟粕縱有好車馬顧盼生愧怍譬如三春花未秋先搖落彼雖暫時歡卒鮮百年樂君子早慮此度量先開拓交親寧慎擇從厚不從薄世道實荊棘人心亦路難不如安我愚冥心遊寂寞

對月

月出隨圓缺所餘三寸光寂寂照下土明明追八荒君

子心湛然鑑物如月望妍媸無遁影高下別殊方所以  
道彌茂因之行愈芳小人則反是味理等面牆

集姚欽六家山堂丙舍分得家字

輕寒颺微風光景隨天車蘭橈動晴波心適地自遐伊  
人豈終遠一水浸蒹葭停舟慰良晤感慨戀物華予亦  
蓬蒿人宜此對霜葩精舍鄰佳城淑氣凝紫霞高談發  
清興得酒堪忘家燒燈繼短日傾倒帽簷斜投轄劇相  
顛星聚安足誇夜深望牛斗乘波泛靈槎明年如有約  
與問梅花

舟中念兆熊

日落北風涼江天同一碧漁火照孤舟蟲聲憐過客荒

空明子詩集卷之二

三

寺鐘鼓稀夜靜苦行役梧桐感秋思迎風先蕭索自愧  
老蓬蒿逢人辨黑白半生誦讀勤力學竟何益惟餘萬  
卷書挾之易所適竊喜天賜子好修報已獲性既宜澹  
泊恬退守安宅異此黃口兒詩禮延一脉撫心質幽明  
天意實咫尺

玩月

夜半睡方濃東方月初皎童子偶啓窗歡聲復至寶夢  
回急披衣坐看浮雲掃耿耿銀河明疎疎衆星小漏盡  
獨吟詩玉露沾秋草

自嘲

我本寒乞相不工寒乞聲自擬尊且貴南面擁百城對

卷欣有得下筆如川盈王石闢瑰麗溫李合齊名雖使  
古人作許我爲同盟呼童滿引卮拍案酒盞傾

虎丘作

舟行過半塘風冷日將夕爲訪虎丘勝來坐千人石劍  
池生寂寥紅裙半狼藉未幾人影稀白駒同過隙但聞  
山鳥喧落照一輪赤長嘯恣歡賞遊屐杳無跡獨樂興  
轉豪吟詩向蒼碧

醉後吟

一飲傾一斗恣我談天口狂言破鬼膽四座盡回首得  
句欲揮毫仰屋向空叩奴輩頗錯愕童子怪老醜書就  
呈親知合詞譽瓊玖持杯再進爵剖衷告我友文章愧  
未能道誼信固有開我禮樂門展我仁義手陶鑄萬物  
性渾然歸淳厚俯仰不得志嗒喪類窮九且喜樂天命  
坐井觀蒼狗

吳閭懷古

我來閭閻門披襟聊散步寓目過便忘勝迹必回顧專  
諸旣名巷要離亦有墓遙想致身時性命同朝露殺人  
須見血口碑載道路餘韻流千年五人又奮怒空手鋤  
奸黨至死無恐怖未幾克豎誅賜塋豐碑樹我觀吳士  
民孱弱同婦孺何爲此數子神勇若天助雖在百世下  
凜凜猶堪賦古人不復作安得黃金鑄爲我謝餘子庸  
碌曷足數

空明子詩集卷之二

三

狂吟

遠水高際天遙山平如養梯雲一俯視爲笑轉破涕四海僅成坳五嶽等粒米呼彼洪崖兄挾此圖南弟遨遊九霄外沉酣醉瓊醴玉皇倘未容肆口便相詆天上肅威儀秩秩頗有禮自問出世入安能中肯綮科頭不著冠赤足見脚底荷美作衣裳羸疎聊蔽體任我半世頑蒙心猶未啓倘逢孔宣聖惕然滋慚愧

過余山

泛舟余峰下驀然念往事徵君去不返敗沼餘菱蕒蟬鳴高樹秋鳥語喧荒寺積澇成巨浸日午牛閒睡不聞雞犬聲晚香在何地惟有柳條黃還映前山翠

遊周氏園亭

我來周氏園冉冉日欲夕遙聞桂花香啓窗坐片石修竹鬱成林草深絕人迹古梅數十本幹老動魂魄環溪多菱荷危亭勢迫窄脫幘恣遊覽羣芳委蒼壁空谷遠市朝北山不盈尺願言結蓬茅永矢在疇昔

濟川

一葦凌大川隨地多恐怖風逆不得前風順不得住二者俱違心寸腸繫幾度況聞殷殷雷又遇濛濛雨始知行路難曷若學稼圃樊須小人哉庶幾不我忤

和俞楠亭謝僚友餉燕薑黃雀原韻

顧影生寂寥隙駒殊未覺芙蓉發秋江幽蘭吐奇萼豪

吟性所耽不惜形似削絳帳動涼風微言啓絕學何期素心人憐我食場薑帶紅餽紫薑披綿餉黃雀亟命入我厨兼理鷄鵲勺寒齋召賓朋聞者盡驚愕秉燭一飛觴齒芬成雅詠莫漫學老饕把酒細咀嚼

芙蓉閣小飲對花述懷

燦燦芙蓉花依窗弄柔姿高閣敞秋旻眷焉樂在茲結交得素心道義足我師握手論夙昔途窮歎莫知廿年成廢棄失志聊吟詩詩成每獨賞貧賤頗自怡今日在花前花發何紛紛披對花增太息造化不容私卽此花而論年年一遇時胡爲君與我淪落至於斯呼童供雞黍有酒挹我卮寓言嘲閣閣托諷借花枝醉後劇談文先

空明子詩集卷之二

五

民不可追時無英雄輩誰復辨妍媸把盞滴花下秋風動涼思殷勤戀良會欲別還遲遲

月下對芙蓉

明月何皎皎清光弄寒颺照彼芙蓉花幽豔生奇姿挺幹覆高閣穠芳壓黃葵宛如木芍藥生在梧桐枝舉酒獨自酌對花聊致詞萬卉盡凋落爾方初遇時爾性何其傲爾發何其遲特出衆芳後天地若有私古來雖尚菊歌側成紛披惜彼陶靖節祇知有東籬若使早見此彭澤并不爲

吳淞江舟次

泛舟吳淞江遙天挂晴練丹楓夾岸飛欲落猶眷戀震

澤生洪濤東流疾於箭晚浮雲生返照若激電眇彼  
紅蓼花臨風苦自戰寂寂行路稀天半銀河見高旻燦  
明星似珠鋪翠鈿際際聞賓鴻得句還側弁松影動虬  
龍月光通一線長吟俯清江下看迴波漩念彼粒食功  
神禹開方甸安得薦蘋蘩殷勤把酒奠

冬蘭行

愚性迂拙杜門息交祇與陳含美懷鏡亭倡和  
三十餘年近交李次鄴頗愜素心作此寄意

歲寒結三友松竹與梅花何期來嘉卉凌冬茁蘭芽盆  
植置幽室芬馥達無涯伴我獨吟詩餘芳流齒牙挺生  
四五枝纖莖吐奇葩爰命二三子弗令霜雪加愛護如  
珙璧相守度歲華筆墨欲染香書卷生雲霞展玩托素  
心清賞半盞茶迴顧松竹梅具堪共一家

空明子詩卷之二

去

空明子詩集卷之三

練川兄樸村先生選

華亭張榮景桓著

贈上洋曹先生

上觀天時下地利除是二者人事起羣雄逐鹿俱已矣  
天下兵戈從此止名山大川多俊英東海之濱隱先生  
先生一代推高賢河洛理數窺真傳布衣秉道揖侯王  
世人誰識田子方退而結室山之巔悠然海外遇神仙  
握訣獨參性命本坤可轉今乾可旋更悟釋氏西來意  
色相空空法無二三教之源本合一先生妙解世無匹  
識緯精微亦深究錯綜變化風雷吼外王內聖誠偉哉  
矢涯歷遍無人售飄零湖海三十年歸來滄海變桑田  
城郭依然人世改昔時高塚牛羊眠浮踪日與漁樵伍  
曠懷豈受俗人憐巖巖道範後人師渺予小子相追隨  
丈夫未遇似雛伏安問塵埃知不知

春江引祝潘春江八十壽

兒童競報春花發春花映水江岸潤輕帆破浪乘夜月  
水光淼淼和天合我與春江結勝遊花開花謝逐波流  
風恬堤柳懸金鏡笑看閒鷗立渡頭蒼狗白衣多變態  
亂搖晴影散林丘春江先生志高尚終朝坐臥春江上  
開襟脫憤坐釣磯渭川已事無惆悵垂老春江靜無爲  
落落不存人我相鷹揚本是尋常物先生視之如土壤  
層城十二樂不窮金飾亭臺玉飾宮黃鶴仙人駕白雲

青牛老子凌天風共飲瓊漿劈麟脯一聲長嘯騰蛟龍  
安得隨君坐江滸月光花影春波中拏雲捉月騎鯨去  
結伴還尋無是公

### 小赤壁歌

癸亥之年仲秋月扁舟一葉清晨發借我友攜我樽遙  
望赤壁如雲屯鴻雁參差落天外蘆荻蕭疎拂水痕溯  
流而上波浩淼孤村綠竹間啼鳥有語今風有聲布  
帆空逐岸草青岸草有時亦失青淒淒可哀遊子情俄  
而舟泛赤壁下翩然揖客同行者探奇選勝竊且深虬  
龍虎豹列森森萬丈峭崖如劍削幽閒別致堪會心客  
心旁皇我獨上僻徑險仄當山陰攀藤附葛登絕頂山

李商隱詩集卷之三

三

高飛鳥無隻影悲從中來地天浮長嘯一聲草木冷草  
木榮枯歲歲更人生飄泊等蘋萍東西南北何所之一  
俯一仰令我驚此志願與秋風高此心不與秋水平未  
幾日落雲山暮翠柏丹楓遶古路有石一片容萬人蒼  
苔斑剝白磷磷從來事業同灰燼笑傲乾坤仍一瞬醉  
臥忘歸不覺非但聞客喚聲依稀還尋歸路迷失道越  
逕穿林僧掩扉天香忽從雲外來童子競報前村開主  
人折取娛客目清芬拂面聊徘徊幽賞寧與儕俗同買  
次一掃絕塵埃舟子相呼駕帆去飄飄乘風破浪回醉  
醪盈尊浮琥珀宛然赤壁高千尺岸旁楊柳解人憐冷  
落秋深變顏色臨流喜見水輪生舉頭雲物歸虛明明

月長懸照下土浩蕩江湖留不住航籌交錯笑語喧夜  
不惟聽松濤怒可憐日月逝如波座中莫惜醉顏酡空  
花眼底易蹉跎一年佳况苦無多與君對飲更高歌藏  
鈎賭勝共婆娑有詩不吟且猶可有酒不樂將如何

### 送書行

寄書寄君寄空紙君知妾心何所底千迴萬轉欲寄書  
及至將書無字止臨池曾學走龍蛇造語無難綴經史  
爲甚將書無一言只因不盡心中爾妾今回想去年時  
去年今日君行矣君行江頭有妾隨送君歷國惟江水  
江水悠悠東向流何年何月何時已妾心思君思不窮  
妾心江水應相似自恨深閨弱質人侍君巾櫛同生死  
豈知君行不復還相思今日從教起日月何曾變陰陽  
山川何曾失流峙箇中滋味未堪嘗觸目驚心皆之子  
君不聞糟糠之妻不下堂前指遺言猶在耳

李商隱詩集卷之三

三

### 醉贈酒類

吾友酒類慣遨遊飄然一身無所求與酣氣縈薄霄漢  
山水蒼茫任去留一斗亦醉百斗醉渺爾天地如浮漚  
直挾仙人乘白鶴歷遍三山十二樓我亦當今年少者  
與子邂逅相綢繆立志願爲知己死按劍欲砍佞人頭  
不惜探奇且選勝清風明月載孤舟慷慨盛談今古迹  
擬向淮陰下釣鈎可憐戰將成烹狗漢苑離宮亦故丘  
相對一杯吟百首江水東流不盡愁漫陳前代興亡事

中庭萱草足忘憂酒顛真與神仙伍酒顛寧與俗人侔  
酒顛不羨千鍾粟酒顛無求萬戶侯論人直欲刺骨髓  
句挾風霜自颼颼空林倡和鳴吾志一聲長嘯海天秋  
此生但願醉鄉住顛乎顛乎幾時休

月牙池種菜老僧歌

老僧種菜爲常業救世婆心最真切指點迷人無別說  
屋邊常繞半輪月不伐鼓不考鐘穿衣吃飯每從容以  
爲大道只如是子自思之有得耳我來養靜假一房與  
僧相對話夕陽僧言一何異人哉出口令我智慧開卽  
離不外菜園裏行年二十長徘徊昔時荒墾牛羊臥於  
今華屋徒崔嵬或有或無成變相修生修滅休關懷我

空明子詩集卷之三

四

贈練川甘生

繁花滿眼春正晴甘生策蹇來茸城茸城西有斗母閣  
九峰擁北如圓屏閣外垂楊春雨濕梁間燕子銜泥急  
桃花零落不勝情東風飄蕩遊蜂出我來閣上尋甘生  
妙染一睹神思驚綠葉扶蘇粉蝶虬杖天矯穿流鶯  
甘生書畫得異傳下筆迅掃浮雲煙千巖萬壑一瞬就  
恍然置身山水間有時設色繪花王圖成國色與天香  
一俯一仰俱盡致直教大地輸文章我慕甘生不在是  
在乎性情之間耳真樸還堪繼古人風流直足稱奇士

與君閒把臂長嘯凌蒼穹一切富貴皆空花北窗高臥  
懷崆峒此中無言有靜趣欣然披髮傲王公

醉歌行

無事須飲酒勸君莫落他人後有酒且登樓勸君莫學  
他人愁登樓飲酒尋常事睥睨乾坤只如此人生夢幻  
真浮漚壁上高山堪卧遊君能飲我一千石日日醉臥  
西山頭

春日訪愚山上人

東風昨夜過園林春暖黃鸝弄好音舍衛城邊數竿竹  
竹色悠然浮碧潯愚公爲我結蓮社我性愛弄無絃琴  
自問一生鮮所好無過酒癖及書淫對卷每思閉戶讀

空明子詩集卷之三

五

得句恒欲向人吟蒲團趺坐經十載放蕩禮法驕冠簪  
愚公才藻世無匹惠我半偈雙南金筆底飛揚詩與賦  
胷中運化古與今佛燈寂寂夜光發刪除塵念同披襟  
我與愚公別有會清風明月俱禪心

九峰煙雨應湯大中丞教

一自凌崑論列後九峰天外落雲間雲間地卑當澤國  
平蕪如鏡少高山東有大海勢浩渺西有三泖水潺湲  
襟以申江白似練帶以吳淞細於線獵城之北列九峰  
煙雨荒涼看不見古木蕭條翠靄中浮雲疎處開宮殿  
僧房鐘鼓動寒煙晚鴉帶雨歸如箭九峰位置若雁行  
松爲佩兮竹爲裳登高極目發長嘯一片雲山正渺茫



憶昔柳陰聽曉鶯桃花成浪逗春情踏青士女喧千陌  
煙雨還輸暖日晴

### 留侯歌

運籌帷幄決勝千里壯哉子房草野崛起游俠徧天下  
悠悠少知已爲韓報讎擊副車始皇魂魄驚散矣大索  
十日詔卽止方知世有奇男子沙丘崩後二世亡英雄  
逐鹿正未已子房妙算定九州功成身退封留侯設使  
不遇漢高祖一椎之後成亡虜後世指稱秦妄人令名  
安得垂千古

### 雲墳歌

大道不在遠求之樂自生世無血性真男子誰能解此  
道德經我師雲墳寃其與飄然遐舉遊層城行踪不定  
傳來異非離非卽契紮冥芒鞋布衲徧天下空谷時聽  
黃鶴鳴吁嗟乎惟彼世人不知甘苦惟我雲墳能繼道  
祖探微索隱蒲團兀坐烈烈我師常存終古

### 德安變

六月不興師典師恐挫衄江夏弄兵羽檄傳德安投逆  
何其速背盟殺賊數十人反使回戈盡屠戮哀哀老少  
不相救斯民塗炭亦已酷日暮風吹郎子城月明怨鬼  
街頭哭

### 答悔亭牡丹篇

牡丹花開穀雨日姚家魏家世無匹清平三曲若不傳

縱有仙才人莫識洛陽城中花最多王孫不惜醉顏酡  
護花鈴索懸金屋狂蜂浪蝶敢相過我笑平泉何所有  
廢址頽垣餘敗柳天香到底是花王花不因人徒自醜  
此花觴咏盛三唐妃子風流學士狂穠豔一枝誰與敵  
羣芳俯首謝新妝卽今年少五陵輩豈少名園花作隊  
錦幘繡幄舞春風夜月酣歌酬大塊爾我寂寞老江濱  
愁絕孺子何長貧東隣挾妓西隣醉畢竟終輸富貴人

### 清明日經徐御史墓

君不見御史墳上野花開野花開處牛羊來華表依稀  
荒草畔每經寒食令人哀我因御史別感生桑田滄海  
多變更當年此墓非徒設松柏千尋猿夜咽歲歲期飄  
子母錢兒孫世守衣冠列誰知事業空花易灰滅寒煙  
飛斷白蝴蝶若使功名富貴可長在今日侯門深似海  
百年之後應無改

杲山大師以長篇贈我因在病中未及接見哭子

之餘爰步原韻奉答初不計詞之工拙也

獨醒不容天惡直我生茫茫如寄客才疎那可干執事  
漁樵自分甘簞笠安貧豈識有富貴但知對月當浮白  
素心交好托聖賢抹倒文章豪與詩伯有時童冠樂春風  
勝讀南華兩三冊每思過隙不多時常歎昔賢幾量屐  
究心一部黃庭經醉我瓊漿并玉液近來惡况苦不支  
摧折芝蘭增太息一燈搖曳夜深涼淒風入骨音蕭瑟



撫心竊擬改素守又恐枉尋而直尺餘哀不盡欲喪明  
羞向人間論道德承師譽我未敢當長嘯一聲悟空色

### 悼子

生既乏佳趣死亦何足哀可憐行年將五十可憐惡况  
等夜臺可憐兒女各俱四今存懷抱兩嬰孩有客謂我  
頭已自有客勸我眉早開自思亡兒年十六何故一旦  
埋塵埃因思此子太狡猾早離人世遠禍胎此生但感  
父母恩此生不惹嫌忌猜莫說富與貴休論材不材泡  
影既無定何如前不來雖曰此中有定數造化弄人何  
取裁我今直覩破痛飲三百杯彭殤同一轍天地亦劫  
灰可與達人言寧爲俗物咤然而可恨終可恨畢竟哀

空明子詩集卷之三

人

哉復哀哉

### 懊惱篇

懊惱復懊惱人事不可考清夜問真宰賞罰頗顛倒我  
生或者多罪愆但惜墮兒亡太早回頭細數世上人未  
必守身克正道兒孫遠勝易成長一年一度同青草幼  
不識詩書長不辨麥稻耽妻撇却兄弟歡反哺竟忘父  
母老廉恥殊不講佩服偏鮮好似此敗類子彼蒼若至  
寶宜乎我兒亡俟焉就枯槁

亡兒見道頗早得夫子朝聞夕死之義爰作是詩  
魂兮魂兮竟歸天惜哉惜哉孺子天見道有遲速壽命  
無大小獨不見顏曾年判然俱爲萬世表所患無令聞

身歿名亦杳四大誰不壞天地有時了

### 招魂

世間萬事誰最苦離別貧窮皆不數唯有暮年喪愛子  
悲傷裂盡衷腸五呼天天不應呼地地何補求汝再生  
不可得將身殉汝俱黃土親朋爲子言子實稱慈父教  
子一生無失德全歸全受今猶古但能博取後世名勝  
似行屍盡陳腐子也雖不文與子立年譜更乞名賢作  
寫子人中龍文中虎嗚呼哀哉子之去也不是作記召  
玉樓定是修文招地府天鼓鳴天魔舞飲是瓊漿饌麟  
脯十洲三島任往還莫忘葩經陟彼岵靈其跨鶴早歸  
來一慰衰親淚似雨

空明子詩集卷之三

九

風冷霜濃推百卉殘燈一點光餘幾寒雞喔喔四更鳴  
月明樹黑啼新鬼

### 題振秀堂壁

海天蒼蒼如溪墨幾度欲行行不得山魃水弩暗侵人  
牛鬼蛇神明掠食忙忙轉計學杜門乃識人間極樂國  
往來不聞車馬聲遠却浮雲親道德銜杯樂聖世罕儔  
友盡端方與正直有兒可教知慧殊五經九歲羅胃臆  
十三就試輒冠軍十五揮毫古是則循循擬築賢聖基  
豈意天心竟不測今年人去北風寒明年花放人誰識  
春風不到此堂中海棠鹿韭無顏色

### 出世想

前生侍玉皇職掌在文案一謫人間四十九茫茫大海  
無涯岸喪去子女共六人絞斷肝腸成浩歎算來上壽  
止百歲已送韶華將一半懷中兒女雖可憐對之使我  
心煩亂水衰火弱病日增安得神方肌骨換回頭一想  
隨孽坑忽覺通身俱下汗不如逃去入深山閒看奕碁  
任柯爛

次朱秉士西賓留別韻

愛子喪今淚欲零書堂寂寂冷如冰夜深不寐心營營  
推窗仰望參斗橫故人一別時事改可憐但有琴書在  
自思頭白轉傷心恰如片葉浮滄海

題沈瑤田梅花小照

李朝子詩集卷之三

十

但見梅花開不見梅花落把酒屬梅花爾真得所托花  
下有美人恬淡頗自樂花得此人花必傳人得此花良  
不惡此花孤標世無匹最宜一丘與一壑此人坐臥此  
花下時將杯酒和花嚼對花不作窮愁相皎皎精神似  
孤鶴我愛此人曷以名庶幾古人如可作此人請問是  
何人寄出吳興隱侯約披卷細認知瑤田噫嘻乎胡為  
落落更莫莫先生畢竟非常人行將圖上凌煙閣

十月十八日見龍挂

上帝愛衆生使龍沛甘雨一沛潤佳苗再沛沃焦土兼  
愛山澤瘴餘霖拂芳樹東作及西成神功佐田祖下民  
戴上蒼拜龍如拜父時至霜露降會見歸紫府何期十

月中猶靚逞神武天矯蟠地天依稀七德舞雖未聞雷  
鳴氤氲龍遠浦龍乎龍乎龍乎鑒此愚魯感君厚澤惜君勞  
苦或疑錢塘之一怒或仰靈山之八部逍遙乎九江可  
伏今水波不興芝園可遊今五花無數請收雲霧今養  
太和共祝明年今恩再溥

山塘夜泊

佳水何必連江海好山何必插雲霄但看虎丘一片石  
令人仰慕如瓊瑤迴廊燈火夜半月別館常聞度玉簫  
第三泉邊水冷泠生公石畔松蕭蕭上駕巍巍萬歲樓  
詩翁羽客恣逍遙醉看遊人在未醒就中時有暗香飄  
芳塵一歇知歸去畫船聯翩白馬橋

李朝子詩集卷之三

士

棲隱

吁嗟乎丈夫生不逢時便當知猛省莫漫漂流作挑梗  
泛波有洪濤登山多峻嶺君門一萬里企望徒引頸可  
憐朱顏不復返隙中一過成駒影何如看彼陌上花杖  
策惜此好光景草堂八九間負郭三四頃遭逢盛世際  
太平終日著書真可幸夜深啟戶月侵衣凄然露下秋  
風冷

守寂

日月不停光燦燦幾度叫雲欲斟酌問天何爲忙至斯  
不過廓然仍淡漠上既無所增下亦鮮所擴二十八宿  
如碁置五星躔度堪摸索風雷雨雪有定位春秋冬夏

無外錯內有真元宰從中握鎖鑰晦明倏轉移寒燠遞  
繹絡毋乃過勞瘁我欲進良藥太空中既冥冥乾坤實糟  
粕質彼無為聖啞然成大噓鰲魚翻身地軸搖罡風吹  
動若掃箒俄看蒼狗飛旋見尾閭涸人生貴適志何苦  
自束縛不如打破九重天還我本來守寂寞

庭前木芙蓉

庭前芙蓉花開何遲遲別有好顏色映帶松柏姿傍  
石發奇媚倚窗弄涼颼此花宜水不宜旱主人對之增  
浩歎臨流照影嬌態生秋風裊裊吹不散誰教移植此  
庭中雖違其性猶堪玩玩花心更驚如夢未分明依稀  
學士石曼卿髣髴仙女周瑤英醉酒問花花無語飄飄

李商隱詩集卷之三

主

霞帔如輕舉綠衣紅粉一佳人戀我白頭不忍去

人為貴

天下孰為貴人為萬物靈塊然中處者木石具其形古  
來大聖不復作次之不過樵夫牧豎同醉醒蟬蛸朝暮  
死龜龍千萬齡究竟同一化安辨其為蟬蛸之穢與龜  
龍之馨孔氏典老子經如來之法炳日星三教聖人俱  
已遠至今仰慕如蒼冥慎弗背禮徒自棄令人指點踰  
閑蕩檢之假劉伶

放言

我欲鞭山飛我欲喝水住鞭山飛去填江海使之坦然  
成大路萬國來朝不必梯行旅往還得穩步平平蕩蕩

王道清鑄此峰巒少恐怖喝水不由地中行散作甘霖  
與玉露滋培佳種殺惡草下民溫飽漸庶富安用橫流  
遍四方因風借勢尤狂怒嗟乎嗟乎山也空水也空人  
心豁豁自不同眼空那覺山揀天曾曠何知水流東

和俞楠亭長至後一日復雪原韻

前雪後雪將毋同灰飛玉管陽氣融庭下撒鹽併拋絮  
俄頃積素彌淵冲農人歡欣官長樂把酒相慶兆年豐  
先生獨坐擁一壺遙聞天半鳴飛鴻呼童掃雪亟烹茶  
須臾蟹眼擎掌中盧仝七椀任意呷得失亦知同塞翁  
展卷會心更燒燭雪光搖映一燈紅開篋經營新藥裹  
啓箱整理舊詩筒斜壓竹枝聲忽折光明世界照簾櫳

李商隱詩集卷之三

主

推窗一望眼欲濶玉樓粟起生寒風爛銀鋪地花六出  
自是天巧非人工梅蕊未舒柳未放但見一片光融融  
名教自有真樂地弗做阮籍哭途窮掩關靜慮聊偃息  
吉夢先徵十八公

附五言排律

柳墟秋月

谷水開晴色山房散暮煙浮圖臨巨浸古剎麗中天東  
接崑岡麓西通笠澤邊孤桐心易感殘柳葉堪憐隔岸  
閒蔬園綠溪冷釣船俄驚珠顆大旋見月輪圓玉露飄  
無際金蛇走獨偏仰觀烏鵲起俯矚白龍眠鶴過全無  
迹鷗飛不覺妍千村鋪瑞雪萬頃照瓊田對月增秋興

臨流感盛年誰能圖此景遍與九州傳

招隱

坐愁身易老無計可忘憂日影隨潮汐年光任去留力  
秋堪脫帽五月欲披裘壯氣徒霄漢幽懷問斗牛江山  
非易吹天地實難酬論劍星辰動銜杯湍水流吟期龍  
虎嘯筆羨鬼神愁既續三清道須尋一葉舟碧山常奕  
奕綠水自悠悠鳳吹迎簫管麟踪任戲游逍遙塵外跡  
放浪海邊鷗曉日聽黃鳥清宵看玉鉤居諸忙晝夜生  
死苦蟬蛸不羨千鍾粟無求萬戶侯陰陽別冬夏鉛汞  
鍊春秋滴滴丹源水芊芊碧草洲身心無蒂芥性命孰  
虞劉物外風波息山中煙霧收得心誠泮渙離俗任羣  
遊淮南意王孫莫浪遊

樂道

科頭林下坐把酒酌嬋娟枝轉綿蠻鳥風吹澹蕩煙桃  
開紅灼灼荷長碧田田嫩草春鋪地明霞秋映天鋤雲  
思避世栽杏欲求仙柳挂黃金縷詩敲白玉箋談元思  
故我得意逞新篇翰墨隨時積鶯花按日編不思權赫  
赫奚用腹便便舞蝶探芳遲驚鴻戲綠川心閒忘衆感  
境寂悟諸緣種菜欣逢果乘槎幸遇鸞安排龍虎合檢  
點烏蛇連欲悉逍遙趣蒙莊十萬傳

泛舟即事

風急竹蕭蕭長隄楊柳飄孤亭臨古道雙槳駕輕舸  
菰花初放江楓葉未凋翩翩看鷺浴潑刺見魚跳磬響  
傳僧院潮喧遇石橋倩雲張繡幄展浪纖冰綃遠水依  
然媚遙山著意嬌忘機同海鶴寄迹類鷓鴣何處來檀  
板誰家吹洞簫朱顏雖未減白髮總難消對景增愁歎  
憑誰話寂寥呼童攜斗酒一醉賦紅蕉

蟋蟀

幽風詮變化南楚重蛭孫在野迎陽伏依牀達曙喧哀  
聲驚旅客清響弔孤魂善躍隨陰類多愁動淩痕身勤  
忘晝夜心苦徹朝昏喉月顏垣下吟風獨樹根露零神

宋明子詩集卷之三

五

愈王木落勢如奔戴德叨珍膳銜冤怨覆盆八門燭戰  
陣三捷見騰蛟始識偏裨賊方知元帥尊收藏須保護  
調養辦寒溫圖請西河備長鳴似感恩

五色鳳憶花

未下丹山鳳九苞何處生托根不擇地挺幹自多情嫩  
葉爭嬌態羣芳鬪豔英日華呈瑞色芝草吐奇莖深淺  
隨時變高低傍戶明振儀同率舞矯首若長鳴似感周  
文德如懷虞舜誠柔姿生斌媚麗質善逢迎促織鳴纖  
影流螢照錦坪點苔茵太膩對月境偏清百鳥過應下  
三秋開正晴何人名菊婢合侍董雙成  
南映姪新居後復建倉房落成志喜

肯堂兼肯構啓後復承先共仰規模壯羣推孫子賢築  
牆高接漢開戶遠連天藻井迎雲麗花磚映日妍植槐  
還種竹疊石更疏泉詩禮千秋續簪纓百世傳曾孫多  
稼日萊子彩衣年玉樹生庭內芝蘭滿砌邊落成酬祖  
志錫類正綿綿

秋日小金山對月

一柱獨擎天龍宮浸晚煙秋飄千點雪柳噪數枝蟬忽  
見飛金鏡爭看照玉田弄晴光愈潔激浪態增妍兔窟  
經時缺蟾形片刻圓鐘聲驚客夢漁唱起鷗眠谷水傳  
淪沒由拳說變遷舉頭搔短髮撫景一茫然

附七言排律

空明子詩集卷之三

六

九日偕同社諸子泛舟因登橫雲山暨小赤壁

楓坪欹斜葉半黃蘭坑西渡步州塘琳宮遠映疎林碧  
寶塔遙分曙色蒼風勢激濤深殿閉秋容匝地野花芳  
灘頭繫纜探高閣竹裏逢僧引上方淺瀨眠鷗原自得  
澄波浴鷺不高翔登臨四望煙微起嘯傲孤村與欲狂  
香噴驚峰飄曲檻濤翻龍窟撼迴廊禪關寂歷苔痕積  
天籟窺微松韻長鐘鼓疑從雲外落尊鱸還向客中嘗  
芙蓉夾岸如臨鏡菊蕊緣籬似佩裳破浪乘風何迅速  
扣舷呼酒任徜徉菴岡白石嶙峋出橫浦青筠窈窕藏  
龍洞雲升連海嶠雪堂楓老映漁梁薜蘿斑剝晴霞麗  
鷗鷺迴翔文彩彰隴畔兒童橫玉笛湖心絃管送牙樁

空明子詩集卷之三

七

受客曾聞北海觴滿飲濁醪堪玩世長歌清韻且浮航  
半窗花影侵棋局平野人家築圃場彭澤有田惟種秫  
池塘無草不經霜畫船撸鼓誰家子繡額新妝謝氏娘  
消受景光空脉脉無邊歲月去堂堂雕蟲愧乏登高賦  
握管徒成急就章最喜秋來多勝事正堪歸去話重陽  
題糕覓句情何限共道茲行不可忘



空明子詩集卷之四

華亭張 榮景桓著

練川兄樸村先生選

游仙詩

十年煮白石一日大丹成  
嘯傲煙霞外珊珊骨節輕  
一葉渡滄洲三山十二樓  
飄然眼界濶世事等浮漚

夢中作

山水垂千古悠悠何所止  
水意長視山山亦長視水  
終日坐空房空房欲吾語  
相親已數年頭白如何處  
遙聞人語喧出郭見江水  
世事盡如此東流不返矣  
天涯所性反人與鳥相處  
鳥最怕人喧人偏愛鳥語  
石與花神談子老儂未老  
花亦對石言一年一度好

空明子詩集卷之四

折得一枝花花神開口笑  
汝亦不逢時與我真同調  
落梅染蒼苔片片西窗下  
圍成作繡球試打桃花馬  
流鶯捕蟬食蟬向心中憶  
我自任君嘗須防公子弋

謁先祖 贈少宰鄉賢從周公祠

盛德誰堪擬如逢大地春  
栽培綿世澤組豆合相親

看南柯劇有感

有客無聊極臨風臥綠槐  
那知一枕內天地可藏哉

坐隱

青山是我友白雲是我家  
客欲訪幽人竹林獨煮茶

晚遊僧院

秋高天轉濶明月發清光  
半偈消塵障閒來到上方

客館

槐柳晚棲鴉空庭一樹花  
秋風吹落雁何處是吾家

秋閨

窗前秋色好窄襪印香塵  
最是南來雁雙飛愁殺人

侍家嚴東臯公燈下讀書作

閉戶謝交游攤書滿案頭  
夜深還秉燭髮白不知秋

九日

欲探陶家菊荒園飲酒頻  
一時應醉倒無我亦無人  
我友翩翩至默然無一言  
此中多靜趣相對共開尊  
看菊何須酒攜琴亦可娛  
道心應有會人世夢中無  
帽向風中落花從心裏開  
眼前皆逆旅攜杖獨登臺

空明子詩集卷之四

二

雁來如有意燕去若無情  
把酒憑高望秋風禾黍平  
登高開眺望勝友雜諸昆  
欲證如來意還教不二門  
楓葉經霜後嫣然一色丹  
小山青翠淺松竹暮秋寒  
草木變顏色秋風逐暮潮  
江邊無限景容容放溪橋  
淺酌茱萸酒閒看蘆荻花  
故人半淪沒我意欲浮槎  
登臺聊寓目一望若為家  
蕩蕩江流遠風吹紅蓼斜

謁先伯父筠齋公祠

海內英雄伯規模足典型  
子孫俱鵲起 寵眷及幽冥

拜先叔父有芑公墓

叔也早辭世佳宅鬱松杉  
音容猶彷彿氣象憶巖巖  
送少宰曼園大兄服闋擢少司馬還朝

李下無谿徑銓衡宿望優只今除司馬三起定三留

春日寶林庵作

把管空房內吟詩大士前老僧來戶外相對坐譚禪  
方塘春水澗落照滿空山門外東風急高僧獨閉關  
春在東風裏閒吟一啓關門前無限景斜日欲銜山  
樓高不礙月水澗獨藏雲耳畔齋鐘起依稀夢未分  
獨立江邊望東風逐布帆野花餘秀色細雨濕春衫  
露濕三春柳風開二月桃方池魚潑刺不覺雨如毛  
日脚風吹散春潮浪颭沙高原雲外望樹裏有人家  
遙望水雲亭長隄草色青夕陽茅舍晚竚立看春星  
丙子南映姪南闡報捷

空明子詩集卷之四

三

欣聞小阮捷得志已蹉跎暗想家門內秋風鍛羽多

十緣

世事口不談看竹何由俗蕭蕭風雨寒洞門空鎖綠  
名利既澹然一生無所欲臨窗對卷時茶點點鴉綠  
兀坐聽窗外聲敲鐵馬續東風昨夜來吹上一庭綠  
隨意發長吟閒步迴廊曲春意入林中枝頭幾分綠  
沙鳥見人飛爭向池塘浴涓涓水暗流波面萍浮綠  
君既憂清閒何妨飲醲醑挑燈坐更深蟻泛杯中綠  
鳥向空山飛人當忘世局註羅黃庭經坐看苔痕綠  
梅花零落後枝頭亂飛玉惟有柳梢頭依依放新綠  
登樓望美人春情難縛束手折一枝花笑簪雲鬢綠

談心遇知己把酒夜剪燭世事等春花垂楊應又綠

壬午和叔奕山兩弟南闡同榜

兄弟今同榜雙看折桂花穿楊真不愧二俊屬吾家

塞上曲

塞上青草稀沙場飛雪泥小鳥亦知還征人歸未歸

江邊獨立

遙望夕陽開江潮去復回一時增感慨岸草亦徘徊

丙戌歲南映姪補戶部員外郎

少宰司農日曾叨寵渥重後昆能繼武不愧小司農

十寒

檢書小閣內坐聽漏聲殘童子垂頭睡孤燈怯曉寒

空明子詩集卷之四

四

百卉盡凋落疎梅獨倚欄皎皎明月上夜深花意寒  
握管題詩後閒庭看早蘭清香拂滿座窗外曉風寒  
但識承平樂未知閑寒難黃沙一片月羣馬夜嘶寒  
勁節不善媚舉世漫相看誰識凋殘後蒼松耐歲寒  
啓簾月滿戶把酒怯衣單牆角花枝瘦詩人骨裏寒  
終日閒房坐閒開聽急湍臨流一俯仰清夜月光寒  
有鳥自南至吟露濕羽翰影落空庭內一聲啼暮寒  
結社談文日更深興不闌頓令腸欲熱翻覺酒杯寒  
耕讀儒家業清貧聊自安茶香消肺病日落晚峰寒  
丁亥歲茹英弟補刑部主政

強仕初登籍明刑敷在寬一年郎署內道路劇騰歡



通吳江

下邑苦逢迎涼波遠浸城可憐一望水不忍聽哀鳴  
邑宰善催征羣推有政聲縣知百萬戶旦晚化為萍

戊子已丑得天姪聯捷

年才踰舞象英俊足相誇不獨能攀桂連看杏苑花  
庚寅歲南收姪之任桂林

五十居方面官箴屬老成去家將萬里且喜得賢名  
夏日雜咏

花隱小樓偏輕雲淡蕩天生憎湖上樹日暮咽新蟬  
赤霧障晴藍三吳坼碧潭誰將薊北雨移過大江南  
雙杜勢吞樓涼颺六月秋神仙如可學我欲拜青牛

空明子詩集卷之四

五

石磴江聲脆風高日色乾閉門絕塵跡相與試龍圖

贈普姪孫

予與奕山弟及南映姪俱未有子庚寅季夏南

映姪都門得普姪孫至九月回南見之志喜且

幸後來者之有望也漫拈兩韻用慰老懷

兩世科名盛還期跨竈來待予生大阮同爾上金臺

癸巳二月開科吳霑姪北闈報捷

幼孤真可憫今始一飛鳴莫漫嗟搖落相看漸有成

送姪婿吳麟章還朝

一從辭翰苑作宰倍艱辛待得還朝日相看半百人

接表姪周策銘手札

典試滇南日清聲到故鄉可憐未有子鬚髮早成霜

癸巳八月會試奕山弟中式

開科真異數且喜拔其尤又折蟾宮桂功名總在秋

渡吳淞江

五湖愁震盪賴此得安流遙想陶唐世神功遍九州  
八載功成後民生盡奠安如何一帶水修築倍艱難

送魯亭姪入都應試

力學靡寒暑如今又送行朱衣頭不點屈殺一書生

歸舟

往還五百里終日打頭風猶喜晴明好看楓葉紅  
古道經年沒牽舟路未通最愁兩岸濶飄蕩不禁風

空明子詩集卷之四

六

贈介山姪

十年愁鍛羽努力且加餐似此勤攻苦鵬搏自不難

甲午鶴來姪北闈報捷

看爾成童日長鳴向九臯迴源知有本振起鳳凰毛

十月十三生子日錢介維陳含美兩壽翁先期而

至即賜瑞章讀之勝似百朋之錫漫成一絕以

志不忘

纔報宜男信先來兩壽翁瓊瑤隨見賜搖筆疾如風

得子日作

自笑吾衰甚看書與未休生兒須待教辛苦話從頭

得子後入祠堂拜 先伯母陸太夫人 先母吳



太夫人作

丁亥歲臥病半載六月朔夢中聞南映姪得子  
予往西稱賀見祠堂門首將樹旗杆入祠伯母  
及先母聯坐與生時不異予與伯母道喜畢伯  
母曰汝亦恭喜但見先母愀然不樂醒後尋思  
其言殊未可解此時予長子年已十六幼子年  
亦三歲不意是年九月喪去長子次年冬幼子  
又復痘殤然後知是夢蓋不祥之徵也屢承大  
嫂王太夫人屬望之切予曰丁亥六月伯母已  
明言之矣必待南映姪得子後予始可冀至三  
年庚寅六月南映姪果生普姪孫子是時方萌

空明子續集卷之四

七

得子之念又四年甲午十月予始得兆熊可見  
事皆前定非人力之所能爲也直敘無文用表  
靈異

神爽昭靈異先幾事果真今看叔與姪同賜石麒麟

贈伊章姪

十畝堪樓隱行年近四旬姓名不欲顯疑是武陵人

三巧

短褐數不完半菽嗟難飽未甘饒爾憐此是愚中巧  
甘受俗子欺不受狂且攪一心常湛然此是明中巧  
用我牢籠術有時直則絞引人歸正道此是巧中巧

贈孟昭姪

早歲嚴君背號啼不忍聞只今年漸長辛苦學爲文

立志

立志步前民紛華不敢親悠悠三十載孺子遂長貧  
可否千秋事評論百世人簞瓢真足樂孔孟合相親

結廬

結廬秋水間朝夕揖青山卽此清都是何須覓大還

望江

登高天欲近放眼日初斜煙霧蒼茫裏鯨鯢吞浪花

贈陳映璿甥

魯連辭千金季布重一諾不學世上人紛紛事糟粕

附六言絕句

空明子續集卷之四

對荷花

不知何處飄香我愛橫塘日長但看芙蓉映水遙憐楚

楚衣裳

看浮萍有感

莫笑楊花飄泊還能化作浮萍等閒秋風一度好爲劍

留青

醉遊

天馬山邊結宇年年醉卧此君客來共登草閣日落西

山暮雲

月上

淒淒漁火江渚獨坐草堂夜深一碧長天如洗看他月

上平林

把盞

開卷微微得意觀心寂寂忘年花枝搖動簾影把盞轉  
覺陶然

空明子詩集卷之四

九

空明子詩集卷之五

練川兄樸村先生選

華亭張 榮景桓著

月下論文

良朋相對迎暉閣剪燭談文意興賒同看夜深明月上  
小窗晴影落簷花

春日

遙望晴煙眼底新東風馬足動輕塵江邊春色還無限  
一樹桃花欲媚人

池上有悟

閉戶已忘炎世界蒲團趺坐最相宜禪心恰似池中水  
月照寒潭風靜時

空明子詩集卷之五

一

封門晚泊

蕭疎漁火近黃昏月上城頭出海門記得去年春盡日  
綠煙紅雨最銷魂

鄧尉梅

萬花深處白雲寒一片晴煙怪石攢對月何須更三弄  
夜涼愁傍玉闌干

光福望月

扁舟移泊百花村冷落詩腸酒半溫無限紅裙春寂寂  
夜深月上弔冰魂

靈品偶得一截句

寧廡廊空不可論芳踪何得尚留痕鷓鴣飛盡百勞去

惟見山頭石虎蹲

放鶴亭

寂寞空山亭尚存登臨猶足賦招魂仙禽放去何年返  
海燕雙雙日到門

千尺雪

一片寒山露石根千尋雪瀑日崩奔可憐猿鳥無消息  
惟有嬋娟到洞門

法螺庵

萬點梅花落寺門飛泉曲折似雷奔幽香不付遊人賞  
留與山僧印屐痕

天平山

李明子詩集卷之五

二

削成奇石峙龍門特訪蓮花禮世尊杖策忽從天際落  
却疑曾卧白雲根

秋日拈上平十五韻

青帘隱約小橋東樹影蕭蕭白露中流水一池天半月  
有人看洗碧梧桐

閒房何處夜鳴鐘坐聽悠揚度晚峰灑盡英雄多少淚  
淒涼無限大夫松

風飄木葉水平江獨坐無聊倒玉缸四壁圖書供倦眼  
羲皇一枕傲南窗

柳堤初月鏡中睂蟬到秋來咽更遲螢火漸微風漸冷  
池塘獨步夜深時

綠竹丹楓繞翠微投林飛鳥自天機閒來獨向空山坐  
桂子飄香月滿衣

獨立橫塘學釣魚芙蓉香細入衣裾竿頭釣得鱖雙尾  
煮酒烹鮮快著書

最喜先生號八愚清風一榻儘堪娛門前槐柳高千尺  
人世於今有意無

竹橋茅屋隱花溪秋水平添綠草齊抱膝閒吟思往事  
午牆忽報一聲雞

溶溶月色照空齋一樹桐陰覆玉階坐卧小窗聽萬籟  
不禁秋思遠天涯

李明子詩集卷之五

王

庭院秋風碎綠槐  
草堂寂寂月如銀座有琴書未是貧不爛猶存三寸舌  
立談卿相更何人

秋聲細碎不堪聞雨過平沙隨雁羣家有薄田一二頃  
從教攜杖看浮雲

千卷詩書酒一尊幽蘭最喜早生蓀不堪秋夜銀屏冷  
風打梧桐雨打門

芙蓉江上露溥溥天濶秋空夜月寒獨步池塘間遺悶  
疎籬低亞傍蘭干

秋江湖長水潺湲環繞前村一小山也是先生甘寂寞  
看書常是掩柴關

冬日拈下平十五韻

林塘遠眺暮雲天，泉水悠悠去復還。世事幾經更變過，先生閉戶已多年。

隔池疎竹自蕭蕭，慘慘西風起暮潮。窗外晚來寒更劇，詩腸還藉酒杯澆。

月下高僧門外敲，談禪深處訂知交。廟堂不用虛無客，還爲先生作解嘲。

松間風過似驚濤，兩鬢年來感二毛。惟有狂歌堪寄興，登樓日日醉醇醪。

晚風來處紙窻多，天外雲開見素娥。把酒一尊酬皓月，相逢幾載奈愁何。

空明子詩集卷之五

四

簾外悲風吹雪花，花枝斜壓映窗紗。梅偏不會趨炎熱，堪與先生共一家。

狂風日日鬧修篁，獨步園林倚夕陽。惟有夜深尤寂寞，疎星澹月照寒塘。

紅梅欲發尚含英，把盞低徊玩二更。最喜今年春色早，繡屏風上一枝橫。

臨窗開卷一燈青，淅淅淒淒風獨自。聽經理茶鑪清肺渴，夜長怯冷擁圍屏。

白石闌干聊自凭，梅花開處潔於冰。此時對景惟應醉，斗酒還愁力不勝。

有花可賞插滿頭，有酒不羨隔戶侯。有酒有花聊遣興，

一身之外又何求

巍然松柏立千尋，鳥道崎嶇向夕陰。獨入深山涼世界，欣然披髮傲冠簪。

綠陰環遶九峰南，天賜高僧結草庵。龕火一燈供大士，先生策杖獨相探。

笑折梅花手自拈，塵心却掃獨掀髯。要知大道即離處，綠竹橋西拂酒帘。

清風流韻入松杉，古道疎林澹日銜。試向荒山高處望，定誰騎馬著征衫。

宮詞

六宮秋夜冷天香，獨坐空庭欲斷腸。那得身如丹桂子，

空明子詩集卷之五

五

隨風飛去伴君王。

江邊有感

射潮止水箭神矣，投鞭斷流氣豪哉。英雄壯志百靈懼，獨立江干幾溯洄。

小山看桂次 家大人韻

花前吸盡水晶杯，卒歲難逢笑口開。獨坐星河拚一醉，酒闌歌罷客方來。

與君滿酌蒸霞杯，花影參差竹徑開。庭際夜深攜杖望，月中桂子可能來。

歲朝偶題

曉起臨窗拂繡鞋，宜春小苑綠生階。倩郎代整湘裙帶，

笑對菱花插燕釵

憂旱詞

災風朝夕捲黃沙赤日薰天火作鴉閒却秧田多不種  
一時忙殺木綿花

近水青苗尚可耘桔槔聲裏半釵裙憐他盡日城西棹  
夜夜微涼不見雲

連歲蟲災已剝膚火雲又見困三吳天時未許尋常測  
長吏徒然罪狗屠

誰結高臺欲接天法師登座鼓鐘喧未邀甘露來峰柳  
但見書符放大龜

夜夜城頭月似銀枯苗衰草倍傷神詩翁也作憂時草

李朝子詩集卷之五

六

心事爭如步禪人

枯坐

閉門枯坐莫相探撲面風沙暗翠嵐江草江花俱寂寞  
譬如生不在江南

讀易空山請息交一條泉水挂山均衰翁病骨支離甚  
怕說秋風到柳梢

小齋即席得芝字

心閒久絕游仙夢今喜初逢李內芝誰是玉皇香案吏  
座中愁殺鄭當時

為情麻姑進酒卮看他爛醉好題詩深山自有長生訣  
不學東坡寄玉芝

謝亦山齋即席得玉字

南風入墻搖暗綠座有道士笑蠻觸持杯爲我邀謫仙  
曷以贈之藍田玉

馬上口占

走馬林塘曲徑幽感時揮涕濕輕裘漫誇更有長沙策  
聖代無勞草野憂

雜感

非關老去轉情親白首相知有幾人多少花前舊賓客  
春原宿草暗飛塵

杏花含雨欲銷魂一樹垂垂照草門青鳥不來消息斷  
清尊愁悵對黃昏

李朝子詩集卷之五

七

梅花才落燕來初千里迢迢遠寄書未展琅函先欲哭  
知君應歎食無魚

泛宅吳淞一釣徒幾回花底問狂夫如今寂寞空江冷  
還有當時逸興無

馬角難生又幾年何須抵死強加鞭可憐貌似王家簿  
敢有才華及仲宣

月銜花影最玲瓏蛺蝶無端入夢中應似楚魂招不得  
隨風飄蕩類飛蓬

閒愁無那苦重重似隔巫山十二峰一自襄王行雨後  
楚臺長被白雲封

不厭煙柳苦低迷那更黃鸝向晚啼路轉板橋通帶水

未知何處是花溪

春晴無日不飛觴，憐殺嬌紅空斷腸。我欲醉眠花底月，

隔窗微度麝蘭香。

忽晴忽雨未分明，一夜愁霖到五更。誰道朝來春尚好，  
杏花依舊笑相迎。

杏花下

東風吹綠草連天，紅到花枝火欲然。碎錦移來爭巧笑，  
可憐涼雨濕寒煙。

數枝紅粉拂珠簾，曾共東皇笑語甜。何事昨宵風雨後，  
似愁中酒病厭厭。

朝來花信有何憑，盡日春晴竟未能。把酒對花還共笑，

空明子詩集卷之五

八

可能無意伴紅燈

自別花枝已十秋，浮生未許數閒遊。春來不道花相見，  
如對交親話舊愁。

舟行

微雲淡淡峭寒天，獨泛扁舟坐曉煙。紅到杏花青到柳，  
幾回東望一潸然。

冷風旋透木棉花，勒深寒似暮秋。漠漠凍雲春色暗，

白頭相狎有輕鷗。

細拂春波蘆筍新，輕煙輕雨動愁人。孤舟有夢頻驚覺，  
不許離魂傍幻塵。

舟行泗水動經年，每望長堤意惘然。官渡無人楊柳綠，

東風吹上木蘭船

春服

脫却重裘春服更，袂衣輕薄近人情。可憐老子多寒態，  
袖襖芒鞋合一生。

杏花

恣意東風卒未休，不堪零落滿牆頭。杏花憐我身多病，  
送與隣家一段愁。

柳枝詞

步步金蓮得得嬌，最難消受是纖腰。不知何處行雲罷，  
尚有風情折柳條。

彩鸞影裏佩珊珊，乍見驚鴻未敢看。遮莫高唐雲雨會，

空明子詩集卷之五

九

楚天煙霧白漫漫

渡江

東風倒捲浪參差，好向蛟人致一詞。弱質未愁填巨壑，  
早聞龍女解吟詩。

土孩

五銖不惹一纖塵，自愧徒爲泥土身。莫使無端桃梗笑，  
秋風秋雨正愁人。

舟次雨中望佘山

獨眠篷底望雲鬟，遠浦漁歌泛艇還。煙霧迷離看不見，  
天然一幅米家山。

一春

春來風雨少晴和韶景無端一瞬過白髮滿頭君莫笑  
此生愁緒落花多

把釣

滿目繁華一片春未曾冷落便愁人何如把釣清江月  
長伴漁磯寂寞濱

郊外

浴日綠波餘柳葉燒天紅火有桃花此行不爲尋芳樹  
獨向江頭玩物華

玉蘭花

玉琢瓊雕六出鮮唐昌觀裏憶當年一從仙女來遊後  
不數招華與集賢

空明子詩集卷之五

十

牡丹無花誌感

繡牀倦倚嬾凝妝不染鉛華泣洞房却被無端桃李笑  
牡丹空自占花王

無題

不是東風分外狂裝紅點綠十分忙賺他蜂蝶閒相逐  
攪亂香閨欲斷腸  
一樹垂垂紅粉妝無情偏逗有情腸游蜂不管人憔悴  
春色銜將過短牆

桃花

門外紛紛紅落盡天桃今日始開花逢人莫漫誇先著  
留伴窗前瑪瑙茶

小齋

嬾向郊原望遠山開簾初見燕飛還深深院落無人到  
獨對桃花一樹閒

江頭

一春清夢謝浮埃偶向江頭坐碧苔綺語屏除愁總散  
落紅狼藉恨重來

四十

轉眼浮生過四十須知此後只尋常一從夢醒黃梁後  
反覺人間日月長

餘生

豈堪追憶夢魂驚二十年前病裏情白首無成君莫笑  
不知今日是餘生

空明子詩集卷之五

土

西湖別

一葉遙遙渡水湄稽山高處望中空可憐幾日成離別  
無復桃紅李白時

峰泖怨

生長蓬茅雅淡妝自憐無分見君王畫圖不賄毛延壽  
名姓何由達尚方

花下口占

四時獨有春光好每遇花開值忌辰莫怪對花頻下淚  
一年能得幾多春

對酒有感

有時對酒不沾脣非是無情別有因看盡春光一百六  
千紅萬紫總成塵

愁

欲將琥珀鎮心忪觸緒紛來懊惱儘最是睡醒消不得  
五更風雨一聲鐘

可憐

可憐鬢髮總成銀撩亂春光風雨頻帶醉看花君莫笑  
勝如不到白頭人

有感

天地能回萬物春如何還有凍饑人不知辜負釣陶意  
枉怨東風得苦辛

李商隱詩集卷之五

主

九弟將擴鄰房卜築別業適舍語及喜而賦此

惠連俊秀真難匹別業還思卜築幽天地一身詩酒外  
更無餘事向人求

水閣軒窗面面通  
勿溪環繞綠筠籠  
閉門盡日聽啼鳥  
似解禪機話幻空

一盞紅螺秋夜長  
高樓玩月趁新涼  
嫦娥若解人間意  
不照離筵與斷腸

隙地栽花曲水邊  
秋香滿院綠陰連  
遊人豈許尋常到  
清閨雲林住散仙

西園杖策幾經過  
不道紅橋勝偃波  
愧我阿兄空老大  
往來花徑費吟哦

西園集十  
弟別集

咏茉莉花

夜長不寐獨臨風  
拂拂清香入檻中  
偏是炎天聲價重  
多應種出藥珠宮

早起空庭散髮行  
如嗅如笑更相迎  
捲簾試茗君知否  
無限清芬在落英

嘲杏

杏花才放一枝春  
幾陣東風化作塵  
莫是芳華工勢利  
生憎我是白衣人

怨花無計問花神  
爾亦何情度一春  
我有海棠開更豔  
可知孺子不長貧

予既喪子後忽來不入耳之言因作一絕應之

李商隱詩集卷之五

主

教子何須恁樣教  
任人埋怨任人嘲  
可憐讀盡書千卷  
不及來儀展九苞

互人國以白玉爲城  
鬼不敢入有感而作

雪作闌干粉作堆  
種花還種九英梅  
紙窗書几皆如玉  
鬼物何緣敢入來

黃父以鬼爲飯

江南黃父鬼爲糧  
聞道身纔七丈長  
若得盡吞諸鬼淨  
願承霧露奉爲漿

宗定伯賣鬼

南陽年少逢奇鬼  
唾沫粘來化作羊  
賣得青蚨千五百  
問渠智力爲誰強



人鬼相觸

如何人鬼交相觸府舍當年亦異哉豈爲善人不敗犯  
傅公曾掌度支來

梁時府舍內人鬼相觸戶尚書傳曰  
至矣或曰傅公善人不可化遂止

黎丘鬼

黎丘伎倆真難測父殺兒冤最可憐待得丈人歸悟後  
一堆白紙哭黃泉

不及

綠葉叢中一點紅東風撩亂暗相通憐儂獨送春光去  
不及遊絲繞半空

怪石巉巖已露奇喬松翠竹又相宜憐儂一室惟愁坐  
不及閒雲任所之

空明子詩集卷之五

十四

夾岸薔薇吐異香碧陰簾底罨垂楊憐儂獨自臨河望

不及鷓鴣睡草塘

閒看哀鴻次第來推窗無意步蒼苔憐儂閱歷風塵老  
不及隨陽雙羽回

海棠

腰肢無力關春風似帶餘醒怨落紅一笑傾城迷下蔡  
滿腔淫思月明中

牡丹

牡丹零落一枝春千種風流讓與人虧得小庭荒寂寂  
不將顏色沒荆榛

虎丘八月十三夜步月

月影參差照畫廊清歌一曲繞虹梁山僧忒解風流事  
醉尾吳姬入道場

憶四郎

纔登虎阜便思回何事經心撥不開料得四郎應念我  
候門牽袂索泥孩

登玉峰

二十年前汗漫遊今來重訪值中秋青山向我如相問  
慚愧無成竟白頭

和陸星聚豆腐詩

堆盤恰似玉山攢托出家風一味寒到齒不須深用力  
算來只合老儒餐

空明子詩集卷之五

五

尋春

爲尋春色踏春陽柳暗花明日正長自笑身非唐子畏  
未應朱戶覓秋香

半塘舟中戲贈包孝廉

鵬飛東海舊知名愛我新詩話二更古語難逢包老笑  
白公塘畔見河清

姑蘇城中

天高氣爽暮涼生看遍繁華在此行萬紫千紅滿街市  
秋風不進閨闌城

虎丘後山作

後山煙樹晚低迷惱殺殘鶯歷亂啼惟有暮愁消不得

一腔心事在關西

人間樂

千年七日竟如何只恐人間樂較多反怪仙家閒不過  
洞中祇合醉紅螺

千年未五十鬚髮盡白已丑歲有老去尚愁頭再  
黑之作今已七年黑鬚重出不勝欣喜因以誌  
異

紙窗坐老笑潛夫茶泛蘭香酒滿壺把鏡漫驚腮半黑  
問人新長數莖鬚

纔見

纔見紛紛甲帳開高車大馬捲塵埃可憐幾日虛名利

空明子詩集卷之五

去

又報銘旌自北來

七夕詞

銀河爲稱月爲鈞稱盡天孫無限愁波浪不驚烏鵲渡  
但餘雙淚對牽牛

七拙詩

生頭宜俯不宜昂偏我生來若仰望生此拙頭真下相  
自應顯達讓諸郎

博取前程口主張十分諂佞十分強可憐我口生來拙  
只解談詩與覓香

用盡機謀使盡強損人益己姓名揚我心真箇癡頑甚  
拙到空空是故鄉

拂髮取媚尋常事掃地迎門曷足傷何事我生偏不解  
一雙拙手袖中藏

折腰誰不知良策久折高遷仕路長孰料吾腰折不得  
拙來疼痛更難當

逢迎長跪全憑膝捷取功名若探囊拙膝只堪閒抱著  
長吟梁父獨徜徉

權門奔走成豪傑不喜安閒福自康誰道拙來臨到足  
但堪躡屣看紅芳

和俞楠亭暑中苦雨坐蕉園韻

捲簾四望白雲浮急雨酸風若水流深綠映窗同一色  
未曾搖落已三秋

空明子詩集卷之五

去

秋雨秋風綻紫萼鱸魚正美若猩脣可憐張翰東歸後  
坐聽芭蕉屬老身

和俞楠亭八月風潮狂甚庭前芭蕉楚楚可憐韻  
碧圍欄檻綠成雲中有先生坐廣文潮到海門風勢大

亂搖蕉影落繽紛  
湖水平添海長潮更兼霖雨徹中宵不堪萬卷供搖落

陪伴垂楊鬧舞腰  
震澤東流已漸涇可憎海若緊爲隣狂瀾自許真堪砥

不作隨波逐浪人  
陋巷簞瓢今已矣誰知食祿清如水斜風猛雨壓芭蕉

打破綠窗誰整理

不飲從無索酒錢  
巍巍門閥比僧虔  
他時霖雨應難免  
且向東山一晌眠

自悔

種種斑毛兩鬢生  
息交罵世最知名  
自憐才拙輸鸚鵡  
何故猖狂似禍衡

嘲蠹魚

拂拭明窗理舊編  
蠹魚食盡總堪憐  
怪他不識神仙字  
枉坐書中五十年

空明子詩集卷之六

練川兄樸村先生選

華亭張榮景桓著

日出

日出火輪紅昭昭  
上太空萬方同朗照  
一線必爲通山海  
陶鎔內乾坤變化中  
如何推測者此理若能窮

訪古木堂禪師不值

偶來日慧寺啓戶已蕭然  
方丈風塵滿高僧木榻懸  
惟餘花送客只有鳥譚禪  
泉石空鳴咽盤桓古墓前

月下再過月牙池

水色渾如舊胸襟又一開  
菴荒從鳥集藻短認魚迴  
樹向池中出天從月裏來  
疎星遙隱見搔首憶蓬萊

八月朔泛舟八曲

松韻發天籟楓林醉曉霜  
雲濃迷遠岫露濕暗橫塘  
閑過龍鱗翠瓢來桂子香  
孤舟驚宿鷺衰柳正蒼茫

重陽後泛舟峰泖間

漁艇泛前川鱸魚楊柳穿  
山楓丹嶂映湖水白雲連  
坐石思彈鳥臨淵羨擊鮮  
舟師催返棹風送木蘭船

戲用溪西雞齊啼五韻

冷桂傍幽溪空林日正西  
離羣幾隻雁何處一聲雞  
江艇來偏速村雲去不齊  
禪房無別事卧聽鷓鴣啼

挽家帶三先生

哲人今已沒我道竟如何  
跡隱交遊少窗閒著述多  
棄

官悲老大抱膝恨蹉跎仰止高山下悠然獨嘯歌

馮御史墓

長嘯疎林外悠然策短筇雲深不見日院靜若聞鐘石  
虎埋荒草蒼龍卧晚峰悲哉真御史空此弔芳蹤

偶步次 家大人韻

偶步芳郊外黃鸝繞樹鳴柳風飄有韻花雨下無聲水  
急千帆遠雲開半日晴獨悲湖上寺搖落不勝情

春分

韶光無限好桃柳共爭芳氣淑春潮暖風恬野菜香林  
空天自濶山靜日方長望裏人家少登樓思渺茫

花朝

空明子詩集卷之六

二

東風昨夜急桃李正芳菲古柏迷華表斜陽下釣磯方  
塘春水濶曲徑野花肥有酒應須醉閒吟莫浪歸

謁邑廟

我值困窮日君爲社稷神奠君三爵酒示我幾年貧  
白不復黑花殘豈更春人生如過隙拜罷倍酸辛

過積善寺

古刹荒煙裏禪房迥絕埃花遮殿宇靜竹雜雁聲哀落  
日江天暮浮雲海甸開與僧叅上乘相對此徘徊

過春申江

江波日浩蕩過客動秋思帆影隨蘋藻雲根見鷺鷥鏡  
中沉野馬空際隨游絲但覺臨流穩長吟釣可垂

重過春申江

江樹慘落日漁舟靜不譁荻蘆飛瑞雪鷗鷺踏晴沙波  
定雲留影風生浪欲花秋來無限意相對獨咨嗟

訪杲如師

鐘鼓荒菴靜高僧晝掩關梵音空澗谷晴色獻雲山煨  
芋心仍澹烹茶性獨閒清風拂人面塵念一時刪

晚眺

孤村低落日江樹散寒煙草與長天接雲和流水連遠  
鐘來竹院微火近漁船極目高丘外行吟意惘然

簡盛晉人

君才久未遇能不歎蹉跎詩酒長如是登臨近若何句

空明子詩集卷之六

三

奇知意苦交泛識情多高卧申江上閒窗任嘯歌

寧國寺

寺在寧國山頂故名

到此夕陽天塵心已冷然梵宮分兩縣松樹近千年石  
碣荒煙裏蓮臺蔓草邊徘徊不忍去清磬悟空禪

道士

道士共我坐示我黃庭經垂簾忘色相返照若日星谷  
神常不死赤子別有雲守此善運化悠然契茲冥

過韋馱菴

古渡寒煙散春風入短籬弟兄同笑傲桃柳任叅差院  
靜蒲牢吼庭深燕子窺門前一帶水未許老僧知

過清河菴

率爾來幽徑巍然見梵宮接高塵境遠室暗佛燈紅  
水無船渡迷津有路通我心應似石不與俗人同

夜泊周浦塘

塵勞得暫休遠浦歌孤舟竹隙窺微月沙灘咽細流  
乍看農務息猶覺鳥聲幽檢點杯中物臨風賞麥秋

和朱品方拈花菴卽事

蕭蕭竹徑斜春思正無涯水接申江遠橋連古道賒  
輕縈柳帶風急落桃花白雪難爲和偷閒且話茶

拈花菴詠虞美人花步吳日千韻

窗前蜂蝶亂小草亦堪憐露滴苔痕潤風迴花影妍  
芳魂成幻境舞態尚依然垓下徘徊意空餘此地傳

空明子詩集卷之六

四

妾意那堪說花心最可憐願隨春共老不與世爭妍  
化草真奇絕鍾情豈偶然若非造物巧幽怨孰爲傳

初登海塘晚眺卽事

大海望不極登臨快此朝惟看清鏡潤未覺碧天遙  
島嶼何窮盡魚龍任擲跳三山如可到我意欲乘潮

乘月聊閒步漁燈望裏賒龍宮春寂寞寢處夜誼譁  
帆影搖山脊晴先卷浪花前行殊未覺身幾伴魚蝦

河漢三更冷海風四月秋遠山鰲背動荒寺鶴聲幽  
黑霧連蒼狗黃沙打白鷗東南聊極目天地若爲浮

碧湘苑校書

好是慵修飾天然在箇中一言經咳吐滿室盡春風  
似

月微雲掩如花薄露籠芳蕊堪把袂曾住越江東

吾廬

吾廬多別致草閣面平湖弄筆偏饒樂攤書正未迂  
無山不號拙有谷可名愚閉戶堪逃世兒童莫我呼

最愛烹泉好清芬散席端風輕鳴小鳥雨細潤幽蘭  
一枕黃粱熟三更紅蠟殘夢中機械少反覺地天寬

天地有定數人情多變遷親朋容易散忠孝豈能全  
不肯欺幽室常期守寸田所師非在遠彼美正當前

石泉堪坐對花影上窗楞客似高飛鳥山如久立僧  
臥餘詩句好醉後酒懷增驛路空千里勞人歎夙興

舟中

舟行何所見春暮衆芳肥樹瘦蒼龍偃雲輕白鶴飛  
棹歌花裏出樵唱月中歸欲問前溪路漁翁在釣磯

石埭道中

雨過煙嵐淨新塘分外明林深疑有虎山靜不聞鶯  
滾滾洪濤急巖巖萬壑成周旋惟一僕惆悵望孤城

當暑

離書聊煮茗當暑怕登樓意懶聽鳴鶴心閒愛浴鵝  
賦詩平且淡讀古幻而幽世路真難涉蟲聲四壁愁

步雅臨四兄同盛梅亭避暑簪菴韻

曲徑藏精舍疎簾傍水開茶香浮綠雪酒熱泛金盃  
不絕涼颼至何如舊雨來近村風景異且喜遠氛埃

空明子詩集卷之六

五

板橋連竹運門外一花開  
禪榻留新月吟瓢酌舊醅  
地偏無客至院靜有僧來  
得謝炎蒸苦何妨沒脚埃  
清齋宜夏月蓬草爲君開  
莫慮瓶無粟反疑甕有醅  
錫飛不到處杯渡可能來  
忍草閒庭發相看絕點埃

湖上作

夙愛西湖好攜筇放浪遊  
松風愁欲暮潭影淨於秋  
亂柳蟬聲急空山鳥語幽  
不堪悲落照蕭寺獨登樓

春日

門外日色薄新晴綠滿山  
春殘詩漸短心懶夢常閒  
有恨終難別無愁未可刪  
翠峰應不遠策杖獨躋攀

唯亭

空明子詩集卷之六

六

此夜唯亭路孤舟雙槳開  
小橋偏隔市高樹却疑山  
未雨煙初重微風花正殷  
愁腸何處託三疊唱陽關

次楊下人潛籟軒韻

夢遊楊子宅精舍白雲隈  
喬木自疎密幽禽任往來  
山空萬籟寂軒敞一花開  
何日經過此相從醉幾迴

登太湖莫釐頂望七十二峰是日風雨厲甚

煙迷澤國遠傍午獨登臨  
山向靜中見詩從雲外尋  
帽軟綠雨急衣薄怯秋深  
憑弔亭子空愁白髮侵

姚欽六齋宴集得山字

吉水源流遠高軒傍小山  
真狂輸我輩避俗卽仙班  
酒潑葡萄綠花開踴躍殷  
莫愁歸路杳月色到柴關

登佘山次二家兄韻

爲愛西峰好攜筇試一登  
泉聲碧玉碧山色翠紋縷  
磨井無朝汲空壇有戒僧  
行雲矜神女羅襪淺波凌

題春風玉樹閣

極目應千里茫茫二月春  
臨窗花解舞捲幔鳥窺人  
境寂堪忘俗懷開不覺貧  
莫談塵世事倚檻獨逡巡

春日

臨流堪遠眺春水正漫漫  
獨得此中趣應同如是觀  
窗虛當怪石花亞傍雕欄  
高卧長林下聽鷗興未闌

咏陳朝雙檜

雙檜陳朝舊珠林伴曉鐘  
心堅如鐵石節勁似虬龍  
不奉君王詔何愁雷斧攻  
高標足千古遠勝大夫松

空明子詩集卷之六

七

春色

春色繞塔綠東風昨夜狂  
曉寒鶯語咽日永燕泥香  
柳葉拖清沼桃花點石牀  
蕭然人境外幽意入蒼茫

美人汲井

皓腕輕攜處無端窈窕生  
紅裙點澹色金井轆轤聲  
乞得能消渴煎來善解醒  
仍從花底去雲雨未分明

當暑小飲

淅泉懸卧榻消暑最相宜  
壁鼠凝堪玩盆魚樂可知  
臨流尋舊隱對景覓新詩  
愁殺無邊草青蛙鼓綠池

我愛溪山好期君汗漫遊  
鶴觴容我覓龍拂待君求峰

疊堆如錦泉迴曲似鈎無人知此意夜月泛虛舟  
不逢河朔士誰繼此風流小集遺三養微吟謝四愁蓮  
花沽舊釀葱蒨薦新柔一仿東西晉清談得自由

舟中

稚子天機活蓬窗笑語頻小橋餘翠柳矮屋傍青筠鷗  
鷺眠沙晚鷺鷥踏浪新畫撓風雨急遙指是歸津

江南好

共說江南好江南自不同花能知怨雨鳥亦解愁風紅  
粉迷金蝶青袍醉玉驄水流春雨膩煙鎖暮山空

綠牡丹

牡丹名品衆歐碧最芳華並葉疑無色聞香始見花綠

李商隱詩集卷之六

九

珠初出閭閻令合通家莫漫誇紅粉輕將翠羽遮

即事

庭草年年長江湖日日增種花招粉蝶把酒畏蒼蠅未  
得如禪悅何因免盜憎新詩誰見寄惠我玉壺冰

庭桂

雙桂影青青幽人幾醉醒種花成老大笑我尚寧馨接  
葉消炎暑交柯覆戶庭堪攜一片石獨坐寫茶經

松風

我愛松風好晴能帶得來曲廊遙引入小院暗招回針  
落苔堪繡花飄金作醅聊爲蝴蝶夢一枕絕纖埃

自傷

非是傷春淚胡因特地流看看花到眼漸漸雪盈頭詩  
酒徒增感登臨莫自由如何才四十衰颯不勝秋

獨坐桂樹下

嫩碧覆庭除窗間花影虛映茶香有別對酒色相於鬢  
髮三秋雪縹緲細滿架書清芬堪擁臥奚事覓精廬

當暑

隆熾增煩鬱慨台見化功指冰難解熱陰竹欲生風松  
見扶餘石杯求鄭慙箭不將雲露嗽神體若爲融

此日方徂暑炎歊久到門竹邊招韻士松下得芳尊可  
以消隆熱因之托大潭誰能裝雪檻一爲返冰魂

燈下次七弟韻

李商隱詩集卷之六

九

閒坐話更深翻書思不禁弗違作者意如見古人心燈  
暗綠蛾撲編殘有蠹侵因懷陶侃語還欲惜分陰

讀史有感

司馬爲郎後家徒四壁貧古今同一轍富貴幾兼人若  
箇憐非兄誰能起涸鱗五更風雨後獨坐淚沾襟

螢火

飄忽無常性生輝繼夕曛竹邊徒寂寞月下枉殷勤帶  
火將誰照臨風若自焚寄言憑眺者秋冷易離羣

山徑荷花

徑僻無人到山深見一花可能同玉井長此度韶華不  
作天斜態從無搖落嗟采蓮徒有賦羞對大方家

小赤壁

橫雲分小派赤壁有誰侔斧劈神工現崖懸鬼面愁四  
山皆拱向一水自環流我輩非蘇子猶堪試一遊

橫雲閒眺

散步橫雲麓攀躋力未勝望中松引鶴空際竹遮僧絕  
壁形如削危峰勢若崩誰能不對此一盃酒如澆

返棹訪王道人

紆迴成曲徑返棹一經過高樹妨青嶂疎籬接綠波數  
椽寧厭少十畝未云多何日重來訪相從唱踏歌

姚渭公以五律見慰奉和原韻一寫悲懷

悲傷何忍說凶問阿誰傳腸斷三秋月心驚十六年喪

空明子詩集卷之六

十

明憐卜子哀慟泣頻淵痛殺文窗畔閒箱理舊編

幼年知好學頭角露英姿不赴修文召終攀月桂枝勵  
精還映雪刻苦欲施錡那得山陽笛臨風試一吹

七齡方讀易已識有河圖八卦先能畫六爻隨意敷希  
天法行健學聖步芳超欲見除非夢而今夢也無

自悲年老大半世誤儒衣喪子今秋恨傷心何日歸背  
窗燈欲滅易簣露將晞此際堪悲絕人天兩地遠

弱小天姿異功名望早成誰知歸大化不屑開羣英地  
下應知痛人間獨繫情一誠真可格原非閒幽明

春郊同岑青岳散步

結伴看春潮行行過板橋竹遮千戶暗梅放一江遙麗

日催紅萼薰風展綠條誰能攜斗酒學轉聽鶯嬌

渡浦

舟發風狂甚羣言無渡河那知三尺浪怎敵一高歌密  
雨侵窗急浮雲傍樹多莫愁此際險何地不揚波

江上梅花

舟放小橋東寒梅倚晚風香飄不甚遠花發欲浮空對  
我春潭曲懷人夕照中愁多詩思減未敢夢師雄

過青浦

積雨經年沒輕舟傍晚行侵禾惟見水覆草但餘萍矮  
屋平吞浪洪波遠浸城不堪愁極目天際乍涼生

大水歎

空明子詩集卷之六

土

汪洋竟無際可但沒園蔬海若開新宇江神失故居浸

天愁巨浪入戶羨多魚想見陶唐世勞心九載餘  
夾岸禾生耳沿江草沒頭天空雲避日木落葉驚秋不

道逢凶歲奚堪作浪遊歸繞愁極日莫上最高樓

賦送陸雲章表姪遊楚

之子將行役燈前聲此尊好看雲夢景收拾洞庭春儒  
術原難售吟懷不覺貧湘靈應鼓瑟爲爾滌征塵

聽琴

古調將淪沒何來此地聞一彈三唱後潭水靜無紋指  
下真難敵弦中自不羣微風動幽樹花雨落紛紛

和岑青岳一雨作



炎蒸方未已一雨便成秋黃葉有時落白雲無際流鷗  
閒真類鶴鶴巧不如鳩安得乘風便因之汗漫游

放榜後爲陸輝崖賦

十載名場內秋風屢被驚遂令天欲泣還恐日羞明細  
雨空來去浮雲自送迎江花徒夢筆腸斷石頭城

題家廣陵小照

梧桐高百尺小憇綠陰深過隙看塵世浮雲見素心餘  
香擷芳芷幽韻託瑤琴莫怪科頭坐纖埃自不侵

真如大寺

偶來荒寺裏高樹獨吟秋古佛如含笑貧僧盡帶愁草  
深人跡少瓦敗雀聲稠惟有門前水依然東向流

浮雲

浮雲生海嶠變幻度年華飄去終無跡飛回若有家偶  
然圓雨脚倏爾落風花最恨如輪日常時被汝遮

舟過崑山

哀角起嚴城江流正有聲秋飄兩岸雪榆落一天星微  
火蒼茫見孤舟咿啞行自憐年欲暮白髮向秋生

鍾賈山雜感

漸落碧梧葉旋開紅蓼花山童只見土樹老僅存了荒  
寺生寥寂殘僧倍數嗟最憐陳氏墓雙槍落鉛華

早發吳門連過三鎮未午已至玉峰有作

早發吳門渡浮雲天半生晴湖搖岸闊麗日照窗明水

迅過三鎮舟輕又一程馬鞍真秀絕不與玉山爭

玉峰

高山千古秀松柏列成行剩有撐天骨都無媚世腸蟬  
蛸看日暮第宅條滄桑獨抱煙霞態閒開草自芳

把釣

直釣隨意下立處脚頭生春水盈三尺秋濤長半篙魚  
多終不羨首禿尚須搔一片閒閒石清風兩岸高

詩窮

共道吟詩好先須立品高叫囂格最下寒儉語徒勞只  
合親香茗殊堪醉濁醪會心應獨賞方不厭蓬蒿

和俞楠亭著中舟行橫樹灣過王氏山莊韻

門第屬諸王平泉新開莊抱杖蟬關曉映水竹生涼垂  
實看仙李敷榮見佛桑自憐強泊甚兩鬢竟成霜

和詠梅亭韻

曾向上林過何妨借一枝高吟不自得卑集動人思講  
業來多士歎光佳幾待研朱闕點易五色產靈芝

和俞楠亭看菊韻

師席高無敵官寒齋亦寒庭柯搖素影泮水動微瀾蘭  
向門邊憊琴從憂下殘何如一尊酒對菊且言歡

兆熊期歲偶筆

小子方周歲先須德性良學詩知應對習禮識趨跼仁  
義千秋貴文章百世芳相期真遠大不止讀書香

附六言律詩

消暑

一葉隨風飄去笛聲吹出芳塘彈棋最宜清晝吸茗時  
聞好香楊柳根邊鷗鷺芙蓉花底鶯鶯退耕於焉樂志  
竹裏堪藏草堂

刺艇

刺艇翻書便讀悠然人世相忘竹深塵穢不到水閣蛟  
龍可藏午夢未完難續秋風初度微香但尋一丘一壑  
勿遠支公道場

敘道

返照垂簾獨坐爐飄一縷沉煙春秋能調四大鉛汞可

空明子詩集卷之七

古

陳三田木榻琴書為伴紙窗風雨相連山中自有隱士  
九轉頓著誰先

自得

一盞陶然便醉典酣落紙雲煙金衣錦繡樹底玉剪下  
上堂前似錦桃花欲笑如絲楊柳堪憐良辰正當美景  
對此奚羨神僊

空明子詩集卷之七

練川兄樸材先生選

華亭張

榮景桓著

春興

北鴻何事又爭飛好泛輕橈問釣磯幾疊雲山天外見  
數株桃杏水邊圍未逢俠客休沽酒漫為狂歌欲典衣  
無限簾華春寂寂片帆遙帶夕陽歸

相逢舊雨話河濱怪道如今又仲春豈為無魚思賣賦  
但能有酒未愁貧荒村修竹青方好隔岸垂楊綠乍勻  
世路崎嶇何所似千巖萬壑日嶙峋

調停寒燠是花晨一半春光又一旬覓宿黃鸝愁未穩  
安巢紫燕自相親五茸北去煙嵐秀三泖西來草色新

空明子詩集卷之七

十

京洛風塵杳何許溪南甘作釣魚人

殘梅零落拂柴門點綴垂楊繞後村北郭三春看錦繡  
南柯一夢醉乾坤千尋山岳橫天角萬里江河盡地痕

誰許潢池窺塞外當關鐵騎正雲屯

春來攜酒細林山帶得歌兒是小蠻白石雨侵因變綠  
蒼苔花謝却成斑洞天樓閣遊踪夥幽徑松杉屐齒痕

此日風光殊不惡好憑晴色數煙鬟

穿簾雙燕共翱翔一一銜花上盡梁流水有情環石屋  
落紅無數點匡牀栽松可免荒三徑放鶴寧期返故鄉

安得柴桑老居士北窗高枕共徜徉

空明西湖次陳含美韻

六橋風雨載樓船  
山色湖光漾曉煙  
林樹龍蔥迷古刹  
波濤隱現暗長天  
岳王祠畔悲啼鵲  
蘇小墳邊泣暮蟬  
遙想當年白太傅  
裙腰一道句堪傳

行來恰到斷橋西  
昭慶鐘聲聽不迷  
亭在湖心清鏡映  
塢參嶺半碧天低  
望江遠聽伍公浪  
隔岸空憐蘇子隄  
回首鳳凰山畔路  
幾經烽火劫征驂

十里長堤開六橋  
吳山樓閣望中遙  
嬋娟空想芳名在  
桃柳還悲劫火燒  
竺國經聲常到耳  
冷泉寒氣欲侵袍  
莫將短句翻新調  
座客誰能和紫簫

西陵煙景看長松  
閑盡興亡恨幾重  
低鎖碧雲春寂寂  
高懸明鏡夜溶溶  
孤山索盡梅花句  
古墓空留處士蹤

空明子詩集卷之七

二

放鶴亭臺常不改  
一憑僧叩五更鐘

馬頭甲仗劍頭鋒  
武穆當年老戰攻  
不道英雄歸黑獄  
空餘鳥雀噪蒼松  
清波門外船如鴨  
鷺嶺山旁竹化龍  
把酒六賢祠畔望  
不勝憤懣向高峰

松關萬嶺總堪懷  
天道無情萬事乖  
杜宇聲聲催過客  
冬青歷歷整金釵  
紅桃有意迎春日  
綠柳臨風照水涯  
目斷兩峰人不見  
塘空十錦漫安排

偶坐僧房聽竹枝  
笑渠香發滿清溪  
晨鐘不斷飛鳥寂  
煙草無邊野艇迷  
地氣鬱蒸紅日暗  
天風飄蕩白雲低  
可憐一樣西湖水  
南渡君臣倍慘悽

幾遍興亡萃一湖  
鴉絲菱蔓問菖蒲  
戊樓日落吹霜角

花港船歸狎釣徒  
面面雲霞堪入畫  
層層煙靄總難圖  
風流可但香山老  
點綴還應讓大蘇

白燕

瓊姿瑤態兩徘徊  
王謝簾櫳特地開  
下上堂前疑舞雪  
差池簾外認飄梅  
形隨粉蝶踰躡勢  
逐楊花次第來  
莫向月明溪上過  
清鴈沙鷺定相猜

恭和 家大人東臯公頌 先祖從周公崇祀鄉

賢原韻

遐想音容約略同  
霽然和氣布春風  
有無必給推洪度  
物我相忘見至公  
開戶好修多損抑  
觀天行健是欽崇  
先型不遠 恩褒始共慶  
衣冠拜舞中

空明子詩集卷之七

三

詠大將戲限同音五字

指麾如意立功功  
決勝何須事戰攻  
玉帳風生搖白羽  
天山月落掛彤弓  
鳥蛇陣裏藏神武  
龍豹韜中出鬼工  
麟閣早登垂帶礪  
畫圖爭羨黑頭公

贈懷鏡淳

南面真如擁百城  
杜門惟有讀書聲  
碎金總讓雕龍古  
積玉還推續虎清  
迴雪落花饒婉約  
剪紅刻翠擅輕盈  
誰言今代無枚馬  
屬耳卷阿聽鳳鳴

雨中蘭藥並放

苔翻蘭藥送殘春  
獨掩衡門澹葛巾  
樓起千層金不換  
根移九畹玉無倫  
卷荷酒盞資吟興  
睡鴨香爐伴醉茵

細數一年三百六幾回花下值良辰

丹鳳樓遠眺次家弘軒伯韻

申江浪湧排天地何處飛來丹鳳樓  
海關綠知鰲背穩城偏恰稱梵宮  
幽綺窗東北開晴色文筆西南點素秋  
我欲乘風叫蒼狗茫茫極目一孤舟

月下望海

地勢東南成缺陷扞潮惟賴石塘環  
沙邊出沒高低鳥水面浮沉大小山  
龍窟夜珠蒙霧裏蛟官明月湧波間  
迷離望眼何知倦瞥見漁燈幾路還

黃蛺蝶

掠葉迴風戀夕暉栗留聲畔見芳菲  
飄飄欲隨松花片

空明子詩集卷之七

四

湘村時翫金縷衣新柳拂波偏得意  
嫩萱衰雨共忘機  
維惟不覺雙雙度偷向深閨夢裏飛

贈性肩錢鍊師

洞庭山上最高峰結箇茅廬可托蹤  
不藉匡牀常卧月何須蔬食但餐松  
黃庭守住金丹固玉簡披來石匣封  
閒步灘頭聽漁笛荷花深處棹歌重

贈高純一道士

海虞高隱揖青山樹笠芒鞋性自閒  
玉女金童應有合青龍白虎正須刪  
人間莫道仙凡隔帝座能通呼吸閒  
一鉢飄然遠塵俗會看紫府侍僊班

贈錢樂山道人

名家子弟具仙風羨爾丰姿迥不同  
日月常涵一芥內乾坤不外此身中  
時時緝經卷諸綠寂獨坐山房萬象空  
莫道重樓懸絕甚三田呼吸自能通

微香閣

微香高閣好憑欄一片湖光六月寒  
橫樹曉煙迷洞壑石泉夜雨潤琅玕  
琴書作伴身心靜雲水相依天地寬  
寄語深山猿鶴侶瑤階花草莫銜殘

端陽後二日舟發秀州塘

放船微雨著窗紗潮長橫塘沸綠蛙  
林外遠峰三四點水邊茅屋百千家  
隨波不斷菖蒲葉隔岸將開菡萏花  
莫謂身同天上坐好風能送布帆斜

空明子詩集卷之七

五

舟次北新關戲題

萬家煙火一江風都會爭推浙省雄  
百貨盡從沽棹出四民爭聚市廛中  
談詩品酒天真在逐末居奇我道窮  
若使閒愁能稅去停桹檢點也匆匆

登湖心亭

湖光滿眼上層樓倚檻徐看霧靄收  
清鏡盡撓憑點綴白衣蒼狗任沉浮  
峰巒環抱天然秀城郭參差分外幽  
老我是鄉殊不厭巴人偏要逞歌謳

謁岳武穆祠

一代精忠千古祠巍然殿宇肅威儀  
淋漓碧血家何在擾攘黃塵恨可知  
殺魄不沉三尺墓奸人自合五分屍

可憐二帝歸沙漠陽斷南枝又一時

段家橋步至十錦塘

段家橋外正蒼茫步履難過十錦塘高樹亂翻湖上影  
長虹界破水中光夜寒應有蛟龍舞風急遙看鸛鶴翔  
一望瀾漫愁極目此心疑似對瀟湘

武林歸棹

放歌湖上興初酣桂楫遙通遠水藍泉到虎跑推第一  
寺當天竺列成三未經點綴山尤好如許風光夢亦耽  
此際解維增悵快皂林早泊看新蟄

煙雨樓

久晴忽作空濛態助我來登煙雨樓且喜了無山障礙

空明子詩集卷之七

六

誰能不為酒迷留秋蘆洲畔來青雀楊柳隄邊見白鷗  
漁笛數聲何處起憑欄真作畫圖遊

偶成

晴江一望曉霞開幾點煙鬟入戶來山水無人誰作主  
鶯花得酒自成媒綠園院落新栽柳青逼階除舊護苔  
草閣獨登堪寄傲不知野馬與塵埃

次朱尊江見寄原韻

讀罷新篇仔細論橫行直欲遍文園由來古道多違世  
不慣新妝擬杜門丘壑何妨舒漫興鶯花若為佐芳尊  
英雄半被詩魔老入座高談舌尚存  
將有白門之行漫賦

吳囊檢點白門行古渡斜陽一艇橫把盞叫雲天欲老  
吟詩笑我醉難醒六朝煙草華歆八月江花寂寞生  
客舍恐驚霜入鬢十年回首石頭城

瓶荷限韻

幽棲地僻徑成三誰採芙蓉自浦南一几綠浮晴影散  
半牀紅潤遠香含堪邀明月侵冰簾直引清風下翠嵐  
坐對小窗多別致相期茗戰日沉酣  
託根蓬海島名三移植還於小閣南斜卷青油和恨展  
半舒紅粉把愁含采蓮絕唱虛晴浦隔水相思對夕嵐  
恰似箇人春中酒巫山雲雨夢魂酣

同陳石城高文越小飲

空明子詩集卷之七

七

兀坐蕭蕭萬象空何來結阮共春風談何容易名狂客  
飲不求多號醉翁捷足直教空冀北高才早已占江東  
論詩說劍英雄老一半淒涼怨落紅

梅花次家大人韻

玉龍耕出萬瓊田搖颺蟾光到水邊鷗立暗沙啄殘雪  
鶴歸華表弄輕煙春雲古渡殊堪憶暮雨荒村劇可憐  
一點冰心誰得似蒼松翠竹伴孤眠

案頭桃花經廿餘日不落詩以誌異

妬花風雨易摧殘獨有天桃更較難先發後期羞芍藥  
有香無色笑芝蘭漁歌野渡鶯聲急牧笛斜陽春興闌  
偶插案頭真耐久歲寒松柏合同看

訪王玠右

聞道桃源別有春，泛舟還訪武陵人。  
風晴柳陌真超俗，日暖花溪似隔塵。  
一卷破書消歲月，半牀冷被接交親。  
高山豈許尋常仰，青史誰標老逸民。

懷沈弘濟

閱遍天涯無是公，紅螺那放凍春空。  
但知守已當堅定，豈信逢人要變通。  
得句自怡香熱後，對花共賞月明中。  
愁霖忽作經旬別，兩地相思同不同。

貧女吟爲吳日千賦

一泓如鏡照殘妝，深掩蓬茅愧短裳。  
鑿壁借光愁永夜，采桑遵路踏微行。  
亦知玉食珠璣美，幾見朱門蘭麝香。

李朝平詩集卷之七

不願綺羅脂粉污，守貞千古有遺芳。

懷田孝廉

聞說西村路轉西，溪西去亂鶯啼。  
山開晴日浮松翠，魚樂深潭啖藻泥。  
曲岸天桃含露笑，小橋垂柳向人低。  
風流畢竟多愁思，莫爲春醪花下迷。

贈洮侯宗兄

別開門徑老柴桑，處士星中此最狂。  
襟度得來真灑落，齒牙時復帶芬芳。  
才空一世苞儀鳳，酒到三行臂奮螳。  
蜂蝶催花簾盡捲，好攜春色細商量。

花生日夢俞日如作

良朋入夢話飄蓬，睡醒開簾萬象融。  
愁比菜心隨日長。

書題雁足隔年通，家貧何地堪迎富。  
耳暗從誰乞治雙，春恨百般消不得。  
應知惆悵暮山中。

花朝憶董瞻祀

江梅已謝小窗東，還見山茶一點紅。  
寒雨蕭蕭遲淑景，凍雲漠漠鎖芳叢。  
誰家折柳吹橫玉，何處垂簾鼓費桐。  
盡日相思違兩地，可能容易醉春風。

同沈騶士會飲賦贈

歲星匿影久無光，誰識東方一世狂。  
在不分侏儒終日飽，且同傀儡暫時忙。  
尊開琥珀傳鸚鵡，曲度櫻桃引鳳凰。  
謝絮沈錢吟不足，好修封禪賦明堂。

喜接趙柳介陳含美敘話

李朝平詩集卷之七

九

蜉蝣朝露足營生，抵死何緣苦好名。  
笑執竹筒如佛拂，醉穿木屐類猩猩。  
雷堂合長轟掣日月無端老，送迎三徑幸逢來二仲。  
半窗清話好尋盟。

散裘

敝裘一爲豁塵襟，可惜年時酒漬侵。  
幾度釣魚眠石上，也曾趕蝶坐花陰。  
歲寒著去心偏愛，日暖披來力不禁。  
尚有先賢遺跡在，富春江畔得追尋。

舊履

幾度尋芳趁晚晴，穿林踏月話平生。  
曾憐貧士決踵病，解向佳賓倒屣迎。  
徒倚未寧清夢苦，躊躇不定旅魂驚。  
履霜知是堅冰漸，休傍天涯險處行。

漫興同陳麟書賦

閉戶重修廣絕交，獨登高閣俯青郊。半鈞新月懸窗角，一點殘陽下柳梢。鳥語只宜花外聽，鐘聲不覺晚來敲。爭光魑魅休相傍，山鬼如今也解嘲。

空庭蕙草逼階除，烏有先生訪子虛。茶裏尋香春過半，松間覓影月來初。隔牖柳眼青難寫，別院梨花雪不如。寄語故人休問訊，長楊雖賦莫吹噓。

梅花

占得陽春一著先，不教凡卉潤芳妍。淒涼茅舍空山外，寂寞疎籬淺水邊。瘦影夢迷雲白夜，冷香魂斷曉寒天。芳心已許林和靖，肯向朱門聽管絃。

空明子詩集卷之七

十

卽席次青岩畫菜原韻得詩十首

菜叟園居不矯廉，菜根嚼處白於鹽。綠浮煙際雲初歛，青鎖池邊雨乍添。紙上葉肥如可擷，壁間影瘦莫須拈。從他潦倒英雄輩，在昔嘗來味白兼。

笑我年來自奉廉，采茶只合點吳鹽。誰將老圃奇方洩，漫向華筵錦障添。早礪齒牙和影啖，欲求滋味傍空拈。山家風致尋常慣，豈必朱門玉膳兼。

兩袖清風石號廉，飯蔬祇下水晶鹽。交殘鬆脆盤間剩，譜入丹青紙上添。幻影不堪酒後嚼，空花曾向靜中拈。諸君莫作等閒看，妙手調來五味兼。

採蕨西山千古廉，吸來不著水中鹽。摘殘生怕閒愁結，

嚼處能教別恨添。莫說園丁錢可得，漫思山谷句曾拈。笑人食肉真堪鄙，誰是而今吏隱兼。

待客從來若箇廉，菜羹調出虎形鹽。清明節後心初老，穀雨花前葉倍添。寫入畫圖簾半捲，題成詩句筆先拈。江鄉無限簾華子，此味寧知饌可兼。

獨對溪山敢號廉，灌園耐可食無鹽。青青河畔楊花落，拂拂堤邊春草添。小圃挑來惟我愛，畫屏看去阿誰拈。連年江左成枯槁，此色難教百姓兼。

漫笑東方割肉廉，何如老菜糝青鹽。味同君子交常淡，韻似風人雅更添。葉舞溪頭肥最好，根埋沙際細難拈。移燈近案休相訝，醉看陰晴筆底兼。

空明子詩集卷之七

士

先朝郡守折阿廉，買菜為羹只著鹽。渺矣風流誰可繼，卓哉滋味不曾添。扶蘇漫向瑤箋寫，青翠難教禿筆拈。看到心中生意動，怪他形影未能兼。

元脩嗜癖不傷廉，清淨無煩雜米鹽。到晚綠肥煙午散，入春青脆水平添。揮毫落紙隨心運，潑墨驚人信手拈。醉後何妨閒遣興，問渠風月可能兼。

肖物從來風味廉，何須刻畫學無鹽。經霜不放芳心死，未雨閒看別韻添。詎可摘來成浪擲，莫教寫去戲相拈。詩情盡意稱雙絕，姑殺王維二者兼。

九弟留飲賦得紫牡丹次悔亭韻

託根紫府長仙枝，憑餞殘春日正遲。望氣直疑函谷紫，

聞香知是漢宮移閒庭且喜荆為伴盡省應教敬並垂  
其奈無端風雨急相憐相惜醉金危

立夏前四日舟過九峰道中

不堪重過碧山坳况更楊花著面拋身共膠舟逆水驚  
心同枯樹亂枝交荒村笛韻綠風急野寺鐘聲帶雨敲  
春意忽驚零落盡廿年魂斷憶蓬茅

渡金雞湖

推窗四望一高歌趁得晴光快渡湖遠寺微茫雲外見  
輕橈吟啞樹邊過雨餘好盡青山色風靜難描白練波  
何日江干垂釣去醉眠斜月枕漁簑

吳淞江晚泊有感

空明子詩集卷之七

主

柔蔓依依笑女蘿附喬生意近如何煙花不覺經心老  
風雨無端彈指過愁並愁雲開未得恨如春草細偏多  
年來也漸精神憊一半詩魔半病魔

寒山弔趙凡夫

特地追尋處士蹤舊林一望綠陰濃只看怪石蹲蒼虎  
莫訝新雷變籀龍聽瀑亭前千尺雪法螺庵裏十圍松  
九原人去韶光在悲斷西山午夜鐘

華山亭子

萬松深處一危亭四面奇峰列翠屏天地不知何日老  
溪山應笑幾人醒欲澆塊壘惟綠得遠塵埃眼便青  
獨惜韶光同逝水鬢毛容易變星星

登蓮花峰

蓮花峰外五湖寬一帶斜陽春色殘極望喜無處到眼  
探幽恨少竹搖竿儘教俯視三千界直訝同登十八盤  
我欲醉眠明月夜白雲來往漫相看

天平山謁范丞相祠

萬峰突起刺蒼穹呼吸能教帝座通欄路崎嶇人盡訝  
雲根斷續鬼為工心驚鳥道泉飛白日眩龍門日照紅  
一代名臣九原外幾多士女弔春風

望靈巖

天作高山大國風僧房傳是館娃宮琴臺可在蒼茫裏  
履跡猶存想像中明月彩雲偏易散玉簫金管漫成空

空明子詩集卷之七

主

屬錢不把孤臣賜烏喙焉能霸業雄

月下泊半塘

載酒消磨短簿祠空山夜靜月明時預知花氣侵衣早  
且喜鈴音入夢遲香沓星河光黯澹重重樓閣影參差  
來朝客況如何道合有紅兒譜麗詞

坐千人石

何人高卧劍池邊不是詩仙便酒仙萬歲樓前花作隊  
四賢祠外錦成天雕欄曲曲環晴練盡障重重隔翠煙  
正欲送春春忽老半塘楊柳奈情牽

遇豔

三優閣外見飛瓊邂逅無緣問小名蓮步只宜花並點



玉容堪與月同明溪邊照影魚應避樹底回眸鳥亦驚  
珮解漢皋爭易得魂銷一似月初成

望馬鞍山弔故相徐立齋先生

鵲聲入夏悵無端天際微茫見馬鞍流水影空飛霧遠  
落花風急袂衣寒丘山處處新添翠日月年年老擲丸  
若使至尊憐舊輔爲言墓木已平安

訪練川沈天庸於九蓮精舍忽動尋梅之興

綠暗城西花正饒竹林小憩聽江潮卿雲詞賦同欣賞  
園綺衣冠獨寂寥我道未堪求飽煖此生端合老漁樵  
會須直抵揚雄宅棹入梅源載酒瓢

訪陳含美吟室

空明子詩集卷之七

苗

百城高擁未愁貧愛爾幽棲遠市塵隨分風光成漫興  
不關榮辱老閒人竹中抱影誰能識月下敲詩獨有神  
豈少名園等金谷爭如一室樂天真

訪蔣漢襄

託迹偏宜曲徑中老於詩酒萬緣空時乎已矣浮名薄  
命也如何我道窮跡月留題尋野叟坐花覓醉結隣翁  
敲簷咫尺君來者莫使行蹤笑蠶蟲

郊行

水雲無際一孤亭柳暗溪橋醉未醒敵國慣看排蟻陣  
村翁曾許覓牛經布帆幾點浪空碧鐵笛一聲山自青  
芳草夕陽何處渡沙邊海鶴獨梳翎

閒感

願天爲地地爲天反覆重看態變遷頃刻滄桑憐古墓  
等閒花木笑平泉閉關心嬾真成癖拜石風高未認顛  
莫羨侯門似蓬島從來富貴幾人傳

月牙池

一灣澄碧映晴空高樹森森在望中石馬松風御史墓  
金獅花雨梵王宮弓弦未上知初地鉤影長留想化工  
若得結茅池畔住垂竿竊比釣漁翁

繡球花

小山新綠夜來浮誰把冰丸挂上頭綴就梅英成太極  
圍將抹麗作星球白雲深處如含笑皓月臨時合解愁

空明子詩集卷之七

圭

贏得玉壺春酒熟對花還擬押盟鷗

蜀葵

絲花銷歇候南薰閒看芳葵對夕曛種出三巴開錦幄  
豔分五色闕龍文吳宮教陣紛相逐巫女行雲雅不羣  
何似隣家爭照眼石榴偏解妬紅裙

次世修舊咏原韻

願將詩酒罄交歡豈肯饑從漂母餐未免有情悲鶴髮  
誰能堪此笑儒冠駕鶯水畔憐文彩鸚鵡籠中鍛羽翰  
尚友義皇真不遠北窗無語對檀欒

退耕端合老丘塍傑閣還登最上層逐兔暮雲悲勁弩  
網蛟秋水怯寒罾酒徒舊結真狂士詩社新聯耐久朋

已分生涯混樵牧爲誰愁絕瘦如僧

小窗疎影易橫斜寂寂村居傍水涯行澗僅如猿覓果  
候門仍有鹿銜花擔瓢策杖思求藥敲火烹泉且鬪茶  
爲語隣翁莫相探恐妨翹首赤城霞

佳樹遙遙結翠陰探幽直欲臥雲林煙霞一幅丹青畫  
鶯燕千聲長短吟空谷花開香寂寂堆亭馬驟影駸駸  
誰能伴我乘黃鶴共聽吹簫明月岑

漫成

老燕穿花入夏驕看花湖上獨逍遙蛙初出水青堪寫  
雲乍離山淡欲描蔓草荒煙悲落照斷碑殘碣認前朝  
芒鞋伴我多生趣莫向垂楊憶楚腰

李明子詩集卷之七  
晦夜訪計子山讀書處

一椽耐可白雲封月黑燒燈訪戴顒吳下難重逢義犬  
洛中堪再覓癡龍催人好句譙樓鼓動客新愁野寺鐘  
餘子何須煩齒頰願追屈宋繼芳蹤

憶練川符匡世

披裘石室老瞿硎寂寂松聲枕上聽非爲醫貧翻藥譜  
寧因病酒乞茶經陶真擬著閒情賦守鉅常期古硯銘  
獨卧三江多歲月任人遙指少微星

寄上洋盛晉人

寂寞江城蕙帳空打窗梅熟雨濛濛繪圖未得追公量  
歌曲真堪並小叢憐此臥餘綠病酒愛渠詩好爲愁窮

連年知已成飄泊同在天涯落照中

贈沈遠照俱用吳興故事

蒼頭仕宋足平蠻何似休文老病閒賦竹不須勞顧問  
織簾端合住雲山願邀仙馭題貧樂羞唱迴波悅聖顏  
直邀周家知世澤可能腰鼓得追攀

贈趙二火

寂寞花村老謫仙穿雲踏月度流年闢開物外神奇想  
鑿破從來混沌天竹裏揮絃調舞鶴柳陰清嘯和鳴蟬  
慢亭風景如相憶南望遙遙隔翠煙

贈蔣旦宅

曾從三徑接風流氣概真同百尺樓大海方能容怪物  
浮生還擬困書囚不將身世勞魂夢剩有文章寄唱酬  
已著寶貨堪嘯傲虞卿誰與話窮愁

贈吳念庵

小窗新雨碧無塵郊邑何緣此地親人到窮時骨更傲  
許從老處句尤新青衫豈合耽丘壑黃卷真堪泣鬼神  
指日龍頭應有屬不教雙鬢漫成銀

贈程鍊師

爲尋瑤島達仙吏曾共紅雲侍玉皇同謫風塵多不染  
各耽山水兩相忘夢勞東去江淮急齒冷西飛烏兔忙  
擬跨麻姑大鵬背海天還與話滄桑

雨中宴集同家硯銘伯咏隔歲芙蓉

芙蓉隔歲幹如松愛此繁花照眼中直訝拒霜能拒雪  
但憐無月更無風臨窗已足誇紅藥見醉還疑遜碧筒  
遙憶當年石學士秋來魂夢或相通

九日宴集限登高二字韻同七弟作

小樓逕曲喜同登放眼真宜最上層身似春前沾雨絮  
客皆秋後得霜鷹但能花底燈爲伴何用山間月作朋  
竹葉儘堪乘興倒夜深庭露冷於冰  
漫笑兒童百事高菊邊有客泛松醪愁租未獲完三韻  
得酒何妨頌二豪座繞微風堪脫帽肴無兼味愧持螯  
醉中還訂明年會休恨秋霜入鬢毛

丁丑歲暮雜感

空明子詩集卷之七

七

勸君冬日踏層冰消盡炎寒氣靜無廢塚妖狐宵入夢  
隔牆奇魅夜吹燈催人歲序如流水對此風光那割藤  
破臘一枝梅信早曲欄撫過又還凭  
兩間萬物總成空一歲光陰又漸終三十餘年埋牖北  
四千里路說遼東笳吹夜月愁裊帳雪壓風沙勁角弓  
此况算來我分少不如高卧碧窗中  
愁對寒燈黯不開驚看電閃夜聞雷憂憂澤國堪悲矣  
龍躍滄洲反快哉潦倒未能溫舊夢淒涼相與試新醅  
民生國計俱當念心事尋常莫浪猜

一拘寒潭澈底清此心還與共爭明攤書夜展千層玉  
看雪朝飛萬點英猶有篇章度殘臘更無思慮到新正

怪他鬚髮皆如舊何事蕭蕭白數莖

不須彈鋏數無魚閉戶看看逼歲除筋力漸衰嗟已矣  
年華虛度欲何如客貪曲徑風來少酒敵嚴寒雪下初  
雖乏薄田供數口教兒勉讀惜三餘

家貧風味少從容况更連年歲屢凶酒僅逢塲供宴會  
衣纔蔽體減裁縫金壺澹泊心偏喜玉粒艱難手自春  
得便買舟堪放棹一丘耕稼且相從

雨打黃昏直到門斷腸誰與細溫存酌量今古詩千卷  
顛倒乾坤酒一尊只願前村雞抱子但祈新歲竹生孫  
花時好作留賓計世路悠悠曷足論

齋前新植花木數種

空明子詩集卷之七

九

破寒春意長青苔草木欣欣待早雷葉密儘堪留鳥宿  
花開還要引蜂來基殘一局柯應爛日上三竿夢未迴  
得酒得朋拚盡醉但辭熱客少塵埃  
手把牀頭一卷書與來今日坐花初蒙舍小砌先堪玩  
草長閒階也會除守我清貧仍若此較他富貴待何如  
客來莫訝多疎懶宿酒騰騰在睡餘  
多謝陽和到草芽衝寒梅意上花梢舊愁不待清樽解  
新曲還須黃鳥教反覆人情如海浪崎嶇世路類山坳  
紛紛裘馬休相顧爲我重修廣絕交

春陽乍轉未能驕早是東皇到柳條徐上綠梅幽磬發  
更吹紅藥小山飄窗前已許聯新好日後相期訂久要

茗枕詩筒愁不了漫勞隔浦數聲鶯

些些拳石類煙嵐映帶清冷一勺潭不費舟車勞遠望  
便於朝夕得常探花時酒醺賓堪賞月下茶香我最貪  
所謂伊人來夢寐願言開徑好停驂

城西小築漸成林山可常登水可臨藥綻海棠三月錦  
花生叢桂九秋金愁中忽地朱顏改鏡裏相看白髮侵  
二十年前曾閉戶自來嬾情到如今

閒庭花影聿參差疾瘡烟霞勢不支撥破綠萍魚暗覺  
摘殘紅杏鳥偷窺蝦鬚半捲嫌風冷龍腦常焚笑我癡  
獨向寒潭聊自鏡鬢邊生怪一莖絲

門外狂風來去頻寒枝凍臘待陽春三間翼翼堪長嘯

空明子詩集卷之七

辛

十畝閒園本是貧較彼風池寧作我寬於蝸舍足留賓  
不知多少朱顏客埋沒長安陌上塵

笑他臨老入花叢誰料而今也作翁幸遇客才皆繡虎  
不嫌我技是雕蟲桂枝低亞宜招月簾幌稀疎好待風  
竹葉一尊堪傾倒但愁天氣雨濛濛

不夢三刀想益州任從我作醉鄉侯十杯未了還千首  
一簣偏宜更一丘燕語鶯啼花月曉吳歌越調管絃秋  
比他朱紫差多少稍覺身閒得自由

嘉平望夜用香山除夕韻

獨嗟雙鬢漸秋涼倒襟懷愧未堪數點殘星高斗北  
一聲清磬落城南交親每向花前憶吟咏偏於燈下詣

四十平頭君記取明年三月是初三

示孺子用香山西湖韻

窗明几靜少塵煙愛聽彈琴抱七絃總角初成纔六歲  
蒙心漸去望他年怪來語似頻飛燕那更身如不繫船  
貴賤豈因愚智定兩途端的落誰邊

抱燕兒用香山味道韻

學語未成纔學笑笑渠孩抱惹情深兩般巧拙他年事  
一點完全赤子心智慧每從姑息悞狂騷因被俗緣侵  
何時雅好吟殘簡陪伴衰翁理素琴

哀吟

那有傳來却老方漸於衰朽轉情傷除他舊恨悲年暮

空明子詩集卷之七

壬

贏得新愁覺夜長怒髮三千消綠蟻狂風廿四開紅妝  
不知對酒看花容幾度哀吟欲斷腸

贈友

清白傳家書一卷舊愁新恨莫相將休於了夢纔爭鹿  
那可臨歧始泣羊心似蛟龍行雨態身如蛺蝶採花忙  
天公早已安排定難道尋常老是鄉

憶金星槎

三千里外燕山客五十年餘東海人潦倒殘生驚歲晚  
鏗鏘佳什動秋旻琴尊閣暖初更漏桃李花深二月春  
愁絕故鄉民力盡繭絲毛鷲總難陳



空明子詩集卷之八

華亭張榮景桓著

練川兄樸村先生選

花前卽席限韻

新柳參差影不齊半村風雨近城西素心只擬交如水  
小飲何妨醉似泥繞座幽蘭香晚晚隔簾芳草綠萼迷  
峭寒天氣鶯喉濕笑折花枝傍檻低

過三天竺

山逕逶迤草半荒僧房是處野花芳蒼崖翠壁嶙峋出  
梵宇琳宮窈窕藏或抑或揚皆節奏如絲如竹也鏗鏘  
此行最愛泉聲好不信與入底事忙

遊東塢朱買臣墓

天氣輕陰鎖綠煙徘徊孤塚弔先賢當年政績知何在  
幾代滄桑尚未遷幸有鐘聲伴寂寂自來鳥語結因緣  
最憐見棄妻孥日卓氏當城固足傳

春郊偶步有感

無端風雨入殘春水漲池塘草色新天地獨驕騎馬吏  
山川終老釣魚人筆鋒雖老還堪試古本猶存未是貧  
聊向清溪聽漁笛幾回寒食弔青燐

見白鴨

一羣白鴨立江頭次第呼名卒未休野鶴並棲形覺小  
閒鷗相狎性偏投梨花落盡斜陽岸柳絮飄殘芳草洲  
雖避雪衣諸梵語山陰換字或堪儔

登元妙觀彌羅閣

獨登傑閣俯全吳倚檻長吟興不孤天外雲山真縹緲  
望中城郭實模糊鵲聲半爲愁紅雨春色還堪倒玉壺  
身在丹青圖畫裏幾多詩景付奚奴

支硎山

支遁山前最可憐可憐尤在暮春天翠消新綠疎林外  
香減殘紅落日邊松徑如簑鶯弄舌蓮臺似霧獸歎煙  
空亭鶴放何年返華表歸來已惘然

望震澤

怒打空山撼巨鰲郡人爭說子胥濤接天難見雲霞落  
矯首惟看日月高槩影劈開疑灑雪浪花生處不容舳

可憐霸上俱灰燼腸斷英雄心計勞

趙屯橋

宋主南來此地屯虹梁橋遠水邊痕流鶯出谷如求友  
小犬迎人直到門且喜車書稱一統不愁兵甲見孤村  
三吳幸際承平日回首當年也斷魂

普惠橋漫興

便算無情也有愁清江萬點照晴丘半林花落知春晚  
四月風高似暮秋愛此兔葵心未老羨他燕麥子初收  
題詩切莫傷貧病獨坐乾坤一小舟

燕

年年社日擬相招剪水穿花不憚遙並宿呢喃聽婉轉

雙飛下上見丰標泥香端憶春初好影瘦偏宜簾外飄  
王謝舊堂還記否丹青妙手鮮能描

午日

澹雲天氣午風柔花底稱觴綠蟻浮猶不如人徒事鬼  
未能免俗也同鷗沉湘志苦千秋在封薛功高一代休  
誰謂綵絲堪繫臂笑他生死類蜉蝣

姚渭公見訪擬卽往答索閱詩稿

清風喜得到衡茅爲訂忘形爾汝交深礪最愁逢渴虎  
怒潮生怕觸饑蛟綠苔蘭草萌新笋傍石榴花孕絳苞  
莫謂離羣真嬾惰豈能無意向書巢

喜與翁馭臣坐話

空明子詩集卷之八

三

隔我無慚總角交交深寧止漆投膠人情不異爭碁局  
世事真同探卵巢駒影難馳郵路遠芥舟堪濟草堂坳  
茫茫冷笑西飛日爲讀榮陽易一文

賦送慕庭大兄北上

朝聞天語促仙舟夕捲行裝敢逗留流水送人忙似  
燕青山笑我拙於鳩望塵百職皆前膝指日三公到上  
頭宦海風波無際險不知何以慰離愁

賦送芳園二兄

兩足黃梅兩岸平江干無限別離情休將傲骨資談柄  
莫作新詩頌履聲遠樹霏消山更好嫩晴煙瘦鳥初鳴  
關河水驛三千里珍重雲間第一程

結廬用香山郡樓對雪韻

結廬卧病託城西不敢清狂類綺穠月照畫堂穿竹徑  
鳥啼別院隔花溪品泉茶竈臨窗窄傍屋松枝壓帽低  
最怕無端風雨急嫩紅狼藉污春泥

夜坐

無衰可典愧窮途寂寂寒宵夜景徂無意踏憐花影碎  
有情坐愛月輪孤清鐘聲遠醒蕉夢紅蠟光搖映鴨爐  
却任旁人閒指點春秋天地一狂徒

放言

那得牀頭滿種松引風入戶響淙淙收他秣米三千斛  
澆我閒愁一萬重詩興豈勞紅雨助洞門不要白雲封

空明子詩集卷之八

四

紛紛花月尋常過卧看春雷起撥龍

空林誰叩一聲鐘飛入天門徹九重王母樓臺多集鳳  
玉皇宮闕盡懸龍聽他翠管驚風叶醉我瓊漿琥珀濃  
劍珮冠裳塵世外偏於此處得相逢

諸度衆星皆拱極百川無水不朝宗此生窩忝稱詩虎  
縱死何慚號酒龍華表會能來白鶴化城猶得住芙蓉  
憑他駒影誇流俗夢斷襄王十二峰

可憐一腹本庸庸卿等偏能百輩容啄肉笑他同猜鷄  
甘貧愧我並寒蛩已達柱國生前願合拜閭羅地下封  
倘許春秋重筆削墨花鈿似劍頭鋒

我似人間嬾惰農秋成無分望三冬風雖作塊難充口

雪若融來好滌胸野火燒殘狡兔出小池竭盡凍魚從  
醉醪乞得招仙侶一曲高歌月下逢

人世紛紛莫浪誇閉門枯坐轉咨嗟一尊玉液杯常滿  
半枕黃粱日又斜月黑山中獨足鬼春深溪畔兩頭蛇  
悠悠生死皆前定暮地相逢當眼花

退守清真遲暮年犁雲鋤雨算耕田鳥驚飛砲初然火  
獸駭強弓乍歇弦曾向山巔尋碧水慣從江底覓青天  
游行自在無拘礙擬作蓬萊一散仙

蕭蕭歲暮成何事凍筆呵冰強作詩東海漸看真苦惱  
西方猶見大慈悲難拋別恨如疣贅無用微躬類指枝  
病染煙霞花酒債一生勞頓未能治

空明子詩集卷之八

五

何事黃鸝苦好鳴日長花放轉春晴遷喬愧我孤身拙  
出谷輸他雙羽輕偷向隙中窺百歲暗於石上會三生  
看看鬚鬢皆成雪好與沙鷗訂舊盟

石火餘光一瞬明妖狐變態白蟬盈煙寒嫩柳垂何處  
春暖新鶯啼幾聲屍塚隊中愁對坐髑髏堆裏笑相迎  
高懸幸有如輪日得託乾坤過此生

愁坐

慙愧生涯正渺茫性情如桂復如薑五千言裏醒殘夢  
三百篇中老是卿病比春前初中酒花當臘盡乍回陽  
那堪窗畔閒相較一樣悵悵愁斷腸

小除夕

誰料今朝逼小除盤空瓶罄待何如尋梅那要眠孤艇  
賞雪無心跨瘦驢五夜漏深殘燭短三更月上矮窗虛  
謀生不足妻兒笑檢韻吟哦愧有餘

口直怕聞人過失心閒愛對客清狂折花插鬢羞華髮  
得酒消愁少別腸覓韻尋香煙縹緲品茶剪燭話荒唐  
誰家鼓吹喧天半月色平臨映曉霜

隔林矮屋裊寒煙裘敝無端補綴聯好聽鶯聲將百轉  
漸看柳態欲三眠臘殘昨日殊堪念春到今宵更可憐  
安得交親皆聚首小山醅酌惜花天

寄盛晉人

殷勤爲報燕山客讀古還期仔細參元白放歌殊可愛

空明子詩集卷之八

六

錢劉逸響最宜探下車莫學馮家婦閉戶堪師魯國男  
倘有新詩懷故舊願憑尺鯉寄江南

希聖

天理流行要問心五經四子足追尋明窗宛侍先師側  
暗室常聞上帝臨剖析是非如斷獄陶和情性在彈琴  
須知希聖無奇策危坐終朝學正襟

除夕

抱病昏昏暮景人惠存常自愧交親耽吟不覺青春老  
顧影惟憐白髮新花盡一年殊足恨酒逢此夕莫辭頻  
平生多少關心處休把閒愁攪幻身

元旦

節屆新正乍暖天向陽草木動晴煙無端意緒成千結  
那得琵琶撥四絃漸漸可憐紅雨夜看看欲到白頭年  
賞花醉月尋常事就裏機關秘不傳

許九尊舅痘殤詩以哭之

十年前亦哭嬌雛此日傳聞淚與俱因甚誤拋懷裏璧  
何緣驚隨掌中珠憐渠稚齒情堪痛愧我狂夫與轉孤  
若念西河卜子夏他生重到舊家無

人日

舊傳人日知何意此際重看態變遷反覆無常如昨歲  
陰晴不定在今年酒存歲盡微寒夜錫刺春盤小雨天  
一曲放歌差自喜牀頭還有買花錢

空明子詩集卷之八

七

柳湖春濤

三泖年年此日情桃花春漲浪花生迴瀾乍立疑冰雪  
鴈圻羣飛撒水晶細柳新蒲渾欲折閒鷗宿鷺亦相驚  
莫言湖濶風波險世路風波更不平

咏雪美女

一樣娉婷似玉奴六花裝點勝凝酥淒涼粉貌惟愁日  
冷淡冰心不憶夫大士結趺纔入定文君新寡未當壚  
偏生怕是春風妬吹送芳魂泛五湖

山茶

移向齋前一小叢驚啼蝶撲不禁風葉綠深似鴨頭綠  
花發鮮於鶴頂紅名擅寶珠原自別人慚冰玉未能同

無端桃李閒開謝畢及山茶伴醉翁

唐春江見招因足疾不赴賦謝

嫩紅淺綠吐新條花遲遼巡遣寂寥黑髮漸於頭上減  
朱顏不覺鏡中銷偏愁病足多妨步應愧知音遠見招  
雅意在心如已醉莫勞青鳥下層霄

自詠

一生口債詩千首三月春光綠滿丘自分漁樵甘沒世  
那堪風雨助閒愁但憑頭髮斑無愧若作吾腰折便羞  
西郭南村漫遊戲沙邊相狎有輕鷗

自知句好徒爲爾無那心頑不奈何歷亂雲山看去少  
循環歲月得來多寧甘把淚和花落豈分將身被墨磨

空明子詩集卷之八

八

頭白眼昏成老大百年光景半蹉跎

幽居

乍晴天氣暮雲濃爾許幽居疊遠峰映水還宜數竿竹  
隔牆不厭一枝松琅玕正喜堪棲鳳鱗甲惟愁欲化龍  
斗大乾坤君看取只愁塊壘未能容

教兒

色相從今一筆刪可憐雙鬢已成斑最愁雨濕還傷足  
每憶花開早破顏苦到幾時纔得樂忙他不了且偷閒  
教兒好學人家點莫似而翁老尚頑

上元日喜晴

積雨連宵喜乍晴柳條未破綠新萌小山日暖苔初潤



勺水冰開鏡自清  
曉翅漫同林下鶴  
暴鱗因想海中鯨  
憑他歌舞娛心目  
不及茅簷此際情

### 招陳吟室小飲

恕我癡頑白髮新  
形骸脫略見天真  
三春總計纔正月  
百歲平分未半人  
不向此時酬大塊  
更於何日覓閒身  
浮生苦好雲中鶴  
肯到花前一擺塵

### 閒吟

半生淪落有誰親  
只許心交四五人  
趁熱鶯花翻覺巧  
入門風月不嫌貧  
大都身世原無著  
總計公私莫認真  
貴賤到頭終自幻  
北邙衰草亂青燐

### 春日閒吟用香山韻

空明子詩集卷之八

九

柳條得雨三分重  
世事關心半點無  
軒冕奴顏人盡國  
布衣自足那如吾  
蜂衙早聚誰能散  
蟻陣相持若箇輸  
倘任彼蒼提傀儡  
此中隨地有榮枯

### 課兒有感

教兒莫計貴和貧  
貴者常驕貧者真  
况我煙霞成僻性  
借渠風月樂閒身  
未甘責備由來許  
豈敢求榮望後人  
或似他家紆紫客  
但愁老去轉酸辛

吾兒未必甚愚蒙  
善體親心念老翁  
一領破衣隨分著  
三餐粗糲不愁窮  
欲修天爵須由我  
要辨神奸莫露聰  
異日倘爲騎馬吏  
風情矯矯勿雷同

### 郊望

吟詩獨上最高樓  
不覺蕭蕭兩鬢秋  
晚嶂新稠濃似畫  
春潮乍長滑於油  
蒲生鳴綠浮孤嶼  
柳挂驚黃颺古丘  
陰雨連綿誰補漏  
楚騷讀罷倍難憂

### 呈許端正姻家兼寄陳含美隱君

細蘿何幸託喬松  
贏得干霄直上同  
總藉巨材綿世澤  
不教小草負春風  
花時且喜無人管  
月下常期有夢通  
相得相須願相傍  
芳隣况有嶧陽桐

### 戲爲疊字體

年年日日見卿卿  
欸欸輕輕細細聲  
水水山山迎燕燕  
枝枝葉葉打鶯鶯  
風風雨雨看看好  
草草花花處處生  
夜夜一燈燈寂寂  
斷魂魂夢夢清清

空明子詩集卷之八

十

### 閨怨

六七八九  
六七八九  
六七八九  
六七八九

晴峰七八抱清溪  
尺鯉誰傳三海西  
九載愁看四六句  
五更怕聽百千雞  
征鴻兩兩聲偏亂  
歸燕雙雙影不齊  
半縷情絲牽萬丈  
倚欄十二一悲啼

四山咫尺照晴溪  
萬八峰迴七埭西  
兩派空拋半夜月  
十年相憶五更雞  
眉鋪八字千林秀  
蓮感雙尖二瓣齊  
一日三秋腸九轉  
愁聽百六亂鶯啼

五峰百丈繞雙溪  
掩映珠樓十二西  
尺素九秋傳旅雁  
寸心兩處聽晨雞  
關情七八韶光去  
別恨三千華嶽齊  
燈下百回看四六  
相思一半夜烏啼

一心不二伴花溪  
三竺曾遊方丈西  
四海五湖兩地月

千山萬嶺半村雞六銖百和飄香遠七夕雙星乞巧齊

細數歸期應八九十年灑淚背燈啼

限前十字順用

十百離愁遍九溪八千鐵騎渡遠西七襄盈丈晨看雁

六出飄花夜舞雞萬戶五侯功半退四山兩眼望中齊

三春消息憑雙燕二月鵲聲一淚啼

限前十字順用

雨中承許端臣訂賞海棠有感而作

聞君花發滿閒庭雷雨無端枕上聽老我形骸何日住  
醉人天氣幾時醒惜春常罄三杯綠顧影惟慙雙眼青  
擬泛扁舟甘痛飲為憐鶯語苦丁寧

咏海棠花

一樹胭脂耀眼紅煙籠月照小窗東杏桃縱好神難似

李商隱詩集卷之八

士

蘭藥相將態未工濃淡恰宜真國色笑顰入妙託春風  
那堪花信無情雨斷送殘英曉夢中

赴許端臣宴後一日復承惠海棠一枝漫賦

良朋攜手赴華筵對酒看花劇可憐今日倦來綠酒醉  
昨宵悔不共花眠一枝贈我傾城色二月愁人陰雨天  
如許風光寧易得半消春思在春前

自歎

自歎生成孤介身花枝且喜緊為隣交親憎我多緣直  
驚燕憐人未覺貧每為熱心遭按劍願將冷眼事書紳  
牀頭有酒甘長醉好向劉伶託後塵

初秋夜坐

井梧飄後月如霜坐看秋容雅淡妝高樹蟬嘶風轉急

虛廊螢度夜初涼三杯合是澆愁藥一枕須知却老方

從此閉門君莫問不堪頭白更情傷

秋來益覺鬢如霜豈敢還修時世妝已見芙蓉開爛熳  
那堪蟋蟀語淒涼看書借月真長策服玉餐霞有秘方  
漫誦嚶鳴求友什鵲鴿原上獨悲傷

誰能為我搗元霜得見真仙倚靚妝織女橋邊銀漢冷  
嫦娥宮裏桂枝涼香沾兩袖衣無縫酒醉千杯眼欲方  
萬一罡風吹墮下俯臨城郭轉堪傷

近水還宜種拒霜含煙帶露晚來妝金尊行酒酬花媚  
玉笛飛聲怨夜涼彩筆未能干北斗塵根那得戀西方

李商隱詩集卷之八

士

望中多少長堤柳搖曳秋風轉自傷

自傷

形容莫怪漸清癯倚檻長吟伴月孤酒醺斷來疎筆墨  
飢塵生處累妻孥襟襟苦愛流螢度壓石誰憐老幹枯  
覽鏡自知寒乞相就中已較一籌輸

先母見背未及半載小女又復病殤詩以哭之

無端忽失掌中珠況值親喪苦塊初凶事那堪重疊至  
殘生能保百年餘痛如帶箭傷弓鳥悶類吞鉤上餌魚  
終日昏昏惟欲睡空勞花影照牀書

擬泛杭州上越州多緣汝病故遲留芳魂自爾歸三島  
靈魄誰云滯一丘分手弟昆何處去關心父母此生休

最憐垂絕頻頻喘莫為殤兒特地愁

伴我消閒半局棋空庭常玩好花枝獨憐弟弱難支病  
每念親衰暗皺眉倚檻愛看一片月臨風喜誦數篇詩  
吁嗟此際堪愁絕訴與啼猿總不知

生女如兒性雅馴憐渠智慧未愁貧看書頗解參難字  
繡線常添愛好春轉眼汝經十八載傷心我是四旬人  
行將葬爾高原上一畝梅花白似銀

喜接諸同人小飲述懷

葛巾漉酒燕佳賓坐對秋深獨愴神多病形骸惟我老  
無頭學問有誰親常師映水虛心竹聊避征途撲面塵  
睡足日高閒不過棄除一室也經綸

空明子詩集卷之八

三

大雅相過未寂寥平生本願絕塵囂暢談世事真基局  
冷看人情似柳條楚地風煙容易散吳天波浪豈難消  
不如勉進杯中物且喜偷閒度聖朝

上元夜登樓望青岩開筵張樂賞美人走索燈

白袷凌寒強自支登樓遙望動相思坡綠凍浮松葉  
窈窕紅牽勝柳枝金管銀箏歌玉樹鶯喉燕舌鬬蛾眉  
梅花伴老幽人夢長慟春風怨別離

步訪岑待詔復領小酌兼聽竹鷄歸而漫賦

東風拂拂草萋萋步入桃源路欲迷紫笛曲長如有怨  
銀瓶酒熟正堪攜翩翩調逸誇金馬滑滑聲乾叫竹鷄  
抱渴臨邛君莫笑斷腸何處好留題

戲為青岩家優童鳳池作

有美踰蹊似二都曲廊引我醉醺醺鴛鴦比翼歸丹嶼  
鸚鵡能言倒玉壺不夜城中然豹體生春帳底展龍鬚  
鳳池原屬仙郎占可許漁蓑一釣無

江上作次二家兄韻

錦塘潛綠怨春遲柳挂金絲鬬黛眉凹地隨風雲液瀉  
浮天薄暮玉鉤垂踏青乘蘭吟殘照醉白傳柑卧斷碑  
緱氏山頭好乘鶴擬將大棗問安期

九峰積雪

平原一望九峰齊積素層層鳥道迷紺宇糝糊松影亂  
玉山巉崿月輪低吟詩豈必求驢背招隱無從訪剡溪

空明子詩集卷之八

古

好待日時花爛熳醉尋煙柳聽黃鸝

梅

嫩時春色上簾衣凍玉凝霞雪一圍庾嶺寒香浸初月  
羅浮清夢醉斜輝竹邊芳引最堪頌同柳外孤標伴少微  
留得廣平賦心在五湖煙水釣魚磯

哭許端臣姻家

綠窗幾度醉花叢深院閒階遊處同豈意仲冬題鵬鳥  
遂於殘臘葬西風吹簫來會差如勃理玉空悲竟類充  
今日酒罇誰念舊青蠅能弔夕陽紅

隣家劣犬

不戀從前舊主仁慣憎蘭珮見精神修毫釐睨羞同類

白雀青檀恥比隣，畜火漸如韋氏怪。寄書爭及陸家馴，聞人莫笑雞刀小。請聽張雲議論新。

再哭端臣

絲蘿原屬舊朱陳，每捧瑤華迥出塵。玉樹竟爲泉下客，桂花空憶月中人。藥欄紅落經春雨，竹徑青搖見鬼燐。我轉自悲成老大，向平婚嫁獨傷神。

五蝶梅

靚妝何必五銖衣，一覺揚州人事非。驛使自能傳婉孌，巢居豈復怨癡肥。曾從越女奩中見，疑向莊生夢裏飛。紫燕黃蜂猶未鬧，獨留風韻憶江妃。

見金憤

金明子詩集卷之八

五

奚事端來老會牛，慣驅金憤此間遊。如花空落陽關外，化樹遙傳豐水頭。扣角長歌徒太苦，彎弓命中亦何求。方春只望逢丞相，嬾散桃林得自由。

閒步

初晴猶覺薄寒侵，獨向江頭俯碧潭。一點額梅輕似雪，數枝眉柳嫩於金。商量春色憑花鳥，斟酌人情問古今。極目蕭條惆悵立，廣陵絕響歎亡琴。

紅梅

孤標瘦影刺清芬，點染胭脂較出羣。王母赤盤擎絳雪，玉皇金闕捧紅雲。亭如款府新歌豔，骨換春風落照殷。却笑羅浮裝束淡，衆仙同著石榴裙。

綠萼梅

支分庾嶺獨踟躕，綠萼前生本是仙。醉我疑眠青瑣闥，引人恍對碧羅天。鴨頭漢水同清韻，螺黛隋宮點翠鈿。好倩鄂君張羽蓋，移將疎影傍藍田。

用穎川事贈含美

陶寫羅浮筆墨香，詩追無已調鏗鏘。梓州峻望干牛斗，劍浦長吟叶鳳凰。德聚五星占太史，計奇六出動高皇。如今休更誇驚坐，且學希夸入睡鄉。

對客書懷

白髮星星日暮情，紅螺誰與話平生。愧無供客銀絲鱠，剩有齋僧玉糝羹。一飯未酬羞短褐，五言難擬築長城。

金明子詩集卷之八

六

綠雲騎鶴瀟湘波，影鶴尾使香鳥不驚。

散步

衍波金線長纖埃，蟻服行吟趁紫苔。一院梅花懸價售，六街蘭草扇香來。青袍那怕風霜妬，白髮常憂鷗鷺猜。盡日春陰愁暮雨，相思空羨楚陽臺。

獨坐

鴨焚龍腦睡凝香，盡日無人春晝長。葉背暗依香蝶嬾，花鬚亂數笑蜂忙。黃嬌不散愁千縷，綠綺難消淚兩行。多謝白雲常作伴，堆爐披褐對縹緗。

竹鷄

滑滑聲中晴雨分，何緣錦翼鎖朱門。金籠可憶韓憑魄，

血淚難題望帝魂飼米眼穿烏借樹浴沙心羨鶴乘軒  
平生雅愛黃陵廟時夢西江綠竹翻

杏花

凝酥漱玉罨紅芳暈雪融霞妬豔妝色染太真巾上汗  
幕間荀令坐來香濕煙帶霧爭春館寒雨初晴碎錦坊  
豈羨蓬萊開六出醉歌斜日背銀牀

擬村居

杏花垂柳繞幽居縱復窮愁懶著書木可爲奴魚可婢  
流堪作枕筍堪輿不須窮究求金谷豈必鏗鐸覓錦車  
仲蔚蓬蒿甘坐老一生耕讀伴樵漁

勾龍司社日初長蕙轉光風到錦塘撲蝶尋花誰復會

空明子詩集卷之八

七

治筆之酒客先嘗驚校獨識黃金縷燕剪雙拋白玉堂  
春事模糊看不見落紅流入一溪香

九峰積雪

遠峰重疊潔無垠一片瓊瑤凍粉塵斜日帶煙水作骨  
淡雲籠月玉爲神白頭似對香山老青眼如逢庾嶺春  
慙愧師門才立後敢誇環珮賦清新

公子家

曲曲闌干北斗斜珠簾翠箔護簷牙屏開鸚鵡圍春色  
鉤挂珊瑚闌晚霞爛若雲停宵作畫飲如波卷醉爲家  
洞房長夜歌金縷戛殺翻風怨落花

無題

新潮乍長遠連天嫩柳垂條散綠煙燕上畫梁尋故壘  
鶯穿嘉樹說流年捲簾愛看山光好傍檻潛窺花影妍  
怪殺小蠻窗下立笑梳雲鬢索青田

挑根桃葉笑相迎楊柳櫻桃逐隊行觸處關情登小閣  
有時私語坐深更五銖細細和身稱雙鳳纖纖蹴步輕  
最是玉釵怜惜甚爲他芳草賄輸贏

繡成雙鳥是鸛鵲照徹光明鏡一匝拖去翠裙金側側  
拈來斑管玉纖纖曾經刻畫花增媚略涉詼諧語帶尖  
幾度夜深星斗下開窗雲霧濕珠簾

弄粉調朱四五年知寒識暖倍增憐開匣光動金釵色  
捲幔香凝寶鼎煙醉後索茶常侍側燈前磨墨每爭先

空明子詩集卷之八

太

莫因春暮嗟搖落牽引愁腸到酒邊

小立閒庭日未中太湖石畔見輕鴻弓鞋踏遍庭蕪綠  
錦袖擎殘仙杏紅似此可能乘彩鳳問渠曾否夢維熊  
那堪一陣傷春淚灑過窗前花信風

只諳歡笑不諳愁十五盈盈便上頭一朶天桃真豔麗  
千條弱柳自風流尋春雅愛湖山俯覓徑常探松竹幽  
細數百般俱較可但看醉態更溫柔

瞥見輕盈一小星乍來行酒靠圍屏含愁不止三千丈  
問歲方當十四齡堪笑甘心作老姬最憐私地祝寧馨  
潛踪寂寞更深更後獨拜瑤階月滿庭

銀蒜雙垂錦帳前繡屏斜插鏡臺邊捲簾欲隨湘妃淚

打卦空拋驚眼錢花貌暗愁紅雨濕金鈿不整綠雲偏  
胸中無限酸心事寶鴨焚香竟日眠

春色次七弟韻

東風吹夢入煙花春色朦朧薄霧遮嫁杏有情思李氏  
種桃無主憶劉家游魚噴沫晴波曲飛鳥流聲落照斜  
獨戴幅巾攜竹杖綠溪閒見雨前茶

愁落梅

飄零無那又黃昏斜月蒼茫點草門簷外一枝才索笑  
江頭三疊漫銷魂吟詩玉女愁風信送酒紅衣隨淚痕  
腸斷欲留留不得金尊檀板細溫存

草蘭

空明子詩集卷之八

九

和風偏喜纖蘭叢靜裏相看品不同雞舌含來花婉婉  
麝臍薰透月朦朧國香有種先春報風露垂珠落日融  
空谷無人芳自在丹心誰復怨啼紅

過古墓

茫茫大塊最無端每笑彭殤一例看石馬徒聞嘶夜月  
水校誰與薦春盤佳城鬱鬱青苔鎖永宅蕭蕭碧草寒  
獨上高原愁極目柳絲遙挂夕陽殘

僧家以魚為水校花因寒倍有僧舍故云

坐愁

非關歌哭獨傷神寂寂柴門風雨頻幾度玉簫楊柳暮  
一鞭金勒杏花春青田憶昔成陳迹絳樹如今屬幻塵  
斷續漁樵驚曉夢五湖煙月付閒人

送朱奇輝入京時 駕南幸

收拾魚竿謝釣磯驪駒唱罷欲誰依東風一別魂消柳  
南浦相思月滿衣芳草岸頭逢鳳舸杏花村裏見龍旂  
長揚有賦乘時獻莫憶蓴鱸早晚歸

訪陳含美不遇

春光乍媚夕陽斜為訪西山望落霞三逕綠封環竹葉  
雙扉青鎖對梅花惟餘石髮庭中滿那有松髯象外賒  
不是山陰迴棹速白雲來去本無家

見落梅

狂風送雨到柴門不是飄梅是斷魂幾陣冷香浮碧落  
一團瘦玉泣黃昏輸他綠柳綠柳影伴我蒼苔點點痕

空明子詩集卷之八

十

忙掃殘花入竹葉醉吟佳麗問乾坤

雨後晨起見梅花無恙因以誌喜

風雨終宵自可由朝來捲幔雪仍浮當城卓女千行淚  
傳粉何郎一段愁金翡翠邊看雅淡玉蟾蜍裏醉溫柔  
誰知傲骨冰心客別有香魂伴勝遊

憶橫雲梅花

一簾瘦影伴清灣激露噴珠夕照間對酒何妨金作谷  
望雲仍要玉爲山王家冶麗誇桃葉白氏風流競小蠻  
倘與此花相掩映會須銷盡鏡中顏

空明子詩集卷之九

練川兄樸村先生選

華亭張 榮景桓著

貴公子

寶馬雕鞍金僕姑從禽那復畏泥塗蛾眉捧硯皆花貌  
珠履盈門少釣徒銀海幾泓浮琥珀玉鉤三尺挂珊瑚  
可能絕意酬嵇阮辜負黃公舊酒壚

上林人柳欲三眠此夕侯家列綺筵畫檻寒飄花逐月  
珠簾香逗藥欄煙插天第宅橫金鑲匝地笙歌落翠鈿  
老盡春風渾不覺燭奴高捧度華年

隋堤

旄頭十萬擁仙槎殿脚三千繫臂紗玉館煙霞歸麴部

空明子詩集卷之九

金堤花草屬官家星馳鶴首湖山麗電閃龍牙日月華  
誰道錦帆容易逝空教垂柳怨啼鴉

偶題

當壚換酒解金貂對月憑欄度玉簫南部煙花容易歇  
北邙沙草最難消萍浮曉葉迴風嫩柳入春枝向雨嬌  
獨惜韶光倍惆悵帶圍寬盡沈郎腰

梅殘

連宵雪雨落梅花憶殺孤山處士家春夢那能拋玉骨  
東風若爲掃鉛華澆愁寂寞三杯酒送老淒涼一點鴉  
紙帳輕寒人不寐只宜酩酊度生涯

半生

幾度投竿寂寞濱半生惡况怕良辰雨餘芳草千山暮  
風落殘梅一院春舊恨重來梁上燕新愁難掃案頭塵  
綠楊影裏聞長笛爛醉斜陽魚鳥親

卽景

綠淺紅鮮小閣東壓簾銀蒜照瞳矓鏤金低酌梨花釀  
碧玉高吹楊柳風蝶嫩顛狂憐藥園蜂忙懊惱怨蘭叢  
不知消得春多少腸斷王孫芳草中

玉笛銀箏度曲遙東風吹暖過斜橋綠塵細潑仙人掌  
金線輕翻楚女腰却醉葡萄醕月夜漫吟芍藥候花朝  
春寒夢淺衣篝冷一炷溫磨著意燒

曲屏矮几小窗中翠羽青筇伴醉翁苔鎖錦韞衣泛綠

空明子詩集卷之九

二

花侵香閣臉凝紅送梅夢斷三更雨候柳春迎六幕風  
愁緒濛濛吟思苦寒燈一盞倩誰同

樹影參差隔遠峰日高殘夢苦重重松醪似海酬三雅  
春草如煙醉五茸花底蘭芽青夢鎖階前石筍紫苔封  
同人若問平生業酒興詩懷列附庸

一枕寒從琥珀來綠沉屏外報輕雷恨同錦帶飄千縷  
腸轉雕輪過九迴紫玉硯頭堆斷簡烏皮几上落殘梅  
含愁幾下鮫人淚遣悶惟憑麴秀才

滿庭春色最關心習習東風入戶深玉匣劍寒燈影暗  
金爐香暖月痕侵殘花似夢閒來掃幽夢如花覺後尋  
不上高樓愁極目翠銷紅褪淚沾襟

簾颺晴波照晏溫  
拂簷綠竹鎖衡門  
心驚草草完殘夢  
花放輕輕續斷魂  
若箇淺斟獨樂苑  
何人低唱莫愁村  
王鳩杖我尋芳徑  
煙樹蒼茫沒燒痕

碧磯苔長卧漁叢  
一樹春風昨夜過  
犢鼻正堪酬綠蟻  
鴉頭恰稱踏青螺  
花迴盡檻餘香散  
雲鎖芳塘落日多

頓遜杯前拚盡醉  
醉眠不擬負煙蘿

暗香漠漠觸衣襟  
無限春光在碧岑  
看去渾疑金繡護  
坐來微覺麝蘭侵  
漫容蝶粉栖芳草  
時有鶯黃弄翠林

更愛一灣階下水  
流紅浸月發清音

荷衣怕惹馬蹄塵  
寂寂丘園幾度春  
病起愛尋岩洞月  
愁來難理釣竿綸  
九華入袖收零玉  
一葦衝波棹碎銀

空明子詩集卷之九

三

不惜緼袍償酒債  
便疑孫濟是前身

懷賓門長兄

銀壺傳漏蠟燈紅  
未必相思兩地同  
坐雨最愁南浦月  
擁爐惟怨北窗風  
尋芳挑菜逢青帝  
結綵飛觴問社翁  
遙憶禁煙應有約  
梨花莫放窺頭空

同青岩鏡渚集冷室賞綠萼梅

何處天仙散綠塵  
一杯竹葉洞中春  
蒼苔黯澹如愁雨  
青鳥來回似勸人  
豈少暗香侵北戶  
尚餘老幹壓東隣  
百城坐擁真奇貴  
況有名花更不貧

道人口厭寒香味  
處士庭栽索笑花  
翠羽颺煙浮小院  
綠雲籠影覆輕霞  
豪吟自昔同吹鳳  
狂飲誰能復畫蛇

歌哭一回天欲暮  
醉殘明月上窗紗

半疑晴雪半疑煙  
深院清幽寂似禪  
飛錢解穿小有洞  
散花真下大羅天  
師雄好夢堪同醉  
和靖無妻欲共眠  
簾展潘牀愁不寐  
一尊相對翠屏前

乍晴

乍晴嫩日長三萬  
簾外微風度碧桃  
壓夢未醒靈粟重  
帝鶯繞轉豔聲高  
柳條拂綠迎金勒  
草色回青闥錦袍  
恰似貴妃初出沐  
鳳釵慵整困香醪

申浦阻風

頽風駭駭翻鵲聲  
乾獨坐危檣細柳寒  
怒浪倒翻千丈雪  
驚颺高矗萬層煙  
迷梵院垂楊鎖雲暗  
花溪古木攢

空明子詩集卷之九

四

今日一尊酬白髮  
相思空對夕陽殘

浦南獨步

煙昏日暗竹森森  
獨步長堤背浦吟  
夾岸有橋通小市  
密雲無路接遙岑  
新篁學轉方饒古  
老鶴揚鈴送好音  
泥滑草深春思短  
斷腸垂柳在江浔

雨窗寄鏡渚

幾回香燼鴨爐煙  
默坐芸窗手一編  
紅杏望風飄院落  
綠楊和濕帶秋韃  
經時對酒憐醒客  
竟日看雲怨醉天  
縱使浪仙吟思健  
也應愁絕竹廊前

書懷

驅車策馬非吾事  
對酒吟詩稱此心  
蘭佩豈勞香粉拂



荷衣忍放軟紅侵東園缺蝶尋花早南浦鴛鴦戲浪深  
聽罷鳥言行不得閉門高卧到如今

見桃花

五尺天桃傍水濱向陽先報一枝春如憐紅粉門前客  
似憶元都觀裏人對此臨風嬌靨輔還思垂柳小腰身  
路傍未許多攀折待點蒼苔作錦茵

槐柳周遭列翠屏豔妝獨立更亭亭紅燈夜燦人初醉  
絳慢春寒夢未醒映水似憐臨寶鏡迴風忍見落沙汀  
助嬌銷恨當年事時憶楊妃兩鬢青

泛艇

抱琴攜酒上漁船夾岸隨風柳帶牽柱檣影搖千頃碧

空明子詩集卷之九

五

竹爐香散一溪煙釣竿拂水魚釣曲茶竈驚雷蟹眼圓  
不是志和甘泛宅更何人與共周旋

新燕

穿簾度幕兩相招似向東風訴寂寥泥帶藻香春入夢  
花流水暖晚回潮故巢冷落毛衣嫩新墨經營意匠遙  
門外紛紛桃李豔月明雙影正飄飄

贈趙柳介

一度浮生六十年閉門枯坐轉陶然高風竟是先生柳  
清操還同君子蓮涓滴未能非戒酒和平安用更張絃  
尋常不著閒情賦肯結無端白社緣

書齋招二火柳介饒淳小飲

書齋得共話綢繆喜溢蒼蒼兩鬢秋梅豆青來春色老  
桃花紅褪暮煙浮聯吟欲奪錢劉席並坐如登李郭舟  
風雨不常兼卧病一尊消得許多愁

蕭蕭暮雨竹生秋便是無情也動愁况更好花成隋淚  
不堪芳草竟埋頭殷勤且進杯中味汗漫真同物外遊  
幾度夢魂拚化蝶逍遙豈獨有莊周

贈問俗亭上人

一椽不礙海隅天寂寂僧房便是禪花遲未勞開士掃  
竹牀堪贈野人眠題詩也喜吟紅藥斷酒無妨社白蓮  
誰道虎谿三笑後風流止許讓前賢

綠牡丹

空明子詩集卷之九

六

名葩自昔推姚魏何處飄來萼綠華五斛漫將螺黛寫  
一枝偏稱翠鈿遮傾城不借胭脂色巧笑疑龍碧玉紗  
千古風流誰得似箇人髮髻李倫家

卽景同七弟作

東風吹遍蕙花香好倩晴絲繫斷腸褪粉殘花供蝶板  
化萍飛絮助魚糧輕拋玉剪簾重捲亂纖金梭柳一行  
時序關心易惆悵數莖白髮對斜陽

新移牡丹乍試一花漫賦

曉煙才散日初溫早喜天葩試小園不逐繇紅迷錦障  
獨舒一萼向芳尊鈎留月影疑無夢界破春光若有痕  
翻勝朱門欄百寶笙歌幾度醉朝昏

却占層臺地位尊半枝值得也銷魂未聞學士歌三閨  
已識真妃拾一痕風眼有情開白晝月明無語對黃昏  
紛紛蝶蝶休相覩盡日溫存獨掩門  
國色何緣獨殿春香魂無那更愁人長鑾似憶三郎鼓  
淺笑誰堪六驛塵曉露乍沾環珮濕晚霞初散月華新  
莫將一段行雲意漫學陳王賦洛神  
一年獨占好風光寒暖初調日正長南國初來人窈窕  
東皇不管夜淒涼莫教燕黃鶯笑合有紅燈翠幕張  
最是藥階吟未就開簾早已透微香

歲暮有感

臘殘無奈被愁牽怪殺階前景物鮮縱有好花難入眼

空明子詩集卷之九

七

那能美酒度流年催科政急憂無策浮海槎輕樂似仙  
願與二三同伴約莫將生意問蒼天

奈他雨困更風顛無計忘憂益自憐薪桂米珠休動問  
蛇神牛鬼漫周旋倚窗最苦遠義馭負郭惟愁有硯田  
白髮蒙頭君莫笑何緣高枕得安眠

迷離檻外物華妍不似寒天似暖天人到於今真更苦  
花逢此際倍增憐望頭竹葉全無信釜底松枝半是煙  
病肺何年得少可堪愁病更愁煎

一年生計在春前風雨連綿倍黯然我待醉來渾似死  
誰能醒去竟如仙消愁只有兒堪教入暮無勞鬼見憐  
香冷金爐寒不寐月華望斷眼空穿

十一日喜晴

初晴回想久陰天鎮日相逢劇可憐幾處樓臺淹雨雪  
數聲感歎託詩篇淺寒寒嫩微猶疑熱小草花開未覺妍  
金玉杳然堪悵絕桂堂樽酒足流連

立春前一日

韶光取次到寒梅獨凭闌干愁緒來風信暗吹花魄動  
日輪晴引鳥聲回繡簾不捲鴛鴦夢綺席空拋鸚鵡杯  
節物催人如過隙百年身事付塵埃

春愁

紅杏飄殘眼一驚春愁如夢未分明雨餘乍長王孫草  
日暖初調公子鶯笑折花枝搔短鬢醉吟詩句坐深更

空明子詩集卷之九

八

登樓望斷青山碧獨倚朱欄寄遠情

索居

索居真覺半生勞引鏡驚看見二毛蕭瑟自憐寒入骨  
浮沉空歎跡如舫匣塵不掃愁金線燭淚頻流哭寶刀  
幸有屋邊梅作伴開簾還擬醉葡萄

春宵花下口占

笑倚窗前雲母屏閒披白袷謝青藤更無是處詩千首  
或可容來酒半升象管新聲歌絳樹羽衣妙舞拂紅燈  
良宵不負千金值恍在瑤臺第幾層

長歌當哭

諸君為我停杯盞聽我長歌當哭聲惜取那能叨上第

無錢誰許得虛名閒吟竊恐妨前輩開口還防礙後生  
囑爾知心三四友恕吾狂態莫相驚

花生日

解愁無計欲沾裳積雨初晴更斷腸燕睇恰當逢社日  
蝶忙應爲覓春陽柳眉欲黛含新怨杏臉融霞媚宿妝  
除却醉眠消不得好聽鶯語奏笙簧

夏日偶書

貧憎兒子求鮮食老畏交親索報書戴勝降桑簾寂寂  
韓憑入夢畫簾遙雖無冰碗供長夏幸有蘭香襲短裾  
手把一編閒自誦此生應是勝樵漁

獨坐賦貧士吟

空明子詩集卷之九

九

支頤獨坐暗傷神一卷殘編怕誤人白盡鬚髮惟欠死  
銷完精魄未逢春鶯花歷亂無生趣風月尋常得苦辛  
剩有甌塵何暇掃幾回珠桂覓交親

對雨

晏眠竹榻雨淒淒嫩綠新抽花逕迷鵲尾不驚蝶作夢  
蝦鬚時污燕銜泥栽成楊柳三圍大覓得菖蒲九節齊  
強飲一尊天欲暮任歌白日與黃雞

期客至

閒來無策足娛賓且喜殷紅照眼頻旗展一枝香到蕊  
蟻逢初熟竹生春桃花舊釀爭先設錦帶新烹敢後陳  
若箇岸巾籠鵲翅只譚風月不談人

卧餘

半枕清風晌午眠奚童閒掃落花前驚雷疾到難睜眼  
荷插人來好息肩望裏浮雲爭出岫竹邊流水恰通船  
相逢莫惜如泥醉門外洪波直接天

夜坐苦雨

小齋苦被濕雲蒸霪雨終宵得未曾百計難驅來白鳥  
一簾長挂隔青蠅杯中耐可逢賢聖句裏奚堪任愛憎  
身是餐霞塵外客蘇門還許謁孫登

荷花

誰擁凌波仙子來嫣然不語笑顏開香飄夜月流明鏡  
色帶朝霞醉綠醅翠蓋儘容鷗鷺戲紅妝可許蝶蜂猜

空明子詩集卷之九

十

多應分得潏溪愛太液何勞逞賦才

贈樸村大兄

曾向揚雄問字來何人不道是仙才龍埋獄底光冲斗  
琴被焚餘響似雷萬卷載盈三十乘一囊貯滿幾多回  
金盞自古堪憑弔莫鎖衡門賦玉杯

題舍美令祖先生吟室

爲仰高山訪太丘平居絃誦足千秋當年舊德真書種  
繼起文孫屬隱流我愛此中真有味君於身外更何求  
從茲鼓吹無虛日壓倒吳興八詠樓

憶得舍美柳介同飲蘭若有作

陳花風急絮飛銀曾共金蘭訪正因味向山家嘗處淡

詩從方外得來真誰聯此後尋芳伴更憶從前勸酒人  
回首笑談如隔夢刺桐欄畔一沾巾

無題

黃銷粉褪盡欄前瑤草琪葩滿砌邊倦眼忽驚紅雨墜  
芳情無奈綠雲牽  
可憐菱花祇照面夜深不照並頭蓮

相逢恰值落花時  
香焚沉水鴨飲煙梧桐直上難爲伴蘭蕙聯芳好並肩  
窈窕綠窗珍重意素心知在阿誰邊

默默低頭怨綺羅一腔愁思在秋波粉香暗向燈前度  
青澤偏留枕上多羞對旁人呼小字慣從爛醉問歡哥

李商隱詩集卷之九

七

輕盈合侍西池母但恐溫柔入病魔

貞靜偏教別致多輕肌底事不勝羅篆煙一任飄蘭麝  
鶯語憑他自嘯歌豈有眉心能鎖恨幾曾眼角解流波  
夜深伴讀銀燈下笑煖松醪意若何

路近城南日正長  
半畝桃花紅滿地  
相逢一笑三生幸况飲瓊漿得醉心

薄薄鉛華傅雪肌櫻桃一點襯胭脂玉簪斜插香雲膩  
金釧雙龍彩袖垂烏鵲斷橋違好夢翠蛾深鎖悵佳期  
黛螺收拾空箱內不遇張郎不畫眉

卽事

庭幽綠嫩茁蘭芽蟹眼新煎仙掌茶聽籟獨思君子竹  
題詩那到女兒花扇開雉尾隣冰室拂展龍鬚冷日華  
箕踞不干門外事天台何必飯胡麻

漫興

安排龍尾泛松花寫罷茶經日正斜休愛粉香妨蝶夢  
莫貪黃蠟悞蜂衙絕無旨酒堪浮蟻小有閒房僅類蜎  
含笑露蘭真我伴開襟相對讀南華

和朱秉士客樓寓目作

綿邈煙雲望易窮梵宮幽處鐸吟風浮圖金碧斜陽外  
高樹蒼黃宿霧中僅隔一垣如有礙稍低三尺即能通  
不因王粲登樓日誰復題詩向遠空

李商隱詩集卷之九

七

雨窗同趙柳介夜話

何妨月黑上高樓急雨潺潺夜色幽涼吹欲驅炎氣散  
電光長繞白雲流靜緣於我雖無分清况同君卒未休  
不信半生彈指過可憐徒有稻梁謀

當暑

簾展湘波釣挂銀暑勝毒熱欲焚身清能吸露思齊女  
聚欲成雷怕忝民誰到老來不作我臣之壯也未如人  
只今潦倒無生活踏遍殘紅卧醉茵

對梅花

昔年移植此齋中一樣蕭疎逸致同豈料暮愁添白髮  
遂今老幹傲春風病餘忍放玻璃空月下還期翠羽通

香夢不來消息斷凍雲寒雪鎖芳叢

海棠移植齋中已經三載今始試花喜而賦此

三年不見試新紅此日相看託化工那禁柔情含曉露  
最憐弱質蕩春風品超仙杏無心妬伴結天桃有夢通  
但得嫣然逢一笑東君肯放酒杯空

春遊有感

閒遊無日不傷神淚灑東風草似茵衰去漸看筋力倦  
愁來羞對杏桃新酒因病肺春尤減詩爲關情老怕親  
惆悵故交零落盡晨星幾箇白頭人

春分日

中和佳節會金錢挑菜城南樂事偏青帝一揮風似扇

空明子詩集卷之九

主

社翁幾度雨如綿鶯穿嫩柳聲猶澁燕睇空梁壘未全  
莫把韶光等閒擲鬢毛白盡已經年

渡浦

片帆飛渡早潮平三老長年自不驚塵世恰如飄一葉  
海天何異託浮萍誰家桃李風前綻半枕松篁夢裏情  
回首那堪頻眺望澹煙寒雨過清明

同友人郊行

昨宵雞唱報輕雷社雨紛紛長綠苔挑菜忽傳佳客到  
握蘭喜見故人來不知命也真癡絕且往觀乎亦快哉  
同是天涯淪落輩草茅何必愧非材

尋春

幾度尋春過野塘布帆斜挂日蒼黃風流跌宕看楊柳  
濃豔溫柔見海棠一抹山輕青簇簇半篙潮長白茫茫  
此情已覺魂銷盡况聽鶯聲更斷腸

海棠花

巫山洛浦遠相從手捲珠簾喜乍逢映日翠鬟微蕩漾  
泣春紅淚半惺鬆石家宅裏珊瑚碎太白樽中琥珀濃  
誰比楊妃酣醉後殘妝零亂若爲容

上巳日誕辰諸同人挾女郎偕至漫賦

茅堂此日會羣仙神女來遊樂更偏雨潤草香煙脉脉  
風迴樹影蝶翩翩雅歌豈讓錢龍宴淺酌輕浮藥玉船  
烏兔分明如過隙壺觴且與漫周旋

空明子詩集卷之九

古

青田其語最春天我愛洪崖笑拍肩野草斜侵經宿雨  
閒花輕鎖半枝煙蘭香豈必憐張碩楊廣何由得絳仙  
不爲賦詩忙刻燭宵深應任海棠顛

海棠

困酣無力舞東風似睡初醒似夢中芳思弄煙春晚晚  
柔情照月夜玲瓏半拋紅波語綠秋一隔珠簾萬象空  
惆悵馬嵬魂斷後至今姚冶有誰同

宿醒

宿醒未解竟如何雀舌新烹味較多熟熱但憑拋玉剪  
黃鶯一任擲金梭願聞香國蘭千穗或聽清音竹數科  
意可滿壺經百卷藤牀枯坐學維摩

偶題同二兄作

獨行江畔弔湘靈誰識前生是歲星天上朝元攜萼綠  
竹間者茗付樵青風飄羊角紫金柳浪捲魚鱗碎錦萍  
夜半鳳簫吹弄玉幾回傾耳月中聽

山行座有雲仙校書

無邊春思濶於天幾度相看益惘然關草不逢鶯燕侶  
夢山喜遇雨雲仙歌聲婉轉低銀燭酒態沉酣落翠鈿  
豈是對君愁分淺白頭應笑伴花眠

謝依成齋中賞牡丹

躡最尋芳風雨頻謝庭名種轉須親長吟豈必辭三雅  
痛飲真堪醉十旬傍檻憐香誰似我移燈照影更何人

空明子詩集卷之九

五

殿春閣擅花王號若箇穠華繼後塵

苦雨

冷風送雨到開門臺上花枝總斷魂豈有燕鶯喧白日  
但愁薄激易黃昏竹生別院搖青影苔鎖空庭長綠痕  
多少欲歸歸未得天涯何處泣王孫

東同人

小庭花放一枝紅已遇露霏又遇風將謝就荒三徑內  
張衡久困四愁中亦知獨坐非長策且望朋來罄短衷  
若箇麴生拼盡醉不辭觴政作元戎

敝履

製就雙鳬憐病婦裁成丹豹貺潛夫半生枉踏崎嶇路

今日真逢坦易途敢比元公誇赤舄弗食上客綴明珠  
登山訪舊渾閒事且向花前學步趨

女紅

猶覺春寒雪滿庭經營小閣貯娉婷幾多燕壘無心看  
鏡有鶯啼那肯聽閉戶但憑梅結子隔簾誰見鳥梳翎  
績麻刺繡尋常事借得餘光不暫停

問字

韶年二八正盈盈解識春風笑面迎待月開簾延老桂  
采蘭約伴趁新晴金波泛處杯常滿玉笛攜來手自橫  
幾度攤書吟麗句暗將難字問先生

禮佛

空明子詩集卷之九

未

夜深獨對一燈青檢點開函誦佛經香結瑞煙浮五色  
光凝寶髻集千雲遙看合掌蓮花座遠隔臨窗雲母屏  
幾度覓茶將口漱口脂猶恐帶餘腥

酣睡

銀燭燒殘鼓二更開簾偷看睡情濃風衾半覆香肌冷  
鸞枕橫陳綠鬢鬆兩朵碧蓮浮繡褥一方紅錦貼酥胸  
低頭細認春風面含雨桃花正穠

曉窗

寒帷微度鼻蘭香一朵分明睡海棠脂粉漫調先啓匣  
衣裳忙整試開箱翠鈿貼鬢飛蝴蝶寶髻圓花集鳳凰  
誰料有人窗外立倚欄凝睇看梳妝

妝成

秀色堪餐可療饑妝成應數世間稀如雲不假珠為飾  
似玉何須錦作衣紅日一簾花欲放綠陰滿院蝶交飛  
飄飄仙珮超塵外疑是朝元控鶴歸

折花

夢蘭心性踏春晴嫩綠新紅撲面迎疑似空庭飛燕燕  
想他小字喚鶯鶯忽來鳥語無心聽折得花枝悄地行  
尾去漸看歸繡閣印苔蓮步有餘情

中酒

洞房中酒益風流醉後顛狂語不休對鏡笑誇花似貌  
開簾怒罵月如鉤輕攜婢手教搔背私囑郎言要上頭

李商隱詩集卷之九

七

直至夜深橫綉榻翠鈿零落挂香篝

夢中神女

琉璃亭館水晶簾貯得蘭香是謫仙月上海棠紅潑潑  
風吹楊柳綠娟娟歌聲縈繞浮天末花氣氤氳到枕邊  
睡醒五更消不得繡帷香冷意茫然

畫上美人

看殺溫柔若有神阿誰於我畫真真牙籤滿架堆千軸  
錦帳橫陳待箇人却笑青春輕似燕翻憐白髮爛如銀  
年來習靜常鍵戶愛汝無言伴老身

舟行雜感

柳絲斜繫木蘭舟獨上高原一散愁世界大千雲影幻

野花多半夕陽收笙歌細逐遊人耳霜雪平堆老子頭

洗眼再看看不見蒼茫煙霧接林丘

紫紅零亂麥初秋趁水東流泛小舟黃犬漫驚行客過

綠楊如喜故人投斷腸三月萋萋草刺眼千村箇箇牛

我是釣鰲江上者不來滄海下魚鉤

經故居作

分明生長此樓中衰謝雙親我又翁一事未成羞浪度  
百身難贖恨無窮依稀稀竹馬精神好彷彿孩提笑語通  
回首昔年如隔世剩魂殘夢倚牆東

獨自扶七弟柩至柰山感而賦此

鵲鶴原上點然傷那禁潸潸兩行執紼不聞來至戚

李商隱詩集卷之九

七

撫棺殊覺有餘涼松楸常護山川老丘隴還隨日月長  
轉眼但看人世變任他黑白與青黃

扁舟送爾到窮鄉四面高峰水一方人比花黃瘦多許

淚如泉湧斛難量寒冬那得青蠅弔野渚惟看白鶴翔

堪歎有靈終寂寂不歸華表話滄桑

春來散步話斜陽閑遍青山幾道塲醉卧不知花蕩漾

醒歸只見月蒼茫豈期雁字成中斷翻令鷓鴣得中傷

保護掌珠唯爾舅我衰猶可一相將

鬚髮看看白似霜更愁老眼漸茫茫升沉我亦唯天命

聚散君真類戲場人自不思都這樣死誰肯放只平常

世間公道猶三代請各回頭笑斷腸

將妻弟吳亦霞因示內姪

聞牆多難爲君悲大厦將傾勢莫支心血幾經咽欲盡  
鬢毛敢惜白於絲園田依舊欣無恙丘隴而今會有期  
不道九原成間隔半生勞苦望誰知

寄盛悔亭

爲愛羅浮到海天一肩行李落誰邊寒香庾嶺應看過  
絳雪楓亭有夢牽錦石生輝穿小洞花田無主憶當年  
墨江元近端溪玉擲地金聲待爾傳

白杜鵑花

山花染血變成紅何意清標又不同羞逐天桃開曉日  
愛隨玉樹伴春風梨花飄落渾無迹柳絮飛來亦似空

安得海南雙白燕呢喃枝上月明中

泛艇

秋深冷淡荻蘆洲泛艇尋芳紀勝遊雨過碧山清到底  
風飄黃葉落從頭半灣流水環茅屋數點殘紅映晚樓  
忙取村醪澆塊壘好看人世類蜉蝣

湖上

凍雲凝水碧於苔湖上東風獵獵來枯樹亂鴉啼不了  
寒山密霧鎖難開那能勝友聯詩句安得村翁獻酒杯  
忙整歸橈問三老殘燈零落釣魚臺

春陰

春陰樓閣鎖寒煙望裏垂楊繫釣船碧玉邊堤莎草嫩

黃金潑地菜花鮮燕穿簾幕泥還濕鶯轉林梢語漸圓  
安得故人來共醉一燈相對話逃禪

對花憶查季屏

對花那禁不傷神勞動形骸便苦辛兄弟半爲泉下客  
親朋無復意中人思超萬象多如草髮到衰年盡變銀  
安得相隨畢吏部應邊時醉竹生春

寒食日吳淞江晚泊

吳淞江上逢寒食紀信祠前度雨天古渡桃花春漠漠  
新阡柳葉晚娟娟獨眠釣艇蓬窗濕輕颺茶煙榆火煎  
三尺孩提笑相問回思禹績轉茫然

杏花殘

小窗紅淚點香塵似怨東風帶雨頻和靖已違無好夢  
劉郎何計得相親愁深燕剪驚梭急妬殺蜂黃蝶粉新  
春色三分能有幾隔牆長伴獨眠人

花片飄零粉褪新形容憔悴泣芳辰怕聽玉管吹三疊  
羞對金尊醉十旬涼雨夜寒惟弔影濕煙朝散正愁人  
他時抱子君休羨猶勝無端度一春

贈唐餘年

病中滋味我深諳潦倒殘骸愧不堪每向杏林邀董奉  
爲尋橋井拜蘇耽逍遙獨得琴書樂通隱惟知泉石貪  
尊酒流連消永日一簾花影接清談



空明子詩集卷之十

練川兄撰村先生選

華亭張

榮景桓著

奉和趙柳介人日穀日二首

共知人日稱佳節今日題詩得故人  
柏酒尚餘燒塊壘辛盤聊與薦交親  
庭留宿鳥雙棲樹戶納薰風一片春  
安得九州同富庶父慈子孝樂天倫

連年旱澇苦村農穀旦晴和喜氣重  
可卜歲豐盈萬物不辜聖德樂三冬  
踏青此日傳巴蜀賜綵當時話景龍  
共慶太平欣有象康衢鼓腹一相從

翁馭臣以蘭花見贈賦謝

曾聞宣聖曲中彈幾度清芬散席端  
空谷傳來情自迫

空明子詩集卷之十

十

當門鉏却性何殘亦知九畹移根遠  
况過三冬積雪寒贈我荒齋春滿室  
論心原是勝金蘭

阱虎歎

共驚猛氣託山阿爭向人間被網羅  
爪利那堪兼口毒性殘不復養天和  
一籠任鎖愁無限若箇垂憐喚奈何  
多少英風摧折盡看看生意欲消磨

步冬日牡丹原韻

冷雨淒風節序催驚看妖豔在層臺  
虛疑國色從天降浪說仙家頃刻開  
紅妝作綠成別趣雪霜爲伴絕纖埃  
無端產此寧祥瑞安得韓公刷去來

推窗驚見一枝開共訝天香帶雪來  
如此那堪名富貴

然而差喜隔塵埃紅妝冷落嚴霜染  
玉貌凋傷朔氣催誰料詩人偏好事  
醉吟殘月傍瑤臺

白髮星星鏡裏催何緣冬日遇花開  
不聞學士吟詩到誰遣真妃踏雪來  
魂斷冷風臨曲檻夢迷寒月泣荒臺  
可憐無限尋芳客枉惹人間沒脚埃

先壟新建丙舍併植松柏修石梁事竣  
呼嗟先澤那能忘平種青松列幾行  
新構數椽依翠竹舊環一水跨虹梁  
風生慘澹虬龍吼日落昏黃鳥雀藏  
但願子孫常世守不教岡壟牧牛羊

贈岑青岩

調朱弄粉日愁煎虛傳韶華四十年  
明鏡空悲春易老

空明子詩集卷之十

二

世人爭詫貌如仙芳心自許堪金屋  
蓬髮無由到錦筵寄語漢廷延壽道  
丹青好與畫嬋娟

贈懷世修

衡門寂寂枕濂溪嘉樹菁蔥望裏迷  
偶向小窗拈舊韻別開大手著新題  
花生彩筆調鶯舌字落宮箋噴麝臍  
衰病頭仍兼閉戶已聞王豹化河西

簾移花影暗香浮寂寞西窗夜景幽  
一句吟淒淒斷骨半鉤殘月澹於秋  
亦知身世無多著且與彭殤共此丘  
門外春風正駘宕落紅飛絮不勝愁

顧旁舉以亡兒復來作詩見慰因步原韻奉答  
盲風怪雨逼階墀摧我芝蘭第一枝  
病比春前還轉劇

痛除死後或能支石麟化去終無迹丁鶴歸來未有期  
腸斷夜窗吟咏處挑燈不忍讀君詩

### 悼亡兒壘

十年心血半消磨為汝支撐不奈何豈料鶴飛天上去  
翻驚駒影隙中過筆牀花落無生處書卷塵封絕嘯歌  
我是病軀尤潦倒那堪一夢寄南柯

淒淒黃葉冷風侵電閃餘光那可尋半枕牽情多入夢  
百年遺恨總關心花前獨自愁千結月下何人酒共斟  
回想過庭親愛處不禁紅淚濕衣襟

中年得子本鍾情慧質偏能析理精可惜讀書真種子  
偏教騎鶴上瑤京因思痛裏還愁痛何似生前不有生

聖明詩集卷之十一

三

如此下場真好笑幾回清夢哭殘更

為愛秋來數點山綠雲踏遍履痕斑誰知幾日成長夜  
一別千年作大還淚落真疑鵲嘔血機忘那及驚偷閒  
若將此際愁懷較更倍羊腸曲九灣

### 內子吳孺人五十誕辰

荆妻五十方初度兒子傷心一月餘拜起未能嗟若此  
親知相賀欲何如已拚明喪還投杖幸有朋來免索居  
老景不堪聊自慰懷中轉眼讀詩書

### 招魂

可憐懷抱識之無十六年來德不孤重鎖山房開竹木  
半殘書卷雜精粗愁如春草燒難盡淚似冬泉瀉即枯

那得返魂香一炷透開覺路出迷途

顧夢奉贈詩期亡兒之復來因祖其意以為之

鬚髮蒼然一病翁那堪悲泣向西風平生不信陰陽理  
今日全憑造化功錯走隣家羊叔子重來本地顧非熊  
他年若記從前事應念衰親淚已紅

思兒淚盡轉育嬰我是塵寰孽祿蟲漠漠有天終不應  
茫茫無路詎能通三更怕聽簾前雨一盞驚聞屋角風  
倘使再生誠可卜敢辭戲禮梵王宮

### 達生寄慎微上人

思量無那學癡癡聚散悲歡總是空更有達生真妙訣  
譬如我死付淒風三千界裏沉砂子十五年前託夢中

聖明詩集卷之十一

甲

若遇故交憐皓首為言返老欲還童

### 夜坐

寒月淒涼叫雁鴻可憐長夜動哀衷酒爐不復隨身畔  
藥竈多應伴漏終但有老妻啼愛子生憎小婢鬧頑童  
祇緣命蹇愁如許豈敢高聲怨太空

共訝驚風一夕驟朝來無那折柔條三春辜負花前約  
丑夜空悲月下招豈少簾紅留眼角更多嫩綠沒裙腰  
可憐不是芝蘭種狼藉閒階恨未消

到老猶然事不更尚持直道拂人情身如孤月通宵皎  
心似寒潭澈底清得酒怕嘗愁宿疾無書可讀課餘生  
就中還有三分望天意除非待晚成

教子何須苦認真可憐辜負十回春傷心每憶交三鼓  
淚眼偏驚近五旬聯鴨一爐薰紙帳卷荷幾盞醉銀鱗  
閒凭小閣軒窗望看盡人間有福人

答隱能上人作步原韻

早知蘭玉被風侵恨未相從支道林看破死生隨本願  
任他去住不關心隙駒過影憐浮世石火餘光戀寸陰  
若使麒麟重下降賴君摩頂錫飛臨

答陳含美作步原韻

心孤桐樹千尋直露冷霜濃早見摧解痛庶幾詩作伴  
忘憂須待酒爲媒得朋花逕隨時掃憶子書窗不忍開  
倘果藍田重種玉春盤敢惜罄餘杯

空明子詩集卷之一

五

和芳池自策兩禪師仲冬遊橫雲山聯句原韻

方外看山何必歸呼朋連袂兩相依高吟已足開青嶂  
破衲尤能戀翠微躡屐穿雲尋竹逕攜筇踏月叩柴扉  
世間功業成虛話入洛無端送陸機

和岑青岩原韻

漫謂瑤臺五色芝月明常照露華滋豈期一夕風前墮  
反動三更夢裏思魂斷曉霜空寂寞耳驚暮雨重妻其  
譬如食盡黃連味苦入心中只自知

浮生

浮生何意困書囚浪度無端五十秋因愛草香思席地  
爲憐花影怯登樓愁多要解全憑酒火弱誰添欲盡油

幸得良朋頻見顧任從投募醉鄉侯

賦送岑青岩遊包山

澹煙寒霧接姑蘇一棹衝波泛五湖白傳扁舟曾採橘  
翠峰古剎正啼烏墨花好寫江天雪筆陣兼收滄海珠  
管取兩山題賞遍興來莫負酒家胡

讀顧旁皋嶺南梅花集句三十首

不獨梅花別有香孤踪老幹兩蒼蒼詩篇並取清濃淡  
人物兼收元宋唐回首舊遊如夢寐沉吟古調叶宮商  
相逢漫說當年事青鳥啾啾正夕陽

聽梵呈桐雲上人

列成嚴陣鎖愁城哀苦終宵到五更夢裏忽聞天籟發

空明子詩集卷之十

木

醒來已覺道心生紛紛萬象俱歸土寂寂諸緣不計名  
檢點耳根學清淨解除煩惱得忘情

元旦

百事經心到五更追思世態倍關情壯求獨是從吾好  
老畏人輕異晚成五十知非仍澹漠乾坤得所際承平  
千秋事業如碁局一著輸贏任此枰

立春日

柳腰梅額闕傾城我獨何爲倍慘情一切屏除惟剩酒  
萬緣斷絕但貪晴眼前止覺乾坤隘門外常聞變觸尋  
覓得深山栽異卉任他開老不知名

承諸同人見訪留飲紅毛酒有作

勝友尋春到曲房春風駘宕好春光不求醉裏顛狂趣  
在度人間日月長此際訂交須酩酊他年得意莫災涼  
軒西夕照橫梅影傾盡千杯正慨慷

飲紅毛酒後一日作

新鶯初轉畫初長夢入華胥近醉鄉虛館正宜春獨睡  
亞枝時見鳥偷藏詩魔常欠三分債海物還餘十日香  
安得典裘重賣酒故人相聚一頻唐

自怡

塵緣隔斷坐春陰獨對空山興轉深稍有是非憑我舌  
並無榮辱亂人心庭梅借雨三分白岸柳偷風一線金  
松韻幾聲鶯百轉恍疑天半奏仙音

夜起獨坐

空明子詩集卷之十

七

擁被挑燈手一編閒燒睡鴨半爐煙嬌兒索笑頻掀帳  
小婢瞞人但簾錢玉管曲長花冷夜金尊酒滿月明天  
如何獨自厭厭坐只爲新愁夢裏牽

江上同陳映璿三甥散步作

江上行春綠漸肥四邊松竹欲成圍晴搖柳線金迎面  
風打梅花玉點衣山靜不聞人語亂日長祇覺鳥聲稀  
閒尋蘭若高僧話相對空潭看落暉

閒吟

輕風習習透疎簾盼望新晴幾度占半卷哀吟惟我獨  
萬重心事有誰兼白髮與髮具成憊青草和天遠欲粘

一路酸辛愁到此耐他蔗境晚六甜

咏紅毛酒

小窗雲淡日初低斗酒相將伴隻鷄傾出色同紅瑪瑙  
盛來杯泛綠玻璃芬芳已奪中華味封識猶傳異國題  
欲訪醉鄉真廣大須拚一飲竟成泥

舟行

凍雲天末動微瀾一舸衝波夢未闌柔櫓漫搖新漲濶  
輕煙遙鎖小桃殘鶯花不解留春色風雨無端作夜寒  
惆悵故人俱白首幾回服食學劉安

半江晴雪覺輕紋澹寫羊欣白練裙川斷似連遮嫩柳  
天空如洗抹微雲得來花雨疑成陣過去松聲寂不聞

空明子詩集卷之十

八

我本煙霞塵外客正堪泛宅一離羣

四山不礙白雲流大阜高原盡古丘堪歎獨醒空骭髀  
更憐皆醉亦蜉蝣我生豈羨棲林鳥人世爭誇衣繡牛  
閑道蓬萊多勝景跨龍騎鶴任遨遊

愁坐

風吹蘭玉滿閒階積雨空庭花逕埋愧我顛狂元亮酒  
任人調侃太常齋窗簾蛛網經時掃壁暗塵封幾度揩  
對景正愁春過半不堪黃鳥又啾啾

歸家見海棠盛開

乍晴天氣濕煙浮留得猩紅滿樹頭嬌似太真才出浴  
豔如西子乍凝眸簾鉤不挂鶯聲溢盡檻平臨燕語稠

覓得一尊聊寄興簾紋斜展半牀幽

爲仁

風清月白浩無邊識得天機自泰然誠正未能先室慾  
修齊兼致莫談禪孔顏樂處須當究舜跖源頭定要研  
誰料爲仁元易事常存生意在心田

郊行

遠山一抹見微痕踏遍春郊正斷魂茅舍竹籬看半掩  
板橋流水欲平吞辛荳滿樹誰家院楊柳垂條何處村  
爲愛新鶯歌百轉不愁日暮近黃昏

對酒

竹冠芒屨混樵漁滿灶爐煙坐草廬日暖鶯聲千樹合

空明子詩集卷之十

九

月明花影一簾虛但期對酒常浮白莫爲離羣歎索居  
身不如人惟富貴心能作聖在詩書

醉眠

晝長無那怕愁煎盡日消磨酒盞邊見友黃鶯來樹底  
撲花粉蝶到尊前曲瓊蕩破湘妃影斗帳飄殘瑞獸煙  
卧看海棠春更好醉眠一枕小游仙

閏上巳五十初度

一春愁緒雨連綿七日晴和倍覺妍修禊何妨聊再舉  
結錢安用不重傳聖明正沛蠲租詔衰朽初逢衣帛  
年把盞莫辭今夕醉醉歌磐石頌堯天

此生何必更悲辛萬事由天不在人看破世情俱是幻

須知我體亦非真且隨俗態憐兒女要使精誠動鬼神  
一炷清香茶一盞閉門枯坐謝交親

同吳內子小飲

六齡總角蚤聯姻轉眼行年過五旬兒女喪完餘白髮  
夫妻老去失青春當茲愁病何堪問值此光陰孰與倫  
勸汝開懷飲杯酒譬如饑凍困江濱

諭徐妾

歎汝初生四五子止存幼女十三齡哭兒終日鵲啼血  
卧病經年鶴隨翎折得好花常未戴述來惡况總難聽  
欲除煩惱真無策拚飲醇醪醉不醒

和叔奕山兩弟共成膳族之舉喜而賦此

貧富由來事不同有無相濟足相通既叨覆庇高曾德  
敢忘陶鈞造化功一粒常懷耕者苦兼珍還念族人窮  
阿連指日登金馬時厯瘡痍在眼中

札寄都門弟姪以贈族事有作

老朽虛生屆五旬可憐雙阮正青春聯鑣共食天家祿  
一念無忘宗族貧舉火未能俱有待借箸何惜特開陳  
亦知物力真難得滿日荒涼到苦辛

過西園訪和叔弟

曾向西園幾度遊攜筇重訪值新秋半灣流水環華屋  
數點蒼山罨畫樓老檜逕邊尋野鹿疎篁影裏見閒鷗  
蛟龍豈是池中物應笑愚兄守一丘

客有以文正見許者愧謝漫賦

每思一本本應親非附先賢續後塵痛癢相關情自切  
死生兼恤誼繞申池塘夢草逢連弟京國施恩異遠人  
總爲祖宗綿世澤不教虛度太平春

登細林山

攜筇貪賞細林幽夾路梧桐一片秋山閣平臨紅葉亂  
洞門深鎖綠筠稠經聲盡日傳天籟鳥語何年散客愁  
獨立高峰恣遠眺荻花如雪盪輕鷗

卽事

秋江如練泛晴光天末微雲白似霜一棹波翻驚宿鷺  
片帆風急過閒塘交柯蔭水粘深綠落日窺窗照淡黃

空齋詩集卷之十  
卽讀西昆酬唱句錄餅滿紙足珠琅

客有以持籌握算文章伯說鬼談天道義人見贈

者因成一嘆書此奉酬

家貧歲月度艱辛珠桂經營二十春握管每慚輸後輩  
論心常欲託先民簾垂畫永吟花片燭剪更深話酒尊  
自愧白頭真潦倒未知佳什贈何人

青溪道中

路入青溪秋乍分嫩涼天氣日初曛心悲澤國漂紅蓼  
目斷煙江際白雲沒脚細埃應僅見打頭微浪詎堪聞  
持竿把釣渾閒事驚起漁灘鷺一羣

曉行

吳淞江口夢初闌背月晨征玉露寒幾點落紅楓葉濕  
數枝爭噪鵲聲乾心中但覺風光好眼底空驚天地寬  
惟有西成最堪歡汪洋一望獨悲酸

過玉峰

泛宅浮家此地過茫茫巨浸沒嘉禾千村盡落空濛際  
萬井惟聞歎息多綠柳樹欹愁暮雨白蘋風急怨江波  
何時載酒開懷抱重聽康衢鼓腹歌

吳門卽事

打窗風急暮雲多洪水滔天奈若何龜久撐牀始脫網  
魚纔泣釜忽凌波楊椿半浸枝牽符茅屋全淹壁長沙  
忍見農人愁欲絕絕挂帆東去卧漁蓑

中秋前二夜同諸子登虎丘作

碧天無際白煙開力上高原一散懷倚檻花枝燈下見  
蔽江蕭鼓月中來閑人多矣松千樹與子宜之酒百杯  
滿目蒿萊堪痛惜吳兒何事漫相猜

舟中題白鷗

面面芙蓉映巨川亂山堆裏一鷗眠水田獨宿隨高下  
野鳥無爭任後先風雨不驚容作夢地天忘大那知年  
思量素質真違俗敢望人間兒女憐

贈陳舍美

獨樹高栖幾點鴉數竿修竹野人家半牀書卷三更火  
百斛松膠一盞茶豈有寸心干日月尚餘殘夢入煙霞

衡門不許尋常叩雲護瑤窗映碧紗

隱公以菱見餉賦謝

森森煙波隔梵宮此身無便駕東風應知一葦終須至  
莫道三山未易通沙角遠貽知念我愁腸欲寄孰如公  
深秋准擬瞻眉宇話到忘機悟到空

中秋夜登城樓望月與友人話別

羞向清時早白頭況逢佳節是中秋聲沈一曲霜娥怨  
月滿三更庾亮樓不羨慢亭成夢幻似登天柱任遨遊  
周生莫更梯雲取留與離人話別愁

九日同陳含美查季屏飲菱村齋

寥紅蘋白晚雲涼散步菱村話夕陽醉我紫萸新酒熟

李明子詩集卷之十

圭

傲霜黃菊小園荒漁樵遂徑高人里鷄黍家風隱者鄉  
知爾焚香常閉戶捲簾開卷得餘芳

喜接茹英弟南映姪瞻族報章

後先接到平安帖珍重開函喜可知念我已煩勞夢想  
賑貧尤足見恩施一家濟美推雙阮千里同心在此時  
佇看三年應報最聯翩簪筆侍彤墀

丁亥戊子兩年連喪二子書此自慰兼以自嘲

當時教子倍堪憐編斷函穿不記年豈有功名希異日  
併無賢聖在從前立身直欲高千古體道還期貫百川  
誰料堂虛人去後一鉤殘月照窗邊

燒殘劫火便泠然再造清涼治寸田識得孽冤完宿債

莫來蘭桂結新緣堂前樹植槐三本夢裏環徵玉四傳  
幾度問心堪自信不將餘恨怨蒼天

歷嘗艱苦備周旋看徹人情爾許年老去尚愁頭再黑  
慧來尤恐舌生蓮只宜閉戶聊肥遯不怕穿腸但醉眠  
莫笑商瞿過五十會看蘭玉滿庭前

讀書切勿似從前得子而今聽自然打破乾坤除苦惱  
不拘造化學神仙花香趁蝶忙開宴風順乘潮好放船  
共羨石麟聲譽早一鞭應占阿翁先

葬貞孝王節婦事竣有作

節婦字蘭文學王暹之女歸於練川李輔世甫  
二月而舅姑亡又八月而夫去世食貧茹苦三

李明子詩集卷之十

古

十餘年事詳樸村先生王貞婦傳中亡後數載  
有故人子王汝師者係節婦之姪特來雲間謀  
所以合葬之子素讀樸村傳知節婦行其悉是  
夜夢節婦授子大珠二顆醒來益覺心動即託  
汝師經紀其事時當夏月地隔百餘里往返奔  
走為之置田畝辦碑石鳩雜料凡眾工七日之  
間大事告竣新塋與侯峒曾之墓隔溪對峙忠  
節並傳四方會葬者千餘人無不噴噴歎為異  
事吁非節婦有靈安能神速昭著若是哉吳郡  
太守陳滄洲聞其名而嘉之頽其墓道曰貞孝  
以垂不朽嗚呼節婦殆不死矣

驚看隻手獨擎天貞孝無虧洵兩全志苦一生完大節  
心堅同穴葬新阡孤臣有淚堪偕滴嗣子無聞誰與傳  
贏得芳名流齒頰表章還賴使君賢

憶亡友百繡六

往時愛誦我新詩誦我新詩醉酒厄幾度狂吟花放日  
數回閒咏月明時可憐宿草埋詞客空有同人弔故知  
惆悵半生零落甚那堪伯道更無兒

和桃源山莊詩

欣聽我友話山莊夾路桃花滿樹芳曲徑閒房通別院  
小橋流水帶斜陽那知世外滄桑變但覺天高日月長  
幾度煙波空寄傲不曾洞口問漁郎

空明子詩集卷之十

五

山莊正合住仙曹卧聽松風捲怒濤數點落紅清客外  
一聲啼鳥碧天高衣冠約略傳三代鬚鬢依稀近二毛  
書卷飄然應世隔任從門巷長蓬蒿

贈侯來英

家住花谿谿盡頭谿邊朝夕狎閒鷗仙桃結實三千歲  
椿樹數榮八百秋鹿豕閒閒成漫趣乾坤窄窄只堪遊  
憑他世上滄桑改落拓胸襟不帶愁

高風逸致本天然不愛逢迎不受憐出世煙霞常帶性  
入羣魚鳥且隨肩吟花得句溪邊坐醉月尋山洞口眠  
餘技猶能驚四座繪香能事有誰傳

偶檢舊笥得王玠右先生贈先君五十壽言一

軸同魯亭介山吳浩伊章孟昭五姪展閱有作  
瑤章捧出絕氛埃手澤猶存今始開鐵畫銀鈎扛鼎力  
天空海潤謫仙才無端埋玉悲荒草不及臨喪哭死灰  
爾祖素心惟一老朗吟佳什勝瓊瑰

和友人一片秋

蕙帳塵封一片秋蕭蕭微雨淚凝眸珮環冷落詩箋歇  
粉黛飄零棋局收客館誰人關痛癢睡鄉何處覓溫柔  
傷心鸚鵡吟聯句朝夕喃喃念到頭

挽趙柳介

捧讀瓊瑤二十春結交於我更相親詩囊錦繡埋荒塚  
硯匣琉璃付暗塵酒後每思獨醒客燈前常憶抱愁人

空明子詩集卷之十

六

鳳毛不及趙宗有說到傷情倍楚辛

挽朱秉士

酸風刻骨慘雲煙狼藉圖書竹几邊敗屋數椽喧宿鳥  
荒園半畝聒流泉葬親未遂心常痛教子無依眼更穿  
腸斷一聲留不得匣琴韞玉孰為傳

渡鴛湖登煙雨樓

帶白拖藍一葉舟颺煙捲霧曷勝秋百城雄傑當窗見  
二水鴛湖對面流旭日半浮楊柳岸形雲不散荻蘆洲  
長吟忽動登高興繫纜松根獨倚樓

無題

姊妹聯行度曉春一回含笑一回嗔笑渠燕銜泥急



嘆彼天桃結子頻問字窗前聲寂寂畫眉樓上語津津  
芳蘭共道宜男草欲採逡巡又倩人

社燕穿簾入眼中柳條初放淡雲籠不關心事如春夢  
感損眉峰爲晚風一片閒愁輸皓月半腔幽怨託孤桐  
分明聽得鐘聲後著意焚香候醉翁

海棠花下漫溫存燕語鶯啼欲斷魂柳絲斜搖真有態  
苔錢細踏總無痕但愁掌上隨風去只恐樓前向月奔  
一曲清歌橫玉笛歌殘還與倒金尊

滿階春思織苔紋待月空庭抵夜分石几下碁頻覆局  
玉壺賭酒動前裙香浮小院蘭堆鬢影暗低窗梅罨雲  
除却笑歌簷馬外四圍人靜寂無聞

空明子詩集卷之十

七

斜風細雨動兼旬夜夜燒燈禮上真紅燭漏深貪結綵  
玉釵光潤怕沾塵脂香好與茶香鬪歡意爭如妾意親  
九十芳辰虛度半繡衾餘冷不勝春

半窗梅影照西廂拂拭菱花待曉妝鬪草舊曾邀女伴  
梳頭今復倩嬾行呼鬟錯認爲初轉傳粉真疑玉有香  
最是一樁心事急翠蛾深淺屬檀郎

玉輪徐上碧天高一縷心香徹夜燒耐可堂前聞擊鼓  
那堪樓畔聽吹簫學吟未穩頻翻韻臨帖無閒且種蕉  
竊笑西軒諸姊妹翦帷不捲度良宵

徐徐同上最高樓萬事如心到白頭種就梅花新爛熳  
折來楊柳舊風流東吳競候麻姑降西華遙看玉女遊

欲駕彩鸞周宇內計程應得一千秋

踏青結伴過山坳零落殘梅挂樹梢隨意繫條金帶嬌  
拍肩開口半成嘲風寒已識花難放粉膩應知蝶未交  
倦倚闌干歸不得暫時遊冶莫相拋

鳳鞋微步隔花陰一寸春光一寸金紅袖摘蘭香有色  
翠裙拂草綠無心裁成刻襪埋頭繡偷得新詩擁鼻吟  
常笑當年卓氏女求凰聽曲便知音

萬妾有弄璋之兆作此志喜

桃杏爭開闕錦霞諸姑伯姊慶宜家結綉幃試春風面  
解佩旋烹僊掌茶歸我四年常繡佛羨他五桂早萌芽  
問渠底事真消息請看階前萱蕊花

空明子詩集卷之十

六

贈內兼述懷

綠窗窈窕洞房春對月吟詩不厭頻豈必沈腰頰減帶  
共愁潘鬢竟成銀孟光有德師先哲小玉憐才續後塵  
慚愧江花搖落盡願生遙集莫嫌貧

淚

落月空梁倍楚辛洞房嗚咽欲沾巾拋殘銀甲旋成顆  
滴向青衫暗有痕腸斷低徊河滿子心傷留戀戚夫人  
可憐多少如花貌哭損脂香過一春

笑

一笑嫣然那可攀徒勞凝想夢魂間微中不分含秋水  
巧處生憎隨翠鬟曾向梨繒窺啓齒更於射雉見開顏

平原請斬真無謂樓上歡聲直等閒

趙雪舫大甥念我年老無聊屢承見顧笑譚彌日  
相契最深漫賦

每勞問訊便凄然愧我飄零幾十年無術竟爲人世棄  
多情猶得渭陽憐綠天仰望松千樹晴練遙看鏡滿川  
何計不違棲隱願及時同辦買山錢

無題

嬌鶯巧轉栖高樹新燕低飛度小窗是處觸來香有韻  
乍時行動蝶成雙怕輸鬪草藏金釧爭勝猜枚倒玉缸  
日落冶遊何地好夜深花月在春江

女史阿文經年潤別相對愴然感而賦此

李明子詩集卷之十

九

案牘相訪意相親動別經年語更真爲感汝情幾病渴  
却憐我老欲傷神開喉婉轉歌三疊把盞低徊勸一巡  
又恐爲雲巫峽去曲房空窈不勝春

靜女吟爲陸星聚賦

弗嫌裙布與釵荆不習蠶桑不習耕晚去樓頭看月上  
春來花底聽鶯鳴誰家能沼長洲苑若箇堪迷下蔡城  
自問生涯聊自給任他歌舞善逢迎

贈李次鄴

安貧樂道任逍遙空有文章度 聖朝探賸自能同陸  
海起衰尤足並韓潮濤箋閒展揮佳什徐榻常懸謝寵  
招不羨侏儒終日飽已拚形迹混漁樵

奉和樸村大兄暮春渡柳見懷之作

半朵潛生柳上雲風迴感浪織成紋遙看坼柳眠三起  
細數沙鷗立一羣愛此丹霞思馬帳對渠白練憶羊裙  
不知甫里先生後占得清閒有幾分

香櫞

色似松花臭似蘭金丸擎出水晶盤侍中筆宋初更服  
丞相歸元乍請冠不分奉陪柑馥馥最宜高照月團圓  
清芳獨抱憑人賞歷盡冰霜劇耐寒  
混沌未分成太極黃金鍊就大還丹和枝漫剪餘深綠  
著露相將帶淺寒絕俗只應同傲菊生香真足並幽蘭  
笑他日月如輪轉免走烏飛空擲丸

李明子詩集卷之十

十

西風初剪綠衣裳碩果欣看色正黃形較木奴三倍大  
質同盧橘十分香餘芳日日侵斑管清玩年年上玉堂  
不比金叢堪佐饌僅供人世勸頭嘗  
高樹菁蔥小院東如梨似橘蕩秋風拋來不與銀球異  
擲處偏教金彈同贏得幽香親茗椀愛渠清供伴詩筒  
一丸大藥無人試可有仙翁住此中

生子偶筆兼道鄙懷

衰翁朝夕求生子只爲芸窗貯萬編纔得已欣書種續  
片時轉望道心傳漸看總角提攜日矧見成童誦讀年  
壯歲倘邀 明主眷弗貪溫飽做前賢  
桂蘭並發小春天正值長庚入夢年共道瑞徵臨草徑

爭知祖德植心田他時或恐干名利此日先期法聖賢  
誰謂蒼蒼不足問得魚豈敢更忘筌

得子日承吳滄雪姚菱村朱會萬諸同人賦詩稱

慶作此致謝

夢熊本是尋常事桐長孫枝獨見憐投我玉芽誇麗句  
愧君珠顆贈華篇惟因善病神衰日共慶宜男髮白年  
浴罷蘭湯試啼後秀眉豐角可能然

懷惠白上人

方外同盟支道林安禪遙憶虎谿深影搖窗畔餘金粟  
花滿階前散玉簪入戶片雲參半偈穿簾明月動長吟  
爐煙歇後鐘聲靜不使塵緣一點侵

空明子詩集卷之十

圭

悲熊彌月南缺姪攜席設樂至舍稱賀賦謝

暮秋曾共阿咸譚頭白生兒已不堪私許傳經欣有續  
漫勞攜席賀宜男香兼衆美開瓊宴酒散餘香逼翠嵐  
幾曲笙歌娛耳目深慙飽德醉沈酣

小齋喜共書竹與能渭占淑洙四姪及雲耕姪孫

閒敘有作

老年兄弟半蕭條喜接芝蘭話寂寥壯歲及時須鼓厲  
習齡計日定扶搖莫貪美酒聽鷗好且學新妝隨馬嬌  
癡湛遠期應不與龍文准擬上衝霄

贈道士

魚自忘機鳥自閒靈踪鹿跡破苔斑豔開夾岸桃千樹

暖浸沿溪水一灣深鎖白雲迷玉洞忙飛紅日戀青山  
他時得侍清虛府知在仙曹第幾班

訪於子來姻家不值

秋空天半散晴煙爲訪名賢到練川幾度欲尋揚子宅  
不知已泛孝康船風和鸛鵲臨池浴日暖牛羊傍戶眠  
惆悵問奇今不遇幸逢蘭玉植庭前

和俞楠亭癸巳閏五攜家葺城官舍見芭蕉韻

蕉窗曾讀十年書又向官衙課閨餘映壁數株應識我  
出牆一卷最愁余攜家琴鶴聊同載閣戶風雲僅索居  
朝晚定逢楊得意鴻文爭羨馬相如

和俞楠亭之任雲間時值午節因官舍秋隘家眷

空明子詩集卷之十

圭

不能久留原韻

新見芭蕉發紫茸爛開澤國豔芙蓉五絲續命堪長繫  
一艇攜家少定踪敗壁更愁風片打破窗還賴紙條封  
榴花照眼徒虛語話別江干柳正濃

佛手柑

玲瓏隻手裹黃金不解敲鐘不撫琴指破迷途歸淨域  
撥開覺路引禪心芬芳堪配青蓮座清潔宜栽紫竹林  
閩海攜來供勝賞小窗肯放一塵侵

抱兒時忽見腮下新長黑鬚志喜

蕭齋高卧動經旬抱子迴看老病身鬚髮新添都是黑  
簡編重整不勝塵問詩問禮言無隱希聖希賢望更真

天假餘年得强健步趨直欲逼前民

諭姜萬氏

憐君十八歸於我六載方能育寧馨抱子便思先世澤  
讀書堪繼一燈青兒童嗜好常須抑長大驕奢不可聽  
養德最關母氏訓三遷垂教足儀型

戲贈人參二首

生前不是真讎敵今日緣何困我身鬼蓋漫來徒作祟  
人銜數見漸愁貧敝裘為爾應常典破甑因君亦有塵  
幾度欲驅驅未得任從芥末結成隣

半生憔悴有誰親藥籠相將伴老人五葉傳來苗自異  
三極覓得體方真土精堪益千年壽神草能回萬物春

空明子詩集卷之十

五

深慈廿年調劑力昂藏得病除身

酬鍾豫凡致賀兆熊則歲之作

投我瓊瑤勝碎金未能報李愧滋深提戈漫說當年事  
希聖爭知異日心豈有夜光堪照乘敢誇雛鳳發清音  
相期虛館親三益得託芳塵喜不禁

老友蔣漢襄年近八旬與小兒兆熊同係十月十

三生日故其自壽詩中結語念及小兒有提戈

取印在今朝之句將詩索和走筆應之

羣誇取印阿熊嬌蔣謝生申同此朝自壽一篇承念及

寄詩三徑遠相要早梅向暖爭先發晚菊經霜屬後凋

北熊生時日出未幾松  
即謂信十三方長故云

奕山弟自都門以朝冠朝靴賜兆熊賦謝

已勞垂問慶熊罷法服殷勤又見遺項戴華冠欣共賞  
步趨芳躅遠相期祈天許我重生子循理知君定有兒  
回首畫船分袂日武丘山外月明時

樂道

逍遙函丈不言窮活潑天機在掌中樹底流鶯方睨睨  
堦前芳草自菁蔥詩書味永閒清畫山水緣深任好風  
歌詠先王琴一曲太和景象滿房櫳

新排十卷詩成寄陳含美李次鄴懷鏡淳

千編久矣耽經史三益陶然樂聖賢望月呼童招鶴鹿  
對花覓景倩雲煙新知乍喜芝蘭臭舊雨相要松柏堅

空明子詩集卷之一

五

十卷漫排君莫笑古來能有幾人傳

去歲甲午予年五十有六始得一男今乙未冬忽  
聞瓜期漸近自笑頭白齒豁豈堪復作問世之  
想但期抱子花間以咏歌太平足矣漫賦

返心日日凜冰兢敢炫奇才與異能修德敢為真上乘  
立言猶屬第三層欣看稚子纔歌笑未許頑身戀斗升  
閒步詠懷殊足樂漫攜花下一枝藤

劍津本係從子今繼歸高陽幼妹為嗣於我又有一

甥舅之分矣作此勉之

謝元本是安從子今作蕭家江總來伯舅並尊原不悖  
姪甥一體莫相猜纔看宗慈乘風去忽變羊曇乞墅迴

畫荻休忘阿母教何年捧檄報栽培

答和李次鄴贈言原韻四首

門掩蓬蒿醉六經絳帷風動見芳型盡收珠玉填瑤管  
獨有乾坤臥草亭彩鳳未儀丹穴嶺素鷗且狎綠楊汀  
憑他桃李閒開謝不作隨波大海萍

對君欲寫不平鳴未解茫茫造化情醉後漫書連錦字  
夢中猶賦步虛聲堅攻兩晉先登席直奪三唐舊斫營  
捧讀琳琅驚四座夜光贏得玉盤傾

聯盟已覺塵埃絕靜坐方知天地寬雉錦鳳苞欣並集  
驪珠魚目愧先刊近師小戶三蕉葉遠挹高風七里灘  
何日一竿同把釣釣唱酬煙月兩交歡

空明二詩集卷之一

七

誰辨誰離誰復雄算來勞逸總難同但看寶馬茵鋪錦  
爭及茅簷戶作蓬著筮儘堪鳩杖挂繻袍猶得鴨爐烘  
相期不負春山約披拂花前君子風

答和鍾豫凡贈言原韻二首

江花落盡愧龍賓惠我瑤箋散玉塵干斗自同熬電貴  
嘔心贏得錦囊新早看論古才無敵定許揮毫筆有神  
一片宮商誰得似幾回杖策獨逡巡

原知鸞鳳必衝霄暫坐芸窗一咏陶髮黑未凋潘岳鬢  
帶寬應減沈郎腰期君早續三台席愧我空譚七葉貂  
莫向淮南尋舊隱好攜赤管俟旁招

朱耕方枉顧不值

蒙君見訪我歸遲不獲春風共片時雌伏已輸鶩出谷  
雄飛敢比鳳來儀空慚應客重三尺更愧環門柳五枝  
子幼未能瞻北斗漫勞花選費相思

自題四首

杜門從未怨飄零每喜蕭齋聚德星六載埋頭念一史  
五年沉醉十三經獨貪懸瀑層層雪更愛遙山點點青  
老矣歸歟堪自信此身應不作浮萍

羯鼓催花放早梅琢冰繞過豔陽回窗虛添炭排寒入  
巢好收簾待燕來半勺清泠同玉醴一拳巉石勝蓬萊  
謝家幼女嫺吟咏時引衰翁笑口開

空明二詩集卷之一

美

爭誇葦蕕發青蔥又感含胎造化功猶憶雙珠曾入夢  
好看二俊早搗風香焚鵲尾煙凝碧燈泛鯨鱗光聚紅  
大婦引雛小婦笑推窗月照玉玲瓏

幾度蓬山醉碧城醒來獨對楮先生是非安得高賢辨  
臧否空勞下士爭新柳幾枝鶯乍轉晴湖千頃鷺同盟  
眼前多少繁華景一笑春風撲面迎

空明先生詩集跋

空明爲造化之機竅空而月澄水明而蓮擢五色光華皆空明之氣鎔結所成故心不空則不靈不明則不能六通四達而任其變化先生內不失天真外不染世味宜其集之有取於斯當其發越如靈岳幽溪風泉月露杳然莫測其端倪而抒情韻事經緯人寰又如晴雲霽日開爽萬里登矚之章並秀靈運咏懷之撰比響步兵至若樂府古風近轍江庾遠踪揚馬真備一代之國工籥四音之元氣以爲艱而機躍神流若不經思以爲易而規嚴矩謹又非苟作不深而奧不淺而醇實而運之以空幽而揚之以明吾無間然矣同里晚生李如泌謹

跋

空明先生詩集跋

空明先生文集序

夫古文者所以梭織乎造化而律呂乎神明可以經世而亦可以出世非雕蟲小技無關殿最者也彼其祓濯靈樞旁搜物變操縱離合逍遙自如揚天地所欲貴刈鬼神所欲除一言一字之微具有華袞斧鉞之柄則亦何必建高牙以爲雄調大鼎以爲貴哉先生心神乎獨運學妙于兼通粹焉而出之不稟之于經則本之于史沛焉而流之非吸漢人之髓卽並唐賢之神鳴其所必當鳴誼其所不能誼敘事而事極詳明攄情而情無阨塞詞邁邁以自喜氣激健以自豪謂非擁金湯于藝苑披雲霧于文壇者歟且夫言其所不欲言者伺今人之

顏色以爲文非空明子之文也言其所已言者襲古人之影響以爲文亦非空明子之文也若乃不伺顏色以爲文則其文無今矣不襲影響以爲文則其文并無古矣運斤而無斤葉玉而非玉弄丸而非丸解牛而無牛是以能古而不知有今化古而并不知有古者耶而先生猶自抑抑曰吾不過藉是以適意而送日如蠶之吐絲原無意于元黃而繡韞之也然而歲月既閒著作日富恐終不免爲洛塵所引將天祿石渠之府承明金馬之庭講論乎六籍稽合乎同異先生與有責焉而林泉丘壑無復緣也是則非先生之志也同里晚生李如泌謹題

空明子集序

空明子者余神交有日今春下榻茸城相去不下數武因與申縞帶之盟而熟悉其顛末焉生而穎異旬時豁然已露頭角識者決其不凡髮未燥脾睨一世飄飄然有凌雲之想父兄教以舉子業略經指點即便精曉讀書一目十行俱下落筆灑灑千言立就視施青紆紱探取囊中物耳但恐富貴逼人良非虛語而骨節珊珊一種瀟灑出塵風致世間煙火人對之而未有不怒然色沮嗒焉神喪者也偶因病而夢夢而遊夢遊之境得真仙修煉月訣歷歷如畫告以前生出處悟徹再來因果其所授陰陽水火子午鉛汞之理皆尋常思議所未

空明子集序

及不惟既却所染之微疴而運用真元神彩煥發即當世玄門書宿得最上乘者無不遐邇三舍非具有夙根焉能得異人秘授如此年未弱冠著書等身一日者出其所撰詩歌古文顧我而驚歎焉余卒讀之但見其入理處非讀破萬卷前悟十年言不能發一言其明悟處非參透世情勘破塵網者未許道隻字令我擊節起舞茅塞頓開遊玄圃而無非夜光入波斯而盡為至寶惠我易其有極雖然余更有說焉夫空者空也空諸所有也明者明也明無不照也空諸所有方能實諸所無明無不照方能幽無不燭然惟空故能明亦惟明故能空合而觀之如廣寒宮如水晶殿如照乘珠如琉璃屏如

山陰夜雪如洞庭秋月如三尺寒泉浸明玉一片冰心映玉壺可以彷彿二字之義而約略其為人矣蓋前身為玉皇香案吏而今則託生於清河氏云時康熙十九年歲次庚申季春上巳後五日膠水教弟符兆昌匡世氏拜草

空明子集序

空明子文集目錄

卷上

退居賦

懷人賦

雨窗賦

雲居序

玉田詩稿序

時藝自序

訪月牙池悟本記

贈族義米記

義葬族伯考碑記

寄某先生書

復某社長書

女史阿文傳

雜說

蚓說

蜂喻

讀信陵君傳

讀孟嘗君傳

讀平原君傳

空明子文集目錄

讀春申君傳

讀俞樾亭立樓歌

卷下

棲霞子篇

放放子篇

適意篇

夢篇

客問

秘言

前生緣

神遊

幾乎險被先生饒

先府君東臯公事狀

趙柳介贊

陳含美贊

李節珊贊

懷鏡潭贊

空明子贊

題空明樂府

戲作判語四條

空明子自敘年譜

空明子文集卷上

古樂李節珊先生選

華亭張 榮景桓著

退居賦

若有人兮山之阿撫長松兮獨嘯歌雲漫漫兮似織風  
悠悠兮如波既與古而相契又奚今之足多倚窗兮太  
息太息兮何極悲聽鶴兮無從想牽黃兮曷克嗟烹狗  
兮徒傷悔捐金之未得及其身將戮矣而歎世道之多  
違何如名既立焉而遠人情之叵測叵測兮奈何綠葉  
兮辭柯子胥兮滅楚勾踐兮亡吳奚相煎之太急悵落  
日之忽徂荆榛雜兮藏虎豹林石深兮啼鷓鴣鴻名兮  
難得駒影兮倏過徒傷心於遲暮空怨恨於蹉跎春花

空明子文集卷上

發兮雨簌簌野寺頽兮山峨峨峨峨兮峻絕矯首兮神  
接望千峰之翠連歎萬嶺之雲壘日色薄兮竹影涼禽  
聲靜兮松紋裂或疎兮如鳥離羣或密兮如花附蝶或  
拱手兮卑類兒孫或接肩兮親同侍妾或如牛兮犄角  
或如馬兮振鬣山鬼嘯兮夢空勞山月皎兮魂欲惛知  
妙用之歸根夫奚取乎枝葉枝葉兮空妍深悲兮遠天  
極目兮橫浦魚潛兮在淵魚在淵兮泳游鶴立沼兮踰  
蹊兩忘機兮足樂何殺氣兮相連此物情之大槩亦事  
理之固然對晴湖兮悽惻憶佳人兮南陌空佇立兮不  
來擬浮家兮泛宅雖地隔兮千里實寸心兮咫尺展和  
風兮枕簟點落紅兮茵席解玉珮兮遺所思結同心兮



在疇昔渺渺兮凝愁風起兮雲流心既閒兮似鹿性尤拙兮同鳩早歸來而樂天命兮羞對泣之楚囚慕行吟而賦離騷兮愧喘月之吳牛願永言而思先民兮庶不與乎靈修對嘉賓而生悅豫兮知與世之無求涉塵網而無涯涘兮若泛濫乎虛舟寧及時而醉匏卮兮噫歲月之難留期立德以樹嘉名兮傲肉食之王侯終退居而老丘園兮又何快乎思讎

懷人賦

伊天地之毓秀暨河嶽之鍾靈嗟生材之不易識誕降之非輕坐閨房以獨守羞奔競之未能伴殘燈以無焰同鶴怨而猿驚抱瘁貌以無言悲日月之迭明寄素心於醴醪愁我躬之易醒照菱花於兩鬢漸霜落而花生託蜉蝣於宇內嗟耄耄之難登年冉冉其將邁歲悠悠而忽更瞻浮雲之變幻淚沾裳而縱橫朝懷長沙之賈傳夕弔易水之荊卿弔荊卿於易水歌慷慨而難平山高高以翠浮淵深深而碧澄望美人以隔浦空惆悵而目成願同老以駕牛或挾李而騎鯨庶夢莊而化蝶亦訪戴而聽鶯知彈冠之未可將終老乎丘塋悵丘塋以空老等泛泛之浮萍春攜節以躡屐若行脚之高僧松風寂兮雲澹澹山花發兮鳥嚶嚶夏扁舟以泛浦背落日之孤城芙蓉豔兮魚欲躍楊柳深兮鷗可盟秋綠籬以采菊餐芬芳之落英登高山兮發長嘯臥空林兮聽蟬聲冬啓窗以獨盼哀雁陣之寒征道路長兮羽翮鍛稻糧足兮性命傾嗟怒馳之壯志銷寂寞之閒庭既居諸之弗再奚身後之今名飲餘卮以浩歎仰孤月而長鳴心怛怛而旁鶩氣鬱鬱而上升望美人以終阻空對卷而深情

雨窗賦

惟草堂之靜悄來小鳥之羣飛瞻庭前之紅瘦羨窗外之綠肥湖波碎兮擊槳山光翠而染衣裊輕風於郭北捲寒煙於郊西登高樓而長嘯悲芳草之萋萋望垂楊於隔浦空霧鎖而雲迷野寺接村而蔽樹閒鷗近岸而沾泥對閒鷗而浩歎悵浮萍之星散懼百川之沸騰此前車之可鑒青蛙在田兮鼓吹悠悠綠竹映波兮清光泛泛堪駕艇以吹簫喜入林而聽梵既聽梵於空林寧是古而非今慕詩狂兮草聖愧酒癖兮書淫願守貞以寶璞貴無弦而抱琴佳句得而難雋頴思發而求新結良朋於古處期交道之長伸聽閒窗之淅瀝甘孺子之

雲見子文集卷上

長貧毋徒悲乎吸鶴奚千里而思尊苟今名之不朽豈沒世以無聞置冠裳於弗用非絕俗而離羣思立言以樹德蓋草野之無文既無文於草野聊閒情以舒寫方不累乎身心且無傷於大雅嗤潘鬢之多絲笑沈腰之減把欣鴻鵠之高飛苦千金之良馬與其驚心於碎玉毋寧樂志於全瓦點點兮池塘慘慘兮微茫愁鳥衣之剪水怨粉翅之戀香望翠峰於一抹迴九曲之羊腸惟論交乎陸羽亦傾倒乎杜康夢迷乎斗室魂愴愴乎大荒憶佳人以天末徒竚立而傍徨憂芳年之易逝嗟壯志之難降欲銷難降之壯志庶幾乎遊黑甜而入華胥之鄉

雲居序

吾友道人以雲居自命其室因屬于序之子曰居也而雲乎哉則子之不樂有居可知也以雲居自命其居則子雖有居而一若無居可知也且夫厥父肯堂厥子弗肯構書刺之矣今之人或雕其梁或畫其棟竭智殫心土木之工積於不計為後世子孫不拔之業子獨何心而必以雲居自命哉道人曰我居于城不若居于野也居于野不若居于山也居于世不若居于雲也居于雲尤不若居于無也吾之雲居猶覺其多事耳予曰異哉子之見也吾將從子而遊于雲居之間倣雲居之意酒則以烹茶代之肉則以茹菜當之視世之畫棟雕梁者

雲明子文集卷上

五

其果子孫保之否也則吾友之雲居真可風也

張玉田詩集序

嗚呼詩之爲道大矣哉予不敏何足以言詩玉田張子向予乞序直問道于盲耳雖然有懷必告此又予之素心請卽平日之所見者爲玉田言之夫詩也者始於商盛於周一經夫子刪定而三百篇以傳其爲道也出於性而發乎情發乎情而止乎禮義上而君相下而士庶皆得以咏歌之咏歌之不足則長言以唱歎之油油然忠厚悱惻之隱洋溢於筆花墨瀋之間使天地聞之而格鬼神聞之而歆智者聞之而鼓舞愚者聞之而振作是以朝廷之上家門之內朋友之間凡不能明言者則借物以達之不能直指者則曲譬以通之故君臣得之

李明子文集卷上

六

而正父子得之而和五倫之合莫不由是所以扶植綱常其所係又豈淺鮮也哉降而漢魏訖於三唐晚矣學人不三百篇之講而唯漢魏三唐之求亦云陋矣况近來論詩者併將漢魏三唐而遺之僅僅取宋人膚詞俚句作輕描澹寫數語以爲詩之道盡于是不幾失三百篇之旨而併失漢魏三唐作者之意乎玉田之集理明詞達復饒精警能于茸城詩亡之日獨發其堂皇正大之音謂非詩道之深幸歟所惜者擅此才華惑於時論不作樂府一章跳梁翰墨與前人角勝因未取元微之之論樂府與海虞馮定遠之樂府論併吳興臧晉叔之選古今樂府諸作而熟覽之也夫樂府也者自三言至

七言及長短句原無成式樂天云篇無定句句無定字繫於意不繫於文微之云歌行篇咏引曲諸名雖題號甚繁要皆屬事而作悉謂之詩可也後之審音者往往採取其詞度爲歌曲蓋選詞以配樂非由樂以撰詞也故古之人或用古題或寫時事此樂府之大凡也六朝三唐諸公之作彰彰可考然其中之似乎七古者更爲條達明爽自于鱗伯敬之擬樂府一出雖有智者不能出其範圍學者遂視爲苦海而此道竟茫然不復講矣玉田勉乎哉異日者考諸六代證諸三唐出其新意撰爲鴻篇既升堂而復入室使天下之人震而驚之知所趨嚮弗致爲于鱗伯敬所誤爲樂府一途放出大光明

李明子文集卷上

七

其有功於詩教正未可並也我于玉田有厚望焉

時藝自敘

於戲予今日何敢復言文哉幼而肄業長而善病老而無成予今日何敢復言文哉憶自童子時意氣豪放才思橫溢下惟刻苦寒暑靡間初不意十七歲之嘔血以瀕於死也迨後悠悠歲月幾為病廢又三年復攻舉子業自辛酉至乙酉除丁內外艱外七下棘闈終無一遇今年五十有六鬚髮盡白世味淡然對卷有得過卽忘之稗官野乘槩置不閱經史百家稍為披覽疑難處亦不求甚解慕道頗深守道益力喪子之後益無聊賴不過吟咏遣懷陶寫性情而已偶檢舊笥得曩時所作時藝自十二歲至十七歲共得文二千餘首不失之膚淺

空明子文集卷上

上

則失之枯窘就中檢存四十首并詩稿三十五首餘俱付之一炬我心不勝快然自十八歲至二十歲臥牀三載學拈詩古文辭時文一途闕焉不講自二十一歲至三十五歲又得文五百首亦檢存四十首餘俱付之一炬我心又不勝快然自三十六歲至四十六歲又得文五百餘首亦檢存四十首餘俱付之一炬我心更不勝快然自乙酉年以後不復作一藝矣回視舊笥空諸所有案頭所存寥寥可數片刻之間心曠神怡毫無障礙得此三快何樂如之然所存之文有散漫者有簡樸者有放縱者有拘謹者有詼諧者有腐爛者有奇崛者有詭誕者文非一體格非一局總之非投時之技也此其

所以為空明先生之文也時康熙五十三年歲次甲午中秋後十日書於振秀山房

空明子文集卷上

九

訪月牙池悟本記

有一卞和之璧焉藏於頑石之中農人見之相習以爲頑石而不知也及遷於都會之地王公大人相與爭之勢不至於千金不止而後知玉之貴也有一畸行之人焉混於庸僧之中衆人見之相習以爲庸僧而不知也及居於幽僻之地賢人君子相與親之談不至於終日不止而後知僧之異也悟本俗姓楊性喜靜閑關趺坐者蓋已三年一旦悟徹本來因名悟本某歲築菴於月牙池上餐風吸露卧月聽泉擊鼓鳴鐘聲聞遠邇由是而往來者日不絕夫月牙池水光明媚一望寥曠投之以石有聲淙然而我與僧徘徊於此池之上終未聞之

空明子文集卷上

玄機反本來之面目心口相喻無論飛鳥游魚頭頭是道矣及朱烏西墜皓月東升九峰秀氣自北而來襲人骨髓當此時也修竹蕭蕭垂楊拂拂疎星隱隱池水悠悠不覺萬感俱寂體滅心遺僧不知有我我亦不知有僧而我兩人殆遺世獨立與天爲徒者乎已而默然踞坐相對良久談世外之世及天外之天各有所得寂而不言起而別去僧猶爲予執手而不忍云

贍族義米記

憶自庚午歲先伯考筠齋公嘗謂予曰汝欲知今日發祥之自乎予小子曰唯唯伯考曰昔汝王父孝友性成宅心忠悃種種善迹郡乘備載凡內外中表鄰里鄉黨視力有可爲周弗周卹而於宗族之間尤爲加意此時汝叔父尚幼我與汝父席前人之業夙夜憂勤惟恐堂構之或墜常欲倣先賢故事創義田之舉以承先志後因本宗子姓俱能克修舊德箕裘勿替無待推解故爾中止今日諸孫林立家無凍餒身列衣冠非皆汝祖積德累仁之所致乎異日宗族中倘有不能舉火者汝曹勉諸無忘我言小子識之已十有九年於茲矣邇因水

空明子文集卷上

旱游疎生計日鮮雖席豐處厚者固不乏人而歎殊桂之無從者亦復不少一日同奕山弟偶過西園訪和叔弟談及往事備述伯考之言凄然淚下和叔弟聞之蹶然而起曰義田之舉力不從心姑俟他日而補救之方請自照始奕山弟亦從而和之嗚呼祖宗之靈實式憑之我清河氏其可謂有後矣但獨木難支單絲莫汲憶予從戊辰歲先君子去世止遺硯田三十五畝閉門習靜勤苦治生粗能於衣食之外稍有羨餘予雖力綿敢不竭蹶從事共勸義舉一慰在天之靈更作數行寄之都門茹英弟及南映姪而兩人惠我好音欣然樂從不以我言爲迂且深幸此舉之有成也今日者雖端自我

開而實能成之者和叔弟也能繼之者奕山弟也能不違初願者茹英弟也能擴而充之克全孝道者南映姪也我弟姪具賢矣哉總之承先之志心存敦睦而給米之道不得不義別親疎此舉也雖升斗小惠烏足筆之簡端然或者賢士大夫從而倣之其所以用我情者正未有艾也庶幾於世道人心不無小補云爾

義塋族伯考碑記

嗚呼伯考仁齋公我高祖考心塘公之大宗也高祖考生三子長卽華村公華村公生大觀公大觀公生伯考三代單傳至公而斬嗚呼痛哉憶予齠髫時居止相接歲時伏臘過伯考之門周旋笑語宛如昨日迨後遷居郡城相去百里音問遼絕伯考妣亦相繼去世子年尚幼不復得悉及至成童隨先大人展墓始見伯考妣之柩權厝水濱口雖無言心竊傷之存諸中者已三十餘年矣今秋特過筠溪欲作義舉因獨力不支歸而謀諸大嫂王氏及雅臨四兄和叔奕山兩弟咸仗義不辭爰擇吉壤卜葬於祖塋之北以妥先靈然葬事告竣而祀

事亦不可以不講昔我伯考曾血抱顧氏外甥爲子今居祖遺數椽託足於茲以延一線但三兄善人也務本力農頻年水旱衣食難繼又捐給義米二石稍助春秋祭享之需嗣後凡我同高祖子孫有乏嗣及力不能葬者皆得祔於伯考之左右是舉也雖不足比美前賢然於以維人心廣教化其所關又豈渺小也哉時康熙四十七年歲次戊子八月朔書於吳淞舟次

寄某先生書

丈夫二十不成名便當披髮辭世入山不返不肖行年二十有餘矣而猶不善退藏能無自愧誠以恐虛高堂之屬望有負先生教誨之盛心耳自己未歲別後雲樹之思甚於饑渴奈緣病魔作耗坐困數載不得奮飛左右慰我素心悵也何如辛酉秋文戰不利在不肖才自劣耳又何怨尤而歛其銳志以待今秋不知今秋又如何光景耶不肖稟氣弱薄不善下人不肯媚人而亦無求于人且今時風尚士皆華冠麗服銜才奔競以求售於尊官長者之前無不慊志以自矜詡不肖視之赧焉欲避竊以爲桃李之芳妍不若松栢之不彫彼世俗之

空明子文集卷上

古

見必以爲豔奪一時矣抑知金神肆肅飄搖零落之狀不久隨之故必烈風而後知勁節也夫士貴立品窮而益勵其操不得志而愈堅其守正心誠意之學矢志弗諉不爲利撓不爲勢撼而我性中自有至大至剛者原非祿位之所能奪也不肖株守蓬窗雖無十年讀書之功而有十年養氣之益其爲氣也歛之則充乎一身發之則包乎宇宙老子之教真聖人之教也宜乎孔子以神龍況之也不肖童時見養氣章則昏然欲睡不知氣之爲何物也少長卽解矣亦不知氣之何如狀也及身習焉始知氣自在人原非外襲孟子曰學問之道無他求其放心而已矣求其放心便爲養氣之本聖人之言

豈欺我哉不肖嘗閉關養靜名心消盡道心自生視一切富貴真草頭露耳遇陽而晞無弗皆然寧有至日中而草猶零露者乎世事空花已識之素矣孔子曰於我如浮雲真於我如浮雲也而不肖顧猶皇皇爲此者何故亦以天之生我初非無意而乃躬自菲薄與草木同腐死之日泯沒而無稱焉良可惜已使不肖得志數年一籌略展自當退處山谷尋煙霞散人結方外社優游林壑畢我願矣今歲假館僧房訂先輩墨卷六十首作朝夕課誦日讀毛詩數篇閱四子書三四頁暇則與老僧談禪參性天之理或者當秋闈之一助亦未可知耳不肖不敏特質之於先生不知先生以爲然否也

空明子文集卷上

五

復某社長書

日來病劇未能起坐況筆墨事邪接佳章病少間卒難裁答僅能命司閤者婉謝而已開卷一覽恍若大士楊枝水灌頂一灑不覺心體爲之清涼再誦一過如枯苗衰草氣息殆盡一得甘澍生機爲之怒張及三閱而病體霍然愈頓然解矣乃知古人文章能驅瘧鬼良非虛語反覺枚生七發言冗意長徒增人悶悶耳僕雖樗櫟下材亦嘗討習六經諸子兩漢以下及八家之文矣然不過涉獵已耳究未能探其奧悉其微者以不得其人而折衷之也若先生者可與共事古學矣惜也余幼多疾病年未二十而齒牙落今逾三十而二毛見雖有親

空明子文集卷上

去

記過即忘焉又安能參天人究今古而追蹤往哲耶邇來頗事著述大都寫其牢騷抑塞之氣非中正和平之鳴也要皆未可以入於聖人之道今因精力不及欲擇古文之言本六經語宗孔孟者以爲準的更欲得二三君子日與往返脫略形迹有疑必晰終始弗渝非先生孰能爲之表率嗣後僕輩詩文庶有所折衷不至汎濫而無所底止目下病勢稍減因欣喜之餘不惜再疊前韻以答德音併不計詞之工拙也

女史阿文傳

阿文者秀州娼也其始也本良家子夫無行乃入煙花隊中然性喜靜雅愛山水頗有林下風致嘗至雲間過予舍焚香啜茗笑談彌日索予詩文遍覽愛慕不已曰以公之才不博一第命也夫十餘年來拏舟枉顧者數次然終不及於褻狎予喪子後更念我年老無兒悽愴者久之予幾惑焉無何爲盜所誣幾陷法網事雪他徙愧憤交作閉門謝客者三年從此不復聞問矣以視世之飲盜泉而不愧者其爲人賢不肖何如也故予之詩文雖不足觀獨能於青樓中得一知已不猶愈於看花杏苑乎今聞子得子遣伴道喜且致慶幸之意夫阿文不過一娼耳娼也而慕林泉是娼也而山人矣娼也而好詩文是娼也而名士矣娼也而不忘故人是娼也而直君子矣雖娼何害亦不可以不傳

空明子文集卷上

去



雜說

越之狗吠雪非雪之果可吠也蜀之狗吠日非日之果可吠也古之人吠名非名之果可吠也然而何以必吠特以爲難得而不易有之物也夫越在南方其地苦熱數年之間雪或一降偶一見之狗以爲異矣蜀僻西陲其地多雨一月之中日不數見偶一見之狗以爲異矣古之天下孝弟力田藏修待聘名不易得偶一得之人以爲異矣然使移越之狗於蜀雪亦歲見者矣雪亦何足異使移蜀之狗於越日亦時見者矣日亦何足異使移古之人于今日不必有其實者亦可以得名矣名亦何足異夫惟不以爲異則越之狗而見蜀之日日自日耳於狗何與必不吠也蜀之狗而見越之雪雪自雪耳於狗何與必不吠也古之人而冒今之名名自名耳於人何與必不吠也何以今之無其實而有其名者猶洋洋自喜爭吠之不巳也不羣笑其非越之狗而吠雪非蜀之狗而吠日也哉

空明子文集卷上

九

蚓說

蚓之爲物至微也食槁壤飲黃泉晝則伏處夜則長鳴日與蜉蝣鼠婦爲伍自以爲無求於世悠然自得天下莫我若也俄而陰風生大雨至有龍翩然過其上鱗甲閃爍爪牙奮發蚓私訝曰天下有如此大物乎因誇於蜉蝣鼠婦曰此我友也於是卑躬屈節向上而高拱之而龍方不知也蜉蝣鼠婦驚且疑因相詢曰龍性至靈也動則風雲隨日月失色駕乎九霄之上則太山失其高河海失其大至於子不過伏一穴食一坏縱百其身猶不足藏龍一甲之間欲與較長量短又何異乎蜉蝣而與鵬鵬頡頏也子奚可以與龍友蚓笑曰子見其一未見其二也子亦聞龍之爲物乎大則涵天地小則如蠶蛸方其爲蠶蛸時彼唱我和情意殷渥彼且師事我奚云友乎蜉蝣鼠婦相顧而驚畏蚓之心益甚君子曰蚓之爲計愚矣哉龍自龍耳於蚓何與蚓必欲設詭計以欺蜉蝣鼠婦吾不知蜉蝣鼠婦又將欺何物耶矧天下至大蛟與蛇尤似乎龍者竊恐相欺不已安知不逞奇說以欺蚓乎即使龍甘下交而蚓甘附驥吾知其必不拱亦如故是率天下而僞者必蚓之拱也夫今天下之類乎蚓者衆矣而蜉蝣鼠婦無不爲其所惑焉彼蜉蝣鼠婦自爲其惑耳於蚓乎何尤

空明子文集卷上

九

蜂喻

有蜂自西南來其聲嚶嚶然寓居余背童子欲爲余驅之予曰不可夫蜂集予背是彼以不仁加余也驅之是彼不足以傷生而吾適足以求螫也莫若順其性聽其所之爲便已而徐步肩上奮然飛去而余之心始得釋然以慰夫蜂其至小也豈無大於蜂者乎使我不能順其性彼將試其一螫之威而加我於不可知之處故莫若以待蜂者待之而可以遠害蜂之螫猶淺焉者也豈無百千萬倍於蜂之螫者乎使我不能順其性彼將憑其一螫之怒而刺我於腹心之地故莫若以待蜂者待之并可遠害以自全今天下之爲蜂者衆矣朝廷之上

空明子文集卷上

下

有蜂螫焉鄉黨之中有蜂螫焉九族之內蜂螫頗多一本之間蜂螫尤甚况乎朝廷鄉黨一本九族之外左右前後應接不暇者何一非蜂螫也凡我君子欲消蜂螫於不形者其道在乎順其性焉耳順其性而彼之爲蜂者亦無所施其螫也已

讀信陵君傳

信陵君千古之至情人也其始也禮遇夷門納交屠者究獲兩人之報救趙後有功不伐轉從博徒賣漿者游自以爲得罪誠弗與魏使通毛薛入諫車駕立返卒克連五國兵却秦存魏如斯人復作安能弗與共事哉

空明子文集卷上

主

讀孟嘗君傳

吾讀孟嘗君傳而知其爲好名之徒非好士也何則觀其言曰有能揚文之名止文之過者受上賞此其意略見一斑然而不吝改過納諫如流其志念有足多者名聞華夏誼重時君宜矣姑略其大端而節取焉

讀平原君傳

美人笑蹙蹙者請美人頭而未克也及客漸去而後斬之晚矣有一毛遂不能用非自贊曷克脫穎而出彼十九人何爲者耶從楚歸始曰不敢復相士於毛先生失之也豈不然哉苟楚魏不至直一亡虜耳又何疑焉

讀春申君傳

春申也而何以稱好士齊名於孟嘗信陵諸君我觀其傳寔一竊國奸雄聽小人之言隨其術中而不悟當其先豈無盡言極諫之臣然卒擯之而不用以至身僂名敗其有媿於諸君遠矣何幸而齊名同稱為好士也

讀俞楠亭先生登樓歌

空明子讀楠亭先生登樓歌讀未竟不覺啞然失笑曰是何言歟是何言歟夫鸞鳳之生也不常而其出也亦不偶空明何能敢當斯譽使天下人聞之不幾謂處士純盜虛聲而先生反受失言之責乎彼夫蒼蠅則固世俗之所同類而並觀者僕雖不材未能與之絮長較短也況丈夫處世誦法孔子居仁由義既不能置身通顯一展平生抱負亦云悲矣而乃貶道屈節希名干祿以重衾影之羞又未甘已心非沮溺迹類巢由不得已而見之吟咏形諸篇章愧何如之所以愚者憐而不受智者謗而不悔我守我真我行我是五十年來兢兢焉大德之不敢踰閑而已若夫先生品既卓絕才又非常自當經緯天地網紀人寰何至屈抑如是嗟乎嗟乎天為之耶人為之耶以為天何生才而待才如此之酷以為人人何不能薦才而使之浮沉下位然天既生才而豈肯使之終於不用乎天既生才而人又豈能使之久於不用乎行見大展經綸蒼生待澤抱鸞鳳之具發為鸞鳳之鳴我將洗耳而聽於卷阿矣至於空明子雖懷鸞鳳之志而不得一鳴於當世是空明子之所為痛心而疾首者也徒以一觴一咏見賞於先生此真蒼蠅之聲也已

空明子文集卷下

古婁李節珩先生選

華亭張

榮景桓著

棲霞子篇

空明子曰輕清者天蒸之則爲雲霧蔚之則爲彩霞然無定形也亦無定影霞也者豈可棲乎哉假令霞而可棲則子必能空之又空虛之又虛玄之又玄矣胡爲乎所食者猶是人之粟也所衣者猶是人之服也所事者猶是人之君父也所交者猶是人之朋友也子旣未離人世矣又烏能棲霞棲霞子曰不然古之人有七十致仕達哉達哉者白香山也有笑傲于王公之前視萬乘若僚友者東方朔也况天地我廬也仙家或乘雲或駕

空明子文集卷下

一

霧或凌霄或御風又安在霞之不可棲也使霞不可棲則日月何附星辰何依風何自而來兩何從而至特患不能睥睨一世曠其胸襟耳誠能跳出三界則何地不可居又何物不可棲也豈直霞乎哉空明子曰甚矣哉吾之不能見道也今因棲霞子之言而恍然悟瞿然覺矣是誠能參透禪機悟徹三教者也所以其文橫溢其人俊逸無之不可不特棲霞也爲雲爲雨吾不知其所變化矣

放放子篇

天下之能放者天地也山川也風雨也而不能放者惟人而已矣人不能放所以心爲形役皇皇乎身家之累而不止天能放故不墜地能放故不陷山能放故不崩川能放故不竭風雨能放故來也條然去也條然而不知其所以止由斯觀之放者壽而不放者夭可知矣吾友放放子笑塵世之執而不化迷而不悟其所以徬徨落放浪於形骸之外有以也放放子曰人惟不放故苦海茫茫不能跳出我惟善放故可以入世亦可以出世高山峻壁吾之肉林也長江大河吾之酒池也喬松古栢吾之大葢也媚黷嫣紅吾之文章也狂風猛雨吾之

空明子文集卷下

二

長嘯也暴背吸氣吾之飲食也異獸怪禽吾之好友也曠野大坂吾之胸襟也吾何求於世又安往而不得其放放哉空明子曰達哉放放也生哉放放也夫能放則不執故謂之達能放則不死故謂之生是真吾友矣可以參吾道矣

適意篇

夫所謂適意者科頭箕踞縱達不羈者之所爲也居天地之中不知天地爲何物自胞胎中已具傲王侯輕爵祿之志及其長也抱樸自全不求聞達是以世有否泰我無通塞日中則昃于焉偃息東方既明未離枕席呼我爲牛呼我爲馬我亦不責胸中洞然一無所得若者窮通若者黜陟一夢未回事更千百況乎天地一大牀太山一大枕人生一大夢江海可以洗嗽河漢可以濯足琴書可以娛心鶯花可以悅目浮槎駕水天在我脚下講道入山地在我頭上顛顛倒倒混混茫茫胸襟灑灑默默不言精神內守打坐終年如此足矣豈讓神仙

空明文集卷一

三

至于日出而樹照窗紗月明而花移人面朝夕之景任我盤桓雲霧之奇供人賞玩琴嘗弄而詩嘗吟知音有幾筆嘗歌而墨嘗舞具樂無窮矧太極猶雞子人生有幾何白頭不醒齒落終迷者夫豈能算我將與天地爲友日月爲徒調丹田之息抱膝下之珠遨遊乎穹窿之間出沒乎崑崙之野若存若滅非卽非離彼碌碌者又烏得而知爰作歌曰天兮地兮何徜徉日兮月兮真久長我將乘彼白雲去山水茫茫是我鄉

夢篇

夢者幻也人生皆幻境耳奚夢之爲故百年之久大夢也一夕之頃小夢也夢有大小而所以爲夢一也得志而身榮不過夢中之佳境不得志而身辱不過夢中之惡境何足以移人之心思而世之人方以爲真嘻笑怒罵極其變態子女玉帛何所不至嗚呼夢耶真耶夫人生之睡醒是俄頃之死生人身之死生是一生之大夢故致身通顯言聽計從夢也掛冠神武終老丘壑夢也至於偃息之間神魂變幻亦夢中之夢耳小夢猶可作大夢不復覺與其醒時悔孰若夢中樂松聲寂寂門無雜客琴聲悠悠寫予之愁虛室生白與時偕息不識不

空明文集卷一

四

知順帝之則若夫神仙終身不夢者也殤子未夢而忽醒者也世人有特夢而卽醒有夢成而後醒者也然則一生之間真耶夢耶醒耶死耶請還問之知者

客問

客問于予曰子年二十有四而詩文中時言老時言白髮時言倦眼不幾誕乎予曰不然不得少年之趣謂之爲老不爲謬也未知黑髮之樂謂之白髮豈不然哉年既老而髮既白眼之欲倦固其宜矣客曰我爲若歌若爲我之和可乎予曰幸甚客曰子之貌老而益少髮之色白盡反黑眼之睛倦後益青子有茶兮盈我尊子有詩兮娛我心終日相對共談文我樂得賢主子亦得嘉賓予曰余之貌不願其少但願與文而俱老髮之色不願其黑但願與年而俱白眼之睛不願其青但願抱珠反照而常寧我有詩兮悅我目我有心兮隨我欲我有

客問于文集卷下

五

草菴託我足我有山水破我俗我有管城填詞曲我有嘉賓夜剪燭更深靜候月明來隔牆惟聽蕭蕭竹客曰敬聞命矣予亦無一言客乃長揖而退

秘言

且夫執道以言道者則道死而難化離道以言道者則道虛而莫憑其始也飄飄然憑空而往若非人世者然然後霞光滿目無所障礙聞非所聞見非所見自尾間至泥丸精氣貫盈三田充滿直上直下聯絡四肢又進焉身輕一葉若隨風而欲去天鼓亂鳴甘露齊降輾轉然如車輪四轉又進焉陽氣從臍中旁溢腹中如溫泉浴體者已而不知何爲耳目何爲手足何爲百骸氣息寂然又進焉一輪明月不卽不離忽而色相滅房舍空矣隱隱然有一嬰兒坐于頭上身如蟬蛻之狀由是耳目非吾之耳目手足非吾之手足百骸非吾之百骸即心亦非吾之心此時之吾已自成一吾之爲吾而天地之秘在吾矣而吾又烏能名言之歟况乎數數言之而聽者厭則此道紛紛言之而愚者聞則此道褻絮絮言之而爲者怠則此道息然後知言之不可不秘也孔氏曰天何言哉又曰先行其言而後從之持此二言雖欲不秘烏得而不秘哉

客問于文集卷下

六

前生緣

天下果有神仙乎吾不得而知也天下果無神仙乎吾亦不得而知也予既坐病三載自以爲身將死矣偶獲黃老之傳痼疾頓起莫不以爲有神助者因是而悟微再來因果試述之予幼多疾病終歲舒眉僅得數十日平生一無所長然亦無所不習性與筆墨尤爲相近但不喜尋章摘句拘拘于蓬窗下也賦性冷落雅好山水視富貴場中直等兒戲初病時有老人爲余指南後復往來不絕予之得以不死而悟道者老人之力居多戊午季夏二日老人謂予曰子欲識前生出處乎予非凡人乃玉帝之掌文案者曾以筆墨爲戲故謫居人世而

空明子文集卷下

七

爲衆毀所集也初謫時玉帝亦爲之不忍其贈子詩曰文案謫人間朕心有所思恐汝性根滅終無相見期子亦有詩曰文案謫人間私心常耿耿一鶴向天叫夜月憐孤影子同寅楊麗有詩曰文案謫人間執手難爲別相見復何時心事天懸絕子亦有詩曰文案謫人間口內猶餘舌天步實艱難使吾空嗚咽其一時酬答之詩不能盡述楊麗奏曰文案此去恐性根泯滅不得復回乞使一人先行爲其指迷帝指一侍者曰可往江南作僧侍者遽去楊麗謂予曰文案謫人間閉門宜守拙木人豈易逢相逢性不滅子遂謝恩而出楊麗復奏曰文案之缺補自何人帝曰汝暫代之麗辭焉帝曰舞文小

吏姑示薄懲然亦不久召回也麗因謝恩而出蓋今之代子而掌文案者楊麗也其始末如此子叩曰帝之侍者何以識之老人曰當在土年相遇此後子當以大道自勵弗得遂忘本來之面目子拜謝者再三而老人遂忽然不見是時已雞三唱天將曙矣

空明子文集卷下

八



神遊

予既多病兼乏其力凡種種可爲之事皆未極人間之樂然神遊之法庶可以消遣之夫神遊者何若夢境而已其始也飄飄然如御風而行偶至別一洞天茶竹紛披紅花掩映喬松數百本古柏數百株夾山陰道上樹盡有池池中有船畫檻雕欄疑非人世所有予登舟命舟子操楫但見飛鳥談人游鱗認客溯流而上忽遇一潭方可里許水清澈底魚計萬千潭中有一高阜阜上有屋數間絕頂有一小閣閣下有迴廊環繞水光山色一覽而盡姬妾數十人翱翔其間皆平生所極寵者予入其室或烹茶或奕碁或彈琴或吹簫歌者聲徹天際

空明子文集卷下

九

舞者光耀四壁種種可樂之狀陳列於前泊晚設饌呼盧暢飲觥醕交錯已而酒闌或有爲予脫帽者或有爲予解帶者狂狀百出戲謔不窮諸侍女咸爲傾倒爭爲予治卧具焉及天明諸侍女方欲獻媚於吾前以圖專夕之寵而予之神忽歸若大夢初醒者然然後知一切諸緣皆起于想想由乎心心因乎妄則古人不動心之法真吾之良藥也已

幾乎險被先生饌時張

雙文之懷春也幾爲情誘矣夫君瑞之於雙文留情久矣險被先生饌今雖曰幾乎恐後此之不免耳紅娘若曰天下情之所鍾幾敗而復成幾成而仍不得者比比是也故吉士既有白茅之誘而桑中難免采麥之歌則兩情眷眷幾不能以禮自持矣淡黃樹底嫩綠池邊殊堪想像也如小姐之向晚不怕春寒非思先生而何哉半晌擡身幾回搔耳小姐之情思則已深矣而晚妝對鏡杏紅含雨銷魂筆下寫幽情絃上傳心事先生之盼望則已久矣而清露吟詩月色篩花弄影是昨日也小姐雖不被先生饌而幾乎險被先生饌矣十分看飽先

空明子文集卷下

十

生之欲饌小姐也已非一日偶值芳心之搖蕩忽來粉蝶之戀花權門待月小姐既有意於先生先生豈無意於小姐乎巫山既不遠矣風景其依然也而苔徑露濃凌波濕透之際則金雀鵲幾乎接梁鴻之案也已廢寢忘餐小姐之欲被先生饌也積之有素偶逢春思之飄揚忽遇狂蜂之恣採側耳聽琴小姐即無情於先生先生肯忘情於小姐乎綺窗其半掩矣深院猶未歸也而藥臺芽嫩金蓮蹙損之時則離魂倩女幾乎擲潘安之果也已况先生擅才子之名其思佳人也安能不切而枕冷衾寒一刻猶之一夏也月影朦朧夜花陰寂寂春落紅滿徑恨眼色之空調迴思風掃殘紅香堦亂擁

險被先生謙洽矣胡爲乎縫口撮合山偏教惡語傷殘  
也哉况小姐亦淑女之冠其懷君子也誰曰無心而行  
思坐想半載猶之一日也門闌凝暮霽樓角斂殘霞宿  
鳥飛騰與靈犀之一點迴思雲欽晴空水輪乍湧險被  
先生摩弄矣胡爲乎寂寞淚闌干竟致口沒撫攔也哉  
從來之至難守者聖王之禮不可過者兒女之情責人  
若彼所爲若此豈不胡顏耶

先府君東臯公事狀

高祖諱方向居海濱讀書樂道避倭亂遷於上海之筠  
溪里遂家焉曾祖贈少宰諱耀邦不事生產意興豪邁  
祖贈光祿大夫諱尚文一生爲善多行陰德事詳省郡  
志獨行傳中學臣題請崇祀鄉賢府君諱復號東臯先  
祿公仲子幼好學善屬文年十七丁先大夫憂哀毀骨  
立居喪盡禮時當多故遂絕意進取肆志古學服除遊  
遊四方足跡幾遍天下謁孔陵登泰岱跨滄海遊雲臺  
歷漁陽函谷泛洞庭彭蠡探九疑匡廬天門采石諸勝  
更從武林渡錢塘訪天台雁蕩凡遇名山大川輿會所  
至便成吟咏共得記傳及五七言詩若干卷四十外徙

郡城遭贈一品趙太夫人之喪孺子慕者經年行路聞  
而哀之平生坦懷自喜不設城府於骨肉之間尤多情  
至誼盡之處卽如先姑母歸於汝南早年而寡府君居  
以所居之半彈力護持待兩表兄成立然後他徙所以  
甥舅之間白頭如故撫循子不異已出曼困兄遠宦京  
師大嫂王夫人病劇府君日與名醫商確直至病痊王  
夫人至今猶能言之至若朋友一途尤爲愷摯喪葬有  
助舉火有資但不喜接貴人見俗客惟與家硯銘計子  
山朱尊江數君子往來酬倡而已凡所著作愚兄弟請  
梓以行世府君曰無其德而享其利者其亡必厚無其  
實而竊其名者其禍必酷小子戒之弗爲多事可也不

肖謹守是言所以一生絕希名干利之心樂天安命恪遵府君之遺訓康熙二十七年九月初五日終於妻村之修竹里享年六十有一又四年葬於華亭盤龍塘之高原孺人延陵吳氏考守訥妣清河張氏孺人在家時溫清定省曲體兩大人意父母鍾愛之十七歸府君事舅姑克盡婦道迨于奉祭祀睦妯娌待賓客撫奴僕無不折衷於禮以故親串家皆景仰而則倣焉不肖兄弟年當髫髻府君性喜遊覽不遑寧處孺人飲食教誨未嘗少假所以諸子自少至老但知閉戶讀書不敢妄與門外一事亦孺人慈訓有以致之孺人之事父母事舅姑教子息大端如是而百行可知矣康熙三十七年二

空明子文集卷下

七

月二十七日歿於修竹鄉之故里享年七十有二其年即祔葬於府君宅兆焉有子四人長曰茶州司馬次曰裴授徵仕郎次曰榮侯選廣文次曰榮歲進士孫六人應龍金山衛庠生師實青浦縣庠生煜順天中式舉人煜太學生煥業儒兆熊二歲曾孫共八人噫先府君嘉言美行指不勝屈兩兄一弟俱已物故予老矣上之不能立德立功顯揚先世下之又不能立言以表彰令德惟兢兢自守弗敢墜前人之業以無忝所生而已康熙五十四年歲次乙未臘月嗣子榮謹狀

趙柳介贊

百城坐擁終日婆娑窮遠度外任鑄洪爐白雲自怡得意高歌詩追陶謝性喜酒徒不與人世爭其巧願退居而守我之愚愚也不愚請看韓家之狗曷若張家之鱸先生之介其素所樹立然也先生之和殆和而不流者乎

空明子文集卷下

西

陳含美贊

花遲近村添箇竹閒庭納雨更宜風未須三盞頽然醉  
獨立長吟看落紅人遙指曰此陳先生也嗟乎陳先生  
何以得此清譽於士林乎然其爲人也抱瑾握瑜媲美  
前徽似狂似狷守正弗違噫三代直道非斯人我誰與  
歸

李節珊贊

希聖希賢古處是敦中規中矩道義之門才類謫仙斗  
酒擅百篇之富顛非張旭下筆得草聖之神何爲乎黑  
貂屢敝茹苦食貧人咸指曰此固襄愍之文孫而不知  
夫夫也太和氣象萬物生春必能振起前賢之緒作一  
代經天緯地之人

懷鏡潭贊

游戲宇宙之內跌宕翰墨之場窗浮花影徑染蘭香一觴一詠味遠情長風雅追西川之杜曠達類秋水之莊安能奪爾生花管錦繡腸醉我於崑山之陰谷水之陽披髮跣足狂叫怒罵寫盡平生抑塞牢騷之氣成天地絕妙之文章

空明子贊

不衫不履不輕然諾任其天真生成落拓作事本於至誠出言有時癡濁子好游乎曷不之彼村落與騎牛牧童終日笑傲於江濱不致寂寞

題空明樂府

空明空明備膏甘苦讀書半生抑何愚魯吟咏非性之所耽豈敢望騷壇而樹旗鼓近體追三唐之踪樂府接六朝之武然而知樂府之源流者謂爲樂府之眞派不知樂府之源流者反疑爲詩中之七古此皆由于鱗創邪說以惑世伯敬又隨聲而附和世人不察其是非於是競以李鍾爲鼻祖將此道竟泥塗而荆棘之遂致老馬之不能識路嗟乎嗟乎孰辨樂府議論徒然思之無補問君何爲必要醫伯敬之盲而開于鱗之瞽

戲作判語四條

風

長松多韻願隨弘景同聽細葉誰裁欣得知章共賞自春徂夏自秋徂冬四季之推移靡定由東而南由西而北八方之變幻何常今爾排山裂木倒海翻江妖嬈獻媚三眠楊柳之腰剛復任情一掃梧桐之葉盡開怕逢君香銷繡被沙塲愁遇爾淚落征衫目斷鴛鴦之浦輕帆一去杳無踪夢回鳳凰之原俊騎不嘶空有恨能教人作望夫山是石尤之故也獨令鵬蔽垂天翼非羊角其誰乎匪飄匪發周道興嗟且瞠且霍莊姜致慨罪深矣法奈何閉此室中曷用楊家之婢驅之門外聊圍滿

香之屏

花

一枝斜映水香殘南浦之雲萬點正愁人淚灑西山之雨如錦如霞半捲珠簾望斷摻摻之手非煙非霧十圍翠帳驚迴栩栩之衣今爾妖紅作態嬌欺爭妍春風澹蕩踏翻生怕山禽夜月蒼茫吠亂徒勞仙犬喪盡英雄之氣白髮羞簪消殘閨閣之魂紅顏欲泣連臂歌成楊白鍾情地老天長合官唱徹後庭回首家亡國破憐渠解語馬嵬匹練徒傷笑他拜燈鵝眼五銖堪悵杜陵野老爲爾窮愁采石仙人綠卿謫放罪深矣法奈何須倩雨師掃徑破除點點閒堦還令風伯揚威斷送涓涓流

水

雪

花飛六出魂低落雁之峰夢遶千山詩憶騎驢之客木  
落望寒塘光添銀海草枯思絕塞影動晴沙夜襲元濟  
之管溪泛王猷之棹今爾漫山遍野覆幹封條西池王  
母供來一笑微嬌東郭先生飛去雙鳧欲凍讓他美酒  
肥羊茶烹陶穀絕似撒鹽拋絮賦咏謝庭風迴共作婆  
娑舞玉馬呈祥天巧能開頃刻花藍關灑淚啗殘蘇武  
澹日欲銜山讀盡孫康清光堪照面松外高樓密灑懸  
知孤客恨竹邊茅屋亂飄應動美人愁罪深矣法奈何  
未勞寒夜無眠沸湯可濯更召陽和有脚春水立消

空明子文集卷下

圭

月

銀蟾出海漫迴思婦之腸玉兔經天幾下征人之淚千  
里望嬋娟對影揮毫不堪回首他鄉念離別穿林度莽  
空自凝眸今爾品類清華行同鑽刺一輪似鏡高懸不  
見兩人心半缺如鈎斜照空憐百子帳花陰得句聯吟  
遙憶崔家元夕觀燈待約真愁李氏啓戶邀風同君三  
客讀書升屋惟泌一人斟殘綠醕光浮庾亮之樓抱盡  
玄霜冷逼喪航之杵荒涼紫塞獨生愁胡笳十八拍慷  
慨黃州別有恨赤壁數千言罪深矣法奈何豈容刻紙  
無勞楊梅求來未許平分仍喚周生取去

空明子自敘年譜

昔我高祖考心塘公同高祖母陳太夫人因避倭亂由  
海濱遷至上海縣之筠溪里遂家焉生曾祖考贈光祿  
大夫可交公配贈一品夫人儲太夫人人生祖考贈少宰  
崇祀鄉賢從周公配贈一品夫人趙太夫人生三子長  
伯父筠齋公筠齋公生曼園集大兄茹英集八弟和叔  
維翰十弟奕山集十一弟曼園大兄生南映集茹英八  
弟生得天集和叔十弟生鶴來集季叔父有芑公有  
芑公生雅臨集四兄端宸集五兄退谷集九弟雅臨四  
兄生書竹集與能集退谷九弟生渭占集淑洙集及  
兩幼姪先君東阜公蓋先祖從周公之仲子也配先母

空明子文集卷下

圭

吳太孺人生四子長芳苑集二兄次蓋修集三兄幼齊  
軾集七弟芳苑二兄生魯亭集應龍介山集蓋修三兄  
生昊需集伊章集齊軾七弟生孟昭集子行六本房第  
三娶吳氏前得子俱不育止存一女至五十六歲妾萬  
氏生兆熊今丙申四月又得一子行年五十有八矣生  
於上海之筠溪里昔順治十有六年  
一歲己亥閏三月初三日申時生  
二歲庚子  
三歲辛丑 世祖崩明年改元康熙元年  
四歲壬寅先君口授唐寅桃花庵詩一遍即能朗誦  
五歲癸卯

六歲甲辰就外傳聯姻吳氏

七歲乙巳

八歲丙午自幼至長瑯琊姑母最蒙珍惜思之惘然

九歲丁未

十歲戊申

十一歲己酉曼園大兄北闈中式十月先君東臯公遷

入松江府治之西關外

十二歲庚戌從經師學為時文蒙潘春江有雛鳳之目

十三歲辛亥祖母趙太夫人亡

十四歲壬子叔父有芑公亡

十五歲癸丑玉峰應童子試

室明子文集卷下

十六歲甲寅應請史記

十七歲乙卯澄江應童子試

十八歲丙辰曼園大兄成進士授行人冬得血症甚劇

三年中父母心血幾盡後獲姚師內養秘傳疾漸愈

十九歲丁巳臥病經年始學為詩古文辭

二十歲戊午春夏臥病秋後稍愈端泉五兄亡

二十一歲己未初夏娶吳氏秋歲試入泮

二十二歲庚申初夏外父伯源吳公亡秋生長女至十

九歲戊寅年亡十月蓋修三兄亡

二十三歲辛酉鄉試幾中式復黜始學為詞曲曼園大

兄授御史是年歸陳門嫡姊亡映璿三甥纔六歲

二十四歲壬戌玉峰歲試補增廣生

二十五歲癸亥春生二小女至五歲丁卯年痘瘍澄江

科試九月始讀廿一史史學先君最為淹貫日與講

究頗覺有味不至半途作輟者先君之力六年卒業

二十六歲甲子讀書於洞庭山之微香閣秋金陵鄉試

二十七歲乙丑玉峰歲試秋生大兄至三歲丁卯年殤

二十八歲丙寅澄江科試曼園大兄授戶部侍郎

二十九歲丁卯江寧鄉試生三小女至三歲己巳年痘

殤是秋由五湖宜興高淳東壩經太平寧國訪清弋

江桃花潭汪倫踏歌處泛大江登采石謁謫仙祠歷

三山淮揚諸名勝而返

室明子文集卷下

三十歲戊辰玉峰歲試歸九月初五日先君東臯公亡

曼園兄晉少宰

三十一歲己巳春孀母吳太孺人亡夏血症復發病愈

後潛心十三經者五年

三十二歲庚午丁外艱正月伯母陸太夫人亡十二月

服除以明經授教職

三十三歲辛未秋伯父筠齋公亡先祖考從周公三院

題請送入府庠鄉賢祠

三十四歲壬申十月生二兒名壘冬葬先君於泗涇南

盤龍西官涇橋之右

三十五歲癸酉江寧鄉試春受內弟吳赤霞遺孤之托



亡後代爲經理家政喪葬婚娶三子俱撫之成立二十年中彈壓鴟鴞保全孤子田廬如故古人云使死者復生生者不愧斯言可以自信

三十六歲甲戌閉戶讀書一應子史詩文及各家專集埋頭者又二十年曼園兄服除擢少司馬還朝

三十七歲乙亥經理沈伊大業師葬事

三十八歲丙子金陵鄉試生三兒至六歲辛巳年痘殤是秋南映姪南閣中式

三十九歲丁丑春塋見六歲初識方字每十字中自能識七字董瞻吧先生過舍見之每有神童之譽

四十歲戊寅二月二十七日先母吳太孺人亡卽葬是

室訓子文集卷下

美

年塋兒七歲讀完四書自能講解冬介山姪入泮

四十一歲巳卯丁內艱塋兒八歲讀五經冬經理內姪薪傳姻事

四十二歲庚辰葬大小女於淞塘橋之高阡是年塋兒九歲十二月五經完俱能講解是年魯亭姪入泮

四十三歲辛巳冬生四小女塋兒讀左國史漢

四十四歲壬午江寧鄉試是年和叔奕山兩弟南閣同榜塋兒十一歲讀八大家文及程朱書有志聖學

四十五歲癸未秋曼園大兄亡

四十六歲甲申十一月齊軾七弟亡是年塋兒江陰應童子試十二月代爲吳霑伊章兩姪經理蓋修三兄

### 葬事

四十七歲乙酉正月生四兒至四歲戊子冬痘殤是年同塋兒往金陵鄉試歸家後代爲經理內弟吳赤霞及齊軾七弟兩家葬事

四十八歲丙戌春經理內姪慢亭姻事南映姪補戶部員外卽是年塋兒頗能明理有任道之意

四十九歲丁亥仲春血症復發劇甚茹英弟補刑部主政秋九月二十一日塋兒亡年十六歲惜哉

五十歲戊子得天姪北閣中式冬同大嫂王太夫人雅臨四兄和叔奕山兩弟義葬族伯父仁齋公又同茹英和叔奕山三弟南映姪設義米贍族冬經理內姪

室訓子文集卷下

美

慢亭續誌之事十二月外母馮太孺人亡代爲經理喪葬諸事

五十一歲巳丑二月納妾萬氏三月得天姪成進士入詞林四月葬塋兒於淞塘之高阡冬助映璿陳甥營姊丈陳麟書葬事

五十二歲庚寅四小女受戴氏之聘孟秋朔南映姪赴任桂林七月二十一日葬嘉定王節婦夫婦事詳十

卷七律小序中是年盆蘭開花有十瓣八九瓣不等之異嗣後歲以爲常

五十三歲辛卯秋芳苑二兄亡十一月桂花開大如茉莉經霜雪直至二月下旬始落

五十四歲壬辰共裏趙柳介葬事九月中經理周翰內  
姪姻事即與三子分析訖托孤之事畢矣十二月初  
三日同嘉定王汝師及薪傳內姪往蘇覆舟於黃天  
蕩中隨身衣帽都不著水起立船旁若無事者然日  
已下午喚他舟渡至岸上既而牽覆舟於傍岸檢點  
餘物淋漓殆盡惟襪包內皮襖兩襲併貂帽一頂經  
時從水底撈出水跡不沾一時同行及舟子俱駭為  
神異歸給舟子銀兩令其作速修船以便養家度日  
五十五歲癸巳吳霑姪北闈中式秋奕山弟成進士冬  
葬母舅若訥公

聖明之文集卷下

毛

五十六歲甲午春血症復發秋鶴來姪北闈中式孟冬  
妾萬氏生兆熊時桂蘭並放花經冬歷春百日始落  
五十七歲乙未春料理朱辛與秉士父子兩代葬事冬  
詩集告成

五十八歲丙申首夏妾萬氏又生一子文集告成更為  
料理時耗五十首併附刻堽兒遺稿十首以志痛嗟  
乎予一生學道貧苦自甘行年五十六歲復得有子  
惟與兒輩日後能讀書香弗為名利所誘貫串百家  
潛心理學如是即無遇合我亦大快矣但自笑年近  
六旬一籌未展愧莫甚焉又豈敢與世浮沉不思所  
以加勉哉空明子張榮景桓氏自識

續刊年譜

五十八歲丙申夏第二子名飛熊至巳亥年正月殤冬  
料理再從弟維新葬事

五十九歲丁酉九月十二日室人吳氏亡十三日生幼  
女至巳亥歲三月殤冬卽卜地於三林鎮之南於十  
一月二十一日葬先室吳氏二十四日黎明華妾因  
產而卒子於是日傍晚抵家十二月為三從兄弟辰  
如天如經理生壙更同奕山弟南映姪墓老友俞日  
如董其事者令甥丁昭服也

聖明之文集卷下

毛

六十歲戊戌春空明子續集告成三月鶴來姪成進士  
入翰林冬十一月初三日葬妾華氏并為刊其挹青  
軒稿至本月二十日於邸報中見十月二十五日選  
授崇川司訓

六十一歲巳亥春至姑蘇謁大中丞吳公夏四月領文  
憑於康熙五十八年五月二十四日蒞任秋七月自  
崇至蘇郡九月中旬往江陰送試十月與學使者議  
論不合爰作爭論十二月為三從兄文若經理生壙  
六十二歲庚子春兩目昏花舊症復發三月二十六日  
備文告致棠鎮臺陳公道臺魏公叅戎諸公王周兩  
父母及紳衿兵民等挽留不置子堅辭至再遂於四  
月初一日啓行初三日下午回籍六月中得一子不  
育料理空明子後集至重陽前一日告竣望後西郊

延恩禪院落成應慎微上人之請命兆熊書延恩院  
三字匾額懸山門外冬雅臨四兄亡十二月墓再從  
弟介着夫婦并爲再從兄隆吉經理生墳

六十三歲辛丑二月崇明鎮臺陳公署提憲事來松榮  
性迂疎雖叨雅愛不敢援上及承先施隨全兒子兆  
熊晉謁極蒙格外優禮因作數章以志深感冬十一  
月兆熊讀完四子五經于二十四日讀時藝兼讀古  
文承諸名家過獎褒詞盈帙因刊六齡童子贈言

六十四歲壬寅三月小女遺嫁戴氏是春遭逆孽吳薪  
傳卽冒姓納監之張維熊意圖篡宗謀害幼子遂勾  
合棍犯吳大諫假捏先兄五十年前並無影響夥帳

空明子文集卷下

元

在當時禁止數齡忽借題污穢劈空駕陷棠親邑鏡  
審重微存案七月念一日妾萬氏亡十二月初四日  
接讀 先皇帝哀詔祭隨衆在府堂哭臨三日

六十五歲癸卯 新天子嗣位收元雍正元年初四日  
接 登極詔百寮鼓舞萬姓歡騰四月初四日祭命

兆熊書老幼沾恩四字扁額送府堂上奉謝親侯周  
祖臺初六日率領兆熊拜見兩邑父母俱蒙厚賜因  
作詩以志不忘四月二十一日往余山共襄老友陳  
舍美墓事五月二十三日 皇太后崩七月初四日  
接讀 哀詔隨衆哭臨于 先皇帝行宮中初七日  
蒙高大都督台東下頒殷殷致語因作詩以銘感冬

十月得天陞左春坊左贊善隨陞侍讀十一月初十  
日兆熊大病二十七日松友九弟七十二月十五附  
墓側室萬氏於先室墓側歲除兆熊病愈

六十六歲甲辰春補癸卯正科得天姪典試閩中冬同  
奕山弟南映姪料理芳苑二兄葬事

六十七歲乙巳三月中得天姪陞翰林院侍講學士四  
月初 皇上特恩捐蘇松兩郡浮糧四十五萬兩永  
爲定例臣民相慶共祝 聖壽萬年七月十四日介  
山亡冬魯亭同介山妻曹氏賣房各居十一月十二  
月血症復發兩次歲暮始愈

空明子文集卷下

辛

六十八歲丙午添設奉金南福四縣四月得天姪奉差  
典試雲南府庠郭述堂告致歸里刊兆熊小言集周  
念吾公祖蒞任松親十一月月初七日免雲門戴先生  
往嘉興請熾南汪親家四令愛庚帖與小兒聯姻十  
二月初四日逆孽吳薪傳亡是冬血症屢發即愈  
六十九歲丁未正月初四日同小兒兆熊至嘉興汪親  
家起拜親五月二十二日和叔弟自京回籍十二月  
血症又發即愈江右熊淡岡枉顧

七十歲戊申人日遊橫雲山二十八日鎮臺陳公賜顧  
隨聞 聖上有浙江提督之 命二十九日同兆熊  
進城道喜二月二十八日往祖墓掃松至上巳日登  
澱山頂尋八景杳不可得泛舟薛澱湖中觀漁一樂

初十日南映姪捐河工銀三萬兩奉 特旨加太僕寺少卿職銜以示寵異二十九日二鼓周太尊死於吳淞江壩下四月十八日慶初畢姻二十二日茹英自京回家八月十二日張太尊到任十四日血症復發即止九月刊兆熊試草十月十七日戴婿遷入新宅十一月十四日戴婿得子發興

七十一歲已酉二月初七日崇明左府文侯袁公來遊子門二十九日蚤血症又發夜即至數日而愈三月初十日同兆熊掃墓往上海隨往新鎮至妹丈葉司直家祝舍妹六十壽五月鶴來姪典試廣東江撫參其不由驛站繞道而行奉 旨降二級調用二十一

室用字文集卷下

手

日魯亭姪七秋八月同兆熊往蘇遊滄浪亭半日即歸九月十六日送顧良哉 欽召北上十一月二十二日吳露入都會試

七十二歲庚戌三月初一日得天陞詹事府少詹四月初九日與兆熊行納徵禮十八日刊兆熊試草華學周老師筆峰先生作序

空明子雜錄一卷目錄

日華

月華

碁子

桌異

五通祠

雞饌

辟穀

海棠妖

梅怪

蘭瑞

雪中桂花

芝產梁上

木芙蓉

書稱冤

酒叫屈

張仙寶誥

大士

邑神著靈

三教

咬熟

山左令

無形之刑

人硬貨不硬

士風

笑死

讀書

參易

乘馬客

狂態難耐

關夫子

鄭牛

不知好歹

拉山

唐詩

金廣文

求益

友愬

言語未可盡信

勦襲

神術

村翁

百歲如壯夫

空明子雜錄目錄

空明子雜錄一卷

日華

憶得六歲日未出時早起東望見朝霞半天中間如風車之形旋轉不已遂成一輪紅日至今思之殊未可解

月華

辛酉年金陵鄉試回夜半渡江芳苑二兄促予起坐但見五色月華團圓如數畝之大長天如錦水光燦爛真異觀也同舟之人無一得見者

碁子

壬申春予未有子往杭州法相寺進香事畢解維整理雜物忽見扶手中有黑碁子二枚不知從何處得來至

今猶藏之笥中

桌異

戊辰秋先君東臯公忽見廳中桌子自能行動更兼旋轉多時述之於愚兄弟悵訝不已未幾遭變

五通祠

黃家潭子西向有五通祠作祟特甚受其害者不一家子偶過思欲除之夜夢神告曰姑緩三日予明日即為拆毀是夜隣右聞鬼哭經時而止未幾奉湯撫軍奏准革除

雞饌

昔年聞友朋家將一雞備十八桌菜每誇於人以爲盛

事不勝駭異後讀小言賦有一豨可飽鄉里者又笑此公費用荒唐請客太奢矣

辟穀

予幼時習內養之術連坐九晝夜但覺遍身和暖真蒸充滿不思飲食然後知辟穀非異事也

海棠妖

甲子秋江寧應試家中海棠開花衆人以爲祥瑞不知是年幾病死塲中號軍扶歸後甲申乙酉丙戌三年九月間開花特盛丁亥年身大病秋墮兒亡

梅怪

戊子六月梅忽開一花大如錢是冬四兒痘殤

蘭瑞

庚寅七月葬王節婦字蘭之後盆蘭試花內一兩朵每有十瓣八九瓣雙心不等諸異自後歲以爲常

雪中桂花

辛卯十一月冬至後桂花忽開五朵大如茉莉經霜雪不彫至壬辰二月中始落甲午十月初二日庭中五桂並開內一株花獨不落直至新正元夕後始謝是時正得兆熊算兩次花開帶雪更覺鮮好芳香逾烈俱經百日以外

芝產梁上

壬辰冬芝秀堂中梁上忽產靈芝四朵予懼德不足以

當之旋即採去

木芙蓉

舊廳後有木芙蓉一株十餘年不凋者老幹拂牆高三丈有奇發葉後宛似梧桐秋深開花爛熳花圓大如牡丹顏色嬌媚見者無不驚異以爲從未曾見此奇花

書稱寬

獨居一室忽聞書簾中稱寬不已知爲破書作怪也問之應曰別人家裝釘完固珍藏以充玩好子獨不顧性命將我戕賊如此能不稱寬子自知理短亟避之

酒叫屈

又一日行過酒甕邊聞有叫屈之聲予問之答曰子一

生涓滴不飲何爲詩文中每多沉酣爛醉等語是我從

三

未嘗滿君之腹而君每陷我爲腐汝之腸也豈不可恨子應之曰今受教不敢復然矣

張仙寶誥

張仙寶誥者朱國士世兄見貽者也云求子得子百不失一子令衆妾持誦內萬氏持之最誠一年果得子

大士

甲午歲朝四更時萬氏妾夢至大士殿上進香忽見大士下座將手向氏腹上三按曰好生男子是年十月果得一男又往年五十一歲時托人普陀進香香客回據云必有子然要至五十六歲今果然亦靈矣哉

邑神著靈

予從戊子歲喪子後納兩妾一姓萬一姓華隨往上邑禱之於神求一籤籤經云圓爐覓句酌金罍撥盡烏銀喜更增萬事遂心溫飽處箕裘永慶納遐齡意謂得子必在萬氏併必在冬盡春初時也孰意一隔五載音信寂然至癸巳三月十八日又向神求禱仍是此籤予又叩求乞明示何年生子籤首句云覓得金瓢吼玉驄私心謂必在午年矣更轉念必問明生在即月何日又得一籤云桂有香時菊有芳碧天雲淨月輪光西疇刈獲收成好鼓腹高歌樂歲康因想春初坐胎十月生產頗有關合歸家將籤經收藏訖至甲午孟春果受胎至

金明子雜錄一卷

四

九月盡十月上旬欲產不產者再舉家皇皇子曰神已告我矣必在望之左右是時桂花忽大開菊花亦正放至十二日夜月更光明異常十三日已初兆能降生矣可見神之英靈不與宜乎幾百年來邑人崇奉之者特異於他邦也神姓秦號裕伯本邑人仕元入明在生有文望歿而爲神聰明正直福庇兆民時在維揚海洋等處歷著靈異海邦人俱能言之爰贅數言於篇末以志景仰不忘之意云爾

三教

孔子儒教之宗老君道教之宗如來釋教之宗孔子之後無孔子老君之後無老君如來之後無如來奈何世

之人於儒道兩教俱信為不得其傳矣獨於方袍圓頂之流則曰此佛家弟子不惟奉之方將倭之吁愚甚矣

### 交熟

一日狗咬其主主叱之狗忽作人言曰相熟的好咬

### 山左今

昔山左一令政尚嚴酷民無完膚一友寄之詩結語嘲之云莫怪鳩形與鵠面如傷想見古人刑今聞而悔之力改前非後有政聲擢臺垣可謂勇於遷善者矣

### 無形之刑

五刑者有形之刑雷者無形之刑然世人於有形之刑慙不畏死於無形之刑則稍稍畏之然而猶幸有是也

聖明子雜錄一卷

五

設使併此而不畏我不知其放辟邪侈又當何如也

### 人硬貨不硬

或有勸予出仕者予對曰士人立身修行苟不從正道出身雖欲做好官誰得而信之倘遇凌侮敢倔強乎諺云關雲長開腐店人硬貨不硬此言雖俚可以借喻

### 士風

昔潘春江告予曰故明士風有三變江陵當國則羣而師生矣魏璫扇焰則羣而父子矣幾社惑世則羣而夫婦矣由師生而父子由父子而夫婦士風安得不壞

### 笑死

隣人有一笑而殞其生者所以近今文集不宜輕易開

卷是亦保生之一道也

### 讀書

近見富家子弟往往不肯讀書父兄亦不教以讀書因而遠正人親匪類以致辱身賤行有不可勝言者間有垂敗回頭之子希一官以規利總未知禮義廉恥為何物也凡為父兄者可不戒諸為子弟者可不勉諸

### 參易

嘗讀易至作易者其知盜乎以為能偷天地不言之秘也後來學者不知費了多少工夫纔識得一箇盜字

### 乘馬客

虞山有一客不識物性素愛乘馬偶至海濱見一大水

聖明子雜錄一卷

木

牛意謂此牛必能勝馬十倍亟買歸錦鞍玉勒裝飾完好遂乘之無如賦性魯鈍不堪驅策因歎曰如此冥頑不靈之物安用頭角崢嶸為

### 狂態難耐

有一不相識之人毆父特甚其父告之於予予呼其子問之答曰此老狂奴故態難耐

### 關夫子

增橋關夫子最為顯赫一日予往拈香夜夢神告予口為我分付廟祝亟為掩門不得復開予問何故答曰彼來來往往諸朋友看來俱不堪相與

### 鄭牛

昔時鄭家牛觸墻成八字人共詫之以爲此牛頗能書字傳爲佳話予笑曰書則工矣可惜字識不多

### 不知好歹

鄉隣有他徒而遺其狗者狼藉狂吠衆欲殺之予憫焉收之家中其夜嚙門不已秉燭視之門已破矣噫是狗也真所謂不知好歹者也

### 拉山

山水天下之公物也才人借遊覽以資吟咏者也偶過武林遙望一峰可愛訪之知爲村農拉爲已有叩門不納遂令泉石韜光松筠掩秀使山靈有知能不悵恨

### 唐詩

李嗣子雜錄一卷

七

閩唐人詩孤衝官道過狗觸店門開爲當時稱賞然其意不過謂眼中所見者皆孤羣狗黨也罵人亦俊矣哉

### 金廣文

老友金德藩先生以名孝廉秉鐸壽州士子奉爲泰山北斗後因保護聖殿培植士類觸上官怒劾之而歸然先生之視去職猶棄敝屣也壽人至今追慕不已先生才高一世著有垂世芳型秋谷文集行世

### 求益

作詩雖非易事何至背理不通若至背理不通正當刻意研究豈可畏人彈射拙刻惟望諸君子指摘而教誨之使將來續集不至荒繆特甚則受益弘多矣

### 友愬

吳人得罪於朋友朋友怒甚愬之於其子其子忿然作色曰說也無用話也可醜只恨我先祖死得太早了以致不曾教訓得他來

### 言語未可盡信

宋時三吳間有農家者流因兒子作宦之後一日忽向隣人說謠云出角戴紗帽可恨我一生出了角並無紗帽得戴小兒角尚未出紗帽倒戴得好好的可見事在人爲即古人言語看來亦未可盡信

### 勦襲

偶與次鄴論三代以上書經皆典謨訓誥之詞易係卜筮之書除二者外士無文章所以古之人無處勦襲不知省了多少筆墨近來士風不振剽竊浮詞攘爲己有遂足爭名奪利鼓動一時矣次鄴曰此亦時運使然目下更可異者無論山歌小曲也要套寫一番即如昔所傳小曲云送情人直送到丹陽路你也哭我也哭趕脚的也來哭你兩下裏調情也我的驢兒受了苦今人依樣葫蘆亦作一曲云送情人直送到嘉興路你也笑呵我也笑呵呵搖船的也去笑呵呵你兩下裏調情也我的檣人兒也要裝在檣子爲之拊掌不已因謂次鄴曰似此抄法大是可人憑你恁樣人做主司也要取他在第一了次鄴曰誠如尊論無怪乎今之學者必要勦

李嗣子雜錄一卷

八



裴前人之文也

神術

浙友陳見清年七旬外工詩精於地理甲午正月至于舍遍觀內外因指一室曰此室中今年應得子因繪圖以示必信又一瞽目星士王道初係新安人庚寅春推五星剋度以下十年休咎據云甲午年必得子嗣後歷試他事不爽毫髮至甲午十月果得子一則決於五年之前一則決於本年之內兩人之術俱神矣哉

村翁

村翁告子曰目今鄉民甚刁不一而足前取租時有一莊家穀米俱已用盡止存稻柴一堆不得已載之歸家又春初曾積柴幾担以供卒歲之需至則又俱賣去矣極力爭之止償米數斗求米得柴求柴得米兩件算來吃虧大半鄉人之可惡如此予笑曰君真奇人有此奇遇燒米吃柴大是奇事

百歲如壯夫

湘九顧先生子七八歲時即與相識五十年來面貌不改人共異之不知其壽幾何大約百歲以外人也平生雅愛讀書手錄時文五千七百首詩古文辭及廿一史不下幾百卷著書等身所佔竹木環遶名花數百本雜卉無算焚香瀹茗美酒佳肴以供賓客歲以為常時或逍遙物外訪戴聽鸛又或千里訂交不苟然諾令子兩

人俱能讀父書不與門外一事家庭之間雍容和順真盛世之禎祥也年齒雖高而精神步履如三十歲人口若懸河議論丰采傾倒一世想古來之所稱地行仙者殆其人歟

李節珊先生曰集中所載本善善長而惡惡短之意發為有功世道之文立心制行胥于是乎見故風雅而兼醇儒先生誠足當之無愧至雜說一卷又以滑稽之口為嘻笑之談觸機涉趣皆成絕倒或疑其近于刻而不知皆有所託焉不可以正言也則反言之不可以莊語也則微言之高唐神女獨非古人寄託之所在乎乃知才人之筆何所不可時而賈董時而

規朔信乎其為空明子之文也不以文害詞不以詞害志乃可以讀先生之雜說矣

空明先生詩文後序

我鄉空明先生夙稟異姿網羅千古貫串百家兼練習時務視一世事若無足爲者乃戰藝再慶寂處菰蘆中三十年來絕無歎老嗟卑之意平生耽著述不屑效近人多作酬應以盜竊聲譽故凡樹文壇之幟者皆不識先生而先生曾不願爲之識也二三君子相與哀集謀所以梓而傳之不佞曰此烏足爲先生重哉珠璣錦繡何如布帛之文海錯山珍不若菽粟之味何者待用殊而久暫異也若先生之敦宗黨重交遊恤孤發埋齒掩骼濟弱扶窮種種善行皆足以砥薄俗而障頽波不此之貴而彼之崇無乃顧其末而遺其本擷其華而忘其

空明子集後序

一

實乎諸君子曰先生之德行固不因詩文而重而亦有見於詩文者或弔古抒懷或寓物言志皆有人心世道之係焉要之機杼獨出不以摹古見長質不傷俚華不近豔巧不至纖而孝悌忠信之旨時時流露於其中安見不足爲先生重耶借使豐城之劍終秘其光何以來雷張之神鑒則先生之詩文正不容久貯於名山也今聖朝取士不遺山澤先生髮雖白而神正旺尚思得當於世一展其底蘊安知將來之著作不於先生是賴乎此特吉之羽豹之斑欲使食鷄跖者因是而得其全也不佞聞之更無以相難遂相與論次之得若干卷云先生姓張氏諱榮字景桓幼時攻苦得咯血疾因習導引

之術而深有所得焉故更號爲空明也時康熙四十五年歲次丙戌仲秋世姪朱棟秉士氏拜草

空明子集後序

二

空明先生全集序

先生樂道君子也。上自秦漢下至六朝晉魏百家諸子，無不口誦心識，探其源流，故發爲詩歌，涵之有本如挹水於河，出之無意如取火於燧，施之有度如從木於繩，行有規而步有矩，如範金於函而挺土於陶，其詩已浸淫乎漢魏，不屑與後之人比聲繫調。至傳記諸體，大言炎炎，偉哉經世之文，則韓潮蘇海足以當之。夫韓非波瀾之謂，潮蘇非汪洋之謂，海昔昌黎力起衰敝，不遇於時而遷之，潮子瞻志在匡救，不容於世而徙之，海由是浩瀚無涯之意，得自縱於高天厚地之外，以寫其所欲言，故歷境奇而文益奇。先生處坦然之境，爲文亦奇者。

空明先生全集序

心曾無所不有，目空天地而有得於道深也。且夫文以見道，先生之於文可謂閑中而肆外矣。在易畜之象曰：君子以懿文德。又曰：君子多識前言往行，以畜其德。德者道之本，樂道者君子之事。讀先生之詩文，無不知先生爲樂道君子也。蓋惟先生能以道自重，吾黨因誦其文而言其樂道如是，學晚生鍾吳來拜草。



空明先生續集叙

或謂詩賦一途，隨世代以爲上下，三百篇猶崑崙至於六朝，漢魏猶龍門積石泊乎三唐，猶溟渤尾閭由是言之，其在今日皆爲溝塍溪澗之細流乎？反覆空明先生之續集，何其軒古而輕今也？大凡才不足以滿其量，學不足以副其用，往往假清真以文其陋，託恬適以蓋其庸貌，豪放以飾其粗，內鮮墳索以爲基，外爲奇詭所降，伏寧能油然而感，粹然而成，聆之杳然而控之渺然者乎？先生之詩非以字句爲古，而在意旨之超忽，旣以格律鳴高，而又氣象之渾涵且濶，以晉宋藻以梁陳沉九淵而不卑，亘九天而不亢，卽起蘇李屈宋於今，操以觚

空明先生續集序

而授之簡，無能掩其光芒，而奪其燿燦，佩服九章之衣，陳列八珍之味，氤氲五齊之醲，彼衣皮茹毛，缶飲匏樽，可得而頡頏歟？至若賦記諸作，體骨高凝，旣不強情以就事，亦非歸事以待情，賦西都者出比目，賦西京者游海若，上林之虛，橘夏熟甘泉之玉樹，菁蔥昔賢名篇，亦有可議，而先生則出以自然，造乎獨絕，飲食乎元釋而枕席乎烟霞，寓沉鬱於飛揚，含剛勁於婀娜，與會所觸，偶然欲作，不假思維，刻期隨成，又誰云疾趨無善趾，急彈王雅操耶？乃就中浮雲一賦，尤爲私心所欣賞，彼夫曲池平而高臺傾，城復隍而波沉鼎，西園不可藏南山，安能錮世間完美事一切等浮雲？君子亦持其所不去。

者以玩其所常去者非先生悟色空而契真宰能爲此  
曠然見道之言乎有是哉崑崙之發源也由龍門積石  
之遠而後注三江灌五湖以歸之大溟先生之詩文大  
而有本則誠如是而非以世代爲上下者得以附會其  
說若夫假雨集以盈渚決堤岸以成波非不聲華奕奕  
傾動偶儕由君子觀之得無過情否也年家晚生李如  
泌拜草

空明先生詩集序

蓋昔三百篇爲吟咏之祖後之作者自漢魏而下盛稱  
唐人然求其實有合乎三百篇之遺意者李杜諸君子  
而外寥寥可數因是以知作詩之難也詩之妙境無不  
曰真然而真則近於樸無不曰幽然而幽則近於晦又  
其甚者牛鬼蛇神俚詞麤句變怪百出又何足以云詩  
詩之至者在乎道性情性情所至風格立焉華采見焉  
聲調出焉由本而立不可偏廢也夏初叔岳景翁先生  
以詩稿見示受而讀之其穠麗處似義山其真摯處似  
少陵其跌宕處似青蓮其奇崛處似長吉既非臺閣之  
癡肥亦異山林之寒瘦曰驚喜曰詩之至者其在是矣

獨是方今

聖人建中和之極天章雲漢玉振金聲一時士大夫無  
不屬拜賡歌以鳴當世之盛先生宜出其才藻以輔  
太平將燕許大手筆不是過矣顧乃閉戶著書染翰自  
娛不獨知先生才之高而并以知先生品之卓行之純  
也康熙癸巳長至前五日北平姪婿吳文炎拜識

空明集題詞

我登君樓聞君樓上語下牀下士笑如蒼蠅聲我登君樓聞君天上語倚樓拍手如聞鸞鳳鳴鸞鳳蒼蠅皆羽族各自飛鳴各自宿靈霄心事豈相關一任海邊臭競逐何勞牀上牀下恣腹誹又何勞天上地下妄度卜地用劉棻州世號語爾不見水月先生如水鏡藻鑑人倫無遁影骨正神寒天所欽忍將筆墨汚凡境公卿熱喚頭不回巢許冷嘲識自定於家於國潔於珠於人於我空於磬又不見楠下有人可笑人可笑人笑君所親吟詩不成甘腐老求富不可安素貧呼牛呼馬亦呼官官與牛馬原比隣罵古罵今復自罵自罵原知今古真吁嗟乎惟君

空明子詩集題詞

知我真引我登樓寧願頰谷水寒雪看萬葉淮海豪氣能長伸州名雲中鶴水中鱗花亭羽本高海陵龍久馴吁嗟乎惟君知我我知君更真

登樓歌答和

景翁先生並題其集奉求教訂乙未暢月望前一日吳陵同學姪楠下俞楷謹草

空明集題詞

雄譚虎觀舊明經嘉遜丘園世所型執戟不求方朔米吟香時訪浩然亭空階紫鶴移茶磨遠浦竿舟戀月汀一笑東華車似水爭從大海逐風萍屬耳卷阿待鳳鳴豈期品壺逢幽情論文永結芝蘭契擲地時聞金石聲宛委圖書閒整頓辟疆園榭好經營欲尋樂事譚名教木屑霏霏滿座傾早賦初衣樂考槃置身真覺海天寬品題煙月心何綺揚花風騷論不刊擲管花生青玉案垂綸夢繞白鷗灘相於莫把行藏較酒冽茶清每盡歡名高藝苑數文雄方駕鄒枚孰與同著述千秋扶大雅

空明子詩集題詞

交遊四海惜飄蓬開樽待月留雲伴過雨看花要日烘恕我清狂情不淺春溫時被柳絲風

次李節珊原韻四首呈

空明先生兼題其集併求教正懷鼎吉鏡淳氏具草

空明子詩集目錄

卷一四言古詩

翁馭臣見遺璽石八章 泛舟拜先君墓八章

渡春申江三章 公無渡河三章

送魯亭姪應試八章 酒箴四章

泊舟泰望山下三章 黃鳥三章

訪友不遇六章 棲隱五章

庭桂五章 觀奕六章

自勉詩一章

卷二五言古詩 附五言排律一首

紀遊五十韻 草根

空明子詩集目錄

渡春申浦望泰山 好女篇

賣珠行 甲子歲平臺灣歌

數詩 虎災行

憶填兒二首 遣五五十韻

孤鶴吟 美玉篇

題虞山拂水岩 在家樂

游仙

述祖德一百韻

卷三七言古詩

出門行 變行路難

猛虎行 君不見

叢桂歌 燈夕歌

夢上天 閒步有感

中山狼行 甲子歲開海禁歌

求張子房 吳門春田歌

耕牛歌 答潘層峰

月牙池歌 游仙詞

黃耳塚 江上遇百歲老人歌

估客樂 贈儲六雅

卷四五言絕句

有客 閒吟二首

君山閒望 七夕

空明子詩集目錄

登城樓晚眺 試前一日作

偶成 夏日雜咏四首

泊舟高淳 桃花潭

清弋江 池陽道中

由宣城至姑孰 嘯蟹磯

望夫磯 慈母磯

天門山 采石磯

江行望儀真 淮陰釣臺三首

平山堂 白鷺洲

京口 玉峰

寒山 白雲洞

龍門石	華山寺
天平山	虞山麓有見
齊女墓	劍門
山頂望海墩	鵲鵲峰
范園	虎丘塔
試劍石	劍池
千人石	點頭石
崑邑野獐峰	石上松
贈友	斜日
泊舟半塘	月下吟
舟中	見萱花
空明子詩集目錄	
贈儲六雅	贈濮邨兄
贈金德藩	贈俞楠亭
贈錢介維	贈陳含美
贈顧湘九	贈潘層峰
贈懷鏡濟	贈儲定伯
贈李節珊	贈汪錦江
贈梅花主人姚子文	戲贈西溪主人六首
憶得五首	自題
戲諭大兒兆熊	又諭二兒飛熊
悼亡室吳孺人二首	愛山
卷五七言絕句	

小山看桂二首	戲筆
春日	湖上湧賦
元墓方丈口號	柳枝詞
蕙蘭三首	牡丹
花下口占	可憐
自憐	壬午歲 南巡歌六首
閒情二首	和陳岱周贈言四首
題鴨戲贈	題鶯戲贈
一江	和貧境韻三首
千葉桃被蛀	戲贈
誓時	攜華履仁登虎丘
空明子詩集目錄	
常熟尚湖	虎丘後山
贈不倒翁二首	拈上下平各十五韻
泛舟昆承湖	朱涇道中
學仙	參道
黃耳塚	
附八言絕句	
遺妓	
附九言絕句	
苦雨	獨坐
卷六五言律詩	
春日	九日

秋杪卽事

晚泊申江

朝發

涇縣道中遇雨

爲四兄賦得孤鴈

日本五月菊步韻

春風樓小飲

雜興

過海會寺追和家君東臯先生韻

舟中

落照

早春

泛舟泗濱

賦得桃花亂落如紅雨句次七弟韻

海塘晚眺卽事三首

九峯道中

宿石埭村庄

美人汲水

和廣陵客橫潭步月原韻二首

空明子詩集目錄

五

上已

廣富林

舟行卽景

山中

渡黃浦

筠溪故里

展祖墓

泊舟秦山

本句迴文

當句有對

上邑神廟東園

訪家蓬園叔

酬樸村大兄

寄伊章五姪

舟過丹陽城霞閣

雨花臺酒樓清唱

石帆山

燕子磯夜坐

金山小憩

自怡

晚七室吳孺人四首

晨起

贈華妾

卷七七言律詩

雨窓和家嚴東臯公韻

九日

題迺暉閣

古沐堂小憩

九日筠溪偶步

至日泊吳淞江口

落梅

憶西湖

浦行五首

望夜郊行

咏柳步符匡世韻

松毛塲晚泊

放生池閒眺

過西泠橋

蘇堤晚望

法相寺禮定光古佛

謁于忠肅墓

同吳赤霞坐冷泉亭

空明子詩集目錄

六

觀五色魚

武穆王故宅題孝娥井

上吳山第一峯

自湖上歸白龍潭觀劇

閒窓呈薇尹宗兄

梵元國主

賞紫牡丹時暴雨損花

白公塘晚發

過吳門

憶得

過清溪

次世修舊味原韻四首

岫雲堂詩賦贈王朗菴

破帽次趙柳介韻

賦得雨中春樹萬人家

春來

經高陽故居

山行卽事

渡江愁金山

西施裝似楊妃菊步韻

寄懷樸村大兄二首

君山弔古



贈曉峰禪師

和旅山和尚窮詩

七夕步芳苑二兄韻

登采石望大江

迷懷步齊軾七弟韻

登莫鰲峰望震澤

洞庭山微香閣夜坐

和松坪東洋夏菊原韻

賀朱辛與入泮

寄姚殿颺

元夕持齋

戲東朱辛與

咏人面桃

答贈范春江

晴窓對梅花

閒愁

憶趙虎文

戲贈

酬友人都門湯興

郊外閒吟

飲翁馭臣齊賦謝

同舍美濂溪觀劇

空明子詩集目錄

七

卽事

小院懷趙晉藩夏善長

牡丹二首

舟行雜感二首

乙酉金陵歸家作

病起有懷寄黃劍威

擇吉壤卜墓族伯湯賦

又雨

歸棹寄顧湘九

窓前山茶

春日卽事寄湘芷外史

賦得梅花落地魚鱗薄

夜坐苦雨憶董瞻吧

午睡憶奕山十一弟

戲東朱乘士

龍燈六首

贈姚子文

花下小飲三首

訪李節珊

味復齋綠萼梅二首

卷八七言律詩

綠牡丹

牡丹乍試一花作

賦雨中牡丹

有感

與玉英兄坐話有感

夢壘兒作

夜坐二首

奉酬隱公大師範章

答自策禪師步原韻

擇居

寄玉壺子

坐對梅花憶孟昭姪

閒感

展墓二首

返棹

登崑邑文筆峰

四兒痘瘍

示諸妾

遇仙

詠柳

無題

雨窓寄錢介維

空明子詩集目錄

八

子家婢妾

獨吟

乙未二月抱秦松兒

燈前菊影

贈魯菴上人

答和俞梅亭

對梅花

小齋坐雨寄唐春皆

贈舍美

和于南田贈言

寒食赴層峰酌

吳滄雪舉第四子

戲東金德籙

得第二子飛熊作

與朱北才閒叙二首

招張玉田小飲

喜沈耀遠過訪

重陽後攜戴嬌泛舟

練川王汝師

閩南映姪四吟稿

義興儲六雅晏集

去冬田租

晚霞

渡春申江

自虎丘步至 萬壽壇

支硎晚眺隨喜法螺菴

自法螺菴拜趙凡夫墓

自趙墳至千尺雪

自千尺雪至華山

自華山至范園

自范園至龍門

重登天平山絕頂

自天平山至舟中

自吳門至常熟

虞山謁言夫子墓

登常熟西山望尚湖

自常熟歸舟中作

王範之先生在顧留飲

過維新弟墓所

臥病

小窓

病愈獨坐

病起看兩兒閒耍

無題題文二首

經營壽域

墓先室吳孺人

贈蔣漢襄

華妾產亡

題李節珊書額

墓俞日如

造辰如天如生機

贈何秉策

贈王子周先生

卽事題文四首

游仙

送吳雷四姪計偕入都

臘月二十四日家燕

六十自壽

空明子詩集目錄

九

空明子詩集卷之一

古婁李節珊先生選

華亭張 榮景桓著

翁馭臣見貽瓔石

有客有客遺我瓔石載爛其光百朋之錫

太山之巖華嶽之巔大小雖殊勢同插天

下通一洞宛若飛來名峯又如劍門名山劃然中開

其聲嗶嗶厥色蒼蒼允矣瓔石洵美且臧

天地之英日月之精孕此奇石價比連城

或擬壽山名石或方靈璧名石玲瓏嵌空無此奇特

匪石之石墨玉是寶匪玉之玉玄圭載好

心焉愛之何日忘之良友之貽子孫保之

泛舟拜先君東阜公墓

我舟既東我僕既從鼓我桂楫泛彼蟠龍名

泛彼蟠龍官源之陰作城鬱鬱松栢成林

松栢成林有巢其鳥爰飛爰止其鳴載好

其鳴載好悅我神明清酒三爵來格來歆

來格來歆綏予眉壽源遠流長積善昌後

積善昌後在彼心田蒼蒼然相孫子綿綿

孫子綿綿前人之澤說禮稱詩莫忘世德

莫忘世德小心翼翼俾我後人古訓是式

渡春申江

維彼申江承流衆湖秋雨扁舟傷如之何

其傷維何東南澤國百川沸騰害彼嘉穀  
南有申浦北有吳淞賴以宣洩萬壑朝宗  
楚相舊迹亦歸於海視彼禹功澤流千載

公無渡河

公無渡河載笑載歌我有旨酒樂彼山阿  
公無渡河來日無多雖抱忠信終焉弗過  
公無渡河瞻彼洪波載胥及溺傷如之何

送魯亭姪順天應試

北望神州路阻且修欲行不行遊子何求  
整我書劍備我乾餼命彼僕夫不遑遑遄  
家有老母旣白其頭微祿不及亦孔之羞

空明子詩集卷之一

二

前車旣戒載奔載投過都越國朝夕弗休  
瞻彼茂林陟彼高丘履彼猷猷麥浪成秋  
薰風南來吹我輕裘心之憂矣涕泗橫流  
爰至 帝京身易自由訪親謁故誰與爲謀  
勉爾試畢早卜去留一鳴得意莫學蟬蛸

酒箴

戒之戒之酒醉亂思勿謂吾喜能令志移瞻彼古人衛  
武可師

大禹至聖乃惡旨酒況爾後生麴蘖爲友是曰侮聖日  
敗爾守

其醉伊何語言顛倒視爾難扶棄捐中道我思往昔心

焉如壽

豈無李白還有杜康放蕩禮法名曰酒狂願爾勿耽何  
用不臧

泊舟秦望山下

我瞻秦望在松之陽草木暢茂鬱乎蒼蒼日月過邁照  
彼崇岡挺然秀拔保障一方

亦有古栢鳥聲磔格最著神奇飛來片石朱砂一澗瀉  
丹流赤勝景弘多神仙之宅

我來自松憇此小船極目山頂如雲麗天何時攜杖莫  
惜華顛一望東海煙霧茫然

黃鳥

空明子詩集卷之一

三

黃鳥黃鳥爰藏于栢允矣君子出處不苟衙門樂饒古  
道是茂

黃鳥黃鳥亦鳴于桑允矣君子德音彌章如圭如璋令  
聞孔揚

黃鳥黃鳥亦集于松允矣君子共仰高風何時變化爲  
雲爲龍

訪友不遇

我來自南駕彼兩駟兩駟旣好馳驅孔道

薰風吹衣楊柳依依爰有小鳥載鳴載飛

我車旣速我馬躑躅有美一人在河之曲

佩服純素如豹隱霧玉韞山輝德音遐布

我瞻高山巨川間之何彼榜人不我來思  
心之憂矣如渴如饑一水盈盈門掩斜暉

接隱

駕彼輕舟既和且柔青峰夾岸綠陰凝眸載笑載言以  
邀以遊

誰謂水長不盈一線誰謂山遠不容一箭水光山色片  
時轉變

爰有翡翠集于平林亦有鯢鯢沫于江澤鳥欣得食魚  
何以任

瞻彼魚鳥殺機不測矧矣世人朝不保夕憂心悄悄天  
地踟躕

空明子詩集卷之一

四

訪彼至人一反其真樂此空谷不染纖塵優哉游哉莫  
與問津

庭桂

庭前雙桂鬱鬱蔥蔥爭榮發秀枝幹凌空  
浴日沐月弄雨吟風有鳥和鳴如鼓絲桐

載爛其花香氣降臨無遠弗届四達旁通  
瞻彼庭桂老而彌雄何彼朱顏頽然竟翁

斟此鸚鵡酬彼蒼穹我欲問天烟霧濛濛

觀奕

我觀碁譜理合陰陽象天之圓則地之方三百六十一  
十九行中虛一位太極混沌

子分黑白亦玄亦黃先侵四隅後伐中央偏師直入銳  
勁莫當兵驕者敗寡勝者昌

方城列陣正堂堂兩國交綏破斧缺斨既敗之後猶  
用提防明修棧道暗渡陳倉

雖擅國手謙讓未遑一着不到全局受傷雖曰後學未  
可輕量不測之着神仙受降

機心用盡殺氣方張或如拉朽或似摧牆負者色變勝  
者志揚爲我覆局得失兩忘

自勉詩

兩儀默運四序代遷春英灼灼桃李闌妍棲禽和鳴游  
鱗躍淵野草抽綠高樹發鮮麗景眩目裙屐聯翩忽焉

空明子詩集卷之一

五

入夏風捲柳綿反舌無聲燕語萬千紅榴呈錦池沼吐  
蓮流金燦石竹裏揮絃大火既西涼颺自天新螢點衣

氣爽朝煙梧桐隕葉玉露娟娟衰柳斜陽一聲鳴蟬未  
幾懸蟬床下盤桓築湯納稼報賽大田寒氣入室朔雪

平川萬卉凋落以謝華年少者易老老者可憐千古常  
存惟有聖賢程周朱子先我著鞭時手不再朝夕乾乾

聲應氣求相與勉旃

空明子詩集卷之二

古妻李節珊先生選

華亭張 榮景恒著

紀遊詩五十韻

朝發沈涇塘冉冉春欲暮龍孫透屋角新柳搖蓬戶石  
梁枕廬山荒城臥卒伍桂楫鼓吳淞安流頌神禹玉峯  
雲外來日色已傍午未幾晚霞生明月穿花塢比戶寂  
不譁爐煙飄一縷晨興至吳閭泉石恣探取禪房竹木  
幽下院聞鐘鼓美彼賣花翁我不如老圃攜筇入東城  
仙觀勝玉宇中建 萬壽壇四旁列歌舞雲錦織天孫  
爛然五雜組刺史俯道旁中丞盛鹵簿應接煩不暇暈  
眩同聾瞽急辭熱鬧場登舟泛江潯移棹來支硎巨川

空明子詩集卷之二

一

接樓櫓奮步踏山顛餘勇猶堪賈一望震澤遙去天纔  
尺五清嘯和松籟深洞雲吞吐壁立勢插空龍門若劈  
斧或如蹲青獅或似臥蒼虎回首望白雲如凜凜猶戰  
股下有忠烈廟知是范氏祖遺澤及子孫勲業著公輔  
閭世產名賢天降姬申甫瞻拜一俛仰盛德邁今古爰  
命舟子前速發莫我近去如鳥出巢疾比矢離弩聞彼  
海虞山髣髴神仙府舒我憤悶心療我饑渴苦浮雲生  
涼波孤鶴橫霜羽蒼翠添山色城郭若圖譜先謁言子  
墳西山禮真武後有天姥祠遊屐滿廊廡前臨萬頃湖  
極目迷遠浦怪石難狀描瓊瑤雜硤砧層巒更嵌空低  
就宛首俯劍門劈劃開一線青天觀高岡架紫玉絕巖

堆紅腐誰爲通此徑天龍倩八部或者五丁來用力還  
須努煙嵐真高曠拂水散靈雨惜哉尚湖濱釣魚傳尚  
父仲雍自西來何爲去樂土低徊不忍別恨少手板拄  
解維整歸橈寄語謝天姥異日訪仙踪與我劈麟脯邀  
彼橋中叟圍碁一決賭倘子不憚煩勝遊容再補

草根

小草池塘發逢春著意嬌接天同一碧伴竹影蕭蕭水  
際增媚媚綠絲山入望遙數名千萬種弄色逞苗條回青  
輪初嫩潤豔勝桃夭得露隨時長因風惹火燒入夏益  
繁茂經秋葉漸凋霜老變顏色凌冬嘆寂寥元氣歸根  
抵明年發楚翹誰人知此意蘊蓄在今朝

空明子詩集卷之二

二

渡春申江望泰山

道路綿綿以迢洪川實閭之景崇殊寥廓裁取來何遲黑  
雲生悲風江草入夏萎吹浪波倒立仰水笑鷗鷺長年  
自不驚此理亦易知譬彼乘馬者疾徐得其宜譬彼操  
觚者擒縱任我施事無難與易要在識安危路入蓮花  
浦泰望天外垂佳樹薜蘿翠風急如捲旗山色入夕好  
衆鳥欣託居古來英雄人每被世所欺王氣烏能壓神  
仙徒爾爲東海多誕語鞭山事可疑回想秦皇帝曷以  
至於斯

好女篇

西北有高樓好女當窓舞屏圓北山雲花落西軒雨獨

守愁空房落日照南浦紅豆寄相思閒拋話鸚鵡梁燕  
殊無聊池塘震蛙鼓夜靜懷所私對月良自苦冰玉既  
不堅毋乃類賈午所適嗟匪人饑蛟遇渴虎薄倖耽新  
歡棄置同在替漂零悲入籍眉黛羞翠羽際此道路艱  
悔不早師古遙遙望故鄉高樓誰復主

### 賣珠行

世事盡屬假安能有一真但看賣珠客新舊錯雜陳夜  
光不復見照乘未有因何爲居列肆壑斷來往人漫將  
魚目混高價等奇珍利口相誇耀簸弄彼愚民百粵山  
險阻合浦愁沉淪藉此數顆珠銷此百萬銀嗟爾賣假  
物累我衆庶貧聖人絕淫巧風俗漸敦淳寄語秉政者

### 空明子詩集卷之二

此理合講論崑山不產玉白石空磬磬

### 甲子歲年堂詩歌

天下既大定聖慮過海宇緊彼不臣者據險方蠅聚  
擄掠及海邦稍縱劫申浦此寇來何頻天子赫然怒  
爰命大司馬遣將特振武高樹爾戈矛多給爾弓弩有  
苗不率化折衝勞亞父大開細柳營環水列樓櫓賊且  
倚山海逢逢震鼙鼓我師不速戰兩階舞干羽此寇果  
投誠德化非小補

### 教詩

一畫啓文明河圖次第呈二儀昭變化聖哲及時生三  
代文章盛詩書備縱橫四方宗魯國後學得章程五色

填詞采鑿鏘比鳳鳴六書傳瑰麗龍鳥見崢嶸七聖源  
流遠尼山集大成八風煦庶物世運際昌平九有知倫  
紀愚蒙化俊英十年參性命我道守理理

### 虎災行

白下多虎災山僻鮮居民日晏早閉戶猶虞橫噬人烈  
風助其威怒吼揚沙塵侵鬼嘯巖谷傍晚閃青燐父哭  
兒不見夫覓婦經旬行旅盡蕭索草木失陽春聞之心  
戰慄汗下欲沾巾我鄉雖無虎罔兩亦難親孝弟久不  
講仁義誰更陳是非悉倒置大道變荆榛掩關一靜想  
寧與猛虎隣安得神君來教化返本真

### 憶孺兒

### 空明子詩集卷之二

四

亡去已十年念子心欲痛門外北風寒淚落先愁來見  
子杳無期屢見無非夢憶子未病時豪傑堪伯仲下筆  
立成章才華實邁衆莊語近典謨微言似託諷年雖在  
弱齡技則操命中何期時運衰喪此人中鳳一行不復  
留道遠成長送別來心忼忼臨風寄哀慟  
積暫便成久形影俱無有仰首問老蒼欲咎將誰咎少  
小習詩書象勺志忠厚外物莫能迷確然有定守素性  
本不飲長大併戒酒獨居斗室中屏絕南北走博覽資  
顧問子也實小友何爲寂然去天意亦難剖安得夢中  
來惓惓一執手

### 遣巫五十韻

一旦病爲灾夜臥不安席家人俱彷徨或疑神見責長  
龜爲我灼短著爲我策巫言斷吉凶聞者咸恐嚇天上  
多克星地下有陰魄俵現任役使厲鬼散瘟疫左隣禱  
已虔前却酬宿昔予巫非誑言神明實咫尺一禱東社  
堂檢點生死籍再禱西社堂過愆盡消釋陳我神之盤  
遣我神之憤聽我唱神歌舉座莫噴噴神來歆爾筵重  
門須早開紙錢三百千賜爾大恩澤病體日漸康形骸  
亦不瘠不然櫻神怒熱勢隨潮汐初病胸腹間再病入  
肝膈何須到半年漸漸變人脂家世本業巫神言惟予  
懼安神予最誠獻媚無阻隔邪鬼或奪食寶劍還一擲  
神或意糲糊令牌再四拍神歡更起舞杯盤轉狼藉從  
此病霍然矣必進藥石酬我酒一壺享我蹄一隻送爾  
神鉞餘越阡還度陌永求保無恙神明詳註冊弗令病  
者知知之病反劇寒風生微涼燭花搖窓隙呼婢剔殘  
燈燈光閃四壁輾轉不得寐悶愁盈千百髮髻間鬼語  
冷氣入無迹悶懷殊難遣胸襟何適窄頭暈未能蘇看  
朱反成碧靜坐如入定心涼頗有益忽聞巫者言如箭  
向予射崇信出婦女賃裳必藏獲問誰召鬼神神豈乏  
安宅問誰食鬼神神豈少一盞如果無鬼神此巫應見  
斥如果有鬼神鬼神應貶謫況我性狷介不接貪饕客  
況我素寒儉未能陳主薛爾巫事何神今夕是何夕先  
責爾神巫後誅鬼狂逆聞言巫大驚叩頭求免摑小鬼

空明子詩集卷之二

五

果無賴先生顏莫赤遠引願避塵不敢索錢帛驅逐速  
掩門我心已恬適談笑仍故我東方已大白

孤鶴吟

天邊有孤鶴競謂丹山種何期隨風飄而被童子拱志  
猶慕雲霄雙翮常若聳引吭聲際天聽者咸惕悚展翅  
一徘徊受剪心驚恐欲去勢不能食粟滋臃腫才旣無  
所施遇必漸失寵中夜對影嘆華表徒作俑自恨還自  
傷急流退不勇

美玉篇

待價旣無主美玉應韞匱苟違駭人言則足還痛哭譬  
彼麻衣客十年勤誦讀義利辨早清豈肯學干祿荏苒  
歲月深齒齒頭復禿捉衿不惜肘偃仰僅茅屋但知樂  
聖賢閑養就純熟君相饑渴深良禽逸擇木不然老蓬  
蒿絕迹寧空谷寄語懷璧人無爲事爭逐

題虞山拂水巖

我來拂水巖兩山夾一線涓涓流下泉逆風散微霰或  
如迴瀾波或似反激箭西南崩地賴玉露零橋面狂飈  
噴寒珠凌空過宮殿倏忽浮雲生能使朝暮變瀑布綠  
石瀉江湖拍岸戰豈若此水奇仰視令目眩峻壁燦異  
光流若掣電高飛洒青冥遠眺疑白練不藉雲雷助  
潤葉同石燕坐久披涼風歸舟猶戀戀

在家樂

空明子詩集卷之二

六

昨日始言旋明晨又欲去借問路上行局若室中處啓  
窓桂有花斟酌邀朋侶豪吟破愁腸倡予還和汝雖無  
佳肴陳亦足供雞黍似此儘堪樂奚必問寒暑無論旁  
人嗤自笑計大阻家庭多歡娛且美嬌兒女

### 游仙

莫謂時序忙光景亦難老我病四十年猶能臻壽考何  
爲年少子性命每不保口腹飮肥甘佩服厭鮮鯽斧斤  
伐其神茫然失鴻寶空手精炁亡紅顏就枯槁我係世  
外人吐納幸及早三復南華篇寂寂守至道行將踏五  
嶽俯視衆山好拄杖跨東溟散髮探蓬島日月懸腰間  
乾坤美顛倒一笑破愁城天半雲煙掃

### 附五言排律

#### 述祖德一百韻

門第尊纓古源流德澤長有周傳孝友列宿著文昌黃  
石開炎漢丹州啓盛唐兩銘昭末學百忍獻前王河嶽  
堪同位星辰許共望後先真不忝高原詎能量南渡依  
吳地東來泛海航明興繼蕩定倭亂復猖狂遷徙靡寧  
所漂零得備嘗先型嗟莫考世系近猶詳高祖求仁里  
筠溪徹土疆高祖諱方範心地自  
海濱始遷三林鄉運籌營竹木相度合  
陰陽朱種槐三本先栽柳半塘築牆規闊狹啓戶定低  
昂那許黃蜂鬧惟容粉蝶忙經營心倍切拮据歲偏荒  
一榻餘琴几千箱聚墨莊鶯啼初日曉蟬噪晚秋霜梅

空明子詩集卷之二

七

亞才平屋松高已過牆盆魚跳落月巢燕戀雕梁授室  
柔爲德宣家和致祥聖高祖母陳太問奇經史富棲隱  
夫人最爲賢德姓名藏講學衆名理培蘭護國香先生受後漢  
學從遊者衆好賢根  
至性疾惡出剛腸遇事仍扶弱臨危不畏強塞翁欣失  
馬列子笑亡羊待月燒銀燭看花罄羽觴辦材珍杞梓

試玉重圭璋三產皆軒舉高祖生  
三子仲君尤夜光曾祖考  
第二子

可交修名早樹立今問特輝煌敬擇黃門女  
贈一品

西公公孫氏女來歸遺直坊非惟不挾貴兼善事尊嫜

舉衆師梁孟和鳴奏鳳凰植桑三百樹種橘一千章克

相稱親黨無憂賴賢襄曾祖母最善持家以故曾祖考  
無內顧之憂北極遙南至聞

多所題味路殘芳草綠闌遍野花黃說劍常忘寢烹

空明子詩集卷之二

八

泉每試槍水雲無定影烟月見微茫直走幽燕道旋親  
翰墨場海氣衝南肆橫流冠較披猖故里成荆棘窮黎變  
虎狼道途咸況瘁髮髮總滄浪雖挾穿楊技還羞隔馬  
妝籠禽罵鴛鴦車臂奮螳螂曾祖考極尚氣  
節不肯下人遠覓三桎  
草閒尋九節葛詩默驢背上春點杏花旁老鶴鳴高閣  
新鶯鼓嫩黃政膺一品贈名到九泉揚曾祖考以曾祖  
事貴贈先諱大  
夫雙璧輝珂里曾祖考生先相  
先叔祖二子五雲照洞房曾祖考先居長  
子向文號  
夜提知愛敬孝行莫能敘家  
族總角識趨附  
友學久爲友及從弟  
事無不沾惠琴瑟調鏗鏘夫人相敬如賓一生不二  
色里閑推方正親朋擬桂薑片言宣道德四韻叶宮商



往指希千駭先生備五常身能通六藝賦不愧長楊戒  
 色服衾影有辭女夜奔先生償金代父行代嫡叔償通  
 荀申君室上桑客方揚子宅人擬鄭公鄉樂道寧知苦  
 安貧不覺涼是非分界限義利辨毫芒川暗波搖柳山  
 晴風弄篴珠含沉合浦玉璫在崑岡間訪陳朝檜時窺  
 禪院樟都城本一禪院有呂恩邀光祿寵行比素蘭  
 芳史冊標奇操深省郡志先朝養上庠故明孫春秋綿  
 祖豆三院題詩本孫子列冠裳孫十一人自少宰夏昭  
 德誰能及詒謀局敢忘子俱全百行女亦振三綱先祖  
 年守節三子四女長子均廣公封少宰第三女歸波南青  
 科第欣無聞中興已後龍光樂未央給音傳浩蕩天澤  
 沛汪洋四世無封以此堪愉悅如何又憐傷獨  
 憐先君子每乏宿春糧此處嚴正兼瀟灑風流更慨慷  
 適丁故國亂竟作處維囊渡海朝金闕金闕探奇臥石  
 床詩林園中邀橋叟洞口問漁郎曲阜聽琴鼓謝先  
 洞庭看樂張訪著酒壚隨釣艇藥灶伴書倉禹穴深  
 無礙登會稽嚴灘險不妨若歸與  
 歌懸蟬樂矣對縹緲復郁憐嚴桂紅鮮愛海棠每招鹿

門客共醉蟻丘漿先君每招朱尊江詩子山及寄跡欽  
 高曠于飛羨頡頏先君與先姊吳太夫人事親誠盡善  
 御下亦偕臧敬子毋游戲延師必茂良但容矜氣節不  
 許露鋒鋷欲勵千秋業須鎔百煉鋼吁嗟羞令器潦倒  
 類寒蟬顧我身尤拙先兄弟盡亡先君生四子一女大  
 今俱已物故存存不存一枝應漸老奕葉竟難  
 匡細響殊鴻籟離離遞大方兒殤頻頻泣自二十歲前  
 十六歲四子長兄二兄三兄三兄名女折屢悽惶  
 又共四女長女次女三女三女名掩面輸首  
 妓低頭讓啞娼悶懷無可散苦志孰為償若魚投網  
 渾疑處處是那能同約隱爭得及鵬翎豈料重生子五  
 德對卷轉彷徨十

空明子詩集卷之三

古費李節珊先生選

華亭張 榮景桓著

出門行

一日行十里十日行一百莫來百歲光陰尚餘四十載  
赴此忙忙碌碌再著幾兩屐天下高山大川俱遊遍猶  
勝無端駒過隙不然閉戶老牖下得毋天公爲我深嘆  
惜老妻聞予言不覺笑啞啞元祐無論筋骨十分衰但看  
雙鬢已全白在家尚且攜杖走一旦欲行誰逼迫子女  
聞予言老大吃一嚇兒啼女哭不暫停怕我出門藏我  
憤阿爺阿爺頗失策暮年何苦反行役況乎水有毒蟲  
與砂磧山有豺狼與白額豈不聞鳥有言行不得行不

空明子詩集卷之三

一

得也哥哥莫將性命輕拋擲朋友聞予言咸來吐肝腸  
茫茫造化總無主只可閉門聊自適既無媚骨趨時輩  
但恐山神野鬼見汝亦辟易呼嗟乎口如河嶺似戟耳  
目既不肯盲聾手足又未甘跼踖自以爲頗能仙頗能  
釋光明大道我獨闢君不見天之色有時黑有時碧有  
時黃有時赤與時推移天盡然違天不祥恐冥責予聞  
言覺耳逆放開手莫噴噴天地苦窄隘勉強作安宅千  
年一瞬同朝夕九州四海不盈尺朝更暮改如博奕請  
決計弗阻隔拋管城棄書籍絕嗜好忘形迹踏遍名山  
餐松栢煉成真烝銷陰魄洪崖肩隨意拍老子座上兄  
洞賓門下客劃然大嘯出門去若遇長庚倒琥珀

變行路難

前有深淵無渡我河後有高山無陟我阿君子出門有  
大道坦然由之無畏塗况乎渡河實何害蛟室無風復  
無波况乎陟阿亦不妨天清日朗虎弗過兼之深淵可  
以寫我之胸襟高山可以發我之浩歌嗚呼日月逝如  
梭曷不周流宇內且婆娑毋致山水笑人老漁叢

猛虎行

上帝本好生何爲來猛虎高山跨秦晉巨澤連吳楚月  
黑悲腥風遙遙且濶步一吼山谷動雷霆逞餘怒跳躍  
眞無前豺狼安足數終歲飮人肉誰能飽其餓幸未生  
角翼擇人於道路草竊紛霧氣氤陰雲慘慘愁夕曛卒

空明子詩集卷之三

二

然遇之曷以云治民食民封使君牛哀耶李耳耶究不  
能辨其名之所以分

君不見

閉房高臥望吳山石上苔生虎豹斑君不見落日銜山  
山欲赤青山空莖如花色

叢桂歌

小山叢桂發恰直中元節風雨動連宵餘芬猶酷烈造  
物眞不仁簸弄亦太拙若非我輩實多情此花此恨何  
由雪飛箋速召客嘉客不我絕巢許三四輩餘子皆英  
傑雖無佳希陳旨酒頗芳洲人生適意行志耳此腰何  
苦侯門折爾我同是冰玉姿一塵不染本高潔在木直

並松栢操在器願作錚錚鐵且痛飲莫辭頻世間短夢  
常如春請看門外名利子昨日招魂秀水濱余也更屬  
烟霞相豈堪消此十丈塵座中不少折挂手屈來且作  
看花人

### 燈夕歌

上元甲子上元節花燈爛熳魚龍熱時值陽春歌白雪  
歌聲亮處笙簫噓戲指紅裙逐隊行輕狂子弟同心結  
同心結分同心結常向玉梅低處說君不見古之人元  
夕觀燈惑妖姬一朝性命徒摧折

### 夢上天

夢上天爲君言玉皇贈我珊瑚鞭一鞭五嶽走如電再

空明子詩集卷之三

三

鞭滄海成桑田渴飲瓊漿劈麟脯下視十洲三島若浮  
煙再贈七寶劍暗室橫空掣匹練蛇神牛鬼見應愁若  
展江河蛟室旋寶藏此劍偏九有辨奸別偽借汝口小  
臣豈敢寬稽首上殿前休言忠佞難盡識卽欲指之誰  
合先何不鼓鑄換洪鑪銘化三千大千皆英賢此鞭細  
思更無用賴有山水醒殘夢除卻山水但見人使我終  
朝欲長慟願將鞭劍還聖明康衢鼓腹樂昇平閉門莫  
與門外事一丘一壑完餘生生平不作縹緲夢此夢覺  
來已五更

### 閣步有感

性根不滅還真我訪舊城東行道左君不見紛紛來往

人欲狂路歧何處不亡羊

### 白山狼行

世道日流日復否中山忽有豺狼起虎踞中山日噬人  
陡逢獵者呈其技此狼見之猶逞雄張牙舞爪來相衝  
獵者不過一二輩持弓挾矢能戰攻碧水吹沙山谷暗  
白雲嚙日蒼天空遙聞刺刺風吞木忽見啼鳥驚過目  
此狼跳躑性難馴時聽天涯野鬼哭獵者爭強唇齒齒  
奮身直欲操其死捉縛此狼在箇中此狼自問無生理  
何意士人見此獸忽然長揖來相救此獸雖然非人形  
釋之寧不感君情自是前生造下孽今生故作四蹄行  
君不見陸家黃耳能寄書寧謂此狼竟不如又不見楊

空明子詩集卷之三

四

家黃雀贈玉環寧謂此狼性獨頑獵者聞言卽相許憑  
君縱放草莽處士人因解此狼縛作別獵者行路各隨  
其所之看其樂惡風一過鳴驚籜此狼操心非我徒便  
謂無毒不丈夫由來思慮易成怨借君一啖充腸枯士  
人此時計無出呼天號地聲嗚嗚忘吾大德卒不報微  
軀那足供殘暴救之反以受其吞此仇此恨憑誰告豈  
不聞淮陰一飯每不忘千金一贈名姓揚江上至今傳  
漂母行人誰不相誇張急急尋踪問三老牛兮樹兮烏  
足道開諭還憑遇老翁木落山高發長嘯狼見老翁心  
轉懼山色濛濛迷古樹條爾萬籟盡寂然西風一過日  
將暮此狼俯伏喘無聲老翁舉杖顏色怒腰間解帶縛

此狼匣中寶劍千金鑄老翁拔劍砍此狼此狼此時應  
悔悟悔時悔卻仇報恩悟時悟卻天道循環原不錯

甲子歲開海禁歌

先皇神武定天下掃蕩妖氛費指謀頑民梗化匿海島  
天子仁恩弗追求窮寇逞兇進京口樓船填江風颺  
颺江南驚疑江北懼殺人如草積山丘梁將當年一小  
帥忠勇之氣貫斗牛夜深率衆劫賊營橫衝直突敵人  
愁萬號戰艦一夜沒金山更梟賊帥頭逢逢擊鼓唱凱  
歌捷報先來北固樓先皇聞報驚且喜賜之金章鎮  
南州功勲當代推第一神策千古莫與侔寸木不得復  
入海任爾波濤日流蛟人夜泣蟾蜍暗沙鳥無言自

空明子詩集卷之三

五

泳游海不揚波二十年今皇妙算多遠猷三藩雖係  
先帝封王食重爲小民憂八旗歸耕遼東地放馬華  
山文德修詎知吳逆不用命耀武邊垂大度劉三藩繼  
之亦蜂起賊臣俱不奉珙球未幾殺伐半海內細柳營  
中列貔貅王師百萬臨南服血染洞庭芳草秋東南  
財賦甲天下田租屋稅按簿收軍需億萬日不足哀此  
群黎化霸陵閩中海島復竊發封疆失守當事羞文臣  
無權草寇起擾亂中原卒不休貯糧坐鎮委蔡督左空  
右有精運籌邊場夜靜聞笳吹山高樹密啼猿猴江水  
湯湯瀉血淚征人思鄉啓歌喉悲聲淒淒動三峽風號  
浪湧和清謳岳陽樓上聞鼙鼓吁嗟戰士著兜鍪干戈

擾攘七八載吳逆身殞國競綵六兵乘機過劍閣吳宮  
復爲麋鹿遊金馬碧雞氣蕭瑟南風不競悲松楸能攻  
不如善能守用剛不若善用柔亡何三藩皆授首海外  
頑民亦逗遛姚督下令征不臣曩人向化樂悠悠功業  
未成疽背死施公跨海獲封侯世鎮臺灣食萬鍾一望  
大海天地浮中外蕩平民力竭大臣過督小臣偷吏胥  
於中更作奸蒼生衣食嘆不周聖主重念東南苦重

開海禁遍遐陬小民聞詔舉國狂打鼓造船製羊裘澤  
國蒼茫眞縹緲布帆來往不自由天子生財法最美  
魚糧獲利勝田疇船跨蛟門魚蟹遁網集沙灘起宿鷗  
蘆花瑟瑟冬夜寒海風淒淒漁火幽東南民困天子

空明子詩集卷之七

木

蘇野人何事可獻酬皇恩浩蕩澤庶姓千秋萬世頌  
金甌

咏張子房

子房本是人中龍一椎欲斃秦皇雄君不見大索十日  
命幾殞納履溪橋先學忍

吳門春田歌

日晴氣淑杏花天士女嬉遊柳陌喧春田一望情何極  
西山似與白雲連樹裏時聞曉曉音好音逗起春閨心  
綠絲紅肥堪別恨漫將心事託瑤琴琴聲哀怨最悲涼  
尋春王孫倚道旁聞聲低頭渾不語春思飄揚蜂蝶狂  
小燕亦知春色好飛來飛去斷人腸王孫漫對東風立

柳眼參差和露泣春波如洗春山明春林如霧春雲濕  
春泥帶花入燕巢春鳥啄花歌喉潤春閨長嘆欲春遊  
春光先到芳草洲輕攜紈扇尋芳草小呼侍女步隴頭  
王孫一見春閨面一朶梨花嬌欲顫鞋弓細碾落花塵  
臨風時隨黃金釧兩頰芙蓉秋水橫隱隱眉端遠黛生  
王孫長揖偏無賴細語低聲問卿卿春閨拔釵相贈答  
侍女傳言達其情他時走馬長安道莫忘春田山海盟  
噫嘻悲夫綏狐載路爰彼春田士悅女慕蒼蒼者天惟  
汝之故天曰不知是誰之過

耕牛歌

天生乃粒供人食人工不繼用牛工牛性馴馴善耕田

空明子詩集卷之三

七

炎暑血汗當日中牛德靜以專西成東作自悠然牛力  
大而溥築場納稼功最多農人對此應憐惜無致飲刃  
向人泣牛之筋骨有時衰牛之力兮實可哀牛之體膚  
有時傷牛之德兮不可忘誰知世人不重義牛老終歸  
入屠肆牛兮牛兮莫尤人大德不報類如此

潘屠峰疊賜瑤章作此奉答並題其集

前日讀君詩賦陶賦杜情詞真繚繞昨日讀君詩說空  
說明見解多奇妙今日讀君詩談天談地悽愴成別調  
挑燈復披覽滿室光明劍出鞘珠璣故故走盤中欲綴  
蕪詞恐難肖無端忽動不平鳴贈子一言差簡要我悲  
君勿悲我笑君勿笑悲君佳公子文采珠焜耀未作玉

堂客先赴修文召哀哉年少惜哉年少傾一斗向天叫  
哭一聲爲君弔笑君何故辭廊廟笑君何故親耕釣笑  
君何故探雲鵲笑君何故耽吟嘯林泉雖得十分閒那  
知已惹旁人誚愧予放誕久不羈疾痼烟霞莫可療豈  
知人間亦有癡於我不學飛螢能自照剖天心握天竅  
登高山寄遐眺開拓浩蕩之胸襟揮成萬仞峰巒峭跌  
宕翰墨場直效古人見之竚立而傍徨七步未足擬其  
捷幽蘭聊可媲其芳愛君詩讀數行感君意細平章畢  
竟空在何處明在何方嗟乎嗟乎天豈易測地亦難量  
惜君戶小恐不如淵明之酒癖羨子才多或反勝工部  
之詩狂

空明子詩集卷之三

八

月牙池歌

君不見杭州西子湖無數青山入畫圖中有亭兮構湖  
心遊人雜還多長吟此中佳景應難盡空晴空雨亦空  
陰我家葦城之西門葦城邊海潮欲吞有池月牙泉水  
冷時看夜落嫦娥影餘徑無人好閉關日長唯聽禽聲  
靜池之北上有佛殿連茅屋禪房鐘鼓梵音幽老僧一  
夢黃梁熟池之旁楊柳桃花插滿塘還有海棠相掩映  
面面朱樓曲曲廊美女鶯聲玉梗絮驚使遊人魂欲散  
可憐爲愛月圓圓不道月牙慳一半池之中小亭四面  
臨清風石磴雕闌堪坐臥芙蓉遙映綠波紅更有幽人  
歌一曲急管絃絃音更促夜深靜候月明來把盞傳盃

燒玉燭未幾天清氣爽涼臙生綠鬢紅顏逐隊行一葉扁舟雙槳裏採菱唱罷不勝情我年漸老頭漸白倦眼昏昏寒症劇世路崎嶇總不平結廬任我求安宅月牙雖不及西湖猶堪託足娛晨夕

游仙詞

吁嗟乎我生明年六十弗謂老將至洞賓學仙六十四可頭一想苦無聊視天茫茫若長醉思通鬼神世所嫉巧奪造化天亦忌不如避地逃蓬山飛瓊雙成共游戲蟠桃一熟三十年笑問阿母能見賜閑來捉得洞賓指指石爲金金布地將金散給列仙家直入天門容掉臂

黃耳塚

嗚呼陸家兄弟入洛具可鄙非惟無義亦無耻反預事仇有幾時枉向洛中徒送死獨憐黃耳寄書回一通音問空哀哉華亭鶴唳不復聽令人嘆惜天下才文章自是世無匹何苦失身空被極大風折音木不勝情未幾黃耳歸亦卒黃耳卒墓江濱江濱一塚常如新可惜黃耳畜類未見道徒與不義之士傳千春吁嗟黃耳莫生嗔與狗並傳能幾人

江上遇百歲老人歌

世間那得百歲老今日相逢真意表執料蚩蚩一細氓前言往行俱顛倒自稱祝壽謁 聖明御酒淋漓破衲襖歸來寂寞臥空山 賜金漫藏幾不保寄食山下頗

碌碌往來崎嶇生煩惱可憐王侯將相都早死獨有老子支離偃蹇憔悴不肯速枯槁我聞老者言落落昧鴻寶古來上壽貴頤養始能精神內固顏美好今看此老殊難解須知年齒不足道科頭赤腳心營營謀衣謀食愁未了愚昧無知同鹿豕徒老烏足供尋討嗚呼物老不死能成精此老反不如畜生

估客樂

估客樂衣輕齒肥滿京洛朝酣歌館醉春風夜擁名姬臥高閣日權子母事壘斷遂使生涯益充拓長安要路俱上賓五侯七貴咸入幕結駟連騎人爭羨能令顏淵原憲見之生愧怍一朝貪心恣不休作估何如作宦優

杖下立可致巨萬片時顛倒誰與仇孰知天心竟難度身名兩敗成驚愕相加三木苦曷勝黃金用盡妻孥縛典裘賣馬始倖免門庭一旦真蕭索歸來長嘆還自羞卻悔當年少斟酌估客估客且莫愁世間那有樂到頭義興儲六雅攜令子定伯特來見訪作此贈之

有容有容自義興翩然鼓棹來苕城庭前蘭玉欣載得令我見之心胆傾老泉文章世罕匹况有軾轍相縱橫開示後學日不倦四方負笈多俊英得登龍門聲價倍一鳴遂使聽者驚先生古處希聖賢棲遲蓬室窮殘編鹿鳴賓與老始與劉黃下第誰復憐嗟乎嗟乎我年將六十藏書探二酉阿連阿咸俱巍科老朽依然到白首

相對轉相嘆不如且進酒聊爲雞黍供招我金石友高  
論豁交歡傾倒談天口酒闌歌罷月漸高彼蒼造化君  
知否諸君諸君爲我停杯弭胸中浩氣奚堪寫守貞不  
字十年寡世無伯樂悲良馬雷鳴瓦釜黃鐘啞君不見  
儲六雅

空明子詩集卷之四

古婁李節珊先生選

華亭張 榮景桓著

有客

有客論詩酒無花境不開須知花意好何不挈花來

閒吟

相逢一老僧屈膝蒲團坐面壁二十年腹中猶未餓  
蜂向花心摘花忽攢眉弔有人來捕汝蜂回花自笑

君山閒望

躡屐登山頂江流日夜潮小樓閒眺望急雨打芭蕉

七夕

銀河如幻泡烏鵲怎填橋欲探牛郎信乘風問九霄

登城樓晚眺

落日照孤城淒淒遊子情芙蓉江上冷天外鴈鴻聲

試前一日作

歸期應不遠喜氣溢眉端預識還家日兒童帶笑看

偶成

落日空林淡雲間噪晚鴉禪房鐘鼓靜老衲獨煎茶

夏日雜咏

急雨打高樹蕭蕭愁日暮南窓乘醉眠臥讀子虛賦  
人壽能幾何豈同金石固暑氣未全消遙遙嗟行路  
白髮易盈顛彈冠笑王貢可憐烏兔忙聊作琴三弄  
莫受人世容寧爲造物忌夜深蟲聲喧寂寂未能寐

泊舟高淳

一望杳無極白雲銜遠天移舟泊城下萬井起寒烟

桃花潭

送別情何限桃花潭水長誰憐還謫客一曲斷人腸

清弋江

疾流如發矢徹底見澄清三老堪愁絕難容一艇橫

池陽道中

金城攀陟險僕馬總難支日暮投郵店黃昏月上遲

由宣城至姑孰

下瀨舟行疾山城半有無樓船如蜩集遙指是蕪湖

螃蟹磯

宣明子詩集卷二四

螃蟹何過肯浮沉在江面橫行直無前疑是長卿變

望夫磯

日日望夫歸兒夫歸不歸至今雨打石猶似淚沾衣

慈母磯

倚門猶不足遠望坐青山借問誰家子何時江上還

天門山

放舟天門山山好助詩思屹然峙江濱石鐸粘青翠

采石磯

采石傍江天天高散暮烟放歌乘夜月我欲學青蓮

江行望儀真

孤舟望揚子高浪凌天風趁此一帆飽輕霞落晚紅

淮陰釣臺

子陵有釣臺淮陰有釣臺若將兩臺較勳名是禍胎  
早爲少年欺後受老嫗戮若能守釣臺無禍亦無福  
光武本故人好賢況汲汲遠引避市朝子陵不可及

平山堂

仰望平山堂高高據蜀岡荷觴還載月俯首憶歐陽

白鷺洲

白鷺分江水振翮若東來回頭望鸚鵡同拱鳳凰臺

京口

金山立江心銀山峙平陸莫怪爲利人忙忙事征逐

玉峯

宣明子詩集卷二四

上有文筆峰下有一線天中間起片雲頃刻迷寒煙

寒山

岳花寂寞開林鳥噪修竹老衲化齋還石洞藏山腹

白雲洞

才過大石洞又臨小石洞此中多靜趣臥聽山鳥啼

龍門石

龍門竊且深誰剗此石碣四顧無人聲古樹掛明月

華山寺

日斜遊客稀泉鳴空谷應鳥雀下庭除山寺一聲磬

天平山

片石疊霽漢石罅懸清溜倒掛一枝花斜映枯藤瘦



虞山麓有見

東山有佳人織作蓬窓下守貞過十年遲遲猶未嫁

齊女墓

齊女既化蟬何爲又有墓日落柳條黃餘音猶怨慕

劍門

劍門通一谿遙遙幾百步上有往來人仰望若雲霧

山頂望海墩

我登望海墩舉首發清嘯憂然聞長鳴疑是海鶴叫

鵲鴿峰

紅花幾樹紅白鳥幾群白麗景供饒眼獨坐一拳石

范園

空明子詩集卷之四

四

撥草尋荒逕來登婉轉橋麥秋成浪日松竹已蕭條

虎丘塔

一塔鎮山巔光明照四邊不愁雲雨暗但恐礙青天

試劍石

道旁一片石石縫如劍劃誰能辨真偽但聞聲噴噴

劍池

聞道劍池深泉水餘甘冷汲綆不暫停開門看雙井

千人石

共說千人石日日坐千人可惜千人石惟餘頑石蹲

點頭石

不信茲頑石當年能點頭可憐石上客對此不知羞

崑邑野豬峰

不勞屠伯至匿影沒荆榛嘆爾深深伏空愁肉食人

石上松

巍然一品石上有百尺松松老不知年看看欲化龍

贈友

人苦不自知知亦了無味水熱更添薪枉向湯中沸

斜日

斜日照高閣獨坐生涼風林鳥爭歸巢山色自龍從

泊舟半塘

偃息蓬窓下明月入我懷可憐無限恨都向北中埋

月下吟

空明子詩集卷之四

五

薄暮上高岡見者驚稱穎美月更吟詩母乃疑罔雨

舟中

牽舟過唯亭玉峰多勝景引頸望東南嶺雲無片影

見萱花

共道忘憂草如何忘得憂見花增浩嘆竟合號添愁

贈儲六雅

江南無文章自古止二陸此係先生論文語高論驚四筵下士應

側目

贈樸邨兄

翩翩裘馬客道義有誰論南國凋零盡惟餘碩果存

贈金德籬

昔爲講學長今作歸田客高岡曾鳳鳴豈容腐鼠嚇

贈俞桐亭

我愛海陵君一代文章伯展翅垂天雲南溟在咫尺

贈錢介維

廿載推儒雅風流老更存獨憐相國後先生係故明相國後公發龍錫家孫僅見此文孫

贈陳含美

合浦含明珠崑山韞良玉玉削珠沉淵伴狂避流俗

贈顧湘九

誰知八十翁少壯俱不若讀破萬卷書把酒善諧謔

贈潘層峰

空明子詩集卷之四

著作盈千箱言言皆玉屑流鶯鼓新簧衆鳥聲自咽

贈懷鏡亭

言瞻茂叔蓮載訪淵明菊書聲出戶外四海一空目

贈儲定伯

係六親先生公子

文章光燄長隋珠自早售芝蘭生謝庭一枝尤挺秀

贈李節珊

我疑文昌星未必操文柄不然李節珊何爲猶聽命

贈汪錦江

錦江係汪舜俞遺腹子母夫人項係孝廉兼一  
之女子于歸不及一載夫即去世守節撫孤最爲  
得體教子最嚴有九熊畫荻之風

慈母兼嚴父栽培倍苦辛光前應有望玉樹一枝春

贈梅花主人姚子文

梅花枝逾瘦人如梅較秀問君何爲爾窮經到白首

戲贈西谿主人

已過花開日重尋舊雨來君知來意否端不爲擎盃

問爾花開日採花蜂可來空庭喧瓦雀不許傍瑤臺

問爾花開日游仙蝶可來果懸遮露井蛛網暗塵埃

問爾花開日狂吟鶯可來隔牆金彈子愁殺小嬰孩

問爾花開日差池燕可來湘簾垂不捲小砌沒蒼苔

問爾花開口高談客可來黃鸝催白日何暇此徘徊

憶得夜宿徽池交界處

空明子詩集卷之四

七

對月苦茫茫天高路正長一鞭行色倦轉覺晚風狂

山木鬱蒼蒼前行畏虎狼誰知風土惡更比虎狼強

夜靜宿邨莊山荒店亦荒但陳紅米飯一腐未能嘗

半榻臥空房遙遙夜未央浪游經十載此况倍堪傷

急急整歸裝經今三十霜獨憐山水好輾轉未能忘

自題

知非纔過去耳順又將逢安得如充耳惡人笑不聰

戲諭大兒兆熊

素松名乳速來前告汝汝莫笑切弗學汝翁一學便不肖

又諭二兒飛熊

秦蘭名乳亦來前一歲識汝性長大須沉潛庶幾狂作聖

悼亡室吳孺人

明月入簾叢照見床上琴琴弦不復續嗚咽自成吟  
庭內一枝花翩翩自弄影影動不禁風木落秋霜冷

愛山

自無媚世情而有愛山癖倚醉臥翠微巖花盪蒼壁

空明子詩集卷之五

古婁李節珊先生選

華亭張 榮景桓著

小山看桂追和家嚴東臯先生韻

閒庭寂寂獨擎杯月色侵簾叢桂開有酒無肴惜良夜  
誰從江上釣魚來

共泛尊前鸚鵡杯愁腸今日爲誰開風吹金粟飄行盡  
猶帶餘香入戶來

戲筆

向來不信西方教今日纔知大士思知慧益人從靜悟  
愧無玉帶鎮山門

春日

臨窗對卷獨高歌竟日無人喚奈何莫訝草堂生寂寞  
春來花鳥慣相過

湖上漫賦

段橋遙接梵王宮南北峰高有路通十里蘇隄桃柳潤  
聖湖渺渺在其中

元墓方丈口號

萬頃晴湖半吐吞 御書高揭客真門老僧不解山人  
意兀自侈談 天語溫

柳枝詞

一望春晴楊柳條條斜掛碧山腰無端美女偷簪髮  
點綴釵頭著意嬌

蕙蘭

九畹分來有百根，氤氳滿室達朝昏。諸君可是防香染，半月無人一到門。

媚媚不與牡丹隣，彼是名場勢利人。身本煙霞塵外物，詩筒茗碗合相親。

主人頭白亦奇哉，獨愛清香朝暮來。一覺晝眠酣午夢，未容鶯燕兩相猜。

牡丹

半空微雨半空晴，細認丰姿百媚生。借得錦衾連繡障，暫教傾國感陽城。

花下口占

李商隱詩集卷之五

二

紛紛謀利真勞瘁，攘攘求名更苦辛。獨有好花看不厭，莫來我是一仙人。

可憐

散材空自望成陰，二十年來培養深。到底冤歸無用物，可憐辜負看花心。

自憐

自憐鬢髮兩蒼蒼，閱過吳姬意渺茫。誰料姑蘇諸女伴，柳眉不掃待張郎。

壬午歲 南巡歌

翠華遙發自神京，兵氣全消識太平。羽衛不須森扈，蹕黃童白叟快逢迎。

聖主巡行不辟人，群黎瞻仰各相親。况兼更有 仁恩，沛鼓舞東南百萬民。

麗日 宸遊萬象新，紛紛柳陌捲香塵。霜寒雨凍遲芳信，無限春光待 一人。

越女吳娃窈窕姿，宮妝掉棄遠相期。不知唱盡凌波曲，徒使 君王一皺眉。

千邨麥隴雪霜侵，欲獻無芹自不禁。松郡僻居真海角，可知容易 翠華臨。

西湖風月本天然，楚楚丰姿絕可憐。憶自 天王行幸後，錦塘花柳獨嬋娟。

閒情

李商隱詩集卷之五

三

年時記得杏花天，瞥見紅樓貼翠鈿。不道新來成晤語，撩人姿態益便娟。

幽期待得月華明，輾轉難禁綺思生。子美若憐風露冷，肯教窓外立三更。

和陳岱周贈言

一時共訝陳驚座，分得詩名大小山。幾度尋芳吟麗句，漫攜仙侶到花間。

閒步花間吐緒餘，便便知富鄴侯書。潛夫不解談經術，何故門多長者車。

豈必西山吟詠佳，后山刻苦亦堪懷。莫辭一醉春風裏，坐看苔痕上綠階。

相交原責兩忘心百斛清泉品熬琳無限風光正堪賞  
新鶯贏得短長吟

題鳴戲贈

生來已解自呼名貼水輕飛踏浪平敢向鴛鴦誇五色  
始知天意薄浮生

題鶯戲贈

白衣赤掌泛清波知是山陰道士鶯應欠前生詩酒債  
長鳴昂首戴紅螺

一江

一江楓赤屬深秋愧我無端竟白頭閱遍衆芳凋謝後  
自憐生計足遨遊

和貧境

東方未曙早鳴雞數點殘鴉魂已迷可惜夜來雷雨後  
池塘芳草濺春泥

彩虹雙影實非真道是無垠卻有垠遮莫一聲啼見血  
杜鵑洛下叫天津

群言天外有奇松曾受秦封色最濃誰料不堪供一爨  
夢魂猶自戀高峯

千葉桃被蛀畧無生意作此贈之

花開共道蓬萊種流汁方知榦易空本擬託根瑤島上  
可憐淪落在泥中

戲贈

黃金揮盡未云豪蕭索門庭漸長蒿空掛席帆天上去  
秋江何處不驚濤

暫時

暫時富貴等浮雲解組歸來焉用文李廣夜行曾被辱  
灞亭羞殺故將軍

攜華履仁登虎丘因示同遊諸子

華生年少足遨遊扶我同登萬歲樓堪嘆吳儂真好事  
問他歌舞幾時休

常熟尚湖

子牙曾釣此湖濱不肯終爲東海人何事仲雍甘遜國  
願來蠻地作齊民

虎丘後山

風流宛似白家蠻面面丰姿盡可攀寄語遊人須細訪  
後山應不讓前山

贈不倒翁

目似明兮耳似聰歪來倒去似癡癡魁梧道是驚人物  
外面虛花裏面空

大搖大擺過終身內裏還虧視託真到底一生難站穩  
勸君莫作不平人

早起獨坐轉覺無聊拈上下平各十五韻隨意疾

書午前脫稿詞之不倫未暇計也

四十年來似轉蓬炎涼閱盡總歸空如今贏得閒窓下

依舊花前對曉風

愁聽燕語久從容怕看前山歷亂松明日陰晴猶未卜

莫教花鳥識行蹤

閒看兒童立水窓魚釣忙整泛晴江無端兩度輕投餌  
釣得銀鱗是一雙

扁舟一棹日遲遲楊柳空搖斷岸絲記得舊時行樂處  
畫船簫鼓載西施

黃鶯白鳥故飛飛滄海桑田事已非夾岸樓船排鴈翅  
逢逢擊鼓拜天妃

桃花如錦繞村居對景臨流坐碧虛寄語丈人休動問  
醫牛還許覓方書

空明子詩集卷之五

六

終日狂吟任索逋詩腸幸不十分枯錦囊曾笑心肝嘔  
餘剩還堪付酒胡

一入深山鶯亂啼醉中還覺碧天低崑崙座上欺王母  
要乞雙成作小妻

天上風流事不諧暫時驚見反稱佳智瓊私語雲英道  
準備潛偷金縷鞵

要引嫦娥笑口開吳剛利斧奪將來桂花折得連枝贈  
又惹河邊織女猜

蟾宮光滿爛如銀一曲霓裳按拍新地下散仙應妬殺  
就中不忿是真真

玉女乘鸞駕彩雲天風吹動六銖裙殷勤爲報飛瓊道

莫使蘭香得與聞

新月哉生指甲痕洞簫吹徹九天門妙音果肯通情緒  
仙珮留春合斷魂

要騎黃鶴上天壇宴罷朝回日已殘路遇洞賓堪絕倒  
岳陽三醉莫相瞞

兩行霧鬢與雲鬟上帝平臨閭闔間檢點仙曹傳玉旨  
姓名已許註蓬山

莫居人世莫居天駕霧凌霄作半仙拾得彩霞三百片  
一時拋卻洞庭邊

路入天台景象遙何緣劉阮洞中邀當時怎不同仙去  
又被無端送過橋

空明子詩集卷之五

七

遙聞林外鳥交交又聽殘鐘幾度敲一任白雲深鎖洞  
不勞山鬼湯相嘲

鳳凰聲徹碧天高不數霜禽鳴九臯欲覽德輝尋竹實  
笑他小鳥集蓬蒿

可憐日月忽焉過枉使年華若逝波留得此身超劫外  
較量天地孰爲多

臥看明月照丹霞布滿遙空五色花仿佛雲中散天樂  
一時驚動列仙家

五湖四海總茫茫輪卻浮生幾度忙條條消原一樣  
草蟲應莫笑蜩蟬

十朝難得一朝晴霽雨綿綿到五更玉兔朱鳥多謝事

不行賞罰阿誰爭

名山幾疊對遙青  
整頓茶鐺誦道經  
乍聽鳥聲歸去好  
夢魂何異醉初醒

清江涉遍見漁燈  
我夢爲魚樂不勝  
是我是魚同一夢  
可憐繁日乏長繩

誰不年年覓勝遊  
憐渠枉駕木蘭舟  
昏昏一覺揚州夢  
水色山光總未酬

歸來不覺綠陰深  
尚有黃鸝送好音  
一病不禁三十日  
閉門枯坐到如今

無邊風月昔曾諳  
半點禪心似碧潭  
收拾閒情併逸興  
一齊同貯大空函

空明子詩集卷之五

八

奚奴爲我捲重簾  
廣放蟾光照鏡奩  
但有故交來索醉  
花枝微笑不須拈

裁縫窄袖與輕衫  
打點明年再挂帆  
鐵笛一聲龍起舞  
任人猜度定仙凡

泛舟昆承湖  
浪花飛雪噴寒煙  
一片征蓬泛海天  
三弄不勞橫玉笛

恐驚泉下老龍眠  
洙涇道中隔句有對  
扁舟雙槳弄輕烟  
恨乏流鶯轉柳邊  
斜日一輪籠遠浦

幸逢飛絮點窗前  
學仙首尾有對

蒲團紙帳坐空禪  
枉送光陰幾十年  
覓得長生真秘訣  
玉冠朱履拜金僊

參道中句有對

五千言裏識真詮  
白虎青龍任轉旋  
玉兔金烏隨起伏  
鳶魚原不落空禪

黃耳塚

黃耳當年忠義全  
至今得墓碧江邊  
陸家兄弟墳何在  
不及巍然一塚傳

附八言絕句

遣妓

聽他百媚千嬌軟  
語逗我三迴九轉柔  
腸豈有吸露餐

空明子詩集卷之五

九

松仙侶猶憐調朱弄粉名娼

附九言絕句

苦雨

人生一年佳況苦無多  
可惜連朝風雨暗消磨  
那得羲輪爲我早扶出  
典衣沽酒對景且高歌

獨坐

無朝無夜黃霧捲  
飛煙天地三光爲爾總茫然  
終日掩關息交且獨坐  
箕來不如吾與我周旋

空明子詩集卷之六

古婁李節珊先生選

華亭張 榮景桓著

春日

萬葉齊舒綠春風猶帶寒空庭生碧草虛室放幽蘭聽  
鳥頻凝竚看花獨倚欄閑吟方得句又是日將殘

九日

勝友如雲集登樓破俗情題糕茶已熟賞菊酒空清柳  
色因秋老蓉花得水明不堪吹帽落寄跡等浮萍

秋杪卽事

秋水何澄澈自忘塵世心獨攜一壺酒且抱無絃琴徑  
僻多清致林幽少雜禽黃花看不厭白髮恐相侵

空明子詩集卷之六

晚泊申江

向晚狂風發空江浪接天幾枝殘柳外千點亂帆懸雨  
濶窗邊紙雲籠樹裏煙年來寒症劇對此便淒然

朝發

但見水聲岸遙聽風入松孤舟人獨倚雙槳影偏重遠  
艇浮如鴨行雲矯若龍故園秋色好朝晚醉芙蓉

涇縣道中遇雨

馬首疑無路孤雲自去來峯形天際合瀑響耳邊迴方  
懼蛟龍起何堪風雨催前行莫相失虎穿在山隈

爲四兄賦得孤鴈

何處來孤鴈清宵度玉蟾哀鳴徹天表寒影拂山尖翅

帶風霜老愁從夜雨添頻年蕭瑟甚不分看鷓鴣

日本五月菊步韻

海舶攜金菊天中漏早秋風炎綠土帶香冷際窓浮端  
合調冰碗無須問玉甌紅榴堪掩映雲淡日悠悠

春風樓小飲

招友登樓飲憑欄眼界新客來惟慮少酒到莫辭頻瀟  
酒見風致優游露本真月光爭入座花影亂搖人

雜興

我已愁無盡誰能解我愁鶯花三月老書劍半生羞鴻  
鴈空中落煙霞筆底收此身多偃蹇洒淚向殘秋

過海會寺追和家君東臯先生韻

空明子詩集卷之六

我來海會寺落日已流西野刹鐘聲遠荒村花逕迷塔  
輝白玉石座燦然金泥握手談禪久高僧過虎溪

舟中

菰葦搖落後江水有寒威雙槳翻新浪孤帆趁夕暉漁  
翁能適興沙鳥自忘機舉目堪心賞無嗟與世違

落照

落照千村靜悠悠別思生游魚貪浪穩飛鳥趁風平蕩  
槳蘭舟捷揚帆桂棹輕漁歌遙入耳冥晦不勝情

尋春

春意欲生動草木發榮華村荒雞犬靜迴僻海天賒水  
轉魚吞荇風迴鳥踏花晚山多靉靄杯酒酌流霞



泛舟泗濱

輕舟過泗水春色破寒圍楊柳新垂綠桃花近賜緋風狂遲鳥翼雨細入人衣向晚添蕭索雲深暗釣磯

賦得桃花亂落如紅雨句

似雨還非雨如花不是花露桃開曉日春色泛晴霞綠帳荒山蔽紅濤野寺遮朦朧零落後疑泛武陵槎

海塘晚眺卽事

海水不可測漁舟次第還風狂凌雪浪波壯撼金山鵬怒翔翔穩鯤遊出沒閒我心別有會絕意夢人寰霧氣侵人骨煙波興欲狂雲間明月現海底夜珠藏巨浪吞山谷驚濤打石塘我生何所託愁思正茫茫

空明子詩集卷之六

三

赤浪塞天地金山水上孤半帆懸落照一鳥下平蕪疎柳寒煙散荒塘細草枯乘風歸去晚我欲倩人扶

九竿道中

扁舟聊破浪端發擇良辰草色藍於翠晴光白似琅兩山夾岸老千樹入春新爲見楊花落無端惆悵人

宿石埭村庄

行踪靡有定薄暮到村庄雞黍堪供客林泉可納涼方言真不解犬吠亦多狂獨向匡牀坐遙遙夜未央

美人汲水

花迥深深見池塘好女來雨餘梅水足岸澗鏡奩開汲罷香浮袂攜來紅暈腮徘徊怕沾濕繡襖暗生埃

和廣陵客橫潭步月原韻

閉戶真成嬾觀心在六時多因衰病久莫怪見賓遲不飲兼除酒無題可作詩夢勞潭底月何處寄相思佳客翩然至詩中見畫圖醉歸吟月徑引我入蓬壺堪嘆篇章好空悲歲月徂時來應有待切莫話乘桴

上已

修禊名猶在臨風弔古人好春容易過經眼倍相親細草迎來路簾花落去津新鶯撩我恨百轉更傷神

廣富林

日落九峰平煙波傍晚晚生好山容我看小艇任君橫雲掩一輪瘦風吹兩袖輕短章聊寄與檢點近初更

空明子詩集卷之六

四

舟行卽景

草色上遙空舟行面面風一江初弄碧萬點已流紅樵唱來青障漁歌出翠叢獨憐衝泌客頭白老檣東

山中

千松夾古道一塔對高峰淒絕誰家鶴鼓殘何處鐘未容紅霧鎖只合白雲封爲採山中藥溪頭見鹿踪

渡黃浦

欲知申浦險但看海潮雄一葉如飄絮孤帆若轉蓬浪隨千尺長運信百年通何必驚肝胆乘流負大風

筠溪故里

我愛筠溪好筠溪得自如種松三丈外遺宅百年餘咬

脆聊供笋烹鮮待釣魚自斟還自酌高臥一牀書

### 展祖墓

我愛筠溪好筠溪世澤長故居仍翼翼永宅益蒼蒼種德欽無媿詒謀美允臧子孫誰繼武式穀莫相忘

### 泊舟泰山

舟泊泰山麓輕飄楊柳風鳥啼清磬外人語落花中絕巘搖殘照窮簷賦大東何時重到此把酒問年豐

### 本句廻文

煙捲暮愁牽牽愁暮捲煙天遙接遠樹樹遠接遙天眠短驚殘夢夢殘驚短眠前春憶歲晚晚歲憶春前

### 當句有對

空明子詩集卷之六

五

白石瀉紅泉清風颺翠煙上方通下院草閣對花田小圖添微雨遙岑暗遠天自嗟還自笑前日憶前年

### 上邑神廟東園

爲訪東園勝來遊路欲迷攜筇登翠嶠躡屐上丹梯深洞藏春小垂虹壓澗低名花開正好桃李別成谿

### 訪家蓬園叔因備悉年老家貧作此志感

司馬休官後任雲南開化府同知康熙初年解任歸里俄驚五十年半生餘晷卷垂暮愛詩篇叔工畫善詩今年近九十矣屋老頻傾瓦厨荒屢

絕煙清風存兩袖回首一凄然

### 樸村大兄屢承見詢作此酬之

我問微君好微君且莫愁一經傳註疏奉命三載

定遲留大約三年可以告成故里休回首他鄉譬浪遊何時磨特眷拜手展嘉謀

伊章五姪閉門教子一別兩載今春過舍予又他往作此寄意

力田兼教子爲善日孜孜值爾拏舟日當子鼓棹時三秋成久別一水動相思寄語棲遲客來看迷祖詩予是時作

### 舟過丹陽城霞閣閣中供關夫子神像

舟過城霞閣飛丹映夕曛流芳垂百世遺恨在三分吳魏今何有英靈遠更聞獨憐江上水不許住行雲

### 雨花臺酒樓清唱

空明子詩集卷之六

六

縱步長千里登臺話雨花講經人已去沽酒興偏賒六代簫華散孤村鳥雀譁醉聽落照外一曲度紅牙

### 石帆山

石骨千條紫江心一柱紅僧閑真似鶴山禿漸成童寄迹興亡裏潛身波浪中欲將無限恨流盡海潮東

### 燕子磯夜坐

忽驚玄鳥集鼓翼若飛鳴一點綠江岸千秋拱石城笛吹天半月波泛水中鯨寄語烏衣巷翻翻倍有情

### 金山小憩

潤州開勝域浮玉金山一插浮玉插江心春色分南北潮音亘古今龍吟明月爽鼉吼碧天陰莫向留雲亭名坐豈風吹

不禁

自怡

靜觀天地趣獨得古人心童冠有時樂風流何處尋綠  
陰常掩戶明月偶開襟知己真難遇吟成聊自吟

輓亡室吳孺人

憶昔于歸日深閨每自憐卻愁身善病孺人向有疾更望

我長年子幼患疾豈料同諧老何期嘆逝川潘牀應

不寐孤月照窓邊

長子纔三歲擎拳蕙帳前問渠娘去處卻說母昇僊廿

載憂勤意千秋聚散緣達生誰似我哀慟也徒然

話別無多語回思倍惘然兩兒須保護妾萬氏出長女好周

室明子詩集卷之六

七

旋徐氏出 參透三乘上幾超一著先優游歸大化麗日散

晴煙

一病嗟亡有俄驚六十年才甘居衆後死幸在夫前蘭

桂爭標異棠梨並鬪妍是時棠梨蘭桂一日並放散花僊女下同上

大羅天

晨起

乍聽晨鐘起塵心一豁然挑燈花弄影啓戶月張弦墨

落流玄液茶香散紫煙雞鳴分義利努力做前賢

贈華妾

華妾歸我九年纏綿疾病楚楚可憐者八載於

茲矣不意仲春忽報有室男之信痼疾亦一旦

頓捐今分婉在卽美璋有望爲作此詩一以志  
感一以志喜

屈指桃夭候經今已九年于歸時在巳丑曉烟籠遠浦

晴日麗遙天伴我燈常盡憐伊病不痊室男無復望絕

意禮金僊

豈料今春仲依然好夢來熊羆應叶兆蘭玉已含胎宿

疾欣全愈新歡可預猜待子得子後看爾笑顏開

室明子詩集卷之六

八

空明子詩集卷之七

古妻李節珊先生選

華亭張 榮景桓著

雨窓和 宋嚴東臯公韻

臨軒把卷獨吟哦品水煎茶看薜蘿  
花枝啼鳥少傍簷窓紙晚風多  
竹邊遙憶三江雪松畔難窺九點螺  
終日廉纖愁不斷浮雲何事去如波

九日偕芳苑二兄暨齊軾松友兩弟登一覽樓

鐘聲頻扣梵宮幽兄弟同登一覽樓  
三泖蒼茫來迢迢九峯碧瘦入殘秋  
將開黃菊疎籬畔已醉丹楓野渡頭  
此際憑欄多感慨湯湯四望白雲浮

題迎暉閣

空明子詩集卷之七

一望平原芳草連雨餘誰覺野花鮮  
檢書酌酒堪忘睡吸茗焚香不記年  
茅舍竹籬含夕景栖鴉流水落寒烟  
東風忽又吹肥綠愁見垂楊拂畫船

古沐堂小憩

亂蟬高噪夕陽天閒步招提思渺然  
幽輕飛泉懸瀑布高峯聳翠起晴煙  
梵音自爾無多句心印從來不著邊  
獨向空王一稽首塵緣消盡欲逃禪

九日筠溪偶步同盛良哉世執

西風起處白雲流偶爾登高樂事稠  
燕去鴈來時序變柑黃橘綠草堂幽  
星飛桐葉湯天暗雪捲蘆花著地愁  
莫道荒郊難選勝采菱溪畔有清謳

至日泊吳淞江口

晚向吳淞江口泊此身寄跡恨無端  
草枯木落禽聲變風急天高鴈字寬  
薄醉非關元酒淡重裘猶覺曉霜寒  
驚聞又復逢長至歲月蹉跎過隙看

落梅

東君自覺逢春苦花意何曾戀故人  
幾處飄零聞笛笛一番落逐輕塵悠  
悠點額嬋娟去脉脉傷情風雨頻  
聞道蘇隄桃柳暗不須對此怨芳辰

憶西湖

春色爭鋪芳草洲西陵松韻不勝愁  
別開天地湖光豔更有樓臺山徑幽  
雙塔鐘鈴傳梵語六橋桃柳自風流

空明子詩集卷之七

人從峯頂遙相憶何日清歌結勝遊

浦行

漲水連天勢欲平荒雞鳴曉客心驚  
半窓掩映孤村遠雙燕翻翻一葉輕  
綠髮朱顏愁裏改白衣蒼狗望中生  
湯裁短句酬吾友不盡年來契濶情

旭日初昇潮正平扁舟曉渡宿鷺驚  
煙波浩渺漁灘小雲樹蒼茫鳥翺輕  
世事總隨江水逝雄心猶逐浪花生  
雙轡何事頻頻鎖寥落春申故友情

草枯木落白雲平風打棲鴉樹上驚  
小艇淪隨流水去做裘應爲曉寒輕  
煙迷澤國三江遠髣髴染霜華一夜生  
人世何須盡惆悵故園松菊最關情

蘆花遠接浪花平噴薄黃沙野鷺驚堤柳半凋江岸潤  
寒鴉高噪午風輕關心水調漁舟起過眼荒烟村落生  
回首十年成往事黑貂裘敝不勝情

烟霧蒼茫竹木平鴈鴻嘹唳轉相驚白雲渺渺和天遠  
紅葉飄飄墜地輕應有霜華侵髭長不知黃菊爲誰生  
溪流一曲環村屋漁火江鄉日暮情

望夜郊行

無心策杖水雲亭茅屋蕭條對淺汀幾點漁舟兩岸柳  
一輪明月數行星山空樹補疑無迹浪轉風生若有靈  
正擬春田閒品酒長吟豈羨五侯鯖

咏柳步符匡世韻

定明子詩集卷之七

三

撩風拂雨影參差客裏銷魂莫自持垂帶漸看舒眼日  
飛花卻想送春時無情有恨人相隔欲折仍攀馬正遲  
記否去年明月夜爲君高唱數行詩

松毛塲晚泊

輕舸晚泊自從容徙倚橋邊聽梵鐘明月不妨堤柳鎖  
青山疑有暮雲封閒情每向林中覓麗句多從客裏逢  
惆悵泉聲似鳴咽舟人遙指翠峰重

放生池閑眺

曲折關干婉轉橋一簾晴雪泛輕舸荷珠顆顆拋明鏡  
柳帶垂垂拂畫桡飛鳥性馴隨飲啄游魚機活任逍遙  
惠莊逸事堪重省淞漢於今已寂寥

過西泠橋

錦隄行徧到西泠滿目蕭條悵翠屏樵擔何曾琬鳥語  
釣船空自帶魚腥酒澆蘇小難尋墓詩弔林逋尙有亭  
宿霧乍消山色美娉婷少女睡初醒

蘇堤晚望

傳聞盡說西湖好纔到蘇堤意惘然芳草偏藏山窈窕  
晴波遙漾月嬋娟六橋桃柳今重植前代風流已可憐  
把酒高歌君莫笑何年重上泛湖船

法相寺禮定光古佛

古佛常留不壞身端然法座自相親珠林但少談禪侶  
竹閣猶傳畫壁人嶺畔風濤皆枯栢門前車馬雜荆榛

定明子詩集卷之七

四

孟斯條行紛紛禱天上何曾新石麟

謁于忠肅墓

當年北狩埋軀日天地鍾靈一老成豈爲新君忘故主  
獨持大義壓群英國恩甘殉無由避臣罪當誅莫與爭  
身後謗消崇祀典此心原不愧神明

同吳赤霞坐雲林寺冷泉亭

開襟同坐冷泉亭山木陰深蔽日星香刹至今餘勝賞  
驚峰何代著奇靈清風拂拂林間過流水潺潺枕上聽  
濯足釣魚皆可意隨波但少一蜻蜓

觀五色魚

一泓泉水逼階除聞道龍王卽此居廢寺不煩人扣戶

老僧惟指水成渠怡情偶踏三天竺寓目閒看五色魚  
四壁丹青須愛護莫教歲久作丘墟

武穆王故宅題孝娥井

弔古閒來發浩歌斷碑難認費摩娑銀瓶殉節悲無限  
金井埋香喚奈何一代孝思餘故宅千秋靈爽寄清波  
肅瞻遺像徘徊立慚愧鬢眉感慨多

上吳山第一峯

獨立吳山頂上望江湖雙鎖此中央竄疑兩腋俱生翼  
未到三秋已覺霜建國錢塘猶草莽射潮鐵箭亦荒唐  
荷花桂子今何在一片寒潭付渺茫

自湖上歸白龍潭觀劇

蘭棹初回到水樓笙歌沸徹海天秋平看殿閣玲瓏出  
直訝湖山汗湧遊真面目從何處覓假衣冠向此中求  
不須更憶西泠路懶散何曾計去留

閒窓呈薇尹宗兄

積雨江城返棹初庭空草長子雲苦安排小榻窺青障  
整理閒窓坐碧虛過竹風輕隨蛺蝶隔簾香細認芙蓉  
世情一似羊腸險看作浮雲任卷舒

堯元國主蒙玄真伯在人耳中作遊仙詩

曾向堯元國裏來耳中消息可相猜琴瑟窈窕和煙鎖  
宮殿輝煌傍水開露濕花低散雪竇曉晴鳳舞上瑤臺  
仙曹主簿休羈絆真伯堪同倒玉杯

賞紫牡丹時暴雨損花

閒看蜂蝶度花枝濃豔爭開信未遲顧盼曾勞妃子賜  
色香應自魏家移紅粧盡檻盈盈立錦帳春風小小垂  
惱殺輕雷驚紫玉不堪愁緒罄餘卮

白公塘曉發

飛絮隨風逐馬蹄白公塘外草萋萋夢回常眼窺人疾  
臥對山光入檻低黯淡菜花黃半褪朦朧楊柳綠初齊  
蘭橈莫漫催歸去一道笙歌在水西

過吳門

楊柳飛花著地輕片帆曉渡閶闔城金鶯不管閒愁結  
水荇徒牽別恨生雲暗遠山看未見烟籠野寺畫難成

第三泉畔頻回首想殺斜陽笛一聲

憶得青嶂僧欲留花媚熱官句湧賦  
禊事如今儘可刪蘭亭佳會喜緣慳僧貪計巧應趨熱  
官好錢多未放閒笑我有山也解看任他曲水亦難攀  
近來識破炎涼態學得仙家一味頑

過青溪

路入青溪午夢耽愛渠晴影落空潭孤城對嶺看螺黛  
小築臨流供石龕進酒徵歌君莫笑探奇選勝我常貪  
豔陽天氣多疎懶詩興屏於小園男

次世修舊味原韻八首之四

四圍翠色繞書龕中有清冷百尺潭獨癖溪山推禹錫

願尋蘭菊訪羅含  
笛吹遠浦雲初隔  
鳥入深林楓乍酣  
莫怪形神近昏  
愁思量已自老癡  
愁

半簾花影日相  
羊笑我年來老更  
狂擬得古詩追漢  
魏幸無陋習雜齊  
梁雲歸竹徑孤村  
暗夢入槐安兩鬢  
蒼貧也何妨還自  
守不從江氏乞檳  
柳

斷紅十里憶吳江  
載得婢娟伴綺窓  
丹幃遠浮山裏寺  
綠陰低覆柳邊艘  
春風蕩漾琴心老  
夜月蒼茫劍影雙  
我舌尚存猶可試  
壯懷鬱鬱未能降

非因三徑怕荒蕪  
不羨長安風景殊  
小苑開罇宜泛綠  
閒窓點易湯研朱  
獨邀夜月堪供賞  
早納秋糧免索逋  
成敗真同碁一局  
幾回嘆息老潛夫

雲堂詩賦贈王朗菴

雲堂詩賦贈王朗菴

七

鳳鸞借得半枝棲  
初月峰雲藉品題  
九點已容松入夢  
一官仍似絮沾泥  
庭道人靜宜招鶴  
檻外煙寒待舞雞  
獨對此君吟不倦  
琴堂較勝浣花溪

雲本無心岫自閒  
每從米署望煙鬟  
吟邊對客頻傾倒  
花底攜樽任往還  
曉日半懸呈五色  
晚霞遙映憶三山  
何時得遂聯床願  
示我文章並馬班

破帽次趙柳介韻

形容憔悴病難披  
頂戴多年勢莫支  
髮短要他遮秃鬢  
頭風藉爾敵良堅  
不須神武門前挂  
何用龍山臺上吹  
歌側任憑堪笑傲  
夜燈長伴讀新詩

賦得雨中春樹萬人家

帝城佳氣最無邊  
遙聽鶯聲奏管絃  
萬井烟深籠柳陌  
千村雨細潤桑田  
農夫望歲愁今日  
唐主行春憶往年  
西眺秦關一百二  
可憐猶是舊山川

春來

春來無夜不翻雲  
凍柳欺梅太從衡  
瑤粉輕飄沾鶴筆  
玉英亂灑伴書聲  
花朝瘦損愁遲日  
風信披猖怕五更  
鈴索錦幡成悵恨  
舊年臘月最清明

經高陽故居

故居經處類山陽  
物在人亡合斷腸  
虛室空牀憐落月  
嬌紅嫩紫怨飛霜  
綠溪新柳搖殘雪  
夾岸疎篁拂短牆

雲堂詩賦贈王朗菴

八

幾點寒鴉出屋角  
銷魂此際見滄桑

山行即事

春到春分魂欲銷  
遊人能帶馬蹄鞍  
無邊淑景來花氣  
一路風光在柳條  
白練沙明青草細  
綠隄橋斷碧天遙  
日斜漁唱中流起  
倍覺溪山入眼嬌

渡江愁金山

海天一柱夙稱雄  
梵刹巍巍我水色  
中明月夜隨江岸  
白晴霞曉映日輪紅  
南來雪擁千層浪  
北去煙開萬里風  
卽此塵心堪頓滌  
何須辛苦覓崆峒

西施猿奴楊妃三種菊步韻

幾回絕色關新粧  
傳得芳名菊有香  
異代各垂亡國淚

一時同傲晚秋霜自甘沒世埋枳棘不羨來生近帝王  
回首上林何處是東籬醉賞與方長

寄懷樸村大兄

渾金璞玉蘊茅廬抱負奇才意自如握管每傷秋老日  
銜盃常到夜深餘客星悵望銀河濶梁月頻思砧杵疎  
問訊虬江舊親串何年得上萬言書  
燈下論文堪絕倒對君偏喜醉金卮胸中錦繡藏經術  
筆底煙雲慰夢思奇想天開願共解大才晚就運應遲  
上林饒有花千樹可任黃鸝借一枝

君山弔古

春申古墓薜痕封山色蒼茫氣鬱蔥鷗鷺共浮江渚水

空齋詩集卷之七

九

虬龍時吼海天風當年盜國身何處此日歸泉夢亦空  
無限荒涼增慨嘆亂蟬嘶出綠陰中

贈曉峯禪師

酒癖書淫自不禁何特訪道到珠林雲根逗水波紋細  
月影侵廊花意深半榻十年叅上乘化城一喻醒塵心  
西來大旨應非遠試向鐘聲起處尋

和旅山和尚窮詩

落落知交久諱窮閑房高臥味無窮咏歌獨得何求富  
義命相安自固窮詩酒流連具足樂溪山采釣可忘窮  
但能悟徹窮通理悟徹窮通便不窮

七夕步芳苑二兄韻

露濕花枝不耐秋高低螢火撲簾鈎金風乍入塵襟爽  
銀漢高橫月影浮桐葉欲飛猶戀樹藕花閒墜忽驚鷗  
年來抱病申江臥乞巧樓前特地愁

登采石望大江

登高一似鏡匱開松栢青蒼入座來眼底絕塵除障礙  
胸中無物可刪裁江山自足登臨趣筆墨慚非橫溢才  
卽此便堪朝絳節更於何處覓蓬萊

述懷步齊軌七弟韻

落落東南一散人飄然杖履任天真有生更學無生訣  
畏死還求不死因茗葉嚼來甘似蔗松花收得細如塵  
莫隨駒影空馳逐且作溪山嬾惰民

空齋詩集卷之七

十

登莫登峯望震澤

五湖占得最高峯水色山光較不同正喜乍晴朝氣爽  
還疑欲雨暮煙籠驚心虎豹蹲荒草傾耳虬龍吼大風  
端擬結茅來住靜肯教踪跡類飛蓬

洞庭山微香閣夜坐

莫言世外無真樂臥聽鐘聲夜半撞四面翠峯皆入畫  
一簾白雪獨當窗窗迥月色流金鏡風打松花撲玉缸  
忽慮夜深蛟起舞乘潮東去卽三江

和松坪東洋夏菊原韻

隨意扁舟到上方喧傳異種出扶桑結根海島經千里  
移植山塘近十霜佳色不殊籬落致幽芬欲逼芰荷香



吳儂好事真奇絕那惜狂歌載酒忙

賀朱辛與五十入泮十首之一

疑怪燈花昨夜凝一回匡坐一晨興豈知滄海終能到  
不料青天也可登小有園林荒寂寂暫時門戶熱騰騰  
由他阿弟官州判若較輸贏未必勝

寄姚殿颺

齋寒迥僻親賓少瓶供殘英三兩枝  
替鳥尋香梅似雪代花憎雨淚如絲  
四愁未擬多緣病一字堪師妙在癡  
更藉千杯驅累藥八行書就報君知

元夕持齋

良宵三五鼓聲頻一點燈光氣象新  
陋巷豈無人似玉

室明子詩集卷十七

士

遙天虛挂月如銀梅花已放真成瘦  
柳眼將舒怯未勻慚愧平生詩酒興  
何緣辜負可憐春

戲柬朱辛與

君看異鳥豈難鳴引吭長鳴聽者驚  
恰似故人初得意便於新歲不徒行  
三年磨礪鋒芒出一夜風雷頭角成  
自入雲霄難覩面由來魯國重諸生

咏人面桃

花容人面兩難描雀護當年魂欲銷  
移傍幽居原自媚不敢木客近手妖  
漁樵日暮歌偏遠雖大春風韻更遙  
雖遙玄都觀裏樹曾陪士女度良宵

答贈范春江

當今風雅足吾師何事棲遲谷水湄  
共道機雲堪伯仲誰云嵇阮僅偏裨  
半生別恨秋濤洗一種閒愁春草知  
自笑年來得三樂看花對月讀君詩

晴窓對梅花

春回嫩綠上莓苔梅映晴窓亦快哉  
十里未聞連夜發一枝先向此中開  
花搖素影黃金几酒引寒香白玉杯  
或恐前身是飛燕好裝七寶避風臺

閒愁

避跡蓬蒿垂十秋春風獵獵動閒愁  
飄零誰復憐丁鶴淹雅人爭識鄭牛  
不羨八叉題赤管獨攜一笠挂丹丘  
儒冠曾惹無窮恨望眼空穿烏白頭

室明子詩集卷十七

士

憶趙虎文

綠淺難消一段春半煙半雨半飛塵  
經時對卷愁無酒盡日垂簾患有身  
花難暗飄鶯拾得雷痕潛濕燕相親  
他年曾訪蘇門隱長聽鶯聲學葆真

戲贈

烟鎖花溪一片春琅玕且喜紫為隣  
醉邀仙客拋銀海笑指妖童號玉人  
百晦采蘭圓綺幄四香遮柳避芳塵  
可憐婉孌清揚子但少烏龍臥錦茵

次韻酬友人都門湯興之作

丘園坐老愧無能千里相思惠百朋  
君走名場忙似鹿我依初地寂於僧  
吟哦詎可違紅友滋味何如對綠燈

莫道長安難託跡故鄉五月水雲蒸

郊外閑吟

柳市陰深茅舍遙牧童吹笛一聲簫千層麥浪浮春色  
萬點風花捲暮潮鶯近垂楊何處轉魂迷芳草不堪招  
荒雞旁午聲愁絕滿眼松筠鎖寂寥

飲翁馭臣齋賦謝

殘梅落盡杏初紅名飲何愁渴酒龍婪尾不辭傾竹葉  
烏皮奚啻列駝峰醉心拚學山公載飽德深漸段相供  
見跋莫疑更渴盡隔花纔報二更鐘

同舍美濂溪觀劇畢因赴來英之約湯賦

誰將一曲奏雲隈點綴層臺錦繡堆絳樹恰隨簫鼓歇

空明子詩集卷十七

七

霓裳還傍管絃來因知身世同浮泡豈獨優伶類劫灰  
爛醉故人君莫笑遠山不見日西頽

卽事

銷盡蘭膏夜若何菜花陌上湯經過泥深不止難穿屐  
雨急還防倒捲波隔浦漁舟遮露柳傍村鬼火帶烟蘿  
危橋仄徑俱行過惱殺東風撲面多

小院懷趙晉落夏善長

香擁紅芳小院春正因濃豔更愁人十千酒債朱提少  
廿四花風玄液頻蛺蝶未交憐粉膩翳娟忙採怕家貧  
如何不負盃鵝鴝紅燭留髭醉一句

牡丹

坐對名花笑語頻恨無佳句贈真真四香閣上簫聲咽  
百寶欄前月色新李氏酥煎看冶豔舒家繡障隔芳塵  
可憐不遇程修已誰復陳詩獻款宸

珊瑚爲架玉爲牀收拾春光上畫堂紅粉三千堪作隊  
金釵十二列成行杯浮瓊液賓朋醉贈縷銀絲七箸香  
多少傾城供一笑可憐蜂蝶亦飛揚

舟行雜感

銀浪真堪駕鐵舟吳歎一曲破閒愁錦帆半挂三江遠  
畫檻平臨九點收靄靄彩雲圍日脚霏霏紅霧散風頭  
何須憑弔千秋事滿眼絳華亦故丘

任他蘭蕙盡輕舟嫩柳新蒲動暮愁日色不多看漸去

空明子詩集卷十七

七

春光無幾恨難收誰家賦千雲除有客甘貧臥隴頭  
細數古來名利子未堪宿草徧荒丘

乙酉金陵歸家作

打掃愁城另立塲桂花已謝菊花香小橋流水人無恙  
矮屋疎籬草自芳酒盞只空供當做筆床無復記荒唐  
堪嗟歲事成寥落且與村農細酌量

病起有懷寄黃劍威

爲愛晴和春暮天強扶衰疾到窓前花梢蝶翅高還下  
樹底鶯聲巧更圓若個光陰真可惜怎生消遣得周全  
諸君約畧多同病打破愁城在酒邊

擇吉壤卜墓族伯湯賦

遙想當年生計貧，桐棺冷落晉江濱。  
寒風夜伴蘆花雪，麗日朝愁陌上塵。  
朽骨可憐無祀鬼，殘骸得遇大和春。  
同心幸藉諸兄弟，經理佳城得展親。

又雨

才晴又雨近春分，剪縷縈絲織翠裙。  
拂岸殘梅花冷落，侵階細草葉繽紛。  
煙橫遠樹迷雲竇，風鏤方塘感簾紋。  
金管日長消不得，醉眠可要覓桐君。

歸棹寄顧湘九

流鶯飄泊竹初芽，開到桃花又李花。  
雙槳波翻溪北轉，片帆春挂日西斜。  
菱蕩小園添新綠，淡淡遙山映暮霞。  
高唱未能消白髮，只須得酒便爲家。

念前山茶

燕黃蜂語意開小，齊春暖發山茶全。  
低綠錦千層碎，半捲紅綾一道斜。  
名亞寶珠雕赤玉，色同瑪瑙映朱霞。  
誰將鶴頂丹砂染，留伴書窓度月華。

春日卽事寄湘芷外史

春色朦朧錦繡遮，嬌鶯乳燕度芳華。  
晚晴曳杖尋桃葉，朝露提壺問柳花。  
紅粉有情迷胥索，青袍無計避香車。  
年來不覺登臨倦，愁對西山落照斜。  
風回晴日獻良辰，路轉斜橋太媚人。  
夾岸桃花紅雨嫩，繞堤楊柳綠煙新。  
游絲不繫春光住，飛鳥偏啼暮靄頻。  
惆悵無端數行淚，道旁暗洒濕香塵。

賦得梅花落地魚鱗薄次沈瑤田韻

蕭疎白髮已盈顙，忽見瓊英別玉川。  
香雪飄飄愁晚照，蒼苔點點濕春煙。  
風迴素影誰能似，甲卸神魚此地偏。  
我欲醉眠花底月，孤山疑在釣臺邊。

夜坐苦雨憶董瞻吧

祝晴日日望雲開，好倩蟾光到鏡臺。  
霓羽雖無白雪和，金波堪照玉山頽。  
挑燈覓影生奇鬼，煮茗添酥响蜚雷。  
欲得故人來入夢，奈他寒雨滴蒼苔。

午睡憶奕山十一弟

臥看花影下層臺，窈窕文窓次第開。  
紅友中人殊不惡，青鏤恕我暫教回。  
爐烹雀舌聽泉沸，睡帶蘭香入夢來。

消得日長琴一曲，好從燈底覓桐材。  
奕山弟工於琴故云

戲柬朱秉士

禁烟時節雨風遙，偷隙尋芳到草橋。  
綠暗湖邊惟柳嫩，紅燒天半有桃夭。  
醉心不獨鶯聲好，觸目偏驚山色嬌。  
佳景關情易惆悵，習池何日遠相招。

龍燈

燭龍擎出慶華年，首尾驚看錦障前。  
大海原知難變化，元宵暫許一周旋。  
爪牙拏攫人爭沸，鱗甲飛騰火欲然。  
安得紅雲高捧著，鰲山頂畔夜光連。  
誰遣神龍若木東，爭看天矯舞春風。  
柔條作體無堅骨，烈燄薰心太熱中。  
幾處朱門歌徹曉，通宵錦陌月當空。

燈殘頭角嗟零落，腹惟堪付祝融。

共說錢塘一火龍，何來元夕關燈紅。燒殘蠟炬光華滿，  
迺入侯家氣象雄。紫質但憑紙作俑，揚威全賴篋爲功。  
可憐得意無多日，魂斷蕭蕭暮雨中。

天門曾侍紫雲紅，又向天街習火攻。入市競誇光接漢，  
微宵爭詫氣如虹。生憎矯矯純陽物，變作星星百足蟲。  
吳破紙糊誰復顧，不如竹馬跨兒童。

上元佳節月輪圓，龍作華燈五彩全。獅子減威應退步，  
鰲魚失色敢爭先。鬚髯但恐常垂地，頭角惟愁欲礙天。  
誰料炎炎消歇後，枯然敗朽得同然。

龍身節節好盤旋，首似牛形尾向天。豈解與雲併作霧，

但知竟燭與求錢。朔風吹徹傳柑夜，離火烘殘得意年。  
不信龐然成大物，要人笑弄到華筵。

照如子文

蘭菊叢生谷水陽，看人岐路哭亡羊。狂吟竟句題花塢，  
痛飲逢場託醉鄉。雲慘陰晴日少風，飄紅萼雨天長。  
踏青鞋襪乘時著，好聽新鶯一鼓簧。

花下招陳舍美李次鄴懷鏡淳鍾豫凡于南田陳

岱周季克紹小飲

養花天氣半陰晴，爾許春光百媚生。鶯鼓新簧殊有韻，  
燕管故壘倍多情。淺紅帶露臨窓重，嫩綠翻風繞砌輕。  
忙捲珠簾斟竹葉，莫將塵網襲冠纓。

閉門獨坐思無聊，綠嫩紅纖入眼嬌。斜月三分微蕩漾，  
輕煙數縷暗飄飄。飄飄渠渠濃豔誰堪匹，對此窮愁或可消。  
擬向花前拚盡醉，藥欄東畔一聲簫。

性近疎慵愧不才，良辰雅好在擎杯。高賢合贈琳琅句，  
傾國同看錦繡堆。春到殘時花更好，人於醉後月初來。  
相知聚首真難得，莫憶平生萬事哀。

訪李節珊

爲訪名賢步紫苔，晴煙遙望夕陽開。雲霞落處揮金剪，  
龍鳳翔來賦玉杯。夢絕繡華知道力，氣干星斗識仙才。  
補天能事今重見，造化於君何有哉。

味復齋綠萼梅次王京客韻

空明子詩集卷之七

七

暗香遙襲綠羅襦，伴我齋前一小株。色似翠蛾纔點黛，  
蕊同元鶴乍銜珠。欹斜瘦影枝偏傲，寂寞空庭態自殊。  
不與群芳鬪嬌豔，半簾明月好相須。

庭梅綻綠映寒襦，喜得窓前植一株。苞染淺深螺子黛，  
枝凝大小玉盤珠。上堦苔錦香應遜，弄影松針韻更殊。  
獨占春光開最早，等閒桃李莫相須。

空明子詩集卷之八

古妻李節珊先生選

華亭張 榮景桓著

綠牡丹

不數隋宮畫翠蛾綠紗窓外醉顏酡  
天香湯訝藏么風國色何緣點黛螺  
苦錦襯來情自別雲映處興偏多  
仙姬此夜如相探斜倚東風唱踏歌

牡丹乍試一花作

殷勤爲報鼠姑知寂寂閒房莫我欺  
瓊臚筵中惟飲酒管絃隊裏少吟詩  
雖無繡帳重重護也有珠簾淺淺垂  
一炷清香消永日寶妝正合隔窓窺

輕籠巧笑一枝煙脉脉柔情乍暖天  
寶鑑平臨疑滿月

空明子詩集卷之八

一

舞衫才著昔華年風迴夜靜愁金縷  
日落春深怨翠鈿鶯燕似憐花事晚  
伴人寂寞苦周旋

夢雲仙佩獨飄飄肯與群芳鬪體嬌  
伴月夜深啼玉觴臨風羞重暈紅潮  
生憎媚蝶真輕薄還恨遊蜂太叫囂  
爲醉一尊仍自酌香魂應不羨無聊

夢魂苦被鳥驚猜帶倦看花首重回  
清露似拋紅粉淚酡顏如醉玉缸醅  
佳期不許鶯偷覩密約何妨蝶作媒  
杯酒與君相爾汝翠帷斜捲更徘徊

賦雨中牡丹

斜風細雨伴天香似樣溫存總斷腸  
翠幙不遮清淚落寶闌空鎖玉顏傷  
黃蜂那敢窺春色紫燕無端語盡梁

脉脉含情愁未散琵琶錫鼓憶三郎

有感

役役勞生苦未停看他醉語正難醒  
貧能累我惟衣食利若薰心損性靈  
松籟幾回驚曉夢鴉聲時復下空庭  
如何不自憐毛羽還向霜天剪翅翎

與玉英兄坐話有感

浪擲浮生三十秋也曾年少話封侯  
饑蟻撲火高人笑孺子成名我輩羞  
千古是非終有定片時顛倒不須愁  
請看貴賤俱黃土爭似忘機到白頭

夢撫兒作

憔悴支離病裏身不堪清淚哭亡人  
三冬燈火消長夜

空明子詩集卷之八

二

四壁環玕付時塵一自佳兒成大別  
幾回惡夢得相親可憐斗載憂勤意  
歷盡艱難到苦辛

夜坐

年來遭際益酸辛虛擲韶光幾十春  
爲悼子亡翻恨子因悲親歿轉思親  
接談日日期良友入幕時時怕惡賓  
非是私心太多慮中山前度結成隣

連宵夢想數晨興幾度哀傷得未曾  
恰似炎時遭烈火又如寒日逼層冰  
忘情不獲師先聖懺過除非拜異僧  
惟伏佛輪回造化重來書館伴青燈

奉酬隱公大師範章

綠溪覓友訪書癡瞻禮名藍有幾時  
數點寒鴉棲古樹

半灣流水浸疎籬詩箋寓意篇篇好茗枕談心事空  
誰料虎溪三笑後病軀哭子不勝悲

答自策禪師步原韻

病餘久已絕吟詩因悼兒亡偶寫悲風動暗搖晶桂影  
月明空照海棠枝定須堅整千尋檜敢望重生五色芝  
一著輸贏猶未卜眼前爭勝似圍碁

擇居示魯亭伊章兩姪

春草溶溶滿地香風晴日暖見紅芳欲求若個仁人里  
難得尋常君子鄉回首舊遊成寂寞側身長望獨翱翔  
梧桐竹實安排定願借高岡集鳳凰

寄王靈子

空明子詩集卷之八

一違仙吏到如今又被星白髮侵改望遐齡開後覺  
但綠幼子繫人心黃川落葉愁無著高樹棲禽嘆不禁  
朝霞開門靜坐對花時或發長吟

坐對梅花憶孟昭姪

十年培養好花枝爛熳春光正一時豈料雨風狂太甚  
更憐攀折勢難支香魂合剩臨池影瘦骨惟餘傲雪姿  
最是夜深尤寂寞隔窗燈火費相思

閒感

海天無際水迢迢蟻國君臣影動搖千里河山歸正朔  
萬年版宇屬清朝豈知漢大真難敵未識人心祇自消  
廟算那須煩將相欣看玉燭四時調

展墓

三益春醪滴九泉長言哀訴墓門前身如大海波中立  
勢甚危樓屋角懸愁病未完隨哭子怨人不敢況尤天  
可憐後嗣殊衰敗一度臨風一惘然

此身自分柱中流長子何緣一旦休止剩四郎交四歲  
敢祈千佛祝千秋詩書只望綿餘澤老大安能散舊愁  
拚我白頭勤教誨他年應許紹前修

返棹寄吳門諸子

打頭風急亂江紋樹色山光遠不分鷗立塘邊一點雪  
鴈橫天末數行雲捲簾望見秦樓女執手疑逢越鄂君  
何忍匆匆作歸計那堪楓葉落繽紛

空明子詩集卷之八

登崑崙文筆峰

惆悵秋深入髣髴毛攜筇躡屐政辭勞城邊衰柳翻餘浪  
屋角喬松起怒濤接地線天通洞臨插空文筆倚雲高  
廿年不到今重訪一醉閒房典紹袍

四兒痘瘍詩以哀之

驚魂無定似然灰鬼語分明到夜臺疎雨暗燈催短夢  
亂煙孤館哭殘梅松花粘釜難消恨蓮露傳歌易動哀  
髮數莖拚白盡海鷗應不更相猜

示諸妻

無法堪求種子方只拚百計覓新粧可知涉獵詩書客  
不是尋常駟會郎贈汝一篇吟麗句勸君三盞醉瓊漿

莫嫌垂白非佳壻京兆風流此更狂

遇仙

及笄時候破瓜年遇得先生是地仙歡笑似憐飛絮舞  
游行無礙落花妍微歌鶯燕來窓外聽籟松筠到枕邊  
再看桑田三變海飛昇同上大羅天

咏柳

桃花初醒柳方癡蕩颺春心那自知散髮不教雲鬢結  
細腰偏許路人持枝棲黃鳥聲流韻花點香塘綠滿池  
誰道芳容易憔悴片時搖落易勝悲

無題

錦帳春風萬象新六街燈火夜沉沉花深月黑人難覺  
柳暗星稀露未侵銀波三杯酬四美玉簫一曲抵千金  
可惜不作遊仙夢枉殺雲英半寸心

雨窓寄錢介維

愁雲漠漠鎖蒼天未許花枝照眼前一醉何妨畫作夜  
三眠空笑柳如煙春濤欲滅臨波檻燕剪初回傍戶椽  
馬足車塵徒碌碌便應終老學逃禪

子家婢妾皆無益蠹母輩也蠢然下材書此謹之  
家貧無力覓纖纖庸陋兼全非自謙久處慣看忘蠹母  
暫時驚見詫無益彩箋半作包花裹玉管將爲剪燭鉗  
最有一端具可笑正襟危坐但莊嚴

獨吟

傳聞諸子聯詩社莫訝先生湯肯來覓句未堪酬愧偶  
擊玉每欲進與僊花開小砌憐同調蝶舞閒窓愧不才  
何事獨吟成寂寞案頭明淨絕纖埃

乙未二月一日抱素松兒口占

寒深日日醉醺陶忽報春潮長半篙已見淡黃粘嫩柳  
漸看濃豔著天桃家珍未敢誇麟趾書種殊堪望鳳毛  
且喜白頭重得子一生忠信戴天高

燈前菊影

誰把黃花號冷香背燈無語細端相蘭膏照去成空色  
鶴鵲銜來見淡妝密蕊離離應似畫柔枝裊裊欲生芳  
夜深獨賞陶家種五美偏宜映粉牆

贈魯菴上人

避俗方思隱釣磯無心沙鳥自天機有僧策杖談真訣  
與我臨淵對落暉松塵拂座忘色相蒲團枯坐欲皈依  
應知此理歸何地一片浮雲處處飛

答和俞柯亭見懷及兼念余聲魯菴原韻

無端春事雨中過敢做先賢衣綠萼花信勒寒仍若此  
暮愁怯醉侍如何懷人入夢三更未得句挑燈五夜多  
我道祇空攻異學未知應否拜維摩  
莫怪韓公痛舐排笑他妙用在瓶茶不如玩世尋莊列  
且自酣歌並葛懷覓得詩筒兼茗椀伴渠竹杖及芒鞋  
松陵唱和堪追蹟嘯傲花間亦自佳

對梅花

身共庭梅好結隣每從寒處著精神入門只許投詩客  
開遲偏空踏雪人老幹拂簷同傲骨冷香壓帽託芳塵  
讓他鶯燕乘時到撓亂紛紛桃李春

小齋坐雨用香山韻東唐春皆

東風吹雨滿天涯幽砌新紅泣美娃架上書籤餘潤著  
碎間詩句暗塵埋憑他車馬誇流俗未必清閒勝我儕  
但願羲輪常顧盼狂歌一日一開懷

用香山韻贈舍美

昏花老眼漸茫茫想對親朋情益傷半世誰家能醉酒  
一年若個與聯床松風淡蕩看山色煙月朦朧憶水鄉

案前詩集卷之八

七

惟有春來鶯語滑吟成天地好文章

和于南田贈言

杜門欲掃羅經地忽報投詩今雨來綠萼半枝猶未放  
紅蘭一朵欲全開並非高節甘蓮戶祇愧瑤章擬釣臺  
惜爾夜光曾按劍碧窓吟味恨難裁

寒食後二日同次鄴鏡濟赴潘層峰玉蘭紅杏花

下之酌

湯勞折簡遠相招敢憚攜朋躡屐遙才子向推騷雅伯  
名園況值豔陽朝一池綠水窺全面幾點奇峰露半腰  
蘭玉滿庭看爛燭伴他仙杏暈紅潮

吳滄雪艱於得子至五十六後如夫人連舉三雄

今丙申歲偕老夫人七十雙壽又舉第四子諧

同人微詩稱慶作此應之

七旬又報產名駒四乳欣看盡丈夫幾並寶家誇五桂  
已過王氏號三珠麒麟故故遊郊藪鸞鶴雙雙峙竹梧  
爭羨德門遺澤遠仲雍苗裔著勾吳

戲柬金德籀

莫驚議論一朝新我是清時無兩人書卷破來寧守拙  
甌塵堆滿不言貧睡餘只憶花如錦醉後常期月似銀  
願學孫登鸞鳳肅相從世外作天民

得第二子飛熊作

已欣玉樹發庭輝又報芝蘭長嫩枝澤在祖宗真不與

案前詩集卷之八

八

德垂天地果無私幾雲誰道非雙戟輒輟爭誇在一時  
珠顆玉芽懷抱裏好看頭角露英姿

與朱北才陽叙

何曾我與世相違不覺驚心欲掩扉路梗妖蛇春色暗  
晝飛哭鳥日光微風沙漠漠難睜眼枳棘叢叢欲刺衣  
抱膝長吟揮短塵一尊獨酌對斜暉

銀燈挑罷對黃昏獨坐支頤欲動魂家乏兼金難結義  
津沉寶劍莫酬恩只餘修竹搖晴影惟有空庭印月痕  
不是漁生拚閉戶此身休戚付乾坤

招張玉田小飲不至卻寄

敝居只好託貧交怕見冠裳到草茅徑曲愛看花晏晏



齊寒惟聽鳥寥雲峰象外松低壓杯水堂前地半坳  
說古談今堪寄興酒徒詩伴莫相拋

喜沈耀遠過訪

北窓高枕綠陰輕宿雨初消看早晴客是羲皇同玉潔  
詩追晉魏見水清草堂愛我無塵慮花逕因君遠宦情  
松菊綠深閒夢絕孤標應與歲寒盟

重陽後六日攜戴壻泛舟虎丘閱其近作頗慰老

懷詩以志喜

一葉隨風帶月行午餘飛渡兩三程半塘繫纜尋芳徑  
七里支筇趁晚晴黃菊已開秋漸老丹楓未下客先驚  
喜他小戴頻頻問攜得新篇慰我情

空明子詩集卷之八

九

練川王汝師三昆莖其尊人士修諱爵號酒類於

姑蘇閨門外西南四里裏雙橋之高原因其力

綿以拙刻二十部贈之

二十年前憶酒顛興酣落筆滿雲煙一貧留得常如洗

三蓋銜來別有天惆悵故鄉風土薄經營末宅子孫賢

麥舟愧我無多貺廿卷新詩當紙錢

閩南映姪四吟稿賦贈

白雲吟詩中時作  
一為吟詩中時作  
一為吟詩中時作

喜逢小阮到款關投我新篇足解顏驂雅宿推唐鄭谷

風流重見白香山詩隨萬里皇程去吟逐三江鄉夢

還但恐舞鸞銜紫詔未容久戀綠衣斑

義興儲六雅韓大文攜令子廷伯拏舟枉顧因招

諸同志及姪甥輩二十餘人燕集兼訂後期

不辭倒屣接嘉賓招集名流笑語頻金石盡爲堂上客

芝蘭同作會中人千秋道義誰能匹一代文章孰與隣

承許平原留十日季鷹本屬老閒身

去冬田租半收完官之外度日維艱家人告困作

此解之

布衣蔬食只平常儒者家風好主張醉後呼童茶正熟  
睡餘落戶月生涼官租早稅身心泰魂夢相牽山水長  
課字莫誇兒可教膝前竹馬任徜徉

晚霞

空明子詩集卷之八

十

崑崙山上會群仙王母來遊散紫煙丹鳳展苞逃遠浦

火龍銜燭照長天如逐明月偏軒舉似挽斜輝故左旋

誰謂海風吹易斷隋宮領得幾多年

渡春申江

萬條楊柳捲飛煙鼓楫中流浪拍天未許半篙能刺得  
豈容一葉遂安然原知隔板真無路且話餘生不值錢  
忠信涉波成戲語何由東海變桑田

自虎丘山塘步至道院萬壽壇中瞻禮後觀僧

人誦經梨園演劇同周子

嫩紅滿地路晴陽公子調笙化日長一逕遙通玉局觀

三條直接御鑪香清歌彷彿釣天樂絳樹低徊選佛

場寄語梨園須努力莫教曲誤顧周郎

支硎晚眺隨喜法螺庵

歷亂繚花樹樹紅石門中斷徑潛通戴顒攜酒柑初熟  
支遁還山鶴上神鶯嬾不須啼暮靄蝶閒猶自舞春風  
法螺別有松千尺一踏巉巖到梵宮

自法螺庵拜趙凡夫墓

當年翰墨已寥寥幸有孤墳魂可招處士宅荒悲後代  
先生少微星暗惜前朝不遇鹿車共挽林泉隱與夫人  
鴻案如賓倡和遙工翰墨何日一雙同化鶴歸來華表  
話無聊

自趙墳至千尺雪聽瀑亭

沿溪窅窅訪潺湲松竹周遭鎖翠煙不料才離詞客墓  
何緣恍遇水簾泉噴珠激露真奇絕片石孤亭尚屹然  
傳是前賢栖隱處寒山一帶傳是趙  
千尺雪係先生隱跡而成幾經費盡鑿山錢

自千尺雪步至華山亭子有感

紆迴僻徑見飛僊陸續籃輿滿日前春色不辜遊女興  
花枝應讓美人妍生憎石蘚留弓印勾引山僧憶翠煙  
老大那堪溫舊夢風流輸與杜樊川

自華山轉至范丞相祠兼步長白先生廢園

重尋舊路陟高岡丞相祠堂草半荒在昔龍光真不忝  
到今名姓有餘芳先憂誰弗欽鴻論遺澤猶能設義莊

婉轉橋名范廢園成寂寞漸漸麥秀已滄桑橋下咸平  
長白建

廢園

自范園登山過龍門閱萬笏朝天諸石

驚看萬笏果朝天上帝高居禮衆僊遂有龍門通絳闕  
豈容毛女落松顛山餘絕迹  
女所不到參差墨玉層層出修潔元  
圭面面懸笑指行踪人不到已疑身臥白雲邊

自萬笏朝天重登天平山絕頂

孤峰突兀衆山巔探徑空勞望眼穿上云竟同猿覓果  
下來應笑鶴橫天渾身是膽重登此滿肚閒愁始脫然  
萬死一生尋舊路白雲古洞鎖晴煙白雲洞在龍  
門直西百步

自天平山步至舟中

暮霞爛爛滿通天策杖相看落照遶山鳥會心隨意語  
出花天影一枝妍插空石壁通幽徑夾路松濤送上船  
欲覓勝遊何處好歸舟屈指問長年

自吳門放舟至常熟訪仲雍故跡

齊女門邊鼓棹頻咨憐同望玉嶙峋煙迷野渡渾疑盡  
日照晴湖竟似銀垂柳萬條搖斷岸流鶯百轉送殘春  
吁嗟一輩無多路載訪荆蠻古逸民

虞山謁言夫子墓

海虞秀絕此山川瑞氣盤旋產大賢歷代承膏原不與  
新朝雨露更無邊時賢齊新種世  
裴五進博士牛眠定許千秋貴馬  
齒應知百世傳拂拭豐碑苔蘚合夕陽古木起寒煙

登常熟西山望尚湖

驚啼花落柳拋綿  
疊嶂層嵐對巨川  
石磴下空飛拂水  
劍門中豁露遙天  
懸崖宛似堆紅玉  
絕壁依稀聚紫煙  
我醉欲眠山頂上  
好看明月照湖船

自常熟歸舟中作

片帆高挂渡江城  
綠柳青蒲夾岸生  
五鬣鬱蔥含宿露  
伯勞言語報新晴  
落花自怨春無賴  
細草猶憐蝶有情  
指點茂林藏古剎  
笛聲吹徹牧童橫

王範之先生枉顧留飲小叙

十載相思度歲華  
湯勞枉駕一鞭賒  
如君當世文章伯  
推我於今理學家  
無論是非終幻泡  
且看富貴等空花

李開子詩卷之八

七

白頭俱在重生子  
把酒言歡日未斜

去冬營墓維新弟今偶過墓所詩以弔之

去冬營墓曲江濱  
不覺重看淚點頻  
念子一生無失德  
師子廿載作全人  
白楊苦美蕭蕭影  
紅日忙飛急急輪  
泉下酒漿誰復奠  
那堪宿草捲輕塵

臥病

連年臥病本尋常  
潦倒殘生若探湯  
當食但嫌滋味變  
下簾還怕景光長  
投來苓朮非佳劑  
拋卻詩書是秘方  
到老不過三十載  
枉勞簞美小兒忙

小窓

小窓曉起凭闌干  
綠樹陰濃帶淺寒  
病後品泉誰共語

睡餘把鏡獨相看  
庭鋪書帶偏名草  
盆貯珍珠亦號蘭  
旋捲湘簾容燕入  
不知日上已三竿

病愈獨坐回憶致病之由湧賦

雕梁只許燕飛回  
蘭菊叢叢覆紫苔  
猶憶峯巒欣獨賞  
多緣攀陟苦生災  
簾搖晴影看無定  
花打閒窓鎖不開  
跌坐閉門君識否  
一盞燈火病如來

病起看兩兒開耍

兩兒日日好周旋  
旋竹馬鳩車到眼前  
催老韶華將六十  
綠愁白髮已三千  
相看撲蝶尋梅豆  
更要驅蜂捉柳綿  
遮莫畫梁雙燕燕  
呢喃並坐說流年

無題迴文同介山姪作

李開子詩卷之八

西

啼鶯亂處是晴天  
早起先來望柳烟  
鷓鴣唱曉寒驚夢  
短燭搖奩影更妍  
菱菱草濕苔皆潤  
剪剪風輕燕語便  
西閣小窓蕉長綠  
低欄碧樹繞流泉

蛩聲一夜徹西堂  
老幹桐陰碧蔭長  
何鎖舊愁懸玉佩  
帶圍新恨散蘭香  
龍盤麟額遮高髻  
鳳舞金鞍踏響廊  
峰遠暗消雙黛鎖  
鐘鳴聽罷理殘妝

南映介山吳雪三姪及映璿陳甥爲我經營壽域

心竊感之作此致謝

老妻卜莖費經營  
兼造生墳看落成  
郭氏有甥稱奕奕  
謝庭無樹不菁菁  
敢誇若斧追前轍  
豈得如坊炫後生  
藉爾衆聲真易舉  
因思兄弟涕縱橫

墓先室吳孺人後蒙範之王先生到山展八拜之

禮作此志感

先室去世因身老子幼無不受邪王先室到山堅辭不允故有此作

忽聞嘉客遠相將一束生芻詎敢當下士寒荆真潦倒  
大賢陪禮異尋常半丘豈足傳終古撮土奚堪問若堂  
慚愧達生誰似我悼亡應不做潘郎

贈蔣漢襄

有序

老友蔣漢襄年當八十高隱塔灣令子虞尊孝  
養備至兩孫總角雅好斯文遐齡講學似續古  
人酒癖書淫當今無二獨居一室謝絕酬酢者  
十有餘載矣予因喪偶意欲墓先室造生墳緣  
曾有宿約登堂敦請欣然就道慷慨廉介世莫

空明子詩集卷之八

墓

能比有言必踐白首如斯予何人斯當茲雅愛  
惟有作詩銘感以示子孫而已

不辭年邁涉江濱古道如君有幾人虛老黑貂生白髮  
獨蒙青眼出紅塵幾沙起伏岡陵固環水紆迴氣象新  
存歿雖殊同一穴成生均庇太和春

自墓畢歸里忽聞華妾產亡詩以哀之

亡妻華氏

其四世祖建公吳國今歸我九年祭時字墓  
有可觀所作墓誌不示人未及付梓其墓  
其七古律詩二首以當哀輓一章云爾其一云  
其墓西日月常照天地長存思因人多感其  
無書法可誌為哀輓數語期與一平悲感  
病廢其二云墓誌不誌遺愛百和墓玉馬  
墓中置金魚或水動雲飛定笑向相如  
其墓置金魚或水動雲飛定笑向相如

幾經望爾笑顏開豈料重生蕙帳哀豈蕊有胎終不吐  
蘭蓀未長竟成灰何堪莊在鼓還缺轉恨潘床塵滿堆  
欲寓慈心頻開筆暮年夫婿愧菲材

墓先室畢即於墓旁建德福山莊

墓在三林鎮東南約二里外地

名德福橋今即

以名其莊云後堂供吳孺人神位蒙李節珊

先生書贈柔惠且豈四大字匾額滿飛鳳舞其  
不世之異寶也拈成四韻以示後人

佳城簪鬱起層臺丙舍新營傍水開豈有婦娥竊靈藥  
反勞燕許挾天才纖波濃點看書法屈玉垂金見體裁  
但願後昆常寶護莫令斜蚪暗塵埃

故交俞日如夫婦俱享大年惜無子歿後貧不能

空明子詩集卷之八

墓

墓予與奕山弟南映姪哀錢以付其甥丁昭服  
墓於上邑法華鎮之先塋昭位焉

交游四海半沉淪身老家貧孰與親頗氏有棺徒寂寞  
鄧家無子最酸辛渭陽賴獲賢甥在馬鬣還依先壙新  
獨爾不勝求共助惠連元達總超倫

辰如天如兩人係同胞手足於子為五服兄弟俱

夫婦齊眉子孫繞膝因其力綿今將義米餘貲  
為之各造生墳附於叔考之昭穆焉

左昭右穆附先塋各造生墳及早成有子有孫俱乏力  
難兄難弟總關情須知落葉歸根老豈比浮萍逐浪生  
從此荆花復暢茂九泉神聽亦和平

老友何乘策者俠丈夫也退老谷陽晚年喪子偶

遇於蔣塔灣座上聽其備述歷經惡況受侮不  
少具令人憤悶欲絕爲作此以弔之

暮年失意足嗟吁老屋頽垣亦見誣豈料雨風狂片刻  
遂令黑白混須臾滿盤直欲同歸盡一着猶能不服輸  
獨有童烏堪痛殺幾時重得鯉庭趨

王子周先生欲營塋祖父兩世力有未逮予感其

孝思真摯鳩貲捐助詩以哀之

每思負土淚常盈卜塋今看漸有成兩世寧知大厦傾  
一坏翻覺太山輕驅馳易令朱顏改歲月空驚白髮生  
感爾孝烏能反哺吹簫來會不勝情

空明子詩集卷之八

七

卽事迴文

天陰綠樹拂寒香設設松濤引籟長泉挂瀑晴懸白練  
竹搖春霽散清霜鶯啼獨悵空殘夢蘚綠凝愁傍短牆  
眠起數看鶯宿驚綿拋柳岸點開塘  
川晴照眼柳回青望遠徒憐似醉醒烟捲暮愁牽斷岸  
草濛波影動孤亭年華記恨空流水語笑追歡憶落星  
妍態美花梅榦瘦天遙映閣繡屏  
鷗閒伴我許開襟遍立欣看菱翠林酬唱寄情怡碧水  
潮清標意戀遙岑秋深悵望空槐柳日落悲懷動古今  
幽徑曲廊環石砌愁多髮白雪霜侵  
風打空庭閑落英醉殘惟坐小窓明東牆臥老嗟頭白

北閣看魚釣澗清銅鏡照簾搖日麗玉環懸帶壓衣輕  
叢叢桂樹添蒼翠桐鼓新聲聽鴈鳴

游仙

玉皇昨夜擁紅雲直入天門凌紫氣控馬老奴王武子  
抱琴小婢卓文君黃金几畔雙成侍白玉階頭百和薰  
賜我一杯三日醉醒來猶覺氣氤氳

送吳霑四姪計偕入都

帝城春色滿蓬萊囑爾征帆及早開風送滕王原有意  
雲生馬足豈難猜懷才正合投明聖射策還應動上台  
待我六旬初度後予自巳亥生至戊戌上巳日適當花甲一週好看捷報  
日邊來

空明子詩集卷之八

八

臘月二十四日家燕

一年惡况苦難陳此夕長言不覺頻搔白獨思戒旦婦  
先室最添香還憶校書人予安順善操持且看子女雙雙舞共  
慶庭幃事事春把盞莫辜桃李意鸚鵡酒面感紅鱗

六十自壽

開簾晴色滿春山介壽稱觴足解顏幼女能調長女笑  
大兒故學小兒頑沙鷗有意人爭紫海鶴無心雲共閒  
從此好爲雙屐計遙岑路過鵲鳩斑

空明子文集目錄

卷之一

葦城賦

西子湖賦

登吳山望錢塘江賦

卷之二

我園賦

浮雲賦

竹夫人賦

秦望山賦

三昧庵賦

九峯賦

三泖賦

掃墓賦

卷之三

拳石山房記

游支硎山記

空明子文集目錄

游寒山記

游天平山記

游尚湖記

謁言子墓記

游虞山拂水巖記

邑神東園記

游橫山記

老桂記

海湧峯記

夢記

卷之四

唐餘年小傳

謝亦山小傳

朱尊江先生傳

雲嶺姚師傳

宮窩亦圓師傳

果如師傳

盛小叢傳

陳含美壽序

追貶竹夫人篇

華姬述

卷之五

告亡友朱秉士文

高寒先生趙君墓誌銘

亡室吳孺人行畧

贈錢道人能持戒律說

瑞蘭說

飼猫說

惟恐不好名論

寄友人書

閱明詩焚書亦快秦句

忘心子

卷之六

空明子

戲題空明子小影

七塔居士

卻病法

題關夫子贊

魚籃觀音贊

呂祖贊

魁星贊

空明子文集目錄

鍾馗贊

竹杖銘

硯銘

白斟壺銘

李商隱說詩

上邑老翁

九月識字

斯文穢氣

還魂

樸村煙子方

反胃症

畧帶鄉氣

浪得虛名

守先訓

譽子弟

節珊晚霞詩

種鬚

樸村範先君詩

摘先君飛瀾公詩句

客謂

華生

登虞山

聖人界上

人物不多

敝帚

少年立身

錄四吟稿序

值得

高壽

空明子文集卷之一

古婁李節珊先生選

華亭張 榮景桓著

茸城賦

有序

子素性不愛動而愛靜不嗜酒而嗜茶不喜繁華而喜山水生平無常師然亦靡所不講弋釣之方博奕之技知之而弗爲也暨卜之書星相之術孫吳之學研之而弗好也農圃之事計然之智百工之藝能之而弗屑也修齊之道平治之理習之而未純也閉戶守拙硯硯自好不敢妄交一人妄與一事惟與二三君子品名泉試龍團亦設醴酒任客自醉自去絕酬酢之迹時當春秋放扁舟泛晴浦往來於吳越之間得一佳山水便盤桓竟日戀戀不忍遽去興盡即返歸則獨坐一室尋繹聖賢義理泛濫諸子百家茹英咀華廣居自得所以視富貴等浮雲寧與鹿豕遊木石居也又最善病自少至老舍讀書之外無他好讀倦輒病病已復讀或勸予曰年齒日衰無乃憊甚其奈賦性頑鈍卒莫能改今春復病幾死因念身本茸城人也峯泖之勝古來僅見小篇即郡志所載松江前後兩賦亦不過寫嘉禾笠澤之事要非松江之故典也心竊非之爲著茸城一賦約五千言有奇兩日告竣嗚呼古人十年作賦猶懼不得當於世矧子學識寡陋聞見淺鮮漫然搖筆伸紙爲前人之所不曾爲又刻期而成得毋令二陸諸公胡盧於地下乎

然詞雖未工既已作之寧忍棄之縱不敢遽邀當世之知姑留以贈後人之覆瓿又何不可其辭曰

啓草昧於洪荒滙東南爲澤國疏三江於既入仰神禹之大德洩巨浸於滔天露海濱之沙磧藝禾黍之芄芄民始得而粒食羽族於焉來巢毛蟲於焉託迹人生生而日稠地熙熙而日闊既五茸之成城爰建亭而作驛壯壽夢之遊觀試蒼鷹之健翮鳴鉦則穴獸失魂伐鼓則棲禽喪魄曾幾何時而化爲勾踐之疆域迨越亡而入楚遂爲春申君之阡陌暨秦併天下而長水陷爲大澤置婁縣以屬會稽祖龍巡幸而望東海之無極自漢以來屢經變易斗牛分野各家管測至元朝始升府而

空明子文集卷之一

二

號爲松江 皇清分四縣而作屏有赫縱橫則不及二九周環則大約八百其爲山也則有鳳凰鼓翼天馬行空赤壁標奇於江潯潯山晴聳於湖中竹嶼之綠筠蒼翠覆船之黃土穹窿大金則潈波蕩日小金則霧鎖烟封橫雲之石壁疊紫細林之僂跡留踪崑岡有璚珣之白玉余嶺多挺拔之籜龍連岸則波濤吞谷鍾賈則鳥雀呼松玉屏不產羅池之藕庫公爭採紫沙之鬆陸賈空夷爲平坂機峯徒嘆乎大風嚴山杳杳而莫考廬山蕩蕩而常通土山一坏而如垤城山環拱而如壩查山之丹井煉藥簞山之劍石櫻鉢若秦若拓今域中作鎮若羊若藕今海外稱雄况若許若浮若勝諸島嶼尤非

一目之所能窮其爲水也大海轟其東三泖凹其西北有吳淞之洩瀉南有申浦之會歸若夫薛澱之浩淼奔注趙屯大盈諸浦而匪朝伊夕滄瀆之滿漚承受青龍白鶴等江而辨派分支涓涓則有東西山涇之曲折澱澱則有南北曹塘之逶迤五色燦爛兮谷水靈源三姑容與今拓湖渺瀰蕩有白牛之異塘標駟馬之奇崧子與華潮並列蘓溝及梁紇同題會仙不若集賢之美石白爭如玉帶之園和尚荒涼今了無風韻秀才藻麗今綽有天機爛路港邊望平川之若鏡採花涇側愛夾道之柔荑龍潭不見白雲之起鶯脰奚聞黃鳥之飛故細流之涸涸則膠舟而露石巨浪之滔滔則觸岸而崩隄

空明子文集卷之一

三

急湍之激激則捲煙而滾雲驚濤之浩浩則折櫓而摧桅御史都臺因官號浦蘓鐵米市綠貨名溪蒲滙築清流之闊淺沙泛渾水之泥條大而修小視四時之消息忽長而忽落華弦望之盈虧潮一日而兩至雖長年三老對此而或迷其風俗戶重詩書農勤耕植安土重遷謹守繩尺商賈輻輳家多居積風號富饒禮義之邦今則變章程而異嗜昔競尚奢華不謀生殖貲博大興千金一擲出則鮮衣乘軒入則家無擔石朝遇之而列鼎大烹夕逢之而蔬水愛額游手炙良善之膏庶姓僭王侯之宅春花秋月畫船滿羣展之翩翩賽會迎神惡少索銀錢之亟亟病不信醫而信巫以致天札之恒多民



不事人而事鬼未免公私之交迫弱者過於委靡強者  
降於殘賊好訟則華上居先因人則妻青頗刻士風丕  
變古訓不飭未能叶韻居然詞賦之宗畧解揮毫便謂  
文章之伯此猶好名之流不過名浮於實若乃借衣冠  
爲長城混是非之黑白仁義不講孝弟罔識頗子見而  
心傷孟氏聞而腕扼此風俗之一壞也市井蕭條門如  
刺棘百貨不行憂心惻惻嗟課鈔之莫完見信牌之拘  
逼圖蠹爲之生波地棍爲之尋隙勾連不檢之勢豪又  
從旁而彈射消磨其貲本斫斷其血脉遂使十室九空  
通衢削色無論富商大賈誰不嘆點金之乏策四方之  
行旅罕至卒歲之米鹽相乞神仙之玉佩典酒而不留

空明子文集卷之一

四

卿相之金貂原物而奉璧但見奔走之未遑性命之奚  
惜此風俗之又一壞也乃有細氓勞其筋力幸邀雨露  
之濡多收十斛之麥意欲易妻而造房拖綾而曳帛置  
酒歡宴杯盤狼藉用如泥沙莫可遏抑及至室如懸磬  
樂郊安適抗官租而弗輸累業主之受責早則巧言支  
吾末則大肆狂逆不得已而訴之有司每遭官役之面  
斥徒令人呼天而莫告亦多田多累而奚益豈無良民  
不輟紡織築場納稼婦子悅懌網繆牖戶惟恐弗克奈  
奸佃之作俑遂倣尤而匪僻雖勸諭之諄諄究心面之  
難革此風俗之又一壞也其土產米則有瓊脂之雅號  
五粒之美稱龍枝分大小之私雲渠發赤白之英箭簇

千畦之稻香聞十里之秔穠稔紫芒同其植羊鬣鳥口  
異其耕紅蓮則鮮芳比色金釵則燦燦象形別有五月  
早刈三月插青莫不以孝以享潔爾黍盛麥則有舜歌  
纓茂紫稗畢呈或如野燒之乍發或如白雲之常凝來  
及年今平鋪乎大坂編與蕎今散布乎高塍菽則有先  
蘇而熟交夏而成粒綻鸚哥之綠品同佳味之登看小  
寒之繼起漸裙帶之相仍欣龍爪之擎攫愛香圓之素  
馨紫羅之花紋奕奕白藕之延籬婷婷既紅黃而間色  
亦紫黑而同行蔬則有蓴絲之柔滑蒲白之鮮明春菰  
今發發秋韭今菁菁波稜之甘較薺芥蒜葱而爭勝茭  
芽之嫩與蒿蕒茄莧而奪能欲擷荇兮江之曲爰採芹

空明子文集卷之一

五

今沼之清菖菰芡菱沿村而下種蕪菁蘿蔔遍地而敷  
榮瓜則有大如鵝卵色比金精九甜著名於村落黃橘  
騰價乎郡城筍與王今俱堪入醬冬及絲今亦可爲羹  
果則有梅豆如珠杏實若鈴苑綠枝而累累李附葉而  
星星櫻桃怕白頭之啄枇杷畏紅日之蒸柑橘滿園菱  
藕盈汀梨芡則同盤而若友棗柿則並種而如朋銀杏  
則陰遮乎後園葡萄則架滿乎前廳石榴則含苞而孕  
錦香檳則似柚而如橙雜植則有澤蘭采葉菖蒲取根  
枸杞將子蕙苾用仁筍有象牙碧玉竹有鳳尾觀音松  
柏成行誰攀楊柳桑榆夾路不數蕪蕒梧桐託體於庭  
阿杉檜挺幹於岡陵牡丹則寶樓爲最芍藥則金帶稱

尊山茶若醉海棠若淫薔薇若妬木香若瘖芙蓉若笑  
紫薇若吟玉簪若碾錦帶若繩棟棠若偃金鳳若興餘  
蘼若泣葵花若傾木樨若綴水仙若擎辛夷若伎郁李  
若親雖分門而別類總更僕而難名畜則有九十其悍  
蜀守則眠於高岸三百維群主簿則散於荒村早市競  
開黑面郎君之沓沓夜戶不開黃耳使者之信信禽則  
有丹頂鵝之可玩綠足鶴之堪珍鸚鵡靜觀其忿怒鳴  
鷄蚤辨乎晨昏燕子翻翻而入室鴈臣繹絡而來賓鴉  
鳩呼晴於林畔鵲鵲覓食於江濱黃雀飽粟而始腹黑  
鷹籠臂而能馴文鷄依依而跂足雄雉泄泄而揚翎野  
鳬之文采絢爛鷓鴣之毛羽繽紛更有新鶯求友候春

明而出谷嚶嚶水族則江有桃花流水鱖魚盤餐之美  
味細鱗巨口鱸爲吳下之大烹縮項畢收於網罟膾炙  
咸貯於筐簾那有如刀之黃鰲波刻玉似雪之鮭跳浪  
翻銀黃額急急而莽莽白小雅雅而紅紅浦有推沙乘  
潮而倅至比目雙游以相并玉版縷絲以作麤鰻鰻則  
骨而帶腥海有錫蟹之類梅鮑之倫石首辭夏河豚迎  
春鱸鯉暴暑於溟渤鱖鯉振甲於蓬瀛公子有無腸之  
蟹美人有戴殼之蛭蟪蛄爲末叔酷好彭蠡爲樂天解  
醒青蝦則雙螯若筍白蜆則一點如金水母蛤蜊味俱  
淡泊海蜆牡蠣性亦和平布則有紫白之錦方紋之綾  
三紗木棉之織兼絲帶苧之紆上海林塘之創作華亭

葉謝之經營別有燈籠梅花之式錦毯剪絨之文蒲鞋  
羣推其儉樸笠共賞其真吳鹽今勝雪香酒今既醇蠟  
黃之膏藏之磁碗銀絲之豆貯之銅瓶彼服御之錯出  
技巧之日增方千變而萬化又豈筆墨之所得而勝其  
府治則有水陸四門華髮附郭上青分治專城特築金  
山一衛巍然海角爲鄉則一十有三爲區則一百十六  
九圍之煙墩有如碁置四邑之封疆犬牙交錯文臣則  
濟濟將將武將則雍雍穆穆柰糧重而賦繁煩胥吏之  
催促雖典男而鬻女亦維日之不足既連歲之告災致  
下民之蹶躅五月欲賣而無絲六月思糴而鮮穀徒懸  
釜而塵甑呼彼蒼而痛哭凡有百金之產者里黨群視  
爲凡上之內帳莫裨之弗芟芻佳苗之能熟此合城市  
而皆然不止方隅之鄉曲無怪乎一貧不能復振棄仁  
讓而爲劫奪之俗衙署則有府堂之雄壯四廳之聯續  
兩縣之軒敞佐貳之輔轂凡下邑之喬皇無不做郡城  
之規模而立局學宮寬廣泮池環玉斯文肇興尊經高  
矗又有灞橋細柳之威嚴烟江八陣之整肅沿海列鎮  
之高牙各城汛防之大森以及諸叅戎之幕府俱堪靖  
東南鶴城則隣於西北天府稻梁則倉廩爲比比海關  
稽察則財貨爲鹿鹿督鹽之廳在西湖巡檢之司在各  
屬養濟之院在谷陽惠藥之局在醫學稅課司獄殊其

班僧綱道紀異其錄橋梁則在城有如虹之偃在野有如龍之伏若高若低若碑若木若穹脊之大阜若虛中之夏屋總六百有奇之蜿蜒莫弗化巨川而爲平陸其第宅則有孔氏僑寓之室陸機讀書之臺野王之高丘俱草荒而烟鎖袁崧之故址亦風打而塵埋文節衛公空傳蕭寺逍遙朱子併乏湖齋南村花落宗儀之餘韻猶存否也雙松老去子昂之遺風今安在哉醉眠一覺識造物之皆虛環綠凝眸夢化蝶而奚猜知止誰能誇夏老之見幾而作辭榮孰肯羨章公之早賦歸來玩芳則超然世外真仁則自遠禍胎翡翠碧雲向菱村而高峙光風霽月對絕巘而弘開芝蘭則朋儔結契映雪則

空明子文集卷之一

獨坐言懷芳草萋萋想生意之不少鳳山寂寂亦烏有之堪哀蓮巢崩塌秀野摧頽白玉窩中不見高人之臥竹居堂上閒看落照之斜歸鴈則嗷嗷於天表見之者應還輟而返轡晚風則謾謾於松間聞之者自意懶而心灰筆議繼春秋之史蓬臺開樂府之階方壺則一榻偃仰曲村則百道紆迴水心獨昭其閒曠雲錦徒眩其崔嵬來青覽輝不若萬卷之鴻寶梧谿綠吉豈如芳桂之絕埃結雲山於不碍抱鐵硯而徘徊採芝則研朱點易勤織則散綺成霞終慕則聿追來孝世濟則接武承家同善則一門脩德詒教則奕代栽培寧僅樂琴書以消憂亦且對蘭雪而不數蓬萊歷千年而屢遭劫火凄

涼惟見瓦礫之成堆賜第建將軍之旗鼓華堂喧車馬之霆雷洎本朝而定鼎向城外而安排瑯琊之莊橫亘半里清河之第直跨中街其餘之高堂峻宇飾美增華展不完四十里紫絲之步障看不盡河陽滿縣之名花其冢墓則陸氏有十三之墳竿融有傍涇之隴考劉陽侯之永宅世罕能明稽左將軍之幽宮一拳徒聳曹夫人則窆於亭林丘府君則標乎仙塚顧宗誠則崧塘半畝聰道人則豐碑高竦少保之山犁爲平田尚書之墓穴成大孔濮陽王則葬於小貞蒸土造壙理宗妃則埋於駱駝不盈一拱三教遺逸蛻骨空門靜樂先生不傳世統回首望賜祭賜墓之公卿反不及詩人之儲泳

空明子文集卷之一

卽看三高士之高蹤誰復有燕於處士之壘其寺觀則有東西古剎南北名藍城隍之司視郡邑爲隆替土地之職若府史之在官琳宮梵宇莫可數殫上而天帝佩玉鳴鸞下而冥王執戟擎幡縷析神明之誕條分社稷之壇乍鑼鳴而鼓震忽竹品而絲彈老子龍青牛之雙角大士遮紫竹之千竿仰神通之廣運駭締造之浩繁或游戲乎船子或獻技乎魯般鐘有江上之浮木有井底之擗賜額則不過三十盥觴則創建無難但見祥澤之院谷水之潭崇真之寺太清之菴與聖之塔長壽之山靜安之僻龍華之灣法忍之廣慧日之巖無不墻傾而殿圯觸目而心酸因下民之日困致僧道之難堪獨

有財神與旺廟貌莊嚴然投桃而未能報李若將對斯人而面目生慚豈甘做時賢之作用饜酒肉而不以為貪其人物則有六齡懷橘名動侯王弟兄並美冠世文章敬與繼起奏議煌煌正色立朝鳳鳴高岡挽回造化翊贊有唐逮乎柳約忠擢侍郎櫟齋講學衛氏克昌凡事君而不媿名臣必居家而孝道克彰徐本道誠能格父金子安禱感上蒼趙思恭嚙臂進肉張榮一取肝作湯沈得四毀體而療祖居宗成捨命而救亡徐誠之割股子和父藥趙璧之重法弟代兄償捐貲建學輔之則較長往哲作文遙祭月麓則無愧天祥扣軍門而活人殷公源則義聲激烈表王忠而冤白夏尚玄則儒服倘

空明子文集卷之一

十

伴義士有碑而赫赫長者無號而堂堂此皆天稟之獨厚賦性之慨慷又有儒林文學屬志縹緲姑勿論先達之詞華聊與言草野之留良百咏潔淨華谷鏗鏘山英秀拔碧壺激昂玉巖博綜肖梅光芒敬菊經術安雅頡頏易癡蘊與茂實騰驤伯全端重文澤汪洋養正豪偉汝器蒼茫堪一斟而一酌要當與海叟而同長雖及身而不顯奚令聞之足傷笑白馬而金鞍徒滾滾於名場抽楊枝之三丈閃青燐於北邙故凡有一材一藝之擅笑罔不比擬乎圭璋繪素之事醫藥之方金錢之卜朱絲之張苟修名之早樹亦世遠而流芳別有慕樂土而來遊戀柳澗之滄浪遂相度而作宅同避地之伴狂獷

春蘭之早秀采秋菊之晚香寄遐情於詩酒終不返乎故鄉爰子孫之入籍述祖德而稱強乃有守貞不字操比共姜或一門三節或感憤身戕或撫孤成立或剗肉剗腸或名門望族或下里名娼幽復幽兮燈半明淒復淒兮夜未央俱脫簪而囚首穿羶縞之衣裳有幸邀朝廷之旌表有終身貧苦而淒惶故凡忠孝節義之事咸為名教之勛勳主持世道者不容掩潛德之幽光又有跨麟騎鶴俯視滄桑訪素雲於福地問古院之老樟或誇幻術之似元放或美壺隱之度長房更有德誠之莫測偕鰥子之行藏結道場之弘麗俾釋教之難忘三大佛則端居寶座衆羅漢則列坐迴廊方丈則上人棲息

空明子文集卷之二

十

禪堂則初子連牀無弗香焚金鼎瞻禮趨路此茸城之大概亦四縣之相望雖土風之不一鮮此劣而彼滅凡百君子預為隄防庶不降於陷溺或能致沆可之小康亂曰吳淞之江神禹疏導兮周公之牧海潮衝激兮五茸之城吳王射獵兮春申之浦黃歇鑿兮始皇馳道崑山南兮泖谷之水冬溫夏涼兮九峰之名凌崑位置兮水陸之池龜聽經兮慧辨立脫東坡作詩以哭之兮安分齋額晦翁書兮心鑑誕生異香聞兮思鱸有巷高風千古兮石幢湧泉朝夕沸兮安公之像肉身猶在今赤脚道人使令一獐兮金山神魚聿來朝兮蘆子渡口萊菔蒼兮義虎說法鬼投書而悔謝兮折桂高閣忠定生

今鷗鷺一洲淪於海兮文暈之渚群雉集兮積薪自焚  
秀建塔兮瑞光之井金鰲現兮綾錦堆畔桑柘稠兮石  
筍之灘玉璘珣兮赤鳥古碑叢林燬兮陳朝雙檣兮不  
復存兮綠雲洞深鐵崖志兮升仙之臺可交遊兮瓢湖  
小隱士安偃息兮求忠書院祀正學兮絃歌深處草荒  
荒兮棲鸞夢燕烟朦朧兮筠溪義塾古道照人兮勝蹟  
弘多不可殫述兮天生蒸民庶且衆兮旱潦沴臻歲屢  
凶兮不知節省物力竭兮浮靡日甚俗漸貧兮財賦之  
重甲天下兮民之無良亦孔羞兮曷以救之尚其富之  
而教之兮

西子湖賦

有問津先生者遊八極跨四溟逍遙蒼冥之上俯視錢  
塘之城喟然嘆興曰此誠東南之瑤島吳越之蓬瀛昔  
人擬此湖爲西子真乃不忝乎佳名徒結想而奚益庶  
連袂而定情於是攜箬笠杖玉鳩訪明聖泛小舟天清  
似鑑水碧如油鼓桂楫兮長嘯凌輕風兮優游爾乃過  
斷橋踏十錦名橋煙茫茫風凜凜樹蒙茸而半歌鳥側目  
而未寢瞻孤山之鬱葱笑一拳之若枕忽玉笛之悠揚  
愧宮商之難審爰登西冷名橋眺兩堤織垂楊兮叢茂鋪  
芳草兮萋迷橋則俱六名則各題垂虹千丈橫亘湖西  
旣前後而並築奚裏外之不齊則有傑出湖亭高徹天

際綠波下浸搖漾金翠隔一水之盈盈想伊人之在是  
閒莫閒兮水自流淡莫淡兮雲無意對空碧而目成倚  
夕陽而心醉豈其海上之蜃氣結樓臺於無地其在朝  
旭日升山光清貴妃初沐少女娉婷繁花吐豔白鷺  
梳翎鬚髯兮水晶宮殿依稀兮雲母圍屏其在暮也晚  
霞生石骨紫照曜千頃瓊英累累紅日西沉明月東起  
宿鷗拳足老魚躍水影漪漪而無定風簸弄而不已其  
在陰也山容黯澹岸草碧鮮孤鳬出沒古木裊煙纖羅  
薄殼著體輕便不施鉛粉顧盼生妍宛凌波之仙子啖  
洛浦之空傳其在雨也石燕翔商羊舞霧鎖花鈿烟籠  
眉嫵暢湯泉之一浴潤柔肌之微汚迨狂霖之不休悵

雲鬟之莫睹似高唐之神女迷陽臺於終古其在春也  
則有桃花呈豔柳線飄絲嬌紅嫩紫闌媚爭奇鶯鼓新  
簧游女弄姿念良人今天涯步長隄今遲遲惜芳辰之  
易逝獨撫景而攢眉其在夏也則有十里荷花爛鋪錦  
繡香風時來直入窓牖亦有名流開襟露肘傍水次兮  
張筵就綠陰兮酌酒豪飲則白傅低頭狂吟則蘇髯俯  
首其在秋也則有桂子飄香三潭印月長天如洗清歌  
早發纖女銀河嫦娥宮闕映素波兮一碧蕩空明兮不  
歇愴壯士兮悲秋踞樓船而激越其在冬也則有楓紫  
平林黃葉半凋千山露骨萬木鳴條散六出兮銀世界  
拋柳絮兮凍瓊瑤豈無美酒亦有佳客有坐湖心而獨賞

雲明子文集卷之一

古

樂孤紫之手標此四時之氣象大都如是而夾湖之光  
景尤爲難描其山勢從西來發源天目五雲三台烟霞  
石屋蓮花玉岑差巖萬蟲蛇蟠鷄飛獅蹲虎伏龍翔鳳  
舞鷗張蜩縮飛來一峯來自天竺筆卓劍植下臨空谷  
青蒼玉削森立洞腹崑崙窈窕通明屈曲冬夏紛披上  
多異木迴環合抱今湖益佳濛濛捲雪今世所獨其泉  
溪則有九澗則十八虎跑清冷真珠甘滑龍井冷泉著  
名古剎撫掌一勺石縫中豁羨百道之群飛俱旁通而  
四達其塔南北雙峙保所巍然雷峰一柱照日撐天其  
古墓則錢家兩代岳氏一門詩弔林逋之魄辭招忠肅  
之魂或心如皎日或冤類覆盆或表忠有觀或子鶴無

雲明子文集卷之一

古

存俱堪筆之青史而附麗乎雲根其寺院則靈隱寬廣  
淨慈雄壯鳳林軒舉玉泉清曠昭慶則戒律精嚴雲棲  
則梵音高唱入門兮燈燭輝煌上殿兮泥金寶相莫不  
五體投地皈依無量名佛更有洞名蝙蝠坡號瑪瑙雲則  
可梯石則可寶基盤一局造化奪巧藉田撮土故迹可  
考仙佛則最著奇幻林木則頗多猿鳥又有城郭參差  
萬家煙火三門並列芙蓉千朵夜半鐘鳴時聞更鼓玉  
蓮堂側則花月交輝柳洲寺前則龍頭畫舸望一片之  
玻璃抱玲瓏之玦玳此四山之梗槩尤足勝瓊樓而超  
紫府不覺塵衿爲之忽爽痼疾爲之頓捐尋鳥道攀松  
顛訪伯雨拜稚川壽星石畔兮小憩僊姥墩邊兮長眠

爰作歌曰衆山環拱分別有洞天下建三關兮流水濺  
濺群仙來遊兮踰躡湖波蜿蜒兮蟬娟唱踏歌兮一聯  
千年何時與子兮同上湖船

登吳山望錢塘江賦

泛清波訪錢塘周孔道凌崇岡石級弘麗羨彼康莊繁  
巒秀拔觀宇軒昂瞻鳳凰之翔翥兮宛振翮乎遙天恐  
九苞之零亂兮紛毛羽之踰躐映紫陽之瑞石兮洞屈  
曲而嬋娟架玲瓏之蒼玉兮駐煉藥之真仙既飛昇而  
留丹鼎兮猶疑文武之始然於是踏寶山尋窈窕叩山  
靈握泉竅草垂石而根歆樹綠崖而骨傲女牆間寂兮  
鷗鵠啼澗道峭刻兮猿猱嘯爾乃陟吳山俯越江隔岸  
之峰巒縈渡江之楫洋洋眺海門兮不盈一線條潮長  
兮烟水蒼茫則見夫勢如奔波若織雲無停轡林麓崩  
圻海鶴高飛而灑雪江狹泛濫而點墨蛟蜃爲之起舞

宋明子文集卷之一

去

奄奄爲之窟宅潮神則白馬朱衣水怪則魚頭龍額捲  
旆則駭浪倒立揚舠則驚濤裂帛若乃狂瀾澎湃飛湍  
滾湟包山峭隄折櫓摧檣三千之水犀縮手數百之強  
弩空張仰滔天之噴薄嘆旗鼓之莫當則見夫玉兔出  
震金鳥入酉羅刹怒打定山俯首崩潰則沐浴日月漩  
渦則激蕩星斗弄風則雪山駕屋而來觸石則銀濤凌  
空而走爾乃搖天樞掣地軸轟雷震霆虎嘯巖谷或如  
黃鐘之驟鳴或如桴鼓之相續或如千軍之赴援或如  
萬馬之競逐或如鴈陣之群飛或如冤鬼之夜哭或如  
俊鶴之直落或如羊腸之幾曲此浙江潮勢之大概爲  
天下古今之所獨也已而浪靜風恬水光如鏡萬籟寂

然下臨石甌撫明月而盤桓樂長天之雲淨漾蟾光於  
江水戀空明而弄影漁舟則寂寂不譁沙鳥則悠悠若  
醒望四山之聳翠瀉中流之清冷幸萬壑之朝宗莫洪  
流於永定

宋明子文集卷之一

七



空明子文集卷之二

古婁李節珊先生選

華亭張 榮景桓著

我園賦

西苑王孫開疆拓宇壘石爲山引泉作浦構園苑於平  
疇鋪金磚於別圃迴廊則鸚鵡高吟曲徑則蝴蝶低舞  
池畔之宿鷗跂足花梢之鳴鳩拂羽嶺上兮松籟如琴  
坡下兮磁墩若鼓萋萋蘂柳樹之綠烟零亂落桃花之  
紅雨高原覆碧檜來鴈翔之名深洞飄香蘭著魚魴之  
譜於是踏大坂登崇崗穿花塢探墨莊怪石則層巒疊  
嶂危峰則軒舉迴翔鶴啄琪英意躊躇而立澗鹿銜瑞  
草足躑躅而登堂啓文窓之窈窕拂石几之清涼俯淵

空明子文集卷之二

鱗之潑刺鼓古調之悠揚轟轟竹梧才遮小閣低低梅  
杏已過平橋高館張燈宛似明星之深欄重樓間笛不  
殊天樂之鏗鏘烏道盤空而宵宵泉聲激石而湯湯含  
香兮山麓吐秀兮池塘望皓月兮光連雪嶠對長林兮  
煙鎖花房若夫臺榭參差觀宇聯綿迤邐博望近笑平  
泉安石見之而羞稱韋曲王維對此而悔作朝川蕙圃  
芝田讓其華麗芳林金谷遜彼鮮妍休視爲小有之洞  
真較勝大羅之天東郭先生莞爾而笑曰既與人而涉  
世寧於我而無困我不美端明獨樂之恬澹亦不慕彥  
博曲水之潺湲研山則一丘何在辟疆則半畝焉存不  
若包含萬象會合一元法天之高崇長垣也則地之厚

培大坤也仁以布德草木繁也義以伐惡荆棘燔也禮  
以定位賓主分也智以燭物淵源深也爾乃雨露涵濡  
日月臨照雷霆抽其怒芽霜雪飲其積潦融春秋而運  
造化併翕聞而通微妙庶我園歷久而彌芳殆追踪至  
人之大道回視西苑之繁華又何啻太陽之與燭耀

空明子文集卷之二



浮雲賦

自太極之初判原官官而冥冥迫雨俄之莫位始氣肅而神清飄浮雲之一點本無臭而無聲暨旁散而突出遂有象而有形故朝得之而籠烟罩霧夕得之而掩漢遮星川岳得之而若無若有日月得之而忽暗忽明草木得之而紅愁綠慘雷電得之而著異標靈風雨得之而逞狂載濕蛟龍得之而泉湧山崩則見夫鎖陽臺連洛浦騫妙曼吹綸絮在素成三呈祥著五仰扶日之輝煌爰升堂之容與既分野之不齊按位表奇亦四時之各別隨時散布變朝暮於恍惚異水旱之吞吐又見夫酣宿露淡朝煙述曲渚冒層顛駭奔牛而浴狶還塞地

空明子文集卷之二

三

而撐天條起而條滅似斷兮似連或間同鷗鷺或疾比鴈鷗或渴虎跳梁於深谷或饑蛟騰擲乎平川或嬾龍曳尾於空際或衰鳳垂翼於窮遠或如丹蛇之亂走或如蒼狗之變遷或如魚鱗之輕薄或如鶴翅之縹緲或如奇峯之孤聳或如天駟之盤旋或如蒼霓之圓軫或如白練之竟天或如金柯之燦燦或如玉葉之娟娟或如錦繡之交錯或如麗藻之相宣或如羣羊之躑躅或如赤鳥之踟躕或如懸釜之低墜或如華蓋之高舉其觸石而起也由微以至顯其含精而運也從偏而得全及當疾風之一掃要終歸於澹漠之坤乾我於此望浮雲之舒卷因悟人世之無弗盡然彼夫貂蟬覆頂華袞

章身物躬之浮雲也鳴鐘競食列鼎大烹適口之浮雲也絲竹悠揚清歌發越樂耳之浮雲也柘枝雙舞絳樹纏綿悅目之浮雲也金車鏘鏘寶馬得得代步之浮雲也床錦象齒几嵌珠貝佚體之浮雲也燕姬盈前趙女充後縱情之浮雲也商彝周鼎漢玉柴窑玩好之浮雲也峻宇雕牆重臺複觀第宅之浮雲也黑白之鷹韓盧之犬遊田之浮雲也異木千章名花百本苑囿之浮雲也珍禽鼓翅錦鱗泳波池沼之浮雲也平泉蔓草金谷荒烟別墅之浮雲也題名鴈塔一歲九遷仕宦之浮雲也凌烟何有銅柱徒存勲業之浮雲也人方沉迷於浮雲之中而莫省浮雲之惡况我獨靜觀乎浮雲之外究

空明子文集卷之二

四

亦未能名浮雲之萬狀

竹夫人賦

祝融司令時當溽暑日躔鵲首音比大呂看腐草之化  
螢聽莎鷄之振羽惟鑠石而流金畏紅輪之若火倚北  
窓而寄傲柰揮汗之成雨忽有人焉叩我柴扉碧玉作  
骨綵羅裁衣情綿邈而自遠體輕盈而欲飛不施膏沐  
亦絕凝肥問其世系則淇濱之望族稽其封號則郡國  
之名妃何爲乎衣裳之不整對溫風而若有餘歎豈其  
懼孤眠之無寐願褰帷而與我同歸不覺豁煩襟開懷  
抱拂文石兮榻幽展芙蓉兮帳小橫紅粧兮枕微涼鋪  
桃笙兮簟若縞爾乃傍重陰臨曲沼捲團屏發長嘯仰  
天樂之遙傳鼓別鶴之一調於是引君入我之堂抱君

空明子集卷之二

五

登我之床低徊顧盼口體生香玲瓏媚媚弱質纖長同  
楚女之細腰類公子之無腸林下之風堪挹清標之致  
如霜誰慣妖淫偏招蝴蝶豈知嫉妬莫礙鴛鴦無足可  
持固寵則偏同漢宮之合德有儀可象牽情則較勝天  
津之粉娘若夫直道持躬緘默自守既不慕樊素之櫻  
桃亦不羨小蠻之楊柳一琴一几伴我虛牖湯媪見而  
低頰龍拂望而卻走照明月而寫子素心假冰雪而謝  
彼紅友爰景白雲凌清霞引商刻羽沉李浮瓜驅熱則  
揮辟塵之扇解渴則烹僊掌之茶疏風則高陰千尺梧  
桐飄香則遠眺十里荷花莫不置君於膝並臥同車拋  
卻是非之心屏除人我之相峭厲則丰裁天賦屈折則

經營意匠正堪伴我水晶壺雲母障軒軒獸頭之爐曲  
曲鴛形之杖墨池之龍尾分明管城之兔毫酣暢無不  
幽閒雅靜風流跌宕更可喜者含情高曠侵肌則何妨  
褻狎貼肉則豈嫌放蕩任人調弄樂而不淫獨宿未能  
淫而不浪是此君絕俗之孤貞原不隨風而飄颻雖圓  
通而若轉總不勞人世之疑謗已而夜闌秉燭徹月半  
明若嚙若笑結契定情蟲鳴唧唧四無人聲邀我同衾  
與我聯盟滑膚膩理潔潤輕清美爾傲骨忘彼浮名庶  
一椽而與君共隱又何樂乎十二之層城

空明子集卷之二

六

秦望山賦

瞻濱海之崔嵬邀祖龍之遐眺標秦望之雄稱鎮要荒而寄傲散歡意於晴容含愁情於雨貌於是循山麓登山麓發浩歌抒長嘯驚鳥盤空金羊縹緲秋光明淨水波微妙望大海之浩瀚若平疇之積潦捲赤浪兮接天漾洪濤兮落照爾乃叩禪扉憩古廟穿石逕尋芳草嗟一物之渺然乃長生而不老何斯人之至靈反難臻乎壽考因嗜好之雜投致潛銷夫鴻寶訪深穴於山腰探僊源而莫曉雲翳翳而上昇鳥喧喧而低噪朱砂礪側不聞蟋蟀之聲白堊洞邊但餘蚱蜢之越墳前翁仲俯首無言道左老人垂頭若笑一堆高聳層累架空何

空明子文集卷之二

七

日飛來唐茲雅號時當秋半欣禾稼之油油日下西斜怪寒蟬之悄悄荒鷄鳴兮聲益凄野犬吠兮尾獨掉四顧總蒼茫查山入懷抱羨玉成之修煉免青蠅之夕弔躡丹梯以登仙期與君爲同道遨遊乎蓬瀛泛濫乎瑤島結西母於崑崙戲東王而歡笑招群僊兮偕來歌清商之水調心纏綿而難盡託遐情於天表

三昧庵賦

伊苒城之西北結三昧之名藍傍石磬而締造背崑山而面南外則殿宇幽雅中則法象莊嚴園種千竿之竹盆栽四照之蓮寒梅則低枝壓帽古桂則老幹侵簷禮懺崇朝但有和風入座談文深夜只餘明月穿簾爾乃轉曲徑下平坡舒長嘯發浩歌窓外喬松偏名羅漢塔前小草亦號頭陀仰百尺之柳槐烟迷古道俯一池之菱芰風蕩清波靜莫靜兮野花開幽莫幽兮山鳥多臨小橋而獨坐不覺紅日之條過於品名泉對青嶂興益豪神愈王東望瑤臺景崇岡之閒曠西瞻貝多美梵宮之雄壯一碧萬頃三泖爲之陂塘層嵐疊翠九峯爲之屏帳群推書癖隱能長老之沉酣共許詩狂惠白上人之清暢况白足桐雲之繼武俱堪媲美支公而稱無尙若夫臨流啓戶編槿作牆春桃發種菰之圃秋菊紛納稼之場燕語呢喃於小院鶯聲睨睨於垂楊花幡飄颻乎寶座鐘鼓陳設乎禪堂自有佳肴厨烹玉版之紫豈無供佛茶泛紫茸之芳欽寒暑之勤修木榻則棲心淨域觀晨昏之課誦蒲團則稽首法王金爐焚兮香燭凝銀燭燒兮光焰長宜乎富商大賈之聚足不至士人君子之寤寐難忘庶幾早訂白蓮之社以尚友乎高隱之柴桑

空明子文集卷之二

八

九峯賦

稽九峰之發源兮根由天目歷震澤而蜿蜒兮澱山遙  
續洪流西來而奔注兮滙華亭之長谷開九峰之門戶  
今疊青蔥之幾簇於是捨輕舟緣林麓上崑岡曠遐矚  
仰殿閣之穹窿俯璚珞之白玉瞻黃州之司馬孤碣兮  
推顏弔晉代之將軍一堆兮高矗晴光欲灑兮渚水清  
野花零亂兮巉崑馥馥形如覆孟圓秀幽獨不假附麗光  
潤若沐看鷗鷺之群飛向沙汀而競逐爾乃渡曲澗登  
橫雲崩崖無縫斧劈有痕臨雪堂而鶴鳴殿脊坐采蓴  
而燕語時聞上有古洞烟靄紛紜白龍奮起晨暝晝昏  
探之則深通薛澱祭之則霖雨狂奔別有隔溪對景片

聖朝李太華奉之

九

石鶴人方渠赤岸恨少子瞻之賦斬然一罅色同絳蠟  
之焚若夫洲渚際迴有類圖畫因士衡以得名發辭華  
於光怪陂澤則環遶其南村落則散布於外平原臺上  
已絕讀書之聲散木祠邊但有喬松之籟悲八洛兮世  
無聞鶴唳誰聽嘆大風兮空折木女蘿如帶雖三尺之  
童皆知哭內史於黃昏一拳之石亦終歷千古而不壞  
其有傑然高出狀似天馬千將鑄劍於前給事題詩其  
下香飄美醞含情則醉倚紅袞絃動哀箏寫怨則音浮  
綠野來鷗軒空兮聳峙西偏雙魚石化兮切潭色猶洗  
甘泉兮目明鞭玉虬兮聲啞琳宮寶殿兮佛像莊嚴竹  
几木榻兮禪房瀟灑景三高士之孤墳自足以厲清標

聖朝李太華奉之

十

而振風雅至於表奇八景別說神麗細林則易名天寶  
道院則創建崇阿洞口之春雲何在西潭之夜月恒多  
金沙夕照還漾石灘之屑崇真曉鐘猶和牧童之歌尋  
古碑而懷義士生今時則誰能容得汲丹井而酌靈源  
在當日則道友來過仙蹟餘素翁之冢晚香空蒔菊之  
披蓂不玩春山之紅雨泛秋水之綠波若乃踏余峰覓  
虎樹日映竹兮微涼風入林而始怒峰高聳而峭拔路  
崎嶇而回互鳥音悅耳淡我心天籟遙傳開人覺悟  
秀尊者之焚修一塔依巖聰道人之卓錫二青夾路沐  
堂之茶若紫茸洗心之泉同甘澍靜看則東西兩峰遠  
望則龍煙鎖霧亦有山人卜居雅士作賦立斜陽而興  
感未免嘆風流之已故不覺薛山在望時我當前亭亭  
獨立約素娟娟似夢蘿仙子在浣紗之日西川卓女當  
滌器之年但有老烏啼水山花兮寂寥自吐狡兔穿窟  
岸柳兮偃仰徒鮮琅玕挺秀兮遮玉屏之一角碧藕數  
榮兮冒羅池之四邊宜乎薛道約之盤桓不去終身棲  
老乎其間折而東煙朦朧攜竹杖帶詩筒覓陸質之別  
墅探金碧之玲瓏悵樓臺於不見拊石骨而無從仿佛  
夢神女於高唐既行雲而丰姿莫覲依稀遇靈妃於洛  
浦乍凌波而後會難逢共羨土肥二峰變差我為平陸  
只餘春靄一溪流慘澹之落紅今既見飛去之山益信  
有飛來之峰漫躊躇而無語漠然徒對碧草之叢叢乃

有延頸振翼宛似鳳凰微名果是若翔若翔問爾何不  
展九苞而儀於帝世何不宣五彩而鳴於高崗徒向海  
濱而匿影雌伏於吳王射獵之場豈其覽德輝而驟下  
因一跌而氣不復揚徒使山鬼躊躇於一足毒蟒噴薄  
乎閑塘古墓壘壘而碁置松楸鬱鬱而蒼蒼野鳬則漁  
磯獨立小犬則吠斷夕陽俾聞之者自當驚魂而動魄  
見之者莫不涕泗而沾裳此九峰之部位如天上之雁  
行品題則凌品爲始吟咏則惟善頗長論道里之阻修  
無非二九爲最計高低之丈尺不過八十爲強若斷若  
連今誰能描畫忽起忽伏今未可測量引湖波以潤澤  
今瞻何草之不芳峙茸城之西北今若錦障之平張萃

空明子文集卷之二

七

千年之秀氣分發二陸之文章歷百世而莫與京今又  
何必九嶷之在瀟湘亂曰山何累累今雲間之山未易  
枚舉今垂絲雙螭鐘賈珍今一水中隔廬山高今寶函  
藏書庫公隱今周環如城杳難攀今三姑著靈拓山荒  
今巔生異草秦望遠今煉丹海上查山名今簞山之洞  
窅且深今福泉之水清且甘今金羊諸山海中央今回  
視九峰終不可及兮

三泖賦

考長谷於當年淪由拳而爲泖瀉笠澤之汪洋承薛澱  
之浩淼眺洪流於無際綿百里而未了缺地勢於東南  
翻煙波於天表映青山之九點蕩雲霞於縹緲於是擊  
桂楫泛蘭舟漁歌隱隱牧笛悠悠白蘋貼水紅蓼凝眸  
掛蒲帆而直下儼圖畫之畢收寄遐情於高瞻覽一覽  
之難周楊柳今夾岸荻蘆今盈洲蓉娟娟今酣湛露桐  
瑟瑟今辭素秋或圓如明鏡貯一盆之綠油或大如沃  
野鋪積雪於平疇或長如銀漢颺素練於浮漚東達葑  
渚走馬西通金澤白牛南則朱楓兩涘分支宣洩北則  
大小二蒸合抱綢繆爰收筆床下魚鉤狂飛孤鶩驚奮

空明子文集卷之二

三

閒鷗木蕭蕭而碧減草瑣瑣而青留雲淡淡而意懶蟬  
瀏瀏而聲幽則見夫清波漾空澄流落鵲輕風徐來光  
動毫髮簾弄不定激蕩日月噫氣沸騰狂濤怒發立陽  
鳥於沆瀣擲陰兎於澎湖波驚跳波穹龜噴沫豎鬚來  
化蝗之蝦招手多祭魚之獺擇龍之飛霧蒼茫老龜之  
攻岸恍惚郭索執穗以睢盱華魴躍浪而潑刺別有天  
清氣爽水雲若虛綠披荇藻青簇茭蒲上泛紫絲之蓴  
下多白小之魚落實則有沿塘之菱芡看花不乏綠渚  
之芙蓉載沉載浮群誇巨口之鰕以游以泳共羨四顧  
之鑑光射斗牛今含珠之蚌形同鸚鵡今戴殼之螺灘  
灘則雙棲交頸驚鷺則獨立常孤爾乃上名藍登寶塔

聊引領而四望收湖光於一霎送朱鳥之冥冥候水蟾  
之曄曄看素娥之弄影對菱花而生靨似西子之入吳  
帶啼痕而未愜疑巫峰之神女擁朝雲而出峽宛蘭香  
之通問悵花鈿之斜插同雲英之玉瑩當裴航之乍接  
秋露霏霏秋風颯颯世事等浮雲之卷舒陵谷類桑田  
之崩塌何爲乎萬井之俱沉僅存掌大之一葉峙古剎  
於中天矗危樓於雜沓聳丹青於浮圖耀金碧於眉睫  
飛點水之蜻蛚戀穿花之蛺蝶石梁則影若垂虹復閣  
則美如輔頰拋三千顆隋侯夜光之珠懸數百頃飛燕  
萬年之蛤遮不盡雲母之屏藏不完水精之盒走億道  
之金蛇搖晴影而目攝仰望嫦娥於天半依稀笑語之  
餘聲恨清冷之莫涉呼龍女以執鞭駕赤虬以振鬣邀  
仙馭以來遊踏琉璃之幾匝恍天樂之旋迴假丹梯而  
上躡條寂寥以鮮歡寄閒情於一榻誰云冬溫而夏涼  
我欲啓九天而問閭闔

空明子文集卷之二

三

掃墓賦

泛扁舟於江渚展先子之佳城盼長堤之烟柳拋萬縷  
之縱橫扇和風於衣袂翻麥浪於丘塍任布帆之高挂  
旋繫纜乎沙汀望墓門而趨謁瞻怙恃之奚能其爲地  
也臨曲沼坐官涇踞石梁抱草亭栢高巢鵲松暗啼鶯  
一行一行兮籠烟鎖霧千株萬株兮蔽日遮星封如馬  
鬣不虧不崩巍然若堂寬廣昌明凭高四眺厥狀難名  
其北碧波東注泗水清冷古剎雙峙巨鎮雷轟屋密則  
不殊魚鱗之比人喧則有類鳥雀之聲其南十里平疇  
煙靄微凝市井千家之散布牛馬二橋之頻仍遶澗今  
不見半村之烟火空曠兮能容萬馬之奔騰其東盤龍

空明子文集卷之二

四

環遶潮汐送迎並三岡之急流而匯申浦通六磊之古  
塘而瀉滄溟莫言迂緩八十餘里之遠實彷彿天矯屈  
曲之龍形其西天馬高聳按轡揚鈴影插霄漢全體畢  
呈幾與九峰同其遙拱似欲向茲山而並其崢嶸於是  
命彼僕夫潔爾粢盛三鼎特設庶羞咸登清酒既獻綏  
予思成恍有言而若吐囑小子之守貞保令名於勿替  
莫枉道而遄征兄及弟兮早去世泰山重兮鴻毛輕風  
悠悠兮聲寂寂雲淡淡兮烟冥冥憶考妣之音容魂恍  
惚而難憑乍聞言而驚愕宛殘夢之未醒迨拭目而凝  
睇知神眷之有靈再進爵兮心怦怦游絲十丈兮景新  
晴愧無簫管之叠奏幸聞鳥語之嚶嚶三進爵兮通我

情神嗜飲食兮聽和平于一拜而一祝兮庶期孫子之  
傳經終進爵兮酒杯傾酒杯傾兮神聿興于再拜而再  
祝願神之悅豫兮以保我後生

空明子文集卷之三

古婁李節珊先生選

華亦張 榮景桓著

拳石山房記

石以拳名明不成其爲石也山房而以拳石名明不成  
其爲山房也綠陰掩戶不過拳石之木也閒花點苔不  
過拳石之草也一勺清泠不過拳石之水也若琴若几  
若爐若杖若藥竈若茶鐺若筆牀若墨海若牙籤萬軸  
若木榻一張亦不過拳石山房中之點綴也其爲地也  
甚隘其爲物也甚微然則先生曷居乎爾先生曰不然  
以拳石視拳石則拳石僅與瓦礫同其卑陋不以拳石  
視拳石而以全體視拳石遂令泰岱失其高華嶽失其  
險峻崑崙崑崙失其綿亘故拳石之綠陰千年之喬木也  
拳石之閒花萬歲之靈草也拳石之一勺三江四海之  
洪波也我方優游於山房之中天地吾廬嘯歌自得一  
觴一詠樂以忘憂彼子桑之戶不足比其美也西蜀之  
亭不足比其高也羅含之宅不足比其潔也申屠嘉之  
室不足比其閒曠也又豈羨夫綠墊碧瀾流霞絳雪者  
哉不特此也更有進焉擁百城之富居南面之尊咀道  
德之華嚴理欲之界樂天安命書聲時出戶外殆將與  
原氏之桑樞顏子之陋巷爭衡千古亦何拳石之不足  
乎自茲以往克復交致誠正弗諉參天人講性命俯仰  
一室獨行其道則此山房者豈天下之廣居也拳石雖

小安知不與五嶽名山並垂不朽哉是爲記

游支硎山記

吳郡之山累累而西山最著西山之山累累而支硎最著以其道不甚遠山不甚高而游者便也或謂予曰盍往觀乎予卽命榜人從虎丘南泛泊舟響水聞奚童探徑策杖緣級而登不數武卽爲大士殿殿前有一大石方半畝許小憇片刻卽南行訪支公牧馬處足跡宛然似乎果有其事者又南則爲放鶴亭鶴去亭空至今猶作佳話亭中窄隘只能容八九人西則石壁凌空煙霞滿目東則麥秋成浪隱隱城郭參差萬家煙火都從綠陰中飄出散布四邊若雲霧之狀卒難描畫天氣晴朗薰風時扇衣袂都人士女繹絡奔赴皓齒朱顏莫能屈

指此身疑入萬花谷中初不意天壤間有此極樂世界或如芍藥則濃豔瑰麗或如海棠則溫柔綽約或如桃杏則妖冶奪目或如梅李則雅淡消魂或如蘭蕙則國香芳潔或如芙蓉則風韻瀟灑或如一朶瓊花根移瑤島半枝仙桂種自蟾宮或如路旁小卉勾引狂蜂牆上閒花低迷芳蝶觸機成趣不覺日影之橫斜也但見籃輿軒舉宛若飛仙玉卮娘子上元夫人邀雙成以吹笙拉凌華以拊石裴航挽雲英並至蘭香挈張碩偕來飄飄六出之珮燦爛九雲之冠飛瓊乘鸞青童駕鳳豈無阿環捧書於前亦有裊烟執巾於後漸漸行至山盡處忽聞石門洞開豁然中豁珮環聲俱從仙逕中冉冉而



去餘韻杳然令人目眩心驚半日揣摩不得得毋王母  
張筵群仙赴宴去耶

游寒山記

由放鶴亭而南至石門兩石豁開中通一徑形如鑿就  
者石高三四十丈孤立挺拔上有老樹生石上偃仰連  
拳遮星蔽日大約千年外物也徑稍委蛇約數十武折  
而西卽爲空谷禪院院寬廣深邃依山傍岸回望東城  
雉堞可歷歷數也殿宇巍煥樓閣絢爛亭臺參差竹木  
周匝遊人至此得少憩焉又西精舍錯出鳥道盤空望  
之宛似一幅丹青圖畫和風時來禽聲悅耳古松夾路  
石逕屈曲緣逕有流泉迴繞修篁與老梅雜植左右竹  
盡處卽高士趙宦光墓墓側爲法螺庵庵不甚弘敞頗  
多別致門畔有水一池環以槐柳竹屏點綴紅紫映帶

入門亞樹五六株間有小鳥巢其上大殿後高閣五楹  
前後各植名花雜卉幾十種更折而北登崇臺瞻華宇  
松參天梅覆戶宛然仙山樓館士女多於此駐屐由法  
螺而東爲千尺雪有亭翼然扁曰聽瀑盤桓其下泉聲  
潺湲一種寒氣時時侵人眉宇心胆爲之清涼正如廬  
山瀑布滔滔滾滾一瀉千里又如水簾洞口飛珠噴雪  
晝夜不息亭左有大石數片石西有敝屋數椽覆以新  
綠青翠可愛由寺而西一路皆平曠野土人業茶香  
聞十里忽見怪石清泉一齊奔赴爲牛爲馬爲羊爲蛙  
爲笙爲箏爲琴爲瑟轉盼間已至華山亭子矣聞之老  
僧云未開山以前竹篠不芟荆棘不剪蕪穢不治山之

真面目都藏於荒烟蔓草之中游踪寂寂不過與山鳥  
山花同其歲月而已迨竹簾荻荆棘蕪蕪穢治然後佳  
木出泉源露石骨顯而此地遂成一大叢林矣四方選  
勝者殆無虛日我因之不能無感焉夫賢人君子抱圭  
璋之質樂饑泌水誰復有過而問焉者一旦聖君賢相  
玄纁三聘彼爲士者始得霖雨蒼生垂名竹帛天下之  
人引領而望之曰此伊葛再生也不然者白首窮經釣  
魚沒齒竟與此山未開闢以前同其掩沒也可勝道哉  
可勝道哉

游天平山記

自華山回履重尋空谷輿轉劇氣益豪仰望山頂如在天  
半杖策竟上見巨石夾路可眠可坐者不下百計流  
玩久之未幾有紅裙五六輩連翩而來風狂甚身莫能  
主但見鬢邊花鈿俱被封家姨簪弄殆盡急趨下山而  
叙橫髮亂已不堪描寫矣自問茲游也羞與流輩爲伍  
況脂粉女子乎風以驅之天亦頗解人意無何風益熾  
奮步大踏山轉高卒卒未能便到旁顧無人心竊樂之  
回首瞻眺但覺置身天表雲影在下及前行忽見一峯  
當面壁立空際四圍窺運香不可得從行者有難色予  
笑曰此山頂終不在天上何自畏縮若是隨竭力攀援  
而登約二十餘丈及踞其顛心體俱爲之憊俯視衆山  
亦猶鴈丘蟻垤僅成土壤西望震澤帆影飄忽洪波浸  
天彼七十二峰盡作米家山子使人無處捉摸真可謂  
目空一世到此方知豈堪與不解事人道隻字日色半  
斜欲歸迷路因思鍾會入川之法徐徐瀉下得一點足  
處少住片刻仍用前轍直至通人跡處纔止然草徑雖  
能布武而險僻猶屬難行低徊良久忽見奇石插天莫  
可名狀色如墨形如劈或高或低或大或小不可計極  
此之謂萬笏朝天者是也稍下則爲白雲洞卽俗名大  
小石屋屋不甚高廣僅能坐僧寮數人然此亦平平無  
奇不足多道者又折而東則爲石洞從洞中經行可三

四十步光潔可愛出洞口則爲龍門高不可攀俯不可測幽深逼窄中通一脉席地仰望不見星日山鳥至此不敢飛狡兔至此不敢出豈非爲全吳之冠超衆山而獨絕者耶既而下山訪范丞相祠堂步婉轉橋上興感不已還眺天平山頂惟有老鶴展翅巖花倒開古柏拂空怪石面面如削嶙峋突兀上矗青天令人魂魄增悸寤寐難忘一日相知經年契濶不知歸舟又復何似卽就此時恐十斛美醞未能澆予之閒愁也

游尚湖記

由齊女門北行過吳塔水益遼濶不半日至尚父湖相傳太公釣魚處迴環約三四十里映帶虞山半面石壁插天色如塗赭兩岸皆綠葭紅蓼柳陰內鶯聲三四轉茅屋千家土人種菱芡業漁四方遊覽者當天氣晴朗輕刀朝泛時有騷人俠士蕩漾湖心談詩說劍亦有年少青衿挾妖姬一兩輩於山罇幽僻處朱絃發越玉笛悠揚使聞者耳熱凌波飛渡湖水爲之沸騰又有老蛟起舞長鯨鼓鬣波光上射雲影山容一時莫辨更有風恬暮景落照平川晚霞百空朱紫絢爛極目遐矚其樂忘死日旣西沉華燈同上遙映波面正如萬點明星搖颺空碧清歌一聲衆韻俱寂但聞鶯鳴啞鵲哭與鴈哭高徹天表載月而還回望西山如美人對鏡捧心更覺娥媚蓬首亂髻風韻尤爲超絕一世眞子瞻之所謂淡粧濃抹總相宜者也予年近六旬心同槁木一經寓目便覺胸次頻開依依不忍別去思構一椽以娛晚景不知何以子牙當日以八十老翁忽而意興勃勃拋卻釣魚竿子舍此樂土急急西奔周文王是可鄙也

謁言子墓記

移舟遠望山多土穴故老相傳以爲洪荒時土人營窟處迨禹功成而山始巍然時平陸前此耕釣爲業自子游北學宗國而文風漸盛吳下之士彬彬乎摘詞拔藻遂甲天下矣山亦秀絕爲東南第一時當春盡攜斗酒破簾中猶剩黃柑半顆命同行者覓逕尋煙柳茂密有黃鸝一兩聲處卽於石上少憩片刻以鼓吹詩腸擎盃獨酌四顧寂然恐山鬼流涎亦向空際奠三爵柑少許不堪下酒呼童爲我歌之隨將貯酒諸器投深澗中暮然有聲響應空谷聽之殊覺可喜策杖稍上見言子墓時禮畢一望荒涼僅存古柏三四本頽枝老幹或俯或

空明子文集卷之三

十

仰零落寒烟敗草中雙碣巍然苔蘚斑剝字亦磨滅難認回首東望比戶鱗次煙火相接琴川故道已湮塞過半矣興嘆者久之訪之土人云在城以內者尚多古蹟如齊女墳仲雍墓名藍仙觀遊覽難盡子因年邁力衰苦於攀陟日景半斜鳥聲聒耳幕天席地憑弔古人如言子者負笈尼山垂名千古何其幸歟至於齊女北望第泣死化哀蟬何其愚也若夫虞仲同兄遜國遠竄荆蠻樂此山川棲遲以老得不謂之逸民哉山以虞名有由來也豈非人擇地以避世山亦因人以不朽耶我於虞山不能無感云

游虞山拂水巖記

過嚴文靖公祠少折而北爲拂水洞天古木蔽日石磴盤空隨命肩輿昇之而登少上望尚父湖天光雲影一白萬頃塵襟爲之頓滌又數百武老檜夾道時聞好鳥弄音睨眄不絕及山之半有三巨石高可數十丈層累連架繪丹塗紫光彩爛然莫可端倪有如舟者如几者如斛者如牀如堂者上若墜中若虛下若裂或昂或俯或坦或垂遊其地者心胆驚駭不敢仰視石骨稜稜千變萬化上書煙嵐高曠四大字過此則爲劍門兩崖對峙中通一縫辟立峭拔狀類斧劈此奇中之最奇者也豁屋稍爲不及折而西爲真武祠祠前卽拂水巖巖水

空明子文集卷之三

土

從山頂發源由石罅中流下懸崖絕巖之間時或南風微扇風水相觸自下而上玉屑霏霏噴珠激露又或狂風大作遂使洪濤倒飛驟雨逆注天地改容日月變色初零橋而旋濕殿脊而潤葉沾衣尤不足道者也更折而上爲望海亭北眺大海萬里若鏡帆影出沒歷歷可盡又折而西則爲鶴鶴峰層巒疊嶂突兀嶙峋遊踪罕到幽僻可愛茲遊也如入寶山滿載而返其樂何似重尋舊路再訪劍門盤桓其下還望西湖真若芙蓉露華錯雜成錦水晶一片搖蕩空青使見者醉心不忍遽別或告子曰所謂劍門者實吳王試劍石也前人題咏甚多縣志可考予竊惑焉然或者果有之亦未可知也

邑神東園記

秦谷伯先生者大名人也仕元隱於上海以孝聞洪武強起之知隴州歿而爲神今之邑神是也廟食上邑遠邇著靈四方之崇奉而報賽者無虛日廟在縣治之後入廟不數武卽爲東園以園在殿東故也入園不數武卽爲石洞洞稍深卒不見天日更一折至便殿蓋神所憑依者也階下一平如削盆植數種皆海外異卉目不經見名亦未能遍悉過石梁跨小澗澗頗窄魚游泳無算東偏小廡筆牀文几獸爐書卷銅甌中插孔雀尾頗極精緻上懸西洋畫一軸生動之致巧奪造化蓋神所遊覽者也轉而北路甚隘折而西桂花數本雜植香櫟

空明子文集卷之三

七

羅漢松南登高阜綠級而上上多名花奇樹危石壁立四無倚傍峰巒兩三處玲瓏特甚稍東巍然一亭亭柱雕青嵌碧殆類鬼工西則燈樓南則舞榭絢爛奪目莫可名狀蓋神所登眺者也遊者至此嘆觀止矣予遂重尋舊洞而返回首瞻望猶戀戀不能自已未知異日者烟鎖花源還探仙境神其許我不也

游橫山記

橫雲在郡之西北不到橫雲者已三年矣偶爾話及洪興勃然急欲往訪不數里舍舟就陸攜竹杖躡蠟屐道阻且修中心悄然山峭拔松篁蔽之望之鬱然既至緣山麓拾級而登草木叢然山徑幽僻越溪跳澗尋清風禪院上石梁對古剎藻井煥然其西則爲雪堂堂後有水一潭峻壁插空席草箕踞鳥語悠然只怡小築前逼溪背負山古桂蒼蒼泉聲淙然披荆榛訪白巖古洞吳人取以爲醉花吟月之場開襟脫帽天籟忽鳴有風冷然攀藤附葛覓耦耕卅堂山花寂寞石磴豁然懸磴如虹兩崖中裂上建高閣環抱映帶危亭翼然亭右老檜壓屋左則垂柳拂窓畔四顧寂然下臨碧沼橋面曲折可坐可臥芙蓉盛開時花葉盡著衣袖香氣蓬然呼朋豪飲賦詩橫笛不覺頽然更有別分支派隔水一山高不數仞橫亘約半里許赤壁宛然上聳下空如鳥斯翼色帶紫墨若墜若陷心胆悚然欲歸未得斜日銜山狂歌頓發何爲其然天機活潑情由中來不知其所以然而然

空明子文集卷之三

七

老桂記

種桂三十餘年而幹不加大枝不加長者何也蓋以庭甚隘坡甚窄土甚少樓甚高牆甚峻又有古梅阨塞乎其北宜乎支離偃蹇憔悴乎一隅也但日月有時而照臨雨露有時而沾濡而此老桂亦能敷榮而發葉雖遠遜名園之鬱葱廣院之暢茂然得免剪伐之數加俗士之徘徊不去亦大幸矣爾乃時屆凌冬梅花競吐譬如傳粉名姝綠雲挽鬢真有遺世獨立之致及流金燦石蔽日疏風几席圖書相映一碧幾令座客鬚眉俱變當其花開之日登樓憑眺香氣勃然琴樽爲之馥郁齒頰爲之芬芳三十年中伴我狂吟豪飲其有功於主人當

空明子文集卷之三

古

羅漢松南登高阜綠綬而上上多名花奇樹危石辟立四無倚傍峰巒巒三處玲瓏特甚稍東巍然一亭亭柱雕青嵌碧殆類鬼工西則燈樓南則舞榭絢爛奪目莫可名狀蓋神所登眺者也遊者至此嘆觀止矣予遂重尋舊洞而返回首瞻望猶戀戀不能自已未知異日者烟鎖花源還探仙境神其許我不也

游海湧峰記

吳山之可悅者甚衆而世之稱名山者則必屈指海湧峰蓋以地近城隅商賈輻湊况俗尚奢靡郡人喜游又善於點綴自二王開闢樂天潤飾以後宜乎畫船簫鼓到今不絕也予至吳泊舟彩雲橋下躡屐而登見白公塘上名花異卉文石湘竹小則犀玉象齒大則香楠紫檀諸凡雜器比戶可玩藤花狼藉榆柳夾岸過白雲綠水斟酌萬點等橋卽海湧峰寺門也山徑如游龍修潔明淨古梅數本斜壓石背一帶酒樓茶肆玩好雜陳時有簫聲入耳悠揚天半疑是群仙散樂隨風飄下路漸高人稍稠樹益密酌憨憨泉甘寒特甚忽見一石臥道

空明子文集卷之三

古

虹兩厓中裂上建高閣環抱映帶危亭翼然亭右老檜壓屋左則垂柳拂窓畔四顧寂然下臨碧沼橋面曲折可坐可臥芙蓉盛開時花葉盡著衣袖香氣蓬然呼朋豪飲賦詩橫笛不覺頽然更有別分支派隔水一山高不數仞橫亘約半里許赤磴宛然上聳下空如鳥斯翼色帶紫墨若墜若陷心胆悚然欲歸未得斜日銜山狂歌頓發何爲其然天機活潑情由中來不知其所以然而然

遊子魂魄喪盡更折而上過五十三叅寶刹差我傑閣  
崇峻飛丹煥彩一塔巍然高峙山頂登樓四顧西則震  
澤諸峰青嶂疊出北則竹木鱗茂海虞勝景若隱若現  
南則靈巖天平穹窿華山環抱半面東則城頭麗譙掩  
映萬家烟火昆承金鷄諸湖歷歷盡在目前更叩僧房  
尋石井訪張又新品第三泉處賞心悅目真全吳之勝  
地宜乎一拳之石貞與天下名山爭衡千古也轉至後  
山一望皆平時大坂眼界一空更下十八折入真武祠  
廟貌赫然再訪玉蘭堂古樹鬱蔥下可蔭一二畝清風  
拂衣樂而忘返轉步溪澗但聞漁歌遙和音韻綿綿牛  
背笛聲鳴鳴可聽夕陽在山搖蕩紫翠衆鳥歸巢天光  
一碧水亭左右惟有幽花零落蜂蝶依依眷戀不已  
幽情逸致未能與流輩道也回望前山塗脂抹粉正堪  
悅時人耳目若夫後山真如世外佳人不施膏沐而風  
韻自殊人亦罕有賞之者豈所謂不求名而名亦不至  
者耶後之登是山者無忽乎後山可也

吳孺人夢記

吳孺人者族本天都幼嫻內則幽閑貞靜謙恭而外四  
十年中操家井井無異一日猶憶孺人年未三旬得子  
早天卽爲子納妾迨予五旬妾子連喪孺人哀苦不勝  
又重爲宗嗣計復廣置小星甲午丙申幸舉兩兒孺人  
喜動顏色劬勞備至暨丁酉秋微疾纏綿經半月溘然  
長逝予親爲含歛卽於仲冬營墓於筠溪之德福橋北  
去祖塋不及一里更於墓左建丙舍數椽中堂卽名爲  
德福山莊從地名也後堂供孺人之位妥神靈也忽於  
十二月十七夜見夢曰妾初去時若憑虛而往遇山水  
佳處輒流連一二日欲行卽行了無羈絆如是者約兩

月餘偶舉首見山上仙官三四輩珥瑤玉珮控鶴而來  
呼予曰有敕予卽跪聽仙官曰汝前世係毘陵士子因  
受徒講學教誨不勤又誤傷一兒故罰作女流兼令無  
子今帝君見汝終身寡過敬禮夫主愛養庶生子女不  
啻已出特命爾掌一方之求子者又小兒痧痘原情宥  
罪可多方以救之予再拜叩領訖仙官遂送予至墓所  
始知身已入土墓旁又建祠宇矣是時急欲歸家與君  
稍叙乘此月明之下但見申江一線哀鴈數群古墓千  
堆漁舟幾點城頭盡角餘韻猶長門內銀缸殘燈未滅  
百里而遙片時立至嗟乎嗟乎此生一別從此永辭珍  
重自愛茲有懇者欲於祠內置香案一隻籤筒一事作

鐵經三十條以備祈禱侍女二十人廝役四五十人以供驅使酬願者只用素菓菜以上帝惡殺生故也君其莫忘臨別猶殷殷叮嚀不已及醒時漏下四鼓矣嗚呼齊諧志怪者也君子所弗道也子何爲而有是夢雖然既夢矣又何爲而不以是夢爲非夢也哉

空明子文集卷之四

古婁李節珊先生選

華亭張 崇景桓著

唐餘年小傳

於戲世誰復有知唐餘年先生其人者餘年與予交最深予之知餘年亦最悉予喜靜餘年亦喜靜予愛文餘年亦愛文予好誠餘年亦好誠予不飲餘年亦不飲予善病餘年亦善病予慕豎而不知豎餘年亦慕豎而精於豎精於豎而不炫其豎不炫其豎而併不求售其豎予病幾不起者再餘年獨能治予之病其所以治予之病奈何不以病治病而以非病之病治病其治以非病之病奈何咯血病也而餘年以爲非病也矜心傲氣非病也而餘年以爲實病也其言曰心矜則心日耗氣傲則氣日消心耗氣消病亦因之故藥能治子之病而不能治子非病之病老子曰虛其心實其腹子其求之可無事藥石爲也予聞其言痛自刻責卑以牧已謙以下人不半月而病愈所謂對症發藥治病於無形者殆神仙之流亞歟故貴介招之而不去至交不召而自來其樹品而立名有非世俗之所得而測者予嘗贈之以詩有每向杏林邀董奉爲尋橘井拜蘓耽蓋實錄云今餘年年七十有奇無子人以此惜之子曰不然予觀餘年之居心制行殆君子人也天非不欲子之以子不知幾經詳審有難乎其爲餘年之子者是以寧靳弗與不見



夫泰伯之至德而絕王祥之純孝而絕凡古來之大聖大賢不有其嗣者莫可計數然後知冥冥中清修潔已之士大爲造物者之所忌也子五十喪子或告子曰君欲覓得子之方乎子曰唯唯或曰君操守太峻志趣太高盡少貶乎心竊是之一舉念間遂連產二子子雖欲進良言用規我友但餘年長予十年外又素性倔强信道篤而百折不回恐未能若予之聽言而如環也雖然予又有說焉人之所貴乎有子者以其能繼書香而顯祖考也無論甘於下流者不足道卽廁身冠裳或不能自檢敗壞名節使天下後世指而詈之辱及祖考不亦多此一子也哉是君之無子正天所以愛護而珍惜之也閱是傳者庶其知餘年之爲真隱君子乎

空明子文集卷之四

二

謝亦山小傳

嗟乎古道之不講也久矣卽有一人焉起而講之不目之爲迂則名之爲僞遂令天下好修之士廢然自返此無他信道弗篤故也若我亡友謝亦山真古君子矣君諱際泰字依成業岐黃性至孝父患廢疾轉側須人君朝夕侍側怡聲下色二十餘年生則極致孝養歿則營葬盡禮宗黨隣里無弗推其至行年四十外未有子謀之於予予擇隣女之賢能者爲之道意使之以禮聘焉于歸後克盡婦道連舉二丈夫子君爲人老成持重每喜爲文酒之會凡四方之來遊者爭先造門一見交歡如平生舊相識廣爲揄揚以故人樂觀之暨至交好友或有不能自立者鮮不解衣推食寧使人負我不敢以一毫有負於人慷慨仗義事無論難易要在必爲爲之必期於成既成亦絕無德色人於是益服君之雅量爲不可及憶予五旬時既喪長子止存幼兒冬患痘君誤認爲痧疹用藥少誤遂致不救家人哀慟輒欲歸咎於君子曉之曰無庸此天數然謝君之心不可沒也子終不敢措一語恐傷良友之心迨君病劇邀子籌及身後之事予稍爲調劑反側得安數年來家政肅清二子俱可望成立予今亦且宜男矣惜乎君之不及見也回首十年前使我生不忍怨亡則懷之其盛德之感人爲何如哉詩云我思古人實獲我心其謝君之謂乎

空明子文集卷之四

三

朱尊江先生傳

先君東臯公之至交不及三四人先生其一也先生姓朱氏諱崑字品方別號尊江上海諸生正德丁丑進士萬之五世孫萬曆乙卯孝廉紹堯之季子也孝廉名士也與其昌董宗伯同里最稱莫逆一日過訪孝廉命先生侍坐先生年始十齡出近藝呈宗伯宗伯以其年少也忽之及閱畢驚而異之曰此君家千里駒也於是無不知孝廉之有子矣迨孝廉作宰武強政教大行適當流寇披猖孝廉謂先生曰城存與存城亡與亡此我分也爾盍同母以歸里乎先生猶依依然不忍舍去孝廉曰事有反經爲權者義之所在也設變起倉猝徒死無益不得已各淚告別奉母夫人就道是時先生年始十六奔浮水陸跋涉舟車使母夫人不知有行路之難明年孝廉謝政歸清風兩袖四壁蕭然偶詢隔歲歸途情景先生備述之孝廉喜曰兩兄不在衙署汝年幼而能辦事若此較勝兩兄多多矣由是憐而愛之未幾娶季氏承歡膝下甘旨弗缺兩尊人頗安焉迨登遭大變凡舍歛葬祭無不恰當於禮都人士每稱道弗置服除後因役費浩繁家食不給遂遨遊京洛餬口硯田或賦一篇或書數字得之者如獲圭璧一時名播都下王公大人折節下交交相推重與沈宮詹先君子尤爲肺腑之交交先生性慷慨凡有美餘故鄉之羈旅而窮途者無論

定明子文集卷之四

四

識與不識俱賴以舉火或有勸之仕者先生曰靖節高風世所景仰然彭澤一出私心竊嘗鄙之故與其悔於後毋寧慎於前人於是益重先生之高更非靖節之比故雖在熱鬧場中而心超浮雲之外日以飲酒賦詩爲事文章聲價轟若雷霆後進奉爲模楷年五十餘慨然曰可以歸矣杜門不出時與吳日千計子山家硯銘先君子相爲唱和予小子亦得追隨左右至今思之真飄飄欲仙前輩之風流爲不可及也先生享年六十有七卒之日卽來報訃是時先君子疾亦危篤不敢以聞越數日先君子忽大言曰朱尊江先生在外相邀予殆去矣翼日而歿嗚呼先生與先君子想古來之所稱死友者殆謂是歟先生有子二人長沈邑庠生次世瀚州判官孫五人長稜有文行惜早世次柱蜚聲膠序餘皆恂恂儒雅士也予辱先生之知最深世兄柱請於予者懇懇而切至予是以不辭而爲之傳

定明子文集卷之四

五

雲嶺姚師傅

姚師者號雲嶺松江之華亭人也師將生之時陸右聞其家異香滿室十日不散後舉師父母鍾愛之一歲後啖以酒肉卽嘔噦特甚父母亦不相強遂食長齋稍長教以舉子業十行俱下至年十三四父母連喪忽大言曰豫駒倏過蒲柳易衰問名求利得毋令烏兔笑人白曰忙殺遂決意尋師訪道飄然而出忽遇異人授以陰陽水火子午鉛汞之理兼授五雷正法日習弗倦由是不畏寒暑冬則服單袂衣氣蓬蓬然不知朔風之刻肌也夏則衣三四襲脩脩然行烈日中不知毒熱之焚身也雙眸炯炯有光暗中視之如兩顆明珠照耀一室道

雲明子文集卷之四

六

貌與世間所繪呂祖無二具神仙中人也時蘇郡苦旱募撫軍延之祈雨甘澍立至蘇人德之敦請住老君古院從游者日衆隔歲忽謂予曰塵世非修煉之場徒老死無益子將遨遊於遐方絕域深山窮谷之間庶幾上真且暮遇之一日者早出不歸衆方謂問雲野鶴偶爾高飛迨音問杳然而諸弟子始從練川至雲間踪跡卒不可得於是群然號慟而返越三四載有道流自峨眉來者有自五臺來者有自武當來者無不望見顏色神采煥發問之彼土人皆曰倏去倏來行藏靡定時或閉關則經月不食時或游行則頃刻千里殆葛稚川馬自然之流亞歟嗣後又有婁村龔道人者偶至上邑泊船

浦濱見一帆高挂其疾如駛望之舟中人乃姚師也極力招之卸帆就岸登舟把臂喜逢故人因暢談宿昔之事備述世外之樂解維後忽又不見噫斯人也豈孔子所謂見尾不見首見首不見尾者其神龍乎

雲明子文集卷之四

七

穹窿亦圓師傳

鯢鮪躍於小溪而不知海之大也螻蟻藏於一穴而不知地之厚也鶴鶴棲於一枝而不知山之高也井蛙隘於一隅而不知天之廣也庸僧涸於禪門而不知道之妙也何則以其所聞者陋而所見者小也若亦圓師則不然師本名家子早年遊覺序操筆班馬避三舍談理濂洛拜下風負奇才自許甚不薄不幸罹兵火貲產耗盡室廬蕩然值父兄爲仇家所中置之極刑師含痛負屈白之繡衣使數年之間仇人授首師翻然曰事畢矣請歸西方之教其遇慘其志堅親朋百計撓之而師卒不屈能如師者有幾人哉世之人處繁華而不能捨入

空明子文集卷之四

八

空門而不能解脫者在在皆然而師乃閉關趺坐不接賓客者數年其胸中洞澈融融然如琉璃夜光無所不照蓋道本無外天下雖大以之容萬姓而有餘以之藏大道而卒不足其渾然一氣迺於太虛原非名言之所能罄也彼空色空空猶存色之見耳若亦圓師空且忘其爲空矣而又何有於色乎今歲假館僧房遇師於月牙池上相與談禪者竟日令我殷殷有會知慧頓開是其所聞者誠異而所見者真竊且深也迴視衆僧且井底之蛙林中之鶴鶴耳又何怪乎鯢鮪不知江海之廣螻蟻不知天地之大也哉

杲如師傳

從來大知大慧之人不數見而成佛作祖之人亦不常有此其故可得而知也人自有生以來十五年前雖不知有生人之樂亦不知有生人之苦率性而行知識未啓卽有夙根終難領悟也過此則有室家之累矣然猶爲苦樂交半何則謀衣謀食語言無味而閨房燕妮豈得無情此時卽能領悟終難排遣也過此更有兒女之累矣寒爲之衣饑爲之食及稍長而婚嫁又頻仍焉如是者苦有餘而樂不足矣此時卽思排遣又曷可得也甚矣解脫之難哉而能解脫者惟我杲如師一人而已師俗姓汪字若干幼時多奇志鬱鬱不得者數載遨

空明子文集卷之四

九

遊京洛適謁王公大人吐辭納氣頗有晉人風度平生好音律兼善寫山水口之所出手之所揮一世皆爲之傾倒未幾而遭鼓盆之厄師欣然若有喜色初不以告人人亦無有曉其意者亡何同故人遊齊魯問高人逸士造訪殆遍閱歷天下旋歸故里有同遊客病亟師延醫服藥無所不至客感激涕泣疾革時卽以妻子相許師曰我寧利若妻而交歡於垂死之人乎此大不可扶柩歸報知其父父亦以寡媳之靡依強師續姻不得已而贅其家然師此時已有方外之志矣至名山大川往往徘徊不忍去曰此我了生死之所也某歲忽飄然長往家人踪跡之卒不可得又一載知師於雲棲已削

髮矣晨鐘暮鼓口誦心印蓋三年如一日焉已而返雲間結茅於九峯之南三邵之東茸城之西申浦之北而瞻禮梵王皈依益切遠近聞之無不嘆曰七十年以來蓮池復見於茲土矣妻某氏者立地解脫不理家事披緇禮佛朝夕課誦勇猛精進毫無退悔之心尤與沈蓮池湯夫人一轍云予家食無事時或攜筇蘭若與師清談竟日恍置我於蓮花座上故不禁喜而爲之傳

盛小叢傳

盛小叢者唐之梨園妓也母本娼家生小叢鍾愛之不加約束年甚幼卽與比隣無賴有私通繾綣焉至十三四教之以歌遂以歌名聲徹禁中時得進御姨母某氏過訪見其舉止輕儇語言便利每多不足之意一日有士人數輩慕其名欲與定交先訪其姨姨曰是兒無他好惟喜淫耳士人遂中止凡一生往還大都皆狹邪子弟然每每自矜色藝雙絕絕當其進御之日學顰齒笑梳隋馬妝極盡妖媚之態每歌一曲上輒爲之傾耳賞賚有加花鈿錦繡無算以故益肆狂蕩交不擇人覓大鼻而鬚多者藏之複辟日以繼夜恣淫不休儔輩亦羞與爲伍上聞之頗生厭惡梨園樂部中不許復入年漸老貌寢衰頹亦日啞門前車馬一旦冷落向來狹邪子弟又覓嬌媚雛燕尤雲帶雨去矣回首舊游宛如夢寐謀生無策轉從乞兒覓活其淫如故也乞兒亦禁之而他往於是不得已一肩行李抱琵琶從長安旬旬齊魯燕代吳楚問粵諸大都會處行路見而憐之曰此昔日之千金一笑顧盼生妍者所謂盛小叢其人也今乃此離至此有好事者哀錢以衣食之而聲名已狼藉殆盡矣

陳含美壽序

先生忘乎壽者也予亦忘先生之壽者也然則曷壽乎  
爾雖然有說古來之上壽曰百二十歲中壽曰百歲下  
壽曰八十歲聞先生之年猶未臻下壽然則曷序乎爾  
雖然又有說今我聊以天地之悠久日月之運行岡陵  
之屹立川流之不息以壽先生似未足爲先生壽也何  
則世之以年齒論壽者卽天地日月山川亦不過與鶴  
鹿之輩松柏之流同其歲月較長而已矣若不以年齒  
論壽而以心體論壽則天地有時而缺陷而先生之心  
則充足而常滿日月有時而虧蝕而先生之心則皎潔  
而常明岡陵有時而崩圯而先生之心則堅凝而常固

空齋文集卷之四

三

川流有時而涸竭而先生之心則浩蕩而常盈是天地  
日月山川猶囿於氣數之內而先生之心體獨能湛然  
虛靈歷萬變而不壞以視鶴鹿松柏豈不永年之甚者  
也所以歲無正閏歲歲可壽月無大小月月可壽日無  
長短日日可壽又何八十百歲百二十之足云哉猶憶  
先生少時下帷刻苦不窺園者十年一應文章雜著光  
映萬丈老儒宿學望而畏之無不退避三舍迨年未三  
十卽頽然自放寄情詩酒遠卻浮雲睥睨一世視天下  
之拖青紆紫數白論黃者直指之爲腐鼠擬之爲蟬蛸  
不屑與之往還惟其然是以能超出象外包羅衆有壽  
則真壽死則不死殆所謂打破却網俯視一切合太極

而同原者乎然則先生者非惟忘乎壽亦且化乎壽之  
境者也壽至此真壽矣壽至此且不得僅以壽名之矣  
予是以欣然而爲之序

空齋文集卷之四

主

追貶竹夫人篇

蔭日南榮老幹蠹媚媚之玉疏風北牖新苞飄細細之  
香怪渠巧匠斷爾成形冒孤竹君之嫡派襲湘夫人之  
雅稱至欲來前且教居後黃鐘應律嶰谷則帝使伶倫  
廣樂張筵立池則穆迓婉姱附禺則截節爲舟會稽則  
選材作箭淚洒成斑娥女之痕猶在片取造甲魏公之  
制空存衛歌淇澳之三章侯敵渭川之千畝離婁服汁  
而昇仙公輸刻鵠而呈巧逌水與王剖水濱而得子蓬  
山發響鳴浮筠而棲鸞嵇生之宅餘韻依然梁王之園  
流風未泯審音卓絕蔡中郎之仰嘆洵不虛也比德堅  
貞袁丹陽之步往豈無意哉爭奇標異群誇鳳尾之名

定明子文集卷之四

五

闕富矜多別有龍牙之種枝垂百葉之篠虛中象道竿  
分兩色之瑞圓質儀天宜乎李公之問無恙寺主之報  
平安也今爾不諳護孫惟知妬母翼乎命婦尊稱委蛇  
成象儼若大官正色屈折爲胎伴爾素帷銷茲炎夏淫  
由天賦常偕浪子連牀妬本性生慣與湯婆避路瘞則  
誰搔恨王麻姑之爪剛而難抱空餘楚女之腰秋水之  
波杳杳遠山之黛茫茫臉若桃花之豔悲鉛粉之未施  
髮如綠雲之濃恨翠鬟之莫綰蘭蕙欲芳櫻桃不啓瓠  
珀枕邊寂寞柔荑之笑琉璃簾上蕭條新月之彎雖云  
股肱之堪寄其柰肝胆之全無反不若圓通居士同躋  
突兀之類直節道人共踏蕩平之路是用追還鴻號貶

作青奴那許同心只容夾膝夜涼露濕損之則置空房  
月落烏啼斥之則拋高閣被翻紅浪莫想巫雲屏掩翠  
嵐休憎峽雨珊珊弱骨既三伏之同眠嬌嬌纖軀豈一  
朝而頓棄然而樓東之賦恐繾綣而徒工執扇之歌雖  
纏綿而奚益尙其無有後言稍捐前過如或知爾以待  
來年

定明子文集卷之四

五

華姬述 附錄

華姬者行四自號曰浣芳居士家本梁溪望族四世祖遷於姑蘇因寄籍焉九歲喪父同母氏居彩雲橋下性喜書尤工鍼指幼時有尼僧見之曰是兒早慧恐福薄奈何母曰正合我意且不願爲富家妻得爲才人婦足矣迨年一十有五子因喪子至吳有媒李姬者好諧謔每呼子爲四愁子素善姬約子往聘子曰未可唐突矧子老矣恐未得當因邀李姬偕往既入門曲廊偏廡紅關碧甍不事雕飾而潔淨可愛庭內辛夷盛開春蘭並茂古梅三四本間植天燭堂上趙凡夫題思齊齋三字匾額中懸唐子畏山水一幅兩楹對聯鐫王煙客八分

空明子文集卷之四

夫

書默藏內餘香猶裊裊不絕廊下雙扉半啓湘簾斜捲綠鸚哥時時高喚客到登堂拜母少叙寒暄坐定後典茶竟忽見桌上有新製臘鞋一隻工巧絕倫李姬把玩良久正欲啓齒母曰客來急避未及收藏是小女子物也李姬誇獎不已子先聞姬能詩意欲試之隨取斑管於薛濤箋上題一絕云柔情脉脉暗聞香洛浦凌波合斷腸金縷一彎弓樣窄可憐長夜伴空牀倩李姬遞進索和姬微笑曰談何容易况男女有別恐不應爾也雖然畫眉郎高年人矣庸何害卽於箋尾作小楷一行云裁成三寸麝蘭香刻玉錢金在斷腸點點輕塵沾不到半鈎新月照牙牀子見之不覺歎賞固請遂締姻好同

歸雲間明年攜之武林進香一路談詩品酒以消岑寂及至錢唐命與人緩步領畧六橋花柳蘇長公點綴佳處姬忽得句賦菩薩蠻一詞云柳絲煙鎖濃於織東風褪盡桃花色鶯囀不禁憐相看春暮天湖光一片好搖颺蘇堤草索襪印香泥盈盈歸路迷子亦和之云西泠橋畔人如織韶華催老紅顏色得意不須憐長歌澹蕩天春光何處好一抹遙山草那惜醉如泥天台路不迷姬曰若不拋磚何由引玉子亦曰陽春白雪難爲和矣登舟返棹吟咏不輟囑曰此非兒女子所宜幸爲妾秘之弗使儔輩笑我是小青一流人物未幾困於病纏綿枕蓆者動輒經旬藥石罔效常向子曰宜男之信無復

空明子文集卷之四

七

望矣甲午歲萬氏姊舉一子撫之不啻親生喜溢眉宇賀予曰君有子矣越三載丁酉春姬年二十有三病稍間忽有夢蘭之兆顏益解豈料九月中先室遭變姬感恩戴德哀苦不勝至十一月望後子往筠溪經營墓事至二十四日抵暮歸家忽聞姬於是晨產難身殞嗚呼惜哉又二十日忽入夢告子曰妾本蓬山仙史也控鶴朝元叨陪侍側殿前一笑謫隨塵凡九載追隨因緣不淺匆匆歸化話別無由欲見良難私心未泯君嚴氣正性元神大旺三度相探卒不可近特懇道祖假我寶鏡一枚今夕始得達君寢所以罄餘情妾有如夢令一闋爲君歌之歌曰你也道儂如夢我也道儂如夢今日看



將來真個一場如夢如夢如夢仙去依然如夢子隨和一闕云昨日還疑非夢今日纔知是夢一晌細思量到底真是夢是夢是夢不是夢山好夢因泣然淚下姬曰君達人也奚爲慟窮通命也生歿天也緣聚則合數盡則散理之常也花開花落寧復知有愁苦之態乎妾弟履仁幸善視之勉旃強飯珍重珍重含笑而去子恍然披衣急起但見殘缸猶焰斜月微明哀厲橫空晨鷄鼓翼嗚呼已矣誰復有如姬之聰明而柔順者因畧舉其始末而述之如此述竟爲之誄曰

遙遙華胄族本梁谿奕葉中落母女相依迨年十五作我小妻經營意匠蘇氏璇璣于歸九載執德不違泊乎

空明子文集卷之四

大

丁酉閏夢芬芳期叶吉夕陽頂西墜爾浣芳啓爾雙扉寂然無影寒爾繡幃窺一見若渴若饑執料果有心而入夢始知是蓬島之靈姬

空明子文集卷之五

古妻李節珊先生選

華亭張 榮景桓著

告亡友朱秉士文

甚矣哉造化之不仁也夫天之生人何必子之以聰明智慧既子之以聰明智何不顯其才於當世反從而屈抑之屈抑之不已又從而死亡之相繼我於君不能無餘憾焉君之爲人也目不邪視口不妄談敦詩說禮講讓型仁孝友則交致其誠敬信則弗欺於獨真士林之翹楚我道之干城也胡爲乎幼則半菽之莫給長則短褐之不完餬口視田以供甘旨豈意天降閔凶遭茲大割藥餌薪水已極難勝而含歛棺槨又何以堪此也

空明子文集卷之五

於是旬旬道路哀訃親故以禮殯其尊人三年中茹荼飲血有難以形容者矣嘗告子曰兩世之喪未舉每一念及惘惘然不知所以幾不欲生無如屢躓棘闌一貧如洗力不從心友于念切又拮据爲弟娶婦而君之精神從此消耗殆半矣不半年而疾作又兩月而身亡寡妻弱子號地呼天君亦聞之否也嗟嗟有天道耶無天道耶豈所謂跖克壽終回仁早夭者是耶非耶亡何君之妻又一病不起君於九泉之下曾遇見否耶遇見時相爲慰勞耶抑感憤無聊耶且攜手同歸侍其尊人耶我終不得而知也越兩載予以君之生時愛敬兼至交好三十餘年無以致其情特謀之於君之諸昆擇於君

之曾祖孝廉公之墓左墓君父子兩代是冬君之季父亦墓君之祖考品方公君之夙願從此酬矣今祖孫四世同此一丘君果有知行見松竹之陰月明之下此唱彼和天倫聚首樂以忘憂地下修文玉樓作記載之人世富貴又當何如也然君弗視考終命正首丘之爲易易也荆棘塲中及身難免彼馬革裹屍者又何人耶君之弟君之子俱無恙君亦可無憾於造化矣

高寒先生趙君墓誌銘

君諱和字虎文又字柳介松江之婁村人也君生而穎異至性過人十齡外攻舉子業卽能明聲韻之學偶賦七律一首明經某先生見而器之曰此子日後必能以詩名其家遂以女妻之迨弱冠補博士弟子員有聲膠庠未幾而遭放廢於是絕意進取研精理學潛心程朱諸書十有餘年不惟登其堂且入其室矣無如食指日衆四壁蕭然君偃仰蓬戶嘯歌自若弗顧也嘗題耕牛圖以自況云逐草乘春牧迎風過柳堤絕勝伏櫪馬卻笑觸藩紙何必書懸角行將身曳犁但知田上下莫問漢東西其高風韻致足令人想慕畢世早歲與吳日千周印武陳含美游相爲唱和花朝月夕輒多驚人之句儔輩推爲祭酒晚年與焦廣期曹諤廷頗稱莫逆兩君亦望而畏之不敢與之廝行其爲人之敬服有如此平生和易近人不設城府經明行修安貧樂道素性本不飲酒偏能與酒徒作長夜之飲終夕無倦容故人亦樂親之間有自炫才華跳梁翰墨者對之無不自覺形穢更有衣輕乘肥珥貂圍玉者一見亦不覺鄙吝潛消其盛德之感人有不知其然而然者暮年又自號曰高寒先生然道日隆而窮日甚又嘗咏蝶以見志云簾外雙飛蝶翩翩實可嘉自傷身有累反羨子無家寄跡隨芳草生涯問落花晚歸何處好飄忽入南華一生著述浩

繇未能梓以問世力不足也惜哉隱居三十餘載於康  
熙某歲終於故里歿之日貧無以葬予與君夙稱交好  
不辭作剗謀於親故捐貲以付君之嗣子合墓君之夫  
婦於先塋之次昭焉爰作銘曰

高寒先生見性明心力肩聖學道義弘深簞瓢陋巷博  
覽古今藏名丘壑如鶴在陰如淵沉璧如土埋金鶯啼  
於曉風鳴於林若將誦先生之遺稿而一發其元音嗚  
呼孰能尋處士之墓有同於溫飛卿之弔陳琳



亡室吳孺人行畧

嗚呼古語云婦人無才便是德其亡室吳孺人之謂乎  
孺人籍本新安四世祖商於松遂家於松之崧子里父  
伯源公幼孤且貧同母氏勤耕織不數年積有餘貲徙  
居松之西關號爲富室爲人老成持重不輕然諾真古  
君子也與先君子最爲莫逆因締姻好是時子年五歲  
孺人亦六歲矣迨子家從上邑遷入郡城子亦時時往  
來伯源公見之尤蒙鍾愛子年十八得咯血疾臥床三  
載幾至不起孺人聞而心傷亦幾患瘵疾後疾雖愈而  
胸膈間時時作楚四十年來醫藥罔療遂爲今日致死  
之根也嗚呼痛哉子年二十一病始痊孺人年二十二

始歸子家奉事舅姑克盡子婦道先君子每同先母稱  
道弗置然孺人猶顧越是懼惟恐婦道之弗修也子時  
攻舉子業寒暑無少間孺人夜必勤於女紅煎茶伴讀  
且至夜分始寢歲以爲常每勸子曰君善病無急功名  
仕途荆棘不若林下之安也讀書得明理賢義理足矣  
後登遭大變居喪盡禮妯娌間最稱和睦凡三黨親串  
無不嘆曰此賢婦也生三女一子俱不幸早夭孺人之  
心傷矣暨徐氏生三子一女撫之不異已出三子又復  
殤焉孺人之心益又傷矣時年五十際此閔凶朝夕哀  
慟病轉劇亟亟爲子置妾然五六年間音耗寂然孺人  
悲不自勝一禱之於普陀再禱之於法相更禱之於吳




殷告我也夫外道惑世損真戒子口是心非若道人者  
去外道之假慎能持之心我見其跨滄海而遊蓬萊  
指日間事耳衍老子之教而不致終墜者其在斯人歟

瑞蘭說

蘭以瑞名志異也夫蘭曷異乎將以其爲百草之長而  
異之歟抑以其爲王者之香而異之歟果爾則空谷之  
芳不必嘆當門之生不必鋤凡天下之產是蘭與有是  
蘭者皆足異矣又何瑞之足云乎夫蘭之花本五出而  
心則含紫帶黃每莖約八九朵此花之常也自庚寅年  
爲始一枝之上每有數瓣雙心之異或如重臺者或如  
上俯下仰者或如合抱者或如滿月者客曰瑞矣予竊  
懼焉恐未必非不瑞也卽果瑞也猶懼不足以當之何  
敢遽以爲瑞也迨五年而叠見客又曰瑞矣然猶疑焉  
恐終以不瑞之瑞爲瑞又安知非瑞中之不瑞也暨八  
載而歲歲見於是群然曰果瑞矣然花固弗瑞於蘭也  
我亦曰瑞矣然蘭亦未敢邀瑞於花也我聞聖人出麒麟  
見鳳鳥鳴此天下之大瑞也若夫蘭者不過小草耳  
烏足道然我又聞之王者德及草木則芝草生蘭雖微  
卉歷久著異災疹不生豈得謂之無微哉卽以爲瑞焉  
也可

飼猫說

鼠之爲害也特甚猫捕鼠至健也故人樂畜猫猫亦不徒食於人群鼠屏迹人咸得安枕焉西隣偶獲一猫飼以飯意似有不足者益以魚其欲猶未厭也又從而竊食焉終夜狂叫其爲狼藉也較甚於鼠見鼠則逡巡畏縮或不及避亦必俯首帖耳鼠以故益肆猖蹶橫行無忌於是舉室之人無不競咎猫之貪饕而不捕鼠也嗚呼彼食人之食而不捕鼠又從而竊食者寧獨一猫也乎哉



惟恐不好名論

古人云三代以下惟恐不好名旨哉君子之言乎然此猶爲中古之人說也若今日則大不然不惟不好方將遠之遠之不已且將絕之絕之不已又從而深惡之者也夫上古之世俗尚敦樸不知有名也併不知有名之可好當斯時也天地位萬物育耕田而食鑿井而飲帝力且相忘於何有又何有名之足以動其中乎但見君勞於上君竭其心而已臣致其身臣盡其職而已民順乎下民守其分而已初非爲名而然也間有一二希名之士群然非之曰是亦不可以已乎夫君子之立身也紹千聖之傳立百世人道之極使人心之不致陷溺化

爲禽獸者此皆誠意爲之也若徒務乎名非惟不能取信於後世造物者亦從而敗之矣故名者實之賓也吁嗟乎古昔聖賢所以倦倦三致意也迨至後世三綱淪五常紊百行虧苟有修名者出誦先王之言服先王之服世之碌碌者不目之爲佞則指之爲迂且造爲不根之言以毀謗之創爲調侃之語以非笑之遂令天下之人群疑群謗化虎成鳳變鵬不敢親而敢犯是天駟直等於驚駘也以致自好之士退而易轍畏虛名之足以辱身累行於是舍其故我毀廉喪耻蹴爾之食甘之如飴東郭之餘趨之若鶩甚至賣友滅親出妻獻子五倫之間不啻若吳越人之不關痛癢也一旦得志忘君父

之大恩達上帝愛衆生之德吞膏吸髓虐害烝黎日趨承平要津以爲一歲三遷何難立致上則病國下則殃民一家非之而弗顧一國非之而弗顧天下非之而亦弗顧客有進言者曰名病矣可奈何彼方應之曰三代以上惟恐好名我正不好耳庸何病嗟乎此豈徒不好名者乎方將笑孔孟之白首窮經席不暇暖究之東魯還轅遺譏達巷青齊肆辯論屈淳于爲不足法者也其於名也望望然若將免焉搖首掉臂遠而避之匿影潛形惡而絕之終其身不欲以名之高易我利之厚也嗚呼此有人心者耶抑無人心者耶不好名之弊有若此者所以古之人鯁鯁然惟恐人之不好名也彼好名之

空明子文集卷之五

主

人雖未見躬行實踐果能一念之不欺否也但佩服儒雅清議是畏不較勝於不好名之徒乎凡天下之能好名者慎弗中道而止也寧使人唾而詈之曰此偽君子也噫能爲偽君子者我見亦罕矣

寄友人書

天下賢豪出則群小匿群小進則賢豪藏自古迄今理不易也彼夫獻媚權要以取進身則黨援之勢成矣而守正不屈者寧甘空谷以老僕氣質孱弱不善下人如當世賢士大夫無有不損而斥之者僕自以爲遇如是矣命固然也而初無多求乎人之心是以匿跡不談天下事杜門不接四方豪傑何則用違其心非所願也去歲遇足下於澄江旅館慷慨論交談文月夜僕私慶同心之訂惟此一人而已親足下意氣似亦不善下人者志嚮相投令我欲歌欲泣伊人之好甚於緇衣而不知足下視僕當何似耶無何僕旣言旋聞足下文戰亦不

空明子文集卷之五

主

甚利扼腕久之既而嘆曰天下取士概可知矣然而又無足多怪者當事之於文既不甚習亦不甚曉明珠暗投千古多悲僕嘗東西南北訪異人於高山流水間性分之事頗有所得窮通富貴有數存焉不可強也僕每開闢跌坐視世事等空花用行舍藏知之有數嘗念世之乞哀昏夜驕人白日者將何以對妻子而無愧乎僕聞之師曰士非無位之足患有位而不能行其道之爲患故德高者澤溥長德薄者祿位去而無稱焉此孔孟儀秦之別也孔孟屹屹窮經所如不合儀秦車轍所至無不爵之以上卿然位高多金身死名滅而孔孟則合萬世而作之師所行若彼所得若此又何其庭運也足

下蓄養既裕發爲英華是以文章外見足與日月爭光  
不爲勢撓不爲利誘不以世而易其趣不以窮而改其  
守所謂有德者必有言修其天爵而人爵從之吾知其  
必有遇也足下勉乎哉僕不材非敢曰秉道而行然竊  
自附於高賢之後足下勉乎哉庶不致有獨爲君子之  
耻也辱承下問敢布狂言託在知心無爲驚詫幸甚

閱明人詩焚書亦快秦句

子閱明詩至焚書亦快秦句不覺掩卷拍案曰作是詩  
者其有罪乎夫文人之於文猶鳳凰之愛羽毛孔雀之  
愛尾其句從心出字從心出得一佳句韻字不自知其  
手之舞之足之蹈之之樂也卽心知好友或不及檢油  
汚墨漬猶且必見之於言形之於色而況於焚乎夫始  
皇之種毒千古文人才士所爲痛哭而長嘆息者也故  
吾人處百世之後欲知百世以上之人則必思百世以  
上之人之書而讀之以想見其人以想見其人之心雖  
百世以上之人亦必藉書以悅百世以下之人以悅百  
世以下之人之心吾甚嘆唐虞以前豈乏文人才士其  
所以至今不傳者盡掩於無道之秦也假令盡焚其書  
則今日之所爲文人才士者卽他日之與不識不知者  
等也夫吾人之與細民異者無他不過此書耳今此詩  
欲棄書而焚之欲棄書而焚之而快之若惟恐秦之不  
見於今日也者若重有望於將來之秦也者吾是以摘  
其句而深斥之若此詩者真足焚也亦焚之而真足快  
也已然而又不足焚也已



忘心子

人之所以宿於兩間不能跳出三界外者不忘故也不忘便覺有心心附於身便覺有身身涉乎世便覺有世所以日營營於斯人之中白首而不得其歸者也吾聞仙家以五百年爲春五百年爲秋併春秋而忘之方外上不知有天下不知有地併天地而亦忘之若是又何有於心何有於心之不可忘也哉孟子曰求其放心又曰心弗忘不知是言也僅可以之束下愚不可以之律上哲不得其解則其所以視道茫茫而不能臻於理域者爲此故耳忘心子曰我忘世矣人已可以不分我忘吾矣身心可以不設是其得力之指歸大要也從而視

空明子文集卷之五

未

世之折腰五斗侯門由寶者不忘富貴者也疆場介冑冒刃爭鋒者不忘名利者也匍匐道塗乞哀昏夜者不忘衣食者也然皆心爲之也孰若忘心子之渾忘春秋不識天地看花臨水弄墨揮毫者之爲得乎由是觀之能忘者若此不能忘者若彼心乎心乎又烏可以不忘

空明子文集卷之六

古婁李節珊先生選

華亭張榮景恒著

空明子

凡仙名子曰空明隱然示予學無能已識此身皆造化况乎身外皆虛名凡仙命予意頗深三教源頭甚固固後人貪心欲心生爭名爭利徒紛紛此中佳趣何曾苦子自守之在故我我身原是不尋常隨處閉門皆樂土自有靈根天賦來浩然沛然誰復阻一輪明月照乾坤玉女金童爰得所空兮空兮空復空恬淡寂寞等閑中明兮明兮明復明抱珠反照若日星子兮子兮得此名富貴一途切莫爭

空明子文集卷之六

十

戲題空明子小影

讀賢之書繼周孔之道心存乎利濟志不在溫飽胡爲乎抑鬱無聊棲遲終老徒令腐鼠鳴呼鳳凰大鵬見笑於小鳥然而子也似回之愚如參之魯聽子之言則頗迂視子之貌則甚古無怪乎不知子者竟目之爲楚狂知子者亦不過譽之爲巢父執知子之抱負淵深羞與處士之純盜虛聲者爲伍故論治則仰慕鄭僑談兵則差強孫武用之名都自能績奏三年試之小邑亦必民歌五袴豈料命不逢時化經綸而爲書圃蕭條餘骸僅七尺之軀塊壘塞不合時宜之肚聊握管以寫心雖立言而何補卽群稱之爲字字雕龍言言繡虎文並

空明子文集卷之六

二

兩漢而超八家詩跨四唐而邁三祖又誰識是子愁裏之愁苦中之苦不得已而僅見之斯文庶幾上希乎東山之尼父

七塔居士

七塔居士者予夢友也余嘗神遊其境而遇其人焉於是訝之因叩以玄理深明道法叩以釋教旁燭禪宗叩以儒旨洞晰本原視其人則朱顏黑髮視其年則三十三上下視其手中常攜一小石花紋交錯美玉不如也因詢余曰欲登此石否予竊笑之謂其虛語誑人也已而攜予至一山上樓臺殿閣松栢草木峻壁陂池一望千里心曠神怡樂而忘返居士曰子亦識夫所遊之處乎今者所遊之處卽向所語小石之巔也子心深疑其誣而予之身忽若自空中墜下者於是極目遠眺而一無所見回視小石則我與居士俱各履其半焉予偶饑居士曰欲得食乎予曰幸甚居士曰此石可食也予未之信居士曰清香甜美食之可忘饑也予因咽之覺從喉中遞下漸從尾閭中瀉出視此石毫無所損而予腹中已甘甘飽矣嗟乎天地間奇幻之事亦甚不少何必七塔居士哉然七塔居士亦有可紀者觀其小石可遊小石可食則此石豈非人世之物也予之遇七塔居士雖云幻甚而遊其石食其石則此石豈但仙家之寶乎夢友乎哉庶幾再於夢中遇之

空明子文集卷之六

三

卻病法

病者風寒燥濕以積之驕奢淫佚以成之者也其來也倏然其去也不知幾何日矣故病之爲累最深而人之處病亦極難耳勞心傷神多言傷氣者身危朝夕憂煎雙眉頻鎖者身危放蕩不羈視身太輕者身危深思遠慮不能忘形者身危七情六慾戀戀於心者身危若是則病中之人大約死多而生少矣然生之亦有道何以生之病卻則生之矣夫卻病之法在乎忘形忘形在乎息機息機在乎定氣定氣在乎靜心靜心在乎止念止念在乎端坐所以有病視無病者病消於未然以無病視有病者病絕於將然要貴立忘乎立又少坐以逸之坐忘乎坐更跬步以抒之行止忘乎行止避風以防其微飲食忘乎飲食節制以杜其漸推之其他無有不然誠能如是則未病者必消之於未然已病者必絕之於將然矣

李蘭子文集卷之六

四

贊

題關夫子獨坐周倉戴花捧刀侍立像贊

謂公志在尊漢耶而何以不看春秋謂公志在滅寇耶而何以不著楚鑒但開襟而裹甲若餘恨之未休怪周將軍之捧刀侍立頭戴花而微笑含羞豈以公之智勇天錫反借此以散其閒愁抑以盡工之故爲裝點以益形周將軍之面目赴赴噫惟吳與魏心豈忘仇嘆銅雀之安在空漳水之東流笑南風之不競亦歸命之封侯曾幾何時而俱化爲故丘獨公之英靈不與神常遊乎九州具天地之間氣欽臣道之克修事君而必宗正統在孔門則較勝乎仲由宜乎侯而王王而帝廟食萬世

李蘭子文集卷之六

五

而卒莫與侔

題送子魚監觀音像贊

這箇娘奴忒然賣弄難彼紫竹之林別卻潮音之洞倏千變而萬化提魚籃而哄衆手抱嬰孩逢人便送何緣萬氏元旦叶夢生我光能連衆伯仲或擬明珠或比羅風神通無量求則必中何以報德福田廣種

題呂祖醉倚柳仙像贊

舉進士而不第藉一夢而丹成真風流而儒雅醉岳陽而飛過洞庭朝遊瓊島暮宿蓬瀛奚不駢驚而駕鶴今竟寫作糟粕之形豈同群仙赴蟠桃之宴若猶帶手宿醒抑以不堪獨醒對塵世而漫學劉伶爲何醉來恁般

光景得毋遺笑於柳樹之精

題魁星像贊

右手把筆代作文章左手持金寶號連場職專武曲協贊文昌文果工耶非金相之不覺其鏗鏘主司果明耶眼得金而一曜文尤覺其光芒苟非然者徒用江郎之彩筆恐未能透一線之津梁惟元寶之通神豈可使白者變黑臭者返香遂令操文柄者不能主張斗何爲哉不妨挹取酒漿昏昏一醉又莊辨天地之玄黃宜乎公之青藍其臉跳躍徬佯彼力田孝弟方正賢良自當棄之空谷而遠擯乎遐荒

題鍾進士吃煙像贊

爾面何黑遂使世人看不得爾性何暴遂使小鬼見之俱嚇倒手持寶劍而向天辭辭不得徒自憐足高起舞誰與語欲捉小鬼口流涎勸君暫息雷霆怒不如拋劍且吃煙吃煙自有真妙處宛若雲霧散布一望總茫然君聽我語弗多言請進後門學要錢開門莫管門外事任他鬼輩相周旋不聽我言徒自苦空令怒髮衝華顛況乎天下之鬼頭鬼腦者甚多煩公之劍者不知其幾萬幾千

銘

竹杖銘

我儀爾形而爾有類乎青藤爾待我行反若我之藉爾而玉成叩之則應問之無聲扶持則宜呼爾爲弟追隨又當讓爾爲兄光明潔淨澤潤堅貞庶幾左提而右挈結百歲之同盟

硯銘

爾質本清爾體本明渾然抱璞默處藏英何來匠氏鑿此山靈圓以規就方以矩成標名定位合璧連城遇時則一鳴得意失志則聊寫不平搞藻則必須班管揚光則有待墨卿端凝不動玉露常零同仁者之靜得君子

之貞斯誠金玉之品宜乎來守鈍之銘

自斟壺銘

色類奎銀形同縮頸虛中象君子之心不用似高人之冷陳設則交錯杯盤把玩則珍如異鼎映几則觸處生輝照日則晴光弄影是當挹彼注茲何乃渴若枯井愧盡人而皆醉讀抑詩而知警誓不沉湎乎麴蘖亦遠雲溪之妙境既守默而三緘其口又日新而持躬炳炳子亦涓滴之未能庶幾同我以長醒

雜錄

李商隱說詩

丙申夏季夜半後睡方濃忽夢一客持刺至視之則李商隱也入門相見執禮甚恭予訝之李曰先生係我之前輩無足異耳予正欲啓齒李曰先生不必他問姑與言詩卽如僕之錦瑟一章千年來未遇解人殊堪悵惋予問曰何以言之李曰亦甚易曉此是我五十誕辰時作也首句云錦瑟無端五十絃不過是借錦瑟之五十絃以比我之適當五十歲也至無端二字不可草草看過是總冒全首見得錦瑟而不遇佳人爲之一彈再鼓不亦虛此五十絃哉我而不獲置身朝廷之上爲之致

李商隱文集卷之六

八

召諸民不亦虛此五十年哉有無限感慨在裏頭二句云一絃一柱思華年大凡瑟有一絃卽有一柱以比人生一年卽有一事由今五十追想華年逐年想去年事想來殊堪記憶耳三句云莊生曉夢迷蝴蝶自五十年前以前我也曾奔走名場希蹤魏魏誰知徒成畫餅白首無成竟做一場春夢豈有異於莊叟之夢蝴蝶耶四句云望帝春心託杜鵑當其求名之時客途困頓旅館淒涼思歸之念愈轉愈苦較之蜀帝遊魂化鵑啼血不有同然者歟五句云滄海月明珠有淚內而至親外而朋友五十年中或嘆楊枝之三丈或感宿草之塵埋月明之下不知掉了多少眼淚六句云藍田日暖玉生煙所

幸者今當五十子息充閭白老衲師尤多文藻玉生藍田殊足自慰七句云此情可待成追憶由五十年以來一經追憶逐年逐事盡在眼前虛度光陰不堪回首八句云只是當時意惘然由今以思半生淪落知已成仇未知日後又復何似卽就當時已成陳迹無端而度此五十年中有不令人惘然自失者乎僕之大旨不過如此忽有豎儒漫將錦瑟指爲麗人五十謂爲倒裝文法大覺可笑又被蘇家長公將清和適怨四字硬配中間四語使我全首意思不能條達遂致沉晦千載幸乞先生爲我宣明一番感佩無甚予恍然愈覺此詩意旨深遠真爲古今來第一好詩因轉念間更欲問前輩之說

李商隱文集卷之六

九

忽報小鬟來報警茶至矣

上邑老翁

上邑有一無賴年九十餘被攝冥府王大怒嚴刑鍛鍊畢此人求還陽王笑曰汝罪惡貫盈世人受累者甚多豈有還陽之理目今永隔地獄矣鬼判在旁感額曰乞大王赦之王曰何謂對曰若常留此人在地獄恐地獄亦不得清淨爾

九月識字

兆熊生九月未能言便能手指物字百試不差一歲後始言卽能識百字亦百試不差但恐小時了了大時或未能了了耳

詩文覺穢氣

偶訪一友窓明几淨頗多別致眾共稱之友曰所可恨者牆外卻是毛坑天陰時甚覺難耐予曰誠然無怪乎閱公詩文時常覺穢氣

還魂

一士人死而復蘇急召老友告之曰我至冥間前身係前朝東林中人因作一文送魏璫冥中拘去審問此事冥官曰你既作文與他定是魏璫子力辯不承隨命授指正在痛苦之際有一故交某先生見之不平曰何故冤枉正人此文是勸魏璫改惡從善之作豈得反指爲黨惡隨去奏聞上帝忽有使者持天符至將子釋放還

李則子文集卷之六

十

陽冥官削籍但見冥官嘆嘆良久既而曰上帝論法下官問文既是一位老先生爲何做出這樣一篇不通文字來授彼之指未爲已甚削予之職殊覺太苛

樸村種子方

予五十時連喪二子至親好友俱爲寒心又五年樸村送一種子方畧試便應今將此方刊布以志銘感來方云往者匠門失子僕決其必復得驗若操券曾作一詩記事我弟之立心制行如此且種種陰行善事將來必有充閭之慶以相報但此事全在寡慾願齋心一兩月擇衆姬中之端正而宜男者如禮所云敬慎重正而後親之又如善醫者有云以陽暴陰勿以陰暴陽蓋陽勝

者往往得男也且萬世之嗣不可以不重又云子也者親之後也敢不敬歟只此便是僕所以進種子之方後日所得聰明端正而精神充實皆在於此得方之後依方而行甲午丙申連舉二子今直書應驗良方以告世之年老而未育子者

反胃症

有客好爲褒貶俱不中節予謂之曰公幾時得反胃症客不解予曉之曰不然何故腸胃中物俱從公口中流出

畧帶卿氣

離城數里有一世家子弟咬文嚼字頗解章句眾共稱

李則子文集卷之六

士

之或問予予曰佳則佳矣但嫌其畧帶卿氣

浪得虛名

徐方廣先生係徐華亭門下學問人品獨冠一時主人重之令子孫俱受業焉凡憲臺及郡邑有司無不敬禮延訪先生每謂人曰僕有何佳處奈緣小主人傾心遂致我輩浪得虛名耳

守先訓

先君飛湖公別號東臯嘗告子曰士人立身不可不慎一有失足後悔莫及得失命也故出處之間便要把握得定問心弗欺纔能做絕大事業小子勉之無爲倖進可也自先君去世見同學少年俱衣輕齒肥自思棄產

營謀以博一第與之相先後又何不可然一轉念焉愧欲死矣因又思拜門生以通聲氣庶幾無碍但浩然之氣養之廿年一旦盡從而捐之亦覺可耻所以閉戶自守併不敢希名干譽今年及花甲將週矣較之得意諸君有退歸林下潦倒不堪者有化爲異物墓木成拱者而予方優游長林豐草間一守先君之訓依然故我也噫幸矣

### 譽子弟

或有謂予將本宗子弟稱獎已甚者予曰我家子弟俱肯上進閉戶讀書比比皆是卽有許可豈得爲私間有一二未能自檢者亦不至若他家之濫觴也子曰如有

李則子文集卷之六

主

所譽者其有所試矣於我何獨不然

### 節珊晚霞詩

閒讀節珊李先生晚霞諸作而嘆其不獨文追兩漢字宗晉人而詩律亦入唐賢之室也今錄其晚霞三十首之一於此云群真待月泛瓊觴上帝醅顛入醉鄉亂撒丹砂扶暝色高燒絳燭續晴光飄飄欲落同孤鶩燦燦猶能佐七襄聞道紫泉曾鎖記幾時飛出媚橫塘

### 種熊

兆熊一歲時金德藩先生過舍戲之曰汝有鬚否兆熊卽舉手摸頰下自覺赧然徐曰待我買來種之嘗見世之堂堂丈夫化爲婦人者有之矣不意此子於懷抱之

中便思作鬚眉氣象亦奇矣哉此真空明子之後人也讀樸村先生集中輓先君飛瀾公之作

樸村宗兄長子數歲三十年前枉過時先君猶在也與先君一見道誼契合遂爲忘年交流連信宿而返予亦追陪左右至今思之宛如昨日迨後樸村復至先君已捐館矣故樸村哭之以詩有登堂不見老成人之痛今對卷茫然不忍卒讀迴思此景尚可爲之長慟者久之

### 先君飛瀾公詩句

家嚴飛瀾公於讀書之暇最喜作詩故過都越國每多吟咏題之曰隨意吟不幸兩遭回祿俱被祝融氏盜去

李則子文集卷之六

主

一空今於殘編破篋中猶存二三十首如謁孔陵有燕雀日高鳴殿角絃歌聲遠出花叢過費縣有野寺風霜古荒城煙雨多北歸途中有同陵起伏同波湧風景清和又月明望夜有靜聽詩聲來別院醉看花影下層臺渡浦有身疑天上坐詩向雨中尋掃墓有鐘藏經史兒堪讀門擁松楸鶴待棲此皆公幼年時作也已駸駸乎駕宋元而奪唐人之席矣所以不肖輩得以畧知一二如芳苑二兄之道勁齊軾七弟之疎淡實自先君子有以啓之也今摘數語於此以見詩學之淵源云

### 客謂

客謂子曰天下才本一石曹子建獨得八斗於君何如

予曰譬如一石菜子我不過拾得中間一顆爾客曰何其少也予曰一石菜子俱爲古人用盡誰能分得半顆來

### 華生

華麟瑞字履仁長洲人幼失怙恃來歸子家初猶平平也成童後便能刻苦力學予猶未之知也迨作詩數篇頗有講究予方叩之言下即能了了始知其於詩歌古文畧窺一二矣以視世之延明師而不肯力學者其賢愚相去奚啻萬里今年近弱冠將來造詣豈可量哉安知後日不爲風雅之宗耶

### 登虞山

空明子文集卷之六

古

晨起登虞山其日遊女如雲繚絡而至予即命舟子解維同舟之人無不異之予曰無足異也我性本淡泊豈能與婆婆媽媽輩同赴此熱鬧場乎俟異日冷落時獨來領畧可也

### 晤人界上

偶至杭州坐紫陽山酒樓上望錢塘江隔岸青山插雲雪浪排空正在會心處忽有客問予曰貴籍予漫應之曰在晤人界上客曰何處予曰洙泗之間客曰莫是山東否予曰江南松江客曰何爲其然也予曰自郡城西至洙泗二十七里北至泗涇亦二十七里予居中間豈非在晤人界上乎同座者匿笑不已

### 人物不多

嘉興東塔寺朱買臣墓旁有浙江各府朋友數人聚談俱各誇鄉土之美古來人物之盛次問及予予曰松江一客曰松江我曾到過地方甚小古來人物亦不多子應之曰原不在多即就陸家兄弟自足壓倒千古

### 做帚

今人詩文每自謙曰做帚客問予曰何謂也予應之曰語曰家有做帚享之千金不自見之患也然愚意以爲不盡然大約取拂塵之意不過謂只好扯來拂塵垢耳猶古人覆轡說之義也但古人文章儘多好處所以覆說不害其爲醫也若今人詩文儘多不堪處取以拂塵恐塵未能去使几案之間反增無數牛溲馬渤奈何奈何

### 少年立身

少年立身最爲緊要無論行藏定須開善必爲開過必改即或終身不遇亦不失爲正人如或師心自用嘉謨碩畫置若罔聞此所謂拒人於千里之外者也縱一歲九遷身居台輔亦不過於眼眶底下多添幾筆粉墨以供群口畫描耳

### 錄李節珊作南映姪四吟稿序文

南映姪四吟稿諸作雄渾平淡兼而有之李節珊一序尤爲傑作今錄其全文於此其序云原夫風雅之道至



變而常新精微本乎性而才思發乎情神明變化不可以常格拘也昔賢之作記載孔多蓋以供我神明而非以我之神明爲古役資我變化而非以我之變化爲古泥字而儀之句而做之何以稱獨絕乎故夫奔放者規模大而情境未諧嘹亮者聲調高而風神或缺奇過而流於怪巧過而傷於穉平過而入於庸新過而病於滯摹古之家往往不免我於先生服膺焉先生稟賦超凡命今令古高視百代精結而采符神湊而響合氣定而意足慮渺而心融運用古人如使奴隸獨抒己見不恣胸臆故其爲詩也典而有則秀而能嫺雄渾多姿適亮有法凡所爲高新奇者無所不備而皆有以絕其樊

聖明子集卷之六

六

海不遯水於百川而自歸斗不借光於列宿而自拱一神獨來萬象咸叩彼極擬者直唾之耳自京師以至粵西自粵西以至里門得詩若干分爲四種五言古本之蘇李逮於建安次亦白太傅五七言律在王孟之間縱讀之恍觀佩玉鳴鸞於魏闕如見朱英貝冑於武庫壁業於杏滴蘭於酪鮮新之滋與人心口閣前何遜之梅傍舍王猷之竹一經題詠宛若寫生蓋自永嘉習池而後未見朱幡盡哉風流特出如先生者也先生大阮空明先生詩稿業已掩五緯之寒芒濯四漠之濤采而先生之稿嗣出譬諸行師空明之馳驟中原也以雷奔電激之勢建大將之旗鼓所向披靡而先生則有聞無聲

靜治整肅其車攻之悠悠旆旌乎然皆能伐驪龍之鱗甲騫鸞鳳之羽毛七襄織於天孫九章本乎太素彼寄人籬而傍人戶焉騰馥而竊殘膏者陋矣

值得

予作茸城賦兩日之中看完一部府志作完五千言一賦至第三日清晨咯血少許客曰無乃過勞乎予曰何害亦且值得一死彼蘇長公爲河豚尚且值得一死況爲作文反有不值得者乎同一癡也我之癡不較勝於子瞻之癡乎一笑

高壽

偶閱邸抄見他省有百歲老人建坊 旌表者此皆

聖明子集卷之六

七

聖德所感產此八瑞而我郡小橫山上今年亦有百歲老人因其孤貧以故不得 上請惜哉獨是高壽世間本不可多得近來如予里中顧湘九錢介維陳舍美柳菱邨金德藩蔣塔灣唐餘年諸先生皆年近八九十而精神強旺不異少壯真 盛世之禎祥也予將繪圖以傳之

讀空明子集書後

蘇文忠公論書云心存形聲與點畫何暇復求字外意又云心忘乎手手忘筆筆自落紙非吾使斯言已曲盡詩文之妙惜乎今之世愚未見其人也

空明先生以不世出之資潛心大業沈涵乎六籍綜貫乎百家其志在綱紀人倫其才能成理萬物鬱其所積不得試其於詩文小道宜視若涕吐不矜能不炫名而英華所發自然無施不可當其神動天隨情溢才赴不必擬合乎古人而能盡有古詩人文人之妙此真所謂心手相忘技進乎道者其本深其傳自遠豈與夫世之雕繪字句磨切聲響而苟以求名者等哉于於先生

空明子全集後跋王

無能爲役又善病筆墨俱廢讀是集久之覺所苦如失乃書其末以志景仰康熙戊戌人日年通家眷小弟虛亭王錫拜手跋

空明先生續集後序

聞諸叔父之論詩矣曰吾以性爲機萬象日呈我用也吾以天爲籟群動日供我使也葆精溢氣而操縱離合可以逍遙而自如故能不局志於物之內而妙解於技之外若夫緣感而奏遇觸而鳴鬼斧神工司矩執契短長隨製藻績繽紛而乃言忘意得以爲有象以爲無象以爲寄而外不束於境以爲玩而內無牾於神苟未能冥途於步趨而超武於因襲其不踴躍於口吻而扞格於胸次也幾希小子實厄於按劍困於估僮未能浸浹於詞賦而沉畜於風雅竊幸時聆叔父之訓故其於詩文也好之而無尚猶癡龍之玩珠孤鳳之餐竹叔父是

空明子全集後序跋

書初集業已廣布寰區獲之如逢珍錫茲者續集嗣出賦心詩律奴隸古人其飲漢魏爲常餐享三唐爲家帚者乎精誠自存簡編赫名馳走近遠有目皆見有耳共聞是豈一家子姪之私譽也哉姪師實百拜謹識

空明詩餘題詞

五色毫端發羨詩篇輝煌金碧鳳城雙闕猶有柔情工綺語掃滌胸襟如雪全不是風雲露月底事娉婷遲未嫁捲珠簾猶掠飛蓬髮雕蟲技特其末 偷聲減字真傾折寫不盡愁絲恨縷都成何物除却梅溪兼白石惟有玉田稱傑算鶴背天風難滅欲倩纖蔥彈雅調約海棠快染猩紅血當此際殊多益

快筆隨思發擬明珠晶盤疾走更何疑闕驚起籠中紅鸚鵡舒散一腔冰雪誰禁我評花朝月試按伊涼調錦瑟想東牆妙緒同絲髮搜微疵傾毫末 如君懷抱安能折縱閒却經綸巨手眼中無物組織班香兼宋豔獨

空明三詩餘題詞

步詞壇之傑庶秦柳相為明滅大獵平原霜翮健看紛擎風雨皆毛血相遇晚已添益

右調賀新涼步嚴香詞韻奉題

空明老先生詞集并求教正李如泌節珊氏謹草

空明子詩餘目錄

卷上

十六字令一首	摘得新二首
搗練子二首	望江南二首
竹枝七首	柳枝五首
女冠子一首	浣紗溪二首
訴衷情一首	減字木蘭花四首
菩薩蠻三首	好事近一首
洛陽春一首	荊州亭一首
阮郎歸一首	相思兒令一首
眉峰碧二首	眼兒嬌一首
武陵春一首	太常引一首
柳梢青一首	醉鄉春一首
思遠人一首	醉花陰一首
憶餘杭一首	南歌子一首
青門引一首	望江南一首
戀繡衾一首	摘紅英一首
臨江仙一首	鷓鴣天四首
一七令一首	步蟾宮一首
虞美人二首	南鄉子一首
鵲橋仙一首	一斛珠一首
夜遊宮一首	踏莎行一首

小重山一首

臨江仙五首

少年心一首

祝英臺近一首

一叢花一首

暮山溪一首

江城梅花引一首

魚游春水一首

卷下

滿江紅十一首

鳳凰臺上憶吹簫一首

六么令一首

尾犯一首

水調歌頭七首

滿庭芳一首

漢宮春三首

燭影搖紅一首

聲聲慢一首

慶清朝慢一首

長亭怨慢一首

八聲甘州一首

空明子詩餘目錄

玉玲瓏二首

燕山亭一首

珍珠簾一首

夢揚州一首

綺羅香二首

洞庭春色十一首

賀新涼八首

蘭陵王四首

六州歌頭一首

空明子詩餘卷上

練川兄樸村先生選

華亭張

榮景桓著

十六字令

山莊

搖兩岸金花柳樹梢疎籬下斜坐看春潮

摘得新

春閨

柳又花狂夫不憶家空閨餘寂寞度韶華池塘錯怪鴛鴦

鴛鴦睡打開他

一樹花窗前春色賒恨君心地忍獨咨嗟東西燕子分

飛去最疼他

空明子詩餘卷上

搗練子

春日

鶯有意燕多情一別經年見面生最喜風前雙蛺蝶隨

花上下細無聲

桃蕊綻柳條青一派江流遶岸行昨夜夜深風更急打

翻梅子飫新鶯

望江南

秦淮月

江南月第一在秦淮河影直從天上瀉歌聲渾似碧空

來隨處好擎杯

燕子磯

磯頭望此際倍堪憐四面江山還似畫六朝宮館想當年野草幕荒煙

竹枝

本意

笋芽直透借輕雷旋作新篁傍水栽惟望枝頭能結子朝朝引得鳳凰來

一片輕雲入水深江干獨立自虛心長安多少風流客鏤管新翻高調吟

竹葉蕭蕭響北風竹枝打折在牆東勸君莫當枯柴看要待騎時化作龍

儂家一向住河汾百尺琅玕直拂雲情到春來禁不得

李商隱詩餘卷上

亂抽竹笋寄殷勤

去年把酒別郎時郎馬牽來繫竹枝竹葉尖尖如馬耳

教人睹物費相思

生長河干樂事稠新篁搖颺點芳洲東風昨夜園林過

怪汝無心也解愁

十五女兒雙髻丫金蓮三寸足堪誇不信但看新竹笋

教郎看見眼生花

柳枝

本意

望郎望郎又一年望郎不見淚如泉妾似帶泥雨後絮郎如鎖柳曉來煙

望郎望郎又一朝望郎不見更無聊安守楊椿大於拱郎隨柳絮去如潮

獨宿空房愁不勝郎恩自重妾身輕妾似北京枯柳樹羞對春風情復生

偶步江頭望海潮青青楊柳細風搖楊花為似阿儂性柳枝瘦盡阿儂腰

踏青姊妹怕登樓夫婿年來慣浪遊莫怪妾心如蕩子郎心正如楊柳頭

女冠子

秋月

天公留我喚出水輪一顆照芙蓉故國千山夢新愁五

李商隱詩餘卷二

夜鐘三更憐桂子四壁惱寒蛩林下深閨畔獨相逢

浣紗溪

冬裘

欲借嚴灘釣叟披寒深暫蔽朔風吹曲房窈窕醉玻璃

一暖可忘天地凍三冬不復數淒其天涯無褐正堪悲

悲

憶舊

記得當年陌上遊曾經投贈玉搔頭別來約略又經秋

天上縱然同織女人間亦自有牽牛忍教特地冷衾

綢

訴衷情

與約

空庭不語步中宵月色信無聊竹屏疎處花綴琴瑟未能調  
梅舞雪雨添潮晚風遙青苔踏破約到如今又  
改明朝

減字木蘭花

小金山遠眺

江天一片細聽鐘聲敲梵院楊柳如絲逐漸黃來秋老  
時漁舟寂寂吟得新詩題四壁殿角錚錚倚檻遙看  
湖水清

春閨

桃花欲碎片片飛來侵玉佩綠起荷池約伴尋春心自

望明字詩餘卷二

四

知問春何處燕子雙雙梁上語燕語生生先逗春光  
一點情

秋閨

愁來何處來在天邊雲裏住又在心頭笑我無心也有  
愁開簾望月瘦損風前腰一捻如醉如醒腸斷空閨  
窗紙聲

愁來何處遠在門前烏桕樹近在眉頭最有眉頭耐得  
愁菱花似月照出花容紅一捻無淚沾襟秋在心頭  
愁殺人

菩薩蠻

春閨

深深葉底黃鶯織春風落盡桃花色粉蝶一雙雙飛來  
還打窗金針慵刺繡對鏡嬌波溜纖手約雲鬟遠山  
眉一彎

秋閨

天衣無縫天孫織織來別樣珍奇色七夕始成雙偷窺  
暗啓窗丹楓鋪錦繡四野蟲聲溜纖手整雲鬟天邊  
月一彎

泛舟三泖

張帆逐浪閒遊玩茫茫萬頃無涯圻攪破水中天長堤  
楊柳煙飛魚三尺雪藻影浮澄澈一片白雲生西山  
落日橫

好事近

獨坐

獨坐好思量往事都成陳迹記得花朝月夜醉峭崖蒼  
壁喜逢紅袖笑相扶林外日將夕何似今宵不語伴  
夜長孤寂

洛陽春

秋日感懷

飛瀑穿林爭秀風圓雲斂日高天濶雁飛寒看山色從  
今瘦閒飲池塘酒憂心難剖秋蟬一噪一聲愁噪  
不盡黃條柳

荊州亭

十六夜望月

垂柳晚鴉閒踏明月飛來如雪照破萬條絲只恐風柔  
露滑素影恰交二八金鐸亂鳴古剎星斗滿空橫一  
派秋聲欲咽

阮郎歸

山居

清香不斷月來初空庭花影疎聯牀話舊屢相呼問君  
將睡無君煮茗我提壺深山且著書看君雙手捉蟾  
蜍知君愚不愚

相思兒令

水雲亭夜眺

空明子詩餘卷三

六

靜悄沒人來往亭外水雲平最喜夜深明月偏傍柳邊  
生遠遠一派漁歌况兼之促織連聲如今又是深秋  
發毛容易關情

眉峰碧

本意

楓葉新鋪赤澗道常飛白蟬蛸吟秋意未休好一似基  
逢敵瘦損鞋弓窄顧影還堪惜煮茗焚香不解愁燈  
花暗鎖眉峰碧

訪舊

一片秋山碧一派秋波白一葉扁舟訪舊來一向在心  
頭憶三載曾相識三月三之日三徑花開路欲逃三

山不辨天南北

眼兒嬌

舟中卽事

白雲淡淡盡新秋紋水漾清流半塘蘆荻滿灘蘋蓼幾  
箇漁舟輞川一幅難描寫遠眺不勝愁鳥棲林裏鴨  
飛江上鶴唳山頭

武陵春

夜宿錫山留餘堂

蟬噪槐陰人已靜斜月挂枝頭四壁蟲聲字字愁河漢  
欲西流暢飲二泉秋水碧山色夜來收花滿池塘香  
氣浮小卧白雲兜

空明子詩餘卷二

太常引

七夕懷兩親兼憶長兄暨諸姪二女

每逢佳夕喜高歌三載客中過童子隔窗呼笑買到醇  
醪滿壺回頭南望雙親黑髮共看鵲填河伯氏進尊  
盤想此際含飴趣多

柳梢青

秋閨

擁出冰輪牆高柳映庭院清新半枕離思滿腔別恨一  
鏡啼痕秋來夜冷愁人呆看著青天翠雲暗啓朱扉  
香苔立遍蹴破香塵

醉鄉春

漫興

紅蓼白蘋風悄細雨濃雲山表橋欲斷柳偏疎秋思夜添多少飲酒吟詩微笑笑我浮生怎了忙置鼎快安爐丹成自覺乾坤小

思遠人

耦耕草堂閒眺

楓葉蘆花江上晚鴻雁叫秋碧斜橋大吠荒村人靜丹桂冷蒼壁小窗一望情何極雨况連朝夕看殿閣插天梵宮深處垂楊霧煙織

醉花陰

秋日

一片秋波如欲住住也如何住晚上望江樓千頃銀濤只管流將去幾點秋山如欲去去也如何去朝起捲珠簾萬壑青峰依舊留將住

憶餘杭

九月一日登神山作

攜履神巖山頂上萬頃湖光只一望橫塘日落蓼風寒目斷釣魚竿殘碑零亂荒煙際點點金沙夕照裏蒼茫遠眺見漁舟空挂一帆秋

南歌子

余山卽事

嶺上松濤靜溪邊柳線斜幽香飄處是誰家菴內老僧

說法落天花路轉山栽竹橋迴水見沙芙蓉一帶曲屏遮何處鶯喉細轉襯琵琶

青門引

重陽前二日春風樓小飲卽事

薄暮添新冷樓外晚風纔定呼盧暢飲話深更今宵共醉莫學屈平醒有花可賞開三徑氣爽行雲淨一鉤眉樣秋月隔窗送入芙蓉影

望江南

乙丑生子偶筆

何所望我意有餘思赤子寸心能不失大人成德始堪期出處總相宜須知道凡聖任人爲莫爲功名圖捷徑養成頭角待風雷望汝亦除哉

戀繡衾

過將軍古墓

夜冷淒其鬼火紅想當年多少戰功征雁半斜南去聽鐘聲飄落梵宮松杉約略傳天籟看荒煙頽裊晚風何處弔前朝葉數將軍今在草中

摘紅英

晚窗卽景

征鴻寂歸雲急推窗細雨花枝濕飛紅好閒情掃吹動西風一庭衰草天將夕愁蘆花斷腸秋思人應泣看蘋蓼浮孤島菊花開遍四山都老



臨江仙

走馬芙蓉塘因憶看荷橫浦

芙蓉十里秋江晚一鞭新驛花驄雁飛嘹唳夕陽中拒  
霜又報小山紅記得斜橋明月夜藕花香氣朦朧調  
勻脂粉費天工此中風景可相同

鷓鴣天

閒情

情對燈前紅粉生淡妝淺抹見傾城鶯聲巧轉喬林細  
鴉鬢雙拖遠黛輕描不出畫難成纖腰斜倚小銀屏  
相扶低語三更後驚喜燈兒不肯明  
手捲珠簾別致生髻梳隨馬自輕盈歡生眼角偏流碧

空明子詩餘卷上

十

恨結眉峰獨鎖青兒女話兩三聲清歌一曲靠圍屏

鳳靴細按新腔板隔箇窗兒分外明

乍語還羞見面生輕盈宛似董雙成書生魂魄能餘幾

怎禁秋波一寸青人不語鳥無聲簪花誤觸水晶屏

侍兒不解相思意催上妝樓月正明

橫雲閒眺

一片禪心伴鼓鐘秋江冷浸玉芙蓉斜橋石磴飛泉瀉  
曲逗桐陰零露濃雲漠漠水溶溶白龍古洞聚神龍  
遙看三泖湖光合還映橫塘花影重

一七令

春日赴宴觀妓

春佳景芳辰松有韻水生紋鶯聲方溜燕語翻新適當  
無奈日值此可憐人雨灑雙飛蝶翅風飄萬點花魂銀  
管玉箋詩草就清歌妙舞酒行頻

步蟾宮

喜客

臨窗窗隙尖風透猛驚訝九秋之後飄飄木葉隋枝頭  
又何怪金敲玉驟阿誰門外連聲扣啓門見故人來  
候天涯多少事堪愁莫須問書生肥瘦

虞美人

問春

問春怎使人難卧昨夜真難臥問春何處最風流只有

空明子詩餘卷上

十

春開遍最風流問春怎使人多病今日具多病問

春誰逗這春情先有桃花領略這春情

小樓晚眺

花枝細拂廉纖兩人坐樓深處簾兒高捲見漁舟有箇  
穿蓑戴笠不知愁臨窗遙望浮雲遠黯澹天將晚迷  
簷周遍玉闌干最怕蕭蕭咽咽竹風寒

南鄉子

雪景

霏玉覆江樓多少魚罾挂未收遠望青峰都不見難求  
惟有冰山天際頭六出帶雲流嗔怪狂風猛未休恰  
似楊花隨意落迢迢一片寒光別浦愁

鵲橋仙

自述

跣足山巔科頭松下生在淵明之後人生富貴總由天  
况弱體何堪馳驟未冷愁寒將炎畏熱自歎精神非  
舊圖書四壁最娛情閒開卷且消清晝

一斛珠

春閨

杏花庭院空梁無數銜泥燕小娃十五如花面  
來樹底深深見一陣東風花欲顫流鶯又啄花兒  
踏青結伴閒消遣戲打鞦韆牆外人爭羨

夜遊宮

空明子詩餘卷上

主

閒感

夜半貪眠絮被奈閒感攢心頻起一點燈花如欲墜笑  
庸人隙中駒徒勞耳且自忘憂喜想世上雖親難倚  
生死交情一陌紙數生時許多情今止此

踏莎行

秋閨

綠錦零裁紅綃碎剪泉飛白練懸青壁風流螢火點寒  
枝低頭無語凭欄立銀漢橫秋玉繩環月朱顏不為  
年華惜草蟲何事更多情夜深還向西窗織

小重山

閒情

燈下相期情正濃多情尤恰在小鞋弓微聞酒氣杏腮  
紅秋波媚頻動不禁風花影壓房櫳倩郎扶入帳故  
朦朧追思好夢幾能同良宵夜多在別離中

臨江仙

春閨

小苑春風人獨立花飛點點胭脂露凝楊柳葉如眉金  
魚吞水藻黃鳥弄高枝一片湖山峰最峭半灣新綠  
相宜隔庭石屋小窗低無邊花似雨不盡淚如絲

秋閨

為問嬋娟非宋玉芳心何事增悲殘燈挑盡少人知蟲  
聲偏唧唧蟾影故遲遲隔歲天涯音信斷那堪處損

空明子詩餘卷上

主

除夕

蛾眉梧桐葉落兩煙微授衣思遠戍秋老夜長時  
只有今年偏坎壈幸而卽刻明年尊前椒酒慶華筵清  
狂新意氣舊書卷舊姻緣坐因江東行素位何須抵死  
加鞭如今方信古人言能閒清富貴無事小神仙

仲春三日喜接符匡世

閑坐不堪人事拙幸逢知己來過閒窗相對且高歌百  
年如過隙隙裏奈愁何抱膝長吟消永日梅花庭院  
婆娑詩詞贈答笑談多北窗一枕夢蘼得到南柯  
今夕草堂欣客至燈花高結須挑客從練水泛溪橋無  
端兩岸上風急竹蕭蕭杯酒一尊君且醉詩腸冷落

堪澆春山踏遍莫辭遙吟成歌百首隔水和漁樵

少年心

繡鞋

曲曲折折風韻種相思削來三寸是鳳尖頭最會鈎人  
薄倖堪憐處有假無真似月如弓微困立曉露蒼苔  
小印看繡成花朵蓮花頭並花開處有兩箇同心

祝英臺近

春閨

拂花枝風正濶團扇撲蝴蝶細雨絲絲滴損海棠怯金  
衣日暖催春聲聲幽咽怪滿眼游蜂忙絕憑誰說整  
理一炷心香夜夜拜星月滿目繚紅好似化工設獨看

空明子詩餘卷上

古

柳眼榆錢雙眉如結却送上閒愁千疊

一叢花

欵鵲

開襟領略一江風樹隙若爲通閒鷗伴我真堪樂暫繾  
綣逸興無窮之子于飛天南海北何處託行蹤不矜  
華彩任天工素質自從容翛然風致甘恬淡笑凡鳥健  
翻塵空爲我少留東君作主豈肯受樊籠

驀山溪

月下用陸放翁韻

啟窗對月樹影秋風破靜裏細思量怪一向渾忘故我  
酒中滋味別自有乾坤酬玉兔斟冰蟾伴我頽唐坐

鶴翅橫空片片閒雲隨海燕日愁歸戀故巢堂前數過  
蒼龍天矯石虎背生苔蟲唧唧竹條條寂寞新螢火

江城梅花引

閒吟

白雲笑我忒多忙爲人忙爲身忙身若忙時風月怎平  
章又被簾前風月笑細思處一更更夜未央未央未  
央漏正長風甚涼月似霜野火微茫千萬點燿燿宵行  
片片閒雲又入鈿螺牀似此如何料理我橫浦月曲江  
風蕙草香

魚游春水

閨意

空明子詩餘卷上

圭

閨心秋聲裏鐵馬玎玲紫夢寐青蛙斷續深夜綠池鼓  
吹露冷堂前早見螢人靜花外疑生魅月魄風情霧裏  
霞帔曲徑頗饒逸致況又遠山多蔥翠凝眸倦倚闌  
干荷花也睡玉梳斜掠綠星挂銀漢高橫從天墜閒雲  
自流晚涼初試

空明子詩餘卷下

鍊川兄樸村先生選

華亭張 榮景桓著

滿江紅

春分日作

春到中分已過了九分韶色  
撐倦眼游絲如線浮雲如  
織野草有心經露灑空林無際和煙濕問春光能有幾  
多餘輕拋擲 山水趣惟吾識詩酒興誰人敵聽僧房  
叩磬隣家吹蘧豆打雪衣鸚鵡語風飄紅淚桃花泣幸  
杯中綠蟻滋愁城摧堅壁

清明日偶訪用辛稼軒韻

曲徑清幽訝紅粉倚窗獨立庭院裏桃花色豔柳絲風

空明子詩餘卷下

急驚燕新聲時在耳丹青幾幅粘於壁是廣寒仙子謫  
塵凡誰人識 日未午雲還濕春漸暖林長滴看遠山  
橫黛秋波澄碧對鏡自傷猶絮語向人欲訴先嬌泣歎  
我儂不解舊風流非狂客

閒吟

靜坐茅齋聽鐘鼓僧房高聳看陌上柳搖新綠東風偏  
急避世久忘軒冕趣問心怎屈平生膝寧倚窗吸茗獨  
吟詩家徒壁 一望異山銜碧一帶裏桃舍亦有半灣  
流水幾堆拳石尚友方知樂在我參禪纔悟空非色惟  
往來朝暮不辭勞花間展

咏美人

兩鬢堆鴉釵股上十分春色喬丁扮梳頭倩母花鈿貼  
額檀口施朱微見齒玉顏傳粉無瑕璧况倚欄斜視燕  
穿簾風流極 眉柳葉青堪挹眼秋水嬌欲滴更酥胸  
融潤纖腰無力素手摘殘芳草嫩繡弓踏遍春山碧歎  
芊蘿仙子謫人間何時值

送張文字征舟山有功署任京口左路提督

柳拂花驄望馬上將軍頭白征海島山高浪湧羽書飛  
撒步伐功勞子母砲張揚聲勢旌旗色看天兵十萬壓  
彈丸波濤急 吹不盡海風黑流不盡海水赤喜南人  
不叛願歸中國籌畫已餘平寇計笑談總是封侯策羨  
古人揮塵坐江東今重識

空明子詩餘卷下

青樓曲李太真後為歌姬楚雲賦

一對秋波看兩箇黃鸝頻頻空歡羨三春好景圖書四  
壁錢卜五銖郎信寄雪飛六出楊花急話當年柳七最  
多情眉先感 春九十猶餘一菱花缺闌干側笑秦箏  
理遍鳳樓陳迹對影暗傷年十五佳期二八無消息是  
誰家青史最留名風流客

偶占

一陣東風共喚醒高原來麥看柳浪臨河搖曳游鱗窺  
客燕子吹秋梁上坐鴛兒歷歷林中立數紅稀綠暗蝶  
忙時誰橫笛 黃犬吠花陰側牛背上村童適喜詩成  
獨賞狂吟原隔草露未晞人似醉夕陽欲下天如濕笑

紛紛一世不曾閒頭先白

流落塵寰似蝶遇蜘蛛纖打疊起本來面目冲天徙  
翻筆底春秋文字獄人間水旱堯湯宅近新來枯坐學  
他山徂來石 眠一覺日頭直立一地松風疾最不堪  
變志鬢眉巾幘情性自甘猿鶴友行藏不定蓬萊客看  
丹成飛去視滄桑真空色

賦送謝弘成之洞庭山

一曲高歌亦聊以壯君行色扁舟去布帆斜挂海天空  
碧七十二峰斜照裏數聲漁笛煙波息看虬龍虎豹更  
增奇堪塗抹 山缺處浮雲白林密處巉岩赤見浪花  
頻動鯨鯢噴沫且自憑君醫國手不難頓起膏肓脉要

室南子詩集卷下

三

新詩題過洞天中湖山側

十三日對月

我問嫦娥怎缺陷蟾宮一角畢竟是阿誰斫桂阿誰搗  
藥造化盈虧那可測人間一月周天說又何緣尺寸不  
相懸多奇確 吳剛去誰刪却玉兔死誰春著倘卒然  
中變也須斟酌宇宙茫茫應未老何須生此韶光脚望  
霓裳舞罷散天花來仙樂

天問

笑問蒼天且俯聽狂夫雅謔最可恨嚴寒酷暑年年暴  
虐風信妬花二十四嫦娥每被雲遮却偶然間霹靂夢  
中來驚人覺 守正道功名薄行匪僻從人爵疑循環

造化未堪咀嚼富貴窮通有定數白衣來往如梳掠倘  
無端打錯算盤珠宜斟酌

鳳凰臺上憶吹簫

住期

幽夢如雲合歡如月樹間吹隋西風聽芭蕉細語唧唧  
喁喁生把郎心繫定應莫學一片征蓬疎簾外露凝苔  
滑煙鎖花空 匆匆殷勤惜別綠陰下躊躇悶損鞋弓  
恨秋蟲喧雜兩耳幾聾池畔鴛鴦交頸煞強似萍水相  
逢從茲去抵牙漫想此意朦朧

六么令

和晏幾道春情韻

室南子詩集卷下

四

一番春到紅紫映高閣開邊小鶯初轉如把笙簧學石  
屋溪流斜抱花落游魚覺青樓少婦玉蔥微露冷覲狂  
徒暗中指 燈下殷勤密語此意何時答記取千萬盟  
言字字同心押休放媚媚笑我辜負韶光霎且添銀蟾  
宵前小飲月印梅梢照牆角

尾犯

曉行

曉起路模糊按轡徐行馬蹄猶滑鏡裏銀絲怪年來侵  
髮茅店下霜濃露冷板橋邊煙深樹濶病軀多困舉目  
淒涼雞唱前村月 方塘春水長垂柳喚醒鶯舌巧學  
笙簧聽歌喉時咽山婉轉喬松如蒼浪潯潯飛魚似雪

微吟閒眺野草野花隨意發

水調歌頭

醉後狂吟用東坡韻

君莫怪我拙聽我問蒼天不知盤古到此畢竟許多年  
若論史書所載只恐其言不實心熱背先寒箕踞孤松  
下深臥白雲間 高擎手長伸脚莫貪眠可憎太極未  
判雞子一般圓我欲騎鯨仙去又怕清虛無據好事豈  
能全問爾天不應再去問嬋娟

月牙池有感

門外泉水潤菱葉暗藏天垂楊兩岸亂舞搖曳散蒼煙  
螃蟹也知快活沙鳥不愁衣飯逸致更翩翩我意欲做

空明子詩餘卷下

五

此兩足自來前 一杯茶三盞酒頗恬然色空空色就  
裏滋味最深元螃蟹亦能入道沙鳥何難成佛造化本  
無偏况有靈根在人在物之先

海口觀潮

南國邊海地風急水滔天繞崖波浪洶湧千里一時間  
約略龍蛇攻圻仿佛蛟龍興雨澎湃怒濤懸攪破馮夸  
府魚蟹盡潛淵 駭沙鷗驚宿鷺落飛雪山高矗一  
峰倒陷壁漁船忽地雷霆陡起不許行雲留影快馬整  
歸鞭世路總如此林下好長眠

世外樂

造物又焉敢欺弄此頑仙我今二十之外跌坐已多年

跳出是非門戶俯視蜉蝣雙羽楚楚倍堪憐不覺失口  
笑驚破沈寥天 勢如山印如斗總徒然可憎一撮土  
上性命幾人參住此清虛世界試看飛潛動植誰與辨  
愚賢嶺上松風好高臥聽新蟬

立秋日偶占

共說秋山好翠色映青天白雲空際來往疑在即離間  
鷗鷺紛紛江上楊柳依依堤畔眼底倍淒然入破笛聲  
裂喚起牧童眠 看茅屋前臨沼後連山孤村閒眺亂  
鴉點點落門前富貴讓人奪取丘壑憑吾揀選此事易  
周旋假我一塊地讀易十餘年

登丹鳳樓望春申浦

空明子詩餘卷下

六

何處來丹鳳樓自聯翩我登丹鳳之背乘勢好冲天  
南望浮圖高聳北望孤蘆一帶滄海變桑田下有蛟龍  
窟慘澹起雲煙 雲時裏扁舟過片帆懸浪花生處怒  
濤驚駭夜珠寒城欲隨波去也樓欲凌風飛矣人在渺  
茫間安得現海市與我一周旋

乙丑元旦

那得劉伶酒醉我雪花天歲朝一新眼界寶鼎散祥煙  
冷性半生不改傲骨依然仍舊人世任更遷筆墨從吾  
好揮灑杏紅箋 笑先生茶一盞紙窗前連年光景就  
中曾盡苦和甜甜莫甜如得意苦莫苦如失志日月老  
朱顏閉戶謝賓客對景祝豐年

滿庭芳

有感

秋草鏤金晚雲鏤玉悠然江水澄清北山閒眺鷗鷺宿  
前汀人世那堪久住笑牛羊怎比蜻蜓孤松下擎杯索  
飲天地一書生 曾經勞攘攘朝秦暮楚學箇浮萍歎  
就荒三徑誰代吾耕螻蟻些些性命功名事抵死難憑  
君休訝故交有幾落落數晨星

漢宮春

柳上感懷

柳閣連雲看盡空文筆逗水漁船神鼉背擎一柱撐住  
中天荒堤楊柳斷風腰攪碎青煙登樓望銀濤如雪茫

望南子詩餘卷下

七

茫千頃無邊 東望九峰幽秀忽松濤乍發秋思堪憐  
閒鷗又來向我似感流年我思魚樂羨汪洋任意流連  
愁殺我不堪日暮數聲淒咽殘蟬

秋感

庭樹悲秋看物猶如此人何以堪西風夜來驟發發  
星添紙窗窗鼠攪人心一片聲連聊伏枕新來夢蝶姬  
公拋我三年 塵世不省回首歎神仙秘訣千古誰傳  
每逢草枯木落顧影堪憐芒鞋竹杖問何如紫綬青袍  
聊散步高蟬抱柳晚山落日淒然

春遊

昔惠橋邊見綠楊撥亂一片模糊盡船來往無數把酒

呼盧花開滿地被鵲聲叫醒花髮愁殺我登高遙望平  
林驚落飛鳥 回首小樓窗外喜一枝紅杏點綴牆隅  
更憐照人皓月笑倩誰扶牧童歸晚看牛羊到否吾盧  
君莫誤春光如醉興來何必提壺

燭影搖紅

偶占

我料秋來驚鷺常夢江湖濶岸旁楓葉為誰忙染就枝  
枝血愁聽猿啼啞咽羨深淵歡聲魚鱉白雲如故景物  
淒涼荒村清絕 積久煙籠山應借雨輕輕刷幾羣海  
鶴又飛來堆上千層雪此地堪藏我拙恨依稀鳴禽學  
舌三杯綠蟻一卷黃庭悠然怡悅

望南子詩餘卷下

八

聲聲慢

秋曉

夢風殺葉豆雨秋花四野蟋蟀淒淒有箇沙鷗悄然立  
在漁磯池內游魚得意樂清涼荷葉為衣人坐處但一  
琴一几秋水堂西 隔岸綠楊繫馬忽涼颼吹晴冷落  
頻嘶鶴夢幾時喚醒勘透元機倚松望中堪抹是曉來  
雲霞山低君記取鍊陰陽須隱翠微

慶清朝慢

世外想

竹暗藏雲林空漏月鶴聲叫破天關偶來草堂深處踏  
遍苔斑白露橫秋降早疎星黯澹太虛間堪極目小樓

閒眺滿眼青山 銀漢寂螢火怯聽環門流水激石潺  
潺夜靜豈風陡起鵬背先寒待欲騎鯨飛化雲衣露履  
然霞冠真清絕形骸土木一筆都刪

長亭怨慢

別怨和姜堯章韻

記春日垂楊拋絮點點飛來碧窗朱戶物候潛移嫩螢  
零亂便如許妓衣偷月空惹動中庭樹蟋蟀叫新寒怪  
帶著砧聲來此 薄暮暫憑高望遠眼底鷗兒堪數別  
離何苦玉簪小是伊親付梁上燕檢點歸裝奈秋色羞  
人無主怕鬢髮青青吹上閒愁一縷

八聲甘州

空明子詩餘卷下

九

丙寅元日

對和風麗日喜春光冉冉故遲留看屏開丹嶂簾垂碧  
水梅綻妝樓掃盡從前淚徑眼底倍清幽更有枝頭烏  
笑語忘愁 自此未開惹恨只綠堤楊柳望斷雙眸想  
男兒薄倖浪把歲華丟看年年春來秋去歎無端天地  
一虛舟誰知我自傷老大造物何尤

玉玲瓏

佛手柑次悔亭韻

萬綠枝頭開先得一種柑黃松花圍就不辭歷遍炎涼  
便算空王妙手將梅檀較量也遜幽芳匡牀伴琴書斗  
室生香 隱隱清芬拂面直疑登佛座豈羨仙鄉一舸

飛來與木桃同載南方看他三吳競賞好趁此薰風帆  
飽早遠程梁真堪玩比蜜雖情味偏長

獨占秋光早羞殺橘綠橙黃蕭齋清供紙窗傍晚微涼  
絕似纖纖素握倩僧伽金裹引領羣芳胡牀怪空王彈  
指飄香 記否仙霞驛路歎一經分手目斷江鄉生長  
中華並蓮花譜入西方憑他燕南代北便到處佳人賞  
鑒難上釵梁餘芬在伴夜眠忘却更長

燕山亭

七夕

蟋蟀吟秋螢火亂飛庭月梧桐連瓜菓薦新晴熱心香  
共向雙星乞巧姊妹樓頭更綵線穿針多少喧笑看靈  
鵲填橋驚與過了 牛女踐約相逢歎動別經年離愁  
難表玉繩緊鎖銀漢無聲知他佳期草草雖則經年猶  
喜與地天偕老煩惱恨此夕為何易曉

珍珠簾

秋日山行用吳文英韻

梧桐葉落餘風最極目斜陽古道鳥啄稻花香雁集蘆  
灘渺盡舫牽情楊柳岸悵廢寺從無僧到山峭看峰頭  
孤鶴僅似鷗小 把盞吸罷還歌喜禪房秋色將僕環  
遶四壁滿圖書一榻開懷抱金谷蘭亭行樂地記年時  
曾同歡笑人杳歎離菊將舒江楓漸老

夢揚州



泛舟橫雲大風雷雨和齊執七弟韻

怒濤聲是風姨轟起愁人楓葉橫塘半窗疎影青青回  
頭望蘆灘雁雁噪雷霆忽落松林秋容澹花宮暗天爲山  
鬼招魂 共聽綠綺冬丁看彷彿雲中元鶴遙臨更喜  
仙姑現出月貌風情凌空擬泛蓬萊宅赴蟠桃會上同  
行前緣淺歸來酒醒鼓打嚴城

綺羅香

冬閨步楊琰若韻

砌草彫霜庭梧墮露寂寞小春之候可惜菱花祇照淚  
沾紅袖斜橋畔葉舞風迴曲池內晴搖波皺數無端雁  
字橫空啟窗一霎峰巒瘦 寒梅獨自潦倒疎影棲珠

雲雨半詩餘未下

土

箔傳針慵繡篆象金爐關損眉尖雙岫問消息無半行  
書卜佳期有相思豆怕青樓觸處迎人望郎心戀舊

爰亡兒旅櫬泗濱

荷葉搖珠榴花綴錦恰正端陽景候鴉子關情夢裏時  
來牽袖汝祖母難免心傷汝伯姊也知眷縈就我儘多  
病多愁料應不是而今瘦 買舟送汝東去汝母忘寢  
食緇窗懣懣泗水之南目斷天邊雲岫解笑語一朶青  
蓮善戲弄數枚紅豆怕開箱檢點衣裳愈鮮明不舊

洞庭春色

咏月

十五嬋娟偶然無缺終易成空念蛾眉高貼影沉江漢

玉鈎斜挂夢入崆峒望日水輪高湧起把心事無端託  
塞鴻舉頭處見花移人面樂在其中 扁舟且停柳岸  
清歌裏杯酒從容看婆娑桂樹通宵皎皎模糊兔窟徹  
夜融融雖則盈虧有定數怪圓缺何緣大不同莫須悶  
借吳剛利斧劈碎蟾宮

遙憶練川友人

子在天涯我居海角跡遠形疎數北窗高卧空吟章句  
東山寄興虛度居諸有水環門長把釣莫痛哭窮途枉  
駕車登樓望想虬江一帶渺渺愁余 去年別時對酌  
畫堂裏訪戴之初念飲君醉酒中懷耿耿歸家閉戶獨  
悟如如及早學農兼學圃且竟日春田去荷鋤回頭處

雲雨半詩餘未下

三

喜笑談較勝讀十年書

戲作破筆問答

我不子惜子應我感爲我前驅念中書寄傲離奇倔強  
管城託興者也之乎我口厭談人世事且仗汝消磨三  
足鳥豈知道竟頭焦鬢禿向我號呼 主人惜我衰朽  
玉盤裏贈汝珍珠數冲冠怒髮空慚烏跡生花妙思深  
愧鴛鴦雖曰封侯須擲地但殘喘憑君試一蘇主人笑  
仍照前供職莫作他圖

對酒同錢介維作

有酒盈尊君應豪飲吸盡無餘數明窗坐老吟人章句  
青衫著破誤我詩書但得結茅山下住儘寬著胸襟學

釣魚灘頭卧聽漁歌欸乃一片聲紆 長安利名道路  
爭攘攘今我躊躇既山林作想不須擇地煙霞成癖何  
用驅車親自栽花并插柳看風落殘紅香惹裾今宵裏  
笑何妨醉倒手捉蟾蜍

花朝

梅興將殘柳情尚怯正是花朝看盡船數點誰家搗鼓  
青堤一帶何處吹簫雖曰無心人世事但塊壘全憑酒  
快澆從今後有百花爛熳莫歎無聊 攜筇又兼躡屐  
心兒裏詩句以敲想平居難遇何妨耕讀人踪不到似  
有漁樵說著利名真挂礙且一袖隨緣更一瓢堪愁絕  
見溪流窈窕春意苗條

題拈花菴為愚山人賦

地近城隅數竿修竹蒼筤看流泉浩浩魚龍聽梵  
空林灑灑花鳥參禪生怕綠楊搖不住奈惜影飄颻又  
一簾泥金座有殘梅幾朵斜護雲龕 平生坦懷自喜  
愛蘭若策杖相探且尋芳遣興聊酬詩酒閉門守拙莫  
傲冠簪况有遠公談妙理共踞檻遙看水底蟾白蓮社  
便從今須訂老我名藍

觀魚

偶爾臨淵焉知魚樂我實非魚既方塘深廣何妨遁迹  
曲池窈窕曷不潛居吞藻吐波些小事怪舍命輕身子  
忒愚暫時裏且浪拋香餌樂矣魚乎 江湖任君遠適

休貪他上釣之初做書生守拙耽於林樾草堂養靜羨  
彼樵漁五九春光等閃電悲世事空花有若無子牢記  
便從今遠害莫我言迂

訂鶴

滿地閒花任他爛熳不用耕鋤笑迎人走狗朝秦暮楚  
爭名羣蟻短歎長吁攘攘熙熙成畫餅算事到頭來誰  
最愚聊尋伴登北山長叫雨鶴來乎 如今網羅四設  
問爾鶴何不歸歟況山高樹密儘堪遊玩江深海濶亦  
足歡娛我已人情多勘破且仗汝開吾世外圖從茲去  
有老猿為友豈慮無徒

隱括醉翁亭記

環滁皆山西南林壑望之蔚然漸峰回路轉作亭翼翼  
溪深沼曲流水潺湲自有智僊創建後更太守標名在  
上邊樂非酒彼醉翁寄與山水之間 四時朝暮佳景  
滁人遊歲歲年年看能等交錯人踪散亂樹林合抱鳥  
語輕圓眾客宴酣射奕惟太守能文小記傳千秋下  
仰歐陽永叔逸致踴躍

積雨

積雨空林煙雲渺渺自在舒鳬看天桃一樹愁紅慘綠  
垂楊兩岸剪水縈波古木殘鴉驚又起怪數點青峰浸  
五湖君休訝任登樓遠眺眼底模糊 憑欄此情脉脉  
入春來春事如何望新阡舊隴如連若斷竹籬茅舍似

有還無花信自遭風雨妬笑我亦傷情胡爲乎舉頭歎問誰能補漏引出飛鳥

示人

小子來前清心寡欲便是良圖彼獨居一室鍊成輕薄對人雙眼做就模糊出口機鋒真可畏又誰肯安貧更守愚子當戒但我言如是汝意云何黃庭內景經裏有至言妙道堪娛想一瓢一袖不妨適興三千三百何必相拘偶爾開門招伴侶聊結得乾坤舊酒徒回頭看真快哉天地樂矣居諸

賀新涼

哭亡兒亡女用辛稼軒韻

金明子詩餘卷下

五

命也如何說想我儂平生只是衣裳巾葛山野襟期方外性兩眼茫茫似雪看白盡頭顱黑髮握管迎風閒發茗候窗紗漏出林梢月燈黯澹音淒瑟人生最苦臨岐別歎三春一雙兒女陽離陰合造化無情解甚事斷送殘軀病骨料天亦愁人愁絕要不思量無妙道待開懷換入肝腸鐵淚未下喉先裂

漫興

大道無多說並非有矜奇伐異夏裘冬葛造化精華憑我運幻出乾坤似雪莫戀著鬢青鬢管其青龍和白虎任陽光照澈寒潭月真炁上風瑟瑟其中滋味原來別看黃庭嬰兒姤女非離非合吸露餐松隨分過鍊

就峻崢傲骨一瓢袖飄然懸絕莫道神仙不可學點黃金也是人間鐵待變化雷霆裂

悼亡兒週忌

聽我和天說問如何春秋冬夏也如瓜葛問道好生稱上帝不比陰山後雪看世上唯愁白髮小子何知速捐館似初三埋沒蛾眉月真可痛怕聞瑟衣裳楚楚生來別恨纔知追隨兄弟情投意合泗水之南汝葬處衰草垂楊腐骨六伯日天倫遠絕花柳風光都不解料相思血淚堪鎔鐵待長叫九峰裂

訂友

與子凭欄說喜今年頗多生計采蕭采葛終歲高歌兼

金明子詩餘卷下

六

醉酒贈爾延年終雪莫老大空悲短髮閉戶攤書閒煮茗笑他人枉度年和月二三子調琴瑟怕開唱徹陽關別歎何勞茫茫渺渺周流六合秦楚爭鋒昨日事戰士沙塲白骨但慕勢交情便絕大道維持我獨任要此心不屈渾如鐵改素守帛書裂

卽席贈歌妓

風急浮雲捲望長空金鈎半挂星河光炫鸚鵡傳言茶已熟絳燭花搖簾幔對醺醺華堂開宴爲雨爲雲巫峽女悵銀屏隱處含凄怨聊共坐閒庭院斜抱琵琶凝媚眼更那堪風靴按拍一聲哨遍漫撚輕攏嬌不語楊柳和腰嫩軟況目送秋波頻勸素手不禁調義甲喜臨

流遙映芙蓉面傷別意還留戀

答和李次鄴步嚴香詞韻

泉湧兼風發數謫仙才情如許宜登天關一掃千人驚  
四座唱出陽春白雪直待要梯雲取月何故青衫都著  
破漸移兩鬢絲垂髮脫不出囊錐末 霜侵雨打蘭  
摧折竟輸與牆桃路柳競誇尤物誰把奇材推管樂也  
算人中英傑笑功業隨興隨滅且自豪吟酬大塊倘無  
成莫學鵲啼血便哭殺竟何益

莫詫狂歌發愧前生玉皇曾侍瑤臺金闕握管詠諧遭  
異罰拋却元霜紺雪但許我平分風月萬事違心常入  
九早剝除怕動衝冠髮羞逐他錐刀末 幾回欲覓方

空明子詩餘卷下

七

聞折數無數珠沉玉碎作池中物不做牛衣相對泣敢  
謂一時之傑只識破無生無滅冷眼旁觀成大噓看紛  
紛覓盡滄錢血塞屋子又何益

予三十年來誓不作詞今因李次鄴投我瑤箋

依韻奉答二首不覺見微心喜亦作豔體一

章呈次鄴

香泉金爐鴨伴瑤窗瑤珞筆架琉璃匣活火新泉堪  
茗戰好鬪驚雷嫩蕊也莫犯劉章軍法誰道開簾來燕  
玉悄盈盈一點凌波襪遠山盡在睂睫 花鈿斜插飛  
蝴蝶蕩雲鬟珍珠幾顆光同明月蘸碧輕衫綠錦袖飄  
動霞裳葉葉嬌媚芙蓉雙頰洛浦巫峰空歎羨解吟

詩可以王家妾待重唱渡江楫

蘭陵王

四時花燭詞

東風側吹微嬌紅嫩碧看梅花點綴春光桃花又被垂  
楊織晚霞凝石壁美景良辰正值溫柔雁叫盡堂前呢  
喃燕坐珠簾額 錦陌開晴色繡轂雕輪擁出乘龍客  
象板鸞聲歌按拍更香煙縹緲銀燭輝煌嬌娥穩步金  
蓮窄明月高幾尺 恬適歡無極看紗籠引導嬌扶姑  
射翳惟忙啓列華筵看洞房色色杯浮琥珀春溢眉端  
知今夕是何夕

空明子詩餘卷下

七

鶯纖池塘芳草碧月色飛來柳陌蝶陣爭圍嫩綠處蜂  
衙獨繞肥紅側 寶鼎香煙直兩隻鴛鴦整理雙棲翼  
扇底花鈿斜貼額又半簪雲鬢高挂流蘇巫山神女堪  
踪跡手頭心如戟 親覩無瑕璧聽殷殷管一情情  
忒玎璫玉佩自和鳴覩湘裙六幅茜紅靴窄城插榴花  
知今夕是何夕

明月白地接藍橋咫尺看乘鸞嬌客風流催妝賦就才  
無敵疎星河漢纖螢火微微無力玉佩聲中車馬開金  
釵裏處笙簫急 侍女龍燈立寶鴨香焚凝聚煙光碧  
窗外嬋娟情脉脉對娉婷仙子玉液瓊漿一杯快飲相  
思隔樂事心先得 綉繡舒胸臆想嬌娥此際要人憐

惜風迴金粟照華燈正團扇高擎衣香堆積偷捲珠簾  
知今夕是何夕

星如織織就一天五色看獸頭細裊沉煙一簾夜月花  
枝濕遠山青可挹白露漫漫幾尺珠箔捲餘鸚鵡夢瑤  
臺開處神仙宅 簫管情偏適入手新歡盡把煩襟滌  
絳燭高燒光聚碧想花鈿高貼釵股斜簪仙姿媚娜嬌  
無力小立還堪惜 傾國誰能敵喜紅爐暖閣歡娛難  
匹玉蛆滿引莫辭頻況銀蒜雙垂逗人心窄背倚圍屏  
知今夕是何夕

六州歌頭

月下

空明子詩餘卷下

元

窗前金餅爲我暫躊躇旋以外樹之下伴幽居照花鬢  
白眼看人世華名者蟬蛸也爭利者螻蟻耳彼何悲  
幾度通宵不寐蟬蛸好真累吾軀被閒雲薄掩跂望更  
愁余斗酒須沽且烹魚愛梧桐影眠一覺立一頃看扶  
疎螢火嫩清光泉映藏書歎盈虛一月周天說或曰有  
未全迂 過石徑轉松陰到澄湖鷗鷺紛紛欲舞蛟人  
獻十斛明珠笑冰輪有幾玉兔桂模糊待問蟾蜍

空明集後敘

空明子具仙骨負仙才與之俱香繞滿座與之言蓮生  
舌端每一造訪笑談彌日飄飄人世之外恍置我雲霄  
上矣手出一集示余乃其清晏時雜著也披襟展覽如  
聞絳嶺笙如聆蘇門嘯食人間煙火者豈能道隻字耶  
令我直欲控鶴山頭騎鯨海上而讀之

附贊

不空不明明從空現不明不空空以明全不著一物物  
物洞然不遺萬象無象可筌纖毫畢徹如鏡在懸本來  
澄朗如日在天惟僊解此命我景桓

華亭弟蕇江朱品題

空明子詩集後敘

一

空明

空明先生全集序

歲甲申介表姪秉士得識空明先生言論丰采汪汪千頃波也乙未游吟樵老先生門得讀空明先生詩文覺觀海者難爲水矣夫亘古至今詩文各號專家先生著作等身不執一家言苞孕乾坤貫經史渾涵變化若太和之氤氲摩盪江海之淼渺無垠莫窺其迹莫窮其源是合大成以爲樂妙萬物而爲言也彼不知先生之詩文者不足以言詩言文而能言者不言先生之詩文亦不足以言知詩知文今全集具在以公天下之知詩文者吾知天下後世讀之自能知之知之卽能言之莫不恍然以爲亘古至今空明先生之詩文爲萬壑歸宗

空明子全集序

爲中流砥柱而尋流溯源自愧夫平日之鑑測也已昔康熙戊戌花朝後二日年家晚生季駿拜草

空明子詩集十卷又八卷文集六卷又二卷雜錄一卷

詩餘一卷

江蘇巡撫採進本

國朝張榮撰榮字景桓華亭人自序謂生平共得古文雜作六百餘首詩三萬餘首詩餘一千五百餘首歌謠三百餘首康熙甲午檢出盡附祖龍僅存三十分之一卽是編也詞意多放曠不羈

# 挹青軒稿三卷

〔清〕華浣芳撰

華東師範大學圖書館藏清康熙刻空明子

全集附刻本

附《四庫全書總目·挹青軒詩

稿一卷》提要

## 挹青軒小序

嗚呼浣芳歟矣浣芳歟誰復有與予商確詩文者猶憶  
已丑歲予至吳寓半塘是時浣芳年一十有五父蚤喪  
同老母幼弟居白馬橋側予聞其能詩倩媒氏李媼者  
將舊作數篇送閱浣芳把玩不釋愛慕無已母笑曰盍  
事諸浣芳良久不語媒曰四愁子正欲登堂拜母少從  
容俟相見時定奪翼日造訪面試睡鞋一絕知其天分  
過人可與言詩者矣於是納禮定婚同歸雲間暇日子  
問其學詩之由對曰妾九歲時夜夢朱衣人引至殿上  
殿上坐一王者云是唐朝太宗皇帝問予曰兒欲學詩  
否予茫然不知所謂未及答但聞宣一代詩人上殿隨

挹青軒稿

見玳瑁玉佩者約百計起謁畢太宗因命諸人各授一  
篇醒時亦不復記憶嗣後出口每多五七字語或曰此  
詩也於是覓唐人詩讀之覺如逢舊識女工之暇竊倣  
擬焉然初未嘗知詩幸先生有以教我數年來造詣益  
進諸凡詞曲亦有可觀方期徵學相長豈料因產病亡  
舍我而去也惜哉惜哉亡後六月檢其遺稿珠玉盈箱  
傷心慘目有如是耶今將各體畧錄數篇使世之閱是  
集者共歎紅顏之薄命好物之不堅牢也是浣芳雖歿  
而常存歷年僅二十有三安知不爲千百世之美談耶  
嗚呼予四十九丁亥年喪我能文之子名璣字允諧年十六歲學大成  
而今五十九丁酉歲又奪我能詩之妾即浣胡天降凶

一至於此此天殆不欲以予之詩文傳世使予左右乏人聞見不廣僅同於蠶蠶之細氓也是予之命也夫是予之命也夫時康熙五十七年歲次戊戌清和月雲間空明子張榮景桓氏題於聽松書屋

挹青軒詩稿

挹青軒稿

各體詩目錄

虎丘後山

春日

春閨二首

秋閨

哭先嚴子安府君

花朝

半塘尼菴

探姨郊外

禮天竺大士

閨意

君子有所思

惜花春早起

愛月夜眠遲

掬水月在手

弄花香滿衣

夏景

和空明先生睡鞋原韻

和空明集不及韻二首

薄暮

和空明集瓶荷韻二首

和唐人劉禹錫韻四首

君馬黃

和虞美人韻二首

秋日

元夕

和舍弟履仁牡丹原韻

賦得妾薄命

先母張孺人週忌

行路難

宿酒

憶遠曲

賦得鶯初學啼尚羞黃

秋風辭

侍空明先生夜坐二首

春閨

孟秋苦熱

柳四首

和小山看桂韻四首

君馬黃

春閨二首

挹青軒稿目錄

一



秋閨二首	和五月日本菊韻
寄遠行	觀劇
渡浦	哭主母吳夫人
閒吟	
詩餘目錄	
十六字令	荷葉杯
南歌子	撫練子
望江南六首	八拍蠻二首
竹枝三首	江南春
調笑令	如夢令二首
望江怨	薄命女
酒泉子	醉公子
浣紗溪	菩薩蠻四首
憶秦娥四首	誤佳期
相思兒令	攤破浣紗溪
少年遊	思越人
醉花陰	望江東
杏花天	鷓鴣天二首
浪淘沙二首	雨中花
夜行船二首	鵲橋仙二首
紅窗迥	蝶戀花
一剪梅	送入我門來

惜紅衣	滿江紅三首
絳都春	畫錦堂
水龍吟	洞庭春色
稍遍	
自怡錄目錄	
問詩	續殘醉
不堪過譽	閨閣奇才
蠢了頭	一字評
無耻女子	龍頭詩
花鳥笑人	紡紗詩
怕惡	帶毛小尼姑
鏡中老姬	苦中尋樂
吳夫人戲語	飛來峰石禿
雄樹	隔一層
履仁詩	空明謫仙人

挹青軒詩稿

姑蘓華氏浣芳著

胞弟華麟瑞履仁校

虎丘後山

陌上遊人亂輕烟裊綠隄桃魂應慘澹柳魄正萋迷流水迴波急山花影不齊落霞飛古渡日暖燕銜泥乍見脩脩竹還聽百鳥啼平原聊極目春色正堪題

春日

未識春風妙先看楊柳條林深遮嶺寺雲膩暗溪橋知是誰家笛還憐何處簫梅花搖落盡魂斷不堪招

春閨

獨坐深閨數寂寥烟雲一帶望中遙私心最羨長隄柳

挹青軒詩稿

春日新陰最盡橋

無端鶯燕雨相滴雨打花枝盡滿長那有心情啼翠柳  
題將文字話離愁

秋閨

夜涼獨自步空庭天漢蒼茫數點星衣薄不堪風露冷  
潛身暫躲繡圍屏

東方皎皎月初升寂寞瑤窗一盞燈  
半天霜露冷於冰  
恨夜闌人靜後

哭先嚴子安府君三週忌

化去經三載人生等浪花臨風聲欲咽愁聽戍樓笳

花朝

微風拂拂淡雲天芳草池邊態自妍數朵落梅疑舞雪

一枝新柳欲籠煙簷前鐵馬敲金玉牆外黃鸝奏管絃  
獨坐小樓觀自在香焚寶鼎學逃禪

半塘尼菴

琳宮高閣俯晴烟攀陟丹梯別有天幽徑不教容易入  
俗塵都向此中捐已看嫩綠垂楊柳應有新紅到杜鵑  
閒坐品泉聊極目野花零落滿春田

探妓郊外

日暮探親未擬歸青青柳色拂春衣半灣流水環邨落  
一片疎籬遶翠微鶯小不禁花底立蝶新還傍草陰飛  
年來悶坐無佳句詩好驚人在觸機

挹青軒詩稿

禮天竺大士

普天叨大德山間似潮音法力具如願機緣恰稱心半  
龍明寶鏡滿地布黃金稽首蓮臺下親瞻紫竹林

閨意

愁者久不開對鏡拂粧臺好鳥曉人意臨窗慰我來

君子有所思

君子有所思所思在同氣同氣本連枝胡爲道旁棄  
荆樹枯分復合同氣摧殘世所鄙戕賊本古訓戒况  
是庶人敗尤易寄語當今富貴者親親不致家聲墜

惜花春蚤起

狂風夜打梨花落芳心一點成驚愕東方未明呼侍兒

忙來花下尋花魄，輕將素手拂雙尖。羅襪紗新怕露沾，多少傷情春與起，臨窗不語看鷄鷄。

愛月夜眠遲

團團燦燦何皎皎，萬里嬋娟明不了。夜深獨自玩三更，照見海棠棲宿鳥。一腔哀怨訴天公，瘦影偏留庭院中。侍女催歸還未肯，不愁立破小鞋弓。

掬水月在手

誰把清泉和露瀉，忽見蟾光盆裡射。團團水與月同流，恰似洞庭秋月夜。半臂輕羅納晚風，嫦娥恰在廣寒宮。漫將纖手分開水，不啻明珠入掌中。

弄花香滿衣

啓簾春暖花灼灼，姊妹聯行共諧謔。笑看蓮步印蒼苔，輕摘薔薇度牆角。星眸細玩正芳菲，花片飄零染繡衣。靨靨異香真可愛，漫教蜂蝶盡隨歸。

夏景

蓮花昨夜開，和露上瑤臺。香氣侵人袂，清風拂面來。

和空明先生睡鞋原韻

裁成三十麝蘭香，刻玉鏤金狂斷腸。點點輕塵沾不到，半鈎新月照牙床。

和空明集不及原韻

芍藥坡前芳草垂，碧臺零露自相期。憐儂獨對紗窗外，不及雙雙粉蝶兒。

風颺桃花點點衣，階前野草吐芳菲。憐儂無賴空擡首，不及梁間雙燕飛。

薄暮

遠山野寺望中迷，古樹偏留黃鳥啼。殘月半彎隨隱現，白雲一片任東西。綠楊影裡無人到，碧草溪頭聽馬嘶。挈伴湧來花下立，一江春水倩誰題。

和空明集瓶荷原韻

一種風流想邵三，古名託身澤國在東南。凌風嫩綠芭蕉卷，映水新紅豆蔻含。夢去瑤臺陪月露，魂歸畫障伴烟嵐。何堪重憶橫塘晚，玉女峰前態更酣。

震澤東來江有三芙蓉，千頃在湖南。薰風吹徹花先放，

絕句詩稿

烈日烘殘香乍含，不向仙姬誇麗色。獨陪騷客賦輕嵐，攜將小閣供幽賞。贏得閑情詩興酣。

唐人劉禹錫愛姬爲勢家所奪，因作四愁詩。今步

其韻以弔之

難尋月老話姻緣，此際悠悠恨滿天。向接笑言生錦帳，新翻哀怨落花箋。休看客路春生草，莫聽隣家夜扣絃。借問愁腸何所似，潺潺流水瀉寒泉。

分飛燕子能通意，交頸鴛鴦可喻心。書信垂睽如鴈杳，音容契濶似魚沉。天荒地老人分鏡，海誓山盟義斷金。江水何年流得盡，但將情比更還深。

半簾明月莫相看，是處離憂總一般。愁起鬢邊看黛淺，

淚盈眼底口脂殘東西有路傳書易牛女無橋見而難  
一句詩成腸欲斷宮箋寫盡墨池乾

巫雲巫峽杳沉沉縱有神妃那處尋一水路窈雲更起  
三山天濶海方深春明有夢惟歡聚夜靜無茶只苦吟  
回憶舊時同執手嫦娥照見兩人心

君馬黃和空明先生作

君馬黃我馬黑君馬屬中央我馬北方色丈夫遇知己  
肝胆爲之滌座擁名姬百十輩清流汲引時前席聲譽  
滿長安千萬輸一擲王公日候門觴詠無虛夕一日門  
羅雀冷落堪嘆惜同儕復相傾交道成荆棘君馬依然  
作故態我馬昂藏空七尺

和空明集虞美人原韻

五

身歸垓下土沒後有誰憐細草晴方好繁花雨亦妍風  
錦殊悵絕露泣暗淒然喪盡英雄氣悲歌千載傳  
妾心與花貌千古取人憐傍石春多媚臨窗曉益妍依  
稀彩袖舞彷彿夜燈然玳若看傾國風流沒更傳

秋日

芙蓉江上開嬾上百花臺共報郎船至揚帆逐浪來

元夕

紅燭高烧照酒盃欣看門外彩燈來閒雲影淡嬋娟現  
爆竹聲喧懷抱開對卷空悲千古事題詩遍覓一枝梅  
懸知此後韶華好已喜春光上綠苔

和舍弟履仁咏牡丹韻

附錄其原唱於此云花開  
雨正良辰較全數別

院春賣笑並同窺宋女贈香宛似嫁韓人  
清露胭脂重屏掩紅妝應度漸如許風光集有  
幾夜深來  
獨問花神

蜂黃蝶粉趁良辰點綴瑤臺錦帳新金谷晏酣連夜月  
玉樓曉占一枝春名妃把盞曾含笑學士揮毫若有神  
爲報不須頃刻發東風何事惱幽人

賦得妾薄命戲呈空明先生

妾身命薄本天然何幸相逢侍綺筵豈有紅顏能閉月  
卻蒙青眼盼非烟倦眠錦繡屏風內醉立琉璃硯匣邊  
倘遇才郎年少日但知狂暴不知憐

先母張孺人週忌詩以哭之

百結愁腸鬱未開年來多難最堪哀風聲那管窗紗破  
雨况頻催日暮來小鳥飄零尋古樹名花搖落染  
蒼苔蕭蕭惡况情何限逝水東流不復迴

行路難

窗外月兒彎迢迢行路難愁人憶殺秋雲白夢魂又怕

關山隔

宿酒

宿酒慳慳人未醒遙聞哀厲有餘情吹來秋葉隨風舞  
飄入寒潭徹底清叢菊開時三徑麗霜林染處數峯晴  
西成共喜登禾稼場圃爭多笑語聲

憶遠曲

一鈞新月如蒼黛  
梧桐弄影簾櫳外  
真個可憐哉  
征人何日回

賦得驚初學轉尚羞簧

春到園林得所依  
柳陰深處鳥知歸  
金衣始解吟花魄  
玉管初調坐翠微  
留語含羞新綠暗  
嬌音帶澁嫩紅稀  
他時毛羽修成後  
好向神京禁苑飛

秋風辭

征人戍關歸未歸  
何處寄寒衣  
昨日空庭風掃籬  
驚心塞上秋風惡

侍空明先生夜坐

萬柳參差映碧波  
無端春思困人多  
鴛鴦慣浴池塘雨

挹青軒詩稿

七

日月常投天地梭  
豈有詞章堪織錦  
並無書法可籠鵝  
低頭細數嬋娟夜  
一半愁腸付病魔

斷續蘭膏夢未分  
爐烟繞幔氣氤氳  
乍醒苦憶三更夢  
不語時焚百和薰  
玉馬弄風嘶盡閣  
金魚吸水動流雲  
臨窗笑向相如囑  
莫說羅敷善屬文

冬閨

水仙和雪開  
獨坐避風臺  
侍女寒憚入  
擎花帶笑來

孟秋苦熱

晴日苦嫌久  
秋蟬轉更添  
誰能移翠竹  
爲我覆空檐  
赤氣蒸門外  
黃氛暗塔尖  
炎熇晚更熾  
獨坐對新蟾

柳

新柳蕭疎挂紫藤  
腰肢柔嫩苦難興  
依依韻致誰能匹  
種種風流得未曾  
媚眼偏宜高士賞  
修眉應怕美人憎  
郵亭驛舍攀垂盡  
怪爾三眠力不勝

輕陰搖曳秀萋天  
檢點春光黛色鮮  
似解關情闌閣裏  
也知送遠驛亭邊  
章臺雅淡娟娟好  
漢禁精神楚楚妍  
前代風流數不盡  
願垂青盼贈吟鞭

和空明集小山看桂原韻

看花靜坐且銜杯  
庭院深深扁未開  
獨對此中無限樂  
何人牆外扣門來

滿飲何辭酒百杯  
閒窗覓句笑顏開  
謝家小妹掀簾至  
爲愛看花踏月來

挹青軒詩稿

綠蟬光浮琥珀杯  
好花須向故園開  
空庭夜靜天香落  
未許顛狂蜂蝶來

中宵無語泛荷花  
到深秋頃刻開  
金粟飄殘猶馥郁  
一鈞新月入窗來

君馬黃

君馬黃我馬青  
聯騎謁卿相  
聲華滿帝京  
叱咤風雲變  
一諾千金輕  
揮鞭斥權佞  
疾惡恐不勝  
盛名每爲世所忌  
一朝蹉跌涕淚零  
看君馬仍錚錚  
黃金絡頭八寶鞍  
貂蟬耳耳見者驚  
我馬垂頭若喪氣  
空庭夜月常悲鳴  
安得涼颼颼  
颼至助君一戰舒不平

春閨

閑坐沙汀吊落暉半林樹色正芳菲驚哥不解人顚顚  
叫得愁腸到處飛  
相思獨會鎖眉尖舊恨新愁輾轉添最怕夜涼難睡穩  
故央明月暫棲簾

秋閨

孤燈一盞暗銷魂怕看紅羅舊淚痕腸斷小窗真寂寞  
芭蕉撩雨滴黃昏  
綺窗露白冷於霜月透梧桐一線光呼婢挑燈愁不寐  
夜深嬾上合歡床

和空明集日本五月菊原韻

五月黃花豔群疑夏變秋香連雲水澗根接海天浮度

把酒對詩翁

九

曲歌金縷分等例玉甌白衣如問訊逸致轉悠悠

寄遠行

君在西江妾在吳相思不見常嗚嗚寄君汗衫與羅帕  
不知君心有妾無馳驅海內結勝友詩書劍佩皆丈夫  
談今論古世罕匹仿君文章大小蘓言情到處情不泛  
言理到處理不膚摘詞檢韻會心處觀君意氣誠自娛  
平時燕婉君不耽但相逢處亦輕呼輕呼小字妾不應  
君伴作嗔呼阿奴妾故回頭問君說阿奴呼誰還呼吾  
君作愧態終不答默然良久竟相扶君今遠至西江去  
妾心傷春腸欲枯君不見新野相傳望夫石至今惆悵  
立江湖

觀劇

人生方做戲看戲亦徒然脚色隨人扮衣冠任我穿賢  
愚豈面目忠佞在心田試看戲場上回頭正可憐

渡浦

數聲清磬和潮聲帶月宵征江水平夜靜長鯨如欲吼  
雲輕孤鶴忽然鳴青燐野火沿邨出碧草垂楊傍岸生  
鼓楫中流何所似浮生真個等浮萍

哭主母吳夫人

追隨九載倍堪憐里巷爭推主母賢熊胆夜九勤教誨  
先曾訓子允諧年鹿車朝挽遂林泉  
未弱冠學已大成先生曾勸空明豈期  
鏡匣塵埃暗誰料駕幃蛛網牽今日芝蘭滿庭樹今萬氏婦

把酒對詩翁

十

生兆熊飛 因思闕範益潛然

閒吟

何處流泉韻獨清片雲籠日照孤城一枝有鳥花常落  
四野無人草自生竹暗遠山含夕景風回曲水弄春晴  
小窗自許真閒絕莫管人間蝸角爭

挹青軒詩餘

姑蘓華氏浣芳著

胞弟華麟瑞履仁校

十六字令

對卷

虛室內琳琅滿架書停針坐對卷惜三餘

荷葉杯

梅花

傲骨獨開橫浦酣雨飽東風芳情酸楚結梅子心苦看  
桃紅

南歌子

望遠

挹青軒詩餘

春色橫空亂薰風別有香登樓一望海天長但見燕飛  
天杪掠斜陽

搗練子

漁婦

撒網處與天連眼望雲烟縹緲間擊鼓迎神祈海若夢  
隨夫壻過舟山

望江南

織趾戲贈隣女

憐又怯只合踏空廊半折弓形留曲徑一鈎月影印斜  
塘切莫撩檀郎

大御

雲間好大御產尊鯨村塔倒穿湖底日霧烟遙隔岸邊  
蘆九點列青螺

余山憶

余山憶仙觀護雲霞翠竹拂空空欲碧紅桃映水水生  
花點綴道人家的

其二

余山憶百卉吐芳菲曲澗泛花花識路斜橋引犬犬知  
歸夾岸綠萼迷

杭州

云誰憶寵憶是杭州挑柳於今真富麗湖山依舊占風  
流畫舫點芳洲

挹青軒詩餘

蘓州

云誰憶寵憶是蘓州虎阜簫華濃似畫吳姬輕巧瘦於  
鷗目斷五湖遊

八拍蠻

閨意

驚燕正忙日正長海棠雖好不聞香十五雙鬟爭折取  
隔塘笑殺採桑娘

其二

登閣獨悲歲月長青青芳草野花香日暖春情禁不得  
怪郎心地似垂楊

竹枝

本意

流鶯亂織竹枝梢越女臨窗聽伯勞夜靜東風吹一陣  
碎聲疑是珮環敲

其二

幾曲溪流日夜潮竹枝高聳插雲霄輕翻數點楊之水  
攪亂濤聲到石橋

其三

竹杖當年曾化龍風雲起處遶長空竹枝莫作尋常覩  
小兒騎出賽花驄

江南春

遊花山

華新詩集

三

山密密草萋萋風高松籟遠雲暗碧天低知他美景誰  
裝就桃李無言春色迷

調笑令

石門道中聞鳥鳴作

春色春色惹得東風著力依稀隔浦吹笙卻是林間鳥  
鳴鳴鳥鳴鳥莫叫梨花瘦小

如夢令

本意

你也道儂如夢我也道儂如夢今日看將來真個一場  
如夢如夢如夢仙去寂然如夢

此說芳或後見夢而作

夜坐

獨倚屏山閒坐鶯語春酣無那月下訴衷情幾陣東風  
吹破休臥休臥前夜柳花飄過

望江怨

聞笛

東風急獨坐蘭房嘆孤寂偷把韶光惜鶯啼春曉花枝  
濕垂楊纖愁上更添愁隔牆聞短笛

薄命女

步月

風嫋嫋爐內沉檀香繚繞煙弄燈光小斜倚闌干遠  
望團月初升樹杪踏遍錦砧看碧草印得弓痕悄

酒泉子

華新詩集

四

春草

夢繞池塘踏遍天涯皆是被東風吹到後滿滄桑青  
青塞外留名重萌芽春雨動不須耕何用種吐開芳

醉公子

春花

嫩綠遮山洞香透青山縫山外發奇花花開紅似霞  
莫辨桃源路爛熳春將暮三徑湯邊巡鶯忙二月春

浣溪紗

清明後掃墓寒山作

古墓蒼蒼松柏遮荒涼無限路偏賒錢飄子母淚橫斜  
黃鳥共啼山外柳紅羣爭採雨前茶細流輕颺水中



沙

菩薩蠻

西湖蕓堤

柳絲烟鎖濃於織東風褪盡桃花色驚小不禁憐相看  
春暮天 湖光一片好搖颺蕓堤草窄襪印香泥盈盈  
歸路迷

村居同小妹素雲閑眺

天生日月如梭織丹楓不盡飄零色鴈陣十來雙哀聲  
破紙窗 輕雲迷遠岫小妹橫波溜廬外有誰環溪頭  
水一灣

望玉峰有感

望玉峰有感

五

遠山無限皆雲織野花無限皆黃色無限野花黃穿花  
蛺蝶忙 花如人更少斜引青山照山老閱人多人生  
能幾何

秋海棠

日高掃卻烟和霧清涼庭院花無語不識喜和嗔空教  
愁殺人 柔情心未吐嬾向堦前舞爛熳綠窗深依稀  
似好春

憶秦娥

和空明先生四時閨情作

成驚訝暮然相遇人如啞人如啞對儂含笑是何爲者  
閒花細草鋪春野海棠凝露偏妖冶偏妖冶寵關情

處遊絲牽惹

其二

難消夏凝眸獨看飛泉瀉飛泉瀉且攜紈扇綠楊之下  
怕聽反舌聲如啞炎風一陣馳簷馬馳簷馬不須回  
想那堪愁也

其三

風奔瀉吹來秋葉驚鴛瓦驚鴛瓦雖拈針線無非聊且  
束籬菊綻殊嬌冶秋光一望真難捨真難捨數儂愁  
緒亂蛩鳴野

其四

愁重惹天涯無信牽情者牽情者夢中相見未知真假  
梅花帶雪西樓下雙眉呵凍難描寫難描寫遠山重  
畫那人歸也

望玉峰有感

六

誤佳期

望九峰

郊外蟾光如碎臨立塘邊幾隊凭闌一望水連天只恐  
行雲礙 風力緊吹雲九點凝螺黛山峯擬處似斜攢  
那更教人耐

相思兒令

舟中晚眺

靜悄没人來往亭外水雲平甯喜夜深明月偏傍柳邊  
生 遠遠一派漁歌况兼之促織連聲如今又是深秋

朱顏容易關情

攤破浣溪紗

獨步

獨步池塘柳線殘蓮房墜粉不堪看忽聽魚跳驚潑刺  
綠波間 晚月光浮湖上冷秋蟬聲遠夜來寒多少淒  
涼眠未穩恨無端

少年遊

過澱山湖作

湖光一片輕帆數點軟浪打船頭蒼茫遠眺漁舟幾個  
揚柳綠煙浮 傷心故里北堂悵別弟妹總堪愁翹首  
天南白雲多處但見水中鷗

思故人

過泖湖憶母弟作

遠山遙垂柳暗湖光萬頃迢迢一葉扁舟烟霧裡不禁  
此際魂消 浮圖燦爛波心亂幾回見驚飛散極目我  
家應不遠偏教絲雨遮斷

醉花陰

過嘉禾道中作

梧葉淒淒飄欲去煙雨樓深處恰是助愁天幾曲疎籬  
零落前村樹 鴈來有意書成字寂寞殘陽渡莫問草  
猶青一片寒風青也留難住

望江東

武林歸棹

斜日無情照楓樹慘澹殺秋江暮山頭野鶴盡飛去又  
幾被雲兜住 綠萍紅蓼浮橫浦問故我歸何處要知  
故我即今我猛提起愁難數

杏花天

登吳山望江樓

隔窗枝上聽啼鳥捲簾望天遙水淼海門潮長峰巒小  
羅剎驚濤浩浩 煙波裡漁舟鼓棹見帆影蒼茫樹杪  
秋風冷落知多少驚起憂心悄悄

鷓鴣天

閒情步空明先生韻

剪燭題詩寄遠征幽情疑假更疑真曾喚隔浦梅花白  
又見遮門柳眼青 絳樹舞玉簫聲生憎不傍合歡屏  
相思夜半樓頭月枉照離人一點明

迴文

明遠樓高山外城薄衣寒後看鷗盟萍浮水際無雲彩  
晴搖柳葉弄風聲 窗紙響竹幽清火如紅橋映黃橙  
屏圍小閣焚香細鳴鳥飛來先動情

浪淘沙

獨坐

夜靜伴幽蘭蠟燭風殘紗窗蟋蟀送新寒驚得三星忙  
入戶斜傍闌干 秋色老峯巒楓葉成丹人情反覆似

波瀾覓得無絃琴在手莫向人彈

花朝

寒雨攪荒烟風剪雲牽春來花意欲芳鮮窗外雪飾梅  
瓣落恰向苔錢池水濶無邊冷落鞦韆空庭寂寞鵲  
爭喧小婢煎茶閒捲幌逸致踟躕

雨中花

和空明先生韻

輕薄春風何處覩先看那陌頭柳絮更草綠迷烟花紅  
醉雨鳥試含香語日暖遲遲陌上女且喜得採桑來  
去看野徑薔薇家園芍藥盡是消魂處

夜行船

歸吳門省親途中作

九

夜靜荒村聞犬吠看沙洲截江如帶桂棹聲幽蘭舟窗  
小怕對短檠愁態月斜街山數點被西風荻花揉  
碎影拖青篙頭破綠記得舊遊三載

憶弟妹作

時值春分春已判數芳辰剩春纔半芍藥窗前荼蘼架  
後驚被小鶯呼喚桃李成蹊真爛熳嘆春田百花開  
遍心颺千條腸迴九轉應爲柳絲牽斷

鵲橋仙

七夕

亂山堆紫空潭澄碧乞巧樓前獨立銀河波浪任滔天

看鵲駕翩翩渡得妬他牛女姮嬋變色對此不禁淒  
惻但教莫羨片時歡到明夜依然還織

其二

疎簾弄影素娥窺戶茉莉藥珠方綻今宵牛女渡銀河  
恨天帝貪心苛歛佳期如夢別情似剪悔不還錢二  
萬從茲欲作百年歡切莫再仍前拖欠道書云黃姑娶  
萬室每年七夕一見

紅窗迥

晏眠

抱病身貪晏睡小鬟扣門外紙窗一輪旭日無柰臘梅  
搖碎忙披衣急起忽見推門茶擎半盞低語耳邊請

蝶戀花

十

問睡魔醒未接盞兒慢騰騰地毀了時又睡

遊桐橋後小園作

曲徑幽深花滿路幾個新鶯不住將人顧窄襪微沾草  
上露玉梅和雪飛橫浦倒影松雲水護欲上亭臺  
似有湖山阻別院爐香飄一縷板橋展齒忙如雨

一剪梅

過吳江作

桂子閒飄香更幽鶴唳山頭月挂船頭夜深寂寞寗堪  
愁幸有漁舟伴我孤舟木葉寒江落未休風打西流  
水送東流人生世上總虛浮纔過新秋又是深秋

送入我門來

空明先生命意作豔語應教

紅雨春酣綠雲秋困誰人知我酸鹹寂寞孤燈相對濕  
羅衫妾如西北千堆石恨郎似東南一片帆別有驚  
心刺耳夜夜牀頭枕畔風開松杉玳瑁梁間猶有燕呢  
喃妾貌銷如花怯怯奈郎心險似水潺潺

惜紅衣

午日觀荷

香窈窕風嬌偏妬月亭亭獨立紅粉青銅豔妝試新碧  
衣裳楚楚誰識得水仙來歷咫尺凝盼有情怪銀河清  
隔芳心狼籍羅襪凌波鞋封濕半隻朱顏瘦損太息

挹青軒詩餘

土

忒孤寂笑他買舟攜酒不訪美人踪跡且推窗放眼休  
對五絲悽惻

滿江紅

穀雨日新晴

燕語新晴看深院百花生色望陌頭花烟如鎖遊人如  
織黃鳥亂梭山上錦朱鳥輕洗林中濕數韶光不盡一  
春愁難拋擲花密處蜂偏識蜂密處花怎敵聽盡船  
槳鼓紅樓橫笛芍藥叢風小閣暖楊枝滴露長隄泣喜  
陌頭姊妹踏朝陽青山碧

詠牡丹

小苑名花似含笑佳人獨立又豈乏梅雲梨雨柳魂挑

魄松徑幽深啼鳥慣草堂靜悄遊人寂覺凡花連夜吐  
奇芳無顏色嬌媚處偏羞澁脂粉隊同傾國喜君王  
笑看會沾恩澤著露鮮妍增別致垂頭低軀嬌無力况  
陰陰綠葉更多情湖山側

示蛇

爾蛇來乎莫昂首聽我啓迪看此地行人不絕無勞佇  
立若要棲身深穴裡但求安宅橫山側自從今已後莫  
頻來來多厄潛修地尋龍脉霜露下憑伊適須飄然  
遠遁窮日之力能悟忠言多逆耳是何濡滯無行色恐  
有人揮劍送殘生嗟何及

絳都春

挹青軒詩餘

土

侍空明先生咏臘梅窗月

花枝低小怕雪凍濃風愁雲慙斜照西軒掩映蒼松  
推窗早一輪明鏡臨窗了彷彿聽嫦娥歡笑近來自料  
多愁多病爲伊傾倒花貌今才斌媚散清香陪伴夜  
長年老獨立淒神挂魄窺廊空窈窕倚闌一任魂空繞  
看影落閒庭休掃此中佳趣天然有誰知道

畫錦堂

荷花

水靜含鉛風恬浮麝柳蔭低鎖池塘白鷺一行飛去衝  
破花房畫舫欄邊聲翠袖綠萍飄處擁紅妝沙痕細潤  
道噴泉迴廊暗暗生香端相真國色誰能敵除非誇

鶴張郎又道蓮花相似畢竟誰芳千秋不患無公論一  
杯聊且吸清光斜陽下愁殺芙蓉影給散魚糧

水龍吟

魁星

天開一線文明光芒四射乾坤外猙獰氣象科頭跣足  
絕無拘礙這手持金那邊把筆科名蟬蛻看獠牙赤髮  
截天橫地除文曲堪相對說盡詞章絕妙況如今孔  
方猶在圈點點我疑未必魁星之罪第一陰功還須  
苦志揮毫靈快看此公跳上熬頭獨占際風雲會

洞庭春色

元日雪祝空明先生

把酒軒詩餘

圭

相酒盈尊椒花獻頌恰是新春看銅瓶映燭斜簪翠葉  
玉盤供佛不染纖塵稽首蒲團觀造化見窗外瓊瑤白  
似銀私心喜羨太平呈瑞六出繽紛韶華弗輕放過  
春來也正值芳辰待隴頭摘草消他暇日風前咏絮任  
我天真共道今年春更好且笑祝堂前百歲人團圓  
切莫辭爛醉醉臥花茵

稍過

擬空明先生山居作

籬護茅齋露滴柳堤遠荒烟起聽一江絃管過行雲  
是誰家畫船來此山野趣紅塵較差滋味漪漪紋綺池  
塘水見滿眼紅花菜花田內富麗繁華如是況沙痕蘆

笋透前溪看陌上花開步遲遲百尺飛泉十丈游絲豔  
陽天氣望隔林深處幾回花下燕子語陣陣飛蝴蝶  
任顛狂柳風裡正芳草芊芊天桃灼灼蒼松翠柏風濤  
細歎杜宇啼紅一聲一淚逗人多少春意捲翠簾綠竹  
空餘地且共聽黃鸝巧轉時欲消遣湯尋生計攜筇醉  
踏山際白眼聊相視但教心上渾忘物我飲酒題詩而  
已世間反覆路崎嶇請先生歸去來兮

把酒軒詩餘

古

挹青軒自怡錄

問詩

一日女工之暇向空明先生問作詩之法先生曰女子有甚好詩隨意做首便了子應之曰先生差矣只看詩三百篇周南召南尤爲婦人之作居多又安見女子之不勝丈夫耶

續殘醉

既醉之明日病酒甚先生曰尚能續殘醉否予曰妾身總屬君身醉歟自不足惜但恐既歟之後君又要作許多悼亡詩耗費精神不當不當也

不堪過譽

挹青軒自怡錄

偶閱司馬相如傳先生在後稱道卓文君不置予曰文君失節婦人不堪過譽先生忽笑謂予曰彼自有好處汝亦不必與古人拈酸吃醋

閨閣奇才

織錦迴文千古絕調也卽問之天地鬼神三教聖人諒亦必不能再作一章豈世之文人墨士可得而望見乎然後知閨閣中始有奇才也

蠢了頭

向晚納涼凭闌望月月明如畫照見湘簾上花影一枝搖曳不定心竊樂焉小婢廊下煎茶打盹不已予呼之曰蠢了頭何不同來看月答曰月誰不會見過來三家

村媽媽也曉得月是明亮的

一字評

有客自他鄉回送坊刻數種看畢予請先生以一字評之先生曰屁子曰何至於此曰屁也還有些臭氣

無耻女子

侍空明先生側同閱會真記先生曰張生真薄情人哉子曰相國家風生出這樣敗倫傷化的女子有何足惜先生曰汝言亦是有理

龍頭詩

午日同先生看龍舟先生命賦一絕句予戲應之曰龍頭本是木來雕黃口孩兒奪錦標

龍舟頭上立一路龍頭孩兒裝錦標麗手

挹青軒自怡錄

先生見之笑曰更不許作第三句

花鳥笑人

刺繡本非難事要使花鳥生動纔是高手先生曰是則然矣但恐裁成繡襦陪伴豐趺不幾又令花鳥笑人手

紡紗詩

小婢紡木棉紗口中吟啞不已予問曰何故答曰我亦在此做首紡紗詩予笑謂之曰試念我聽小婢曰團團轉轉幾多回一絲一絲牽出來下便再做不出請續之予曰何不云織成大布知辛苦莫使裁縫任意裁

怕惡

堂上供關帝一軸旁盡周倉捧刀侍立秦松

光緒期歲

後見之必作揖呼之曰周將軍若不敢冒犯者然予詰之對曰此人面目兇惡看來不是好惹的予笑曰世情大抵如是點點孩子也有欺善怕惡的念頭

### 帶毛小尼姑

半塘老尼同一未披剃的徒弟到舍向予作揖予問之曰僧不僧俗不俗女不女男不男是什甚麼東西尼未及答予曉之曰是個帶毛的小尼姑

### 鏡中老嫗

朝起對鏡見鏡中一人幡然老嫗也悵訝不已呼萬家阿姊視之已無有矣因質之空明先生先生曰年少而見白髮老嫗恐是紅顏凋謝之兆奈何奈何予曰妾身

若得公於先生之手為幸多多矣

### 苦中尋樂

燈下啜茶茶香滿室呼小婢捲簾散之空明先生聞香而至問曰汝亦知吃茶乎對曰何故先生曰口中苦乎甜乎對曰苦盡甜來矣先生曰真可謂苦中尋樂

### 吳夫人戲語

小春時侍吳夫人側忽病作嘔噦特甚夫人戲謂予曰怪道你詩好胸中渣滓俱打掃乾淨了

### 飛來峰石禿

靈隱飛來峰下見玲瓏怪石俱鑄諸佛菩薩零落殆甚問之先生先生曰此元朝楊禿所為即楊建也將已身混

入其中故後人恨之每多鑿去頭目予曰噫甚矣世俗之湛鄙也佛是石佛禿是石禿吳下石庸何害

### 雄樹

先生一日謂予曰聞之故老云花樹雄者不肯開花結子汝來我家數年璋瓦不美亦莫是雄的否予曰妾誠是雄的先生敢是雌雌雄同音的

### 隔一層

予目力不濟年未二十即用眼鏡先生戲曰何為學驢磨坊中用着眼罩予曰誠然所以先生之詩文雖好我看去還隔一層

### 履仁詩

舍弟履仁東塗西抹學為詩歌意若自得者予竊笑之履仁不服請質之空明先生予把玩其詩猶匿笑不已先生曰履仁來爾何說履仁曰阿姊以我詩為可笑敢問先生曰直是以五十步笑百步耳

### 空明謫仙人

空明先生精於內養習導引之術能一兩日不食而應接如常仰望白雲每謂神仙可學而至青天不難上升所以輕視富貴傲視流輩飄飄謫仙人也予何人斯得侍巾櫛當花晨月夕供筆墨之役可謂三生有緣何幸如之真令人只堪自怡不能共喻者也華氏浣芳書於翠筠樓

挹青軒書後

空明子閱挹青軒稿之明日不覺釋然而解沛然而喜  
援琴而歌曰人生今何常彼浣芳兮樂未央豈無幽閒  
女窈窕娘能詩賦善文章嫁一村夫田舍郎姓不顯兮  
名不彰吁嗟兮浣芳歎爾蚤背父離故鄉抑鬱兮淒涼  
母又喪兮慙傷何幸相親翰墨場雖歿兮名香魂飄飄  
兮徜徉隨阿母兮翱翔登吳山兮道里長望震澤兮水  
淼茫倘賦心而猶在得佳句而相將浣芳兮浣芳仙乎  
仙乎使我寤寐念之而不能忘歌竟爲之贊曰愛爾刺  
繡五色陸離愛爾檢韻滿紙淋漓朝來對鏡愛爾修眉  
夜深秉燭愛爾柔荑睡醒揭帳海棠一枝踏青陌上蓮

挹青軒書後

一

步遲遲扁舟泛浦芙蓉美姿小樓橫笛逸韻遙飛慧心  
今鷓鴣嬌語兮黃鸝孰料厭塵凡而脫屣僅存此一卷  
之妍辭予竊媿江花之落盡又安能倣陳思王之賦甄  
妃



挹青軒詩稿一卷

江蘇巡撫  
採進本

國朝華浣芳撰浣芳蘇州女子華亭張榮之妾也年  
二十三而卒榮刊其遺詩自爲作序述其九歲時  
夢見唐太宗召有唐一代諸詩人教之作詩其事  
甚怪榮好爲遊戲之文殆亦寓言耶



玉几山房吟卷三卷

〔清〕陳撰撰

南京圖書館藏清康熙刻本

附《四庫全書總目·陳玉几詩

集三卷》提要

詩與易例易因象設辭不必是辭也詩感物而動而其言又足以感人也易之爲文三百八十四而其應於事不止收三百八十四之用詩之爲篇也三百餘五而其類於情不止收三百餘五之用妙於至潔而已潔者精微精微故能通惟瘦近潔人之瘡痍流毒皆從肥生不擇而食則肥擇而後食則瘦肥者外充瘦者內腴余葢白極賞楞山詩格之瘦因其旨趣使肥者效而爲瘦必格格乎其不能彼不知瘦之所自來是餐伯一朝而不食也如之何其可爲瘦有道玩心墳典洗氣神明咀華含英迫而後發雖要約以寫真而虛動之響轉多楞山之瘦其惟潔之求可謂能志於古者與書此以示楞山并質葢白不知謂爲如何也時康熙丙申臘日同研弟魏周琬書

序

隋史言多讀書能讀書多彈曲能造曲此殊未然然則多謳詩亦能製詩耶所能為者體似之間掇拾而已不知詩之精妙不在體似正以不知詩之有體而能使其常有其體乃佳耳吾友楞山修行讀書鬱然古處厭棄流俗如驚絃之雁見機之鷗故其文章械用不存落筆高妙而有韻之言亦復戍削簡別懼古人言焉而我似之也懼我言焉而人又似之也固已掩抑摧藏稽心羊體遂泠泠清清徧七絃而沉萬木者也是卷則年來旅遊廣陵所作篇什雖僅足以徵其微詣之所存矣松門同硯弟程鳴拜識時丙申秋盡日江上

序

玉几山房吟卷

鄞人 陳揆 楞山

繡鈇集

石湖舟中

城鐘違野渡更漏入啼鳥戢羽起欲刷數聲霜月曉吟此啁嘶音所懷在遠道山隄雜菰蒲人家蒙竹篠水煙澹無際鳬鷺空浩渺不見烏巾人寒汀曳紅蓼

烏巾照鵲波

宋毛珣石湖詩想見

毘陵夜泊同亦公

霜風乘一葉涼魄有全免鼓楫西蠡河繫纜城東住霧寒迷遠空鉦冷斷客路波月兩搖蕩檣烏去復聚孤煙

繡鈇集

翳林鬱餘露溥草樹勞勞待雞人晨星散如雨

野望

霜天一望渺何極山空湖靜杳無得須臾彷彿似陣亂竹坡鳬起天為黑

曉至瓜洲

渡江雙櫓劃煙霧頃刻收帆到瓜步月落霜寒天未曙篙師挽繚岸上去驚起沙鷗拍拍飛掠水衝波不知處

經舊酒家

小市紅燈憶昔遊短衣側帽劇風流錢郎已去王郎死忍過樊川舊酒樓

予于庚辰北上同王紫淵使君及歌者錢郎會飲于此

偶興

飄瞥年華去莫扳心期如鏡自堅頑二分明月樓頭月  
十里平山檻外山世事可嗟羊髯熟此身難得水雲間  
朝來閉閣擁爐坐又報公車人過關

古意酬魏旭棠

酒無蘭陵香貴其麴味醇人無多好歡貴其有苦吟

澗芳先生北上枉顧寓齋

正與楊郎屈指期者番會面恐參差邠知賤子維舟日  
恰是先生放艇時

古語過客已歸去

今秋膠州張稚松自江南學幕來湖上有古語十一首

吳諺先生今又

先生自江南旋里亦有吳諺二章來使君錢別句明阿聯事

千古可人曹孟德賞心原不在憐才石

續錄集

梵夾新詩見老蒼風流只合配漁洋君子新城門著錄最平白藤行笈  
時開看蚤已書齋署沈郎沈郎書室南史謝秘監事沈來先生集名

題程松門畫

絕似碧波亭子外山容湛淡水差池何人閒却蜻蛉艇  
乞與晚風作釣師

蕭騷荻蔣刺成堆一棹荒寒獨自開曾記夕陽湖水上  
第三橋畔雁聲來

和借菴冬夜

寒藥小焰燼紅金散澹清懷寂寞尋一卷殘書開閣看  
數竿風竹短長吟已教老辨中邊味未便禪空愛染心  
我欲捶琴破蕭瑟無絃何處覓知音

枕上聽柝聲有作

重城燈火不知數九里三十步街中閉門明月珠樓夢  
但有柝聲酸夜風

寄亦公

與君相違匝月餘知君鄧尉山中居兩時茶板伊蒲飯  
一樹梅花貝葉書殘曆定當還舊櫪早春或亦過精廬  
前期尚恐成惆悵先向橋頭覓鯉魚

得藥城札

念昔遊清磧扁舟載酒徒時君與楊孟用堂寶成復有惠勤  
俱謂亦主人愛閒尚蔡效十日窮清娛蠡山窺窈窕半  
月泉名嘗雲腹板緣陟榛莽溯洄沿菰蒲酣歌雜諧笑歷

續錄集

王

歷記不誣轉眼鵬蜚更事去同亡逋嗟予迫寒餓兩月  
留江都局趣閉空館懷抱如秋荼勝踐不可邀囊粟慙  
侏儒昨傳沈侯札字字情有餘中間絕寒暄但言行樂  
殊清磧重泛艇恨我失與掄覽之三歎息轉令生煩紆  
撲疊且就枕霜風撼庭梧

寄劉浴升吳明遠曹井三嚴朗齋諸子

深秋成小別及此歲寒期曆尾無多日開頭定幾時一  
鐙深影坐千里故人思欲待江南信東風到應遲

雪夜懷俞曾期

最是淒清月落時三更擁絮說相思而今風雪揚州夜  
孤燭迢迢祇自悲今秋與君下榻許

祀神詩

祀天神祭地祇山川日星其知之願五行無沴歲用不  
饑林無惡蟲水無蜮視豪強忽從善大奸化爲癡

上春里居三首

百歲三旬過名心已半灰祇應吾道拙轉見世人才天  
地身何補風霜病益催空思少年事起舞盡殘杯  
每憶知交別臨風一悵然人分天漢外夢斷夕陽邊歲  
去猶扶病春來獨草玄凭欄試北望藹藹白雲連  
一日罷彈劍十年空讀書多慙才半豹敢望食無魚嫚  
罵誰高座狂歌或接輿平生差快意交友類陳徐

湖上竹枝三首同金二十六司農厲大鴻飛

續錄集

中

三月鶯花劈面風鷓鴣頭爭入裏湖中蓬窗哄得煙波慣  
一路沿堤趕落紅

中元放燈湖水深湖鐙浮動塔燈沉妾意尚思填鵲尾  
願郎勿起斷橋心

問儂何事雙眉攢妾意和郎總一般不見孤山山下樹  
梅花雖落蒂猶酸

送箬菴之嚴陵

送君向嚴陵春帆遂已挂共望桐君山還歌行路邁子  
陵風久絕不續羊裘曬可有鷓鴣舟同兒打魚賣

古蕩歸途

日莫東風急歸途雨正繁泥深黏屐重雲濕帶林昏野

水喧漁艇人家掩竹門遙憐折梅處回首更西村

出門

春陰生澗壑木落風淒淒倚劍出門去飢鳥繞我啼撫  
心迷出處投足畏東西獨立仍搔首浮雲片片低

奉別樂城

別君意不忍聊復飲君酒東風不相解吹綠河橋柳

江行早春

江村新霽煙淒淒凍泥初融麥未齊疎林到處映殘雪  
茅屋有時聞午雞孤帆回首山漸遠野渚亂流舟欲迷  
兩岸梅花照水白白雲片片迎人低

偶感王儒仲妻語作歌

續錄集

五

蓬髮歷齒黃頭郎車服光華令孤子儒仲初見之怪問  
媿侘自失偃臥而不起其妻從外來含笑啓玉齒子伯  
雖貴豪孰與夫子終始一節貧賤而矜高何慙夫小子  
忘爾夙志曾不可乎終朝臥者乃起釋慙而喜請終遜  
思永謝富仕守此蓬茅

插瓶梅

三竿紙格映朝光寂歷疎花破冷香折向銅觚閒料理  
可憐也自有冰霜

習古辭

不識蚪斗區螺莫見書而哦不學羊伊那何莫開口而  
訶

寒食前五日荅槎招同諸子泛舟紅橋四絕句

小東門外水煙昏面面園亭夾竹根一帶紅斜猶未啓  
不關情處總銷魂

嬉春原不厭纏綿況是皺雲嫩日天憶得故園春信早  
淡紅香白過湖船

按詞畫板檀雙拍賣酒青旗竹半叉放艇石橋南畔去  
傍籬吹盡野梅花

綠蕪煙冷畫橋空一夜春聲入雨中百六已臨寒食近  
桃花吹轉杜鵑風

寒食同儲記雲賦

飄然度江來長爲雲水客寒食啓東風愁煙鑄花陌飢

續錄集

本

烏散紙錢傭隸沛先澤士女各喧譁雲旂耀孤魄家山  
儼在前而有萬里隔如彼海南人不作良足惜誰是蘇  
氏驂攜醉蘿石

却如殘醉欲醒時

一雙金粉先春蝶無數嬌紅夾雪枝過了清明天氣好  
却如殘醉欲醒時

楊白花

楊白花飄蕩東風裏天涯一去行不歸惟有浮萍滿江  
水安得春風化春雨沾泥帶水飛不去

醉中口占

鏤金錯采百無功醉盡人間病一空花信番番翻夜雨

番番又是棟花風

寫懷

冥冥北望浮雲深一室俯仰懷古今故園明月自好景  
天涯芳草空愁心飛身未有九節杖報恩敢擬雙南金  
滄江久臥不得意獨倚青萍學楚吟

拔蒲

蒲生高一尺下共池水清葉落根自見一半是儂心

反滄浪

滄浪之水有濁清濁斯濯足清濯纓不願滄浪清但願  
滄浪濁棄我冠上纓聊以濯吾足

春盡

續錄集

十

爲貧常作客春盡未還家故國重回首江城正落花屯  
雲依樹斷深柳趁風斜寂寞年時意勞勞空歲華

送鄭季雅

滄江憐獨臥春草看還生愧我未能去對君空復情青  
鐙安淡泊白眼任縱橫莫鼓齊門鉞悲歌總未平

雜詩十首

效前人

離離清淚灑天涯自黥朱顏老歲華南望牛郎虛幾夕  
西飛燕子落誰家雙成菡萏經秋晚獨倚梧桐映樹斜  
正復縈愁千萬結不堪纖指撥琵琶

當時十五羨盈盈不信深閨似水清萱草種來言有思  
流螢化出本無情焚香自寫圖中影把卷何須絃上聲

持底相怜成晚晚空教盟誓憶三生

人間何地可消憂唱出無愁果有愁無愁果有一日迴腸

依度歲三春掩泣勝悲秋南朝舊恨叢芳草北里遺音

寫碧流獨自含情已無限那堪極目更高樓

懽年二八喜同生乍入鴛幃賦定情早女未須吟嬈嬈

王郎應是喚卿卿流連三爵迴波激倩整雙蛾拂黛輕

最喜溫柔才調絕羅敷空自美專城

烏衣弟子關名場宛轉風流出曲房怪底丰容疑著粉

由來性潔故含香自成賦恨無今古那識相思有短長

屈指歲年曾有幾人間端不負春陽

無端憔悴阿誰邊自惜娉婷倍可憐雲雨朝朝還暮暮

續錄集

煙花歲歲復年年那堪坐隱棋三百未易消愁斗十千

懷抱惡來寧次第醒成獨語醉成眠

自從消瘦減容顏強起妝樓盡日閒無賴相傾尋百草

真成不解弄連環三星粲粲夕何夕萬里迢迢山上山

誰道夢中難覓路分明越度玉門關

名花猶是殿春殘却悵離人掩淚看倦倚雲廊迴疊疊

輕裁絨扇自團團深情故乃名無忌薄幸多應字阿瞞

惆悵空房惟獨宿坐深子夜斗闌干

莫歎孤生度寂寥應看同產關妖嬈秦中盡讓雌雄慕

吳下爭憐大小喬春水綠楊雙繫馬秋蟾白露共吹簫

相思忽惹愁難斷安得并州快剪刀

未識仙源儘浪猜却嫌情種不俱栽紅蓮葉泛難尋藕

綠萼花開少結梅夢想經過神女廟魂消莫上望夫臺

天人盡有河梁阻地下長川星漢來

春歸

綠樹漸成陰春歸何處尋好花風裏盡芳草雨中深世

事淡流水年華負客心知音共蕭散聊復自鳴琴

程五蕩柴別業同民長

水上花開水底紅晚風吹水水濛濛吹來幾點蓮鬚雨

一箇流螢出葦叢

書左寧南傳

上將當時閭外尊漢家壇樹荷深恩解冠御史前籌握

續錄集

蠻府參軍按劍論郿塢未曾營董卓石頭先已問王敦

却遺南渡淒涼恨秋草空歸江上魂

羈棲

羈棲成我拙躑躅世都忘草樹荒三徑琴書亂一牀苦

吟貧亦好屏跡嬾何妨時復看雲去和煙過石梁

照鏡

銜杯忽不樂照鏡轉生悲偶寄吾仍客相看君是誰頭

顛空復許生計竟如斯特兀年逾壯猶然感路岐

集飲小住軒

荷香鏡裏飛竹葉杯中落微吟兩不倦涼風動林薄

集飲獵微堂

年來益自放，遇飲日沉冥。況爾能相名，寧誰肯獨醒。簾疎清漏月，階濕暗飛螢。我醉思高臥，傷催好暫停。

送人之黃州

楚國一千里，孤篷復遠征。客心正搖落，送爾若爲情。商風吹五兩，到日秋江平。赤壁好風月，因君爲寄聲。

感舊

感舊悲今日，懷人自昔年。夢仍千里隔，月又幾回圓。把卷吟松下，看雲臥石邊。知音共蕭散，誰復憶師涓。

聞蛩

不寐夜聞蛩，淒淒四壁空。疎燈人醉後，細雨客愁中。失路依衰草，長吟向暗風。壯心殊突兀，爲爾感飄蓬。

續錄集

夜坐懷旭棠葭白二首

疎星橫斜河澹然，生微風妙香不知處。落花當夜空蟬鳴，高秋涼生永清夜。豈無流水彈寂寞，誰聽者。

秋蘭和余葭白之一

飄蕭幽意總難傳，獨咏涼風薄露前。但使孤絃翻白雪，幾曾新鬢學秋蟬。

歸思寄里中諸遊好三首

漠漠江城晚秋陰，匝地垂停雲。聊對酒問月，嬾成詩心事。悲搖落羈愁奈歲時，西湖歸計得煙樹自參差。馳驅身漸嬾于世，復何干地僻空齋靜。林荒落葉乾辭家，獨少壯同調幾孤寒。未必多才忌逢人，自昔難。

伏處同幽竄，深心與夙違。江湖空避地，蘿薜未成衣。自笑豎無術，誰云相舉肥。浮生總逆旅，何處更言歸。

不寐和趙蔭谷

殘燈影明滅，不寐坐微曛。木落驚秋老，烏啼惜夜分。清窺半窗月，寒對一池雲。正有無衣歎，砧聲何處聞。

燈花分賦拈得十灰

一點熒熒傍夜開，便添春色上春臺。偶因雨微凝，纈無那飄風易變。灰閣下，碁聲敲已勸茶頭。僧字讀方回，繁心切莫輕挑去。穩注蘭缸照夢來。

獨酌

日沒秋陰靜，閒庭向夕昏。鳥栖無定樹，葉落半空村。砧

續錄集

杵誰家急，園林幾處存。衰燈寒照客，獨酌盡殘尊。

夢醒後有作

唧唧蛩聲冷，自猜殘燈如夢白。成灰西風一夜消，魂思微雨五更窗外來。

十五夜坐月寄松門真州

看明月，明月廣陵春。昨宵二七今三五，此夜三分已二分。惟我殘燈焰凝紫，惟我軒窗淨如水。迢迢玉宇雲華流，淒淒金風飄素秋。乍穿庭樹勞繡繡，移入疎櫺更宛轉。可憐宛轉最多情，可惜團圓看不成。夾城簫鼓填哀咽，散作荒涼故苑聲。已教露草凋紅色，驚斷寒蛩啼抑勒。那能千里共嬋娟，惱亂江南未歸客。去年江上弄清

暉前歲芒屨踏省園此日天涯歎流落有誰門外喚披衣

### 大江流日夜客心悲未央

大江流日夜客心悲未央百年同遠行感激摧中腸白石產南國蘭芷生三湘蹈履未高託衣裳懷空房清詩誦謝子煩悵謀杜康

### 希世無高符營道無烈心

希世無高符營道無烈心永言邈千載所志惟空林人生亦飄寓幽情深古今寥天雙鵠羽欲渡南溟深嗟子行役暮空歎遲江潯

### 答孫于畫

繡銀集

圭

病骨清秋瘦不支敢因搖落竟深悲黃金買駿原求骨綠鬚逢人且斂眉扼腕未須傷往事閉門真欲媿清時何當學取河邊叟自擁羊裘理釣絲

### 秋曉

虛齋孤夢醒殘暑罷簾櫳門向閒花閉堦仍落葉封纖雲浮曙色疎雨澹秋容坐起仍顛倒冷然何處鐘

### 有歎寄姜賦山

時姜客涿州

可憐獅子驅挽磴磨麵家霜蹄穿欲盡不使踏龍沙

### 答司馬七授疇

龍雖潛不可豢畜麟雖飢不或噬肉人生鬱胸懷歷歷白楊種前屋龍泉有神能我知青蠅作客向誰哭徑竇

非君子道德隱筮卜試看橫絕今古之奇才偏誇拂春還摩腹未肯中眉欺志目

### 寄汪三蕙園儋州書戲題紙尾

儋耳由來傳絕陋荷花窮臘尚能開體物老人儋州實燕堂記曰荷花自四五月至窮臘與梅菊相接客中得此已躋勝況有清吟黎秀才

### 贈筠軒二首

鞍背船唇漸不支年年作客又奚爲陸郎歸橐渾閒事添得鮮新上卷詩吳自集東歸攜有過前詩集

蘋花一掉棄秋風似瘡鄉愁日夜攻君已少年羞袴下近又從淮陰來我還新煩閉車中

### 作客

繡銀集

圭

作客秋風老懷人夜月孤文無驚絕世淚有泣窮途水落溪痕淨林寒木葉枯醉歌隨意好回首日荒蕪

### 食新

彈指流年過供盤香稻新可堪還素食辜負此閒身歲月悲歌客天涯去住人自憐無一是未敢歎勞新

### 和荔生舍人送秋三絕句

已無殘葉獵書幃瘦日荒荒亂夕暉一卷離騷剛卒業登山臨水送將歸

回首西風戀物華雁紅牛碧共紛拏而今盡與冬交割剩有荒籬白菊花

哀雁三更叫斷魂去程應送到吳根曉來偶向閒堦立



印破霜華第一痕

亦公將結茅黃山過昭廣陵率此奉別即用其

自題待問天台圖原韻四首

今年得春遲梅花開已早因尋歲寒侶頗訝會面少浮

雲各紛馳落葉掃枯稿今春予訪梅山中一終歲彈指間一歇

萬緣了雁聲江上來離離落雲表慨然沂前期脫手箭

瞥杳價徊步前楹三匝一枝繞莫寄瑤華音紅顏就衰

老

蕪城一握手慰我心力憚驚喜各就坐苦樂亦相半朔

風盡夜吹白雲彌渺漫眎我天台圖隔世生累歎因送

村先生作連傳鄧歸道山亦公要予跋尾故及之舌頭乾挂壁卽復綴短翰黃山昔夢

續錄集

古

想未破天械探今子思結茅詎三十六絆此語聞軒轅

將毋遭劍按

三月客過我北風忽凜烈示我紀遊譜寒氣四坐發春

容模自黃山來飄然羨瞻廬借柳入不暇擊鉗盜仗此二程子

爲我恥一雪公意何崢嶸我足何躡躡以茲平生懷翻

失在咫尺所念苔同岑切弗視吳越明年白霜華准擬

天都謁

至人秉異尚堅定不可移匹若千里馬寧待鞭影馳春

鷗與秋蟀空感霜露滋昂首向支公臨風試酸嘶此道

信平等坦實無經奇煙水與松石一一希豁披唾作玉

稻芬庶或消渴飢蒲團酬七箇他年以爲期

晚

水暝溪煙白山寒野燒青夕陽連古樹宿鳥下空庭濁

酒幾回醉殘砧薄暮聽碧雲遙望合天際欲冥冥

東旭棠

松樹無須種青藤好傍栽晚秋松葉飯二月韭黃杯午

夢消磁枕閒情詠玉臺小齋門巷近新雨倘能來時移家

懷廬山匡白上人用韋韻時居雲林

今朝風雨過遙念山居客庭閒度餐餼時面高巖石願

以丈六光圓永今之夕雲水布秋空欲向杳無跡

答亦諳上人時以吟稿見貽

根塵觸入要分明一任虛空萬籟鳴五百仙人齊隨地

續錄集

主

非關柔軟妙音聲

癡兒舍父向天涯肯信當前是我家今日牛頭知入處

一時百鳥罷銜花

偶成

不煩假具便優俳莽轉登場俗亦疑夜醉晏公筵上伎

晨傳小宋殿頭詞翻雲我已知輕薄囊藥誰能醫晚衰

但好墨濃書紙徧十年磨劍浪仙詩

逐鳥

空齋日出來羣鴉排簷帖地乘枯槎似緣覓食苦不得

向人張口啼交加江城楊柳如密麻藏身便可爲生涯

不然朱門飽餘穢胡爲此地恣嗶喙呼童拍手急麾去

啞啞又過東鄰家吁嗟此鴉何足唾處處相逢有鮑佐

### 送客出郭

相送冶城東蒼涼夕照中大江流不盡落日幾回同客  
思正搖落鄉書憑雁鴻可憐何水部但欲隱蒙隴

### 襄陽行

雨雪沒江岸誰唱阿那環蒲帆十二幅不似襄陽船

### 初雪

誰與梅花說歲寒忽聞清嚮打琴絃虛疑屋上積三寸  
已見案傍飄半邊世事可驚如此驟客懷無限併來煎  
玉堂難燭非吾分乞與蒙頭一夜眠

### 過豫中齋同旭棠小酌

#### 不編錄集

歲晏尋良友相逢競舉杯寒林風葉盡霽日東雲開歡  
至尊頻倒歌遲酒漫催藜牀容臥得吾醉已摧頽

### 歲晚雜述五首

我旅苦瑟居無以與日夕惟有二程子松門借柳過從稱莫  
逆如何復分張數月或揆隔漫天雲萬重到地雪三尺

閉門時相忘開門斷行迹百里尚如此何況千里迫松時

門客真州借柳還貢城

楊子別三月楊子求相見出意外握手總片時尺則咫尺阻

塵盞既無連牀話亦乏斗酒會身賤逆旅難時窮道途  
憊向來功名心竟若舟泝瀨緘箴惟詩書擔囊關貨貝  
獨有磊落腸一往尚凌邁今晨命歸楫惓然返蓬艾獨

我留天涯寒廳轉無賴遙思急風帆雪花飛掌大

激湍飄斷梗溝水東西流啓塗緬回惑前期轉悠悠雨

雪滯鄉夢慙慙一何周豈無骨肉親安得申綢繆家人

望卒歲霜風穿雙眸食貧百事無豈祇門戶憂燈火詬

隣通符檄仍徵求譚差去盡而迫呼者仍未厭也更哀幼孤女亡弟在人僅道此女怙恃

失所投寄食就外家煢煢誰嚶咻但有淚萬斛那覓金

一鉤晨坐忽念及千百紛戈矛便思向高義罄折祈斗

區志下氣不揚宛轉同善柔曾記陶公言吾寧忘報酬

連城重璫璣千里騰駿足顧我坦率人干祿昧百福三

年踏省門直欲銜魚目依然砌儒酸老作蛇蚓蹙晨起

挾故編白雪映檐屋根觸平生懷三歎高閣束

#### 不編錄集

時既苦鈍悶客亦抱拙遲耳目乏充對胸臆靡妍思瓷  
益花一藪出自我友貽水仙盆宋處貽置之研席間坐起同燕私

衝寒發妙香虛領來天機不足爲人道吾以絃吾詩

### 禿筆管

時乎時乎禿筆管終年勞子嗟火伴腕下有鬼書戛戛  
思或通神吟纂纂綢繆贈以錦繡段珍重報之金錯盤

維彼招邀情每疎與爾把握興不懶我歌此歌音淒其

高山流水誰相知

### 雨雪謠

風刮地雪滿塗踣者何黔之驢鳴者何赤匪狐行僬僬  
走擔夫室嗷嗷攘煩姑足無扉身無襦黃米玉白米珠

十家哭九家呼莫呼又莫哭雨雪明曉陽春復天寧寺  
裏賑官粥當事擬改歲後  
于天寧寺設賑

兩窗漫成

一江之隔等萬里欲歸不歸恨遊子廣陵城下斷舟航  
舟航斷絕情無已白酒誰賀山中節老梅空待鄰家雪  
雨聲聲入客牀眠是與愁人訴離別

甲午除夕

天地身仍客風霜影自憐艱難逢歲盡愁病入新年失  
路從飄泊懷人有醉眠長飢近亦得不擬送窮篇

東唐新禪

曾城簫鼓聞節物踰上元疎索閉空館枯蓬翳籬籬漲

續錄集

本

此心眼塵欲挽江湖吞應知物外賞青豆局閒門時寓舍  
園精舍  
繡書送永日春風過無痕僧瓢分白隨佛火依黃昏亦  
有好事人時來尋話言超遼窰破笈局趣駕伏轅自然  
判澠溜豈例魚熊躡追尋知未果那得雙眉軒相思若  
驚鵲一昔庭柯翻

前日風一番疎花白霏霏昨日風一番柳條黃依依但  
識春易來不解春易歸便當結春遊排日同褰衣城東  
水一灣波淨勻留犁延緣足招要菱角都籃提歌則拍  
銅斗飲便倒接羅羈懷雪沃湯庶幾忘嶮崎從我我從  
君知君不我違託此代短札聊以申前期

復東亦公

煩君珍重別瑕瑜何處重尋碧眼胡莫怪越人寶燕石  
本來魚目是枯珠

不見南泉王老師多生異趣苦禁持未知脫却狐身後  
可勝山前水牯時

急管繁絃且莫催後庭餘唱使人哀何如酒醒南窗下  
竹雨松風響石臺

暮雨東樂豫中

冉冉春陰薄冥冥暮雨滋絕憐蕭寂候起我別離思野  
水斷客路孤煙生竹籬何當一來此捉燭共棲遲

雪

東風剪水作花飛忽漫翩翩蝶翅迷羯鼓未須南苑曲

續錄集

九

蹇馱重覓小橋詩飄殘五出并六出望斷南枝與北枝  
盡日重屏烏帽裏也無閒事足支持

梅下

誰云窮者多工句我覺愁來一字無但得數聲橫笛弄  
絕勝四十廣南珠

寄徐七來

白華堂前一分手脫箭瞥香驚九雙顧我旅食走絡繹  
三年屢渡揚子江吳關咫尺掉可艤往往逕過如奔龍  
豈伊風利不得泊側身望眼依篷窗故人邈爾去岐路  
中懷耿耿安能降風塵偏仄太顛悴束身羈縻成枯椿  
海邊已足野漚畏寒潭那得潛蛟扛泥塗斷路龜曳尾

連鑿頓坂驚愁慙因之萬事坐頽廢尺書并未申愚腔  
知君新築湖水旁水雲煙樹連青徑七十二峰環案列  
三百六頃當軒撞安能亟去謝塵土相與探討窮微觀  
布帆斜挂泝空闊竹枝橫倚凌崆峒間身良友好風月  
便合絃酌翻餅甃分曹結壘互排陷晉楚交訐紛披麗  
或時捉紙鬪奇句戈鋌角逐爭麾幢清歡足可破彌戾  
敗蘄屈首真冥煮吟成敦迫急遣遞十日後准租吳艤

雜述同松門作

舐丹雞犬上煙霄頑鈍仙人計轉勞他日相逢須認取

布衫草履阿師橋

布衫草履李生過處  
生于揚州阿師橋事

短李淮南作鎮時客來曾背相公詩但知年少疎狂甚

補錄集

邨識迂辛有此兒

圭

舊說天雞分爾雅近聞杜若採坊州平生苦愛張司業  
百事從他鹵莽休

肥膩清高志本殊行藏休問俗坊隅貽來蜀紙宣豪客  
曾得華山住也無

客枕三更夢正回尚聞簫鼓鬧如雷一鉤絲有幾多絡  
不信銅山賜得來

鴻飛冥冥竟遭弋蘭不當門亦教鋤輸與南州華省手  
年年依樣畫壺蘆

推排時輩甘頽颯咄點前賢偶滑稽我欲箋題傳六笑  
不堪重唱范香溪

諒溪有  
六笑詩

閒情冷眼幾波旬門外東風旋陌塵室有梅花尊有酒  
與君同過寂寥春

燕子入戶尋巢

燕子燕子巢未定飛入我門遶我逕爲言此地息差池  
君不見鷓鴣先在借一枝同作天涯客形影依依情脉  
脉

和于畫

何曾眼界著微塵磨得胸懷水樣勻閒與物情聊管領  
嬾于文字但逡巡幽期講席兼吟席野服荷巾并葛巾  
齊物見前從理會任呼牛馬未須嗔

晚陰

補錄集

圭

野花迷屐綠錢疎坐愛清陰卷故書一縷茶煙吹不去  
却緣修竹上空虛

柳枝

飄盡斜陽酒店晚風微雨掠輕絲平山堂下數株柳  
綠似去年三月時

煙籠深翠密藏鶯拂水絲絲畫不成誰道春風不相識  
麗情曾乞玉碾生

酒籌歌板記當年乙乙長條接短筵夢裏段橋南去路  
曉風殘月有誰憐

曉起

一夜雨聲竟未絕起看迫漲水平陔蜻蜓似被涼勾引

側翅白荷花上來

絕句

翟公門版初辭客李相清尊始退居自笑年來深碌碌  
小窗未著絕交書

秋螢

殘暑尚未謝白露庭中晞敗卉何熠熠化為秋螢飛依  
檐亂流星入幙點書幃西風易頽碣散漫忘所歸蜉蝣  
惜輕羽文蛾戀朝暉凡物守卑卑知燭火焉知微舍美不  
照身希光徒見譏

秋雨初歇在七芙蓉齋觀黃尊古作畫

雨色連秋陰微涼閉空館幽懷發翰墨興至時一遣飄

續錄集

主

飄飄盤空微妙緒抽繭蒙蒙蒼翠鮮歷歷汀瀲晚曲折  
緬無際惆悵天地短我思昔人言名理寓教誤行不及  
萬里讀不破萬策率然命操觚徒手謝輪扁平生第一  
快飢虛飫奇雋撫卷重沉吟梢森竹風偃

七略書堂秋蘭忽放同心一花同聽翁蒿亭飯

山松門分賦

一卷離騷學晚參漳蘭別樣茁書龕碾成重甲同心結  
疊就雙頭並蒂簪蛺蝶作團迷鈿影蜻蜓銜尾落釵函  
西風未解吹方便智慧何須共較勘

把酒問月

羅浮春一甕攜向超然臺鑄中魄嘗滿呼吸滄海迴遠

山餘空翠疑自峨眉來世事素珠裏三人良悠哉

十月東臯寄鴻飛又魯

十月東臯好棲遲澹俗情河流添宿雨樹影散朝晴玉  
糝香杭飯黃芽碧菜羹儘能留客住何處有浮名

紀夢

壬癸十三夜夢  
亡弟在人作

悲風翦雙瞳樸檉灑秋雨思汝苦不置如瞽未忘視昨  
夜月隋時天涯真見汝挾冊顧危坐神采黯不舉病骨  
猶儼然俛首無一語倏忽元宮崩驚飈蕩作水神魂急  
追尋瀰漫杳何許攬衣起佇立長歎視空宇

秋日雜詠

朝暎映窗明雨歇江天霽微吟秋色來雲際孤鴻唳

續錄集

主

清露滴晨響月照花間琴一奏清商曲千山落葉深  
秋花藤蔓疎小圃飛黃蝶應怜宿露叢不分迷霜葉  
苦竹淚空滴敗荷珠却多夜來衣盡濕簾外月如波  
晚槿密成徑霜楓合作門幾家紅一簇何必武陵源  
一棹清江外閒隨野鷺移白蘋煙隔斷誰唱木蘭詞

懷鄭義門

布帽無多語橫橋幾度秋特憐居讀禮竊媿久行遊澹  
澹山林意依依蟲鳥愁邾邾殘夜月清夢屬高樓  
哭亡友嚴子蘇儻變調昔箕子過殷墟欲哭不可泣  
辭之殺不替人琴之痛焉過時而哀乃作樂語

縈帶風前絲銜碑腹中字何能焦桐生還復見梧子

感遇吟

有美人兮天之涯既成言兮意委蛇蘭有秀兮菊有蕤  
紛遐矚兮如可期美人信佞兮余胡爲

早起偶述

驕懷但無悵萬事苦顛簸春去一日間天風卷蓬顆偶  
開一帙書竟日又手坐荒齋如冷驛絕少殘客過豈伊  
標孤清政與世塗左朝來忽有聞竊謂大不可人生有  
微尚詎肯落庸情便思挾複藏亦要作繭裹但令謝時  
流傭保雜社夥用法卿自卿周旋我寧我迢遙思故鄉  
下流何日果

卽事

續錄集

五

百二春風喚不回提壺空向樹頭催吹紅洗白兩三日  
無數薺花牆角開

同人載酒城南坐中爲工求作斷酒歌

工求飲量如鴟夷偶或失飲神即墮如何三載不向口  
相逢更乞斷酒詩道逢麴車去若遺餅盆空自居井眉  
酒邊捉入悚身坐向隅忽忽同深悲力奪計誘兩不可  
屹然堅定雄臥虎酒不負卿卿自負德不任受奚任訛  
我聞陸生具茶癖長瓢大甕探渺采忽復自著毀茶論  
出反矛盾形諸詞此皆于物密深契故作狡獪相詆謀  
君之不飲乃近是願守勿輟休磷淄卽今放船來水涯  
雲容雨氣煙蒙垂長條踈地綠夾岸圓荷刺水青緣陂

奉題偕柳先生擁書圖

坐中舊侶兼新知合沓竿瑟筆琶琶前遊茫茫不可追  
後會杳杳來無期百悔但誦君自規看我烏帽吹披披  
書不求甚解思誤乃更適卓犖如先生差足方蘊藉胸  
蟠三萬卷身置一百尺飄然游鴻濛廓爾天地闊靜深  
美藏淵卷之在義畫疋若善釀人調劑成醞醕又如寫  
雲山遠天橫寸碧冷冷孤桐音不向指間索彌彌微妙  
香清心觸妍嬾如風水成文如月度無迹旣已忘言詮  
邨復循巷陌舉舉媚學子敦敦勞探蹟茫茫落煙海反  
爲昏蠹役文義日以新性天日以圻何如東高閣屏棄  
弗復習我本漫浪人椎魯資更劇循環終歲間才了二

續錄集

五

三冊豈思取約功修綆乏絡繹窮達有何定十年方悔  
惜斯言良足鄙學豈稻粱迫何時掩重關執經申請益  
卷中乞松門添我案傍席

卷爲松門補圖

送工求

解塵細雨欲沾衣驛路新涼悵落暉悵恨同來不同往  
送君先赴白鷗歸

十幅蒲帆一掌風鬚絲吹斷酒船空到家四十五回夜  
取次月明秋正中

天畔離思夢未醒登臺秋露下殘星落花吹偏江樓笛  
偏在關山獨自聽

寄孟寶成

梗跡經年墮渺茫壯懷銷盡轉悠颺客中但覺流光促  
夢裏何知路堠長詩卷白頭悲舊雨燭花紅淚滴秋堂  
前期准擬歸帆繫與覓寒雲話夕陽

題宣城太守北樓圖

謝公雅尚不可作茲樓歸然見高閣江城如畫但依然  
千古風流付寥廓先生政理邁前修冰壺直映清川流  
公餘日來樓上頭梧桐橘柚吟生秋詩成字字星斗爛  
落紙淙淙瀉河漢有時載酒攜門生風月沿洄共遊款  
先生本是丘壑姿化行清淨奚所爲彼哉俗學事摻切  
簿書期會空羈縻安能登臨復懷古脩舉廢墜煩指麾  
我披此圖申復卷思與江山共流轉公名與謝相後先

續錄集

五

茲樓得公名愈傳

次旭棠韻送姚海觀歸里

羈愁似水傾東注怕是征人戒岐路參差雲影亂寒繩  
杳杳吳根急飛度鬢絲隔昔繹教成點落霜花渲冰素  
誰與愁眉唱一杯解作斷腸同賀鑄前期瞥過縱弦筈  
後會此情難覓處爲君攜手立斯須轉瞬夕陽光又曙  
與君恨未密遊款十日天涯空小住布帆迢迢郤江漲  
江漲橋名歲敝還家未遲暮我獨依樓尚流落夢魂隱約沿  
波去一枝寄我剪離思瑪瑙坡前香滿樹

前人狀寫秋景有曰涼颼高瞥若露天骨景爽夕  
清神不敝形有曰洞庭始波木葉微脫然未若悵  
懷子遠行登山臨水子送將歸兩語特爲情至楞  
山諸作情致委折神味絲繆殊有騷人之遺楚陽  
同學魏周琬

王士禛集卷末



玉几生秋吟一卷標寫景物窮恙要眇雖結體甚  
促而激唱彌遠蓋情切而指深故體閑而氣詘然  
愴悵懷恨語多商音所謂失職而志不平者非耶  
夫萬物廩秋人生苦愁潦倒如吾儕直終歲無陽  
日耳把卷循環為之累歎岑川弟程鳴書

奇才難拔遇寂坎軻秋士多悲時方搖落白鶴驚  
而露下青女降而霜飛目睟眇于臨水登山思荒  
結于哀鄉太國秣風汾水聞寒鴈以沾衣落日夔  
州聽哀猿而下淚所以穎川公子感時物之變衰  
甬水辭人寫胸懷之蕭瑟也嗟乎過江以後衛尉

玉几山房吟卷

十

寶對此茫茫拜袞何時鄧仲華笑人寂寂騎省之  
二毛始見殆為愁侵東陽之草帶頻移祗緣詩瘦  
循環三復髣髴七哀為勞者之言大抵皆悲辛憤  
懣得風人之旨一歸于敦厚溫柔未許歐公目為  
致窮之具直追正字並傳感遇之篇負騷衷之奇  
姿誰當顧盼惜嬋娟之未嫁孰是塞脩然而宣室  
受釐將召洛陽賈誼長楊陪輦正需西蜀子雲君  
且珥筆以待承明我自織簾而依塵肆課荷敬禮  
屬曹植以定文殊愧君苗為元常而焚硯壬辰九  
月嘉定同學弟趙虹謹跋

玉几山房吟卷

鄞縣 陳撰 楞山

秋陰九十首

遙空淨無翳萬里看一色已乏纖雲生點染何由  
得秋空

我登鵝管山采得鶯管紫青女自染衣人間不知  
此霜

風來打牕樞新涼睡方起挂額看長天蕭蕭薄如  
此雲

苔色沒古井雲氣溼枯樹行客思已深感此盧郎

玉几山房吟卷

一

賦霖盧照鄰有  
秋霖賦

涼月皎夜牕清輝鑒毛髮幽人坐未眠微吟動林

樾月

河鼓夜無聲闌干帶月明珠光不可摘流影過江

城星

雜靄空氤氳因風忽飄颻誰將蟬翼紗画作秋江

障烟

竹響滴清曉夢斷空山鐘起看紅翠溼籬落露初

濃露

露白天宇高踈星耿耿樓頭人不眠遙見銀河



影河

荒園落日黃鸝颺響林薄敗葉東西颺迴旋天際落颺

夜靜山籟發月寒池館清驚人孤夢斷不獨艸蟲鳴籟

楓葉紅猶濕蘆花雪未乾楚江雲雨歇老色上漁竿霽

晨興依軒檻自覺心神閒豈伊地清曠爽氣來西山爽

漁唱起潭烟月沒青山曉夢回竹檻涼露井啼鳥

鳥曉  
孤雲隨去鳥疎樹放殘陽漸覺秋衣薄烟蘿生夕

涼晚  
野人性愛閒閉門荒山晚坐看葉謝柯隨風去近

遠深  
夕嵐凝烟光黛色轉蒼翠支筇看不厭殘陽沒山

寺山  
深林邊塞寒雲白蕭關道萬里天蒼茫行人臥衰

草塞  
霜柯雜亂色葉葉飽霜飛寂喜月偶至生憎雲夜

歸林

日莫鳥雀喧返景照未桑野曠天四垂蕭然斷行旅野

古冢埋荒烟荆榛橫斷碣夜深衰艸中野狐拜秋月冢

野竹橋東路溪花水北邨瓜壺秋滿地籬落散雞豚邨

牛羊臥高丘塵黃壓朝霧當時古戰場寒花笑無主原

荷鉏理荒畦秋瓜蔓藤葛晨炊摘露葵露寒不可

擬明  
黃花架編竹亭午滴晚翠間得隔隣語有酒且同

醉籬  
木落洞庭波烟暝秋江漲扁舟雲際還欵乃聞漁

唱江  
晨雞號荒煙月上海門白秋濤拍天來帆檣亂沙

磧海  
扁舟惜解維浦口疎花晚挂帆秋水遙日莫離人

遠浦  
一夕秋池漲侵堦落葉多山齋聞夜雨亂響滴枯

荷池

烟荒碧梵寒露濕蒼苔  
淨銀鉶曉汲遲鬢影憐相  
映井

木落煙江漲沙崩古樹根  
汀洲蘆葦沒繫艇到柴  
門漲

月出樓櫓寒城烏曉睥睨  
霜風吹曉角淚濕征人  
袂城

風磬早泠泠霜苔繡佛青  
不知僧去住黃葉打檐  
鈴寺

月曉移花影風微動竹陰  
牕疎塵不到蒼語伴清  
香

吟  
茅檐坐秋月憶此莓苔細  
涼風一夜吹黃葉沒虛  
砌階

銀牀月影斜露冷桐陰瘦  
可憐琴瑟材不與孤松  
茂桐

落日停征騎攀條泪泣然  
客心正斷絕江柳自風  
烟柳

楚天烘錦樹吳地冷江煙  
寂好夕陽裏一林紅杜  
鵲楓

葉上三更雨牕陰一半疎  
朝來風又急碎盡石林

書蕉

際夜雨聲碎滿池紅露香  
非關蓮子大却為藕絲  
長何

露冷紅蘭溼烟寒綠葉陰  
不因蕭艾化幽意變深  
林蘭

飽露垂丹穗蘋花伴晚風  
當年報吳志剩得滿江  
紅蓼

玉霜凝涼宵金粟滿烟翠  
扶疎影浸衣日華悲香  
氣桂

滄洲多白蘋采采多可愛  
願以清水英充茲美人  
佩蘋

一滴金盞露檀心向日低  
不堪煮待客留聽絡緯  
啼葵

柴門斷經過小徑稀人迹  
庭空白露寒苔痕映深  
碧苔

水褪半窗紫烟消一鏡青  
如何輕薄種老亦星  
星萍

園蔬秋最好野客偏先嘗  
翠幹紅薑嫩黃沙紫芋  
香蔬

落葉辭霜柯蕭蕭滿溪路  
野人歸作紫土銼煨山

芋葉

栩栩哀籬下茸茸亂草遶花房  
留不住金粉墮空煙蝶

歇辭舊巢太還傷舊巢飛芹泥  
倘未落春至或能歸燕

微行傍枯荷窺魚立沙脊蘋開  
艇子來沖烟向空碧鷺

叫月鮮榆塞迷烟宿葦汀秋風  
杭稻熟無或慕冥冥鴻

抱果隨霜落穿林嘯月游一聲  
三峽裏孤客淚橫

流螢

疎窓秋氣靜清露溼籬根細語  
蒼葭急愁人自掩門螢

八月蟬聲咽激吟送夕陽所嗟  
時代謝非為感秋霜蟬

月黑秋林昏映水忽明滅微光  
聊自照不假因人熱螢

趨炎亦何心飛飛竟自悞何如  
高樹蟬餐風飲清露蟬

拔劍揮難太含毫點易成秋風  
殘暑退何事更營

螢

稻熟湖蟬肥新篳酒初沸剝膚  
慚老饕持螯想風味螢

不為西風起尊鱸舊有情呼僮  
調玉鱠細縷切香橙鱸

邊聲十八拍何震弔文姬老馬  
側耳聽羌兒背日吹笳

擣盡斷腸聲誰知薄情歎搗盡  
薄情衣誰知斷腸新砧

遊子何時還揮手成吳越西風  
吹布帆遙遙向烟

沒帆

放艇沿清溪隨風去容與隱隱  
聞漁歌蘋香不知震艫

風起高城夜譙樓西角哀塞鴻  
飛不度涼影月中回角

野寺聞雲遠山風搖暮鐘噌吰  
聽不斷月上最高峰鐘

江夢曉月孤誰弄君山笛一  
般木葉飛萬里秋濤激笛

城頭烏畢嘯殘月西山落薄寒  
人語稀夜永聞金

柝板

清甯入空碧當樓坐夜涼朱絃三十六彈到月如霜琴

白恰清秋客蒼藤碧玉文醉扶三徑月吟倚萬峰雲筇

露白釀初熟還山昨到家小槽聞夜滴渴思在黃花缸

弄置復何道殊風枉自憐炎涼原異致莫擬健仔篇扇

一點村春裏澈明蟹舍邊機人纖光細閨夢落花

圓燈

蓮花夜滴清駕瓦起霜聲敲永夜亦永寂長惟五更漏

淨展桃笙滑涼生薤葉秋橫琴山月浸敲枕水雲浮簟

鑪冷水沉烟月上孤幃靜涼颼裊夜窓搖漾秋雲影帳

玉色涼開摺雲羅小稱身袖邊新雁泪留浣客衣塵衫

陟險窮幽遐雲秋山氣濕為問沈休文何如阮遙

集晨

把酒東籬菊攤書較舊編雲開斜影落鳥影過秋烟編

腰鑰入秋山山秋足烟樹長歌行荷薪踏葉尋歸路樵

風急葦花飛槎頭水汨沒深秋鱸鰕肥垂釣江潭月漁

北郭飢雀多鷹鵄犬相附南山有於菟人驚馬回顧獵

葉聲孤館雨蟲語故山秋獨酌新豐酒空令憶馬

周旅

一重復一重紅葉滿山紅不覺此身遠但知雲氣通行

刺船菱葉中風定釣絲直野航三四人溪南忘溪北泛

葉抱蟬聲苦人敲馬足遲洞庭青不了何處是相思思

簾卷雁聲切低陰團扇詞倚闌羞見月背面立多時怨

松隄人正眠羅徑月初上何處繞吟魂露滴疎桐

響

玉几山房吟卷  
吟  
玉几山房吟卷

玉几山房吟卷

玉几山房吟卷

擬古與樂府不同樂府而奇也激也俚也碎也愈變而愈入妙也擬古則中正和平溫良易直不醇不雅而不可爲也故體易而理難王几先生醞釀既深淡雕飾盡謝因志發詠因詠成聲志潔故聲清聲清故韻遠置衆人毀譽得失之見於意外不牽於物而不累於情古之人乎悠然入陶謝之室矣桐城學愚弟馬樸臣識

王几先生擬古諸作與古爲離不與古爲合而無古不合斯真古耳匹猶以米浸水蒸而釀酒酒熟之後見酒不見米并不見水也一滴未醇塞口糟粕舉以餉客得不逃匿乎若是卷吾願與飲人味之同學晚弟趙信

阮公詠懷之作蕭散冲淡神韻絕高晉宋而下擬者甚衆彭澤固所不論餘子規其體製而風味去之轉遠王几山房擬古諸作乃獨得其神韻於短長肥瘠之外直欲與正字曲江諸君把臂入林上視阮作庶幾唐臨晉帖矣歙州學弟王焯謹識

詩瘦易枯腴易肥樸易陋澹易靡論詩於今日難矣求古詩於今日則尤難吾友楞山洞千古而若雪萃百家以爲言語不雅不宣字不潔不吐鈎棘都消高寒獨未暴沉鬱之狀於豪端寄綿邈之思於絃外淵淵乎一唱三嘆有遺音者矣同學愚弟江灤拜手書

肅穆若疊嶂窈渺同朱絃清虛如沆瀣高者追魏晉次猶與盛唐諸賢相頡頏蓋無一字不從古人淘鍊而得却無一字依傍古人曠達切情閒淡詣理是真能得古人之性情者陽羨學弟

史鳳輝

語云寓西施之貌美而不可悅規孟貴之目大而不可畏君形者亡焉詩之擬古亦然不得其神而襲其形賡焉而已今讀是卷清深竊渺譬若霜鐘風琴氣至自鳴聆之祛人昏聩惟儒之思多矣真古詩也王几先生遠客邦上間潤積月循玩之下便似竹間水際抗襟高論時同里學弟厲鶚王几先生雅性亢潔謝絕流品而踰足頃駁迄於後時故每所綴屬輒多憂生嘆世之言今秋留印上者三月滯淫旅人嘿不自得作擬古五十篇予間取習之檢而不隘放而不踰淡泊汪洋而深情婉至一昔作者罕以儷焉乃為點次得二十二首傳之同好辛丑臘八日同里學愚弟符曾

王几山房卷

王几山房卷

辛丑

錢唐 陳撰 楞山 稿本

同里 符曾 幼魯 點次

擬古 五十首分錄

大雅日淪喪斯道遂不傳顏頰紛盪激靡橫相干吾生矧卑賤誰能砥狂瀾掄解二十載蜚聲謝時賢恬淡祇自遠綺雨非所安亮無衆人賞寧希獨契言俛仰千古人投頽空長嘆

幼魯曰但見平生

吾聞昔哲王致治崇簡易伊惟經綸才膺茲蒸民寄蒼頡彼何為殫心叙文字流毒百世下功名由章句文靡道益衰結念矚機智疇念遠萬人踴踴散仁義豈云肥遯高良由忠信棄惻惻

復何言濁酒知余意

馬相如曰古今文字流弊括於數行非憤激語也

青天澹無翳日月何昭明浮雲忽離蔽點湛遂無光嗟我品穴儔蟪伏久沉藏素無津要知何由歟顯行憂思獨申旦啟僚中自傷詭遇良非慕廉潔寧自將焉能易軌轍馳驅榛穢場

天地播大化萬物有榮悴松柏雖長年寧無凋落歲不見春園花英英各自媚顏色苟可玩安知非明瑞山雞毛羽好原鳥何足貴

沈泰城曰彌覺蘊藉

少小不自揆昔賢謂可過眇眇狹窮壤意氣凌山河白日不可挽壯志空蹉跎囊空資用竭一身尚苦多悵焉獨歸來浩歎成

悲詞

抗大宋曰青即入古  
趙宋曰自能仰其筆力

芙渠揚清芬的礫長川湄丹華耀朱火綠莖綠文漪佳人曠千載採摘無由期白日暖將夕芳心空自持

幼魯曰淡遠自遠秀難忘  
江研南曰庭草交翠流芳寒意與無盡

貧賤不自振衣食隨風塵直道久凋喪舉世賤真淳璫璣或棄真燕石襲重酒解后無周客愴焉傷心神

黃鳥集柔桑白駒逝空谷豈不暮言旋進退悲無告作客每畏人投足多踳踖已無丘園存十畝何由築白雲時時飛煩紆亂心曲護草不可樹況此松中綠

馬相如曰幽悲若寒暄  
施蘭陽曰如談諫果美於其同

端居生百憂獨步向原野擾擾躬耕子誰可與言者倦翼拂樹還頻景休林下不見一心人延首泪盈把

金縷曲曰激越  
趙功十曰萬機旋於燕莊之中又之秦爭獨無西風

撫枕怨遠夜振衣步中林涼月皎素輝照我松間琴佳人不可親山川阻遐涉願曰西飛羽遠致瑤華音雲路無由階引領傷我神

太鴻曰清不可尋所謂留作秋江秋水骨也  
程松門曰空園蕭瑟已忘草堂之迹

歲去井梧脫時至野草繁榮悴移舊粟植根非所論豈無賢豪士晦迹逃丘園運會或未當空乏勞心魂不見朝歌叟鼓刀倚屠門

開帙肆流覽踟躕五情熱還酌一椀酒泣與詩書別生人寓一

世歟如電光滅既罔顧孫謀亦昧蔡澤說秋寔既不採春華復凋歇何為勞心神屹屹歷歲月願言辭累塵冥心寄品穴

太鴻曰忍飢餓人當不昧此言  
幼魯曰孤花韻勝

世俗拘耳目羣和失其真不知天下才有時還賤貧槩間尚終老身沒名亦湮哲人恥浮慕遠與太古儔神交豈象合心往道彌親泥塗苟自得軒冕寧足珍

汪汝曰曰中我思雖真味無窮  
雷實曰曰肅穆無參辭

我心苟有得榮悴可自主何為競趨好委權與童豎誰能挽海水太為天上雨斯已而已矣不見采芝侶

相如曰傲峭激揚有金翅摩海之勢又白之逸響也  
研南曰淡酒橫空逸然入外  
太鴻曰筆減音道數陳拾遺而上

祖龍鞭六合躬履九五尊侈願尚未極遐觀登蓬瀛服食求神仙身隨鮑魚腥雲子困甕牖窮巷罕居隣室無僭石儲匡坐理鳴渠外物既無擾此中有餘情

天道不可問撫躬良悠悠昔為公卿子今為與隸儔劒埋豐城獄鼎沉伊水流貴者可復賤賤者得安求何如遊太始冥心委糟丘

松門曰淡然無味天人接無味之味乃為至味  
幼魯曰昔時流妙語語我同松風

市門競錐刀志士爭懷抱誠使中心安此外均草草貧賤顧有分簪裾何足道松柏本不凋何知春風好

陽鳥收餘映夕兔升檐光傲然一樽酒醉倚空階傍不知庭除

露。云。然。濕。我。裳。爰。弄。詩。陽。和。清。響。激。天。霜。此。曲。苟。可。理。知。音。寧。所。望。

幼魯曰讀高落悲清月鏗鏘妙語春冰裂  
意田曰蕭瑟之致與然通入

昔。聞。彭。澤。老。耽。醉。未。能。醒。折。腰。恥。俗。吏。歸。來。卧。柴。扃。茅。檐。秋。日。高。朗。誦。山。海。經。悠。然。觀。物。化。坐。對。南。山。青。我。行。一。何。有。于。世。空。沉。寘。遐。慕。今。已。矣。太。息。增。撫。膺。

姜賦山曰雖然遠秀  
太鴻曰至矣買春賣雨茅簷奇舉似此種詩境

勞。生。何。時。已。早。夜。殊。情。情。一。朝。冤。鬼。離。賢。聖。復。何。用。銘。旌。指。荒。郊。喪。與。遂。相。控。親。戚。空。追。隨。哭。泣。徒。悲。慟。萬。古。一。棺。灰。生。人。遁。相。送。

相如曰以沉痛得音快與米明自提詩千古同妙  
研南曰泰炬通新的機聲憂昌谷不得獨擅千古

四

吾。聞。崑。崙。山。有。草。名。木。禾。嗽。之。不。復。飢。常。使。朱。顏。酡。弱。水。香。難。即。歲。月。空。蹉。跎。願。爲。雲。中。雀。高。飛。一。經。過。舉。翮。望。四。海。中。道。多。罅。羅。

生。死。有。長。理。大。命。不。可。逃。安。見。神。仙。人。肉。食。滿。市。朝。負。丘。與。平。圖。瞻。望。空。迢。迢。漫。茲。絕。思。慮。毋。使。精。神。搖。再。拜。廣。成。子。白。雲。隨。逍。遙。

意田曰玉唾烟石紙

陳玉几詩集三卷

禮部主事任  
大椿家藏本

國朝陳撰撰撰字楞山號玉几鄞縣人以書畫遊江  
淮間窮愁寡合故其詩多悽斷怨咽之音是編刻  
於康熙丙申蓋其中年所作首日繡鍊集一卷次  
曰玉几山房吟一卷次曰玉几山房擬古詩一卷  
皆戛戛獨造如其爲人雖未及古要能離俗惟擬  
古詩中多載勝流評語仍沿明末山人之習耳



# 雲溪文集五卷

〔清〕儲掌文撰

清華大學圖書館藏清乾隆三十六年在陸

草堂刻本

附《四庫全書總目·雲溪文集

五卷》提要

雲溪文集	總目
卷首	
敘言	叙 自叙 凡例 評論姓氏 總目
卷之一	
目錄	家傳
卷之二	
目錄	傳 行狀
卷之三	
目錄	叙 集叙
卷之四	
目錄	譜叙 壽叙
卷之五	
目錄	記 祭文 書 四六 補編 附

叙言

在陸先生古文辭伏一世儲氏之學衣被海內其所甄擢  
珍於秘府外國貢使必寶購以歸六十年來海內文章之  
家莫能兩大而文孫雲溪先生繼之先生淵源祖訓未壯  
舉於鄉一試南宮幾得之即棄去以獎掖後生爲已事江  
南江北之藉而成者不可下指數年踰艾謁選得西蜀軍  
興旁午先生卧理有餘而心弗適甫再拜請老掌錦江教  
所造就如翼時比歸鍵戶著書當道欲因緣一面不可得  
而未學小生輒樂齒進之經先生指授胥得文章正鍼大

叙言

文章所以載道道不足而求諸言雖工其糟粕也先生之  
壯也視一第若敝屣其老也棄一官若浮雲而優游杖屨  
宏長風流道範爲後學之式者今且十又幾年蓋先生之  
蓄於道也深矣予於先生無能爲役然自聞喪歸里先生  
常弟畜之適以文集見跡清才絕識珥韓歐陽克繼在陸  
先生文統竊念自文章宗匠數世繩武者實罕至於道德  
之積蘊爲言詞又復世濟厥美則尤勗焉者也先生顧獨  
得之把卷自哦應亦嘆儲氏文章之盛至於斯極也年家  
眷同學世弟潘永平拜題

叙

吾邑在陸先生以文章衣被海內迄今將及百年其古文  
最晚出先生沒後幾二十載始鏤板於真州子獲睹之亦  
止十餘年耳自慶火齊木難其樹瑤華垂老得一寓目有  
深幸焉顧疑先生門下士以百數以時文著稱者屈指難  
數而兼善古文辭者自平川畫山兩先生外殊寥寥豈藝  
之至者不兩能苟卿子之云信有然歟抑功令所趨羣委  
心并力於一途而其他或不暇以爲也吾友越漁先生先  
生之文孫也業以制藝名當世矣其所爲古文又絕工先

佳敘

是先生宦蜀宰納溪者數年納溪舊名雲溪先生故卽以  
雲溪署號取其平日應酬之作薈萃成編自題曰雲溪隨  
筆甲申冬孟嘗盡出以示予予受而讀之者累月不能以  
一端盡其美大約真至者其情灑瀚者其氣典雅者其詞  
謹嚴者其法異乎世之鈎章棘句以炫奇模擬竄竊以求  
似者以此並峙侯魏姜汪諸大家之列而在陸先生代興  
奚疑哉然先生學愈老識愈高而謙冲乃愈甚謝陋如子  
於先生無能爲役而先生屬爲之持擇而論定其文予謂  
先生文不讓子桓惜僕非敬禮其何敢膺斯任而先生語

之再至不獲已姑承命焉究之以蠶測海以管窺天不得其高深適形其謬妄而已書此以志先生之虛懷善下并以志吾媿云乾隆乙酉立夏前一日學弟任道南謹叙

任敘

自敘

此隨筆也匪敢云古文也余少承祖父訓出則與諸文士相劇切頗用力於時文至古文則門似未窺何論堂與雖自左國以下洎中唐北宋諸大家多所誦肄祇取以供時文作料要無敢縱筆效顰無他誠自量其才所不勝與學所未到也年二十六七始游揚白後館洪氏方氏程氏喬氏歷數十寒暑揚俗尙奢華富貴家遇吉凶事輒屏障連楹其辭多假手於流寓士之有名者亦間及余余業抗顏臯比義不得謝因覩顏爲之文出而訕咲者殊少遂羣目爲能古文矣已而習爲之隨請隨應幾自忘其才之劣學之疎也入蜀後迫於上憲賁僚之命益不容以已比投檄歸則邑中著作手捫落殆盡以予齒加長且藉草堂餘蔭也戚友間不朽之托諉誣滋多予亦晚景蕭聊於不相知者時復賣文爲活此豈有當於古人立言之旨哉老友潘任兩先生聞而請觀焉畧爲別擇門下士程生受初竟梓行之似不肯爲魏公藏拙然厚意胡可負也梓既成題曰雲溪隨筆蓋倣宋容齋洪氏名目隨所見聞以筆記錄且謂隨其筆之所至言所能言如是已耳若曰是亦古文也

自敘

淵源家學以追隨於侯魏汪姜諸君子之林則吾豈敢乾  
隆庚寅季夏書溪儲筆文越漁氏題於在陸草堂

自敘

凡例

一近代古文詞首推雪苑侯氏金精魏氏姜西溟汪鈍翁  
次之餘子業弗逮克武之者在陸草堂集也若存研樓  
另闢一派幾於分道揚鑣而草堂嫡裔傳則在吾師越  
漁先生矣急爲表章用以資當世治古文者之式  
一先生少工制舉兼治古文第因令甲所在專以房行試  
牘爲教授而不逮及古文然亦時取左國史漢唐宋大  
家之文相浸灌則又未嘗不以古文餉遺也故遊其門  
者每於時文中得古文之趣

凡例

一著作不難於議論而難於敘述蓋議論則易涉縱橫叙  
述則必準繩尺此司馬氏班氏所以獨有千古也先生  
集中不屑屑以論著炫奇而一卷二卷中家傳傳畧煞  
具史才

一文品隨人品爲高下先生壯膺鶚薦一上春官不得當  
體尊甫梅隱先生意終身養志遂絕計借垂老出山亦  
迫於爲貧而然第一經盤錯事竣輒投符勉應制府講  
席之聘閱二載旋告歸性情瀟灑故筆墨間動得生氣  
一集中文字多出晚年手筆其時九峰待闈諸先品次第

論落僅與一二老友潘丈絜菴任丈邵周黎酌訂定其  
持擇詩書因帖謹嚴俱於病中親自筆削聞之世講泥  
差見云爾

一駢四儷六之文風號甲靡然徐更溫李未嘗不橫絕一  
時即 御製唐宋文醇序亦謂文無定體條奏詳明如  
陸贄詎得以體存排偶而不得列爲大家先生四六亦  
然集中畧登數首以見才大者無所不可

門人程徵榮謹述

凡例

二

評論校閱姓氏

同學吳煒南

張大鈞

任道南

受業門人吳華孫

何飛鳳

許汝璉

程璜

受業弟師賦

姓氏

瑾德

研磻

鯨

後學費天脩

周願敏

汪熊

程曾衍

先君子文集五卷係世講受初程君請梓因於潘任兩  
丈向所訂定十卷中親自決擇以付刊者也蓋先君子

蔡寅斗

史鳳輝

徐昆鏐

汪矩高

洪肇模

洪肇桂

洪肇松

增

長庚

秘書

潤書

徐掌餘

史承豫

吳上翰

張四教

王夢鳳

王忠武

潘永季

程子璣

高辰

蔣張珩

任朝銓

洪肇本

姪兆豐

姪賜書

建樞

龍書

蔣朝陽

程大煥

程大煥

王夢鳳

王夢鳳

蔣重慶

任際莊

王世球

程微榮

徐瀛士

姪椿

姪椿

姪椿

姪椿

姪椿

姪椿

姪椿

姪椿

姪椿

姪椿

自幼力學兼治古文特以教授生徒恪遵功令浸灌以  
先輩名家大家泊房行試牘外時出一條以示程式而  
於古文不暇作即間有所作亦不自以為工故雖傾倒  
如曹愚山王巳山兩先生折服如嵩山待問諸伯父會  
未出以相示及捧檄入川上奉憲臺之命下應寅僚之  
請其作始多至解組歸來娛情筆墨抑又祈請者滋衆  
越十有餘年遂哀然成集矣其時諸先哲凋謝殆盡鮮  
所折衷絜菴潘丈邵周任丈係老友且吾邑古文手也  
每得先君子作讀之輒類首地謂中多酬應之文而

姓氏

語必關於人心世道意率歸於立懦廉頑矚謂文章小  
道不足以維持風化哉爰爲論定今梓其半云其他同  
學之所商榷及門後進之所校勘諸君子之力并不可  
沒例得備書苟非有功於是集者榮不及不收蹈板援  
依附之陋也辛卯四月不孝男熊百祥識

雲溪文集 目錄

宜興儲掌文越漁氏著

同邑 潘永季絜菴氏

門人程徵榮受初編次

評 任道南邵周氏

男 熊汜堯校字

卷之一

家傳

八叔祖允文公傳

茂材廷脩公傳

附諸子

孝廉恒夫傳

附伯子劍光

目錄

司授敦夫傳

茂材漢廣公傳

從彥公傳

子將叔父子合傳

節母史端人傳

唐孺人傳

子麟公傳

茂材肅齋公傳

爾源公傳

周麟弟小傳

字明傳

廉使東溪公傳

東分祖素庵公傳

萬程公傳

麟文叔傳

則繹公傳

宿源公傳

族兄仍奚傳

目錄

觀察迺東公傳

八叔祖允文公傳

公諱奇字允文別號湖西芳圃唐御史光祿公苗裔也。香諸氏自臧林徙豐義越八世而副憲公以進士起家有丈夫子五人先曾祖醇菴公居次公亦有五丈夫子嫡出者三先祖在陸公爲長次則七叔祖君宜公公其季也生而穎慧不凡六歲就塾甫授二南或以迅雷題命破公應聲曰殷其雷在聖人之耳矣長老咸驚嘆以爲奇申西避兵往來鄉城廢學者吸載事定後醇菴公命從吾祖遊公始發憤讀書夜漏下四鼓雉鳴聲琅琅達戶外文思風發泉湧日閱以肆年十八一試補諸生公年齒稍後弗獲與八

雲溪文集卷一

一

歲十二人之列然文望與兩兄埒邑人號曰三儲康熙初癸銷里悞公所遭輟綴數分且君宜公寄戶產也公不以爲兄受累故有幾微不平之色終其身友愛無間言壬子癸丑長洲韓宗伯大魁天下奏銷案禁網稍弛公復就試一不售卽自弛置嘗一遊京洛歸而授徒郡城宮諭楊公諸子姪之倚甲乙榜者多出公門下公資館穀所入配萬孺人雅擅綜理才銖積寸累進舍上腴寢及一頃公乃種花養魚釀旨酒治精饌不速之客至如歸卽無客晨夕召

里中二三同志。觴咏以爲樂。又以其間整祠規。舉宗課獎。成後起之秀。而戒董其率不謹者。翕然稱有德。願望凡數十年。公既不得志。誨子姓尤肅。晚年嘗延掌於塾。課諸孫。禮貌恭謹。不自知其爲大父行也。時拈小品。以咏金聲玉振。全無老人衰颯氣。而公尤長古文。不多作。作必可傳。叙事寫生。深得馬班韓柳氏法。在陸公一代。鉅手每推讓。謂此筆如刀鋒箭鏃。不可犯。殆雅類子瞻之服膺子由云。公生于前明崇禎丙子。逮康熙庚子。享年八十有五。考終。萬緒人先公卒。子二人。曰度。高才生。曰赤慶。早世。孫男五人。

雲溪文集卷一

二十

允文先生古文。僅存者家譜內數篇耳。不多作。作必可傳。否則不作也。固知文人無不自愛其鼎。邵周

茂材廷脩公傳附諸子

茂材叔諱度。字廷脩。先曾祖醇菴公。幼係八叔祖芳圃公子。八叔祖與吾祖七叔祖塤。茂協奏邑中有三儲之目。康熙初以奏銷呈誤廢。遂終老布衣。而所著時古文。雖存者無多。允足名當時。而傳後世。叔天才稍不及父。其專勤刻苦。則過之于經書箋註。背誦如流。無一字訛錯者。爲文沉鬱具得前輩名家風力。顧久困童子試。至年三十有九。始僭族酒傳兄東溪弟。並以前三名補邑博士弟子員。云吾分子姓游庠。似有定候。早者弱冠。內外否則必遲至二十。

雲溪文集卷一

三

有九自七叔祖孟爲伯。伯先君子皆然。厥後在田弟余長男。樵亦然。叔過此期。自疑無望。及已丑歲試。卒受知海寧楊公。試牘出人爭傳。誦遲之十年。而數終不越九亦異矣。哉叔游庠後。益自奮厲。漸得當于承宣之試。前後館郡城二十年。郡楊氏之報。輒科登華。應者多出其門。而叔屢進屢蹶。年踰中壽。竟儲伊以終其命也。夫叔敦內行。色養芳圃公。至八旬有五。一弟早歿。友于羣從如一身。孟爲伯先君子風。推有道而文。尤其所嚴事也。余小子爲從子行。嘗授諸弟。經叔終身以師禮相待。嗚呼。此豈易得之靡靡。



薄俗中哉叔下世已久後嗣浸衰適屆脩譜補爲之傳  
無亦使其無聞焉叔子仲虎文早殤餘附見于後

特于閒冷處生波 邵周

伯子熊文字夢錫後改名曰璫年十六偕今泗州學博錫  
輪弟從余游新輪最醇謹而夢錫殊躍冶才思故不凡其  
受病在沾沾自喜耳弱冠後有聲童子軍中府試列第二  
人者再迄未獲青其於夢錫忿其誓不復應提舉試而居  
恒沉溺于博雜戲遂以是傾其貲宅一區高下田數十畝  
悉屬諸他人矣不得已浪游兩粵間時廉使東溪君適宦

雲溪文集卷一

四

勢爲引援得賢主人夢錫亦能爲師門墻桃李稱盛其歸  
也案中有餘金始克贖取故居及田之以賤值售者漸還  
其舊然夢錫終不善爲生不十年而其家之蕭然壁立如  
故也年逾七十尙餬口訓蒙自館中得疾歸竟不起夢錫  
雖苦貧性耿介從不乞憐豪富人非其義不苟取吾村大  
小宗祠各務輪管以大當及夢錫夢錫因辭曰是中名爲  
經理而實則侵漁者不少矣某寒至此敢涉瓜李嫌乎  
訖不受生平尤篤師友誼以余泰一日之長雖服次其功  
齒相伯仲自少至老坐必隅行必隨一如南江公當日所

以事先在陸公者即余下榻湖干飲食起居亦緊夢錫是  
賴其視以怨報德悍然射羿之弓者相去何如哉今者  
入其室不見其人易勝車過腹痛之感畧述便槩用存其  
真期于取喻兩不相掩若夫阿好失實之言固非夢錫冥  
冥中所望于余也

錄其長不諱其短此謂傳神在阿堵中 邵周

叔子龍文字在田少聰慧最爲祖若父所鍾愛比長偕伯  
兄並以能文名兩人者先後問業于余者也夢錫頗自矜  
其文一不得當怨尤輒形于詞色在田雅自敬晦或譽之

雲溪文集卷一

五

敬謝不敢當居獨人廣坐中喃喃如不出口適屆年二十  
九乃與同宗同研之揆夏整功二子同日賦采芹惟余亦  
獲貪天功以爲己力夫一矜何關于輕重自謂操必得之  
技者終已不得其不敢自信爲可以得者轉以無心得之  
滿招損謙受益斯之謂矣然在田喜博進大類乃兄其不  
善爲生亦相似馴致貲產蕩盡襍被走京師浮沉無所遇  
忽被鬼祟得痢疾歸每日盡氣狂奔不自知其所往久之  
小愈而形已如槁木心已如死灰因未可與襲之喃喃不  
出者同日語也年不滿六旬竟卒以聰慧始而以憤亂終

意者宿孽使然耶余欲呼天而問之諸兄弟無所出惟在田有二子以次子嗣伯兄長者輟讀而耕能自食其力於今已抱孫焉孫在襁褓氣宇異凡兄所冀行芳圃公一綫之傳以克復其始者或于是焉在 無限惋惜 邵周

四子虬文字雲蒼五子驥文字軼羣皆側室薛氏出少孤賴伯兄撫育之以訖成立然夢錫中道貧落亦弗克始終其任也雲蒼跳宕不羈而爲文知就範規矩遇邵縣試喜爲人捉刀往往得前列不幸早世婦亦前卒僅存一女不傳軼羣學業未成而性嗜書史其爲人能自立崖岸持正

雲溪文集卷一

六

論不撓雖少年人無敢狎玩之者自念資生乏策決計不娶常寄食僧寮中卽余假榻冷然軒兩林亦實與相依倚也年甫四十得疾卒一切身後事皆預爲部署不以累乃兄檢囊中尙存倡券一紙本息約三十餘金囑兩姪分收買一坵田爲奉祀村兄計而今且化爲烏有矣余房長也會爲立議是亦無所辭其咎也夫

四子中于季多手辭要非阿其所好 邵周

孝廉恒夫傳 附伯子劍光

吾家世以文章名亦頗以科目顯然大率宦途優蹇弗克展其所欲爲甚且有一鳴暫斥貴志以終年會不登強仕者若孝廉恒夫君其尤可悲者已召名鼎泰恒夫其字再從伯遜菴公諸孫三從兄待闕公叔子壯歲偕伯仲兩兄揀選實夫編修寬夫同舉于鄉越三年遽卒春秋三十有五時畫山公輯譜爲撰小傳但舉懷尊聯芳之盛謂設科以來自前明萬曆壬子華亭三張氏崇禎丙子吾邑三吳氏同胞同榜至此而三又以其先弱一簡也慨然于葉宗

雲溪文集卷一

七

之薄祐外此則從畧焉蓋君一上春官不卽售才無所施又不承年非有婚飾偉行可震曜人耳目者宜其言之畧也茲復屈輯譜余偶得君一二佚事爲續傳之如後云君生而惇謹寡言不樂子弟嬉游習書事父母待闕公泊曹夫人雅愛憐之讀書卷往往稍弗逮仲兄而刻苦甚當其把卷沉思客到或忘迎送禮爲文刻苦亦如之課經俞堂課廟巷祠諸英少方揮洒自如君獨攢眉不肯苟下一筆文成往往冠軍此先君子樽鑒公承目爲吾家千里駒者也闕牘三載亦最爲座主交阿王公所激賞吾素苦

妻其于義利之介特嚴癸丑之役雖借伯兄報罷而仲兄業聯雋題已丑辛丑後選入翰林一時家門鼎盛當事多願下交者君領鍵關授徒終歲不一至宰室戚友間以事干請理本直且艱以金錢君正色拒之曰某甫獲寸進方守身若處女敢違澹臺氏之教乎其善自愛如此君篤友誼問同學觀水范君之卒也哭之慟草輓詞極哀所以撫卹其家備至萬吏部厚存齒相亞少時同研席有年一日受傷富人君不勝忿忿既而見萬耽于奕直舉棋枰擲之面加誚讓曰君不勤肄業爲雪恥計顧耽此牧猪奴戲耶萬初怪其體已乃大感謝卒奮厲第乾隆辛未進士由館選改銓曹方君歿萬偕君同諸張君奕高語諸孤曰窀穸事吾兩人當力任之今卜葬梅林實兩君所點定穴蓋君之待友古誼可風而友之待君亦庶乎報禮斯稱矣余所得佚事止此似未足以盡君然守身之介也友道之敦也撮舉兩端大都可想如君者豈直以文章名以科目顯者哉配曹氏卽母夫人猶女有婦德自君之歿隻手當門撫誨貌孤胥克成立稱未亡人浸四十載今年適屆古稀子四人麟書龍書鳳書雲書麟書改名劍光字玉符好學工

文不讓乃父弱冠時得瘵疾證言不可治死生將度外置之日點背前此所讀書所作文及師友評語無一字遺忘者越十年疾漸愈始勉應燈江試一舉得之又十年以歲試第一人晉原縣家貧親老不得已脫身游游浙游閩佐學使者衡文甲乙不爽銖黍何督李公三世通門好也聞其名延之課子甫半載忽得心疾歸歸而時愈時發竟以此殞命年不盈五十吁其又可悲也鳳書中道輟業雲書未娶而夭所冀衍待園公一線之傳以展父若兄未竟之志者其在仲子龍書一人哉勉旃無忘

摘舉二事已可傳政不須浪費筆墨

卷

司授敦夫傳

司授君名兆豐字敦夫別號若坡清源公諸孫侍直待園公季子先高祖崇祀名宦鄉賢副憲公則其六世祖也吾豐義支自副憲公以來丁齒繁衍頗以文章科第世其家而清源一房特盛清源五子一科四甲侍直四子兩科兩甲今其長次兩房孫自賜書領鄉荐外郡博寶書由庶常改西曹秘書復相繼以進士出身矣顧造物者若予之抑又若奪之強半遇不足以稱其材即稍稍稱矣終苦有虛名而無實際此其可異噓者不止於君而君亦其一也君

雲溪文集卷一

爲人外沈靜而內警敏自少至長偕諸兄稟承家學復出從先梅隱府君遊余忝十年以長亦間效切劘之雅日變月化卒底大成並連翩雋去無終困諸生者當侍直公官京師留伯于董家政仲叔季悉隨侍既而仲就婚豫省叔奉母南歸晨夕起居惟君一人是賴公扈蹕出塞亦惟君從行一切詩文酌應賓友屬旋代公勞罔弗當公意也最爲大學士蔣公翰學葵公所器重而同郡大司農趙恭毅公嘗語公曰君諸郎皆英特季尤縝密以粟此家珍即國寶也公亦爲之首肯焉未幾母夫人卒于家計開一勸

浸絕又慮重傷尊人心也悲痛中強作慰籍語公特爲破

涕一展顏其善養志若此迨公解組回籍閉門課讀時仲前中副車伯若叔皆有聲三舍君更兼胃監就童試補弟子員益相與刮摩砥淬則連得當于塲屋已酉不幸丁外艱佐諸兄拮据喪葬心力幾殫于子服闋偕應試伯仲叔三人者一榜同登克踵前明萬曆壬子松邵三張崇禎丙子吾邑三吳棣萼聯芳之盛而君獨泣遺珠及取落卷觀之其文實亦不相上下君不以獨不得爲恨轉以終必得自期屢進屢蹶亦愈蹶愈奮越乾隆甲子始偕伯兄長子

雲溪文集卷十

賜書同雋南閣若寶書若秘書則業于前一科分雋南北上湖壬子之役蓋一周星矣先是君娶于吳壯齡失偶續娶于京江張館甥其家有年余夙授徒江外比甲子尚未去揚相望止一衣帶水君旬日有作立寄吟余亦立爲評鴈郵簡往返信宿勿渝一字未安應手改定復虛懷請質馴致珠光劍氣咄咄逼人余早決其不留行矣已而果然且吾家子姓多以官卷得之君與賜書則得自民卷君前此屢試官卷迄不得改民卷乃得之得失之際信有命存而要以見有志竟成可爲種學績文之士垂翅於前而奮

翼十後者勸也。乙丑君聯雋禮部試視清源公偕井陘公  
庶子公之聯雋丁未侍直公之聯雋已丑寬夫編修之聯  
雋癸丑飛鳴直上彼此畧同殿試在進呈十卷之列列二  
甲高等竟未與館選歸知縣班用君于是快快歸歸而家  
益苦貧仍挾筆研走學使者幕游山右忽得心疾返坐廢  
又數年疾既愈行赴選人矣自念文學致身簡牘事雅非  
所習設遇盤根錯節雖悔莫追惟館堂一席无咎无譽上  
可少佐聖天子作人雅化下可展生平引掖後進之心  
爰改縣就教得徽府之司授徽府係昔從吾公舉比地始  
終歷二十年君其猶子大小阮先後秉鐸此邦此邦人方  
以得師爲幸而時異事異向所號首蓓膏腴者至是不免  
廣文官冷矣君本爲貧而仕仕殊弗足療貧然不敢貽尸  
素議尤不屑作寒酸態日與諸生講道論文恪守蘇湖遺  
範遇士之英異者將旦晚別加提命延入內署館而祭之  
贊以束薪在米弗受也郡太守王公何公前後督學兩劉  
公皆賞歎爲真讀書人崇聖祠祀何公首倡捐修君亟分  
薄俸以助更擬鼎新大成殿明倫堂泊東西學舍謀之紳  
士設法勸捐又欲詳請增置樂器教習侑舞生如曲阜例

良以居一官務盡一職苟職所當盡敢不號呼奔走次第  
見諸施行而天不畀純疾疾間作年不滿六旬病不及一  
月竟資志終矣悲夫君亡後入其署蕭然四壁幾弗克殮  
何問歸藏賴各上憲諸寅僚欽君清德郡人士感君教思  
賙賻加腆獲成喪旋里里中向所分授田房久非其有寡  
妻弱息姑棲止經畬堂之西偏越三月張孺人繼卒叠遭  
大故囊篋如洗二子潤書榮書尙幼筑廬所依誠不意  
累葉簪纓之後家門鼎盛之餘至竟乃復爾爾厥後潤書  
歸京江依舅氏榮書歸錫山依岳家今幸各成立完婚娶  
二子俱醇謹嗜學文筆亦不凡其尙孳孳矻矻奮起孤露  
式慰先人于地下乎余傳君非但傳其文學行誼特傳其  
可累噓者後之覽者當亦有感于斯文  
傳之也尤悲之也中多悲風蕭條之聲

紫菴

茂材漢廣公傳

余三從姪健夫、文士也。兼通更理。由京師走山右。佐蓮花幕。下雅稱壯遊。前年遠道。詒書慰傳其祖程九公。父西琛君。余業如所請。應之。今年以書來謝。并懇為其曾大父漢廣公傳。余檢豐義分支譜。公故有小傳。但為簡之。師言之未甚詳耳。嗟乎。公下世距今九十年。自畫山先生不能道其詳。而余小子又烏從詳言之哉。惟是卯角時侍先在陸府。君左右語及本宗故實。頗有所聞。府君於公為同祖兄弟。年相亞。又嘗館於其家。知公為深。其稱道公也最信。且核故政據所聞畧述。便槩續為之傳焉。傳曰。公諱福繩。漢廣其字。副憲。有字公諸孫。茂材鄉賓。文立公嫡長子。弱冠補博士弟子。有聲膠序。間然公非株守一經。僅與羣士較得失者。內綜家政。外支門戶。事材諸敏。練雖不事封殖。而費用蓋饒。吾家自仁里公景仁公以來。世號素封。副憲公久宜減產。及分授五子。猶各有田十頃。宅兩區。經滄桑之變。各房次第中落。獨鄉賓公無改舊觀。至公益有增。靡減。守成期業。兩者攸兼。此畫山先生所嘆為才智之不易及也。况其性行醇篤。惟孝克友。有什伯尋常者哉。鄉賓公

雲漢文集卷一

十四

得子頗晚。年踰四十始生。公公自少至長。凡所以承顏順

志者。罔弗備。鄉賓公躋登大耋。伯兄舉廢公並以國老

稱。蒸蒸色養。不為無助。迨鄉賓公卒。公哀毀如不欲生。越

五年。繼卒。得年不盈五十。論者謂父慈子孝。直相依為命

云。公兄弟三人。仲季皆側室。出友愛如一。絕不存嫡庶之

分。方鄉賓公之延先在陸誨季子南江公也。期望必虔。謁

僕具必親省。弗敢以父行故少替嚴師之禮。而公長先府

君一歲。亦復體厥考志。忠敬有加。南江公造由庠入監。稱

六館高才。生垂老猶登憤舉。場莫得一當。一傳而子將叔

雲漢文集卷十

五

再傳而咸徵。弟字先第三傳而繼青姪胥克以文章高一

時。迫溯淵源。所自則公之遺蔭長矣。公得子亦晚。其捐館

也。程九公裁七齡。賴曹儒人撫誨成立。用獲析薪負荷。丕

振其家聲。至西珍禹珍兩弟。晚年不免左支右詘。有大非

其舊者。余生於世八十年。閱歷盛衰。不勝今昔之感。而猶

望健夫父子。聿修念祖。終將崇起而恢張之也。公生卒配

嗣已載前傳中。茲不贅。

無中生有。大約從體味族譜年月得之。

從彥公傳

從伯邑文學恩授脩職公諱玟慶字從彥別號頰津副憲公會孫茂材來五公仲子公承家學早負能文聲而性尤耽吟咏宏博檢討迦陵陳先生公姑丈也自少出入先生家獲傳其詩法年踰壯受知遂寧張相國拔補博士弟子員一再試承宣司不售異足省門脩然有湖山終老之志而獨以其力專精治詩先是茂材公于宅西營小園前後構精舍各三楹壘石爲山疏泉爲池雜植梅杏李桃諸卉花時爛熳可觀爲村中勝遊處茂材公卽世公承遺業

雲溪文集卷一

七

日坐臥其中精研九經三史百氏之學下逮瓊言佚事靡弗綜貫悉取以資其詩出則與邑中宗中諸名彥遊上下古今討論得失其于平川蔣先生尤相得無間也蔣故負高材意氣凌厲一世顧獨心折公讀公詩往往頰首至地一時有溪南北兩詩人之目焉公論詩于唐不專宗少陵于宋不專宗玉局惟以蘊味深長美在酸鹹之外者爲上乘初作金陵八詠及京口放歌諸什蒼涼悲憤頗有所刺譏挹損旋取其稿焚之晚一歸于純古淡泊興到吟成大興柴桑徵士爲近公嘗語人口某中年詩刻意求工乃

今絕不求工特以無意出之者夫知無意求工之詩之工且彌甚也斯可與品公詩矣公治詩外兼嗜奕棋解音律善清言有魏晉間人風致家不及中產而饌具必潔而豐每飯非精鑿不入口然公內行醇謹孝於親恭於伯兄篤於姻鄰故舊族衆千餘指或以小忿搆爭一言排解輒帖然退聽蓋自余叔祖允文公亡後公嗣稱義宗耆德碩望者數十年公嘗受永樂天台樓霞談故貌瘠而神腴及衰開九十桐城張相國爲文壽之援引賓筵抑戒謂能詩之人性情必簡逸志慮必和平得壽之源當在此不在彼

雲溪文集卷一

七

知言者目爲定論惜乎公卽以是年卒弗及待懸弧之辰計聞邑人宗人皆啜嗟太息不勝大雅淪亡之感然公自有卓乎不朽者在而詎必以不百年爲憾哉公子三人長同文才而天其婦楊苦節四十歲以今年春考終次雙琛文譽焯著食餼久次行序貢入成均次雙金雅擅幹濟才其侍公晚暮左右無違者皆二子力也孫某某嗜學能文章

掌文曰吾儲氏多以文鳴獨公暨水榭兄兼以詩鳴蓋自一世祖侍御公弟王僕孟傑出于開元天寶間嗣後世傳

詩學。出莊城徙臧林里。則有若後巷之榜果公。君山公。泰  
軒公。思孝公。六宅之肯堂公。楚堂公。寶門之五松公。及再  
徙豐義。則有若余。僉僉祖象。嚴公。伯祖九游公。伯雪持公。  
各擅風雅。材殘章斷句。芬人齒頰。至公與水樹。見始克集。  
其大成而繼起。若公。球弟。長源。姪亦庶無慙。嗣頃年來。  
胥次第淪喪。良可悲也。抑水榭登進士第。又嘗南浮湘漢。  
北走燕薊。所交皆當代賢公卿。其詩集久流播海宇。所謂  
順風而呼聲。非加疾勢使然耳。公一老諸生。足跡不出百  
里。又家貧無力付梓。余烏知裒然成集者之。不終覆瓿。  
乎哉。追爲之傳表而出之。俾吾宗人知典型之在望。

雲溪文集卷一

論詩三昧 繫卷

子將叔父子合傳

吾儲氏父子兄弟間自相師友。願以能文章世其家。然往  
往有才遇抵牾之嘆。科名祿位不可得。僅青一衿。或一衿  
井不可得。青竟困頓童子軍中。以老甚。者且天關其天年。  
何造物者生才如彼其難。而忌才又如此其甚耶。若吾子  
將叔。彙初弟。良有足悲者。馬叔天賦穎慧。尤專勤嗜學。甫  
發筆。卽出語羞雷同。年十五六。從先君子梅隱府君遊。旣  
而先君子應浙學使聘。復折行輩從畫山先生遊。所爲文。  
茹古涵今。風骨與黃岡漢陽相伯仲。當時諸同學若萬太  
史葆青。徐大令鶴沙。董鳳稱少年英俊。叔視之蔑如也。年  
二十五。受知江夏胡公補松郡庠弟子。甲午丁酉。再踏省  
門。並遭按劍。其明年叔乃邑邑以疾終矣。春秋不滿三十。  
悲夫。彙初其子生六齡。而孤賴節母史夫人勸撫之以迄  
成立。從遊草堂。不復名他師。先是子將叔意氣凌厲。不可  
一世。彙初則沉靜溫克。樂道人之長。而掩覆其短。專以虛  
懷集益。故學日益。選文亦日益。其文方幅整肅。浩乎沛  
然。而祇承有司尺度。彌謹。顧屢進屢黜。年將四十。遂累足  
校場。或勸以援例入闈。咲弗應。及出。所得力指授生徒多。

雲溪文集卷一



速飛以去門墻桃李殊不減草堂泊九峰樓絕盛時豈其  
工于爲人而獨拙于自爲耶必不然必不然前年春葉初  
疾卒距生康熙癸巳得年五十有四其年視乃父差歲而  
遇則加蹇矣悲夫叔名景南副憲公曾孫南江公季子葉  
初名元文猶余總服弟也有子二人曰長庚曰椿年俱以  
弱冠遊庠長庚久食餼文名噪甚計其家種學績文于茲  
三世矣將所謂樹極必發者意在斯乎意在斯乎余旣論  
定其父子遺文而并傳其可悲者有如此

意在表章其文以一悲字作骨其他行誼未暇以詳立

言固各有體也 紫菴

節母史孺人傳

再從叔母史孺人以節著且不僅以節著族弟嘉祚輯河  
東彙纂嘗爲之傳曰孺人福建提學副使陸輿公幼女少  
嫺姆教及笄歸茂材子將公公好讀書工制藝年二十九  
以刻苦成疾卒孺人年纔二十七子元文纔六齡孺人度  
立綜家政惟勤惟儉克無墜先業而課子暨孫殊肅元文  
以能詩文鳴門墻桃李絕盛家孫長庚童年入泮第一科  
試復第一擢食餼不數年次孫椿年相繼籍于校計孺人  
稱儲氏未亡人已五十年例應旌今年輯族譜長庚復請

余撰傳余無以易首錄之如右抑余聞子將叔爲南江公  
徐太孺人晚舉子絕愛憐之孺人善事翁姑兩尊人愛憐  
亦特甚有愛有不愛同室中微露不平而叔性坦率不解  
作世俗周旋態孺人私憂之恐偶有違言卽傷大義也力  
勸叔出宅卜居自立門戶久之乃相忘于無言矣孺居後  
同室感其意式好有加孤子自卯角以至成人亦多藉卵  
翼力此以見吾家固心則友祖法未亡而孺人識解高明  
善處骨肉更有出于植節撫孤之外也門內事嘉祚不盡  
知故不及言萬太史葆青頗知之而又甚言之殊非實錄

後有採孺人入列女傳者蓋徵信于余言

嘉賦傳極淨鍊傳節母者不過如是萬傳則言之太甚  
矣伯姪間敦睦一體子晚年所親見奈何以小怨忘大  
德乎隱躍言之庶幾得體 自記

雲溪文集卷一

圭

唐孺人傳

唐孺人族叔若泉公之繼配也元配即其胞姊生一子曰  
雯及一女而公繼室以孺人孺人來歸內則順于翁姑睦  
于妯娌外則周旋三鄰式禮莫愆而尤善相夫子吾豐義  
西二房世號高貴戶由文溪公而下凡七八傳中間豆剖  
而瓜分者屢矣即司訓公亦有子三人三分貲產而得其  
一惟公月益歲增漸還故額蓋得力于中襄者居多孺人  
慈柔惠和撫前子女逾腹出及長經營婚嫁皆罄心力爲  
之子雯連舉三千不幸年甫及壯遽亡婦裴砥節撫孤孺  
人敬之甚因愛之甚裴亦善承姑意嫺嫺慰藉歷數十年  
相依倚若母女然族黨莫不舉以相勸勉孺人自舉一子  
一女子曰霖童稚時跳盪不羈閑以義方立就規矩弱冠  
失怙綜家政井井有條既乃益增式廓一切急公利濟事  
惟恐後人奉孺人教也孺人自公下世後舍館暮齒又浸  
二十餘年歲癸未舉七十觴于時內外孫曾繞膝候候戲  
舞佳氣充閭我宗人泊戚友之凡趨宦躍而來者踵相接  
也宗丞小阮不遠三千里寄侑尊詞尊賜盛美如孺人者  
將不謂之德祉胥備者歟惜乎是年遽卒以不及登大臺

雲溪文集卷十

圭

爲憾百猶人卒而其家浸多故矣喜事者從而媒孽其間  
常華韓鄂之風一變而爲角弓翻反之刺假令猶人尚在  
以慈嚴坐鎮之當不至此世謂一木不堪支大厦其然豈  
其然乎抑猶望後之人鑒覆車之轍而式好如初也嗚呼  
余傳諸人寧獨爲猶人傳也哉

閨閣中非有節烈之奇震耀耳目敘述尋常閨德貴簡  
潔不蕪末段有勸有懲是關係世道人心文字

紫菴

子麟公傳

子麟公諱福泰子麟其字廉使公孫玉樹公最幼子少失  
怙恃依乳母居張渚山中稍長訓蒙餉口年二十餘始入  
城從諸伯叔兄弟遊先大父在陸公雅相器重曰羣從中  
可以託孤寄命者子麟弟且人也由是有行必與偕有謀  
必與其焉公精曉世務而將之以樸誠爲人任事克有終  
始嘗佐瀛傑兄臨川幕兄卒于署公險料公私事無纖毫  
挂累卒攸其喪束歸既又佐素田兄京山幕閱七年無留  
獄無通糧制府大僚亟以治狀問多得公攸助力及再任  
寧德公仍偕行比三載以年高不任繁劇辭歸兄不能留  
慨然失所倚藉未幾兄亦致政歸矣公所初贅潘氏居塘  
前繼遷于城其自閩歸也定居于城北四十里之陽山築  
室買田爲菟裘計時副憲廉使郴州諸孫相繼謝世獨公  
巍然者碩主持宗政者幾二十年公年三十始娶潘猶人  
五十餘始舉一子及見其子析薪負荷娶婦生孫壽登八  
十有八族人邑人公舉德行恩詔給八品冠帶授秩脩職  
郎又數月乃卒以孤露始而以福祉壽終如公者其得  
天抑不可謂不厚也公豪于飲善飯諧晚歲舉杯徐酌猶

劇談竟席不倦。後生尤樂親之。有以非理干者。亦無忤色。蓋別具晉人風致云。

簡而宕 邵周

雲溪文集卷上

去

茂材肅齋公傳

茂材肅齋公諱惠字秀中。廉使公曾孫。校臣公仲子。以長房不可無後。出嗣世父孝廉鶴山公。公性至孝。方髫齡。色養如成人。十四喪父。十六喪母。哀毀骨立。毀乳孤露。惟伯兄司諭宛若公。是依。司諭長公九歲。工文善書。號高材生。比疊遭大故。家壁立。越江教讀。挈公偕行。不數年。業大就。一試籍。驥沙校。驥沙人羣起攻之。得而復失。旋籍本色校。年裁弱冠耳。以至娶婦。立室家。皆藉司諭力。蓋司諭撫誨公如子。公亦事伯兄如父。終其身。弗敢講鉤。敵禮比司諭。

雲溪文集卷一

考終公春秋踰六十矣。依依若孺子。慕者吾宗以友恭著望。兩公其最云。公貌癯而神清。寡言笑。然喜以善勸諭人。嫉惡頗嚴。苟其人能遷改矣。卽獎掖恐後。性耽書。非有收手不釋卷。嘗輯左氏傳分國紀事三禮集要五經類對碎金集等書。手鈔文獻通攷。泊諸子史名人文集。盈篋衍爲文疎朗。間作密麗語。尤名警動人。設帳驥沙。餘二十年。學者經其指授。多得雋。以去。晚更寄情吟咏。頗其書室曰。嘯齋。與嬾津伯塤。麓造奏。一時有湖西二老之目焉。然嬾津伯雅慕陶徵士。而公獨景仰長沙公。每爲子姪輩誦當惜。

分陰語曰民生在勤無智愚賤各有其職分所當爲何  
自清談廢事自胡宏達耶蓋其自爲爲人如此輩嘗念吾  
家自副憲廉使兩公兄弟並以能文章取甲第敏歷方面  
官後來多二難競爽者惟公兄弟亦然惜乎才豐遇高會  
弗獲掛名甲乙榜願司諭早歲食餼晚而叙貢遇單恩  
越司訓注司諭銓公則潦倒諸生中六十年聲名不出里  
閭司諭一于天亡歿後孤孫繼頌今僅存一曾孫不絕如  
髮而公後嗣頗蕃昌孟瑗孟容弟方虎氣騰上兄弟間固  
各有幸有不幸耶天實爲之豈人力所能與哉公生於康

雲溪文集卷一

五

熙辛亥卒於乾隆辛未享年八十有一

寫兄弟友恭處師可感 部周

爾源公傳

勝采叔之考曰爾源公諱福泉爾源其字俗生公伯子百  
二分長房育菴公會孫育菴公雅號素封歷四傳強半中  
落公生而寡故讀書未有成終其身雖村野以老要其質  
行過人齊魯諸儒弗逮也公事親孝雖啜菽飲水能得其  
歡心友愛尤篤同產弟爾輝公早世遺孀孤四人衣之食  
之皆于公乎取給而公故妻繼袍攜飯必以分蓋推解良  
艱矣然百方支拄無倦色弟媳鮑孺人迄克礪栢舟之操  
撫孤子以至于成人論者既多孺人之苦節得甘而尤多

雲溪文集卷一

五

公之善成雅志也嗚呼可傳也已丈夫子二長子出嗣次  
卽勝采叔公終苦喪歿後所遺僅草舍一區磨田數畝及  
叔之身以一文士治生家漸起晚歲田廬式廓幾幾乎復  
還育菴公舊觀得子稍晚肅修脯延師今已早露頭角掌  
向爲叔壽所謂始于阡陌雲連繼以科名鵲起者將于是  
焉在豈造物者私有厚于公之後人哉孝友格天其陰相  
之矣彼世有身擁腆貲而途人其骨內者聞公之風亦可  
以少媿矣夫

此因子以傳其父者起筆不苟下然撫卹婦孤事自可

傳。斐人子能爾。尤可傳。收筆亦有風刺。邵周

雲溪文集卷一

丰

周麟弟小傳

周麟弟名仁文。西二分。又新公五世孫。酒隱公叔子。盡山先生所目爲達士也。少攻制舉義。雖有志于進取。屢試不售。乃弃去。以訓讀終其身。弟爲人內篤誠。而外和易。善論說古今事理。酒戶尤高。中年館南城。偕城中兄弟叔姪徵逐宴游。無虛日。當極飲大醉。溫克自如。或以非理干亦無忤人。以是樂親之。其于余尤相得無間也。余晚歲自蜀歸。旋抱鼓盆之戚。不得已假榻鎮湖巷文昌閣下。將終老焉。謂茲地固吾家聚族處也。而弟憐余岑寂。苟非大風雨日。必過從往往辰而至。近午乃返。或未而至。盡西乃返。余間作應酬文字。輒呼弟共相商榷。凡所是正。適獲我心。益弟雖久焚弃筆硯。于此中甘辛講肄深矣。閱兩年。余還城。特以春冬祠祀至弟一間。余至雖昏黑。立躑躅來所。寓家訊別後。眠食何似。有撰述否。余酌以無脩之酒。相對盡歡。夜漏下三鼓。乃散。詰朝有扣扉而入者。必弟也。余兩人相親暱。有如此弟。既不遇。頗屬望于其後人。伯子紹年最顯出年逾壯。以府試第一人補博士弟子。弟爲一展顏。曰是可延一綫書香矣。然弟晚年深苦貧。後貧益甚。紹年雖有

雲溪文集卷一

三

聲膠序至無力應白下試然則弟之屬望果何時克慰哉  
此余所以喟然百歎也爰揮淚而追爲之傳見掌文撰時  
乾隆戊子仲冬年八十有二矣  
相知之狀可掬 邵周

雲溪文集卷一

七

字明傳

西二分七世孫曰字明歲進士候選司訓遠聞公孫  
國學生若泉公仲子兒時頗躍冶若泉公私愛之曰是得  
毋爲儗轍憤乎比長入承嚴訓出從宗中諸碩彥遊砥礪  
刮磨一言一動乃悉就範規矩若泉公艱年甫弱冠力  
能堵挂門戶老成諳練者魏弗如析著後心計特精恢拓  
世業有如其舊事寡母唐太君二十餘年怡怡色養太君  
壽登七十考終喪葬事皆獨力肩之無違禮者伯姊適何  
氏早世遺孤煢煢字明曰吾甥也亟携之歸撫誨如已子  
於今授室成家年矣字明愛惜物力無故不妄費分文  
然雅嗜義歲饑邑大夫勸捐煮賑首出家藏米二十石以  
倡更躬親督賑綜理周密具著成勞焉而僕某逋租梁粟  
擬鬻妻以償所負字明聞之急往止之曰吾歲入頗有美  
忍以十斛米破汝室家耶况汝實苦貧非頑抗者比蠲歷  
歲租并不奪來歲田盛德嘖嘖在人口先是若泉公以腆  
貲碩望爲鄉閭矜式族中有不平事輒赴懇公公委曲排  
解之勞與費皆所不惜公既歿衆所望于字明者亦然詎  
料其家夫德起于乾饑苦尋縱諸骨肉戕宗人轉曲爲排

解而幾幾不可必得聞兩年構爭者卒又一年宇明亦卒和氣致祥垂氣致異之說豈不信甚矣哉然宇明存日造附從衆議錫三百金界之事乃解蓋猶有推梨讓食之風焉宇明籍胃學得年僅四十有元配灌清錢氏繼室義莊史氏子三人茹英饒幹畧英皆讀書重英尙幼兄掌文撰

一氣零叙古服動裝未及尤着意此金口木舌也在俗筆且諱言之矣

廉使東溪公傳

廉使公名龍光字于賓號東溪信軒公七世孫也吾儲氏自成軒公始遷豐義歷六傳析仁義禮信房我高祖副憲公仁房家孫偕弟廉使公並起家萬歷進上到今百七十年子姓科名接武用克與邑中諸巨姓相頡頏而信房之達者實由公始蓋自其曾大父明經翼子公大父地贈奉直增廣九將公父例贈通議上舍子瞻公比三世績學德爵極必發乃丕顯于公之身公年二十有六中康熙癸巳恩科舉人越雍正癸卯恩科中禮部式甲辰補殿試賜二甲進士出身初授宗人府主事監督南新倉陞戶部員外晉郎中出爲方面官歷直隸之口北道浙之金衢嚴道晉之河東鹽運使兩粵之高雷廉道蒼梧駟傳道特陞河南按察司使未上改福建誥授奉直大夫晉階通議大夫公以文章高一世宜在承明著作之庭簞牘事雅非所習及其恪勤供職專門諳練者嫻弗如初任監督勾考精明姦胥束手居戶曹自副郎至正郎皆兼治兩司事果親王按部重嘉其能分校乙卯京闈所拔取多知名士一時保舉道府學臣刻章屢上而道府班先引見公自此南登北



走不復追、隨槐棘間矣。莅口北三年、峙輟糧、勤訓練、隱然負北門鎖鑰望、而清查欠帑、開釋屬員之獲罪者、德允鉅。從金衢嚴亦三年、力持風紀、一日悉取市中戲具焚諸通衢曰、此風不可長、浙俗爲之一變焉。兼攝臬篆、審理冤獄、明允得情、由是有河東運使之命、運使風號美官、公以無意得之、受事甫十日、後代者至、人或爲公惋、恨公咲曰、某非能自潤脂膏者、孰若脫然于其外耶。在粵東則力爭老虎湮之不可開、謂海口高內地數尺、開之是率而魚鱉也。且民未覩溉田之利、而先受申科之害、滋不可大吏然其

雲溪文集卷十

妻

言事訖寢而海濱之氓獲甦、息在粵西適苗疆蠢動、督撫兩司商度勦撫、機宜多得公伙助力、兵休事已、境內宴然。既復念水旱不時、首捐俸千金備賑、爲僚屬倡、又念佐雜之卒於官者、貧弗能歸也、請移公項銀資行李費、不足各捐俸助之用、其法迄于今不廢。最後任閩、臬閩俗刁悍、喜訐訟、瀕海諸郡縣民所犯尤出意料外、積案件至五百餘。公至從容決遣、報部無違反者。又摺請接濟官之扣限、離任官之處分、宜量加寬免、俾下僚稍得展布。故公莅閩、纔半載而官民謳頌不忘。未幾錄粵東舊案失察部議、錮兩

官蒙恩引見、仍以道員用、而公亦力乞養、母歸矣。蘊所有弗獲盡施、設惜惜哉、公至性過人、篤于倫紀、嘗逮事王母薛太宜人、太宜人苦節六十年、及見公登甲乙榜、癸卯南宮之役、塲事竣、聞太宜人病亟、兼程歸、以故不及與數試、贈公愛公甚、公先意承志、左右無方、方斷以祿養、而痛其弗少埃也、每時節薦享、必泣下。母周太宜人春秋高、憚舟車遠役、惟恭儉浙右時、迎養數月、後量移福建之命、下復乞假省親、一月及恩予終養、而中途聞變、一號骨立、幾不欲生、歸未及一年而病、病未及一年而遽捐館、舍論者

雲溪文集卷十

妻

謂公實死孝云、友愛弟、廩膳雲槎君若一身、學問文章率稟公訓、指方公馳驅、王事雲槎恒奉母里居、其前卒也、哭之慟、撫諸孤恩逾已出、祖遺田宅悉推以畀之、元配周宜、人少得廢疾、其尊人省齋先生請改聘、贈公將許之、公固執不可、卒敦棗瑟歡、是亦恒情所難者。公天賦穎慧、四齡操筆、學書八齡成兩、執成童負笈平川、蔣先生之門、蔣故草堂高弟、公從游得爲文真訣、卓然成一家言、先待闕太史品題、宗從文謂吾家後起之秀、麻列所見、傑然作者、獨曰、慮于賓弟兩人耳、余材力駕下、惡焉弗敢當、而公文擢

賢指門名貴簡嚴允符斯語所刊正蓄堂稿其克與經奮  
堂並壽無疑也余長公僅一年適康熙已丑授徒本村晨  
夕與公遊處無間一就脫稿輒互相切劘並課臚懼堂各  
心競力爭無肯尺寸讓者公卽以是年入泮越四年舉于  
鄉又十年成進士敷歷中外游陟大僚遇覃恩獲發贈其  
兩世如襲典以視晚投世網折腰斗米者何如然余未謁  
選公已遊道山自蜀中投効歸更墓多宿草公年不盈六  
十而犬馬齒偷息視蔭行及古稀今年假館湖上每登公  
堂徘徊顧慕爰檢當日行狀撮舉梗概而傳之其抱痛于  
子負荷尙勉旃哉

雲溪文集卷一

表

浩浩千言叙次處詳而不冗由其氣盛而筆健也 邵周

東分祖素菴公傳

吾儲氏自成軒公始遷豐義有子四人析首分二分三分  
四分首分歷三傳至茂材隱庄公肇開文學亦有子四人  
析東四分西四分老三房老十房東分代爲家嗣主臚飲  
堂春冬祠祭族衆千餘丁胥宗之素菴公則其祖也按譜  
公隱庄公伯子諱邦彥字佚僅傳其號生卒享年俱缺如  
蓋年代遠而遺忘實多矣凡公之娉節懿行孰從而考之  
而傳之掌側聞諸故老當公時吾宗雖未有達者用力積  
成家已累貲鉅萬而公與吾西分祖質齋公兄弟也並富  
而好禮尚務德施今西分易奕簪纓而東分子孫亦復黼  
黻繩繩方興未艾則公所以承先裕後約畧可知已又讀  
嘉靖中宗譜小叙公仲子茂材豐溪公譔其言曰吾父嘗  
有志同祖欲做花樹韋家會法粹並不肖弗克佐其志蓋  
吾豐義之有譜實萌芽于此可見公以尊祖故敬宗以  
敬宗故收族仁孝之思于是爲大而二百餘年來之瓜絲  
椒衍良非偶然也爰者議宗祠禮位公主于東夾室  
豐溪公從之祧而不祧享嘗如故蓋以示崇德報功之意  
云

雲溪文集卷一

表

本無實蹟只用虛描若杜撰則誣其祖字矣借譜叙作  
話柄便虛中有實繫卷

雲溪文集卷一

罕

萬程公傳

東二分萬程公諱福汝妻巷公六世孫明昭公長子少孤  
出嗣張姓家京江歷四傳矣曾孫賢澄始來宜奉先人遺  
命決計歸宗用克祖公父子主於臚歡祠續世系於分文  
譜而明昭公一綫之傳亦藉此以無斷祀斯存亡繼絕之  
義也與按公自叙八齡喪父九齡喪母在崇禎之壬午癸  
未兩年家產蕩然僅存一弟賴叔父某公鞠養之未幾叔  
父卒復依老僕朱懷忠夫婦以居僕又旋卒姑母之適京  
江韓氏而孀者憐其孤露率二子歸韓有密戚曰張含章

雲溪文集卷一

罕

無子願撫公為螟蛉子于是易儲從張時年十有五矣弟  
亦別嗣王姓舊譜存其名後無攷張氏世業賈公不得不  
輟讀而賈嗣父初為郡縣掾公亦嘗從事六曹中中間艱  
苦備嘗有恒情極難處者晚乃出險夷用力本成家聲  
開世業其事嗣父母獨有家枋清厥官通生而奉養病而  
醫藥沒而喪葬胥竭誠盡禮嫁兩幼妹娶一弟媳視已子  
女益聘尤從豐凡所以酌撫育恩者庶幾無負而公係懷  
桑梓夢寐不忘觀五十自叙之文情詞惻愴惟以無家可  
歸弗獲一展拜松楸為終身隱痛吁其可悲矣夫公有子

曰穀貽仍肆舉子業。負能文名。弱冠補鎮郡庠弟子。公治命諄囑曰。與時倘僥倖寸進。必歸宗。不然。吾目不瞑。不幸穀貽壯歲夭亡。因循再世。迄未果。其卒成公志者。賢澄也。賢澄復姓後。力請余爲公立傳。爰畧紀其顛末如右云。

摭自叙括一生樂畧簡而不漏。其注意在遺命歸宗。此今日附主續譜之根底也。邵周

麟文叔傳

余弱冠授徒豐義故里。蓋在康熙己丑庚寅間。越丙申再至嗣後衣食奔走。曠不到村中者數十年。乾隆壬申。歸自蜀。始歲與臘。惟祠祭近更假榻文昌閣下。將終老焉。屈指曩時耆老成人及齒相伯仲者。十僅存一二。撫今追昔。爲之泫然而意中耿耿不能忘者。則麟文叔其尤也。叔諱璣。慶麟文其字。別號閑隱。族曾叔祖惠菴公孫。叔祖厚溪公仲子。惠菴公厚溪公奕世載德。川忠厚傳家。家亦駸駸起。叔實克趾前美。生而醇懿。長益明允。篤誠城府洞達。肝膈間事無不可對人言者。其事父母翼如也。上奉伯兄下撫叔弟。怡如也。厚溪公中年粗畢。向平之累。析田宅爲三分。授三子。而老宅最鞏固。塗茨丹雘有加焉。叔獨闢得之。然非公意也。叔因進言曰。伯兄及兒年加長。差可自立門戶。弟藐然年少。當依倚兩尊人以居。兒願以所闢得易諸弟矣。公于是大喜。過望。昔惠菴公善體父志。不惜推大宅讓弟。聖藩公而自挈張孺人。僦居于外里中。噴噴稱孝友。叔蓋綽有祖風云。叔貴產不踰中人。而性忼慨。好施與。葭莩之戚。或以緩急商無弗如。所請以去。其于半而交亦然。嘗

冬月買一羊裘。價十金。未服也。適乙假者踵門。猝無以應。亟令持去。質錢。訖不復贖。計生平焚券。棄所折閱不下千餘金。而家計亦自此寢落矣。然叔卒無悔于厥心。晚歲簞瓢。屢空。陶然自得。此其胸懷有大過人者哉。叔雖不習舉業。獨喜與諸文士游。余初第。付一見如舊。既而過從無間。相得益歡。當是時。余年二十有三。叔長余一歲。而東溪弟少余二歲。三人者。尤稱莫逆交。凡四時雲物之變。東西兩圃一花草之榮。未有不把臂同遊。流連竟日。余每商榷執業質疑。考信則就東溪。彈棋品茶。劇談縱論。則就叔。方

雲溪文集卷一

四

謂吾儕皆少年。日月未艾。異時各得老壽。當與香山雒社先後頡頏。而雲散風流。思從曩人。邈不可得。叔年不盈五十。東溪宦成而歸。亦未滿六十。相繼各淪幽夜。今其歸焉存者。惟余羸老一人。乃以介陋無文之辭。思爲兩人不朽計。而余亦朝夕視蔭久矣。吁。其可悲感矣。夫叔卒于雍正辛亥。距生於康熙丙寅。得年纔四十有六。子三人。秉肅。秉恪。秉誠。或讀或耕。胥不失世業。其請余傳叔者。中子也。尤賢而有文。

以情勝 邵周

則繹公傳

則繹公諱師虞。則繹其字。近溪公會孫。蓼生公叔子。南庄自南陵。公元七公兄弟。肇開文學。至耳中公。諸子衣冠濟濟。並有聲膠校間。嗣後益闢衍然。亦多才而不遇者。則有如則繹公。其人公天賦穎敏。博綜書史。能文章。自謂取青紫如拾地芥。願縣府試。恒居前列。獨不得當于提舉司。及抒所蘊蓄。教授生徒。成名者滋衆。唐人詩曰。最恨年年壓金線。爲他人作嫁衣裳。此可爲長太息者也。公既不過乃旁通諸藝術。尤精岐黃家言。遇疑難症。諸醫聚訟。公至立

雲溪文集卷一

五

決死生。苟可療。不過一二劑。霍然起。一時無遠近。爭相延致。其貧不能延醫者。輒來就公。戶外屢常滿。既愈。或持尺布斗米來謝。必固辭。公亦善自頤養。七旬外。裁如四五十許人。浸尋以至九十。邑大夫尊其年高。其行手書。扁以贈。曰。儒賢仁壽。儒其根本也。醫其緒餘也。能全活人之謂仁。仁未有不壽。蓋理至而數從之矣。論者謂名實允相。副云抑。余又聞諸公會孫。在朝曰公性。和藹接物。煦煦及遇事。變義勇。激發能爲。人所不敢爲。順治初。有京江之警。事平後。告訐紛紜。吾邑縉紳巨室。多罹其禍。公兄某亦爲所波。

及業捕置獄中。且究餘党。公草一呈。漚漚千言。自詣當道。前。慨。論。列。當。道。首。肯。事。立。解。兄。獲。釋。歸。不。然。株。連。牽。扳。空。一。村。矣。公。固。誼。篤。友。子。其。有。造。于。我。宗。人。尤。大。豈。僅。僅。以。青。年。醇。德。稱。鄉。里。善。人。云。爾。哉。公。享。年。九。十。有。三。乃。考。終。無。子。以。兄。某。子。善。斌。爲。子。家。孫。近。仁。以。孝。聞。曾。孫。萬。英。卽。在。朝。傳。公。世。業。以。鑒。顯。

叙善鑒筆致錯落不減宋清傳辨誣事尤可傳要亦自讀書能文章得來 邵周

雲溪文集卷一

吳

宿源公傳

族伯宿源公諱善遠宿源其字鄉飲賓耳中公孫茂材與會公第五子嗜學工文章意氣自豪其識量有大過人者自少及長偕羣從類亭公鶴堃公同研席一莛成輒互相容賞文譽日益騰時邑里多與會社諸文士爭赴焉東西虎嶺金粟相距二十里並訂期月之既望公一日兩赴辰西午東提筆立就竟兩冠軍給諫陶菴戴公尤激賞之公亦自命不凡謂青紫可展契致顧屢應提舉試卒枉于有司迨類亭公登賢書秉教鐸有年而公與鶴堃公尙踰躅童子軍中欲博一衿不可得鶴堃公頗悒悒不平公咲解之曰弟何不達得失命也吾所能爲者人所不能爲者天長吉天東野窮玉溪生官不掛朝籍而死蓋自古嘆之矣吾于所能爲者當求其無愧其所不能爲者吾何知焉願少安無躁生平友教四方多所成就晚歲營講室于里中關廟後招集生徒講道論文寒暑弗輟遠近胥尊之曰宿源先生類亭公每服膺其文悲其遇而尤高其識量之不可及也公丈夫子三伯子仍敏早見頭角公喜曰是可傳一線書香矣仲叔姿稍下不復強之治舉業曰人各有能

雲溪文集卷一

吳

有不能量其所能俾職一軌此郡太傅家規也仍歟旋備  
弟子員亦未得當于承宣之試又年不盈四十而沒然則  
公雖曠識雅量能無抱恨于下泉乎哉後之人其勉之矣  
識量字貫一箇尾聲特翻去 景卷

雲溪文集卷一

吳

族兄仍奚傳

南莊茂才仍奚兄諱崇清文學與會公孫宿源公伯子宿  
源公神學績文敷奇不偶雖終其身未嘗有怨尤之色不  
能無屬望于我後人兄天姿穎敏宿源公奇愛之方髫髯  
爲講解經書輒心領神會越旬月叩之覆說如流稍長學  
爲文摛紙筆立成才思橫溢宿源公喟然曰吾得讀書種  
子矣新刀發礪或不至如中書君之老而禿乎望之切愛  
之深督課不少寬假兄亦祇承嚴訓攻苦倍經學與文日  
益進年踰弱冠補博士弟子宿源公稍一展顏旋成論之  
曰丈夫志在遠大此其發軔耳前軫方邁慎毋以一矜沾  
沾自喜見敬佩之弗敢忘兄純孝人也自少趨庭有唯無  
語宿源公友教所至無遠近必挈之偕行晨興問安否訖  
然後退就硯席誦肄稍閒卽左右無方遊庠後抗顏爲師  
所就賓館必擇其與宿源公早比密邇者以便不時定省  
蓋其子父相依爲命若此少失母每言及淚下如綆塵事  
後母彌恪謹委婉承順得厥懽心後母亦忘其非已出也  
下有兩弟姿稍下宿源公命輟讀而耕兄自念廝身翼序  
上達有期而仲叔食力良苦當折產辭多取少讓其受惡

雲溪文集卷一

吳

善體而尊人意。有疾。鄰齊。能稱之。比宿。源公。寢疾。衣不解帶。日不交睫。兼旬。訖不起。自歎及葬。夜哭。遂以此得。癘疾。明年元旦。里人。昧興。起。謁。廟。見。有。白。衣。冠。哭。且。拜。于。邱。墓。間。者。趨。視。之。則。兄。也。自。是。疾。益。劇。越。兩。月。竟。卒。遺。命。必。葬。我。先。人。墓。側。吾。魂。魄。長。戀。此。里。宿。源。公。之。卒。纔。決。期。得。年。三。十。有。九。余。惟。南。庄。支。發。祥。于。近。溪。公。至。山。陽。公。而。下。料。名。爵。殊。稱。一。時。絕。盛。宿。源。公。少。與。同。學。文。名。有。伯。仲。間。潦。倒。舉。廢。終。已。不。過。幸。有。令。子。謂。可。傳。薪。香。一。線。光。大。其。家。聲。而。天。不。假。年。仍。憤。志。以。沒。種。學。績。文。之。報。安。在。哉。

雲溪文集卷一 卒

然是父兄子慈孝。善事家庭。舉望孚于鄉國。抑亦難能而可貴也已。編為之傳。無亦使其無傳焉。

可入古孝子傳 報章

觀察迺東公傳

我國家 聖聖相承。太平。治。 聖祖仁皇帝。深仁厚澤。涵濡宇內。者。歷。六。十。有。一。年。為。三。代。以。下。所。罕。觀。世宗憲皇帝。繼之以明。作輔其停。大用。人。行。政。赫。然。一。新。于。時。州。縣。吏。往。往。親。承。德。音。拔。自。下。僚。立。躋。通。顯。而。其。人。果。克。宣。猷。奏。績。仰。副 聖。天。子。非。常。特。達。之。知。吏。治。蒸。蒸。追。踪。周。漢。則。我。族。兄。迺。東。副。使。我。翁。公。其。一。人。已。公。諱。之。盤。字。又。銘。一。字。宥。民。我。翁。其。號。 賜。贈。中。憲。虞。庠。樂。靜。公。孫。 誥。贈。中。憲。山。陽。司。論。額。亭。公。季。子。世。居。西。北。之。南。庄。南。庄。支。始。遷。于。文。二。公。式。廓。于。近。溪。公。確。貲。厚。德。克。開。厥。後。既。而。冠。裳。濟。濟。文。雅。斌。斌。其。善。身。科。目。自。額。亭。公。始。踵。前。人。猷。業。而。彌。光。大。之。則。自。公。始。公。由。廩。膳。生。中。康。熙。辛。卯。科。舉。入。殿。上。公。車。高。文。不。售。乃。就。挑。選。知。縣。班。記。名。以。川。峽。要。缺。用。時 憲。皇。帝。御。極。之。三。年。也 憲。皇。帝。旗。簡。親。民。官。每 引。見。必。詢。以。生。民。利。病。設。施。注。措。所。當。先。公。奏。對。稱 旨 御。賜 宸。翰。石。刻。及。貂。皮。香。珠。紫。金。錠。克。食。鮮。荔。支。思。禮。與。諸。大。寮。時。恭。出。異。數。云。至。陝。補。平。涼。令。其。明。年。廉。使。李。公。保。舉。再 引。見。養。心。殿。恭。聆 聖。

雲溪文集卷一 卒



訓御賜如前。有加特授滇之楚雄郡守。區區七品官。曾未  
陳林超遷至二千石。聖恩高厚。天地莫量。而公之砥節  
首公亦自茲盡瘁弗遑矣。位楚雄五年。嘗一攝廣南邵家  
久之。調繁雲南。以卓荦歷遷東道官。晉按察司副使。階仍  
中憲大夫。此公歷官之始末也。公本一書生。能以經術經  
世。務事無巨細。必熟思審處。而後行之。寬猛得中。競絃兩  
化。以故所至。具著勞績。治聲日益騰。平涼介陝甘中。首衝  
疲瘠。頻歲困于軍需。公下車。惟休養是務。凡重臣驛使過  
兵之往來。茲邑者。率循常例。應之未嘗于額外役一夫。簽

雲溪文集卷一

聖

崎窮黎始獲甦息。尤精于聽斷。如馬黑娃被殺一案。前  
令指故為懷。獄已成矣。公聞原屈疑之。果奉部駁。覆讞得  
情。論如律。上憲以是嘉其能。抵楚雄甫三月。會滇撫文定  
楊公被議。詞連廣南。司潘奉遣選賢員署理。清查之。特  
旨當時。齟齬楊潘者。將并請。是以齟齬。公公不震不懣。平  
心查覆。制府少保鄂公。避之事。竟自潘亦得善去。廣南地  
錯粵西。交趾為首。蠻沙儂連。賊藪。曠悍弗馴。或議開飛塘  
八達河。發兵討。時尚安等公曰。王者之治夷狄。其義  
萬。靡勿絕而已。軍役一興。勞費百倍。殘見生事。微功者不

適釀國家無窮之患。哉力持之。議訖。寢其為德于斯人。滋  
鉅。比自廣回任。守楚。即用其所以令平考。一切丈量。報墾  
別釐鹽稅。疏通水道。諸要務。皆酌立規制。上承憲旨。下愜  
輿情。又以郡界東連武定。南接普魁。不備不虞。恐遭蹂躪。  
密令該土目于南安之斗門。定遠之白沙。各隘口。嚴加防  
範。終公任。闔境帖然。未幾。川土府烏蒙告警。制府發滇黔  
兵討之。檄楚雄調土兵五百名。募新兵六百名。造軍器火  
鎗五百百丈機十二。皆取辦倉卒。間公如期報命。畧無遺  
悞。軍務甫竣。旋調赴會城。治廣西妖黨李天保等大獄。獄

雲溪文集卷一

聖

連兩粵滇黔四省數千里。漢土官民生命係焉。先是。治斯  
獄者。多所冤縱。廉使高公白之制府。特委其重于公。公分  
別研訊。既成。讞上之。殲首惡。釋株連。其歡呼感泣于公實  
生我者。相望也。計所活不數千百人。烏蒙初入版圖。改  
昭通府。新制府復命公專督墾務。當兵燹後。骨相撐。所有  
田土。須清丈。耕畔。須召募農器牛種。口糧。須儲備。公悉心  
經理。國帑不足。自捐廉俸三千九百兩。有奇。然後通道積  
倉。俾于內地矣。雲南滇首郡。領袖二十三府。轄四州七縣。  
皆土司長官。獮焚雜居之所。加以商旅輻輳。良莠兼容。衝

煩難數倍于楚。承諫普思新甯刁興國楊昌奉等大道案。又傲審他省他郡諸疑獄。幾于日不暇給。而公每遇盤錯。彌游刃有餘。其治獄一如提省治妖黨時。無冤無縱。及擢。迤東道。監司體制尊嚴。總持大綱。整躬率屬而已。上憲知公能。特委總理運京錢局。計歲運錢三十四萬千串。水陸萬里跋涉維艱。而銅鉛炭斤爐役工食動關帑項。且事方創始。尤費經營。公偕監鑄永昌司馬顧公協力一心。計畫周詳。故機宜悉中。而精神亦既殫竭。無餘矣。越一年。疾終。官署竟以喪歸。春秋六十有一。嗟乎。自古外吏難為。在邊

雲溪文集卷一

陞則難之。難者外吏之難。莫難于聽訟邊陲之難。莫難于驅吏公於二者。難而易之用。以銷岸獄。戢之氣固嚴。關鎖倫之防。視古猶良矣。邇過當如兩漢盛時。久于其職。秩賜金以次入為九卿三公者。而年不配德。究所施為。亦未盡滿其量。豈不惜哉。公生平敦孝友。篤宗姻。軫恤故交。汲引寒賤之概。畧具詳其伯子寶珉君所撰行述中。茲不贅。又普讀公榮封圖記。自叙少年時勤勤於種畧。績文者頗詳。茲亦弗及。蓋余家世以文學名。至公與圖泉東溪弟同時。以政事顯。文學者托諸空言。政事者措諸實用。

孰重孰輕。夫人能辨之。余傳公亦傳其難。且重者而已。然非憲皇帝知公深。俾越次躋錄。以進彼長才之屈于短。數者豈少也哉。余乃嘆常調困人而聖天子破資格以勵官方。其為國樹人計至深遠也。公于五人隸仕籍者。二人起綸三典專城。終直隸寶坻令。甲英任湖廣武岡州同知。起綸子王誠中。乾隆已卯北榜副車。餘並名列表。專叙宦蹟。用詳用簡。此中具有史法。起結歸美。主知所見者大起得莊結得逸。吸吸乎登昌黎之堂而濟其載矣。

雲溪文集卷一

卷一

樊溪文集 目錄

宜興儲章文越漁氏著

同邑 潘永季絮菴氏

門人程微榮受初編次

任道南邵周氏

男

樵汜莧校字

卷之二

傳 行狀

史贈公傳

孫介石先生傳

邢致寧先生傳

目錄

成都別駕項公傳

通政副使陳公傳

巴縣令王君暨門傳

觀察朱公紀堂傳

吳光祿公傳

張孝廉傳

吳君文錫小傳

程晴川傳

徐山吾兄傳

雪萍蔣先生傳

文學吳君傳

吳君書聯小傳

內兄顧品瞻傳

孝忠吳翁家傳

烈士陳毅齋傳

陳君鳳書傳

任約亭先生傳

孝義節婦洪汪氏傳

代

目錄

汪貞女傳

朱女葉苗小傳

徐室顧孺人傳

方伯李公行狀

史贈公傳

贈公諱孫通字志梁別號蓬菴姓史氏史氏之先有累世  
太常卿號王池先生者最焯著當明神宗朝居言路條辨  
三王並封抵柱太倉相儲位訖定退而與無錫顧端文公  
黃講於東林書院稱理學名臣公其五世家孫也太常里  
第在城南通真觀巷登樓可望南屏諸山旁構室三楹泰  
三代封翁神主而遺命位已主於中堂別撥田若干畝爲  
享祀費俾嫡長子孫世司之傳至於公四世矣公恪守先  
型剛有矢墜因以其間整祠規勸家課歲時合食彬彬禮  
讓以宗子主持宗政者數十年公天姿聰穎八九歲已徧  
讀經史諸書十六遊庠旋晉增廣文思敏速握管立成雖  
一試弗獲售卒老諸生中邑中推論史氏能文者必爲  
公首屈一指然公雅不謝辭章之學獨深湛理學書反覆  
研尋至老彌篤而亦不屑覩爲迂儒其詔諸子曰儒非整  
容矩步之謂生平誦習孔孟程朱書能隨時隨處身體而  
力行之斯爲已論者謂無忝太常家法云公涉世早又嘗  
南游八閩往還酬酢不下千百人顧獨與先君子交莫逆  
委重之以婚姻先君子性脫落不問家人生產公則綜理

雲溪文集卷二

一

雲溪文集卷二

二

周密竹頭本皆位置得宜先君子族光匪影戶外事掩  
耳不願聞而公遇公正必發憤雖觸當事怒不少攝至於  
胸懷坦蕩脫俗緣則有昭合無間者以故旬日不見輒  
相思花晨月夕尊酒過從談諧酣適余小子偕公哲嗣南  
如次如時獲追隨杖履陪奉笑言以爲一時之盛今公下  
世近二十年先君子捐館舍亦十有二年矣緬懷二老風  
流不可復作吁其可悲感也夫公晚得中風疾纏綿床第  
者屢年竟不起享年六十有七以伯子甫如君貴兩膺封  
典贈如其官抑明公少遭家難姻黨多爲不平公處之夷  
然晚而與弟孝廉君白首相歡無纖毫芥蒂斯可以媿世  
之不令而交痛者矣余并書之以賜其子孫焉  
情至之文 紫菴

姓名世系下插入太常里第兩行似屬闕文實有深意  
俾鵲巢鳩據之徒無可藉口史法所謂微而彰也 邵周

孫介石先生傳

茂材孫先生諱元龍字玉甲號介石系出邑東北之嚴庄里其徙於城也居爛田孫氏自晚岳公第前明甲戌進士既而先生考雲門公繼之公尤以能文章名先大父在陸公目爲畏友妣儲孺人先高叔祖廉使公女孫於余爲祖姑母先生娶於盧復爲余從母重姻疊戚三世於茲矣先生生而穎慧六齡就塾日能記誦毛詩數十章比長從先大父遊假楊草堂漫十載於先大父所評經史古文舉爲枕秘或他生有別本必借觀楷錄集成一編斯夕研味不

雲溪文集卷二

少閒爲文縝密如其人先大父心賞之嘗曰余聞生徒來矣未有專勤嗜學恪守師傳如孫氏甥者其嗣雲間姊丈而興乎年十八補郡諸生是年應承宣試卽膺首薦嗣後起鎖闈者十有三多薦而不售云先生性行淳篤事南尊人盡孝終鮮兄弟同產惟姊妹二人姊適徐早夭所遺子安後母或虐使之先生亟攜歸撫誨迨已出訖克成立俾另有室父有家妹字周周饒於貧而早失怙恃族從多耽耽視者先生不避嫌怨納其田產於邑用籍中代爲經理閱十載度其能自立也乃悉舉所有歸之雲門公未仕而

歿貲產本不豐先生早枋家政讀書著文之暇綜理有方

業駿起然好行其德時以賑貧急難爲心嘗買潘氏田數十畝杜絕有年矣後其子遵官糧不勝追比之苦先生聞之惻然曰彼亦舊家子忍使其血肉狼藉公庭耶以增價爲名如數代納復釋歸實則價浮於田且不啻倍徙也嗚呼卽此一端其仁心爲質可徵已先生視先君子纔少長一歲以中表行兼邢譚之戚又通門世好相親愛如弟兄試暨陽試白下偕行以十數先君子性脫畧雅不矜簿牘錄兩事一切塗次車船之雇直邸中薪米之料量先生適

雲溪文集卷二

獨任之不以煩先君子屈試期攜筆硯入校場而已家居值時節或花晨月夕輒治精饌出家醢遍召賓朋以相樂首必及先君子次則蓬菴史丈暨先從叔怡叟翁三老者皆棄於飲而先生量僅勝合許顧竟日酬酢無倦容必極驪乃罷余小子自勝衣以還往往則末座陪奉笑言竊幸典型之在望今先生捐館舍將三十年先君子棄養亦已二十一年緬想昔遊宛同隔世而掌亦日薄暉暉朝夕視蔭已矣豈不悲哉先生享年七十有四配吾從母人副室沈孺人俱有婦德從母先先生卒沈年踰八十令尚

存子一人祖脩六館高材生

論曰余歸自蜀十年邑中著作手涓殆盡以犬馬齒加長又承草堂餘蔭謂當畧有所聞戚友間多以不朽相託獨未及傳先生心常歉然每爲上舍弟言之恐旦暮不測而抱恨於無窮也今年孫氏重修族譜急草此以償宿願竊念先生一老諸生聲名不出鄉國而其生平好學工文敦倫砥行之實有不可得而沒者余亦擬所聞見書之不敢爲過情之舉後有樂發潛德者尙以余言爲信而有微也夫

雲溪文集卷二

五

此與前篇皆傳其父執之文本孝愛之情深存沒之感撫今追昔黯然魂銷以武歐陽則真歐陽矣彼歐陽而真勝於傲柳而假傲守唐北宋而真勝於傲史漢而假願知文者辨之

卷

邢致寧先生傳

先生諱遠字致寧姓邢氏上世山左人明季遷三韓父龍泉公僑饒大畧徙揚治鹽筴其族姓留居饒故先生爲揚之儀徵人先生側宰子生數歲而孤無以自贍從伯兄以居年十餘猶未知學既而發憤讀書稍通四子書及朱氏詩傳便把筆爲文章往往有驚人語興化孫斗文似百兩先生一見異之盡授以爲文要訣先生亦虛懷請益早夜砥礪越數年學業大成受知陽城張公拔補邑博士弟子嗣後餬口筆耕益自刻苦斬得富於棘闥之役年踰

雲溪文集卷二

六

六十猶提筆研借諸少雋踰躡舉場文高命蹇迄無知遇遂以諸生老云先生純明篤實君子也事母至孝雖貧士生盡養喪葬盡誠生平一言一動必依禮法凡暗室所爲無不可對人言者外和而內介接物煦煦然不可以非義于與人交坦白無城府朋友有纖毫之善獎借不容口及見過必正色相規而詞氣惻然務使其人爲可受以故出之賢者樂親之卽有譎張爲幻者一遇先生不自知機心之何以去也爲人師寬嚴得中循循善誘尤謂士先器識而後文執恒以身示則納諸規矩中遊其門者文與行胥

克有立晚歲富貴家爭先延致後至者輒惘然其爲時所推重若此先生形體豐碩食量兼人飲酒至七八升不亂而性故冲淡度一歲脩脯所入足供餽粥具衣履此外卽泊然無求遇佳風日借二三同志徘徊好花幽竹間或携杖頭錢入市沽村醪流連盡醉醉後吟小詩詩不求工適志而已見者每嘆爲羲皇上人余年二十七始遊儀徵及見諸邢氏尚多鮮衣怒馬徵逐間巷俊豪舉相矜大者以先生困守括帙頗目笑存之頃年來諸邢漸就衰落而先生奮起孤童于修身積學數十年名立行成卓然爲國所矜式長君維信克守家學稱名諸生諸子牽車四出類能資所入以佐晨昏甘脆先生自中年後向平之累粗具構茅屋數楹顏曰居易一觴一咏陶然其中至今僕之人稱文學世家必屈指先生父子此可見豐粹靡常而天之報施善人良不爽也由此言之先生雖不獲掛名甲乙榜雅可無憾先生生於康熙戊申卒於乾隆壬戌春秋七十有五配吳孺人食貧茹苦中襄齊德先生卒于四人繼信邑庠生志泰入國學維絕承承孫八人曾孫二人方歲癸巳余始識先生於白下其後同館儀之洪氏楊之程氏

其晨夕者踰二十年先生獎其微長而勸勉以所不及辱與爲忘年交而余之以師事先生固已久矣年來疊遭閔凶心骨摧絕來揚未一月而先生之訃又儼然在側焉人聚之痛曷其有極承長君命不敢以讀禮辭謹撰次大畧如右後之樂發潛德者或有取於斯文

老儒也亦達士也非此不足傳真 邵周

成都別駕項公傳

公姓項氏諱士鉉字欽武別號慈菴先世江南歙人明末北遷今爲直隸南宮人祖文學旭陽公父端生公並砥名行翕然負長者稱兩世教讀所成就生徒最夥以公貴胄贈如其官公以國子生效力議叙得州司馬揀發粵西歷辦廠務補萬承州土同知未行攝庫大使事調奉議州掌印判官擢四川成都府通判攝府篆者三州篆者一陪承德郎乾隆庚午卒於官春秋六十有一卒之日自大吏以至寅僚咸哀悼贈賻士民聞之多嘆思泣下者公軀幹偉

雲溪文集卷二

九

然僥大畧質直敢言洞中窾會尤持廉一介不苟取其勤於吏治爲民興除若饑渴之於飲食也以故所至具著聲績既去彌復見思奉議地極邊轄三土司無正官以倖行牧事公始至咨民疾苦革供應之派諸里下者遞送役夫之撥及婦女者勒碑永禁民困始甦又念州初改設規模荒陋無以肅觀瞻相厥廢墜次第修舉其人者建文廟立義學置恒產以贖生徒力請附鎮安府試得歲補博士弟子於是彬彬多文學之風矣某土司饋布縛兩如一發之金也亟還之亦不發其私以沾沾田州土官岑富而好禮

雲溪文集卷二

十

公結以恩信終任弗納一錢饋遺比赴蜀奉贖二百金公笑謝曰爾以我爲利爾賁耶爾爾何俟今日且何以與爾相安至今日岑大感泣率子弟拿舟送數十里州人亦空邑遠送望塵弗及哭失聲成都省會地五方雜處彈壓爲難公司督捕鋤姦術良數年來無鳴吠之警方邪教之熾也禍發滇黔流氛入蜀有潛伏省城謀劫獄者公密詞捕獲渠魁二人置重法餘黨駭散居民安堵繫公之功而署雅州時寢兵一議有功於蜀人尤鉅是時西南夷或自相攻擊都統慮爲邊患移檄請兵嚴裝有日矣公密稟撫軍謂夷與夷爭中國之利即防其侵軼謹守要害足矣彼未犯順我出何名邊警一聞後患叵測非但勞師費財已也撫軍然公言寢兵不發中外帖然及征曲曲島公仍進安撫之策而制府方銳意用兵弗聽後亦旋悔卒用撫如公言嗚呼古王者之治夷狄來不距去不迫而已周得中策漢得下策秦爲無策如公卓識老謀當求之三代以上詎與夫貪功樂禍以危事爲僥倖之徒同乎哉卯辰間有金川之役民間以夫米故告訐紛紜公四出查勘勸慰百方事克就緒旣而禁旅進討公再署保寧供頓以將兵獲



過行而民用不擾已已存小醜歸誠公解番民赴闕往返  
八閱月猶始萌生訖至不起賢勞孰掌竟以喪歸可哀也  
已公內行淳脩事繼母盡孝待族姻有恩同僚客死經紀  
其喪頃囊助之弗少各行述所紀頗詳而余撮舉其大者  
蓋深惜公有經方致遠之才而官止任別駕年甫逾六旬  
曾弗克究其用也余前官蜀嘗受公一日之知故不揣龕  
陋而爲之傳

瘞兵一議所關最大蓋亦有感而特傳之 繫卷

通政副使陳公傳

通政公諱履平字勉夫別號坦齋姓陳氏其先世爲江南  
宜興人自厥考出贅中州依倚外氏遂隸籍焉今爲河南  
商邱人曾祖于廷前明左都御史贈少保謚端毅立朝本  
宋具著史書祖貞慧高材生力護東林領袖復社當時所  
稱四公子之一以處士名滿江東者也考宗石壯悔堂愛  
婿嘗宰直隸之安平奏最內陞計部以廉勤稱公其仲子  
也公天賦異稟好學工文章與伯兄參藩公塤篋遞奏參  
藩公由辛卯舉廉選入南曹擢西臺侍御出爲方面官通  
顯矣公入仕不由科目而爵秩過之初以佐營田水利勞  
授吏部驗封司正即用薦調文選特簡廣東道監察御史  
巡視西城改工科給事中轉刑科掌印並兼知選事如故  
今上卽位陞翰林院四譯館太常寺少卿再陞通政司  
副使前後所歷官皆極清華之選非甲榜不可得而公才  
稱其位起家進士者百媿嘆爲弗如公之効力營田也高  
安相朱文端公實德憑之先是參藩公官京師公隨行一  
切贊其贊畫因徧交當代名公卿若湯少宰西崖孫廷尉  
子未劉司成艾堂皆折輩行稱莫逆而高安相尤器重公

諗之曰。如子之才。當以科名顯。雖然。亦何必科名。苟奮身有路。早得爲國家宣力之臣。不差愈於踟躕省門。任顛倒於冬烘頭腦者耶。時方營田畿輔。高安相亟以公名上奉旨。侍怡賢親王行。是爲公拜獻之始。而公所至。相度土性。地形。悉心經理。於不可成者。力沮之。終念南北異勢。古今異宜。膠柱刻舟。得不償失。善爲國者。多一事。不如省一事。密啟高安相。高安相感其言。訖奏請停止。嗚呼。此可見公之深識遠慮。迥異於喜事邀功之徒已。其居邸署也。選曹爲銓衡總匯。案牘山積。姦胥蠹吏。多穴窟其中。公莅司。亟以清釐爲已任。自矢曰。阮咸之清真寡欲。王僧綽之究識流品。彼何人哉。某雖不才。敢不體此意。殫精密察。嚴立科條。吏胥無所上下其手。一時有吏部清天之目。謂可方前明陸公光祖云。自是游陟臺省。仍枋銓政者七年。天子重倚公。公彌自勵。山右巨商。輦重貲營銓注。公堅拒之。復屬要人代請。堅拒如初。其不爲利誘。不爲勢怵。若此。當巡視時力。効滿御史之不法者。或謂其人多與援未易撼。公曰。吾居言路。知言所當言而已。禍福之來。於我何有哉。訖奉俞旨。罪其人臺綱爲之一振。凡門館卿黨。通進銀臺。

雲溪文集卷二

主

司已謝言責。而公撻桂之性。始終不渝。御史某。糾兩廣督臣某。沒利不法。下廷議。多左袒督臣者。公獨偕同官六人抗疏。是御史言。遂書兩議以上。都人噴噴稱七賢。然則公以一上舍生。受聖天子非常特達之知。不立黨援。不避嫌怨。願盡節死官下者。豈偶然哉。顧公性至孝。色養太夫人於京邸。弗忍辱刻離在部曹。推陞郡守者。再在垣中。推陞觀察使者。亦再並以母老不能涉遠辭。天子亦鑒其誠。弗罪也。迨太夫人以天年終。而公乃淡于宦情。不再出矣。論者謂公有公輔才。弗獲竟其用。惜哉。公之以艱歸也。年甫踰強仕服。闕都中僚友。屢郵書勸駕。公婉謝之。由是與伯兄參藩公晨夕一堂。講天倫之樂。或討論文史。或品騷法書名畫。清樽相對。怡怡愉愉。春秋佳日。則邀二三舊好。出遊登廣武上繁臺。往來具茨靈源諸名勝間。斗笠芒鞋。儻然物外。見者莫知其爲貴人也。少故耽吟咏。至是端居多暇。益肆力焉。長篇短什。鏘鳴金石。其論詩以北地信陽爲宗。力闢竟陵虞山。及近時盜襲新城之失。又謂李或難摹。何差易學。擬重刊大復山人集。詳加評騭。爲後學津梁。惜書未成。而卒。然公之造詣。亦大畧可想見矣。今夫君

雲溪文集卷二

主

子之道或出或處出則砥節首公處則鼓吹風雅合之雙  
美余所見惟公一人昔端毅公以吏部侍郎佐趙忠毅公  
趙公歸兼攝部事魏瑄遣南樂相囑用其私人漫弗應及  
再起而爭御史杖指揮事議三上三却天下以公一再削  
官無不知有陳少保者今公之爲選郎爲臺諫爲納言清  
操勁節庶幾似之處士公文采風流主盟壇坫嘗與雪苑  
侯氏反覆論詩確宗何李用佑敢我後人其伯子迎陵先  
生遂以鴻筆麗藻橫絕一世迄今承學士無不知有定生  
處士者今公之林居十年出風入雅又實克踵之語曰公  
慚卿卿慚長昔人于太邱氏不無遺憾如公者信所稱三  
世無慚者與公雖隸籍中州不忘故土銅官兩湖之勝寥  
寐見之於里中特功疆近每歲問遺不絕爲諸子擇師多  
延請其家者宿齋香不出一門迎陵後嗣寢不振至去其  
毫村里第往依公公爲謀入籍遊庠食餼成立家室易簣  
時猶命子廉亟斂百金分贈諸從兄爲遺念此又公之施  
政于家以衍先澤於靡垠者也嗚呼可傳也已公亡後方  
伯彭公爲之銘少宗伯沈公表其墓而余兄畫山魏侍郎  
劉太史逮公存日各有贈言皆足表揚盛美用垂不朽嗣

君濂以家傳未立屬余續成之余家與陳氏世有姻連而  
生平景仰公兄弟者爲日滋久妄敢以固陋無文之辭詮  
次樂畧如右其生卒配嗣詳志表中者不復書  
長江大河渾灝流轉其中島嶼邱壑游歷不盡固是大  
觀邵周

巴縣令王君暨門傳

年又王先生謙忠武字珍序號暨門世居邑西之祥坪里  
編修部庠生以伯子斗樞貴誥贈奉直大夫考明廷邑庠  
生以先生貴勅贈文林郎郎縣知縣姚湯氏贈孀人袁林  
公續學工文砥行雖連蹇不遇際望商一特或傳其叔而  
為學掌人問善惡薄亦理有宜然昔本川轉文為機傳論  
之歸矣先生生而穎慧書過目成誦自少及長稟賦家學  
引正艾解壯歲受知海寧楊公補松郡庠弟子再就南陽  
不勝稷被北征丁酉假術監獄中京兆試武第七名府署

雲溪文集卷二

七

秋適四十桑甲辰循例挑舉入知縣班給咨引覓發邊省  
用得雲南初授雖次令以能調會澤會澤者東川府之附  
郭邑也東川故屬四川土府與烏蒙祿氏鎮維龍氏壤相  
錯康熙中先入版圖雍正初雲貴督奏請改隸滇省并請  
改烏鎮二司之為土府者會澤不順命與兵討之旬月  
底定固自以為不世功矣爾數年大吏邀功生事而郡守  
鎮將復不善附術烏蒙乃以叛告寇氛駭駭及東川先生  
聞變即發民夫完城郭具餉糧為守禦計而制府亦亟發  
滇黔兵分道進勦黔兵自威寧入者將士用命戰比有功

滇兵自東川入則惡縮不前聲言必盡殺東川十三村通

賊夷民乃無患意在激之使變姑駐軍此間可解免於勦  
援之不力也于是夷民忿極蜂屯蟻聚相率而攻城矣當  
是時諸將弁共聚圍城中無有能出一籌發一矢者先生  
則承辦軍需焦勞旁午時時以忠義激勵其民度勢不可  
為懸繩於堂積薪于門期以一死殉幸而堅守浹月大兵  
至羣賊駭散官民相慶獲更生顧不夷先生之與烏東二  
守並遭白簡也吾郡楊文定公時在省聞而嘆曰烏蒙守  
封疆失事罪固當東川守會澤令不惜捐軀命力保危城

雲溪文集卷二

太

縱有罪亦當功過相抵不賞其守城之功而反責以糜餉  
之罪其若公論何為扼腕者久之嗣後先生留滯會城晨  
夕從文定公游益講明性命之學公亦嘉曉得解人引為  
忘年忘分交也凡旅居薪米及清償虧項皆賴公手援力  
三載乃得歸歸而無屋可居無田可食其艱窘更倍諸生  
時矣今上初元文定公膺特召晉大宗伯奉旨保舉  
賢員公首以先生名上再引見以原銜發往四川於時同  
發者四人並稱其村守兼優堪作百城標準視他起廢尤  
屬異數云先生抵蜀莅郫縣三年循聲載道分校戊午鄉

聞所取皆能文士今編修晏君培其一人顧郾小邑事簡  
民淳上憲譚不足展先生才特調繁重慶之巴縣巴爲蜀  
東都會水陸要衝冠蓋往來不絕又地大物衆五方雜  
處案牘滋繁蒞斯土者往往日不遑食夜不安寢而先生  
處之裕如遇過賓有常儀雖犬僚至無加禮其爲治一切  
與之休息務以德讓相先民間訟訟亦自此少衰矣然聽  
斷精明周知情僞若燭照嘗因公赴省代理者捕得盜六  
人業訊供因諸生先生歸一訊察其寃立予開釋吏以主  
名未得請徐之先生曰岸獄何地忍使無辜久縶此中耶

雲溪文集卷二

九

後果購獲真盜如其數遠近奇驚嘆爲神君乙丑先生年  
近七十引懸車之義致政歸始克買宅一區爲終老地自  
是杜門課子祇以卷軸自娛不數載而分賠之檄又至矣  
往者滇南銅運取道蜀江水次州縣例爲出結有舡價並  
無浮言語雖承運官所領不無餘潤已屬數十年成例相  
沿無自我作梗之理近日都議槩從核減運官償不足并  
波及出結官先生蒞巴三年計分賠項約二千金以上各  
憲稔知其家徒壁立也以無力上問蒙恩豁免而向所  
買宅一區者已輸諸官嘻抑甚矣然余觀先生浩浩落落

何不以得喪介懷挈家累於城西十五里僦茅屋以居閒  
步屨入城訪二三戚好從容談笑見者莫知其爲貴人亦  
莫知其爲七十愛思中人也平川丈傳文林公稱以有道  
之士先生其綽有父風者與余蒞少先生九年同譜後借  
館於揚大會於白門酣嬉淋漓極一時意氣之盛中間南  
轅北轍天各一方比年來先後解組歸往還頗數當先生  
少壯時豪于飲及是不過三爵舉杯徐引楊摧古今疊疊  
可聽余輩有疑必質焉有謀必就焉方私幸魯靈光之僅  
存而今且蔡有宿草矣豈不悲哉先生生於康熙戊午卒

雲溪文集卷二

三

於乾隆丙子享年七十有九配蔣孺人側室何孺人楊孺  
人張孺人胥有婦德初先生艱於子嗣入滇後連舉六子  
今存者四人孫男二人長君孝咸業以第一人入泮稱名  
諸生餘皆學有家法庶克慰先生于身後者

叙守城事特詳縷于賞罰之不公有深慨焉入蜀後記  
宦蹟謹嚴得史法 邵周

觀察紀堂朱公傳

欽紀堂朱公余年友也。公視余少長一歲。同領丁酉鄉荐。亦先後一名。旣而偕館真州。晨夕過從。賞析靡間。甲辰公成進士。以殿試高等。選入翰林。而余輟計偕之役。浸久。嗣後公數歷中外。余仍衣食奔走。消息不相聞。晚歲偶來宜。獲一晤于其家。編修世講所。旋別去。忽忽到今。又八九年矣。今年公游道山。計開爲位以哭。竊念數十年來。同譜同學。十不一二存。論譏其人之功德而表章之。繫後死者之責。屬編修代爲請傳。其敢以耄老不文辭。謹按行狀公姓

雲溪文集卷二

主

朱氏諱陵字紫岡。紀堂其號。別號石鼓山翁。又號花藥山人。官衡永游南岳後所自署也。先世與晦菴夫子同祖。十世祖杏城公始由休寧月潭遷歙之涪村里。遂世爲涪村人。王考贈中憲大夫贛州府知府元裕公。考封中憲大夫湖南兵備道蔚庭公。奕世載德。幽光未耀。乃丕顯于公之身。蔚庭公棄儒服。賈僑居吾常。元配洪太恭人。無出繼配。程太恭人暨王太恭人生四子。公行第二。江陰之西石橋。其始生地也。八齡喪母。哀毀如成人。年十二從領明侯先生游。先生每令公朗誦所讀書而已。臥聽之。屢起擊節曰。

吾觀子讀書。抑揚合調。逆知子文之于短長高下皆宜也。

一藝出諸同學。胥俯首。弱冠始歸應本邑試。冠軍者再。旋受知銅仁張公。拔置府庠。比古田余公錄科復第一。晉原縣自是聯翩直上。試草闢。一時能文名噪大江南北矣。公之在詞垣也。世宗皇帝方勵精圖治。留意人

材。擇庶常中之幹畧優長者。試以刑名總彙。故公未及散館。特擢刑部員外郎。兼辦現審司事。公定讞。準情酌理。允當上心。上又以盛京部務廢弛。遴漢司官十二人。前往辦理。公與焉。前後司冠洎京兆尹。如王公朝恩。黎公致

雲溪文集卷二

主

遠輩皆雅相器重。錄供主稿。多專屬公。諸同僚執筆署名而已。未幾擢禮部正郎。命以陞銜留任。闕三載。乃還補刑部。現審司郎中。考選改貴州道監察御史。公之入臺也。由靜海南湖勸公之。勸公飲以酒。語之曰。君今者出頭辦事矣。宜先自立主意。譬如案頭器皿。方者難動。圓者易傾。方者雖傾。不踰時。卽定圓者。一傾便傾。不知所止。此持身居官之明鑒也。公謹佩之。終身不敢忘。俄協理山東道。巡視北河。條陳漕務便宜三則。皆允行。予紀錄。壬子部院保送道府員引見。公在選。特授江西之贛州。自壬子迄辛

西館都符十載久于其職政又民安召父杜母之稱若出一口郡有濂溪書院院有池時值于午水溢舊痕分寸許公曰此靈秀區也捐俸倡修願以山靜泉清四大字就其中延師設課屆期公親臨之引諸生環列案前評定甲乙并授以爲文其談文風益振起焉贛富閭閻孔道設東西兩關以守兼攝公嚴禁吏役需索立法從寬商皆樂出其途課日裕每歲溢定額數千金歸諸公此亦公情於吏治之一端也中間惟採辦銅斤一事幾受虧空追賠之累公百方稱貸遣親信出重洋購補及舟還聞辦員思攘而有之公訴諸閩督得直閩督亦用此知公後移節兩江爰有該府歷練老成循聲慕著之獎辛酉春循例陛見奏對之下兼陳辦銅類未脩蒙 溫諭 聖眷有加公紀恩云寬大更蒙天一笑似憐盡瘁海門東紀其實也壬戌陞授吉南贛道贛爲公舊治地父老兒童趨迎馬首公與慰勞如家人莅任後凡到郡縣盤查必執戟抽封躬親稱較曰彼皆父母官也輕重其手權歸吏胥則百姓有藐視官長之心而一切不可爲矣公雖勤于案牘輒軒所經不廢吟弄每視守令才具長短贈以詩歌勸規並至癸亥春贛部

雲漢文集卷二

奎

院試日猝遇暴風文場覆壓死傷不下百數十人人情惻惻聚眾藉曉浸釀大變公業以溫言散遣復出示四門備述十年來矜全愛護之心及目前德薄召災之咎深慮爾等胸懷悲憤致滋事端死者不可復生生者且蹈于死爾迷不悟我則何安其詞則愴動人讀者皆爲流涕事獲寢其年六月奉中丞令相國桂林陳公札諭商買補倉穀事以捐監萬難足額擬於地丁項下平令納穀每石定價六錢未審可行與否公具覆疊疊千言大要謂銀穀兩輸其利益倉儲也宜行不必因部駁而不議行者如彼穀價隨時貴賤其定以六錢一石也有碍于行而必須斟酌以善其行者如此末更極言每年買補上下相騰之弊買穀必於本地派買必於富民資有餘濟不足政體本極光明正大何如明目張胆而昌言之俾知買者當買州縣不必情求賣者當賣富民無敢力抗從公交易吏胥不得因緣作姦如是而政體立矣持論周詳蓋爲陳公所賞嘆謂可方宣公翰苑集云其他書稟文移有關國計民生者甚夥不具書然皆公自屬草下筆有神未嘗向幕中人一假手也甲子丁封公艱丙寅服闋補授衡永道甫抵任而所屬中

雲漢文集卷二

奎

四邑報水災卽日驅車往勘且諭縣令曰。災黎嗷嗷。必待  
詳得請。然後放賑。時能枵腹以待。彼汲長孺何人哉。立  
提取帑銀。按戶口給散。民慶更生。是歲雖災。不害公賜也。  
方公查賑。行次耒陽。所乘竹輿扛忽折。公念曰。來風燎所  
致。是謂融風。而衡陽多架竹爲屋。尤可慮。亟飛札回屬。諭  
居民謹備。不虞傳諭未畢。而烟燄燭天。延燒且千戶。咸嘆  
公之愛民如子。料事如神焉。又嘗奉發資郴桂三州礦廠。  
徹底澄清。上憲皆咋舌曰。如此則歷任官。悉處賠累。不止  
一二人矣。公曰。知而不言。罪滋大。因指陳前人辦理錯悞。

雲溪文集卷二

五

處按之於例。實有不符。而推勘其情。尚非隱匿侵漁之比。  
據實以聞。訖奉部覆。如詳免議。而章程一定。後此亦得所  
遵循矣。戊辰。辰辰沉道。值金川不靖。調南省兵會剿。取道  
湖南。夫馬錫糧。翼書旁午。制撫知公才。命總理其事。區處  
悉當。閩境晏如。庚午。暑泉篆。於秋審多所平反。報部無駁。  
改者。辛未。丁繼母王太恭人艱。回籍。比乙亥。公春秋六十  
有八矣。自念三十年來。典郡參藩。受恩深重。一息尚在。何  
敢偷安。仍假裝赴補。不幸長君暴亡。中途示夢曰。大人盍  
歸乎。公驚悼。決計還轅。不復出自此優游林下者。又十餘

年。公孝友性成。當館賓州日。世父漢馭公抱病江外。卽辭  
館歸。抵蘇。病劇。整萬延醫。衣不解帶者累月。訖不起。封  
公更以胤嗣質弱爲憂。公禱于神。願戒已年。以益兄算。洪  
程兩太恭人。祿養弗逮。封公及王大恭人之變。俱未獲親  
視飯舍。公心恫焉。每值歲祀。輒捧奠長號。見者莫不泣下。  
朱氏族大丁繁。譜牒久不輯。日遠日忘。將相視如途人。急  
商諸族叔之居宜者。編修公父于自十六世以下。次第編  
纂。校刊成書。至乙亥秋。告竣。公喜曰。吾願畢矣。公爲人和  
平。厚重望之。巋然卽之。萬然生乎。無他嗜好。惟以讀書著

雲溪文集卷二

六

文爲性命所著。有綠滿山房詩古文詞四卷。時文四卷。歸  
田後。猶爲子若孫改定。課文一字未安。沉思徹夜。有不寐  
集如千篇。自題斷句云。他年倦讀三秋雨。念我推敲五夜  
風。風致可想。村帖報賽。及族姻凶慶。來求詩文。聯屬者踵  
相接。隨手應酬。未始一拂其意。而典雅工切。遠近竇之如  
拱璧然。居家食不重味。衣履布素。一如諸生時。每日游息  
門庭。喜招賁販來前。話桑麻。訪里中瑣屑事。一日與賁樂  
翁坐語良久。翁曰。君家有官方面者。爲誰。公微笑。翁大驚。  
曰。君其是耶。吾每見富家翁。多收百斛米。卽不免樹立崖



岸君乃能如是乎因嘆息而去客歲公壽登八旬親朋將製錦稱祝固謝曰某莅官數十載從不以生長語人人亦絕無知者贛州士民姑以四月初八佛誕日扶老攜幼膜拜佛寺中爲使君壽今老矣敢失本來面目乎蓋其高致若此嗟乎易稱君子之道不外出處兩端如公者初以文學成名繼以賢勞奏績終以耆年碩德模楷鄉邦揆諸古人出處之宜難并美具斯可稱當代之完人也已公卒於乾隆戊子距生於康熙戊辰享年八十有一歲由賜進士出身仕至分巡辰永沅靖兵備道署湖南按察司使誥

雲溪文集卷二

主

授中憲大夫配吳恭人有婦德先公十年卒其子女孫曾並詳家牒中不贅

朱公循吏也始終一文人也捭次寫去詳畧得宜其中

時露警色 邵周

吳光祿公傳 井序

吳公南溪裴開八十吾輩將撰傳尊詞舉古憲老乞言禮公郵書止之而以異時誌銘爲囑此陶徵士白少傅之高風也顧予何人敢膺斯任况公後祿未艾胡遽作不祥之言惟念古人固有身速存而立傳者如韓于何藉柳于宋清蘇于方山子例差可做而公與余少壯同學知公者莫如余及登仕版爲名郎官爲名臺諫出爲名監司入爲名師傅登荷 聖天子非常特達之知訖今歸老林泉恩禮弗替是不可以無述也爰詮次大畧

雲溪文集卷二

主

歸諸公備採擇焉其傳曰

公姓吳氏名煒字觀揚唐左臺先生苗裔世居歙之溪南里因署號南溪曾祖中明前萬歷進士累官戶部侍郎贈尚書祖尚選父文玉皆高材生以公貴一貲贈奉議大夫一誥贈奉政大夫前母孫氏母孫氏胥贈太宜人奉政公六子公其季賦性誠篤慷慨饒大畧生平恒以范文正公司馬溫公自期待八齡失怙太宜人勤撫誨之比年十四從其伯兄諸臣仲兄寧蒼兩先生偕兄子又阜來宜就學初師事家九峰樓諸兄泊郁丈南阜既復師事先君子時

先大父在陸公尙無恙。公與問緒論。攻苦倍經。學與文口益進。先大父先君子雅器重之。弱冠游浙庠。康熙庚子登賢書。越雍正庚戌。偕兄子編修翼堂同成進士。翼堂以少年館選。而公由青陽吳文簡公襄保舉入部。曹初試工部。屯田營繕二司。繼實授都水司主事。今上初元。陞員外郎。等陞郎中。久之。擢監察御史。轉工科給事中。出臨方面。一再任口北道。召入上書房。補光祿寺少卿。年鄰七十。致仕歸。此公歷官之始末也。公在水部十三年。滋職勤敏。當官而行。一以直道自矢。初總部務者。爲和碩果毅親王雅

雲溪文集卷二

走

清漆鑑。嘗語屬僚曰。諸曹郎多蒙蔽。詭隨惟吳司官守正不阿。有大臣端。栗概余初以爲迂。與共事久。乃知其不可及。由是公聲名播京輦矣。及晉正郎。應詔言事。思悉出其胸中所蘊蓄。見諸施行。首疏論選法。謂衝繁疲難之缺。宜歸銓部。量才酌用。勿聽督撫保題。廢巧宦者。無所用其鑽營。行缺者。不至苦於壅滯。又論積貯法。名爲利民。而以各處採買。致設價翔貴。實爲民害。急宜停止。且請出倉儲所積散諸民間。其被災放賑州縣。代米以銀。亦可免小民奔走就食。坐荒本業之苦。所言切中利病。雖有用。有不盡用。

事後見思。上知公忠直。可大任。自此始在臺垣任耳目之寄。意氣益發舒。廷臣或以國用不足。爲言公發憤爭之。歷陳古今言利之弊。輒數千言。俞旨嘉納。布告中外。一時咸謂。主聖臣直。三代下不易觀。其文亦爲本朝第一奏疏云。公感。上知遇。知無不言。彈劾不問權貴。嘗以假歸。往返道經淮揚。見河流衝決。卽疏奏河臣某舉動乖舛。所任非人。又以九卿保舉御史員。不稱馬周陽城之選。特參禮部尙書都御史某等。某某皆。上平時所委任者也。當是時。公直聲震天下。他如區處流民。疏科場事宜。疏皆

雲溪文集卷二

走

上關國體。下協輿情。丰骨稜稜。不媿真諫議。其例轉口北道也。上面諭爾在部辦事好。爲科道條奏亦好。恐京員不足。展爾長。特試以民事。非朕疎遠言官也。又。諭地方倘遇災荒。宜留心愛民。聖意勤倦。開懷告語。此足規上之知公深倚公特重矣。先是口北所與民爭渠。訐訟十年。不決。公抵任。爲相度地形。授意縣令。別買地開民渠。俾兩不相碍。爭端永息。而賑荒先發後聞一事。尤見公卓識毅力焉。十年秋。宜府大荒。饑民嗷嗷。而。鑾輿巡幸之期。孔迫。公亟召宣守。命先期普賑一月。守以未及詳請難之。

公正色曰。若候詳允方行。且半填溝壑。駕臨在邇。可使  
 鳩鵲情形哀籲於。至尊左右乎。汲長孺何人哉。聖明寬  
 大。決無誅責。倘有不測。僕自執其咎。乃決計行之。且賑數  
 加厚。饑民莫安。而制府果以專擅為公罪。比。駕到。謝恩  
 者。歡聲如雷。上大悅。問誰為此者。或以大吏對。督鹽撫  
 皆蒙嘉獎。獨不及公。然公亦獲免分貶之累矣。又是年。都  
 城黑豆。騰貴。廷議運宣府倉儲至京。公曰。黑豆雖微。物留  
 在宣。可資賑荒之助。運至京。徒多舉挽之勞。斷不可。大吏  
 懼不敢奏。值。上回鑾。召見公。詢及地方災荒後情。狀。公

處。巡查。責在旅員。非內地所轄。經理藩院具奏在案。公默  
 不置辨。以微罪行而已。上終眷念公。中防聖臣。有謝濟  
 世李慎修吳燁等。負一時之名。自處亦復不苟等論。即於  
 是年冬。以雁平道起用。未上。改河東鹽運使。公迂道至京。  
 請訓旋奉。旨。北口係邊陲重地。吳某在彼久熟諸事宜。  
 可仍之。原任公。于是再莅宣府。云。時方亢旱。入境得雨。人  
 咸異之多。倫諾爾。控接蒙古。數百里無人烟。雍正中。設多  
 倫。招徠商賈。近且輻輳。兼設舖遞。為往來文移解犯解  
 餉棲息之地。行旅亦便之。時理藩院請增畜產房屋等稅。  
 并議拆毀舖遞。商旅驚惶。公未及下車。叱馭過往。用溫言  
 撫之。即於途中具稟千言。剖析利害。極明切。制府以聞。  
 詔從其議。又具陳桑間河上游。必不可開。河堡之玲瓏壩。  
 必不可築。胥合機宜。事訖。寢。再任一年。利益興弊悉除。有  
 德於民。滋鉅。而性棘棘。不肯阿合。苟容。猶曩日也。其秋。迎  
 駕口外。見。上。奏對良久。因及十年賑饑事。其顛末始獲  
 上聞。上稱善者再。尋改調克沂曹道。中途得。旨。以京  
 堂官用上書房行走侍。皇子讀書。既至。踰月。補光祿寺  
 少卿缺。上嘗召問教法。何如。回奏。帝王家教法。與士庶

家迥然不同士庶家無過講解義理而已帝王家須兼理與事說俾隨時隨處實體之身心方為有益上深是其言故公在講席必肅容正志細譯文義援據古今其有關理亂者言之倍悚然動聽屢賜貂皮克食等物洎御書福字不可勝計自十六年供職至二十年四閱寒暑偶抱微恙始上章乞休上亦憐公髮齒就衰獲允二十二年上南巡公迎駕淮北從至杭恩旨慰問兩年雖高精神還好公跪謝云犬馬戀主情深奈兩足藉人扶行難以報効上首肯拜御書文綺之賜二十六年入都祝皇太后萬壽上召入見至乾清門足蹣跚跪不能起內侍轉奏免蒙皇太后恩賞優渥且請得御書程朱祠扁額以歸然則公邀主眷至老不衰不啻家人父子君臣相得如此即求之古史紀傳中詎可多得公天性孝友為文章深厚爾雅直追嘉隆大家雍正乙卯主山西鄉試乾隆丙辰分校禮部試得士胥一時之望既投老歸林應郡守聘掌紫陽書院教士風益振居鄉惟德施是務凡修建釐剔諸大事皆以身率先鄉人德之所著四書文及奏疏稿久行世古文若干卷埃刊

雲溪文集卷二

書

論曰余少時偕公草堂肄業壯歲偕館儀揚聚首頗久互相期許自謂頗不後公及公通籍蹇蹇謬謬言人所不敢言詎料書生中乃有此其後敬歷中外朝無與援獨結主知始終恩榮極人生遭際之盛而予早報計偕晚投世網憶乙丑冬遇公於京師公勗之曰外吏難為下僚尤甚盍留京就試掇元魁啜香茗是君家故物何乃戀戀五斗米遽爾折腰為余方志迫為貧弗聽臨別復為余脂車比入蜀艱苦備嘗乃益嘆公之愛我厚也余少公二年出蜀後潦倒彌甚以視公宦成名立壽考康寧子姓方蒸蒸鵲起相懸奚翅霄壤雖命實為之亦其素所樹立者使然哉余抑聞公官工部時錢局方興大獄詞連及公有爐頭王某當廷鞠大言曰吳清官從不受人一錢何敢污鹹至一再任口北去任日行李蕭然見者胥為嘆息嗚呼惟廉故直惟清故正剛大之氣本於無私此可得公之梗槩矣敘議相間神采奕然非熟精左馬韓歐諸家詎易辦此○寫吳公丰采遭遇建白治行一一歷心而直道忤時隱然言下莫史家手眼邵周

雲溪文集卷二

書

張孝廉傳

先生姓張氏諱嗣石奕高其字號雁雲前朝理學名臣繼曹文石公五世孫處士顯公公仲子生有異稟纔識之無授以書過目成誦處士公奇愛之命名示意曰此子其嗣我祖而興乎公家七葉單丁至先生始偕伯兄摺九先生墳麓協奏伯兄復才而天亡後一年先生乃以五經七藝補博士弟子員時年未盈弱冠也先生夙負神童稱至是益精研經史綜貫百家發爲文章渾渾光芒莫測渾渾然猶浮沉諸生中有年歷十六年始習廩膳又八年始中承

雲溪文集卷二

墓

宣司試式第二人其文可以元而不元殆與元字泗山兩公同恨夫久屈者必大伸竊意先生魁南省列祖傳簪筆承明潤色鴻業當發軔於此詎料坎珂抑塞僅以一孝廉終且死非其所哉嗚呼可悲也已先生性至孝七齡喪母哭踊如成人失恃後事處士公左右無方比授室史稱人賢且能佐之邑養家故貧奉觴必旨酒進饌必鼎肴公性所嗜市人或靳固居奇重值購之必得然後已至於廟諭辭濯罔弗躬親問病瘡伺煥寒中夜常數起及送其終也戚易兼至里中嘖嘖稱孝子孝婦云先隴迷失先生執

香長跪懇請業地者前業者哀其誠慨還舊壤其孝思足感動人如是及若公祠宗族之事以少年捐挂其間無少縮惠張宗數千指胥倚爲中流砥柱焉發解後不卽得當於南宮之役憚舟車跋涉往往淹留數年不歸索米艱難資館餐以代旅食先生善因材教育門下士一經指授多速飛以去而其師儼蹇自如當是時吾邑人官於朝者頗數率皆生平契好先生樂與數晨夕而一無所扳援其他諸公貴人苟非折節下交從未持半刺晉謁少宰蔣公最稱文字知已欲爲之地亦固辭嘗詔仲子侍側者曰學

雲溪文集卷二

墓

問無窮期務力諸已功名有定命當聽諸天汝曹無忘斯語然則先生窮老不遇職有由來而其丰骨稜稜亦槩可想見矣先生雖輕執性成友誼殊篤代爲謀必忠委以事始之終之弗避倅勸值死生急難繼繼有加焉當戚友貢明府之病京邸也勢瀕危諸暨束手先生親爲調劑晷刻不離床榻間歷數旬竟愈其於同年徐中翰同鄉吳太史家人亦然蓋先生於書無不讀天官地理無不通尤精岐黃家言特不屑以執術鳴耳一則愛其友一則推愛友之意以及其人故小試立效後萬檢討葆青開先生訃泫然

流涕曰。繼今以往。尙有聖於朋友之交。如厓雲兄者乎。問者皆以爲僞論。先生寓京師久。授徒而外。間出應學使聘。年及艾。嘗佐督學高公於安徽。搜剔阿育遺珠。甲乙不爽。銖黍同事。或媒孽之。嵩公察其誣。待先生益加禮。最後游蜀幕。而賓主多齟齬。遇抵觸禁網事。輒力爭。爭之不盡得。遂怏怏以卒。異日奔喪者至。忍於門外。麾之蓋亦嫌先生之素拂其意也。而麥舟之風。渺如首邱之望。幾絕傳先生者。能勿嘆息痛恨於斯人與。先生生於康熙甲戌。卒於乾隆戊辰。春秋五十有五。雍正壬子。江南鄉試。亞元。檢選知

雲溪文集卷二

表

縣配史孺人文學烈夫公之女。今太平司諭丙章君之胞妹。其母余再從姑也。爲中表兄妹行。孺人淑慎惠和。最爲父若母所鍾愛。歸於張事舅和夫。曲盡婦道。中年一哭其夫。再哭其子。遭逢不幸。彷彿與先生同。然以嫠恤緯二十餘年。教子胥有成。婚嫁胥畢。累攻苦食淡。恪守先人敝廬一區。瘠田數畝。不至弃基高朗。令終壽登大耋。斯可入劉中壘之編也。已子三人。長鎮。卽千偉。嗣世父後。北直諸生。次制。郡廩生。次釗。女一人。歸余幼子。孫男女若干人。傳孝廉而別存寄慨。所以風勵薄俗。邵周

吳君文錫小傳

老友吳君文錫。名同升。邑世家子。康熙辛丑翰林。諱端升。以制舉義高出一時者。其從父兄且所師事也。年十五。六來遊草堂。旋與余偕入麗社。能以其文頡頏於徐陳張史之間。顧嗜學不如其嗜酒。飲量亦兼人。自朝至哺。若弗可。晷刻離者。坐是半廢學。遇縣府督學試。率以醉筆應之。訖弗售。久之遂輟試。自此一意游於酒人矣。然家苦貧。勢不能不以傭書自活。君世家子。名人弟。又早承草堂緒論。聲望雅不後人。中年館新安。既復館邗上。修脯視里門有加。

雲溪文集卷二

表

焉。東道主皆賢所與往還。亦皆一見如舊識。蓋君雖抗顏賓席。天真爛如。當縱飲淋漓。不難傾吐。生平與交。以相咲樂。人見爲易與也。且信其忠實。無他腸也。以故尤親暱之。卽有從旁謠詠者。弗爲動。然君性故落拓。全不解簿牘錄兩事。客遊數十載。訖無能稍有所蓄。爲待老謀。比晚年。躋蜀淮陰。而風斯下矣。其自淮歸也。不幸喪偶。長媳先之。仲叔季三男繼之。叠遭死亡。至不保一椽之庇。今耄矣。姑假榻從甥家焉。日給之費。則半資諸子。三售好問。何以生抑。何以死。度文人晚景之窮。未有甚於君者。而君則懷浩浩。

落落自有生以來未嘗知憂未嘗知懼亦絕無憂懼事集  
於乃躬設有之不異浮雲蒼狗獨其所矧刻不可離者與  
爲終身焉而已昔劉伯倫荷酒及鍾自隨曰到處便可埋  
我君始雅有此風嗚呼其無懷氏之民耶其葛天氏之民  
耶此老於憂患中人所爲望塵而弗及也  
畧無迴護此爲傳真

程晴川傳

老友晴川程君諱惟烈字養泉晴川其號也程氏族望甲  
休歙由忠壯公而下同源分派者四十有八而君系出歙  
之臨河自其考一齋公僑寓真州理鹽筴旣乃定居揚郡  
城盛德長者之稱到今籍甚人口君生而岐嶷恢廓有大  
志長身玉立目光炯炯欲射人偶一吐音殷動墻屋以終  
鮮兄弟幼年十五六輟舉子業佐厥考治生顧不屑屑持  
籌握算事機類迅發能預決得失利鈍於未然事後驗之  
無杪忽真兼善用入棄我取之術業隆隆日益起雖少年

自所交大父行暨父行莫不推挹將有爲也必咨而後行  
三旬外利摩豪習更折節與諸名士游暇則抑首縱觀書  
史多所綜貫工行楷雅近二王尤酷嗜法書名畫及古尊  
彝銅玉器一見真贋瞭如過真者不惜重價購之摩挲不  
釋手入其室茗碗爐香位置迥別維揚多資鑒家要當爲  
君首屈一指云君自恨早歲輟業未遂顯揚其訓子尤肅  
先是白沙洪氏家塾歲必延二師一司講貫一司督課值  
節假則更迭往來寒暑罔輟余其一人也未幾其伯子今  
萊州太守東閣果聯登甲乙榜所刊韻香樓課藝紙貴一

時君聞而傲焉。長子微榮、次子微棠、胥穎慧，亟延余暨致寧那先生同塾。而居那故真州宿儒，與余相得無間。而君待余輩忠敬有加，凡所以代為謀者，無不至也。數年，二子業大就，棠未盈弱冠，先賦采芹，閱兩期，榮復以第一人入泮。而是年棠不幸短折，君僅存一子，將使代庀家政，進取志由是漸灰。然亦見勸于式殺者之累有成效已。君性本豪上，既而砥礪束修，一歸醇篤，規言矩行，無纖毫墨於過差。事親盡孝，忌日必哀，時節荐享必泣下。與配吳孺人白首相莊，因門雍肅，遇族姻恩禮備至，藉以舉養者不下數

雲溪文集卷二

望

十家其他廣行利濟盛德事未易一二數。非其友、不友，所與交終始如一。卽余驅車，棧藉君推挽之力為多。比年來閉門習靜，謝絕應酬，蒲團而壁類古尊宿，惟時按古方書製善藥，施人製藥之日，必沐浴齋戒，躬親煉治，餌之者往往立效。良由至誠所感而然。今年七月偶得微疾，考終疾革時，進藥命之曰：「吾去來清白，差可無憾於地下，而揚俗好議論，不樂成人之美，獨於君歿後踈戚無間言，嗚呼！此可得君之大概已。」君生於康熙辛未，卒於乾隆戊寅，享年六十有八。例貢生，今上南巡，恩加二級，賜頂帶。

配吳孺人有婦德，先十年卒。子二人，卽微榮、微棠，榮附貢生，棠邑庠生。早卒無子，以兄子規為之後。其婦方氏，守志。族姪女四人，胥適士族。孫男三人，孫女四人。余辱與君交垂四十年，君知余者，余亦自謂知君者。壬申，白蜀歸為老病所羈，未暇拿舟過訪，而君不我遐棄，音問頻煩，客歲寄小照索題，并囑親書幀首。余素不能書，覲顏應命，君旋以札謝。蓋吾兩人相知以心，雅不在區區筆墨工拙間也。今謝札猶在案頭，而君已不可復作，亦且奈之何哉！計聞為位以哭，遙祭以不文之辭，茲更據所見聞，詮次行畧，非敢

雲溪文集卷二

望

謂余文果足傳君也。凡以致其惻愴無窮之思云爾。始為豪士，繼為儒士，終托跡于方外士，遂層寫去歷落可觀。邵周



徐山吾兄傳

執友徐君山吾諱昆鏐山吾其字由郡庠入國學銓注州同知康熙乙酉孝廉舜琴公之伯子也君少負偉材恢廓有大志嘗學文於邑名宿文帥王先生隆吉黃先生悉得其傳壯歲受知江夏胡公補郡庠弟子穎脫鉅耀方謂取青紫如俯拾地芥試南闈不售襍被北征屢應京兆試仍不售而其伯子濠一試得之以爲貧故屈首選人得寧遠州倅宦途偃蹇亦未獲展其所欲爲君則由京師過走遼東西既復南走七閩倦游歸而髮齒亦垂垂老矣悲夫君

雲溪文集卷二

墓

性伉直意氣尤豪遇邑中公事慷慨論列別白是非無所撓屈當其酒酣耳熱甚至掀髯怒罵一吐其胸中所不平而其大指歸於急病而讓夷鋤強而扶弱或以勢怵之及以利啗之屹弗動不知者頗駭怪用是得狂髯名然君內行醇脩自孝廉公捐館後色養母夫人歷二十有四年最幼弟甫離襁褓中養之教之訖克成立及奉母命析產闔分嫡庶弟五人各極膏腴上買而擇其礎將者自歸一切門戶事仍獨爲拮据諸弟食租衣稅袖手仰成而已撫孤姪尤有恩喪葬以禮婚嫁以時皆藉君依助力晚歲力弗

際偶有入弗忍私蓋絕甘分少其素志然也篤念本源事

苟關祠宇祖塋不辭勞亦不避怨族亡賴千百爲羣盜斫庶子墳廬木勢洶洶無誰何君獨挺身出鳴諸官論如律松檟獲全及若文靖公義莊泝溪廟巷大小宗祠亦賴君侃侃持正議侵漁者漸知顧畏雖輩行稍後東海宗咸以中流砥柱推之及其亡也乃有秦無人之嘆然則君平日公正發憤或疑近于喜事者所爲又或以爲使氣難近豈知君履仁蹈義敦忠秉信實自其家庭宗族始哉於乎可傳也已君愛友朋若性命獨不能俯仰豪富人其心相知

雲溪文集卷二

墓

者則久而彌篤余與君少長裁一歲生同巷少同學長而燕游徵逐無往不與同惟中間南轅北轍踪跡稍闊踈項年來共株守里門過從尤數客冬予抱病君日省余臥榻間相慰也已而相憐雖骨肉一家無以過數日不至而君亦以病聞矣余亟以詩問之曰白眼看人無那老青山是處早知歸又曰何妨共攜手笑傲白雲中蓋期以偕首同歸顧不虞君之先我而逝也嗟乎哉黃公之墟未墟山陽之笛屢咽數月中方哭路君正分旋哭任君達可乃今又哭君焉此外研友僅存者惟張吳史三君景雲鍵關教授

文錫客淮上無家可歸南如非肩輿不能出門戶又所居  
頗遠今而後欲求一其晨夕相慰相憐之人胡可得耶憶  
君酒後嘗語余倘不幸早偃巨室當以不朽累兄本屬戲  
言竟成識語顯微闢幽固後死者之責余曷敢辭爰取其  
子澹之狀綜核而傳之如此

從性情意氣寫來不覺語屑畢現 邵周

雪萍蔣先生傳

君姓蔣氏諱重慶字仕詒別號雪萍漢山亭侯苗裔世居  
邑南之西餘里後遷於城會祖考大叅公諱胤修起家順  
治進士敷歷中外入爲名給諫出爲名司衡祖考侯銓府  
佐公諱景祁躋躋名場數奇不遇嘗偕先在陸府君論定  
春秋四傳嘉惠來學及所刊東舍集行世考文林公諱逌  
昌宰閩之龍溪有惠政妣金孺人文林公未弱冠而生君  
爲羣從之長及見家門榮盛服習純綺中顧性專勤嗜書  
史以貴游子弟早負能文聲年十六受知磁州張公拔補

博士弟子益勵志下帷爲得當場屋計比授室尙延先族  
伯文心先生於家余亦入侍講席獲與君訂交自茲始既  
屢踏省門不售乃接例貢成均注銓司訓而文林公適捧  
檄入閩絜君偕行龍溪海隅要地訟獄滋煩號難治又海  
寇則有鄭盡心等山賊則有張五顯等伺間竊發朝議勦  
撫兼施公承辦軍需一無過悞更以其間興利祛弊頌聲  
載道蓋藉君勸贊之力居多閱五年公以虧項解職清風  
兩袖無力抵償君匍匐兼程歸變產得千餘金如限完納  
公用是得善去其年君遠省外甥大令徐公於棗強佐理

一切方倚君若左右手而封翁春秋高鄉關念切環顧暑中無可侍行者特委其重於君跋履長途在嘯無恙歸而封翁舉酒勞之曰微子善扶持老人不及此此可識君之幹濟才矣年近四十聯丁考妣兼抱鼓盆之戚君終鮮兄弟顧影然於時內外倚交託有恒情極難處者獨能剛柔參用動合機宜鼓枻於驚濤駭浪中不震不懣訖無後患及其出險履夷也則傾貲結客慨然以原嘗自居邑里士之貧無歸者往往望門投止君亦遊於酒人遇公正輒發憤甚至擲盞罵坐一洩其胸中傀儡人或以使氣難近目之君顧自若也中年後乃刮摩豪習閉門却掃斯夕惟頹櫓是娛傳覽七畧四庫書及近代名流文集尤喜手自鈔謄疊疊積成卷帙旁及方書邸報纖悉不遺所開關延接祇一二素心人然語以戶外事多瞠目不答其諸蒲團而壁之風與余向者爲文壽君七十稱其爲人三變動靜異趣要以忠實心誠信於士大夫始終固變而君自叙亦謂生平遭際盤錯脩經備儒乎無一時一事敢自暇逸益信子輿氏生於憂患之旨是皆實錄也惟君長於才而弗以才自矜富於學而弗以學自炫內行醇備篤念在水

木本源邑故有山亭侯家廟歲久傾頽侯主首列鄉賢祠亦以祠祀而失糾合宗盟號呼當道類者新失者補實推君爲首庸又嘗纂輯樂安氏歷代名人嘉言懿行都爲一集故家文獻炳炳麟麟仁人孝子之用心于是爲大嗚呼可傳也已余生後君五年成童定交以凡事并以師事壯盛時里中文酒之饌謀米嘗不與偕迨君息交謝遊尙綠舊好歲獲再三晤其踪跡闊疎獨入榻七載爲然耳比旋里而往還無間者浸十年胸有所疑必就君傾正談及朝章國憲與夫里門故實靡不窮君每開尊召飲前一白必面訂草堂不假僮從其慙慙若此概自日月不殆知交零落乙亥哭周君書筠其明年哭王君璧門越二年哭路君芷今任君達可又明年哭徐君山吾每一念及易勝人榮之痛君幸齒登八十歸焉若魯靈光之僅存大雅典刑庶幾不墜乃今亦舍我而逝矣悵乎悲哉君歿已二年嗣君信始以傳來請不揣弁陋姑覲顏爲之其配嗣生卒別詳家乘墓銘中者不贅

雲溪敦友誼于存歿之感尤深末段直如猿鵲啼不  
堪卒讀 邵周

文學吳君傳

邑文學吳君師石名元豹師石其字別號介于又號他山厥先石渠公諱炳前朝名進士所流傳樂府擬似玉茗堂惟肖惟妙晚歲滇南抗節稱明代完人君考悅階翁篤念祖德謂繼起當有興者故字君伯兄曰念渠君曰師石雅以文章節義相期許而君才實克上武石渠公君於書過目成誦歷久不忘嘗應澄江試偕同舍生登君山摩妙古碑目已莫以手捫其點畫歸寓錄之明日再往讀無一悞者同舍生大駭服初學文於史幼芳先生兼習吟咏詩興

雲溪文集卷二

男

文行絕工偕陳子致和史子南如泊子輩為文友徐子雙南翟子時夏泊其家蒼年文年兄弟為詩友每旬月角藝君握管立成風發泉湧諸全學皆驚嘆自媿弗如而君形貌纖削若不勝衣由是小才子之名播甚家苦貧弱冠尚困童子試因挾冊浪游客梁溪客雲間又客會稽其寓浙東西最久所至才名赫然前輩對巖秦公梁汾顧公西河毛公竹垞朱公簡齋懸絕皆引為忘年忘分交各製叙以贈越會中英流翕集如馬君僕臣傅君士密沈君可山輩數十人皆曰師石吾師也弗敢班友誼列逆旅主人欽君

名至固辭貨直尤屬一時僅事云年近三十始受知學使者福建林公稱邑庠弟子君久處囊中一旦脫穎方謂進取有基而未及一年盡先朝露得年差歲於長吉視子類子則猶遜之文章節義如石渠公而弗昌厥後才足繩武如君而遽頌厥生所謂天道是耶非耶君內行淳篤事悅階翁盡孝事繼母如其母事兄如父遊裝所入不私一錢日市甘脆以娛親兼以飲伯兄之缺乏裝盡復出遊率以為常意氣慷慨愛友朋若性命所居午橋庄石渠公別業也常薄遊旋里時邀二三舊好論文賦詩於錦石軒中具

雲溪文集卷二

李

饌設醴質衣襪為之弗少斯計聞之日諸同學不勝痛悼迄今每一念及痛如新嗚呼此可得君之槩畧已君之亡也南如為志其墓越四十餘年令嗣稼存復以傳來請余祭中表戚且有嗜音遊從之雅乃辭而傳之稼存生一歲而孤未及讀父書其人品能自立儼然名利之外每歲于籬落間時異種菊數百本花時爛熳可觀來遊者踵相接烹茗飲客閒談往事人咸謂不覺名父子焉想見名士風流

想見名士風流

吳君書聯小傳

君諱紘初書聯其字考曰端齋公字時佐端齋負文名數十年僅以虞庠老君文不讓乃父亦終于虞庠是父景子所遭逢幸不幸何如耶君長身頰面疎髯豪於文且豪於酒偕其家懷青景文輩以文酒稱莫逆交閱旬月輒舉一課宗中諸文士胥集君初到談諧雜作若無意于爲文者既而頻呼酒酒至立盡數巨觥始就研席振筆疾書不須時脫藁矣而其文絕工更拍案高吟聲出金石同會者相顧駭愕君故旁若無人也蓋其豪邁不羈若此家苦貧資

雲溪文集卷二

聖

館修以給餽粥有弟三人所入悉公之析爨後猶時時分潤焉君坐是益困屬繼之辰至死無以飲歛而弗克葬皆懷青景文輩代謀之此其尤可悲者也抑聞君嘗遠館下相壇長徐先生先達之赫赫有名者也一見君文延譽不容口遂與定交歲莫主人遣僕送君南歸及元旦仍返主人驚問故則中途遇妻者罄囊中金贈之矣雖欲歸不可得嗚呼卽此一事不具見君之仁心爲質哉知爲人而不知爲己其窮而死也固宜雖然可傳也已君無子以行畧來者嗣子宗瑗 咄咄傳神

內兄顧君晶贈傳

君姓顧氏諱瑩照初字雲湖改字晶瞻余內子之伯兄也君稟承庭訓出而就正於良師友頗負能文聲年近三十尚折節從其姊倩亦環任先生遊傲執弟子禮顧卒枉於有司旣乃輟舉業習治生又往往多所折閱以至老而窮窮而年不盈七十以死嘻其可悲也然君本行醇篤事父茂材公母路孺人胥盡孝茂材公以成德傾望主持宗政君實克左右之公謝世邑養路孺人浸十年昕夕問視問間時君髮亦鬢髮白矣弟陶文才而天撫孤姪恩逾已子

雲溪文集卷二

聖

今其長者有聲場屋餘亦各成立實藉君卵翼功一姊適任痛其早逝一妹歸余越旬月必入城省視喁喁笑語如兒婦時其與余相得歷數十年如一日也與人交亦從無失言失色晚景蕭瑟單瓢宴如此君之大畧可書者君家自高曾祖以來腴貴厚德冠冕一鄉屢析後猶稱饒裕余初坦腹時第宅閭閻進舍膏腴上買二頃而贏茂材公吹風雅喜賓客路孺人同心阻勉不逮之客至如歸先君子亦嘗假館其室中年迫於向平之累家漸落晚益落逮君之身向之閭閻者半就傾頽上腴田亦多屬他姓矣余

耆老捧檄擬攜持同行以道遠不果及歸而君墓有宿草焉君歿餘十年二子僅存其一不免受侮於人然頗能自立庶幾克負荷者余愧無能稍仗助君於生前而不忍聽其終湮沒於後世也爰揮涕而爲之傳云

俯仰盛衰深情若揭 黎菴

孝惠吳翁家傳

靈陵氏隸吾宜姓同宗吳凡十餘望居城廂者爲甲次則北渠北渠之吳嘗分支郡城登上第入綸扉到今門望赫奕其本村子姓亦復科名不絕斌斌文雅學克紹家聲顯有以科名文學顯而醇德懿行足模楷鄉邦者則孝惠翁其人已翁諱智遠孝惠其字晚更署號泰來生三歲失怙母歿孺人年纔二十有七矢志撫孤倍嘗荼苦翁雖幼亦不因人熱日採薪拾橡以爲飭既長出贅崇津羅氏以念母故旋挈婦歸歸而晝夜操作夫躬耕婦蠶織各藉十指力敬奉晨昏膳修之外稍有贏餘亟置產爲根本計鎔鍊而累之尺寸而積之歷數十年家駸起于吳宗儼成素封矣每歲時伏臘偕配羅孺人奉觴母歐孺人前一堂燕咲母大歡樂謂始願不及此今及此豈非天乎抑汝兩人龍勉之功不可沒也既復追敘曩時艱窘狀爲泣然者久之比歐孺人卽世翁哀毀幾殞其生一切附身附棺之具苟分所得爲殯從豐臘喪三年未嘗見齒旣除服家人偶進有甘輒揮去曰吾少孤與母相依苦難得一飯目前差足自給冀少酬罔極恩而吾母已不及待矣哀哀鮮民生

不如死。昔人所由賦夢。我也因哽咽泣數行下。嗚呼。如翁者。所謂終身慕者與。翁起於孤露。以艱辛創業。宜若織密自守。如古持籌績核者。流而濟急難。振憂貧。惟日不足。遶舍田數百畝。皆上腴。召佃徵租。極仁恕。歲雖豐。恒于定額中量減一二。其窶甚不能償者。并蠲之。族鄰間或死。無以歛。飲無以葬。代謀棺窆。亦繫翁是賴。一日。祁寒擁爐坐。忽愆然曰。吾飽食煖衣。尚畏寒若此。如集某者。楊無孺。突無烟久矣。奚以堪。亟呼僮。擔柴米給之。僮有難色。翁即躬親督送。跋履風饕雪虐中。到門某方僵臥。聞剝啄聲。驚起開

雲溪文集卷二

謹

戶則翁與柴米俱至矣。某匍匐再拜曰。微公孰活我。里人傳之至今。以為美談。然則由前言之。孝愛篤於家庭。由後言之。惠澤周於里黨。翁字曰孝惠。洵乎名稱其實者哉。翁卒於雍正戊申。距生於康熙戊申。享年六十有一歲。丈夫子三人。安立。安中。安東。孫陸宣。余姪孫增也。以翁傳來請。爰為詮次。槩畧。俾刊諸北渠家乘云。

以孝惠結恰好分收一篇殆有天巧 邵周

烈士陳毅齋傳

吾且有烈士焉。曰陳君毅齋。諱廷誥。字君英。其先故盟氏。子陳之。自出外家。乏嗣。承祀以甥。歷五傳。彌為奕。由是湖沒之陳。隱然與毫村驛塘兩巨支鼎峙。邑東西矣。君兄弟六人。行第五。孝於親。友恭於兄。若弟與人。辭對溫如也。獨其嫉惡。若仇。倉卒間。義憤激發。為死不顧。世有古俠士風。烈程相六者。顯宦之豪奴也。倚勢作威。橫行鄉曲。愿民惟所魚肉。受害者已不止數十家。君勃然怒曰。是可忍。孰不可忍。我不出而撓其鋒。孰敢撓第念具款証。鳴請官。彼恃

雲溪文集卷二

美

有與援可解。縱當事廉明。閱實其罪。罪不至死。何足蔽厥辜。斷蛇不殊。後患滋甚。吾誠欲為一方除害。惟有牽斃之耳。因私與猶子昌時謀。且約為助。昌時性慷慨。輕生尚義。亦雅與君同。曰。謹受教。一日。遇程於途。乘其不備。以二人攢毆之。立斃。一時環觀者如堵。牆背袖手。既而鼓掌稱快。聲如雷。宦某聞之。怒甚。將一網羅織村民。而君早率昌時赴縣自首。曰。殺人者死。國有常刑。孰主使。孰加功。皆我二人為之。無預他姓事。時邑令某公賢且仁。稔程之積惡已久。而壯二人者之以公憤除克也。立豁免諸無辜。并援家

無二犯例。昌時亦從未減。而君遂獨罹其難。云嗟嗟好勇。鬪狠儒者。弗爲忘身。及親聖賢所戒。如君行事。其於大雅。明哲之義。何居然。古人有言。除君之惡。惟力是視。在朝廷。則除君側之惡。在鄉里。則除通地之惡。所處雖殊。其義一耳。君與程本無纖芥。特以人與爲仇也。從而仇之人。與爲仇而弗能報。獨從而報之。且不惜以其身殉。蓋自此奴斃。而一方胥獲安枕矣。懼其難者。一人。饗與刑者。千萬人。而君乃視死如歸。含啖入地。獨不誦古之烈。丈夫哉。特傳之。爲好義者勸。

雲溪文集卷二

表

一時環觀者數語得史漢寫生之神。入後議論亦穩。臆

邵周

陳君鳳書傳

君姓陳氏。名綸。字鳳書。大父曰吉甫。父曰古齋。自浙之鄞。縣遷吾荆。蠡墅。至君。歷三傳矣。君本一文士。彼服造次。必於儒者。顧家世以貿易資生。遂弗克竟其業。往來江上。涸跡閭閻中。以老人咸惜之。乃其行誼。有大過人者。君雖不治舉子業。九經三史皆成熟。尤善爲童子師。家居時。見村隣子弟多貧苦。不能就傳。輒招至其家。俾侍研席。旁勤勤訓迪。每歲不下數十人。然未嘗受徒米束薪之費也。里人至今艷稱之。其在揚。繼古齋至陶肆。交游日益廣。聲望日益高。而君外若和藹。胸中漣渭。瞭如豪富人。意態傲睨。亦傲睨應之。過士之牢落不偶者。轉有加禮。其於一二素心人。彌縫匡救。惟恐不及。擬古管鮑交。不啻也。友某儲書於揚。且失館。將告歸。君語之曰。先生寒士也。僕僕往返。如素手何。倘不厭粗糲。糲飯及修脯。涼酒益。留子肆課豚兒。句讀乎。既數月。友舊東挈家來揚。有幼子願繼前好。勢處兩難。君又語之曰。余特暫作先生東道主耳。枳棘非鸞鳳所棲。出谷遷喬。先生之幸。亦余夙心也。勿以一諾千金介意。立促之受聘。仍具一年修脯。以贖其行。蓋其篤于友誼。

雲溪文集卷二

表



若此君娶於王早卒再娶於吳內弟某早失怙恃年隣弱冠。焚。焚。無。歸。君。曰。是。余。之。責。也。大。學。之。至。陽。學。習。書。算。其。歸。也。復。華。之。至。鰥。墅。代。賃。屋。以。居。兼。給。賃。本。爲。小。小。營。運。計。其。人。亦。雅。能。自。立。銖。積。寸。累。漸。擴。而。大。之。於。是。奠。室。家。買。田。宅。儼。然。稱。小。康。矣。其。賴。君。玉。成。之。賜。豈。淺。鮮。哉。嗟。乎。世。風。日。下。知。爲。已。而。不。知。爲。人。視。骨。肉。如。途。人。者。比。比。皆是。矣。何。有。於。鄉。鄰。何。有。於。親。故。君。惟。克。敦。內。行。故。本。立。道。生。卽。此。三。事。觀。之。其。孝。友。性。成。抑。可。想。見。而。非。余。所。目。睹。亦。弗。暇。詳。也。余。傳。古。齋。君。曰。業。於。買。而。士。君。子。其。行。如。君。者。非。所。稱。是。父。是。子。歟。

雲溪文集卷二

堯

據所知三事傳之不着一浮語懼失真也然能爾卽已卓然不朽奚以多爲 邵周

任約亭先生傳

老友約亭任先生諱際科字聖輔約亭其所署號世籍邑西南之篠里明季遷於城曾祖曰敬止公嗣祖曰少元公本生祖曰無菴公父曰濬園公母湯孺人先生生而穎敏不凡尤沉潛嗜書史少時體質清癯濬園公以單子故每戒諭毋苦讀且慮其弗堪躑躅童子軍也亟爲援例入國雍然雅非其志也每日昏定訖度尊人已安寢輒篝燈權誦率漏下四鼓以爲常嗣是文思日益進應制撫監司郡邑兩庠觀鳳舉試月試洎提舉錄科試無弗列前茅者實

雲溪文集卷二

本

興之歲諸同學胥以魁解相期榜發報罷胥怏然失望統計戰南闕者九北闕者二往往幾得復失而此志不衰至長君雋京兆乃輟試晚年督率族子姓課城南廷尉祠興到聊示之程式握管立成而評家類目爲幽燕老將決非三河少年所能幾及文有定價豈虛乎哉先生既高才不偶訓子殊肅所延必名師待之極忠敬要其得力於趨庭者居多今伯仲連振科名叔季亦有聲黌序此所謂種學績文之報不於其身於其子孫者也先生雅可無憾先生本一文士兼饒綜理材初承父祖業資產裁及中人積數

十年家大起論者美其中襄得人而先生亦未嘗不有味乎儒者治生一語也至於推所贏以振貧急雖一切利濟事更僕數不能終其事關通邑如修廟學濟河渠平糶賑荒諸大役當事尤委重於先生先生樂然響應無難色經營擘畫允推首庸事竣則欽手退曰此諸君子之力也某何能其有而弗居又若此先生性行醇篤事兩尊人盡孝自恨寡兄弟友於羣從如同生吉凶共之飲助必厚諸猶子月給廩米惠必周推之各分戚單矣間以小故參商必挺身排解勞與費皆所弗靳或被豪家誣累必糾集宗盟

雲溪文集卷二

李

悉力救護母使受屈公庭故屬續之曰族子來唁者皆哭失聲如失怙恃嗚呼此可見先生之盛德在人矣先生事修念祖以敬止公爲一分祖家廟未立於禮缺然卜地南郊鼎新堂構然後升祔以次蒸嘗以時嗣祖少元公負傷才絕意昏盲年亦不永所著翠微山人集實克與其家王谷先生並傳先生命長君攜入都請其座主合河相公爲之叙用光梨棗篠里大宗祠享堂非有大功德及捐金百計不得入先生旣入少元公主兼入無菴公主所後所生無分厚薄其費皆獨行之未始以錙銖累及封胡羯末也

前年丁亥春秋七十有一矣祠門房忽不戒於火將重建時適舉訕先生倡議各分墊資而身重其役諸子咸請代勞堅弗許曰兒輩少不更事倘誤公何以見先人於地下乎比督工及半月霧露外侵心計內竭病乃自此萌芽矣歸而進以參苓訖罔效病中囑語猶時舉手作指揮斤削狀臨歿惟以不及見其成爲恨此外無他言先生長身鶴立疎鬚聶吟言煦煦與朋友交始終如一意所領注尤在生平文墨相推之人遇春秋佳日輒怡精饌開良醪招余輩三五素心一觴一咏以相樂先生量不盈升許而竟日

雲溪文集卷二

李

酌醉無倦容間談及邑中積弊莫甚乎豪胥猾吏鼠而翼虎而冠慷慨語曰所言公公言之此其責在縉紳士大夫諸君子皆緘口結舌不力爲別白狂瀾焉底座中人率唯唯今先生哲嗣亦既登高第鄉先生矣能如所言否天下事固有莫可如何然具見先生匡廬息影而民物歸懷先憂後樂之志不在范文正公下也賢矣哉先生生於康熙丁丑卒於乾隆丁亥享年七十有一歲國學生考授州同知以子秩例封文林郎配湯夫人側封太孺人夫人與先生皓首齊眉同心合德當于歸時長姑適吳氏者將出

閻澹園公深以貧具未備爲憂夫人立罄所有贈之卽此  
一端足該閭德其相夫教子無喻已商長先生一年今歸  
焉存子四人長震遠辛巳科進士初任江西大庾縣知縣  
先生三千里詒書惟清慎勤是揚故循聲懋著調繁都昌  
縣今以艱歸次綏壬午科北榜舉人次朝銓吾徒也廩生  
偕伯仲兩兄並擅文譽次陞掄國學生諸孫不具書

家約亭叔孝友型家忠誠服物古所稱善人者非耶至  
其才內外兼優假令早博一第列仕籍設施措注當更  
有可觀而惜乎僅以封公老也蓋觀貴坐上人語壯懷

雲溪文集卷二

奎

若揭矣文於此段特着精神邵周

孝義節婦汪氏傳代

孝義節婦汪氏余族弟肇普旭東之妻也肇普與余同出  
贈太常卿諱豪公公五子次爲吾高祖諱文衡公由進士  
起家累官太常寺正卿節槩具明史季曰文顯公四傳至  
謹五伯諱壽權娶吳孺人生子二普居長余家自吾祖成  
齋公始僑居儀徵而謹伯偕其從弟壽極字羽宸者亦服  
賈來儀遂定居焉康熙五十七年謹伯卒普年十七幼弟  
肇時方數齡普體質素羸以哀毀得瘵疾間數年疾漸劇  
先是嘗聘歙富村汪翁爲藻之女爲妻卽節婦至是有以  
冲喜俗說進吳孺人者請于汪頗難之婦語其父曰兒許  
字洪有日矣其死其生見命也且吾姑憫惻未亡人一子  
幼一子病且危急欲得婦兒往而夫愈幸甚萬一不諱以  
婦代子事孀姑撫幼叔完兒分內事雖孤苦亦甘如飴矣  
父義其語遂以雍正元年十月來歸時普已疾篤婦躬進  
湯藥衣不解者浹旬普竟死得年二十有一婦年纔十八  
耳一慟悶絕旣而甦立起自責曰吾幾誤凡吾所以來爲  
姑與叔耳夫死吾又死此惻惻者何所依吾之志其在栢  
舟之二章矣居喪盡哀又恐傷吳孺人心也時作好語相

雲溪文集卷二

齒

起時雍正八年十二月十三日也。婦年二十有五。治命計狀列一子。冀他日勿叔完婚。生子爲夫後云。族之人聞而哀之。既私相與議曰。婦之節無論已。彼其聞夫病革。毅然請行。以婦代子爲已任。不亦義乎。事婦姑六年。辛苦備嘗。始終固懈。竟得疾以殞其生。臨窆猶惓惓爲嗣續計。不亦孝乎。爲題其旌曰。孝義節婦汪氏。從其實也。而余爲之傳。雖例不及。應旌典。姑附諸家乘之末。爲吾宗族光焉。

寫得可哀可敬 邵周

雲溪文集卷二

李

汪貞女傳

汪貞女。祖曰隆吉翁。父曰朝叙。其母徐。則吾友古浪大令鶴沙先生之長女也。鶴沙文學高一世。而闡教尤飭。次女字延陵者。亦婚守志。觀察蘭溪趙公。令宜時給扁旌獎。并爲文以傳之。女自幼端重。不佻。恒嘆羨其從母之賢也。曰。凡爲女子者。當如是矣。比長。字周氏。子思建。思建頗穎慧。嗜讀書。以攻苦得疾。殁於乾隆之二十有一年。距御輪之期數月耳。女性故激烈。父若母。恐傷其心。匿不使聞。而家人竊竊私語。女有疑焉。詢諸乳媼。其信立洗粧。易服。色泣數行。下長跽。父母前。請往奔喪。父母愛憐之。猶豫未決。女卽陰遣乳媼達意於周。且以必死誓。父母知女志不可奪。而周氏更喜喪子而得婦也。遂以禮迎之。歸。女歸周。居夫喪盡哀。事堂上盡孝。亟爲嗣續計。請於翁姑。抱伯氏子爲子。慈撫嚴誨。如腹出。於今已八閱寒暑矣。雖表宅旌門。尙俟之二十年以後。而此志靡他。九死無悔。豈復虞其鮮克有終哉。今夫先王制禮。準乎理。亦通乎情。婦不再嫁。理也。亦情爲之也。女不再字。非情也。卽於理有未當也。故震川先生嘗極論之。謂大中至正之道。決不出此。然世衰道

雲溪文集卷二

李

喪不及情者往往而是矣。有過情者吾猶有取焉。况夫婦之義與君臣同。必策名然後盡臣道。必胖合然後盡婦道。彼東湖樵夫燕山衛卒。曷嘗紆青拖紫。擢人爵而哲人珪耶。余用是知守貞之女之尤難能而可貴也。吾宜輩爾邑風氣近古。貞烈婦人節孝祠者。代有其人。而適日所見未婚貞女未易一二數。此足徵。

聖朝風化之盛。漸被深閨。金石無以喻其堅。冰霜不足比其潔。而東海氏女。甥於三十年間。後先濟美。則吾友之教行於家。亦槩可想見矣。夫特紀其事。以俟夫觀人風者。

雲溪文集卷二

李

震川先生之論。準諸情。此則依乎理。固當並垂天壤間。梁菴。

朱女采苜小傳

涪邨朱先生。余世好也。頻年里居。過從無間。時出所撰著。示余。邇讀其哭猶女采苜詩。而悲之。既復請爲之傳。嗟。女之死也。不忍書其所以死也。不敢書緣。彰善之文。失隱惡之義。殆非仁人君子之用心也。不得已。姑就所聞於涪村者。存其槩畧焉。涪村之言曰。女字采苜。仲父錫祉。公女。孫從弟鶴州女。余家自先王父承德公以來。子姓繁衍。男女百餘人。余尤愛女之婉婉。性成通史。書誦大體也。女紅中饋事。亦胥不習。而能在室善事父母。父病。目晝夜祇治弗少輟。及笄。歸於李。李故邑右族。以諧誼。且屬舊婚。媾再聯。秦晉歡。女逮事太姑及翁姑。曲盡婦道。太姑絕愛憐之。膳羞非其手治。弗甘也。翁姑有違言。輒偕其夫長跪泣請。大率多逆來順受者。憫女奴之無辜。被撻創甚。私合藥療之。然弗敢使姑知。客歲小姑遣嫁。刺繡文皆藉女十指力。出閨之日。家人盡往。女以一身執爨。勞瘁有加焉。某日夜卒於畏太姑聞之。哭失聲。嗚呼。女之生也。孝父母。孝翁姑。并以孝得太姑心。其亡也。亦卒以孝獲罪。死可哀也。夫益余所聞諸涪村者。若此。至所謂以孝獲罪。不忍書。不敢書也。

雲溪文集卷二

李

讀浯村詩者當自知之

書其以孝死不書其何以獲罪死最得體 邵周

徐室顧孺人傳

徐生瀛士之母曰顧孺人。今年齒纔踰艾，遂以宿疾卒。生同學諸子將公致祭，請余爲奠觴之文。余曰：是尚有君姑在，歷於所尊，義不當受弔奠。而孺人夙負賢明，雖且有其可悲者，異日或草一小傳，入諸東海氏家乘中，則可耳。諸子唯唯退。七既終，瀛士匍匐持行畧來，援前言以請。蓋孺人余內姻，茂才璵與之令女，而世講文學，韶成之德配也。乃不辭而傳之。按行畧，孺人生有至性，在室以善事父母，閨年十八于歸，虔修子婦職，一如其所以事父母者。舅上舍翁以勤儉成家，姑汪孺人性頗不耐煩劇，孺人至代綜家政，井井有條，家亦益起。丁戌間，汪孺人患痰癰，纏綿床第，孺人本多恙，力疾侍醫藥，躬則踰晷刻不離左右者閱四載，疾愈乃復初。居翁喪，克襄大事，嗣後奉姑彌孝，謹惟恐稍拂其意。迄今浸二十年，韶成君嗜學能文，游庠後急圖進取，賓興之歲往往習靜山寺，孺人輒獨有門戶，不以家人生產少分夫子心。既屢舉不售，復好言警慰之曰：得失命也，毋自苦，且非此其身庸知不在其後？蓋早勤式穀爲一綫，書香計乎，故瀛士雖單子愛之甚，皆課特嚴諄。

嗚夫子必訪名師誨之間余自蜀歸亟令執贊門下明年  
即受知學使者令其文頗爲同輩所推稟稱人教也至於  
內和妯娌外聯親串於族姻之貧苦者恩禮有加焉性甘  
淡泊而奉賓祭則極豐降身習勤勞而馭婢僕則多寬假  
計閭三柳嘆息家衆皆哭失聲嗚呼此可得孺人之大凡  
矣惟孺人生於詩禮清門歸於簪纓甲族舅姑皆所逮事  
伉儷相得甚歡雖令子寡雙而文孫盈五屬續之夕環繞  
膝前附身附棺勿之有悔在孺人雅可無憾獨念三十載  
以來抱恙之日多安康之日少乍熱乍寒時愈時發初力

雲溪文集卷二

主

疾事其姑既而哭其翁前兩年連哭其父若母積哀傷心  
病自此益不可爲臨終囑語猶頻喚老姑若以弗獲終事  
爲恨是則深可悲耳孺人生於康熙癸巳卒於乾隆甲申  
享年五十有二子一人卽瀛士孫男五人孫女一人俱幼  
余踐前諾擬行畧而稍次第之此外無所增益其猶信則  
傳信之旨也夫

敘閭德無甚異人末路開合有情味

邵周

方伯李公行狀

公姓李氏諱如蘭字長芳先世隸山東臨清州籍後徙山  
西榆次之菰村繼遷李村經兵燹後高曾以上行實無可  
攷曾王父諱傑公敦本力穡喜推所贏以濟乏維升斗之  
惠人戴之不忘王父諱贈通議大夫諱登山公奕世載  
德益醇以固舉丈夫子二長則公父諱贈通議大夫諱  
寶公次則季父諱璽公也兄弟友愛有古田姜風且耕且  
買業駸駸起公生而岐嶷恢廓有大志甫就塾讀書日倍  
他生季父雅器重之謂贈公曰異日大吾門者必此子也

雲溪文集卷二

主

時苦村居僻陋決計遷於城令執贊諸名宿門下公亦刻  
苦砥礪亟思奮身仕版爲前人光年十三母諱贈淑人  
張太君卽世喪葬畢卽篝燈熒熒雜誦達旦既再試童子  
軍不利對書案涕泗橫流夜夢張淑人撫慰之曰爾毋自  
苦李氏累世種德終不顯於爾身但得志後當時時存濟  
人利物之念公醒而再拜謹志之不敢忘壬午年十九受  
知學使者天泉汪公拔補邑博士弟子科試列高等乙酉  
秋間幾得之而復失閱歲丁贈公艱服闋季父謂公曰吾  
觀爾非長貧賤者然遇合淹速會有時惟學博一途不失

書生本色。進可戰退可守。卽隨流平進。亦可稍展生平所  
欲。爲於是爲公援例入成均。癸巳銓注澤州司訓。時年適  
三十矣。學博故冷官。居是職者多闕冗不事事。公勤於講  
課。倣胡安定經義治事二齋遺意。以督諸生。而尤究心賦  
役兵刑農田水利諸實政。旁觀或目笑存之。公顧自若也。  
時中丞諾公知公能。檄赴省城。協辦叅案。胥迎刃縷解。諾  
公亟加獎賞。曰此君非寒賤中人。龍驤虎躍。吾行拭目俟  
之矣。雍正初。教職例改官。丞簿旋奉 旨引見。擇其中材  
品可用之人。公解職赴都。仰蒙 世宗憲皇帝俯詢利

雲溪文集卷二

七

病數陳鑿鑿深當 上心。時同引見者三十六人。拔公第  
一。着以緊要州縣用。適高郵州缺。牧立除授。公次日再召  
見。養心殿奏對良久。天顏霽怡。欽賜 御書墨刻三  
卷。貂皮一張。藥錠十匣。香珠一串。以收職微員獲覲。天  
日獎借逾涯。拔擢不次。 聖恩高厚。非頂踵所能酬。而公  
之馳驅皇路。歷二十餘年。青旦不遑暇逸。自茲始矣。高郵  
吏黠民刁。號難治。公下車。卽黜書役之積蠹者。清歷年塵  
案之未結者。吏民拱手瞻目。駭爲神君。而禁革差夫一事。  
德滋鉅州。故南北要衝。輻輳上下。相接牽挽。例用民夫。歲

設夫頭四人。歛里甲銀錢數千金。充雇募費。其大半則飽  
夫頭之囊。而官吏亦得染指焉。公將禁革之。吏謂曰。若是  
則夫將何出。公曰。國家設水陸驛傳。固有經費矣。不足寧  
捐俸助之。不忍以一錢累吾民也。令下。民大悅。又往時夫  
役專用流丐。望門投宿。強索酒食。民間尤患苦之。公設方  
計。造草屋於漕渠兩岸。以棲役夫。擇民之醇謹者。量給資  
本。開酒飯店於其旁。以便食飲。而公時單騎巡行。有仍前  
滋擾痛懲弗貸。一方夙患頓除。州濱河上。開樞多淺厝。河  
岸歲久坍塌。白骨累疊。公一見惻然。曰。掩骼埋胔。載在月

雲溪文集卷二

七

令。吾爲一州牧。忍坐視弗憐耶。捐俸買高廠地若干畝。以  
次掩埋。諸紳士慕義更共襄盛舉。闔境中無一暴露者。厥  
後任蜀方伯。徧收遺骨。猶行此志焉。甓社湖在州西。汪洋  
彌望。冬月有客舟遇暴風雪。凍合中流。坐以待斃。吏奔告  
公公曰。出之易耳。遣小舟二。以竹片編縛舟底。推行水上。  
如轉輪。舟中人皆獲附。小舟登岸。迄今州人遵用其法。擬  
諸慈航。普濟虛平哉。公莅州凡九閱月。無利不興。無弊  
不剔。吏民愛戴去之日。攀轅號哭。送至數百里外。不忍歸。  
公之去高郵也。擢知紹興府。卡上調江寧府。而兩江制府



范公時繹素稔公才。又以牧高郵。日熟諳河務也。暫委署淮安篆。簡發工程。兼承繼諸疑。數月蒞事。始抵江寧。當是時。

先皇帝澄清吏治。赫然一新。而大江以南。尚沿陋例如木。商典商酒。規隱規等項。郡守歲可得萬餘金。公一切禁革。或婉言勸曰。廉吏可爲。未可爲公。卽不自爲計。獨不稍爲。後來人計乎。公曰。某自束髮讀書。叔父卽以遠大相期。許昨歲面。聖蒙。

皇上破格獎諭。生我者父母。知我者至親。則吾叔至尊。則。

雲溪文集卷二

墓

吾君也。某知勉力供職而已。他何計焉。蓋公冰蘖自矢。惟恐上負國恩。有若此江寧。五方雜處。地棍有號喇子者。負弩力各霸一方。時借問。恨以掠奪人財物。而與猾吏姦胥勾通盤互。莫敢譙訶。公訪得首惡數人。捕至立斃杖下。以故終公任五年。無有嘖於市。聞於途者。內城宿重兵。旗人怙勢。繹驛間里。聞公豫請於將軍。有犯者。執法繩之。不少貸。旗人惴惴懼服。公初莅任。積贖堆案。牒訴盈庭。期月後。訟簡刑清。澹若無事。乃佐制府。闢金陵書院。聚四方才俊。士於其中。而公月一再至。相與講道論文。士風丕振。蓋自。

湘潭陳公守茲土。治狀尤異。以本朝第一名太守稱得。

公而兩之矣。壬子陞廬鳳道。兼推正陽關。先是關使慮課額不充。務苛索。胥吏因緣爲姦。同風者或別走他道。公至加意軫恤。更樂出其塗。商不困而課益裕。自懷遠至壽州。湖港渺瀰。數百里。網船出入不時。盡以捕魚爲名。夜則劫掠爲事。非連艦數十不敢行。公曰。此盜窟也。不剪除。何以爲治。于是選健役。駕大舟。逆流而上。傍岸徐行。抵暮果有數人。援纜登舟。公命役擒獲一人。縛之。役請曰。茲地不可泊。宜急歸。否則患且不測。公曰。距關幾百里。前後無村落。

雲溪文集卷二

墓

將安歸。且示之怯。益無所顧忌。吾其性命徇之矣。乃命役俱寢。燃巨燭二。獨危坐舟中。夜半見火光隱約林莽間。岸上人切切作私語。復有小船十數。繞大舟行。數次。然卒疑懼不敢動。黎明解維。行有迎舟。踞而請者。謂昨所縛乃良民。非盜也。公并其人縛之。載歸庭訊。悉吐實。始知數百里皆非良民。其盜首曰。滋泥大王。自明末迄今爲患。且百載。公念此輩不可勝誅。捕架魁數人。置之法。因爲畺地定界。分船編號。自某地至某若干船。自某船至某若干號。有失事者。卽某地某船。是問而沿途增設塘汛。責鄉保旬日稽。

查由是鼓譟安行晝夜不絕公賜也江北常苦蝗蝻鮮克應時撲滅公曰蝗宜捕不宜驅捕則絕跡驅則東西南北惟所之耳且此驅而往彼不可驅而來乎爰親至蝗所立賞格民捕得一蝗給制錢一百蝗給十一時男婦老幼爭持蝗易錢須臾積若邱阜又徵合郡法百人爲羣千人爲十羣中掘深坑聚而蹙之隨撲隨蹙無得脫者蝗乃不爲患乙卯改雲南督糧道兼管銅廠綜理周密僚屬倚之未數月陞四川按察司使命下兼程行而世宗憲皇帝已於八月賓天公一慟幾絕旋奉今上登極恩詔晉階

雲溪文集卷二

七

通議大夫龍錫祖父母父母暨配曹夫人皆如幾典明年丁巳奉旨召見亟賜嘉獎如世宗時公益感激自勵知無不爲凡有德於川人者輿張在人口也乾隆元二間肆赦川民素愚輕觸文網罹重辟者不下數百人公最起治爰告繼之以罰甚至通背不寐斟酌情罪分別重行立就遣決民無冤者論者竊比之于張兩公川省例安坤免死軍流重犯聽其擇所便安多聚處名都大邑人物殷繁之地若輩性本強梁人衆益易滋事公條奏上請以極邊之打箭爐松潘會理州茂州爲安插定所散處故數

隙不生邊遠故內地不擾且倣漢人徙民塞下以實廣虛之意尤得勝算云川省多火災成華尤甚每延燒至千百家公素通曉形家言曰此北門不利之故請於撫憲楊公開舊闢新火災頓減而於儲水及撲救器具預備必周并飭諸州縣如律令始嘆綱繆未雨計慮深長非僅泥陰陽五行之書務爲巧發而奇中也公患向者問刑衙門罕一定條式以致往返駁詰時日稽遲特爲酌立章程刊發各屬俾長吏得所遵守又如秋審解犯定期限期罪犯加等不至死竊賊問罪不計人數皆摺請獲允行至於婦女干連

雲溪文集卷二

七

樂免解省歲頒良藥過活獄因此又公仁心爲質可歷歷指陳者癸亥調江西按察司使時江省亢旱米一石值三四金蓋由囤戶射利使然雖出示嚴禁而價昂如故公請於撫憲陳公曰此非可以口舌爭也今川省運米二十萬石至江南接賑已抵漢江若得截留此米數萬石則吾事濟矣陳公許之公復使人揚言於外曰新臬司糴川米數萬石抵漢江行至矣聞日市價減半而囤戶之謀不行先是陳公設粥廠賑饑饉民接踵至聚會城數萬人勢洶洶陳公竊憂之商於公公曰請於城內外多設廠以散其勢

今麥秋將近。饑民日嗽。一孟粥。曾不足果腹。而本業坐荒。不如遣歸。給半月糧。折錢與之用資耕種。則聚者立散矣。陳公允行之。洵洵者。訖無患。無何。擢四川布政司使。前此公調江西。蜀人依戀。若失慈父母。至是聞其來也。歡迎載道。擁馬首。不得行。公念行省大僚。寄任倍州縣。職掌異。刑名向宜明作。有功茲宜。惇大成裕。惟是理財用人之方。厚生止德之道。務熟講而力行之。徧飭通省。舉鄉飲旌善。良用佐成聖天子一道同風之治。頒農書。教以蓄水培糞。使耕耨有所資。植桑柘。養山蠶。使衣被有所出。核社倉。勸捐穀。使賑救有所餘。且令府州各察所屬。賢否。處實以聞。屬吏奉行。惟謹。二三年來。成效皆可紀。川中鼓鑄點錫。取諸粵。銅鉛取諸滇。道里遼遠。陸運則車敝馬煩。水運則風濤不測。公條奏。上請罷點錫。就本省開採銅鉛。省費不貲。其行禪於國計。甚大。甲子六月雨連旬。水大至。居民爭走城岡。無所得食。公請於中丞紀公。立發錢千萬貫。以療其饑。水退。廬舍頽頹。公復捐金修葺。民獲安堵。而安順橋者。城外通衢也。水漲衝決。奉紀公命。議重修。估工費七白金。公獨肩其任。擇紳士之賢能者。董之。橋成而費至千金外半。

雲溪文集卷二

七

屬紳士所輸助。公悉令勒名於石。不敢以首倡尸厥功於昨秋不被野。並在巨浸中。而開征期迫。公曰。吾忍使嗷嗷者。到膚椎髓。納不獲之糧耶。又是年水入資陽諸城。壞倉穀數萬石。令惶恐待罪。公謂此天災。非人事。並請中丞力陳於朝。得邀恩。豁免焉。丙寅。會城穀翔貴。公先發倉穀平糶。而後詳請。或曰。俟得請而後發。可乎。公曰。倘請而不得。鳥咨邑。彼猶詔發粟者何人哉。余媿不逮古人。不惜以一官殉也。滿城軍糧。歲貲成華。兩邑領銀納米。照田起科。載糧升合。無得免。民困甚。公請中丞。摺奏。酌派附近州縣。毋使苦樂不均。二邑民胥額手歡呼曰。公活我。公以西蜀人文荒陋。倣守江寧日。開錦江書院。遴能文士居之。新繁鄭令。望。僕職延為師。與講釣敵。臘更月一試。羣士於內署。親為甲乙。既復觀風。通省選其尤付梓。俾士子奉為楷模。雖當薄廩。紛繁特無刻。不以興實育才為念也。往年瞻對。煽亂大兵進勦。公奉辦軍需。一無遺誤。旋奏。蕩平今年又有金酋之役。制府張公。偕紀公。並倚公若左右手。公上憂國恤下。軫民艱。日夜焦勞。目不承睫。而病自是不可為矣。嗚呼。公為人外剛方。而內和厚。持身以敬。接物以謙。事

雲溪文集卷十

七

上恭而有禮。御下嚴而有恩。自念拔起儒官。庸主上特達之知。惟恪守清慎勤三言。差足報國。華章既訖。轉以無事爲憂。直已而行。無所攀援。依附。實僚或以非罪。黜必。理力爭上憲。前爭之必得。然後已。屬員來謁。諄諄勸勉。告以地方利弊。所宜罷行。若不稱職。姑量移以覘後效。必不可容。亦令其善去。未嘗輕掛彈章也。州縣吏政。死或罷。貧不能歸。特酌定通衢。協助之。其體恤下。類如此。以故臨喪之日。同城僚案。皆咨嗟痛悼。屬吏皆哭失聲。嗚呼。盛德之感人。可想已。公至性。遇入。內行辭備。以門祚單寒。

雲溪文集卷二

全

及身崛起。實祖德所貽。及陟監司。任方伯。而先人已不及見。四時饋奠。誦六一公祭而。豐不如養之薄。句。然者。久之。感季父賞識於卅角時。又玉成其入任。每飯不忘。欲推已官階。移贈訖。格於部議。生平每以此爲恨。待從弟如。如同胞。然借曹夫人曰。首相莊閨門之內。肅若朝典。撫誨諸嗣君。弗爲姑息之愛。戊午仲子天培。甲子叔子永祺。連舉于鄉。公不色喜。諭之曰。若等倖獲寸進。皆朝廷厚恩。祖宗積累所致。不然。小子何以堪之。繼自今。入仕有階。毋忘爾祖母夢中之訓矣。公嘗手書家訓。敬則爲諸嗣君座。

右銘曰。勿議論人過失。勿多管人閒事。勿信讒言。而疎所親。勿惜小費。而忘大義。一切細事。均宜忍讓。倘有謗言。置若罔聞。飲食衣服。靡從節儉。延師供膳。須極豐隆。男女婚配。務擇長厚之家。子孫顯榮。當存素餐之恥。至於三黨周親。遇吉凶等事。能助財。則助以財。不能助。則助以力。余言所及其切。誌之余言。未及。亦推廣之。嗚呼。公之所以垂訓者。非卽其生平所以自爲者與。公長身五立。體素豐腴。雖年踰花甲。而神明強固。事無鉅細。必躬必親。檢閱簿書。以日。以夜。今年夏。憂勞。肅心事繁。食少。漸就羸削。八月後。自矧。

雲溪文集卷二

全

不起。時諸嗣君。長者淹留梓里。幼者年未成童。獨叔子永祺。侍奉湯藥。與公配曹夫人。暨家人。環向哭。公曰。死歸也。何哭爲。夫人曰。恨未能生。歸故鄉耳。公曰。我以司訓微員。蒙兩朝天子。擢任行省。受恩深重。報稱無由。今蜀中多事。邊境不寧。一病至此。不能盡馬革裹尸之誼。所恨獨此耳。此何時。幸而不死。暇爲歸里計乎。臨終猶聲音朗朗。反席未安。而沒。公生於康熙二十三年十二月十五日。卒於乾隆十二年九月初五日。享年六十有四。歷任至四川。承宣布政司布政使。覃恩誥授通議大夫。例授通奉太。

夫配曹氏。覃恩誥封淑人。例封夫人。子五人。長雲鵬。候選州同知。次天培。戊午科舉人。次永祺。甲子科舉人。次思訓。次念祖。尚幼。女六。孫男八。孫女八。某客歲赴納谿。任由棧道。先入會城。謁公於署。語言煦煦。惟選定觀風。卷是屬。越三月。報命。兼以才力不及。辭公手書。諭之曰。納簡邑。君老儒。大可臥理。何辭爲。今年奉聘。入闕。蓋亦藉公推挽力。而某抵省時。公病已劇。弗獲一奉誨言。撤轅市。日而公訃至矣。入署。哭公孝廉君傳語曰。先君子末命。謂狀我者。非納谿。令不可。嗚呼。何公之不以吏事相責。而猥以文墨相推也。訪諸幕友。畧得公居官居身之大槩。謹詮次如右。蓋感恩與知已兼之。獨愧無文之辭。無能表彰盛美於萬一耳。謹狀。

雲溪文集卷二

金

爲也 繫菴

整練詳明是大手筆。真文字非深有得於史法者不能爲也。



雲溪文集目錄

宜興儲掌文越漁氏著

同邑 潘永季 繫菴氏 評

任道南 邵周氏

門人程徵榮受初編次 男 樵記莚校字

卷之三

敘 集叙

擬武試錄前叙 代

擬武試錄後叙 代

送程廣文叙

目錄

贈倣岳程君叙

蓬溪縣誌叙 代

易詩輯義精義叙

萬懷麓先生文集叙

吳南溪文集叙

蜀游草叙

春暉集叙

桐陰書屋詩叙

王鏡溪時文稿叙

虎組集敘

陳宅三時文敘

周道存時文敘

張景雲時文敘

史萃齋時文敘

任暢亭白訂稿敘

吳懷壽遺文敘

湯弘敷遺文敘

程樹思遺文敘

目錄

自愧集後敘

程蘭阜易經文敘

正蓄堂稿敘

葯坡弟時文敘

擬武試錄前敘代

欽惟我國家聖聖相承重光焉矣大化翔洽人材蔚興文通武達踰險濟濟雖遐賑僻壤去京師萬里莫不挾其毛髮絲粟忻然願進於闕廷猗與休哉歲庚午爲今天子御宇之十有五年鹿鳴既歌鷹揚載舉臣濫叨恩寵歷任封疆及茲總制全川兼攝巡撫方監臨文戰復主武武科臨事水競惟隕越足懼自十月初二日始偕提臣某習道臣某進督學臣某所錄取武生暨各標鎮協營應考兵丁若干人而彙試之初試騎射觀其整控縱逐之能次試步箭驗其穿楊貫札之巧又次試伎勇覘其挽強舉重之材計合格者若干人挑入好字號若干人既復率同考官知縣臣某某等鎖廳校誦閱兩晝夜取論策之詞理條暢文采可觀者評定甲乙共得士四十人拔其尤刊刻進呈而臣側得題言簡首蓋自古有文事必有武備文爲經而武緯之是兩途之不容畸爲輕重也尙矣與稽成周文武嗣興械僕菁莪號稱絕盛其在詩曰公侯干城公侯腹心其在書曰如虎如貔如熊如羆所倚賴者實惟趙桓之士而後世若唐有汾陽宋有鄴國亦皆自武科中得之至

前朝學文抑武。舉必三試。中雋。方復出身。卽位。登上將。手握兵符。奔走監軍。使者前。僂僂。喘喘。若僕隸。以故。勇氣沮喪。戎政廢弛。及其末流。力圖振刷。而已無及矣。本朝文武並重。三年大比。未嘗有所左右。其間百餘年來。悉承皇皇克襄天保。采薇盛治。西蜀雖介在天末。其起家科目。致位提鎮。亦往往有人。蓋非聖天子渾濡亭育。鼓舞而振興之。不至此。然則今茲所得諸士。豈惟以崇朝弋獲。誇耀其宗族鄉鄰已哉。異日虎躍龍驤。所藉爲金城湯池者。於是焉寄。而臣等矢公矢慎。仰體我皇上拊髀問鼓。

雲溪文集卷三

主

求才若渴之意。亦庶幾少效涓埃於萬一矣。夫凡有事茲土者。臣某某等。例得脩書。

得體

明代崇文抑武。究其所謂文者。雖賢姦各別。孰非謹具江山一座之人哉。武臣中非無一二軼才。又苦任之不專用之。不盡年進。年退。擊其手不得。有爲而明之亡。決矣。謂末流力圖振刷。恩亦未敢信。

邵周

擬武試錄後敘

代

西蜀古梁州域也。在唐時號爲揚一益二。山則有數峯。玉壘之奇。水則有錦江。灝瀕之勝。扶輿靈秀。磅礴鬱積。是生異才。不惟擦觚握管之子。追踪揚馬。比肩陳李。足與鼓吹。休明。卽其關弓躍馬。熟諳韜鈴者。亦堪膺萬里長城之寄。蓋自聖朝百年休養以來。聲教大同。士氣不振。向之荒殘凋敝者。一變而麟麟炳炳。赳赳桓桓矣。夫生之也有時。則取之也有道。所以簡拔殊尤。緩急待用。其尤在科舉一途哉。欽惟我皇上御極之十五年。屆賓興期。文闈後繼。

雲溪文集卷三

主

以武闈維時。公督臣某實司其事。臣典郡小臣也。適護理監司篆。承乏提調。亦得與寓目焉。臣聞言武者。詘文猶言文者。詘武。長槍大劍。安用毛雉。此其說非也。在昔作三軍。謀元帥。恒取諸敦詩說禮之人。而頗牧近在禁中。亦競稱一時盛事。是故佔畢章句之學。未全乎文。翹關格獸之才。亦未全乎武。惟科舉一途。武也。兼文而有之。彼其人。既巧力。胥優。超倫軼羣矣。又試以四子書。孫吳兵法。旁及通鑑綱目。必其原本義理。通曉方畧。洞悉乎古今成敗得失之林。始獲與是選焉。異日者。或入總禁旅。或出鎮嚴疆。以謀。

則成以戰則克。偉伐豐功。皆可預券。豈與夫膏身行伍。粗材躍冶者同乎哉。事竣錄其論策之尤者。恭繕進呈。冀萬幾之暇。流覽及之用。見井絡偏隅。沐國家教育。深仁人才。鵠起而公督。臣遴選精審。允足副。聖天子搜揚豪俊。盛心抑揚。我多士遠到。自期益擴其識練。其才有以慰干城。腹心之望也。敢拜手稽首。贅不文之辭於末簡。以爲得人慶。

末數行一氣流轉如珠之滾盤通篇立論亦切定試錄邵周

送程廣文序

余辱與先生交十年於茲矣。先生由名孝廉來司宜諭。時適議修廟學。先生至。諄復勸捐。辛勛庀事。自大成殿以及明倫堂。次第告竣。厥功懋焉。其訓士先行後文。不忝蘇湖遺範。余固心焉識之。前三載。望僕罷官。非其罪也。余嘗慨外吏難爲。下寮尤甚。百里宰身處盤錯。稍不當上游意。卽自簡隨之。至學博。令官耳。鑿絳帳。擁皋比。似可脫然繩墨之外。乃亦動輒得咎。若此。且先生本以愛惜士類。欲保全已得之。矜何圖。疑涉杯蛇。信同市虎。并使其身一官之弗克保。蓋世嫌之難謝。而公道之無憑也久矣。豈不重可嘆哉。先生罷官後。又無能卽歸。僦屋以居。不勝旅食之苦。而杜門却掃。簞瓢晏如。問從二三知好。尊酒談諧。興益豪上。至於宦途之得失。財賄之有無。初未嘗稍以累其靈臺也。今年夏。太夫人壽終。旅舍變出倉卒。附身附棺之具。大率從賒貸而來。邑之人方擬少助。贈舍而先生再三堅却。曰。不孝雖無狀。曷敢借亡母作敲門磚。苟如是有何面目見齊魯之士耶。夫以羈旅窮空之境。值死喪急難之時。予取予求。尙苦不給。况代楮僅從俗例。受惠本亦無幾。猶復



俯○俯○自○持○一○塵○不○染○然○則○曩○時○慧○首○之○謗○固○不○待○辨○而○明○  
矣○乎○余○向○在○蜀○嘗○有○贈○立○菴○楊○廣○文○詩○其○中○聯○曰○錯○嘗○首○  
蒼○盤○中○味○悔○別○桑○麻○屋○後○陰○羅○織○竟○成○千○古○恨○洗○磨○終○見○  
百○年○心○楊○亦○才○士○以○非○辜○受○累○者○事○雅○與○先○生○類○敢○以○移○  
贈○云○今○先○生○歸○矣○余○羸○老○也○無○能○贈○以○財○而○姑○贈○以○言○竊○  
謂○國○家○立○賢○無○方○先○生○髮○齒○未○過○振○淹○起○廢○曾○自○有○時○  
失○之○東○隅○而○收○之○桑○榆○其○建○樹○詎○可○涯○量○即○不○然○泉○明○三○  
逕○松○菊○猶○存○仲○蔚○一○區○蓬○蒿○無○恙○入○室○而○鴻○妻○倡○嫗○過○庭○  
而○雛○鳳○聲○清○差○足○忘○其○憂○且○忘○其○老○浮○雲○富○貴○於○先○生○何○  
有○哉○獨○念○聚○首○有○年○判○袂○此○日○蒼○茫○烟○樹○望○彼○美○以○云○遙○  
寂○歷○溪○山○數○前○游○其○如○昨○雖○一○江○相○隔○倘○雙○槳○能○來○此○余○  
所○為○臨○別○依○依○庶○幾○乎○先○生○之○不○我○遐○棄○也○是○為○敘○  
平○文○蔡○用○儼○體○抑○何○其○婉○以○麗○也○晚○唐○人○往○往○有○之○

贈傲岳程君叙

引經立案

周○禮○大○司○徒○之○職○以○鄉○三○物○教○萬○民○二○曰○六○行○孝○友○睦○姻○  
任○卹○鄭○氏○註○曰○善○於○父○母○為○孝○善○於○兄○弟○為○友○睦○親○於○九○  
族○姻○親○於○外○親○任○信○於○友○道○卹○振○愛○貧○者○大○率○孝○為○本○而○  
五○者○從○焉○有○父○子○然○後○有○兄○弟○由○兄○弟○推○之○九○族○再○推○之○  
外○親○旁○推○之○朋○友○更○極○諸○途○之○人○猶○吾○兄○弟○之○顛○連○無○告○  
者○其○分○殊○其○理○一○親○所○親○而○疎○者○胥○以○親○厚○所○厚○而○薄○者○  
胥○以○厚○故○曰○孝○其○本○也○若○吾○友○傲○岳○程○君○其○克○全○乎○孝○者○  
與○君○世○籍○新○安○族○望○甲○江○左○自○其○祖○文○英○公○始○卜○居○吾○宜○  
年○弗○及○下○壽○以○卒○祖○母○吳○太○君○冰○霜○勵○操○撫○八○歲○孤○訖○用○  
成○立○愚○溪○丈○遂○以○盛○德○長○者○著○聲○望○於○里○黨○間○而○其○事○母○  
尤○孝○太○君○享○年○幾○及○百○齡○通○國○健○羨○語○云○孝○子○之○後○恒○生○  
孝○子○則○君○之○克○趾○前○美○也○固○宜○愚○溪○丈○享○年○八○十○有○九○配○  
宗○安○人○享○年○八○十○有○一○君○娛○侍○兩○尊○人○膝○下○有○年○其○一○切○  
服○勤○就○養○左○右○無○方○不○具○論○比○其○亡○也○戚○與○易○兼○苟○分○所○  
得○為○罔○弗○加○腆○靈○輅○就○道○觀○者○如○堵○嘆○為○有○目○未○經○更○念○  
體○魄○所○歸○不○可○不○慎○觸○暑○熱○冒○寒○凍○踰○萬○山○中○久○乃○得○  
吉○卜○于○龍○山○之○陽○購○以○重○價○葬○事○既○成○又○卽○山○麓○洪○範○

增建平房樓房各五楹。俾後來上塚享祀有堂。寢食有室。計前後所費不下數千緡。而君亦勉力爲之。非真有鄧氏之銅山郭家之金穴也。子與氏有言。無財不可以爲悅。彼繩樞窳腐之子。既苦於心有餘。而力弗逮。稍能勉力又多所靳惜。而不肯爲大抵爲子孫之心。過多斯爲父母之心。加少如君者。詎易一二觀乎哉。且非獨於此而已。君固寡兄弟。觀其篤念姊氏存歿如一。倘棣萼無恙。惇睦可知。此之謂善於兄弟。遇同宗胥有恩禮。自新安或他郡邑來宜者。至如歸如邑。司諭程先生之墨。誤罷官也。倉卒間。時有

雲溪文集卷三

八

以飲助之。此之謂親於九族。祖母之党。母之党。暨妻之党。其貧乏不能自存者。多待君舉火。此之謂親於外親。余假館君家八年。忠敬有加。凡所以代爲謀者。無不至也。此之謂信於友道。至若歲饑。則捐賑平糶。以活窮黎。厲疫則買山列冢。以澤枯骨。其他利濟事。未易枚舉。於振憂貧之義。雅有合焉。而總由親所親厚所厚之一念。推而廣之以訖於四達。而不悖。豈非本行立而五行胥從者與我國家取士沿前代制。草茅坐誦。非科目無由進身。而重熙累洽之餘。每加意於黜華崇實。曩者嘗詔舉孝廉方正矣。此

卽三代賓興之典。兩京孝弟之科。以召應。詔庶無媿色。而君自以至貴。無求者。奚羨乎綸綍之寵。與夫晉級之華也哉。君伯子璿。仲子瑛。前後從余游。璿不幸早亡。瑛頗愷文。譽盛德必食報。將於是乎在。而余所厚望於瑛者。不惟其文。惟其行。尚其束修砥礪。勿忝乃祖。乃父之家風乎。瑛也勉之矣。是爲敘。

如程衛尉李臨淮之用。兵部勅嚴明而氣厚。情真洋溢。楮墨此之謂至文也。

黎卷

雲溪文集卷三

九

蓬溪縣志敘代

文章如面史才最難郡邑志固史之支流別派也。史難志安得獨易。抑史之難匪直以才而已。必有學與識焉。先之學不博。不足與研辨異同。識不正。不足與審定取舍。太史公逸材天授。又嘗徧窺金匱石室之藏。故能貫穿諸家。馳騁上下。然進姦雄。先黃老。班氏猶譏其是非頗繆于聖人。蓋三長之難備。若此。今以士大夫出宰百里。牒訴倥偬。案牘委積。加以時方多事。公私鞅掌。昕夕弗遑。乃欲蒐討掇拾於欽文斷簡。魯魚亥豕之中。勒成一書。無失史法。則又

雲溪文集卷三

十

難之難也。宛平盛君英。以名進士令蜀之蓬溪。蓬於潼川爲屬邑。余觀其莅事勤慎。而濟之以明決。固不媿能吏材矣。君務以經術飾吏治。閱邑志殘缺漫漶。有志纂修。旣而西鄙用師。上官知君能。調司輓運。撤兵後。又以報銷之役。委君。蓋君莅蓬五年。留省且三載。晨入治官書。夜則自理邑事。焚膏達旦。率以爲常。顧猶時手原志一編。得片刻之暇。卽爲訂其舛訛。補其聖漏。凡閱如千月日。而蓬志告成。蓬古長江地。舊隸遂州。楊益川之碑版。賈閬仙之吟壇。照耀千古。由兩宋迄前代。名賢間出。號爲勝區。然西蜀經兵

瘼之匪數千里。彌望荆榛。雖有名城大都。徵文者鮮。百不

存一二。卽蓬可知已。蓬志創修於前令潘君。近菴華陽山人敘之。厥後周君臚先。續修徐君雨莊再修。頗多疎漏。又曠不修者三十年。得君書而始稱完善。然君且曰。吾述而不作。云爾。甚矣其謙也。余取是書讀之。因與前志考校得失。凡前明人碑記文字。草率應酬者。君爲芟字潤句。卽舛然可誦。於是知君之才。據歷代地理志。列三興。便覽表證。建置沿革之說。據漢書。證符傳明之。非邑人事。信詞核於。是知君之學。而余所服膺於君者。其卓識尤不可及也。巴

雲溪文集卷三

十一

蜀介在天。東夷獫狁。居其民大都。喜巫覡。習機祥。自作不靖。抵觸禁網。而後已。往者滇黔諸教。蔓延數省。釀成大獄。而蜀民之罹禍尤深。豈其性固然與。抑上之人導之未得其術與。夫民性何常。惟上所導。日與之言。忠孝節義。則奮而興。偶與之談。鬼物神靈。則驚而惑。其勢然也。君子原志所載。怪奇荒誕之說。剗削無餘。罔存一二遺事。要必其無悖經常者。然後嘆君之識。洵不可及也。已。是書也。傳豈直爲最爾。邑存掌故已哉。將所訂正。愚未萌。起教微渺。助成聖天子一道同風之化。於是乎在。余故樂推其意而敘之。

借三長以立言歸重在識正屬作者識不可及處

邵周

易詩輯義精義敘

昔漢代重經學。耆儒老生各自專門名家。朝廷既爲分置博士。列在學官。而其門弟子亦遞相授受。歷四三傳。或七八傳。一綫源流。皆粲然可數。其有如孟喜之擅改師法者。衆弗信。上亦弗庸。蓋學之必有本也。如此老友絜菴潘先生。由名孝廉。荐助國子教習。職方郎。丁艱歸里。養高不再。出其生平無他嗜好。以讀書飲酒爲性命。而於經學尤深。近眎余以所錄易詩輯義精義二書。盡卷不錯一字。曰輯義。冀衆說也。曰精義。定指歸也。一博一約。互相表裡。用以發揮理數之淵微。鼓吹風雅之旨趣。其一洗解經經亡之失。而爲功於天下後世。豈淺鮮哉。然而先生曰。此非某之能也。某聞諸吾師云耳。先生年十五六。應澄江試。謁楊文定公。公愛其穎慧。夙成。與講明經術經世之學。及入京師。主徐文定公家。復昕夕親承緒論。既而游李文貞公之門。乃知天下之學問文章。聚乎此也。公所訂周易折衷。業上塵乙覽。首刊御纂七經中。於程朱爲功臣。於鄭王爲諍友。其詩所一編。本魯論雅頌得所之義。取叙傳之說。爲之研辨其得失。審定其從違。州次部居。犁然有當。然後於古

所稱奇而法正而葩者。纖毫無負焉。先生沉潛反覆於二書手而鈔之。垂老不倦。乃今哀然成集。俾後之學者得所宗主。無取乎支離穿鑿。亦不病於專已守殘。蓋是書續述文貞兼採兩文定所論列。或間參已見特體三公未盡之意。推類而引伸之。至於擅改師法。則斷乎未有孔子不云乎。述而不作。安見述者之功不足與作者並哉。抑先生文嘗語余曰。某初入里塾。僅識之無。卅角師事九思吳先生。先生嘗師事君家。在陸公所授五經古文。皆草堂評本。其時頗有會心處。其後獲稱文定文貞門下士。益聞所未聞。

雲溪文集卷三

十四

然一知半解。實自卅角時始。某不敢忘吳先生易敢忘在陸公也。君其爲我記之。嗟乎。如先生才之高。學之富。奚難自著。一書回翔往聖之門庭。陵暴諸儒之章句。而孳孳矻矻恪守師承。至其幼小所得力。亦每念不置。余乃嘆先生之才。彌高。學彌富。而心彌虛也。余老矣。兩目昏耗。無能盡讀先生書。姑承先生命而敘之。

集中絕不賣弄經術而經術之氣彌深如此等文是也  
邵周

萬懷麓公文集敘

前輩懷麓萬公邑後進所仰爲泰山北斗也。公由名進士兩宰劇邑。年甫艾遽致政歸。鍵關著述。至老不倦。其一生學問文章之大具。見於全史類編一書。書成屬先大父在陸府君爲之序。先大父稱其不狃不迂。不誕嚴與恕合。信乎善學春秋者。既又序深柳堂詩目爲逸品。與神品兩不相掩。而詞亦如之。敘又曰。古文多於詩。惜散佚他人箚篋中。未及輯。然則公之古文固有足與詩詞並傳者。收拾而表章之。豈不有賴乎其賢子孫哉。吾友甘來先生公文孫

雲溪文集卷三

五

也。博學工文。克繩祖武。跋躡場屋。乃以明經教習爲河上神明宰。十有四年。比決計懸車。年已七十餘矣。老而好學。雅與公類。日課蠅頭楷。手鈔類編副本。閱七載告成。復蒐羅公古文之散佚。人間者。手鈔之。并詳錄先大父當時評語。合詩詞爲一集。而命余題其卷端。余生也晚。弗獲親公之德容。奉公之言論。風旨惟是少時誦肄公一流傳制義。今猶口角流沫焉。至類編苦其卷帙浩繁。詩詞又素所未習。未敢請觀也。乃今受公古文而莊誦之。且俾末學小生出一言以掛名其後。良有厚幸。然亦行自慙矣。余惟

古文一道。雖與時升降。究亦何代無才。各逞其才之所至。古今人何必不相及。而論者偏執意見。刻覈不情。或曰。前明一代無古文。或又曰。北宋而下已無古文。此其說猶近。似甚之則曰。古文當以秦漢爲斷。嗣後無足錄者。惡是何言。且吾見昔之專宗秦漢者矣。大都生吞而活剗。鉤字而棘句。髮辨乎僂孟之衣冠。而實類於東施之顰齒。欲求其文從字順。且不可得。顧乃囂然號於人曰。吾龍門也。吾蘭臺也。二子可作。肯引爲同調。古耶。夫中唐之文。惟不蹈襲馬班。故自成其爲韓柳。北宋之文。惟不蹈襲韓柳。故自成其爲歐蘇曾王。南渡後如君舉伯恭同甫諸君子。號古文中。決科體者。不具論。子由以布帛菽粟之理。爲青天白日之文。正復自有千古。而明代如遵嚴震川荆川鹿門。最後則雪苑之侯金精之魏。或以法勝。或以才勝。皆克自成一家。言精氣光怪。耿耿不可磨滅。乃知無代無才。才在古今。不必不相及。而猥以無古文輕量前哲者。殊非也。余反覆公文。竊見其原本性情。扶樹道教。詞理則中正而和平。氣度則紆餘而閒雅。絕非剽竊史漢。非薄唐宋。與夫競競焉刻畫唐宋而唯恐失之者。比而至其得意處。往

雲溪文集卷三

三

往闖入。蓋流於既溢。有不自知其然者。以詩例文。是亦古文中之逸品也。已吾宜菴爾邑山水明秀。人文代興。在前朝以古文辭鳴者。則有若孚齋王氏。安隱鄧氏。韋人蔣氏。然孚齋自所輯邑志。及祭萬文恭公文外。他文不少。概見鄧蔣二先生。於今無隻字之遺。後來纂志。棄者無能闡發。幽光厠諸文苑之末。良可浩歎。入本朝。迦陵陳先生。湖海集最焯著。其擅場尤在儷體。而平文若稍遜焉。惟王谷任先生鳴鶴堂集。自謂法史漢不及。頗近於唐宋諸家。實克以純古淡泊之音。力追正始。而先大父草堂集百首。情醇雅正。足與頡頏。今得公文。又知鍾鳴鶴之後。開草堂之先者。公是也。吾邑古文辭。於是爲盛。其鼎立爲三。無疑矣。抑聞之文品。與人品相高下。文高而品下者。千百中或得一二焉。然而希矣。王谷先生中西間。棄儒生服。隱逸自甘。公宦成而歸。孳孳著書。足跡不入城市。先大父一上南宮。不再出。授徒講義。以安貧樂道終其身。此其高風亮節。有超出尋常勢利聲華中者。宜其發而爲文。卓然有以自樹。立如是也。鳴鶴草堂二集。久付閒雕。而公文至今日始將光顯於世。則賢子孫收拾表章之功。又烏可沒也。與

雲溪文集卷三

三

平心之論明目張胆而昌言之足爲何李諸公痛下針砭

雲溪文集卷三

六

吳南溪文集敘

南溪先生余總角交也方先生年十五六其伯兄諸臣仲兄寧蒼兩先生負笈來宜師先太父未幾學先生至初開業九峰樓既復移榻草堂師先君子梅隱府君洎余同研席者閱一載當是時先大父尙無恙先生獲親承緒言不惟得制舉義真傳而凡推論秦漢唐宋元明以來古文詞得失判病徃往心解神會蓋其淵源良有自己弱冠籍浙庠歲科試多受知於學使者雖未卽登甲乙榜而文譽赫然自是與榮偕館江上晨夕過從互相剴切情好有加焉

雲溪文集卷三

六

時先生方并心進取爲揣摩場屋計未暇專肆力於古文詞然間有所作諸同學輒爲俯首越庚戌先生成進士選入部曹敬歷臺省乃悉出其生平所得力見諸當官首効河臣次論積貯論和糴又論保舉太監所舉未必得人又論科場露索太嚴失待士體凡舉朝嚙嚅不敢出口者先生獨昌言之而其爲言委婉和平曲暢事理不失儒者氣象以故一言入聖主輒爲動客一疏出朝野爭相傳誦翟子時夏謂先生奏疏不讓歐陽蘇荊子諒矣夫所稱古文詞孰太平嘉謨嘉猶入告我后上關國體下利民生學問

經濟胥于是焉在故漢史傳賈山路溫舒嚴安徐樂諸人  
 各以一書傳歐陽蘇兩文忠自定其文亦別選奏議為一  
 集若他所撰著特其小小者耳然先生官京師有年出為  
 觀察晚更召入禁林以老乞休復掌教紫陽書院此數十  
 年中或有意立言或應人求請時時有作合之褒然成集  
 佚而讀之竊嘆其含咀六經貫穿三史以仁義之質標古  
 雅之神絕非有所摹擬竄竊曰若者為秦漢若者為八家  
 而波瀾意度暗與之合史子南如嘗跋其文尾以為本諸  
 性情動與古會雄深渾穆可駕太僕而抗南豐而余亦謂  
 先生一生獲上信友惟真之一言盡之即古文詞亦得以  
 真之一言蔽之其克名當時而傳後世斷然無疑也抑聞  
 先生入直時今上嘗顧問曰汝何師先生謹對曰臣少  
 時游宜興私淑於孝廉臣儲名某者上曰儲某頗能為  
 古文詞汝游其門當有所得先生復謹對曰臣亦嘗從事  
 於此但貌才不逮古人上頷之夫先大父一介儒生名  
 不隸仕版猥蒙聖明記憶片言華衮何以加茲而先生  
 於君父之前直陳師友淵源從容謙語不異家人父子斯  
 可謂明良相遭曠代而一覲也余敘先生集謹志諸末簡

雲溪文集卷三

三

以無忘榮遇云

中間議論援摭發前人所未發結尾揭曳有神 邵周

雲溪文集卷三

三



蜀游草敘

清夜張道人吳產也。黃冠于蜀。當少年時。發憤力學。下筆  
纒纒數千言。戰兢京闈。再進。再蹶。乃浪游湖湘間。迺入  
蜀。入蓮花幕下。佐主人治官書。名噪甚。自大僚及州縣吏。  
無不願得張先生者。一旦脫儒衣冠。着羽士服。擇會城之  
武侯祠。居焉。人莫測也。祠距城南二里許。工部詩丞相祠  
堂者。是其右。爲昭烈帝陵。墻壁僅存。蕪穢不治。道人懷錦  
江渭水之助。感碧草黃鸝之句。矢志興復。次第繕完。後寢  
祀諸葛奉昭烈主於前庭。用昭君臣一體。堂外植栢數十  
百樹。交柯接葉。克還森森舊觀。旁構靜室三楹。筆床茶灶。  
位置楚楚。凡謁祠而來者。無不過訪道人。然迎送不出戶。  
雖尊官貴人至亦然。如是者三十年。於茲矣。中間嘗一歸  
里葬其親。事竣過返。子姓輩牽衣哭留。弗顧也。嗟乎。此豈  
無所得而然哉。道人不習服食。鍊形之術。亦不爲谷神虛  
北之言。惟時時集先哲格言示人。工真草書。耽吟咏。余夙  
聞其名。客歲來會城。始相識。既而數數過從。出蜀游草示  
余。曰。子其爲我敘之。余未學爲詩。曷以敘道人之詩。抑聞  
之。詩以道性情。與人品相高下。品下而詩高者。千百中或

得一二焉。然亦僅矣。市朝涸跡。必無絕思名利。熏心詭有  
遠致。道人何如。人哉。觀其人。可以知其詩。千百世下讀其  
詩。抑亦可以想見道人之爲人矣夫。

蕭然如葉脫木 邵周

春暉集敘

余素不知詩。遇詩之佳者。又未嘗不愛。夫非獨愛其鍛鍊之鏗鏘。雕鵠之工麗。氣韻之沉鬱。風致之翩跹而已。其中。有。真。性。情。焉。以。詩。人。之。真。性。情。觸。於。讀。詩。者。之。真。性。情。悱。惻。有。動。至。於。把。卷。沉。吟。而。不。能。已。已。此。所。以。雖。不。甚。知。之。而。猶。能。愛。之。也。歲。丙。寅。余。在。蜀。叢。爾。邑。習。俗。荒。陋。而。人。文。亦。然。未。見。有。談。及。詩。者。其。於。不。知。詩。之。令。長。爲。宜。過。江。陽。晤。何。孝。廉。鳴。周。頗。喜。爲。詩。然。不。多。作。及。來。省。得。一。詩。人。焉。曰。楊。司。諭。立。菴。繼。又。得。一。詩。人。焉。曰。王。司。訓。文。若。讀。文。若。馬。上。吟。色。飛。睂。舞。作。而。嘆。曰。蜀。固。才。藪。也。古。今。語。詩。者。必。曰。唐。於。唐。尤。推。初。盛。惟。陳。李。兩。公。實。爲。首。庸。而。兩。公。皆。蜀。產。今。其。有。嗣。音。乎。無。何。文。若。偕。其。宗。弟。玉。田。君。過。訪。出。春。暉。集。示。余。耳。玉。田。詩。名。籍。甚。茲。所。見。特。其。假。館。茂。州。一。年。間。往。還。之。作。耳。受。而。讀。之。向。所。謂。鏗。鏘。工。麗。沉。鬱。翩。跹。者。無。一。不。脩。而。余。尤。愛。其。開。卷。一。章。純。古。淡。泊。沁。入。心。脾。且。集。名。春。暉。念。母。也。詩。不。皆。爲。母。作。而。無。時。無。地。不。存。一。念。母。之。心。此。足。見。玉。田。之。真。性。情。矣。三。百。篇。權。輿。風。雅。其。中。如。鴛。羽。之。嗟。北。山。之。賦。豈。嘗。有。意。乎。爲。詩。哉。百。世。下。讀。

雲溪文集卷三

詩

雲溪文集卷三

詩

之者皆曰詩當如是及執筆爲之欲彷彿其一二語萬萬不可到其性情異也余於春暉集亦云

氣體高妙 黎菴

桐陰書屋詩敘

嗚呼此吾亡友文嚴與外兄之遺詩也。吾邑溪山之勝甲一郡。靈淑所鍾。往往多風雅才。前代勿論。入國朝。迦陵陳先生以鴻筆麗藻。獨步騷壇。同時有王谷任先生。與爲應和。雪苑侯朝宗。分叙其詩。謂是足當銅官兩湖之勝者。歟。後平川蔣氏。嘯庄謝氏。及吾家水謝氏。分路揚鑣。又各以其詩鳴。而兄世父載月翁。父遠山翁。兩先生華萼成編。尤擅二難之目。此兄詩學淵源之所自來也。兄又自少往來蔭綠軒。與其姊丈雙楠徐兄。暨雙楠妹倩南如史兄。精研聲律之學。以家庭授受之真。兼朋好切磋之助。兄之玉乎詩也。固宜然而推兄始願。豈斷以窮且益工之詩人自見哉。延陵氏夙稱華望。念厥先庶子公。由廷對一甲第二。入迴翔院府坊局。文章德望。焜耀寰宇。爲之後者。自當奮身科目。用迪前人光。而兄蚤負文名。久困童試。聞吾輩麗社之歲。必入數也。亟來與會。永幾果受知江夏胡公。益發憤搗磨。爲得當場屋計。年踰三十。更折節從先君子游。盡發草堂遺選。左國史漢唐宋大家等書。訂正而刊行之。自爲人衣被無極。兄之用心與力勤矣。其所自期待。良不

雲溪文集卷三

夫

雲溪文集卷三

五

薄矣。顧履踏省門。未遇知己。意中邑邑。若有所失。越庚戌。竟以疾卒。春秋裁四十有六。自兄亡後。忽忽到今。已三十餘年。遺文多散佚。其篋而存者。獨有詩數百十篇而已。昔先在陸公叙東舍集。謂樂安氏本非詩人。而以詩傳。且僅僅以其詩傳。有足悲者。余於兄亦云。余因追憶康熙壬癸之交。與兄同在麗社。會文日。各購妍抽秘。心競力爭。既乃浮白飛觴。談諧雜作。兄飲量不及升許。而興最豪。當酒酣耳熱。輒借徐史輩。闢題分韻。卽席揮毫。極一時意氣之盛。更數年。各分散去。或客京。或館吳。或留連江上。兄亦嘗一游。日下隸成均籍。旋歸里門。風雨懷人。時復斐然有作。長篇短調。並在集中。於今讀之。如遇故物。而數十年來。身世盛衰之遭。交游存歿之感。有振觸於中。而倍難爲懷者。此余所以把卷唏噓。潸潸然不自知涕之橫集也。至兄詩之工。後之人自見而知之。余雖知其工。而不能言其所。以工必強爲之言。是贅而已矣。夫何敢知交情至之作。邵周

王鏡溪時文稿序

制義昉於宋、極盛於前明、洪永熙宣、形模粗具、逮吾吳王、文恪公出、然後布帛菽粟者、其型周規折矩者、其法日星、河嶽者、其氣精金良玉者、其辭儕若詩家之有少陵、擬諸、周公制作嗚呼盛矣、公鄉會試皆第一、廷試遭忌者抑置、第三於科名盛事中不無遺憾、至本朝康熙壬辰、文孫、殿元公、臚唱大魁、適補其家之所少、而其行卷實克追配、前人、由是王氏文章遂擅天下、今川南觀察使鏡溪公文、恪之九世孫而殿元之仲子也、胚胎前光、早露頭角、成童

雲溪文集卷三

天

握管即激賞於吳寶巖、秦龍光諸先生、弱冠游齊魯、游燕、京所交皆當代名流、浸濯摩揉、益闢以肆、乙卯登賢書、選、入中翰、顧屢不得志於春官之試、一麾出守、兩綰郡符、化、洽政成、晉擢今職、公方恨以早歷仕籍、未獲盡心於文字、問及發其藏稿、讀之、鏗鏘輝煥、有非樵悴專一之士所能、與較其毫釐、分判者、夫乃嘆家學淵源、真傳一綫、不可誣、也、凡論爲文之道、莫脩於昌黎氏之書、其要旨則曰、無難、易、惟其是耳、近操觚家、指趣分馳、弊病百出、貪常嗜瑣、則、多塵飯土羹之談、驚險趨奇、則涉牛鬼蛇神之貌、質諸大

雅均無取焉、今觀公文、不爲苟難、亦未嘗出之太易、而取、心注手、若或相之、當丙午丁未後、間亦追逐時好、規倣墨、裁、要以理精法密、詞鍊氣昌、無一不歸於至是而後已、斯、足承文恪之遺源、而稱殿元之嗣响矣、夫余於公爲世講、其在蜀爲屬僚、解組後、濫叨錦江塵席、又嘗爲賓主、公既、忘分下交、而余亦不自遜、託文字相知之末、爰論定而歸、之、并申其說如此、

原本家學是切題法

雲溪文集卷三

天

虎組集序

簡兮之詩曰。有力如虎。執轡如組。賢者不得志。隱於伶官。自顧其才。實足脩干城腹心之選。胡沒沒如此。是以望西方而有思焉。雖自輟。實自傷也。不覲光陳君之以虎組名其集也。何居曰。君名家子。門望甲海內。自三相國外。登九列。入館閣。比比有人。君亦早歲。歌鹿鳴。金門玉堂。虛席以待。顧乃遠宦。天末。屈首下僚。日與鹽丁傭販相接。對獨其生平所辛苦而僅有之之物。藏諸篋笥。光氣隱隱發露。有不可銷蝕。揜過者君之工於文。而不使備轍廟堂。猶詩人之姻於武。而不使折衝闕外。借簡兮自況其不平之鳴乎。或曰。否。否。簡兮。詩人遭末世。事閭君。浮沉執籥秉翟之列。與優俳畜之何異。其自傷宜也。方今聖明御宇。立賢無方。起簞尉爲公卿。磊磊相望。况君以令長銜暫寄此職。五年期滿。行出宰百里。爲國家牧養兆庶之臣。本其見諸語言文字者。以潤飾吏治。若熙甫之於長興。成甫之於順德。其左券已文。何負於君。君亦何負於文哉。不得以簡兮比。乃若君之文。則余既熟讀之矣。其推堅陷銳。戰如雷霆。則孟賁烏獲之勇也。其折矩周規。音中黃夏。則王良造父之能。

也就文論文。則以虎組名其集也。固宜。

傲河東以三層立局 邵周

陳宅三時文敘

吳越人文甲天下。越之有杭嘉湖。猶吳之有蘇松常鎮也。而常湖兩郡介震澤而居。風氣雅相類。自前明迄今。日大家名家先後相望。卽五尺童子。操觚挾冊。皆斐然有意於古人。非獨地靈使然。蓋師友淵源。所漸摩者深矣。余吳人也。老而宦蜀。自揣臨民莅政。百無一長。頗願與此邦人講藝論文。少助聖天子作人雅化。而月課季試。到者寥寥。就其能者。大都因陋就簡。求如吳越間文波瀾意度。竟不可得。將玉壘錦江山。川靈淑之氣。鍾爲英傑。登見於漢唐。

雲溪文集卷三

三

宋者歷數百年而衰歇。與抑自明季以來。游經兵燹。雖沐本朝百年休養之澤。而元氣未復。會無暇於斯文。與噫。可慨也已。前年冬。閱全蜀觀風卷。初得三作。嘆其驚才絕艷。超倫軼羣。訪之爲鄭子有章。附課之文。閩產非蜀產也。今年吳興陳子宅三。自敘永幕郵寄近稿數十首。示余。乍讀之心。開目明。再三讀之。益不忍釋手。每到佳處。輒拍案狂呼曰。是我輩中人語。今夫人遠適異國。迴望故土。溪山渺然。天外一切起居服食。語言面目。誠如李少公所云。異方之樂。祇令人悲。忽有操鄉音而至者。則蛩然以喜。雖骨肉。

雲溪文集卷三

三

一家之親。不是過。無他。見扭於習常情。忻於乍合也。今讀陳子之文。如遇故物。是亦吾吳越間之鄉音也。已。陳子爲余年友。某翁先生子。先生宦蜀。不遂投効歸。陳子留滯此間。幾及十載。屈繡虎雕龍之手。從事於刀筆簿書。時亦見獵心喜。其刺六經作小品。不愧名家風範。則使其專心并力。簡鍊以爲揣摩虎躍龍驤。寧俟今日。余益於數十篇者。信之矣。嗟乎哉。王祭登樓之賦。每恨依人。使信鄉關之思。不勝蕭瑟。鷄肋奚堪繫戀。他鄉非可久居。吾願陳子急整歸裝。理舊業於前人志事。磨礱而恢張之。將所稱和其聲也。余雖老。尙能爲子敘之。

眞得歐蘇神骨不第形模而已 邵周

周道存時文叙

往者當康熙丁亥戊子間、吾邑舉荆南社、號者英十數人、講學論文、與吳門金沙相應、和時先君子齒加長矣、率余小子追陪其間、而意中所推服、則張丈閻賓吳外兄容川道存紹濂兩周先生爲之甲、道翁與紹翁同宗、異派、自其祖殿學公由南宮廷試第一人位登首輔、考司理公繼取進士、第入詞垣、家門榮盛、先生固所稱翩翩貴介公子也、不幸早失怙恃、孤苦力學、慨然以古作者自期、又婿於吾宗、因往來草堂、親承先大父在陸府君緒論、時出所爲文、

雲溪文集卷三

書

就正先大父雅激賞之比、入荆南社已年近四旬矣、社之課月一舉、先期一日、次第集司會者家、尊酒談諧、極歡乃罷、黎明各就研席、窮日之力、或焚膏繼之、抽秘騁妍、千筆萬狀、而四君子者實爲之中、張丈之文、大才艷發、脫口如生、容川之文、沉思獨往、刻露清秀、兩周先生則並原本六經、卽華佩實而紹翁以密麗勝、道翁以新琢勝、其天賦又有不同者、此四者皆斷然自爲一家之文也、已庚間、張周與荆南三子時文後、又各刊專稿、先生雅自閤置、弗與偕、癸巳恩科、容川用五經、倘承宣司試、越九年成進士、選

入翰林甲辰、紹翁選貢入都、亦雋京兆試、時張丈已前游

道山、弗及見、然自游庠後、每遇歲科、輒列名第一、試贖走四方、倘天假之年、度不至一衿終老、獨先生文豐、遇商僉以國子生足踏省門、而其年視三君子差老、壽坎珂淪落者五十年、世謂高文必售、徒虛語耳、昔畫山先兄之叙張丈文也、歷舉能文士之宜、皆高才不遇、賦者在吾郡、則有若梁溪瞻迺尤氏、暨陽太質、繆氏、錫余、黃氏、昆陵道生、惲氏、在吾邑、則有若九臯金氏、古蒙陳氏、安隱鄧氏、族高伯祖、悉鞠公會叔祖、翼子公先九、旂公清、開吳氏、西山楊氏、

雲溪文集卷三

書

暨近日天綏周氏、寶臣吳氏、任遠張氏、最後則吾閭賈其才、賈克班文、長房仲大、復思曠、哲生次尾、吉士麟、上勸、鹵坵右憲、吉邦士、水洛雲、李之列、而才遇、祗悟正復、相類、言之可爲太息、然三年一狀頭、今人安知所謂姚涑、楊維聰者、而諸君子之文、炳耀天壤、彼此相較、所得孰多、嗚呼、余今日之品、騰道存先生亦若是則已矣、張丈之刊專稿也、賴其子茂才、燦英之力、今燦英下世、亦幾二十年、若先生既有子、又有孫、胥克世、其家學先生歿後、子茂才、陝東、擬拾敝廬所存、及向時借刻他氏者、都爲一集、繕寫珍藏之、

家苦貧無力鉸板。今年設帳維皇。李君直夫正文先生門下士也。篤念淵源。力有梨棗。然後先生之文始獲流播。內與三君子者。並傳而過。念曩時同社諸人。凋喪殆盡。乃以論定表章之任。屬諸小友之後。死者斯又可悲。可感矣。夫時乾隆丁丑春。望前三日。

高才不遇。古今同慨。然有文可傳。而區區一第。固不足言矣。援張敘作比。例且惜。且慰。所謂擬於其倫。邵周

張景雲時文序

余年十五。六奉先君子命。出與邑中諸英俊游。相切劘。以文字初訂。八人後。廣爲十四人。命曰麗社。每月一課。循而行之。凡七八年。世好景雲張先生。其一人也。先生考慶之翁。季父宣之翁。並隸籍草堂。工文善書。稱高第弟子。而先生稟承家學。自少迄壯。不名他師。蓋一綫淵源。所從來者遠矣。方麗社之集也。長者甫逾弱冠。少者裁十餘齡。時俱應童子試。不數年。相繼游庠。里中頗以爲絕盛。然多淪落諸生中。其幸叨鄉薦者。惟先生暨余及史兄南如三人而已。又俱不得志於南宮之役。南如由中翰出。歟歷數郡。皆閒曹。余晚歲。捧檄七千里外。脩嘗艱苦。旋以老病乞身。而先生亦俛首寒廬。非吏非隱。依然老書生。舌耕故態。其遭逢不偶。若此。然回思五十年來。升沉百變。向所稱握手訂交。分曹角藝之侶。強半凋落。而吾三人者。歸然尚存。抑亦未可云不幸也。余歸里後。尚未獲與先生相見。今年以書來云。薄宦亡聊。所存者。惟是生平辛苦。僅有之物。思出以問世。子其爲我敘而行之。嗟乎。十年筆札。假重於士安。八代起衰。集成於李漢。若余者。烏足以序先生之文乎哉。雖



然余兄事先生五十年於茲矣其文嘗徧觀而熟誦之矣猶憶丙丁之交偕館邗上時余輟計偕已久而先生勵志彌勤每有所作輒以相示丹黃雜下積卷遂多今所欲梓大抵皆當時所點定之文也老眼摩挲如遇故物若是則余烏得無言余惟時文一道前朝用以取士而昭代因之闡明經傳之微言發揚事理之極致視詩賦論策固當遠勝而有司者好惡出於具心往往轉移風氣於一日之間而亦爲風氣所轉移於三年或十年之後遞相倣效亦互相譙訶所尙或在空靈也者沿而甚焉幾於束書不觀

雲漢文集卷三

表

一變而沉實則又失之彭亨鹵莽矣所尙或在刻琢也者沿而甚焉幾於乘車入穴一變而鮮濃則又失之偽采淫聲矣當其未變者皆通及其既變東顧芻狗楚固失之齊亦未得大器追逐時好而真宰不存其無當於古作者立言之旨則一也余觀先生文存者竟兩年讀之似無非常可喜者再三讀之乃知其原本儒書爲真理實格宗先正爲真法脉出入韓蘇折衷古六藝爲真氣魄真才情子韓子論文曰無難易惟其是耳余亦曰無平奇濃淡惟其真耳當先生屢舉不第或勸以貶技求合而先生始終自

守不失故吾用克延草堂一綫之傳以追隨於震川思泉荆川萊峰諸老先生之列其足以信今而傳後無疑也余敘南如文暨敘先生文皆不敢爲阿好之言據所管窺而論定之如此而并述少時遊從之數數十年來屈伸聚散之感其又不能無慨然矣夫

吾邑制舉義實自在陸先生開先旒風餘思蒸被無極故集中敘諸君子稿大率探源星宿上溯瓣香而又各各按切其人之文加之品臨無可張冠李戴語則作者之三折肱於斯可知已 邵周

雲漢文集卷三

表

史華齋時文稿序

執友華齋史先生既刊其古文集將復刊時文全稿而問序於余自楚郵書再三請不已余老矣筆墨荒落何敢敘華齋之文且其文決不藉余言以為輕重獨是少壯時彼此切磋之誼數十年來合離聚散永矢勿緩之情有宜見於余文者固不容嘿嘿已也憶余年十六七出與邑中諸文士訂麗社其十有餘人最長者為雙南徐兄張兄景雲次之華齋最少華齋徐氏倚也時時往來蔭綠軒偕雙南兄弟治詩古文之學若不屑僅以時文鳴者然所為時文絕工丙戌戊子與余先後受知魏蔚州師補博士弟子是時社中每試必入穀响附滋多詩人吳君文年亦來會當課文日向晨畢集務幣一日之長比脫稿則互相激賞亦不廢箴砭既乃劇飲淋漓談諧雜作華齋恒與徐吳數子即席賦詩醉後更踞臂連吟步月蛟橋南北興盡然後返一時友朋萃處之樂豈不盛哉越丁酉余倅叨和薦癸卯景兄繼尚華齋尚鄴踰諸生中自是借館於揚復與吳光祿南溪馬明府立本汪明府特亭泊光祿小阮編脩翼堂余門人洪太守東閣兄弟聯文酒之會一如曩昔游麗社

華溪文集卷三

三

華溪文集卷三

三

時一二年間華齋著作盈篋衍多屬余點定顧跋蹟如初丙午決計北征而吾兩人踪跡淵跡由茲始矣已西提京關其場前揣摩之作亦辱承寄咏旋選入中翰今上初元以博學宏辭召試幾得而朱之稍遷典籍循例出為郡丞初任武昌未浹歲調施南所居皆閉曹而施南在萬山中更事絕少登巉巖臨清壑益泛濫為文章蓋生平所嗜至老不衰而亦天假之緣俾得專精神一思慮以成其不朽之業也丙寅余捧檄入蜀楚蜀壤相錯耶述可通輒假宜文書郵致近作歲且再三至壬申余自蜀歸華齋亦補任嚴州獲讀其分關擬墨考滿擢銅仁郡守始便道歸里一話闊襟入都引見仍以邵丞用始終遭際不出武昌仕途踰躐畧同場屋然華齋毫不介意所簪簪不忘者祇此生平辛苦僅有之物故猥以弁言謏誣鄙人耳余觀華齋之文前後屢變初從天崇入手思清筆銳英氣逼人雅近陳臨川既而酷嗜國初鎔經鑄倅鏗訥炳煥北上後頗追逐時好為博大昌明之文果一試得之至宦稿則老懲沖和直追正嘉巨子大約不名一體亦眾美畢臻其卓然成家言無疑也曹子桓有言後世誰相知定吾文者後世不

可必當求諸同方合志甘辛與共之人計奉齋全稿余目所未及親手所未及披者特十之一二耳深知之而能言之宜莫如余曷敢自外因念三十年以前推襟送抱尊酒細論三十年以來春樹暮雲時紫魂夢見其文即如見其人更念曩時麗社諸君子相繼凋謝其稍涉宦途倦而歸尚未至遽淪長夜者獨余與景筠及萃齋三人而已余既敘景筠之文則於萃齋烏能已已要之秉筆觀縷無過彼此切磋之誼合離聚散之情而非謂余言之果足闢其輕重也至所刊古文尤屬名山盛業余媿未窺此中奧窔無

集溪文集卷三

敢贊一詞云

作敘直似作年譜大奇要非相知之至者不能 邵周

任暢亭自訂稿敘

國家承前明制以經義取士乍廢旋復每三載一有興由鄉舉升於禮部既中選則爲學之終仕之始故四百年來尤重進士科夫進士烏乎重抑重其父之無媿進士科也前輩王谷任先生有言天下之精華在科目科目之精華在程墨進士之第一人必確然第一人也故一人出而天下師之進士無倖而得無不幸而失故進士出而天下亦下而壯稿盛矣余謂社稿勿論若房稿固進士平日之文也按其平日之文與入彀者不少差銖黍且有過焉則何嘗不足以服天下故曰非進士之爲重而重其文之無媿進士科也吾宜蕞爾邑人文蔚興或數科得一進士或一科得數進士在近日則篠里任氏爲盛任氏故多材曩者王谷先生工制義兼工詩古文雖入郡國僉社爭推祭酒余所及見則鈞臺先生最焯著洪深經學制義亦絕工然王谷當申西問抗節不出其文可進士而弗願爲進士鈞臺困頓諸生二十年躑躅公車又十年幾幾乎不得進士晚乃得之時以深通性理薦得之又盡由制義要其文

集溪文集卷三

實無愧進士科者。繼此乃得吾友暢亭。暢亭少食貧刻苦力學。出其文於筆硯之間。讀之或舌橋不能下。獨先君子雅相激賞。目爲樂安氏第一人。既而籍於校。餼於虞庠。乙卯丙辰。聯飛以去。其鄉會六墨久傳誦人間矣。乃今獲觀全稿。難并美具。未易悉數。大約理實則融貫。儒書議論則錯綜。經史波瀾。意度則出入於左國史漢。中晚唐北宋諸家。而按之時文矩矱。復不失尺寸。余亦不敢攀援古昔。謂其於前明諸鉅公宗仰者何派。酷肖者何人。第曰文如是。是誠無愧乎進士科者。否則得之倖失之不爲不幸。烏在。

雲溪文集卷三

邵周

其足爲天下重哉。余少承祖父訓。亦嘗有意於斯文。材弗逮。學弗勤。訖無所成就。中間濫叨鄉薦。一赴南宮。試卽輟行。蓋亦稔知其文之不足以取進士科。欲彷彿暢亭一句一字。胡可得也。茲爲論定全稿。誠不勝且羨且媿云。

只以無媿進士科一語括之。善於討巧。

吳懷青遺文敘

外弟吳君懷青。余祖姑之孫也。祖姑諸子多隸籍先在陞公門下。懷青自少復借其伯兄懷訥。從先君子梅隱府君游。余齒差長。亦時效切劘之助。比弱冠。並赫然以能文名。先後游庠。聯陽舉場數十年。迄無知遇。今懷訥年鄰八十。歸然如魯靈光之僅存。而懷青則墓有宿草久矣。可悲也。夫顧其文實有高出輩流。可垂之不朽者。哲嗣方行。掇拾成編。囑余論定。余避其尤數十首。而申之以言。夫過佳文而不知賞。何異無目人知文佳而賞之矣。譽之過其實。是

雲溪文集卷三

吳

爲阿好之言。則亦遺議於識者是兩者。余俱不敢竊謂懷青之文。至於扶疎暢達。了然心口手之間。而該理則與交洞開。言情則纖悉曲到。至其鎔經鑄史。發爲崇論。竑議尤足立懦廉頑。擬諸前代。鉅公雅興黃嘉定相近。然嘉定掇巍科樹大節。不負虞山期許之言。而懷青卒稿項。庶幾以老。余嘗論文章券遇合。而遇合殊不盡係乎文章。竄其然乎。吾邑溪山明秀。人文代興。延陵氏特盛。匪直科名接武。其窮而在下。號文壇飛將者。往往有人。余耳目所及。聞見與先大父同應歲科試。遊爲甲乙。時則有若黃成先生綸。

與先君子同研席。互相推致。恪守草堂一綫之傳。時則有若紹文先生嗣肅。又葵先生。周子昭先生麟徵。與余年相亞。稱文字莫逆交。時則有若青聯君紱。初思石君元豹。景文君俊華。後起則起劉君健。於上君庸。建亦爲一時之秀。若此諸君子。或齒危髮禿。實志歿身。或新刃發。矧遽遭短折。計其下世遠者數十年。近者十餘年。遺文亦多散佚。幾與荒烟冷風俱盡。而懷青猶藉哲嗣之力。不致湮淪。門下士新安汪君去非。更力肩梨棗。俾淹蹇於當時者。尙獲流傳於後世。庸非其不幸中之幸也。與懷青兼工古文詞。余別有論定。其生平行誼。亦附見茲。不復及云。

雲溪文集卷三

吳

因懷青而牽連及吳氏之能文。不過者懷青傳而諸先生亦傳矣。此君子樂道人善之風心也。邵周

湯弘敷時文序

吾邑山水甲常郡。秀靈之氣磅礴。積能文士往往出於其間。而才遇抵牾者。正復不少。在前明及國初諸先生。不具論。余所從游如張丈聞賓。天授選才。其文在荆南。三子中實高出紹濂。容川兩先生之上。顧周吳遇而張獨否。且年不盈四十而終。有才無命。有未易詰其所以然者。至近日則湯君弘敷。其尤甚者。已君伯兄辛齋先生。少以工文名。劍氣珠光。不可迫視。余犬馬齒不翅十年。以長恒以畏友。目之旣而果第進士。入詞館。轉侍御。陟京卿。今更奉

雲溪文集卷三

吳

簡命視學黔中。爲聖天子宣揚作人雅化。俾蠻烟瘴兩斌斌焉。與中土同風。可謂允食文字之福。而君頗後出。余中年後備書四方。里居之日少。固未暇一相識也。歲壬申。自蜀歸。仍理舌耕舊業。因徧訪邑中後起之秀。筆研之伍。爭推君君亦不我遐棄。問出所業。聆余竊見其苦心孤詣。迥異世俗語言意思。要以含咀九經百氏之菁英。神明先正大家之矩矱。可與復古。可與諧今。又非乘車入穴者所可倫埒。把翫不忍釋手。爲詳加評騭。而歸之嗣後數數以文來。余館課生徒。遇棘手題。輒邀君分作。諸生方血指

汗顏而君以有厚入無間游刃恢恢一若有是題便應有是文者諸生轉相傳寫奉爲模楷有日矣然君屢入棘闈僅邀點讀應提舉試亦間置平等作者難知者良不易蓋自古而嘆之前年歲試幸廁招攬之列亦未獲拔冠一軍而君覆試日已扶病入場出而彌劇竟客死澄江之旅舍諸同學相與釀金舁輓歸余聞訃且驚且悼爲小詩哭之與陳黃門縱使不堪朱紫貴何妨白髮老諸生之句同一悽咽君歿後數年配徐孺人繼隕遺孤笑笑頓伯母提攜同居撫誨如子其成立殆可望而辛齋先生痛深原隰念死者不可復作惟文字之傳或可垂諸無窮况君一生辛苦僅僅存是誠不忍聽其埋沒銷沉與輕塵弱草同盡將藁輯而梓行之以余與君有一日之雅也七千里郵書屬爲論定計君之文多余向所評騭者再一展閱墨瀋如新而邑耆宿謝先生次山適授經其家助余持擇存其卓然不朽者如干篇謝先生之言曰弘敷文魄力沉確肌理細膩倘天假之年優柔之壓飲之當更臻化不可爲境界而茲猶若有待焉要其大含細入橫騖別駢斯足以藁矣先生老於文律故於所獎賞不肯一字假借如是味先生之

雲溪文集卷三

哭

論方可與讀先生之文然先生固亦老而不遇者曲高和寡彼此畧同獨老壽差勝耳余因序君文而井及之蓋不能無慨於中云

末路借謝先生作收科與起段筆勢相俛仰章法有草蛇灰線之妙

黎登

雲溪文集卷三

哭

程樹思遺文敘

悲矣夫程生樹思之才而歿也生年十三倍其兄受初從  
子遊受初耽精雋誦而生畧觀大意顧穎悟過人初發筆  
往往有驚人語閱六年學益進文益工遂先其兄籍於校  
又二年而卒年僅二十有一耳其尊人執古誼不爲立傳  
余懼夫日遠日忘民其爲與草木同腐也旣爲詩哭之復  
檢遺文數十篇付諸梓蓋文傳人亦傳矣雖然余敢謂生  
之文果足信當時而傳後世乎哉岷嶓之流不放海不成  
鉅觀豫章之材不干霄不勝大任益濬其源以導其流益  
養其根以達其材摩揅之浸灌之以登古作者之堂無難  
焉而惜乎造物者之早奪之年也雖然如生之年有生之  
文天下後世當有讀而知之而悲之者是則予之所以傳  
生也夫

着語不多悲風四起 邵周

雲溪文集卷三

辛

自愧集後敘

外弟盧子惟周嘗刊自愧集余爲序而行之嘆其材而不  
遇因喆以窮且益堅大器晚成不有得於前必有得於後  
振振古昔且勸且慰旣數年果受知學使者拔補邑博士  
弟子員試牘出人爭傳誦蓋斯文金玉其精氣光怪之終  
不可磨滅也如此然而予所望於惟周者僅區區一矜已  
哉每見學老文鉅之士雖半生偃蹇訖晚暮光榮如近日  
吳門沈宗伯吾邑任宗丞是其左券意惟周將與嗣興而  
一入銀闈輒遭按劍又一年抱微病終春秋纔逾六十由  
是余向所望於惟周已矣獨其文之號爲自愧者殊無愧  
耳悲夫哲嗣某某痛念先人不忘杯棬爰取其招覆卷歲  
入卷附前集中用成全璧屬余點定而余更爲之後序云  
抑盧氏多才惟周有從子曰鏡字元方者余外王父母之  
嗣曾孫也敏而好學自少迄長祇從其伯父游得爲文真  
泚弱冠游庠食餼先惟周鳴客歲忽繼惟周卒豈天之不  
欲昌吾外氏耶將有才無命昔人所悼嘆於東野長吉玉  
溪生者後先一轍固非智力所能爭耶自愧集久刊行而  
元方文莫爲表章使有間於後此其尤可悲者故附及之

雲溪文集卷三

壬

不惟悲惜維周兼表章其姪文情一往而深 邵周

程蘭皋易經文敘

惟經術足以經世而士尚通經前明制科 國朝因之令士子各占一經且首場書三經四其用意良亦有在厥後司文衡者每專重四書文挾冊應試者乃贅視經藝積習相沿久而益替雷同勦竊視爲固然明經之舉用以荒經是可嘆也惟有志之士不隨時俗爲步趨求以名必應以實爭寸心之得失不問斯世之從違新安蘭皋程君爲江右勗來李先生高第弟子向常負笈於先君子之門鑽學工文其四書稿既爲當代宗工如吾郡秦丈龍光金沙王丈漢階所見推許予旣序而行之年來復敦舊好延兒樵於家塾課其文孫又出大易文一編見脉兒樵讀之愛其析理精持論當義畫文衆周又孔祥一經體貼妙義環生當代幾莫與抗手擬諸前明鉅製上之可以追配錦泉震川次之亦足齊肩紫溪南麓至若大士之變化離奇陶菴之雄深博大集中無所不有誠彙壇之赤幟易學之津梁也兒樵勸之付梓而蘭皋復索敘於余余竊怪蘭皋東髮受書鑽研制舉用功勤而著述富推其所有將以登承明著作之林無難焉顧一踏省門不求再試豈有其實者不



必務其名。抑不問斯世之從違。而但爭寸心之得失者。耶。方今聖天子崇尚經學。特命經藝用作專場。自茲以往。挾冊應舉者。當不得復如向之雷同勦竊。以僥倖於萬一矣。則茲編一出。不誠足爲當世承學之士。導夫先路也哉。名山之業。用以懸諸國門。而經術之足以經世者。亦於是乎在。

往復自道章法秩如 邵周

雲溪文集卷五

書

正舊堂稿序

吾儲氏自莊城遷邑臧林里。歷宋元代。有聞人里諺曰。臧林儲氏。好文章。用獲廁十故家之一。及再遷豐義。以能文章名滿天下者。實自高伯祖信房。明經泰鞠公始。贅菴公繼之。而我高祖仁房。副憲公。洎弟廉使公文名。不在泰鞠公下。更先後成進士。子孫世傳厥緒。以迄於今。國初先大父在陸公偕輩。從井陘清源兩公。訂八俊社。力闢沉雄。鴻邃體兩公者。享年不永。先大父獨老壽。主持東南壇坫。浸四十年。凡族子姓之綴草堂籍者。制舉執多。高出一世。若畫山中子。諸兄。其在人耳目者也。後起則信房弟閻巢。東溪君。雖不在親炙之列。嘗師事平川蔣先生。蔣故草堂高弟。瓣香所奉。早得真傳。而君天材又過人遠甚。畫山兄評其少作曰。名雋似義。仍寶光似文。止罕階王先生。則曰。近益精詣。稟震澤昆陵之法度。而運以圓澤。參正希大士之雄奇。而出以深謹。文輟方先生曰。油然而形。而神去其肉。而以洎饋。綜斯三說。可想見君文之大都矣。君生後余一歲。余弱冠。後授徒本村。獲與晨夕遊處。一裁脫稿。有奇則互賞之。亟課臚歡堂。彼此無肯尺寸讓者。然實心畏君。

雲溪文集卷五

書

矣。余於前代。本朝文多泛愛。君則別擇精審。持論特嚴。舉一世循誦習傳之文。取其長。未嘗少恕。其短曰。某篇丰骨未高。某處神味未足。而君爲文。或含毫欲腐。或振筆疾書。一以丰骨神味爲主。沉思獨往。擺脫凡近。挾精剔華。期到古人。昌黎氏所稱克自樹立。不因循者。君是也。君文諸體畢備。短章尤工。或疑於試事不利。癸巳恩科。竟以是得之上。南宮再進。再驟。確守故吾。弗少變。癸卯之役。同舍生見其文。譁然駭且笑曰。跋涉三千里。此行良苦。胡乃向齊門而鼓瑟乎。君亦快然自失。遽似裝歸。歸未數日。而報捷者。在門矣。曲高和寡。良不其然。然此可爲知者道。難與俗人言也。君歟。歷中外。晚歲以乞養丁艱。歸。讀禮之暇。自訂生平大小題文。都爲一集。問業姪承謙。孝廉。編次而刊行。之。倣古刻法。不勾股。不畫段。旁評亦寥寥。無幾殊。不便於讀者。閱十餘年。其子瑾德復請余論定。爰續終焉。竊念吾宗自臧林豐義以來。夙稱文學世家。一綫源流。粲然可數。至君文於經畬堂稿外。另開一勝境。要不失余先大父真傳。清廟明堂之响。高山流水之音。其趨殊。其歸一也。顧經畬堂家有其書。而奉茲編爲枕秘者。十纔得一二。殆猶

雲溪文集卷三

三

曩者同舍生之見也。與余晚獲交。邑耆宿次山謝先生。讀其文。私心傾倒。謂是亦當求之丰骨神味間者。然謝且以諸生老矣。其遇視君遠不逮。蓋俗尚之移。人而真賞之難覩也。如此。余序君文。而不禁爲之三嘆云。

別有感吁 邵周

雲溪文集卷三

三

葑坡弟時文稿叙

今海內人文之盛。首推江左。輒南及吾邑。在吾邑亦復齒。及寒宗。粵自唐開元御史公。肇開文學。歷宋元明。一綫綿延至。本朝而益著。當康熙丙午丁未。三風雄飛於前。已丑辛丑。以還五桂連鑣於後。其他子姓亦時有取甲第入禁林者。獨先大父在陸府君。學老文巨。困頓舉場四十年。年六十始膺鄉荐。一試南宮。報罷不復出。而聲望彌高。迄今承學士仰之如山斗。昌黎氏云。其用功深者。其收名也遠。信乎文有定價。雅不在區區科名利鈍間也。葑坡弟頗

葑溪文集卷三

美

晚出。方年十五六。從余游。文思甚發。穎覽既而問業九峰樓。益綜貫古今。湛深經術。所爲文。悉本草堂真訣。沉雄雅健。駁駁乎追古大家而從之。餽千庠試。輒高等。及屢困。闕援例北上。當道諸公爭延諸塾。其門下士往往聯翩。偶去而葑坡偃蹇自如。嘗一以經學荐。亦未蒙召試。比壬申恩科。始有京兆之捷。當是時。春秋五十有九矣。入禮闈。薦而不售。僅以明通榜第一人授學正銓。甲戌丁丑。再不售。乃輟試工於文。而窮於遇。謂非其命實爲之哉。鱣堂多暇。爰彙集生平稱意之作。得如千篇。行謀付梓。而丐余一言。

葑溪文集卷三

美

夫自前明以來。尤榮進士科。至文章高下。初不係是文之高者。必能闡義理之精微。窮事物之變態。取材於經。取氣於古。取法於先輩大家。而又自具鍾鑪不躡故迹。乃足以名當時。傳後世。若是者。葑坡文已皆有之。余計其歌鹿鳴之歲。僅早先大父一年。前修遭逢。亦有類有不類。而文字淵源所自。則有不可誣者。倘謂葑坡之文不足取進士科。與夫今世取進士科者之較。有勝於此也。非余所知也已。今揀觚家多推尊江右五家爲明季之冠。然其中第進士者二人而已。設有謂大力文止。其文弗克與陳楊並。巍然乎否耶。若房仲思曠諸先生。并掛名乙榜。不可得斯又何說耶。余故曰。文有定價。區區科名利鈍非所云也。吾宗能文之士。代有在前。明則明經泰鞠公。翼子公。九旂公。國初則文學耀遠公。君宜公。研田公。允文公。康熙中則明經遠聞公。宛若公。虞庠少白公。孟爲公。志讓公。暨先君子皆號江左宿儒。迄艱於一第。余方欲編羅放失。彙成一編。存舉宗文獻。而如前明數公文葉散佚。已無隻字之遺。今其幸有存者。不早爲表章。將同歸漸盡泯滅。余老矣。恐此志不遂。而葑坡猶獲冠進賢冠。自刊其文。以就正於當代知音。

之君子其亦稍可自慰矣夫。

爲乙榜人吐氣

雲溪文集卷三

卒

雲溪文集 目錄

宜興儲掌文越漁氏著

同邑 潘永季絜菴氏 評

任道南邵周氏

門人程徵璠受初編次  
男 熊汜蕘校字

卷之四

譜敘 壽敘

潘社金氏譜敘

新脩毫村陳氏宗譜敘

皇塘荆氏族譜敘

曲阿珥塘荆氏族譜敘

夾山王氏族譜序

葉氏宗譜序

蔡氏譜稿敘

南臧分支譜敘

劉太翁壽敘

威遠陳明府五十初度敘

繆奠邦七十壽敘

沈楚鴻三十初度敘

許遠士六十壽敘

路芳洲六十壽敘

李西庚六十壽敘

吳果園六一壽敘

吳吟安六十壽敘

汪去非五十初度敘

程蘭皋七十壽敘

古愚叔八十壽敘

勝采叔七十壽敘

目錄

在勸弟壽敘

王母馬太夫人壽敘

徐母姜太君七十節壽敘

吳母楊安人壽敘

滁州嫂九十壽敘

代

潘社金氏譜敘

古今門第之盛在前漢則推四姓金其首云。自魏侯門  
碑起家園史以忠實無他腸上結主知受遺詔輔幼君與  
博陸侯同功一體其子姓乃至七世內侍貴近莫比雖姻  
聯帝室者且弗如嗚呼何其盛也。此外或同姓異其族或  
同族異其宗。歷晉唐兩宋元明以來名臣碩士具載史書  
殆未易更僕數。至近日而擬大魁躋八座者往往有人故  
曰門第之盛金其首也。雖然既別為異族異宗矣。歷千  
禩人各一方。即合敬同愛之中。當存類族辨物之義。必欲  
彙萬派以同歸。聯千山於一脉。無乃以攀援依附而卒隣  
於誕謾不經大雅君子決無取於此。是故各親其親。斯各  
譜其譜。要無失乎良史氏傳信不傳疑之大法而已矣。吾  
邑東北潘社里介兩湖之中。其聚族而處者為金氏。始遷  
在明洪永間。迄於今傳世十餘生齒。蔚百雖駁光燄耀未  
遽有登科甲列仕版之人。而恒士恒農世敦素業亦多以  
臆貲盛德。弁兒一鄉入而合其族。請如也。出而從邑中  
賢士大夫游。斌斌如也。保世亢宗。於是焉在。信足引前休  
於勿替。迓後祿於無垠矣。金氏前此未有譜。十一世孫履

仁始輯之十二世孫雲龍夢麟續終之上溯始遷日已幾  
及四百年而諱字配嗣生享年葬所續晰詳明無訛無  
漏蓋由前之人勤勤記註實而傳之不受蟲魚蠹蝕而又  
以年以世次第增加故後之人一為整齊而釐然具條若  
此余嘗慨高明形勢之家其子孫弗克負荷者多矣即如  
吾儲氏其祖唐侍御公至宋南渡析十大支來宜者五餘  
或徙他郡邑並克振家聲獨吳期支世守莊城祠墓復家  
有侍御公畫像其為嫡派無疑顧詢其世次茫然自父祖  
以上曾不能舉其名字遇同宗則以年相伯仲而已雖欲

雲溪文集卷四

合諸吾大宗譜其道無由吾乃嘆金氏有譜不惟纂脩者  
之用力勤而實賴記註者之諦謀遠也嗚呼可風也已按  
譜一世祖曰寶性公始自杭遷常二世曰淮又自常遷宜  
之潘社先是寶性公攜子來游樂其山水至淮卒成父志  
乃真居焉雖遷宜自淮始而斷以寶性公為一世祖者從  
其朔也若夫由寶性公上推之自厥考信公而上極於一  
世祖仁公其間世數少而歷年多不無脫漏大率從中州  
來世籍於杭者由寶性公旁推之伯兄寶德仍居杭仲兄  
寶善別徙蘇兩支苗裔並以簪纓世其家為潘社所弗逮

要皆與公同出者前輩家宰徐公潮敘杭金氏譜於源流  
分合甚詳而其書寶性公曰字法良娶陳氏并足補潘社  
譜稿之闕然則吳越一家灼灼明矣特自常再徙所未及  
詳耳康熙中杭金氏來宜議纂脩宗譜潘社人婉辭之曰  
某等村疃曷敢與貴人齒既居宜將自輯吾宜潘社譜他  
何知焉蓋信則傳信史法宜然且不以攀高附勢煇耀一  
時為榮而惟以食德服囑綿延百世為重此其用意良深  
矣譜有圖有世傳頗傲邑中諸巨族譜參酌成之而所載  
統文多出自史君懷葛手史君喜為古文嗣能暢其胸中

雲溪文集卷四

主

所欲言凡金氏之行脩於家望重於鄉者胥於是班班可  
攷易曰積善餘慶傳曰公侯子孫必復其始如金氏者世  
濟其美潛光弗耀匪一日之積矣積久則醇醇極則發理  
有固然夫烏知此日之恒農恒士者不且浸熾浸昌進而  
與漢程侯門望之盛後先輝映也耶夢麟字南衡余族妹  
倩書成以敘言見委為申明其大旨如右云

傾困倒廩而出之其中針線固自不苟

纂卷

新脩毫村陳氏宗譜敘

余家與太邱氏世有姻連。虞庠敬脩增廣。幽州兩兄則與余年相亞。少壯時晨夕過從。相切劘以文字者。日月不居。人乘抱痛。增廣哲嗣明經。健南君淵源家學。篤念世交。其於余執後輩禮。唯謹。嘗請爲其尊人敘遺文。世父撰家傳矣。茲者又以譜敘請。雖老耄不文。誼無敢辭。余惟陳氏風稱吾宜。華望與東海延陵諸巨室相頡頏。系出宋大儒永嘉止齋先生後。其遷宜之白塔里也。在宋元間。自揮使承先公始。其出贅毫村吳氏。爰奄其地而有之也。在明初。自

雲溪文集卷四

四

南雄守雲衢公始嗣。是瓜絲椒衍。歷八九傳。至少保謚端毅諱於廷公。歷事神嘉莊烈三朝。益震耀暴著。同時族從如礪雲公。早登甲榜。謙茹公。嘯唱大魁。實菴公。徊翔坊局。華穀朱輪冠蓋相望。視江東四姓有過之無不逮焉。八本朝來。稍不振。而寓園公析支中州。復簪纓鵲起。內則翰銓臺諫。外則監司郡守。近萃一門。父子兄弟間然。則端毅公之餘澤遺烈盛矣哉。顧陳氏在吾宜。不惟以科名爵秩重。特以人重。蓋自邵太君苦節。迺其美懷。古先生純孝。齊會閔積善餘慶。篤生偉人。端毅公用克以名德碩望。執東

雲溪文集卷四

五

林牛耳。立朝梗概具載史書。屢起屢仆。而天下高之。村販豎無不知有陳少保其人者。由公而下。則有孫謀定生兩處士之學行。青溪戶部之忠壯。迦陵宏博之文采。風流率皆先施。前光無慙。邇長以故我國家褒賢錄善。禮秩無文。或特建專祠。或從祀文廟。若鄉賢若忠義若孝弟。以及道南書院各得附主。其中祖豆馨香。永永無極。余故曰陳氏之足重。以其人而非以其科名爵秩也。從來有傳人必有傳書。國史所不盡詳。恒賴之乎家譜。家牒大譜牒之作。豈僅僅序昭穆。別親疎。爲華渚合離計哉。前人之懿莢。藉以闡揚後嗣之績。承得所觀感。自昔譜學莫盛於唐。唐人譜莫佳於瑯琊王。趙郡李。京兆韋。榮陽鄭。諸氏良以其人其書足與史書相表裡。故迄今列在四庫書目中耳。余聞毫邨譜肇脩於崇禎季年。再脩於康熙辛丑。而秉筆者頗不滿人意。源流本末。謬轉異同。至論譚先人功德而表章之。殊草草。卽如礪雲公父子交游。偏天下。投贈篇章。最夥。譜不一二存。辛丑譜於青溪定生。迦陵數公俱未爲立傳。疎漏若此。其他可知。此明經君所爲發憤有作也。君少而嗜學。長益工文。尤留意於陳宗故實。感諸博探。偶有所

開見雖殘編斷簡輒寶而藏之撥拾有年幸存什一於千百適諸宗賢議脩譜牒乃敢專筆削之任出所報拾集成一編其世系世傳無改前規而舊文則加益蓋書傳而人與俱傳矣又譜之曠不脩者已五十年不及今續輯馴致遺忘加以南北析居不至相親如途人不止是則本徵文考獻之心藏收族敬宗之誼非所謂一舉而兩得者與若夫糾黃校刊董幸而贊襄之則如玉璫耀岳荇諸君子之力也例當得附書

寫陳氏特以人重鏤鐫鼓舞邵局

雲溪文集卷四

木

皇塘荆氏族譜敘

余小子雲陽甲族皇塘里荆氏之彌甥也先曾祖醇菴公副憲肩宇公仲子博學工文樂道不仕實爲先大父在陸府君開先其元配則荆太孺人孝廉諱文燁公孫女封翁諱嘉封公女兩家門戶相當遂聯秦晉歡惜不永年僅生一女而卒兩伯祖出自副室先大父伯兩叔祖出自繼配吳太孺人然禮崇正嫡猶之所腹出爾矣時閱兩朝人經四世以曲阿陽羨二百里之隔莫往莫來比康熙丁酉余幸偕南華先生同舉於鄉而彼此踪跡濶疎先生又早卒曾弗獲緣譜誼追尋戚好心常憾焉晚歲自蜀投効歸重理筆耕故業遠近諸文士竊意其傳草堂一綫也謬以農馬之智相推由是皇塘祠課卷亦得時與寓目蓋一而再再而三矣其中列賢序者數十人應童子試者不下百人濟濟英髦爭奇競秀望而知爲千佛名經中人大江南北不少巨閥高閣人文之盛豈克逮此余乃嘆余外氏之積厚流光如是其方興而未艾也頃者中表文愐漢鄉兩君買舟過訪構祠課來兼以譜敘請余固彌甥也雖老病誼毋收辭禮大傳曰尊祖故敬宗敬宗故收族三代以下宗

雲溪文集卷四

七



法廢而譜學興。在李唐時特盛。如氏族志。衣冠譜。英賢錄。以及瑯琊王氏。趙郡李氏。京兆韋氏。榮陽鄭氏。所撰家譜。家牒。皆與史書相表裡。得哉。在四庫書目中。至有宋廬陵眉山兩公出。又各自為譜。成一家言。大約紀近不紀遠。傳信不傳疑。無與於史。而具得史法。後世縉紳士大夫家。並宗之。宜矣。雲陽荆氏。發源於漢荆王賈。得姓於王子微。侯武。瓜縣椒衍。實大以蕃。其散處江淮。豫洛間。及望於河東。猗氏者。不具論。卽雲陽派。亦有。三曰馬莊。曰珥塘。曰皇塘。兩塘屬最近。元末祥十公。自珥塘出。贅皇塘袁氏。旣乃奄其地。而有之。長子孫焉。禮所稱。別子為祖也。三傳至泰三公。一支族始大。服田力穡。代以質雄。七傳至野庄公。始教子讀書。成名。八傳至雲洲公。兄弟始先後登甲乙榜。隸仕版。嗣是纓簪烏奕。世有其人。或入游蘭省。或出綰銅符。文章政事。焜耀寰宇。他若籍郡邑。校餽虞庠。責成均注。銓南曹者。未易更僕數。而於茲後起之彥。更蒸蒸然。皇皇然。嗚呼。豈不盛哉。皇塘之有譜也。肇自弘治中。出同邑朱先生。葛筆時。荆宗尚未有達者。而腆貲碩德。弁冕一鄉。避知公侯之子孫。必復其始。嘉靖季年。雲洲公續脩之。義例大脩。

敘其事者。滋多。厥後再脩於萬歷己未。入本朝復一脩於康熙辛亥。再脩於丙戌。三脩於今。上龍飛之二年。丁巳。計丁巳到今。忽忽三十年矣。自古三十年為一世。其間子又生孫。孫又生子。者幾何人。老而卽世者幾何。齒生若卒。何年月日。歸藏何所。男婚而女嫁者。何門不及今編錄。恐日遠。日忘。無能記憶。且將使一本之戚。數千丁之聚。情睽義渙。漸至於塗人。此荆氏諸賢宗所為汲汲也。今觀其書。法謹嚴。圖表朗晰。闕揚世德。垂訓後昆。用克踵歐陽蘇兩公之後。應以庶幾乎王李鄭韋氏家譜家牒之美。脩入可千餘金。祠正謹司之時。其出納自四時。祭享外。惠逮本宗。一切養老疾。恤孤悖。賑凶饑。與賢育才。諸要務。胥於是焉取給。而譜牒約數十年一脩。斥其贏以供剗。剗費裕如也。寒宗亦系出潤州之莊城。宋南渡徙宜邑。藏林明初分支。豐義科名接武。差足與皇塘頡頏。而祠產不及十分之一。頃日念支譜久不脩。余老矣。頗有志於續輯。旋以體

歎屋壞拮据未遑盡舉誦舉羸之未可同日論也然則如  
荆氏者其祖功宗德厚爲詒燕於前而孝子慈孫又善爲  
繼承於後不益令余小子之媿且美於無窮也與爰正襟  
盥手而爲之敘

邵周  
氣體閎整以彌甥敘外家譜固宜其莊重不能乃爾也

雲溪文集卷四

十

曲阿珥塘荆氏族譜敘

余曾王父婿於曲阿荆氏迄今代傳五六渭陽之誼未之  
有忘客秋中表文翰漢卿兩君枉駕草堂請敘皇塘宗譜  
自愧筆墨荒落殊不足爲原敘諸君子續貂然弗敢辭者  
以彌甥故也今年夏荆族人芷園君又以珥塘譜敘來請  
珥塘者皇塘所出自祥十公分支皇塘以來子姓簪纓  
爲奕而珥塘實其大宗芷園則別居馬庄與皇塘同字字  
派者也余既敘皇塘譜安得不兼敘珥塘再稽荆氏受封  
於漢高祖從兄荆王賈得姓於王子列侯武自是歷兩京  
三國吳迄西東晉敦詩禮世不易守門望最高其分徙淮  
南北雒陽及山西之猗氏者莫不祖荆王而宗侯武至二  
十二世弘宗公始定居珥塘弟弘緒公撰錄賢志輩開譜  
牒分敘之者何承天顧愷之劉宋元嘉時名士也唐天寶  
中再脩譜我始祖侍御諱光義公實敘之其曰兗州從事  
仁裕予姑之子從弟仁翰予同年進士桂州經畧判官仁  
章予婦兄則知荆氏與吾儲氏世有姻連固不自前明始  
矣至歷代錄賢志或數世一人或一世兩三人錄以賢匪  
以昭穆僅存其名諱官位餘則闕焉延至宋景德中四十

雲溪文集卷四

十

三世廷隱公生五子分乾坤宇宙洪五派然後絲牽繩貫  
生娶卒葬皆可得而詳矣嗣後脩於慶歷宣和者燬於建  
炎脩於紹興嘉定者燬於德祐元泰定年間發屋得諸夾  
垣中五派宗支森然具在乃彙而輯之此可見天祚明德  
未知所底用使一綫之傳綿綿延延不至與荒烟冷風同  
盡也噫幸矣哉前明時一脩於嘉靖四十五年再脩於萬  
歷四十八年當是時皇塘分支已久自雲洲公宦成而歸  
別建祠別輯譜至戶部瑛岩公嘗撰兩塘譜敘將合而一  
之事訖未果蓋皇塘援別子爲祖之義固不必上及珥塘

雲溪文集卷四

主

而珥塘大宗祠首奉荆王次侯武次廷隱公次乾坤宇宙  
洪五派祖如水之有源先河而後海如水之有本接葉而  
流根其爲譜專主於尊祖敬宗收族不能不下及皇塘之  
三世理固然也入本朝一脩於康熙甲寅六十六世孫  
元芝專其任再脩於乾隆己未六十七世孫若悉肩其勞  
於今又三十年矣三十年爲一世少者壯壯者老故亟議  
重脩宗賢某某輩繼其志於向所列表規四議四志世德  
內行傳悉仍舊貫因虞續終之其爲源培本維風砥瀾  
計功豈在前人下哉善乎若霖王先生之序已未譜也曰

頌。先。美。凡。諸。所。同。勸。懲。後。嗣。荆。譜。所。獨。惟。仁。人。孝。子。能。  
曲。體。祖。宗。之。遺。意。而。彰。明。之。爲。可。傳。也。爲。可。久。也。余。無。以。  
易。謹。書。之。以。爲。曲。阿。荆。氏。世。世。萬。子。孫。塲。  
與。前。篇。如。駢。之。新。邵。周。

雲溪文集卷四

主

夾山王氏族譜敘

余亡友鶴沙徐先生婿於夾山王氏余以知王氏族大丁  
繁四百年來號郡南華望然其源流本末未之詳也夾山  
距吾宜纔七十里一葦可航而余壯盛時奔走四方晚歲  
投効歸又耄老不能出門戶無由一過其地遍覽湖山之  
勝風土之饒與夫人物衣冠之躋濟心常憾焉今年王君  
陸曜偕其小阮方臻躬造草堂願得一言弁其新脩宗譜  
余固讓兩君者固以請念王於吾亡友係衛樂之親則余  
於王亦不得不推屋烏之愛也乃諾而敘之再稽王氏本

雲溪文集卷四

匡姓魯匡邑宰句須之後至漢丞相衡乃益大宋初有官  
司尾尚書者曰七四公匡盈偕族從將仕八三公宣教信  
三公共侍執祖避御諱去仁存王生則王之歿則匡之以  
示無忘本始三公者皆熙河人越數傳裔孫樞密公淵思  
高宗蹕南來卒殉苗劉之難賜諡襄愍子孫遂散處吳越  
間乃其世次多不可考矣又數傳至運一公丁元季之亂  
率二子端三秀四由吳門徙無錫再徙武進之夾山既而  
端三出贅邵巷不復返秀四獨於茲土長子孫焉禮所稱  
別子爲祖繼別爲宗者是也自時厥後丁齒漸蕃析之爲

兩分又析之爲五分三分始於阡陌雲連繼以簪纓鵲起  
歷憲孝武世四朝右山公掌臺綱一齋公秉臬憲雪柏公  
筦冬官泊韋巷公嶼南公思江公和鼎公文章政事氣節  
並焜耀寰宇蓋不惟以科名顯而已入國朝來稍不振  
而秀者愆於學朴者勤於耕食德服嚆嚆猶想見故家風範  
其中高貲耆德發聞鄉國亦往往有人所謂公侯子孫必  
復其始者殆可預券則夫返本尋源合離萃渙上以存未  
墜之箕裘下以聯方來之麗億詎不有賴於譜之爲功哉  
夾山譜余尚未及見其總目則既見之矣標郡望曰熙河

雲溪文集卷四

紀實也以別於他王氏之列爲二十一望者也首諸勅尊  
君也王言如綸不敢與他藝文潤也次祖訓家規祠規念  
祖也紹聞衣德言將世世以之也人品志其傑不以窮達  
分重輕像贊繪其真不以存亡淪愛敬尚賢且親親也然  
後世系圖表詳焉絲牽繩結勿漏勿贅參酌於諸甲族譜  
而成之而綴以五詩明倫立教則茲譜所獨也次列傳凡  
宗人之駿功偉伐嫺節懿行胥傳其可傳現存者不錄蓋  
杞論定之義也於節婦則現存亦錄之難之也藝文之類  
有三曰贈述曰壽言曰家集其爲我作者卽列傳之權輿

其自我作者乃立言之次於立德立功者也而先之以原  
譜敘源流本末俾一覽了然終之以慎終麟趾聯芳三錄  
又俾後來續輯者得所藉手也嗚呼脩矣茲譜肇脩於嘉  
靖辛卯再脩於萬歷甲戌三脩於天啟丙寅至本朝順  
治丙申聘魯君釗專司筆削益斌斌可觀越康熙壬辰十  
四世孫起華又加編纂忽忽到今甲子將一周矣久曠不  
脩卽前此所脩亦多係鈔本未經刊布適者宗賢書城氏  
倦倦於尊祖敬宗收族發憤終之且力肩梨棗之役陸曜  
氏輩復相與左右之於是夾山譜始有成書幾幾乎與歐  
陽蘇競爽矣若夫邵巷之土本居同胞今之析支在吾宜  
及金沙者亦皆自夾山出而茲譜一不及茲欲濫萬派以  
同歸導千山於一脈其事猶有待焉寒宗世籍潤州之莊  
城宋南渡避地戚林明初分支豐義門望雅不後人然苦  
喪大宗譜之不脩者踰四十年支譜不脩亦二十有餘年  
愚老矣頗有志於此無如人各有心築舍道謀迄無成局  
此所以每爲人敘譜不禁媿且笑於無窮也况承兩君命  
猥以鈍拙不文之辭附姓名於陳公康伯姜公士昌暨文  
定楊公之後不益滋顏汗也與

雲溪文集卷四

末

兼醇茂而有之註譜曰純乎公穀筆意。雲溪會輯豐  
義分支譜一筆一削褒貶惟嚴閱三十年亟思續輯而  
有偶無和訖無成局故爲人作叙多以媿笑爲言匪謙  
也道其實也要其雅志亦足上告祖宗下勗族姓已  
邵周

雲溪文集卷四

末

葉氏宗譜敘

葉新翼先生余三從兄贈通議公高弟其弟信芳又嘗從先君子游爲世好家阮宗永先生妹倩也爲姻親余晚而捧檄令蜀南之納谿先生適補令樂山一水相望爲僚友時有金川之役納邑簽夫運米皆取道樂山多得先生伙助力無何先生聖更議出滯會城余亦以乞休得請應錦江書院之聘旬日把晤樽酒談諧祇覺聚處之爲歡幾忘旅人之多困也歲壬申余辭講席歸先生餘累未楚後十年乃得歸歸而無一椽之居無一塊之植其艱窘視諸生

雲溪文集卷四

太

時百倍噫甚矣又閱七年間家宗承之以假歸也承來省首過訪余余大馬齒八十有二先生亦七十有一鬚髮皓白相對頽然成兩老翁追溯前游恍若夢寐而先生意氣豪上掀髯繼論不減壯盛時古所謂不亢詘於富貴不隕於賤貧者先生真其人哉既而出家諸咏余命爲之敘余惟葉氏望本南陽遠有代緒元末始分支晉陵嗣後簪纓易矣如存齋公之高行包菴公之經學本菴公之善政尤其焯焯表著前輝後光者至國朝雍正中先生襁被走京師立取上第闔闥出紙貴一時稱名進士兩宰劇邑

惠愛在人稱賢令長不幸遭逢解任末路厄塞輒舛極人世所難堪顧當四海無家奔走衣食之際猶洒然以楮墨自娛且特加意於敬宗收族繼其家玉相裕菴公諸先生後續成此編上以誌祖宗之功德勿使遺忘下以聯族姓之歡心勿使秦越益是編也傳而先生之人亦於是乎傳矣余耄老不文曷敢佛頭着髻念數十年來與先生有通門之好有葭莩之戚有同官爲僚之情謏謏及之誼無容讓而猥以文學小生續貂於其家聚山相國之後其亦與有榮施矣夫

雲溪文集卷四

五

敘譜意不在譜也前半最可觀 邵周

蔡氏譜稿敘

老友蔡丹霞先生、閩產也、來吾宜已再世、於今長子孫焉、先生遙追祖德、篤念宗盟、晚年手輯譜稿一編、上以存先代之淵源、下以聯現前之枝葉、仁人孝子之思、孰大於是、謹按蔡氏之先、本河南光州固始人、唐初有從征卒於閩者、子孫留家焉、閩興化莆田之有蔡氏、自茲始、裔孫忠惠公、襄大顯於宋、文章政事、彪耀史書、子進士佃、避地遷、海之涪州里、隸泉州同安縣、山是世為同安人、閱十六傳、至鴻漸公、當明中葉、以武功授都指揮使、以死事予世蔭、

雲溪文集卷四

主

公自海濱還內地、則同安之文圃山、庄鴻漸尾里、乃其卜築處也、生三子、伯徙埤溪、叔徙臺灣、後裔皆失攷、惟仲子舜逸、公襲父職、仍居故里、為五龍所自出、文通武達、克振家聲、於先生為高祖、其奉為第一世宜矣、公第五子曰龍陽、公生叔元、公叔元公生超、範公始、偕弟超、文來、宜、初稱寓公、漸成土著、先生其仲子也、由是同安蔡氏、又為宜興人、雍正中、析治今為荆溪人、間攷超、範公之來、宜也在康熙辛酉壬戌年間、時叔元公從子諱司需者、起家甲榜、注大令銓、來莅茲土、公兄弟隨行、及大令任滿、歸闕、別遷龍

溪而公兄弟留不去、蓋長房之超、然二房之超、宇三房之超、府前此業相繼遷、宜暇山、福建公山是其族葬處、即四房之超、寰未遷、宜而元配繼室兩書、宜與人問、吳相距五千里、登聯姻好、亦必以貿易、付來往於斯者、然則公之來、實依倚大令、其留不去、亦謂諸房之可與依倚也、第諸房不常厥居、一再傳後、或還閩、或別徙他郡、縣其墮有存者、已落落如晨星、獨叔元公後一支、一居查林、一居城南、而先生之子若孫、更踰踰濟、濟族屬近而支系繁、椒衍瓜、絲未之有、艾吾知異時、邑乘書蔡氏為宜、荆望者、斷自先生

雲溪文集卷四

主

父子間、始証得以閩產外之哉、然先生雖隸籍此、間每飯不忘故土、少壯時、嘗一再返閩、悵然於同宗之星、散世業之鯨吞、徧詢父老、畧得故實、一二謹志之、晚成此編、書所知、闕所不知、斬無失乎、歐陽蘇兩公之遺意、而冠之以文圃山、庄夫亦曰、從其朔也、云爾、先生下世已十餘年、今年嗣君雲峰、雲川出此稿、相晤且囑為訂、正余不敢辭、校閱訖、爰出一言、以弁其卷、首嗟乎、觀乎此者、其可識仁人孝子之用心矣夫、

中段梳剔來宜之故、足規慧眼、亦見細心、邵周

南臧分支譜敘

吾儲氏望河東望魯國復望莊城其隸宜籍也寢五百年  
分支各村蓋以十數獨南臧與吾豐義相距繞四里族繁  
者勢渙地邇者情親比兩村之爲兄弟叔姪行者猶之乎  
聚廬而處也吾豐義析自臧林之巷頭越八傳先高祖副  
憲公高叔祖臬憲公相繼登上第歟歷方面官到今百八  
十年子姓書名甲乙榜往往不絕用獲與臧林之後巷分  
六宅分暨寶門分之分徙柚山海陵者並稱冠蓋里且駭  
駿乎軼而上之而南臧發聞於陽山公季子進東公繼之

雲溪文集卷四

主

起家令長淳陟大僚實克膺兩朝之賜命以褒崇其祖  
考蓋不惟科名接武其文章政事亦適與吾副憲臬憲兩  
公侔矣猗與盛哉按譜南臧始遷祖曰文二公系出官林  
出賢呂氏遂奠居焉由公上溯之南臧分祖諱亞慶公凡  
三世又上溯之官林始遷祖省二公凡五世更上溯之官  
林分祖千十四公凡三世其上距莊城其祖御史諱光爨  
公凡十一世當宋南渡初羣從千一公千七公千十一公  
千十五公輩避金兵南下之擾相率遷於宜卽所居名後  
巷寶門六宅巷頭諸分獨千十四公偕其兄昱恪守莊城

祠墓弗忍遷越三傳乃來宜邑具載儒林諸班班可考然

則謂公與羣從同遷者非也省二公之來宜於官林不於

臧林昔理學康甫先生敘官林譜亦祇謂宜無二儲要不

敢沿僞譜指臧林之諱祖學者爲其祖然則謂臧林祖賢

稱南臧示不忘本者亦非也吾儲氏大宗譜前明弘治時

沉埋徐相國家不可得入國朝一葉脩於康熙辛巳再

脩於雍正甲寅初分十大支詳畧互見其後旁搜博采附

益滋多於是疎漏與穢雜之弊皆所不免疎漏猶可言也

穢雜不可言也乾隆癸亥余小子奉伯叔諸兄命專輯吾

雲溪文集卷四

主

豐義譜爲之說曰代遠則難稽時近則易聚故卷首列莊  
城巷頭世系止溯吾所自出至成軒公遷豐義以下乃加  
詳焉詳吾所知闕其所不知蓋吾所能爲無強爲其所不  
能外此以俟夫宗人之同志者先在陸公不云乎分營之  
則精合其所分則成沿流討源固依然一祖之孫也可分  
亦可合我宗人獨無意乎哉前年臧林巷頭四分譜告成  
今年官林分支南臧譜亦成先是山陽公倦倦諸牒進東  
公暨寶坻武岡兄弟纂輯尤勤訖以映堂簿書未遑卒業  
其載在甲寅譜者乃余前所謂疎漏與穢雜兼之者也茂



材季千姪山陽公諸孫迤東公猶子好學工文楷法冠絕  
 一世今老矣篤念祖德積十數年恭稽討核之力續成是  
 編圖表義例一倣吾豐義譜而於眞贋之辨甚嚴果眞耶  
 雖播越他郡邑必存其始徙之名果贋耶雖附居咫尺間  
 必屏諸非族之列筆則筆削則削知我罪我皆所不計期  
 勿失乎康前先生之遺意而茲編之足以信今傳後斷如  
 矣抑譜之作豈僅僅莫世真序昭穆云爾哉凡前之人積  
 功累仁所以佑啟後昆後之人繼志述事所以光大前烈  
 者胥於是焉在南藏傳世十六生齒盈千其東分特盛  
 雲溪文集卷四  
 肇基自文二公實式廓於近溪公間讀公傳少壯時豪邁  
 不羈遺業蕩盡一旦悔悟力作成家不出二十年累貲鉅  
 萬爰乃好行其德慨然以君宗自居築精舍奉漢壽亭侯  
 像命子孫弦誦其中專爲一綫書香計再傳後訖不振家  
 聲而若山陽之教澤婉蘇湖迤東父子之循稱跨卓魯庶  
 乎克繩祖武其他冠裳濟濟文學斌斌錫祚流光未之有  
 艾然則繼今以往相與育德長世當更有擴河東魯國莊  
 城官林之望焜燿於無窮者斯又輯譜者厚期我宗人之  
 心也夫余樂觀其成而敘之兼以爲勗

五人同選臧林舊貫兩條辨駁極的確與畫山先生之  
 辨御史公非自允州來畧同 絮菴

劉太翁壽敘

庚午春三月瀘陽司馬劉公乞養歸余公舊屬也諗之曰公賢且材前後州刺史倚藉若左右手公歸若今刺史何瀘民戴君如慈父母如神君久矣又若瀘民何公曰吾父今年八十有一繼母年七十有五宦游五年相距數千里安否不可知以吾之懸懸於吾父母則吾父母可知也爰者軍事方殷不敢以私恩廢公義今又曷忍以公義廢私恩且子一無係戀尚脫屣一官而何有於我余不能難公又曰某襁被而來垂橐而去無一物可歸遺兩大人者姑

雲溪文集卷四

五

乞子一言爲屏幃光可乎余遜謝不敏既而思之世俗屏幃之文多假銜尊官顯秩以相誇耀公莅蜀久力能得之上游卽其鄉光顯於朝者項背相望顧獨乞言於衰老退廢之人得非謂余言之信而有徵乎然江左距湖南遠生平未嘗親太先生之德容哈太先生之緒論將何從而知之而言之亦以知其子者知其父而已余觀公洗手奉公苞苴路絕嘗擁鹽茶督鉛廠攝捕務雖分所應得不染一塵森霄肅役瞻日而視食曰司馬廉余用是知太先生之以廉教也力抗上官出無辜於繹綬其聽訟片言立決不

雲溪文集卷四

五

輕用鞭笞僉曰司馬仁余用是知太先生之以仁教也瀘當水陸衝軍興以來繹驛滋甚公佐理承辦裕如更以其間繕城垣葺祠廟肇建明倫堂百廢具興費省而功倍僉曰司馬多能余用是知太先生之以多能教也而公亦爲余言吾父少讀書中年棄儒服賈稍足自給卽斥所餘以濟人遇人溫溫生平無疾言遽色橫逆至處之夷然鄉黨中小故忿爭務力爲排解凡治家事必躬必親竹頭木屑位置楚楚其教誠某兄弟尤嚴時時屬以惜物力習勤勞砥行立節無忝祖德凡某之待罪微員兢兢不至隕越者奉吾父教也余旣以知公者知太先生及聞公言益信易所稱履信思乎順者太先生真其人哉其自天祐之介繁祉而綏眉壽宜矣今公之歸也再拜庭下上數年來治狀用慰太先生并縷述西蜀山岷之崛岉江濤之洶涌與夫蠻歌蠻舞之譁曉以相咲樂太先生聞之必有矍然進一鴈者自此委佩垂紳魚魚雅雅太和之氣洋溢一堂其克引而長之躋登人瑞可卜也小宛之三章曰教誨喻子式殺似之太先生有焉旣醉之五章曰孝子不敗承錫爾類司馬公有焉余不敢爲諛誕不根之詞敬稱詩以祝

以知子者知父又以子之盲瞽之便虛中有實讀未段  
令人神往 邵周

威遠陳明府五十初度敘

方今海內衣冠家推海寧陳氏爲第一。自棄髦相國佐命  
興朝。致身台輔。不數十年。文簡公繼之。未幾。今年公又  
繼之。公才公望。萃於一門。與漢韋平唐肅李並稱絕盛。其  
他登八座列侍從者。亦踵相接而袂相連。若夫枳棘卑棲。  
困鸞鳳所弗屑。而我友傅香君以名孝廉。再不得當於南  
宮之試。屈首銓部。來宰西川。人或疑君有不釋然者。余以  
爲非也。士君子學古入官。苟存心愛物於人。必有濟。爵秩  
之崇卑。奚計焉。況自古陳股置輔。內外均勞。原未嘗畸爲  
輕重。而令長尤職號親民。一切民生之苦樂。風化之淳澆。  
惟所轉移。提於桴鼓。蓋有大吏所不能爲。而必待命於令  
長者。歐陽子有言。治天下者。用人非一端。取士不一路。即  
錢穀曉刑獄。熟民事。精吏幹。勤勞夙夜。以辦集爲功者。謂  
之材能之臣。明於仁義禮樂。通於古今治亂。其文章議論。  
與之謀慮天下事。可以決疑定策。論道經邦者。謂之儒學  
之臣。是二人者之並重於天下久矣。國家即不以材能廢  
儒學。顧可以儒學廢材能乎。且儒學不必兼材能。而材能  
未有不原本儒學。故知噍噍簿書爲俗吏。望赴闕若登仙者。

皆過論也。君之莅威遠也，不敢鄙夷其民，且絕不以貴介公子自處。始至，徧訪民間，利病悉得其實。次第興除，甫浹耕，衆務畢舉。既而西鄙用兵，軍書旁午，君調劑緩急，輓輸載道，而怨讟不興。旋攝隄爲篆，兩邑之民頌神君者，若出一口。嘻，此可得君爲治之大凡矣。君尤以經術飾吏治，憫茲土之鄙朴少文也，捐清俸，創建義學，延明師，誨之旬日，一至，獎其勤而救勉其不率者，以故藁爾邑弦誦之聲，相聞。既政成人，和案無留牘，時偕二三賓友登高臨深，飲酒賦詩，以相樂。古所稱仙令，其君之謂與？上官嘉其能，虛首

雲溪文集卷四

手

邑相待輒力辭，此又見君之恬於進取，樂久於其治，俾斯民適觀德化之成也。庚午陽月，君齒盈大衍，邑人士爭效躋堂之誠，而余舊忝寅僚，亦思出一言以侑因畧述親民之職之重及君之所以稱是職者。南山之詩曰：民之父母。又曰：德音不已。君其有焉。抑又聞之吏治循良，兩漢爲最。其人多起家令，長游陟二千石三公九卿，缺必於是乎取之。然則君雖暫處下僚，異時克繼三相國之德，望勛名以無忝乃家聲者，當更有在。而茲特其始基云耳。君勉乎哉！特議正大結構緊嚴 繁

繆真邦七十壽敘

詩之序曰：南山有臺，尊賓也。古天子於諸侯，既賓禮之又從而咏歌稱頌之一篇中，無疆無期之云，詞繁不殺，而要其歸，必曰民之父母。俾晚然於得壽所由來，蓋古人之善頌禱類如此。後代罷侯置守，令長宰制百里，寄任埒古諸侯，例得稱民父母。夫果名副其實，其惠愛所留千萬人度無弗願與之齡者，天安得不如其意而酬之？是亦南山之義也。余少壯時，應澄江試，耳熟真邦繆先生名，顧未之識也。厥後先生傳乙榜，筮仕山左，又數年罷歸，余亦衣食奔

雲溪文集卷四

手

走消息，不相聞。嗣君養和暨家侍御梅夫僚壻也。今年以事入蜀，與余相遇於錦城，因問先生起居，則已衰開七十矣。聞其耳聰目明，手足強健，坐不憑几，行不曳杖，夫果何脩而得此？余聞先生之宰沂水也，善政不勝書，而爭穆陵關一事尤著。風采穆陵關者，鄉鎮名也，與蒙陰接壤，居民數百十家，隸沂舊矣。一日中丞檄下，隸蒙之巡檢司，衆譁然大不便，執香蒲伏環訴馬足前。先生立據實以聞，弗許。躬赴省面陳，利病又弗許。於是挈印辭官，監司胥怪之曰：君欲效強項令耶？何至是？先生正色對曰：某爲沂令，苦樂

與沂民同民有隱而匿不上聞焉用今自古有分土無分民各從所便而已奚事取一成疆界紛更之爲必欲奪沂土寧視某官其實無面目見百姓監司初怪其懇終諒其誠助之請鎮復歸沂先生力也夫輓近世所號爲能吏大都善事上官無失名譽已耳上官所可亦可之所否亦否之甚者逆揣其意旨曲爲迎合其視斯民之疾呼哀籲漠焉無所動於其心及怨讟沸騰則又曰非我也上官也若是者吾見亦屢矣其業奉成命而敢與力爭者百無二三焉爭之不得至敝屣一官必得請然後已百無一焉先生

雲溪文集卷四

七

是也當是時沂民德先生甚建生祠曰繆公祠旁置一庄曰繆公庄蓋倣古人以姓名子之義迄今去沂近二十年而歲時禱賽者不絕民之父母非先生之謂與用克符南山詩所咏歌稱願亦其理然與余又聞先生之歸也足跡不入城市雖公事不旅見邑大夫乾隆初舉鄉飲賓萬口一詞謂無出先生右者力辭不就邑大夫造廬敦請始強起一臨是日觀禮者如堵然則先生於沂父母也於鄉抑又全乎賓矣自此年彌高德彌邵磨牛酒上尊之榮正成均更老之席用誌 熙朝人瑞豈顧問哉余生乎以未識

先生爲恨茲者幸離宦海仍滯名場故園溪山渺然天外又媿夫追隨杖屨有志而未能也敬引詩人之義寄一言爲長延誦焉

爭關一事壘藩淋漓論斷尤勁折八古 邵周

雲溪文集卷四

七

沈楚鶴三十初度敘

今年陽月之吉爲余僚友沈君楚鶴三十初度思出一言壽之既復念唐宋諸大家文集具在贈送而外無所謂壽人之文且君甫及壯何遽稱壽惟是桑梓同官之誼數年來動勸推挽之情泊君游經盤錯恢恢游及之概有宜見於余文者則余固不能無言君名家子白高曾以下諸父羣從印綬綬若門望甲於吳閭君生八歲而孤賴世父撫育之以迄成立姿稟特異讀書日倍他生纔發筆出語驚其長老弱冠入國雍戰執京師未週知已君念屈首舉場

書溪文集卷四

書

淹速未可定又自顧其才非屑屑與羣士競得失者早膺一職便可爲國家宣力效命之臣方今聖明在上立賢無方起簿尉爲尊官比比而是顧所建豎何如耳於是援例得州吏目蒙恩引見揀選發川再署尉一署丞並能於其職其明年咨署瀘州之納谿尉時余位任適三閱月矣余不習爲吏幸慕爾邑事簡民淳差可藏拙而天威遠震西部用兵茲土實水陸要衝節帥之移鎮客兵之調赴胥於是焉出加以簽夫轉餉羽檄交馳悉索追呼日不暇給余幾束手無措而君佐理裕如迄乎至再至三卒無貽悞者

書溪文集卷四

書

皆其力也既而州刺史知君能奪之使去納無何大吏知其能并奪之使去瀘督造軍裝馳驅塞外兵休事已復留省辦理奏銷君所至樵著賢勞而惟余實失左右手去年秋君捐陞解任余亦以老病乞休蓋君在而余尚可留君去而余不得不去矣君遇事迎刃縷解而尤意思深長不爲一時聊且之計初至納卽設法葺諸祠廟擬移乍濫子灘石於城外渡口以便行人軍務方興事遂中止公解卑陋捐俸鼎新堂廡翼然逾於縣署然自經始迄落成君實未嘗一日居此室也其在省猶命家人繕宇葺牆無使功

虧一簣此其庇蔭後人豈有量哉夫自古非有才之難有才而善用之爲難君善用其才於以下其器量深沈福祚遠到自茲以往距古人服官之年尚二十年無論破格超擢卽隨流平進亦可大展其才所優爲迨夫功成引年受安車蒲輪牛酒上尊之賜胥發軔於茲日矣惜余老且衰不及待其成姑以是言爲與日券

沈君去蜀後由縣佐擢邯鄲令調繁清苑旣而擢定州牧今且擢廣平守矣庶幾不負此文者

邵周

許遠士六十壽敘

余丙夏入棧壬春出峽往還萬二千里首尾七年歸而邑中第宅改觀向所稱耆老成人屈指纔可一二數閱數月晤遠士許兄於城西李氏之塾則亦髮星星白其半矣日月逾邁相顧慨然然兄德容粹盎靜氣迎人有非憂患餘生所敢望其萬一者明年兄花甲初度其門下士謀所以脩觴之具先期乞言於余余不文其於兄則誼無敢讓蓋余與兄道義通門之好三世於茲矣先祖在陸公以經史古文之學爲海內倡迄今遠近承學士多宗之當少年時

雲溪文集卷四

書

訂同志友八人繼復廣爲十二人則兄祖紫廷公實執牛耳相與約曰非聖人之書勿觀非義勿出有過必面責改然後已則又約曰月之課三合而課者一離而課者二循而行之如是者七八年由是吾邑文獨闢沉雄闊遠體厥後升沉脩短人各異轍先祖晚年談及輒泣然其敘述芹周先生遺稿有曰許兄七十尚善飯余與葉兄差稱無恙蓋篤念故交而私幸魯靈光之燭然若此兄曾甫杏聯先生稟承家學每入城必過訪草堂就先祖實疑問難以師事兼以父事其與先君子梅隱府君若雁行然既而兄昆

季早負駿材爲邑東南人士之冠則又先君子屢書品騰

其文目爲瑤林玉樹克趾美前人者也國家沿前代制

以經義取士士皆童而習之然其能者千百中僅得一二

或父不能與諸子祖不能與諸孫卽以文學其家而沉

埋蔽翳者政復不少惟兄家比三世並擅文名而亦相繼

捷承宣試不可謂不食文宇之報顧獨優瘁禮闈弗獲顯

融光大而兄亦恬於進取十年來屢報計偕其銓叙也舍

花縣而就黌堂亦需次未卽得仕今行年六十尚登臬比

握塵柄聚徒講學於寬閒寂寞之濱斯可爲長太息者也

雲溪文集卷四

書

雖然士君子出所有餘以濟人不足有措諸天下國家者爲人主牧養百姓其勛業著一時有傳諸其徒者爲朝廷培植士類其教澤延來世是故良師之功與良相等昔文中子獻策不遇教授河汾間厥後貞觀名臣強半出其門下蓋其明效可觀已况州縣吏最難爲雖職號親民興除惟力是視而上之人皆足掣其手使不得展布稍以便宜從事卽白簡隨之甚者脫屣掛冠後累未已不於其身於其子孫覆轍相尋殷鑒不遠孰如兄以名孝廉輻光匿彩文史自娛濟濟英才環侍座右東甍所入亦足以具襄葛

給。褒。殯。政。昌。黎。氏。所。謂。有。樂。於。身。不。若。無。憂。於。心。者。宜。其。德。容。晬。盎。靜。氣。迎。人。自。此。日。引。月。長。馴。至。眉。萬。可。券。也。昔。先。祖。之。壽。培。生。葉。先。生。也。曰。幼。學。壯。行。老。傳。而。終。以。大。塊。勞。我。生。爲。勗。如。兄。者。幼。勤。於。學。壯。歲。歌。鹿。鳴。有。可。行。之。機。今。老。矣。本。一。生。素。所。蓄。積。嘉。惠。來。學。凡。列。在。門。牆。者。悉。就。規。矩。而。更。能。神。而。明。之。俾。吾。邑。文。復。還。沉。雄。闕。還。體。斯。可。傳。也。已。况。異。時。正。位。師。儒。廣。揚。聖。天。子。作。人。雅。化。其。傳。諸。無。窮。者。當。不。止。是。余。終。望。兄。體。勞。我。以。生。之。旨。俛。焉。日。有。草。草。教。思。不。倦。是。則。余。之。所。以。壽。兄。也。與。

雲溪文集卷四

表

極言州縣雖爲所謂痛定思痛不禁談虎而色變也文

亦電極 繫卷

路芳洲六十壽敘代

余家與路氏世聯秦晉歡先君子洎余皆路之自出竊見路氏隸宜籍著代頗近自前明神廟初迄今百餘年間科名接武視邑中諸巨姓有過之無不及焉顧亦有不以科名顯而以盛德著繁祉壽考行大集於乃躬者則於我外兄芳洲翁見之今年兄花甲初度舅氏在襄翁緣宗人意郵書三千里屬余爲舉尊辭良以戚屬中表知兄之深而能言之者莫如余則余何敢讓余聞之壽者酬也酬其德也一曰壽者受也量其人之所可受而授之也箕噤衍五

雲溪文集卷四

表

福小雅歌九如義指胥符合然則余曷以壽兄哉亦深觀乎醕與受之間而已兄肫然孝友人也弱冠失怙恃仲叔兩弟纔離襁褓中養之教之迄用成立叔弟以非辜陷縲綬乃析產授仲俾自爲謀而獨身任掾援奔走呼號卒脫諸獄耗費至千金不少新仲弟雅不善爲生不數年鬻產幾盡兄又分所有給之妻亡子夭胥代營喪葬事今且撫育及其孤孫矣叔弟出獄後連舉二子無何卽世遺孤焚歿今其長者授室成家幼者延師課讀亦惟兄是賴嗟嗟兄弟一人之身也古人譬諸手足左右相倚斷其一必不



能持行而薄俗靡靡。五倫中此一倫尤不忍道。蓋父母嘗  
飲食教誨我君。可以予奪殺生。我怙德懷恩。形格勢禁。猶  
勉循其職分。所當爲至。夫婦有唱隨之歡。朋友有膠漆之  
契。亦其情所不容已者。獨兄弟尊不若君親。雖不若妻子  
意氣投合。不若友生。而加以父母愛憎之變。肥瘠相形。婦  
人萋菲之言。讒搆易入。積猜成怨。積怨成仇。其在高明之  
家。特甚。金精魏氏謂篤兄弟有難於忠孝者。誠有慨乎其  
言之。苟不至操戈相向。斯已幸矣。如兄者。詎易一二觀乎。  
哉。兄又推一本之愛。上溯本原。謂大宗祠洎大泰公祠。並

雲溪文集卷四

聖

規制宏敞。經費裕如。爲通邑之冠。而分祖宛懷公。獨無祭  
進心竊慟焉。糾同志量力捐貲。兄所捐尤厚。經營十載。漸  
有成模。行與大小兩宗祠輝映矣。其他厚故舊睦鄉鄰。解  
紛難賑窮乏。皆恒情所難而在。兄猶非其至者。有子曰孝  
弟也者。其爲人之本與。孟子曰。親親而仁。仁民而愛物。  
假令兄獲奮身科第。得位乘權。可以擴吾胞之量。蒸被海  
寓。無如積者厚施者不遐。而卽此家庭宗族間。義美恩明。  
政使古人復生。兄亦未肯多讓。兄甫登六旬。爲添壽之始。  
嫂夫人中襄齊德。雖得子稍晚。已英英露奇。天之所以酬

兄兄之所受於天。殆未可量。余第舉生平所稔知者言之。  
毋使有美而弗揚。亦毋敢揚之而或過。斯史氏之職也。夫  
更質諸在翁舅氏。以余言爲何如也。

如讀棠棣之詩。使人孝弟之心油然而生。此可以扶樹  
道教矣。 黎巷

雲溪文集卷四

聖

李西庚六十壽敘

余家比三世業教讀。凡他郡邑及里中人士來游草堂者。往往負能文名。旋弋取科第。以去。余晚歲乃得李生黎棟。竊愛其思清筆瘦。獨往獨來。不來世俗趨舍。因獲與其尊甫西庚君交。又嘆爲溫然粹然。君子其人。信能式穀爾後者也。今年君花甲初度。生二三同學將登堂舉卮。而乞余一言以侑。余雖屏謝人事。於君則誼無敢辭。蓋芳庄李氏之望於吾宜舊矣。自其先兩方伯公並起家進士。數歷中外。稱前代名臣。厥後爲奕閼衍。宗中斌斌文雅者。恒以十

雲溪文集卷四

聖

數年少時。猶及游叔英茲室。兩先生父子間讀其文。聆其緒論。不勝高山景行之慕。君其羣從行也。君年十七。卽受知江夏胡公補博士弟子。自謂取青紫如拾地芥。顧屢困鎖闥。晚更以目疾廢然。其孝友著於家庭。忠信孚於朋友。任卹決於里鄰。無知不知。皆曰李先生非茲世之人。古之人也。以是導迎善氣。傳得天人之祐。助有餘矣。君旣不遇。輒殫心於訓子。生自髫齡迄成人。必延名師誨之。雖不佞如余。聞其自蜀歸。亟令執贄門下。而君於過庭之際。時有指授。期以能白樹立。不因循余固知生之思清筆瘦。其來

有自。猶念君賦采芹最早。生年踰弱冠。尚躑躅童子軍中。當奉觴上壽。日毋亦有邑邑不自得者。昌黎氏不云乎。業患不能精。毋患有司之不明。生之思筆良佳矣。清或失之薄。瘦或失之枯。以言乎大成抑未也。其自此操摩焉。浸灌焉。搜釋融液。與道大適焉。先正論文。謂文無奇正。大約英潤豐亮。在千萬人場中。自然奪目。又曰。盈篇一氣。書成如行雲流水。無少澀滯。此萬選青錢也。又曰。僅恃才不得。僅恃天姿不得。須有禮陶樂淑。淑氣象。龔斯三說。大場簡訣。曾不越此。何論小試。生曷乎哉。息六月之羽。培九萬之風。更閱十年。君齒登七十。行見金章紫綬。輝映班衣。其相與登堂舉卮者。固不惟二三同學已也。余無以壽君。特書其曷生者以祝。

雲溪文集卷四

聖

古誼古辭超然於町畦之外

紹

吳果園六一壽敘

朋友之於人重矣。自詩人有谷風陰雨之刺。厥後朱公叔著絕交論。劉孝標從而廣之。以爲素交盡利交。與求所謂烈風飄不隕其枝。嚴霜零不渝其色者。千百中曾不得一二。嗟乎。彼未見吾果園吳君也。卽何恠其提挹仁義。誕生民於豺虎哉。果園余祖姑之孫。五表叔伊蒿翁叔子翁生。後先君子二年。自髫齡迄白首。相友愛若親弟。昆伯子懷。訥仲子懷清。並執經先君子門下。時過草堂商榷文字。其與余相知爲深。果園一試不利。卽棄舉子業。脫身游往往。

雲溪文集卷四

壽

入州縣幕間數歲始歸。歸不過一再晤形跡頗濶。踈然其游浙游粵游江北之天長忠實心誠信於士大夫。久爲余所推服。歲丙寅余筮仕蜀之納谿。令悉謝諸親友。獨招與偕行。蓋倚籍之不啻左右手矣。長途跋履之艱。兩人其之。署舍荒寒。仰屋竊嘆之景。亦兩人同之。其明年西鄙用兵。軍書旁午。納小邑合三鄉。僅四千餘戶。視他屬縣例。派民何以堪。力爲請命。弗許。擬挈印辭官。姑置身事外。果園勸慰曰。此公事。非兄故。後民以生。兄卽去。後來者惟剝滋甚。且天下事無人能爲。而我獨不能者。願經理何如耳。余唯

唯然自問。實一無所能。兩年來辦米辦夫辦馬辦豆及支應過兵之往來者。余但主書諾一切。委諸果園。如期告竣。畧無遺悞。余用獲以老病乞休。不至名掛彈章者。皆其力也。解組後。應制府之聘。掌教錦城。果園親送至省。旋買棹東還。慰余家懸懸之望。閱歲又早。余幼子入蜀。娛侍晨昏。而果園流寓江陽。棚賃營生。爲小住計。蓋前此重需皆所代辦。萬一後累叵測。亦將以身任之。夫葦由白作。余曷敢重累果園。而果園矢志若此。抑可謂義薄雲天。誠貫金石者矣。辛未冬。余決計告歸。過江陽。留連彌月。果園復爲具

雲溪文集卷四

壽

舟楫約伴。侶僑資裝織。悉曲到乃克順流而東。萬里騁人。載瞻衡宇。雖泉明之三徑就荒。而仲蔚之蓬蒿無恙。繫誰之賜哉。然果園自此聲望益高。其寓蜀也。自川南道王公眉州牧陳公。以及他鄰邑令丞簿尉。莫不折節賔禮。有公事必咨而後行。果園亦樂爲之盡調。非其忠實心誠信於士大夫。而然耶。假令朱劉二子可作親見。果園行事其爲擊節賞嘆。當何如耶。今年春。果園暫歸省。余方抱鼓盆之痛。積憂成疾。而果園豪情壯志。不減往年。且微聞憂蘭告兆。余固知天之報施善人。俾康強其身。以保艾其後嗣者。

政繩繩乎未有涯也。秋杪冬初，果園又將西上，茲屈隨揆日特續述余兩人其事。本末爲伯尊辭用以告世之爲朋友者。時果園年六十有一，余侑樽不於六十而以六一蓋倣蜀人例云。

此足傳吳君矣 邵周

吳吟安六十初度敘

今年嘉平月之吉中，表明經吳君吟安花甲初度，諸戚友胥斬舉尊，而屬余一言以侑余敬謝曰：壽一也，或以爲榮，或以爲辱，顧所處何如耳。君生後余二十年，君六十余已八十，自恨暮景聊蕭，方力拒人之來壽者，君所處雖視余遠勝，既力拒人來壽，而旋以言壽人不欲勿施之謂何？獨念余與君有累世通門之好，生平契厚之情，且有所服膺於君及少效一得之愚於君者，是皆不容已於言。老子曰：仁者贈人以言，余之爲言匪壽也，贈也，誠使人之來壽一如余所以贈君者，夫何力拒之有？惟余家與延陵氏重姻，戚戚故世以中表稱，先曾祖醇菴公簡傲性成富貴家，誓不躡一跡，獨與君高祖庶子公以文章道誼爲忘分交杯酒往還，必盡歡乃罷。君曾祖娶於楊，伯祖載月公祖遠山公皆楊之自出，其舅氏宮論芝田先生，則先大父在陸府君高第弟子也，以是過從尤數。所刊詩稿皆嘗敘而行之。比先君子梅隱翁晚年亦獲追陪五老，觴咏流連，踵香山洛社之勝，而君考文岩兄復執贊門下，盡發草堂遺選重加編訂，公諸海內，以嘉惠來茲，其與余偕游麗社十有餘年。

送抱推襟宛成異姓骨肉。迨夫鶴歸華表。笛咽山陽。而車過腹痛之感。有不堪言者矣。余夙以小友呼君。君亦以父執事。余歷數十年。如一日。自蜀游歸里。遇益艱累。益重從人寄食。幽愁無聊。君時治精饌。出佳醢。相招作竟日歡。其同飲則曹君宸笏。君舅氏吳君文錫。君族叔兼蒙師。皆余素心人也。時節不廢饋貽。兒子輩緩急有無。往往通融不。倦通門世好。如彼契厚情長如此。夫豈尋常傾蓋班荆之雅所可同日而道乎哉。君少穎慧。弱冠負能。父聲丁外艱。服闋。卽偕仲氏建安君先後補博士弟子。復相繼貢入成

雲溪文集卷四

吳

友爭欲壽君。君殊不敢言壽。蓋君今六十矣。距尊人之變。已三十餘年。距母夫人之變。亦且十年。而兩靈輻儼然在堂。未安窀穸。良山孝思不置。弗忍遽委其親於荒墟榛莽間。而又恐體魄所歸。稍有不慎。貽恨罔極。故久淹至此。余問之葬者。藏也。欲人之弗得見也。夫以藏爲義。則幽明異居。僅以弗得見爲義。則風水砂穴之說。吉而禍福渺茫。荒忽安足道。古人生事以禮。死葬以禮。養親何必鼎烹燂菽。飲水盡其歡。斯謂之禮事矣。葬親何必京兆封墳。掩坎骨肉。歸復於土。斯謂之禮葬矣。人生百年。日期至六十則過半。政當速了此生大事。毋姑待將來。沒者寧存者乃益。願從茲以引。以翼躋春臺。而游化日。不更快然無憾矣乎。余之爲是言。贈也。匪壽也。雖然。卽以贈君者。壽君始亦無不可。不祝而規。無有父母如臨師保。邵周

雲溪文集卷四

吳

汪去非五十初度序

中表吳懷青先生吾邑有道而文之君子也。敦行孝弟，所爲時古文胥工。視不遇終其身，友教四方，門牆桃李絕盛。其門下士有篤於師友誼，始終不渝，存歿無間者，則余所見去非汪兄其一人也。汪氏爲新安四巨姓之一族，盛丁繁，自兄高曾祖以來，世有隱德。兄少穎敏嗜學，亟思奮身科第，以光先人，而族戚多業岐業典於吾邑者耳。熟吳先生名不遠數百里，負笈來學。時先生設帳朱蕩堂，余以契好故常往來塾中，始獲與兄相識。藐然少年耳，挹其貌

雲溪文集卷四

辛

溫如聆其言，秩如出所爲文，就正則皆發穎豎於時同學者。惟今孝廉曹君紫綸實克與爭奇，競秀余早卜兩君者，皆千佛名經中人矣。閱三年，辭歸，既而聞其較業，蓋兄尊人繩菴公別創業維揚，而家故留徽，兩勿弟在徽，並聰慧已出，就外傳，庶可傳一線書香。兄家督也，不得不出身佐理，肩勾稽出納之勞，今曹君久臥鹿鳴，而兄以中道改弦，故材具畧同，壯心莫展，豈非其命也夫。然數十年來經理有成，業隆隆日益起，俾繩菴公優游尊齒，無後顧憂，而仲弟培元寄籍京輦，叔弟夢庭隸名庠序，有聲場屋間，則

實賴兄有以曲體尊人之志，而卒成兩弟之材也。書云：惟

孝友於兄弟，施於有政，未孝友，豈僅在曲體尊人之節與夫推梨讓棗之文乎哉？兄雖去吾邑久，恒瞻念師恩及陳青吳先生捐館舍訃聞爲位，寢門哭之慟，而兄精堪典衛，卜先人宅兆，不假他師，悉先生之體魄所歸，未安窆也。立馳至，偕先生子方行，躡蹻萬山中，搜岩剔穴，不避風雨，後乃得片壤於邑西之常富里，兄喜曰：是可藏吾師矣。遂別去，屈指卜葬之日，躬親喪事，復如期來其家，方遣女出閨，捨之行，弗顧也。葬所遇曹君久，悉其貧，出囊中金厚

雲溪文集卷四

辛

贈且囑曰：儒者治生爲急，聞兄有二子，慎勿令其讀書，節太傳家風可法也。因薦其子於族戚，所後數年，曹始歸，迄今每飯不忘，蓋其篤於師友誼如此，於師友如此，於父母於兄弟可知。嗚呼！此足以觀兄之太矣。今兄棄關五十矣，倦游息駕，兀坐一室，左圖書，出則徜徉黃山白嶽間，時或對卮童，郵叟話桑麻，課晴雨，以相笑樂，胸次蕭曠，竊自比羲皇上人，而膝前三丈夫子，並績學能文，所謂不有得於身，必有得於後者，將於思乎在然，則繼今以往，兄之導迎善氣，獲天人助佑，其又可進增也歟。余表姪方行，感兄高

誼家苦窶無能少展芹私姑隨手無華之詞以祝惟予犬  
馬齒明長兄三十有二年與兄別後消息不相聞者亦且  
三十年無因至前恐貽譏大雅而回念曩時期許之私暨  
後來欽企之素有不容嘿而息者特據實言之要不敢以  
水桃雪藕史巫紛若之談涸瀆清聽云爾是爲敘

寫誼篤師友處令人景仰無既

雲溪文集卷四

幸

程蘭皋七十壽敘

今年十月之吉爲新安世講蘭皋程老姻翁老先生七  
揆揆之辰余以年邁途脩弗克登堂稱慶而生平舊雨新  
姻之好暨翁績學工文敦倫植德之梗概惟余稔知之而  
能言之有不容默而息者敬矢一言以效無疆之祝余惟  
程氏夙稱新安甲族自晉太守元譚公肇其基梁忠壯震  
洗公擴其緒瓜綿椒衍析派四十有八周編六邑蔓延且  
及天下盛矣哉翁支祖叁玖公於明初卜築歙西巖鎮里  
是爲巖鎮之程越七八傳至翁曾祖茂材簡夫公下帷攻  
苦贊志以沒配汪太君砥節撫兩孤子訖用有成其大啓  
爾宇實自翁大父思齊公始公初與伯兄敬承母訓不幸  
伯兄早世率猶子雨亭以治生起家不十年贊雄一鄉厥  
後分宅而居東西對峙爰有上下程之目至翁考磨閣公  
益崇起而恢張之翁其伯子也少負異稟嗜讀書專精治  
舉子業初師事同邑孝廉葉培裘先生葉故名宿門墻桃  
李絕盛翁既盡得其傳意猶若未足謂先大父在陸公東  
南傾儒恨生晚弗及見嚮香故在乃執贄先君子梅隱府  
君之門時余授徒儀揚間郵簡往還曾無虛月每得翁寄

雲溪文集卷四

幸

時之文讀之未嘗不口角流沫也走鋼閣屢薦弗售既而先君子謝世翁亦連丁內外艱食指浩繁不得不問家人生產而進取志自此漸灰矣顧弗忍使半生辛苦僅有之物卒蝨蝕篋笥中棄所著文屬余參訂梓以問世當代宗工如江右李侍郎湖南陳中丞皆爲撰敘而金沙王丈罕階拔其尤入選國朝文所見集中學者寶之等於吉光片翼此其績學工文之足以壽世者也抑又孝友性成畧無緣飾事兩尊人生盡養喪葬盡哀盡禮祭盡誠同產四人翁稱家督仲友琪叔侑黃季則庶弟爾宜數十年來僅存其二耳友琪穎敏好學雅類伯兄最爲澹園公所鍾愛未娶而亡公哭之慟翁亟以已子爲之子并託友琪遺意捐資鼎建宗祠俾其主亦得祔食焉爾宜生母澹園公寓揚時所置側室旋里諱言之故爾宜生數歲而母夫人尚未之知然公愛憐幼子特甚翁善體親志力請迎歸歸不數年並罹大故生母又前卒翁朋翼之教誨之比長擇名門女以配之生三子遠無祿迄令孀孤得所守世業無棄基者皆翁力也翁中年後傷同氣凋殘與伯黃友愛彌篤伯黃僑邦上或經歲不歸翁輒買舟相訪留連旬月喁喁

笑語如兒嬉時蓋其敦倫也若此翁承祖父祖業頗號素封既好行其德又兼有其才一切神宮梵宇之興脩道路橋梁之平治與夫族戚友朋之有無緩急鰥寡孤獨廢疾之飢而哺寒而衣罔不惟翁是賴而其植德最鉅尤在己巳庚午兩年間當時徽郡薦飢翊贊賢太守何公平糶救荒建倉捐穀悉心經理何公倚藉若左右手所全活不下百萬人且不止爲一時計此則利澤被蒼生惠愛流奕禩而翁之應食厥報者詎可涯量乎哉余於翁以孔李通門兼朱陳密戚四十年來誼篤情長有加靡已始則延余長

男於西席既而贅余次孫於東床故余之知翁爲深竊謂如翁者其文學宜登承明著作之庭其德行宜參台輔鈞樞之座而嚙不得試僅僅施政於家爲善於鄉良足惜也雖然書之陳五福也以壽先之詩之歌九如也不以爵秩榮之爵於彼政其所以豐於此今翁年屆古稀神明彌茂孫曾繞膝皓齒齊眉將由此而大耋而期頤而馴致眉萬無疑也欽宜道遠予自入蜀後音問濶疎近次孫替其家採厥素行求爲介觴辭爰衍其說以爲翁侑進一尊云爾

摠提於前而一一分應之章法整齊不減部伍嚴肅此



程不識之用兵也邵周

雲溪文集卷四

美

古愚叔八十壽敘

語有之多壽則多辱余犬馬齒盈七旬矣憂患餘生窮無所歸弗獲已假榻湖干僧舍始信古人之言良不我欺雖然有未可概論者壽而辱者固多壽而榮者政復不少豈直遭逢有幸不幸乃其人種德續行者自爲之余茲於余叔古愚翁之舉八十觴也取出一言以祝叔惠菴公孫厚溪公伯子惠菴公以孝友勤儉起家稱里中耆宿厚溪公繼之力行厚道爰署號曰厚溪生平懿行詳盡山兄暨余所譔小傳中並刊入家乘叔也實克繼志述事勿遐佚前人光憶康熙己丑庚寅間余奉八叔祖茂材公命授徒本村厚溪公時開樽召飲從容譔談極歡而叔長余十年其仲弟麟文叔裁長余一年並游從無間畫則黃茗清談夜則敲枰就月村有東西兩園皆吾儕踴臂連吟處屈指到今忽忽四十寒暑矣前年自蜀中歸每歲兩與臚歡祠祭周行村中竊見東園墻壁僅存西園則已鞠爲茂草歷數向時耆老成人及三數年相亞心相知者凋落殆盡惟棧歸焉獨存適屆八十覽揆之辰相聚而舉一觴於此信昌黎氏所云天也非人也吁其可感也夫抑亦可爲深慶也

雲溪文集卷四

美

夫叔童試不遇壯歲入國學謝舉子業專治青鳥家言謂  
士精一藝即可濟物成名徒屈首括帖無爲也顧獨嚴於  
課子希範瑞河兩弟文譽騰馳並以郡試第一人入泮旋  
食餼試輒前其曹嘉斌弟兼工詩古文辭又擅幹濟才綜  
理諸務胥有紀蓋皆克歲叔未竟之志者叔六旬外卽委  
家政於其子做漢陸生之車騎過從給酒食約十日而更  
諸子問視彌謹叔頽而樂之雖鬚鬢皓然而耳目聰明手  
足便利日食酒尚可二三升暇則扶杖出游遍訪眠牛吉  
壤行數十里不倦見者詫爲行地仙人今夫洪範之行五

雲溪文集卷四

美

福也以攸好德終詩南山之歌無疆無期也繼之以德音  
是茂其人有如是之德造物者乃爲之錫純嘏畀長年故  
古人訓壽爲醇理數相從百無一爽余益於叔覩之矣叔  
性行醇篤拯人急難若不及待戚鄰尤有恩獲者收償折  
券一事業附見厚溪公傳中又其姊婿之才而貧者夫婦  
相繼喪亡叔曰於我殯至捐祖墓座之或力爭弗聽卽此  
二端大概可想然則繼自今日引月長躋登人瑞皆叔之  
種德續行者爲之而豈其遭逢之獨幸也哉茲五月之吉  
爲叔始生辰瑞河弟五十初度在八月嘉斌弟四十初度

在十月壽尊迭舉近萃一門而今秋適屆賓興伯仲兩君  
行以柳汁染衣增輝萊綵是則壽本多辱於叔彌榮固未  
可以憂患餘生與之相提而並論也是爲敘  
每談往事情文關生此作者獨步 邵周

雲溪文集卷四

美

勝采叔七十壽敘

吾儲氏自臧林析支豐義越五傳而首分析東分西分又  
一傳西分析仁義禮信房我高祖副憲公仁房家孫偕弟  
廉使公起家進士任方面官率以久宦減產而義房育菴  
文溪兩公並貲雄一鄉到今百八十年豆剖瓜分強半中  
落髮所稱東西柵燈火如茶蕭鼓雜奏之勝蓋不可復親  
矣然亦時有舊起孤露中恢復舊業既而福祉壽考脩集  
於乃躬者則我勝翁尊叔先生其人已叔育菴公五世孫  
兩源公仲子少肄舉子業雅負能文聲願出應提舉試屢  
進屢蹶訓蒙村塾聊給餽餽自敝廬一椽瘠田數畝外其  
他無有也年踰壯忽染沉疴纏綿床第且七載叔母吳夫  
人儉且勤雅善持家紡績蠶繅夜以繼日此七載中戶外  
絕應酬室內勤操作銖積寸累不見其益日有所增比叔  
霍然起而生計亦稍從容矣叔病愈後念儒者治生為急  
爰謝故業殫心力督課農桑間督什一之息雖義不為瘠  
人肥已事而量入為出歲有贏餘閱數十年家乃大起於  
今廬畝式廓駸駸乎復還育菴公舊觀此所謂創業守成  
兩兼其難而可為子姓之乃逸乃諺罔知稼穡之艱難者

雲溪文集卷四

李

告也叔早失所怙事母鄧太君盡孝太君享年八十有七

乃考終性謙謹遇人煦煦族衆數千指雖卑幼必以禮接  
之或以非理干亦夷然弗與校也尤嗜德施利濟事未易  
一二數傳曰恭則壽又曰仁者壽叔始於兼之者與今年  
正月為七十始生辰諸宗人咸躋堂稱觥而屬掌文一言  
以侑掌叨長叔六年當康熙己丑授徒本村始識叔翩翩  
年少耳頃年自蜀投効歸假榻湖干益往還無間掌自顧  
頽然成一老翁而叔精神彌復強固方與吳夫人舉案相  
莊竊念人生七十曰古希躋登茲者頗少其間內稱偕老  
者又加少茲幸於叔遇之而叔得子雖晚今已頭角嶄然  
是可高大其門閥以待者惟吾宗耕誦傳家始於阡陌雲  
連繼以科名鵲起如叔者僅稱鄉里素封已乎異日享期  
頤之慶膺綸誥之榮行拭目俟之矣昔海陵文懿公贈族  
人詩曰堂前喬木百年陰門外桑麻十里深漫道時人重  
王謝故家人物說臧林今日之豐義蓋猶昔日之臧林也  
請為稱詩以頌

深厚爾雅 黎菴

雲溪文集卷四

李

在勤弟壽叙

吾曾祖醇菴公學行高一世實爲吾祖在陸府君開先承先封公先副憲遺業頗稱饒裕晚歲爲勢家子所構傾其貲公因是怏怏以卒厥後乘間抵隙奔走呼號訖復復不其之仇者皆三伯祖旋吉公力也伯祖偃蹇以諸生終傳子及孫家徒四壁天之報施善人何如哉在勤弟伯祖之諸孫四叔父無競翁之伯子也生於城長於豐義早失怙恃焚焚靡依又橫被口語不得已流寓邑東南之烏溪辛苦艱難蓋脩嘗之矣然在勤侃侃能自立見事明任事勇

雲溪文集卷四

空

意氣豪上凡四方商旅之往來湖上者咸願與訂交在勤亦樂爲之盡饋詒所入稍足資生居恒善爲人排難解紛一言出罔弗翁然服頃年來乃克築室以居課農而食聲名洋溢數十里中余竊嘆其始艱虞而終逸豫也在勤雅不欲以家自累故中閭久虛或舉不孝有三之說風之咲弗答幸其季弟螟蛉舅氏爲娶婦生一男歸宗後弟旋無祿所遺寡妻孤子胥歸在勤飲食之教誨之恩意倫至今孤子已十餘齡每歲延師肄業行軒然見頭角將所由續一綫書香以不至曠墜先緒其在斯乎在勤尤篤念宗盟

我宗人無問疎戚偶過訪輒流連旬日網魚於池摘蔬於畦盡歡乃罷吾豐義里瀨西湖烏溪瀨東湖相距百里東行者之必主在勤猶西行者之必主佩南弟也南人耆年相亞風義亦畧相似噫可風已夫今年在勤六十初度五月之吉其始生辰余晚景蕭瑟無能効乘韋先姑率弟姪子孫輩矢一言以祝然不敢爲史巫紛若之詞惟原本共世次撮敘其生平見有得於導迎善氣之本若此在勤所居面山臨流開戶而望南屏諸峰蒼翠欲滴具區三萬六千頃水天一色近在襟帶間從此以休以游玩而樂焉以

雲溪文集卷四

空

忘其老可也抑詩之言曰如川之方至又曰如南山之壽特稱引以爲祝

本家兄弟文字自用不着庸詞賡語 邵周

王母馬太夫人壽敘代

自元明以前罕有壽人以文者何論閭閻近世乃侈爲祝嘏施諸屏障雜以瑣語遂出之詞其無當於大雅明甚雖然書陳五福詩歌九如所從來久遠若閭宮之頌魯侯也兼及壽母良以人有愛於是人將并其所生而愛之不極之膺多祐享遐齡其意不慊而其人有如之德適醜以如是之壽又理數之必然無疑者爲之導揚盛美用以彰聖善之應而慰孝子之思洵不爲過則余今日之壽王母馬太夫人者是已太夫人有子官華陽學博曰文若君前

雲溪文集卷四

壽

年余調成都守旅見諸廣文先生獨君長身玉立儀觀甚偉振聲縱論古今及目前利弊所宜興除事實可見諸施行退居學舍約束生徒悉就規矩反讀馬上吟又知君壯盛時曾稟糧出塞遍訪山川風土特立功萬里上追長羅定遠之風而惜乎有志未酬僅以寒賸老也今年正月爲君懸弧辰僚友泊諸弟子將舉觴稱祝君同辭曰鄙人有母弗克少伸烏哺此母難日奚壽爲蓋君年七十而太夫人已九十有三矣康寧壽考萃於一門文宣綵帳榮子班衣近今罕覩盡以壽君者轉而壽太夫人其可乎太夫人

系出扶風總戎某公女雖生長富貴女誠夙嫻及笄歸贈

公先生時君姑在堂問視惟謹惇睦同室脫耳代償伯氏宿逋無吝色其相贈公也必敬必戒有古孟桓風尤以遠大相期弗爲一時弋獲計贈公嘗寄籍襄陽有阻其入試者意忿忿太夫人婉言慰解曰讀書爲己非爲名也學果大成雖終老布衣何恨夫子昂哉中年贈公絕意進取乃以相夫者教子比晚歲更以教子者課孫然學博君連蹇不遇白首鮑堂弗加愠家孫某早露頭角一試采芹弗加喜此其識鑒之高明德性之堅定在偉男子猶難之願

雲溪文集卷四

壽

易得諸巾幗中哉夫有高明之識故客感不能擅有堅定之性故外患不能奪太夫人之獲壽宜矣說者謂太夫人春秋高君匏繫冷官不無北山鴛羽之嘆余獨謂不然太夫人通古今識道理重公義而薄私恩當君走西藏時亟勉以奮身乘時勿作出門惘惘態况師儒爲國家長育人材寄任特重故殫心厥職上報國恩雖隔千里太夫人樂也君亦善體母志留家侍養子身之官長君應試會城試畢卽促之歸曰無以我故令大母倚門而望俸脩所入時致旨甘書問起居無間旬月是則母慈子孝厥道兩盡當

茲設悅嘉辰僚友及諸弟子並登堂遙拜廢南山之章亦足酌因極之恩於萬一矣。奚憾焉。余往年奉母入蜀跋涉險遠轉弗逮太夫人之安居里門而太夫人視吾母廿年以長聞其細髮朱顏官體效職又吾母所弗逮不轉瞬卽棹楔旌門稱。熙朝人瑞豈顧問哉抑區區愛日之忱余願與君共矢之也。

老筆紛披 絮菴

徐母姜太君七十節壽敘

余家世治詩間考魯頌閟宮之八章曰令妻壽母母執謂謂成風也成風非正嫡以子貴稱魯夫人而所生子僖公最賢爲一十二公之冠觀其蒞息在野燕衍在朝內而芹藻揆文外而車徒奮武聲施爛焉詩人美之特推本所生若謂非是母不生是子而因舉如罔如陵而臧而富一切善頌善禱之說所以祝公者上而祝其母夫人夫固接葉流根之義也後世縉紳士大夫家分位雖殊情理則一余茲者乃得援斯義以壽徐節母姜太君太君邑前輩文學映日徐公之淑配而余表姪倩上舍原祁君之賢母也映日公以一文士亢宗見義必爲不辭勞不惜費不避怨族衆數千丁胥倚賴之詳見余向所譔傳中矣公爲州佐兩滋公晚舉子行十四而公舉子亦最晚逮姜太君之姪原祁也年已逾六旬原祁生十年而公卒德配萬端人業以前二年卒以是貌諸孤屬在耒亡人太君際此艱難太君婉婉性成通曉大義念死易立孤難勉爲其難者而勤勤於鞠育教誨焉時原祁已出就外傳每歲所延師必名宿脩脯必豐手治饌具必精腆原祁亦善體母心早夜砥

弱冠稱六館高才生。願以隻身拊柱門戶。未遑履走。鎖闥并心進取。乃其析薪負荷。善繼述先人志事者。政大有在。豈屑屑與羣士爭名哉。映日公雖秉正嫉邪。頗以剛果。忤物至原祁一出於縝密溫。和遇人煦煦尊行。耶嚴事之。如父師同輩耶遜友之。若昆弟而胸中涇渭分明。所交無一便辟人。故所行亦無一京德事。在邑中值大營造。大興發無弗出其財力。左右助勳。在宗中若五世祖冲菴公。附主廟學會祖桐旭公。廟巷祠重建後。樓率皆奔走呼號。首捐貲以倡。幽光丕顯。廟貌一新。映日公可謂有子矣。而子

雲溪文集卷四

矣

故有母夫孰非奉太君慈訓而為之者哉。今三黨間。艷稱太君壹德曰。初佐蓮事夫子。暨君夫人以禮雍睦。無間言也。代君夫人綜家枋事。無巨細。胥井井有條也。娶居後。恪守公遺業。無棄基。且克終堂構也。德施是務。自族姻以至疎。遂窮乏。無不調。緩急無不應也。生平衣粗食淡。而賓祭務從豐。御下以寬。而家規肅若朝典也。於今襄開七十神。明彌茂。操作彌勤。未見米鹽瑣屑之弗躬親。牙尺剪刀之偶去手也。凡諸懿美。更僕數不能終。而要以盛年砥節。玉孤子於成。允屬難能而可貴。易曰。節亨其太君之謂與。方

公捐館日。太君集蓼茹荼。僅提攜一十歲兒。形影相弔。此亦極人生不幸之遭矣。閱三十餘年。念斯猶有孫男五。人孫女亦如之長者。已得師傳。嫻姆教。幼者亦蓬蓬牽衣。時向老人索棗栗。糗糒諸物。又各嫻詩書。好皆簪纓詩禮之家。屈茲設。晚佳辰。家人希。懽懽。於室中。諸親賓雀躍。見趨於戶外。次第升堂。捧觴再拜。相與傲。閨宮之頌。廣燕喜之歌。太君坐而聆之。夫亦可油然而盡一卮也。已余聞太君膝村人。本京江著姓。厥考家中落。乃來宜。無子。太君孝養之終其身。壽登九十有五。長年固有種耶。吾用是知異

雲溪文集卷四

矣

日者表宅別里。一以為瑞應。熙朝一以為芳流。彤管太君之德。祉胥脩且焜耀於無窮也。於是乎言。所重在立。孤然不多衍母以子貴人之稱。願其母。摠因其子之賢。起假引經立案。是老大靠傍。邵周

吳母楊安人壽敘

余家與吳氏世有姻連於州司馬蒼程兄則三從中表兄  
祖母實余祖姑少時竊見來西子昭諸外兄游先祖在陸  
公門下不敢以師弟子稱執彌甥禮惟謹既而兄子若孫  
爲家阮東明大令壻洎其孫壻而東明季子復壻於兄一  
彼一此迭爲冰玉有非尋常蔡晉之歡所可同日語者不  
幸兄年不配德早游道山誠不勝車過腹痛之感賴賢親  
楊安人隻手撻捥歷二十餘年訖無弃基茲者甲子一周  
吳宗人爭躋堂稱觥而余羸老亦且追陪其後所得援大

雲溪文集卷四

主

易無成有終之義用廢魯頌令妻壽母之歌者也蒼兄初  
娶於徐無祿繼室以今安人徐之兄曰山吾君生後余一  
歲兄又後數歲三人者雅稱莫逆交余居古茶局巷東兄  
僑居其南山吾居其北相距纔百步每昕夕同登平西墓  
眺南屏諸山各以達大相期許無何余餽口江外山吾奔  
走京洛困而歸兄獨轍省試專精治生不數年家大起乃  
遷居西廟巷祖宅吳氏自銀臺公以來科名騁奕甲第雲  
連所謂朱萼堂者百八十年於茲矣康熙末兄輩從多高  
才數奇又不屑問家人生產浸衰落兄則奮起孤露恢復

故物塗茨而丹雘之巍然煥然過其門者莫不噴噴嘆美

此固由兄才請敏練抑所藉於中義之力豈淺鮮乎哉安

人郡名族武英殿纂脩候銓縣尹充閭公愛女擇對難其

選年二十七始歸兄恨未逮事舅姑歲時饋祀必誠必敬

綜理家政鉅細秩如接族姻以禮馭僕妾以恩性尤好施

予賢明之聲洋溢至黨閭乾隆初其處外兄筮仕江右兄

及安人實代爲脂車及抵任亟招兄往佐理一切積勞得

疾越一年喪歸安人搶地呼天斬以身殉既復念兒女累

繁門戶事大乃抑哀茹痛以健婦操家蓋安人之遭際良

雲溪文集卷四

主

艱而德與才亦於斯倍顯矣元配遺孤三人恩撫如腹出  
而哲課特嚴長子足疾廢業更勸誨長孫甫成童卽蜚聲  
膠庠餘子亦胥克負荷而安人所產子金吾年場幼更英  
英露奇前年應府試郡太守奇賞之拔冠一軍曰國士國  
士騰驥可計日俟也予惟西關吳氏之興肇自銀臺公銀  
臺公之興則由節母屠太夫人艱貞食福理無或爽今安  
人盛年失偶遭際畧同婦順母儀亦復相似吾知魚軒象  
服錫命便蕃必有得於其子若孫者而繼自今泮渙優游  
馴至眉萬無難也余忝在戚末誼當舉尊以言然不敢以



瑞池蓬島水桃雪藕之詞。潤漬清聽。惟縷述兩家姻好。及生平耳目所親聞。聊博一咲。而廼念六十年來日月不居。知交零落。向時推襟送抱之侶。已邈若山河。僅從一二女宗頌岡陵而歌松柏。斯不能無槩於中也。夫所祝嘏在此。所感吁在彼。當微會之。邵周

雲溪文集卷四

圭

滁州嫂九十壽敘代

江左人文之盛。首推宜興。在宜興則首推儲氏。癸丑南宮之役。余同榜。宜興得六人焉。儲居其二。一爲寬夫。編脩名。晉觀一爲敬輿。侍御名。燧。兩人從兄弟也。先是編脩尊人儒林公暨侍御尊人滁州公分雋。戊子南北闕並列名第。二儒林已丑連雋。入詞館。滁州則僅以學博終。而文名不相上下。蓋家學淵源。所從來遠矣。及侍御官京師十餘年。余數與過從。抑又稔知其太夫人老年伯母之賢也。太夫人系出路氏。自高會以下。多爲達官門望。赫奕其歸於儲也。則滁州公方食貧。饋奠後屏鉛華。躬操作。克儉克勤。曲盡婦道。公發憤下帷。寒暑罔間。太夫人紡績佐讀。自昏達旦。以爲常。舉丈夫子二次。早世。長卽侍御君。自少及長。勗以近文章。砥礪廉隅。以故名行早立。當公戊子鄉薦。太夫人已年逾四旬。嗣後屢上公車。幾得復失。晚乃就銓州學正。追隨令署者一年。其年侍御登第。旋丁外艱。歸服闋後。入卽署陟西臺。光顯矣。今上初元。推恩大小臣僚及其父母太夫人。於是獲膺章服之榮。終以長路三千力却迎養里中門戶事。一切皆老人獨肩之。不幸侍御游道山。計

聞太夫人五內摧裂然猶抑哀強飯經營室家克成禮於  
 今喪開九十歸焉如傳鑑光凡其撫誨諸孫及曾孫者低  
 然如鑄日所以撫誨侍御君者矣嗟嗟人生七十曰老亦  
 曰古稀過此而八十且九十其稀也益甚三代而下於周  
 惟衛武於漢惟伏生閨閣中如郝夫人者指不多屈夫三  
 十年爲一世至是則已正之所閱幾世間升沉廢興之故  
 晷脩矣卽以一身論時榮時悴忽歡忽悲回憶生平恍如  
 夢寐度太夫人亦有難爲懷者要以蒲柳之質望秋先零  
 松栢之姿經霜不改非直東賦異人乃其德合無疆教此  
 良非偶也余葢於太夫人信之矣抑余聞備之先有象岩  
 公者壽躋百齡卽侍御君之高祖也當少年時家門兩貴  
 頗寓意於聲伎園亭經營桑之變園亭傾聲伎散又驟失  
 壯子外侮至至公處之夷然更十數年兩孫井陘公清源  
 公同設元魁家門之盛復還其舊而公優游杖屨以耆德  
 特舉鄉賓邑中傳爲僮事越四傳得太夫人其嗣音矣  
 意太夫人儼柔懿萃質克盡爲婦爲母之道天之賜以多  
 祐者不得諸其夫亦旣稍得諸其子不盡得諸其子又將  
 得諸其孫與曾孫矣乎余年家子也奉簡命視學江蘇適

雲溪文集卷四

古

屈稱觴之辰敢馳一言以祝

悲情樂境抒寫兩盡摠無不切之陳言

黎港

雲溪文集卷四

古



雲溪文集 目錄

宜興儲寧文越漁氏著

同邑 潘永季絜菴氏 評

任道南邵周氏

男

樵汜堯校字

卷之五

記 祭文 書 四六

瀘州改建明倫堂碑記

重脩鄉賢祠碑記

重建名宦祠碑記

目錄

張公祠記

祭雙忠祠記

內江喻氏祠堂碑記

徐氏小宗祠碑記

重脩俞公祠記

龍山洪範菴增建樓房碑記

徐氏穎閣書目記

重脩臨河文昌閣超然亭記

祭忠州劉使君文

祭吳次侯文

祭程晴川文

祭程傲岳文

哭程瑞虹文

上某學使書

與友人書

與岑明府代

謝生日啟

爲張生姻事求助啟

目錄

安老會後啟

助喪啟

安老會啟

贐行啟

請重脩盧忠烈公祠呈

補編

許湯陳時文叙

與姻友啟

附

儲雲溪先生傳 吳太史華孫撰

雲溪公傳 家宗丞麟趾撰

先府君雲溪公行狀 男熊等述

目錄

三

廬州改建明倫堂碑記

府州縣各有學以興賢育才。學各有明倫堂。以講道。輪。茲。由來。尙已。我國家聖聖相承。文教四訖。一切褒封之。典。享祀之式。宸翰之賜。加意於廟學。者尤詳。而西蜀介。在偏隅。規制間有未脩。豈誠力不足。勢不便耶。抑亦守茲。土者。兢兢焉。惟刀筆筐篋。是問。而其他直有所不暇爲耶。瀘陽襟帶雙江。羣山環拱。人文之秀。甲於川南。先是學宮。在城南之山。康熙己卯。以形家言。改卜今所。其地高踞山麓。下迫民居。殿南向而門東出。陂陀而下。繚以垣。垣徑路紆。回到者失望。乾隆戊辰。前署牧孝感胡公觀海。奉觀察吳門樊公天游。命始鼎新之。買地闢門。正厥方位。既乃建。櫺星。鑿泮池。黝堊丹雘。次第就理。樊公記之詳矣。獨所謂明倫堂者。規模隘陋。弗稱具瞻。方謀改建。而胡公以憂去。樊公以調任。川北去爲山九仞。功虧一簣。蓋將以待夫後之人。歲已巳。正月。旣望。我晉陵劉公辰駿。來攝州篆。顧瞻。廟學。考厥廢興。慨然曰。是誠在我。爰偕二尹桂陽劉公承。高捐俸。以倡。別買地泮池之東。楚石庀材。屬兩廣文先生。董其役。閱五月。告竣。棟宇軒。阿。華彩高明。游息於是。

雲溪文集卷五

一

焉具然後知瀘陽之學非樊公胡公莫與經砥始非劉公  
莫由臻厥成抑公之爲此有深意存焉者茲州水陸要衝  
五方雜處每長吏至輒牒訴紛囂及兩造蒞公庭非其  
宗族卽其姻婭甚至一室之內戈矛互操夫惟倫之不明  
故至此傳曰人倫明於上小民親於下今公鼎建斯堂揭  
子朱子所書三字爲之鵠俾過其下者畢然思愷然悟有  
不耻其鬻陵而勉爲惇睦豈情也哉公江左宿儒以經術  
飾吏治嘗三令於閩既去而其民謳思不忘甫蒞瀘首開  
鶴山書院招生徒課讀其中日省月試蒸蒸鵠起以廣

雲溪文集卷五

二

聖天子樂育人才之至意而斯堂尤有闢風俗人心之大  
者非直務興作侈美觀而已余與公同鄉又嘗爲瀘屬吏  
樂觀公德化之成而抑願瀘之人之善體其意也敢珥筆  
爲之記云

按瀘州起議明倫二字乃非公家言 邵周

重修鄉賢祠碑記

吾邑之有先賢祠也自南宋時始其遷入廟學左掖梓潼  
祠爲之且專祀鄉先生也自明成化間始既復遵例以其  
地建崇聖宮而改建是祠於戟門外之西南隅與名宦祠  
並列也則自嘉靖間始天啟中祠屋壞邑令駱公偕諸賢  
裔重加脩葺顏其堂曰思齊中丞蔣公允儀實爲文記之  
入國朝嘗一再脩廟學度以其餘力兼及是祠顧無碑  
記可攷以 童稚時所見迄今五十六年入祠之主日益  
增而祠日益頽圯遇春秋二丁分獻官行禮其下惴惴焉

雲溪文集卷五

三

覆壓是懼載瞻神主則縱橫雜置於塵土中風雨之所蝕  
苔蘚之所侵缺齧殆半間有一二遺失者過者盡焉傷之  
今夫一姓族居數千百丁之聚罔不加意於宗祠堂寢垣  
牆以時黜陟夫亦曰爲子孫者毋敢忘其所自出云耳况  
諸賢或以助業或以德行或以文章彪炳一時俎豆千古  
此固非一姓之私而在各姓子孫亦當念厥本源亟思妥  
侑顧使神所憑依浸假而淪於墟莽於理順於情安哉歲  
癸酉邑大夫黃公劉公暨學博郭公顧贈文廟矢志鼎新  
首捐俸以倡諸紳士踴躍用命殫力勸勸又遴學中之賢

而能者數十人分董是役、越二年大成、殿明倫堂、次第告竣、巍巍燭朗、加於舊觀、雖工未訖、功而規模宏遠矣、因念鄉賢載在祀典、祠久頽圯、不可不急議脩、而議者又謂諸先生業從祀廟庭、無分門別戶之理、遍覽他府州縣、衛學制皆然、獨吾邑戟門外地勢褊窄、難於改作、爰卽其舊址而更新焉、墜門之南、出者周而垣之、以合諸學室、南向門東、向由櫺星門而入、其西偏爲是祠、由是祠而入、再進則名宦祠、自經始至落成、凡三閱月、計木瓦之工若干、丹漆之工若干、礮磨之工若干、費皆出自各姓子孫、不煩公帑、

雲溪文集卷五

四

方其經始也、寓主於司訓之齋、完其缺、補其遺、失餘亦整舊爲新、比落成、擇吉春祭前三日、邑大夫賈明蒞事、率諸賢裔捧主入祠、奉安神位、左右鱗次、以時代爲後、先其同時、以爵以齒、由是仰而眺、則棟宇軒華、俯而矚、則堦除鞏固、所謂竭誠盡愼、用以康鄉先生之靈、以興起此邦人高山景行、永永無窮之慕、詎不有賴於斯、與抑聞之傳曰、有其舉之、莫敢廢也、天下事非問舉之爲難、而歷久不廢之爲難、念是祠頽圯於數十年以來、更新於茲日、亦旣從而舉之矣、則夫繼今以往、掃除必潔、清朔望必虔、謁而更

未雨綢繆、預爲每歲繕完之計、無使一敗不可收拾、是所望於諸賢裔也夫。

記賢祠之舉廢而屬望於一舉不再廢、是有關係文字、

邵周  
纖悉無不到此、固記體也、  
黎菴

雲溪文集卷五

五

重建名宦祠碑記

提明此句以後多各主相形

名宦祠在鄉賢祠西明嘉靖間宜邑侯黃巖王公鈴肇建

公嘗采輿評徵文獻自漢袁府君外特推尊吉水袁諱澤

州丁諱二公築室作主合而祀之以明崇德報功之義嗣

後續入者無幾人其為慎重若此頃數十年來鄉賢祠日

就傾圮然牆壁猶存而茲祠則已鞠為茂草并基址半入

民居不得已寓至於戟門內之西偏春秋二仲姑就而將

事焉失所憑依神不顧享良非一朝一夕之故已夫古者鄉

先生沒而祭於社近世獲從祀廟庭前規後隨光我桑梓

雲溪文集卷五

木

况賢令長為民父母強教而悅安之其功德之被於彈丸

者滋鉅顧乃當時則思歷久而敦舉前之人所以揭虔安

靈者聽其廢墜而莫克振興不可謂非此邦人之咎也

今上龍飛之二十年邑大夫重修文廟設簿勸捐衆大和

會比大成殿明倫堂之落成也謂賢宦兩祠當兼議脩於

墻壁猶存者則拓舊以為新於鞠為茂草者則鼎新以復

舊且鄉先生皆有子孫其子孫皆欲崇其祖考是各姓之

私也私故實其量力分捐賢令長遺愛在人千族百姓之

子胥沐浴而咏歌焉是閭閻之公也公故取諸公項之義

表乃清基址選物料鳩工匠高其棟宇周其垣墉通其門

戶閭閻者九而與鄉賢祠次第告成同日集衣冠具牲醴

奉主入祠觀者如堵咸譁呼稱盛禮而散庶幾哉以妥以

侑以享以祀以旌民功而勸吏理無負於黃巖公肇建之

初心已乎抑掌更有進者吾邑鄉賢主至百有餘人山川

之所鍾毓風教之所留遺可稱絕盛而名宦主纔十有七

人又本朝所入皆三院大僚曾不及親民之吏豈其無

人乎哉抑有其人而莫之舉也掌嘗讀先大父東莞文公

碑記和風甘雨悅然見東西京循吏廉平德讓之風其善

雲溪文集卷五

七

政迄今人能道之而碑陰附記玉立高公三韓姚公一勇

於有為一靜若無事蓋皆有以異乎俗吏之為之者三公

者非其人耶何其宜祀而久不祀也吾邑志乘曠不脩者

七十年深恐日遠日忘浸以湮沒夫脩舉廢墜當事之功

至於顯微闕幽則固學士文人之職也掌謹記茲祠廢興

顛末而敢旁及之

得此文則文高姚三公便可不朽紫菴

張公祠記

張公諱鍵字一清陝西人由前明舉人累官常鎮道順治元年甲申本朝定鼎燕京乙酉下江南福藩出走公知天命有在迺歸誠焉當是時王師所至望風送款及薨髮令下忽大譁于是大江南北並以興復故明為名起義兵者相望而宜興介湖山間易嚮聚亦不少股頑豫王命大將某率兵來討以公監其軍至宜居岬紳主某之宅宅在東廟巷今公祠即其入門第一進也本朝兵威煇赫既次第削平嚮聚者并講屠城公曰揭竿之徒罔識順逆

雲溪文集卷五

自作之孽耳居民何罪吾不忍視其駢首就戮也力爭之弗聽爰私諭居民是夜空城而出而公自以身代引刀刺腹腸盡出死於王氏之樓比明則無可屠矣將某鞅鞅率兵去計所全活不下數千萬人時有法藏寺僧行高延畫工繪公像軸而藏之迨康熙乙酉距公為民請命之歲甲子一周矣邑人追思公德而王氏入官之宅久傾頽半已歸城隍廟諸紳耆呈縣請憲請公捐價值承買其第一進建張公祠塗茨既訖像設攸嚴嗣後春秋二戊邑大夫遣官致祭如黷典嗟嗟生而為民死而為靈其生也功德被

於生民其死也廟食延於百世攷諸祭法能禦大災則祀之能扞大患則祀之屠城之慘視災患百倍捐一身全一邑其功德亦百倍則夫後之人入公祠拜公像有不唏噓感泣於公實生我者決非人情自建祠至今又將六十年追而記之用補志乘之闕

健筆淋漓生氣如涌 黎菴

雲溪文集卷五

九



祭雙忠祠記

石室距明倫堂纔數武。堂之東偏屋三楹。榜曰雙忠祠。相傳明末司授何公夫婦殉節處。方獻賊攻城時。公鳴鼓召諸生諭以大義。無至者。城破。偕其室投繯死。或收二尸葉葬焉。今祠卽墓前。方丈地。前華陽令聊城安君寶鼎新之。勒石記諸壁。獨惜文殘缺。佚名諱里居。胥失傳記。亦謂公大節炳如。自有足傳者。傳其人缺其名。可也。辛未止巴。諸廣文先生相與謀。謂近世禮重拜掃。公塋城伊咫。此禮缺如。不稱揭虔安靈之意。爰脩牲醴。祭墓道前。祭畢飲福於

雲溪文集卷五

十

祠。惟余亦得其事。其冊祝則素書林先生筆也。中有名剛一語。頗疑之。先生曰。其信。客歲之夏。郡人士齋戒結壇。以扶乩卜得失。無何有赫然降者。叩之何姓。剛其名。曲江人。再叩所居洞府曰。若往訪城南文廟。卽得我矣。嘻。何姓者。非公其誰哉。夫神仙事涉渺茫。儒者所弗道。然自古忠魂毅魄。耿耿不可磨滅。形於上爲日星。形於下爲河岳。周流於六虛。爲明神。爲仙靈。紀傳所無。不一而足。於公乎何疑。且顧名思義。固有非公不克當者。易稱乾之德。首曰剛。其於坤亦曰動也。剛剛者。乾坤之正氣也。人得是氣。然後能

雲溪文集卷五

十

秉持名教。扶植綱常。試之禍福利害之交。不後不屈。否則醜然人而何事。不可爲。歷觀前史。蠅營狗苟。敗名喪檢之徒。其居恒。曷嘗不佩服詩書。侈談忠孝乎。一念畏蒞。未流乃至於是。故臣殉君。婦殉夫。視死如歸。計不反顧。惟剛者能之。今者卽公之人。以定公之名。其可信也。決矣。更質之諸廣文先生。僉曰。然。余謂國家承平百餘年。大化翔洽。罔念曩者西蜀偏隅。焚燒屠割之慘。及一時仁人志士慷慨致身。從容赴義之爲。已漠然徒見山高而水長矣。公獨英靈不泯。感發後起。獲存遺跡於荒墟榛莽間。而又假扶乩者之手。傳其名諱里居。使百世下有以考。因緣遵會。良不偶然。抑諸君子景行前詒。昭示方來之思。亦有不可得而沒者矣。敢志諸石。用補前記所未脩云。與祭者簡州學正林中麟。成都府教授劉某。訓導李某。華陽縣教諭某。訓導某。皆蜀人。余則江南之宜興人。

議論正當 邵周

內江喻氏祠堂碑記

康熙丁酉肇倅叨卿薦出蜀內注西園喻師之門越三十  
年至乾隆丙寅循例謁選筮仕蜀之納谿令時師下世垂  
二十年矣納谿距內江纔五百里秋計因公取道經農拜  
墓下稍伸隻雞絮酒之情而事與願違託莫之遂今年東  
返念繼見無日始決計一行舟抵梓潼則喻氏宗祠興  
然在望掌將拜師之墓也蓋先謁師之祠入祠見注如見  
師矣且井如見師之祖若宗也者區區寸心庶幾于慰  
三楹中設龕奉歷代忠中行最下第身位則師之官號在

雲溪文集卷五

十一

焉師之子今宗子奉厥考重大宗也東逆數而上則爲宗  
子之王父曾王父高王父祀不過高祖唐宋以來士大夫  
家之禮也若仲若叔若季各以昭穆行分列左右由本以  
及支也高祖以上不立主設總牌書其官若號支分派別  
絲牽繩聯上極諸一世祖而止由流以溯源也兩翼別置  
龕凡子姓殤者無後者胥得附食焉孫附於至父之義也  
緣情定制折衷千古亦不寒於時觀喻氏祠尊尊親親之  
道備焉矣祠故有兩碑雖字跡磨漫尙可讀其一隱慶六  
年立爲建祠之始同邑三逸總制王公友松爲文記之其

一天啟四年立前此經閭酋之變燬於兵至是重建十世  
孫孝廉志祥爲文記之甲申乙酉逆獻肆虐於蜀封屠焚  
燬靡有子遺何論棟宇喻祠之再燬亦固其所然其故址  
無恙也我國家大化判治休養百年喻氏人文蒸蒸曰  
起爰乃式闢新構悉還舊觀計是祠肇造於前明穆廟辛  
未今落成之歲亦適在本朝之第二辛未十曰十二子  
相配數窮六十茲且四之矣周京離黍其間故宮唐殿舍  
元已悲秋草而士大夫家綿綿延延所以揭虔妥靈臘飲  
合食者再廢再興獨未之有艾葢未嘗不嘆其祖宗之流

雲溪文集卷五

十一

澤遠而子孫之昭報勤也抑前碑有言曰祀先以心而不  
在乎明水之斟與考鐘伐鼓之音亢宗以人而不在乎食  
指之殷與繁纓曳組之身堂仍昔之爲喻氏子孫勸斯亦  
先師之志也與

就一支干上生出無限文情前半記叙亦整練邵周

徐氏小宗祠碑記

邑廟巷徐氏小宗祠肇建於康熙之二十有四年歲在乙丑當時茂才斌尚上舍是平諸先生爲其曾祖明經桐旭公建也徐氏族望甲吾邑發祥於贈少傳瓊州公至少師贈太師文靖公而滋大文靖同產弟三偕公析謙復恒巽四房復房第三子秋岷公傳至孫桐旭公而支系彌闕衍爰是築室作主敬奉烝嘗適妥迺神其攸莘此廟巷祠所由昉也祠旣爲桐旭公建勢不得不推公之意上逮其禍祖會高而非其所自出者不在列蓋祠制倣廟制一曰

雲溪文集卷五

十四

尊尊一曰親親乃周道之大者茲祠位桐旭公主於正寢而位復齋公以下四主於前堂尊尊也一世復齋公二世秋岷公而弗及秋崖公之兄若弟三世冲菴公四世冲公而弗及兩公之弟祇私吾所自出而上祀之親親也惟進士韶喈公爲桐旭公猶子以祠屋本其第宅且乏嗣神主無所歸故得附食又所謂禮緣情制而封君殺我公暨諸兄弟均弗及焉故曰祠專爲桐旭公建也由公上達及其高曾祖禍由公下達自當及其子孫曾元今觀於正寢設三龕兩翼設十四龕凡公之子若孫既曾孫胥在列其

規制綦脩矣抑建祠始議以待夫登科甲列仕籍之人而

桐旭公以來一支前此未有顯者公歿已七十年恐不及待因各捐田若干畝宋提若干兩亟爲揭虔妥靈之闕適公仲子成儒公一房於今特盛成儒公有七子皆高材生當崇禎壬午太師苗裔武棧翁同登七子者皆報罷公爲之怏怏以卒越六十年至康熙壬午公會孫廣菴先生始舉於鄉比乙酉餐霞先生繼傳比甲午曉山先生復雋自是連綿不絕歲訖於今用克上慰成儒公屬望後昆之心且適符建議者有待以崇祠桐旭公之旨故三先生之當

雲溪文集卷五

十五

從祀無疑焉第堂廡爲地有限十四龕之外難於再增當各附其父龕而嗣後非有功德者似亦無容濫入是則尊尊親親兼以貴貴而周道不旣大脩於斯也哉茂才香谷君曉山先生令嗣曉翁草堂高第弟子香谷又嘗從先君子游通門之好三世矣今年入先生主於祠爲余道茲祠顛末甚悉故不揣蕪陋而援筆記之

按復齋公四主舊位後樓倣大宗祠迨遠堂規制樓櫺乃遷前堂權也今欲復樓力不足內孫外祖禮不安以子姓合食之所儼然有四主臨之勢亦未便謂宜遷復

齊公主居桐旭公之位餘以昭穆鱗次左右同堂異室  
三龕者頗足以容于韓子云祖以孫尊桐旭公特爲尊  
者而不得謂茲祠之非尚爲公建也又記  
只據事直書祠專爲桐旭公建無可疑者又記處置尤  
得宜未知東海氏能如議行之否 邵周

雲溪文集卷五

七

重修俞公祠記

俞公祠在平西墓麓之北廟之西與吾家副憲祠衛宇相  
望也門對武穆王廟入門有堂二楹顏曰世德堂後軒則  
奉安兩兵脩公神主長房孫世守之康熙中俞苦窶以祠  
後進任房零售於湯而祠固無恙然俞之去乏管籥之司  
湯之來託舅甥之誼祠門聽其出入享堂惟所啟居久假  
焉而幾不自知其非有者數十年於茲矣邇年來祠日就  
頽圯裔孫亦廷輩矢志重修而苦于無力乞援宗盟共襄  
義舉甚盛心也久假者忽從中作梗彼此開闢浸構訟端  
奉邑大夫批俞祠惡得禁俞脩但向有通融之議亦當爲  
湯稍留地步至明至公無以易此亦廷輩遵批遂四月之  
吉興工易其椽桷之朽蠹者正其牆壁之欹袤者繕完其  
蓋瓦級磚之破缺者不二旬告竣雖丹雘未施而規模大  
定矣適遭水灾停工擬秋杪冬初再新寢室慮始難而脩  
續易固知其必有成也愚竊謂落成後當并入猷謨軒一  
世祖主尊二公所自出其享堂則特懸父子兵脩祠額額  
昭示來茲凡以見此區區彈丸者係二公專祠非俞氏總  
祠而公嫡裔生齒寥寥復鄉城散處以時薦享言小之

雲溪文集卷五

七

有一世至在焉。庶幾藉舉宗報本追遠之心。俾祖豆馨香。永無匱乏。斯豈非一舉而兩得也。歟。兵脩公諱雷。號定所。子兵脩。公諱士章。號養弘。相繼登明神廟。初進士高第。敷歷中外。並仕至方面官。卽通族亦藉其光寵。迄今村毗里。媼尚嘖嘖於所謂老兵脩。小兵脩者。老兵脩清節著。當官德施狹鄉黨。信不媿一代名人。小兵脩能識拔熊江夏於策試武生中。多方至成卒。以推畧老謀作闕城保障。知人則哲。自古所難。此可想見其爲人矣。閱百八十年。離黍淪桑。栖神之地。存茲片壤。幾幾乎鶴興鳩處。今幸復還舊觀。

雲溪文集卷五

六

將見入其祠拜其主者。莫不厯高山景行之慕。而况其彌甥也哉。又况其子孫也哉。謹盟沐拜手而爲之記。

兩家曲直以此而定 邵周

龍山洪範菴增建樓房碑記

吾友倣岳程君。既得吉卜。合葬其考妣愚溪翁宗孺人於龍山之陽。而是山斗絕阻深。人跡罕到。爲東南奧區。山之趾故有僧菴。君嘗假榻焉。以藏葬事。卽異時春秋拜掃。亦將寢食於斯者。而僧寮苦湫隘。殊不足容像從。且恐有褻莊嚴。主持僧欲恢拓之。而力未能也。君曰。是誠在我。爰乃卽其旁隙壤而增建焉。庀材鳩工。費至數百緡。不少靳其屋爲進者。二每進爲間者五。入門左庖右漏。內則覆以重樓。歸然翼然。高明游息之道。於是焉具。經始於乾隆己卯。凡閱如千月日而告成。既成。君弗有歸諸菴。俾菴之僧世守之。更捐貲三十金。令買田。永資香火。廣善緣也。僧亦感君式廓之功。喜捨之德。奉爲山主。設愚溪公神位於東偏。俾程氏上塚子孫。獲以時瞻拜。展孝思也。蓋一舉而兩善兼焉。余嘉君志高。君誼特爲文記之。鐫石厯壁。庶無忘所自始。

雲溪文集卷五

五

涼以健 邵周

徐氏穎閣書目記

先。盡。山。兄。之。銘。文。解。舜。棐。徐。先。生。也。首。志。藏。編。一。事。穎。閣。著。籍。至。盈。十。數。櫛。雖。不。敢。上。擬。漢。七。畧。唐。四。庫。宋。崇。文。其。視。宋。尤。氏。遂。初。堂。明。王。氏。彙。苑。葉。氏。焦。氏。錢。氏。暨。近。日。毛。冒。季。徐。諸。氏。書。差。埒。此。前。哲。之。風。流。而。蕤。林。之。佳。話。也。歐。陽。子。有。言。物。聚。所。好。且。得。於。有。力。之。強。而。篇。終。申。之。曰。聚。久。無。不。散。先。生。性。恬。淡。無。他。嗜。獨。嗜。書。若。饑。渴。又。承。父。祖。業。頗。饒。於。貨。書。買。至。輒。盡。所。蓄。之。故。能。聚。書。之。多。若。是。既。又。慮。聚。之。難。而。散。之。易。也。臨。終。治。命。囑。其。長。子。山。吾。兄。曰。

雲溪文集卷五

主

余。生。平。心。力。萃。此。十。數。櫛。者。當。存。公。汝。專。掌。之。無。許。鬻。毋。許。借。他。田。產。可。分。授。而。書。無。許。分。諸。子。中。有。喜。讀。書。者。許。指。名。領。閱。閱。訖。仍。繳。還。違。者。以。不。孝。論。家。孫。頗。聰。穎。異。時。能。奮。身。科。目。當。以。是。書。全。畀。之。俟。其。宦。成。而。歸。稍。有。餘。貲。再。購。書。如。前。數。存。公。脩。覽。以。繼。余。志。斯。可。稱。孝。子。慈。孫。矣。先。生。歿。後。山。吾。兄。恪。遵。先。訓。兢。兢。然。唯。恐。失。墜。中。歲。食。貧。時。鬻。產。以。給。而。十。數。櫛。者。歸。焉。獨。存。每。盛。夏。晒。書。緝。檢。烈。日。中。經。旬。無。倦。色。同。好。借。觀。多。靳。固。弗。與。人。亦。諒。之。以。先。生。治。命。猶。現。在。耳。也。今。年。兄。伯。子。楚。萍。應。京。兆。試。一。舉。

成。名。金。馬。玉。堂。將。發。輶。於。此。是。誠。科。目。中。人。足。上。慰。先。生。佑。啟。後。昆。之。心。而。無。負。乎。全。畀。藏。編。之。旨。矣。余。走。賀。兄。兄。亟。以。書。目。畀。余。為。記。其。顛。末。如。右。昔。先。高。祖。副。憲。公。易。簪。時。指。捕。架。如。山。書。詔。先。伯。祖。九。府。公。曰。悉。以。付。汝。公。長。房。孫。嘗。中。前。壬。午。副。車。其。事。雅。相。類。歷。數。傳。子。姓。科。第。聯。聯。允。食。讀。書。之。報。余。烏。知。先。生。後。人。不。更。有。焉。奕。閱。衍。勝。於。吾。家。者。乎。抑。遽。散。邇。之。語。簡。侯。曰。君。其。脩。禦。三。隣。慎。守。寶。矣。夫。世。人。賣。書。度。不。如。其。寶。玩。物。而。知。所。寶。者。未。嘗。不。耽。耽。欲。之。余。終。懼。夫。聚。散。之。靡。常。也。自。茲。以。往。楚。萍。其。慎。守。

雲溪文集卷五

主

焉。是。歸。

喜。其。得。書。而。以。慎。守。坊。之。仁。人。君。子。之。用。心。固。當。如。是。邵。周。

重修臨河文昌山超然亭記

黃山奇秀甲天下。跨徽寧兩郡。其支分派衍綿延數百里。間者或疑而爲洞壑。或聳而爲岡阜。大率本蜿蜒磅礴之餘氣。各爭奇競秀。以別成勝遊。若歙臨河之文昌山。其尤著者已。臨河程氏聚族地。程在徽族最盛。同源異派。其四十有八。故臨河自爲一支。茲山其水口也。作閘鎮之中。奉梓潼神。規制殊隘。陋族耆有符瑞翁者。負才倜儻。揮金鑄若糞土。然既肇建宗祠。更出其餘力。點綴山景。恢拓文昌殿。爲間者三金碧輝煌。適與水邑山光相掩映。其下橋

雲溪文集卷五

三

梁亭道。位置楚楚。來游者多徘徊不忍去。云族兄名玉翁。文士也。亦貧士也。亟郵書其子一齋翁曰。符弟所爲皆吾所欲爲。吾美焉。美之而無能爲力。吾愧焉。異日者。歲吾未竟之志。其俟諸孝子慈孫矣。一齋翁謹志之。勿敢忘。翁僑揚有年。黽勉治生。而自給其他。尚有所未暇。則又亟命其子吾友養泉君曰。竟文。愧符叔之能有爲也。吾滋愧。吾父之命以所欲爲而力。仍弗逮也。將免我乎。是在爾養泉君復謹志之。勿敢忘。君諱惟刻一字晴川。與余僑賓主者十年。游從無間者歷數十年。其爲人慷慨饒大畧見義

必爲至孝。思不置。又其天性然也。雍正甲寅。文昌殿圯。族

人來告。君立寄貲鼎新。捐至數千緡。不少靳。亭亦圯。并新之。先是亭基址不得地。向背失宜。至是相方正位。甃以石。磴架以石。柱石梁功費有加焉。亭成而山之勝益顯。南望巖鎮。慈慈鬱鬱。烟火萬家。北眺黃山。若隱若現。宛然圖畫。山下急湍東注。有一瀉千里之勢。村右鄭村古松萬樹蒼蒼。莽莽若奔騰。馳驟而來。頗其嶺回超然。刻其柱曰。插天屏嶂。延朝爽。隔水笙簧。起暮濤。到此幾不復作塵世想。蓋高明游息之道。於是焉具。不惟爲本村生色。抑足爲通

雲溪文集卷五

三

壯觀矣。閱三十餘年。遭蠻龍之災。板木發屋毀。與橋相繼圯。時晴川下世已久。其子徵榮。吾徒也。曲體祖父志。復立捐貲。繕完悉如其舊。前所爲亭本鞏固。亦再加潤飾。且預儲歲脩費。俾永遠無虞。其計慮深長若此。夫天下事。善作難善成。尤難成者之殫心竭力。更在作者上。則難而又難。余既嘉晴川父子析薪負荷。無忝前人。而尤嘉名玉翁以一貧士。厚自期許。訖克償夙願於一再傳之餘。爲可傳也。抑符瑞翁篤念本原。尤在建祠一節。榮也。敬承厥考治命。實賡續終之上。以揭虔安靈。下以膾飲合食。仁人孝子之

思於是爲大。而其事屬一姓之私。別自有記。茲特以其脩舉廢隆。有闕山川形勝之故也。而詳書之。或可脩志乘之一則云耳。

於點綴山水中表章世德。足動仁人孝子之思。邵周

祭忠州劉使君文

淮山之靈。篤生偉人名。場才子。宦海勞臣。天末留滯。窮邊苦辛。百年一瞬。乃殞厥身。公望彭城。觥觥嶽嶽。綺歲雕華。發聞太學。如錐脫穎。如玉離璞。明揚在廷。壓以好爵。古稱岷陽。其下蹲鴟。文翁不再。風化既夷。誰與嗣音。公兮來思。秋霜春日。溫肅具宜。初試十邛。長材短馭。載移望緊。首邑是署。載莅南浦。載陟臨江。昔者陸相。出守此邦。彼由左降。此乃高翔。令聞令望。先後頡頏。公來自東。我行永久。屢典專城。三爲祭酒。築舍道謀。片言立剖。大吏降心。百僚俛首。西鄙不靖。小醜陸梁。王於興師。燹伐用光。任公籌邊。千里轉糧。我任我輦。于橐于囊。桃圖以西。蹄踵交錯。雪暗如沙。氷橫似鐐。行類猿猱。饑咽漿酪。啟居不遑。疾疢斯作。帝有恩旨。歸馬放牛。公績既底。公病勿瘳。纏綿床第。荏苒春秋。神游閭閻。魂返蒿邱。嗚呼哀哉。公優從政。鈴閣滿酒。彈琴張歌。亦風亦雅。出其餘技。足了十人。鄭虔三絕。下筆有神。公愛朋友。有若性命。縞紵四馳。氣求聲應。敢錄寒賤。下原孟嘗。望門而投。傾圉以將。如公盛德。宜享黃腸。大年不登。纔及中壽。如公鴻材。宜任公卿。終老外吏。纔履屐。天難



詎斯善人無祿。無知不知爲之一哭。况我僚友。或兼梓里。俯仰生平。綢繆無幾。竹林之遊。吁嗟已矣。山陽之笛。慘愴如此。敬陳薄奠。伯以蕪詞。靈兮來歆。尚鑒于茲。

雅近晚唐 紫菴

雲溪文集卷五

表

祭吳次侯文

余之始識兄也。在辛卯。白下其定交也。在壬辰。先是尊甫侍御公。負笈草堂。踵楊藩兩太史而起。業由名進士。歷計部。陟西臺矣。卯開兄繼膺而余再進。再黜。侍御公憐其餽口窮鄉。弗克并心進取也。邀肄業其家。別墅實維廣陵。二里橋之存園。而兄適以南宮報罷歸。遂同研席。當是時。兄師事南泉邵先生。兄姊婿程子昂山暨其弟位山。師事又吳先生。兩先生並草堂高弟。得一綫真傳。而余與汪子特亭在友處之列。湘簾紫几。各居一室。吟諷之聲相聞也。

雲溪文集卷五

表

園有傑閣曰聚星。下列號舍。每月課文。其中者三辰而入。盡酉戌畢。出侍御公必具盛饌。勞之。張燈高譙。達旦乃罷。一時師弟友朋聚處之樂。何如哉。越丁酉。余倖叨鄉薦。終以晨昏戀切。不再上春官。而兄自侍御公捐館。舍門戶獨有。亦遂輟計偕之役。蓋吾兩人壯志頓墮矣。然自壬辰後。余館儀之洪氏方氏。繼復館揚之程氏喬氏。前後踰三十年。距兄家遠不一舍。近且同城。輒旬月過從。無間。凡平山展齒虹橋。畫舫所至。必偕而探梅訪桂。每到官廳。指點巖時坐臥處。歷歷如昨。歲甲子。兄繼侍御公志大集諸文士。

課文號舍中召余主盟。是秋多中雋者。揚人至今稱為盛  
里。其明年余迫於家累。勉赴選。入得蜀之雲溪。令水陸七  
千里。資斧維艱。因迂道邛上。至兄家。兄及諸舊好。所以推  
轡之甚力。迄獲驅車入樓。磨一命之榮者。皆其賜也。宦蜀  
兩。拜軍書。旁午時有官。不如巧死。勝於生之嘆。兄復郵書  
慰。警。勗。以盡瘁。首公。倪。兵。休。事。已。當。早。賦。遂。初。尋。風。雨。對  
床。之。約。至。一。切。後。累。皆。可。代。壽。蓋。心。相。知。而。尤。厚。愛。余。若  
此。已。已。余。乞。休。得。請。仍。署。錦。江。山。長。關。三。載。東。歸。側。聞。兄  
晚。而。出。山。已。俯。就。靈。堂。一。席。私。計。少。壯。時。高。自。期。許。詎。肯

雲溪文集卷五

羊

作如此面目。向人哉。中年闔門養重。詩酒自娛。差不失達  
人高致。髮齒逾邁。翻屈首下僚。言之可為於邑。然兄抵任  
後。座上常滿。尊中不空。豪情勝槩。不減往日。而尤能以蘇  
湖教範。約束諸生。素位而行。奚入不可。顧不虞音塵未絕  
遽舍我而冥然長辭也。惟兄醇行著於家庭。聲華播於邦  
國。土克續承先緒。下克啟佑後人。存順沒寧。夫復何憾。獨  
回憶存園肄業諸子。品山年未盈三十。而祇位山繼之特  
亭一行。作吏。望。悞。歸。窮。愁。益。甚。前。年。客。死。中。州。此。外。舊。雨  
凋零未易更僕數。其歸然存者。惟余與兄。今又弱一箇子。

韓子曰。人欲久不死。而觀居此世者何也。況重以三世通  
門之好。數十年異姓骨肉之情。哉。詞多失次。淚數無行。兄  
尙有知。察余哀悃。

代泣者不哀。文直述顛末。只是一真。便足踰歐王而攀

韓柳。黎菴

雲溪文集卷五

羊

祭程晴川文

余始識君白沙翠竹亦越辛年。館君家樂二子垂髫溫其如玉。追之琢之十閱寒煥。仲也先鳴。伯兮繼躡。發聞膠庠。價高二陸。天難識斯。而仲無祿。收拾遺文。短歌當哭。余盡傷心。君尤慘目。言念伯子。行任家薦。倘不速飛。胡能卒讀。乃隸成均。乃謝塲屋。析薪負荷。於願亦足。余因辭去。設帳於喬望。衡對宇。伊咫非遙。旬日不見。折柬相邀。月懸秋夜。花發春朝。平山命服。法海停橈。載色載笑。以遊以翔。酒兵詩陣。其樂陶陶。如有年德。音孔膠。余晚出山。析腰五斗。

雲溪文集卷五

三

以饑而驅以挺而走。遠調蠶叢脂車。何有式過其行。藉我良友。解橐聚糧。君爲之首。如食孔飫。如酌孔取。臨岐黯然。不忍分手。跨起腰纏。還能來否。一官潦倒。荒江之濱。游經盤錯。備嘗苦辛。魂銷西嶺。目斷南雲。決計投効。言旋里門。四海空襲。義見故人。無船訪戴。有樹懸陳。不我遐棄。音問仍頻。憐余衰病。代謀附身。助余婚嫁。延及諸孫。余兒豚犬。亦奉師賓。古語有之。白頭如新。知我者。鮑於君亦云。今其逝矣。惜哉。何言。綜君生平。每變益上。少年韶駉。風流跌宕。折節讀書。儒林之望。行軍言規。金聲玉亮。晚而習靜。蒲團。

節杖一條。塵囂盡空。色相我披其圖。莫測其量。亦佛亦仙。老懷欣暢。時至則行。乘其揖讓。全受全歸。君乎何恨。而我所悲。人琴遂喪。半生棲託。淮海維揚。屈指素交。曰吳與汪。推襟送抱。年齒相當。得君而三。配古范張。特亭客死。蛟臺官亡。鶴歸華表。笛咽山陽。僅存嗣我。如魯靈光。又弱一箇。沉痛中腸。素車白馬。奔赴未遑。隻雞絮酒。遠道曷將。撫今追昔。百感茫茫。君其鑒茲。言短情長。

只如說一席話。却斌斌乎質有其文。

黎巷

雲溪文集卷五

三

祭程倣兄文

嗚呼死生亦大矣。賢愚一邱。古今同恨。不相不歌。在鄰里。猶然。況以念年來肺腑之交。誼託主賓。情踰骨肉。如余之於倣。老長兄者耶。然或視蔭朝夕。垂老而作歸人。伏枕纏綿。經年而偃巨室。百齡不必如斯。二豎無由攻達。雖變生倉卒。亦事在意中。若兄之齒則未也。精明強固。盛德在人。所由緩脅而介祉者。殆未之有艾也。自抱恙之初。至屬纊之夕。曾不浹辰十日以前。彼此往還。商榷瑣事。色笑宛然。吾目中也。其得疾。祇緣燥濕不時一汗可愈。非若醫家所

雲溪文集卷五

五

云四大症者。通知其不可為也。夫孰意其死而竟死。孰意其奄忽以死而誰促之。死天實為之。謂之何哉。憶余之與兄定交也在壬申。其延諸家塾為子師也。歷癸甲乙三載。一時同學者若四徐子。一任子。兩湯子。一李子。一楊子。皆少年英俊。相與競秀爭奇。凡為東道主者皆賢。而兄待先生尤極忠敬。不惟以師事。直以父事。余敬謝不敢當。然實心感之矣。乙亥夏。余悼在成疾。爰謝遺生。徒明年自念老窮無歸。姑假榻湖干。廬寄食僧寮。以老而兄旅居之來。曰先生縱不任臯比。何妨於我乎。處自足飲之食之起居而

雲溪文集卷五

五

消息之以兄家為家。而幾不自知其有家者。積十餘年矣。前年秋。余得暴病。始辭歸。客歲抱病。祝余益不忍再下。安徐之榻。然余兩家止隔一林。旦晚過從。有疑則質焉。有謀則就焉。有緩急則如攜如取焉。至於花朝月夕。醵詠留連。伏臘歲時。饋贈繚絡。抑又無論也。嗟。嗟。自省事以來。相識不下百千輩。其有知余之深愛余之厚如兄者乎。如兄之知余深愛余厚也。顧可先余而死乎。乃所以至此。蓋亦有故。兄承愚溪公世德。濟之以幹譽。獨恨顯揚未遂。屬望在其後昆。伯子長衡。仲子瑞虹。最類出先後。從余肄業伯也。注銓南曹。儘可馳驅皇路。仲也張聲煥。校庶幾光大門閥。不意十年之間。相繼凋喪。雖諸嗣君醇謹老成。或清才嗜學。胥雅克負荷。而為之領袖者。望秋先零。兄蓋貌不瘁而神以傷矣。又况食指浩繁。應酬難沓。以一身綜理內外務。鉅細必周。自朝至於日中。夙夜遑遑。加以室實素著。通邑交推。遇大營建。大興發。固不惟兄是任。兄亦習以為常。統計一生為人之事。半於為己。而且有其焉。而其心力亦暴殫竭矣。人非金石。用之也過。勞勞之也積久。譬若香以薰自燒。膏以明自煎。乃病一發而不可救。瘳豈得專歸咎

於造物者之無知哉雖然兄固有死而不死者余向者贈以序言歷數其孝友篤天親睦姻過族黨任郵達行路兼脩周官六行可應熙朝賢良方正之求兄雖有而不居見余文者僉謂之實錄異日爲兄立傳取諸此有餘矣脩短在一時令名足千古兄其可以無恨所恨者兄計慮深長胸次瀟灑方冀十年後向平累舉當續爲五岳名山之游而甲子未週遽淪泉壤環顧其室中業有兩孀介婦又嬰痼疾長孫甫及授室幼女亦且待年而臨沒瘞痺無能出一語俾子孫奉爲治命此其尤可悲者也余生於世八

雲溪文集卷五

書

十有二年知好零落殆盡晚幸得交兄可以養其生卽可以送其死而今已矣兄既死余何以生余雖生其又何以死是則一人自哭其私而未敢爲不知者道耳屈茲二七余門下士謀舉公奠而屬余一言先之曷忍辭要亦直寫胸懷而非敢擬於思舊之銘傷逝之賦也靈兮來歆式鑒哀憫

以痛哭爲文章 邵周

哭程生瑞虹文

余生於世八十有二年所閱人世死生之變更僕難數矣在今年特甚三月哭再從弟在勤四月哭本分耕於叔洎敦五弟五月泗州學博斲輪弟之訃又儼然在側焉泗州於余以頃蹕而稱桃李朔執經之日於今甲子一周一別十年竟成永訣痛何可言顧不虞程生瑞虹之又繼之也隸余門下者泗州最先進生後余僅七年程生最晚進生後余四十有八年齒相懸兩月間並淪夜壑昔尼父之哭顏路二子曰天祝子又曰天喪子今何異於古所云耶

雲溪文集卷五

書

愉乎悲哉憶歲壬申余自劉歸重理舌耕故業程兄倣岳偕二三同好共延爲子師時瑞虹年十九在同學中齒最少先是郡縣試多列前茅名浮於寔其文亦頗沿僞體未克與風雅相親余語以爲文真訣取材必於經樹骨必於古理法詞氣必衷諸先正大家名家瑞虹故穎慧言下會心刮之塵之一洗宿習閱三載幾於大成諸同學咸心畏之矣顧屢困童子試越辛巳年二十七始以縣試第一人補弟子員當是時余謝遣生徒已久猶時時假榻其家不任阜比而日與游處間有賞析亦不爲無助蓋余前所望

於瑞虹者至是少償而重有望於後此者政未之有艾也  
壬午春忽患血症弗獲與賓興試明年疾愈仍刻苦力學  
制義外兼通聲律詩與賦俱絕工乙酉始一踏省門弗售  
嗣以歲科兩試俱列平等窺其意若邑邑不自得者而病  
自此萌芽矣今歲又屆賓興發憤下帷期背城借一念家  
居應酬難謝遠就邑西南賓席挈弟偕行晝則勤課生徒  
夜則篝燈苦讀往往徹曉不寐瑞虹質素弱羸精勞神何  
以堪此未三月抱病歸余見其形容槁槁心竊憂之既而  
迫求速愈醫藥雜投而病益不可爲矣又延月餘訖不起

雲溪文集卷五

素

其卒也以是月之十日悽乎悲哉余之館於程也瑞虹有  
伯兄曰長衡方從其族叔祖侍郎公游學京師越一年歸  
亦附弟子籍長衡善筆札遇人恭而有禮兼長幹練才代  
尊人肩內外務以是未遑終竟於學不幸年未及壯遽歿  
亡余爲文哭之謂是不宜死不可死胡竟奄然以死蓋傲  
兄早失一克家子矣然猶未若其厚望瑞虹以文學成名  
庶幾光顯門戶也余哭長衡不勝人哭之痛然從游之日  
頗淺猶未若與瑞虹晨夕相依十有六年所以厚望之者  
一如傲兄之望其子也今而後尙何望哉聞瑞虹屬纊時

神氣猶清語言琅琅惟以未報父師恩爲恨嗚呼益可悲  
也已死者不可復生生者亦何忍久居此世屢見人之奄  
然以死惟念文字之傳或可垂諸無窮俟悲痛稍定當搜  
輯其遺文訂爲一編出以問世俾世之人知生有才無命  
雅與其家數十年前之樹思類是則余之所以慰生於地  
下也夫

視哭長衡文更悲切師弟同而所以爲師弟者不同也  
文中已明言之 邵周

雲溪文集卷五

素

上某學使書

其在瀘代辦、適憲駕經臨此郡、僕侍舂風坐中、雖分隔雲泥、而情殷孔李、虛懷接納、縱縱有加、竊謂古道久不行於今、獨於閣下見之耳、某不習爲吏、遭際艱屯、貧病交攻、決計投劾、卽事後、因報銷未竣、姑留連州牧署中、忽蒙上臺謬採虛名、委以山長重任、處非其據、自覺視顏、隨寓而安、聊以餬口、今而後、不敢復作首邱想矣、憶前年初謁見時、卽諭及張奕高舍親客死叙棚事、謂學署乏人、送柩須囑其家屬來領、往來行李、當勉力助之、某隨遵諭、發信伊子

雲溪文集卷五

奏

生員名鎮字千偉者、於臘月初旬、旬旬抵川、而某已通詳告退、亟令赴叙、搬柩至納縣、停古寺、一開正、卽令赴省、奉訪行轅、一切舟車之費、皆出自某、此誼無可離者、至扶柩東下、所費不貲、豈惟某力所不能爲、實亦義所不敢任、其生也、孰邀之、至其死也、孰送之、歸夫固有尸、其責者矣、張子在省守候兩月有餘、迨憲駕經過、持刺上謁、聞人堅却、以關防衙門爲辭、所投開函書信、一槩發還、俾其踴躍窮途、進退維谷、倘不遇金堂健爲兩令、君曲賜手援、代謀坐視、度不至隨乃父隕越溝渠不止是亦仁人君子所宜聞

雲溪文集卷五

奏

而動心也、攜李之與荆溪、夙稱吳越一家、先達之與後進、總屬斯文一脉、假令輻軒所至、有同鄉同袍、客死其地、其眷屬踵門求助、閣下雖壁立萬仞、似能不見一客、雖清風兩袖、能不破一文乎、又況生於我館、死於我殯者乎、奕高就聘、未知闕約幾何、遠游六千里外、脩脯諒不甚菲薄、追隨半載、便應按月酌勞、及伊子開箱、檢點分毫、無有客居人無處花消、亦別無寄頓、其未經支給、可知然則半年脩脯、纔博得十金棺木、遂足了賢主人盛情、耶、閣下於奕高、非半面之交、作合者係萬葆青、是貴同年、至好、當葆青在館、則有言輒從、及其罷歸、則投書不納、生平誦翟公書門、書爲慨然者久之、然非所望於敦崇古處者也、天下事情、理之外、何所不有、閣下可牢關固拒、倘張子放賴撒潑、儘可求命求尸、奈一怯弱書生、未敢欄輿、賊罵用此、無傷梓誼、亦不至有玷盛名、今已就館經年、幸免漂流之苦、俟節縮存留脩脯、徐爲扶輓之謀、麥舟高風、久矣、置諸度外、只某遠寄會城、張樞孤懸舊治、歸期未卜、照應無人、每一念及心焉、如割、閣下入參侍從、由典文衡、入座三台、且晚可到、正當維持風教、立懦廉頑、如待張舍親一事、恐未可聞之

江東父老耳某老且衰氣骨自在薄五斗不為貌三公若  
莽故敢畧陳固陋冒竇尊嚴其見此書而怒甚且抵之地  
者是亦恒情非比笑者之不可測也

義正詞嚴足使讀者髮指 紫菴

與友人書

昨所下問未愜鄙懷既復於枕上反覆籌度情理實屬可  
○網却歸重下一句

恨事勢殊苦難行竊願足下熟思而審處之也各人有分  
○情理可恨一語

授之產兄賣弟田是謂不友可恨者三明言毋許再增乘喪  
○先申明

事倥偬私行杜絕弟違兄命是謂不恭可恨者二所得之  
價未聞以分毫津貼公用祇與羣不逞瓜分而食之何其

為人謀過多自為謀過少可恨者三宜足下之忿忿不平  
○轉部

急轉圖脩原價取贖也但原價百金增絕價加以六十彼  
家肯白折去此一宗乎短價贖田雖以赫赫炎炎之勢施

諸鄉里細民決不甘服况彼亦邑中舊族雅號素封者乎

賣田者此人增絕者亦此人可以賣即可以增可以絕至

其田之應賣應增應絕與否當問諸君家門內人於售主

無與也如謂向會相訂有贖無增究未筆諸書不過出諸

口筆踪也口風也且其人已死焉能起九原而質之寡婦

孤兒何知前約文契花押炳燦犁然彼何畏何忌而惟命

是聽此勢之不行於售主者也售主既不肯白折足下自

不應墊賠惟令弟將增絕價退還其事庶乎可了錢財入

手最易花消屢空之家裕難滿度此時存剩固已無幾



如欲其別有騰那是亦索之枯魚之肆此勢之不行於令弟者也兩俱不行而事在必行勢不得不控諸官府坐令弟以盜賣坐售至以謀田當事相與情長自然執法清理到公審時謀田之名終不任受盜賣之賈萬無可辭押令售主歸田必向令弟追價追而不得將任其延闊乎抑聽其血比乎雖有嫡庶賢愚之分豈無屬毛離裏之愛念及此有不忍言不堪言者矣尊府忠厚傳家足下特操遇俗朋儕欽仰通國具瞻况當此艱然衰經之中舉動尤不可不慎將硬擲售主以百金也若疑於欺凌孤寡將苦逼令

雲溪文集卷五

望

弟以六十金也者疑於骨肉相殘人各有心增茲多口其若先人世德何其若生平雅望何總之當盜賣發覺之日只禁其增未追其價則所謂百金者久飽彼囊囊付之不論不議矣何有於六十金哉愚誠不忍以白璧之寶玷在微瑕直言唐突伏希鑒宥

奕世通門生平舊雨謬託斷金之契漫懷攻玉之思有問不敢不言有言不敢不盡藉以周旋骨肉實亦愛惜羽毛意中絕不存瓜李之嫌望外乃忽遭蕙苞之謗告以忠而更兼善道鄙人誠愧未酬日雖暮而何至倒行

通國定能相諒付之一嘆譬若浮雲之滓太清噴有煩言一任蜚蜚之撼大樹至謂心存福禍語涉刺譏特佈原書就正有道伏望摘其紕繆錫以直規為講是而去非庶懲前而恐後多壽自應多辱餘年無幾益荷全國武子之軀知人所貴知心涉世良難悔不讀劉孝標之論自販

事理直說箇透要只是中正平常絕無絲毫過當也古道照人令我欽仰無已。販語全是坡公筆妙微嫌結語太峻讀者當善觀之

雲溪文集卷五

望

與岑明府代

恭惟老父臺。毓秀於姚江理學之鄉。拔奇於開寶詩人之  
後。胸中武庫。筆下文星。以北門視草之才。試南國烹鮮之  
手。雅化敷則琴鳴堂上。仁恩浹則雉撥田間。一水相望。二  
天共戴。神君慈父。倏聞來暮之謠。左掖西臺。預券遷喬之  
喜。而又玉尺高懸。冰壺朗映。網鯨魚於碧海。不漏細鱗。羅  
威鳳於丹山。岡遺凡羽。如小兒某者。亦得倖邀品目。濫廁  
門牆。恩極生成。銘鏤心腑。既荷薦雄之寵。敢忘御李之思。  
便當重趺而前。握衣以請。傍程門而立。雪入馬帳。以傳經

雲溪文集卷五

聖

奈小兒近抱微疴。未占勿藥。力弗勝。夫跋履情空切於瞻  
依。改卜行期。更俟異日。匪負荆之能贖。或折簡之可通。茲  
以同門某。晉謁之便。敬脩寸緘。用申積悃。命小兒先具名  
稟。恭請金安。不腆伴函。聊同獻曝。矢心圖報。惟寐忘之。謹  
啟

雲溪四六不煩雕琢。脫手圓成。蓋兼樊南玉局之美。而  
有之者。存數首以識其大槩。  
邵周

謝生日啟

千倉歌樂。歲時家仍苦。長饑七袞。號稱。離。憫。獨。偏。憂。多。辱。  
垂老失牛。衣伴侶。舉。盤。其。誰。盈。前。昔。鵠。而。見。孫。捧。觴。何。有。  
雖未死而問知生。樂是可弔而奚以賀。爲現應門須五尺  
之童。絕少獠奴。阿段留客之一茶之敬。何問濁酒。藁羹。敢  
告宗盟。暨余宿好。君子愛人以德。相知所貴在心。既無敢  
邀。貶於承筐。抑豈必藉光於枉駕。所望莫來。莫往。如魚鳥  
之相忘於江湖。付諸不見。不聞。譬歸人之早。偃於巨室。其  
爲感佩。什伯等倫。倘其尙整高軒。并投瓊玖。祇沿俗套。弗  
諒。苦。異在賤子。鑿坏而逃。行浪跡於東西南北。命諸兒。閉  
戶以拒。寧得罪于鄉黨。州閭。客曰。請則先期佈聞。

雲溪文集卷五

聖

為張生姻事求助啟

邑前輩聞賓張先生以超倫軼羣之才有拔地倚天之作。名不登甲乙榜年不滿四十齡嗚可悲已當其婚香一老前賢未墜風流迄乎祭酒三君後學均沾膏馥如斯人者忍聽其同庭堅之胤不祀若敖之鬼餒而與焉嗣燦英半生潦倒仍老一矜文孫銘傲少長孤窮誰憐隻影縱使書香克紹尚可追孫叔之衣冠其如中饋久虛曷以延伯喈之嗣續千卿甚事極知開口之良難將伯助余或者同心之不少其義舉端賴仁人果愛屋而及烏盍分燈以映壁不靳解囊之賜用成集腋之觀仰其琴瑟允諧蘋蘩有託謀厥孫猶之燕厥子先生定啣感於泉臺絕者繼依然亡者存某等亦叨光於日暮矣

雲溪文集卷五

安

安老會後啟

前啟傳於癸未秋月得三君為之領袖屬愚老先以乘韋知我者當鑒此熱腸不知者竊訝其多事爰有髫齡交契晚景安榮而允再三分文莫吐敢謂子而盡如吾面奚惟他心不似我心此固置之不論不議矣至在會諸君子非其宗族即屬親朋或情本由爰不惜分燈映壁或呼從將伯因之愛屋及烏舉行迨及四時拜賜良非一次百錢斗米差覺眾舉之為輕泡景電光逆料餘生之無幾施於當厄尚克有終其有鄉城間隔贈投不盡如期抑或物力艱難倉卒無能應手往年未楚姑待於今年茲歲將殘更遲之來歲決非有意恐日遠馴至日忘習實為常豈今我過殊故我將沿門而托鉢旁觀誰與效勞徒畫餅以充饑當局何由覓活為此申明前約敬列尊銜仰領袖以公傳藉乘韋之再飾伏望溥一視同仁之愛老吾老以及人矢久要不忘之誠善厥終如其始袁彥道一卿輕百萬何有於此區區季將軍一諾重千金幸勿視之泄泄一了期於百了屆期無或逾期斯身受者不盡啣恩而乞隣者亦如親拜賜矣

雲溪文集卷五

安

助喪啟

同學某兄才庶幾於李賀貧更甚於顏淵纔及壯齡奄然辭世上有白頭之母空倚閭而倚門下無黃口之雛誰啟手而啟足藐是寡妻焚焚孤露念生者異日餽餉之計直末如之何卽死者目前殯葬之資亦茫無所出蕭然壁立對此橫陳傷心慘目有如是耶我等分同管鮑交兼紀羣每憶竹林之游忽咽山陽之笛愧生前未能仗助忍死後弗與扶持麥舟慷慨高風固所難期祭酒殷勤友誼未云克盡盜假通行之代楮聊爲匍匐以救喪厚薄不拘衆擎易舉譬若西江借潤丐以餘波又如隣壁分燈邀茲末照斯長逝者魂魄永啣結於九泉而首倡之老人亦叨光於日暮矣乞隣而與極知開口良難當厄而施竊冀同心不少此啟

雲溪文集卷五

樂

安老會啟

蓋聞尊有三介爵德之中莫如尚齒行有六由睦嫺而降終及髮貧矧夫桑梓之情親加以斗山之望重勢直同於救焚拯溺誼實切於絕少分甘奈獨肩之良難爰敬呼夫將伯某翁某先生者吾邑前輩之名流也早游菰苑推嚴樂之筆獨精晚莅鮑堂識蘇湖之範長在才豐遇齋困場屋者不止十科署冷官閒餐首霜者未盈五稔歸來蕭瑟揜囊不名一錢老去荒涼賃廬僅存四壁所喜神明如故頗足擬據鞍顧盼之將軍其如餽粥無資曾弗逮揀瓢獨樂之子顏子將賣文爲活而知已難逢假館授餐而年華已邁米珠薪桂况復遺此奇荒飯麥羹藜曷以盡茲餘齒傷哉貧也是可忍與然而竹林舊雨尚多文字知交桃李濃陰不少從游俊乂寧容落落當其倦倦竊計老人供具之費每日無過數分其有慨然入會之人每月給之星許門下士則從厚力不足則如前事差易於衆擎與總期於當厄庶幾挹西江之波潤稍活枯鱗分東壁之餘明用光暗室在先生不因入熱毋寧減窻爲高而某等同病相憐敢以乞隣爲恥倘蒙許可幸列台銜

雲溪文集卷五

樂

贈行啟

臨齋先生才擅雕龍。命安磨蝎。初任學博。後稱萬公。欽道  
範則當代之蘇湖。訂心交則異邦之僑札。凡我兩邑親友  
或三載中會游絳帳。卽屬桃李新陰。或七年來屢共黃墟  
敢忘竹林舊好。忝爲東道。媿未能日給猪肝。長此淹留。猶  
私幸時承塵尾。今者先生奉靈輜而下。吉率眷屬以言旋。  
松楸之哀慕方深。欲繫維而不可雲樹之離愁伊始。惟愧  
璽之爲辭。雖長者義不受憐。而我等禮無可廢。况前此驚  
駟高駕。已力却雙雞絮酒之纖微。及今茲驪唱遙傳。盍少  
輟策。相將亦去思之攸寄。厚薄不拘乎數綢繆。各盡乃心。  
卓到書知先期。肅送此啟。

雲溪文集卷五

卒

請重脩盧忠烈公祠呈

竊以精忠高一代。谿山之鍾毓。偏奇。廟食亘千秋。桑梓之  
敬恭。彌篤藉以報功。而崇德。庶幾立懦而廉。頑在昔戒及  
剪棠特愛召公之樹。過而下馬。羣欽董相之陵。苟爲依類  
以推。自當有舉莫廢。邑前明大司馬贈太子少師諡忠烈  
九台盧公。乃英烈周孝侯後一人也。臭味無所差池。遭逢  
亦復相類。俟失歡於貴戚。帥偏師而後顧。無援公掣肘於  
樞璫。提弱卒而前行。乏餉。衰麻覆甲。終天之恨。何窮。馬革  
裹尸。殉國之誠。斯遂。仅厚愛而躬爲刲髮。痛深幕下。參軍

雲溪文集卷五

卒

受嚴刑而口不改供。義激帳前。避卒人既陷。公於死在西  
市。寧在沙場。公則雖死猶生。爲日星且爲河嶽。豈直起家  
循吏雅號。知兵屢任嚴疆。力能辦寇。奮鐵馬金戈之武掃。  
赤冒青幘之羣。謂足係公輕重乎哉。於今商鄉先生之刻  
死忠死孝。偕三立以揚休。冠忠義士之班。雖弟難兄。獨一  
家之濟美。斯足慰貞魂於下地。揖靈爽於在天矣。至邑東  
水關南。舊有公祠一所。爲奉。首所特建。實通國之具瞻。  
像設攸嚴。明禋回替。歷年浸久。弗承厥初。析薪絕少。負荷  
之人。終畝偏多。棄基之子。其後。寢全歸他姓。盈方竊據。夫

鵲巢卽亭堂間。厠匪人踐踏。直同於馬廐。弓劍亡而衣冠。毀和將焉所憑。依曲池平而高臺傾。人盡爲之流涕。豈惟。盧氏子孫之責。蓋亦此邦人士之羞。茲恭遇兩邑。老父。師臺一路福星。敷天化雨。以扶植綱常爲任。以尙友古人。爲心。凡百廢之具脩。緊二天之共戴。伏冀興懷求舊。設法。鼎新。俾已售之屋。次第贖回。於寄寓之徒。悉行驅逐。然後。約繩束版。肇開不日之經營。刻楸丹楹。重觀曩時之鉅麗。英靈有托。依稀游媚。隱之園。盼嚮來歆彷彿御五明之驥。此則景行前哲。並垂功德於無疆。風勵方來。立見儒頑之。式化矣。

雲溪文集卷五

奎

死有重於太山賈庄之戰是也才不如節持論不刊

菴

許湯陳時文叙

余別揚二十餘年矣。今年春重過此。指點昔遊。恍如夢寐。無論曩時同輩凋落。殆盡。卽隸籍門下士。十纔三四存。大都不忘舊好。情誼慙慙。而有加靡已者。則許子湯陳爲之。甲許子之問道於育也。在壬癸間。余方假館喬氏介。喬子渭璜以請。爰定師友交。當是時。諸名流翕集。如王子熙聞。汪子曲江輩十餘人。皆晨夕過從。相切劘以文字。漸力追古人而從之。旣而大會於二里橋之存剛園。主人蛟壘吳先生邀余主盟。競秀爭奇。目不給賞。是秋多入穀者。而意中人仍遭按劔爲之憮然。越丙寅。余捧檄入蜀。諸子把袂河干。依依不忍言別。客蜀七年。驚聞渭璜之變。遙哭之。歸里後。熙聞旋卒。前年曲江亦卒。其歸然存者。惟程子受初。歲時問訊。此外多消息不相聞。余之視江上若西州。職此故也。今歲之初。至於斯也。主受初家。許子首來。謁余。夫馬齒八十。許子亦五十。有四疑。隨種向寮。倒諸生中。中間叠遭橫逆。有恒情極難處者。旣出險境。夷悉推遺業。授諸弟。而自奉母氏。儼居郡。歲復不幸。抱終天之恨。簞瓢隨巷。餬口硯田。才過抵牾。一至於此。是噫其可慨矣。夫然許子此志。

雲溪文集卷五

奎

不少懈。雖在患難中。未嘗一日廢書。詩益工。文亦屢變益上。適與余久離。乍合。句必再三至。盡發篋中所有。示余。余爲持擇。論定。寧嚴毋寬。得可存者。如千首。就其所存。類皆原本。儒先。含咀經史。出入古文大家。而尤意主順時。絕不爲牛鬼蛇神之貌。寒涼寥戾之音。如所稱鼓瑟立齊門焉。者。宜其往輒破的。而迄今困頓場屋。且數十年。世謂高文必售。其信然耶。夫文章千古得失。寸心外來得失。殊非寸心所克定。唐之羅隱。方于宋之蘇洵。李廌。前明之元長房。仲思。曠。皆士諸先生。其艱於一第。猶是也。許子但自問其

雲溪文集卷五

盡

惋惜中慰勉。懃懃深情。若揭

絮卷

與姻友敬

僕與足下。以孔李通門。兼朱陳密戚。壯齡歲逐。屢陪杜曲之遊。中道分張。宿甚河梁之賦。相望在千里之外。一別至二十載。有餘。浮沉宦海者。方以官爲家。視舊僧寮者。已朝不及夕。自分班荆之永已。何圖衣錦以言旋。初聞而嚮喜。欲狂。乍見而依稀。若夢。自此撫泉明之松菊。儘可盤桓。剪仲蔚之蓬蒿。無妨來往。相與共茲暇日。靡不負此餘生。昨接高談。興言遠役。此私心爲之駭怪。而苦口不敢彈煩者。也。伏念足下生平。好動惡靜。以金蘭爲性命。而眷屬則等諸浮萍。以鞅緡爲生涯。而桑梓則棄猶敝屣。念年半刺差足。酬曩時跋履之勞。三徑全荒。亦應悔早歲辭家之易。是固然矣。今又甚焉。凡賦壯遊。須憑年力。果年富而力強也者。孤舟江上。何畏乎春寒。疲馬山中。奚愁夫日暮。南登北走。均屬坦途。東泛西浮。罔非樂土。至於望門投止。到處逢迎。亦復筋力足以任周旋。談諧足以供酬對。升階卽席。秩秩有儀。決溜懸河。滔滔不竭。斯則家有安徐之榻。任爾棲進門來。訪戴之船。願言投贈者矣。又若牛眠遠訪。彼向平之五岳。匪特臥遊。抑或馬帳高褰。此伏叟之一經。猶資

雲溪文集卷五

盡

口授今足下古希已屆末疾未痊不思偃息請廬漫欲遂  
遲周道試問披星戴月誰與扶持宿水餐風孰爲調護就  
令稅駕之地不乏素交當夫通謁之初寧無締節槃辟而  
拜手足殊苦拘攣嘔喘其言口角半同期艾竊謂老者人  
所敬實亦應且憎病者世所嫌甚至畏而避縱挾持之有  
具已展布之末由將望畏懼而出捆載而歸也此實難矣  
僕犬馬之齒叨長一年精神雖極衰罷官體猶然效職然  
自對歸後竹西舊雨多折柬相招飛畫扁舟竟停橈不發  
良以崎嶇萬里幸獲生入玉門牢落百年終將死正邱首

雲溪文集卷五

奏

復何忍遺骸異縣委骨他鄉使拱樹長懷向國之悲孤墳  
屢發思家之夢也乎足下非不伏老大率患貧益思膝前  
業有佳兒階下兼饒幹僕鼎烹何望當勉承菽水之歡桂玉  
良難自力給薪芻之役此外周親不乏猶可乞假以生居  
此頗安去將焉往願神房闕尙虞來日無多翹首征途竊  
恐大憂將至本附叩心之末敢陳逆耳之談伏祈鑒納  
於不自量人不惜苦口苦心允稱忠告善道而文境則  
自義山劉瓛微得來 邵周

儲雲溪先生傳

江之南有賢人焉曰雲溪儲先生常州之宜興人父芝號  
梅隱先生大父欣學者所稱在陸先生也家世羣從胥以  
文章知名先生諱掌文字曰虞一字越漁由康熙丁酉孝  
廉一仕爲四川納谿令請告歸遂不復出年八十有四卒  
於家初在陸先生力學勵行文章衣被海內爲人士師傅  
授弟子甚衆而所爲古文更直接唐宋大家顧門下士得  
其傳者或寡文孫晚出克繩厥武兼有家學焉少負異稟  
讀書一目十行爲制藝出入經史震盪炳耀才氣無雙歸

吳傳

十

於典則古文義法具有淵源雄邁如孟堅質健類子固晚  
近以來莫有倫比生平性情瀟灑淡於榮利亦有祖風在  
陸先生一赴禮闈不再至天下高之先生初赴計偕行至  
淮陰而返越二十餘年強一應公車出爲邑令非其意也  
納谿葭雨邑進其髦士月有課試親定甲乙羣才奮興顧  
邑小民貧時值金川軍務糧餉轉輸力爲民請命得從輕  
減而先生亦自此告歸矣解組後制府重先生文望延爲  
錦江書院山長閱三載乃東還初先生年少族子卽延爲  
師其後渡江前後數十年爲經生師所成就甚衆假館於



白沙洪翁陔華廣陵程翁晴川尤久弟子數十人得甲乙科爲郡守縣令及大官不可悉數晚年更在程君做岳家授其子書蓋一生爲人士師曰居多亦如在陸先生之文章衣被海內傳授無窮卑比談經誨人不倦其風流殆未艾矣家居後徜徉山水間以著書爲名山業碑版之文踵門求請者無虛日居鄉陞方礪俗倫紀克敦爲宗族矜式井井有法以先生之學行可爲天下國家用而乃不盡其才入仕惜之然清風高節文行知名海內望之如泰山北斗亦何憾哉卒於乾隆庚寅七月初五距生康熙丁卯子

吳傳

五人孫九人曾孫二人詳家乘不具書 論曰華孫少負笈真州得從先生遊竊聞緒論每舉昌黎子云士不通經不適於用有味哉其言之也先生身雖隱而名益高流風餘韻相繼大父異曰 國史文苑後先標映豈不美歟先生下撫撰先生狀撮其大畧著於篇以俟秉筆者有攷焉賜進士出身翰林院編脩前提督福建學政充 五朝國史明紀綱目舊史官門人吳華孫百拜譔



雲溪公傳

叔雲溪龍章文字曰虞又字越漁晚居林下更自號雲溪老人余從叔祖梅隱公長子而從曾叔祖在陸公之家孫也在陸公力學勵行始提倡宗風津梁後學以著述名一世今 御選唐宋文醇多採公評誌班列歷代儒臣稽古之榮於斯極矣當草堂授受時萃郡邑英奇吾宗碩彥咸居弟子列每視席泰橫後先輝映公甫離髫髻已能握管吟唔出語驚其長者在陸公喜益授以左國史漢八家文業乃大進今之評隲簡當鑄版風行而海內家有其書者

傳

是也在陸公歸道山吾邑舉荆南社梅隱公實執牛耳時荆南三子名尤著三子者閩賓張子紹濂周子容川吳子胥名冠邑中公復以少年馳逐其間揮翰風飛千言立就其聲望殊不相下旋傳康熙丁酉賢書時方授徒廣陵計偕一上乃絕意春明前後三十餘年所陶冶而成之士始自宗黨繼以廣陵新安諸子文多卓犖克自樹立或掇科第有聲於時其位於朝而大衍公之傳者吳君冠山謝君未堂洪君時懋爲尤著乾隆丙寅始就銓吏部得罰之納溪令抵任見城空如斗署令於水公獨安之謂昔日韓潮

柳柳竄謫之餘且不忍鄙夷其民而教之况今 聖明在上致薄斯民社而不盡吾撫字之職耶及蒞事不一載值金川用兵納素號瘠邑邑區三鄉鄉不盈千五百戶每歲條糧僅千六百餘兩公懼兵差派累民不堪命乃預爲殫思殫畫累牘詳請大吏適大吏素耳公名牘上往往報可於是納邑兵差視他邑減什之二三而民力以紓是時公年垂老遇茲盤錯手口卒瘁耐應萬端越一歲金川既平而公始決計告休蓋實有合於儒者急病讓夷之道焉公解任後埃水落歸舟南下行有日矣制府檄下瀘州慰留公令掌教錦江書院公三辭不獲命奮曰吾素不習吏事尚勉盡職至造就學者乃吾家本分事耳何以辭爲而蜀郡士聞公主講席輒望塵踴躍執經斷詞之徒嚮學倍於曩昔公前令納時關中得士六人高君辰尤著於書院復得張君宏仁輩十餘人竟三載始歸凡沐公教澤者迄今津津樂道成效云公既歸部署家務稍畢首以族譜公祠爲隱慮蓋念吾宗在城副憲公祠初始在陸公瞻懷祖德弗替引之公其有焉年逾七十推爲分長於是登祠規墮祭田飭譜事宗政爲之一肅於族之善者譽之惟恐不

傳

二

盡其惡者去之惟恐不速至列諸譜系應仍應削是是非非一律以春秋別嫌明微之義此則公之志實以繼承祖考而亦公未竟之才猷隱以寓之家法者也今豐義大祠及諸分小祠每有疑難事無大小就決於公方倚公爲泰山梁木至於事繁食少心神殫瘁猶自謂一息尚存毋敢少懈嗚呼公今往矣而緬想斯人百身其可贖乎凡公與人以恕交友以誠睦鄰任卹以惠髦而好學敦行不息者未易更僕數茲不具論論其大者公以乾隆庚寅七月某日寢疾卒於家年八十四前數日自敘其生平所作古文且製輓聯云幸得歸全從祖父時能負荷任兒孫又自定喪儀十餘事大率矯時俗之陋可以爲法後人者其從容洒脫彷彿淵明東坡顏前知而絕異釋子之定慧也嗚呼賢矣公子五名列表長于熊三子天章文胥有公風再從姪麟趾謹拜手以志

傳

三

先府君雲溪公行狀

嗚呼痛哉昊天降戾罹此鞠凶何竟奪吾府君而去耶不  
孝等兄弟五人長者年逾六十幼亦齒越四旬久居蔭庇  
之下自少荷提携鞠育之恩及長受教誨裁成之德無一  
人克自監立任析薪負荷之寄者肯構爲難棄基是懼然  
歟在疚優俛何之鮮民之生不如死之久矣尚敢偷生視  
息覲顏人世耶顧先府君一生種學績文始而敦行於家  
賢勞盡瘁繼而效忠於國爲舉世儀型作斯文宗主終而  
爲法於天下後世其彰彰在人耳目聞者竊恐曰遠曰忘  
行狀

漸就湮沒則不孝等之罪滋大用敢濡淚和墨詮次大畧  
伏冀  
當世有道而文之君子採擇焉府君姓儲氏諱掌文字曰  
虞一字越漁後爲四川之納谿令納溪古稱雲溪故又署  
號雲溪云寒宗自唐御史光羲公標望金壇之莊城越十  
二傳支祖千十五公偕羣從在宋南渡時自莊城避兵徙  
居宜興之臧林遂爲臧林儲氏支分派別各以所居爲名  
而千十五公居巷頭則吾巷頭分祖也又七傳昂霄公爲  
元征西司馬英武大元帥威名將二張明初剪除故將昂

行狀

霄公曰哦詩而托仲子茂材成軒公於豐義蔣氏因家焉  
會蔣氏緒寢微而公世系日闊衍昌奕遂爲豐義始遷祖  
至八世而我高高祖僉憲肩宇公偕弟廉使文昭公先後  
以進士起家敷歷中外並至方函官厥後簪纓科甲繼繼  
繩繩始克與邑中東海延陵諸大姓埒僉憲公丈夫子五  
次爲我高祖太學醇菴公於府君爲曾祖醇菴公亦丈夫  
子五兩曾伯祖皆庶出而嫡長爲我曾祖經元在陸公於  
府君爲祖我祖茂材梅隱公則府君考也府君生具異稟  
讀書數行俱下六歲就塾迨九齡發筆爲文出語輒驚其  
長老先曾祖在陸公暨先祖梅隱公深喜之而家素田畫  
山待園諸伯父胥極賞焉因與素田伯父嗣容泉兄暨兄  
中表致和陳先生時夏瞿先生競秀爭妍稱爲邑少俊之  
冠繼又取大易朋友講習之義偕黉南西與紫來三徐先  
生永若陳先生景雲張先生養齋史先生暨吾師文錫吳  
先生八人聯麗社互相切劘游其中者輒傳提舉試問風  
響應旋廣至二十餘人率皆得當以去先是在陸公奮身  
孤露中力學勵行偕弟君宜公暨羣從井涇清源二公萃  
友八人邑中號曰八俊聯八士課後廣之爲十二人吾邑

文獨闢沉雄闊達體在背摧陷一時於今衣被天下而踵而武之者府君之麗社也歲丙戌府君年二十受知於蔚州魏公補博士弟子員旋晉廩膳其年在陸公歸道山公弟曾叔祖允文公延府君課其家孫夢錫叔與廉使公後泗洲學正斲輪叔丁亥吾母氏顧孺人來歸是歲吾邑復舉荆南社與吳閭金沙相應和社中多耆英老宿先祖梅隱公實執牛耳而爲之甲者虞庠聞賓張先生孝廉紹濂周先生太史容川吳先生所稱荆南三子者是府君時以少年馳騁其中聲望雅與之並太史極賞之延爲西席課

行狀

王

其哲嗣肯庭後舉癸卯孝廉卒爲壽寧大令者也越壬辰廣陵侍御墓邨吳公丁艱回籍旋至宜興邀府君肄業於其家吳公者向嘗延在陸公於存園受業丙子發解丁丑南宮報罷爰偕其族從諸臣寧蒼二先生暨其妹倩牧庭汪先生復負笈草堂假榻於城南蔣氏之懷園辛勤課誦越五年癸未得傳乃去及是以憂歸篤念師恩躬親展墓恭謁吾曾王母俞太君前力請府君偕歸與其嗣司諭蛟鼉先生相砥礪蛟鼉業前傳不得志於禮闈仍從吾邑南阜邵先生遊館存園公倩程君品三暨弟位三別從吾邑

又蔡吳先生遊亦館存園而府君偕特亭汪先生於蛟鼉先生在友處之列向同侍御公至艸堂問業公族從寧蒼先生館真州洪氏課萊州太守東閣君暨明經仲翁君亦時至存園相角藝因有存園課藝之刻府君明歲卽移榻洪氏而萊州太守偕弟明經爰隸弟子籍焉及乙未先曾叔祖允文公復爲其次孫在田叔延師謂非府君不可抑又糾合子姓脩脯一如洪氏以故府君不得辭而洪氏又攀留不已因舉家畫山伯父爲之代而歸館於本村者訖三年丁酉府君中雋是冬計偕北上行至淮安嚴寒壯

行狀

四

府君不耐苦辛爰謝同行旋車邗上因卒歲於洪氏齋中來年復館於洪氏其時翼堂吳太史爲洪氏館甥就婚來儀亦執贄於門下云迨庚子萊州君雋麟經第一拉府君同入禮闈府君不欲往其太翁陔華先生力爲勸駕乃允行由是一上春官幾得復失而春明門之入從此永謝矣嗣是館於方氏館於程氏館於喬氏前後在儀場踰三十年中間惟爲不孝撫娶婦歸館於郡中楊氏者一年其年蓋庚戌也辛亥應晴川程先生聘偕致寧邢先生合課其令嗣受初樹思兩君受初君沉靜簡默樹思君跳盪不羈

行狀

五

先生兩賢之當是時往來塾中稱同學者如汪司諭曲江費司訓脩大王明經熙問謝太常容川金明府侶張洪進士達夫畢大令惟永程孝廉貫章輩俱極一時之秀次第貢成均聯脩春秋榑府君門牆桃李於時爲盛先生益欲陶鎔其二子以爲門閭光閼六年樹思君先其兄籍於校又二年受初君繼其弟復以第一人遊於庠而是年樹思君遽卒府君抱祝予之傷而先生深喪明之痛弗克終藏厥志爰以家督任重令受初君一踏省門報罷而中輟其業府君由是移館於喬氏者三年辛酉壬戌府君連丁內

行狀

六

於是策蹇長征僅挾中表吳果園先生一人而去及抵任見城空如斗署冷於冰轉喜政簡刑清儘可焚香讀史因於每月朔望後一日捐俸備饗進一邑之生童而課試之且爲之親定甲乙仍不失向時絳帳談經陶淑生徒遺意丁知奉聘入闕得士六人率連翩飛去其初入翰苑繼散館歸班今華亭明府屢膺卓薦高公辰其一人也及榜發出闕而金川告警戎馬倥傯乃舉舉多事矣納邑僅三鄉戶口不盈四千條糧亦僅一千七百餘兩欲與諸州縣一體辦兵差其勢不能府君思患預防既爲諸上憲歷歷詳明而諸上憲亦一一聽受且於照例應辦之中尤極爲民請命之意卽有行有不行而苟屬可行一經上請未嘗不厝意曲從蓋緣諸上憲於府君素以文墨相推不以吏事相督重其人因不得不重其言而斯民之隱受庇於府君者良非淺也兵連一年米運三次辦馬辦豆重疊而來回兵過兵繹絡而至且緩急不時又章程無定經費雖有開銷應墊殊難日給其事苟無了期其勢伊於胡底府君因於竭蹶之餘郵書命不孝惟曰予以垂老技荒動經盤錯始而萬緒千端應接不暇繼而朝三暮四賠累滋深點

金乏術無米奚炊此時此際力任弗克欲罷不能昌黎氏  
有言好收吾骨瘞江邊吾所望於汝者此耳 不孝樵奉命  
入川臘初抵署而府君已於五日前通詳上請告病乞休  
矣斯時告病乞休者紛紛上憲槩不准行謂此何時而其  
思退閒耶即使其病果真止許給假一月及府君詳上輒  
蒙俞允且云儲君真讀書人彼則何能堪此不待委員驗  
報而接署隨至蓋異數也已已新正卸事燈節後即為 不  
孝樵謀歸不孝樵 前未到時 不孝其章 先到於時并命 不  
孝其章偕不孝樵 歸而因謂 不孝樵 曰吾門戶事重非汝

行狀

七

不能撓須速歸先為我慰藉汝母三年濶別萬里勝違從  
此生還可望我當於水落時交盤清楚順流東下也 不孝  
樵率不孝其章 垂淚拜辭登舟回里於六月中抵家七月  
仍赴館黃州時向江上數歸舟從夢中撰杖屨盡是年  
冬歸鴻罕至閱歲得信始知府君解任後奉制府策大人  
聘已就錦江書院山長仍滯川中持此信而來者即從前  
入川時府君挾與俱行之一人中表果園吳先生也先生  
於府君盡力於在任之時府君因於先生設計於流寓之  
日錄其具幹濟之才遂為畫營運之策謀諸當事之有力

者借資給帖開典瀘陽聊以酬數年贊助並藉為此後因  
依為己為人事誠兩得 不孝樵 命初弟 不孝全章 隨往更

托三從兄秋佩偕行庶使骨肉團圓聊解異鄉寂寞而 不

孝樵 望雲之思亦用是稍慰云閱三載壬申府君始歸歸

而一肩行李兩袖清風欲給餽餽仍資教授幸其時邑中

少俊待裁削望滋培者殊眾約亭任先生蒼琢韶成二徐

君傲岳程君合力延為子師脩脯從豐供饌亦腆而其中

最忠且敬者尤推傲岳君府君感諸君意為之盡心教迪

講是去非因念一投塵網萬慮縈心白首歸來依然故我

行狀

八

仍向此中老焉樂此不為疲也乙亥先慈見背府君悼亡  
其時 不孝樵 紉海陵一生於家亦隨而歿府君既痛冰絃  
之斷而兒曹貧薄之命坎坷復如此抑鬱無聊積憂成疾  
因而謝遣生徒避露鄉里假榻於本鄉鎮湖巷而寄食於  
從弟向所從遊夢錫叔家叔苦貧老而尤甚而待先生則  
不復計其貧也府君且感且憐之不拂其意更不欲重累  
其心爰復歸城而傲岳君知府君之家居寥寂也竭力招  
致敦迫再三因復藉以棲息並隨時導迪其諸郎向所受  
業之瑞虹久困童試亦既采芹其長君長衡自京師歸並

著門籍方計久鬱必伸自此庶幾連翩鵲起無何長衡殢  
府君哀之越數年瑞虹繼歿府君尤絕痛之一如三十年  
前所以痛君家樹思君者孰謂做岳君亦遂隨而卽世也  
哉府君之於做岳君也交托紀羣做岳君之於府君也情  
逾父子無言不從有求必應故府君哭做岳君之詞曰兄  
既死而吾何以生吾卽生而又何以死蓋自做岳君死而  
府君之憂從中來不可斷絕矣由是而意興漸衰精神漸  
倦步履漸艱飲食漸減自去歲以至今綿綿延延迄七  
月而遂溘然長逝也是宜做岳君之死之速之使然而府  
君幾若以身殉也雖然府君豈以身殉做岳君哉亦緣不  
孝等才力幫下命運屯適於俯育而不免啼號詎仰事而  
能甘穀水衰齡蕭瑟暮景淒涼因於知我者悲愛我者戚  
人琴既亡而梁木旋壞也是雖做岳君之死之速之而所  
以致做岳君之死之速之者先在不孝等也不孝等之罪  
真上通於天百身莫贖萬死奚辭矣嗚呼痛哉府君孝友  
性成其生也逮事在陸公出塾後親承訓指而實能力荷  
其傳故於在陸公之捐館舍也長號欲絕而敬事先曾祖  
母命太孺人者更歷二十餘年先大父梅隱公寄興蕭疎

行狀

九

優游文史視人世富貴功名如浮雲之在太虛而毫無介  
於其意故講學課徒而外惟疊石栽花呼朋飲酒而已府  
君體其意一試南宮終身不言進取事弟從江上傭書不  
敢遠離數百里外每於節假歲時歸進一觴梅隱公暨盧  
太孺人顧而樂之南面王不易也府君兄弟三人女弟亦  
三人二叔父有功公幼時不自顧藉貴重府君始則督責  
之繼且成金之授室後夫婦相繼而亡爲植厥孤俾克成  
立婚娶既畢復夫婦相繼而亡府君悼之命不孝樵次子  
爲其後并使撫其孤女訖克嫁而後安三叔父蔭南公自  
幼多病痼而弗愈年踰三十而逝府君以其未成婚也立  
至不立嗣命次弟不孝其章以姪男奉祀焉姑母中三姑  
母適樓者最幼亦最先亡其後遺孤每至府君輒爲之黯  
然二姑母適杜養而矢志貧無歸歸父母家侍奉梅隱公  
盧太孺人歿後府君分田以膳迄終收其田檢所遺服飾  
歸杜氏子之應爲後者大姑母適史氏者卽府君同在麗  
社之華齋史先生仲弟號次如姑丈者也迄今偕老齊眉  
時過草堂聚首而府君深惜其有子不令貧老無依云至  
不孝樵長女半歲母亡後適吳不數年而寡長子遵業三

行狀

十

齡失恃胥絕愛憐之而向於亡妹遺孤無歸時分給不孝

天章全章

撫養其於次妹之嗣外孫又未嘗不視之如女

腹出也府君行誼之見於家者如此而其於外家也猶是高祖母荆太孺人籍隸丹陽高祖醇菴公元配早亡無出抑又代隔兩朝居分二邑曠不聯屬者百年矣府君於閔荆氏祠課時進其人而考其世重申衛樂之歡且爲皇塘珥塘兩序其譜而謹表罔甥之稱於其末俞氏宗祠專祀兩兵憲公兩兵憲公者父子胥兵備道我曾祖母俞太孺人高曾祖考也子孫式微典其後進於人而享堂亦通情

行狀

上

連及數人期於導揚美盛勿之有遺焉而已年踰七十爲僉憲支分長而通族又以德望相推主持宗政者十餘年脩譜牒整祠規釐祭田舉會課督勸耕解紛息競務使鼠牙雀角之俗一變而成推黎讓棗之風間有元惡大慝不可化誨者不惜出死力屏諸荒裔而後快旣而憐厥罪辜曲爲周卹雅非假公濟私乃克盡盡仁至除根莠以植嘉禾所以造福於我宗人者爲甚鉅也今府君往矣綜其大節要皆可法而可傳卽核其細行亦足是行而是訓嗚呼痛哉府君生於康熙二十六年丁卯十一月初三日子時卒於乾隆三十五年庚寅七月初五日午時享年八十有四康熙丁酉科舉人 例授文林郎四川直隸瀘州納谿縣知縣丁卯科文閣鄉試同考官加一級紀錄二次特聘錦江書院山長配吾母 例封孺人顧太君子五人女子二人孫男九人孫女七人曾孫男二人曾孫女一人不孝等草上條生語無倫次里一漏萬惟冀大人先生錫之銘誄傳誄以光泉壤則不孝等世子孫感且不朽孤哀子懋其章天章章全章泣血稽顙

行狀

上



雲溪文集五卷

兩江總督  
採進本

國朝儲文撰掌文字曰虞一字越漁宜興人康熙  
丁酉舉人官四川納溪縣知縣納溪舊名雲溪故  
掌文以雲溪自號是集又名雲溪隨筆自儲欣以  
古文詞有名其家父子兄弟多以此相鏤礪掌文  
爲欣之孫得其指授爲多今世所傳欣選左國史  
漢及唐宋十家文卽其甄錄以授掌文者也

據梧詩集十五卷都門贈行  
詩一卷萬里小遊僊集一  
卷

〔清〕管綸撰

吉林大學圖書館藏清康熙刻本

附《四庫全書總目·據梧詩集  
十五卷》提要

據梧詩集目錄

卷一

吹萬集上九十六首

卷二

吹萬集下一百一首

卷三

柏軒草上七十七首

卷四

柏軒草下七十五首

卷五

修琴閣集上五十八首

卷六

修琴閣集下一百首

卷七

鷗馴集上九十七首

卷八

鷗馴集下六十九首

卷九

天外集上五十一首

卷十

據梧詩集

目錄

一

天外集下七十二首

卷十一

圖華集上八十七首

卷十二

圖華集下七十二首

卷十三

寓壁稿四十四首

卷十四

寓壁稿六十二首

卷十五

據梧詩集

目錄

寓壁稿六十二首

二

吹萬集序

同里青門山人邵

衡誤原名長衡

青村令餘干之明年予以粵遊經其地青村予中表親也喜予至延宿署中款洽累旬日已乃出其詩曰吹萬集若干卷屬予序吹萬者何取蒙莊吹萬不同語也蒙莊氏之言曰大塊噫氣其名爲風是惟無作作則萬竅怒号故其所爲似鼻似口似耳似枅似圈似臼似洼似汚者衆竅之不同也激者謠者叱者吸者叫者譟者突者唱于者唱喁者聲之不同也然而冷風則小和飄風則大和琴琴調調刁刁而自合乎籟者則無不同古今之詩亦然詩自三百篇離騷而下有漢有魏有六朝有三唐有宋有元有明有今海內稱詩家其不同也猶夫竅也其音之洪纖高下正變清濁剛柔嘽緩促急和平嗷吽之不同猶夫竅之聲也而要其緣乎情沿乎法各鳴其曾之所欲言而扣之而成聲則無不同不成聲不足名詩予怪夫百餘年間談詩者之日陋也主漢魏三唐者詆宋元人詩曰傍門曰小禁主宋人者詆前之所作曰賈曰勦甚則怒其子孫乃并其祖父而詆之波流雲擾詆謫蠡出不惟其是之折衷而規規焉分流派別異同以靳其勝而後已譬三尺之童子截六寸之管中

空而吹之偶得一二聲終身守之不變且號於人曰吾之聲可使景風翔慶雲浮吾之聲雖師曠之清角鄒衍之吹律無以加噫其陋也予以謂詩顧其成與不耳成則皆足以傳而流派異同固可亡論青村之詩初喜劒南近乃喜讀少陵大要能自鳴其胃所欲言而扣之而成聲者進而不止則其詩之必傳無疑予學詩三十餘年詩亦屢變今老矣愧未有成顧厯能言之青村將以予言爲轍音乎哉青村家世貴顯韶齠卽從觀察公宦轍南北萬餘里身所更歷事多故才練而氣和筮仕有能聲駁駁以功名著而予序青村詩乃第與之論詩云

據梧詩集

吹萬集序

二

據梧詩集卷一

吹萬集上

東園

小雨桐花落輕風棟葉肥樓高宜近夜香散欲侵衣紅藥翻階豔黃鸝轉樹啼魚鯨鷗狎浪相得是忘機

胡芋莊香草菴次韻二首

豈是騷人舊卜居名山何處不吾廬年華地僻兼心遠生事茶香復酒餘白鶴胡安千古業玄亭揚子一牀書紛敷花藥盈畦豔不羨揮金但荷耜

據梧詩集

卷一

吹萬集上

一

山深深處是何人九畹芳花楚客紉縹緲但教書帙麗壺盧不放酒樽貧浮沈莫問當前事寵辱何來物外身可愛小園工賦筆蘭成風景最相親

子夜歌三首

楊柳惹風吹一絲千萬縷妾身如楊柳一心千萬緒阿那舞身輕鞦韆持百索臨上故遲遲春風斷魂魄盡夜理秦箏箏急不成調歌盡扇底風夜深持燭照

雪用坡公韻二首

兔園瓊樹散昏鴉洛水凌波姑射車小院風迴如意舞清宵雨雜不成花千畦高下瑤爲圃萬瓦參差玉作家

一樹寒梅香未破蝶飛已上雨了又

緣囊冒棟晚廉纖寂寂窮廬夜正嚴  
嘗酒滑鳴鴉煨燭煎茶加味雜薑鹽  
撚髭一老詩憑閣戲玉羣僊冰插簷  
到眼兩峰真幻絕瓊瑤貼地碧螺尖

觀碁六首

小閣香籠燭未闌玉楸枰暖辟重寒  
碁經一著爭先處鼎足三分布算難

姑婦中宵立語奇聽來真訣世無師  
王積薪事陰平道險絕兵日冷著斜飛人未知

覆局收碁斂手前神完中恃一軍全  
不觀風急舟幾覆

據梧詩集

卷一 吹萬集上

二

失卻西南半壁天

破荻爲枰不肖休巧名新得號忘憂  
祖挺以碁爲忘憂當場卻

報臨關敵急劫多因賭廣州

鸚鵡揉枰終巧伎  
姚泊事康獨亂子覺嬌嗔  
太真事誰

知一失漁陽著十萬潼關敗局陳

豆剖瓜分誇割據巧謀計奪亦稱雄  
從來得失原無定

勝負須看到局終

野望

策馬西山過楓林葉漸荒千頭垂橘柚  
一樹半青黃鴈起風橫野砧寒月挾霜  
蘆汀秋瑟瑟易起別情長

效唐人本事詩四首

長信宮前花滿時水精簾下鬪腰肢  
金環新博君恩寵手詔陪遊太液池

烽連六詔陣雲黃銅柱懸崖歸旆長  
萬里蛾眉衝驛至充華新署自昭陽

珠啼霧唾月痕斜金屋春深護絳紗  
零落長門怨秋草何須竹葉引羊車

景陽宮殿暮棲鴉塘外輕雷走鈿車  
三十六宮秋草碧就中何處月光華

登妙光閣晚眺次合肥龔宗伯壁間韻

據梧詩集

卷一 吹萬集上

三

雲奇多極目小閣鎖輕陰暝色侵煙潤  
山光帶雨深臺荒悲駿骨梵響靜冰心  
欲得滄洲趣幽期自可尋

佳人絕代生

佳人絕代生明眸發皓素生年未及笄  
雙璫響珠樹門榴閣閑家綺紈安足數  
稽男憐未成左女字相呼綽約擬瓊花  
刺繡描鴛鴦東牀選妙才對結同心固  
寶鈿登香車珍珠重貽賂羅錦滿篋筥  
薦蘿願永附夫壻爲蕩子棄我如遺路  
俠客醉凌晨娼樓宿春暮呼盧喜一擲  
千金多不顧深閨獨夜眠蛾眉不敢妒  
妾身忍棄捐多爲媒妁悞空牀虛錦衾  
銀釭燈一炷遂使二豎侵難以

七發喻呻吟牀第間恩情誰可訴欲訴每囁嚅薄言逢  
彼怒閒讀白頭吟試詠長門賦譬如芙蓉花妖豔色初  
吐秋風昨夜驚吹作香煙霧粉黛長年絕命薄如危露  
不觀田舍郎十斛麥重娶豈知古有言新人不如故

題畫

橫空煙雨滿山谿天半秋巒望欲迷我夢江南風景好  
墨花先向此中題

中秋前一夕長椿寺閣望月

夜逼秋逾迥天空月未圓禁鐘高閣得佛火梵聲傳懷  
抱思難著江山憶渺然憑欄一長望孤鴈落城邊

據梧詩集

卷一 吹萬集上

四

秋宵刻燭行為周蓉湖檢討賦

名都才士悲秋客執手欣逢話疇昔霜信初寒楓葉丹  
露華暗冷深林白主人綺筵相爲開傳鉤射覆醅新醅  
座中才思竝八斗意氣磊落無塵埃酒闌倚劒共擊缶  
詩卷翩翩逢快友興劇分題刻燭時斗酒百篇稱未有  
淋漓翰墨發幽光瀟灑襟期探二酉落筆真能神鬼驚  
揮毫疑似龍蛇走西牕剪燭忘形交月黑風微夜影遙  
龍眠老筆傳好手十指繪畫開生綃漫漫秋夜應何極  
痛飲狂歌真未測氣酣直上千重雲思遠遙乘萬里翼  
太史聲名重木天琳琅詞賦搖綵筆君不見香山賓客

盛風流南皮勝事誇同遊拂卷鵝溪開數尺蒼茫夜色  
逼深秋

畫菊題爲友人壽

三徑霜華又一時餐英別圃楚人思因君勁節高難擬  
寫出東籬菊幾枝

過南郊禪寺

行樂城南步履幽瓜畦竹圃恰深秋未風樹已連平野  
欲雨雲先動釣舟晚食齋鐘初出谷客來茶磬入高樓  
歸途好趁殘霞影燈火蕭疎月半鉤

癸亥歲除前七日爲立春後五日周文邑自畿南

據梧詩集

卷一 吹萬集上

五

至都留飲寓齋漫賦

荒齋剪燭話重逢痛飲狂吟夜未中拍盞燈搖今夕綠  
入春花發去年紅已過舊曆兼新曆自覺東風競朔風  
轉憶冷煙殘雪夜嚴城獨自遞疎鐘

水僊

春陰薄醉畫漫漫煙態難勝露未乾五里香浮花作霧  
三更燈暈玉生寒含葩矮墮垂雲髻剪素敲斜綴蜀紈  
栩栩蝶飛清夢遠醒來疑作縞衣看

北郭移居二首

數家雞犬似江村新漲初來沒舊痕老樹倚雲連渡口

平橋貼水隔溪門朝饑有帖虛求米暮冷無衣不解溫  
爲問考槃惟此適拚將萬事任乾坤

負郭微流水不湍柳陰高復臥河干閒尋積黍俱因酒  
護惜春花怕損寒乍霽月生雲意妒多愁身窄醉腸寬  
幽居自有關身事那許春來一枕安

月夜泛舟白雲渡同毛匏村賦五首

綠暗驚看柳幕遮愁來酒思儘堪賒百花過盡春歸去  
畱得餘寒開棟花

踏月歸時夜已分柳斜深巷靜無聞誰將小艇畱明月  
渡我春溪到白雲

據梧詩集

卷一 吹萬集上

六

新添春漲沒青蒲月樣微波似欲無華子岡頭如豹吠  
分明身歷輞川圖

天空長嘯白雲間樹影微茫入小灣今夜月光同水色  
前溪應有醉人還

官柳春深缺一隅冬來擬種兩三株濃陰遮護君須記  
可似陶家五柳圖

岳武穆墳

武穆墳邊送遠暉松楸煙冷鎖朱扉山川不爲當年改  
風月應知舊事非北征將士血濡甲南渡蒼生淚溼衣  
回首曩時堪一慟暗風吹雨又霏霏

吳山晚眺

莽莽浮生醉復醒吳山東望跡初停征帆未落已殘照  
小艇欲歸猶戴星吞海喧喧千頃碧隔江依約雨峰青  
那能一枕高樓臥回夢潮聲入夜聽

小畱杭州因雨不得至湖上

高臥荒樓對郡城浮雲時傍隔江生一詩欲破千重障  
半月來無兩日晴悶取楸枰觀世故閒將書卷伴離情  
客愁飄泊何時了欲倩東風斷雨聲

過朱買臣墓

樹古苔荒沒廢煙會稽連守至今傳功名老去還堪信

據梧詩集

卷一 吹萬集上

七

妻子貧時亦棄捐故吏奔看持綬去舊山聊落負薪還  
人生窮達尋常事捫罷殘碑一愴然

雨用少陵韻

涼思遙天起同雲驟雨生危樓時極目高枕靜移聲墨  
嶂含煙失平橋入水明客愁無倚著拖屐過春城

漫成

作箇重陰徧野齊煙隨春樹望中迷須添小艇橫橋畔  
款乃聲聲過水西

莊南星中表手時盆荷荷已華矣賦東

尺藕生梢手自我蕭蕭打葉淨無埃翠分北郭高人供

種自青  
晴帶西湖曉日來通自湖  
好夢勾回知雨過清

香無際覺花開小詩擬答盆池惠一片雲從頭上催

澄江旅舍

譙鼓連三疊端居隱半瓢白分煙際潤青入暮山遙野  
色迷寒樹風聲送落潮年來惟一枕萬事就中銷

野步二首

鴉陣橫空蔽夕陰薄寒新月上衣襟霜林昨夜來風信

菜落街頭一尺深

萬木蕭森獨掩門了無人影到黃昏羣鵝日暮歸欄去  
行過溪頭亂夕雲

據梧詩集

卷一 吹萬集上

八

燈詞八首

別館東風巧剪裁吹成五日落寒梅天工苦為遲春信

火樹銀花一夜開

猩色屏風詰曲迴寶燈紫府六時陪僊禽梵鳥紛紛見

忍草天花處處開

清時幸受一塵氓十畝閒閒少俗塵何處春風吹化雨

帶牛佩犢已無人燈牛

懊儂歌罷夢魂迷調撥箏琶和馬嘶恍似交河邊月黑

霜寒千騎渡安西花奴戲扮

濯船解水有吳兒八幅蒲帆影漸移綠水紅橋好風景

半篙春雨暮波時船

瑤璃廠畔市燈開宴數咩牙莫謾猜笑我前身餓朔是

射孟曾向漢宮來都下有燈

暖律條風上苑新地空天近易生春當年走馬晴街裏  
夾道香煙散麴塵

殘杯餘暖覺春妍燭淚成堆夜影偏往事不堪重記憶

燈詞還唱十年前

荅南星贈梅

十日春光凍未舒巡檐何計破春初館娃宮裏香風散  
吹向林逋處士居小梅自始

據梧詩集

卷一 吹萬集上

九

坐雨

看徹人情總自如一椽之外已無餘兒因食菜頻傷瘦

客以耽書每覺疎酒熟閒愁都破卻春來俗事半消除

孤牕此日幽懷愜聽雨焚香讀道書

玄墓看梅五首

片帆風正榜舟行羣玉峰頭相送迎細草沾泥苔路滑

漾波醮岸接堤平數家臨水墟煙冷一徑穿雲薄靄橫

到處尋春春未見東風先滿闌閨城

春光初入靜無痕姑射僊人暗返魂殘雪半篙重蕩槳

癡雲四合卻當門香風作霧疑無路短竹圍籬又一村



時節減衣春尚淺不知花信幾多番

羅浮春雪暖初融閨苑行歌曲未終但覺春從香雪裏

不知身在亂雲中三山玉宇人間隔一水銀河天上通

日暮前村歸路晚此花應笑客恩恩

席地幔天起白雲路人猶說董家墳墓前翁仲默無語

山上黃鸝時作羣月落松楸還歷歷春來花鳥漫紛紛

何人解作傷春句天際斜陽已夕曛

千林春雪作香庵欲向彌陀共佛龕浮水數峰還一一

雲堂聚講卻三三朱橋宛轉隨流澗萬笏參差照夕嵐

日暮橫雲山下路東風取次爲先探

據梧詩集

卷一 吹萬集上

十

虎山橋之東別墅名岸船境頗幽麗花間紀所見

二首

萬疊重雲巧護舟斷橋煙雨最關愁虎山溪畔茶山路

一夜東風盡白頭

風生紕纒最宜人雲影波光動曉春寒著五銖花下立

不知誰箇是眞身

玉指環用楊鐵厓寄王允原韻

宿霧初收上翠茗樺煙如霰隔昏朝半攏絃促難調瑟

爲怕寒侵怯弄簫細數歸期應屈指閒挑樣本欲舒腰

東風正袖柔荑美捲上珠簾第幾橋

清明日野行用陸劔南山家韻

雨漲陂塘春水渾數家依約聚雞豚行逢野老如相識

路入園籬不辨村花斂日移寒意淺柳斜風靜溼煙存

臥聽穀穀黃鸝語草冷灰飛集墓門

錢三首

萬事由來賴此翁任人奔走逐西東就多去少藏身巧

轉地旋天作計工竝列五財雖稍遜蚤營三窟若而功

韓公藉此供文耳名託儒生敢送窮

直百當千萬事移酸寒那計得常持杖頭贈有蘇司業

囊底畱同杜拾遺金鴨暖侵銀葉候奉恩賜出洗兒時

據梧詩集

卷一 吹萬集上

十一

書生自揣無須此榆莢牆東綠滿枝

子母圓旋總化生忍教撲滿一時傾何方作術能驅鬼

有事頻呼不任兄市物平章還執柄僮奴愛護得眞情

饒他京國多豪貴神武懸冠已退耕

末句近事

閒居二首

悠悠殘夢度年華歷歷香塵走鈿車薄霧低迷纔障日

微風斷續不吹花長年酒券裝成帖四月街頭未賣茶

取次情懷非作惡輕寒無賴篆煙斜

江郊隱隱響輕雷似爲東皇著意催雨細魚行排隊密

風多燕壘護雛回忽驚紅落知春晚漸老鶯歌識夏來

喚起五更幽夢破衝寒先為報花開

客遊西江次錢亮功中表送別韻四首

遮門荷葉製為衣呼友攜尊為發揮花雨一簾春晚晚  
江山六載夢依稀輕風颭浪魚兒浦細雨回颿燕子磯  
忽漫裁詩吟徹夜亂雲應傍櫂頭飛

十年歸臥水雲鄉遶郭清流下貢章多恐曲終悲白傅  
急須風便借滕王東林鐘動溪雲白西塞山寒江月黃  
被酒漁村愁獨夜獵徒釣侶最難忘

極目江天水勢肥楚歌自昔怨湘妃寒潮蕭瑟風來晚  
官舍春無樹幾圍客子重驚當日夢居人還挂舊時衣

據梧詩集

卷上 吹萬集上

主

憑高淚盡無揮處日暮棲鴉挾子歸

五兩風輕挾柁牙長巒逶迤走平沙閒依篷屋吹漁笛  
偶製新詞倚鳳琶雨急蒲叢喧鳥雀風腥山步賣魚鰕  
憑誰覓得吳淞絹為畫江行落日斜

西湖竹枝詞七首

湧金門外傍湖堤十里煙光宿處迷每到堤邊渾不去

踏船斜日過雲棲

桑葉婀娜艾葉長人家門巷半橫塘艾蒲如玉論筐賣  
桑葉柔柔下剪忙

逆槳迎風打櫂頭溶溶春水滑如油前山忽起空濛雨

細穀圓紋點點浮

短檣蜻蛉去似梭櫓聲鴉軋蕩晴波吳綾織作千層皺  
新雨融如一鏡磨

兩兩漁蓑一導鷗湖邊獨立數歸舟微波不受日光落  
變作玻璃水面浮

化億真身合百圍雨淋金碧送殘暉斜風急雪湖頭路  
鎖甲閒拋著釣衣

大佛寺石像壯觀金剛衣以蓑笠

濠上同遊記昔年河橋酒舍每依然消魂今夜湖頭雨  
亂打枯篷到耳邊

去年同莊南星客湖上

韜光寺

據梧詩集

卷上 吹萬集上

主

雨霽峯猶溼黛痕日光穿漏下頽垣江潮北走排冰嶂  
山月東升浸寺門松鬣擎空疑遠嘯石峰凝翠看無根  
徘徊不記歸時路錯認炊煙過別村

富春道中六首

平生劇有尋遊興領取煙波一葉舟路入山迴潮不到  
月因人好夜常留曉看嵐影和雲白臥聽灘聲帶雨流  
忽過亂峰幽絕處恍如觸熱渡辰州

望處空山曉霧迷蒲帆八幅傍風低天如卵色雙峰合  
水作韉紋一樣齊路曲竟須迷去住臺荒應不辨東西  
東西釣臺卻憐春鳥無情甚獨向山中盡意啼

白道絲長一徑斜空濛山色斷煙遮颿回絕嶂人如鳥  
風起平莎葉似花傷水雲微多釣艇臨流依約幾漁家  
新詩擬弔黃公望身跨扁舟到晚霞

扁舟野岸靜無聞兩雨黃鸝自喚羣雨增昨夜三尺水  
舟入空江千疊雲悠然志亦不在釣隱矣身將焉用文  
蟠藤怪木古碑側杯酒遠為酌斜曛

桐江嚴瀨以人高山水欣逢絕世豪江落灘聲如黯澹  
路圍山色入周遭魚鱗雲襯峰千疊鴨綠波平水一篙  
嫋嫋竹竿三十尺釣名何事徒勞勞

雨嫩如絲卻又晴輕風渺渺傍帆生山於臥看時方好  
據梧詩集 卷一 吹萬集上 古

詩到懷鄉句裏成稚子扶牀初學語山妻倒指計行程  
乾坤豈自鳴懷抱石瀨潺湲瀉不平

### 雨夕舟中

細雨暗江磯如絲落又飛月昏山起霧風軟客添衣漁  
唱明猶隱人言遠欲稀掩篷愁絕處鄰火夜相依

### 舟行餘汗道中風日清美率爾成咏

舟輕水初漲帆飽風乍閒掩卷時成臥推篷即看山雨  
來蘆葉暗日落釣船還煙際牛羊下柴門傍晚關

### 章江感懷

朝過彭蠡澤暮泊章江濱章江風雨惡煙水遙冥冥忽

憶西游輕跋涉三湘七澤時窮極炎風毒瘴過夜郎蛟  
龍潛盤水深黑巖雲百結浪盤渦日光磷磷少顏色飛  
鳶跼跼墮水中瘴雨朝來暗如墨其時行人慘不歡酒  
闌常歌蜀道難五年蹤跡多聊落撫膺往事增悲酸夢  
我廢讀傷懷抱憂思抑鬱還終老饑來驅我出門去手  
攜陶詩吟徹曉遠游作客苦思鄉那堪夜雨聲琳琅十  
日陰雲暝不收惡風吼浪兼天狂恐是蛟龍逆鱗怒張  
鬣奮鬣相爭拒又恐鯨鯢夜徙淵雷雨震蕩互吞吐獨  
客他鄉忽此時杯殘燭跋光熹微牀頭古劍深夜吼倚  
舷大叫稱絕奇君不見思鄉沈約兼多病庾信當年感

### 據梧詩集

卷一 吹萬集上

五

衰鬢悲吟擊柱歌莫哀江風淅淅淒淒涼甚

### 哀南州行

并序

憶戊申秋觀察公自詞館謫宦洪都曾卜宅於  
東湖之濱蒼涯一曲衡門兩版榜其廬曰楊子  
居采文石於西山疎清流於南浦堂前百頃澄  
波門外五株楊柳編枳爲籬修藤成架素馨盈  
幄都蔗爲鄉且致酒蘭陵探書禹穴一時名彥  
雲集高會置酒拈管篋賡吟諷疊疊傳爲盛事  
閱數年滇南變起會城兵馬蹂躪舊宅荒蕪而  
觀察公亦以一官萍梗十年之間馳驅萬里蠻

煙瘴雨艱險備嘗甲子春履任山左觀察甫及  
半年遽捐賓客痛哉今年秋榆重過南州一二  
故老猶能言之有至欷歔泣下者榆感事撫時  
一慟幾絕長歌當哭名曰哀南州行

章江風雨連滄溟空堂颯颯悲蕭晨擁燈兀坐不成寐  
撫今感昔涕沾巾形神悽愴話疇昔 先帝侍臣稱逐  
客十月霜天吼朔風扁舟破浪來彭澤彭澤由來古盛  
名濁醪清句弔淵明積雪夜過樵舍驛衝寒蚤上灌嬰  
城奚囊襍被尚傾倒驚傳野火燒空燎席未暇暖寒未  
黔灰啼燼竄不自保盡室奔走聞號呼誰可託足惟東

據梧詩集

卷一 吹萬集上

七

湖風潭百頃徐孺宅喬木千章梅福居居門清絕稱楊  
子牽船補屋隨流水共道僊人白石樓誰知處士青門  
里西偏隙地作虛堂披襟對客歌大荒自古詩人羈異  
域由來遷客遍江鄉欽敬特地遙飛閣流丹層層天外  
落西山積翠來高城南浦微風動重幕長江雪浪奔如  
雷愛弟乘風千里來家聲孝友敦同氣入門握手無塵  
埃經旬風雨聯牀宿開書夜半擎燈讀三年一見抵瓊  
瑤弟勸兄酬須百斛春風詩酒真人豪拚將蹤迹混漁  
樵江州度曲白司馬東閣裁詩何水曹煙巒依屋開三  
徑酒旗歌板相輝映鱸魚時節水盈竿訊竹風懷花半

醒滕王高閣數歸鴻長天嫋嫋乘雲風隱士昔曾稱孺  
子因緣今已過韓公那知人事多興廢瞥眼風光如作  
戲洗馬池邊枹鼓鳴投書渚畔悲笳起全家相對盡倉  
皇鱸膾尊羹憶故鄉登閣最愁烽火近艤舟卻恐道途  
長嚴霜鐵騎來千匹征西將軍位第一河上逍遙白馬  
軍草間潛伏黃巾賊鄂渚烽埃鬼火燐青苔白骨久成  
塵萬里北來鴻不到一官南去冷如冰蠻鄉犵嶺長途  
惡瘴霧荒煙雲外薄鵲華峰前詔甫除馬嘶夜半驚星  
落黃河夜度泣孤舟馬鬣初封土一杯饑來驅人辭故  
里衝風逆浪來南州傷懷念昔增三歎亂沙野鳥傷空

據梧詩集

卷一 吹萬集上

七

南康東周繡林郡守二首

山水憑空濶才人作宦遊破風千嶂曉經雨半帆收雲  
氣來廳壁湖光入郡樓清言揮玉麈炎暑候成秋  
邸舍追歡讌安南擁傳車枕榔秋雨裏格磔古城隅海  
外新遊紀匡山舊讀書鈞簾窗四達面面玉芙蓉

先生  
以儀

曹使  
安南

雨中短歌

章江夜雨連天沒寒雲漠漠行人絕城門達旦常不開  
水瀉斷厓杵臼缺牀頭積潦青苔浮人家避水上危樓  
休燈電影半明滅昏鴉挾子聲啾啾

山庵

烏巢峰側嵌雲庵嵐氣湖光日日探招手行僧問廬嶽  
打包明日過山南

開先寺霧中望瀑布

正練橫空千尺開山中日夜有奔雷但知聲在懸崖裏

據梧詩集

卷一 吹萬集上

六

不見水從天際來

據梧詩集卷二

吹萬集下

武進管 榆青村

遊匡廬三首

乍霽嵐煙溼未乾扶筇踏磴暮光寒松濤澗雨聲難辨  
野蝶叢花色一般衣上捲風霞片片峰頭縱目水漫漫  
山僧飯白抄雲子隔嶺相呼約共餐  
春花春草漫紛紛野鳥相呼自喚羣暮雨來時山起霧  
空潭積處水如雲松高著子因風墮澗落飛濤徹曉聞  
天際諸峰無礙障和陶舊韻與僧分

據梧詩集

卷二 吹萬集下

一

基聲滿院掩柴扉澗瀨霏霏人語稀野衲聞鐘衝雨去  
溪橋送客踏雲歸巖花暗落桐花帽敗葉時侵榭葉衣  
拾得墮巢供茗戰間從石上看蛟飛

玉淵潭

飛澗落長虹山空響萬重祇疑風雨惡雲窟走蛟龍

蠡湖月夜三首

持酒倚舷歌水天同一色劃然長嘯聲風起不可測  
中天月影直四野雲衣生側耳不成寐鄰船撼水聲  
積雨雲未除雲氣逼人冷雲月相爭妍幻出此情景

匡廬歌

平明迎日上廬嶽春山滌翠清如濯攀蘿直上三萬級  
側身蟠走如飛鶴雲鄰鄰花冥冥劃然巨靈劈千丈瀉  
出萬派洪濤聲耳目蕩漾不能主恍若坐我於滄瀛滄  
瀛風雨不可測中有一人不相識手持銀管跨紫鳳授  
以琳琅五彩筆回頭笑指游空濛導余絳節雙玉童呼  
吸帝坐隨清風俯視一金芙蓉白雲如縣滿空谷乘  
此欲與天庭通把酒酹煙霞素懷託明月明月與時滿  
煙霞無時歇拍肩笑問洪先生口吹玉笛銀河傾山中  
木葉蕭蕭響下界疑爲鸞鳳鳴襃牋授蕭史共飲白玉  
醴長觥傾倒慎莫辭醉眠石上呼不起白猿蒼鳥莫相  
據梧詩集

卷二 吹萬集下

二

猜前五百年曾住此

山中偶書

山中猿鳥莫相驚五百年前舊主人太乙殿中曾宿直  
阿環窗下結緣因劉盧世係名存籍茅許親承訣是真  
淪落人間逐塵霧一筇常伴水雲身

開先寺

數日山中抵萬回緩拖藤杖到平臺空林落日見紅影  
近水懸崖盡綠苔密葉偶低知鳥過葛衣漸冷覺雲來  
老僧齋罷同行飯快看茶花一色開

蚤望五老峰

夜來春雨撥鵲絃曉起嵐煙最可憐似此好山皆是畫  
就中著屋可如船

山行

寂寂空山仄徑斜午風吹落紫藤花不須苦問山深淺  
簷雨松濤百道遮

寓樓坐雨

暝色寒光幾萬重掩書成臥小樓中鑪煙出戶依橫靄  
蘭蕊畱香待晚風雨傍斷雲過嶮北草舒新葉溼牆東  
銀刀觸網新醅熟離緒如山一笑空

薦福寺納涼

據梧詩集

卷二 吹萬集下

三

寺閣崢嶸對夕林齋鐘不動晝沈沈湖明影落孤峰暗  
樹老風移十畝陰蟬爲秋來聲轉切花綠日薄色偏深  
閒愁斷卻惟供枕臥聽雲堂粥鼓音

浮洲晚飲

博得秋來暑氣清殘雲扶雨過高城星沈積翠吹皆起  
日落平山畫不成雪藕綠長歌宛轉白蘋花老露敲傾  
舉杯酷愛風來晚又向橋東待月生

阻風珠磯

羣山如螺髻過雨弄脩帔綠水如玻璃淪漪積深翠舟  
行隨浩蕩浮漚乾坤內倒景吞雲霞寒光互顯晦六月

暑氣清魚龍貪晝睡長嘯擊權歌臥待清風至雅志輕  
滄溟曠觀渺湖海前行不可測惡浪排空翅巨波含洞  
庭霧氣連蒼昧柁師失徑途顧視心欲悸謂須就此棲  
莫與蛟鼉試豈知天壤間萬事倏如戲稽首酹天公願  
以舒畱滯須臾風澹蕩舟子喜無似打鼓爭歌呼張帆  
渺無際

自珠磯發棹行三十里至左蠡復阻風和蘇長公

洪澤中途遇大風復還韻

朝迎暎日出暮逐落霞歸風捲浪如屋茲行計恐非魚  
龍中夜舞鳥雀不敢飛匡廬色如黛可望不可依低首

據梧詩集

卷二 吹萬集下

四

就逢坐逆鱗怒莫違北風聲正號中流櫓聲微近村黍  
酒薄連湖巨魚肥舟人三致詞向神默禱祈夜半不能  
寐敲火啓窗扉清冷暑氣少御寒欲添衣

阻風左蠡三日望匡廬

江雲吹浪似奔雷驚起魚龍陡舞回隔岸炊煙晴欲雨  
遶崖溼霧暝還開風連百丈濤頭卷雲暗千山雨腳來  
咫尺春颿斜日過手攜玉笛上平臺

蚤發左蠡

酒醒浪初靜波平鷗不驚半船微雨過雙檠挽風行古  
寺藏雲冷秋巖入曉明大姑山不遠猶隔片帆程

過五老峯下

松鬣擎空半樹枯肩輿臥看望中殊雲歸遠岫常吞吐  
雨起平山似有無沙水細流尋不見野花叢落點成圖  
何年穩結茅茨隱閒引山泉入蠡湖

蘄州雨湖觀荷攜酒如是庵竹下九首

畏熱炎氛裏薰風蕙苗芳江雲籠曉日山雨作初涼河  
朔經旬會湖頭十里香名花兼勝友佳境足相羊  
蘄楚江山勝怡情愛雨湖晴霞波上捲月舫鏡中趨擎  
蓋連天翠承盤轉露珠晚涼幽意愜避席訝鷗鳬  
昨歲農家儉陂塘雪藕空花明初日上玉出污泥中鼻

卷二 吹萬集下

五

觀香兼稻鴉夷碧注筒每逢行樂處陽雨願年豐

一道清陰遠涼颼竹徑中此庵千箇好屈指九人同  
人洗鉢香廚飯分盤小圃松蔭蔭君鹿真健者詩格寫清

風

岸落漁磯在前時曾侍遊河山傷舉目文酒逝波流怪  
石披榛出鯨魚滿鏡浮來宵明月下約放采蓮舟

歌愛吳娃好衣裁楚楚客香爲憐詞綺麗來陰佛清涼大

藏畱高閣微塵觀此方曾聽潛智院老衲話興亡

破楚

世上無支許林間枕簟清朗懷思刻竹

友欲以八分書刻竹紀勝

響得流鶯款款花前意疎疎物外情新詩何地賦茅屋  
適初成

永日宜游行山椒更水涯狎鷗噓避席愛馬嘶花勝  
繁忘情得幽探著意誇碧雲庵更好忍草粲秋紗

自有賓朋樂何曾地寂寥人煙生半郭佛寺帶前朝老  
木參青靄清江渡野橋晚涼微雨過歸路不迢遙

江行感事二首

三日寒侵暑氣收又攜藤笈上扁舟平山積霧忽然失  
野水無風亦自流一枕新涼添客夢半生舊事屬江州  
不堪禾黍傷心地吹角城隅又蚤秋

據梧詩集

卷二 吹萬集下

六

絕嶂橫空一鳥回江聲不斷暮雲哀黃州木落冷歸夢  
赤壁秋清寒酒杯出水魚肥論網買入雲山遠帶晴開  
自傷蹤迹遊僧似破衲飄然任去來

黃州聞鼓角

星河澹欲傾鼓角動高城冷與秋俱至悲同水作聲鴈  
橫空轉急砧續遠猶明回首銷沈事爲予一訴情

牧牛兒

牧牛兒跨牛歌扣角和朝隨曠日出牛散滿山側辨色  
逐羣行安性隨所適榕陰風微微解衣臥牛衣落日牧  
笛哀牛行四山來牛歸欄底宿家在牛欄北

猛虎行

山南白晝猛虎來柴門竟日常不開村東少婦血漬草  
村西老翁骨成堆官府明文下獵徒村舍奔走相號呼  
入門不顧索雞酒由來苛政猛於菟亦毋張爾弓亦毋  
亡爾鏃明朝羣起頌相公虎畏相公渡河北

武昌晤西泠錢季敬次韻奉荅六首

布帆初落斗杓寒楚客相思解佩蘭高閣斷虹痕似溼  
輕煙移樹晚初乾囊無長物難成癖枕有奇書官借看  
自笑新疏惟計日誰令菜把仰園官

陶庾遺傳自昔年風花幾度候如煙雲迷北渚湘天畔

據梧詩集

卷二 吹萬集下

七

雨暗春帆漢水邊橫笛已無聲入座斷碑猶記迹雷賢  
君看官柳垂垂老衰落今能值幾錢

裁詩屬和遣童催好句何曾賦落梅笛裏新詞訴幽怨  
夢中舊雨盡餘杯禪關習靜兼旬隱藥裏封題寄遠來  
夜半敲燈依險韻山村雲閣首頻回

漢水兼天柳合圍江郊盡日啓柴扉迎船蘆葉當風急  
收網漁舟趁晚歸月落夜溫名士酒夢回秋冷羽人衣  
高城河漢縱橫瀉溼草依螢墮復飛

憶昔西行犵嶺鄉醉呼潮起各飛觴寒濤送雨來湓浦  
絕嶂牽船入夜郎澗草萋萋隨目遠閒愁漠漠抵江長



明朝馬上聞蘆管可憶城南市酒香

惆悵當筵子夜歌碧空如水晚涼多柳煙當暮忽成色  
江漲無風亦自波天末鴈橫書北至橘村砧起鵲南過  
酒酣細數從前事雨打燈昏奈爾何

蔣玉淵以馭鹿圖索詩

我昨廬山遊山空雲縹緲炎風蒸菌露溼翠香嫋嫋橫  
峯石橋南絕澗產異草中有謫僊人翛然物外表感懷  
欲從之長嘯秋空曉蒼藤如虬龍跨此勝腰裏下爲白  
鹿洞苔深跡馴擾今之此圖無乃然方袍藜杖真僊佗  
僊芝奇卉紛紛見俯視世界如雲煙人生富貴草頭露

據梧詩集

卷十 吹萬集下

八

不如跨鹿餐朝霧黃鵠磯邊風雨晴蓬頭曳履隨君去

淮禁道中四首

湖海飄然一破裘荒郊況又適逢秋山黎瑣細全遮樹  
敗葉蕭疎半積溝淺渚小紋閒泛鴨遠村橫笛晚呼牛  
危橋石磴江關雨著箇驢行穩稱不  
是處風光是處迷畫鞭矯首過雲西雨餘隴上有牛跡  
店冷盤間設凍齋殘夢好從驢背續新詩多在驛門題  
忽然行到四山靜撲帽香塵花一溪  
做裝初發夢初醒摩眼看山宿霧冥脫兔奔圍飛截道  
病驢涉遠瘦垂鈴當關卻趁炊煙蚤逆旅何堪夜雨聽

只有詩情拋未得征衫墨漬溼郵亭

荒村薄飯強陳齋菜食蟲餘摘廢畦土瓦炙燈時復暗  
茅茨覆地不曾齊迎神社鼓歡童稚粥面新笏問老妻  
拚醉燈前有歸夢曉風啼殺別村雞

舟發真州

雲暗江郊雪色蘆茅簷出沒遠村孤風沈別浦潮初落  
雨到前山樹欲無南國新霜隨鴈至故園歸夢倩人扶  
葦間一夜蕭蕭響吹起東行十幅蒲

東歸漫賦二首

征帆天半溯江來歷歷山川眼底回勞苦聲隨乾鵲語

蒙君詩集

卷二 吹萬集下

七

團圞話向短檠開品茶經自齋頭註止酒詩從病裏裁  
稱意初歸風境好新霜細菊豔陽催

枕上吟詩日已斜牀頭讀易度年華秋風入夜簷端雨  
病眼窺燈霧裏花初愈夢裏山川易周歷酒中旗鼓各  
槎柯香銷燭跋知何處陡起愁城特地賒

初冬村晚

野色寒煙暝未收西風鴈影夢花洲荒郊地僻人過少  
獨坐支頤聽鶉鳩

田園卽事二首

撲樹雙鳩集衝泥一犢行初寒朝雨送晚霽霞明濁

酒鄰牆過閒吟野步成農夫喜相語打稻趁初晴

稻積登場滿孤煙倚遠生羣鵝衝雨戲村犬繞籬迎略  
行斜通水平蕪潤欲耕故人雞黍約款款話柴荆

北行自京口渡江二首

離亭飛雪小於錢亂點征衣著處拈篷底臥聽風獵獵  
帆腰斜受雨纖纖殘杯冷向春前暖破被寒從子後添  
無那江關一回首分張應是記青帘

官梅破臘凍含煙極目雲沙接水連隔岸曉迷瓜步雨  
渡江重趁蔣州船山川蒙幸誇金粉風雪將除逼歲年  
獨隱奚囊對燈火中流擊楫舞吟鞭

據梧詩集

卷二 次萬集下

十

丁卯元日過下相

東風昨夜到簷楹茅店荒雞報蚤春占歲詩和許丁卯  
攝提人說楚庚寅河堤岸柳還愁我官路江梅欲笑人  
蔓草荒祠畱下相松濤萬馬戰羸秦

下相有項羽祠

二日紅花埠

甫入新年一歲增今朝任運卻騰騰蓬門上馬風兼雪  
店壁題詩字有冰破驛草荒驢齟薦重衾夢破鼠窺燈  
旅中情緒無聊極僮觸屏風喚不磨

三日郊城道中

落日古城邊驅車望遠天雲迷渾似夢鳥沒候如煙官

路如繩直柴門壓樹偏亭名傾蓋處舊迹每依然

四日沂水道中

客裏風光怯路難旅中草草具杯餐新筍社饕餮如粥  
薄設孤羹餅似盤古墓燒痕依曠野溪橋煙柳漸舒寒  
離情一夜東風急吹起鄉愁入夢端

五日青駝市

雪汁初融濺馬蹄沙平水急不沾泥斷橋風起聞征鴈  
茅舍人眠聽午雞雲霽忽分山遠近草枯應失路東西  
荒城孤嶂曾遊地作客登臨到眼迷

六日東蒙道中

據梧詩集

卷三 次萬集下

十一

白道縈迴細似絲雪融泥滑馬行遲荒村徑僻逢樵子  
野店風微漾酒旗細柳垂垂低拂帽春蕪莽莽獨尋碑  
旅中景物堪收拾掃筆閒題馬上詩

將至鰲陽落日銜山寒煙沒野漫成絕句

夕陽衰草沒荒蕪月起前村澹欲無溼雪冷煙誰畫得  
右丞詩寫輞川圖

七日

路入新年接舊年人逢人日憶樽前柳緣節閨先舒眼  
月挾霜寒欲上弦雪樹平分山半壁酒旗凍合路西偏  
夕陽好景渾如昨往事淒涼不忍傳

旅懷

漠漠輕寒雪半消，薄沽村酒慰無聊。  
詩懷似草爭先發，鄉思因風不待招。  
官路泥深尋別徑，春河水漲架橫橋。  
重陰欲結霜天曉，又對寒燈著弊袍。

八日晴

門東索飯任兒啼，作計謀生策愈低。  
細檢方書占穀日，定占白雨注膏畦。  
雪消南畝耕千耦，雲合東臯潤一犁。  
惆悵故園春社近，悔緣微祿走東西。

過岱

泰岱峰前秋月明，當年宴罷宿青城。  
疲驢不記山前路，

據梧詩集

卷二 吹萬集

十一

殿角風吹鈴語聲

雪中山行

寂寂霜寒霧雨冥，奇峯幻作素雲屏。  
鶴巢松樹千山白，鴉落齊州九點青。  
衰柳不遮村外路，好風時送殿頭鈴。  
羣僊玉戲傳圖本，倩我騎驢過驛亭。

憶梅三首

年來酒盞向誰開，剩有新詩到處裁。  
夢裏不知京輦路，隔籬猶約共探梅。  
憶昔茶山放棹時，千林香雪點春衣。  
臨風愧負重遊約，繡佛燈前懺昨非。

古驛荒燈塵滿樓，一杯濁酒強扶頭。  
重衾不禁新寒蚤，踏月看花夢裏愁。

入都口號二首

久將迂懶任天真，妄計衝寒度要津。  
卮酒未添前日量，征衫猶拂昔年塵。  
嗟嗟吾自先忘我，壯也臣原不若人。  
跨馬香街時極目，九衢風物幾番新。

無粥隨僧動午餐，流塵撲面峭風寒。  
蘇秦裘敝何曾茸，貢禹冠新且莫彈。  
自昔春生多雨露，誰言日已近長安。  
騎驢本是詩人事，肯爲迎炎候熱官。

曉寐

據梧詩集

卷二 吹萬集下

十二

齋鼓沈沈粥熟時，土牀夢穩覺來遲。  
六街騶唱迎霜入，暖被拖身渠不知。

始入岱狂飈震地旅夜不寐成詩

遙嵐破月天宇青，雜聲四野號其羣。  
驢鳴自作空谷響，馬蹄迸踏銅盤傾。  
黃茅店子間古樹，粒糲餒雜具陳。  
遙相慰勞爭呼飯，此意樸厚何慇懃。  
得錢工數計銖兩，老嫗勃谿橫聒人。  
軟紅十丈沒馬首，積面流垢如泥行。  
風伯乘時逞威福，澎湃瀕洞無時停。  
白項老鴉啼不止，摩空翻擊旋作聲。  
白楊蕭蕭列路側，黃雲黑日迷荒城。  
遊人蒼茫大錯忤，失卻半壁春山青。  
犢車征輪少四角，

隨風不覺風從生短衣席帽甚顛播珊瑚鞭折如無痕  
急投古驛相拂拭驛門槐仆半出根奚囊詩素置土銜  
遮眼幸有松肪明陳編細讀頗多味勦聲如雷撼四鄰  
挑燈展轉不成寐山中徹夜松風聽

寺齋市一石鼠爲犬所攫食而歎之用梅村集中

松鼠韻

空堂落清槐小院蔓天棘其下見石鼯趺草似人立託  
質雖無瑕竦身每若惕狀類失林麀脫身何駭疾昨從  
市橋下百錢相售直白或皎雪霜黑又似黔突備種色  
最多性皆善奔逸長茸短苔中四馬追難及乍見多驚

據梧詩集

卷二 吹萬集下

古

伏漸養亦馴習梵宇疊層階相懸動盈尺身輕絕踰梁  
性猾喜騰擲軼羣逞才技跳躍不餘力我少癖嗜花購  
種類不一款段及禿尾往往時羈繫柔條得紛敷藥苗  
漸苞斥以爾憑社徒託身慣竄匿藏頭掉尾來通作林  
下客盆池長石蒲短壑垂虬柏日上花光明雨過蒼煙  
溼採芝供暮饑餐英作朝食爾獨睥睨深乘間恣出入  
含葩與殘粉半任爾狼籍非以充汝腸於汝亦奚益行  
飯過藥園香泥委紅白枝頭見爪痕籬下察行迹譬如  
罝風來亦作羣花厄徒使羈遊人行坐增歎息僦廡苦  
迫地童僮懶藝植賞裘得餘糧汝又齒牙摘曉書索米

碑長鬢度阡陌塵埃積釜甑屏當到臺立爾亦笑主人

謀生何拙策不日踏權門行臥乃一室壞琴弄壁間廢

篋半不葺我亦墨者流小物皆矜惜施食下生臺挈件

來几席入架傾圖書倒筐啖跖炙齋鐘粥熟時案間拾

遺粒誰知肘腋間已慮禍患積信信聲若豹深夜控險

塞晝遊喙六衢夜吠撼四壁汝不慮其遠彼方俟其急

變樞旣湫隘窗櫺如比櫛勢勇聲愈豪機深計轉密稍

縱復窮追奮志在一擊肉臊時垂涎身強遭勁敵爰爰

任短羅趯趯遇犬獲嗚呼世事然機械日煎迫不緇豈

無方守玄乃要術危機觸卽僵觀此胸填邑淺渚鶴鳴

據梧詩集

卷二 吹萬集下

古

魚險谷猿偷粟造化各有涯在物奚得失投兔每依人  
鼠思或成泣拖腸驛騷種毛穎中山國旣遭蒙恬畋又  
磔張湯律網羅窄蟲豸搜括到山澤寄謝世間人毋爲  
任怨德

讀史雜述九首

閭門春帖擅鵝羣玉管霜毫寫右軍攜出天街風日護

五花齊擁墨池雲

別殿乾清是石渠橫經乙夜譯蟲魚承明自有鄒枚輩

檢點三朝六庫書

瀛池雨過敞雲屏柳拂千官劍珮停賜出羊腔桐乳酒

綵舟齊泛五龍亭

赤帝行威逞化權  
虛壇夜降紫霄煙  
階前莫奏唐虞頌  
宵旰常思雲漢篇

仁虞避暑寶宮開  
黃幄觚稜四角裁  
水落蝦蟇春雪冷  
月明初上晾鷹臺

名駝寶馬控伊州  
赤廟花襪職貢修  
西域主臣齊款塞  
帑金賜出閣門頭

西洋火器擅神京  
石破天旋百萬營  
朱雀桁前親閱武  
銜枚夜出羽林兵

撲馬香街潑若雲  
貂蟬一簇侍中分  
行宮別詔傳除道  
據梧詩集

卷一 次萬集下

十

親出飛龍廐裏軍

桑乾流雪響輕雷  
魚服揮鞭校騎來  
羽獵長楊誰獻賦  
直廬新有子雲才

旅舍雜紀八首

玉河春水抱環流  
亂點楊花打雪毬  
繡轂香塵愁漠漠  
永安門外踏青遊

青油小幕錦紋鞍  
合縫花韉髮兩盤  
燕九咬春西便路  
來朝浴佛過梅檀

絲帷鈿轂走輕雲  
窄袖宮衣窄地褰  
寒食燕泥晴上冢  
日斜聞哭故將軍

詐馬筵開掬酒香  
黃羊熊白也親嘗  
箏琶莫唱伊州調  
此曲傳聞最斷腸

僧齋行樂日遲遲  
柏子閒燒篆影移  
濁酒壓煤寒夜雨  
挑燈新譜竹枝詞

短衣席帽僦騎驢  
歸臥虛堂悵索居  
剝啄忽傳雙鯉到  
封題珍重故人書

亮功南星頻札相寄

庫紙澄心字格工  
重封細絨寄筒中  
安才丁風流甚  
自譜歌詞唱懊儂

亮功抄寄近作

輕明珠箔玉階墀  
急拍迴腔細若絲  
曾憶藥欄東畔見  
江南五度落花時

據梧詩集

卷一 次萬集下

十

邗江龍舟詞六首

送別江樓半醉醒  
江風吹雪宿郵亭  
重來無復西窗夢  
一片江南望裏青

珠簾畫舫碧波紋  
杏子花衫薄似雲  
艾髻巧成蘭葉髻  
榴風颺起藕絲裊

御柳迎風細似絲  
錦帆銜尾暮波時  
傷心斜日雷塘路  
猶把當年水調吹

煬帝行宮舊日樓  
樓前河水接堤流  
東風碧盡垂垂柳  
遮莫南巡錦纜舟

日落征帆沒遠坡  
暖風如醉撲香莎  
玉簫齊唱江南曲

碎雨零煙葬阿麼

心情老去不堪持  
長日歸帆譜竹枝  
紅板橋頭明月夜  
一杯還酹杜分司

維揚午日

五載今朝慣客遊  
長河漠漠動鄉愁  
竹溪歌吹無風度  
湖上煙光隔岸收  
黃黍晨炊停谷口  
青帘斜颺寫高郵  
前生杜牧今何處  
獨倚江南舊酒樓

渡江

曉景半明滅  
春流澹欲傾  
櫓浮連夜雨  
帆落半江晴  
風急疎鐘杳  
波平放棹輕  
柁樓長嘯去  
漠漠水煙橫

據梧詩集

卷二 吹萬集下

太

下岸村看梅憶昔年  
玄墓舊遊

東風吹柳著衣溫  
水際人家半掩門  
煙合平原迷斷浦  
霧移花氣失重村  
春雛撲雨爭寒樹  
新犢衝泥過敗垣  
猶憶虎山橋畔路  
滿城飛雪返香魂

蠟梅用初學集韻二首

飄飄羅帔衆香身  
穆穆金波夜洗塵  
一璫新鵝初闌色  
六宮塗額最宜春  
啖花小羽來童子  
冠玉修容寫太真  
寂寂江梅猶未綻  
風光先讓菊衣人  
巡檐風暖小黃香  
萼綠花來怪蚤芳  
竟體幽蘭通密液  
一丸金蓓闥瓊章  
麝飄栗玉都含磬  
珀綴銅彝細刻房

我欲蜂臺尋戒蠟  
萬花深處是吾鄉

據梧詩集

卷二 吹萬集下

九

柏軒草序

昔歐陽公喜與人談政事不及文章謂文章止能潤身  
政事乃能潤物其說不然宓子賤鳴琴而單父治言遊  
在文學之科而武城更化絃歌稱焉文章政事烏在其  
判若楹莛也詩雖文章之一事然古者輶軒所至必採  
風以知民俗之貞淫政事之得失省方觀牧陳詩與納  
賈俱以觀民所好惡焉後世風雅衰息吏始以簿書期  
會為能間有解韻語者不以為廢事鰥官孰令聽之矣  
青村令君毘陵世胄也其曾祖暨外祖父俱為衙門前  
輩風流詞采猶在龍山海曲間青村乃獨起而為令蓋  
據梧詩集  
柏軒草序  
具館閣之才而小試之以潤物者也于越予枌榆舊邑  
頻罹兵燹土曠人稀青村下車以來煦濡撫字民氣日  
以蘇廉聲震焯自臺司以及鄉大夫無不交口以為賢  
青村之悉心政事如此宜於潤身具不暇及之矣乃自  
退食餘閒登覽山川咏懷往蹟落筆成吟不覺宦橐之  
虛而奚囊之常滿也予以省視先世墟墓屢過清暑愛  
其雙柏亭亭謂可為令君憲府之徵而亦即他日無忘  
甘棠之佳話唱和成編令君並以柏軒草屬予序予舟  
中伏讀其古體攔入漢魏近亦齊軌三唐清新輝艷則  
初日芙蓉也典雅弘麗則明堂清廟也令君聲譽騰蹕

行當海登

禁近賡和柏梁之章而吟曉風殘月之句與曾祖外祖  
父後先濟美豈止以茲帙當於薦已乎然則潤身潤物  
判若楹莛歐陽公果未為定論矣康熙三十年秋七月  
楚黃張希良序

據梧詩集

柏軒草序

據梧詩集卷三

武進管 倫青村

柏軒草上

己巳五日小集東山雲風堂故址

積雨洗街泥浮雲澹天碧薰風一夜來南湖菱帶滑我  
生苦勞形夜臥夢壓魄對此良辰歡每苦簿領迫有暇  
輒登樓潭水深百尺故人輕帆過開齋得佳客蚤衙放  
吏散彈琴就花席快睹青芙蓉一一捲螺額因偕竹林  
賢同著阮公屐初行喜路幽漸入忽山蒼夏木千章清  
溪雲萬重白遠眺極平疇繡錯連阡陌人家半臨水亦  
據梧詩集 卷三 柏軒草上

舟泊羅山偶成

遙天柳岸拂晴煙獨泊江郊思渺然倚櫂吟詩曾昔日  
古庵喬木不知年遠村落日呼牛笛細草春溪放鴨船  
忽漫隔林秧鼓動一犁新雨潤西田

九日馬上口占寄憶故鄉諸君子

排空朔鴈過江濱策馬高原望夕曛落帽偶然成韻事

題糕空負號能軍夢灘日落飛紅雪蕎墮煙多起白雲  
忽憶東臯奠酒熟有人樓畔惜離羣

章門送友二首

寒潮漠漠雨疎疎被酒江樓晚景初別館敲詩離緒遠  
秋帆落處是匡廬

霜落寒江次第痕天空黃葉滿江村西風歸鴈征人遠  
夜送輕帆過白門

庚午正月十二日餘干南沙村看梅歌

南郊尋春春未來雨聲苦滴階生苔東風一夜忽吹斷  
娶婦河伯鮫宮開羅浮仙人攜玉笛吹徹空山千樹白

據梧詩集

卷三 柏軒草上

藐姑綽約御風來精神珠玉肌冰雪雲城大令坐空軒  
簿書雜還窮晨昏忽聞花開意抖搜騎馬遠過南沙村  
村中老叟喜相逐此意朴厚何慙慙聞言比廬一姓住  
年時種花以爲圃此花大者過百年歷數三百十三樹  
清氣旣已先雪霜香風直欲吞朝暮珠樓瓊宇僊人遊  
翠幡錯落玉雕鏤短幹古奇不盈尺高枝天矯飛蒼蚪  
牆西數株最清絕盤根結地色如鐵東皇尊之冠花首  
亦猶古人尚高節我飲梅花酒一作梅花歌朝露綠醅  
朱顏酡天風微來鳴玉珂下乘碧海浮金波花光月色  
相蕩摩山之南山之北擬種千株繞茅屋別買扁舟載



酒行與君醉臥雲溪曲

初春書事六首

新漲沒平溪春鳩屋角啼輕寒隨雨到細草染煙迷葉  
暗花光豔樓高雲意低蚤春幽事好閒坐小窗西  
官事兼詩事深慙祿米賒臨碑供判牘散吏去穿花山  
色遙迎馬松聲雜放衙居然成吏隱閒向筆端誇  
覓酒頻分俸看花欲典衣嫩醅冬底熟殘萼雨中肥晚  
岫依江出疎簾看鳥歸忽驚春事蚤新柳妬羅幃  
漠漠寒風迴春來亦漸和好花幽處密山雨晚來多曳  
杖看雲變憑闌數鴈過偶成懷遠句東望託微波

據梧詩集

卷三 柏軒草上

三

近築茅堂好還依古柏青霜皮不礙蒼黛色欲舍廳獨  
樹號風切新篁帶雨聽應參莊老趣庫紙榻黃庭  
料峭寒初入蒼茫雨欲來水通南澗遠雲到北山回街  
鼓催新節錫簫颺落梅槽牀近無恙索醉試春醅

元夜看燈歌

燈市自昔推吾吳千奇百幻天下無火雲西沈明月皎  
瀉出萬斛驪龍珠我官於南苦岑寂松枋夜讀招隱書  
三餘之民頗好事排列燈火相歡娛奔雷昨日震林谷  
散走獅象驚貔貙千年老龍淵底出奮鼓鱗鬣揮蒼鬚  
百尋古柏雙蟠踞譬猶萬火燒天衢霜寒萬馬洮河北

陰山積雪追飛狐撥箏琵琶作古調此意最得秦風餘  
瓊花瑤草自窈窕珍禽奇獸多紛如六街幺鼓時亦作  
間雜短笛吹笙竽欣然對之命卮酒亦擊瓦缶歌鳴鳴  
吾生隨事可快意況隨土俗祈年租東山月黑風未起  
繞樹列炬驚飛鳥一鐙熒熒坐深夜快展寒江漁火圖

春遊

山色碧如螺黛水光滑似鵝脂細雨江亭問渡落花村  
店敲詩

正月二十日夜宿章江趙家園舟次夢至一境甚  
佳麗將別索予詩夢中曾作截句云夜半醉歸

據梧詩集

卷三 柏軒草上

四

星斗散笑騎白鶴過瀛洲醒來續成之

碧桃花落水流交流獨立雙成控玉鈎夜半醉歸星斗散  
笑騎白鶴過瀛洲

邯鄲才人嫁爲廝養卒婦二首

調箏復攏瑟獨博君王恩朝雲回舞袖侍酒畱春溫一  
朝出深宮破屋栖頽垣昭陽夢已罷芳華歇無存匣中  
皎明月寒照蛾眉痕

蛾眉如春山帶雨晚初溼篋中檢羅襦唾花凝紺碧憶  
昔長門宮夢遠何由入飛螢暗流光寒蛩聲轉急薄倖  
固如斯展轉不成泣

觀劇

豫章二月東風起吹破江樓碧花蕊胸中百萬感噓事  
來聽歌聲相爾汝金堂步障春雲開珠燈百隊花千堆  
一羣腰鼓樽前落紅幺翠羽屏中來譜傳南內消魂曲  
金元院本斜行錄緩袖舞殘宮扇影嬌歌訴入蛾眉蹙  
姑蘇臺畔吳宮春中有佳麗能傾城陶朱公何獨解事  
至今史冊推高人東流萬事去如海白雲蒼狗倏然改  
我今亦是當場人莫笑筵前此傀儡

章門返權得一展卷覺清氣拂拂至也

據梧詩集

卷三 相軒草上

五

眼明欣看出雲山推篷擁日成書屋掛席衝煙過柳灣  
莫訝沙鷗獨相避笑予俗氣未除阿

社日

簫鼓神祠細雨中鳴鳩屋角語東風年來世事真堪歎  
不用醫治兩耳聾

五日泛舟琵琶湖同邵青門先生作六首

簿領初閒蚤放衙樓頭臥看雨絲斜津亭小吏當關報  
昨夜連江水漲沙  
遠山迢遞接孤城梅子黃時雨未晴傳說今年水嬉盛  
卻將秧鼓作鼉鳴

湖堤眠柳拂船低過雨螺峰綰髻齊載酒臥看山色好  
榜舟移向白雲西

一縷殘虹挾雨回平堤十里響輕雷來黃秧碧西溪路  
荷鋤爭看長令來

春漲新添接岸平隔江好聽踏歌聲歸橈柔櫓中流急  
白鷺驚飛釣艇橫

潭水桃花百尺深與君同泛有清吟隔年此日懷人句  
悵望停雲寄遠心

馬坡塘觀荷六首

據梧詩集

卷三 柏軒草上

六

隔水時聞打稻聲

菰白芡青水滿川鳬雛鴨母傍沙眠溪南綠柳垂垂處  
一派濃陰噪晚蟬

水宮樓閣若浮空越女羅裙一色紅出繭修眉風下立  
半池花影夕陽中

蕩槳迎風艇似飛醉餘香氣襲人衣釣船欲動鷺鷥去  
水面明霞送落暉

野風翕翕起微波明月新涼何處多向晚白蘋洲畔過  
歸橈齊唱采菱歌

清齋畫壁影參差獨坐憑欄有所思愁對生綃看花色

別花人去已多時悼惲南田也

感懷

吳音且少歇楚聲且勿聽悠然有遐想我思在毘陵城  
東一區宅環水泚且明蘿牽朝雲隨楓香暮雨傾秋來  
足佳趣葭蘆沿水生小山多桂叢天風發香清傑閣傳  
春曉虛堂名秋聲其下石崖古被雨含新晴我一顧而  
樂洗盞邀良朋巨螯網師送玉鱸吳娘烹故人以酒餉  
色滑碧如瑩陶然命之酌醉歸臥巖扃有時適南畝郊  
原觀耦耕樵人與牧叟往往呼弟兄三年宦茲土踟躕  
無怡情此邦俗陋儻氣每多囂囂人除食粟外諸事了

據梧詩集

卷三 柏軒草上

七

不更自別猿鶴儔夜臥夢魄驚感此意慨慷儵然欲邁  
征藩籬不可破歌罷百感生

八月十八日夜坐

露落章門夜影空省齋獨宿捲秋風晴山入望荒煙裏  
殘月依人薄靄中牆角流螢飛作陣草間鳴咽語爭雄  
須知此夜思鄉夢定聽潮音過剡東

試院中望雨

南浦微雲隔岸生溶溶頃刻徹天行關山迢遞愁難著  
煙樹蒼茫畫不成細雨草荒徐孺宅寒江水漲灌嬰城  
從來最起懷人思不待秋聲枕上聽

鎖闌和韻上大中丞宋公

乙夜橫經賦石渠牙籤萬軸譯蟲魚詞壇共快風為掃  
官況應知藥可茹國是信疑歸柱史經編得失辨尚書  
由來梁苑多名彥臯助當年自不如

初霽晚眺

雨過雲歸岫樓高樹列屏江流郭外急帆落驛前停湖  
漲全身白山開一髮青秋聲迷極浦蕭瑟望中聽

江右鎖闌卽事和大中丞宋公韻四首

畫戟森沈開藝苑凝香鈴閣氣全殊雲青遠嶂秋光淨  
天碧澄湖月影孤雅有文章驚倚馬共看燈火散樓烏

據梧詩集

卷三 柏軒草上

八

集賢院古傳流盛夜半天香入座無

冰壺坐對日從容散職承勞盡恪恭袍借秋香人立鵠  
光分藜火枝屠龍傳家詞賦推梁苑命世才華仰岱宗  
丙夜繙書成傑句微風入幕響疎鐘

弘開文苑近蘇湖鎖院風高景絕殊雲氣直連江嶼合  
秋光遠入楚山孤高騫士有雲中鵠畫角聲和城上烏  
向晚南樓獨清嘯波光遙接月光無

雲含列嶂斂秋容翼翼才名庾穉恭漢代經儒推鄭伏  
南州詞賦起蛟龍端揆論道傳流派清範持身識景宗  
賓從追陪高興在欣調瓦缶合黃鐘

九月十三日饒州寓齋夜坐

切切哀蛩共寓齋，麗譙風順肅平街。  
捲簾始覺露華冷，滅燭方知月色佳。  
城曲風飄依樹落，潮通魚箔帶沙排。  
眼前一事堪詩料，楓火當秋尚滿階。

九日過北蘭寺次漫堂先生韻示澹公六首

山川今古日相仍，蕭瑟江關秋氣增。  
客裏關情重九節，城南獨去訪禪僧。

秋堂桂冷露華滋，茱萸香面曲池。  
一縷茶煙人定後，芭蕉綠暗雨來時。

亭空列岫好攀躋，簇簇芙蓉檻外齊。  
揮手青山踏舟去，據梧詩集

卷三 柏軒草上

九

半帆黃葉亂雲西

曾憶匡廬放歌日，重游殊覺興偏賒。  
今朝官事催人去，五兩風輕候柁牙。

茗盃攜兼碧篠籠，參寥泉味古人同。  
明朝縣舍傳新句，細寫澄心寄遠公。

半江秋月印禪心，衣露深沾風入林。  
苦被悲蛩寒夜語，敲燈重把舊詩吟。

重過北蘭寺次漫堂先生韻四首

詞客重遊地，扁舟過北蘭。  
橋迴迷石磴，沙白激波湍。  
廢宅徐高士，荒樓王子安。  
江山多代謝，杯酒醉煙巒。

空林傳浴鼓，饑雀下生堂。  
竹塢浴溪密，瓜畦上架長魚。

來池面皺樹，密嶺頭蒼徙。  
倚空亭望西風白，恰涼

爲說高僧傳，無慙支遁林。  
池空朝洗鉢，壁素夜懸琴。  
定後身無法，源歸佛見心。  
清談茗盃共，野景暮沉沉。

水落蓼洲岸，山圍列岫亭。  
停帆風漾碧，洗嶂雨含青。  
故壘傳殘柝，漁燈散暮星。  
江濤同落葉，依約望中聽。

席上對菊限韻

秋雲亂剪夜光重，捲幕燒鐙對晚風。  
釀入深杯成淺碧，枝懸香蕊綻微紅。  
才華八斗稱曹植，步障千層問石崇。  
負爾幽期來此地，故園荒徑在籬東。

據梧詩集

卷三 柏軒草上

十

章門曉發

西風一夜過荒林，清曉章江下艣聲。  
水落寒煙迷遠市，酒醒殘夢隔歸程。  
山川亂後從灰劫，鴻鴈霜前動遠征。  
長嘯推篷成獨坐，雲帆高掛豫章城。

曉行

霜落秋高木葉無，馬蹄迸踏草聲枯。  
潭清千百魚行密，天遠二三鴈影孤。  
獨夜風豪撼古樹，未明月落平湖。  
松岡鬱鬱盤鷹隼，高翮摩空下澤呼。

憶別

憶別家園簿領隨，東臯五度落花時。  
珠藤著地香飄雪

高柳當風影漾池春草倚欄成昨夢秋荷經雨動離思  
如今習靜雲城裏望遠樓空獨賦詩

夾山泉曉發

空山無行人夾路見修竹溪寒石磴微炊煙出茅屋晨  
霜滑馬蹄巢鳥飛復宿扣舷語篙師初日照林麓

送友

朔風吹雨細成絲茅溼煙籠白版扉放鴨欄空池積葉  
釣魚磯冷芰爲衣梅巖茶竈應如舊飛鳥斜陽事已非  
獨把一杯當此夕驪駒初唱送將歸

曉望

據梧詩集

卷三 柏軒草上

十一

雨氣橫山夜未除雲留樹影蚤霜初登樓竚目看新鴈  
懷友從頭檢舊書愛讀莊騷因命酒試裁蕉竹已成居  
機心不向宦途用抱甕畦東看荷鋤

安仁陳秀才以其祖士業公箋釋詩傳貽示賦贈

灰切西江遺版失靈光猶在有傳經關雎之亂房中樂  
華黍無詩堂下笙漢代醇儒韓太傅扶風高弟鄭康成  
鳳毛遠過相貽示快讀如聽萬壑傾

冬夜坐對山閣與南星中表夜話

遙聽街鼓轉嚴城剪燭山樓話自增往事新愁誰可說  
長年佳會歎何曾江天看月清於水霜夜裁詩硯有冰

愛看碧峰花蕊色年年風雨長蒼藤

雪夜讀宛陵梅聖俞先生詩集

宛陵先生當時大括匠筆力直可扛千鈞生平遭遇多  
不偶都官累歲安清貧晚年詩體益涵演二百紀後無  
其人同時喜有歐永叔文得正派全天真當年羣以比  
韓孟詩力勁古兼深醇昌黎氣壯筆佶屈東野已稱北  
面臣先生後起非耳食力振昆體歸先民今觀澄心堂  
紙作自命已與爲等倫世降文體大偃弱正派失傳多  
沈湮黃口童子吹寸管鳴球戛擊虞廷賓終年未讀先  
生集猶列壇幟鬪齒唇輪也素心竊嚮往學填韻語真

據梧詩集

卷三 柏軒草上

十二

效顰都官全集一再讀寒窗丹墨忘手皴有宋詩學邁  
往代非僅初盛中晚爲奇珍蒼蠅吟聲駱駝坐蝴蝶飄  
屋雞司晨

和東坡山谷先生種菜

北菜肥甘如切玉江南食笋連山竹干越地苦兩俱無  
惟食鹽梅雜齋粥官衙隙地作畦圃種蔬之外兼杭陸  
菰名折項莧子赤黃芽種異間蒼菰霜刀削菹訝同色  
芼以薑橙翻手熟煮豆泣釜燃枯萁菌子驚雷色如瑤  
長腰粒白軟火炊絕勝飽啖花猪肉長鬚蒼奴遠籬行  
慣執鵝嘴手皴瘃吾徒一飯已快意百錢屬饜猶爲辱

晴窗曝背一欣然行廚香飽盂中粟

帳鈞

銀押雙鈞爛若空瓊珠環珮立墻東  
綠條垂葉方抽玉  
筍節行鞭已脫叢羅帳飛螢明似月  
流蘇挽鳳曲如弓  
有時還作幽窗話細語春宵怨晚風

冬夜對南田畫感懷

北風晚怒號明月何皎皎積雪如凝脂  
寒光翻宿鳥嚴城漏三下萬籟寂然  
杳燒鐙對畫壁愁腸九迴遶木葉  
盡黃落長江遠茫淼故人歸雲溪  
漫漫昏曉百年幻影拋松楸漸以  
老自從摩詰亡當世少文藻壁間  
留煙

據梧詩集

卷三 柏軒草上

十三

雲川嵐氣繚繞迴思東臯夜陳迹已如掃  
孤兒甫六齡  
齟齬傷幼小長當繼君志犀角自矯矯  
杯酒酌泉下思結傷懷抱千年丁令威  
化鶴集華表

和漫堂先生咏物韻

簷冰

江城雲壓雪無聲瓦鏤魚鱗玉管生  
風動珮環都不語  
雨含蘆出漸將萌流鳥入幕消無跡  
凍雀蹲簷墮欲驚  
聞道擁書揮句好閣頭鈴共曉霜清

鱸魚

沙岸秋風罷釣回年年清夢繞湖隈  
櫂頭船小波飄葉

巨口魚肥柳貫顙羹滑蓴絲同珍重  
縣披黃雀共低徊  
章江不似松江好望斷煙嵐亦慨哉

破硯

誰剗徑壁體難全悵望銅臺漳水邊  
洗墨魚吞疑月缺  
揮毫蛟舞快珠圓芭蕉葉白全舒未  
鸚鵡臚青恰自然  
失志才名多類此摩娑應受解人憐  
蕉葉白硯中佳者  
放翁詩硯涵鸚鵡

太真調笙圖

花陰籍亂坐調笙宮柳鶯和最有情  
譜入劔南西狩恨  
雨淋鈴曲斷腸聲

據梧詩集

卷三 柏軒草上

十四

竹屏

屏素又兼華琅玕翠疊遮渭濱千畝  
植淇水一痕加湘  
女曉凝淚甄妃暮帶霞玲瓏圍九曲  
步障不須誇

孔雀

在昔名家禽於詩比秦客常誇品類奇  
紀實載誌冊  
颺風來炎州指車款南譯貴因從雕籠  
遠多乘市舶舞竝  
豈箴圖名列珍鳥籍月扇隋宮圓飛  
旂漢殿借綠蕤長  
垂冠碧光炯閃覲引頸首漫翹竦翅  
肩難拍旣以艷羽  
毛亦復見骨格團如垂車輪翠似點  
妝額行或如鵠停  
聲應笑鼠嚇喜卽作舞旋怒因畏逼  
責啄食惟稻梁搜

尋到牙齧綯采疑霞蒸毯毵快霧圻空欲振風翎閒思  
奮健翮嶺南佳麗地洲島非逼迫榕樹鳴鷓鴣古埃呼  
格磔杜鵑聲多哀翡翠色偏赫山雞吐紅霞海鷗嗔避  
席石燕雙飛輕文雀五色奕雲白堪辟蛇鵲鷄常引戟  
秦吉異產佳鸚鵡隴頭隔朝入庾嶺空暮歸瘴海夕似  
此金翠禽豈非鳥中伯翻棲宜高枝照水矜麗澤啄食  
香粒餘防牛飲泉擇臨軒喜張舞緣徑苦隘窄衣維雜  
赭黃色或間蒼赤屏曉常開雲林暮深藏碧倚風時作  
聲當階勢如擲羽織黼黻章圖畫王孫宅聞與花蕊榮  
常於元圃適故巢渺雲海寄身笑肥瘠獻尾滇池來拾

據梧詩集

卷三 柏軒草上

五

翠瘴煙獲雷行感生氣青霄喜託迹遠作紅樓望應受  
丹梯役拈筆對屏風摘句愧牆撫

辛未元夜訪北蘭澹公用宛陵和景彝閨臘省宿

韻

雲淨空巒轉玉繩禪扉夜叩墮簷冰春江漁火看無數  
明月青山到幾層遠岸兒童喧小市隔街荒廟鬬綢燈  
章江客舍逢元夕踏凍城南訪老僧

元夕放舟二首

新城小市結燈棚我獨攜琴放櫂輕官鼓迴颿如撒豆  
誰家促柱獨調箏三更細雨未成夢半月春陰今乍晴

斗大邑城山署冷五年不作踏燈行  
八尺蒲帆月夜開長空征鴈獨飛迴廿年此地曾看月  
依舊青山入酒杯

十六夜大雨舟行康郎道中

雪消春漲水波生擁被篷窗聽雨聲夜半敲詩多不定  
艣枝催夢過江城

舟中值雨

竹篷戰雨無時歇檣櫓塵風徹夜聲白浪掀天驚月窟  
黃鸝攫食繞空城滄江一葉舞澎湃船屋千卷披縱橫  
杜翁陸叟有遺憾後世空祇傳詩名

據梧詩集

卷三 柏軒草上

六

月夜修琴閣看梅

春光如錦氣何溫霧白煙青竟不分昨夜東風斷簷雨  
今朝山閣看晴雲花因月上常難辨香爲枝高未易聞  
寄語南沙千樹好驂騑重繫日初曛

據梧詩集卷四

武進管 榆青村

柏軒草下

二月十日南沙看梅短歌三章

朝乘花信風步入梅花谷沿溪苔上牆夾路松間竹墟  
煙四五家午炊出茅屋林端水如練帆檣上下逐千峯  
瘦嶙峋百株氣芬馥嗒然自怡情物外領幽獨  
近村四五樹拂水多撩人隨花到南谷香霧朝朝新香  
吐含雲霞溟濛隔昏晨煙火不敢食恐瀆此幽真何人  
堪比之其惟洛水神

據梧詩集

卷四 柏軒草下

看花不倦賞薄暮徒徙倚酒雖飲醇醪清矯莫能擬  
暮風南來笛聲猶嫋嫋聲從何方多聲自何方止半落  
江村花半入江頭水

二月奉 使致祀康山忠臣廟入湖三十里波恬

風靜甫至岸狂風大作檣櫓不寧詩以紀事

鄱湖縣衍三百里涵虛萬象勢無似水天一色欲辨難  
但有元氣相推抵往日乘帆據舵行排空黑浪沒江豕  
篙師相誠勿戲言匡廬秀色莫敢指今年二月戊午日  
日當上戊越上已維彼康山大忠烈歲命有司肅將祀  
綸也備員屬下風敢勿恪虔充是使黎明戒僕急就道

輕帆掉向煙波裏雪消新漲春水船如登天上駕飛駛

鳥翳拍拍水光淨羣峰修螺披綠綺鞭紋浪小碧激濺

卵色天空雲披靡須臾畫角停春帆回顧碧海光瀾瀾

繼而風猛撼古樹疑有靈物相訶詆乃知頃刻變化間

益信神力方如此憶昔明祖平陳時時維建國方八紀

鯨鯢負勢最崛強妖芒黑青彭湖恃長江木枿蔽空來

樓船十萬江頭艤舳艫銜尾開黃屋旗鼙躡蓋飛赤鯉

怒濤翻日日光薄艫艫觸山山勢起蛟人河伯爭效命

齊執纛鞭隨鞭弭中有勇將獨英傑晨曦殺賊至日晷

或如紀信不顧身或如萬春中六矢或奮呼敵突重圍

據梧詩集

卷四 柏軒草下

二

或執短刃剗野兕或因牛車用火攻或如龍戰相角觝  
斯時日月爲之昏雄劍羣鳴血花紫遂使前途已倒戈  
三百箕裘定於是汀洲寂寂悲青燐霜月媚媚照殘鏹  
督師夜半拾古鏃估客艤舟看廢壘嗚呼丈夫生死貴  
合義馬革裹尸真足喜假使平陳無此人百萬從龍盡  
堪恥我今拜公淚嗚咽千年白骨空江委我今拜公肅  
敬恭百世遺芳垂柱史公靈當在康湖間鼉鼉夜去蛟  
龍徙公靈直與天地存山河不改華嶽峙靈旗翩翩雲  
滿湖陰風颯颯陳酒醴烏羊白豕歲嘗薦何處招魂一  
剪紙



風箏

江南二月柳花飛天外  
箏瑟調最奇有志凌雲惟故紙  
無聲落地少牽絲  
驚來社燕銜泥去錯認遊蜂繞樹窺  
點綴星辰伴明月一燈常在半空移

地鐸

編竹無煩吹作聲  
兒童博戲闌新正慣能旋轉隨人意  
纔假吹噓便欲鳴  
風轉庭除看狡捷眼看輪動最分明  
紅絲牽惹常無定何事當場怨不平

鞦韆

輕簾折燕候東西  
妙技傳來高下齊誰向錦籠尋芥羽

據梧詩集

卷四 柏軒草下

多從繡篋檢朱提  
便踰猿捷常依井勢比鸞翔似踏梯  
輕旋最誇身手健  
短衣縛袴一相攜

荷燈

越女新妝巧剪裁  
花光背月徹明開簾垂不使微風動  
玉豔常疑映日來  
來處錦塘應不夜摘時紅淚欲成堆  
誰家巧作春燈樣  
畱與詩人照酒杯

睡香

紙閣湘簾碧水空  
一株穠豔卻當中花明玉結飛瓊雪  
枝挽霜毬破小紅  
袖裏有香常引夢釵頭無力好依風  
曉來露重啼痕溼  
二月江城正雨濛

落花詩二十首效石田六如先生作

踏徧街頭又陌頭  
一番憐惜一番愁參差蜂蝶隨風舞  
容易繁華逐水流  
隋苑綺羅空委棄秦宮脂粉忽沈浮  
多情杜牧吟詩處  
倚徧揚州舊酒樓

乍暖天光幾日晴  
施朱傅粉總關情鶯簧雨嫩穿梭急  
蝶粉香濃化夢驚  
何處啼痕堪寄與是中恩怨未分明  
詩人悵望渾無奈  
只辦芒鞋取次行

玉樓春暮萬花中  
樹底嫣殘樹杪空薄倖忽逢三日雨  
無情又是一番風  
金鈴自作憐香語繡幕深加惜玉功  
羈客髮應千大白  
花前不敢對青銅

據梧詩集

卷四 柏軒草下

四

脩袖輕袿羅襪塵  
凌波微步渡川津誰將刺繡傳圖本  
急倩丹青爲寫真  
緩緩歸將初曲度堂堂去又一年春  
神移情駭誰堪說  
小草斜行賦感甄

斜陽默默悵春期  
晚簾垂委地枝紅粉倉忙樓上墜  
蛾眉宛轉驛前悲  
月華陳苑迷張孔花草吳宮怨種蠶  
悟徹維摩空色界  
吹簫禪榻鬢成絲

惆悵迴廊亞字牆  
千株空鎖一園香巧隨乳雀銜枝出  
幽窗遊絲颺日長  
院落微風訴憂怨空階夜雨說淒涼  
傷春怕讀江淹賦  
惜玉憐花死未忘

轉語

唐子畏詩惜花心  
性死方休爲下一

強扶殘枕夢回溫啼雨愁雲又一番千樹紅霞春爛熳  
五更香霧曉氤氳敲燈院落還拈笛背繡房櫳獨掩門  
多少好花當此夕東風吹落怨黃昏

寶馬香塵油壁車惜春色過誰家三更殘墨畱新句  
一夜東風嫁好花空使開時催羯鼓徒令賞日雜箏琶  
吳趨自號多情子不惜三條樺燭斜

斜橋垂柳轉鶯梭三月之三晉永和蝶戀餘香蜂背膩  
魚吞殘影鴨頭波倚風漢后膚凝粟捧額唐宮省暈螺  
莫訝倏開旋又落好花開向雨中多

惱被東風吹欲殘雙飛蝴蝶忽成團疑他化億香魂返  
據梧詩集  
卷四 柏軒草下  
五

猶作當初玉面看拾向紫羅應是血搗來靈藥好成丸  
江南無限新愁曲嗚咽傷春總一般

百五光陰一日空分飛飄蕩各西東美人妝竟初衣白  
才子詩成和比紅柳絮吹殘江岸雨飴簫颺起酒旗風  
無情無緒傷春候自譜新詞唱懊儂

誰言薄命是傾城猛雨兼風昨夜驚燕子銜來如有恨  
蛛絲牽住煞多情苔陰一尺當階掃樺燭三更繞樹行  
時節正逢寒食近深街處處賣花聲

曉看羃歷畫廉纖樹底人過側帽檐爲雨消殘紅淚溼  
被風吹落綠波黏香煎翠膩初勻面睡印醒霞怕捲簾

詩瘦酒狂春臥病一牕紅雪亂書籤

春去春來信有因看花常欲過東鄰酒逢積雨成佳客  
月上新枝是故人衣漬淚痕勞記憶夢回香影辨疑真  
杜鵑夜夜空啼血不管愁多鬢似銀

年光九十易駸驂時入春來百不堪十里淒波風蕩漾  
雙棲歸燕語呢喃花鬢委地蜂鬚護汗粉沾泥蝶粉含  
高臥山城朝寂寂徐鋪小簾夢江南

小榼芳樽郭外遊花前珍重繫驂驢可憐紅雨飄千點  
俱作黃丘土一杯筵拍初聲辭漢苦琵琶千載起邊愁  
儘供憑弔煩詩句卽不傷春也白頭

據梧詩集

卷四 柏軒草下

六

一日春光抵萬金賞花應在半陰晴桃腮杏靨嫣然笑  
冶葉倡條亦有情多少燕泥花作塚萬千蜂室蜜爲城  
東風開落何恩怨鶯語叮嚀說不明

牆外春池綠滿堤牆頭花落倏東西人因春去迎眸送  
鳥爲枝空盡意啼頓失紅樓漫錦障祇畱綠樹叫黃鸝  
東皇肯結長生蒂不惜黃金和作泥

誰言春晝永如年愛惜春光夜未眠坐對嗔兒休上樹  
臨牕戒婢莫輕攀無須時日傷零落沒得心情奏管絃  
只恐雲濃明又雨強扶殘醉駕遊韉

春色江南到闌間銀箏玉笛唱吳趨香雲合處迷橫浦

夜雨山前長綠蕪樹自昔年曾憶種杖畱來歲約同扶  
寄聲莫使春閒去寧典鸛裘過酒壚

雙柏行

餘千衙齋雨古柏竝駕層霄列雙戟高者擎雲營鸛巢  
低者拳曲瘦蛟脊傳言閱歷三百年臃腫形軀鬚蝟磔  
對舞蒼蚪幾十圍爭卓虎牙二千尺霜枝吼雨兼吼風  
鮮色侵皮不侵骨一株獨立千雲霄團團飛蓋雲中遙  
有時秋空洗河漢上拂蒼穹挽斗杓有時風磐雨急橫  
疑有怪物蛟龍捎一株斜倚天空裏翠光逼樹入牕紙  
微風東來相蕩漾瓦鑪煙生焚柏子我官於餘苦荒寂

據梧詩集

卷四 柏軒草下

七

榛莽委地積廢甕何年僵立兩蒼龍婆娑貯雨青銅色  
土人曾傳寅卯年天狼夜動飛狼煙山城藏匿狸鼠跡  
喉烽賊火相接連居民畏兵勝畏賊草木亦苦難生全  
時清我來吏牘判陳列琴書布几案西偏隙圃作高齋  
愛看積翠橫天半爰以雙柏顏其軒童童車蓋張羅幔  
霏霏雲影漏月痕蒼蒼曉霧連朝暾曾經兵火別利器  
得同金石蟠霜根盤踞平原膺地勢孤高直幹排風雲  
洞腹豈甘螻蟻穴香葉終要鸞鳳驚無令大材所處隘  
惟傳故老時下拜

遣興二首

一夜東風細細生雨絲著物潤無聲空庭屐響春晝靜  
時有鶉鳩深樹鳴

臥對屏山畫閣扉春寒乍起欲添衣無聊細雨沾泥溼  
粘住楊花不得飛

題憚南田長幅山水

南田先生老經儒胸中百萬江山圖偶然振筆一揮寫  
氣象已與人間殊清溪百尺水渺渺沙回雲滿征帆孤  
近村小橋接溪路春堤草色靡平蕪忽然巨靈神斧劈  
瀉出萬派跳江珠高嵐夜嘯碧峰墮煙樹雨密聲疎疎  
凝眸熟視獨良久疑有神鬼與之俱因知此中大變化

據梧詩集

卷四 柏軒草下

八

戲幻筆墨於須臾一草一石有真意純是神肖非形模  
當其展紙時意象何徐徐筆所未到氣已到蠻君鬼伯  
如驅奴及其山勢稍窮處畫雖已盡神有餘譬如鮮卑  
策快馬能得抑縱供馳驅須知先生實詩老落筆真可  
繼王盧間作書法乃大妙折釵屋漏言非誣行年五十  
不得志長視富貴如有無能事散出作筆墨聊寫大塊  
爲區區吾吳昔推石田子品格彷彿宗倪迂今觀此畫  
實神駿高堂素壁煙生裾奔濤百丈石崖古如有水勢  
常相呼晴窗臥對意殊快攬身欲入神先徂何時辦卻  
幾輛屐爲登絕頂攀高梧中山忽作鸞鳳響喚起蘇門

長嘯徒

睡起

午夢惺惺睡起遲  
茶煙一縷靜中移  
不知春色今多少  
捲幔花飛滿曲池

桃花四首

東風吹雨細成絲  
落盡江梅別故枝  
正爾巡檐惆悵甚  
小桃忽漫露芳姿

紅牆十丈送斜曛  
檢點春光已二分  
綺閣晝長無箇事  
開簾日日看紅雲

花色光華酒色融  
花光堪與酒光同  
多疑花醉朝沾酒  
據梧詩集

卷四 柏軒草下

九

盡吸花光酒盞中

積雨空階長綠莎  
池塘添得鴨頭波  
東風吹破千枝好  
一夜臙脂委地多

懸燈桃花下作短歌

紫絲步障三十里  
微風初來錦霞起  
雜以銅盤樺燭明  
燈光直逼花光裏  
當窗數樹倚牆東  
雨霽盡舒濃澹紅  
蔥龍晚霧暮光薄  
一瓣欲落流溪中  
我來持杯照花色  
十二紅樓凝月白  
夜深燈施花茫茫  
酒醒明日飛紅雪

棠棣

南沙村中看梅蕊  
香風朝散雪千樹  
月臨軒頭小桃破

明霞萬點紅如火  
朱朱白白滿江城  
官閒便作看花行  
三千佳麗爭刺眼  
眼明不及花光明  
明朝來簷漏跳珠落  
春泥一尺春陰薄  
籬間草色逼侵樹  
樹底柔枝破金萼  
三枝四枝飛空庭  
疑看碧海懸疎星  
千朵萬朵臨窗倚  
如塞黃霧因風起  
飛雀啄破蜂含窠  
新妝鬧掃感子蛾  
枝頭柳色翻春波  
蠟丸乍破風應和  
衣痕翩翩碧勝菊  
樽中乳滑黃如鵝  
明日風滿花如何  
不然笑酌金叵羅

二月廿八日春遊紀所見

湖上人家曉煙裏  
籬門對望隔湖水  
春宵微寒細雨生  
萬樹桃花雜空翠  
沿堤數株低拂船  
陰陰碧柳參天倚  
據梧詩集

卷四 柏軒草下

十

東風爲我洗寒霧  
螺峰一一皆秀美  
何來檣船柔櫓聲  
未識搖櫓者誰子  
半船已沒細桃紅  
一篙初亂春波中  
萍紋浪痕猶未起  
水曲疑與桃源通  
湖堤草色綠如織  
古鏡繡起磨天空  
居人種田過南陌  
村婦曬網倚危石  
閒鷗眠沙靜不驚  
惟見十里春雲碧  
我來愛玩不忍歸  
小桃初落因風吹  
柳絲欲結不可住  
隨風拂拂來我衣  
我來看山復尋寺  
果然不解了公事  
王文成詩中丞不  
解了公事到處看  
山復尋寺  
酒旗茗盞常隨游  
醉歌閒咏當來此  
賞心籬外幾  
株妍朝朝新雨含  
輕煙樓頭風止花  
還落山下鳥啼人  
欲眠

寒食漫興

江城雨歇冥煙收水漲南湖入縣樓詩派源流邀客語  
粵游紀什報僧酬鷗先鷺下池塘晚燕與花飛院落幽  
簾捲東風苦飄蕩山齋春臥正添愁

放鴈三十韻

既瀦記彭蠡隨陽居鳥宜金風浩呼洶噉噉鳴且飛朝  
從山之崖暮宿湖之渚一舉志千里豈惜安栖卑維年  
冬大雪雪花千山披凍口霜草啄溼翅冰渚移呼羣悲  
鳴切鍛羽飛動遲兩鴈起沙際翻飛脫罾機一鴈託迹  
杳拍拍河中抵一鴈獨逼迫已遭網罟垂持來市中賣

據梧詩集

卷四 柏軒草下

士

奔走喧童兒人鳥同相憐百錢酬以貲置向軒窗東飲  
啄務以時蓼花委頽岸藻影漾清池啄食計梁稻啜呷  
牽荇絲肅肅梳羽翮稍稍登階墀雲衢意豈忘中夜鳴  
多悲摩空秋隼旋首矯目還馳笑彼燕處堂譏同雞棲  
峙一朝振風翮颺去天一涯騰騫失故居漸陸振羽儀  
知非籠中物困迫將何爲鴈鴈吾告汝江湖浩瀾瀾高  
介汝情性皎潔汝羽衣雲霄有行侶詎終安沮洳慈恩  
塢未集雲亭字問奇衡陽既有峰永嘉亦有池上林若  
來賓啗啗賡和隨清曉叫閭闔一洗淫哇靡回首主人  
恩怛焉感去依

作放鴈詩後并放雙鳧

雙鳧放向暮雲間帶雨衝風去不還豈學鳧飛王子晉  
吹笙騎鶴過緱山

過雨二首

過雨出西郭夕陽千樹明渚鷗梳翮健沙鳥浴煙輕詩  
罷遣兒讀茶烹邀客評遠帆依日落乘漲到江城  
雨歇翠依竹水浮青貼荷小紅扶欲重新綠溼增多亂  
水歸爭壑吳牛晚渡河登臨重懷古題句託微波

漫興

匝匝花陰入縣樓湖光嶺色倚欄收訟庭吏去獨眠鹿

據梧詩集

卷四 柏軒草下

士

柏徑枝垂偶語鳩料理墨池搜石竈追隨蒼老厭時流  
天教勝地供吟咏日對雙峰作臥遊

絕句

詩向無言靜裏求雨窗蕭颯聽如秋不知新漲添多少  
獨上清江百尺樓

新霽書感

遠嶺碧成黛江花紅欲然鳥呼泥滑滑荷長玉田田好  
景宦游過新詩夢覺傳深慙劉五字斫陣一軍堅

漁家四時六言四首

背郭堤圍茅舍浴溪水漲明沙桃花深色淺色柳線風

斜雨斜人語驚鷗衝浪船空載鶴歸家前村晚燈初上  
又踏磯頭釣車

赤日流金當午蕭蕭水浸葭蘆采菱采蓮歌起白蘋白  
藕風徐浩浩長空嘯遠茫茫大地愁予雅志不須在釣  
牽船補屋爲居

水落清江一尺潮生別浦三更柳岸梢頭曬網蘆花船  
底炊杭蟹食稻肥落斲鳧呼雛出眠晴持魚換酒一醉  
夢覺風聲水聲

木落雲寒山峭灘鳴水狹堤高霜花半積柔櫓冰漸凍  
合短篙雨笠製如桐帽煙蓑暖當春袍前山日落風起  
據梧詩集

卷四 柏軒草下

圭

明朝雪捲鵝毛

萍

楊白滿空下綠陰畱渚汀魚穿青瑣碎雨動翠零星船  
過開仍合風來散復停憐渠花葉底蛙吹靜中聽

新霽小飲得窗字

宿雨催寒燈影幢溪流千尺下春江鶯雛展語時百五  
鳩婦喚羣棲一雙水漲野塘通北澗雲迷殘月上西窗  
持杯對此真快絕愁壘百重如受降

送友二首

三月二旬過初無一日晴只今風日美又聽踏歌聲溼

柳行多翠遠山雲欲生蕭蕭江岸華帆向此中行  
急漲連城角開齋卽踏船帆檣依雉堞鳧鴨亂陂曰惜  
別春三月思鄉鬢五年一樽相勸罷悵望各江天  
繡毬花

十日春陰雨未殘綃衣浴罷玉珊瑚半天綠雪千枝結  
一朵香雲四面看茶入越甌誇共色蝶飛晴霧欲成團  
醉來莫認楊花舞同是霜毬仔細看

次韻答山陰蔣同野卜居羅山

羅山草木盡蒼然天與先生山水緣蔣詡浮家來關徑  
張融補屋又牽船裴韓門第從當日吳楚江山記昔年  
據梧詩集

卷四 柏軒草下

圭

新築茅堂依絕嶂看君把筆賦秋煙

春晚書懷

晚立南樓夜氣涼歸鳥挾子過荒塘風搖細草添新色  
雨剩殘花發故香巢燕還尋舊時壘遊蜂爭趁樹間房  
灌園抱甕漢陰客忘卻機心對夕陽

遊石虹山

夜觀石山志朝遊石山里石山兩相望奇峰何秀詭西  
江山水窟廬嶽等岷嶓巔石風嫋嫋螺子峰峨峨間得  
好事者考古爲搜羅脫或委榛莽勝迹常消磨自我來  
餘汗湖山供嘯歌惟恐偶一失他年恨如何石虹山名

已耳熟石虹山勢何嵯峨中有石室獨與邃倚列古篆  
形蚪蚪千餘年來盡剝落斧痕爪跡纏辟蘿八十三字  
是何語恐爲神鬼所詆訶雷電夜掣蛟龍懾異書豈畱  
同凡科咎訝怪石獨撐距如虎如象如牛駝或云巨靈  
昔斧劈鏤成空洞深盤渦登巔下視碧湖色湖水激灩  
翻銀鵝其傍一山亦秀美東風吹雨飛煙蘿仰眺俯瞰  
皆歷歷林谷答嘯聲殊和意爲呼猿洞或疑衡門逼使  
營菟裘吾老焉二頃先種油油禾苔封鮮蝕拔地立虎  
牙雄卓青穹摩寒山片石已堪語此豈不足供摩挲

玫瑰二首

柏軒草下

卷四

十五

小院尋花事已殘僊人紫府曉乘鸞人當晚立倚風過  
香自朝濃帶露看色借相袍紛綺織味調梅鼎備鹽酸  
簪來婢作夫人格花史無端莫詆調花史以玫瑰爲花婢  
東風徐漾曉霞天一種濃香最可憐昨夜樓頭聽春雨  
今朝簾底數金錢名誇紫府從來貴點上紅妝分外妍  
閨閣秀供簪髻伴好枝難折膽瓶邊

送春

傷春送老欲成歌杜宇聲聲喚奈何花本三千風蕩漾  
韶光一半雨消磨他鄉酒貴尋徒少獨夜香添得句多  
休說春歸惆悵甚春來佳日只閒過

偶成

初罷衙聲看翠微虛堂晝影亂雲依荷擎玉蓋翻珠露  
柳脫新絲謝故衣二句夢得綠暗江村知夏淺紅殘庭院  
送春歸宦游風景筆撫拾閒臥湖山對夕暉

初夏書事六首

過雨洗青嶂夕陽移暮潭秧針齊刺碧船尾遠拖藍麥  
秀隴飛雉桑柔家飼蠶春風隨步履最憶是江南  
譚理嘗清茗消愁有凍醪栽花因竹雨敲枕聽松濤酒  
以傷春減詩從感事豪素琴時一撫流水碧山高

小雨妨花密疎風隔樹陰綠看蕉展葉黃綻柳含金枕

據梧詩集

卷四

十六

石看雲到拈詩待月深是中成小住何必問升沈  
別圃栽紅藥空庭落小梅竹低千點雨柏老一身苔雲  
冒初成霧山深欲隱雷郭門春水漲定有白鷗來  
鶴篆侵階古蝸涎上壁寒飛花催結子護筍待成竿堤  
樹成陰密秧田積水寬監輿郊外過日落晚山看  
雉媒嬌引類鹿子點成文晝暝山腰霧斜風水面紋茶  
聲如過雨松勢欲擎雲自有靜中趣喧聲寂不聞

過朱湖

江村綠暗長靡蕪細雨扁舟入夜孤水鳥一雙莎際語  
櫓聲遙答過朱湖

繡婦歎

紗窗日影澹於煙正刺鴛鴦倚水眠錯把黛螺描樣本  
羞將顏色妬鮮妍愁腸百結針難解珠淚千堆線與穿  
同倚繡牀誰箇識是中情事苦無傳

夜來詞二首

浣花牋好白凝脂才子吟春索賦詩儂檢篋存三百紙  
與郎爲作定情詞

初月侵牀小帳開紅鴛翻浪恰天裁不須持燭看花色  
知是前身號夜來

修琴閣集序

投耒鄉關擔登京洛輓塵沒踝無聞倚筑之聲芒屨穿  
跟自笑空囊之澀絳幘敲枕誰識掃門舍人席帽吟鞭  
驚避呵騶京兆則有西清學士東壁儒宗落落詞高飄  
飄意遠餐錢分給祇償借書之餽釀具麤營每致蒯緱  
之缺觥籌紛錯無非謝樹森森塵拂縱橫盡是庾風奕  
奕丰神瀟散瞥逢擲帽兒郎睂宇非常重睹楊裘公子  
亟移牀而近止安得此賢姑參語以試之果稱小異設  
竿掛犢居然林下阮咸列炬鳴鴉不類侯門杜位投我  
雲霞一軸屬之月旦片言如療飢而擷玉山之禾似愈

瘡而展輞川之帙體裁畢具俱證宏淵品第難施略陳  
梗概樂府屏呼稀之跡不同抵掌衣冠長篇爲變徵之  
音迴異引喉邪許五言璧合劉文房自折偏師七字珠  
聯許用晦坐劇全壘若其曼聲激宕謾謾延松下之風  
遠旨霏微曖曖破雲中之月贈言而便娟悽惋瑤華吐  
蘭茝之芬述志亦頓挫悲涼練景挾星虹之氣時而瀏  
連節序殆涼燠之變自文絃間乃緼藉風情擬悲喜之  
移於秦唱使才堪分授何止藝了十人况思復通神未  
見晷逾一寸且以子長適越每儲文筆之奇道濟浮湘  
更得江山之助趙丞相讀書巖畔鳬影蹁躚陸居士淪



茗池邊琴聲響答宅畱雷令吟成虎氣龍身廟署康郎  
弔古苔瘡土鏃潯陽送客亦著蘆花楓葉之篇彭蠡懷  
人詎無石鏡松門之句吳鉤剗兕何辭屢試批根軒鑑  
盤龍不惜頻持遐照潘河陽之樹花已徧筆更舒葩郭  
逋泉之室劒長鳴文仍淬鏐築金臺上箋翻百幅蒲桃  
裂帛湖頭穎禿十牀翡翠品其才藻允江夏之譽無雙  
詮厥篇章卽吳公之計第一云爾癸酉旦月中幹華亭  
同學弟張淵序

據梧詩集

修琴閣集序

二

據梧詩集卷五

武進管 檢青村

修琴閣集上

簾二首

湘篁春後淚痕多好染冰紈映碧紗疎處難畱巫峽夢  
垂時欲剪楚江波風來蕩漾花疑舞燕去匆忙尾半拖  
最是水沈煙細處斜陽未捲意如何  
檻外清江吹碧紋水光閒與日光分三千宮裏六時淚  
十二峰頭一片雲寂寂夜闌防月照霏霏花豔隔牕聞  
就中春色知多少燕子飛來又夕曛

據梧詩集

卷五 修琴閣集上

一

夏雨

江干六月初曛小築臨流夜色分簷北樹深雲潑墨  
牕南雨過水吹紋驚濤虛閣搖松子碎影層闌引竹君  
河朔報書招酒伴閒居何必悵離羣

白槿花次漫堂先生韻

姑射初凝素面妝乍開還斂怯微陽月明有夢歸珠館  
雪滿無痕倚玉牆何處持花宜竝笑江總木槿賦  
若持花竝笑但須  
看影莫聞香美渠向曉紅霞亂憐爾冰姿獨擅場

立秋日送友

蒲帆初掛洗衣塵江上諸峰列髻新詩思快如蕉緒吐

鄉心渾似柳眠頻風行浦漱涼先入雨過琴書潤可親  
寄語高蟬聲莫切桐陰漸減正愁人

辛未七夕

我昔好神僊大言誌迂怪齊諧博物志搜覽考經解事  
跡既渺茫何處尋根蒂往往畱疑端附會作佳話黃姑  
織女事此言如繪畫流傳到人間色香下真界古人寄  
高興作詩類爬疥有乘枯槎浮有誇腹書曬要皆等誕  
妄今古聊一噫或云以年期無乃遠爲屈聞傳烏鵲使  
亦類青鳥介吾思桃源記一歲等一邇天上紀爲時吾  
生海之芥妄測僊鬼事一記十漏絳虛堂秋風來庭砌

據梧詩集

卷五 修琴閣集上

二

極瀟灑美酒行官廚相關發西廨借此節物佳聊展筆  
墨快夜涼風徐徐百草滋沆瀣吾徒文字飲戒不作禮  
拜巡觴嚴酒律出句脫詩械雙柏晚涼青新月當檐掛

七夕效唐人作

靈鑲沈沈起露臺長生前殿徹明開微聞甲帳求僊意  
又見昭陽竝輦迴烏鵲自填銀漢穩綵霓應訝曉風催  
三千空有如花面誰信天邊乞巧來

青錢硯毛匏村索賦

我昔嗜古如痴癖品題玩視極珍惜大者搜及鐘鼎彝  
小亦不遺一片石長天江岸涼風吹故人輕帆來何遲

開齋揖坐絮語畢示我一卷青錢詩青錢繁名古時硯  
黑如元圭碧如鈿埋藏想像晉魏間形體數歷蛟龍戰  
意爲玉工常剖削更謂僊家百鎔鍊秋簷抹眇一展視  
光芒似掣巖下電或疑錢質圓且堅雙蚌安得相連卷  
毋乃全是碧銅色土花血紫三千年不然異石最神化  
常出怪誕非偶然青錢恐亦石所變故有烜采相貼連  
中庭啾啾喧衆客我有定論君莫識昔聞異物每藏隱  
偶列市賈最可惜此硯入地千歲月一團斑斕古花色  
不知出自何代塚年久質合如膠漆金石皆爲土所孕  
是有至理非耳食或云宋時王荊公蓄硯有此毋亦同

據梧詩集

卷五 修琴閣集上

三

又云吾吳文徵明一生囊篋相偕行我今見此大快意  
二公文采皆足記古來一物必有神今觀神物得所寄  
君不見咸陽璽角亦缺折茂陵金盃風蕭瑟又不見銅  
雀臺荒魏寢煙漳河春水遠連天誰將土碧千年物來  
種陶家白玉田硯乎硯乎眞足貴爾其實之弗輕試萬  
選何如學士名墨池況有蛟龍氣

又題青錢硯二首

誰將片石點蒼煙吟盡江南詩百篇恐是小牕攤硯日  
東風吹落綠榆錢

春苔雨過石如錢醉墨題詩不記年持此好歸東海畔

筆潮常湧萬重煙

坡詩我持此石歸袖中有東海

送鮑村東歸

江城雨歇送新涼客子驚心話別長  
樺燭清樽風細細桐枝珠露夜茫茫  
城遺羽竈苔全沒路入龍津草半荒  
知爾此中移櫂去布帆穩過弋溪陽

毛鮑村示予管夫人畫山水宋榻黃庭經及青錢

硯官窯印池摩挲竟日皆奇珍也作四珍歌

丈夫四十未卿相富貴神僊總虛妄  
譬如至寶不世出間歷塵埃爭得喪  
一朝快遇方瞳人靈氣躍躍俱飛宕  
吾吳才士推鮑村笑傲不詣王侯門  
胸中丘壑千萬卷

據梧詩集

卷五 修琴閣集上

四

法書直逼王右軍一肩琴劍極瀟灑  
怪底囊橐何所存衙齋涼影淨如洗  
示我一幅澄心紙秋空水落明溪沙  
野人攜杖隔江倚題句妙絕管夫人  
下筆真能比學士更有一榻黃庭經  
王孫承旨爲鐫銘全以神勝兼骨勝  
籠鵝意氣來雙睛博觀二妙已快意  
觀止不敢傳譁聲君謂客輩莫驚愕  
研田寶守吾所託青錢小研色斑古  
筆花文陣常隨落匣有哀玉聲琤琤  
製度古雅而深醇丹砂紅映帝青碧  
卵色天曉雲衣新我思古來萬事安  
得偶瞥爾文房逢四友不觀珍物出  
篋笥詭奇歷落蛟龍走爲君覓筍與  
臥披秋山圖興酣狂墨潑古研右軍

大令供馳驅旁綴丹印得古意  
盤中碧色青璠璣從來異物得所  
主每發光焰言非誣行知天祿石渠  
物常隨虎觀晨昏超不然持此何爲乎

讀唐久庵先生家傳

側聞古君子行事法賢聖  
居恆凜潛修出處合義正操身既端  
嚴遇事必恭慎餘廼發爲言外亦用於  
政今觀久菴公斯言深足信著書務窮  
源立品戒躁進鄉黨推爲師橫逆因之  
順維斯大德化此乎彼則應古人嘗有  
言行誼先由近鄉里多譏訾立朝來悔  
吝家庭有間言未免雷餘釁先生幼學  
時孝友其天性篋中無遺財檢

據梧詩集

卷五 修琴閣集上

五

點到盤飮及長居里閭浮華亦俱屏  
鶉衣兼脫粟窮年務考訂婁江秉鐸教  
伯樂識神駿非止研文辭吾道爲一振  
當時東吳士羣以比安定意謂先生賢  
慈祥著恪慎以惠先士風或難儼貪佞  
及誅敗檢士亮節何清勁金沙海氛餘  
人心方懼震先生辨多力羣疑賴以靜  
不然收書下玉石亦俱燼仁者又勇兼  
此言爲可證解組歸田間奚囊已如罄  
鄴架千萬編幾同禪榻鬢式間來公卿  
嘉言重貽贈吳楚兩越間記集已充牣  
雙眸何炯炯月旦如晶鏡古惟文中子  
後起亦爲僅先生古世家毘陵爲望姓  
禮樂傳代久詩書遺澤峻秉性惟清嚴  
立

身先誠敬惜不用於時在廷聞讜諍趨庭有家學後嗣  
復輝映迄今讀斯篇遺風猶未竟梧捲意何深屬子發  
吟咏綸也愧後學出句苦不硬但聞前賢風嚮往竊誌  
慶聊抒螢螢鳴用展景仰請捧編懸里門百爾其敬聽

絡緯

長年夢繞故山中草屋三間落葉空愛製芟裳招楚客  
每披窮笠唱吳儂征人旅館驚清露少婦寒砧怨曉風  
憐爾草根吟未穩又看參影度牆東

新蟬

高齋鎮日靜焚香弱柳當空半拂牆聲怯風多常斷續  
據梧詩集

卷五 修琴閣集上

六

翅憐鬢薄看微茫神方不死能僂蛻幽恨無端爲怨王  
多少世情誰與訴樹頭清晝莫悵悵

蟋蟀

壞壁寥羅綠覆門孤燈風動泣黃昏牀頭絮語消秋夜  
砌下標名有御盆宣廟戲金蟋蟀盆金葛草荒來宰相玉堦露  
重號將軍何因不耐霜天冷月下牕西說怨恩

螳螂

巧就濃陰密葉藏健因蠻觸便開張豈花棚底絲絲雨  
桐子梢頭細細涼世事歎同蟬可捕妄塵但解臂能當  
有人清夢華胥國慚愧我冠衣綠郎

文鹿

空階樹色映晴軒雨長蒼苔見迹痕飲澗晝常呼子出  
懸牌朝入亂巖翻雲深石磴羣銜草雪滿山齋夜撞門  
勞爾追隨酬故紙伴子病酒臥秋根

雙猿

巴西侯國石爲居踏蹬飛崖百不如長嘯遠空三峽夢  
懸鈴共守一牀書挂枝愁引江鄉客食芋欣來隱士廬  
豈是腸緣四聲斷折花採藥最憐渠

白山鼠

桂館秋空清露溥養馴堦下玉爲團雪中似與花爭出  
據梧詩集

卷五 修琴閣集上

七

月裏還隨影共看亭號草元君尚白城封管子隱非官  
何緣走臥山齋畔遮莫瓊宮亦苦寒

雙雉

巧置良媒素網空麥黃斜日隴頭風低飛挾子不盈尺  
傷母呼雄時欲同登木好調聲入譜將雌應化石爲童  
憐渠文采無施處拋向平田碧野中

秋葵

風動輕綃澹不飛羽冠塗額玉眞妃鵝兒戲雨染成酒  
鶯羽當枝吹上衣蜜室夜深垂珀盞紫房朝起問黃扉  
道人招飲瓊漿罷金葉歌殘舞影移

鴈來紅

綴就丹黃舞玉臺珊瑚彩筆五雲才新沾卯酒霞初暈  
望斷西風鴈欲來秋老素娥君獨豔花殘青女爾猶開  
誰從濯錦江邊過葉葉紉羅巧剪裁

坐月

夜臥秋齋看月生影移高樹漸西行花含露潤香先發  
竹爲風來葉有聲砌下蛩螢語恩怨檐前河漢勢縱橫  
幽人不寐攬衣起吟句忽驚山鳥鳴

竝頭千葉蓮花歌

吾聞靈山之北楞伽之東蓮花千葉開空濛摩尼慧珠

據梧詩集

卷五

修琴閣集上

八

散花雨幻出百億光明峰維摩一室天花墜其中尤者  
金芙蓉又聞華山之巔玉井蓮碧筒注月何田田花開  
十丈不可見傳說藕大多如船說僊說佛總茫昧古人  
寄懷有深意我來白雲里頗喜栽名花玉缸藕梢生荷  
葉如輪遮初含一莖斂朝豔若耶溪頭淨秋練少焉日  
出霞龍從輕妝薄幌雙雙炫趙家姊妹來昭陽西風徐  
起吹雲裳湘妃出水聽鼓瑟對面一一開明妝誰將紅  
羅織成錦碎剪細刻懸空房千重萬疊淨如拭常發異  
采飛光芒因知奇花間亦有恨不再得龍眠手圖成懸  
掛千百年足證僊佛亦非偶三餘地苦少秫田酒貴如

玉沽無錢對花不敢食煙火坐臥日日成詩篇夜涼風  
清碧雲斂恐有僊子來踟躕持花玉殿作供奉猶記曾  
陪玄圃筵

四面蓮花

百尺玲瓏千藕絲一絲畱得一花枝千絲綰作同心結  
一朵花開四面垂

秋涼飲酒詩六首

商飈洗炎氛秋堂發濛濛細雨叢溼衣嶺雲斂晨暮山  
空落木葉泥深沒雙蹠登樓鮮快意長空目遠注歎彼  
機局新對此煙霞故千里愁能來百年錯已鑄笑問誰

據梧詩集

卷五

修琴閣集上

九

解人意惟酒堪晤

三餘俗陋僊酒政無能行三杯沃枯腸歡嗽相摩爭冬  
酒點越水味薄甜如餠醴酒市所貴粥面如濁涇嘗酒  
稍黃碧要非聖者清我雖不善飲辨味識莖楹三秋苦  
病渴瘳藥惟飲醇故人攜樽酒色滑碧如瑩開緘已流  
涎急命洗破觥莫書酒德頌空腸轉雷鳴

我性不善飲飲止一蓮葉偶遇得解人亦浮一大白花  
前明月下勸酬相主客讀書到夜闌得酒如拱璧最是  
萬感生書空破几席忽然秋風清高樓擲箏笛此時不  
得飲何以瀉愁積昨從章江來千錢買一石牀頭春甕

香不飲亦可惜，惜懂入醉鄉。今古皆陳迹。

舊交已零落，酒徒亦云少。東郭有壺公，字行以香草。夜雨剪畦韭，盈觴列清醪。豪氣吞江湖，快飲隔昏曉。十年走楚越，歲月日催老。同時有南田，滴酒不欲擾。偶沾唇，吻間與酣筆墨飽。作爲萬里圖，江勢最大橋。兩人量迴殊，酒態亦俱好。憚生昨春前，長逝復堪悼。聞之廢杯酌，日夕傷懷抱。會持黃柑酤，澆爾墳頭草。

吾讀兩漢史，最傷黨錮事。李膺與范滂，潔身遭謫毀。廢置以終身，復爲子孫累。小人既鴟張，聚黨十常侍。炎紀因以衰，袁曹開僭侈。古人亦有言，人亡邦國瘁。感此意，

據梧詩集

卷五 修琴閣集上

十

慨慷長歌擊虎子，所賴麴生力。用以澆醜礪。

嗟嗟世情薄，嗜利如嗜酒。嗜利不顧名，嗜酒充適口。利外復何物，聲名置美醜。酒外亦奚求，得喪復何有。古惟曠達子，功業寄杯缶。若彼貌似者，毋乃等芻狗。寄謝世間人，阿堵不可守。

後飲酒五首

吾聞陶淵明，晚節何遠寄。怡然見天真，此外無足累。其前惟劉伶，飲酒寓深意。聲名寄浮沈，大塊以爲戲。二公皆曠達，陶也得精粹。以醉遺世乎，不復見天地。以醉忘形乎，何所不棄置。寂寞後世人，不能見其志。古人醉固

醒今人醒亦醉

我性苦迂拙，落落寡所親。前年雲溪叟，寄書爲我陳。作官持大節，蹤跡寄風塵。稽生最耿介，龍性真難馴。想在晉魏時，坎壈終其身。況此世趨下，變幻隨喜嗔。何爲守初志，輒軻長苦辛。聞言起三歎，旨哉如飲醇。

行恭以貌謙，言恭以貌謹。蜜口心鋒銛，如蜚射沙影。若彼久假人，陰賊天所秉。醉中見天性，往往發其隱。千古聞斯言，清夜動深省。

人生天地間，勢利能驅人。秉性澹漠子，鼓歌堪終身。家庭日誥誥，絮語難具陳。恥爲黔婁賤，傷同原憲貧。談笑

據梧詩集

卷五 修琴閣集上

十一

說人主扼背，傾公卿朝。猶客上舍，暮已拜平津。回思曩日事，變態如浮塵。前倨後恭謹，此言何足驚。人情類如此，飲罷百感生。予言恐不信，君請觀蘇秦。

我今理酒政，檢點到酒具。景憲哀玉鳴，琤琤斂秋素。千花樽底香，一縷碧波注。霞天木葉丹，返照紺色吐。一吸覺神清，恍與瑤臺遇。再飲氣滌蕩，如渴得甘露。三杯意慨慷，浩歌凌虛賦。杯盡月激灩，味滑碧如乳。長嘯答秋光，無爲此官誤。

偶吟

明月長空問酒家，濃枯醉墨兩行斜。誰持玉管臨風舞，

吟徧江南樹樹花

風雨三日爽氣新涼快然成咏

霧氣橫山水氣浮垂簾風不度香篝橫牕新竹疑雲合  
倚檻戎葵帶雨收砧急溪南時薄暮荷荒野北又初秋  
涼颼颼快人意雲缺東峰月上樓

出郭

南湖八月水辭磯極目長天鴈思稀野岸人家煙細細  
空江城郭草依依畧師晚集因魚美沙渚秋明見鷺飛  
何用尊鱸方起念西風每到舊山衣

餘千懷古詩五首

據梧詩集

卷五 修琴閣集上

十一

陸鴻漸茶竈

古來曠達子寄興超鴻濛西江古佳麗湖山畱高風前  
有靖節叟後有桑苧翁兩人所嗜別高致如冥鴻毀茶  
與止酒清論毋乃同辰春游柴桑五柳尋遺蹤卯秋入  
餘汗晨夕來東峰石磴半苔積古竈多塵封螺峰遠綽  
約日影移高桐顧渚與日鑄味質每苦濃越水最清冽  
飲之寄心胸山空落木葉石徑鳴哀蛩古人不可作清  
嘯問長松

考亭雲風堂墨池

吾觀司馬遷氣宕文雄馳聞其過龍門慷慨長嗟咨後

作為文章縱橫復離奇性情如寄耳山川為發之考亭

朱夫子篤友敦人彝千里訪故交握手慰別離舊交轉  
零落涕泣悲連沍浮雲蔽太空良木傷其萎古惟汨羅  
子遭遇還如斯臨池攻訂釋深夜歌之悲況此湖山間  
浩渺多憂思登高偶一望松風吹我衣至今池畔石墨  
漬如淚垂徙倚望良久檢笥讀楚辭三歎不終卷況當  
秋空時

趙忠定梅巖

名山讀異書此樂不可假趙公天性真憂懷在宗社讀  
書勵晚節秉志益醇雅御書誌其居翰墨極揮灑想其

據梧詩集

卷五 修琴閣集上

十一

結廬靜香林雪盈瓦至今避席鷗翻飛復上下嶺雲朝  
欲畱松濤急如瀉惟聞廢寺鐘寂寞晨昏打

劉長卿

幽意忽不樂驅車上東城迴望白雲飛一向我生清  
露既以漙漙蜩夕哀鳴緬懷劉文房登眺詩初成高懷  
寄曠達身世鴻毛輕啼鳥解悲怨衰草秋縱橫古惟佳  
勝地逐客常縈情江州白司馬送客琵琶行至今潯江  
上夜夜來潮聲

琵琶洲裴韓故里

沿堤草盈川面郭水成沚清秋燕子飛溪痕低拂尾街

泥不能宿還尋舊時墨舊墨裴韓家第宅連雲被滄桑  
幾變更壞牆沒廢址空餘城上月夜夜照湖水水上秋  
氣清水外秋聲起琵琶寂不語千古暗垂淚竹間風露  
寒蕭蕭亦入耳

感懷三首

長江自岷山素練倒飛瀑一入沔鄂間澄波失其傲下  
至潯皖流泥淤更萬斛此豈地勢然亦猶運會蹙註經  
有酈生探源到窮谷三笑問山靈何爲頓殊目潛沱已  
異勢遑問及支族山靈亦有詞萬事如轉轂三湘氣可  
吞九派勢如輻天隨一釣翁浮家任洄洑在山泉水清  
據梧詩集 卷五 修琴閣集上 十四

出山泉水濁少陵不云乎斯言堪三復

憶昔遊里衍結客忘晨暮東鄰良宴會上客虹霞吐西  
鄰載酒從高談逼遷固自從西行來歲月錯中過出郭  
寄心神人少但見樹團團巢飛雲蒼蒼點昏霧坐臥當  
秋空此卽尋幽處托根伏蛟虬樛枝間新故南天靈秀  
鍾意惟爾堪語

商飈洗素空木葉已盡落下至蠅蚊儔遠趨若避鏢頗  
快天宇清亦得親杯酌須臾風漸斂此輩復自若殷雷  
徧牀隅昏飛入簾暮氣會只暫爾若輩質原薄一朝晨  
霜寒爾亦安所託篝燈到夜闌用答讀書諾

南樓二首

南樓獨坐看雲移日腳穿巖下廢祠荒浦荷衰鳴雨急  
空庭葉落語霜悲山迎朝爽涼先入樹斂秋容瘦更宜  
十日濃陰風乍緊鴈來惟有客心知

短堞依雲上與齊天空倒影入明溪磯牽釣艇鷺時立  
煙出茅簷雞亂啼江岸征帆風下上荒郊歸燕翅高低  
長卿懷古猶能讀醉裏狂吟欲和題

臂痛

常年病渴過秋天判牘如流獨未便用臂不靈難使指  
曲肱爲枕且高眠誰誇運腕能驅鬼未必通關卻遜猿

據梧詩集 卷五 修琴閣集上 十五

愛看官奴苦持筆明朝何處索碑錢

牽牛花

傷屋牽花花亂垂將花補屋影參差眉間螺黛描難就  
水際天容澹不移細雨蓬門人定後曉風籬落月殘時  
青蛾白紵居空谷露重更闌冷未知

張燈瓶桂下成歌

南州八月秋多風故衣盡落蓮房紅天空明月洗寒霧  
散出樹影千重重白雲城西多哀蛩砌下細雨吹高桐  
露寒忽綴蕊珠暖雪滿吹落香風濃道傍灌花有花叟  
臨風細摘來筠籠百青銅錢持以贈香風過處爭遊蜂



膽瓶古色流翠碧高下枝發荆山叢低亞背面都姣好  
疎密位置天然工琉璃屏色墜紅暈水精燈影含素空  
陶然命酒色味濃花開花落流霞中吸花神與瑤臺通  
酒沾不覺花光融醉眠花霧如空濛花迎月色歸簾櫳  
夢游應上姮娥宮玉杵凍合雲爲封清寒恐亦非所耐  
失足夜墮芙蓉峰醒來對花默無語十日可作平原供

飲桂下

三秋愛選名花勝五載驚心客思淹半角長松陰幕歷  
一牕黃雪畫廉纖纖戀煙似向牆頭出蛩語多於葉底潛  
淨捲玻璃懸屋角細飄金粟滿亭檐閒吟憶舊時攀樹

據梧詩集

卷五 修琴閣集上

下

午睡攤書不捲簾屏逼素空含碧水衣從天染著秋纖  
高低蕊綴懸珠閣濃澹香分啟玉奩露自曉來寒未入  
雨當陰積冷徐添草荒籬畔棲馴鷄雲漏山腰下彩蟾  
似霧瀾漫和月落如飴氣味被風黏搗殘玉杵花爲藥  
醉把霞觴酒漉髯珠露細傾光豔豔銀河遙隔夜厭厭  
開時轉恐殘時悵醒境何如夢境恬燭跋夜闌全見月  
葉濃風緩半侵檐江城對景鄉思遠虛閣裁詩濁酒兼  
顧我宦情雲樣薄憐渠香味蜜般甜高巖錯落堆金縷  
倭几橫斜滿玉籤詩格快參霜穎脫眉痕初澹暮山尖  
圓畱小景遺徵仲架有新編讀子瞻珠箔重垂香自久

好花貪看性殊廉長吟宋玉悲秋賦不執吳剛斫樹鐮  
最憶東臯述水榭幾招隱士到峰嶮漁莊黃擘團臍蟹  
罟客鮮分巨口鮎庾信小園花作障香山半格口成占  
鼓斜醉墨泉源湧潦倒情懷筆陣鉅如此良宵真不惡  
謂予僊吏我何謙追歡憶舊餘清夢貫酒拋裘拂布帘  
寄語商風莫飄蕩畱花相對散花拈

折桂枝插瓶作歌

江城八月已寒露每看月明思桂樹東風城角飄香來  
隨風尋去千枝開短牆圯沒臨官路荒藤牽屋屋半仆  
回思當日春風妍懸珠作舍黃金駟門前車馬久寂寞

據梧詩集

卷五 修琴閣集上

上

晴時花開雨時落譬如才人不遇知儻奴目爲宇下兒  
又如邯鄲貴人女一朝嫁爲養卒婦其時卻有郭索駝  
尋花遠至深巖阿凌晨折枝以相贈云助秋夜詩篇多  
銅樽玉盞盡古式高低背向安妥帖雲屏曲曲霞幕遮  
素魄溶溶秋月白夜深剪燭光徐添銜杯細酌幽情恬  
此際已無風作暈此時惟有月穿簾吾聞月中之桂高  
千尺下有玉兔常臥籍天香夜半來人間光搖彩筆吟  
詞客迨後攀折何多人此花夜夜生煙塵吳剛憤此急  
斧斫寂寞古樹長空青一杯酌花爲花語放飲狂歌其  
我許去年零落野田中誰爲持酒澆黃土今朝移汝來

高軒銅溝水冽蟠秋根他時花落端溪硯更寫長歌返斷魂

中秋放歌

今夕何夕鵲南飛涼風瑟瑟吹我衣樹頭忽下秋水鏡屋角倒捲寒玻璃此景此時最難得銀河瀉水當檐積酒卮返影流寒光天廚細切飄香屑猶憶去年東湖濱湖光夜映高堂明庾樓賓從叨陪侍清嘯遠蒼江潮聲

午秋鎖閣侍中丞宋公

今年明月偏更好官居清夜如瓊島庭中

十二燈屏開堦前玉女珊珊來檀槽鴈柱一聲促持酒月色流金杯酒酣歡事亦何極昨夜雨聲今夜月半月

據梧詩集

卷五 修琴閣集上

十六

秋陰一日晴晴光況又逢今夕今夕秋光已二分故人天末寄朝雲還從詞客遷遊地暫作悲秋感舊人

中秋月夜游東山歌

并序

雙柏軒讌集頗極詩酒花月之樂同人興猶未已偕過羊角花蕊雨峰下瞰琵琶洲歷歷如繪南湖環帶左右清風徐來水光樹影若隱若見求所爲越水者於萬頃一色中庶或遇之少焉客作長嘯聲山間驚鶻皆起松風颯然不知身在塵世也歸來夜眠不寐披衣啟戶月華如瀉漏已四下索筆成歌

白雲城南月正午溪邊肅肅鳴寒杵堂虛靜夜酒細傾風吹桐葉落如雨銀河皎皎當時簷中天直欲飛瓊蟾吾曹逸興猶未已策馬又過秋山巖巖空路仄逼山寺樟陰在天月在地攀蘿直上花蕊峰山風彷彿吹香氣下視湖水空茫茫水天接色流素光意疑銀河此堪渡或者澗壑雲深藏中有匹練橫風起昔云越水毋乃是恨不呼來桑苧翁煎茶石上聞清鐘南峰北峰最縹緲康湖珠湖勢迴繞此間恐是蓬島中等視萬象迹如掃時復漱齒含清泉深潭積月月光小吾思江湖迢遞千萬山此時此景誰能攀譬猶寶鏡匣中出照見嗔喜妍

據梧詩集

卷五 修琴閣集上

十九

雉巖今年今夕此情景別有天地非人間君不見洞庭之月千百里買酒雲邊問漁子又不見蜀中有山名峨嵋峯高萬丈天四垂舍此當無是景矣明年明日還來此

婁山埠

婁山埠黑斑虎黃蘆短竹沒水許人家白晝盡關戶漁師昨夜西港歸吼羣呼子類有五東鄰樵叟晨出門不見老翁見新斧西鄰長男暮歸漁晴光覩覩隔江浦五更柴扉聞叩門老嫗啓門抱兒乳白骨未冷風多腥舐血血寒遺左股鳴釜執耒驚四鄰虎亦疾人人亦怒猛

虎欲搏先避人人怒齊呼心愈苦持爾弓張爾弩一發  
已中肚居人逐虎到山塢虎立戴頭作人語虎雖猛受  
人侮血漬草肉登脯父悲母哭奠酒漿日色無光面如  
土毛斑斑色楚楚當時閃爍明雙睛今日俘縛等一鼠  
君不見婁山埠黑斑虎

據梧詩集

卷五 修琴閣集上

三

據梧詩集卷六

修琴閣集下

武進管 倫青村

憚南田匡廬圖憶舊遊作歌

世無雲林石田叟眼中塵霧積成斗世無谷簾瀑布奇  
胸中丘壑誰能披憶自辰年春客游住湓城湓城九派  
勢迴繞上有五老雙劍青臥遊咫尺不可接常時風雨  
連滄溟又憶丙年正月初夏南康刺史周燦開賓舍芒屨  
時從石頂探筍節每許僧房借棲賢水色碧於天梵杉  
松徑濤如瀉歸來作詩傲憚生憚生見說多關情晴牕

據梧詩集

卷六 修琴閣集下

十

潑墨發雲嶂秀色濯濯鵝溪明斯人筆墨已如幻對坐  
面目還疑真自從憚生乘鶴去此圖夜夜空煙霧漢陽  
峰下三疊泉有人拂絹吹雲煙黃猿飲子藤嬾嬾野鶴  
浴澗風翩翩筆間萬里等一幅身後寸墨畱千年我今  
南行到干越匡廬遠望時明滅高堂朝懸王宰圖玉潭  
倒瀉雲峯立凝眸曾憶來游時此中幽怪無人知何方  
攬身入畫裏徧踏疊嶂層巒敲山靈相望不相接惟向  
秋山夜夢常見之

樊老翁

樊老翁五十有子行相從朝持斧斤入深谷丁丁斲木

鳴山空畫眉新擔歸暮宿茅簷中老嫗浙米雜芥菰稚  
子爨葉炊枯蓬一飽矮簷下身世如冥鴻謹離草扉半  
不闔黃蘆苦竹常歲叢凌晨出門去岡頭霍霍來妖風  
藤蘿附木勢延蔓怪石插天形怒兇誰何虎視戴頭立  
嚼齧掉尾來相衝兒牽父衣掩面哭父急先子當其鋒  
可憐此子十三歲血沾野草模糊紅老翁傷子心惻惻  
奮力持斧銳一擊崩崖塌谷聲咆哮搏虎惟憑此寸鐵  
礮礮旋作霹靂聲僵藤枯木已盡折虎雖搏人未下咽  
那知猛氣已忽絕老翁不誇得虎雄放虎枕尸淚沾臆  
鄉人驚訝爭傳言我爲記事書之篇自來壯夫本慈士

據梧詩集

卷六 修琴閣集下

二

歌罷對酒還相憐如今通都盛哮虎畫遊六衢食人股  
安得持翁斫薪斧掀髯一怒咎臺府

文華殿大學士戶部尚書蒼巖梁公挽詞

用白香山人代書

寄微之百韻

大雅傷淪落斯文失主司驚聞遺表上書到遠方知情  
迫天爲隔神通地不羈旣無銜玉報敢厭製詞卑憶昔  
外王父金蘭切友規拜言情汲汲直諒意惇惇春閣曾  
同列秋毫憶共持雲塢朝勒馬月殿夜牽帷雅興過潭  
柘閒吟到漢陂形忘骸骨異交訂死生期世值桑柔會  
人歌永泰詩朔南心尚阻道義日相師聖世推名彥吾

脩重有爲花磚開草詔別墅坐圍棋賦出驚三省詩成  
頌九達賜衣勤政殿陪宴曲江池千度都無似詞華最  
擅奇宮袍同草色甲第覆金絲視草花爲地承明玉是  
枝吐詞胸礪落退食度逶迤豈止文工麗還看政設施  
立勳曹與鄴分陝召兼姬政令先文治樞機戒武嬉書  
聞天近漏曉接彩重看錦幄墩先賜離宮席蚤移冰壺  
寰海澈模範古人遺志切東山屐賢來北海卮出都塵  
外望歸馬日邊遲金屈閒中釣筇枝醉後騎含桃春晚  
熟盧橘子低垂瑞柳眠三起嘉禾穗兩岐占同非虎卜  
命彼後車隨御史行驄避尚書賜履催兩衙權總握六

據梧詩集

卷六 修琴閣集下

三

府事咸資時際中天聖功垂百代宜人當擊壤日帝  
正典夔時十二黃鍾秘三千禮制窺求文朝矻矻考古  
日孜孜貢舉藥充選連茹穎脫錐張羅搜鳥網設罟釣  
魚坻鄭伏多經解歐蘇發異詞賢良經濟策秩禮太平  
基削地誰持論炎方久困疲喜傳恭已詔敕賜建牙  
旗漢殿推元老王章定等衰節持青犢蓋詔令白麻  
披輅使桑田駐鳴騶柳下廢簡書勞節鉞歲月凜驅馳  
謨尚存樞府章時達殿墀亦旄風照耀彩鸛書參差南  
土瞻祥氣西州凜雪姿旗黃金錯落緋紫繡葳蕤正氣  
消兵革校威嫉嗾扶黎觀漢使率舞拜蠻兒國體知

無外臣心在不私滇池驚虎豹閭嶠竄狐狸鯉海誠能  
格行臺信豈欺嶺梅飄阜慢官柳映犀毘韓伯今應是  
蘇公意或茲法言多正直侃論係安危返棹風恬穩回  
輪路險熾象犀頻職貢惹茲豈能疑去日春花發回時  
秋草萎西南欣有障嶺海藉相支赦過收新效求才略  
小疵心能成鐵石功獨固藩籬丹闕敷陳喜形墀朝  
拜辭廟謨先奠蜀讜論次平夷海宇咸清廓山陬皆禱  
祠欽功錫柳篆定策勒韓碑惠政推山塢汪波到水濱  
百僚欽斗極萬國望城隍不遺培塿江何獨渺瀰金  
甌占赤鳳玉竿進花鵝鼎鬲調梅豉陽和下枳籬冰川  
據梧詩集 卷六 修琴閣集下 四

生異草寒谷有晨炊山靜麟遊市河清魚鼓響聘莘崇  
相任夢說慰予思漠野張天伐長城奏鼓吹能有天下  
重忘及一身羸輪列黍卑齒君言實飲醕清堂趨禮法  
東閣習威儀鈍質雖同櫟愚衷竊比葵才無慚衣錦宦  
薄混塵縉拘似檻間馬父占洛下龜涸鮒河可潤桂蠹  
藥能醫三輔高如彼經年困若斯淒涼當歲晚音計到  
天涯淚絕沾襟帶憂深見履綦墜驚微極宿香稿石山  
芝辰卯猶趨侍音容竟別離海天多缺陷明月有盈虧  
命也真難問天乎不可追宗風無執主文代孰興衰絲  
繡容如在書封寄與誰夜霜先落葉秋雨暗摧黎空寫

肝中語強支病後頤風聲連燭暗暗蛩語助秋悲欲起還  
如醉雖餐不療饑寥寥天地內悵望擬何之

題南田畫竹

南田畫竹全用意筆所未到有生氣琅玕直立千萬條  
新笋初生四五地畫牕人靜聲琤琮晴檐上拂青霄宮  
誰家銀甲促絃柱何處玉珮鳴秋風壁間素練秋如洗  
青鸞欲動風聲起插籬好為護龍孫籜聲夜落雲溪裏

雨霽遠眺

高臥江城又一秋酒杯詩笈日隨遊黃花籬下開還落  
白鴈銓前去未休自入南來無好友聊憑北望有危樓

據梧詩集 卷六 修琴閣集下 五

當牕靜對雙峰翠明日扶筇擬過畱

九日花蕊峰題句

北蘭去歲過重九繫舫江臯快共登浪裏奔雷疑湧雪  
雨中聞磬有歸僧今年風景如初否此日詩篇得未曾  
策杖偶來花蕊畔寒潭秋潦晚來增

九日謝蔡立先廣文惠菊二首

客子驚心重九時連宵風雨度秋期他鄉節候占花候  
東坡云菊花 故國愁思起夢思城角無樓看北鴈山齋  
開時即重陽

有客咏江離三年未把茱萸飲醉帽今須插一枝

攜來秋豔十分妍紫幌黃裳最可憐佳節適逢連雨夕

好花偏占欲霜天去來何意慚陶令詩酒相從有鄭虔  
舊日柴桑君故里東籬還結古人緣

今夜寄懷錢亮工中表

江臯朔風起天末落葉街南積盈尺此時客子正臥寒  
村頭沽酒相邀歡持杯欲飲不遽飲剪燭西牕有餘影  
憶昔五年來南州望遠日日登危樓雙峰翠角最清絕  
遠岫綰髻湖光流江山亂後還姣好碑碣仆地青苔浮  
因思長卿不可作祇有懷古城南頭白雲朝來暮還宿  
此間幽隱真滄洲清音堂高下臨渚水聲颯颯鳴寒杵  
齋頭千尺琅玕鳴樹杪十丈蛟虬舞羈客與酣每快意  
據梧詩集

卷六 修琴閣集下

曉寢二首

高臥江城萬籟空秋山歸夢與誰同雞登埭唱歇街鼓  
鴉出巢鳴候寺鐘庭樹葉凋牕蚤白紙櫺風透日初紅  
年年辛苦南征鴈又挾寒霜度曉風  
屋瓦魚鱗半積霜五更歸枕夜蒼蒼無窮世態只堪歎  
有限年光須底忙木葉初丹鴉匝樹幽人未起雀窺堂  
香傳簾幕移花盞欲謝餘寒近太陽

雨

小雨催寒蚤新霜入夜微靜疑黃葉落閒與短檠依茅

溼炊煙緩苔深屐響稀江城當此夕明火點漁磯

落葉

落葉千林瘦空庭暮集鴉橋南迷石徑埭北阻漁家酒  
惜三更醒詩從五字誇江鄉物候蚤霜樹勝於花

津渡二首

危樓東望月初低煙起江村暮欲迷苔蝕篆文何處辨  
詩稱懷古昔人題亂鴉攪食羣爭樹白鷺窺魚時下溪  
露冕郊行來往熟閒隨飛鳥弋陽西

背郭沙堤夕照明西風落葉晚寒生新津渡口歸鴉集  
秋草原前病馬行才似劉黃猶主簿地當吳楚有孤城

據梧詩集

卷六 修琴閣集下

七

旅人慷慨饒吟思況值霜天鴈影橫

次韻蒼董遠公惠墨

江城官柳日三眠好友貽詩敘昔年彭蠡秋深多宿鴈  
石梁春去訪遺僊來書云春遊天台雲山踏徧阮公屐書畫攜  
來米老船珍重險糜勞遠致寒牕試寫寄君前

雪二首

縣樓高擁正當關半郭汀沙魚鳥閒黯澹雲來蘆宿鴈  
微茫風起樹開山遠峰兩兩眉先白古柏垂垂髮蚤斑  
蕭瑟官衙獨高臥如澠之酒破衰顏

煙際柴門晝已關同雲郭李畫圖閒亂鴉遠過爭棲樹

危閣頻登獨看山竹徑壓枝當石臥樹根飄屑點苔斑  
青山繞郭頭皆白欲倒瓊巖破旅顏

小寒日卽事限韻三首

空軒下明月苔徑積霜枝書句頻呵硯開懷強把巵雪  
消梅欲放寒入鳥先知寂寂衙齋裏無人問所之  
瘦影披蒼柏新詞譜竹枝霜華鏤玉瓦松葉凍瓊巖破  
臘梅應蚤消愁酒是知新編長慶集白傳與微之  
鴈思來千里風巢借一枝自憐天畔客亦把臘前巵凍  
蕊暗香動嚴霜曉被知停杯問明月寒夜爾何之

夜坐

據梧詩集

卷六 修琴閣集下

八

匝地濃陰漏月痕幽人夜起坐空軒鴉爭古樹號平野  
鴈帶清霜過華門別派論詩右雙井按年譜事序羌村  
關情三百寒梅樹問訊東風欲返魂

鵲巢行

白雲城頭飛凍鵲望樹長鳴繞三匝去年作巢城東隅  
日出喳喳爭哺雛今年作巢舍東樹樹頭百尺撼風雨  
舊巢已去新巢成巢高十丈畱青陰取枝不取陸地物  
知時晨噪長飛鳴霜寒落葉淨如掃月出山空接昏曉  
登高祇覺天宇低入戶頓忘身世小東望占鳴日正高  
羣看梁木定新巢避風枝畔應名館織女河邊好作橋

千山樹杪飛寒雪衝風日日勤補葺爾巢鳩居理固然  
應知世不任巧拙當簷獨立爲予言一枝相藉皆君恩  
明年榆錢落滿地爾巢卻在濃陰裏有人要識長官衙  
鵲飛起處知子齋

壬申春日寓居書懷用楊省菴江寧村居韻十首

江汀煙雨晚蕭蕭曉起看雲半未消桃暈露濃初入靨  
柳眠風急不勝腰牆東綠覆依鄰屋城北苔生入市橋  
極目靡蕪春草路芳洲何處採蘭苕

病枕支離不裹巾閉門又了一番春常從舊事論成敗  
懶向今人看笑顰燕市臺空傳買駿魯公書絕說圖麟

據梧詩集

卷六 修琴閣集下

九

斯文將喪當誰與吾道由來慎處貧

雨暗前山易夕昏悠然尚寐欲無聞易求甚解牀頭玩  
琴未逢知爨下焚西郭日斜紅映樹東溪水漲綠生芹  
故人天外貽雙鯉珍重封題寄白雲

羊角峰連花蕊峰南湖春水送歸鴻梨花寒食傷心雨  
柳絮清明到面風草色淺同衣上綠酒杯深漾樹間紅  
遺蹤久欲尋桑苧茶竈全無石徑東

不知愁臥過春光但見閒花覆野塘寒渚水生雲共白  
遠村風霽柳先黃醉眠衙鼓何勞報晏起山衣自染香  
可惜江鄉無好客玉驄空拂翠絲長

石苔岸草兩婆娑二月陰濃風未和急雨打牕聲暗碎  
好花入夜落偏多曲調歌自留黃鳥書罷籠應換白鵝  
畢竟煙江頭白叟輸他朝夕一漁蓑

自笑形骸三十年近來悟徹上乘禪一莖短髮先偷白  
千結愁腸似湧泉憂說揶揄都在眼醉乘豪邁欲含天  
浮雲滿目歸何處曳杖尋碑過別川

溼霧籠煙半未明柳條吹雪曉來青齋前夜雨生春草  
城角漁燈間暮星花老遺鬢留蚊蝶水平流片立蜻蜒  
東風日薄簾櫳外香結枝分紫白丁

惱恨飛花踏作塵無端易感過殘春誰家樹畔留餘曲  
據梧詩集 卷六 修琴閣集下

何處苔痕展溼茵脫帽解言非俗吏持杯笑說是閒人  
應誇彭澤爲前夢自號文房作後身

草沒新泥屐齒深閉門高臥看朝陰節當寒食風兼雨  
竈乞新煙火似金索米朝饑能作帖擁衾暮冷卻成吟  
一官辭去渾閒事但誤南沙雪滿林

### 喜晴

厭聽簷間滴溜聲東風吹暖柳絲輕蝸牛上壁黏涎斷  
蝌蚪生池傍水行每憶看花當穀雨如今愁臥過清明  
閉門一枕梅巖畔無數春禽報曉晴

### 梅二首

竹裏梅花竹下樽東風吹入澹無痕憑誰貌得林逋卷  
晴雪漫天晝掩門

花向春前一樹開酒當人別百杯催持杯莫使花零落  
曾見梅花五度來

### 罷政臨行留贈餘父老二首

白雲大令罷官回父老依依爲把杯拭淚欲隨子共去  
攀轅猶祝我重來晴山兩岸征帆穩雲樹千重廢驛開  
若問使君遺迹在南沙曾訪百株梅

東風獵獵送征車耕者爭看盡廢鋤半郭湖山新雨後  
三杯別酒曉寒初琴無鶴伴惟書共馬遣童行有鹿俱  
據梧詩集 卷六 修琴閣集下

去去非難稍嘗味石山春後問何如

### 北蘭寺次潛江朱悔人壁間韻示澹公四首

春溪雨漲棟花村莎草斜陽掩寺門綠竿傍簷寒玉骨  
紫雲垂地返香魂連江收網漁燈出遠浦停帆水氣昏  
邀我定禪高閣畔舊遊應許對牀論

雲冒前村失故山臨風遠睇獨茫然就中卽景知吾道  
此外逢人不語禪沙際草連簷井沒竹間苔護石牀眠  
詩囊酒枕隨身便好遇洪厓爲拍肩

煙際征帆水際村西山霽色恰當門鳴榔偶過曾題壁  
隔浦相思有夢魂薄暮鷗盟時上下空江雲態候明昏



章門十九年來事今日重逢與細論憶公卓錫十九年矣

傷心吳楚舊江山兩世遊蹤思悄然何意長年耽薄祿  
未容此地即逃禪幽篁綠滿當檐暗高柳陰濃傷水眠  
獨憊昨非依佛火打包明日願隨肩

東歸別澹公用漫堂先生過北蘭韻五首

曲園迴岡夏木幽竹梢蕉卷傍簷抽山僧持佛空亭坐  
目送斜陽天際流

荷浦迎風五月涼今朝別爾布帆張秋來若箇聽寒雨  
為剪溪雲製芰裳

溼翠漫空紫雪團禪扉石塢暮光寒趁船東下煙江遠

據梧詩集 卷六 修琴閣集下 三

負爾招尋檻外看

堂懸羅叟飯牛煙江畫我挾歸橈好入圖兩岸荻芽風

冉冉一江帆影雨蘇蘇

長江挂席向東行心逐鷗鳬伴水輕回首西山飛鳥外

落霞孤嶼遠難明

過彭蠡湖三首

挂席揚舲下蠡湖便風不似馬當途鐘聲林送東西寺  
帆影峯開大小孤揮手歸心先朝鴈掉頭詩思寄江鳬  
明朝若過柴桑里十載山川問訊無

艤舟湖畔上匡山刺史風流尚可攀憶丙寅夏事憶昔游蹤

渾似夢如今心迹剩來閑雲開廬嶽千峰曉潮打江城  
四月還惆悵春風送歸路舟行最好夕陽間

澹雲當曉隔江潯檻外清波百尺深雨洗野鷗閒拍岸  
水侵枯柳不成林帆依城郭移寒影牕對湖山有遠吟  
羈客遷游來此地當年奚笑費重尋

送朱秩公同官歸雲間二首

滕王閣畔送行幘莫歎經年宦思淹去就無憑惟子共  
浮沈何意向天占歸裝漸整先驪唱先于南歸行色何思拂  
酒帘應為尊鱸暫繫念秋風吹起客愁添

累從薦剡列名中而我遭逢本是同當事以秩公行取子保薦俱因漕議

據梧詩集 卷六 修琴閣集下 三

未廣也有才如命少唐欺未老豈時通雲山有約堪消

夏牛馬頻呼只任風遲爾秋高薊門路故園泉石未從

容

望匡廬四首

匡山予舊識重過若為情煙霧藏飛瀑峰巒出晚晴詩  
懷比江遠官況與舟輕五老高何許雲深恐未明

謝政歸帆穩遭遷夜夢恬詩編琴閣集山憶梵杉寺巖

半壁雲峰誤連湖晴雨兼晚來鐘寺近涼思亦徐添

五載江湖畔沙鷗遠未親今朝對山色方說是閒人雨

歇翠方出晴初溼未勻帆輕風更駛回望隔江濱

秀色分天半涼思接水間好風能送客殘雨欲歸山棹  
唱當流急雲峰伴我聞谷簾泉湧處高絕許誰攀

泊舟青山大風雨後望匡廬得二百字

閒時愛廬山徒作夢遊想官衙祇蝸廬畫壁供仰簿  
書雷五年煙霞遺一杖無緣遇山靈攫舟任來往石虹  
芝嶺間佳景亦勉強斯山峰最奇秀色乃真賞猿鶴責  
前盟謝政一過訪匣中寒雙峰雙劍水際輕五兩嶺頭  
披絮帽樹底飛鶴髦天際金芙蓉花開高十丈雲峰一  
一浮返影照銀盃把酒向山言百山爾爲長如何夕嵐  
陰頓失朝氣爽夜半雷殷鳴風雨極蒼莽遂疑巖谷間

據梧詩集

卷六 修琴閣集下

由

青山桃花庵二首

殘雲扶雨過江干滿地松花石磴寒身到青山一回首  
匡廬還在霧中看  
屋角千章夏木清四山風靜鳥無聲草香徑溼路難辨  
澗底閒雲引我行

石鐘山山響樓二首

一舟攬盡匡廬勝三日舟行問寶鐘寺石挾濤飛翻滾

雨閣臨雲近倒危峰江山瀕洞萬聲出天水蒼茫九派  
從惆悵當年舊遊地斬新百二養蒼龍有百二松亭  
觀察公所建  
緩步登樓俯碧湍天風吹浪響空山欄前五老峰明滅  
足底千巖聲往還雨過魚鰕多上市舟輕琴鶴亦停關  
歸來愛取江頭石不似西山一味頑

泊湖口便風不得

布帆無恙下彭湖似展雲林水石圖人未才憐驅險路  
天猶風便送征途江同湖漲連潮白日落帆檣與鴈孤  
極目響空樓上望章門雨暗白門蕪

石鐘山下聞水石相激聲

據梧詩集

卷六 修琴閣集下

五

天風起天浪瀕洞萬壑聲雲鳥互往來水石相喧爭何  
年鑄此錯終古怨不平三歎獨徙倚寂寞空山聽

江行雜咏八首

斜陽挂席下煙汀五柳先生有廢亭看罷欲吟歸去句  
小姑山色又含青

帆輕回首失彭郎過眼舟行下馬當今日到來風亦便  
莫將詞賦擬滕王

蘆荻蕭蕭風暗來繫舟沙渚鳥飛迴江南故里來歸客  
市酒如餚且舉杯泊花揚鎮

皖江城外接流湍蘆屋江聲五月寒挾柁東來繞一日

九華山色暮雲端

太子磯頭夕照明  
蜩蟻廟下水波平  
十年不趁江船去  
今日重來記姓名

野苔沿岸花先發  
枯柳傍堤根已散  
拍拍鷓鴣衝霧去  
夕陽初下水神祠

五色龍鱗落照中  
萬人金鼓暮江東  
石頭城畔浪花湧  
猶想當年老阿童

之字風帆盡日行  
剪江還趁日西平  
騎鯨人杳歸何處  
潮打空祠缺月生

秣陵感懷

據梧詩集

卷六 修琴閣集下

十六

江上墟煙鎖故宮  
寒潮夜過白門東  
百年舊恨誰能說  
只有寒蟬泣晚風

端午遊報恩寺九層壇用東坡端午徧游諸寺韻

六朝興廢地終古  
暮雲連落日吹紈  
扇輕風散淨筵愛  
從高寺迴一望遠山妍

草木寒陵舊雲霞  
廢岸然石欄  
誇十二時代易三千  
揮翰飛雙白

御書匾額

拈花散九天登

塔室有阻探頂亦  
差便碧甃涵秋鏡  
丹梯結篆煙看山  
持拂數籍地近雲眠涼月歸舟靜枯燈獨倚禪

白門懷古三首

六代繁華遺恨多  
興亡淹忽奈愁何  
形分吳魏天為斬

地擁徐揚水碾渦  
揮塵空山誰北望  
濟江中夜有高歌  
深憐終古秦淮月  
送盡東流歎逝波

梁王舊日有臺城  
城上遺蹤盡杳冥  
鴈塢諸天雲外見  
猿經深夜石間聽  
楊枝不灑凌霜鶻  
忍草時飛近曉螢

野老來扶藤杖看  
雨花山色幾重青

結綺臨春好在不  
當年行樂已東流  
埋香甕缺苔生井  
惜玉人歸燕入樓  
聞道從臣皆握管  
可能天子正無愁

宣華門外韓擒虎  
回首還憐土一丘

蚊

維舟宿城南岸草  
積盈尺石流膏自煎  
壞牀苦偏窄繭  
據梧詩集

卷六 修琴閣集下

十七

隆一氣內白汗  
浹流席殷殷聞雷  
鳴深夜勢相迫足高  
色殊斑頭銳利若  
戟翅飛既誇便嘴  
擊不暫歇驅黑種  
各異水草性善映  
未來先作聲既至  
不復適呼羣語惜  
情引伴來窺窺潛  
伏跡甚秘隱飛肥  
可擇集處使面頰  
擊時更手炙情已  
慘剝膚眠難穩壓  
魄急因持扇揮擾  
或遭指摑衾稠遜  
薄單角枕徒轉側  
紗明蕩若空雲遠  
薄還隔意彼禍患  
無幸此厄難釋慮  
巧雖千周計疎遺  
一隙窺伺生虎耽  
伎倆笑鼠嚇攻堅  
破絞綃肆禍在牀  
簣掩襲不及防  
虐害任所突譎詭  
又過蠅鋒刺堪比  
蠅惡竟徹夜昏毒  
不論肥瘠摧殘已  
及身刻削又到骨  
假

寐尚怵怖入夢猶恍惚昧爽涼氣清凌晨曉日白奄忽  
俱逋逃周視多屏迹白戰相驅除秦宮大搜索執魁及  
遺黨數罪難擢髮高枕爲吾廬人生貴安宅如何恣啖  
噬延禍及肘腋孰知理相尋陽升陰則沒置此焉足道  
事更有堪惜寄語世間人陰賊亦何益

迴文詩二首

新雨寒花蝶影香遠天歸夢曉茫茫馴鷗伴水歸斜渡  
勻柳吹煙籠短牆

鈿花插鬢晚妝新月夜濃香暗立身憐汝只題新寫句

牽子獨夢隔花津

據梧詩集

卷六 修琴閣集下

六

桃葉渡

桃葉渡頭雙槳輕竹枝歌裏一聲清石城艇子歸何晚  
悵望春江潮水生

東歸口占六首

脫箝老馬初辭櫪解纜輕舟任水移何事栖栖觸熱去

爲人官職亦堪嗤白詩始知官職爲他人

當場得失笑瞻烏慚愧餘民罷釣屠百首新詩壯行篋

歸來亦可答妻孥

東廉持節吾儒事何以今時歎絕無自解公餘差快意

五年曾讀兩牀書

南沙梅萼白溪蓮晨夕探游已五年勝事從來多代謝  
祇應趺坐學安禪

江山亂後剩空祠關地誅茅位置宜遺版畱傳好收拾

衙齋警校亦多時詞敬齋張古城兩先賢子爲黃祠梓集

長卿才調猶寥落山谷文詞亦左遷似我遭遷真

分耳兩公還喜結前緣

秦晉屢蝗居民流竄

特詔蠲租發帑金百萬遣重臣賑濟喜聞恭紀二首

聖主憂民布澤長盡回寒谷返曦陽九天雨露多西土

萬鎰金錢赴朔方事較吞蝗尤豔說史稱禱野是誠穰

據梧詩集

卷六 修琴閣集下

九

頻聞恭已傳明詔九曲河流起赤魴

華潼東下盡遺氓悵望歸鴻獨北征野哭吞聲河兩岸

暮啼淒夢月三更深宮徹樂思勤政驛使乘輶過列城

想見周宣雲漢什尹樊曾否荅昇平

秦淮曲五首

乳燕低飛霧潑生莎痕剪似鴨頭平輕陰嫩靄長干路

畫舫已猶竝出城

十番細打不曾停度曲將終倚棹行怪底風來香不辨

雲鬟瞥見玉梳明

涼篷船小疾如梭添得紅欄映綠波一道笙歌堪入耳

石城橋到下新河

小海歌翻賽水神  
湘簾霧縠暗遮身  
晚風催蕩迎潮棹  
月影波光照玉人

燈棚逐隊數秦淮  
珀合晶毬各色排  
端酒幾曾求市肆  
江鮮新上小銅街

江行有感

江天舟行江日微  
水侵洲渚蘆攢磯  
低飛疾飛水鳥過  
深色澹色春雲移  
隨時得句有新意  
任運作達無危機  
人生羈游只暫耳  
寒暄屢變將何依

晚眺二首

據梧詩集

卷六 修琴閣集下

十

幽景羈人得詩懷  
野外尋林梢高見  
日池面密合陰疎  
快空江夕低徊望  
國心晚風寒短袂  
緩步卻成吟  
江岸茅簷穩招尋  
羨爾家秋帆停戶  
牖漁艇出蒹葭  
雨脚寒欺日山腰  
暮起霞橋邊空佇  
立矯首數歸鴉

雨過二首

雨脚連山沒風頭  
傍水生秧添新柳  
色蛙滿舊池聲舉  
酒不辭量停帆擬  
欲行不期人厄處  
物外有閒情  
晚翠依山出春潮  
接水生荷香知別  
浦棹唱識吳聲  
沙際雙鷗沒壠閒  
一犢行石頭城畔  
路風物總關情

避風館望金焦

避風館北曲廊東  
盡攬江山入望中  
簷外金焦高下寺  
欄前帆櫓送迎風  
波紋蕩漾生虛白  
燐影微茫辨小紅  
到眼兩峰纔咫尺  
真如手弄玉芙蓉

丹陽舟次

牧童圍坐學吳歌  
草岸斜陽牛背多  
官舫丹陽城外路  
歸人此日又經過

據梧詩集

卷六 修琴閣集下

十

據梧詩集卷七

鷗馴集上

武進管 榆青村

壬申夏日自江右歸里門次胡芋莊韻

宦情蕭瑟筆鋒酣半格詩裁得共參偶談香山半格詩客路抽身歸里社年華到眼歎駉驪從容文酒陶元亮潦倒情懷殷仲堪猶喜故交勤倡咏分題敢謂鼎成三

附原韻

胡香旻 芋莊

香蒿涼飲快清酣容易空堂笑語參便酒輕衫非襤褸催人征馬佇驂驪江天蓬鬢當時在文字金釜此

據梧詩集

卷七 鷗馴集上

一

日堪茂宰琴聲方妮妮別來歲月訝重三

高郵道中三首

長堤短堤楊柳深浦淺浦荷花鳬鴨陂塘上下帆櫓戶牖橫斜

藕臂香泥未洗蓮房宿雨纔開一片酒旗樓角千家燈火城隈

風起芟蘆積翠雨來楊柳添陰淮瀆廟前偶立露觴祠下閒尋

沂州旅次

遠渚天空淨危橋水急湍店通沙岸白門倚柳陰寒雨

漲漫停馬途長促蓐餐飄蓬事奔走殘月馬頭看

半城七夕二首

馬上曝書時捧腹驛亭漏月見銀河夜闌索筆去題壁  
匝樹鵲飛南去多

坐久涼颼秋意多洗車浪說鵲橋過關心客裏逢今夕  
惆悵離人也渡河

齊魯閒雜詩三十首

亂石圍牆掩華門數家雞犬亦成村山花雨過依然好  
枯柳風多半不存沙水細流當路出棗陰垂實隔枝繁  
行行不減江南意只欠輕舟送酒尊

據梧詩集

卷七 鷗馴集上

二

長亭十里望炊煙乞火分茶欲曉天野寺尋碑今半仆  
溪橋投店已頻遷孤羹硬餅家家饌葦蕭鼓牀草草眠  
猶記衝寒朝策馬谿山踏雪故依然

日到前山雨到溪花生斷岸草生堤隔村籬犬自相吠  
近午荒雞還亂啼得得馬蹄頻入夢涓涓沙渚不沾泥  
停裝早飯煩村叟小摘盤餐繞廢畦

依然襖被上長安檢點征衫敵暮寒萬事局終看一著  
九迴腸轉到千盤遭遷自笑非能吏觸暑誰為候熱官  
酒碗詩囊長日共醉聞新政慶彈冠

雲斂嵐陰澹欲悲山村水郭正迷離蓬門雨過瓜香候

野店人眠飯熟時霧氣半遮峰頂沒溪聲偏接馬行遲  
長年剩有探遊興辛苦征鞍亦未衰

黃茆店子亂岡頭冷粉甘瓜晚未收日午乍暄猶似夏  
曉煙如霧倏成秋野花帶雨方啼恨路柳牽人未解愁  
不把新詩漫題壁年來生怕是重游

何處風光最斷腸悲秋況復是他鄉雨荷宿鷺翻珠蓋  
風柳催蟬送夕陽道上新碑畱姓氏達間皆立  
頌政碑壠間舊

冢散牛羊行行遠趁歸鴉集野店敲詩獨倚裝

遠岸沙痕白道齊夕陽斜下草萋萋疎林密樹遮重路  
後嶺前山共一溪拂拭敲牀成驚宿憑依羸馬笑雞栖

據梧詩集

卷七 鷗馴集上

三

秋風古驛齊州道送我行行渡水西

三更燈火照柴門匹馬西風易斷魂夢乳筍與聲裏夢  
微茫茅店驛前村人高詩苦誰嗟及天厄途岐慎莫論  
只有舊時官道柳勞勞笑我幾多番

蹇驢襆被一身輕過盡山城與水城馬上倚裝看曉黛  
林閒過雨出新晴溪流漾月清於畫蛩語依牀說到明  
未信年來孤館裏思鄉歸夢有人成

雲山半月未曾開笑指行人晚渡來病馬屢停郊外寺  
征衣難拂驛前埃溪聲急下前村雨嵐氣陰催隔岸雷  
極目南天歸去鳥殷勤情爾附書回

四山風靜寂無聞野蝶隨花自作羣到眼溪沙都閃目  
現身峯頂不遮雲陰晴澗壑隨時變齊魯川原入望分  
濁酒一尊當落日漫將感慨號能文

十丈征塵馬首飛看山佇立獨移時江湖別去愁中老  
詩酒拋來夢裏疑官路泥深因雨積驛門槐禿受風欺  
蕭條氣味悲秋意只是關情客子知

入秋天氣半陰晴冷暖無憑客夢驚東葉雨餘先有色  
蟬聲風定咽方鳴他鄉景物看來慣當暑衣衫著漸輕  
極目搖鞭吟絕處齊山依約魯山橫

聞道層樓結綺霞海天極目碧虹遮雪寒六月飄靈瓦

據梧詩集

卷七 鷗馴集上

四

雨灑諸峯望翠華輿裏看山時向背醉中作字半敲斜  
東來五日歌行路處處溪流送野花

悲秋何處惜離羣僕僕征途易夕曛水別河淮流自合  
地偏齊魯勢全分入村有樹皆垂棗近岱無峰不出雲  
沽酒倚裝催好句漫嗟車馬日紛紛

無賴餘寒夜半生酒醒孤館客心驚馬蹄送盡三秋夢  
蛩語啼殘五夜更冷暖不聞看變態廉隅何補只虛聲  
無須漫說當場事優孟高歌早已成

三十已過四十催人生懷抱何由開一秋半作遠游客  
六載兩渡黃河來白日荒荒迷遠浦馬蹄格格吹輕埃

燕齊邾魯行欲徧弔古感時良可哀

江臯回首望中虛廳柏虬枝暮景初五載湖山還若此

三秋況味近何如雙旌遠下來新雨孤館重遊檢舊書

叨從南樓清咏夜煙江渺渺正愁予

憶從中丞宋公倡咏勝事

勞勞送客野花開茅店山橋首重迴明月每從殘曉望

好風還怕捲塵來入秋門巷垂瓜棗傷舍陂塘沒草萊

積雨霽光應更好年華又惜旅中催

荒村薄酒不須沽醉裏羈愁只暫無倦僕觸屏軒曉夢

病驢街轡戀餘芻車行九坂雙輪疾路入三叉疋馬孤

日暮西山相對望紅塵隱隱集啼鳥

據梧詩集

卷七 鷗鷺集上

五

秋光到眼總堪悲幽景先從遊子知冷驛停裝閒秣馬

亂山卸馱獨敲詩幾郊新闢郵傳道官路爭排頌政碑

始信江湖憔悴客迂疎原不合時宜

擊筑燕歌易水哀無須北望說金臺空吟蔓草露零露

誰解幽蘭委廢萊買駿幾人求異骨獲麟終欲比凡胎

應知汲黯匡時策不及弘羊治賦才

閒道南山徑可依西郵車馬日駢駢辨才何待歲年久

論馬止須肉相肥天上星文增粉署關中遊侶盡緋衣

嗟予獨臥滄江穩飽看雙虹願又違

漏天淫雨已兼旬策馬長途屢問津破研倚裝聊寫句

荒村偶伴結為鄰壁間憂思兼歡思

任丘道間題壁詩一賦歸隱一誌赴

道上新塵接去塵無賴村雞偏解事三號殷切報行人

人

詩情潦倒病愁兼自笑年來客思淹急雨打頭遮破帽

亂塵撲面蔽行幃酒漿上市濃如粥瓜菓登盤蜜樣甜

添得雨餘三尺水河橋垂柳拂青帘

秋氣蕭條入望空倚橋微徑達村通行人交轡綠陰下

野馬互嘶寒草中漠漠蘼花初試白毵毵棗實半垂紅

征途詩思堪收拾莫比浮塵說塞翁

軟紅馬首晚來增到眼陂塘勝踏冰風起一池荷顫顫

據梧詩集

卷七 鷗鷺集上

六

雨斜千樹柳層層眠陰乳鴨時衝浪伴水馴鷗遠避鷺

猶憶白溪尋舊賞釣徒詩侶夢難勝

千越白溪荷菱二十里

短垣衰草暮啼鴉鞭指前村薄靄遮箬笠壓檐欺赤日

征衫脫線積黃沙迎風古驛千株柳過雨官渠兩部蛙

笑語津亭候關吏又騎羸馬入京華

風雨經春作病魔衝炎挾柁潮江波歸來親舊歡娛少

醉裏詩篇感慨多沽酒種花何日約放懷擊筑昔人歌

夢回細數從前事香爇燈昏奈爾何

望岱

維皇孟秋月驅車向齊州陟山登蒙嶺渡水來沂流驅



馳及兩月勞瘁當三秋頗足巖穴趣詎起離索憂雨積  
沉沒衽水漲波侵輶溪山靡有盡眺覽寧當休今晨望  
泰岱青翠空中浮鄒魯瞰視小燕齊極望幽遠如綠芙  
蕖翠削金雕鏤亭亭雙峰間滅沒寒雲稠近山益屋屨  
怪石眠駝牛微茫辨鳥道煙雲兩目收緬茲東土鎮明  
堂垂旌旂羣后秉軌度百方職貢修祈年禱必應秩禮  
崇多優非以矜侈大豈徒壯觀遊降自秦漢代好大喜  
功謀東行封禪議作事後先侔相如有遺篋李斯存篆  
籀寂寥千載內功業隨蜉蝣空餘古松柏雨露枝相樛  
因知石碣堅不及草木柔血肉苦凡體何方脫絛繆僂

據梧詩集

卷七 鷗駟集上

七

人碧幢蓋濯濯雲山陬閒折松樹枝長嘯駕赤蚪朝行  
泛三山暮歸宿十洲俯海橫略約踏嶺栖之罟天雞忽  
鳴曉海水翻晶毬回視千芙蓉返照色紺緞當年有徐  
福童女三千求何年得真訣去向長安投山靈忽掩闕  
好景難終畱海雲積巖嶂咫尺風雷愁相望不相接臥  
聽聲颼颼

平原道中二首

青驪兀兀撲塵過危坐籃輿獨咏哦忽訝展書寒翠染  
平原夾道綠陰多

百道艱難剩此身年來貧病轉爲鄰買絲自取征衫補

世上今無可繡人

任丘次壁間韻

日落前村起暮煙暖塵撲帽不遮檐無情陌上垂垂柳  
送老秋風又一年

贈僧宛凝

僦寓招尋自昔年舊遊惆悵記難全春風粥熟迴廊鼓  
秋雨茶清廢竈煙羈客題畱重過此古槐陰覆故依然  
已公近葺茅堂好相過堪吟杜老篇

次韻東周文邑

朔風候鴈正秋旻又脫征衫拂亂塵好友再逢還再喜

據梧詩集

卷七 鷗駟集上

八

都城一到一番新重思十載栖禪話共作三秋感賦人  
比舍若添長句好墨蛟顛草莫辭頻

奉答蔡立先廣文爲餘父老作遺愛碑文二首

湖山五載與君游旅食京華病過秋碑借中郎文綺麗  
交因鄭老夢勾畱白溪荷敗誰聽雨新渡梅遲憶放舟  
故老莫瞻雙柏拜署軒有雙柏使君無意下南州

天畔交情賴子親西風噩夢去何因憶從九日分籬菊  
何計三秋結比鄰松竹性貞期共老詩篇郵寫意俱真  
漸予五載荒城臥剩有遺碑感路人

送掌宸遊梁

對牀樓畔酒初醒四壁秋聲憶共聽勞我衝炎來帝里  
因君話別到離亭夕門日落墟煙紫官渡河荒暮雨青  
之子裝輕驪唱遠感懷篇什載遊軒

鴈字詩三十首同路蒼霖孝廉賦

燕市秋深暮靄重樓頭愁坐正書空蒼穹有恨憑誰訴  
大地無文賴汝工竺國重翻款塞譯燕然好勒破羌功  
誤疑陣鳥何因布運帚青冥倚朝風  
隨陽歲歲到三冬沙磧同雲一色封雪上爪痕偏刻畫  
空中文陣想橫縱關河南渡書成冢戎馬西騰筆退鋒  
猶得一行傳舊事暮霞寒樹幾千重

據梧詩集

卷七 鷗馴集上

九

旅食栖栖寄遠邦夜分哀語度幽牕連珠格法風爲演  
勒石才名鼎可扛夜讀黃蘆同宿火曉題丹葉伴歸艤  
憐渠獨抱凌雲志萍轉東西意未降

藏身八法竟誰施描畫虛空莫辨之競向陽和畱素牘  
爲商生計有微辭書垂學海同遊戲影過雲亭獨問奇  
霜曉秋旻多變態驚看天半下蛟螭

看從碧落下珠璣整隊衝風趁晚歸墨汁濡頭斜復整  
指痕畫肚是耶非烏絲斷素雲中沒玉簡傳空天外稀  
筋骨正須顏柳竝稻粱何用計豐肥

百堵書城是爾居囉囉又是賦歸歟應知以鳥紀官日

恐是因繩結政初四海同文來鳥陣千年異篆勒狼胥  
偏旁點畫皆工妙不用迂生辨魯魚

天門鳳闕勢相扶文物昭迴入繪圖聊向是中知一二  
誰於此處點之無霜風落葉丹先見宿葦沈雲墨早枯  
咫尺題空飛天矯文章變化在須臾

整整斜斜散復齊法書草聖遠猶攜亂鳥合隊皆成點  
凡鳥畱門慎莫題宇下寄人嗤幕燕篋中遺帙笑家雞  
儒生亦作穿雲志遠寫青冥未有梯

雲移煙嫋篆文佳點染山崖與水涯好手白描誰得似  
名家墨戲定能儕驚飛麗句嗤排偶羞落殊姿比折釵

據梧詩集

卷七 鷗馴集上

十

向晚蘆根洲畔宿紛紛書冢盡堪埋

捧函天畔去仍回五色卿雲向晚裁一畫圖書初啟秘  
千年文運劫成灰探奇華頂聲初度投筆衡峯勢欲迴  
憐爾文成無箇識等閒長自寄蒿萊

蠶尾蠅頭莫厭頻遙從天際辨疑真清宵風雨相予汝  
終古江湖是主賓樹染霜痕丹未點雲烘黛色墨難勻  
自從倉頡成書後法意流傳別有神

盤空筆陣掃氤氲下界鉤摹盡可焚苔長迹猶畱鶴篆  
池荒經不換鵝羣前馳追激遺雙羽後勳誇張盡八分  
身見北平飛健將故將書格號能軍

翱翔六翮勢高騫碧海青霄灑墨痕日下影聯看畫壁  
月斜行斷好題門迴文寫罷多成格真跡觀來了不存  
卻笑處堂悲燕雀羽儀文象幾曾論

千里長征刷羽翰但爲書易莫書難臨摹鳥篆何辭夜  
鉤剔天文不憚寒屋角烏頭惟曳白庭除鶴頂獨書丹  
愁思萬疊和千疊還向虛空指點看

不用頻書行路難華峰代塞亦曾攀經傳鳥跡何由辨  
文起鳩皇不可刪遺撥情懷惟筆墨逢迎旅次有雲山  
從今莫漫題空去寫出邊愁唱玉關

浯溪片石待磨鐫八體濃纖法格全千萬牙籤縹鳥篆

據梧詩集

卷七 鷗湖集上

七

十三筆柱舞湘絃書成似一飛非一過處彌天卻寫天  
極目家園芳信杳是中幽意情渠傳

關門寒雨正蕭蕭容易成書漸亦消運腕天衢誇筆力  
吮毫銀漢湧文潮隨風後陣還遙遞作勢前軍更抹挑  
歲歲常過楊子宅捲簾天際下瓊瑤

豈惜文成遜九苞于磐上六是占爻蟠迴已欲追軒頤  
寒瘦還如讀島郊去去霧迷如隱約行行風急任推敲  
樓頭閣筆時相望盡日奇文手自鈔

墨花如斗灑空霄箋懸天公盡日號譜入拍笳調錦柱  
繫來書帛落霜旄禽經夜註拈湘管鳥迹晨臨吮雪毫

纖羽紛紛俱屏卻雲山萬疊一行高

參差前隊學揮戈露布飛章盾鼻磨溼霧障天看去少  
濃雲潑墨寫來多清宵星斗文同象盡日吟吾語竟訛  
祇爲書懷略工拙黃庭應不換籠鵝

斷簡零紈間整斜音函珍重夢辭家天池蘸筆雲生肘  
榆塞裁書墨帶沙碧落無須嘲點疥黃昏應共笑塗鴉  
一聲嘹唳常聽曉驚破江郎夢筆花

畏因霜冷競隨陽歲歲秋深示一行懷刺多門勤執贄  
登雲有路服成章窮愁嗟爾丹鉛老蚤晚輸君甲乙忙  
好註禽言三百卷樓頭盡日永相望三四近事

據梧詩集

卷下 鷗湖集上

七

薄暮相看每未明遙同北斗掛邊城五更殘月留餘影  
半夜孤燈隔去程原上鶴鴒供作帖波間鳬鷖自要盟  
憐余覩物因成感江海飄零少弟兄

一自新霜下北溟揮毫落紙幾曾停河荒地遠疑飛白  
秋曉天空付殺青何事愁中書咄咄嘗從雲外去冥冥  
行題多少愁多少矯首看來又細聽

代塞曾過第幾層勞勞草澤帛書徵木蘭調短聲徐減  
楊柳行疎勢更增嶺上晴雲飄蜀紙江間新漲剪吳綾  
紛紛過影須臾事多恐文工造化憎

天涯何處有書郵檢點封題夜未休勢最精嚴誇鐵線

形多迴互說銀鉤體兼八法工摹勒格寫千行費校讎  
歎未曲江題塏去殘編禿穎瘞荒丘

客途寥聞有微吟絕塞書來急暮砧常爲銜蘆工草法  
慣於遵渚作池臨隨風落處行疎密帶霧開時墨淺深  
細錄鉞鋒相問難好辭誰爲解碑陰

遙天木葉下江潭天外音書取次探剝落篆文渾未辨  
整斜真草亦相參當空對影看奇偶最後孤飛有二三  
曾向公孫學劍舞折釵屋漏與爭擔

望爾飛飛客思添江村搖落共青帘雲山南去迷千疊  
筆墨飄來易一縑漸象占爻傳陸羽縷文退筆弔蒙恬

據梧詩集

卷七 鷗馴集上

七

秋深對景偏清切感物傷懷兩淚兼

天邊尺一詔徐頌稽首彤雲啟玉函南去孤帆齊落影  
北來芳信未開緘從風應候聲歸塞算權當關蘆尚銜  
不到峒嶺比古篆迴峰自古說衡巖

京師見賣梅花者用宛陵集中韻五首

東風帝里原先入長恨春來少此花曾藉何人噓假力  
知非故土莫爭誇

前年新渡報春迴照水驚看千樹梅溼霧直和溪上月  
團成香影到深杯

而今寂寞想離傍野渡人歸插帽香三百十三寒樹老

春風不爲挽年芳

千越南沙古梅  
共三百十三樹

兩三素萼縹塵裏輸卻橫斜倚竹扉真似越人僑北地  
春風小住便忘歸

霜欺雪壓多虧日紙室油牕伴過年何似吾家山放櫂  
僮肩酒榼杖攜錢

歲暮雜感用錢牧翁消寒韻十二首

五年浩劫得閒身宦迹微茫筆硯親機局靜參惟白眼  
形骸自笑只烏巾庭閒瘦影分鄰樹篋檢書行半故人  
蕭緘漫嗟時序晚近天猶喜列堯民

半甲全過老漸增閉門朝坐抱凌兢人誇巧慮千無失

據梧詩集

卷七 鷗馴集上

七

自笑迂疎百不能車走雷聲塵積室風窺牕紙硯含冰  
晚來警枕南行鴈知過家山第幾層

北風灰洞射眸昏爽氣俄看翠欲捫零落故交悲聚散  
延緣世態尚寒溫西山有鳥虛填海南國無香可返魂  
歷歷舊游俱在眼破牕擁被與誰論

懶向泥塗問醉醒充簫曾說勝遺經誇渠風便爭登岸  
訝爾天空偏列星夢裏蟻軍封爵幻靜中蛙吹鼓歌停  
閒牕穩臥三竿日萬事從今只眼聽

莫向當場說塞翁由來瓊巧勝頑聾雞蟲得失千何事  
牛馬稱呼只任風眼爲怯塵愁向北身因負日每依東

寒牕鉛槧冬殖美拂袖江亭豈少功

雙虬暮雨聽寒秋秀壁巉崖屋角搜世路飽諳傷九折

津亭小住號三休湖山到眼猶勤訊琴鶴隨身未易謀

莫向江臯問流水百年遷客半南州

一榻翛然抱百憂戒將肝肺學雕鏤荒原病馬初辭轡

斷渚微波不繫舟忽爾風沙疑絕塞偶然花鳥卽林丘

憑高雪暗雲浮處汗漫重來作舊遊

枯菴失著又翻新斂子推枰盡主臣九轉神遊還此日

一時仙蛻屬斯人輕裘寶馬逢連璧羅綺笙歌正百巡

容易春風忽惆悵空傳索駿按圖頻

據梧詩集

卷七 鷗馴集上

五

江南芳信一何遲日暮愁兼黯黯思桃葉水漂誰度曲

柳絲風急不成眉春迴小苑花爭出夢斷油車燕未知

好在天涯歸驛使隴頭新寄折梅詩

支離常自笑經年束糗燒船却鬼纏大庇志存寒士厦

良籌日計水衡錢三間老憶灑西屋二頃貧輸洛下田

風物艱辛人事異昏昏只合擁書眠

瓶花日曬解寒冰睡鴨香銷暖未凝鳥誤月生驚起樹

鼠憎人語暗窺燈良朋別久詢暄冷弱女書來問寢興

寂寂江鄉來眼底滿城殘角夜愁增

鴈字賡題潑墨催敲詩除卻卽銜杯荒街刻盡漏徐轉

禿樹夜寒風暗來似此光陰當歲晚不禁懷抱又春迴  
吟思半入鄉思苦酒罷誰爲歌莫哀

送華陰王宜章之官眉州

青衣江水接天無仙宰之官赴蜀都聞說梅花千樹在  
曾傳明月半輪孤晴雲自傷東西岫遺迹還尋大小蘇  
若把華峰比峨嶺未知山色更誰殊

臘月二十日用宛陵和景彝閏臘二十五省宿

韻

翛然閉閣抱凌兢破硯輕綃暗結冰隨手年光何草草  
舉頭雲葉看層層荒街殘角依寒吠獨夜昏星出遠燈

據梧詩集

卷七 鷗馴集上

十六

明日盧師同振策報書先擬訂山僧

壬申除夕用東坡除夕贈段屯田韻

勞生數週甲今日又過半其間計所歷隨事雜歡歎年

光如逝水過眼不堪玩朋儕如浮萍偶聚忽復散五年

困簿書鎖印尋老伴朝衣寒似水問夜坐待旦拂衣走

江湖此事已前案芒屨踏京華短髮秋蓬亂缸花照夜

眠研水備晨盥南山幽徑捷攬轡一何緩攫食爭鳥飛

戒進惡魚貫春城春酒釀歡飲起愚懦椒花落辛盤列

坐依爐炭侍飲有陽元江花飛別館天涯喜過從清齋

得餘暖初日射西山明朝庶一粲

除夕擘橘用東坡食柑韻

帕包箸裹若爲珍亦得貽嘗自近臣  
故事傳付先賜近臣還與椒  
盤同位置快從玉蕊鬪芳辛春風少待堪攜酒纖指分  
來每憶人獨有候朝新太守千頭應笑李衡貧

據梧詩集

卷七 鷗馴集上

十七

據梧詩集卷八

武進管 榆青村

鷗馴集下

癸酉元日用東坡元日早晴行中途雪復作韻  
風聲逼歲除霽景忽晨送迎年謝臘意瞥眼在殘夢宮  
花巧剪生幽鳥亦初弄便覺有新色此景誰與共皇州  
春最都比戶無缺空漸亦及旅人春衣試紫鳳拓疆輦  
金甌連城積雲棟調時蓬華歡計國廟堂痛誰知南山  
下鼓腹勤藝種藉言何自勞息機方抱甕

鈕燈同陳中江賦

據梧詩集

卷八 鷗馴集下

一

秋水蹴虛浪春花流素光休辭消燭短容易引杯長飲  
態驚公孟詩情識子昂無須愁寒月坐對且飛觴

春夜值雪用東坡集中效歐陽禁體和子由韻

楹礎朝潤如兆龜夜眠雪積無由知推窗入暮雨間出  
積徑壓樹風倒吹續紛六出散堦砌對此蕭瑟撚枯髭  
陽枝依依落歸鳥淺渚活活流水澌銅溝凍裂朝自解  
禿樹僵積高多危官街一尺泥沒蹀騎馬轉簾垂鞭絲  
蕪煙暮舉井晨凍饑病豈特東方爲嗟哉世人安旦夕  
造化倒亂誰秉持屢年秦晉歎早魁剝樹樹不存膚肌  
竄身東下盡黔首結駟西入皆販兒吁爾滕六獨何事

無迺失職妨春時今晨飄屑向空際有似姑射張羅帷  
寒雲百變忽同色霽月數掩多成姿破窻羈客何所作  
呵凍墨汁翻淋漓經旬閉戶僵臥病爭粒凍雀喧塔墀  
忽憶去歲春雪大雙峰點處晨昏披閣底野梅自吹落  
樓頭濕霧爭飛馳江山浩劫曠著句天地慘澹強倒厄  
打窻急雪共心碎顛倒短褐常身隨龍眠白描遜十指  
懸槌握筆醉賦之

送陳中江出關附贈硯研水沉

北風榆臘捲黃土布簾掀翻如撞杵香沉睡鴨冷不然  
研積輕塵密于縷陳君辭我歸塞垣揖坐慘別通款語

據梧詩集

卷八 鷗鷗集下

二

憶昔乾符初握時天下正聲仰鍾呂雲中矯矯鸞鳳姿  
山甫袞職聞多補溧陽相公淒涼世事一朝改三十年來指  
屈數遼海自昔幼安居襦褌卓帽君今主君之才調追  
正字詩苦人高頓羈旅居然豪氣吞江湖間發歌詩振  
鏞鼓柴門近枕松花江峰窺長白插天宇馬潼羊酪壓  
尊羹魚皮之衣肅慎楷地不瀉鹵年和豐人無些窳俗  
醉古大禮賦獻中書堂諸侯賓客吟杜甫懷抱英雄詩  
律細堪追雅頌傳宗祖鸛鵲硯潤碧眼凹鷓鴣斑斲雲  
脂吐微物貽餽輕鵝毛君歸屏當几案撫畱香聚墨好  
幽致放翁佳句入聯譜談詩說劍真老蒼鷄雛嚇豈受

腐鼠海濱寂寞歸去來英雄老矣學爲圖客途惜別愴  
顏色痛飲不辭添兩炬哀笳一聲改鬢毛奚編筆記黃  
龍府

集張允文寓齋桃花下六首

幽懷強欲尋幽事跨馬城隅趁晚晴可惜年來春氣味  
大都客裏病心情風花高下羣蜂隊陰樹周遮一鳥聲  
聞道先生方習靜停鞭容我叩柴荆  
蒿徑常遮仲蔚門時時擁卷坐秋根自疑春色來無地  
不意僂源別有村苔井倚風塗玉頰絲雲籠雨返香魂  
相逢莫道年華改那遣微塵到酒樽

據梧詩集

卷八 鷗鷗集下

主

放眼青山入望空閒雲依舊傍簾櫳斬新高柳初勻碧  
無賴天桃自放紅春色自來皆夢裏客愁何事到杯中  
花開莫遣東風惜前度玄都句較工  
五年江畔坐江樓坐看紅雲逐雨流今日一樽容我醉  
異時千點散鄉愁吾廬信美能依水有客相過每倚舟  
聞說千林香雪裏東柯邀載好同遊學山園紫藤  
羣芳年光抵歲長相逢便擬醉千場鶯花催送三分暖  
蜂蝶爭教一日忙景物關心曾昔夢繁華到眼總他鄉  
攀枝藉草相泥飲酒入猶縈未斷腸  
只薄簾櫳待好風點殘苔徑暮煙籠甕頭潑雪先誇白

客裏看花不厭紅，盡吸緋霞深盞裏。全拋么鳳綠陰中，  
擲得全色寄聲莫道微官誤。文酒過從一笑同。

同李寅谷集孫旦補梧軒藤花下

春歸勝事到名園，一架晴雲又滿軒。似霧看花渾未辨，  
散霞成綺欲無痕。絲堪作障猶排隊，玉可生煙是返魂。  
飲罷繁枝爭亂眼，暗風搖蕩自黃昏。

再集藤花下次徐虞門進士韻四首

悵望春歸客思賒，東風日爲洗鉛華。攜他五色徐陵筆，  
來賦崇嗣沒骨花。

紅牙小妹初要珮，紫府僊人解贈珠。恍似諸天雲外見，

據梧詩集

卷八 鷗馴集下

四

流霞巧製薄羅襦

收覽花光有此臺

傍花築臺

九枝燈傍晚樽開，春風刻意憐

花態半颺晴空半作堆

丹山小鳳駕遊軒，紫玉鵷釵最娉婷。彷彿芳魂歸去晚，

空庭猶語候風鈴

宿梧軒同路蒼霖孝廉限韻二首

夏淺常看一院花，虛堂朝暮捲晴霞。芳痕畱艷依新月，  
繁影吹煙護絳紗。曉露每疑沾蝶粉，晚寒猶自放蜂衙。  
相過最憶東臯畔，啼殺歸林獨後鴉。

碧梧軒畔紫藤花，朝看如雲晚似霞。垂處小姑畱舞珮，

開時神女衣輕紗。鶯從翠角來窺幕，蜂引香天未散衙。  
遮莫丹丘集羣鳳，近天那許列昏鴉。

大風過梧軒藤花下憶故園成詩

都亭三月北風惡，怒號欲捲羈人魄。黃沙匝地爭入眼，  
抹眇忽見千花萼。兩株瘦勁如枯槎，牽牆補屋紛相拏。  
癡雲落地忽吹起，老幹倚天還復花。北株盤坳自無比，

垂陰下覆米顛字

下有襄陽題石

南株天矯高入雲。六時花雨

徒續紛，竭來浮身過山閣。花影沉沉動簾幕，但覺春從  
花底迴。不知花向樽前落，急須飲酒呼吾徒。杯中倒影

晴霞鋪，爾花當春最姣好。醉眼看花還有無，停杯忽憶

據梧詩集

卷八 鷗馴集下

五

斜橋里，千林香雪晴峰裏。曾是當筵排硬句，一樹紫雲

收不起。我今苦客燕昭臺，小山魚鑰荒青苔。十年兄弟

看花日，樽前之人安在哉。

雨中過碧山堂畱飲張允文寓齋二首

清齋向晚送新涼，喜弄鞭絲到草堂。壓雨戎葵紛落砌，

遮雲宮柳欲過牆。重懸簾幙濃如水，旋設樽罍靜自香。

入夏相過應不厭，拂天喬木有千章。

愛爾依山草閣虛，南軒北牖晚涼初。盡除屏障東平室，

閒長蓬蒿仲蔚居。絲雨濕花輕落地，好風入幕暗翻書。

堂開最有平泉思，早退令人歎二疏。

堂爲玉峰相公別墅



送友之官粵西

送別征車下嶺南都城官柳曉氈氈恩因特簡來蠻徼  
績報新成啓玉函荔子迎炎初上市榕陰停午未開嵐  
尉佗遺跡宗元記專待先生作筆談

雪夜席間有贈十首

濕雪融城散馬蹄冷煙吹柳未經齊招邀爲踏城南路  
花妥新鶯恰恰啼

自小妝成不記名薊門春絮最輕盈無端一夜東風惡  
吹向若耶溪水生

蝦蟆陵畔是儂居鴉鬢三盤巧掠梳日暮琴臺勞悵望

據村詩集

卷八 鷓鴣集下

七

就中爲覓馬相如

過影簾鈎半面妝玉釵徐整泥諸郎當筵總作蓬山路  
夢裏心情待楚王

酒暈輕寒思轉添藏鈎斜裏玉纖纖遙憐隔座傳杯意  
彷彿香痕在指尖

欲語還嗔別有情帶人春到眼波橫前身合是樵青女  
深夜惟將綠雪烹

靈和殿柳闌輕絲靜婉纖腰按拓枝一曲念奴休寄與  
心情辜負落花時

世事蒼茫且倒卮六年飄泊走京師坐中誰解憐紅粉

不是微之定牧之

風雨他鄉作病魔嚴城漏起斷經過誰吟白老琵琶調  
此曲青山淚最多

簾外天花漾碧虛樽前蟬影最愁予贈君一種消魂句

人在東風二月初

陳其年無題句

六月十二日雨過乍涼飲碧山堂雜用迦陵荅和  
園韻八首

雨細衝泥滑佳招到夕軒侵階苔未破應客鳥能言簾  
密空雲影堂虛借夢魂綠陰垂合處風展碧天痕

疎快真何地高軒此數間鳥時衝雨過雲亦度風還一

據梧詩集

卷八 鷓鴣集下

七

榻臨池設重門傍樹關應知名士宅洛下有商山

密樹春雲滿嚴城晚雨宜牆根依蜀槿石罅迸戎葵琴  
鶴隨身便圖書負擔遲南州徐孺子下榻又今時

石麟天上種玉樹謝庭人湯餅排成會芝蘭長及辰歲  
開新甲子年轉舊庚寅定挾君家筆文風待轉輪

君嗣

徐公新得

覓草尋香得鈎簾怕燕妨老藤高覆屋池柳密移牀抱

病經年住開樽五月涼從容文酒會容易引杯長  
犀液茶膏嫩雞鍾酒色清水經時注釋觥政最縱橫果

熟兒童打簞幽鳥雀爭招邀到羈侶吾亦忘去聲躬耕

相過何辭數沉吟到夕烏旅愁誰與說逸興未為孤對  
酒吾徒共追歡異日殊祇因拚醉臥夜雨長塵燕  
羨爾幽居好名賢共此家張允文瞿  
穉六同寓雨涼宜把酒風暖  
卻翻花借綠虛堂靜拋紅滿座譁儘撩羈思苦佳會許  
頻賒

哀殤女

牆東有巢燕飄泊常天涯風雨滿寰宇挾子來棲遲舊  
遊愴代謝嗟爾何由歸栖獨蒿目日共饑烏飛藉君  
玳瑁梁聊作鷓鴣枝羽翼始云息穀卵恒及期苦為饑  
驅迫路遠銜片泥將飛各隨母教語爭哺兒方云華屋

扶梧詩集

卷八 鷓鴣集下

八

處長與黃口依罡風凌晨來震雷疾翻移一雛先天折  
宛轉啼何悲春風蕩簾箔顧影誰差池一雛最幼小體  
弱難禁持同歸荒草畔夜夜魂相隨春寒獨夜惡唧唧  
聞嗟咨斜陽暗寒食暮雨摧棠梨朝榮夕即落此傷彼  
亦萎我今羈病日偏值傷懷時故鄉杳何處久客音書  
稀前月附信至慘凶弱女罹淒涼望故鄉低頭雙淚垂  
昨日復得書沉痛迫轉滋季女最憐穉終日惟爾思所  
傷未一見愛爾空言慈猶聞別時哭慘切牽母衣嗟爾  
未半紀襁褓何遽離乃知夭折苦不如無生為月前惡  
夢寐客枕多憂悲一月兩殤折慘悼並驚疑作書寄汝

母痛語繼憫詞墨雖和淚落筆已先心遠遙知啓函日  
追憶涕漣漣芳英倏摧謝銷歇何田追年年巢燕玉觸  
目吟此詩

題畫二首

尺幅應須作臥遊開緘粉墨見滄洲數家竹屋清江上  
不盡遠峰寒樹頭

萬壑泉聲落萬松空林獨坐一僧逢匡山五老余曾到  
此景真如第二峰

七月廿二日書悶六絕句

薄遊何計走京師自笑迂頑百不宜強撥悶懷思往事

據梧詩集

卷八 鷓鴣集下

九

去年今日卸裝時

鄰家樹色綠侵廬日日虛窗憫索居堪笑羈愁惟臥晝  
兩看落葉下庭隅

悵望前行據要津五年何事走逡巡綠章乞奏天公道  
捷足臣原不若人

聞道江南禾蚤枯累予十口是荒舍病妻儉歲知何計  
盡在南來片紙書

蝸角生涎曲上牆暗苔含潤綠侵牀墨雲翻雨打窻急  
又共離愁一夜長

最憶城東桂早花烏菱白芡酒能賒江南煞是饒風景

何事行行不住家

八月十二夜對月二首

作客歲時易登樓景物殊暑方秋半退月自旅中孤樹影移窗得雲衣入夜無西風足涼思策策下高梧  
久客當長夜貧家屬儉年從來不堪述到此忽相連兒女遺書切關河入望綿惟餘兩地月相看幾迴圓

十七夜對月聞借綠軒諸公讌集次韻二首

閒道羣賢集誰憐臥月明樹陰當戶上河勢傍檐傾顧兔影徐缺天香夜自盈遙憐故鄉久坐易幾年庚辰逝不處佳月望猶明到眼暮雲遠關情濁酒傾遙

據梧詩集

卷八 鷗馴集下

十

知故人集自有好詩盈忽漫驚離思年華斗指庚

十八夜對月

坐久覺寒近秋齋空復清片雲無少隔孤月看徐行犬吠雜荒柝蛩聲切暗繫何人當此夕鄉思寂無生

送徐虞門先生之任臨城二首

徐君瑚璉姿奕奕廊廟器下筆摧堅碑讀書窮奧秘詩才擅格律驟馬復整轡書法極縱逸秋爽鷹隼驚雄才兼茂德見者皆心醉謂是梁棟材宜為房杜繼初命且一邑牛刀先小試常山古雄郡畿南實重寄行看熙朝業偉哉從此始

策馬出郭門送君為君語南畿實襟帶比之昔三輔為邦尚德化以道變齊魯寒谷多朝曦窮閭樂與儒林循吏傳君自作宗祖課最先近畿惠政歷可數甘霖始膚寸漸亦九州溥豈徒為臨民區區頌名父

秋夜偶集用梅村集中韻東李寅谷

容易賓朋集空堂漏欲沉一年秋好夜千里客驚心堆珀持螯巨浮波鬪盞深坐來成嘯咏纖露轉風林

重九前一日由長椿寺登妙光閣至善果寺

燕京秋多風風止日自佳出戶計所適好友予能偕策馬耽野趣頗厭從通街禪關寂以深曲徑依高齋古槐

據梧詩集

卷八 鷗馴集下

十一

覆庭檻朱蓼紛荊柴登樓俯勝景曠達憑幽懷清談苔鐘響喧市何塵蠅蟬泣荒砌墜葉鳴空堦善果遙入望蒼翠雲中排須當矯席帽何惜畱青鞵松聲雜鈴語調古風為諧悠然會心遠撫念往事乖明朝倚兩足還過西山崖

九日同陳道柔及叔美纘承農先遊黑龍潭用陳

檢討九日韻

兩旬積潦秋暫歇街泥濘濘馬蹄沒客逢佳時折簡邀僮誇健步腳不韞東鄰許借瘦馬騎動足猶然戀芻蕘嗟我五載荒湖濱誰幸北來喜見蠹遭逢聖代獨畱滯

意或飽看黃金闕長安達官強解事先我荒郊挈盤核  
深潭千尺乖龍藏祇愁咫尺風雷稍從登高當祓除  
可破星家言計字華亭好友獨失期後至當領深杯罰  
王雲岡衡洲太丘靜者意有餘坐撫虬枝高興發隋唐  
相約不至舊事何人傳談戎說劍相告許作佛會說林敗葦最  
蕭瑟盤鷹飛鳥亦起忽少陵先生九日句千載詞壇秉  
旄鉞報君奇語慎勿吟吟時恐動蛟龍窟亟騎歸馬趁  
斜陽門外西山如拱笏

復遊御風亭分賦得陽字

秋風滿溪壑秋氣橫林岡客子誇足便徒步還相將高  
據梧詩集

卷八 鷗馴集下

主

亭登傑構屋瓦紛青黃追陪上飛覺天風吹我裳蓬萊  
亦咫尺一氣辨混茫薄雲蔽白日蔓草紛荒唐回首近  
街市卜肆依頽牆笑我登涉勤美彼鳴騶忙百年幾重  
九雙鬢催秋霜軒軒側風帽駐目迎斜陽

牟流店三首

儒雅風流古獨稱襄陽遺澤至今存亂山中有黃茅店  
猶把牟流作一村

蔡氏有甥兼及子成公能讓反無兒從來天意多難解  
似覺於公更有虧

廢宅遺蹤杳莫尋土人相問指荒林不知峴首山前淚

若較汶河波更深

題壁

驅車落日亂山邊古木周遭響廢泉故里漫傳牟叔子  
凍雲殘雪一坵煙

沂河道中六首

渚明沙白鷺絲飛綠岸人家苧網垂漸有江南好風景  
合於閒眺便吟詩

盡日山行不計程峰巖曲曲水泠泠無端曉起風迷霧  
失卻鳬蒙半壁青

流官新亦得頭銜歎息蠻天况味諳謝爾羣山齊綰髻  
據梧詩集

卷八 鷗馴集下

主

爲予惜別到江南

相逢馬上訊暄寒君去京師我普安咫尺相違五千里  
臨風一語勸加餐途遇掌宸北上

曾憶前年匹馬遲溪橋春漲卸裝時當時風景依然在  
惆悵青山是舊知壬申夏阻張此地

茅檐初月正纖纖卻與羈人照夜眠行程三四五更望  
還家一十七迴圓

天外集序

詩三百篇非徒草茅坐誦之物蓋將用之以達於爲政也然而嘯詠山水吟弄風月與簿書期會之事迴不相謀此嵇中散所云一行作吏此事便廢良有以也且唐之劉柳無稱於事業而姚宋不見於文章彼四人者猶不能兩得況下此者乎乃武進管大令青村敏於爲政而以能詩聞青村世家子富文學以彼才地何難取貴仕乃屈而烹小鮮於黔之普安雖有倚天長劍無所用之五年中得詩如千首因以天外名其集而請序於予先是予撫江西時青村爲餘干令三善賢聲如沈度予

據梧詩集

天外集序

賞之固不以詩也而詩又工大抵根源少陵繁枝衍派於蘇陸之間文章政事兼有其美豈易得與或曰潘孟陽飲酒遊山幾廢公事賦詩將無同是大不然昔河陽栽花彭澤種秫王夷甫爲元城令終日清談而縣務自理皆不失爲賢令青村遠宰荒徼政有餘閒感時觸事發興摛詞以自寫其幽渺鬱勃之思不惟無妨於政而已集中如觀象歌點夫行索夫謠鷓鴣灘紀事夜觀燒山諸篇直可與少陵天育驃騎歌石壕吏柵樹爲風雨所拔歎相頡頏其有悲天憫人憐才恤下之仁可知矣詩雖無多之數篇已決可傳且古人佳句如王文海蟬

噪林逾靜鳥鳴山更幽當時以爲文外獨絕蕭仁祖芙蓉露下落楊柳月中疎矧子才稱其雕章間出卽一二語贈炙千古不在多也彼皆風雲月露無關政體尚以工而傳況青村諸作上繼少陵有不爲採風者所首錄哉今補銓瑞州之新昌新昌故山水窟公餘休暇吟章益多將必得山川之助鼓吹休明以達於政政成之日予將含毫濡墨大書其報最之奇也綿津山人宋肇撰

據梧詩集

天外集序

二

據梧詩集卷九

武進管 檢青村

天外集上

甲戌立春日將之普安發淮陰舟中作

無端挽馬過兩年走京甸積淫泥沒蹀旋風沙撲面  
僦居苦偏仄徒步甘辱賤六謁銓司尊摩肩盡冠弁才羅  
萬選錢徑捷三語掾經年住長安季子黑貂變得官何  
足多還鄉實堪戀除書前月下遠徼過瀕灩萬里予曾  
遊一裝詎易繕况茲編小邑艱難經百戰昔去當亂離  
今來幸清晏 君王一有命敢以寒苦念緬思先澤存

據梧詩集

卷九 天外集上

棠陰足繾綣翻然出國門祖帳渭橋餞山程及水驛排  
日流清盼溪魚晚市得驚麇空林見只愁北風豪雪花  
大如片誰知蔚藍天皎出明霞練短莎踏平苔岸柳搖  
微綫矮壁題新詩野寺搜破硯浹旬過燕齊逾歲轉淮  
汴長淮春雨渾帆輕駛如箭一發三百里速若置郵傳  
信知非天厄任運戒嗔羨今朝翻日曆首春月初建宜  
晴反值雨占候信有驗吳越昨歲儉水旱民力倦小民  
望豐穰日夜切壇墀誰將監門圖竟達承明殿欲言且  
悶語憂國讓羣彥

將之黔南 別宋漫堂先生四首

河洛中氣醇君子秉仁義堆牀貽祖笏列戟闕宗器玉  
田登敷榮實樹彌挺翠鴻文雲垂天大雅金擲地商霖  
澍八埏南顧紆波委西江移東吳閩澤悅民志剛明鋤  
強梁蘊藉養善類更治本經術周孔道未墜

鬱鬱山上松其蔭迴春姿小草遠莫致何以蒙恩施因  
緣緬先世外祖知黃陂於公爲屬吏知愛情不疑推烏  
及子姓均荷雨露慈兼感鎮西江小亭待罪斯拙陋無  
寸長惻隱或不虧公也顧之笑一命毋寧茲

憶昨于水時五載庇公舍定遠祇平平陽城宜下下公  
獨豁達觀溫言常慰藉喜其非繭絲辛苦到桑柘撫字

據梧詩集

卷九 天外集上

有微勞兩番急提借機緣猶參商無端落機獲俯窮  
黎呼特章爲陳謝代者行下車後命遂報罷至今白溝  
民臨風幾悲吟

除書前月下行指黔蠻煙薄遊六千里少別四五年免  
絲失松柏愁苦風霜纏感激辭公行羈縻汲綆牽再拜  
不忍別瘦馬嘶冰天束縛愧難酬余影誓勉旃囊餘發  
哀音猶冀萬一憐隨風生因緣拔置青雲邊

荆江途中口占三首

巴江南望洞庭秋日征帆賦遠遊浪跡荆蠻緣薄宦  
側身天地有孤舟江濤夜雨當年夢禾黍沈雲故國謳

極目楚宮牢落甚敗林寒葦叫鞦韆

蕭蕭葦荻接平川日暮舟行思惘然荒岸雀聲羣恰恰  
敗池荷葉亦田田三杯壓藥卯時醉一榻攤書午後眠  
風物自佳人自好傾囊應買釣魚船

赤壁居然起壯圖石頭渡口草薜蘿無智如魏武猶難料  
語及周郎尚可呼地下有靈應識我當年無亮不成吳  
書生亦解興亡事說與樵人併釣徒

過嘉魚赤壁下

五日舟行洞庭湖歌

我生大言好迂怪常思起螯鞭蛟龍北遊青齊過溟渤  
東觀海勢畱吳淞竭來南遷更遠險要我直覽江源窮

據梧詩集

卷九 天外集上

三

漢陽渡頭跨黃鶴彭蠡湖口聞山鐘天公假我三日便  
馬當怪夢飄神風岳州城頭坐樓望混茫一氣有無中  
東湖西湖勢相繞君山扁山何龍蔥波痕欲撼城角缺  
水勢直與天源通凌晨張帆向空際鳬鷺拍拍雲濛濛  
平鋪泛碧萬千頃特立添黛三兩峰四天不見湘草軟  
一色惟見湖光空有時波紋融日影倒垂簾箔磨青銅  
近來浮家苦偏窄推窗一寄開心胸狂歌長嘯忽大叫  
吾輩何日離牢籠下牀濯足萬里遠譬策駿馬追飛鴻  
措身無地寄湖海隨天有願依鱸鱖君試開樽浮大白  
秦皇當日真英雄涉湖風雷偶然作赭山伐木搜蛟宮

暴君聊逞一時快詎念砥柱千年功東風更醉汝杯酒  
爲我弔屈幽蘭叢綵絲解纜今日事汨羅之水流淙淙  
丈夫際此忽慨歎舉杯不覺憂來攻停帆瞬目三百里  
船頭日落青山紅

上灘行

舸船銜尾接結幫同上灘灘深既苦溜灘淺常苦乾前  
灘勢高逾十尺後灘鄰鄰全積石天風鼓動馮夸宮怒  
濤捲起蛟鼉宅牽船百丈山之巔樹木蒙密相連蟠篙  
工舵師齊用命竹木邪許聲喧闐篙撐行一尺漿蕩行  
一寸石灘行既遠沙灘行漸近吾觀牂牁之水從天來  
千流萬派如奔雷豈其中有不平事萬古與石相喧壓  
蠻鄉犵嶺不可住滔滔日夜東流去昔年多事馬相如  
傳車遠闕西南路君不見黯淡灘兼惶恐灘瞿塘灩澦  
欲過難迴瀾急溜休停棹淺渚微波好把竿

感事吟

丈夫生年已三十百事於人俱不及看鏡勲名自許期  
倚樓懷抱無端集前年作客燕昭臺黃金臺空畫不開  
肩摩轂擊盡冠弁朱衣寶頂多興僊漸離擊筑竟安在  
昭王駿骨何如哉一麾出守來蠻域雨深瘴嶺雲如墨  
三月之間萬里行江山慘淡何顏色蠻夸魑魅捍禦功

據梧詩集

卷九 天外集上

四

秣馬征夫遠臣職東鄰倡女彈琵琶一朝選侍朱門家  
西鄰處女顏如玉婉孌朝饑飯不足君不見毛延壽畫  
蛾眉多金誰爲分妍媸懷貞抱璞非俊物顰笑逢迎  
真可兒

### 青琅灘

桃源掛帆三日行峰峰回互如有情前山鬱鬱插天際  
霧氣展合俄陰晴沅江之水百千曲萬古與石相抵觸  
波移疊嶂千樹青雨散平篙一池綠尤其險者惟青琅  
四十里峽如平羌三千水犀射潮退十萬勁弩剗蛟僵  
聲排雷電掣天吼氣飽烟霧埋雲黃篙工色阻舵師駭

### 據梧詩集

卷九 天外集上

五

間容一艇猶絲量牽繩百丈臨石窟壁色怪立如積鐵  
崖浮月宅不露根樹倒峰坳全見骨翻栖已逞芒履便  
捫樹最恐陰崖滑高軒紺宇何王宮英靈千載真雄風  
伏波將軍遺跡在五溪荒微開蠶叢飛鳶仰視使心惻  
蕙以招謗畱疑蹤人生萬事幾更易年華一去真無迹  
憲使乘傳南去時泊舟此地羈遊客屈指驚過十二春  
投荒依舊泣孤臣鶯花識我非生客山水逢渠是故人

### 溪上

溪上人家烟似沐柴門正傍清江曲溪樹從遮十畝陰  
泉聲直下千尋瀑老翁午臥聽鳴雞稚子暮歸驅宿鶩

悠然野意無人知一縷炊烟燃楚竹前村又有醉漁來  
搖碎清江萬寒玉

### 白龍巖放歌

巖在浦市下三十里

山行六七日乃到白龍巖白龍巖高八百三十有七丈  
屹然特立青霄碧漢上有雲霧相來還傍巖怪石百千  
箇眠立欹正仰伏乎其間雜以僵藤并禿樹有若猛虎  
背痒指枯杉其陽絕壁直下視神工鬼斧何年劈削相  
雕劃中有石罅三五點苔破銀屏千尺恍視一一珍珠  
嵌想當日月東生西沒陰崖陽壑終古相吞銜飲猿欲  
下畏徑滑野鶴乍起憂峰巉矧是人生血肉苦凡體安

### 據梧詩集

卷九 天外集上

六

能牽蘿躡石行追扳我今南行當五月溽暑伏喘舴艋  
無容顏乍行忽覺涼滿體泊舟正值山之灣舟人相告  
昔年茲山白龍出其時風雨大作崩崖踏谷雲殷殷至  
今山巔削空際隱有鱗爪相迴環君來適值日當午早  
晚每苦烟霧偏箝關龍乎龍乎胡不在洞庭震澤之淵  
嵩高太華之山爲霖潤物遍九有垂鱗下土羣躋攀胡  
爲蹤跡落荒微千古遺事傳溪蠻毋迺失職違其用長  
雜樗櫟埋荆管我來題咏最快事濡髮潑墨汗衣衫溪  
流峻急不可住相與策策騎風帆

### 辰溪對江碧水丹山



沿江六百里奇景歷可數幽遐莫畱題怪險豈堪撫所以五溪雄滅沒蠻夸伍茲山突兀觀倒影插天宇旋峰每若置層巔忽如俯藤蘿千尺榦合抱疑臥虎大者通橋梁小者垂絲縷中間石罅裂迸出千牛乳陰涼清高原冷冽下峒戶遊崖稍平處奮筆掀神斧丹山碧水字刻畫如勁弩逼削倒成龕下宜息篙櫓明霞杳天際恍若疑風雨會當刷黃精旦夕生毛羽

浦市

一徑通墟市居民十萬家林深兼竹樹溪遠足魚鰕人帶方言雜船歸晚渡斜殊鄉營俗利擾擾隔江諱

據梧詩集

卷九 天外集上

七

自辰溪南行峭壁夾峙怪詭屢出即事有紀

勞生無百年幾見好山水眼光混市朝紛紛厭紅紫兩年走京師比屋堆馬矢夏初開溝渠積穢路傍委垂鞭偶然出霾風排土壘鼻口既屏息耳目復塵昧嚶嚶勃谿聲日夜鬪唇齒棄之歸故鄉水明差足喜地衍盡平疇絕少山秀峙別時當春和歲月忽彈指蠻天聊薄仕僻陋實可鄙武陵前買舟窄小不容几晨興但趺坐夜臥亦偏倚獨喜山川奇綿亘千餘里或連如蛇蟠或特如鳥起或廓開晴霞或密垂文綺或看雲溶溶或同煙瀾瀾或飛疑瘦蛟或伏同猛兇積翠猶綰髮紫青亦垂

珥高巒插千丈微徑僅一指巖幽石髮長根露松鱗死山薑雨浥花怪柏風落子倒懸黃絲桃飄入清溪裏清溪水如黛一篙綠見底譬如琉璃瓶映帶繪圖美最好春鳥鳴晚睨嚙宮徵間以柔櫓聲颼颼亦入耳方壺蓬海觀即此爲止矣吾方策芒屨壯遊從此始歸當告耕烟長圖須十紙耕烟散人虞山石谷子也

鷓鴣灘紀事

顏垣禿樹茅屋破有一老翁獨趺坐問翁年紀今幾何頭白齒童何所作去聲答言蹉跎七十強屢遭喪亂形神傷避兵直上猿栖穴運餉常過犵子鄉十二年來兵革

據梧詩集

卷九 天外集上

八

少結茅此地還草草山田地瘠常苦耕十有九旱一卽潦兩兒四孫食指繁一歲勤種多無存官租徵罷尚不足促夫僱馬還來村前年又下文量示索雞呼酒盈差吏叢巖密箐皆不遺競以報多爲上計我家薄地三五區頻年水旱都荒蕪今歲計畝又盈倍荃械不敢畱鐮鉞大兒勤耕無力作小兒差夫赴官約幼孫門東方叫號瓶中無米將誰索老翁七十還何求夜夢不免追呼憂更來又要報荒產長令欲訴門無由我聞此言心甚惻青山向我愁何結老翁老翁慎勿言保爾童穉兼丘園前年秦隴大饑饉詔書日下行蠲賑此地曾經戰伐

餘何人蚤上鄭監圖朝廷雅重汲內史君等勿爲桑大夫

江行四首

春山綠透萬株松碧水澄虛動遠空忽訝前行迷去路  
青峰迴抱一溪通

水滿平篙鶯亂啼翩翩風帽夕陽西山花結子千枝好  
野草如花一色齊

草屋江流五月寒家家伐木委江干前山何處來風雨  
送上高高夾板灘

萬仞長崖翠削成懸巢穿穴勢縱橫居人向我增嗟歎

據梧詩集

卷九 天外集上

九

此處先年爲避兵

南行九百字

我生行未運土旺極雜駁四年厄所遇間遇乃硤确小  
邑最荼疲守此甘淡泊舊逋積簿書叢奸頗橫躍水旱  
兵革後民苦轉溝壑是歲又大旱祈請得免卻嘉禾雜  
稂莠美惡如龜灼列狀達臺司一一皆束縛餘人遂樂  
生里閭常晏若聊爲瘠土民區區補杯勺非敢妄廉名  
心口庶可諾賤子獲咎由頗自難揀摸其年大闢例率  
土盡太學省府催勸輸先時有條約裨國在多謀官書  
屢呼索屆期已達章後至舉微錯迺以干吏議網密人

不覺旁引條例嚴竟遭階級削臣職固無狀臣罪倖云

薄移官豈上意藉此工挈攫丈夫寧玉碎豈肯避毒蠶

商丘宋中丞憐才荷包絡聞此例議偏屢日爲驚矍抗

章力敷陳意欲磨鋒鏑我笑謂宋公無過譽誇我生

爲貧仕位卑同擊析得失何足云有酒且須酌挂帆過

豫章匡廬倚天角江船六月下暑氣苦炎熇賃廡既荒

蕪遺田少刈穫艱難三十口一一睨空橐謀生策殊鈍

逢時意少樂間逢良友來詎諧縱談謔予素本跌蕩詎

肯甘索寞旅食遊京華兼旬困腰腳京華權勢道所愧

無酬酢兩年謁銓司忍饑臥方朔秦隴告災青納粟立

據梧詩集

卷九 天外集上

十

賜爵起第白玉堂調馬黃金絡壯遊從蠡賜新銜列褒

鄂下至一命微亦若爭奕博逾歲倦遊燕金盡黑貂鞞

皇天滯斯人一官蠻徼落新春返鄉縣殘歲辭京洛長

途風刀騷巨川雪磅礴老妻偏善病長齋飯藜藿昨又

逢凶年安能事耕鑿入秋雨多潦近夏水已涸計畝不

及斗乞粟僅盈握詎租正來門誰何稔民瘼矧此儉歲

餘又欲遠行數兩月過洞庭波浪吞寥廓武陵再買舟

灘急屢駭愕水行比灩澦陸走猶劍閣青琅石景雄舸

艚水勢惡藤蘿冒屢屢崖谷豁齟齬有水皆激春無山

不确礫灘聲聒夜眠奔伏如飛電舟師負篙漿意欲與

之摘蒼茫見瘴霧慘澹逢墟郭亂餘哀鴻集時清有苗  
格翻惜馬相如當年通再作盡室俱南遊連朝幾開噓  
衆雖一無知少小最怯弱從予歷楚黔亦自穿芒屨幼  
者甫五齡萬里有行違汝生習勞苦志氣可開擴故園  
仲夏時遠戶垂簾箔爽軒極明淨藥圃亦寬綽明知歷  
風霜不若依帷幙吾家故清貧長恐汝失學況汝髫齡  
時有如未雕璞與其紛於華無寧持吾朴與其流於狂  
無寧守吾慤猶憶汝姊歸路遠費籌度常年行坐偕此  
日關山各學母曉啼妝雙盤幾梳掠沈思九迴腸音書  
嗟渺邈我觀巢梁燕銜泥欣有託何事長年間飄蓬轉  
據梧詩集

卷九 天外集上

士

舟行值雨

前山槎枒如轉磨後山偃蹇還伏臥須臾四山雲氣生  
雲陰全仗天公作去聲蕭蕭入水紋漸多颯颯打蓬聲愈  
大蜻蜓舟中小於葉縮腳攣腰但跛坐陳言一編猶在  
手吟聲欲與灘聲和冷煙積竈炊蕪菁兀兀枯蓬忍昏

餓流螢草際知幾點啼鵲峽中剛一箇丈夫遭遇不可  
料好景良時何悶過倒迴江水洗寒雲張帆笑指青天  
破

黔江舟中八首

風檣盡日自夸猶細草蠻花隔岸浮人抱羈憂來險路  
天於絕徼有林丘牽船就石成閒憩買艇移家賦遠遊  
自笑相如耽薄祿道旁負弩少諸侯

溪山千里莽稱雄篝火狐鳴泣釜窮軍勢未全歸李特  
諭書空自遣唐蒙山連蜀道鵑啼紫雨灑金沙鬼火紅  
遷客重來增慨歎夕陽杯酒酹西風

據梧詩集

卷九 天外集上

主

鳥道如盤一線通當關荷戟百夫雄庸人豈可謀家國  
孺子真成誤乃公那有田橫畱死士空令蒯徹笑藏弓  
十年情事真如昨彈指藥除反掌中

馬上紅顏十斛珠琵琶齊唱錦氍毹夢回長樂調鸚鵡  
曲記南天唱鷓鴣圖史何人還返蜀羊車昔日已平吳  
三年辛苦哀鴻集絡繹珍車又滿途

牂牁萬點碧峰尖青蚨不肯賒紅稗紫莧攜來換白鹽  
瘴嶺狔鄉甌脫地不勝遙夜旅愁添

一夜蘋風起綠波朝來羣岫綰青螺雲橫絕嶂千山暗

雨洗盤渦六月多，  
鴉呼羣調澀舌蠻。  
樓拍手唱巴歌，  
從來此地多興慨，  
不待鵲啼喚奈何。

雲冒前山曉未收，  
濛濛雨氣倏如秋。  
陰晴衆壑渾無據，  
向背林泉總是幽。  
廢壁叢祠花罨靄，  
戍牆古木鳥軀軀。  
十年兩度經過數，  
感歎徒傷馬少游。

無端蹤跡落蠻塵，  
獨夜空江客思驚。  
囊裏琴書猶月共，  
園林花鳥恰生成。  
雲橫側嶺成虛礙，  
浪打前灘怨未平。  
猶是江山時代謝，  
舊遊觸眼總關情。

宿潯陽

捧檄投蠻縣，  
山城此暫棲。  
到來真水盡，  
臥處覺天低。  
隔

據梧詩集

卷九 天外集上

圭

嶺看雲出憑欄，  
共鳥齊三年事。  
奔走連轉任東西，

觀象歌

山郡譁言去觀象，  
排頭競進如列仗。  
西關西頭六象來，  
千人萬人齊劃一。  
一足屹立一足啗，  
一團青花旋風色。  
三足俯領如翻鴻，  
全身滅沒清波中。  
最後一足更矯健，  
其勢欲動馮令官。  
烟蹄霧鬣最超絕，  
鼻長捲波波似雪。  
江豚舞浪常祈風，  
吳牛伏喘因愁熱。  
黃鬣奚官爾何人，  
綠鞵錦鞞穩稱身。  
論車載米兼載酒，  
象食米少計時飲以酒。  
計船輸料還輸薪，  
須臾率向縣庭去。  
詎爾橫將公事誤，  
鞭撻吏卒其誰何。  
猝頭壓項一何怒，  
嗚呼聖朝儉德柔遠人。

不實方物惟仁親，  
竊聞騶虞麟趾在靈囿。  
象兮象兮爾亦何爲，  
萬里朝闕飛京塵。

發相見坡

兩雨層崖相見生，  
前峰繞過後峰迎。  
石全露骨山無樹，  
正是蠻鄉第一程。

華巖洞

相見既崢嶸，  
華巖亦深厚。  
遠觀疑古剝，  
近視乃林藪。  
何人臥石龕，  
開闢此戶牖。  
黔山頑可憎，  
誰爲一一剖。  
高者皆嶙峋，  
下者非老醜。  
初擬蛟龍潛，  
偶然脫械紐。  
手搖勢欲翔，  
語激聲恐吼。  
洞中佛生成，  
窳地窪而黝。  
舉火欲燭

據梧詩集

卷九 天外集上

十甫

視奇險竟何有，  
蟻攢空洞腹免缺。  
砦砦口巖前，  
石最橫環顧跳而走。  
我生非猿猴，  
安能攀絕陡。  
俯視巖下碑，  
何須問誰某。  
今人不逮古，  
擊破供揮帚。  
人生所作達，  
奚必金印肘。  
意欲脫鞋襪，  
商量覓村酒。  
先汲千滴泉，  
洗我塵十斗。

飛雲巖

白雲本在天，  
有時亦在地。  
茲山獨鍾靈，  
一滴空翠何時雲。  
蓬蓬隨風作位置，  
方知天公幻真以此爲戲。  
上有層巖高，  
依巖下爲寺。  
軒軒蹲虎豹，  
昂昂舞犀兕。  
蛟龍欲鼓鬣，  
鸞鳳半垂翅。  
或如跛立人，  
或似渴奔驥。  
天吳倒欲

懸仙人畫方睡要皆逼肖形幻意隨所寄輪班詎斧鑿  
雷火假爐錘佛力坐靜鎮光中發大智可惜景象奇落  
此蠻土異此亦雲無心失足偶然墜旁立十數碑乍閱  
莫能識海昌中丞公楊公開疆列旌幟其時甫開定安  
民不苦吏後來綏邊者罕能曉此意今觀飛雲碣言外  
有餘思遍覓文成碑蘚蝕十三四僕夫告日暮姑且停  
征騎攀蘿仄不嫌捫石險寧避他年得東歸愛此真癖  
嗜再撫髯龍碑重讀月潭記

黎峨道中和田綸霞司寇壁間韻

悵望因微祿非緣山水奇嶺雲昏似夢瘴雨細如絲石

據梧詩集

卷九 天外集上

圭

阻麻哈水楓青羅鬼祠搖鞭指前路一任馬行遲

龍里店題壁

策馬投蠻徼空山雲欲生淒涼逢野店慘淡見虛城邑

小夫徭橫民稀竈火清何人肯遺惠棠陰得垂成

龍里店和晉江丁雁水觀察韻

十日已作山中行半陰不陰天氣晴烏何語我行不得

花欲笑人嗔問名雲冒樹梢飄絮帽日銜嶺腳掛銅鉦

微官遠道五千里琴鶴隨身累未輕

點夫行

夜投龍里縣喧呼聞點夫三戶成一舖五舖當一隅遠

者來百里近者沿山居排催保仍押弟去兄相扶奔疲  
面目黑負背形神枯水深泥沒踝衣破肩無膚苦情不  
敢說欲語先嗚嗚自從寅卯後寇賊盈村閭毀廬委榛  
莽殺人棄土直十室九死竄一日千征輸官軍從東來  
逐賊如驅雞畋漁本民命幸者殍爲奴承平十四年稍  
稍聚子孤哀鴻始來集僵斃行將數前歲忽時變蠢爾

倏負隅山邑大騷動鞭撻紛街衢自此供億苦從朝抵  
日哺或歌采菽什或征皇華車或宣揚明詔或拜爵遷  
除動輒計千百要不有錙銖今年更太數十日九長途  
山田正插蒔不能把耒鋤夜半打門叫驚走號妻拏雞

據梧詩集

卷九 天外集上

圭

犬飛上屋牽走宦須臾黃塵赤日道列火燒洪爐山高

更磽确路遠還崎嶇又聞昨前站死者非形殮大都舉

家竄何苦傷微軀縣官聞亦苦終日相奔趨國賦既不

足典質無釵綸治家苦哀論閉戶如視膜出財用民力

民困其無如黽勉存喘息恐亦淪溝渠我聞斯言苦太

息長歎吁用一緩其二昔人言非誣子來不終日此獨

非民歟觀風知大槩所係非區區何人鄭監門上書復

繪圖報汝慎勿嗟聖澤常涵濡九重念民瘼今歲還蠲

租

甲戌重九坐雨憶去歲都下黑龍潭登高倡和仍

用陳其年韻

秋陰萬里雨不歇山頭凝雲時出沒節當落帽強整冠  
興策登臨理鞵韉荒城四野號悲風亂後誰家飽糠粃  
清宵聞嘯疑聞猿長日畏人如畏蠹誰何秋淫及兩月  
安能煉石補天闕草堂新苦三重茅北風怒捲愁掀搢  
犴鄉兀坐靜無事何用憂天占彗孛快持濁酒對蠻花  
設或言愁當領罰猶憶去年九日時新詩迭出如排訐  
何期宦迹落荒徼屈指流光嗟轉忽我生作達在花酒  
世上爭誇惟衮鉞故山日暮杳何處憑高遠眺煙霞窟  
明朝無米且莫憂獨去看山閒拄笏

據梧詩集

卷九

天外集上

七

落葉詩遙和查夏重孝廉作五首

空山坐羈人歲晚獨蕭蕭  
巡檐一矯望中原邈若隔西  
風倏然至木葉多策策仰天  
一啓笑卻稱揚雄宅草堂  
三四間經旬少人跡主人不  
出門門前任堆積  
龍門百尺桐疎絕而無枝其  
間千萬葉托質高離披舍  
東樹女桑採採供蠶饑過時  
傷不用沃若光垂垂一朝  
朔風至颼颼皆化離有生同  
隕落安得論高卑高卑固  
勿論採用安可遲

閒居坐甕牖隨手親翰墨老  
屋任東西小窻間南北濃  
陰積高樹當晝已昏黑昨宵  
風何狂掩臥寒正迫朝光

几案明清暉弄晴色啓戶一巡視木葉淨如拭雖傷凋  
落苦已覺踈快極乃知目前景變化在頃刻

東臯一區宅開闢由先公喬木三百本枝葉何蔥蘢嚴  
霜值時令零落悲天風階前積盈尺其下號秋蟲繁華  
條焉改矯首秋林空閒來獨倚杖日暮撫孤松不知幾  
歲月風雨成蒼龍

商風來萬里搖蕩震喬木屋茅無三重何以慰幽獨前  
年策疲驢北走塵滿目深宮秋槐飛御水流紅逐一官  
蠻荒來萬事如轉燭不觀東鄰葉吹入西鄰屋

甲戌除夕送張亮先赴黔陽二首

據梧詩集

卷九

天外集上

八

山城花暖送行幃笑我蠻天宦思淹馬齒例隨今日長  
猪肝語念故人廉關情舊雨隨年去似草新愁計日添  
蕭緘衙齋春酒熟與君惜別共巡檐

東郊楊柳細如絲十日春風拂舊枝萬里送人情益黯  
半年遊宦味應知灑西築室曾成記近爲余作  
二簡堂記渭北看  
雲定有詩苦向東君問消息何時重訂鹿門期

爆竹

一聲破臘漸除年隨手韶光倏又遷萬戶千門爭啓閉  
六時五夜任喧闐驚人有語雷空谷委地無聲風捲錢  
此日山城常習靜曄曄炊竹亂青煙

門神

抱關經歲靜無言博帶危冠竦處尊功爵巍然惟故紙  
英雄老矣傍誰門將軍畫戟蒙塵跡丞相端袍漬雨痕  
一度年華一回首暄寒思怨總休論

據梧詩集

卷九 天外集上

九

據梧詩集卷十

武進管 檇青村

天外集下

二簡草堂新成

普城雲山千疊高攀巒踏磴行人勞孤城四合悄人靜  
官舍湫隘如團瓢我行萬里始安席深秋日夕涼風飄  
獠奴繫婦効趨事爲我添置三重茅東軒雲氣倏時異  
西嶺月色還相邀有時敲門使吏至索食鞭卒紛囂囂  
強顏相對心欲碎五斗折爾淵明腰偶過繩牀獨趺坐  
不覺俗念俱融消中堂少卻山水障丹青無手不能狀  
據梧詩集 卷十 天外集下 一  
我暇題詩爲補之座中賓客神流宕君不見寂寂寥寥  
揚子居年年歲歲一牀書四圍山色皆成圖就中聊亦  
爲吾廬

夜觀燒山

冬十二月朔風狂南山北山秋草荒黃蘆苦竹啼顏牆  
行人白晝迷無光千霄蔽日多修篁誰何秉令司南方  
火雲百丈驚飛揚始馬一二星成行乍隱乍見光微茫  
忽焉彗孛躔天長弧矢夜落奔天狼旗蝥十丈光焰芒  
誤疑占者稱妖祥丞相火城晨夜張牛車噶噶紫步障  
天風吹蕩隨低昂驚走虎豹眠牛羊山精木魅潛逃亡

怪狀聞如失林麋鳥驚起還棲藏繞枝三匝長相望  
昔日寅卯干戈攘殺人流血干戰場舉烽不至諸侯疆  
可憐一炬焚咸陽征南將軍誰爲良火牛列陣窺堂堂  
一夫荷戟千莫當如何博塞旋相償 聖朝柔遠錫輸  
糧隆冬時值燒山荒十日晝夜傳輝煌火龍燭天朝天  
間榛莽灌櫟咸天殤其中恐有千年樟扶疎枝幹凌雪  
霜待時藏器需棟梁一朝烈火炎崑岡玉石不辨聞摧  
傷重爲告曰火師火師南山首萃枝龍蔥火勢猛今風  
爲從古來囊下畱枯桐志士汲引將母同

圓通寺雲渡山房

據梧詩集

卷十

天外集下

二

桃花何紅李何白二月春風最堪惜青草斜縈羅鬼坡  
蠻花已滿空王宅紆迴石徑蒼苔侵上有杉柏畱清陰  
行人不到鳥啼急寺閣半掩雲藏深齋鐘時響出林杪  
桂影團團枝自嬌倒垂池影俯空天傑出危樓懼飛鳥  
翩翩側帽迎斜暉歷歷萬籟鳴禪機免聞狐虎日湫杳  
自有鸛鷀相因依

感事

碧雞金馬古巖疆昔日稱雄號夜郎一自紅顏衝怒髮  
遂令銅柱拜名王關河南北風雲阻燕雀君臣殿寢荒  
終誤乃翁稱孺子閒聽啼鳥說興亡

四十八灣箐二百字

出箐山嶙峋入箐雨蕭蕭出箐復入箐氣象條明滅初  
行踏石磴漸下見洞穴徑微轉幽邃巖秀每曲折層巒  
靜如拱宰木環若列卑枝最蚴蟉接葉復締結蒼龍根  
伏蟠年深化老鐵上有千年柯奇峰與頑頑天風力排  
蕩日闕竟僵折根倚南山空枝壓北山缺金鰲負成橋  
恍若虹帶嶺下臨百丈谿行者定駭絕澗泉聲琮琤石  
上響鳴咽蘚苔春沮洳水渚淺清冽石髮雨浸長樹腹  
水吞嘴淵藏千年冰岸積六月雪仄徑伏石險惡木禿  
幹拙不辭人力疲翻慮我馬劣行行復何盡去去擬何

據梧詩集

卷十

天外集下

三

輟入山恐不深惜哉聽鸞鳴

牛華寨二首

萬木參天水一痕小橋斜渡似山村蠻天有路全迷日  
犵嶺無人但聽猿  
半角空山夕照中籃輿兀兀俟西東依然也上岡巒險  
添得林泉便不同

張亦書隱君輓詞

盱江張亮先年少富才傑余交近十年家範余可說君  
家宅南城文定古先哲其風尚朴樸淳樸崇謙吉有田  
已盈區有史可成帙姑山繞牆篴盱水映門闌細梅蘚



紋厚怪柏皮皴裂中獨坐老翁顏狀清癯絕手持南華  
編不知年歲閱課子惟謹嚴講道務明微昔嘗學操觚  
小道妨車轍鴻才世莫知每遭有司絀君云此未技棄  
之有不屑時養太古心力存正始骨講易窮天機著書  
穿月窟交遊皆老蒼造門摠僑肱風裁極峻整議論挺  
硯碑一編歷冬夏五夜費甲乙鄉間推碩果文場號綵  
筆王氏其文中邵家必康節如何不憇遺年未滿毫耄  
臨危啓手足孝友獨蟠鬱名山畱遺書遠勝古碑碣騎  
箕赴修文赤日悲風颺人傷梁木姜魂斷金刀折盡室  
號呼天觀者皆悲噎張母傳夫人秉義如冰雪及笄相  
據梧詩集  
卷十  
天外集下  
四

謝莊筆力苦孱劣聊爲草創詞庶備採風列

索夫謠

蠻天怪事無不有官票呼夫類呼狗蠻天郵政何可常  
官符驅馬如驅羊黔山肯萃高滇嶺崢嶸起中畱一絲  
路相距二千里猓苗叛服由前朝置軍設衛煙氛消我  
朝威德奠八極改立郡邑紛官寮租庸輕末地甌脫  
歲輸金帛連車鑣強臥山城獨無事常脫冠服隨耕樵  
誰知一事更瑣細頭銜夫長兼廐吏前差猶未行後使  
復相繼短衣匹馬何其雄手持旗布三尺紅傳聞一片  
使差至奔走婦女號兒童翻身下岡三十里疾若過鳥

據梧詩集

卷十

天外集下

五

追颺風入門大吼震山谷呼雞盈盤酒盈斛從奴十人  
鉢鉢裝列坐彈箏并吹竹明朝清曉將出門與騎雜沓  
闌城闌餘威鞭馬復鞭卒背似土牛著鞭裂泣言去歲  
當農忙肩挑背運走且僵石田磽确不得種日日采蕨  
充餽糧君今輜重計盈百十步九頓還踉蹌送君前行  
免鞭撻後來又有軍門差

普安燈詞六首

馬戶三家萬疊山十年正曆自朝頒新年又少催夫檄  
便覺昇平氣象閒

天矯神遊少爪牙何從辨別是龍蛇誰言龍性難馴擾

也到尋常百姓家

獅子香林出化城張眸鉤爪勢猙獰全身何不通明甚  
枉使聲傳百獸驚

五色花幡巧剪裁三檐百欄火叢開出無輿載行無蓋  
露冕看山長今來

蠻娘曳袖採春雲窄袖長衫窄地裙唱遍秧歌余自解  
蠻方應不媿參軍

歲事詩成硯有冰紙牕風破晚寒增阿奴知我貪詩卷  
爲製紅蓮一盞燈

菊花次查德尹集中韻五首

據梧詩集

卷十 天外集下

六

蠻天到此歲兼旬愁臥荒城負好辰無賴雨多偏入夜  
偶然花發卽成春鋤茅撥石畱餘地覓種分秧倩土人  
修爾衙齋闕紅紫應知夫子不長貧

馬戶三家亦一村樵師圖叟得過論無人賞此晚霞錦  
得酒何辭老瓦盆伴我愁中同瘦影寄人籬下托孤根  
長年每憶尋花侶三徑西風夢故園

草舍雲峰位置精尋花覓樹不知名妝憐素女梳難竟  
衣倩黃姑織得成愛向夜闌同晚立最宜佳景是初晴  
含葩吐艷天孫巧莫以茅檐品格輕

古驛荒村少濁醪難從一醉讀離騷寫生何處見真畫

剪綵那因得快刀窗列東西齊向坐燭行高下與分曹  
就中番菊尤稱異絕域殊花價便高

山高悲氣涉秋深細雨吹殘滿地金處士曾從籬畔採  
先生爲向雨中尋飛來麗蝶常疑影吟徹寒牆是賞音  
只有秋聲暮愁裏故山落葉滿空林

余自入蠻荒以來茹蔬斷酒幾同枯禪乙亥十月

有事赴新城飲於寮友寓廬沈酣大醉歸時獨  
倚僧樓千山翠黛萬壑笙簫倚欄孤坐回想昔

時舊遊何地香山夜聽琵琶始知有遷謫意余

今日乃知身在蠻方也醉中成十二截句詞無

據梧詩集

卷十 天外集下

七

倫次見者當不於章法求工也

萬木蕭森自一村閒來把卷倚秋根山含晚色侵階砌  
霜月依鐘直到門

寺外松杉不計年寺前流水欲鳴絃夜來添得淒涼景  
落葉西風倍黯然

當年豪興欲凌秋酒態詩情處處畱萬里投荒蕭瑟甚  
一聲清磬倚僧樓

壯心報主致唐虞下考誠宜賦遂初重博君恩來遠徼  
天南好爲著閒居

馬戶三家斗大城十峰相對十峰因以齋名閒獨伴先生夕陽每

立三叉路數遍南來與北行

魚豚無稅更悠然還與妻孥結道緣未免繫情常北望  
雲遮鳥沒倏如烟

破驛悲風雨暗春草堂無恙得吾真從來聖世要荒外  
僇耳龍場自有人

硤硤荒密補籬藥苗瓜種雨中移題書遠寄漁江叟  
新得頭銜號圖師

插嶺青峰一徑藏居人猶說是平岡雲生屋底衣裳潤  
霧障溪頭草木香

當年詩賦動南都挂席長吟過酒壚今日亂山容我輩

據梧詩集

卷十

天外集下

八

新詩兩載一篇無

古寺周遭密樹遮生堂凍雀下庭譁一聲清磬暮光動  
飛過水西衝落花

漠漠孤煙杳杳鐘凭欄閒看夕陽紅酒醒夢覺知何處  
百尺高樓萬里風

贈別湯西厓太史

憶昔謁選畱春明晨昏策馬從君行君家帷齋最幽靚  
宮柳暖鎖春烟輕酒旗茶板頗雅雅書堂史庫爭充盈  
開齋佳客驚滿坐卮言秀語和而清無何命舛修蹇阻  
一麾出宰蠻荒城蠻荒險惡來不易親故竊語無歡情

耕烟散人予好友爲我繪寫黔山程重巒複水半城出

蠻風蠻雨當空生君來過訪大叫絕墨痕淋漓詩縱橫  
持之適遠禦災患日與琴鶴同遊征陸行恐遭氛瘴駢

舟載或恐蛟龍爭竭來茅堂懸素壁日對粉墨如滄瀛  
高吟史公貽贈句譬若追從相酬賡 聖朝聲教迄荒

徼涵濡煦澤多奇英先生宿學繼坡老自凜冰玉搜珠  
瓊文風洗刷賴藻鑒士氣汲引操權衡獨余官事迫人

去仍坐破驛供趨迎男兒百事不稱意一帆歸去南山  
耕何爲跼蹐守轄下高人嗤憫心怛怛先生下交敦古

誼最講世好重班荆相依浹旬轉惆悵後此誰共離懷

據梧詩集

卷十

天外集下

九

傾

東湯西厓太史并訊蒼浮亮工八首

絕域秋何晚荒郊客獨行晴烟生半嶺溼霧羃重城策  
馬隨山出閒吟忽意成停鞭書破壁詩罷不畱名

惜別在蠻地懷人又暮秋如何貽贈句長向樹雲愁刻  
燭方裁句揮杯正倚樓殊方存大雅開闢擅風流

萬種名花發千峰翠色來真人天際坐輪墨望中開清  
嘯疎林震長吟谷鳥催華陽談舊事使宿應三台

寄語錢司馬秋深吟興賒嵐烟朝潤竹溪響晚參衙顧  
陸才名迴龔黃政績嘉儒林循吏並史筆未分誇

呼軋盤輿臥看雲向背中斷溪茅店雨古木亂山風秋  
蝶羣拋錦山梨小綴紅誰能移疊嶂搔首望長空

晴雨崇朝異寒暄半嶺分長年不見日破屋每依雲地  
盡穿天漏人形雜獸羣他鄉獨飄泊尚寐欲無聞

過頂  
站盤

黔地初無鴈京華近有書中多敘往事大約感離居天

勢西南盡豪情歲月虛遙聞射策日交口薦相如

倬值修前史清貧守廿年只存婚嫁事不覺歲時遷異

地憐余遠嚴書守父傳山樓堪北望何處是幽燕

得錢蒼浮郡丞札用昌黎酬盧雲夫望秋韻

據梧詩集

卷十 天外集下

十

榴花初明雨初歇一簾晴影開塵幽孤城斗大嵌峰側

倚天一握青巉巖山深草堂五月冷樊裘破褐當春衫

漫郎聲叟舊階職廩吏夫長新頭銜分無尺一到蓬蒿

那識軟語畱芳緘扣門喜見故人札快若塵垢經爬芟

聞君捧檄蒞南土蠻謳獠舞喧窮巖先生抱才堪大用

亦來荒域嘗酸鹽別來十載倏電瞥中敘離憶還誦誦

自嗟吏議改此秩姓名不識無憂讒苦將薪粒費區策

那倩花月供雕劒兩年官況大撫掌事如蠟味君所鑒

刮毛龜背龜豈得插竿鮎口何涎饒紙長三復如拱壁

春風藹吉感至誠得書喜快忽惆悵窺人初月何纖纖

荒齋三首

荒齋十笏地獨踞萬峰首重簾畱烟雲一榻在郊數日

長尤勝年城小真似斗官舍接田家相熟到難狗高枕

看閒雲結夏作禪友殷勤來青山窮究當戶牖嵌空鋪

翠鈿著色雜粉黝崇朝倏然化慘澹繪妍醜雨晴風露

閒變幻隨所有誰施屏幃工此真白描手

山中多夜雨滴瀝鳴空庭曉來矯首看四山暈螺青愛

我菜甲長小摘餘芳馨蔬食快得飽陶然坐雲屏溪聲

到枕上颯颯松風聽大小兩龍窟足底千雷霆一瀉萬

頃空快哉如建瓴

據梧詩集

卷十 天外集下

十

牆東有隙地荆管瓦礫積俯首荷耰鋤得此五弓闢南

鄰有麗春紛紛間朱白乞分五色種剪縷比紈帛初日

照殷紅殘霞映浮碧閒時列酒茗坐臥兼枕席遂可忘

窮年豈止破蕭瑟三更持燭遊早起獨吟惜今年姑小

試紛然滿籬格來春擴西偏爛熳補牆缺回想今春花

吟詩又陳迹

丙子黔省秋試恭紀二首

秋高藝苑景昭融開府憐才有奏封

冰壺澄月碧簾前華燭射屏紅盡收駿足空羣外閒覽

環山指顧中叨列追陪勤散職南樓清嘯仰承風

覃敷文治徧遐陬廣敷從教美盡收藜火光分天上客  
桂香衣染月中樓縱橫文陣誇江海遠近華燈徹斗牛  
向晚戟門千籟靜角聲遙答萬山秋

少保忠毅公王將軍歌

將軍名之  
鼎遠東人

貴陽城南白日昏少保完節酬君恩父老欷歔泣數下  
至今猶說王將軍將軍甲第烏衣貴從龍家世班資尊  
碩德早已比喬嶽雅量還欲含乾坤二十襲職從師下  
伏波銅柱標功勳笑人鄧禹何足異似此將略傳家門  
川湖盜底乃餘事金陵圍解因師援銅山厦門海勢險  
次第剗削羣來奔千年砥柱賴公力五等崇爵由廷論

據梧詩集

卷十

天外集下

主

建牙南國資巨鎮岷山墮淚今潺湲兩佩金印大如斗  
東南半壁依長垣西蜀封豕忽滋蔓詔移旄鉞驅妖氛  
渡瀘五月計非左祁山六出心何勤孤軍深入少援應  
賊勢蟻聚嘗蜂屯士雖菜色勇氣倍黑雲摧壓城紛紛  
揮刀巷戰勢不屈厲齒罵賊聲猶聞從容就義志引決  
獨還浩氣千年芬此時睢陽已赴難同時南八當何言  
將星已墜玉山隕天子輟樂虛廷軒絲綸特渙星斗  
燦常山陣象祁連墳節能盡忠志復殺兩字信史無疑  
文十八年後冢君至又從此地開屏藩恩綸特允建專  
祀千秋廟貌修蘋繁弓刀褒鄂式靈爽英風奕奕凝烟

雲杲卿之傳子明像異代仿佛精靈存至今悲風咽瀟  
水子規號血多啼痕若從山頭看組練素車白馬來忠  
魂

諸葛丞相祠

襄陽橋東春水清鷓鴣拍拍靜不驚平沙蔓衍快百步  
上有祠屋方三楹豐碑石柱遺跡在記昔丞相來南征  
東吳北魏旣雄大全蜀麤定基初成出師抗表有深意  
根本既拓中原爭攻心之論乃真訣能得萬古蠻夸情  
獨嘉濟火一酋長從軍効順能趨誠革冠藤甲猱苗服  
儼然列侍昭忠貞祠垣頽壞雜灌莽廢園硤山僧耕

據梧詩集

卷十

天外集下

主

綸巾羽扇肅遺像堂中燈火依稀明昔年南陽高臥日  
草廬風景初無更山花亂點石苔破水鳥下啄漁磯平  
田夫野老荷鋤拜歲時伏臘相趨迎堂前懸額壁間句  
二老建節曾畱名

以齋綸霞  
兩中丞

黔陽雜詠八首

四合山光翠欲浮晚來嵐氣倏如秋高坡插漢從無樹  
細水名江不載舟  
排日雞豚趁集墟蜀鹽似雪芼青蔬市區米價如珠貴  
閒費先生乞米書

丹梯百級斗杓橫那有浮雲滓太清鈴語半空飛鳥下

宰官金碧獨題名大道觀爲某中丞所建

丞相祠堂古柏陰空留碧草映階深草廬風景原如是  
水漲漁磯暮雨侵

笳吹初停影泛霞南樓清嘯月方斜蠻鄉奇卉應無數  
盡讓中臺兩樹花都臺中庭紫薇最大

微言絕續關榛菅坐使詩書化百蠻理學勳名皆不朽  
心空垂悟對重山謁陽明先生祠

忠忱義勇獨兼全箭著浮屠誓半瓢廟食黔陽垂百世  
英風又得後人傳南將軍以子仕黔建祀

布穀催殘苦勸耕鷓鴣啼處雨初晴最憐噉噉南來鴈  
據梧詩集卷十 天外集下

獨夜長號向北鳴

舟泊富家基

朝發龍陽洲暮宿富家基富家基上神廟在和風颯颯  
吹靈旗萬年砥柱賴麻力千里一氣吞坤維入門畏敬  
起肅穆終古廟食陳牲犧神鴉盤空攫肉去紙錢撒雨  
空中飛舟子祈風前致語私願安可邀神許東西南北  
本分定譬若窮通亦天主我生任運天所憐萬里北來  
到南楚且呼舟子整檣蓬會見天末雲蓬蓬咫尺風雲  
隨所變嫋嫋萬里來南風帆索已整蓬腹飽回看船尾  
紅霞紅

五月二十五日洞庭湖看夕照歌

我官于黔如秋蟲啼吟只在空山中五年誅茅附山麓  
日月出沒迷西東羊腸一線置郵傳崇嶺夾峙真蟻叢  
竭來東還泛雲水快攜琴鶴依檣蓬五溪雷霆走蛟兕  
洞庭烟雨迷空濛晚來棹謳間柔櫓搖碎碧色千玲瓏  
長風驅雲雲冒水飄浮亂絮旋消融須臾日影落空際  
欲落不落天垂容驪珠吞吐碧濤上光照貝闕懸珠宮  
歸雲萬點雜濃淡通體盡被晴霞烘此時波紋若鱗密  
千里碧浪磨青銅烟橫天際偏冉冉草積洲畔何茸茸  
明霞一點光四映恍若絳蠟燒簾櫳倚舷狂叫大奇絕  
據梧詩集卷十 天外集下

五

長吟或恐驚蛟龍陶然一斗吾竟醉夢御列子飄然風  
放魚行

雨洗朝爽湖氣清魚艇掀舞如葉輕魚蠻載魚來易米  
艙底潑潑羣堆銀小魚垂頭皆戢戢大者崛強如有神  
就中騰飛惟赤鯉持魚轉向清波裏翻身一動千金鱗  
日照烟波浩瀾瀾君不見萬頃澄湖暮景闌蒼然一抹  
碧波寒掉頭咫尺風雷異好去相忘湖海寬

洞庭湖觀殘月

洞庭殘月景尤奇漸起珠宮欲上遲萬頃平鋪冰簟滑  
半輪斜挂玉鈎垂水含天影冲融入鏡接波光潏灩宜

况有鄰船相並宿吹簫棹向月中移

黔歸至洞庭湖望君山誦涪翁詩云投荒萬里鬢

毛斑身入瞿塘灩澦間未到江南先一笑岳陽樓上望君山感而有作

洞庭烟水空復空武陵一棹倚天風連宵苦雨且共宿日出始辨船頭東夜郎回首沈雲黑烏蠻青獮真傑特鴉關象嶺山勢險魚梁銅鼓灘聲逼涪翁詩句誠然佳瞿塘灩澦將無儕脫然東歸始到此孤舟獨往余誰偕遙睇岳陽城畔路湖天碧草烟迷誤自從賊火化為灰此樓無復存其故君山積翠幾重遙湘竹于今淚未消

據梧詩集

卷十

天外集下

七

白鳥遠看隨日下麻衣猶自逐風飄

出洞庭湖舟泊揚舸磯

武陵岳陽湖面隔掛帆一瞬萬頃碧湘草濃添螺影青雪山高捲雲衣白長風頃刻倏西東笑指行程祇晨夕我生百險滯空山行歌蜀路空長歎風來北頭雲色惡飛櫓力敵千雲盤出湖七日荷神力石尤又阻聊暫息當頭羨殺上行船官舫峨峨影接連魚苗新舶亦趁意似欲乘流竟上天一朝風便蒲帆起長嘯雲山幾千里逆來莫怨順莫驕世事棄除盡如此

阻風揚舸磯用東坡大風留金山韻

蓬索枕牙自相語白浪掀空誰問渡江流翻捲倒空峽蘆葉鳴風飄急雨上流歷歷指征蓬片席斜懸亦掀舞結紵停住且晝眠恐觸蛟龍有餘怒新詩累篇聊紀事旗腳翻旋神或許且須飽飯獨攤書跂腳高眠腹如鼓

阻風祭風臺

我聽輕雷谷口催孤舟小泊傍江隈雨聲撒豆依蓬臥風勢驚沙擘岸開鄰舫忽然聯旅榻片雲何意下荒臺船頭受趁涼颺起又聽危樓戍角哀

蚤發嘉魚

兩歇迴塘促蚤程曉雲烘日半陰晴楚天風物連江美

據梧詩集

卷十

天外集下

七

薄宦遊裝笑葉輕飛鷺會心還獨往盤鴉投食快空擎自從騎馬西征去那見南天夢境清

江夏贈沔陽牧晉次公二首

黃鶴磯頭汎楚雲戟門清晝忽逢君五年離緒關山隔六月江聲草閣聞吏治本從經術出詩名不爲職官分香山詩官職聲名俱入手元龍意氣還如昨容易持杯又夕曛荆湖自昔水爲鄉莽莽雄風接混茫按部看農時露冕登高賦物咏褰裳常歌哀鴈來中澤欲起寒雲近太陽史筆特書循吏傳荒畬今已徧耕桑

自漢陽抵黃州

黃鶴仙人不可招且攜琴劍返歸橈薰風細細添帆腹  
新漲鱗鱗沒草腰戍鼓樓笳悲自語沈槍折戟恨難消  
江山無恙棠陰美十八年來事已遙

蕪州感舊

曾爲觀察  
公駐節地

小泊江隈趁日斜隔江烟景亦偏嘉詩畱金粟署軒千篇  
稿香借瓊宮一樹花大山竹色翠深迷落月荷衣紅舞  
落晴霞悠然舊事閒翻卻腸斷城頭咽暮笳

雨後

一雨新涼晚自增斷雲烘日淡黃綾低飛水鳥掠魚去  
高颺柳絲扶月升茭葉半遮翻雀鷓鴣樹根隨處縛魚罾  
據梧詩集

卷十 天外集下

太

悠然江景暮光好緩步相隨倚瘦藤

晚泊天門山

晚渡江流十里平天門中斷楚江澄半帆影向月中臥  
兩岸山如鏡裏生岫列東西畱宿霧地連吳楚有孤城  
蒼蒼萬頃琉璃色一葉渾如點太清

圖華集序

蓋二十年前見青村於京師已耳熱其詩迫青村官餘  
干有集問世適從友人處遇之雖未卒讀知其詩益工  
且富今辛巳春與青村連榻京師者二月得細觀近作  
兼聞其論詩乃知青村之詩其才大抑其學尤深吾聞  
詩號能窮吏常苦俗之二說者以視青村正不其然然  
則青村之取於世厚矣或乃更爲青村惜曰若君者何  
難一第而遽以仕顯得毋有遺憾耶噫此未爲知青村  
者科目始於唐而有唐科目之弊亦已極矣詩如李杜  
對策如劉蕡不得爲進士其爲進士者若伯玉不免以  
琴摩詰不免以琵琶亦可哀也爰至果頭之禍遂以亡  
唐李贊皇曰好驢馬不入行雖有激言之要不失大丈夫  
語若今之白鏐錦衣掃門吹竽母論縱或一寒如此  
其中亦何有青村固不爲耳非不能也前明楊文貞公  
一代名相猶以未曾作令爲恨蓋縣令親民周知便而  
興除易當也夫子言誦詩必達於政今青村爲令而長  
於詩必能以詩爲令然則青村有以行其志矣雖然青  
村之詩高秀雄卓令未足以盡之吾知青村之令亦直  
寄焉或曰青村爲令十餘年足跡幾半天下江山之勝  
入其胸次故其詩益工且富然則青村又以令爲詩也

據梧詩集

圖華集序

一



同里蔣金式序

據梧詩集

圖華集序

二

據梧詩集卷十一

武進管 榆青村

圖華集上

戊寅秋分日集徐學人辛齋二首

筠簾疎散淨無塵  
茶熟香添月正新  
一榻圖書常枕籍  
滿庭花木自橫陳  
情深舊雨知逾久  
坐有和風易得春  
勞我投荒來萬里  
因君誰與話悲辛

雲溪

學人集名

詩思淨鉛華  
文酒相從樂事偕  
憶昔蠻煙驚

噩夢每思好友各天涯  
香浮綠蟻飄金粟  
格寫烏絲詠玉階  
手把君詩飲君酒  
百年秋半正高齋

據梧詩集

卷十一

圖華集上

秋郊看菊感懷四首

寥落秋光又一時  
堂前丹粉倏然非  
輕雲出岫原無意  
歸鳥穿巢總失依  
到眼繁華風晚賞  
心佳麗事遲違  
誰家紅紫偏爭鬪  
春色應難上白衣

不知秋老物華新  
出郭秋英又絕塵  
次第階除疑畫本  
蕭疎骨格似詩人  
西風亂翦齊紈碎  
玉露深沾楚黛勻  
一片清光何綺麗  
肯容園客借餘春

背郭沿溪自一村  
吳儂舊譜得閒論  
人如花澹宜相竝  
彩映霞蒸自可飡  
曾歷雪霜成晚節  
也知榮悴本同根  
柴桑三徑依然在  
別夢松楸遠故園

蠻天時序歎何憑懷友思親每不勝今日得歸真夢寐  
何人舊好尚因仍滿欄秋思依羣蝶四壁荒寒共一燈  
辛苦栽培幾苞坼莫教風雨夜來增

送舅氏鹿田北上三首

十年走風塵宦味堪撫掌南行逾萬里足跡徧天壤吟  
篇贈盈囊煙霞留一杖自笑頗支離浩歌亦長往竭來  
歸鄉縣蓬枯苦飄蕩艱難困頓中舊事追惘惘欣然見  
吾舅喜把朝氣爽皎如出匣刀精采天四朗門巷一渠  
間論文共心賞

羣年策疲馬北走昭王臺舅時方報最廷譽交相推曾  
據梧詩集

卷十一 國華集上

二

傳臨城民陽和生寒灰遙知今日行五馬天邊來黃童  
共白叟遮道聲如雷共頌舊神尹將迎進酒杯

驪駒聞始唱瑤華欣忽得沈酣陶謝神寢食李杜力可  
惜菊花期聯吟少江筆默默坐秋齋懷人咏木末遙想  
斑馬鳴惜華倚蒼色

古度招飲菊下二首

勝會曾陪竹下遊關山汗漫十年畱心懷東北天高處  
客到西南地盡頭虛室忽然圍步障短屏隨處作林丘  
秋風自信芳華美不向愁人暗結愁

霧綃霞綺一重重翦織曾勞造化工常憶賜緋承湛露

每憐衣白對淒風籬間寄植初無異霜後論花便不同  
今夕華燈倚芳影清光多到酒杯中

送古度之燕省覲次芋莊韻

南飛烏鵲繞三匝重山複水日紛還快馬常穿棧嶺雲  
瘦節每借禪房榻此身萍轉遶東西此心倏忽成離合  
自傷迂疎不合時一蹶蠻天足遜捷屈指行程已六千  
苦論歸期幾旬卅吾弟至性自友于連影名聞遺風庶堪  
荅平生意氣存心脾相會飛揚伸臂脚驪歌方唱酒復  
清月影如盤射簾簾押遙憶花磚傳直時詞曹元白真倒  
壓書堂新賜頭網茶佳宴蚤放金籠鵲經緯史費搜

據梧詩集

卷十一 國華集上

三

輯柳雅韓碑遜淹洽回念傳柑侍飲時五年情事等一  
霎桂叢香發正趨庭撤賜金蓮費官蠟獨予憂臥守西  
田時咏鳴鳩慰嘲狎長途竝轡快同行酬倡新詩笑卑  
狹此行若過青州城取道青萊賢聖餘波分一呷

己卯元夕雪用歐陽禁體詩韻同胡芋莊曹三蘿  
賦

曉起萬樹齊放萼北枝厚密南枝薄朔風檣臘決土囊  
捲碎凝雲卻大作高低駕瓦失行列咫尺溪流混寥廓  
僵竹壁立猶撐持甕牖漏先亦的爍黃檗山中層密封  
青松頂上累積落蛟龍獨臥千年冰今古混作一丘貉

綠芽佳人爲掃烹粉養小兒供戲攫禿樹漠漠爭黃鴉  
竹逕蕭蕭啄寒雀北山高士正支頤曹三東郭先生少  
完廬胡羊文人自共肝腎憂坡詩知君也市兒坐惜燈  
火樂歐公法律坡公繼枯腸俗韻盡洗淪陳言務去得  
新意穠纖極處歸澹漠天公列陣漫空山詩老白戰舞  
一掣然斷微髭爲苦吟曉來覽鏡堪大噱

附前題

胡香吳羊莊

花姑未破南枝萼滕六餘分恣輕薄老夫衾鐵失春  
溫昨宵有客傳佳作城中美酒不得飲隱几歐蘇共  
寥廓宛是王猷見戴歸百九六字江珠燦青山我醉

據梧詩集

卷十一 圖華集上

四

臥雪樓渴筆愛玩孫公落

青山莊孫宗伯書臥雪樓

往步蘇髯押

凍龜重循歐禁思居貉祇覺風來不駭蕩渾無鳥過  
愁拏攫潭塗喜接借書執澤檐靜看空倉雀圍坐難  
盈一爐獸凌虛莫辨兩舫屬天公作意靳芳菲重陰  
噤痒探梅樂快雪時晴展晉帖修琴閣上春旗淪選  
樓賦手惠連遜愛蘇標舉歐冲漠鼓棹方披宋玉風  
青村謁宋大中丞於吳門論詩潑墨橫掃曹瞞槩戰退龍休誇百萬  
羣仙小戲資盟噉

附前題

曹湖三蘿

庭樹皚皚覆叢萼層崖欲動溪雲薄僵臥高吟四十

年半是羅浮夢中作客寄新詩一倡酬筆勢縱橫共  
寥廓夜起牽帷緬林谷藤蘿石徑光閃爍風翻凍澤  
老蛟怒寒柯幾見空巢落緼袍裹體不足恥青山久  
已同狐貉大者如翼橫空來悞逐寒鷗恣貪攫小者  
如粒亦如粉爭躍求飽啾啾雀我上漁舟咫尺迷謝  
公有笠張公屨橋南擊鼓戲魚龍春華小記昇平樂  
才人撫時續長句今古同源自疏淪少年努力爭流  
傳白首情懷天漠漠空中劒器舞渾脫賦罷長江一  
橫槩感君念我常支頤野老狂言供一噱

雪中過青溪草堂飲梅下用東坡松風亭梅花韻

據梧詩集

卷十一 圖華集上

五

青山遶郭成水村中有隱士歌拾瑰冷豔千枝映圖畫  
香霧一氣窮朝昏先生獨居北山側眼前丘壑成名圖  
世味無心學悲笑詩篇入手偏清溫繩牀日坐臥花下  
攤書花影扶朝暎雪中放棹共吾友隔水稚子依柴門  
一時詩情與花態兩兩靜悟終忘言勸君百杯莫停飲  
不然此花此雪相對辜清尊

雪後蘭雪軒梅盛開再用前韻

煙迷雪壓成山村一株獨立真銷魂幽人賞花在花外  
卯時坐對常黃昏先生十年山水窟寓意所到爲丘園  
神清翩翮骨自冷影瘦落落風多溫空軒一事最快意

擁書曝背依朝暎閒隨孤棹暮歸遠白雲羃歷知蓬門  
緬懷孤山林處士高風千載終難言落花無聲歸鳥寂  
舉頭明月懸金尊

東臯雪中看梅三用前韻

東臯一區煙雨村晴雪萬樹浮香魂常時板輿過花下  
歸鴉反哺天初昏十年前事萬里外遠夢漠漠依家園  
照影還見水清淺到面那識風和溫蚪枝鐵幹昔時植  
欲消冰雪爲陽燄廿年遂初傷未賦空流泌水園衡門  
池塘夢別春草句佳景一失子何言雪晴花落鳥啼緩  
石苔點漬留窪尊

據梧詩集

卷十一

國華集上

木

憺菴北上示詩畱別次韻二首

帝京風景舊曾過到處詩傳白雪歌馬首暮雲依鵲華  
筆花新陣築蓬婆丹山鳳噉桐花滿碧落蟾清桂樹多  
應憶池塘賦春草東風別夢擬如何  
金蓮徹炬耀春星帝里名葩豔紫丁感事詩何工屬對  
酬知卜自驗奇零楊花晚渡長程暮杏子茅檐宿酒醒  
都是旅懷超絕處玉河柳眼爲君青

送僧赤嶽歸楚三首

長江極目楚天低柳下鳴榔路不迷送爾春帆故園去  
錫飛常望白門西

草庵舊日每經過四合山光暈碧螺湖岸曉來微雨溼  
白蘋紅蓼貼青荷

楚天風物故依然自別茅齋已廿年猶有故人時念我  
西風爲趁下江船

水山韻

雨中泛西湖晴復登吳山紫陽諸峯用坡公遊白  
越江渺渺浮天涯吳山偃蹇依人家攀雲直上萬千壘  
江湖旋轉如奔車縈迴一徑抱山仄磊砢百折穿雲斜  
江聲獨夜自悲壯湖山永晝殊清嘉劃然長嘯怒潮湧  
天風排蕩來高華白鷺三兩點湖水老樹叢密開新花

據梧詩集

卷十一

國華集上

七

龍眠白描誰復似郭熙平遠當無加人間有此好粉本  
巨然北苑將無誇我生萬事類芻狗意攜金剛裁三桮  
暮歸篷底宿煙雨朝隨釣石凌雲霞呼來一任牛馬耳  
域中自聒公私蛙春雲出山湖底隱天垂碧水澄而窪  
徑從此水見天闕水含天影無爭差空亭揮塵萬籟靜  
大地遊戲如搏沙雲林一幅水石畫鮫人千縷冰紈紗  
世人何能曉餘意口中噴噴無疵瑕蘇公白公去已久  
我來吟眺長興嗟風騷千載不可作蟬蛸蚓竅兩耳遮  
遺蹤石上偶然在江流東下音何遐三更風起海潮急  
颯颯驚亂城頭鴉

周競菴刺史招遊西湖八首

不到湖頭已十年青山紅樹故依然  
皖江刺史真風雅酒具茶鐺共一船

佳絕孤山放鶴亭曲闌迴榭入雲屏  
誰知處士高風遠別有清音在宵冥

湖山佳麗一亭收四合煙波似十洲  
萬樹燈光射牛斗魚龍真在月中遊

恭紀  
幸湖心亭

十景回塘暮雨籠一聲清絕淨慈鐘  
雷峯塔照保俶壩南高峯過北高峯

南渡江山似畫圖廟謨止辦一西湖  
淒涼鄂國墳前月據梧詩集

卷十一 圖華集上

常自殷勤照上都

聖水名山自古傳清時遇合豈徒然  
自從天漢光垂處無數雲山近日邊

迴塘迤邐起層橋涵影嵐煙暮欲消  
山色遠添螺子黛痕斜翦綠羣腰

拍肩笑問洪厓老雲滿春波酒未醒  
薄暮迴舟風蕩漾晚山相送一湖青

苦雨莊南星中表惠蕎粉米粢用東坡謝歐陽晦  
夫遺接羅琴枕韻

讀書長夜如窮年天寒倚枕敲小冠  
朔風刮我屋茅去

遮隔寒意愁花縵饑腸欲鳴自宛委  
每與杞菊相恬安雨勢砰訇正未已  
簷溜傾瀉生波瀾遙知故人適江朔  
朱顏日犯西風寒寒江夢遠夜潮聽  
雪燉高湧秋濤看乘風截流最快意  
可惜宿霧遮層巒薔花漫漫色同雪  
拒妝皜皜光勝紈邇來病肺少方法  
瓊玉得藉清涼丹廚爨風味亦不惡  
烝溲棼縷佳製寬飽餐捧腹強吟調  
秀語未必由寒酸

圖華齋小集送亮功公車次芋莊韻二首

十載天荒此夜尊虛齋依舊故交存  
平生與子師兼友三立輪君德共言  
玉殿臚雲還宅相彤墀曳履待傳孫

據梧詩集

卷十一 圖華集上

九

今曾祖司農先生相邀叔則同文酒落月瓊山玉女盆

一掬清泉圖本畱松膏佳詠徹峯頭  
齊中產芝芋莊題句百年詩句長尊酒萬里蠻荒只破裘  
無恙草堂容几榻斬新花木拂簾鈎

相期歲晚爲寒友莫訝靈葩擬十洲

寒夜集陳健夫莊子方雲湘次健夫韻二首

春明贈別唱驪駒才子詩懷托意孤  
見說馬羣空冀北又隨鴈影到江湖  
牕憑嶺雪供題句門泊吳船載酒壺

無限東風正駘蕩江南柳色滿前途  
原詩有東雲寒雨是窮途之句

正字才名推大雅文章江左莫能加  
千秋玉局還垂鏡板斧先生近著史論廿載東山自種花  
春草詩篇夢中得燭花深

細夜寒斜長頭大鼻真驚座南朔分鑣號大家

大雪用漁洋集中韻

連旬積雨天和融江頭岸柳搖空濛先生一枕黑甜美  
寒牖朝旭疑瞳矓幻傳羣玉戲仙伯竊快兩目煩天公  
姑山突兀落欄楯柳絮蘊藉來簾櫳重門小院人跡少  
三徑寂寂寒無風瑤華大地遍飛白天竹小隊垂微紅  
幽人臥起悄無事忽傳佳咏蓬門通健夫惠詩山陰放棹正  
幽絕此時此景將無同龍眠畫師白描手撚髭放筆摹  
虛空昨年諸公效白戰斫陣能挽萬石弓可憐丹青老  
曹霸三風流一去無畱蹤祇餘青山一溪水磯頭釣艇  
據梧詩集 卷十一 圖華集上 十

堆霜逢歐蘇格律最嚴整陰韻穩押惟胡翁茅莊遙知袁  
安高臥日隔斷闔市何由逢寄言先生莫漫出會有寒  
日生於東

附 雪中青村置酒烹熊集健夫子方雲湘即事次

韻

胡香昊 茅莊

六花狂舞誰孔融圖華宴客驅零濛陳遵有轄自麾  
去四角熾炭生瞳矓肺熊蹯美溢暖碗陋彼置畚噍  
靈公最精麴蘖拜鮑老鮑姓梅蘭吐氣繁簾櫳小寒  
倏又過七日花信正遇妃茶風山磬苦愛不得見天  
竹網就珊瑚紅嚴徵雅令恣稗史酒孝經恨無人通

劉炫有酒孝經排扉屈指黨進酒我儕阮飲將無同檐釵似  
驚駕瓦壓鴻爪幾遲雞彝空一飽緩索曼倩米兩手  
虛燥虞人弓欲尋歸舟每掣肘云是道上無行蹤來  
朝傑閣放銀海佩壺鼓棹相推篷誰歟老饕極風味  
觸事每憶微泉翁往年董易農侍御烹熊掌借芝田官論劇飲不得孟公  
扎藏弄七載詎意今宵逢得銜名釀盪幽默避邑莫  
問東門東

庚辰二月二日遊鶴林寺

背郭下連岡山勢何莽沍墟煙出茅屋寒泉縈廢園十  
三南朝松拏空入雲霧世遠半不存山移況於樹禪關  
據梧詩集 卷十一 圖華集上 十

寂無聲鳥下清磬度老梅自著花野鶴正修羽禪榻漾  
茶煙病僧睡初寤清泉汲寄奴寺井雄風想南渡再拜米  
公祠晚節託禪悟平生慕幽境於此愜情素況茲春風  
妍悠然成小住

竹林寺

幽逕臨平岡夾山古岳谷拂天松枯長落地泉聲伏陰  
翳青琅玕此景了不俗目窮三兩峰路轉萬千曲莖葉  
潤無塵衣袂靜生綠林泉築錫生側出如噴瀑最愛寒  
梅花疎影覆禪屋石礪鳴流泉徐風動高竹恍逢知音  
人彈琴復擊筑

竹林寺題壁用漁洋集中韻

綠陰垂滿地空山僧獨歸閒挑藤拄杖來叩竹間扉亭  
仰豐碑峙瞻涵白鳥飛江山朝夕對得句謝元暉

金山二首

江天閣上波濤合海嶽樓中霧雨冥潮起只知天界白  
雲開直見海門青攜筇畫踏鯨鰲背吹笛晴翻鶴鶴翎  
呼吸三山通帝座乘風萬里獨揚舲

百丈丹梯翠輦攀別開雲樹迴人間此中只有天如水  
何處還尋寺外山宋帝王基開重鎮孫郎霸業擁雄關  
畱傳玉帶千秋意白足高風竟不還

據梧詩集

卷十一 國華集上

主

紅橋二首

天寧門外雷塘西畫舫輕橈漾碧溪酒旆茶鐺隨處好  
紅欄曲曲傍河堤

沙路縈迴接廢田春風吹動柳絲牽尋常也只燕京景  
添得河流便黯然

重過竹林寺

幽絕城南寺蒼然竹逕深未風先響玉過雨更添陰江  
氣歸雲合嵐煙暮色侵戴公山下路曳杖重相尋

鶴林寺

竹院無人晝掩扉梅花香氣襲人衣此中幽景人不識

一鶴一僧常自依

北固山多景樓

扶筇屢上江天閣放眼一登多景樓金焦檻外兩屹峙  
日月牕中幾逝流黃鉞帝基終五代紫髯霸業還千秋  
雲煙飛鳥倏然過坐對開銷暇日憂

阻風金山

無數青山入望遙幾篇詩思寄輕舠一鈴獨向雲中語  
雙塔閒從樹底招胸次雅能吞夢澤酒杯還欲酌金焦  
春風不信顛狂甚猶引鄉思共落潮

招隱寺

據梧詩集

卷十一 國華集上

主

言遊黃鶴山云訪戴公宅石逕何逶迤蘚痕破人跡灌  
木千章清陰翳寺門隔叢篁叫鉤輶壞牆呼格磔山高  
古木尊虯枝倚天闕沙泉泱泱鳴澄然一泓碧戴公避  
跡地風流自今昔徙倚望雲天飛鴻振高翮

青山二首

澄江如練水雲中一葉輕帆倚碧空草長鶯啼寒食近  
江村花事滿東風

碧色澄虛正午晴幾番風信到清明張帆坐看春光好  
一帶山連建業城

贈漁父

雲淨空江足練明釣磯穩架落潮平青山坐看日無事  
對爾還深結網情

### 燕子磯

絕壁何年峙臨江得此亭雲中片帆出煙際數峰青鷺  
下沙兼淨潮回浪未停勞生頻到此放眼獨揚舲

### 江行

帆腹添風飽自斜推篷春水隔雲沙  
岸密張網牧子驅牛獨到家  
岸柳綻金初作線渚蒲抽玉已生芽  
夕陽漸下江神廟流水寒塘點暮鴉

### 天門山二首

據梧詩集

卷十一

圖華集上

古

片葉浮空際寒潮沒舊痕江流通月窟雪浪走天門一  
鏡明秋練雙峰鎖石根海風來萬里莽莽日中昏  
楚江春水明若空嫋嫋萬里來長風天門中鎖兩崖斷  
乘槎疑向銀河通征帆歷歷數上下山色渺渺迷西東  
恍如明鏡初出匣照見睂黛橫兩峰曉雲染就碧螺色  
暮雨碾成秦漢銅昔年謫仙李太白扁舟此地還晨夕  
兩岸孤舟吟傑句千年勒向空山石布帆別酒夢初醒  
一夜還成楚江客乘風碧浪倚青山把酒江天問明月

### 郭港卽事

盡日移舟共釣徒魚蠻踏浪不輪租  
擘牋拈韻澹生活

北苑巨然真畫圖岸雨濛濛蘆葉短輕帆歷歷浪花麤  
茲遊我自快清絕一縷落霞沙鳥孤

### 櫓港舟次

春江萬頃依空濛冰綃半幅千玲瓏征帆遠隨暮鴻落  
列岫澹被晴雲烘荻芽抽白柳搖碧罟師連岸排罾置  
一村兩村綠水際千樹萬樹細桃叢水邊上下燕泥溼  
屋角爛漫花光紅漁郎踏舟杳然去曲港迴渚何處通  
三春花好翻作客此景每遇他鄉中人生何必祈作達  
江魚飽食貪天功柳腰桃頰爭入眼江南春卷真惠崇  
船頭有書船尾酒開帆好趁桃花風

據梧詩集

卷十一

圖華集上

古

### 荻港

斜日銜山積翠移波光嵐影淨人衣一聲沙鳥傍汀叫  
尺半江魚觸網肥風柳露桃花綽約蓼灣荻港水周圍  
長年旅況偏經眼又上江頭板子磯

### 紫沙洲晚眺

放眼清江客思催浮雲次第隔江開全吳霸業銷沈盡  
三楚風濤浩蕩來明月還從故鄉至潮聲每向此間迴  
旅懷已覺羈栖甚遠戍時傳畫角哀

### 銅陵縣

銅陵郭前煙靄微人家終日含清暉連岡青松奪山色



摩雲黑雕盤釣磯千聲沙鳥傍橋語百種江魚出水肥  
客子悶懷聊復遣牽船吾意將忘歸

大通晚泊

落帆泊港齊杙樁大船柁壓中船扛黑雲摧地地軸折  
奔濤疾電聲淙淙艣檣吹斷水高湧船頭摩擊船尾撞  
屋漏似汲半江水漁燈閃睽犬吠厖千夫邪許率力敵  
猛勢直欲追鼎扛濤聲雨聲兩不辨風聲吼急人語呢  
須臾雲斂月空皎一天清影依篷牕野鳬拍拍水雲亂  
遠岫渺渺蛾眉雙浮雲過鳥奄忽事無語獨對清流江  
清明日江上見踏青者二首

據梧詩集

卷十一 圖華集上

七

日暖江如鏡山圍翠作屏舟移枕簟碧沿岸柳條青  
寒食江村路參差燕子飛踏青諸女伴閒共試春衣

小泊

小泊漁村古戍傍柁樓閒獨坐滄浪連船截網河魚賤  
一雨抽萌野蕨香江齧岸痕沙次第花生苔菜色青黃  
緩擗官鼓翻旗腳閒倚篷牕送夕陽

池陽口

移纜池陽口西風拍岸斜鴈行飛背日漁網落平沙天  
際出孤棹雲中見九華詩翁應著句滌研染江霞

偶見漁翁網得赤鯉市而放之

截網沈江密操舟計未輸波濤偶相失騰躍竟終迂展  
向湍流濶情教咫尺殊風雷他日事相忘渺江湖

樅陽道中

江雲淼淼去何長流水寒鴉點夕陽帆腹飽添風力緊  
岸頭時送菜花香

皖城

層城縹緲俯洪流形勢居然控上游三楚雲帆杯底合  
九江雪浪望中收荒祠余闕江潮恨廢壘甘寧蘆荻秋  
天塹自來誇設險乘風長嘯一憑樓

黃石磯

據梧詩集

卷十一 圖華集上

七

朝發流波暮黃石二百里程倏相隔一輪月出江水黃  
九道波流雪山白

東流道中

捩柁東流道春江水欲生枯篷添雨力高枕切江聲旅  
惜三春逼舟憐萬里輕明朝帆葉落懷古上湓城  
小市春風岸雲山望眼舒平沙攢箭筍論網買刀魚十  
載人歸後三春客到初感懷思舊事及此問樵漁

夜行紀事

夜行潯陽江上磯蜻蛉逆翅衝風威推篷月黑山鬼嘯  
浪花雪湧山周圍漁燈遠江獨閃睽破寺牆缺關柴扉

亂山礧礧石破碎入門燈火還霏微負牆古佛塵滿首  
芭蕉葉大棠梨肥暖湯濯足坐禪榻野菜酸苦充腸饑  
佛燈一龕最幽靜鐘鼓夜與潮聲依寒雨打牕似急溜  
漸曉缺月光依稀空江新漲落牕際曉鴉颯颯城頭飛

潯江寓樓七首

潯陽九派盡雲煙昨日西行晚趁船一事憑闌最堪賞  
推牕波浪接青天

平生最愛江樓景雪雨晴煙畫總難今日天公駭人目  
水雲同作一江看

水長沙村鶯亂飛江頭尺半鰕魚肥征帆過盡鳥空下

據梧詩集

卷十一 國華集上

六

日日漁人共釣磯

蘆荻蕭蕭水浸長沈鈎截網捉鰕鯉腥風吹起板船動

鈔庫街頭新買嘗

湘蘭沅芷詠江皋楚澤悲風動白茅一夜東風滿沙渚

竹筐上市賣蘭蒿

沙路迴環睥睨低鎖江亭子望中迷庾樓千古潯江水

朝趁東風暮趁西

琵琶亭上茫茫月春雨堂前浩浩花同是江州悲太

傳青衫憑淚灑江涯

江上食河魴作

飽食河魴萬慮輕風濤長自付舟人高吟獨鼓便便腹  
老饕猶漸落身羊臛熊蹯成隙饜藜藿食太枯貧  
何如大嚼鯪給美食品誰曾讓八珍

潯陽感事四首

危樓北望渺難憑有客乘高思不勝我意自來江水上  
此樓曾共昔人登沈槍折戟悲猶壯漁唱樵歌晚故磨  
大地搏沙傷過鳥西州遺恨感懷增

廿年懷抱總崢嶸重過翻然百感生九派雲濤扶小閣  
數峰廬嶽俯春城名流風月千秋調商女琵琶萬古情  
一到江州一回首鶯花猶自解逢迎

據梧詩集

卷十一 國華集上

七

坐對江流盡日閒悠然往事動追攀曾聽春雨邀聯榻  
每感秋風換旅顏新漲也知連楚澤晚雲空自傍廬山  
江聲夜夜么絃響司馬高風去不還

郡樓無恙倚雙峰

樓對雙劍峯觀察公顏曰古潯陽

太傅音形慟二鍾

桐邑墓連尋宿草平原絲繡憶遺容祠前白鳥窺魚立  
亭外晴雲礙嶺封猶是江山堪極目芰荷衣好一相從

江樓即目二首

岸竹排鈎窓窳鳴腥風吹動板船輕登樓我自貪新漲  
一派漁舟撒網聲

雷隱雙峰燕子來簾龍初蟄迸蒼苔禪機玉版廬山派

坡老常參與辯才

翠微閣題壁

萬頃風濤落小樓大江莽莽日東流  
煙颿沙鳥望中滅一榻坐來雲際頭

據梧詩集

卷十一 圖華集上

三

據梧詩集卷十二

武進管 榆青村

圖華集下

由江州至大孤望匡廬四首

筍輿廬阜麓曲徑抱迴環江岸遠猶見孤城日自閒  
野田寬白水列樹出青山幽絕何峰境仙靈或可攀  
秀色難爲狀青巖鎖白雲翠看峰向背陰失樹紛紜湖  
闊天垂大山高日易曛神仙讀書窟千古憶匡君  
澤國夜常雨江沙晴更明野花工點靨山鳥坐調笙  
蒨密衣樹雲霞低傍城江州舊遊地重過若爲情

據梧詩集

卷十二 圖華集下

一

雨來山隱水晴照水含山天地浮鷗外帆檣夕日間  
蘭蓀湖畔草風雨廟前灣玉殿春雲合靈旂盡日間  
蝦蟇石

鄱湖綿亘三百里四圍疊嶂連蜷起中有怪石獐湖滸  
跳躍不動兩足蹲天空舞勢欲騰擲怒眸下瞰蛟龍宅  
輪囷合地三百圍昂聳千霄八千尺君不見陂陲夜半  
金蝦蟇虛無碧底沈雲霞反唇莫鼓天風浪有人河漢  
乘星槎

都昌縣南郭

湖岸孤城晚聚船春風小市足魚鮮手牽青嶂雙眉鎖

目斷長空一鏡懸  
交葉蒲芽盈澤國  
眠鳬翹鷺亂陂田  
曾經設險嚴烽候  
廢甃荒煙感歲年

餘于朱壽命童年尋母紀事詩六百四十字

我初從政日在茲  
千越鄉千越古名州  
禮樂規爲邦禮  
吾與息斧胡敬齋張古城兩先生後先相輝光  
微言賴續絕大義  
扶紀綱慨自寅卯歲  
寇賊干戈攘殺人棄土  
苴烈火炎崑岡  
蛾撲復蟻聚侵蔓延  
郊疆王師從天來  
萬馬臨戎行夜半  
旄頭落挽弓射天狼  
次第漸削平伏莽無披猖  
從來仁義師率彼紀律常  
鴻鴈哀未集雞狗不得將  
息恩粉鏡去馬上催紅妝  
少婦淚朱顏老嫗備浣裳  
江河

據梧詩集

卷十

國華集下

二

逝不返山嶽遙相望  
牽耶別子送淚枯  
催中腸團湖朱氏母  
劫來同一傷有子年十五  
踞乳思羝羊哀哀孤子  
雛如形影不雙涕泗日交頤  
中夜爲傍徨匍匐三千里  
關塞誰云長晚行宿蒲葦  
蚤食兼糝糠一朝到京師人  
世何茫茫塵飛馬蹀躞  
巷轉人迷藏哀思母氏勞終歲  
棲路傍痛親時嚙指骨瘦形  
顰黃皇天重孝行百折顯  
善良困苦乃得遇九天開闔  
闔相見疑夢寐音容渺難  
忘母身沒旗伍橫索千緡償  
太息黔婁子精衛填溟滄  
背書字行密慘痛言精詳  
乞憐走道塗欲訴中皇皇朝  
伺褒鄂第夕叩金張堂錢刀  
計錙銖日久不滿囊模糊

第宅字下照見春坊

卯戒三宮諭

昔宦落江徼目擊深痠瘡

捐金獨爲贖竟至脫珥璫  
其歲仲秋時朱母髮鬢霜五  
旬適屆壽有子爲稱觴  
雜還交衢中酒核頗供張  
奉母坐上頭兒時侍膝傍  
晚進一卮酒涕淚何浪浪  
上言劬勞恩中言辛苦嘗  
下言遭亂離鬢髮居然龐  
兒來母目明兒去母目盲  
小人今有母悲喜交無量  
言言聲轉切觀者如堵牆  
趙璧得完歸寒谷生暄陽  
檢點篋中貲百金頗充糧  
長跼謝卿相不敢費俸  
賑廉哉朱孝子介節孰可  
方歸來灰劫餘井邑悲蒼  
涼奉母返故里親舊遺  
黍粱我田蕪不治力耕  
兼樹桑五年獨茹素飯僧  
依佛

據梧詩集

卷十一

國華集下

三

香夕葵遠負米求鱸  
先羹湯青門旅藁中  
子湘爲立傳曾傳孝行  
章天全孺慕字余昔旌額聊以旌芬芳  
今春客芝城訪我一葦航  
重子大行敦備述生愧惶  
鄱湖水清泚管輅山鬱蒼  
理學有淵源廉孝真禎祥  
作此紀事詩用以代激揚

饒州公解題壁

春去彭湖沒草萊  
布帆重向此間來  
白雲舊長仙都客  
曾看榴花幾度開

憶餘于新渡白溪梅荷之勝

老梅三百樹新荷十頃潭  
好風花落雪一雨水拖藍  
酒

槥從鹽背茶聲得草庵茲遊幾晨夕小枕夢溪南

饒州公廨石榴用迦陵集中韻

別館經過數空庭得海榴斜陽明積樹異種粲重樓頽  
萼侵雲溼丹跗染雪浮髻妝增髮鬢裙褶妬嬌羞朱火  
初陽擅安西萬里求根蟠依石砌枝重綴簷溝霧暗瞿  
薇院春歸杜若洲此時應共惜對爾正銷愁斜日青油  
幕晨光綠綺幃清陰因雨密露葉受風柔追憶傷前度  
蒼茫感舊遊繁華雖逼夏顏色恐經秋獨我吟花下重  
來不少畱依依迎戶外故故出牆頭草木猶如此雲煙  
歎逝流花房多結子齟齬笑忘憂綠欲侵雲鬢紅應號  
據梧詩集 卷十二 國華集下 四

細侯雲霞來故國花發思悠悠

發饒州

春草湖邊路東風漾日暉蘆叢雀偶語帆背燕交飛水  
漲天容大山空鏡影移明朝挾柁去沽酒傍魚磯

過鄱湖

新漲連江遠岸空葦花榭葉宛溪中西江節蚤黃梅雨  
彭蠡春遲船艣風客路千三春水碧離程四月石榴紅  
舫齋高掛煙江卷細寫新詩寄澹公

康山謁忠臣廟用少陵謁先主廟韻

芒碭真人出風雲會有人虎狼威殺伐鯨豕廣張綸一

戰分王霸同心合主臣榮陽燒紀信韓成牧野戮商辛殷

舶三千擁貔貅十萬屯偽名還襲楚正統竝誅秦義重

寧辭死功成論列神清陰迎馬首獨樹護龍鱗古槐尚存一

體封培錫同時異代春丞嘗遺制舊碑版昔年新奉使

明裡格重遊繫舫頻鬢眉飄欲動登甲潤無塵功與樊

鄴竝忠同來賈親雲臺星曜滿麟閣後先鄰駭浪轟鐘

鼓殘陽射釣緝靈旂風颭颭弔古淚沾巾

泊白涉港

繫纜依閭竈葦花積戶扃天圍低落日湖闊浸疎星客  
况倚孤棹生涯辦草亭饑驅常旅食柳眼爲誰青

據梧詩集

卷十二 國華集下

五

臨淵

臨淵思羨魚不如退結網此語自古然昔人不吾罔吾  
聞博士科本爲賢良獎古王設膠庠大賢志備享騶虞  
自郊藪豫章出林莽如何烏僕輩鄭白交雲榜前堂鐘  
鼓懸後堂妓樂廣狗馬充下庭食前羅方丈詞句偶然  
襲賢關發奇賞寂寞鉛槧子苦吟荅蟲響三年走道途  
告歸何惘惘貴富日相尋賤貧非自枉所以文章司不  
脫錢神掌歸當鑄賜蠡貧殖著子長

憶宦餘舊遊

偶作白雲長飄遊又十年一峰雲閣得雙柏邑人傳署有

對山閣正  
對東山  
荷岸曾聽雨  
梅村憶放船  
似聞碑版在  
較論  
愧前賢

### 滕王閣

帝子當年杳莫攀  
空餘樓閣在  
人間長年滄海時興廢  
九載江湖又往還  
飛鳥征帆迷極浦  
疎簾清晝對西山  
此中聞說神仙窟  
百尺丹梯靜掩關

### 北蘭寺贈澹公二首

憶自扁舟蠡水濱  
棟坪竹圃幾番春  
江天列岫詩中畫  
佛院停帆世外因  
道路誰爲知己者  
登臨吾已倦遊人  
已公茅屋詩堪賦  
好與西山共結鄰

### 據梧詩集

卷十二

國華集下

木

回首煙江畫壁時  
重來已是九年遲  
南州風雅銷沈盡  
卻上茅堂謁贊師

### 贈南昌熊清華文學

南州昔日曾懸榻  
別館今朝又論文  
客路依依逢舊雨  
登臨黯黯惜離羣  
吳天草滿移輕棹  
彭蠡晴空入暮雲  
忽憶絳紗勤問字  
臨風爲訊鮑參軍

### 排日集古度若猷菊下二首

夜雨曉方歇  
遠樹鳩勃磳  
折東走長鬚  
屐齒衝街泥  
門柳覆寒艇  
蘸水新生稊  
南榮最快意  
好景真幽栖  
琴書雜花影  
娟雅紛高低  
素燈漾綵繚  
斗室開町畦  
一株白

鵲翎玉立森角圭  
緋紫正鬬色皎潔難爲齊  
有如姑射仙御風乘彩霓  
灑灑烘朝晴倒影黃留碧  
清芬惱幽夢  
紫翠成丹梯  
酒闌更秉燭  
月落橫牆西

垂雲千株花丹黃  
結絲鈕吹香百本菊  
層疊似林數嘯傲  
雨花間坐臥忘其久  
清晨抹眇出追隨  
得良友秋霖苦人意  
風雨自重九今日小試  
晴朝光開甕牖設不持  
酒螯負此畢老手前年  
賞花時秋英列左右今  
年復看花座客仍某某  
况逢歌絲來四坐盡回  
首清圓覺夜肅百琲明  
珠走鐙光妬霜月寒香  
入杯酒凌晨出門去燭  
淚迸如帚

### 據梧詩集

卷十二

國華集上

七

東郭園公餉盆菊  
四五本雨中適五兄皇  
瑞至燭小飲前兩日曾  
賦紀垂雲吹香看菊之  
盛亦續賦一章

終年樂蔬食  
菜把仰園丁  
闢得兩弓地  
籬下畱丹頰  
餉我四五株  
幽麗當窗橫  
羣芳漸銷歇  
秋蝶無能爭  
雖然少繁縟  
頗亦充柴荆  
兄來冒雨訪  
有酒且復傾  
簷端激豐蕾  
燭杪含光晶  
數枝爛然開  
無限秋風清

### 復過古度齋看菊

名人擁羣花  
人與花俱澹  
初霽昏復明  
殘月照還暗  
懸鐙萬花間  
酣霞落天半  
蕭疎殊耐意  
雅麗供習玩  
五色

御雲來映帶鬪雞冠位置迴得宜清芬近可盟要使萬  
慮捐只辨兩眼看謀婦斗酒佳酌兄編齒粲天機任自  
然詎使世態亂作詩笑狂言君其以覆甌

八月十三日春曉閣看桂走示

桂嶺發奇香衆芳俱可了山房況秋水傑閣又春曉入  
門手足旋被風帽檐矯林巒鏡中趣明月樽前好百年  
仰喬木垂陰成合抱一枝寄雲間上有巢烏鳥清光滿  
林藪倒影入池沼一事繫我懷有如白日皎時值潯陽  
秋花月鬪深巧汝時適懸弧膝下孫雛繞堂上賀充閭  
詞流三峽倒倏忽廿年來音容歎何渺松楸雖在目恍  
據梧詩集

卷十二 國華集下

八

汶河道中

纔落征帆又馬蹄鞭絲遙指汶河西棗村柳岸斜陽路  
一派寒煙望欲迷

真定使院夜坐

層樓敞簷楹縹緲俯城闕遙峰隱天際插立如拱笏險  
塞入五陁太行入陁井陘第五磴道盤千折落景合晴空殘陽倚  
山缺寒霜肅天宇每得中夜月雙槐切霄漢清陰散林

樾有如冰池中苻藻紛陳設驚鳥棲復移嘯詠中夜登  
戟門清漏長恩深荷旄節報稱絕纖埃孤懷抱冰雪常  
山天下雄自古將相窟冀羣無畱良相馬在瘦骨坐久  
燭影偏霜月益澄澈樓頭急征鴻賞心寄寥泐

署樓看雪用坡公清虛堂韻

遙天寒色迷雲沙鼓笳徐奏初報衙千峰競拱列雲笏  
六出亂冒空中花神仙樓居窮兩目忽傳玉戲來天家  
蹲坳啄粒馴凍雀踞樹哺子爭寒鴉雙槐傑閣日相峙  
枝枝對閣開瓊葩銅鉗筑響地爐熾八餅分試頭綱茶  
戟門書永旗靜捲鼓聲似咽寒猶搗麥畦禾隴望高下  
據梧詩集

卷十二 國華集下

九

雪中作歌呈幕內諸公兼寄石谷

晨牕未白雞三號曉聽禿樹聲蕭蕭鐵衾僵臥少清夢  
高樓百尺風迢遙披衣抹眇縱兩目太行歷歷如秋毫  
銅柯深染瓊樹色白雲亂裹青山腰欲飛不飛天際鳥  
似落未落江中潮從來溪山看駛雪化工只有丹青操  
耕煙老子真人豪細筆曲折千牛毛蒼巖恒岳山峩峩  
騎驢踏凍溪邊招樓中有客方溫袍酒杯詩卷供盤教  
憑欄吟細髭欲斷當杯氣吐山爲高井梧幕府賢詞曹

懋育 詩篇磊落追陽阜岌岌嶽嶽森孤標浮埃溼霧當

空消煩君寫入生春綃無令此山此閣異日追思勞

### 同五兄皇瑞夜話

苦雪聯牀宿火紅挑燈夜話暑齋空羣山高捲千峰雪  
老樹寒吟五夜風落落破裘方臥穩恹恹旅食又年終  
麗譙清漏南樓月只有姜肱寢被同

### 晚眺

百尺高槐幕府秋憑欄望遠夕陽收寒光積月先懸樹  
暮色沈山欲上樓颼颼河流冰漸合蕭蕭葉落鳥空投  
半生懷抱何蕭瑟不待思鄉已白頭

據梧詩集

卷十二 國華集下

十

### 張爐

歲晏栖遲客指頤萬慮屯薰爐閒袖手香篆獨銷魂出  
入憑懷抱摩挲按得指痕鐵衾眠不慣謝爾爲溫存

### 和蔣玉度孝廉六十自壽詩四首

三度頻來此逢君盡帝鄉客途驚老大良夜有壺觴苦  
雪聯牀共清燈寒漏長是中成大隱誰爲識行藏  
當代推宗匠如君迴不同易占連如象詩繼伐檀風鄉  
國音書裏乾坤醒醉中應憐吾道在辛苦任飄蓬  
甲子今初度葭灰正欲飛詩篇有神理山水助清暉風  
雪傳鄉國鶯花暖帝畿典型耆舊在相對獨依依

驪歌喧別路君去我猶存客店三春雨茅簷獨夜尊鶯  
歌依畫舫茶事闌江村何日移輕棹論文重款門

### 農先索賦殘碑歌

吾弟昔作殘碑記要我閒賦殘碑詩殘碑吾亦未及見  
請將蕪筆爲歌之燕雲十六昔淪喪黑雲夜壓城爲摧  
荒唐泥馬說南渡湖山佳麗供盤嬉半閒堂繼格天閣  
僞書勳業雕蛟螭桓碑拱立竦屬鼎路人下馬徒嗟咨  
西園葛嶺條何有奸諛朽骨應刀剗牯牛礪角夕陽岸  
野鼠拱穴江湖厓何如金源一片石隸書深刻無諛詞  
重農務本有深意遊觀足戒非夸毗斷碑仄立使院圯

據梧詩集

卷十二 國華集下

十一

碑在順德書院弔昔往往勞心脾吾弟嗜古有癖考訂歲月

當無疑手指畫肚辨形似摩娑鮮蝕傷癰痕安國有鄰  
得再見碑載安國軍節度使高有鄰撰掩書感歎還追維殘碑此亦何

足道稽古當欲窮軒義千秋柳雅韓碑筆今日清廟明

### 堂詩

### 趙北口馬上四首

詩思渾於馬上多暖風如醉入微哦河堤向曉千株柳  
染就春煙蘸綠波  
車塵起處出帆檣一片芰蘆接渺茫忽憶水亭春二月  
半竿斜日泛滄浪



趙北燕南舊蹟存漁莊蝦市亦成村江南春卷依稀是  
少卻幽人掩葦門

遊行原不爲觀魚細柳新蒲拂翠樓夜半特傳巡省詔  
朝來封事奏河渠

### 河間道中

輕車寶馬碾遊塵迢遞河間二月春盈寸雪消舟欲動  
頭番風揉柳初勻湖含月鏡天容大龍綴僧衣麥闢新  
極北鶯花猶入眼故園風物夢回頻

### 上巳日發河間二首

麥隴高低入遠坳初程又過短長亭多情只有官途柳

據梧詩集

卷十二

圖華集下

主

來日蕭疎去日青

昨朝風雨失晴和上巳偏於馬上過出郭春光無限好  
雲煙猶護夕陽多

### 雄州道中

又向雄州道勞勞問客程風沙迷古驛煙水遶重城新  
柳明殘照澄湖蕩晚晴江村當此日望遠若爲情

### 涿鹿道中

十丈塵沙馬首來西山朝爽杳難開征鴻陣急行猶密  
官柳排空響易哀隻候明時猶隱霧雙輪起處欲聞雷  
停裝快得纖纖月笑拂征衫一把杯

### 良鄉途次大風

北風瀕洞射眸酸滾滾塵沙撲馬鞍秋水塵虛遮眼底  
鏡春山蒼翠隔雲端軒軒席帽彈猶慶落落征裘破亦  
寒屋角忽來紅杏色憐渠花在霧中看

### 送王雲岡南歸次畱別韻六首

憶昔春明共結廬九年別况竟何如從來蠻地無征鴈  
何意雲間有寄書快絕故交今把袂憐然新詠賦移居  
西牕刻燭聯牀話離索於今欲破除

高山洛下有精廬出岫晴雲氣象如座有疎梅真好友

牕畱餘日便抄書王猷興共孫登嘯孫松坪太史同寓宋玉堂

據梧詩集

卷十二

圖華集下

主

爲庾信居金息莽太傳曾居俱是名賢遺勝概塵埃俗韻盡消

除

藤花十丈覆爲廬天半清陰天矯如險韻穩吟新得句  
殘更細校未完書高軒聽雨徐君榻東閣觀梅何遜居  
容我追隨文酒側詩狂酒態未能除

竹聲蕭名中獨得吾廬此意蕭然任所如舌本茶甘緣對

客研池墨瀟瀟爲裁書鶯移樹杪歌新調燕掠芹泥認舊

居風景別來猶想像青山明月幾乘除

鞭絲遙指故園廬一路看山畫不如過雨雲從峰頂出  
紀行詩向壁間書人歸江左清于玉花到春深擁作居

歸日柳湖千頃碧征衫先取軟紅除

眠柳溪橋接舊廬蘭成風景小園如到家梅雨方迎夏  
入眼雲山盡記書泉石南榮難穩臥江山故國有依居  
昔遊想像真天外珍重佳篇爲改除

集古藤書屋分賦得安字

穀雨時漸過花事竟欲闌好友官少畱惜別心暫寬言  
尋古藤屋壓架枝千盤蟠根迸石罅結障凌雲端弦月  
掛屋角蒼然夜景寒貽詩壁間出落陰天際看鐵門地名  
得美醞一甌趙壁難文字亦解飲悵望歌采蘭貨殖乃  
分定達官熱肺肝神仙更茫昧一飲百酸乾有以富貴神仙行酒

據梧詩集

卷十二 圖華集下

古

者漏鼓促夜禁薄醉坐未安月影散隨人矯步天街觀  
酒醒不成寐吟苦依燈殘

四月八日趙恒夫先生寄園大會都下諸名士限

韻

名園新雨後花重報凌晨折簡徵風雅吟詞半隱淪綠  
深當淺夏紅溼好禁春詩思依庭艸高懷咏隰榛樹濃  
連障幕簾重隔松筠鶯語調紅豆魚噏吹白蘋乍寒花  
自歛未暖樹還斂風信吹難遍山光染未勻層樓含遠  
水龍麥綴新畝丘壑意中得雲山望裏真目窮天落鴈  
風動水生鱗鮮徑圍棋局藤梢拂釣緡臥看峰向背閒

倚石嶙峋交友欣來舊拈題喜趁新竹孫方解擇李妹

欲懷娠金谷園林景蘭亭被袂辰騷壇標幟羽詞海掌  
絲綸斗轉依雲漢崧高降甫申登主參白足造舍合朱  
輪閭苑前生會青蓮後代身分曹塵楚漢合縱匹齊秦  
出句能扛鼎窮經到獲麟自多雲外思還向筆端陳舊  
雨三生訂新知一笑因招邀過石磴狼藉坐花茵會好  
無勞夢詩成若有神要知跋履客都是別花人插架能  
窺典繙書若數珍洛中推第一日下古無倫憶昔探奇  
字於今獨問津師門融更健弟子憲猶貧得句饒名理  
臨風實主臣文章清獻宅樽酒孔融賓射覆紅先照藏

據梧詩集

卷十二 圖華集下

主

釣盞送煩清芬依座右濁酒過牆鄰移樹蜂窺幕蹲檐  
雀破困落花拈側帽芳草縮垂紳渺矣情何極翛然思  
絕塵宴驩疑島嶼逸興托鱸尊歷歷征埃滿詩懷聊一  
伸

同雲岡蓀服二水集孫松坪太史古藤書屋次蓀

服韻

九十已過誰殿春紫藤老幹開花新新花又值新月夜  
每有煙霧相含疑大小垂手衣輕舉深澹掃黛妝調勻  
蕊宮珠簾恐拋失仙人貫以千絲緡曉霞蒸時欲鬪色  
晚風過處爲傳神西軒綠陰快兩目又羅肴核開芳樽

月窺紫翠痕似碧風動酒醅紋成皺香山賓客飲中老  
此數通與前人倫把杯深勸莫停口鯨飲意欲吞江濬  
看花我獨悟禪理癡情當會除貪嗔

藤花用梧軒舊韻

風景蘭成賦小園別開基野坐西軒曉雲匝地難吹起  
紫障漫天不著痕屋角玻璃裁月魄晚來蜂蝶戀香魂  
飲仙又接湘纍咏文酒追隨夜未昏

普洱茶餉松坪太史用涪翁饋茶韻

普洱雲霧產奇茗考經獨遺桑苎書龍團製舊尚遠物  
天壇水潔跳明珠蘇門太史清不腴品茶不欲常味如

據梧詩集

卷十下

十

頭綱日有書堂賜未許知章乞鏡湖

周蓉湖銀臺索書擊鉢圖詩賦束

九衢冠蓋亦云夥要非落落即瑣瑣獨有欽礪淡宕人  
與物隨時無不可蚤年策對天人篇中書落筆生雲烟  
金蓮歸院蘇承旨玉尺量才李謫仙文衡再掌躋卿貳  
樞府銀臺清切地羣羨先生際遇殊彩鷁迎親朝夕侍  
堂前嘗食進魚羹云是天廚昨賜珍忠泉孝笋一時出  
板輿花下多良辰即今軒畔追文酒又見風流盛耆舊  
話及當年擊鉢圖無句猶能掛君口書堂新葺柳陰移  
騶唱初傳退食時殘圖舊句不復憶爲公更賦斯子詩

夏五將之新昌用坡公送江公著知吉州介亭餞

楊次公二韻畱別都下諸先生

我昔南遊嘗越水琵琶一勾自清美

干越琵琶洲  
第二水在焉

白雲

句愛隨州翁綠雪茶烹桑苎子忽然蹤跡落蠻荒行僧  
打包納芒屨臥榻看山可療饑官舍聽泉堪洗耳三踏  
京塵只故吾西走北遊逾萬里求友還申鳴鳥歡得官  
豈因見蠍喜南浦西山幾度經十年面目一彈指作吏  
風塵亦偶然免俗未能聊爾爾

征鞭曉入春明門蘆溝柳岸成遙村豐臺紅藥古藤屋  
好景頗似尋桃源追隨文酒聽談論倒流白雨如翻盆

據梧詩集

卷十下

十

南州山川每清絕子真慧業疑夙根趨庭蚤歲再游宦  
長揖廬岳稱弟昆西江宗圖演詩派衣鉢久已流乾坤  
征車欲發謝好住清風有句其傳言此行觸熱豈敢憚  
拂拂朝爽長隨軒

都下諸先生辱賜和章再用前二韻奉荅

臣心有規應似水爲政風流此爲美洵哉杜老言不誣  
欲表心肝奉天子豈邀先達笑彈冠不向侯門漫跋履  
清言冰雪能沁脾猶聽鐘呂非悅耳壯如瞿峽下三川  
快若駿馬馳千里將無惜別心正愜且博君詩我則喜  
當今風雅誰主持某某名賢時屈指鄙懷既僊語更辱

言情之作亦云爾

催租無吏夜打門白雲仙犬眠花村幸生無事樂休息  
爲治要先窺本源聖人嘗下寬恤詔已見比屋無冤盆  
治民之法如治稼枝葉旣茂培其根能以餘事作詩老  
涪翁永叔真弟昆衡廬峻能比岱華章責勢欲含乾坤  
一童兩馬出都郭千篇萬軸多贈言孔碩肆好古有頌  
清風當以名吾軒

謁岱廟東劉魯庵侍御二首

天闕迢遙接帝居森陰一道入清虛唐槐漢柏新題識  
魯頌秦碑舊記書鸞鶴曉風朝殿角蛟龍白日繞階除

據梧詩集

卷十二

國華集下

十一

昔年諫草鑿坡客回首觚稜憶直廬

風雪停車兩度遊人間是處有丹丘漢時封禪門猶記  
乾封歷代明禋職自修浴日海天雙闕曉御風巖頂半  
輪秋登臨不覺夕陽下惆悵征塵未少畱

羊流店和魯庵韻

故里傳羊傳居人襲舊名鳬山青入眼汶水遠含情雅  
操思裘帶高雲卷旆旌鳩人君豈有恩信自風行

曉發

雨後氍毹棗葉肥朝來爽氣襲人衣星河映地雞三唱  
卿夢先於馬上歸

送劉魯庵參憲黔西四首

黔南使者舊張綱氣敢埋輪赤棒將鳳集掖梧知峻整  
烏栖臺柏見清方繡衣應謂傳家物憲節遙持禁府霜  
自是西南煩眷顧特勞直指到炎荒

沅庭秋水昔乘槎琴鶴圖書共一車湘竹老猶銘異績  
昔迎養太夫 渺渺滄洲吾道在治安遺策繼長沙  
人于澧署

黔南鳥道兩曾經一綫穿雲斗大城感舊棠陰碑似口  
觀察公參 政貴西 多君輿頌耳堪聽烏蠻十部誇前隊絳帳諸

徒托後生歷歷驚看真御史當年大范最知名

據梧詩集

卷十二

國華集下

十一

征輶南下暫追陪旅榻清宵每對開岱嶽出雲常靉靄  
河流過雨勢喧喧茅檐獨夜初弦月古木斜陽隔岸雷  
稍待江平秋八月遙看使宿列三台

峒嵒驛蚤飯

古驛疎林野更荒附山怪石臥羣羊數家雞犬圍村屋  
一徑風沙隔異鄉燕掠泥融茅店小蟬迎露咽柳陰涼  
盤飧草草真行旅畏暑兼愁道路長

據梧詩集卷十三

武進管 榆青村

寓檠稿

辛巳除夕

清齋深夜臘花紅  
除歲親朋笑語中  
明夕酒醒今夕酒  
新年風壓去年風  
官梅簾外香先入  
山果樽前醖不空  
獨愧年華說彊仕  
團圞燈下已稱翁

壬午元旦

天高閭闔慶同雲  
香霧霏微瑞靄分  
憶向禁門聽永漏  
又趨丹陛祝堯君  
椒花有頌樽初綠  
柳色新融線欲

據梧詩集

卷十三

寓檠稿

一

紛自笑頭銜還長  
令愧將奔走號殊勲

四日過文塢寺

新年積霧連舊歲  
朝光轉鳥知新晴  
招尋出郭快心目  
馬蹄淺涉江沙清  
近郊白塢寺最古  
松杉幽密相迴縈  
一聲兩聲茶磬遠  
千箇萬箇叢篁橫  
山花無言靜自落  
生臺凍鵲窺人驚  
滇茶頽附玉萼圻  
百尺枝與欄干平  
栽花種竹好位置  
外人自多閒情嗟  
予塵網苦牽迫  
鎖印泱月尋鷗盟  
每當溪巒最佳處  
拄笏不覺雙眸瞪  
殘陽已下歸馬疾  
渡頭煙火哉生明

馬上涉溪

春風未到已春暉  
茶樹毵毵吐葉肥  
淺渚自明沙尚澀

斷橋欲缺柳初圍  
抽芒瓏麥僧衣掛  
拂水魚禽錦帶飛  
馬首亂山深處好  
長官清味遠塵鞿

毛芝亭太守以梅花詩百首索題八絕句

鎖印吟殘歲事詩  
瓶梅硯北發新枝  
嶺頭無限春風好  
寫入毛萇百首詞

能詩水部擅風流  
意氣翛然百尺樓  
東閣早開何遜句  
觀梅勝事記揚州

黔中風景我曾過  
絕嶂摩天水激渦  
聞道隨身舊琴鶴  
梅花一樹百篇多

據梧詩集

卷十三

寓檠稿

二

絕代詩人陸務觀  
青年官畔倚筇看  
寫來妙入真情景  
好看梅時卻怕寒

放翁句

老梅三百憶南沙  
小榼尋芳到日斜  
憶官餘此  
地溪山  
千舊事  
無一樹衙齋日看  
膽瓶花

松風亭咏和坡公  
酬倡新詩日滿筒  
已卯家園  
看梅倡和  
玉蝶綠  
華春曉望一番風  
雪又怱怱

笙詩閒日譜南陔  
春酒樽前漸放梅  
綠野平泉好風景  
起居邑喜板輿來

芝亭侍太夫人  
多家庭樂事

君才自合列鸛鷺  
那許東山臥謝安  
五馬曾傳趙清獻  
春風香雪上林看

周母金太夫人八袞

易美含貞德詩稱嗣徽音自昔世業大皆始閨門仁周  
母太夫人族望推陳荀嘗羹浣中帟盡孝能奉親逮下  
咏樛木敦睦洽比鄰相夫克勤儉御下知艱辛一官畱  
瘴癘十載甘清貧幕府鶴髮翁惠政如飲醇于門定高  
六後祿綬無垠令嗣實賢哲當時推鳳麟三立曠千古  
五福備一身迎養得色喜賜經先近臣天心與人事締  
合如有神板輿侍花下能使萬物春享祿以奉母止孝  
依天真季冬斗指丑陽暄撰良辰青松歷霜雪歲久還  
如新上爲雲霞栖下爲朱草茵懸悅正及期首祚方八  
據梧詩集 卷十三 寓樂稿 三

途次

旬朱顏映曉鬢霞帔垂琅珣先生花底歸堂餐捧絲綸  
天厨佐菽水採蘭潔昏晨堂前進卮酒瑞靄爐煙屯達  
職愧下里祝嘏詞遙陳亮節迺仁壽金萱比松筠

署齋閑咏

春漲溪喧蚤放衙參天古柏兩榰枒停帆吳市曾攜酒  
家園載 支俸僧菴爲買花 山僧分 餉牡丹 新雨夜添沙沒尾驚

雷晴走水行車悠然睡足茶初熟到眼濃陰入望矐

苦雨新晴放舟章門

月離于畢天官訛匝月積潦愁滂沱牀牀避漏水溢盎  
樹樹穴腹蟻蟻窠侵堦苔遍綠映几沿牆竹密鞭綠坡  
槎枒古柏歷年久黛色貯雨偏婆娑不知何來羣白鳥  
肅肅鍛羽頭自幡朝飛暮宿時下上飢啄渴飲聲相和  
鶴巢松樹詩有畫以此寫照言非阿我今匏繫苦偏側  
官舍深閉如廬螺羈棲身每笑萍梗拙守自恥隨蓬科  
連江積雨入寒夜豐霽倒峽懸黃河繞籬攜屐摘菜甲  
方池竟作琉璃波歷歷沿堤堤數鵝鴨田田貼水浮菱荷  
據梧詩集 卷十三 寓樂稿 四

蛙鳴鼓吹亦彊譽無理取鬧供馮訶見昌黎詩曉來溼翠天  
宇潔春禽枕上還和歌出郭新晴最快目盤雕掠翅青  
霄摩斷堤爭放濺濺水野田齊長油油禾滄江漁子駕  
蚱蜢鷓鴣閒立掛綠蓑河魚大上赴南浦平生爲口忙  
何多發船打鼓煩津吏一箭放溜先鳬鵝

舟行松湖道中

筠度風物如南交冬來無雪抽芭蕉寒山積霧晝長晦  
雨中凍雀爭深條霽光忽到頂雲鬢秀色欲上雙眉嬌  
舉篙下溜一鼓泄灘聲疾若來驚颺雷霆踏足震山谷  
風雨白日晴飄搖野蕒薇花媚人目江潭開落還朝朝

綠穉蘸水點妝黛芳草沿岸拖裙腰繭栗疑疑叱偏急  
鳬鷺拍拍聲相邀漁人截江布連網船尾撥刺羣魚跳  
江村此景快人意坐受塵暑紛紛銜鑣西山嘲謝數間閣  
圓月初上江天遙

東郊勸農二章

時霖浹旬足良苗正懷新稗草務耘耨赤日勤苦辛炎  
背落雨汗言憫此農人去草如去惡無使滋蔓因野行  
時露晞匹馬郊原巡藉草進疆以慰勞酒肉陳較量到  
晴雨祈歲度明禋黃虞上垂拱會見風俗淳勗哉勤稼  
穡作息全天眞

據梧詩集

卷十三 寓樂稿

五

瀟瀟滕中流蕭蕭葉上雨針秧方轉科流金日當午薰  
風起天末穠稭翠浪舞祈年望有秋雨十風兼五有田  
不勤作寶山無拾取力穡有相道耒耜教田祖歷山鳥  
爲耘盛德感毛羽攜筐來餉婦隴畔相勞苦想見古邠  
岐歌詩賡太古憫農愧良吏區區志微補

咏園中草木五首

園中卉木自蒙茸北牖初開紫棟風近闢方池纔半畝  
繞堤遍種木芙蓉

田田荷葉傍池栽風打浮萍半面開買得雙鵝看戲雨

黃庭新寫右軍來

老樹新栽薜荔裳綠雲空翠映池塘鮮花苔繡青銅色  
半角濃陰五月涼  
屋角如絲雨未收清陰一道望中幽垂垂桑甚正初熟  
醉殺枝頭喚婦鳩

百尺高槐一院陰芭蕉葉大映波沉坐來翠色生衣袂  
閒聽新蟬斷續吟

送友人歸椒山二首

送別鳴榔去南風五月多輕帆過市汊新漲下江波萊  
舞依萱草山流種玉禾仲君樂志論細寫爲君歌

蕭城官衙冷荒城燭影偏榻因高士下句集古書聯梅

據梧詩集

卷十三 寓樂稿

六

雨飄南浦蘋風起暮川湖光含落照七十二峰妍

並蒂蘭

仲夏氣薰鬱芳蘭挹羣葩一本十五叢葉葉相周遮玉  
軫品雖遜珠露香偏賒中有一芳叢出土冒紅芽初生  
結駢蒂漸長森偶華重樓十條玉層臺雙碧霞何來兩  
玉人聯璧紛香車山縣蚤散吏長日閒種花煙雲生研  
几冰雪爲官衙清淨學蓋公結夏如僧家疎簾清簟側  
翠色畱甌茶曉凉初入戶風細移窻紗朱闌挹翠盎含  
潤溫無瑕眞爲王者香葆此錫名嘉

曹之方六十詩二百字

環碎園剩綸紛披斗大縣天寒擁鼻比夜丙依繁槩文  
采達過霸才華亦繼建懸弧正平頭敢以蕪詞獻先生  
家荆溪琅玕足繾綣老屋十餘間古史千百卷南嶽俯  
牆隅蕩湖洗門扇兒能讀父書孫克紹祖傳展卷倚梅  
根盈堦列蘭箭窮經志探搜稽古力攻戰高年推碩果  
美玉不自銜匡山五老峰芙蓉出生面邀君乘長風掛  
席江天見耆英洛下會君來主壇坫尉山秀可餐陶詩  
吟已遍高臥北窻前義皇意自遠華井蓮十洲湘岸蘭  
九畹桐花雛鳳鳴解谷孫枝占先生頤養高努力其善  
飯椿壽集仁人順時法天健

據梧詩集

卷十三 寓樂稿

七

贈莊颺采孝廉

冉冉幽花下座隅風流人似在黃初孤芳兩過香清沁  
濕翠簾輕漾綺疏桂樹一枝天外影芸香三代篋中書  
觚稜長日薰風轉待爾清華近玉除

再壽曹之方

宜豐大令畱徐榻陽羨先生設帳紗青引南山還獻酒  
翠含蒼柏遠餐霞辛頭甲子今爲始順耳年華大可加  
彊健風情筋力在白視裴詩聞道風情筋力在視如初破蔡州時龍池蘭箭硯  
源茶

五月廿六日蘭開異花一本邀同懋育颺采雨中

表分賦六月十二日復開二華華體稍別皆十  
辦雙心連理合蒂三秀之異非敢爲瑞也用芋  
莊老人瑞芝韻

芳蘭產炎州葉短花色白著騷美沅湘作賦自疇昔一  
枝傍翠瓷百朵競拱壁尤奇巧聯珠三秀含空碧甘露  
灑瓊膏同心點頰赤正當薰風來時值建未月三素雲  
中奇七裏車上坡倚蘭琴操謠寓意孔子曰衆芳生空  
山類豈止千百矯矯冰雪姿仙人藐姑射種花雖有託  
咏詩此無敦如坐首宿齋浪說雙鳧鳥惟此異卉芳駢  
肩呈煜煜幽香簾幕傳雅韻筆研叶高陽愧德門原詩德門

據梧詩集

卷十三 寓樂稿

八

陽蘭雪子讀書齋憶敝宅陋說漢庭妝啞稱美女格驪袖

倚輕紕慧心沁香跡雙珠媚生光連壁寒翠潑敢誇羅  
合庭或擬都梁蹟香雖滋九畹才慚儲一石

附瑞芝詩

胡香吳子莊

青村燕居之所曰蘭雪齋八龍卽肄業其中齋前  
忽生瑞芝其色黃蓋金芝也應在六月實已卯建  
未上句古語爲不誣矣明府敦倫信友是則所謂  
積之厚而流有光煒煒其英傳爲佳話云

蘭雪灑清風佳句本太白吾友名其軒尚論在古昔  
羣龍相蚬蟻吟賞競珠璧八當憲何菁蔥玉樹翠空



碧甘泉浸其根旁挺芝英赤此草必應時已年建未  
月氣和春色隨土暖靈枝煖遠搜中郎秘其事充  
曰青村敦本人時俗邁千百兩種一縣花八舉四方  
射王程方有待子舍美無數日角拱犀庭赤帶展金  
烏秉心叶與瑞披圖呈燧燧無心長史許紫微王夫  
與許邁不  
與許長史有意新昌叶邵叶宰新昌便  
室生芝十二莖德門改高陽  
紀此西豪宅其形漸車馬遠勝樊桃格我來舒老眼  
常踐謝庭跡行行歷中堂醇行松膏潑新扁中堂  
曰醇行盛  
德企西京不數齋房蹟何當秀九莖且以婉萬石名堂  
蓋取石  
舊事

據梧詩集

卷十三 寓槩稿

九

牽牛花

檐端急雨新涼乍桑陰百尺半亭卸荒園近關五弓地  
植徧瓜棚羅豆架叢棘支離忽作林的的青霞明石罅  
蜿蜒委地拋笠杯博古圖  
有笠杯舊樣柴窰覆翠竿隨處遊行  
不礙拘纏縛籬笆繞茅舍村媧插髻麤成妝放翁詩  
插髻牽  
花牛畫師調色濃如瀉曉風清露每含情花房初斂微陽  
射霜寒結子故垂垂苦薺瓜蔓賤同價堪嗤秋蝶違穿  
飛無賴哀蛩怨清夜

秋葵花

綠衣黃裏詩人嘲輕羅細染當晴宵羽衣翠葆玉真字

上飾雲鈿金步搖些些紕縵風迴腰斜掛珀盞鵝兒醪  
嗟爾吐艷徒崇朝丹房半掩秋陽驕眉額捧黃螺子綠  
金縷舞衣斜度曲

鷄冠花

大鷄昂來小疎待韓詩寫照盡其概秋空籬影滿堦砌  
五色卿雲日鬣隼垂冠怒鬬意欲鳴化工一一窮情態  
芝生空谷勢輪囷錦剪天孫紅破碎霜天自有鴈來紅  
落葉丹黃此其配織成雲朵嬌庭除羞向釵頭點妝黛  
花團錦簇燦可觀金谷步障誇小隊

秋海棠

據梧詩集

卷十三 寓槩稿

十

薛荔裁衣衣去聲牆脚蟋蟀絮語壞籬落嫣然一笑含羞  
容午睡初醒宿醒薄每苔薛蝕助幽冷夜雨未收清露  
著艷質閒情非俗塵一雙秋蝶飛還卻

方竹杖餉曹之方

分窻銅鼓山名竹最奇方稜直節堪贈貽虬鬚畫吐青蟠  
璵鐵脚上琢黃琉璃餉君以杖附短句龍池南嶽攜雙  
屨規圓君固自不肯畱此本質味彌永

方竹杖贈序皇

誰持玉斧斲青玉產此方竹尺度足截之為杖堪贈君  
體方質直無少曲世人競貴能模稜君獨倚杖時服膺

相隨頭白礪溪老立脚雲山千萬層

懋育生日用坡公送劉道原歸觀南康韻

廬山萬疊煙雲長思挈老友登漢陽

名峰

却來微官愧野

史簿牒積案何患忙看山哦咏初散吏廢書敝篋收遺

亡黑頭稱翁覺我老薄祿倦仕羞言彊君來相對共寒

夜好書博達窺陳湯茱萸澹遠雅入坐橘柚磊砢初經

霜酒杯在手多跌宕詩句出口偏清狂秋江濤捲斫文

陣猛雨峽倒雄詞場風煙筆掃不加點每令觀者咸傍

徨驚鳥欲起翼暫斂克諧孝道時憂傷三年秋半瞬息

耳會見六翮當空翔余年子定摘蕊榜紅綾飽啖鬚未

據梧詩集

卷十三

寓樂稿

十一

蒼衙齋釀熟可爲壽堆盤愧惜無官羊與君生日共半

月菊黃蟹巨常同堂

短燈檠用昌黎韻示兒廉翼二首

短檠製來尺許長虛室賴爾生清光夜深觀書駱駝坐

蟲語唧唧悲初涼閒挑孤穗晨研匣時復殘燈遺筆牀

海濱牧豕青齊客少歲辭家爭射策細書牛毛夜不廢

短檠竟接東方白微吟細咏移牀前布衾如鐵那成眠

長檠東家歌舞恣短檠西家耿寒翠汝曹莫作長檠思

牆角慎勿短檠棄

長檠燈影如人長短檠僅照一席光長檠華堂亂香霧

短檠斗室生虛涼擁被枕書時假寐孤燈熒熒移近牀

少小勤學兔園客三絕韋編存敝策雪片鴉羣跨蹇歸

齒豁裘穿頭髮白半生潦倒橫胸前五更鼓角那能眠

夜長叢帙自繙恣丹黃黑紫色駁翠長檠短檠情景殊

任爾相依或相棄

友人謝煙茶次韻奉答

衙齋寒似水暄和望冬晴一雨已七日慄慄寒威驚好

花壓積雨寒落困宿醒

月季初開

生擁鼻吟快此筆研精

喉吻潤水火咀吮清而輕蟹眼又魚眼謾謾松風鳴囊

雲出君口吞吐空中行四山眉黛鎖一枕神魂清先生

據梧詩集

卷十三

寓樂稿

十一

急命筆秀語鏤腸生芹私何足謝君自深詩情

宜壺寄北蘭澹公用坡公定惠院寓居月夜偶出

韻

風號萬壑空山哀沉月凝霜定禪夜白鴈過影明鐙前

漁舟聚火深林下山雲多姿去復還江水無情浩如瀉

緣坡修竹萬竿成破凍寒梅一枝亞空亭列岫煙江堂

山水天然許汝借泉名欲仿參寥同澹味更遠塵煩謝

清茗當亦藉雅器高手宜自供精舍活火徐翻綠雪團

舌本畱甘如啖蔗心清香妙神恬安那有夢魂吁可怕

慚予手版負初心故山猿鶴時嘲罵

奉寄宋中丞漫堂先生

嵩高峙出天河洛互襟帶觸石膚寸合八垓潤霖霈乘  
節振三吳煦咻起凋瘵生肅本天行明決絕芥蒂八代  
起風衰斯文庶不昧晏坐滄浪亭詞壇擁旌旆絳帳來  
生徒清言浥沆瀣三立垂青絢一柱砥江介觀瀾羨海  
若衆水幸合會後學汲引勤源流衍分派鑪錘假陶鑄  
榆也實蒙最詩格苦弱孱那供口炙膾點次十五家小  
不陋曹檜聞言益悚仄滌硯償書債遙想深靜軒霜月  
寒初掛江梅小放花虬松靜鳴籟芳醪滑勝乳玉笋天  
恩賚何當侍公前狂思痒爬疥

據梧詩集

卷十三

寓槩稿

圭

木瓜

佳果來宣州飽霜壓枝墮光可照斗室香欲襲四座幾  
從幃幙藏時以懷袖裏投君配清芬位置研屏左無須  
幸瓊瑤永好其惠我

據梧詩集卷十四

武進管 榆青村

寓槩稿

癸未首春舟中讀朱悔人大令詩奉懷卽次宋山

言庶常贈別悔人韻

逢君在帝鄉別君下南浦旋會復旋別論文其誰與君  
才實雄逸下筆嚴去取獨鶴翔青霄冥冥下煙渚浹月  
過君齋後會將何補老大不稱意一麾到西土探梅青  
羊宮捩柁嘉陵澣浣花與劍南千載結詩侶屋梁落月  
痕渺渺雲山阻官齋一樹花蓬窻五日雨兀坐咏君詩  
據梧詩集

卷十四

寓槩稿

一

嗒馬忘食午

早發喜晴

關風濕霧積晝暮忽有好鳥鳴曉窻筍與衝泥朝日嶺  
篷船牽纜清流江纖毫百里雲九疊槎枒獨樹鳩一雙  
遊絲白晝漫引睡崖缺亂水聲淙淙

舟行苦雨用朱悔人漱玉亭韻

雨雪繁新年衝泥事行路青山眉淡橫村樹煙層布良  
辰會愜意深情託幽素毯毯鄧尉花昔遊猶景暮掠舟  
虎山橋仙源恍或遇波光嶺外傾縞妝牆角露花徑八  
九峰香林萬千樹鄉思多似草好夢散如霧首春亦戒

塗曆日方六數天僅一日舒雨忽萬壑注倒挽西江波  
雲雷獨蟠聚點滴高枕聞曲折溪流赴黃鵠求其巢溪  
痕渺非故蓬窻馳驟聲避漏擁蓑具放溜先鳬鷺高咏  
眉山句蕭蕭復颼颼不絕五晨暮枯眼望雲霽小試探  
梅步

水僊

歲序冬春交幽花自高格坼附冒雪霜托體依瓦石不  
附土爲生每藉水作宅根苗結連蟻叢葉發光澤一苞  
數成五長幹枝或尺葩碩白下求葉高吳門索金疊鬪  
芳樽玉盤奪雪魄蓋有玉盤金綽約藐姑僊狷潔林下客

據梧詩集

卷十四 寓樂稿

二

獨立脩亭亭靜態悵覩覩三友歲寒同南田配以臘梅  
天竹成三友

孤標首春迫艷羞插瓶罌媚不供巾幘畫坐鼻觀香夜  
夢虛室白比梅同清癯與蘭分派脉詩家多絳漏花史  
詳選擇列種水精盤磊落肪脂璧魂應配琴高介可依  
禪釋位置恰小窻賞識藉茶液萬顆懸珠琲一枝永晨  
夕清芬風吹微素艷月窺隙習靜當夜闌燈炮影狼籍  
奉東劉葛莊觀察五首以海內文章伯爲韻

五嶽峙中天百川注東海賢豪不一世斯道得主宰煌  
煌德與功汗冊標名在剛明除莠稂蘊藉頌令愷餘事  
乃立言起衰欣有待垂天仰慶雲擲地倍精采大雅有

本宗小巫敢壁壘辨材自豫章摘芳到蘭茝宮牆數仞  
高帳隔滋後悔高山實仰欽問字請始曉

烏臺冰雪淨澄澈少室礙煦咻育之陽和日下逮河  
潤千里流膚寸起泰岱八垓仰澍霖九天垂聲咳維郡  
十有三湛恩積汪濊雨露顧盼間湖山指掌內吏治本  
經術卓識什伯倍匡濟繼纂賢文章存大塊歌吟夏金  
石清言浥沆瀣韓歐繼者誰非公孰爲再

象浦水清泚少微山氤氲十年惠澤久峻望凌秋雲桑  
麻遍山谷作息安耕耨黃農虞夏間草木多欣欣朝吟  
葛莊句夕看括蒼雲舉杯酌明月浩歌來鷗羣清詩謝

據梧詩集

卷十四 寓樂稿

三

靈運逸興王右軍焚香獨閉閣搖筆成鴻文旒節自西  
來匡頂爐煙分終期緩南顧要非世所云

腐儒識寡昧摘句尋篇章僅握三寸管安觀萬丈光少  
小苦失學壯大徒自傷一行作俗吏簿牒空傍徨孤櫂  
觸駭浪驚蹇登太行三愧單父琴再理西江航幸遇蓋  
代賢得荷釣陶良江漢宗海若葵藿傾朝陽繩尺何敢  
逾余影其無忘三復昔庭訓祇命遵循牆

畫戟畫凝香章公昔詞伯南州古佳麗山水此窟宅理  
學闢蒿萊歐會崇派脉南樓明月夜清嘯當佳夕山桃  
小放花江柳搖空碧筆擁爐峰青酒泛湖波白廉訪非

藏官圖書自閒適朱霞天半垂白鶴雲中翽玉壺靜凝  
冰霜臺高列柏樂只頌南山高風婉萬石

崇文寺寶珠山茶

誰舞鐵如意迸碎珊瑚枝誰點猩紅唇池水含胭脂兩  
者誤疑俱不辨當窗一幅錦段展又如晴海落朱霞倒  
烘日影天空卷或云七十城下火牛車或云姤女煉鼎  
餐丹砂千條火樹倚朱閣十丈紅牆護絳紗嗟爾此花  
麗美自今昔託身獨在空王宅宦客到此何恩恩俗人  
一見唯噴噴噴火鳳栖丹山高絕安能攀重樓三十級寬  
棠影編爛春風杳然塵世外優曇湧現精藍在倒垂花

據梧詩集

卷十四 寓樂集

四

影在杯中盡吸紅雲看色界花光艷冶何彼穠花意淡  
雅偏冲融譬如官熱心自冷持杯對此味彌永我官一何熱我  
心一何冷商丘沈文端語

海棠二首

曉露初凝十斛珠海棠春睡倩風扶梅蘭空谷終輸艷  
桃李漫山便覺麤粉澤未勻愁臉頰紅羅中映玉肌膚  
小詩吟就持杯酌欲當纏頭許我無  
臘脂十萬費新妝步帳寒來半倚牆愁結卻須謀醉破  
官閒每為看花忙籠煙強睡慵朝日化夢餘醒襲晚香  
百首比紅詩好絕東風有約莫辜償

落花飛絮同李澍菴郡守賦二首

平分春色正春濃檻外紛紛一樹空細草鋪茵畱點綴  
花磚過日共玲瓏帽檐低拂飄紅雨屐齒閒尋破絳叢  
天半雲霞移滿地莫將開落問東風  
亂撲晴檐亂入惟生涯頃刻綠盈池春衣挾纈無寒士  
朔雪漫天有繪師好手龍眠誇白戰粉香蝶戀譜歌詞  
只愁委地沾泥濕欲倩東風著意吹

牡丹和韻二首

洛陽名種數吹臺無分移花傍砌栽風雨恩恩朝露散  
月明冉冉晚妝來依僧習靜色還淺玉溪詩有色淺為  
依僧之句花自僧

據梧詩集

卷十四 寓樂稿

五

院買 酣酒餘霞面半開好綴金鈴慢紫障不辭百罰醉  
深杯

故園疊石點莓苔花事關心穀雨來排日快供婪尾酒  
隨時且覆掌中杯曲終金縷歌聲緩帳底銀鐙月下催  
同向東君問芳訊春風先到此中開

孫六復讐事

天聖年間復讐議韓柳駁辨如老吏情真義重取上裁  
律載杖懲戒專恣披閱邸抄斷法曹事在孫六可嗟異  
父曰梅進舅闖兒兩人平時有戚誼進固孱弱闖實暴  
邂逅相值多詬誶相依為命只有兒憐渠失母還幼穉

進從田畔力獲收眼前突兀見闖至捫蝨偶坐未及禮  
誰知腋禍從此始率子三四皆惡梟鐵椎折足骨破碎  
呻吟牀簀五月餘捧湯反哺刻不離髓乾血竭夜少眠  
頗似新豐翁折臂一肢既折一身難旋亦精魂永歸地  
其時孫六甫十一夜夜寢苦流血淚孤兒盆冤將告誰  
偶語恐亦遭擊刺吞聲忍恥事大讐五年一日心不二  
告官往往多辨折反驚狼虎多設備一朝忽宿舅氏家  
月明空庭破人睡父讐必報夫何言斫薪斧在隙可伺  
手提模糊血鬪體隻身自付大理寺臣罪當誅子職全  
曰以正典無所避 九重漠漠開天閭咨爾法司援往

據梧詩集

卷十四

寓樂稿

六

事予之一杖大律載質之讐子語無戾童年雪讐義凜  
然編詩聊備採風記

追和劉葛莊觀察臘朔雪後口占險韻六首

詩派重搜此日纔蒿萊新闢動人欽洗除雲委波靡習  
點破窺天測海駭直以經綸存大雅豈高輩行音棄嬰  
孩雪晴乘興過膝閣縱目春郊壠畔來原詩註來夢也

再涉章江去歲纔廿年蹤跡不勝欽蟻封夢醒如泡影  
蛙鼓公私笑躑躅宦况秋蟬同翅薄童年健犢尚心孩  
杜詩憶年十五心尚孩健如黃犢走復來西山南浦依然在亂綴新吟望有  
來

石鼎城南險韻繞俗人不愛小儒欵放翁詩俗人猶愛未為詩楚狂  
歌鳳悲愴父吳語哦蠅笑阿駸官職詩名非兩事白詩官職  
詩名俱入手洪鐘大呂駭羣孩春風吹遍黃雲滿餅餌香時  
可賦來

浮雲世態換剛繞靜眼看時不覺欵任運無心惟用拙  
妄塵有意便生駸案間判牘誇能吏燈下持鬚擁小孩  
廩祿濫靡何補稱東郊露冕看牟來

晨鐘深省是方纔色相生空悟後欵詩瘦酒狂皆作病  
書淫畫癖總為駸芝荷楚服休驚俗傀儡吳謳笑奕孩  
春首晴和占甲子康衢擊壤慶牟來

據梧詩集

卷十四

寓樂稿

七

瓊碎修篁吐月纔幽人靜寤獨欵欵羣鴉匝樹驚還定  
百舌偷聲巧換駸細雨染成青繡陌輕雷圻露錦棚孩  
坡詩牆頭玉嬰兒一一折錦棚長年飽飯叨山邑第一欣書大有來

癸未三月十八日恭遇

萬壽令節郡守李侯濬根率同僚屬祝釐三日中致誠  
敬外備禮儀 幸值恭紀

皇帝四十有二載誠和萬理民涵濡乘春出震南巡狩  
河流捷石深嗟吁水伯效靈循故道 帝心嘉悅聞都  
俞大江南北望臨幸 恩詔屢下錫金租時和歲稔吏  
守職萬物長養人康衢時維三月氣暢遂中天至治隆

唐虞醴泉甘露雖獻賦九重不貴禎祥符祝釐來賀是

臣分史冊具載言非誣筠州自昔叶瑞應仰藉佛力咸

蒿呼賢哉郡守實統率事事親蒞為張鋪虔恭恪慎心

翼翼匪懈夙夜敬不渝先勞聖門訓為政況以誠意相

感乎越三晝夜禮始備鉅綱細目躬勤劬蕭韶奏成獸

率舞和風翔洽春陽敷羣僚庶民肅觀聽宰天下法當

如斯叶 榆忝追隨濫備位幸逢盛典勤拜趨敬君如在

語簡要堪作萬古臣箴模時以敬君如在語為訓 侯之精神貫朝

野即此一事知其餘十二年來如一日龔黃召杜當無

殊雅歌天保美君上羣黎徧德升恒如中和樂職古有

據梧詩集

卷十四 寓樂稿

八

頌宣布上意存區區卷阿賡歌吾豈敢側耳鳳鳥鳴高

梧

奉和劉葛莊觀察踏田

白水秧科乍轉時茅檐尺雨夜遲遲村深朝霽呼鳩婦

草滿晝長眠犢兒參贊化工吾輩事較量晴潦老農知

時憂畝畝形歌什不數儲王田舍詩

白蓮曲

柳絲蘸水薰風涼周遭碧浪亭中央宓女凌波羅韞小

白鷺一雙棲未曉曉曉初日射池紅綠葉齊翻菱鏡中

八姨朝天初被酒國色天然笑姿首晴霞如縷暮雨殘

臨風玉艷銖衣單

祈雨詞

桔槔聲哀催日出桔槔聲苦送日入日出日入望眼枯

東西霞火光模糊牀頭蓋被田沒米牀頭蓋了被田中沒了米吳諺也

血淚眼乾一勺水惡風怒號當日中吹雲雲散天清空

癡龍谷底方晝睡雷車霧陣皆潛避哀我惟吟雲漢章

早既太甚心摧傷安得颺回東北路雷鼓砰砰天帝怒

為霖四野沾滂沱眼前突兀油油禾

愆陽匝月乞雨殷切適為郡行甘澍屢日歸途喜

占用宋山言庶常同朱悔人大令京邸小飲韻

據梧詩集

卷十四 寓樂稿

九

三首

蓐食俶野裝撲袂曉涼入秧科咽鳴泉風葉翻露汁濃

雲起天際寥闊獨離立泥滑呼竹雞吟鞭手蚤執緩轡

行何遲奔溪響自急鴉飛月未殘轆轤快晨汲過雨青

山妍環顧笑而揖

新犁朝雨潤壠坂聞叱牛村煙旣微微樟陰亦修修暑

威一雨卻雲物漸新秋頗忘于役勞似足尋山遊故里

誌彭澤荒祠風颺颺雙橋翼兩水苻藻分披流惜無權

謳聲蒼茫煙際舟

良苗美懷新惠風披弱質驕陽毒流金畏此趙盾日心

齋坐忘吾初浴嚴戒律蘊隆鬱爲霖雨脚如比櫛畦間  
白流膏蠟畔甘瀉蜜壁琴潤以清涼颺亂書帙新蔓綴  
荳花濕苔吟蟋蟀

長夏漫興六首

射堂種菜付髯奴荳架瓜棚次第俱一雨新犁土膏潤  
又教藜莧足中厨  
荷葉荷花引蔓長孤亭如笠覆池塘坐來香氣襲衣袂  
無賴午風催夢鄉  
同作盆荷隨意成蕭蕭雨打葉同聽意中丘壑何時辨  
流水修篁一草亭

據梧詩集

卷十四 寓樂稿

十

山僧遠餉壑源茶午睡虛堂柏蔭遮一事近來真快意  
閩蘭新發數枝花

山靜城閒晝不詳訟庭無事讀南華嶺中一夜潺潺雨  
明日溪流和放衙

八尺桃笙斐几空湘簾半捲碧蘭叢小兒放學來昏定  
胡傳喃喃誦隱公

夏日後圃即事用漫堂集中重過河曲精舍韻二

首

池小不容舸亭空一望遙蟬聲高坐柳魚影密依橋晚  
步荷香得微吟暑氣消最憐山鳥寂好語獨相邀

永晝衙齋靜空堂夢境清好書攜竹垞佳句輯松棚新  
次棹楚集  
松棚倡和  
啜茗分壺貯裁詩次韻成有懷時雨切瞻望  
若爲情

好雨知時節用漫堂集中韻

杜陵好雨知時節煩冤誦之我心結入秋炎威拂案几  
近曉清陰散林樾此邦耕耨賴水利不種黃雲十斛麥  
五六月時頗苦旱水源漸竭田龜坼妄傳齋食挽神怒  
自註下考慚政拙濃陰密布雨晝夜稿苗勃興我民活  
那知旬日又無雨中夜瞻天憂更切露苗風葉漸離離  
維耦力耘秧欲茁凌晨露晞踏郊垌羸馬斂勿戀糠粃

據梧詩集

卷十四 寓樂稿

十

伏熱望雨苦爲狂颺吹散

濃雲潑墨生雨意颺然至雷車殷其聲驕陽倏而避深  
林呼鷓鴣敗塘亂荷芰潛鱗潑刺鳴歸鳥鍛雙翅霧黑  
鷺羽明江暗舟子悸老蛟震欲蟄疾隼斂偏驚蒼茫咫尺中未識神靈意萬口爭號呼萬目幾憔悴天高自卑  
聽涓滴皆天賜何哉風伯狂雲脚隨波委天地頃刻間  
變化忽位置疲人苦煩熱晚涼幸洗棄清瑩坐燈火逸



事徵史記義皇一枕中醉吟博美睡晚日先火雲螺峰  
燒積翠

腳痛

我年甫四十幾見開口笑支離顧形骸未獲三折曉獨  
有此兩足勞苦供目眺憶昔少年日鷹奔復虎跳翔轅  
屢幽并南轍再蠻獠鵬扶萬里遊貉恥一丘掃旋輪駕  
神尻輕矢縱騰趨攀援問真源飛鞚倚絕峭何須藉瘦  
筇有若疾過鳥近恙恐蹶盤寒濕治難療撫髀悲肉生  
火攻仗艾焦安居悟咸腓坐石戒垂釣况無捷足才鑽  
蒿都未肯鈍恃壓驅依智遜葵足妙太行九坂多鹽驥

據梧詩集

卷十四 寓樂稿

主

謝輕驃

初秋雨過

過雨夜氣清晚涼淨衣帔新月檐端生殘滴林中墜捲  
簾望秋河古柏含濕翠壞壁吟亂蒼寒花抽細穗山茗  
苦自妍韋詩澹堪醉匡牀渺我思長空獨凝視

重九前一日郡旋宿重潤庵用坡公九日黃樓韻

連宵風雨不可說征鞍屢向征途發陰陰修篁白晝暗  
中有竹雞叫泥滑小吏青衫汗不冠僕夫白波涉不韞  
敝車避雨如雞栖地爐煨茗聊嘗呷新犁雨足壠畔煙  
禾坂聽泉人荷鍤空林落葉聞行聲敗荷亂綴霜初殺

隔林鐘遠聲霏微林泉位置宜古剝笋輿清夢過華胥  
渡水穿雲聽伊軋最憐青山絕媚嫵玉琢珠裝白雲壓  
晴霞片片落羣峰羣峰缺處月一齧幽人夜起獨晤語  
驚亂栖鳥飛野鴨險韻試學聶坡篇絕似清秋泛苔雪  
秋霖獨對芙蓉花仍用前韻

階前雨滴徹夜說艷質朝來枝共發屋角鳴鳩霧暗飛  
洞門屐響苔痕滑誰何傾城獨顧笑宓妃冉冉紅羅襪  
帳小屏低最有情面脂口澤光堪呷回思昨歲寒雨中  
琢玉裁瓊親秉鉢昨冬插枝今歲即花池塘蕭瑟蘆花秋天寒翠  
袖人間殺此花姿麗意貞靜雅稱茅亭兼梵刹船頭擁

據梧詩集

卷十四 寓樂稿

主

書船尾酒兩岸嬋娟櫓鴉軋曉來紅濕啼痕新矮墮妝  
濃寶髻壓淺深濃淡日三變剪襯雲衣補天鑿還倩高  
手圖秋江敗葦枯荷驚睡鴨矧目城東初日生不聽檐  
端淫雨霑

雨霽曉望戲作

叫晴乾鵲聲喳喳枯涎粘壁蟠牛蝸青山晨起忽媚嫵  
窗前淨綰雙髻了兩秋畏暑一秋雨豈其爛死禾生芽  
雲濃列陣儼潑墨雨急飛鏃同懸麻金橋界空落蟬螻  
虹見九月中天闕煉石思皇媧長官張繼吏赤腳風號雨吼  
雜放衙素琴無聲街鼓黯獨有古柏青槎枒陂塘鵝鴨

比鄰惱樓閣翠黛湘簾又丹黃紺碧好時景惜不兩翅  
飛髮髻磊磊橘柚垂屋角灑灑潦水爭低窪常思身輕  
絕飛鳥追截雉兔分磨腹男兒要作秋隼捷盤空摩翅  
雲中拏牀牀避漏坐一室譬如疥癢思搔爬豪情猶喜  
寄筆墨苦吟漏鼓常三過小兒下學戲塗壁鼻哦蠅聲  
學阿爺

苦雨用漫堂集中雨韻

三秋九十日騎月困淫雨側足棲蝸廬曠懷其誰與奔  
濤吼江界溼霧低天宇簷頭饑雀藏池面遊魚聚滴階  
儼擊筑頽牆悅過鼓雲勢混太虛漲沫吞南浦禾耳長

據梧詩集

卷十四

寓樂稿

五

廢壠花鬢委深塢憂民首重搔對山睂自嫵閑晚呼黃  
鴉拍翅叫鸚鵡汲綆短不嫌爨煙溼未舉白訝寬鳴渠  
青畱小綴圃夏早望眼枯秋潦聽耳苦天心左人事杞  
憂夜添炬

遣悶二首

山城寒夜雨一尺官舍秋殘菊數枝荒雞漏轉初唱歇  
白鴈銓前雙翅垂槎枒柏老濃有邑蕭城宦冷閒成詩  
三冬鄙願豈奢事負暄欲比東牆葵

畫長天昏竟如夢階深溜急紋成波空林饑栖語烏鵲  
小池浴戲閒雙鵝雨聲砉訇正未已雲意鬱結將如何

漫燒柏子啜苦茗循走丈室蟻旋磨

得莊書田惠書次韻四首

時在劉介庵學使幕

胸次從誇萬頃寬一持手版悔無端誰言吏隱逢梅福  
又快神風得子安收拾湖山詩料足封題魚鴈墨痕乾  
閒緘細讀江行句搖筆爐峰積翠攢

井梧佳句汝兼能幕府清秋客味曾詩律漢唐多定格  
元燈衣鉢有傳僧韓蘇舊跡畱行篋湯艾遺文入剡藤  
大地江山爭極眼孫登長嘯晚偏磨

泰岱高舉竟若何出雲膚寸潤黃河經生東魯俱前席  
處士河陽入網羅官有冰銜心自共山如秀語綠堪搓

據梧詩集

卷十四

寓樂稿

五

據梧詩集 寓言試取南華讀蝶化遽遽喚睡魔

九坂車迴古路又空山樗櫟漫槎枒庭閒時下一羣雀  
畫靜常聽兩部蛙宦味三遷同嚼蠟世情一笑比搏沙  
文章事業公無歎夜雨西窓共燭花

悼殤十首

悼殤十首 悼殤兒瑞畱兒生于壬午四月八日巳  
時卒于癸未臘月九日寅時岐嶺穎異  
年未二週慧性嬰軀竟如五六齡者心折腸迴老  
淚枯盡子夏西河之傷東野杏殤之作今古最爲  
傷慘醉夢中成詩十  
首所爲痛定思痛也

哭斷黃雲淚眼枯蚤凋玉樹惜童烏傷心北郭斜陽路

碧草寒煙瘞鳳雛

佛誕曾爲汝降辰冰姿玉骨再來人無端十日罡風惡

病甫十日小住人間只二春

憂心噩夢已連宵生怕真成強解嘲  
芝萎蘭枯雲易散應嗟好物不堅牢

今秋學步汝兄扶繞膝行來意致殊強  
自喃喃依句讀摩娑還以石磨呼

六百日來同一瞬二千里外有孤殤  
汝今天折誠余過一刻思兒一斷腸

穉兒嬌女列成行騎竹穿花笑語忙  
今日堂前惟少汝碎心近淚少乾裳

昨盤綵筆汝曾擎笑說書香自可承  
誰料影泡成夢幻

據梧詩集

卷十四 寓槩稿

十六

蒼天生死意難憑

母子相依影不離寒暄饑飽母應知  
空餘繡襦拋遺處飲泣吞聲訴與誰

產時外向子曾訝壽夭由來未可期  
蚤識今朝成惡耗何須頽慧竟如斯

因果輪迴事渺然綠章陳奏乞穹天  
此心哀怨何時已願續他生未了緣

據梧詩集卷十五

武進管 榆青村

寓槩稿

甲申初夏漫興雜用少陵何將軍韻六首

入縣青山擁朝晴喧市橋溪長聲繞郭  
柏老勢冲霄地僻嬾相合古書耽見招  
誰云作吏俗自覺勝情遙

荒齋雲氣合高枕夢魂清黃白草棲蝶  
笙簧樹轉鶯聲香寒解籜鱸美雪翻羹  
飽飯官廚足林邊曳杖行

罌粟恩恩了戎葵細細花桑陰喧鳥雀  
柏勢走龍蛇白鶴營巢穩脩魚泳藻賒  
自成梅福隱或擬子雲家

據梧詩集

卷十五 寓槩稿

一

雨過青山合修筇緩步支竹風時拂帽  
荷露暗翻池斜日魚苗聚新晴燕穀知  
南薰偏著物花葉暮紛披

桑葢肥初熟荷錢小欲香空亭涑雨至  
獨閣葛衣涼嶺外輕煙駁山中白霧藏  
夕陽還徙倚林郭夜蒼蒼

一榻風簾下天空卷白雲如椽朝判牘  
別派夜論文黃篋魚租賤紅杭鶴料分  
晚涼移月到柏影亂紛紛

六境圖咏次韻奉漫堂先生六首

洗墨池

玉局千載名宦跡偏泛梗三年黃州城  
奄忽歲月永臨臯雪堂外恍營一幽境  
碧水含虛空寒潭紛藻荇後來

竹園翁先生有古竹園集賞心共清景手持眉山編壁掛坡髯

影墨汁焚妙香寒泉闕清茗曉衙揮吏散俗韻亦除屏  
矯帽層巒間長江下煙艇

### 忘歸岩

理學與事功力行兼性好文成固天人寄情及雲嶠不  
數入境臺遊矚恣遠眺雙江明鏡中長風奔浩浩都官  
權闕來只愛泉石峭松檜雜杉篁參雲似牙纛雨晴朝  
暮間頻來獨領要飛鳥時往還天籟空窸窣千古姚江  
翁幽巖繼長嘯

### 潞亭

據梧詩集

卷十五 寓樂稿

二

官曹赤縣重紛還喧喧南畿巡歷徧海甸鞭筭事輶轡逸  
情渺世外雲沙共煙霏暇日賓從來短篇和元暉斯亭  
亦偶耳風雅古所稀燕喜則遠甚環滁其庶幾遂令塵  
坌中宦跡多光輝亭小結構古安羨飛如翬盤山翠突  
兀相望恒依依

### 鵲華秋色堂

明湖趺突泉抱城如玦環承旨有摹本潑墨雙煙鬟訟  
庭日喧呶寄意山水間清音滿人耳秋色宜堂顏堂為竹垞所  
太史東郡昔趨庭蠟屐思追攀昔侍山靈徒想像欲往  
所願長阻難濟南詠九章詩中有荆關手弄芙蓉句真可題

兩山手弄芙蓉集先生濟南雜詠句也

### 煙江疊嶂堂

北蘭堂三間位置在江嶂羅叟飯脫帽呼放筆題其上  
化工有粉本雲煙寫真狀匡廬西山色遠近作屏障面  
面落空江江帆或背向憶從南樓夜清咏迭賡唱雙井  
派舊宗漫堂格新創詩屋半弓地傍江半橡顏  
日綿津書屋海鷗時  
蕩漾重臨晉卿卷添貌詩翁樣

### 滄浪亭

蓋公貴清淨治道用爲法明果定大疑水火無猛狎公  
暇得廢亭清景類苔雲舊額懸衡山敗池荷畚鍤清漪

據梧詩集

卷十五 寓樂稿

三

魚跳波芳蕊蝶展筵賡唱傳詩筒繪事藏鬆匣章庵一  
編集元白驚倒壓中吳風雅會逸韻頗不乏敢例十五  
家編次嚴乙甲韓門愧籍郊桃弓賦射鴨用孟郊  
集中語

### 午日雨中燕集用坡公端午與邁聯句韻

好雨止還作嵐氣斂復吐曉衙罷吏人翛然獨閉戶空  
堂下瘦鶴頽牆竄饑鼠親朋集小齋葵榴媚殿廡翠色  
延清尊涼風欺白紵萍合開浮魚苔封破遊屨海南昔  
詩翁聯句訝繩武羨蘓雅爲宗弔屈騷之祖

### 舟次卽事二首

落日淡野色微風颺浪紋雲歸青嶂合江闊遠帆分暑

氣侵蓬屋樵歌入牧羣夕陽還徙倚蛙吹靜中聞

初月江天得歸雲缺處生櫓搖千頃碧波漾一江清酒  
棹隨船便詩篇信手成露華嫌坐久深覺葛衣輕

雨中旋邑次魏禹平孝廉秋晚述懷韻

南州氣候殊頃刻涼燠判黃梅五月初晴雨互雜亂奔  
趨往返勞舟車亦屢換如鷹不離韝如馬未辭絆涉江  
泛滄波春水天上看窈窕雲漢中塵寰條在半疎柳三  
四株寒燈成旅館奔雷震頽壁凍雨漏塵案獨喜客夢  
清酒醒覺天畔青山腰白雲意致頗蕭散悠然空瀾漫  
絕壁塗粉漫青秧百頃風潭流三尺岸

據梧詩集

卷十五

寓槩稿

四

題鄒愚公畫十首

飛瀑當窻下怪木倚橋峙草閣山風寒素心予與汝  
斷厓出破廟駝橋人荷網柳絮荻花深湖光夕照上  
縱橫穿石梯劈削勢無礙黔遊曾見之斯圖又爲再  
山近濃眉黛水遠漫天白野橋宛轉通澗泉琮琤譯  
歸雪疊嶂擁暝霞密林生煙際寺難辨時聞磬一聲  
山以墨作骨雨用墨爲氣樵子獨夜歸敲門佛火乞  
石作綠琉璃樹點紅珊瑚蘆簾茅屋裏晏坐獨披圖  
遠水下石脚寒煙抹峰腰橋上晤語罷歸路山迢遙  
葉落樹堅瘦山深煙霏微村村禾黍熟吾久欲思歸

漁子眠凍龜幽人跨瘦蹇閣中人苦吟撚髭不覺晚

題惲南田做古山水八首

倪幼霞獅子林圖意

雲木互參錯位置極瀟灑卽此真倪迂庶免分俗雅  
江南以無倪  
迂畫爲俗客

巨然松溪漁艇

掉尾千尺龍渴飲寒江許孤舟一漁翁江空誰與伍

李咸熙江村雲意

列樹僵欲起平沙澹自明昏鴉挾子下彷彿如有聲

惠崇江南春卷

據梧詩集

卷十五

寓槩稿

五

春水長雨沙明沙漾晴柳船空漁何處過橋覓村酒

米家大翠黛

春雲濃翻墨山碧淡點螺寸幅萬重嶂煙蘿何處多

文湖州古槎竹石

叢竹兩三莖老樹百千尺若使米顛見袖此一卷石

陸天游聽秋圖

黃葉滿空下天高易得風蕭條獨倚杖秋懷兩耳中

趙善長寒溪樹色

溪行不見人但有寒樹色石磴路紆迴山空月初黑

衡齋遣興用宋山言庶常集中韻二首

篝鑑雖設未添香消受盆蘭納晚涼階置鶴糧苔有篆  
畫閒章課草無荒亭如一笠臨池小蕉展千縑覆日長  
無賴錦禽來往熟玉芙蓉繞水中央

松濤初瀉鬪茶香小雨時時作意涼自愛琴書消永日  
薄施餽粥時苦度春荒聽泉壠坂知農樂行飯蔬畦覺  
味長盡拓疎櫺延黛色舫齋真在水中央

藕池時稻有作

穿池勢作方青翠撲空塘綠玉傾斜蓋紅衣解露房送  
風妍覺韻歇雨靜吹香更檢春泥淺呼童補插秧

一蒂三葩蘭

蘇梧詩集

卷十五 寓樂稿

六

九畹紉蘭英三秀采芝蓋能兼兩者奇真為萬花會唐人

有萬花會仲夏氣蒸鬱膏雨旁流沛天休協人應嘉禾頌無

害維彼王者香託質固根蒂異芳藏耳傳峙形鼎足介

閨苑珠樹同楚工石璞最似蓮品位置在罨星躔帶鳳

毛河東賢鱣堂關西大參才緬高深清真數法界榮者

詩綢繆彼美妝髻髻比翼疑兩鵝駢肩匪一鰓合羣品

迴環轉燈玉粹縈仙島滄海看聯珠斗室掛佳卉較昔

增前歲曾賦雙蘭奇葩倩師繪同心美如蘭至理味易卦

並蒂雙蘭用前韻

寸瓊合骨膚萬玉條羽蓋孿生冰衙中互數火中會雙

妙國士無秀鍾靈液沛同氣還相求並育而不害榮者  
賦三華美如結一蒂共轡走娣姒執圭列賓介風度何  
聯蜨月旦少殿最二龍躍平輿雙鳳銜綬帶玉溪詩顧得化為紅  
綬帶許教雙英皇分左右蘇秀孰小大如在合璧中似  
鳳一時銜入雙峰界犢車並倚肩鴉鬟兩綰髻高柯仰比翼清波  
儼一鰓藏心固膠漆中辨合為一舒彩散綵縈鴛鴦其于飛  
么鳳兮同掛對偶屬天然步位疑刻繪倚蘭比兩岐天  
心見復卦

初八夜夢亡兒瑞

半年愁思未常傾十日罡風判死生隔歲笑啼俱入夢

蘇梧詩集

卷十五 寓樂稿

七

中宵嗚咽不成聲可憐宿草朝凝淚獨向禪燈夜証盟  
痛惜玉芝埋尺土未應懷抱便忘情

郡堂公讌述懷

暑氣侵衣日影炎郡堂公讌敞初筵三條官燭烘人爇  
一道笙歌入夜妍自笑宦遊真伏櫪快從湯浴似登仙  
鞠臚手版誇能吏本是詩狂又墨顛

望雨用綿蕭集阻雨韻

風力三舍避雲陣排空起流金爍石中翻雪跳珠裏上  
田接下田瀉瀉流騰水農夫荷鋤歸喜語我稼美撈魚  
聚村童驅牧省鋤理露白兼銀條皆稱名穎栗間紅紫夕

陽陣回風咫尺看雲委

客餉武夸陽羨茶用漫堂江村龍井茶倡和韻兼

東南星中表

我官于南十八載邑治往往依山巖烏玄鵠白有本性  
遠志小草安能兼若龍遠餉攜九曲更饒陽羨春煙嵐  
官齋清暇置水遞瓦鑪沙銚當林品徐壺方區矜質雅  
紅籤甲乙分標拈活火還須烹活水筠籠手摘思纖纖  
嗟予茶癖惡土茗官境所歷俄成三千越產者多嘔滯  
旅生叢篁少日參瘴煙普洱仿團月檳榔同捆肩蠻男  
此間葉梗更下駟百丈山峭壁來僧庵品茶香味要兩

據梧詩集

卷十五

寓樂稿

八

美更倩碧色搖湘簾撐腸不用五千卷一甌睡起酬坡  
髯用坡公句東峰雲湧凍雨過陳列階圯紛瓶甌蟹眼差差  
浪欲起松風謾謾聲徐添有口但須供啜茗浮雲世態  
應三絨况參老樹走屋角更簇螺巘環晴檐俗塵雅韻  
相合并譬猶煎茗加薑鹽與香銅官敬亭美終期與子  
相幽探松陰一道眼界美清風十椀舌本甘語罷涼颼  
破晝睡盆蘭披拂風來南

宿重潤庵卽事

傍溪十畝獨攜鋤修竹迴環結佛廬赤日行天無暑氣  
荒雞啼午識村居魚鱗雲觀紛寒藻鸞尾屏開見碧虛

六月薰風禾黍熟築場好趁月弦初

歸途望雨

陂塘寒水碧澄波日出車翻兩雨歌望歲殷勤頻默禱  
憫農辛苦緩催科雲排天際濃凝墨雨瀉檐端急碾渦  
頃刻豐年欣有象天心人事自無訛

水輪

有車懸溪流日夜自旋轉考用陸行宜權通水利便斷  
輪運成風疾軸奔掣電盤旋凌空濛搏激集雪霰曳柴  
不自塵絙木未息倦塵兵犯銀濤射潮看素練安如聘  
籍浦速若郵置傳雪浪排千層冰花融一片行空天馬

據梧詩集

卷十五

寓樂稿

九

驂馭駕吳牛牽助勢石逞雄滙流溪怒戰奔雷聒耳驚  
吹瀑濕衣濺泥注勝桔槔灌陰休農佃推轂獨介行作  
霖交汲薦團圞月同輪霑灑雨落箭制恐考工缺巧自  
般倕擅臨淵聲啍啍凌波風面面雪疑六月寒轍未一  
方徧圍轉測天行輪迴嗟目眩補入車攻篇縷悉農政  
卷人事奪天工作詩備風選

夜坐二首

夜深暑氣微孤月檐際宿天漢澹復明黑豕渡河曲如  
盤雨可期此腹飽堪卜斷續沙雞振高下流螢逐露濕  
涼漸生牆頭風動竹

作宰再西江舊遊歷可數日飽太倉粟報稱愧無補昨  
年遘旱魃招災子實主發棠邀天功望歲存心苦今年  
大有秋陳牲擊賽鼓歸功美在上聽之慚且俯好爲父  
老言天何私喜怒旱非緣我來亦非因我雨

漫成八首

羽扇指痕滑荷風鼻觀來亭空成小立秧嫩怯新栽白  
鳥窺魚下玄蟬坐柳催幽懷因此愜緩步一詩裁  
荳莢鵝管碧槐花鼠耳黃冷淘供上客方法自廚爇頃  
刻雲峰變西南雨陣涼髯奴先色喜灌圃可寬忙  
吏治無難事人情不易知發棠非已力去草迺爲治片

據梧詩集

卷十五

寓樂稿

十

刻蚊雷烘終朝蛛網垂物情多至理習靜耐人思  
候吏無迎送村農有饋貽傾筐菱角熟登壠稻芒垂犬  
怖深林吠童迥隔岸窺汚池牛臥起楊葉晚風吹郡旋即景  
鄉國音書至兒曹已抵家河魚聞大上小市可乘槎麥  
爛蛾飛出秧青馬駕斜湖田三二頃葦荻滿汀花時得家書  
潦苦

千里郵書急中丞索和詩短章何委宛險韻絕傾敵大  
雅中天擅文章一代師東南煙水闊渺渺起予思  
學博官曹冷談經獨坐衙愛蓮池十畝設帳鼓三搗藥  
餉煩冰俸風標識舊家埋瓊同有痛吾意在南華寄懷三兄

于蘇州學署去歲有西河之痛  
昨冬予亦殤兒用廣其意焉

列岫尋詩社開先壁有報書逸情多世外雅事說黃  
初游卷吟官閣心壁以台名  
詩色半江餘半江詩色雨餘天徐巨源句殘燈臥佛廬茶瓜齊已共

赴郡述懷

疲人畏熱如吳牛束冠不耐新沐猴黃塵赤日謁郡州  
火雲張空不少休如馬伏櫪鷹在韝訟堂古柏枝相樛  
上有鸛鳥鳴啾啾朝暮哺子疑鳴鳩放衙聲雜溪水流  
吏散饑雀階前投五絃彈罷松篁幽春雲出岫閒不收  
忽憶湖村舊釣儔陂塘六月涼於秋菱荷菱藕孤雞頭

據梧詩集

卷十五

寓樂稿

十一

舴艋短小如梭舟有兒蕩槳僮棹謳澤中垂釣披羊裘  
咫尺暗雨前山陬湖面吹作魚鱗浮船頭束書橫笛悠  
荷香一曲月半釣斗酒還須與婦謀半酣嘯傲輕王侯  
俯仰天地皆糟丘讀書日窮夏殷周致君要與黃虞侔  
乘田委吏願豈酬君恩羸報身便抽坡詩羸報君思便乞身婚嫁  
蚤畢可自由作詩聊以抒羈愁嗟乎湖村之樂堪勾畝  
非如趙壁難尋求結茅須依白蘋洲水間鷗鷺笑我遲  
遲遊

望雨謠二首

農夫望雨眼欲穿山田平田土盡乾平田有塘猶稍可



山田燎原熱如火月來升米十五錢貧老三日無炊煙  
救荒雖有太倉粟飽腹不如稻蚤熟壠頭禾穗皆油油  
寸雨高下俱齊收雷車砰砰殷西北四野濃雲倒翻墨  
萬目注望萬口呼天賜一雨其來蘇翻覆頃刻特易耳  
失則怨咨得則喜君不見三四月雨跳江湖六月之雨  
如珍珠

會城昨日傳小報章水冲决洪吉道沈姓焚祝煩大僚  
鼓聲鑼鑼答江潮豈料此地憫旱苦巫師祈晴復祈雨  
去歲歉收農心寒譬如病馬恹路難東南雷殷雲氣聚  
倏挂彩橋虹截住老翁祝雨念彌陀三日之內沾滂沱

據梧詩集

卷十五

寓集稿

主

從來天意每難據筠民夸詐不安處理絲化俗須大賢  
慎勿姑息貴目前

卽事

陣腳殘陽射風頭簇樹號乖龍翻墨海飛鷺見秋毫灑  
地榮枯異瞻天蚤晚勞雷聲催送雨惜在半空高

農夫行

雷神祠下聞雷鳴前山雨勢如盆傾老翁拍手心忪忪  
蚤田繞舍俱收成止有晚禾惜雨輕桔槔日夜相喧爭  
蚤種先熟銀條稂稚子飽飯養粉擎譬如黔婁終饑貧  
一朝破室充笥簾東鄰擊鼓陳犧牲喃喃祝神媚神迎

西鄰叱牛泥沒脛既獲既刈亦復耕村村打稻風送聲  
得遇豐稔慶再生我馬東西屢徂征露冕所歷慰我情  
豈知章水漲溪谷沿江一帶翻飛瀑龜鼈我田魚我屋  
小艇載婦兒夜哭太守下鄉踏荒熟里正繪圖辨川陸  
草根木皮僅充腹亟烹伏雌止吏宿

不雨

獵獵風起吹無邊萋萋雲興誇有滄雷鳴盤空百十聲  
雨意灑地三四點未來人語相喧嚷已過面色如死灰  
密雲不雨垂易戒當權安可無治才

喜雨用坡公谷郡中同僚賀雨韻

據梧詩集

卷十五

寓集稿

主

匝月困愆陽原田半焦土疲農挽舊泉老翁望新雨天  
公何私焉雨暘自今古人事安禱禱倩巫鞠腰能感  
理或然天心亦偶許停午簞如膏向晚潤流礎豐甯儼  
擊筑鱗瓦震急鼓饑鶴翅連拳小童腳不屨四野桔槔  
靜千村穉穉舞我詩如湧泉源來澆澆語頌歌倉萬千  
斗粟錢十五對山秀色餐和蘇險韻數雲陣矯若龍詩  
懷健於虎涼風移盞蘭晚景吾獨取

古之爲詩緣情而動因事而遷凡憂喜憤樂險夷勞逸有所感觸必形於詠歎其文之聲音變化亦莫知其然而然迨年之既增而地之屢易所作愈工傳之於人久且遠無疑也武進管青村先生少以詩名商丘宋公刻江左十五子詩青村其一也當宋公撫江南諸君子常在坐相與唱和畱連獨青村出宰普安再補新昌惟讀其詩想見其人耳既遷姚州尤西南荒遠之地書札罕通者又有年所矣再調師宗乃來覲

天子以其暇與同社周旋出青蛉臺三卷眎予其骨力如故而境益闊才益摠與昌黎潮陽子瞻嶺海山谷浩

據梧詩集

張序

一

戎爭雄奇于江山煙霧猿鶴箚樹之間使人覽其辭句狂歌怒號不能自己青村之詩必傳無疑青村之志其可慨矣夫憶乙酉歲六龍駐蘇州商丘公奏薦人才以十五子詩呈御覽癸巳來京祝

萬壽御製餞行詩有云拔才額俊入新篇凡居集中者多橐筆禁近惟百藥早天學人通籍未仕于宮辭官再築書顧我青村遠宦蠻州往來萬里生太平之時事右文之主讀書善賦終年不離案簿百粵瘴多長安日遠思深而志激辭吐而采飛序青村之詩能無昔今之歎聚散之悲也哉風人所稱因土俗紀政事而雅頌之

作必奔走清廟親聞鏗鏘而後成以青村之才不獲考金石諧宮徵贊成煌煌之樂章適使之居遠方久爲勞吏一唱三歎和者誰耶有如商丘公者重薦諸當宁發揚其才藻益以黼黻盛朝文治之隆庶日望之也康熙乙未冬十一月長至日同學匠門張大受書於椿樹三條衚衕之東軒

據梧詩集

張序

二

都門贈行詩

張雲章樸村

當年江左論才子十五爭歌大國風愧我商丘呼老友  
至今名不掛吳中

家宰宋公撫江南時編十五子詩寄王新城阮亭先生曰何故不及張某

宋公聞之曰此我老友未便編入

辰沅江山千里程昌黎排莽體新成

青村有辰沅道中百二韻大類韓公

若逢山谷閒評論却道南山遜北征

木榻穿來定幾年驚看麗句出鳴絃

聖朝只爲求良

牧未許麤才吏遠邊

落照烏蠻萬里賒望中眞復似天涯屹然坐作嚴城鎮

據梧詩集

贈行詩

鎖鑰北門晚打衙

州治有山曰鎖北門

宮鴻曆恕堂

晝接承恩上玉京嚴裝萬里又南征九隆君長腰鞭待

六詔人民負弩迎政簡每開盤水宴時平不發夜郎兵

近聞蠻獠能絃誦應草中和樂職成

張大受匠門

盛代需良牧荒陬要好詩朝天今譽處守土古羈縻本

據師宗部曾分宣慰司地炎多瘴癘人野少威儀山秀

朝翔鵠江深夜舞螭異花傳漢使新茗貢蠻姬大有觀

遊興非無感慨時天高邊吏望道阻故交思小飲情誰

合長吟意獨悲才名江左共文采禁中知

商丘刻十五子詩屢經

覽學自搜瑤圃身應集鳳池送君行萬里今我繫千絲

北極衝奇氣南方騁妙辭還家敦孝義

先生云路經里門還墓乃之官

抵郡播仁慈服遠常標柱旌廉亦去帷十行銜彩翼傍

闕盼來期

繆沅湘芷

路入烏蠻遠峰巒隔杳冥舊爲南詔地曾與北蒙銘宦

序畱三濮新詩記五苓維摩好山色試一問圖經

吳士玉荆山

貝氣珠光一卷收才名江左舊難儔吟詩已被九重

據梧詩集

贈行詩

賞棒檄仍爲萬里遊蠻嶺雲嵐歸彩筆荒陬耕牧起新

謳徵賢聖代多前席佇看騶鳴滇水頭

徐昂發大臨

浪宕蠻荒地辭華絕世才政行知俗變筆落快天開嶺

勢穿雲直江流捍石迴循良本經術早望玉墀來

張士琦章哉

師宗之部古滇國牂牁漢郡唐羈縻奇峰千仞矗英武

盤江清澈天一涯無端才子投荒微高吟誰和迦陵調

莫憾昆明極望遙蠻煙瘴雨都詩料江左當年十五賢

學士萬選青銅錢綿津山人鐵作網珊瑚數尺離重淵

寶光燦燦競發越禮羅畢致黃金闕士元故非百里才  
墨綬朱輪類唐突可幸文昌本福星割雞焉用揮青萍  
不似鄙人入坎宮迷陽滿目嗟零丁宜豐俗淳地沃衍  
梅尉山頭興不淺綠蘿蒼翠俯青蛉蔽芾甘棠知勿剪  
坐鎮雄州待鉅公大名獨最 御屏風驛路長驅二萬  
里關一丹禁悠然通葭灰恰際日南極薄暮銅街踵聯  
息從教異地忽相逢翻笑同官未相識金臺廉聚方傾  
心送遠何堪歲晚陰朔雪南雲倏殊域若芋玉瀝母辭  
斟

蔣廷錫揚孫

據梧詩集

贈行詩

萬里嵐煙鴈欲迴衝寒初覲 聖顏來清名追步應劉  
句異績仍褒卓魯才地熟檳榔朝當飯天遙琥珀晚銜  
杯太平旗戟排衙盛角靜蠻州鳳舞臺

周 彝策銘

征驂初卸又歌驪六出花飛天一涯自是 聖朝勤遠  
馭常將才子牧邊陲牂牁久屬知名地橋棟猶存頌德  
碑無那故人分手數晨星相對鬢絲絲

昆明郊外把離尊蕭寺笙歌笑語溫癸巳孟夏先生暨  
諸同人祖子昆明  
郊外劇惠以鴻篇高弁冕兼之詩句重瓊璫贈行序及  
詩佳絕至  
今什一時文采雄南服萬疊煙巒鎖北門州之名何日

鋒車來闕下西牕夜雨得重論

據梧詩集

贈行詩

據梧詩集

小遊僊集序

毗陵吾吳中文憲之邦也蘇文忠以西蜀萬里之遠晚而乞居於此其風流文采被於湖山之間至今想慕而奮興者猶多焉商丘宋公撫吳時尤以文忠之詩教其屬之士一時採之成風者有十五子之編盛行於世毗陵之士居其三而宋公之所委選輯者又邵子子湘也余甲子之歲始識子湘而錢子亮工方子拱樞徐子學人則識之乙亥丙子之交又識憚君正叔爲其地之高士是數君者雖出處不同與之上下議論皆於坡公有餘慕者也以余俯仰三十年閒顯晦之迹聚散之思存亡之感不勝有慨於懷者而及今乃識管子青村青村自作邑江西之新昌遷滇南之姚州又量移師宗有詔趨之入見乃來京師與余遇於家匠門所匠門則其舊侶也出其詩所謂汗漫青蛉小遊僊集者以相示而屬匠門與余爲之序余以青村之才浮沉州縣奔走萬里且將二十年宜其有鬱爲憂思積爲憤難形之歌詠者乃讀其詞激昂慷慨凌厲頓挫其氣愈壯其意彌恬其濬發若流泉瀑布其馳騁若鞭霆駕風其音節若考鐘鼓而奏笙簧至憂思憤難之聲不得而入焉余以是知青村非獨其文學優也乃其政事亦有異於人者夫人之自負其才與名高當世者往往以遠州小邑爲不

足爲不勉思其職業而輕視其人民則其爲戾也大矣管子乃反乎是其所以治蠻方僻遠之民者猶畿甸之赤子也東坡不云乎其疑王定國遠在海外上不能無怨尤乃其詩與志得道行者無異因以爲畏服定國者不獨其詩余今日之於青村亦略似此抑更有望焉東坡自西蜀萬里行其教于吳中今青村自吳而往行其教于萬里之師宗安知異時不有被其風流文彩如毗陵之于蘇公者乎至于作興之効不出三年其必有以上報

天子矣因并書其說而俟之乙未季冬嘉定同學弟張

據梧詩集

小遊僊集序

二

雲章叙

據梧詩集卷三十四

武進管 榆青村

萬里小遊僊集

乙未中秋方伯盧公平臺新成招登文讌時奉調  
北行賦呈誌別二首

亂雲避舍似崩濤玉鏡如盤出嶺遙海國波清通碧落  
堂偏臺迴切雲霄詩源別脉分流派孟底明河艷酒潮  
今夜冰衙文讌會平章風月荷甄陶

王程迢遞皇華賦師誼殷勤海嶽望不盡青巒迎馬首  
無邊紅葉壓行裝關山日遠人依座河漢空流水自長

據梧詩集

卷三十四 小遊僊集

一

遙計來年趨問字扶疎桂樹早傳芳

題畫雞三首

曾賦神雞益部西丹冠金距鳳毛齊待看海日東南曉  
矯首天街試一啼

聞鳴中夜惡聲非起舞先鞭應自知獨向靡風相戒且  
已同鳧雁入風詩

我冠綵綬關身強豈以酬知博稻粱養得羽毛豐且滿  
文明五色揆天章

交水道中奉懷方伯盧公用前韻呈寄二首

平臺侍飲玉輪高忽漫東行去路遙天上依然紛列宿

人間獨立悵空霄奚囊襍被三秋客陸海潘江八月潮  
何意焦桐憐爨下薰風吹送奏虞陶

太華壁立海天茫霽月襟期宇內望贈佩他年徵故事

解衣今日壯行裝呂虔贈佩刀於從事王祥馬蹄得得詩初就蛩語

依依夜獨長千載迦陵知已感不教獨擅滿庭芳陳迦陵受

知於合肥宗伯有滿庭芳詞最為可誦

宿亦資孔

舊日兼符地今朝擁傳過山爭黔地起雲入鬼方多馬  
放秋原草雞鳴塞曲歌朝天今有路攬轡意如何

平彞曉發

據梧詩集

卷三十四 小遊僊集

二

萬里東來擁傳車舊遊依約載行圖文章竟作諸侯客  
官秩雙兼刺史符堤柳露滋青入眼征衫風動白飄鬢  
板橋茅屋前山路又要詩人好句無

關西老將行

有序

鸚哥寺僧應公秦人也昔年總戎百戰晚為僧  
今已死矣

小戎昔賦秦風詩關西年少皆雄姿挽弓千石射百步  
身手豈數鮮卑兒曾經百戰三巴蜀曾倚一劍千熊罷  
生平耻同程不識期門誤失李貳師浮雲變幻如蒼狗  
世事東流空白首晚年孟拂禮空王舞榭盤稍意何有

四山鸚鵡似啼鵲寒煙落木虛牕牖青門無復邵平瓜  
漢南老却桓溫柳七十老翁徒自嗟馬革不裹留毗伽  
種茶可採畱客話種菓可落登盤嘉惟於鳥嘴營窟室  
孤塔鱗爪空攫拏文人香泉雅好事大書趙州茶話字  
白口

白口數茅屋居民草草存柴簷臥童稚亂草散雞豚列  
塚山形醜拏雲石勢尊若添秋雨色幽怪不堪論

大四坡望關嶺一帶山色

九曲屏風摺摺迴我從屏上駕風來芙蓉三十六峰出  
朶朶俱迎曉日開

據梧詩集

卷三十四

小遊僊集

三

白水望水亭

厭踏羣山亂喜逢泉水聞垂紳全正練積雪萬重雲蜀  
水黔江合晴峰互壑分憑闌恍風雨強弩射潮軍

安順府

山河經百戰已是卅年餘老渾紛延毒淮西敢負隅從  
軍憶少壯仕路問艱虞太息重生聚昆明灰劫餘

重九黔陽奉東黔撫劉大中丞

謁公憶在五年初才望勲名衆不如眷顧屢煩  
天子詔經綸一本聖賢書儒林傳列燃藜閣海內人欣  
御李車袞烏風裁舟楫手小施學術夜郎餘

政治文章謬謬風臺端駁歷見雍容百察如聽晨鐘省  
多士欣依哲匠宗元老壽名尊嶽瀆賢臣翊贊比夔龍  
潞公海鶴精神健又見天人蓋代逢

仇嶺蠻鄉千萬重削天鳥道與蠶叢殷懷愛物仁民志  
出手移山轉地功擴修大路職貢好修王會遠皇輿新表畫

圖雄渭濱載獵非熊夢帝佐鷹揚萬古同

西南地盡是天涯秣馬驅車道路賒敢謂中和稱樂職  
譬如博望去乘槎慙無賦手來王勃每憶賓筵識孟嘉  
仙掌明星時仰止五雲天半挹朱霞

黔陽九日

據梧詩集

卷三十四

小遊僊集

四

客共黃花好人迎白鴈來殊方誰對酒蠻地獨登臺戲  
馬誇僚佐龍山擅賦才英雄不再見策馬去悠悠

黔陽曉發

老歷滇黔盡時嗟去住難使星衝斗極山鬼賤衣冠吟  
苦綠詩癖途長怯暮寒蠻鄉不可住跨馬事征鞍

新安道中書所見

人度秋山恰暮晴水聲曲曲傍山行田夫刈稻村村喜  
社鼓娛神處處迎休養已知三十載宦遊忽作萬千程  
蠻鄉迢遞朝天客馬首東峰片月生

再遊高真觀謁張三丰像

杉檜扶疎桂已華滿庭清影日西斜我來再謁三丰像  
乞試遊仙好夢誇

頻年腰脚懶回旋今擬扶搖欲上天譬若乘槎犯牛斗  
支機石畔說張騫

秋晴雕鶚在空天萬里翱翔小著鞭藤杖山僧新乞與

先生真作地行僊

龍華寒公贈  
紅黃藤杖

清池石上問仙踪落木高天易得風好乞清泉歸洗眼  
餘年吾欲註參同

鉢池有泉  
大旱不竭

### 飲桑甚酒醉

桑甚松醪未易醒醉於馬上看秋旻行人已作悲秋感

### 據梧詩集

卷三十四 小遊僊集

五

戊角城笳不可聽

### 大風洞旅店

茅店荒山裏農家已滌場樹丫欹架屋瓜瓞累依墻炊  
黍曉畱客烹雌晚得漿月昏蟲語切似說道途長

### 飛雲巖二首

飛雲一度一來遊三入蠻荒萬里投天外忽然開紫府  
人間是處即丹丘仙家白石三千垺神女瑤臺十二樓  
若使尋源得真訣不須畱町覓封侯

拔地撐天起白雲雲凝白石入秋雲祇疑殿閣遙通路  
不信仙凡是處分卓錫好依支老衲吟詩擬倩謝將軍

長年脚債何方了乞願山靈有禱文

### 華嚴洞用王文成公韻二首

蓮花白石起重臺朶朶偏籠曉日催旌節似從天上落  
雲霞忽在地中來秋江濤立三層捲石室門高一面開  
李白集中無此作夜郎空負謫仙才

纔自飛雲踏石臺地靈流脉又相催浮嵐馬入雲中度  
荷擔農收谷口來叩訣仙傳能地縮薦雄文似望天開  
勝具勝情兼自得不教虛負遠遊回

### 由滇歷黔三旬風日和煦征人喜之

滇路風黔路兩風霾眯目零雨苦遠道山高如天上

### 據梧詩集

卷三十四 小遊僊集

六

天遙遙千復千陰鬱四面不可見祇有怪石犀象熊羆  
眠墟煙茅屋生地底流水石逕聲潺湲泥深滑滑行不  
得鷓鴣之語真堪憐遠人東來天亦喜劃開浮雲少塵  
滓晴風日日霽顏回登嶺涉川周道砥農夫刈穫賀晴  
乾蠻歌雖鄙亦盈耳回首西南昨歲時雨聲徹夜波聲  
隨行人駐馬看落日此生亦荷皇天慈

### 舟下辰沅述所見百二韻

乾坤大穹廬洲島一苑固羣山靜若拱衆水奔似轆流  
行通脉絡聯屬合膚腠天末說西南地形俯宇宙此溪  
路迂迴千餘里延袤紅苗種頗夥五溪名自舊三來訝



今老初至憶方幼一度一轉腸屢到屢回首想結山水  
緣多番斯飽觀聊什以一言譬鐘而莛扣澗水近湖泮  
中山逼巖岫舟行臥看山鴻濛想締構千箇如鳴鴉一  
箭先放溜雕鶚敢爭先鳬鷺瞠乎後川原在眉睫黛翠  
入衫袖五日聊領略一旬窮竟究山如碧眼顙水作靴  
紋縐或連蜷如蛇或奔走類獸或移去愚公或飛來靈  
鷲或臃腫牛腰或灣環鳥啄或屋高建瓴或飯浙蒸饌  
或疎林丹黃或石壁錦繡懸崖峭或削縉井深或磴尊  
或儼衣冠卑或伏子胥雄或插劍戟古或刻篆籀武或  
盟敢勇文或儒雅秀貧或室懸磬富或賈列購采采蓮

據梧詩集

卷三十四

小遊僊集

七

若仰鱗鱗瓦若覆軒軒屏兒奔蠢蠢熊熊仆嗽嗽巖栖  
鶴趨趨穴出狄遠近或信潮隻雙或古堠或比屬相親  
或睚眦相冠或整而復齊或弛而不收或處尊而謙或  
一往而復或石韞山輝或巷委室陋陰晴或咫尺倏忽  
或昏晝或戾若訐譖或輔若左右開牕坦或庭藏穴深  
或樞密排陣或墻錯列陳或宿旣斷復續聯將蕪再耙  
耨至于水勢雄錦江同一候綠痕搓鴨頭白波捲獅吼  
重灘象馬雄白日雷霆走淵積千年冰淺漬一麻漚舫  
船首尾尖篙師疾徐售出險在閒暇鐵篙勞指授石於  
水扼吭水於石沒脰三千射潮軍萬古爭格鬪如鋪竹

簾滑如映玻璃透如割琅玕青如飲葡萄耐如駿馬下  
坂如中庭懸雷一龍方戲水萬馬想奔廐虛谷任撼搖  
微雲看點逗誰磨青銅鏤織作吳綾皺高巒楓葉丹倒  
影雜花揉遠浦漁燈明散作春星豆可鏡不可琢可燬  
亦可漱有時溪漲肥不見石骨瘦有時水雲落竟欲探  
雲竇喧如婦勃谿疾如雨暴驟高捲擁郵傳徐行合節  
奏遠同箭穿雲急比弓脫殼一葉類簸揚三老語贊祝  
水勢太激撞人力爲補救夷險在頃刻變幻祇遲近聲  
吹天風下勢運坤軸厚倒掀崖壁崩絮厭罵婦話有時  
列瓶罌有時羅釘飯有如俯兒孫有如眷婚媾神禹鑿

據梧詩集

卷三十四

小遊僊集

八

偶遺女媧補亦漏誰越五丁開竟同郢匠鏤高者俯而  
睨卑者趨而後渴若驪龍吞狂如羣犬噬混沌幾陶冶  
化工非急就逢逢鼓鳴鼉團團帆行鸞聒耳殷殷雷濺  
衣濛濛霧記憶每未全披圖恍似遶我生苦行脚三度  
客舟僦僻居井底蛙束縛籠中鷄今得小遊仙耳目見  
聞富是亦算遭逢无咎即天祐平生溪山癖內省不吾  
疚能如罷參僧幸免再來不山靈或我許綠章乞陳又  
大哉翕闢內萬物咸在宥大塊有文章亘古自同壽荆  
州南服地包茅貢橘數土載隨刊崇碑刻岫嶮一落  
五溪蠻蒼梧未巡狩豈較嶽瀆雄因此訾訛謬猶如園

林景水石相接奏幅幅可畫圖處處堪堂構

今皇大車書一統巡所守神其時雨暘順序不糾繆農  
民安畊鑿髦士習句讀有苗格干羽戰士免介冑晦收  
穀一鍾律呂協太簇天風相扇合斯義取乎姤西南道  
坦途便若室中廟祝史擬陳詞祠官贊報侑時序迂休  
和神功厥惟懋懷柔及百神庶以慰我 后

溪行雜詩八首

九月辰沅道溪山望不窮晴巒收宿霧秋水漾斜風石  
轉丹楓麗江遙白鳥空五年畱絕域仙境忽然通

一葉乘流下千山翠作圍魚梁明夜火神廟捲靈旗石

據梧詩集

卷三十 小遊集

九

戰腥龍雨雲垂破衲鷗羣不時下吾意自忘機

一生山水癖大半在西南宦海僧行脚王途士盍簪水

痕波曉黛霜信葉朝酣翻覺茲遊快幽期取次探

垂老誇筋力山行水宿便賓鴻同伴侶宿鷺共聯拳杖

履白雲衲頭銜大地仙山川如舊識先爲故人傳

盡日蓬牕坐攤書翠色分灘聲隱隱壓氣石壁護龍紋紅

樹漁郎渡丹崖谷口雲畫圖行十日幅幅李將軍

日下四山清峰峰落照明江天亂秋色溪碓入灘聲鴉

陣背雲疾漁舟面水輕翻慙洮湍畔卜築負平生

才子千秋筆騷人九辯歌一聲長笛怨遺曲武陵多郢

水魚書近秋風瘴癘和微吟沅有芷離思擬如何

楚塞天南盡黔關水脉通人如返中國賦已入雄風沅  
水三秋碧霜楓半樹紅識途真老馬搔首問蒼穹

伏波廟

銅柱名標百戰功伏波遺廟五溪雄蕭蕭征馬盤雲際  
站站飛鳶墮水中刻鵠書傳兄子戒澤車言愧少游同  
讒來薏苡壺頭敗馬革傷心矍鑠翁

鰵船下辰沅間有懷王石人

坐少尺寸隙行無片刻靜夷坦安以流險途肆而橫百  
折隨徑紆一往勇自命舵師手眼疾篙工智力競千軍

據梧詩集

卷三十 小遊集

十

射潮強萬弩脫殼勁虎豹蹲九關雷霆喧一令迂迴不

差忒料量在握柄有時天蔚藍上下澄空映一葉點玻

璆鋪錫青銅鏡漱漱不可唾以其太綠淨荆關著色畫

烘皴老筆硬溪山供俯仰適此狂野性惜哉我獨行唱

予少和並歸以示輞川詩中畫再請

遙答趙鴻儀庚寅石鐘見懷之作

別君南浦記庚寅遙寄雙鐘句絕倫秋樹茅簷還課子  
魚羹新獻白頭人

舟行口號

秋江十日亦佳哉天遣先生放棹迴萬馬奔雷晴雪湧

一編篝火浣花開錦裝石壁移船看風入疎林落葉催  
好景恨無人領略江波和月上深杯

宿澧州

十月荆南雨未晴驅車又過澧州城洞庭葉落層波遠  
夢澤帆歸五兩輕三戶昔聞興楚國九歌何處盡秋聲  
廢祠汀渚西風岸欲采叢蘭弔屈平

公安縣

楚塞分南北重疆憶漢劉英雄聊托足封邑漫相投魚  
水君臣合風雲將相儔三分圖早定一策借荊州

公安道中

據梧詩集

卷三十

小遊倦集

十一

紅樹飽霜艷白雲銜日明天隨平楚大風入陣鴻輕茅  
屋炊煙起斜陽畫角鳴高高一片月猶照呂蒙營

荊州懷古五首

江山搖落不同時風雅真堪萬古師庾信曾居宋玉宅  
勞人今拜屈原祠江皋落木迎蘭槳野店巴渝唱竹枝  
朔氣高旌雄楚幕蕭條秋暮有餘悲

桓靈獻已墮箕裘結髦人來借一州搖櫓白衣寧厭詐  
塵兵赤壁早同仇永安無補虜亭敗入蜀誰爲養虎謀  
得失乘除無足異三分王業已無憂

太平寺主業全消同室操戈不自聊帝子降臨來北渚

湘東文史艷南朝深談老子臨戎敵忍待王公詎得驍  
北事齊周有遺恨江流夜泣石城潮

誰繆爾雅註蟲魚牘草三千古不如造化能窮多識學  
高文真繼六經餘依劉樓亦名王桀覆楚人猶說伍胥  
終古祠臺屹相並夕陽衰草盡寒墟爾雅臺王桀樓伍胥故里

江陵相業輔神宗蹇諤居然少有容何意恩仇在生死  
誰將榮辱辨奸忠負薪曲已歌優孟故吏人誰哭翟公  
二百餘年養士報漸開伐異黨同風

襄陽絕句四首

據梧詩集

卷三十

小遊倦集

十二

漢水如藍峴首青樹多千薺兩冥冥囊中一卷襄陽集  
盡日微哦對孟亭

山公日醉習家池鞭影頻欹白接羅日暮大堤人和曲  
葛疆何似井州兒

晚食槎頭果得鱸楚姬爲與鱸江鮮南來萬里真何謂  
慚愧襄陽孟浩然

萬山漢北峴山西日暮中流路杳迷兩岸層城相對出  
無人解唱白銅鞮

襄陽懷古三首

早雨暗煙浦驅車濟江汶夾道榆柳近水檣竿亞風  
物漢南佳柴門隱桑柘緬懷龐德公高風巢許駕方其

上冢回龍鸞拜牀下採藥竟不還澗草香堪藉後代孟  
襄陽五言凌鮑謝魚梁霜落外夢澤天寒夜水雲徒奉  
蒼臨風幾悲咤

羊傳鎮襄陽能墮郢人淚千載召伯棠江漢有同地當  
其語鄒湛感慨名無寄茲山待已傳歐公得其義山簡  
後鎮茲習池高陽醉舉鞭問葛彊晉人清言致名地得  
名人乃有佳事記後代無繼踵江山或爲愧躊躇復躊  
躇使我發深喟

符堅入襄陽得士一人半道安固繼流彌天以自喚鑿  
齒雖覽者了了明治亂英豪急人材使我生慕歎請自

據梧詩集

卷三十四

小遊僊集

三

郭隗始索驥勿圖按

宿樊城雨

孤館寒燈夢不成閒關萬里去朝京寒更欲咽秋蟲寂  
獨宿樊城聽雨聲

南陽懷古六首

漸臺人嗜鯁魚嘗改臘徒滋文母傷豈意眞人生白水

重攜帝紐入珠囊平生謹厚異隆準再世中興比少康

列將雲臺圖畫裏一時豪傑盡侯王

光武

耕莘釣渭志伊姜管樂相儔亦自傷出處已知非草草

君臣相遇自堂堂三分定策風雲合兩表興師謨誥詳

若使中山無帝胄終吟梁父臥南陽

諸葛臥龍用

飄飄持節極西陲大宛名駒漢使求衛霍餘威眞大

蕭曹開國只通侯諸戎傳譯中朝貴萬里乘槎八月秋

空使烏孫怨黃鵠玉門誰獻月支頭

博望

楚葉當年聞好龍墻垣溷厠盡圖蹤何期一日眞龍下

駭汗相流少地容世上好名皆此類人間虛藉漫相從

請君試拭雙瞳子牝牡驪黃莫誤逢

某邑

試向居人問舞陽樊侯遺跡弔蒼茫椎埋不敢伍韓信

帶盾何難瞋項王勇槩自然成壯士全功猶幸托椒房

何妨祿產俱誅却坐使朱虛斬酒亡

舞陽爲樊  
繪封邑

據梧詩集

卷三十四

小遊僊集

四

驅車落日渡河隄古戍征輪畫角催馬首獨迎賓鴈至

獵徒歸去臂鷹來六朝綺麗雄文筆一代風騷擅賦才

此地舊傳庾信里鄉關搖落暮山哀

庾子山  
新野人

貴人鄉

娶婦須如陰麗華女生得嫁帝王家至今茅屋農家女

也學新妝插鬢花

汝墳橋

鞭絲帽影路迢迢朔吹迎人似捲潮兩月行程秋色裏

征人又過汝墳橋

宿鄭州境用王右丞宿鄭州韻

朝從許田行午未鄭州宿川原極莽蒼津路問御僕漆  
涓水清淺榆棗樹平陸獵回鵬犬閒門呼牛羊牧策馬  
去行行炊煙出茅屋緬思東臯畔禾黍秋已熟獵酒沽  
前村寒花被空谷君詩子寫照窮邊徇微祿窮邊徇微祿右丞句

### 渡黃河

北風連夜號急雨洗河壤前行越大川中原極莽蒼舟  
子鼓柁行風帆互下上豈著先鞭趨聊快擊楫賞昔時  
梁晉爭椎牛萬軍饗南行包宛鄧北走阨上黨千年古  
戰場陳蹟一以往長嘯答波聲澄清勞寤想

### 據梧詩集

卷三十四

小遊集

十五

### 衛城行

衛城蒼莽沙水齧驅馬十月天飛雪北風如刀馬不前  
行人鼻漸鬚蟬磔從來沫土名朝歌北太行麓南大河  
聿封康叔考周誥齊救晉伐勞兵戈遠環史魚兩君子  
彌瑕孫賈亦徒爾奇正兵傳吳起書智愚聖識審武美  
三復風人賦載馳泉源洪水繫人思誰謂靡風盡桑濮  
栢舟自有共姜詩

### 宜溝驛沽酒作

北風三日號同雲密少空樹頭僵自鳴水脚澁暗送兀  
兀羸輿中急雪打腮縫惟有遠行詩絕少還鄉夢僕夫

帽擁絮指直不能動行行歷鄭衛去去遠梁宋風雪渡  
河來此景誰與共因想孟襄陽驢背吟踏凍前行得酒  
帘市人一笑闕沽以破寒威陶然酒德領漸復發吟思  
喜聽滴鄰甕零遠雖苦寒詩料頗充棟

### 宿洪縣

途長誰念故人存土銍茅檐破帽溫今日天涯季行役  
寒風小雪阻洪門

### 謁先賢端木子祠次碑刻遂寧張太宰韻

先賢遺塚大伾陽祠廟巍然列栢芳禮樂尊師百王遜  
宮牆自下聖門光心喪廬瀝三年淚言語科傳十哲香

### 據梧詩集

卷三十四

小遊集

十六

侃侃肅瞻賢氣像守先待後有津梁

### 鄴中懷古五首

征西表墓署將軍漢室河山鼎足分自爾奸雄挾天子  
何當天命比周文蛾眉絕代供臨檻樓閣三臺並切雲  
誰與陳思才八斗宓妃鏤枕待夫君曹魏

丞相高歡賀六渾沈河一戮遍諸元披猖龍子無臣禮

哀楚徂公少弟恩俱高澄高洋狂暴事仁壽千門包第宅深宮一

曲市貧村晉陽城陷尋常事且待妝成與再論高齊

快圖痛飲入黃龍和議潛成巧忌公鐵馬夜鳴悲大將  
繡旗風颭表孤忠青城五國塵沙裏衰草諸陵涕泗中

獨有臨安一片月清光還與毳廬同湯陰岳武穆故里

銅駝荆棘洛爲涯石虎驕恣鄴作家傑閣連橋聞紫陌

離宮別殿說瓊華紫陌樓瓊華宮皆石趙所建霸圖十九邊塵暗寰

宇縱橫戰鼓揭坐使神州陸沈歎新亭風景重谷嗟石虎

都鄴十九年

日落遙看神麝山羗村蘭蓼重躋攀迴車曲巷忘嫌日

碎壁秦庭睨柱閒讓以能容全趙室勇兼多智出函關

史公一傳堪千古欲采溪毛路阻艱磁州羗村蘭相如墓

### 曉霧渡漳河

霧淞音宋連霜樹白頭犯寒客子濕衣裘宓妃冉冉凌波

據梧詩集 卷三十四 小遊僊集

遠銅雀臺空水自流

### 邯鄲盧仙祠六首

隻手兼提將相權燕然勒績紀何年人生何處非成夢

一夢如斯豈偶然

杖放行包笠卸肩道人安穩破牀眠百城煙水雲遊盡

畱與人參定後禪

不須將相珥金貂那羨承明待漏朝八十無愁常對酒

便如百六十花朝

臨川曲調是微詞可悟鐘鳴漏盡時好事人傳盧與呂

邯鄲道上有仙祠

贈君一枕夢荒唐唐苦樂窮通且試嘗我小遊仙來北闕

主人姑爲煮黃粱余自演朝京同官周鐵門曰君此行聊作小遊仙矣因以名集

槐安一夢擬如何擾擾浮生似轉磨定有僊人北牕下

看他行蟻上南柯

### 豐樂鎮曉行

澄水潺潺洛水流清陰夾道柳凝眸海天明處朝霞起

一路雲山入冀州

### 磁州北郭外

荻岸收秋潦鳬叢暗稻畦風撩澄水北山壓太行西野

外鐘何處雲中鴈不齊長堤堪極目衰柳日淒迷

據梧詩集 卷三十四 小遊僊集

### 過趙雜詩六首

跼犬提烹促刺通鬼空鳥盡歎藏弓栢人不宿又心動

殆矣當時隆準公

拔幟功成背水師英雄同見識兵機猶從廣武殷勤請

此事能爲國士稀

齒冷交情說耳餘克終鮮得善如初今時何限張陳輩

使我長嗟爲廢書

垂老蠻天又比馳趙州偶過繫人思世間若有平原勝

願質征衫買繡絲

駛雪詩豪坐北樓太行了了入簾鉤何時再乞王維筆

畫我河山萬里遊庚辰冬真定寓樓望太行山雪囑石谷圖卷

年來枯坐悟前生我已忘吾慰此身俗念未除行脚累  
征衫又惹洛陽塵

曉行謠二首

雞初鳴矣天未明僕夫秣馬催宵征星河歷歷尋古道  
北風捲地折枯草高岡衰柳添風聲前行後行聞鐸鳴  
東方暎暎星一箇舉頭仰視當空大

束裝朝朝迎日出卸馱日日背日入日出日入征塵多  
途長悠悠將奈何我來絕域自天盡馬蹄得得東風引  
滇黔兩楚豫冀燕已見初月三上弦

據梧詩集 卷三十四 小遊僊集 九

天雄道中奉寄蔣揚孫宮恕堂繆湘芷徐大臨吳  
荆山李巨來張匠門令昆季樸村章哉周策銘  
錢亮工惠仲儒查潤木郭于宮諸先生四首

遊仙偶夢覲楓宸依舊窮邊作遠臣萬里識途慙老馬  
經年行脚歎勞薪掉頭且狎烏蠻子企足欣瞻閭苑人  
卸馱征衫勤拂拭軟紅猶戀洛陽塵

高齋椿樹共清尊文飲雍容笑語溫學士文章聲價重  
名人詞賦古風存蠻箋十幅詩清怨旅夜初程曲愴魂  
朔雪南雲相望處何時載酒竊餘論臘月二日匠門先生招同諸名下大

會寓

五年兩度過滇雲江海真爲汗漫行無待檄書堪諭蜀  
漫言樂職遠朝京雪殘征馬無邊去春老啼鴉倍入情  
蠻語參軍將自署又聽衙鼓臥邊城

此行曾喚小遊仙瑤島瀛洲一夢閒去去杖惟攜笠屐  
行行身已落雲山九州縹緲今過半荆梁豫兗揚冀徐青已歷八州矣

一鶴離襟日望還翹首蓬萊雲五色莫辭音問到邊關

寄懷劉蔚岡太史二首

驅車秣馬笑無因藜閣相依宴語親浪說兩州三令尹  
何如萬里一歸人程朱易象天心得濂洛書源理窟真  
染翰鳳凰池上客退朝花底望鴻鱗

據梧詩集 卷三十四 小遊僊集 十

遊子將歸歲欲更天寒霜雪鴈同賓鬼方悵我五年別  
帝里逢君一月親犢鼻著來書諭蜀碧雞求去賦通神  
詩成若示滇池長休說江南十五人

馬車行

南人水國便使船北人陸地多使馬風帆恰如馬馳驟  
駕轅巧似船上下我從蠻地來燕雲行盡牝嶺穿狽羣  
歛船東下疾於駛一箭放溜千犀軍羸輿兀兀荆襄路  
溪橋野店飄紅樹傍人笑我苦吟哦道是書生窮態度  
京華雪後徒步難西鄰借馬能朝天自陳邊荒一末吏  
胸臆未訴重瞳前社侶西勾相祖餞期我三年重會面

琅玕句贈篋堪盈驪駒曲罷音猶戀翻然南去上征車  
旗亭酒旆揚風沙去去故人重回首行行遊子苦思家  
男兒五十猶卑位車前那有八騶騎羣公衮衮滿天關  
一官重落西南治轍跡縱橫將八州北乘車馬南乘舟  
河淮江漢盡眼底乘興重尋萬里遊

感懷二首

第五名齊驃騎閒故交衮衮盡清班蠻中小吏趨丹陛  
天外寒吟霽 聖顏幸折柳絲胎遠客苦思梅蕊戀家  
山自傷骨格風塵老那倩丹青入廡閑

卅年州縣困官曹南朔應傷倦羽勞小沐假噓來萬里

據梧詩集

卷十四

小遊僊集

主

羨聞好語祝三刀老來鄉國時縈夢行矣江山亦自豪  
東望驅車重搔首遙天空見鴈行高

望岱二首

蒼莽東行望岱宗峨峨天半插芙蓉漢碑屹並千尋栢  
秦爵封畱五樹松白雪有無周四角青蓮開闔只中峰  
忽忽車馬歲將暮稍待春風漫倚筇  
飽看山水落南蠻犖確東來見亦頑猶記奇篇雄李杜  
恨無老筆做荆關齊煙九點雲明滅海嶽羣真夜往還  
玉檢金泥封禪地去天一握阻躋攀

望岱歌

北風三日晝飛雪岱宗素色半天別陽消陰積互曉寘  
一峰玉立一峰青炳靈宮對延禧殿唐槐漢栢昨曾見  
霜根蚴蟉高蔽雲龍紋瑣碎寒紛霰其餘列栢俱我我  
或肅冠珮垂珥戈豐碑史籀百仰視大鼎歲月三摩掌  
過景斜臨如舊識山靈爲我霽顏色登頃常依驂服勞  
目竊還藉玻瓈力漢家衛霍封狼胥天山五道圍單于  
主父正上兵事策司馬無煩封禪書

打水行

冬至半月狂朔風雪花如掌淮西東黃河渡頭連天黑  
一夜銀河成素色估客停舟不得移河伯娶婦宮馮夷

據梧詩集

卷十四

小遊僊集

主

始聽颼颼沙底急漸見銀波鎔百尺上下平鋪萬千頃  
其物禽獸盡白色用封禪書語南行萬里復驅車馬滑霜凝  
曉月初霜髭懸珠風裂面問津乞火依蓬廬長淮清流  
渡不得津吏停舟客歎恩復勞征馬走淮壖天寒鄉國  
歲將闋官符急下催打水里正擊鼓聲登登千椎萬杵  
齊助力尺璧寸寶相推騰龍宮蛟寢一何喜玻瓈爲幃  
玉作裏斷盡帆檣十日行水面月輪吹不起日落霜寒  
放棹輕流漸兩岸珮環聲誰譜伊川吹水調梅花玉遂  
故園生

重興集旅次



迢遞淮南路羈栖旅客身霜凝打霧淞日駁漏魚鱗風  
雪悲遊子詩篇憶故人謂匠門前君子江南將歲暮歸及故園

春

渡江詞三首

打包行脚老僧頑煙水雲遊未暫閒今日渡江先一笑  
已從篷底見金山

淮陰水合重尋馬瓜步闌停又換舟問訊潮頭揚子渡  
一帆煙雨御風遊

春山眉鎖急湍迴雨景南宮六幅開萬里歸人正除夕

一天風雨渡江來

據梧詩集十五卷

兩淮馬裕家藏本

國朝管楡撰楡有師宗州志已著錄是編凡吹萬集

二卷柏軒草二卷修琴閣集二卷鷗馴集二卷天

外集二卷圃華集二卷寓檠稿三卷邵長蘅序稱

其詩先學劍南後學少陵今觀所作大抵先入者

爲主也